





K. IV 17











VEN. VIRI  
THOMÆ MALLEOLI  
à  
K E M P I S  
CANONICI REGULARIS

Ordinis D. Augustini,  
DE  
IMITATIONE CHRISTI  
LIBRI QUATUOR  
EDITIO NOVISSIMA,  
*Cui accedit*

Scutum Kempense seu Vindiciæ VI. Librorum  
*De Imitatione Christi,*

*Nova & prima ad Protographum excusa,*  
Authore

A. R. D. EUSEBIO AMORT,

Canonico Reg. Pollingano.

*M. Mesthisi  
vno. a. c. Hoon  
Lipsius Jaco  
De Tolli  
Canonico Cate*



*com. Hoon  
Bibliotheca  
Marii Tecton  
O. S. Benedicti  
oblatum  
1836.*

COLONIÆ AGRIPPINÆ,

Sumptibus HENRICI ROMMERSKIRCHEN, Bibliopolæ,

ANNO M.DCCXXVIII,

Permissu Superiorum.



THOMAS WATSON

K E M P S

CANONICAL

IMITATION

OF THE

BOOK OF

PSALMS

BY

JOHN

WATSON

OF

THE

UNIVERSITY

OF

OXFORD

PRINTED

BY

JOHN

WATSON



# PRÆMONITIO AD LECTOREM

*Quomodo hi libelli cum fructu legendi.*

Idem de aliis quibuscumque piis Libris accipe.



1. **C**ertum quotidie tempus huic pie lectioni præfige, illudque inviolabiliter, quoad fieri potest, observa. Si iusta occupatio horam statutam occupat aut surripit; proxima illud recupera. Nonne, cum certum quotidie tempus, idque satis libenter & largè detur corpori per cibum, somnum, recreationem, &c. reficiendo, par erit & anima, tanto digniori, aliqua temporis portio non negetur?

2. Prepara animam tuam ad lectionem imprimis purâ intentione, quâ solum anima tua profectum queras; deinde brevi mentis elevatione, quâ roges donari tibi cœlitus lumen intellectus, sem gratiam, quâ capax fiat animus rei lectæ; ut cognoscas, quid Deus requirat à te; unâ cum serio proposito, cognitam Dei voluntatem exequendi. Huic preparationi aptissimam Formulam tradidit ipse Thomas noster lib. 3. cap. 2. quam proinde pie lectioni semper præmitti suadeo.

3. Non cursim & festinanter, uti supra quoque ad Lectorem monuimus, sed tractim, scriò, & magna cum attentione legendum. Cum debita mora, inquit recens pius auctor, & quiete interposita, ut divina illustrationi sit locus, subinde parumper subsistendo, lecta recoleudo, & quâ ratione in praxin reduci possint, dispiciendo. Porro certa & ordinata sit lectio, vaga & desultoria fuge. Fastidientis stomachi est multa degustare; nulli certo ferculo acquiescere. Siquinatur magis corpus quàm alitur. Ex ordine itaque lege librum, quem sumpseris legendum. Illa tamen qua te magis concernunt, & affectus moresque tuos propius attingunt, sapius relegere nihil vetat, imò proderit plurimum; maximè si particulare Examen adjunxeris.

4. Pios affectus lectioni congruentes elicere stude. Aliàs inanis erit lectio, qua quidem intellectum illuminat, sed affectum non inflamat. Ideoque inferenda subinde pia aspirationes ad Deum, qua petatur gratia exequendi qua legis. Proposita etiam practica formanda, qua lectioni respondeant. Quin & illustriora quedam dicta, vel monita selige, ac repone in ventrem memoria, qua subinde rumines ac expendas; vel qua tanquam sagittas è pharetra opportunè, cum usus feret, depromas contra tentationem, hoc, vel illud vitium, quo magis laboras, &c. vel qua tanquam calcavia virtutis, humilitatis, patientia, divini amoris, &c. adhibeas.

5. Claude lectionem brevi aspiratione ad Deum, ut semen in terram cordis tui jactum servet, ac fecundet, ut fructum in tempore suo proferat. Porro ne hac fastidias, quasi magno temporis impendio consent; scito momento panè, & unico mentis suspirio ista fieri posse. Quod si tamen mora nonnulla opus; ne pigeat: nullibi melius tempus collocaveris. Vide quam in aliis multis rebus, vanis sape, & parvi momenti, nulla nobis gravis sit mora.

Has legendi leges si diligenter observent hujus de Imit. libelli lectores, Christus deinceps foris plures habebit imitatores.



# ELOGIA

Hicce THOMÆ de KEMPIS Libris ab Illustribus sanctitate & doctrinâ Viris attributa.

## S. IGNATIUS Societatis Jesu Fundator.

**I**S, *Teste Orlandino*, Hieronymum Natalem, quo die primum receptus est, monuit, ut quotidie caput ex hoc libello, in quo meditaretur, legeret: tum alia capita, ut necessitas vel infirmitas postulare. Idque dixit B. Pater cum mirifica (uti semper solebat) laude ejus Libelli: addens, fore, quod in se ipse quidem esset expertus, ubi etiam fortuitò aperiret, ut quæ præsentī necessitati convenientia essent, occurrerent. *In Hist. Societ. part. 1. lib. 5.*

Nec minus, quod aliis suadebat faciendum, ipse præstabat. Testatur LUDOVICUS GONZALEZ, solitum fuisse S. Patrem quotidie unum caput ex libello THOMÆ de KEMPIS (qui tunc quidem censebatur esse Joannis Gersonis) legere, eo quo posita sunt ordine: à prandio alterum quodcumque fortuita libri apertio obtulisset, semperque in eo invenisse, quod præsentī animæ statui congrueret: adeoque tam ei familiarem fuisse libellum, ut hujus documenta in illius moribus, verbis, & actionibus quasi spectare liceret. *Ita testatur LUDOVICUS GONZALEZ, qui Joannis III. Lusitania Regis jussu B. Ignatii vitam ac mores studiosius observaverat: in Actis quæ M. S. Romæ extant in domo Professæ.*

*Idem confirmat PETRUS RIBADENEIRA l. 1. c. 13. Vit. S. P. IGNATII, ubi sic habet:*

**T**HOMÆ de KEMPIS de Imitatione Christi Libello plurimum tum utebatur, illiusque lectionem valde semper probavit: atque illius Libri spiritum, & doctrinam hausit, tam avidè arripuit, tam perfectè in se expressit: ut (multorum judicio) Ignatii vita solida quædam, eminens, ac viva esset imago, eorum præceptorum omnium, quæ aureo illo Libello continentur.

## CARDINALIS BARONIUS.

**F**ABIANUS JUSTINIANUS, è *Congreg. Orat. Episcopus Adarcensis lib. 2. pag. 1.* de sacro Concione, loquens de Thoma nostro, ita scribit: Libellum de Imitatione Christi, quem ceteris omnibus privatæ authoritatis præferendum ab iis, qui vitæ spirituali dant operam, cum viris gravissimis sentio. Sanè illustrissimum BARONIUM inter ævi nostri doctissimos juxta ac piissimos, nulli doctrinâ, nulli pietate secundum, non semel dicentem audiavi, à nemine erga divina bene affecto, sine spirituali profectu aliquando legi posse. Ita ille,

CAR-



CARDIN. BELLARMINUS  
*Lib. de Scriptor. Eccles. ita de hoc libello loquitur.*

**O**pusculum est utilissimum, & jure in tota Ecclesia summo omnium consensu, receptum, & frequentatum, & in omnes linguas conversum. Ego certè ab adolescentia, usque ad senectam, hoc Opusculum sapissime volvi & revolvi: & semper mihi novum apparuit, & nunc etiam mirificè cordi meo sapit.

JOANNES VENDVILIUS,  
Episc. TORNACENSIS.

**I**s quoties Thomam à Kempis sibi deposceret ad legendum, ( quod indies factitabat ) non alià voce, quàm DA LIBRUM καὶ ἐξοχλῶν utebatur. Ita testatur Heribert. Rosvveidus.

LUD. GRANATENSIS,  
*Illustris ex Ord. Prædicat. Ecclesiastes, Scriptor, & Spiritualis vitæ  
Magister.*

**H**ic in Prefat. ad hosce libellos in Hispanicum idioma à se conversos mirus & multus est in eorum encomiis. Longum esset adferre singula: vix tamen abstinco quin hæc pauca.

Censet librum esse omni laude ac fama majorem; ut post audita quantalibet ejus encomia, si ipse experiri velis, cogaris dicere cum Regina Saba: *Major est sapientia, & operatua, quàm rumor, quem audiivi.* Tu ipse Lector, inquit, fac periculum, proba, tange, gusta, videbisque vim verborum, & manna comedes, in quo omne genus saporis; ut olim Israëlita, reperies. *Et post pauca ostendit, hic esse quasi Alexipharmacum contra omnes morbos animæ; Additque, immensam Dei providentiam agnosci in hoc libello, ut qui tam paucis, sed spiritu plenius verbis tam multa suggerit ad eam efficaciam ad movendum cor hominis, &c.*

*Demum concludens ait: Ut ergo eum circumferas, sinuque gestes assidue, excudendum parvâ & commodâ formâ curavi, ne esset oneri, qui lectus ipse molestus non est, habeatque fidum viæ hujus vitæ comitem, solamen in adversis, doctorem ducemque in dubiis: Artem praximque rectè orandi hinc haurias, ac piè vivendi normam, nec non bene beateque moriendi scientiam.*

Quamobrem amicum hunc recipe, nec à latere tuo dimitte, semel lectum, iterum iterumque relege; non enim tædium adferet ejus lectio, mihi crede, quin decies repetita placebit, & in verbis licet eisdem, nova semper occurrent, videbisque divini spiritûs indolem, qui numquam exhauritur. Accipe munus hoc grato animo, quod Deus immensa bonitate nobis contulit, eoque in commodum tuum utere & frui. *Hæc Ludov. Granat.*



## BALTHASAR ALVAREZ

è Societate Jesu.

*Ejus viri sanctitate celebris præclaram de hoc libello existimationem Ludovicus de Ponte, & ipse perquam religiosus scriptor commemorat his verbis.*

**E**jus sententiis frequenter utebatur in Exhortationibus, eò quòd cordi adherescant, Deusque illas imprimat bono affectu legentibus. Et cùm esset Visitator Provinciæ Aragoniæ, fecit, ut in ea agnoscerent ejus libri usum; cujus emolumentum experienciâ illi perceperunt, invenientes singuli, quacunque ex parte eum aperirent, quod animæ suæ conveniebat. *In vita P. Alvarez.*

## JULIUS NIGRONIUS

è Societate Jesu.

**L**ibellus hic, *inquit*, videtur mihi continere succum totius vitæ spiritualis, ac compendium perfectionis, quintam, ut ita dicam, essentiam religiosæ vitæ ac sanctitatis, diurnæ meditationis alembico per virum experientissimum expressam, tum ex aliis spiritualibus libris, tum ex unctiōe Spiritûs sancti. *Mox verba Senecæ Epist. 54. Nescio quem Sextii Stoici librum commendantis usurpat, eaque Thomas nostro verius applicat: Quantum in illo vigoris est? quantum animi? hoc non in omnibus Philosophis invenies. Quorundam scripta clarum tantum habent nomen, cætera exsanguia sunt, instituunt, disputant, cavillantur, non faciunt animum, quia non habent; cùm legeris Thomam, dices, vivit, viget, liber est, supra hominem est, dimittit me plenum ingentis fiduciæ. In quacumque positione mentis sim, cùm lego hunc, ( fatebor tibi ) libet omnes casus provocare. Verissimè. Tract. 5. Ascet. cap. 3. n. 15.*

LUDOVIC. MOLINA è Societate Jesu,  
*celebris Theologus.*

**H**ic nullis occupationibus se præpediri sinebat, quin quotidie unum caput hujus tam præclari libelli legeret; ut tradunt annuæ litteræ Anni 1600. in Collegio Madritano.

## AUCTORES DIRECTORII EXERCITIORUM

*Societatis Jesu.*

**H**i tanti æstiment hunc Librum, ut eum unum legi permittant ab eo, qui facit Exercitia in Hebdomada prima, quo tempore quævis alia lectio interdicitur. *Direct. Exercit. cap. 3. parag. 2.*

GEOR-



GEORGIUS MAYR, è Societate Jesu.

*Qui hosce libellos in Græcam linguam transfudit, ita scribit ad Claud.  
Aquavivam Præpositum Generalem.*

**I**N tanta piorum libellorum copia vix ullum extare arbitror, quem tanto studio universa Societas nostra jam inde à sui primordio complexa sit, atque illum *de Imitatione Christi*, neque injuria. Probe enim novimus B. Ignatium Loyolam, nostrum omnium Parentem ac Ducem, non solum magnificè de eo sensisse, sed quotidiano usu lectioneque familiarissimum eum sibi; filiis verò suis quoniam quem ipse ex eo progressum hauserat, non minorem in iis volebat, sperabatque commendatissimum reddidisse: ut suo exemplo illius non minus doctrinam avidè, quàm Spiritum sanctè, perfectèque vivà quadam imagine in se ipsi exprimerent. Quo sanè consecutum videmus, ut Societas nostra, dum Orbem propè universum pervadit, aureum hunc Libellum circumtulerit, ejusque amorem magnis æquè ac parvis, tam in sæculi patentiori agro, quàm Religionis paradiso agentibus instillarit, usumque singularem summo omnium quæstu commendarit. Eo quidem opportunius, quod mirabili Dei providentiâ in tot, tamque variarum nationum ubique extra Europam sparsarum linguas translatus sit.

Cæterum plures docti, gravesque viri, non solum Ordinis nostri, sed alii quoque persæpe mirati sunt, hunc pium Auctorem tot Gentium, etiam Barbararum, linguis tanta cum utilitate nunc loquentem, apud solos Græcos hæctenus tacuisse: eum hæc tamen lingua tam ob suam præstantiam, quàm in cæteras linguas, ac scientias collata beneficia, eum sibi præ aliis jure vindicare posse videri queat. Quare non tam meo more, quo hanc linguam à puero me profectum esse non invitus fateor, quàm aliorum, in primis verò Patrum nostrorum hortatu, eum interpretandum suscepi.

## REX MAURITANIÆ

EX HENRICO SOMMALIO

Societatis Jesu Sacerdote.

*In Epist. ad Leonardum Bettenium Cænobii S. Trudonis Abbatem.*

**Q**Uanta sit hujus Libelli dignitas, quâ se omnibus longè, latèque probavit, vel ex hoc liquido patet: quòd post sacros Codices nullus tam crebro typis fuerit excusus, nullus tam cupidè ab omnibus expeditus, ac lectitatus, à summis, mediis, infimis: nullus, qui in tam varias sit linguas transfusus, atque omnium calculis approbatus. Referam hic, quod nisi gravissimis testimoniis niteretur, incredibile videri posset.

Cùm quidam è nostra Societate Jesu, ante annos plus minus duodeviginti, Argirium Mauritanix profectus fuisset, pretium redemptionis captivorum laturus;  
Rex,



Rex, qui aliquando Christianus fuerat, eum in suam duxit Bibliothecam; variâ librorum suppellectili instructam. Varios hic ille Codices visendos porrigit, atque in his Libellum de Imitando Christo, vulgari Turcarum linguâ conversum. Adjecit autem pluris se unicum illum facere, quàm reliquos omnes Mahumetanorum.

Supervacaneum hic esset percensere mirabiles, ex hujus Libelli lectione, animorum metamorphoses, innumerasque eorum conversiones, quos ad arctam salutis semitam, & via lata, & spatiosa, traduxit: præsertim cum & illa plerisque notæ sint; & proclive sit cuique in semetipso experiri, quæ, quantaque mutatio dexteræ Excelsi, si vel leviter ejus doctrinam delibaret, mox consequatur. Audivi ego non rarò, viros optimos, & in Auctorum optimorum lectione diu multumque versatos, qui de hoc Opusculo dicerent: se, cum inæstitiâ animi, vel molestiis aliis afflicti, affectique fuissent, subito lectione unius modò Capitis, in quod fortè incidissent, mœrorem omnem absterxisse; animumque à molestiis avocasse. *Est post nonnulla*: Fidenter siquidem, & magna cum omnium approbatione assevero: In hoc Auctore totius Christianæ Philosophiæ compendium contineri.

HERMANNUS HUGO  
è Societate Jesu.

**M**ultos dicere frequenter audiivi, solitos se ex libello Thomæ à Kempis fortuita lectione quærere in mœrore consolationem, neque ferè unquam falli. *Lib. de Orig. scrib. cap. 29.*

Plura congerere non fert loci præsentis angustia, sed nec opus, quando ipsa experientia, certissima rerum magistra, sat locuples testimonium exhibet.



THOMÆ





THOMÆ à KEMPIS,  
CANONICI REGULARIS ORDINIS

S. AUGUSTINI

DE IMITATIONE CHRISTI

LIBER PRIMUS.

ADMONITIONES AD SPIRITUALEM  
VITAM UTILES.

CAPUT I.

*De Imitatione Christi, & contemptu omnium Vanitatum  
Mundi.*

1. 1.  
Joan. 8.

**Q**ui sequitur me, non  
ambulat in tenebris:  
dicit Dominus. Hæc  
sunt verba Christi, quibus ad-  
monemur, quatenus vitam e-  
jus & mores imitemur, si veli-  
mus veraciter illuminari, & ab  
omni cæcitate cordis liberari.  
Summum igitur studium no-  
strum sit, in vita Jesu Christi  
meditari.

*Thoma à Kempis de Imitat.*

2. Doctrina Christi omnes 2.  
doctrinas Sanctorum præcel-  
lit: & qui spiritum haberet,  
absconditum ibi manna inve-  
niret. Sed contingit, quòd  
multi ex frequenti auditu E-  
vangeli, parvum desiderium  
sentiunt, quia spiritum Christi  
non habent. Qui autem vult  
plenè & sapidè Christi verba  
intelligere, oportet ut totam  
vitam



vitam suam illi studeat conformare.

3. Quid prodest tibi alta de Trinitate disputare, si careas humilitate, unde displiceas Trinitati: verè alta verba non faciunt sanctum & iustum, sed virtuosa vita efficit Deo charum. Opto magis sentire compunctionem, quàm scire ejus definitionem. Si scires totam Bibliam exterius, & omnium Philosophorum dicta, quid totum prodesset sine charitate Dei & gratia? *Vanitas vanitatum, & omnia vanitas*, præter amare Deum, & illi soli servire. Ista est summa sapientia, per contemptum mundi tendere ad regna cælestia.

1. Cor. 1.

Eccles. 1.

4. Vanitas igitur est, divitias perituras quærere, & in illis sperare. Vanitas quoque est, honores ambire, & in altum statum se extollere. Vanitas est, carnis desideria sequi, & illud desiderare, unde postmodum graviter oportet puniri. Vanitas est, longam vitam

optare, & de bona vita parum curare. Vanitas est, præsentem vitam solum attendere, & quæ futura sunt non prævidere. Vanitas est, diligere quod cum omni celeritate transit, & illuc non festinare, ubi sempiternum gaudium manet.

5. Memento illius frequenter proverbii: *Quia non satiatur oculus visu, nec auris impletur auditu*. Stude ergò cor tuum ab amore visibilium abstrahere, & ad invisibilia te transferre. Nam sequentes suam sensualitatem, maculant conscientiam, & perdunt Dei gratiam.

Eccles. 1.

## CAPUT II.

*De humili sentire sui ipsius.*

1. OMnis homo naturaliter scire desiderat; sed scientia sine timore Dei quid importat? Melior est profectò humilis rusticus, qui Deo servit, quàm superbus Philosophus, qui se neglecto, cursum cæli considerat. Qui bene se ipsum cognoscit, sibi ipsi vilescit,

1.

Eccles. 1.  
& Arist.  
lib. 1. metaph. c. 1.



nescit, nec laudibus delectatur humanis. Si scirem omnia, quæ in mundo sunt, & non essem in charitate, quid me juvaret coram Deo, qui me judicaturus est ex facto?

2.

1. Cor. 8.

2. Quiesce à nimio sciendi desiderio, quia magna ibi invenitur distractio & deceptio. Scientes libenter volunt videri, & sapientes dici. Multa sunt, quæ scire parum vel nihil animæ profunt. Et valde insipiens est, qui aliis intendit, quàm iis, quæ salutis suæ deserviunt. Multa verba non faciunt animam; sed bona vita refrigerat mentem: & pura conscientia, magnam ad Deum præstat confidentiam.

3.

3. Quantom plus & melius scis, tantò gravius inde judicaberis, nisi sanctius vixeris. Noli ergò extolli de ulla arte vel scientia; sed potius time de data tibi notitia. Si tibi videtur, quod multa scis, & satis benè intelligis; scito tamen, quia sunt multò plura, quæ ne-

scis. Noli altum sapere, sed ignorantiam tuam magis facere. Quid te vis alicui præferre, cum plures doctiores te inveniantur, & magis in lege periti? Si vis utiliter aliquid scire, & discere, ama nesciri & pro nihilo reputari.

4. Hæc est altissima & utilissima lectio, sui ipsius vera cognitio & despectio: De se ipso nihil tenere, & de aliis semper benè & altè sentire, magna sapientia est & perfectio. Si videres alium apertè peccare, vel aliqua gravia perpetrare, non deberes te tamen meliorem æstimare; quia nescis, quàm diu possis in bono stare. Omnes fragiles sumus, sed tu neminem fragiliorem te ipso tenebis.

Rom. 12.

4.

Genes. 8.

## CAPUT III.

*De doctrina veritatis.*

1. **F**elix, quem veritas per se docet, non per figuras & voces transeuntes, sed sicuti se habet. Nostra opinio, & noster sensus, sæpè nos fallit, &

1.

Psal. 93.



*Ecclesi.* 3. modicum videt. Quid prodest magna cavillatio de occultis & obscuris rebus, de quibus nec arguemur in iudicio, quia ignoravimus? Grandis insipientia, quod neglectis utilibus & necessariis, ultrò intendimus curiosis & damnosis: *Psalm.* 113. oculos habentes non videmus.

2. Et quid curæ nobis de generibus & speciebus? Cui æternum verbum loquitur, à multis opinionibus expeditur. Ex uno verbo omnia, & unum loquuntur omnia: & hoc est principium, quod & loquitur nobis. Nemo sine illo intelligit, aut rectè iudicat. Cui omnia unum sunt, & omnia ad unum trahit, & omnia in uno videt, potest stabilis corde esse, & in Deo pacificus permanere. O veritas Deus, fac me unum in charitate perpetua. Tædet me sæpe multa legere & audire: in te est totum quod volo & desidero. Taceant omnes Doctores: sileant universæ creaturæ in conspectu tuo, tu mihi loquere solus.

3. Quantò aliquis magis sibi unitus, & interiùs simplificatus fuerit: tantò plura & altiora sine labore intelligit, quia desuper lumen intelligentiæ accipit. Purus, simplex, & stabilis spiritus, in multis operibus non dissipatur, quia omnia ad Dei honorem operatur, & in se otiosus ab omni propria exquisitione esse nititur. Quis te magis impedit, & molestat, quàm tua immorificata affectio cordis? Bonus & devotus homo, opera sua priùs intùs disponit, quæ foris agere debet. Nec illa trahunt eum ad desideria vitiosæ inclinationis; sed ipse inflectit ea, ad arbitrium rectæ rationis. Quis habet fortius certamen, quàm qui nititur vincere seipsum? Et hoc deberet esse negotium nostrum; vincere videlicet seipsum, & quotidie se ipso fortiozem fieri, atque in melius aliquid proficere.

4. Omnis perfectio in hac vita, quandam imperfecti-

3.

*Matt.* 11.  
*& Luc.* 10.

4.

nem



nem sibi habet annexam : & omnis speculatio nostra, quâdam caligine non caret. Humilis tui cognitio certior via est ad Deum, quàm profunda scientiæ inquisitio. Non est culpanda scientia, aut quælibet simplex rei notitia, quæ bona est in se considerata, & à Deo ordinata : sed præferenda est semper bona conscientia, & virtuosa vita. Quia verò plures magis student scire, quàm bene vivere : ideò sæpè errant, & penè nullum vel modicum fructum ferunt.

5. 5. O si tantam adhiberent diligentiam ad extirpanda vitia, & virtutes inferendas, sicuti ad movendas quæstiones : non fierent tanta mala & scandala in populo, nec tanta dissolutio in cœnobiis. Certè adveniente die judicii, non quæretur à nobis, quid legimus, sed quid fecimus : nec quàm bene diximus, sed quàm religiosè viximus. Dic mihi, ubi sunt modò omnes illi Domini &

Magistri, quos benè novisti, dum adhuc viverent, & in studiis florere : jam eorum præbendas alii possident, & nescio utrùm de eis recogitant. In vita sua aliquid esse videbantur, & modò de illis tacetur.

6. a O quàm citò transit gloria mundi ! Utinam vita eorum scientiæ ipsorum concordasset : tunc benè studuissent, & legissent. b Quàm multi pereunt per vanam scientiam in sæculo, qui parùm curant de Dei servitio ? c Et quia magis eligunt magni esse, quàm humiles, ideò evanescunt in cogitationibus suis. Verè magnus est, qui magnam habet charitatem. d Verè magnus est, qui in se parvus est, & pro nihilo omne culmen honoris ducit. e Verè prudens est, qui omnia terrena arbitrat ut stercora, ut Christum lucrifaciat. Et verè benè doctus est, qui Dei voluntatem facit, & suam voluntatem relinquit.



## CAPUT IV.

*De providentia, sive prudentia in agendis.*

1. **N**on est credendum omni verbo, nec instinctui; sed cautè & longanimitè, res est secundùm Deum ponderanda. Pròh dolor! sæpè malum faciliùs, quàm bonum de alio creditur & dicitur, ita infirmi sumus. Sed perfecti viri non facilè credunt omni enarranti, quia sciunt infirmitatem humanam *a* ad malum proclivem, & *b* in verbis satis labilem.

2. **M**agna sapientia, non esse præcipitem in agendis, nec pertinaciter in propriis stare sensibus. *d* Ad hanc etiam pertinet, non quibuslibet hominum verbis credere, nec audita vel credita mox ad aliorum aures effundere. *e* Cum sapiente & conscientioso viro consilium habe, & quare potiùs à meliore instrui, quàm tuas ad inventiones sequi. *f* Bona vita facit hominem sapientem secundùm Deum, & expertum in

multis. Quantò quis in se humilior fuerit, & Deo subjectior: tantò in omnibus erit sapientior & pacatior.

## CAPUT V.

*De lectione sanctarum Scripturarum.*

1. **V**eritas est in scripturis sanctis quærenda, non eloquentia. Omnis scriptura sacra eo spiritu debet legi, quo facta est. Quærere potiùs debemus utilitatem in scripturis, quàm subtilitatem sermonis. Ita libenter devotos & simplices libros legere debemus, sicut altos & profundos. Non te offendat auctoritas scribingentis, utrùm parvæ vel magnæ literaturæ fuerit, sed amor puræ veritatis te trahat ad legendum. Non quæras, quis hoc dixerit; sed quid dicatur, attende.

2. **H**omines transeunt, sed veritas Domini manet in æternum. *b* Sine personarum acceptione variis modis loquitur nobis Deus. Curiositas nostra sæpè nos impedit in lectione

*a Gen. 8.  
b Jacob. 3.*

*c Prov. 19.*

*d Prov. 17.  
e Eccl. 19.*

*c Prov. 12.*

*f Prov. 15.  
g Eccl. 1.*

*1.  
Rom. 15.*

*1. Cor. 2.*

*2.  
a Psal. 116.  
b Luc. 21.  
c Rom. 2.  
d 10. e  
Col. 3.  
Prov. 1  
18.*



etione scripturarum, cum volumus intelligere & discutere, ubi simpliciter esset transeundum. Si vis profectum haurire, lege humiliter, simpliciter, & fideliter: nec unquam velis habere nomen scientiæ. Interroga libenter, & audita-cens verba Sanctorum, nec displiceant tibi parabola seniorum: sine causa enim non proferuntur.

## CAPUT VI.

*De inordinatis affectionibus.*

1. 1. **Q**uandocunque homo aliquid inordinate appetit, statim in se inquietus fit. Superbus & avarus nunquam quiescunt: pauper & humilis spiritu, in multitudine pacis conversantur. Homo qui necdum perfecte in se mortuus est, citò tentatur & vincitur in parvis & vilibus rebus. Infirmus in spiritu, & quodammodo adhuc carnalis, & ad sensibilia inclinatus, difficulter se potest à terrenis desideriis ex toto abstrahere. Et ideo sæpe habet

tristitiam, cum se subtrahit; leviter etiam indignatur, si quis ei resistit.

2. Si autem persecutus fuerit quod concupiscit, statim ex reatu conscientiae gravatur; quia secutus est passionem suam, quæ nihil juvat ad pacem, quam quæsit. Resistendo igitur passionibus, invenitur pax vera cordis, non autem eis serviendo. Non est ergo pax in corde hominis carnalis, non in homine exterioribus dedito, sed in fervido spirituali.

## CAPUT VII.

*De vana spe, & elatione fugienda.*

1. **V**anuse est, qui spem suam ponit in hominibus, aut in creaturis. Non te pudeat aliis servire amore JESU Christi, & pauperem in hoc sæculo videri. Non stes super te ipsum, sed in Deo spem tuam constitue. Fac quod in te est, & Deus aderit bonæ voluntati tuæ. Non confidas in tua scientia, vel cujusquam viven-

tis

2.

1.  
Hier. 17.  
Psal. 30.  
Hier. 9.



tis astutia; sed magis in Dei gratia, qui adjuvat humiles, & de se præsumentes humiliat.

2. 2. Ne glories in divitiis, si adsunt; nec in amicis, quia potentes sunt; sed in Deo, qui omnia præstat, & seipsum super omnia dare desiderat. Non te extollas de magnitudine & pulchritudine corporis, quæ modicâ infirmitate corrumpitur & defædatur. Non placeas tibi ipsi de habilitate aut ingenio tuo, ne displiceas Deo, cujus est totum, quidquid boni naturaliter habueris.

3. 3. Non te reputes aliis meliorem, ne forte coram Deo deterior habearis, qui scit quid est in homine. Non superbias de operibus bonis, quia aliter sunt judicia Dei, quàm hominum, cui sæpè displicet quod hominibus placet. Si aliquid boni habueris, crede de aliis meliora, ut humilitatem conserves. Non nocet, si omnibus te supponas: nocet autem plurimum, si vel uni te præponas.

Exod. 3. &  
12.  
Job. 9.

Jugis pax cum humili, in corde autem superbi, zelus & indignatio frequens.

### CAPUT VIII. *De cavenda nimia familiaritate.*

1. **N**on omni homini revelas cor tuum, sed cum sapiente & timente Deum age causam tuam. Cum juvenibus & extraneis rarus esto. Cum divitibus noli blandiri, & coram magnatibus non libenter appareas. Cum humilibus & simplicibus, cum devotis & morigeratis sociare, & quæ ædificationis sunt, pertracta. Non sis familiaris alicui mulieri; sed in communi omnes bonas mulieres Deo commenda. Soli Deo & Angelis ejus opta familiaris esse, & hominum notitiam devita.

1.  
Eccl. 8.  
Prov. 5.

2. 2. Charitas habenda est ad omnes, sed familiaritas non expedit. Quandoque accidit, ut persona ignota ex bona fama luceat, cujus tamen præsentia oculos intuentium offuscet.



fuscat. Putamus aliquando aliis placere ex conjunctione nostra, & incipimus magis duplicere ex morum improbitate in nobis considerata.

## CAPUT IX.

*De obedientia & subjectione.*

1. **V**alde magnum est in obedientia stare, sub Prælato vivere, & sui juris non esse. Multò tutius est stare in subjectione, quàm in Prælatu. Multi sunt sub obedientia, magis ex necessitate, quàm ex charitate: & illi pœnam habent, & leviter murmurant: nec libertatem mentis acquirunt, nisi ex toto corde propter Deum se subdiciant. Curre huc vel illuc, non invenies quietem, nisi in humili subjectione sub Prælati regimine.

2. Verum est, quod unusquisque libenter agit pro sensu suo, & inclinatur ad eos magis, qui secum sentiunt. Sed si Deus est inter nos, necesse est, ut relinquamus etiam quan-

doque nostrum sentire, propter bonum pacis. Quis est ita sapiens, qui omnia plenè scire potest? Ergò noli nimis in sensu tuo confidere; sed velis etiam libenter aliorum sensum audire. Si bonum est tuum sentire, & hoc ipsum propter Deum dimittis, & alium sequeris, magis exinde proficies.

3. Audivi enim sæpè, securius esse, audire & accipere consilium, quàm dare. Potest etiam contingere, ut bonum sit uniuscujusque sentire: sed nolle illis acquiescere, cùm id ratio aut causa postulat, signum est superbiæ & pertinaciæ.

## CAPUT X.

*De cavenda superfluitate verborum.*

1. **C**Aveas tumultum hominum, quantum potes: multum enim impedit tractatus sæcularium gestorum, etiam si simplici intentione proferantur. Citò enim inquinamur vanitate, & captivamur.

B

Vel-



*Matt. 12.  
& Luc. 6.*

Vellem me pluries tacuisse, & inter homines non fuisse. Sed quare tam libenter loquimur, & invicem fabulamur, cum tamen rarò sine læsione conscientiae ad silentium redimus? Ideò tam libenter loquimur, quia per mutuas locutiones ab invicem consolari quarimus; & cor diversis cogitationibus fatigatum, optamus revelare: Et multum libenter de his, quæ multum diligimus, vel cupimus, vel quæ nobis contraria sentimus, libet loqui & cogitare.

2. Sed proh dolor, sæpè inaniter & frustra. Nam hæc exterior consolatio, interioris & divinæ consolationis non modicum detrimentum est. Ideò vigilandum & orandum, ne tempus otiosè transeat. Si loqui licet & expedit, quæ ædificabilia sunt, loquere. Malus usus, & negligentia profectus nostri, multum facit ad incustodiam oris nostri. Juvat tamen non parum ad profectum

*Act. 1. &  
Rom. 15.*

spiritualem, devota spiritualium rerum collatio, maximè ubi pares animo & spiritu, in Deo sibi sociantur.

## CAPUT XI.

*De pace acquirenda, & zelo proficiendi.*

1. **M**ultam possemus pacem habere, si non vellemus nos cum aliorum dictis & factis, & quæ ad nostram curam non spectant, occupare. Quomodo potest ille diu in pace manere, qui alienis curis se intermiscet, qui occasiones forinsecus quærit, qui parum vel rarò se intrinsecus colligit? Beati simplices, quoniam multam pacem habebunt.

2. Quare quidam Sanctorum tam perfecti & contemplativi fuerunt? quia omninò seipfos mortificare ab omnibus terrenis desideriis studuerunt: & ideò totis medullis cordis Deo inhaerere, atque liberè sibi vacare potuerunt. Nos nimium occupamur propriis passionibus, & de transi-

toriis



toriiis nimis sollicitamur. Rarò etiam unum vitium perfectè vincimus, & ad quotidianum profectum non accendimur, ideò frigidi & tepidi remanemus.

3. Si essemus nobisipsis perfectè mortui, & interius minime implicati; tunc possemus etiam divina sapere, & de cœlesti contemplatione aliquid experiri. Totum & maximum impedimentum est, quia non sumus à possessionibus & concupiscentiis liberi, nec perfectam Sanctorum viam conamur ingredi. Quando etiam modicum adversitatis occurrat, nimis citò deicimur, & ad humanas consolationes convertimur.

4. Si niteremur sicut viri fortes stare in prælio, profectò auxilium Domini super nos videremus de cælo. Ipse enim certantes, & de sua gratia sperantes, paratus est adjuvare, qui nobis certandi occasiones procurat, ut vincamus. Si tan-

tum in istis exterioribus observantiis profectum religionis ponimus, citò finem habebit devotio nostra. Sed ad radicem securim ponamus, ut purgati à passionibus, pacificam mentem possideamus.

5. Si omni anno unum vitium extirparemus, citò viri perfecti efficeremur. Sed modò è contrario, sæpè sentimus, ut meliores & puriores in initio conversionis nos fuisse inveniamus, quàm post multos annos professionis. Fervor & profectus noster quotidie deberet crescere; sed nunc pro magno videtur, si quis primi fervoris partem posset retinere. Si modicam violentiam faceremus in principio, tunc postea cuncta possemus facere cum levitate & gaudio.

6. Grave est assuetudine dimittere, sed gravius est contra voluntatem ire. Sed si non vincis parva & levia, quando superabis difficiliora? Resiste in principio inclinationi tuæ, &



malam dedisce consuetudinem, ne fortè paulatim ad maiorem te ducat difficultatem. O si adverteres, quantam tibi pacem & aliis lætitiā faceres, te ipsum bene habendo, puto quòd sollicitior esses ad spiritualem profectum.

## CAPUT XII.

*De utilitate adversitatis.*

1. **B**onum nobis est, quòd aliquando habemus aliquas gravitates & contrarietates; quia sæpè hominem ad cor revocant, quatenus se in exilio esse cognoscat, nec spem suam in aliqua re mundi ponat. Bonum nobis est, quod patiamur quandoque contradictiones; & quod malè & imperfectè de nobis sentiat, etiam si bene agimus & intendimus. Ista sæpè juvant ad humilitatem, & à vana gloria nos defendunt. Tunc enim meliùs interiorem testem Deum quærimus, quando foris vilipendimur ab hominibus, & non benè nobis creditur.

2. Ideò deberet se homo in Deo totaliter firmare, ut non esset ei necesse multas humanas consolationes quærere. Quando homo bonæ voluntatis tribulatur, vel tentatur, aut malis cogitationibus affligitur, tunc Deum sibi magis necessarium intelligit, sine quo nihil boni se posse deprehendit. Tunc tædet eum diutius vivere, & mortem optat venire, ut possit dissolvi, & cum Christo esse. Tunc etiam benè advertit, perfectam securitatem & plenam pacem in mundo non posse constare.

## CAPUT XIII.

*De tentationibus resistendis.*

1. **Q**uamdiu in mundo vivimus, sine tribulatione & tentatione esse non possumus. Unde in Job scriptum est: *Tentatio est vita humana super terram.* Ideò unusquisque sollicitus esse deberet circa tentationes suas, & vigilare in orationibus: ne diabolus locum inveniret decipi-



cupiendi, qui nunquam dormitat, sed circuit quærens, quem devoret. Nemo tam perfectus est & sanctus, qui non habeat aliquando tentationes, & plenè eis carere non possumus.

2. 2. Sunt tamen tentationes homini sæpe valde utiles, licet molestæ sint & graves; quia in illis homo humiliatur, purgatur, & eruditur. Omnes Sancti per multas tribulationes & tentationes transierunt, & profecerunt. Et qui tentationes sustinere nequiverunt, reprobi facti sunt, & defecerunt. Non est aliquis ordo tam sanctus, nec locus tam secretus, ubi non sint tentationes vel adversitates.

3. 3. Non est homo securus à tentationibus totaliter, quàm diu vixerit; quia in nobis est, unde tentamur, ex quo in concupiscentia nati sumus. Unâ tentatione seu tribulatione recedente, alia supervenit; & semper aliquid ad patiendum habebimus; nam

bonum felicitatis nostræ perdidimus. Multi quærunt tentationes fugere, & gravius incidunt in eas. Per solam fugam non possumus fugere, sed per patientiam & veram humilitatem, omnibus hostibus efficimur fortiores.

4. 4. Qui tantummodo exteriùs declinat, nec radicem evellit, parum proficiet; imò citius ad eum tentationes redient & pejus sentiet. Paulatim & per patientiam cum longanimitate, Deo juvante, melius superabis, quàm cum duritia & importunitate propria. Sæpiùs accipe consilium in tentatione, & cum tentato noli duriter agere; sed consolationemingere, sicut tibi optares fieri.

5. 5. Initium omnium malorum tentationum, inconstantia animi & parva ad Deum confidentia. Quia sicut navis sine gubernaculo hinc inde à fluctibus impellitur: ita homo remissus, & suum propositum deserens, variè tentatur. Ignis



probat ferrum, & tentatio hominem justum. Nescimus sæpè, quid possumus; sed tentatio aperit, quid sumus. Vigilandum est tamen, præcipuè circa initium tentationis; quia tunc facilius hostis vincitur, si ostium mentis nullatenus intrare sinitur; sed extra limen, statim ut pulsaverit, illi obviatur. Unde quidam dixit: Principiis obsta, serò medicina paratur. Nam primò occurrit menti simplex cogitatio; deinde fortis imaginatio; postea delectatio, & motus pravus, & assensio. Sicque paulatim ingreditur hostis malignus extorò, dum illi non resistitur in principio. Et quantò diutius ad resistendum quis torpuerit: tantò in se quotidie debilior fit, & hostis contra eum potentior.

6. Quidam in principio conversionis suæ graviores tentationes patiuntur; quidam autem in fine. Quidam verò quasi per totam vitam suam

malè habent. Nonnulli satis leniter tentantur, secundum divinæ ordinationis sapientiam & æquitatem; quæ statim & merita hominum pensat, & cuncta ad electorum suorum salutem præordinat.

7. Ideò non debemus desperare cum tentamur, sed eò ferventiùs Deum exorare, quatenus nos in omni tribulatione dignetur adjuvare: qui utique secundum dictum Pauli, talem faciet cum tentatione proventum, ut possimus sustinere. Humiliemus ergò animas nostras sub manu Dei in omni tentatione & tribulatione, quia humiles spiritu salvabit & exaltabit.

8. In tentationibus & tribulationibus probatur homo quantum profecit; & ibi majus meritum existit, & virtus meliùs patescit. Nec magnum est, si homo devotus sit & fervidus, cum gravitatem non sentit; sed si tempore adversitatis patienter se sustinet, spes magni



magni profectus erit. Quidam à magnis tentationibus custodiuntur, & in parvis quotidianis sæpè vincuntur; ut humiliati, nunquam de seipsis in magnis confidant, qui in tam modicis infirmantur.

## CAPUT XIV.

*De temerario iudicio vivendo.*

1. 1. **A**D te ipsum oculos reflecte, & aliorum facta caveas iudicare. In iudicando alios homo frustra laborat, sæpius errat, & leviter peccat: seipsum verò iudicando & discutiendo, semper fructuosè laborat. Sicut nobis res cordi est, sic de ea frequenter iudicamus: nam verum iudicium propter privatum amorem, faciliter perdimus. Si Deus semper esset purà intentio nostri desiderii, non tam faciliter turbaremur pro resistentia sensus nostri.

2. 2. Sed sæpè aliquid ab intra latet, vel etiam ab extra concurrit, quod nos etiam pariter

trahit. Multi occultè seipsum quarunt in rebus, quas agunt, & nesciunt. Videntur etiam in bona pace stare, quando res pro eorum velle fiunt, & sentire. Si autem aliter sit quàm cupiunt, citò moventur & tristes fiunt. Propter diversitatem sensuum & opinionum, satis frequenter oriuntur dissensiones inter amicos & cives, inter Religiosos & devotos.

3. Antiqua consuetudo difficulter relinquitur, & ultrà proprium videre, nemo libenter ducitur. Si rationi tuæ magis inniteris vel industriæ, quàm virtuti subjectivæ Jesu Christi, rarò & tardè eris homo illuminatus; quia Deus vult nos sibi perfectè subijci, & omnem rationem per inflammatum amorem transcendere.

## CAPUT XV.

*De operibus ex charitate factis.*

1. **P**RO nulla re mundi, & pro nullius hominis dilectione, aliquod malum est faciendum;

Matt. 7.  
& Rom. 2.  
Eccles. 3.

Matt. 12.  
& Luc. 12.

Hier. 13.



dum; sed pro utilitate tamen indigentis, opus bonum liberè aliquando intermittendum est, aut etiam pro meliori mutandum. Hoc enim factò, opus bonum non destruitur, *1. Cor. 13.* sed in meliùs commutatur. Sine charitate opus externum nihil prodest; quidquid autem ex charitate agitur, quantumcunque etiam parvum sit & despectum, totum fructuosum efficitur. Magis siquidem Deus pensat ex quanto quis agit, quàm quantum, seu opus, quod facit: multum facit, qui multum diligit.

*2.* Multum facit, qui rem benè facit: Benè facit, qui magis communitati, quàm suæ voluntati servit. Sæpè videtur esse charitas, & est magis carnalitas; quia naturalis inclinatio, propria voluntas, spes retributionis, affectus commoditatis, rarò abesse volunt.

*3.* Qui veram & perfectam charitatem habet, in nulla re se ipsum quærit; sed Dei so-

lummodo gloriam, in omnibus fieri desiderat. Nulli etiam invidet, quia nullum privatum gaudium amat; nec in se ipso vult gaudere, sed in Deo super omnia bona optat beatificari. Nemini aliquid boni attribuit, sed totaliter ad Deum refert, à quo fontaliter omnia procedunt, in quo finaliter omnes sancti fruibiliter quiescunt. O qui scintillam haberet veræ charitatis, profectò omnia terrena sentiret esse plena vanitatis. *Psal. 17. & 24.*

## CAPUT XVI.

*De sufferentia defectuum aliorum.*

*1.* Quæ homo in se, vel in aliis emendare non valet, debet sustinere, donec Deus aliter ordinet. Cogita, quia sic fortè melius est pro tua probatione & patientia, sine qua non sunt multum ponderanda merita nostra. Debes tamen pro talibus impedimentis supplicare; ut Deus tibi dignetur subvenire, & possis benignè portare. *1. Si*

Matth.  
1. Th.  
& Ga.

*1.*  
Matt. 6.  
& Luc. 11.

*Phil. 2. &  
1. Cor. 13.*



2.  
Matth. 6.  
1. Theff. 5.  
6. Gal. 6.

2. Si quis semel aut bis admonitus, non acquiescit, noli cum eo contendere, sed totum Deo committe, ut fiat voluntas ejus, & honor in omnibus servis suis, qui scit benè mala in bonum convertere. Stude patiens esse in tolerando aliorum defectus, & qualescunque infirmitates; quia & tu multa habes, quæ ab aliis oportet tolerari. Si non potes te talem facere, qualem vis; quomodo poteris alium ad tuum habere beneplacitum? libenter habemus alios perfectos, & tamen proprios non emendamus defectus.

3. Volumus, quod alii strictè corrigantur, & ipsi corrigi nolumus. Displicet larga aliorum licentia, & tamen nobis nolumus negari, quod petimus. Alios restringi per statuta volumus, & ipsi nullatenus patimur amplius cohiberi. Sic ergo patet, quàm rarò proximum, sicut nos ipsos pensamus. Si essent omnes perfecti, quid tunc ha-

*Thoma à Kempis de Imitat.*

beremus ab aliis pro Deo pati?

4. Nunc autem Deus sic ordinavit, ut discamus *alter alterius onera portare*: quia nemo sine defectu, nemo sine onere, nemo sibi sufficiens, nemo sibi satis sapiens: sed oportet nos invicem portare, invicem consolari, pariter adjuvare, instruere, & admonere. Quanta autem virtutis quisque fuerit, melius patet occasione adversitatis. Occasiones namque hominem fragilem non faciunt, sed qualis sit ostendunt.

## CAPUT XVII.

### *De monastica vita.*

1. **O**portet, ut discas te ipsum in multis frangere, si vis pacem & concordiam cum aliis tenere. Non est parvum in Monasteriis, vel in Congregatione habitare, & inibi sine querela conversari, & usque ad mortem fidelis perseverare. Beatus, qui ibidem benè vixit, & feliciter consummavit. Si vis debite stare & proficere, teneas te tanquam

4.  
Gal. 6.

1. Theff. 5.  
6.  
1. Cor. 13.

Lnc. 16.

C

exu-



exulem peregrinum super terram. Oportet te stultum fieri propter Christum, si vis religiosam ducere vitam.

2. 2. *Habitus & tonsura, modicum conferunt; sed mutatio morum & integra mortificatio passionum, virum faciunt Religiosum. Qui aliud quærit quam purè Deum, & animæ suæ salutem, non inveniet nisi tribulationem & dolorem. Non potest etiam diu stare pacificus, qui non nititur esse minimus, & omnibus subiectus.*

3. 3. *Ad serviendum venisti, non ad regendum: ad patiensdum & laborandum scias te vocatum, non ad otia dum vel fabulandum. Hic ergo probantur homines, sicut aurum in fornace. Hic nemo potest stare, nisi ex toto corde se voluerit humiliare.*

### CAPUT XVIII.

#### *De exemplis SS. Patrum.*

1. 1. **I**ntuere Sanctorum Patrum vivida exempla, in

quibus vera perfectio refulsit & religio; & videbis quàm *Hebr. 11.* modicum sit, & penè nihil, quod nos agimus: Heu quid est vita nostra, si illis fuerit comparata? Sancti & amici Christi Domino servierunt in fame & siti, in frigore & nuditate, in labore & fatigatione, in vigiliis & jejuniis, in orationibus & meditationibus sanctis, in persecutionibus & opprobriis multis.

2. 2. *O quàm multas & graves tribulationes passi sunt Apostoli, Martyres, Confessores, Virgines, & reliqui omnes, qui Christi vestigia voluerunt sequi. Nam animas suas in hoc mundo oderunt, ut in æternam vitam eas possiderent. O quàm strictam & abdicatam vitam sancti Patres in eremo duxerunt? quàm longas & graves tentationes pertulerunt? quàm frequenter ab inimico vexati sunt? quàm crebras & fervidas orationes Deo obtulerunt? quàm rigidas abstinentias quo-*



quotidiè peregerunt? Quàm magnum zelum & fervorem ad spirituales profectum habuerunt? Quàm forte bellum adversus dominationem vitiorum gesserunt? Quàm puram & rectam intentionem ad Deum tenuerunt? Per diem laborabant, & noctibus orationi diutinæ vacabant; quanquam laborando, ab oratione mentali minimè cessarent.

3. 3. Omne tempus utiliter expendebant, omnis hora ad vacandum Deo brevis videbatur; & præ magna dulcedine contemplationis, etiam oblivioni tradebatur necessitas corporalis refectionis. Omnibus divitiis, dignitatibus, honoribus, amicis, & cognatis renuntiabant: nil de mundo habere cupiebant; vix necessaria vitæ sumebant; corpori servire, etiam in necessitate dolebant. Pauperes erant igitur rebus terrenis, sed divites valdè in gratia & virtutibus. Foris egebant, sed intus gratiâ &

consolatione divinâ reficiebantur.

4. Mundo erant alieni, sed Deo proximi ac familiares amici. Sibi ipsis videbantur tanquam nihili, & huic mundo despecti; sed erant in oculis Dei pretiosi & dilecti. In vera humilitate stabant, in simplici obedientia vivebant, in charitate & patientia ambulabant; & ideò quotidiè in spiritu proficiebant, & magnam apud Deum gratiam obtinebant. Dati sunt in exemplum omnibus Religiosis; & plus provocare nos debent ad benè proficiendum, quàm tepidorum numerus ad relaxandum.

5. O quantus fervor omnium Religiosorum in principio suæ sanctæ institutionis fuit? ô quanta devotio orationis? quanta æmulatio virtutis? quàm magna disciplina vixit? quanta reverentia & obedientia, sub regula magistri, in omnibus effloruit? te-



stantur adhuc vestigia derelicta, quod verè viri sancti & perfecti fuerunt; qui tam strenuè militantes, mundum supeditaverunt. Jam magnus putatur, si quis transgressor non fuerit; si quis, quod accepit, cum patientia tolerare potuerit.

6. O tepor & negligentia statûs nostri, quod tam citò declinamus à pristino fervore; & jam tædet vivere, præ lassitudine & tepore. Utinam in te penitus non dormiret profectus virtutum, qui multa sapius exempla vidisti devotorum.

### CAPUT XIX.

#### *De exercitiis boni Religiosi.*

1. **V**ita boni Religiosi, omnibus virtutibus pollere debet, ut sit talis interiùs, qualis videtur hominibus exteriùs. Et meritò multò plus debet esse intus, quàm quod cernitur foris: quia inspector noster est Deus, quem summo perè revereri debemus,

Matth 5.  
Psal. 32.  
1<sup>o</sup> Heb. 4.  
Psal. 15.

ubicunque fuerimus, & tanquam Angeli in conspectu ejus mundi incedere. Omnidie renovare debemus propositum nostrum, & ad fervorem nos excitare, quasi hodie primum ad conversionem venissemus, atque dicere: Adjuva me Domine Deus in bono proposito & sancto servitio tuo; & da mihi nunc hodie perfectè incipere, quia nihil est, quod hætenus feci.

2. Secundum propositum nostrum cursus profectûs nostri, & multâ diligentia opus est bene proficere volenti. Quòd si fortiter proponens sæpè deficit, quid ille, qui raro aut minùs fixè aliquid proponit? Variis tamen modis contingit desertio propositi nostri, & levis omissio exercitiorum, vix sine aliquo dispendio transit. Justorum propositum in gratia Dei potius, quàm in propria sapientia pendet, in quo & semper confidunt quicquid arripiunt.

Nam



*Prov.* 16. Nam homo proponit, sed Deus disponit, nec est in homine via ejus.

3. 3. Si pietatis causa, aut fraternæ utilitatis proposito quandoq; consuetum omittitur exercitium, facilè postea poterit recuperari: si autem tædio animi aut negligentia facilius relinquitur, satis culpabile est, & nocivum sentietur. *Eccles.* 7. Conemur quantum possumus, adhuc leviter deficiemus in multis. Semper tamen aliquid certi proponendum est, & contra illa præcipuè, quæ ampliùs nos impediunt. Exteriora nostra & interiora pariter nobis scrutanda sunt & ordinanda, quia utraque impediunt ad profectum.

4. 4. Si non continuè te vales colligere, saltem interdum, & ad minus semel in die, manè videlicet aut vespere. Manè propone, vespere discute mores tuos, qualis hodie fuisti in verbo, opere & cogitatione: quia in his sapius forsitan of-

fendisti Deum & proximum. Accinge te sicut vir contra diabolicas nequitias; frena gulam, & omnem carnis inclinationem faciliùs frenabis. Nunquam sis ex toto otiosus; sed aut legens, aut scribens, aut orans, aut meditans, aut aliquid utilitatis pro communi laborans. Corporalia tamen exercitia discretè sunt agenda, nec omnibus æqualiter assumenda.

5. 5. Quæ communia non sunt, non sunt foris ostendenda: nam in secreto tutiùs exercentur privata. Cavendum tamen, ne piger sis ad communia, & ad singularia promptior, sed expletis integre & fideliter debitis & injunctis, si jam ultra vacat, redde te tibi, prout devotio tua desiderat. Non possunt omnes habere unum exercitiū: sed aliud isti, aliud illi magis deservit. Etiam pro temporis congruentia, diversa placent exercitia: quia alia in festis, alia in feriatis magis sapiunt diebus



Aliis indigemus tempore tentationis, & aliis tempore pacis & quietis. Alia, cum tristamur, libet cogitare: & alia, cum læti in Domino fuerimus.

6. Circa principalia festa, renovanda sunt bona exercitia: & Sanctorum suffragia ferventiùs imploranda. De festo in festum proponere debemus, quasi tunc de hoc sæculo migraturi, & ad æternum festum perventuri. Ideoque sollicitè nos præparare debemus in devotis temporibus, & devotiùs conversari, atque omnem observantiam strictiùs custodire, tanquam in brevi præmium laboris nostri à Deo perecepturi.

7. Etsi dilatum fuerit, credamus nos minus bene præparatos, atque indignos tantæ adhuc gloriæ, quæ revelabitur in nobis tempore præfinito, & studeamus nos meliùs ad exitum præparare. *Beatus servus*, (ait Evangelista Lucas)

*quem, cum venerit Dominus, invenerit vigilantem: Amen dico vobis, super omnia bona sua constituet eum.* Matt. 14.

## CAPUT XX.

*De amore solitudinis & silentii.*

1. **Q**UARE aptum tempus 1. vacandi tibi, & debeneficiis Dei frequenter cogita. Relinque curiosa: tales perlege materias, quæ compunctionem magis præstant, quàm occupationem. Si te subtraxeris à superfluis loquutionibus & otiosis circuitionibus, nec non à novitatibus & rumoribus audiendis, invenies tempus sufficiens & aptum pro bonis meditationibus insistendis. Maximi Sanctorum humana consortia, ubi poterant, vitabant, & Deo in secreto vivere & servire eligeabant. Ecc. 3. Hebr. 11.

2. Dixit quidam: Quoties 2. inter homines fui, minor homo redii. Hoc sæpiùs experimur, quando diu confabulamur. Facilius est omnino tacere, Seneca.



Matth 4.  
Ecccl. 3.

cere, quàm verbo non excedere. Facilius est domi latere, quàm foris se posse sufficienter custodire. Qui igitur intendit ad interiora & spiritualia pervenire, oportet eum cum Jesu à turba declinare. Nemo securè apparet, nisi qui libenter latet. Nemo securè loquitur, nisi qui libenter tacet. Nemo securè præest, nisi qui libenter subest. Nemo securè præcipit, nisi qui bene obedire didicit.

3. 3. Nemo securè gaudet, nisi bonæ conscientiae in se testimonium habeat. Semper tamen Sanctorum securitas, plena timoris Dei extitit: nec eo minus solliciti & humiles in se fuerunt, quia magnis virtutibus & gratiâ emicuerunt. Pravorum autem securitas, ex superbia & præsumptione oritur, & in fine in deceptionem sui ipsius vertitur. Nunquam promittas tibi securitatem in hac vita, quamvis bonus videaris cœnobita, aut devotus Eremita

4. Sæpè meliores in æstimatione hominum, gravius periclitati sunt propter suam nimiam confidentiam. Unde multis utilius est, ut non penitus tentationibus careant, sed sæpius impugnentur, ne nimium securi sint; ne fortè in superbiam eleventur; ne etiam ad exteriores consolationes licentiùs declinent. O qui nunquam transitoriam licentiam quæreret; qui nunquam cum mundo se occuparet, quàm bonam conscientiam servaret? O qui omnem vanam sollicitudinem amputaret, & dumtaxat salutaria ac divina cogitaret, & totam spem suam in Deo constitueret, quàm magnam pacem & quietem possideret!

5. Nemo dignus est cœlesti consolatione, nisi diligenter se exercuerit sanctâ compunctione. Si vis corde tenus compungi, intra cubile tuum, & exclude tumultus mundi, sicut scriptum est: In cubilibus vestris compungimini. In cella

Psalm 4.

inve-



invenies quod de foris sæpius amittes. Cella continuata dulcescit, & malè custodita tedium generat. Si in principio conversionis tuæ, benè eam incolueris & custodieris, erit tibi postea dilecta amica, & gratissimum solatium.

6. *Psalm. 6.* 6. In silentio & quiete proficit anima devota, & discit abscondita scripturarum. Ibi invenit fluentia lachrymarum, quibus singulis noctibus se lavet & mundet; ut conditori suo tantò familiarior fiat, quantò longiùs ab omni sæculari tumultu degit. Qui ergo se abstrahit à notis & amicis, appropinquabit illi Deus cum Angelis sanctis. Melius est latere, & sui curam agere, quàm se neglecto signa facere. Laudabile est homini religioso, rarò foras ire, fugere videri, nolle etiam homines videre.

7. 7. Quid vis videre, quod non licet habere? Transit mundus & concupiscentia ejus. Trahunt desideria sensualita-

tis ad spatiandum: sed cum hora transierit, quid nisi gravitatem conscientiae, & cordis dispersionem reportas? Lætus exitus, tristem sæpè reditum parit: & læta vigilia ferotina, triste manè facit: Sic omne carnale gaudium blandè intrat, sed in fine mordet & perimit. Quid potes alibi videre, quod hic non vides? Ecce cælum & terra, & omnia elementa; nam ex istis omnia sunt facta. *Prov. 1.*

8. *a Eccle. 1.* 8. Quid potes alicubi videre, quod diu potest sub sole permanere? Credis te forsitan satiari, sed non poteris pertinere. *b Eccl. 3.* *c Ps. 122.* *Matth. 6.* *b* Si cuncta videres præsentia, quid esset nisi visio vana? *c* Leva oculos tuos ad Deum in excelsis, & ora pro peccatis tuis & negligentis. Dimitte vana vanis, tu autem intende illis, quæ tibi præcepit Deus. Claude super te ostium tuum, & voca ad te Jesum dilectum tuum. Mane cum eo in cella, quia non invenies alibi tantam



tantam pacem. Si non exisses, nec quicquam de rumoribus audisses, melius in bona pace permanisses. Ex quo nova delectat aliquando audire, oportet te exinde turbationem cordis tolerare.

## CAPUT XXI.

*De compunctione cordis.*

1.  
Prov. 19.

1. SI vis aliquid proficere, conserva te in timore Dei, & noli esse nimis liber, sed sub disciplina cohibe omnes sensus tuos, nec ineptæ te tradas lætitiæ. Da te ad cordis compunctionem, & invenies devotionem. Compunctio multa bona aperit, quæ dissolutio citò perdere consuevit. Mirum est, quod homo potest unquam perfectè in hac vita lætari; qui suum exilium, & tam multa pericula animæ suæ considerat & pensat.

2. Propter levitatem cordis, & negligentiam defectuum nostrorum, non sentimus ani-

mæ nostræ dolores; sed sæpè vanè ridemus, quando meritò flere deberemus. Non est vera libertas, nec bona lætitia, nisi in timore Dei cum bona conscientia. Fœlix, qui abjicere potest omne impedimentum distractionis, & ad unionem se recolligere sanctæ compunctionis. Fœlix, qui à se abdicat, quicquid conscientiam suam maculare potest vel gravare. Certa viriliter, consuetudo consuetudine vincitur. Si tu seis homines dimittere, ipsi bene te dimittent tua facta facere.

3. Non attrahas tibi res aliorum, nec te implices causis majorum. Habe semper oculum super te primum, & admoneas te ipsum specialiter præ omnibus tibi dilectis. Si non habes favorem hominum, noli ex hoc tristari; sed hoc sit tibi grave, quia non habes te satis bene, & circumspicte, sicut deceret Dei servum, & devotum religiosum con-



*Psalm. 76.* versari. Utilius est sæpè & securius, quòd homo non habeat multas consolationes in hac vita, secundum carnem præcipuè. Tamen quòd divinas non habemus, aut rariùs sentimus, nos in culpa sumus; quia compunctionem cordis non quærimus, nec vanas & externas omninò abjicimus.

4. 4. Cognosce te indignum diyina consolatione, sed magis dignum multa tribulatione. Quando homo est perfectè compunctus, tunc gravis & amarus est ei totus mundus. Bonus homo sufficientem invenit materiam dolendi & flendi: Sive enim se considerat, sive de proximo pensat, scit quia nemo sine tribulatione hîc vivit: Et quanto strictiùs sese considerat, tanto ampliùs dolet. Materiæ justi doloris & internæ compunctionis, sunt peccata & vitia nostra, quibus ita involuti jacemus, ut rarò cœlestia contemplari valeamus.

*Iud. 2. c. 20 item  
2. Reg. 13.*

5. Si frequentius de morte tua, quàm de longitudine vitæ cogitares, non dubium quin ferventiùs te emendares. Si etiam futuras inferni, sive purgatorii pœnas cordialiter perpenderes, credo quòd libenter laborem & dolorem sustineres, & nihil rigoris formidares. Sed quia ad cor ista non transcunt, & blandimenta adhuc amamus, ideò frigidi & valdè pigri remanemus.

*Eccles. 7.  
Matth. 25.*

6. Sæpè est inopia spiritûs, unde tam leviter conqueritur miserum corpus. Ora igitur humiliter ad Dominum, ut det tibi compunctionis spiritum, & dic cum Propheta: *Ciba me Domine pane lachrymarum, & potum da mihi in lachrymis in mensura.*

*Psalm. 79.*

## CAPUT XXII.

*De consideratione humane miserie.*

1. **M**iser es, ubicunque fueris, & quocunque te verteris, nisi ad Deum te converteris. Quid turbaris, quia non fue-



f.7.  
h.25.  
succedit tibi sicut vis & desideras? Quis est, qui habet omnia secundum suam voluntatem? Nec ego, nec tu, nec aliquis hominum super terram. Nemo est in mundo sine aliqua tribulatione vel angustia, quamvis Rex sit vel Papa. Quis est, qui melius habet? utique qui pro Deo aliquid pati valet.

Eccles. 6.

2.

Luca 12.

2. Dicunt multi imbecilles & infirmi: Ecce, quàm bonam vitam ille homo habet, quàm dives, quàm magnus, quàm potens, & excelsus? Sed attende ad cœlestia bona, & videbis quòd omnia ista temporalia nulla sunt, sed valdè incerta & magis gravantia, quia nunquam sine solitudine & timore possidentur. Non est hominis fœlicitas, habere temporalia ad abundantiam; sed sufficit ei mediocritas. Verè miseria est vivere super terram. Quantò homo voluerit esse spiritalior, tantò præsens vita fit ei amarior; quia sentit melius, & videt clariùs humanæ

Prov 19.

Job. 14.

Eccles. 2.

corruptionis defectus. Nam comedere, bibere, vigilare, dormire, quiescere, laborare, & cæteris necessitatibus naturæ subjacere, verè magna miseria est, & afflictio homini devoto, qui libenter esset absolutus, & liber ab omni peccato.

3. Valdè enim gravatur interior homo necessitatibus corporalibus in hoc mundo. Unde Propheta devotè rogat, quatenus liber ab istis esse valeat, dicens: De necessitatibus meis erue me Domine. Sed vix, non cognoscentibus suam miseriam; & amplius vix illis, qui diligunt hanc miseram & corruptibilem vitam. Nam in tantum quidam hanc amplectuntur, (licet etiam vix necessaria laborando aut mendicando habeant) ut, si possent hîc semper vivere, de regno Dei nihil curarent.

Psal. 24.

Rom. 8.

4. O insani & infideles corde, qui tam profundè in terris jacent, ut nihil, nisi carnalia sapiant: Sed miseri adhuc in

4.

Rom. 8.

1. Pet. 1.

Heb. 11.



sine graviter sentient, quàm vile & nihilum erat, quod amaverunt. Sancti autem Dei, & omnes devoti amici Christi, non attenderunt, quæ carni placuerunt, nec quæ in hoc tempore floruerunt; sed tota spes eorum & intentio, ad æterna bona anhelabat. Ferebatur autem desiderium ipsorum sursum ad mansura & invisibilia, ne amore visibilium traherentur ad infima. No-

Rom. 13.  
& Heb. 12.

5. Quare vis procrastinare propositum tuum? Surge, & in instanti incipe, & dic: Nunc tempus est faciendi, nunc tempus est pugnandi, nunc aptum tempus est emendandi. Quando malè habes, & tribularis, tunc tempus est promerendi. Oportet te transire per ignem & aquam, antequam venias in refrigerium. Nisi tibi vim feceris, vi-

Psal. 56.

tium non superabis. Quàm diu istud fragile corpus gerimus, sine peccato esse non possumus, nec sine tædio & dolore vivere. Libenter habemus ab omni miseria quietem; sed quia per peccatum perdidimus innocentiam, amisimus etiam veram beatitudinem. Ideò oportet nos tenere patientiam, & Dei expectare misericordiam, donec transeat iniquitas hæc, & mortalitas absorbeatur à vita.

Rom. 7.  
Gen. 3.  
2 Cor. 5.

6. O quanta fragilitas humana, quæ semper prona est ad vitia? Hodie confiteris peccata tua, & cras iterum peptas confessa. Nunc proponis cavere, & post horam agis, quasi nihil proposuisses. Merito ergo nos ipsos humiliare possumus, nec unquam aliquid magni de nobis sentire, quia tam fragiles & instabiles sumus. Citò potest etiam perdi per negligentiam, quod multo labore, vix tandem acquisitum est per gratiam.

Gen. 6.  
Eccl. 8.  
2 Mac. 9.

7. Quid



7. 7. Quid fiet de nobis adhuc in fine, qui te pescimus tam manè? Væ nobis, si sic volumus declinare ad quietem, quæ si jam pax sit & securitas, quum necdum appareat vestigium veræ sanctitatis in conversatione nostra. Bene opus esset quòd adhuc iterum institueremur, tanquam boni novitii ad mores optimos, si fortè spes esset de aliqua futura emendatione, & majori spiritali profectu.

## CAPUT XXIII.

*De meditatione mortis.*

1. 1. **V**alde citò erit tecum hic factum: vide aliter quomodo te habeas: hodie homo est, & cras non comparet. Cùm autem sublatus fuerit ab oculis, etiam citò transit à mente. O hebetudo & duritia cordis humani; quod solum præsentia meditatur, & futura non magis prævidet. Sic te in omni facto & cogitatu deberes tenere, quasi ho-

die vel statim esses moriturus. Si bonam conscientiam haberes, non multum mortem timeres. Melius esset peccata cavere, quam mortem fugere. Si hodie non es paratus, quomodo cras eris? Cras est dies incerta, & quæ scis si crastinum habebis?

2. Quid prodest diu vivere, quando tam parum emendatur? Ah longa vita non semper emendat, sed sæpè culpam magis auget. Utinam per unam diem benè essemus conversati in hoc mundo. Multi annos computant conversionis, sed sæpè parvus est fructus emendationis. Si formidolosum est mori, forsitan periculosius erit diutius vivere. Beatus, qui horam mortis suæ semper ante oculos habet, & ad moriendum quotidie se disponit. Si vidisti aliquando hominem mori, cogita, quia & tu per eandem transibis viam.

3. Quum mane fuerit, puta te ad vesperum non perventurum.

Lucæ 12.

Sap. 4.

Mat. 24.  
c. 25.

Eccles. 7.

Job. 9  
14. item  
Luc. 12.  
Hebr. 9.

Matt. 25.

Hebr. 9.  
Luc. 21.



turum. Vespere autem facto, manè non audcas tibi polliceri. Semper ergo paratus esto, & taliter vive, ut nunquam te imparatum mors inveniat.

*Matth 24.  
& Luc 12.* Multi subitò & improvise moriuntur. Nam, *hora, qua non putatur, filius hominis venturus est.* Quando illa extrema hora venerit, multum aliter sentire incipies de tota vita tua præterita; & valdè dolebis, quòd tam negligens & remissus fuisti.

*Eccles 41.*

4. Quàm fœlix & prudens, qui talis nunc nititur esse in vita, qualis optat inveniri in morte. Dabit namque magnam fiduciam fœliciter moriendi, perfectus contemptus mundi, fervens desiderium in virtutibus perficiendi, amor disciplinæ, labor pœnitentiæ, promptitudo obedientiæ, abnegatio sui, & supportatio cuiuslibet adversitatis præ amore Christi. Multa bona potes operari, dum sanus es: sed infirmus, nescio, quid poteris.

Pauci ex infirmitate meliorantur, & emendantur. Sic & qui multum peregrinantur, raro sanctificantur.

5. Noli confidere super amicos & proximos, nec in futurum tuam differas salutem, quia citius obliviscuntur homines, quam æstimas. Melius est nunc tempestivè providere, & aliquid boni præmittere, quàm super aliorum auxilio sperare. Si non es pro teipso sollicitus modò, quis erit pro te sollicitus in futuro? Nunc tempus est valdè pretiosum. Nunc sunt dies salutis. Nunc tempus acceptabile. Sed proh dolor! quod hoc utiliùs non expendis, in quo promereri vales, unde æternaliter vivas. Veniet, quando unum diem, seu horam, pro emendatione desiderabis, & nescio an impetrabis.

6. Eja charissime, de quanto periculo te poteris liberare; de quàm magno timore eripere, si modò semper timoratus fueris, & suspectus de morte. Stude

5.

*Isaia 30.  
& 31. ierem.  
Hier. 17.  
& 48.*

*Matth. 6.*

6.

*Rom. 9.*

*Luc  
1. C.*

*Luc*

*Iob.*



de nunc taliter vivere, ut in hora mortis valeas potiùs gaudere, quàm timere. Disce nunc mori mundo, ut tunc incipias vivere Christo. Disce nunc omnia contemnere, ut tunc possis liberè ad Christum pergere. Castiga nunc corpus tuum per pœnitentiam, ut tunc certam valeas habere confidentiam.

Lucæ 14.  
1. Cor. 9.

7. Ah stulte, quid cogitas te diu victurum; quum nullum diem habeas hic securum? Quam multi decepti sunt, & insperatè de corpore extracti? Quoties audisti à dicentibus, quia ille gladio cecidit, ille submersus est, ille ab alto ruens cervicem fregit, ille manducando obriguit, ille ludendo finem fecit: Alius igne, alius ferro, alius peste, alius latrocinio interiit: & sic omnium finis mors est, & vita hominum tanquam umbra subitò pertransit.

8. Quis memorabitur tui post mortem? & quis orabit

Iob. 14.

pro te? Age age nunc charissime, quicquid agere potes, quia nescis quando morieris, nescis etiam quid te post mortem sequetur. Dum tempus habes, congrega tibi divitias immortales. Præter salutem tuam nihil cogites, solùm quæ Dei sunt, cures; fac nunc tibi amicos, venerando Dei Sanctos, & eorum actus imitando, ut cum defeceris in hac vita, illi te recipiant in æterna tabernacula.

Matth. 6.  
Lucæ 12.  
Gal. 6.

Lucæ 16.

Hebr. 11.

9. Serva te tanquam peregrinum & hospitem super terram, ad quem nihil spectat de mundi negotiis. Serva cor liberum, & ad Deum sursum erectum, quia non habes hic manentem civitatem. Illuc preces & gemitus quotidianos cum lachrymis dirige, ut Spiritus tuus mereatur ad Dominum post mortem fœliciter transire. Amen.

9.  
1. Pet. 2.

Hebr. 12.

#### CAPUT XXIV.

De iudicio & pœnis peccatorum.

1. IN omnibus respice finem, &



Hebr. 10.  
Job. 9.  
Luc. 16.

& qualiter ante districtum stabis iudicem, cui nihil est occultum? qui muneribus non placatur, nec excusationes recipit, sed, quod iustum est, iudicabit. Omiserrime & insipiens peccator, quid respondebis Deo, omnia mala tua scienti; qui interdum formidas vultum hominis irati? Ut quid non praevides tibi in die iudicii, quando nemo poterit per alium excusari vel defendi; sed unusquisque sufficiens onus erit sibi ipsi? Nunc labor tuus est fructuosus, fletus acceptabilis, gemitus exaudibilis, dolor satisfactorius, & purgativus.

2. Cor. 6.

2. Habet magnum & salubre purgatorium patiens homo, qui suscipiens injurias, plus dolet de alterius malitia, quam de sua injuria; qui pro contrariantibus sibi libenter orat, & ex corde culpas indulget; qui veniam ab aliis petere non retardat; qui facilius miseretur, quam irascitur; qui sibi ipsi violentiam frequenter

Jacob. 1.  
Luc. 23.  
et Act. 7.

facit, & carnem omninò spiritui subjugare conatur. Melius est modò purgare peccata, & vitia refecare, quam in futuro purgando reservare. Verè nos ipsos decipimus per inordinatum amorem, quem ad carnem habemus.

3. Quid aliud ignis ille devorabit, nisi peccata tua? Quanto amplius tibi ipsi nunc parcis, & carnem sequeris, tanto durius postea lues, & majorem materiam comburendi reservas. In quibus homo peccavit, in illis gravius punietur. Ibi acediosi, ardentibus stimulis perurgebuntur: & gulosi ingenti siti ac fame cruciabuntur. Ibi luxuriosi, & voluptatum amatores, ardenti pice & foetido sulphure perfundentur: Et sicut furiosi canes, præ dolore invidiosi ululabunt.

4. Nullum vitium erit, quod suum proprium cruciatum non habebit. Ibi superbi omni confusione replebuntur; & avari miserrima egestate ardeabun-



Job 40.  
et 41.

stabantur. Ibi erit una hora  
gravior in poena, quam hic  
centum anni in amarissima &  
gravissima poenitentia. Ibi  
nulla requies est, nulla conso-  
lacio damnatis: hic tamen in-  
terdum cessatur à laboribus, at-  
que amicorum fruitur solatiis.  
Esto modò sollicitus & dolens  
pro peccatis tuis, ut in die judi-  
cii securus sis cum beatis. *Tunc*  
*enim iusti stabunt in magna*  
*constantia, adversus eos qui*  
*se angustia verunt & depresi-*  
*serunt.* Tunc stabit ad judi-  
candum, qui modò se subiecit  
humiliter judiciis hominum.  
Tunc magnam fiduciam ha-  
bebit pauper & humilis, & pa-  
vebit undique superbus.

5. Tunc videbitur sapiens in  
hoc mundo fuisse, qui pro  
Christo didicit stultus & de-  
spectus esse. Tunc placabit om-  
nis tribulatio patienter perpes-  
sa, & omnis iniquitas oppilabit  
os suum. Tunc gaudebit om-  
nis devotus, & merebit omnis  
irreligiosus. Tunc plus exulta-

Psal 100.  
2. Cor. 4.

bit caro afflicta, quam si in de-  
litiis fuisset semper nutrita.  
Tunc splendet habitus vilis,  
& obtenebrescet vestis subtilis.  
Tunc plus laudabitur pauper-  
culum domicilium, quam de-  
auratum palatium. Tunc plus  
juvabit constans patientia,  
quam omnis mundi potentia.  
Tunc amplius exaltabitur sim-  
plex obedientia, quam omnis  
saecularis astutia.

Isaia 28.

6. Tunc plus lætificabit pura  
& bona conscientia, quam do-  
cta Philosophia. Tunc plus  
ponderabit contemptus divi-  
tiarum, quam totus thesaurus  
terrigenarum. Tunc magis  
consolaberis super devota ora-  
tione, quam super delicata co-  
mestione. Tunc potius gaude-  
bis de servato silentio, quam de  
longa fabulatione. Tunc plus  
valebunt sancta opera, quam  
multa pulchra verba. Tunc  
plus placebit stricta vita &  
ardua poenitentia, quam om-  
nis delectatio terrena. Disce  
nunc in modico pati, ut

E

tunc



tunc à gravioribus valeas liberari. Hic primò proba, quid possis postea. Si nunc tam parum vales sustinere, quomodo æterna tormenta poteris sufferre ac sustinere? Si modò modica passio tam impatientem efficit, quid gehenna tunc faciet? Ecce verè non potes duo gaudia habere, delectari hìc in mundo, & postea regnare cum Christo.

7.  
Luca 12.  
Eccl 1.  
Rom. 8.

7. Si usque in hodiernum diem semper in honoribus & voluptatibus vixisses, quid totum tibi profuisset, si jam mori in instanti contingeret? Omnia ergo vanitas præter amare Deum, & illi soli servire. Qui enim Deum ex toto corde amat, nec mortem, nec supplicium, nec iudicium, nec infernum metuit: quia perfectus amor, securum ad Deum accessum facit. Quem autem adhuc peccata delectant, non mirum, si mortem & iudicium timeat. Bonum tamen est, ut si necdum amor à malo te revo-

cat, saltem timor gehennalis coerceat. Qui verò timorem Dei postponit, diu stare in bono non valebit, sed diaboli laqueos citiùs incurret.

## CAPUT XXV.

*De ferventi emendatione totius vite nostre.*

1. **E**Sto vigilans & diligens 1.

in Dei servitio, & cogita  
frequenter ad quid venisti, &  
cur sæculum reliquisti. Nonne  
ut Deo viveres, & spiritualis  
homo fieres? Igitur ad profes-  
sum ferveas, quia mercedem  
laborum tuorum in brevi reci-  
pies, nec erit tunc amplius ti-  
mor aut dolor in finibus tuis.  
Modicum nunc laborabis, &  
magnam requiem, imò perpe-  
tuam lætitiā invenies. Si tu  
permanseris fidelis & fervidus  
in agendo. Deus procul dubio  
erit fidelis & locuples in retri-  
buendo.

Tim. 4.

Matth. 5.

Apoc. 21.  
22.

Eccl. 51.

Apoc. 21.  
22.

Matth. 25.

2. Spem bonam retinere de- 2.

bes, quòd ad palmam perveni-  
es; sed securitatem capere non  
oportet, ne torpeas aut elatus  
fias.

Rom. 5.



fiat. Cum quidam anxius inter metum & spem frequenter fluctuaret, & quadam vice mœrore confectus in Ecclesia ante quoddam altare, se in oratione prostravisset, hæc inter se revolvit dicens: O si scirem, quod adhuc perseveraturus essem! Statimque audivit divinum intus responsum: Quid, si hoc scires, quid facere velles? Fac nunc, quod tunc facere velles, & bene securus eris: Moxque consolatus & confortatus, divinæ se commisit voluntati, & cessavit anxia fluctuatio. Noluitque curiosè investigare, ut sciret, quæ sibi essent futura; sed magis studuit inquirere, quæ esset voluntas Dei beneplacens & perfecta, ad omne opus bonum inchoandum & perficiendum.

Rom. 12.

3.

Psal. 36.

3. *Spera in Domino, & fac bonitatem* (ait Propheta) *& inhabita terram, & pascaris in divitiis ejus.* Unum est, quod multos à profectu & ferventi emendatione retrahit,

horror difficultatis, seu labor certaminis. Enimverò, illi maximè præ cæteris in virtutibus proficiunt, qui ea, quæ sibi magis gravia & contraria sunt, virilius vincere nituntur. Nam ibi homo plus proficit, & gratiam meretur ampliorem, ubi magis seipsum vincit, & in spiritu mortificat.

4.

4.

Sed non omnes habent æquè multum ad vincendum, & moriendum. Diligens tamen æmulator, valentior erit ad proficiendum, etiam si plures habeat passiones, quàm alius bene morigeratus, minus tamen fervens ad virtutes. Duo specialiter ad magnam emendationem juvant, videlicet, subtrahere se violenter, ad quod natura vitiosè inclinatur, & ferventer instare pro bono, quo ampliùs quis indiget. Illa etiam studeas magis cavere & vincere, quæ tibi frequentius in aliis displicent.

5.

5.

Ubique profectum tuum capias, ut si bona exempla vi-



deas vel audias, ad imitandum accendaris. Si quid autem reprehensibile consideraveris, cave ne idem facias; aut, si aliquando fecisti, citius emendare studeas. Sicut oculus tuus alios considerat, sic iterum ab aliis notaris. Quàm jucundum & dulce est, videre fervidos & devotos fratres, bene morigeratos & disciplinatos? Quàm triste est & grave, videre inordinatè ambulantes, qui ea, ad quæ vocati sunt, non exercent? Quàm nocivum est negligere vocationis suæ propositum, & ad non commissam sensum inclinare.

*Matth. 7.*

*Eph. 5. &  
1. Cor. 12.  
Eccl. 3.*

6. 6. Memor esto arrepti propositi, & imaginem tibi propone crucifixi. Bene verecundari potes, inspectâ vitâ Jesu Christi; quia necdum magis illi reconverti studuisti, licet diu in via Dei fuisti. Religiosus, qui se intentè & devotè in sanctissima vita & passione Domini exercet, omnia

utilia & necessaria sibi abundanter ibi inveniet: nec opus est, ut extra Jesum aliquid melius quærat. O si Jesus crucifixus in cor nostrum veniret, quàm citò & sufficienter docti essemus?

*Gal. 2. & 6.*

7. Religiosus fervidus, omnia bene portat & capit, quæ illi jubentur. Religiosus negligens & tepidus, habet tribulationem super tribulationem, & ex omni parte patitur angustiam; quia interiori consolatione caret, & exteriorem quærere prohibetur. Religiosus extra disciplinam vivens, gravem patitur ruinam. Qui laxiora quærît & remissiora, semper in angustiis erit: quia aut unum, aut reliquum sibi displicebit.

7.

8. Quomodo faciunt tam multi alii religiosi, qui satis arctati sunt sub disciplina claustrali? Rarò exeunt, abstractè vivunt, pauperrimè comedunt, grossè vestiuntur, multum laborant, parum loquuntur,

8.



tur, diu vigilant, maturè surgunt, orationes prolongant, frequenter legunt, & se in omni disciplina custodiunt. Attende Carthusienses, Cistercienses, & diversæ religionis Monachos ac moniales, qualiter omni nocte ad pfallendum Domino assurgunt. Et ideo turpe esset, ut tu deberes in tam sancto opere pigritare, ubi tanta multitudo religiosorum incipit Deo jubilare.

9. 9. O si nihil aliud facientium incumberet, nisi Dominum Deum nostrum, toto corde & ore laudare; O si nunquam indigeres comedere, nec bibere, nec dormire: sed semper posses Deum laudare, & solummodo spiritualibus studiis vacare: tunc multo felicior esses quam modo, cum carni ex qualicunque necessitate servis. Utinam non essent istæ necessitates, sed solummodo spirituales animæ refectiones, quas heu fatis raro degustamus.

10. 10. Quando homo ad hoc pervenit, quod de nulla creatura consolationem suam quærit, tunc ei Deus primò perfectè sapere incipit: tunc etiam bene contentus de omni eventu rerum erit. Tunc nec pro magno lætabitur, nec pro modico contristabitur; sed ponit se integre & fiducialiter in Deo, qui est ei omnia in omnibus: cui nihil utique perit nec moritur, sed omnia ei vivunt, & ad nutum incunctanter deserviunt.

11. 11. Memento semper finis, & quia perditum non reddit tempus. Sine solitudine & diligentia, nunquam acquires virtutes. Si incipis tepescere, incipies malè habere: Si autem dederis te ad fervorem, invenies magnam pacem, & senties leviolem laborem, propter Dei gratiam, & virtutis amorem. Homo fervidus & diligens, ad omnia est paratus. Major labor est resistere vitiis & passionibus,

E 3 quam

Rom. 13.  
1. Cor.  
8 12. 15.

Ecclesi. 7.  
Apo. 3.



Eccles. 19.  
Matth. 12.

quam corporalibus insudare laboribus. Qui parvos non vitat defectus, paulatim labitur ad maiores. Gaudetis semper vespere, si diem expendas fructuosè. Vigila super te ipsum, excita te ipsum, admone te-

ipsum; & quicquid de aliis sit, non negligas te ipsum. Tantum proficies, quantum tibi ipsi vim intuleris, Amen.

F I N I S.

## LIBER SECUNDUS.

*Admonitiones ad interna trahentes.*

### Capita Libri secundi.

<b>D</b> E interna conversatione.	1
De humili submissione.	2
De bono pacifico homine.	3
De pura mente & simplici intentione.	4
De propria consideratione.	5
De letitia bonæ conscientia.	6
De amore IESU super omnia.	7
De familiari amicitia IESU.	8
De carentia omnis solatii.	9
De gratitudine pro gratia Dei.	10
De paucitate amatorum crucis IESU.	11
De regia sancta Crucis.	12

### CAPUT I.

#### *De interna conversatione.*

1. **R**egnum Dei intra vos  
 1. **R**est, dicit Dominus: Converte te ex toto corde tuo ad Dominum, & relinque hunc

1.  
Luce 17.  
Joel. 2.

miserum mundum, & inveniet anima tua requiem. Disce exteriora contemnere, & ad interiora te dare, & videbis regnum Dei in te venire. Est enim regnum Dei pax & gaudium in Spiritu sancto, quod non datur impiis. Veniet ad te Christus, ostendens tibi consolationem suam, si dignam illi ab intus paraveris mansionem. Omnis gloria ejus & decor ab intra est, & ibi complacet sibi. Frequens illi visitatio cum homine interno, dulcis fermocinatio, grata consolatio, multa pax, familiaritas stupenda nimis.

Rom. 14.

Psalm. 44.

2. Eja



2. Eja anima fidelis, prapara huic Sponſo cor tuum, quatenus ad te venire & in te habitare dignetur. Sic enim: *Si quis diligit me, sermonem meum servabit, & ad eum veniemus, & mansionem apud eum faciemus.* Da ergo Christo locum, & cæteris omnibus nega introitum. Cum Christum habueris, dives es, & sufficit tibi. Ipse erit provisor tuus, & fidelis procurator in omnibus, ut non sit opus in hominibus sperare. Homines enim citò mutantur, & deficiunt velociter; Christus autem manet in æternum, & astat usque in finem firmiter.

3. Non est magna fiducia ponenda in homine fragili & mortali, etiam si utilis sit & dilectus: neque tristitia multa ex hoc capienda, si interdum adverſetur & contradicat. Qui hodie tecum sunt, cras contrariari possunt, & è converso, sæpè ut aura vertuntur. Pone totam fiduciam tuam in Deo, &

fit ipse timor tuus, & amor tuus. Ipse pro te respondebit, & faciet bene sicut melius fuerit. Non habes hic manentem civitatem; & ubicunque fueris, extraneus es & peregrinus; nec requiem aliquando habebis, nisi Christo intimè fueris unitus.

4. Quid hic circumspicis, cum iste non sit locus tuæ requietionis? In cœlestibus debet esse habitatio tua, & sicut in transitu cuncta terrena sunt aspicienda: Transeunt omnia, & tu cum eis pariter. Vide, ut non inhæreas, ne capiaris & pereas. Apud altissimum sit cogitatio tua, & deprecatio tua ad Christum sine intermissione dirigatur. Si nescis speculari alta & cœlestia, requiesce in passione Christi, & in sacris vulneribus ejus libenter habitata. Si enim ad vulnera, & pretiosa stigmata JESU devotè confugis, magnam in tribulatione confortationem senties, nec multum curabis hominum

num



num despectiones, faciliterque verba detrahentia perfectiores.

5. Christus fuit etiam in mundo ab hominibus despectus, & in maxima necessitate à notis & amicis inter opprobria derelictus. Christus pati voluit & despici, & tu audes de aliquo conqueri? Christus habuit adversarios & obloquentes, & tu vis omnes habere amicos & benefactores? Unde coronabitur patientia tua, si nihil adversitatis occurrerit: Si nihil contrarium vis pati, quomodo eris amicus Christi? Sustine cum Christo, & pro Christo, si vis regnare cum Christo.

6. Si semel perfectè introisses in interiora Jesu, & modicum de ardenti amore ejus sapuisses; tunc de proprio commodo vel incommodo nihil curares, sed magis de opprobrio illato gauderes: quia amor Jesu facit hominem seipsum contemnere. Amator Jesu & veritatis, & verus internus

& liber ab affectionibus inordinatis, potest se ad Deum libere convertere, & elevare se supra seipsum in spiritu, ac fratribus quiescere.

7. Cui sapiunt omnia prout sunt, non ut dicuntur aut æstimantur, hic vere sapiens est, & doctus magis à Deo quàm ab hominibus. Qui ab intra scit ambulare, & modicum ab extra responderare, non requirit loca, nec expectat tempora, ad habenda devota exercitia. Homo internus citò se recolligit, quia nunquam se totum ad exteriora effundit. Non illi obest labor exterior, aut occupatio ad tempus necessaria; sed sicut res eveniunt, sic se illis accommodat. Qui intus bene dispositus est & ordinatus, non curat mirabiles, & perversos hominum gestus. Tantum homo impeditur & distrahitur quantum sibi res attrahit.

8. Si rectè tibi esset, & bene purgatus esses, omnia tibi in bonum.

Matth. 1.  
12. 26. &  
Joan. 15.  
2. Tim. 2.

Isaia 64.

Rom. 8.



bonum cederent & profectum. Ideò multa tibi displicent, & sæpè conturbant; quia adhuc non es tibi ipsi perfectè mortuus, nec segregatus ab omnibus terrenis. Nil sic maculat & implicat cor hominis, sicut impurus amor in creaturis. Si renuis consolari exterius, poteris speculari cœlestia, & frequenter jubulare interius.

## CAPUT II.

*De humili submissione.*

1. **N**on magni pendas, quis pro te, vel contra te sit: sed hoc age & cura, ut Deus tecum sit in omni re, quam facis. Habeas conscientiam bonam, & Deus bene te defensabit. Quem enim Deus adjuvare voluerit, nullius perversitas nocere poterit. Si tū scis tacere & pati, videbis procul dubio auxilium Domini. Ipse novit tempus & modum liberandi te, & ideò te debes illi resignare. Dei est adjuvare, & ab omni confusione liberare. Sæpè valde prodest ad majorem hu-

mitatem servandam, quòd defectus nostros alii sciunt, & redarguunt.

2. Quando homo pro defectibus suis se humiliat, tunc faciliter alios placat & leviter satisfacit sibi irascentibus. Humilem Deus protegit & liberat, humilem diligit & consolatur: humili homini se inclinat, humili largitur gratiam magnam, & post ejus depressionem levat ad gloriam: humili sua secreta revelat, & ad se dulciter trahit & invitat. Humilis acceptâ confusione, satis bene est in pace, quia stat in Deo, & non in mundo. Non reputes te aliquid profecisse, nisi omnibus inferiorem te esse sentias.

## CAPUT III.

*De bono pacifico homine.*

1. **T**ene te primò in pace, & tunc poteris alios pacificare. Homo pacificus magis prodest, quàm bene doctus. Homo passionatus, etiam bonum in malum trahit, & facili-

2.

Jacobi 3.

Job 3.

Matth. 11.



ter malum credit. Bonus pacificus homo, omnia ad bonum  
*1. Cor. 13.* convertit. Qui bene in pace est, de nullo suspicatur; qui autem malè contentus est & commotus, variis suspicionibus agitur; nec ipse quiescit, nec alios quiescere permittit: dicit sæpè, quod dicere non deberet; & omittit, quod sæpè sibi magis  
*Matth. 7.* facere expediret. Considerat,  
*Act. 1.* quod alii facere tenentur; & negligit, quod ipse facere tenetur. Habe ergo primò zelum super teipsum, & tunc justè zelare poteris etiam proximum tuum.

2. Tu bene scis facta tua excusare & colorare, & aliorum excusationes non vis recipere. Justius esset, ut te acculares, & fratrem tuum excusares. Si portare vis, porta & alium. Vide quam longè es adhuc à vera charitate & humilitate, quæ nulli novit irasci, vel indignari, nisi tantùm sibi. Non est magnum cum bonis & mansuetis conversari: (hoc enim

omnibus naturaliter placet, & unusquisque libenter pacem habet, & secum sentientes magis diligit) Sed cum duris & perversis, aut indisciplinatis, aut nobis contrariantibus, pacificè posse vivere, magna gratia est, & laudabile nimis, virileque factum.

3. Sunt qui seipsum in pace tenent, & cum aliis etiam pacem habent: Et sunt, qui nec pacem habent, nec alios in pace dimittunt: aliis sunt graves, sed sibi semper graviores. Et sunt qui seipsum in pace retinent, & ad pacem alios reducere student. Est tamen tota pax nostra in hac misera vita, potius in humili sufferentiâ ponenda, quàm in non sentiendo contraria. Qui melius scit pati, majorem tenebit pacem. Ille est victor sui & Dominus mundi, amicus Christi & hæres cæli.

## CAPUT IV.

*De puramente, & simplici intentione.*

1. **D**uabus alis homo suble-  
 vatur à terrenis, simplicitate



citare scilicet, & puritate. Simplicitas debet esse in intentione, puritas in affectione. Simplicitas intendit Deum, puritas apprehendit & gustat. Nulla bona actio te impediet, si liber intus ab omni inordinato affectu fueris. Si nihil aliud, quam Dei beneplacitum, & proximi utilitatem intendis & quæris, interna libertate perfrueris. Si rectum cor tuum esset, tum omnis creatura speculum vitæ, & liber sanctæ doctrinæ esset.

Rom. 1.

Non est creatura tam parva & vilis, quæ Dei bonitatem non repræsentet.

2. Si tu esses intus bonus & purus, tunc omnia sine impedimento videres, & bene caperes. Cor purum, penetrat cælum, & infernum. Qualis unusquisque intus est, taliter iudicat exterius. Si est gaudium in mundo, hoc utique possidet puri cordis homo. Et si est alicubi tribulatio & angustia, hoc melius novit mala conscientia. Sicut ferrum missum in

Prov. 3.  
Psal. 118.

ignem amittit rubiginem, & totum candens efficitur; sic homo integrè se ad Deum convertens, à torpore exuitur, & in novum hominem transmutatur.

3. Quando homo incipit tepescere, tunc parvum metuit laborem, & libenter externam accipit consolationem: Sed quando perfectè incipit se vincere, & viriliter in via Dei ambulare, tunc minus ea reputat, quæ sibi prius gravia esse sentiebat.

3.

## CAPUT V.

*De propria consideratione.*

1. Non possumus nobis ipsis nimis credere, quia sæpè gratia nobis deest & sensus. Modicum lumen est in nobis, & hoc citò per negligentiam amittimus. Sæpè etiam non advertimus, quòd tam cæci intus sumus. Sæpè malè agimus, & pejus excusamus. Passione interdum movemur, & zelum putamus. Parva in aliis reprehendimus, & nostra majora

1.

Hier. 17.

Psal. 140  
Matth. 7



pertransimus. Satis citò sentimus & ponderamus; quod ab aliis sustinemus; sed quantum alii de nobis sustinent, non advertimus. Qui bene & rectè sua ponderaret, non esset, quòd de alio graviter judicaret.

2. 2. Internus homo sui ipsius curam, omnibus curis antepōnit: Et qui sibi ipsi diligenter intendit, faciliter de aliis tacet. Nunquam eris internus & devotus, nisi de alienis silueris, & ad te ipsum specialiter respexeris. Si tibi & Deo totaliter intendis, modicum te movebit, quod foris percipis. Ubi es, quando tibi ipsi præsens non es? Et quando omnia percurristi, quid te neglecto profecisti? Si debes habere pacem & unionem veram, oportet quòd totum adhuc postponas, & te solum prae oculis habeas.

3. 3. Multum proinde proficies, si te feriatum ab omni temporali cura conserves. Valdè deficies, si aliquid temporale reputaveris. Nil magnum, nil

altum, nil gratum, nil acceptum tibi sit, nisi purè Deus, aut de Deo sit. Totum vanum existima, quicquid consolationis occurrit de aliqua creatura. Amans Deum anima, sub Deo despicit universa. Solus Deus æternus & immensus, implens omnia, solatium animæ, & vera cordis lætitia.

#### CAPUT VI.

*De lætitia bonæ conscientie.*

1. **G**Loria boni hominis, testimonium bonæ conscientie. Habe bonam conscientiam, & habebis semper lætitiā. Bona conscientia, valdè multa potest portare, & valdè læta est inter adversa: Mala conscientia, semper timida est & inquieta. Suaviter requiesces, si cor tuum te non reprehenderit. Noli lætari, nisi quum benefeceris. Mali nunquam habent veram lætitiā, nec internam sentiunt pacem; quia *non est pax impiis, dicit Dominus*. Et si dixerint: In pace sumus, non venient mala super

*Eccles. 5.*

*Matth. 16.*

*1. Cor. 4.  
& Gal. 1.*

*I.*

*2. Cor. 8.*

*Sap. 17.*

*Lucæ 12.*



*Isaia 57.* per nos, & quis nobis nocere audebit? Ne credas eis: quoniam repente exurget ira Dei, & in nihilum redigentur actus eorum, & cogitationes eorum peribunt.

*Rom. 8.*  
*Gal. 6.*  
*Joan. 5.*  
*2. Cor. 1.* 2. Gloriari in tribulatione non est grave amanti; sic enim gloriari, est gloriari in cruce Domini. Brevis gloria, quæ ab hominibus datur, & accipitur. Mundi gloriam semper comitatur tristitia: Bonorum gloria in conscientiis eorum, & non in ore hominum. Justorum lætitia de Deo, & in Deo est; & gaudium eorum de veritate. Qui & veram & æternam gloriam desiderat, temporalem non curat: Et qui temporalem requirit gloriam, aut non ex animo contemnit, minus amare convincitur cœlestem. Magnam habet cordis tranquillitatem, qui nec laudes curat, nec vituperia.

3. 3. Facile erit contentus & palcatus, cujus conscientia munda est. Non es sanctior, si lau-

daris, nec vilior, si vituperaris. Quod es, hoc es; nec major dici vales, quàm Deo teste sis. Si attendis, quid apud te sis intus, non curabis quid de te loquantur homines. Homo videt in facie, Deus autem in corde. Homo considerat actus, Deus verò pensat intentiones. Bene semper agere, & modicum de se tenere, humilis animæ indicium est. Nolle consolari ab aliqua creatura, magnæ puritatis, & internæ fiduciæ signum est.

4. 4. Qui nullum extrinsecus pro se testimonium quærit, liquet quod totaliter se Deo commisit. *Non enim, qui se ipsum commendat, ille probatus est,* ait Beatus Paulus, *sed quem Deus commendat.* Ambulare cum Deo intus, nec aliqua affectione teneri foris, statutus est interni hominis.

## CAPUT VII.

*De amore Jesu super omnia.*

1. **B**eatus qui intelligit, quid sit amare Jesum, & con-



*psal* 118.  
*Deut.* 6.  
*Matth* 22.

remnere seipsum propter Jesum. Oportet dilectum pro dilecto relinquere, quia Jesus vult solus super omnia amari. Dilectio creaturæ fallax & instabilis: dilectio Jesu, fidelis & perseverabilis. Qui adhæret creaturæ, cadet cum labili; qui amplectitur Jesum, firmabitur in ævum. Illum dilige, & amicum tibi retine, qui omnibus recedentibus te non relinquet, nec patietur in fine perire. Ab omnibus oportet te aliquando separari, si velis, si velis.

2.

2. Teneas te apud Jesum vivens & moriens, & illius fidelitati te committe, qui omnibus deficientibus, solus potest te juvare. Dilectus tuus talis est naturæ, ut alienum non velit admittere; sed solus vult cor tuum habere, & tanquam Rex in proprio throno sedere. Si scires te bene ab omni creatura evacuare, Jesus deberet libenter tecum habitare. Penè totum perditum invenies, quicquid extra Jesum in

hominibus posueris. Non confidas, nec innitaris super calammum ventosum; *quia omnis caro fœnum, & omnis gloria ejus, ut flos fœni cadet.* *Isa.* 40.

3. Citò decipieris, si ad externam hominum apparentiam tantum aspexeris. Si enim tuum in aliis quæris solatium & lucrum, senties sæpius detrimentum. Si quæris in omnibus Jesum, invenies utique Jesum: Si autem quæris teipsum, invenies etiam teipsum, sed ad tuam perniciem. Plus enim homo nocivior sibi, si Jesum non quærit, quàm totus mundus, & omnes sui adversarii.

## CAPUT VIII.

*De familiari amicitia Jesu.*

1. **Q**uando Jesus adest, totum bonum est, nec quicquam difficile videtur: Quando verò Jesus non adest, totum durum est. Quando Jesus intus non loquitur, consolatio vilis est: Si autem Jesus unum tantum verbum loquitur, magna consolatio sentitur.

Joan.

Matth

Rom.  
Matth  
Luca



*Joan. 11.* tur. Nonne Maria Magdalena statim surrexit de loco, in quo flevit, quando Martha illi dixit: *Magister adest, & vocat te?* Felix hora, quando JESUS vocat de lachrymis ad gaudium spiritus. Quàm aridus, & durus es sine Jesu. Quàm insipiens & vanus, si cupis aliquid extra Jesum. Nonne hoc est majus damnum, quàm si totum perderes mundum?

*Matth. 16.*

2. Quid potest tibi mundus conferre sine Jesu? Esse sine Jesu gravis est infirmitas & infernus: & esse cum Jesu, dulcis est Paradisus. Si fuerit tecum Jesus, nullus poterit nocere inimicus. Qui invenit Jesum, invenit thesaurum bonum, immò bonum super omne bonum: Et qui perdit Jesum, perdit nimis multum, & plus quàm totum mundum. Pauperrimus est, qui vivit sine Jesu: & ditissimus, qui bene est cum Jesu.

*Rom. 8.*

*Matth. 13.*  
*Luca 2.*

3. Magna est ars, scire cum

Jesu conversari; & scire Jesum tenere magna prudentia. Esto humilis & pacificus, & erit tecum Jesus. Sis devotus & quietus, & manebit tecum Jesus. Potes citò fugare Jesum, & gratiam ejus perdere, si volueris ad exteriora declinare. Et si illum effugaveris & perdideris, ad quem fugies, & quem tunc quæres amicum? Sine amico non potes benè vivere; & si Jesus non fuerit tibi præ omnibus amicis, eris nimis tristis & desolatus. Fatuè igitur agis, si in aliquo altero confidis, aut latoris. Eligendum est magis totum mundum habere contrarium, quàm Jesum offensum.

*Prov. 3.*

*Galat. 6.*

4. Ex omnibus ergò charis, sit Jesus solus dilectus specialis. Diligantur omnes propter Jesum, Jesus autem propter seipsum. Solus Jesus Christus singulariter est amandus, qui solus bonus & fidelis præ omnibus invenitur amicis. Propter ipsum & in ipso, tam amici quam inimici, sint tibi cha-

*Matth. 5.*  
*Luca 6.*

ri,



ri, & pro omnibus his exorandus est, ut omnes ipsum cognoscant & diligant. Nunquam cupias singulariter laudari vel amari, quia hoc solius Dei est, qui similem sibi non habet. Nec velis, quod aliquis tecum in corde suo occupetur, neque tu cum alicujus occuperis amore; sed sit Jesus in te, & in omni bono homine.

5. 5. Esto purus & liber ab intuitu, sine alicujus creaturæ implicamento. Oportet te esse nudum, & purum cor ad Deum gerere, si vis vacare & videre, quàm suavis sit Dominus: Et reverà ad hoc non pervenies, nisi gratiâ ejus fueris praven- tus & intractus; ut omnibus evacuat is & licentiatis, solus cum solo uniaris. Quando enim gratia Dei venit ad hominem, tunc potens fit ad omnia: Et quando recedit, tunc pauper & infirmus erit, & quasi tantum ad flagella relictus. In his non debes deijci nec desperare; sed ad voluntatem Dei æ-

quanimiter stare, & cuncta supervenientia tibi, ad laudem Jesu Christi perperi: quia post hyemem sequitur æstas; post noctem redit dies; & post tempestatem magna serenitas.

## CAPUT IX.

*De carentia omnis solatii.*

1. **N**ON est grave humanum 1.  
contemnere solatium, cum adest divinum. Magnum *Phil. 2.* est, & valde magnum, tam humano quàm divino posse carente solatio, & pro honore Dei, libenter exilium cordis velle sustinere; & in nullo seipsum quærere, nec ad proprium meritum respicere. Quid magni est, si hilaris sis & devotus adveniente gratiâ? optabilis cunctis hæc hora. Satis suaviter equitat, quem gratia Dei portat. Et quid mirum, si onus non sentit, qui portatur ab omnipotente, & ducitur à summo ductore?

2. Libenter habemus aliquid 2.  
pro solatio, & difficulter homo exui-



exuitur à seipso. Vicit sanctus martyr Laurentius sæculum cum suo Sacerdote: quia omne, quod in mundo delectabile videbatur, despexit; & summum Dei Sacerdotem Sixtum, quem maximè diligebat, pro amore Christi, etiam à se tolli clementer ferebat. Amore igitur Creatoris, amorem hominis superavit; & pro humano solatio, divinum beneplacitum magis elegit. Ita & tu, aliquid necessarium, & dilectum amicum, pro amore Dei disce relinquere. Nec graviter feras, quum ab amico relictus fueris, sciens, quoniam oportet nos omnes tandem ab invicem separari.

3. Multum & diu oportet hominem in seipso certare, antequàm discat seipsum planè superare, & totum affectum suum in Deum trahere. Quando homo stat super seipsum, facile labitur ad consolationes humanas. Sed verus amator Christi, & studiosus sectator

virtutum, non cadit super consolationes, nec querit tales sensibiles dulcedines; sed magis fortes exercitationes, & pro christo duros sustinere labores

4. Cùm igitur spiritualis à Deo consolatio datur, cum gratiarum actione accipe eam; sed Dei munus intellige esse, non tuum meritum. Noli extolli, noli nimium gaudere, nec inaniter præsumere; sed esto magis humilior ex dono, cautior quoque, & timoratio in cunctis actibus tuis: quoniam transibit hora illa, & sequetur tentatio. Quum ablata fuerit consolatio, non statim desperes; sed cum humilitate & patientia, expecta cœlestem visitationem; quoniam potens est Deus ampliorem tibi redonare consolationem. Istud non est novum, nec alienum viam dei expertis; quia in magnis sanctis & in antiquis Prophetis, fuit sæpè talis alternationis modus.

5. Unde quidam præsentem jam gratiâ dicebat: *Ego dixi in*



*abundantia mea, non movebor in æternum.* Absente verò gratiâ, quid in se fuerit expertus, adjungit dicens: *Avertisti faciem tuam à me, & factus sum conturbatus.* Inter hæc tamen nequaquam desperat, sed instantius Dominum rogat, & dicit: *Ad te Domine clamabo, & ad Deum meum deprecabor.* Denique orationis suæ fructum reportat, & se exauditum testatur dicens: *Audivit Dominus, & misertus est mei, Dominus factus est adjutor meus.* Sed in quo? *Convertisti,* inquit, *planctum meum in gaudium mihi, & circumdediti me letitiâ.* Si factum est cum magnis sanctis, non est desperandum nobis infirmis & pauperibus, si interdum in fervore, & interdum in frigiditate sumus: quoniam *spiritus venit & recedit,* secundum beneplacitum suæ voluntatis. Unde beatus Job ait: *Visitas eum diluculo, & subito probas illum.*

ibidem.

ibidem.

ibidem.

ibidem.

Joan. 3.

Job. 7.

6. Super quid igitur sperare possum, aut in quo confidere debeo, nisi in sola magna misericordia Dei, & in sola spe gratiæ cœlestis? Sive enim adsint homines boni, sive devoti fratres, vel amici fideles, sive libri sancti, vel tractatus pulchri; sive dulcis cantus & hymni; omnia hæc modicum juvant, modicum sapiunt, quando defertus sum à gratia, & in propria paupertate relictus. Tunc non est melius remedium, quàm patientia, & abnegatio mei in voluntate Dei.

Luca 9.

7. Nunquàm inveni aliquem tam religiosum & devotum, qui non habuerit interdum gratiæ subtractionem, aut non senserit fervoris diminutionem. Nullus sanctus fuit tam altè raptus & illuminatus, qui prius vel postea, non fuerit tentatus. Non enim dignus est, altà Dei contemplatione, qui pro Deo non est exercitatus aliquâ tribulatione. Solet enim sequentis consolationis, tentatio



tiō præcedens esse signum. Nam tentationibus probatis, coelestis promittitur consolatio: *Qui vicerit, inquit, dabo ei edere de ligno vitæ.*

*Apo. 2*

8. Datur autem consolatio divina, ut homo fortior sit ad sustinendum aduersa. Sequitur etiam tentatio, ne se eleuet de bono. Non dormit diabolus, nec caro adhuc mortua est: ideò non cesses te præparare ad certamen; quia à dextris, & à sinistris hostes sunt, qui nunquàm quiescunt.

*1. Pet. 5.*

### CAPUT X.

*De gratitudine, pro gratia Dei.*

1. **C**Ur quæris quietem, cum natus sis ad laborem? Pone te ad patientiam magis, quàm ad consolationes; & ad Crucem portandam magis, quàm ad lætitiā. Quis enim sæcularium, non libenter consolationem & lætitiā spirituales acciperet, si semper obtinere posset? Excedunt enim spirituales consolationes, omnes mundi delicias, & carnis

*Job. 5.  
Luca 14.*

voluptates. Nam omnes delitiæ mundanæ, aut vanæ sunt, aut turpes: spirituales verò delitiæ, solæ jucundæ & honestæ, ex virtutibus progenitæ, & à Deo puris mentibus infusæ. Sed istis divinis consolationibus, nemo semper pro suo affectu frui valet; quia tempus tentationis, non diu cessat.

2. Multum autem contrariatur supernæ visitationi, falsa libertas animi, & magna confidentia sui. Deus bene facit consolationis gratiam dando, sed homo male agit, non totum Deo, cum gratiarum actione, retribuendo. Et ideò non possunt in nobis dona gratiæ fluere, quia ingrati sumus auctori; nec totum refundimus fontali origini. Semper enim debetur gratia, dignè gratias referenti; & auferretur ab elato, quod dari solet humili.

2.

*Eccles. 1.*

3. Nolo consolationem, quæ mihi aufert compunctionem; nec affecto contemplationem, quæ ducit in elationem.

3.



nem. Non enim omne altum, sanctum, nec omne dulce, bonum; nec omne desiderium, purum; nec omne charum, Deo gratum. Libenter accepto gratiam, unde semper humilior & timorator inveniar, atque ad relinquendum me paratior fiam. Doctus dono gratiæ, & eruditus subtractionis verbere, non sibi audebit quicquàm boni attribuere; sed potius se pauperem, & nudum confitebitur. Da Deo, quod Dei est: & tibi adscribe, quod tuum est; hoc est. Deo gratias pro gratia tribue; tibi autem soli culpam & dignam pœnam, pro culpa deberi sentias.

4. *Lucæ 14.* Pone te semper ad infimum, & dabitur tibi summum; nam summum, non stat sine infimo. Summi Sancti apud Deum, minimi sunt apud se; quantò gloriosiores, tantò in se humiliores. Pleni veritate & gloriâ cœlesti, non sunt vanæ gloriæ cupidi. In

Deo firmati & fundati nullo modo possunt esse elati: Et qui *Ioan. 5.* totum Deo ascribunt, quicquid boni acceperunt, gloriam ab invicem non quærunt; sed gloriam, quæ à solo Deo est, volunt; & Deum in se, & in omnibus sanctis, laudari super omnia cupiunt, & semper in idipsum tendunt.

5. *5.* Esto igitur gratus pro minimo, & eris dignus majora accipere. Sit tibi minimum etiam pro maximo, & magis contemptibile, pro speciali dono. Si dignitas datoris inspicitur, nullum datum parvum, aut nimis vile videbitur. Non enim parvum est, quod à summo Deo donatur. Etiam si pœnas & verbera dederit, gratum esse debet; quia semper pro salute nostra facit, quicquid nobis advenire permittit. Qui gratiam Dei retinere desiderat, sit gratus pro gratia data, patiens pro ablata. Oret ut redeat; cautus sit & humilis, ne amittat.



## CAPUT XI.

*De paucitate amatorum  
Crucis JESU.*

1. 1. **H**abet JESUS nunc multos amatores regni sui cœlestis, sed paucos bajulatores suæ Crucis. Multos habet desideratores consolationis, sed paucos tribulationis. Plures invenit socios mensæ, sed paucos abstinentiæ. Omnes cupiunt cum eo gaudere, pauci volunt pro eo, aut cum eo aliquid sustinere. Multi Jesum sequuntur usque ad fractionem panis, sed pauci usque ad bibendum calicem passionis. Multi miracula ejus venerantur, pauci ignominiam Crucis sequuntur. Multi Jesum diligunt, quamdiu adversa non contingunt. Multi illum laudant & benedicunt, quamdiu consolationes aliquas ab ipso percipiunt. Si autem Jesus se absconderit, & modicum eos reliquerit, aut in querimoniam vel in dejectionem nimiam cadunt.

Lucæ 9.  
& 22.

2. Qui autem Jesum propter Jesum, & non propter suam propriam aliquam consolationem diligunt, ipsum in omni tribulatione & angustia cordis, sicut in summa consolatione benedicunt. Et si nunquam eis consolationem dare vellet, ipsum tamen semper laudarent, & semper gratias agere vellent.

3. O quantum potest amor Jesu purus, nullo proprio commodo vel amore permixtus? Nónne omnes mercenarii sunt dicendi, qui consolationes semper quærunt? Nónne amatores sui magis, quam Christi probantur, qui sua commoda & lucra semper meditantur? Ubi invenietur talis, qui velit Deo servire gratis?

Phil. 2.

4. Rarò invenitur tam spiritalis aliquis, qui omnibus sit nudatus. Nam verum pauperem spiritu, & ab omni creatura nudum quis inveniet? *Procul & de ultimis finibus pretium ejus.* Si dederit homo

Prov. 31.

G 3 omnem



omnem substantiam suam, adhuc nihil est: Etsi fecerit pœnitentiam magnam, adhuc exiguum est: Etsi apprehenderit omnem scientiam, adhuc longè est. Etsi habuerit virtutem magnam, & devotionem nimis ardentem, adhuc multum sibi deest: Scilicet unum, quod summè sibi necessarium est.

Matt. 6.

Quid illud? Ut omnibus relictis se relinquat, & à se totaliter exeat, nihilque de privato amore retineat; Cumque omnia fecerit, quæ facienda noverit, nil se fecisse sentiat.

5. Non grande ponderet, quod grande æstimari possit, sed in veritate servum inutilem se pronuntiet, sicut Veritas ait: *Cum feceritis omnia, quæ præcepta sunt vobis, dicite, servi inutiles sumus.*

Lucæ 17.

Psal. 24.

Tunc verè pauper, & nudus spiritu esse poterit, & cum Propheta dicere: *Quia unicus & pauper sum ego.* Nemo tamen isto ditior, nemo potentior, nemo liberior, qui se & omnia

relinquere scit, & ad infirmum se ponere.

## CAPUT XII.

*De Regia via sanctæ Crucis.*

1. **D**urus multis videtur hic 1.

Sermo: Abnega te ipsum, tolle Crucem tuam, & sequere Jesum: Sed multò durius erit audire illud extremum verbum: *Discedite à me maledicti in ignem æternum.*

Matt. 16.

Matt. 25.

Qui enim modò libenter audiunt, & sequuntur verbum Crucis; tunc non timebunt ab auditione æternæ damnationis. Hoc signum Crucis erit in cœlo, cum Dominus ad iudicandum venerit. Tunc omnes servi Crucis, qui se Crucifixo conformaverunt in vita, accedent ad Christum iudicem cum magna fiducia.

Psal. 111.

2. Quid igitur times tollere 2. Crucem, per quam itur ad Regnum? In Cruce salus, in Cruce vita, in Cruce protectio ab hostibus, in Cruce infusio supernæ suavitatis, in Cruce robur mentis, in Cruce gaudium spiritus,



ritus, in Cruce summa virtutis, in Cruce perfectio sanctitatis.

*Luce 14.* Non est salus animæ, nec spes æternæ vitæ, nisi in Cruce.

Tolle ergò Crucem tuam, & sequere Jesum, & ibis in vitam æternam. Præcessit ille *bajulans sibi Crucem*, & mortuus

*Joan. 19.* est pro te in Cruce, ut & tu tuam portes Crucem, & mori af-

*2. Cor. 12.* fectes in Cruce: Quia si commortuus fueris, etiam cum illo pariter vives: Et si socius fueris pœnæ, eris & gloriæ.

3. Ecce in Cruce totum consistat, & in moriendo totum jacet, & non est alia via ad vitam, & ad veram internam pacem, nisi via sanctæ Crucis & quotidianæ mortificationis. Ambula ubi vis, quare quodcunque volueris, & non invenies altiorem viam suprâ, nec securiorem viam infrâ, nisi viam sanctæ Crucis. Dispone, & ordina omnia secundum tuum velle & videre; & non invenies, nisi semper aliquid pati debere, aut spontè aut invitè, &

ita Crucem semper invenies: Aut enim in corpore dolorem senties, aut in anima spiritus tribulationem sustinebis.

4. Interdum à Deo relinquaris, interdum à proximo excitaberis, & quod amplius est, sæpe tibi metipsi gravis eris; nec tamen aliquo remedio vel solatio liberari seu alleviari poteris; sed donec Deus voluerit, oportet ut sustineas. Vult enim Deus, ut tribulationem sine consolatione pati discas, & ut illi totaliter te subicias, & humilior ex tribulatione fias. Nemo ita cordialiter sentit Passionem Christi, sicut is, cui contigerit similia pati. Crux ergò semper parata est, & ubique te expectat. Non potes effugere, quocunque curreris; quia quocunque ieris; te ipsum tecum portas, & semper te ipsum invenies. Convertte te suprâ, convertte te infrâ; convertte te extrâ, convertte te intrâ, & in his omnibus invenies Crucem, & necesse



cesse est te ubique tenere patientiam, si internam vis habere pacem, & perpetuam promereri coronam.

5. Si libenter Crucem portas, portabit te, & ducet te ad desideratum finem, ubi scilicet finis patiendi erit, quamvis hic non erit. Si invitè portas, onus tibi facis, & te ipsum magis gravas; & tamen oportet ut sustineas. Si abjicis unam Crucem, aliam procul dubio invenies, & forsitan graviolem.

6. Credis tu evadere, quod nullus mortalium potuit præterire? Quis Sanctorum in mundo sine Cruce & tribulatione fuit? Nec enim JESUS Christus Dominus noster unâ horâ sine dolore Passionis fuit, quàm diu vixit. Oportebat, ait, *Christum pati, & resurgere à mortuis, & ita intrare in gloriam suam.* Et quomodo tu aliam viam quæris, quam hanc regiam viam, quæ est via sanctæ Crucis? Tota

vita Christi Crux fuit & martyrium, & tu tibi quæris requiem & gaudium?

7. Erras, erras, si aliud quæris, quàm pati tribulationes: quia tota vita ista mortalis plena est miseriis, & circumsignata Crucibus. Et quanto altius quis in spiritu profecerit, tantò graviores sæpè Cruces inveniet, quia exilii sui pœna magis ex amore crescit. Sed tamen iste sic multipliciter afflictus, non est sine levamine consolationis; quia fructum maximum sibi sentit accrescere, ex sufferentia suæ Crucis.

8. Nam dum spontè se illi subicit, omne onus tribulationis in fiduciam divinæ consolationis convertitur; & quanto caro magis per afflictionem atteritur, tantò spiritus ampliùs per internam gratiam roboratur. Et nunquàm in tantum confortatur ex affectu tribulationis & adversitatis, ob amorem

con-

Lucæ 24.

Joh. 7.

2. Cor. 11.  
c. 12.



conformitatis Crucis Christi, ut sine dolore & tribulatione esse non vellet: quoniam tantò se acceptiorem Deo credit, quantò plura & graviora pro eo perferre potuerit. Non est istud hominis virtus, sed gratia Christi, quæ tanta potest & agit in carne fragili; ut quod naturaliter semper abhorret & fugit, hoc fervore spiritus aggre-  
grediatur & diligat.

9. 9. Non est secundum hominem Crucem portare, Crucem amare, corpus castigare & servituti subicere, honores fugere, contumelias libenter sustinere, seipsum despicere, & despici optare, adversa quæque cum damnis perpeti, & nihil prosperitatis in hoc mundo desiderare. Si ad teipsum respicis, nihil huiusmodi ex te poteris: Sed si in Domino confidis, dabitur tibi fortitudo de cælo, & subicientur ditioni tuæ mundus & caro. Sed nec inimicum diabolus timebis, si fueris fide armatus, & Cruce Chri-

2. Cor. 3.

Thomas à Kempis de Imitat.

sti signatus.

10. Pone te ergò sicut bonus 10. & fidelis servus Christi, ad portantam viriliter Crucem Domini tui, pro te ex amore Crucifixi. Præpara te ad toleranda multa adversa, & varia incommoda in hac misera vita; quia sic tecum erit, ubicumque fueris; & sic reverà invenies, ubicumque latueris. Oportet ita esse, & non est remedium evadendi à tribulatione malorum & dolore, quàm ut patiaris. Calicem Domini affectanter bibe, si amicus ejus esse, & partem cum eo habere desideras. Consolationes Deo committe, faciat ipse cum talibus, sicut sibi magis placuerit. Tu verò pone te ad sustinendum tribulationes, & reputa eas maximas consolationes; quia non sunt condignæ passionibus hujus temporis, ad futuram gloriam promerendam, etiam si solus omnes posses sustinere.

Mat. 20.  
1o. 18.

11. Quando ad hoc veneris, 11. quod tribulatio tibi dulcis est, Rom. 8.  
Gal. 6.

H

&



& sapit pro Christo, tunc bene tecum esse aestima, quia invenisti paradisum in terra. Quamdiu pati grave tibi est, & fugere quæris: tamdiu malè habebis, & sequetur te ubique fuga tribulationis.

12. Si poniste, ad quod esse debes, videlicet ad patiendum & moriendum, fiet citò melius, & pacem invenies. Etiam si raptus fueris *usque ad tertium cælum* cum Paulo, non es propterea securatus de nullo contrario patiendo. *Ego* (inquit JESUS) *ostendam illi, quanta oporteat eum pro nomine meo pati.* Pati ergò tibi remanet, si Jesum diligere, & perpetuò illi servire places.

13. Utinam dignus esses, aliquid pro nomine Jesu pati, quanta gloria remaneret tibi, quanta exultatio omnibus Sanctis Dei, quanta quoque ædificatio esset proximi? Nam patientiam omnes commendant, quamvis pauci tamen pati velint. Meritò debe-

res libenter modicum pati pro Christo, cum multi majora graviora patiantur pro mundo

14. Scias pro certo, quia morientem te oportet ducere vitam: Et quantò quisque plus sibi moritur, tantò magis Deo vivere incipit. Nemo aptus est ad comprehendendum cœlestia, nisi se submiserit ad portandum pro Christo adversa. Nihil Deo acceptius, nihil tibi salubrius in mundo isto, quàm libenter pati pro Christo. Et si eligendum tibi esset, magis optare deberes pro Christo adversa pati, quàm multis consolationibus recreari; quia Christo similior esses, & omnibus Sanctis conformior. Non enim stat meritum nostrum, & profectus status nostri, in multis suavitatibus & consolationibus; sed potiùs in magnis gravitatibus, & tribulationibus perferendis.

15. Siquidem aliquid melius & utilius saluti hominum, quàm pati fuisset, Christus utique

14.

Psal. 43.

T. MC. 5.



que verbo & exemplo ostendisset. Nam & sequentes se discipulos, omnesque eum sequi cupientes, manifestè ad Crucem portandam hortatur & dicit: *Si quis vult venire post me, abneget semetipsum, &*

I. Mc. 9.

*tollat Crucem suam & sequatur me.* Omnibus ergo perlectis, & scrutatis, sit hæc conclusio finalis: Quoniam *per multas tribulationes, oportet nos intrare in regnum Dei.*

## LIBER TERTIUS.

### De interna consolatione.

#### Capita Libri tertii.

**D**E interna Christi locutione ad animam fidelem. Cap. 1.

*Quod veritas intus loquitur sine strepitu verborum.* 2

*Quod verba Dei cum humilitate sint audienda, & quod multi ea non ponderant.* 3

*Item: Oratio ad implorandam devotionis gratiam.*

*Quod in veritate & humilitate cor à Deo conversandum est.* 4

*De mirabili effectui divini amoris.* 5

*De probatione veri amatoris.* 6

*De occultanda gratia sub humilitatis custodia.* 7

*De vili aestimatione sui ipsius in oculis Dei.* 8

*Quod omnia ad Deum sicut ad finem ultimum, sint referenda.* 9

*Quod spreto mundo, dulce est servire Deo.* 10

*Quod desideria cordis examinanda sunt, & moderanda.* 11

*De informatione patientiæ, & luctamine adversus concupiscentias.* 12

*De obedientia humilis subditi ad exemplum JESU Christi.* 13

*De occultis Dei judiciis considerandis, ne extollamur in bonis.* 14

*Qualiter standum sit ac dicendum in omni re desiderabili.* 15

*Item: Oratio pro beneplacito Dei perficiendo.*

*Quod verum solatium in solo Deo est quarendum.* 16

*Quod omnis sollicitudo in Deo statuenda sit.* 17

*Quod temporales miserie exemplo Christi æquanimiter sunt ferende.* 18

*De tolerantia injuriarum, & quis verus patiens probetur.* 19

*De confessione propria infirmitatis, & hujus vite miserie.* 20

H 2

Quod.



- Quod in Deo super omnia bona & dona requiescendum est.* 21  
*De recordatione multiplicium beneficiorum Dei.* 22  
*De quatuor magnam importantibus pacem.* 23  
*Item: Oratio contra cogitationes malas.*  
*Item: Oratio pro illuminatione mentis.*  
*De evitacione curiosa inquisitionis super alterius vita.* 24  
*In quibus firma pax cordis, & verus profectus consistit.* 25  
*De eminentia liberae mentis, quam simplex oratio magis meretur quam lectio.* 26  
*Quod privatus amor à summo bono maximè retardat.* 27  
*Item: Oratio pro purgatione cordis & caelesti sapientia.*  
*Contra linguas obrectatorum.* 28  
*Qualiter instante tribulatione, Deus invocandus est & benedicendus.* 29  
*De divino petendo auxilio, & confidentia recuperanda gratia.* 30  
*De neglectu omnis creaturae, ut Creator possit inveniri.* 31  
*De abnegatione sui, & abdicatione omnis cupiditatis.* 32  
*De instabilitate cordis, & de intentione finali ad Deum habenda.* 33  
*Quod amanti sapit Deus super omnia & in omnibus.* 34  
*Quod non est securitas à tentatione in hac vita.* 35  
*Contra vana hominum iudicia.* 36  
*De pura & integra resignatione sui ad obtinendam cordis libertatem.* 37  
*De bono regimine in externis, & recur-su ad Deum in periculis.* 38  
*Quod homo non sit importunus in negotiis.* 39  
*Quod homo nihil boni ex se habet, & de nullo gloriari potest.* 40  
*De contemptu omnis temporalis honoris.* 41  
*Quod pax non est ponenda in hominibus.* 42  
*Contra vanam & secularem scientiam.* 43  
*De non attrahendo sibi res exteriores.* 44  
*Quod omnibus non est credendum, & de facili lapsu verborum.* 45  
*De confidentia in Deo habenda, quando insurgunt verborum jacula.* 46  
*Quod omnia gravia pro aeterna vita sunt toleranda.* 47  
*De die aeternitatis, & hujus vitae angustis.* 48  
*De desiderio aeternae vitae, & quanta sunt certantibus bona promissa.* 49  
*Qualiter homo desolatus se debet in manus Dei offerre.* 50  
*Quod humilibus insistendum est operibus, cum deficitur à summo.* 51  
*Quod homo non reputet se consolatione dignum, sed magis verberibus reum.* 52  
*Quod gratia Dei non miscetur terrena sapientibus.* 53  
*De diversis motibus naturae & gratiae.* 54



*De corruptione naturæ, & efficacia gratiæ divinæ.* 55

*Quod nos ipsos abnegare, & Christum imitari debemus per Crucem.* 56

*Quod homo non sit nimis dejectus quando in aliquos labitur defectus.* 57

*De altioribus rebus, & occultis judiciis Dei non scrutandis.* 58

*Quod omnis spes & fiducia in Deo est figenda.* 59

## CAPUT I.

*De interna Christi locutione ad animam fidelem.*

I. I. **A**udiam quid loquatur  
in me Dominus Deus.

*Psal. 84.*

*1. Reg. 3.*

*Matt. 13.*

Beata anima, quæ Dominum in se loquentem audit, & de ore ejus consolationis verbum accipit. Beatæ aures, quæ venas divini susurri suscipiunt, & de mundi hujus susurrationibus nihil advertunt, Beatæ planè aures, quæ non vocem foris sonantem, sed intus auscultant veritatem docentem. Beati oculi, qui exterioribus clausi, interioribus autem sunt intenti. Beati, qui in-

terna penetrant, & ad capienda arcana cœlestia, magis ac magis, per quotidiana exercitia se student præparare. Beati, qui Deo vacare gestiunt, & ab omni impedimento sæculi se excutiant.

2. Animadvertite hæc anima mea, & claude sensualitatis tuæ ostia, ut possis audire, quid in te loquatur Dominus Deus tuus. Hæc dicit dilectus tuus: Salus tua ego sum, pax tua & vita tua. Serva te apud me, & pacem invenies. Dimitte omnia transitoria, quære æterna. Quid sunt omnia temporalia, nisi seductoria? Et quid juvant omnes creaturæ, si fueris à Creatore deserta? Omnibus ergò abdicatis, Creatori tuo te rede placitam ac fidelem, ut veram valeas apprehendere beatitudinem.

2.

*Psal. 84.*

*Psal. 34.*



## CAPUT II.

*Quod veritas intus loquitur  
sine strepitu verborum.*

I.

1. Reg. 3.  
Psal. 118.

Exod. 20.

1. Reg. 3.

**L**oquere Domine, quia  
laudit servus tuus. Ser-  
vus tuus sum ego, da mihi in-  
tellectum, ut sciam testimo-  
niatua. Inclina cor meum in  
verba oris tui, fluat ut ros elo-  
quium tuum. Dicebant olim  
filii Israël ad Moysen: *Loque-  
re tu nobis, & audiemus; non  
loquatur nobis Dominus, ne  
fortè moriamur.* Non sic Do-  
mine, non sic oro, sed magis  
cum Samuele Propheta, humi-  
liter ac desideranter obsecro:  
*Loquere Domine, quia audit  
servus tuus.* Non loquatur  
mihi Moyses, aut aliquis ex  
Prophetis; sed tu potiùs loque-  
re Domine Deus, inspirator &  
illuminator omnium Prophe-  
tarum; quia tu solus sine eis  
potes me perfectè imbuere,  
illi autem sine te nihil profi-  
cient.

2. Possunt quidem verba  
sonare, sed spiritum non con-

ferunt. Pulcherrimè dicunt,  
sed te tacente, cor non accen-  
dunt: Literas tradunt, sed tu  
sensum aperis: Mysteria pro-  
ferunt, sed tu referas intelle-  
ctum signatorum: Mandata  
edicunt, sed tu juvas ad perficiendum. Viam ostendunt,  
sed tu confortas ad ambulandum: Illi foris tantum agunt,  
sed tu corda instruis & elumi-  
nas: Illi exterius rigant, sed tu  
fœcunditatem donas: Illi cla-  
mant verbis, sed tu auditui in-  
telligentiam tribuis.

3. Non ergò loquatur mihi 3.  
Moyses, sed tu Domine Deus  
meus æterna veritas, ne fortè  
moriar, & sine fructu efficiar, si  
fuero tantum foris admonitus,  
& intus non accensus: ne sit  
mihi ad iudicium verbum au-  
ditum & non factum; cogni-  
tum nec amatum; creditum &  
non servatum. *Loquere igitur  
Domine, quia audit servus  
tuus, verba enim vitæ æternæ  
habet.* Loquere mihi, ad qua-  
lemcunque animæ meæ con-  
sola-

1. Reg. 2.  
Ioan. 6.

Ioan.

Psal.

Hebr.



solationem, & ad totius vitæ  
meæ emendationem, tibi au-  
tem ad laudem & gloriam &  
perpetuum honorem.

## CAPUT III.

*Quod verba Dei cum humi-  
litate sint audienda, &  
quod multi ea non ponderant.*

1. **A**udi fili verba mea, verba  
suavissima, omnem Phi-  
losophorum & sapientum hu-  
jus mundi scientiam exceden-  
tia. *Verba mea spiritus & vi-  
ta sunt*, nec humano sensu  
pensanda. Non sunt ad vanam  
complacentiam trahenda, sed  
in silentio audienda, & cum  
omni humilitate atque magno  
affectu suscipienda, & dixit:  
*Beatus, quem tu erudieris  
Domine, & de lege tua docue-  
ris eum, ut mitiges ei à diebus  
malis, & non desoletur in ter-  
ra.* Ego inquit Dominus, docui  
Prophetas ab initio, & usque  
nunc non cesso omnibus lo-  
qui; sed multi ad vocem me-  
am surdi sunt, & duri.

2. Plures mundum libentiùs

audiunt, quàm Deum: faciliùs  
sequuntur carnis suæ appeti-  
tum, quàm Dei beneplacitum.  
Promittit mundus temporalia  
& parva, & servitur ei aviditate  
magnâ: ego promitto summa  
& æterna, & torpescunt mor-  
taliùm corda. Quis tantâ curâ  
mihi in omnibus servit & obe-  
dit, sicut mundo & dominis  
ejus servitur? *Erubescere Sidon,*  
*ait mare:* Et si causam quæris,  
audi quare. Pro modica præ-  
benda, longa via curritur; pro  
æterna vita, à multis vix pes se-  
mel à terra levatur. Vile præ-  
tium quæritur, pro uno nu-  
mismate interdum turpiter li-  
tigatur: pro vana re, & parva  
promissione, diu noctuque fa-  
tigari non timetur.

3. Sed proh dolor, pro bono  
incommutabili, pro præmio  
inæstimabili, pro summo ho-  
nore & gloria interminabili,  
vel ad modicum fatigari pigri-  
tatur. Erubescere ergo serve pi-  
ger & quærulese, quod illi pa-  
ratiores inveniuntur ad perdi-  
tionem;

Joan. 6.

Psal. 93.

Hebr. 1.

Esaiâ 25.

3.



Rom. 1.  
Matt. 24.  
Apoc. 2.  
Matth. 5.  
C. 25.

tionem, quàm tu ad vitam. Gaudent illi amplius ad vanitatem, quàm tu ad veritatem. Equidem à spe sua nonnunquam frustrantur, sed promissio mea neminem fallit, nec confidentem mihi dimittit inanem. Quod promisi, dabo; quod dixi, implebo; si tamen usque in finem fidelis in dilectione mea quis permanferit. Ego remunerator sum omnium bonorum, & fortis probator omnium devotorum.

4. 4. Scribe verba mea in corde tuo, & pertracta diligenter: erunt enim in tempore tentationis valde necessaria. Quod non intelligis cum legis, cognosces in die visitationis. Dupliciter soleo electos meos visitare, tentatione scilicet & consolatione. Et duas lectiones eis quotidie lego, unam increpando eorum vitia, alteram exhortando ad virtutum incrementa. Qui habet verba mea, & spernit ea, habet qui iudicet eum in novissimo die.

*Oratio ad implorandam devotionis gratiam.*

5. Domine Deus meus, omnia bona mea tu es. Et quis ego sum, ut audiam ad te loqui? Ego sum pauperrimus servulus tuus, & abjectus vermiculus, multò pauperior & contemptibilior, quam scio, & dicere audeo. Memento tamen Domine, quia nil sum, nihil habeo, nihilque valeo. Tu solus bonus, iustus, & sanctus; tu omnia potes, omnia præstas, omnia imples, solum peccatorem inanem relinquens. Reminiscere miserationum tuarum, & imple cor meum gratiâ tuâ, qui non vis esse vacua opera tua.

6. Quomodo possum me tolerare in hac misera vita, nisi me confortaverit misericordia & gratia tua? Noli avertere faciem tuam à me; noli visitationem tuam prolongare; noli consolationem tuam abstrahere; ne fiat anima mea, sicut terra sine aqua tibi. Domine

*doce*

Rsa

Gen. 18.  
1. Reg.  
18.

Gen.  
Sap.  
7.

Psal. 68.



Psalm. 142.

*doce me facere voluntatē tuā;*  
doce me coram te dignè & humiliter conversari, quia sapientia mea tu es, qui in veritate me cognoscis, & cognovisti antequam fieret mundus, & antequam natus essem in mundo.

## CAPUT IV.

*Quid in veritate & humilitate coram Deo conversandum est.*

Gen. 17.  
Sap. 1.  
Joan. 8.

1. **I**lli ambula coram me in veritate, & in simplicitate cordis tui quære me semper. Qui ambulat coram me in veritate, tutabitur ab incurisibus malis, & veritas liberabit eum à seductoribus & detractionibus iniquorum: Si veritas te liberaverit, verè liber eris, & non curabis de vanis hominum verbis. Domine, verum est; sicut dicis: ita, quæso, mecum fiat. Veritas tua me doceat, ipsa me custodiat, & usque ad salutarem finem conservet. Ipsa me liberet ab omni affectione mala, & inordinata dilectione; & ambulabo tecum in magna cordis libertate.

*Thomas à Kempis de Imitat.*

2. Ego te docebo (ait veritas) 2.  
quæ recta sunt, & placita coram me. Cogita peccata tua cum displicentia magna & mœrore, & nunquam reputes te aliquid esse propter opera bona. Reverà peccator es, & multis passionibus obnoxius & implicatus. Ex te semper ad nihil tendis, & citò laberis, citò vinceris, citò turbaris, citò dissolveris. Non habes quicquam, unde possis gloriari; sed multa, unde te debeas vilificare; quia multò infirmior es, quàm vales comprehendere.

1. Cor. 4.

3. Nil ergò magnum tibi videatur ex omnibus, quæ agis. 3.  
Nil grande, nil pretiosum & admirabile, nil reputatione appareat dignum; nil altum, nihil verè laudabile & desiderabile, nisi quod æternum est. Placeat tibi super omnia æterna veritas, displiceat tibi semper tua maxima vilitas. Nil sic timeas, sic vituperes & fugias, sicut vitia & peccata tua; quæ magis

Eccli. 3. c.  
1. Cor. 3.

I displicet



displicere debent, quàm quâlibet rerum damna. Quidam non sincerè coràm me ambulat, sed quâdam curiositate & arrogantia ducti, volunt secreta mea scire, & alta Dei intelligere, se & suam salutem negligentes. Hi sæpe in magnas tentationes & peccata, propter suam superbiam & curiositatem, me eis adversante, labuntur.

4. 4. Time judicia Dei, expavesce iram omnipotentis. Noli autem discutere opera altissimi, sed tuas iniquitates perscrutare, in quantis deliquisti, & quàm multa bona neglexisti. Quidam solum portant suam devotionem in libris, quidam in imaginibus, quidam autem in signis exterioribus & figuris. Quidam habent me in ore, sed modicum est in corde. Sunt alii, qui intellectu illuminati, & affectu purgati ad æterna semper anhelant, de terrenis graviter audiunt, necessitatibus naturæ dolenter inserviunt, & hi sentiunt, quid spiri-

*Esaiæ 29.  
Psalm. 24.*

tus veritatis loquitur in eis : *Psalm. 1.*  
quia docet eos terrena despicere, & amare cœlestia : mundum negligere, & cœlum totâ die ac nocte desiderare.

## CAPUT V.

*De mirabili effectû divini amoris.*

1. **B**enedico te Pater cœlestis, Pater Domini mei JESU Christi, quia mei pauperis dignatus es recordari. *O 2. Cor. 1.*  
*Pater misericordiarum, & Deus totius consolationis,* gratias tibi, qui me indignum omni consolatione, quandoque tuâ recreas consolatione. Benedico te semper & glorifico, cum unigenito filio tuo, & Spiritu sancto Paracleto, in sæcula sæculorum. Eja Domine Deus, amator sancte meus, cum tu veneris in cor meum, exultabunt omnia interiora mea. *Tu es gloria mea, & exultatio cordis mei; Tu spes mea & refugium meum, in die tribulationis meae.* *Psalm. 3. Psalm. 31.*

2. Sed quia adhuc debilis sum



sum in amore, & imperfectus in virtute; ideò necesse habeo à te confortari & consolari: propterea visita me sapiùs, & instrue disciplinis sanctis. Libera à passionibus malis, & sana cor meum ab omnibus affectionibus inordinatis, ut intus sanatus & benè purgatus, aptus efficiar ad amandum, fortis ad patiendum, stabilis ad perseverandum.

3. 3. Magna res est amor, magnum omninò bonum; quod solum leve facit omne onerosum, & fert æqualiter omne inæquale. Nam onus sine onere portat, & omne amarum dulce ac sapidum efficit. Amor Jesu nobilis, ad magna operanda impellit, & ad desideranda semper perfectiora excitat. Amor vult esse sursum, nec ullis infimis rebus retineri. Amor vult esse liber, & ab omni mundana affectione alienus, ne internus ejus impediatur aspectus, ne per aliquod commodum temporale implicationes

Mat. II.

sustineat, aut per incommodum succumbat. Nihil dulcius est amore, nihil fortiùs, nihil altiùs, nihil jucundiùs, nihil plenius nec melius in cœlo & in terra: quia amor ex Deo natus est, nec potest, nisi in Deo, super omnia creata quiescere.

4. Amans volat, currit, & lætatur; liber est, & non tenetur: 4. Dat omnia pro omnibus, & habet omnia in omnibus; quia in uno summo super omnia quiescit, ex quo omne bonum fluit & procedit. Non respicit ad dona, sed ad donantem se convertit super omnia bona. Amor modum sæpe nescit, sed super omnem modum fervescit. Amor onus non sentit, labores non reputat; plus affectat, quàm valet; de impossibilitate non causatur, quia cuncta sibi posse & licere arbitrat. Valet igitur ad omnia, & multa implet, & effectui mancipat, ubi non amans deficit, & jacet.

5. Amor vigilat, & dormi-



• Rom. 8.

ens non dormitat. Fatigatus, non lassatur; arctatus, non coarctatur; territus, non conturbatur; sed sicut vivax flamma & ardens facula, sursum erumpit, securèq; pertransit. Si quis amat, novit quid hæc vox clamet. Magnus clamor in auribus Dei est, ipse ardens affectus animæ, quæ dicit: Deus meus, amor meus: Tu totus meus, & ego totus tuus.

6. Dilata me in amore, ut discam interiori cordis ore degustare, quàm suave sit amare, & in amore liquefieri & natâre. Tenear amore, vadens supra me, præ nimio fervore & stupore. Cantem amoris canticum, sequar te dilectum meum in altum, deficiat in laude tua anima mea, jubilans ex amore. Amem te, plusquàm me, nec me, nisi propter te; & omnes in te, qui verè amant te, sicut jubet lex amoris lucens exte.

7. Est amor velox, sincerus, pius, jucundus & amœnus, for-

tis, patiens, fidelis, prudens, longanimis, virilis, & seipsum nunquàm quærens. Ubi enim seipsum aliquis quærit, ibi ab amore cadit. Est amor circumspectus, humilis, & rectus: non mollis, non levis, nec vanis intendens rebus; sobrius, castus, stabilis, quietus, & in cunctis sensibus custoditus. Est amor subjectus, & obediens Prælati, sibi vilis & despectus, Deo devotus & gratificus, fidens & sperans semper in eo, etiam cum sibi non sapit Deus; quia sine dolore, non vivitur in amore.

8. Qui non est paratus omnia pati, & ad voluntatem stare dilecti, non est dignus amator appellari. Oportet amantem omnia dura & amara, propter dilectum libenter amplecti, nec ob contraria accidentia ab eo deflecti.

## CAPUT VI.

### De probatione veri amatoris.

1. Fili, non es adhuc fortis & pru-

1. Cor. 13.  
1. Cor. 10.  
& Phil. 2.

Rom. 8.



prudens amator. Quare Domine ? quia propter modicam contrarietatem deficiis à cœptis, & nimis avidè consolationem quæris. Fortis amator stat in tentationibus, nec callidis credit persuasionebus inimici. Sicut ei in prosperis placeo, ita nec in adversis displiceo.

2. 2. Prudens amator, non tam donum amantis considerat, quàm dantis amorem. Affectum potiùs attendit, quàm censum, & infrà dilectum omnia data ponit. Nobilis amator, non quiescit in dono, sed in me super omne donum. Non est ideò totum perditum, si quandoque minus bene de me vel de Sanctis meis sentis, quàm velles. Affectus ille bonus & dulcis, quem interdum percipis, effectus gratiæ præsentis est, & quidam prægustus patriæ cœlestis; super quo non nimium innitendum, quia vadit & venit. Certare autem adversùs incidentes malos motus animi, suggestionemque sper-

nerediaboli, insigne est virtutis, & magni meriti.

3. Non ergò te conturbent 3. alienæ phantasiæ, de quacunque materia ingesta. Forte serva propositum, & intentionem rectam ad Deum. Nec est illusio, quod aliquandò in excelsum subitò raperis, & statim ad solitas ineptias cordis revertaris. Illas enim invitè magis pateris, quàm agis; & quàm diu displicent & reniteris, meritum est, & non perditio.

4. Scito, quod antiquus inimicus omninò nititur impedire desiderium tuum in bono, & ab omni devoto exercitio evacuare, à Sanctorum scilicet cultu, à pia passionis meæ memoria, à peccatorum utili recordatione, à proprii cordis custodia, & à firmo proposito proficiendi in virtute. Multas malas cogitationes ingerit, ut tedium tibi faciat & horrorem; ut ab oratione revocet, & sacra lectione. Displicet ipsi humilis confessio, & (si posset)



Matth. 4.  
c. 16.

à communionem cessare faceret. Non credas ei, neque cures illum, licet sapius tibi deceptionis tetenderit laqueos. Ipsi imputa, cum mala inserit & immunda. Dico illi; vade immunde spiritus, erubescere miser, valde immundus es tu, qui talia infers auribus meis. Discede à me seductor pessime, non habebis in me partem ullam; sed JESUS mecum erit, tanquam bellator fortis, & tu stabis confusus. Malo potius mori, & omnem poenam subire, quam tibi consentire. Tace & obmutesce, non audiam te amplius, licet plures mihi molliaris molestias. Dominus illuminatio mea & salus mea, quem timebo? Si consistant adversum me castra, non timebit cor meum. Dominus adiutor meus, & Redemptor meus.

5. 5. Certa tanquam miles bonus, & si interdum ex fragilitate corruis, resume vires fortiores prioribus, confidens de am-

pliori gratia mea, & multum prae cave à vana complacentia & superbia. Propter hoc multi in errorem ducuntur, & in cecitatem penè incurabilem quandoque labuntur. Sit tibi in cautelam & perpetuam humilitatem ruina hæc superbiorum, de se stultè præsumentiū.

#### CAPUT VII.

*De occultanda gratia sub humilitatis custodia.*

1. **F**ili, utilius est tibi, & securius, devotionis gratiam abscondere, nec in altum te efferre, nec multum inde loqui, neque multum ponderare; sed magis temetipsum despicere, & tanquam indigno datam timere. Non est huic affectioni tenacius inhaerendum, quæ citius potest mutari in contrarium. Cogita in gratia, quam miser & inops esse soles sine gratia. Nec est in eo tantum spiritualis vitæ profectus, cum consolationis habueris gratiam: sed quum humiliter, & abnegatè, patienterq; tuleris ejus sub-

Hier.  
Rom.



subtractionem: ita, quod tunc ab orationis studio non torpeas, nec reliqua opera tua ex usu facienda, omninò dilabi permittas; sed sicut meliùs potueris & intellexeris, libenter quod in te est, facias; nec propter ariditatem, seu anxietatem mentis, quàm sentis, te totaliter negligas.

2. 2. Multi enim sunt, qui cùm non benè eis successerit, statim impatientes fiunt aut desides.

Hier. 10.  
Rom. 9.

*Non enim semper est in potestate hominis via ejus*, sed Dei est dare, & consolari quando vult, & quantum vult, & cui vult, sicut sibi placuerit, & non ampliùs. Quidam incauti, propter devotionis gratiam se ipsos destruxerunt, quia plus agere voluerunt, quàm potuerunt, non pensantes suæ parvitatæ mensuram, sed magis cordis affectum sequentes, quàm rationis iudicium. Et quia majora præsumpserunt, quàm Deo placitum fuit, idcirco gratiam citò perdiderunt. Facti

sunt inopes, & viles relictæ, qui in cælum posuerunt nidum sibi; ut humiliati & depauperati, discant non in alis suis volare, sed sub pennis meis sperare. Qui adhuc novi sunt, & imperiti in via Domini, nisi consilio discretorum se regant, facilliter decipi possunt & elidi.

3. Quod si suum sentire magis sequi, quàm aliis exercitatis credere volunt, erit eis periculosus exitus, si tamen retrahi à proprio conceptu valuerint. Rarò sibi ipsis sapientes, ab aliis regi humiliter patiuntur. Melius est, sapere modicum cum humilitate, & parva intelligentia; quàm magnificentiarum thesauri, cum vana complacentia. Melius est tibi minus habere quàm multum, unde posses superbire. Non satis discretè agit, qui se totum lætitiæ tradit, obliviscens pristinæ inopiæ suæ, & casti timoris Domini, qui timet gratiam oblatam amittere. Nec etiam satis virtuosè sapit, qui tempo-

Esai. 14.

Prov. 29.  
Eccl. 16.



re adversitatis, & cuiusque gravitatis, nimis desperatè se gerit & minùs fidenter de me quàm oportet, recogitat ac sentit.

4. 4. Qui tempore pacis nimis  
*1. Thess. 5.* securus esse voluerit, sæpe tempore belli nimis dejectus & formidolosus reperietur. Si scires semper humilis & modicus in te permanere, nec non spiritum tuum bene moderari & regere, non incideres tam citò in periculum & offensam.  
*Job. 17.* Consilium bonum est, ut fervoris spiritu concepto; mediteris quid futurum sit abscedente lumine. Quod dum contigerit, recogita, & denuò lucem posse reverti, quàm ad cautelam tibi, mihi autem ad gloriam, ad tempus subtrahi.

5. 5. Utilior est sæpè talis probatio, quàm si semper prospera, pro tua haberes voluntate. Nam merita non sunt ex hoc existimanda, si quis plures visiones aut consolationes habeat; vel si peritus sit in scripturis, aut in altiori ponatur gradu;

sed si verâ fuerit humilitate fundatus, & divinâ charitate repletus, si Dei honorem purè & integrè semper quærat; si se ipsum nihil reputet, & in veritate despiciat, atque ab aliis etiam despici & humiliari magis gaudeat, quàm honorari.

*Psalm. 83.*

### CAPUT VIII.

*De vili estimatione sui ipsius in oculis Dei.*

1. **L**oquar ad Dominum 1.  
*Gen. 18.* meum, cum sim pulvis & cinis? Si me ampliùs reputavero, ecce tu stas contra me; & dicunt testimonium verum iniquitates meæ, nec possum contradicere. Si autem me vilificavero, & ad nihilum redegero, & ab omni propria reputatione defecero, atque (sicut sum) pulverizavero, erit mihi propitia gratia tua, & vicina cordi meo lux tua: & omnis æstimatio, quantulacumque minima, in valle nihilitatis meæ submergetur, & peribit in æternum. Ibi ostendis me mihi, quid sum, quid fui, & de quo veni:



veni: quia nihil sum, & nescivi. Si mihi ipsi relinquor, ecce nihil, & tota infirmitas. Si autem subito me respexeris, statim fortis effior, & novo repleor gaudio. Et mirum valde, quod sic repente sublevor, & tam benigne à te complector, qui proprio pondere semper ad ima feror.

2. 2. Facit hoc amor tuus, gratis præveniens me, & in tam multis subveniens necessitatibus, à gravibus quoque custodiens me periculis, & ab innumeris (ut verè dicam) eripiens malis. Me siquidem malè amando, me perdidisti: & te solum quærendo, & purè amando, me & te pariter inveni, atque ex amore profundius ad nihilum me redegi. Quia tu, ô dulcissime, facis mecum supra meritum omne, & supra id, quàm audeo sperare vel rogare.

3. 3. Benedictus sis Deus meus, quia licet ego omnibus bonis sim indignus, tua tamen nobilitas & infinita bonitas nun-

quam cessat benefacere etiam ingratis, & longè à te aversis. Converte nos ad te, ut simus grati, humiles, & devoti; quia salus nostra tu es, virtus, & fortitudo nostra.

## CAPUT IX.

*Quod omnia ad Deum, sicut ad finem ultimum, sint referenda.*

1. Fili, ego debeo esse finis 1. tuus supremus & ultimus, si verè desideras esse beatus. Ex hac intentione purificabitur affectus tuus, sapius ad se ipsum & ad creaturas, malè incurvatus. Nam si te ipsum in aliquo quæris, statim in te deficis & arescis. Omnia ergo ad me principaliter referas, quia ego sum, qui omnia dedi. Sic singula considera, sicut ex summo bono manantia; & ideò ad me tanquam ad suam originem, cuncta sunt reducenda.

2. Ex me pusillus & magnus, 2. pauper & dives, tanquam ex fonte vivo, aquam vivam hauriunt: & qui mihi sponte & libere deserviunt, gratiam pro

K gratia

*psalm. 83.*

*en. 18.*

*Joan. 12.*

*Ecol. 1.*

*Matth. 5.*

*Joan. 4.  
1. Cor. 1.*



## CAPUT X.

*Quod spretum mundo, dulce est  
servire Deo.*

gratia accipient. Qui autem extra me voluerit gloriari, vel in aliquo privato bono delectari, non stabilietur in vero gaudio, neque in corde suo dilatabitur, sed multipliciter impediatur & angustietur. Nihil ergo tibi de bono adscribere debes, nec alicui homini virtutem attribuas, sed totum da Deo, sine quo nihil habet homo. Ego totum dedi, ego totum rehabere volo, & cum magna districtione, gratiarum actiones requiro.

1. Cor. 4.



3. 3. Hæc est veritas, quâ fugatur gloriæ vanitas. Et si intraverit cœlestis gratia, & vera charitas, non erit aliqua invidia, nec contractio cordis, neque privatus amor occupabit: Vincit enim omnia divina charitas, & dilatat omnes animæ vires. Si rectè sapis, in me solo gaudebis, in me solo sperabis, quia nemo bonus, nisi solus Deus, qui est super omnia laudandus, & in omnibus benedicendus.

Matth. 19.  
& Luca 18.

1. **N**unc iterum loquar Domine, & non filebo; dicam in auribus Dei mei, Domini mei, & Regis mei, qui est in excelsis. *O quàm magna multitudo dulcedinis tuæ Domine, quàm abscondisti timentibus te?* Sed quid es amantibus? quid toto corde tibi servantibus? Verè ineffabilis dulcedo contemplationis tuæ, quam largiris amantibus te. In hoc maxime ostendisti mihi dulcedinem charitatis tuæ, quia cum non essem, fecisti me; & cum errarem longe à te, reduxisti me, ut servirem tibi, & præcepisti, ut diligam te.

Psalm. 30.

Genes. 1.  
Psalm. 118.  
& Matth. 15.

2. O fons amoris perpetui, quid dicam de te? Quomodo potero tui oblivisci, qui mei dignatus es recordari, etiam postquam contabui & perii? Fecisti ultra omnem spem, misericordiam cum servo tuo; & ultra omne meritum, gratiam

&



*Psal.* 115. & amicitiam exhibuisti. *Quid retribuam* tibi pro gratia ista?

*Judith.* 16. Non enim omnibus datum est, ut omnibus abdicatis, sæculo renuncient, & monasticam vitam assumant. Nunquid magnum est, ut tibi serviam, cui omnis creatura servire tenetur? Non magnum mihi videri debet servire tibi: sed hoc potius magnum mihi & mirandum apparet, quòd tam pauperem & indignum dignaris in servum recipere, & dilectis servis tuis adunare.

3. 3. Ecce omnia tua sunt, quæ habeo, & uade tibi servio. Veruntamen vice versa, tu magis mihi servis, quam ego tibi. Ecce, cælum & terra, quæ in ministerium hominis creasti, præstò sunt, & faciunt quotidie quæcunque mandasti. Et hoc parum est, quin etiam Angelos in ministerium hominis ordinasti. Transcendit autem hæc omnia, quòd tu ipse homini servire dignatus es, & reipsum daturum ei promisisti.

4. Quid dabo tibi pro omnibus istis millibus bonis? Utinam possem tibi servire cunctis diebus vitæ meæ. Utinam vel uno die dignum servitium exhibere sufficerem. Verè tu es dignus omni servitio, omni honore, & laude æterna. Verè Dominus meus es, & ego pauper servus tuus, qui totis viribus teneor tibi servire, nec unquam in laudibus tuis debeo fastidire. Sic volo, sic desidero; & quicquid mihi deest, tu digneris supplere. Magnus honor, magna gloria tibi servire, & omnia propter te contemnere. Habebunt enim gratiam magnam, qui sponte se subjecerint tuæ sanctissimæ servituti. Invenient suavissimam Spiritus sancti consolationem, qui pro amore tuo, omnem carnalem abjecerint. Consequentur magnam mentis libertatem, qui arctam pro nomine tuo ingrediuntur vitam, & omnem mundanam neglexerint curam.

*Matth.* 19.*Matth.* 7.



5. 5. O grata & jucunda Dei  
Matth. 11.  
 & 1. Ioan.  
 3. servitus, qua homo veraciter  
 efficitur liber & sanctus & sa-  
 cer status religiosi famulatus,  
 qui hominem Angelis reddit  
 æqualem, Deo placabilem, dæ-  
 monibus terribilem, & cunctis  
 fidelibus commendabilem. O  
 amplectendum & semper op-  
 tandum servitium, quo sum-  
 mum promeretur bonum, &  
 gaudium acquiritur sine fine  
 mansurum.

## CAPUT XI.

*Quod desideria cordis exa-  
 minanda sint, & moderanda.*

1. 1. **F**ili, oportet te adhuc mul-  
Psal. 107.  
 Matth. 6. ta addiscere, quæ nec-  
 dum bene didicisti. Quæ sunt  
 hæc Domine? Ut desiderium  
 tuum ponas totaliter secun-  
 dùm beneplacitum meum, &  
 tui ipsius amator non sis, sed  
 meæ voluntatis cupidus æmu-  
 lator. Desideria te sæpè accen-  
 dunt, & vehementer impel-  
 lunt; sed considera, an propter  
 honorem meum, an propter  
 tuum commodum magis mo-

vearis. Si ego sum in causa, be- Phil. 2.  
 ne contentus eris, quomodo-  
 cumque ordinavero: si autem  
 de proprio quæsitu aliquid la-  
 tet, ecce hoc est, quod te impe-  
 dit & gravat.

2. Cave ergo, ne nimium in- 2.  
 nitaris super desiderio præcon-  
 cepto, me non consulto; ne for-  
 tē postea pœniteat, aut displic-  
 ceat, quod primò placuit, &  
 quasi pro meliore zelasti. Non  
 enim omnis affectio, quæ vide-  
 tur bona, statim est sequenda.  
 Sed neq; omnis contraria affe-  
 ctio ad primum fugienda. Ex-  
 pedit interdum refrenatione  
 uti etiam in bonis studiis & de-  
 sideriis; ne per importunita-  
 tem, mentis distractionem in-  
 curras; ne aliis per indisciplina-  
 tionem scandalum generes,  
 vel etiam per resistantiam alio-  
 rum, subito turberis & corruas.

3. Interdum verò oportet 3.  
Matth. 11.  
 Rom. 8 &  
 2. Cor. 4.  
 2. Cor. 10. violentia uti, & viriliter appe-  
 titui sensitivo contraire, nec  
 advertere quid velit caro, &  
 quid non velit, sed hoc magis  
 lata-



1. Cor. 9.

fatagere, ut subiecta sit etiam nolens spiritui; Et tamdiu castigari debet, & cogi servituti subesse; donec parata sit ad omnia, paucisque contentari discat, & simplicibus delectari, nec contra aliquod inconveniens missitate.

## CAPUT XII.

*De informatione patientia, & luctamine adversus concupiscentias.*

Hebr. 10.  
Iob. 7.

1. **D**omine Deus, ut video, patientia est mihi valde necessaria; multa enim in hac vita accidunt contraria. Nam qualitercunque ordinavero de pace mea; non potest esse sine bello & dolore vita mea. Ita est fili, sed volo te non talem querere pacem, quæ tentationibus careat, aut contraria non sentiat, sed tunc etiam æstima te pacem invenisse, cum fueris variis tribulationibus exercitatus, & in multis contrarietatibus probatus.

Iacob. 1. 2:

2. Si dixeris, te non posse multa pati, quomodo tunc sustinebis ignem purgatorii? De duobus malis, minus est sem-

per eligendum. Ut ergo æterna futura supplicia possis evadere, mala præsentia studeas prodeoque æquanimiter tolerare. An putas, quod homines sæculi huius, nihil vel parum patiantur? Nec hoc invenies, etiam si delicatissimos quæsieris. Sed habent, inquis, multas delectationes, & proprias sequuntur voluntates; ideoque parum ponderant suas tribulationes. Esto, ita sit, ut habeant quicquid voluerint; sed quamdiu putas durabit?

3. Ecce, *quemadmodum fu-* 3.  
*mus deficient* abundantes in *Psalm. 67.*  
sæculo, & nulla erit recordatio præteritorum gaudiorum. Sed & cum adhuc vivunt, non sine amaritudine, & tædio, ac timore, in eis quiescunt. Ex eadem namque re, unde sibi delectationem concipiunt, inde doloris pœnam frequenter recipiunt. Iuste illis fit; ut quia inordinate delectationes quærunt & sequuntur, non sine confusione & amaritudine eas expleant.



4. 4. O quàm breves, quàm falsa, quàm inordinata, & turpes omnes sunt? Veruntamen præ ebrietate & cæcitate non intelligunt, sed velut muta animalia, propter modicum corruptibilis vitæ delectamentum, mortem animæ incur-  
Eccli. 18.  
Psalm. 36. runt. *Tu ergo fili, post concupiscentias tuas non eas, & à voluntate tua avertere. Delectare in Domino, & dabit tibi petitiones cordis tui.*

5. 5. Etenim si veraciter vis delectari, & abundantius à me consolari, ecce in contemptu omnium mundanorum, & in abscissione omnium infimarum delectationum, erit benedictio tua, & copiosa tibi reddetur consolatio. Et quantò te plus ab omni creaturarum solatio subtraxeris, tantò in me suaviores & potentiores consolationes invenies. Sed primò non sine quadam tristitia & labore certaminis, ad has pertinges. Obsister inolita consuetudo, sed meliori consuetudine

devincetur. Remurmurabit caro; sed fervore spiritus frenabitur. Instigabit & exacerbabit serpens antiquus; sed oratione fugabitur; insuper & labore utili, aditus ei magnus obstruetur.

## CAPUT XIII.

*De obedientia humilis subditi ad exemplum IESU Christi.*

1. **F**ili, qui se subtrahere niti-  
 tur ab obedientia, ipse se  
 subtrahit à gratia. Et qui qua-  
 rit habere privata, amittit  
 communia. Qui non libenter  
 & sponte suo superiori se sub-  
 dit, signum est, quòd caro sua  
 necdum perfectè sibi obedit,  
 sed sæpè recalcitrat & remur-  
 murat. Disce ergo celeriter su-  
 periori tuo te submittere, si  
 carnem propriam optas subju-  
 gare. Citiùs namque exterior  
 vincitur inimicus, si interior  
 homo non fuerit devastatus.  
 non est molestior & peior ani-  
 mæ hostis, quàm tu ipse tibi,  
 non bene concordans spiritui.  
 Oportet omninò verum te as-  
 sumere



sumere tui ipsius contemptum, si vis prævalere adversus carnem & sanguinem.

2.

Luca 2. &  
Joan. 12.

2. Quia adhuc nimis inordinatè te diligis, ideò plenè te resignare aliorum voluntati trepidas. Si quid magnum, si tu, qui pulvis es & nihil, propter Deum te homini subdis, quando ego omnipotens & altissimus, qui cuncta creavi ex nihilo, me homini propter te humiliter subjeci: factus sum omnium humillimus & infimus, ut tuam superbiam mea humilitate vinceres. Disce obtemperare pulvis: Disce te humiliare terra & limus, & sub omnium pedibus incurvare: Disce voluntates tuas frangere, & ad omnem subjectionem te dare.

3.

3. Exardesce contra te, nec patiaris tumorem in te vivere; sed ita subiectum & parvulum te exhibe, ut omnes super te ambulare possint, & sicut lutum platearum conculcare. Quid habes homo inanis conqueri? Quid sordidè peccator

potes contradicere exprobrantibus tibi, qui toties Deum offendisti & infernum multoties meruisti? Sed pepercit tibi oculus meus, quia pretiosa fuit anima tua in conspectu meo; ut cognosceres dilectionem meam & gratus semper beneficiis meis existeres; & ut ad veram subjectionem & humilitatem, te jugiter dares, patienterque proprium contemptum ferres.

## CAPUT XIV.

*De occultis Dei judiciis considerandis, ne extollamur in bonis.*

1. **I**Ntonas super me judicia <sup>1.</sup>

tua Domine, & timore ac tremore concutis omnia ossa mea, & expavescit anima mea valde. Sto attonitus, & confidero quia cæli non sunt mundi in conspectu tuo. Si *in Angelis* reperisti *pravitatem*, nec tamen pepercisti, quid fiet de me? Ceciderunt stellæ de cælo, & ego pulvis quid præsumo? Quorum opera videbantur laudabilia, ceciderunt ad infamiam; & qui comedebant panem

Job 15.  
Job 4.  
Apoc. 8.  
Psalm. 72.

Ange-



Angelorum, vidi siliquis delectari porcorum.

2. 2. Nulla est ergo sanctitas, si manum tuam Domine subtrahas. Nulla prodest sapientia, si gubernare desistas. Nulla iuvat fortitudo, si conservare desinas.

3. 3. Nulla secunda castitas, si eam non protegas. Nulla propria prodest custodia, si non adsit tua sacra vigilantia. Nam relictis, mergimur & perimus; visitati verò erigimur & vivimus. Instabiles quippe sumus, sed per te confirmamur: tepescimus, sed à te accendimur. O quàm humiliter & abjecte mihi de me ipso sentiendum est; quàm nihili pendendum, si quid boni videat habere. O quàm profundè submittere me debeo, sub abyssalibus iudiciis tuis Domine, ubi nihil aliud me esse invenio, quàm nihil & nihil. O pondus imensum; ô pelagus intransnatabile; ubi nihil de me reperio, quàm in toto nihil. Ubi est ex-

go latebra gloriæ? ubi confidentia de virtute concepta? Absorpta est omnis gloriatio vana, in profunditate iudiciorum tuorum super me.

4. 4. Quid est omnis caro in conspectu tuo? *Nunquid gloriabitur lutum contra formantem se?* Quomodo potest erigi vaniloquio, cuius cor in veritate subiectum est Deo? Non cum totus mundus eriget, quem veritas sibi subiecit; nec omnium laudantium ore movebitur, qui totam spem suam in Deo firmavit. Nam & ipsi qui loquuntur, ecce omnes nihil, deficient enim cum sonitu verborum: *Veritas autē Domini manet in eternum.* Ecclesi. 23.  
& Isaia 29.  
  
Psal. 116.

#### CAPUT XV.

*Qualiter standū sit ac dicendū, in omni re desiderabili.*

1. 1. **E**lli, sic dicas in omni re: I.  
Iacob. 3.  
Domine, si tibi placitum fuerit, fiat hoc ita. Domine, si fuerit honor tuus, fiat hoc in nomine tuo. Domine, si mihi videris expedire, & utile esse proba-



probaveris, tunc dona mihi hoc uti ad honorem tuum: Sed si mihi nocivum fore cognoveris, nec animæ meæ saluti prodesse, aufer à me tale desiderium. Non enim omne desiderium est à Spiritu sancto, etiam si homini videatur rectum & bonum. Difficile est pro vero judicare, utrum spiritus bonus, an alienus te impellat ad desiderandum hoc vel illud, an etiam ex proprio movearis spiritu. Multi in fine sunt decepti, qui primò bono spiritu videbantur inducti.

2. Igitur semper cum timore Dei, & cordis humilitate desiderandum est & petendum, quicquid desiderabile menti occurrit, maximeque cum propria resignatione, mihi totum committendum est, atque dicendum: Domine, tu scis qualiter melius est, fac hoc vel illud sicut volueris. Da quod vis, & quantum vis, & quando vis. Fac mecum sicut scis, & sicut tibi magis placuerit, & major

honor tuus fuerit. Pone me ubi vis, & libere age mecum in omnibus. In manu tua sim, gyra & reverla me per circuitum. En servus tuus ego paratus ad omnia: quoniam non desidero mihi vivere, sed tibi; utinam dignè & perfectè.

*Oratio, pro beneplacito Dei perficiendo.*

3. **C**oncede mihi benignissime, me Jesu gratiam tuam, ut mecum sit, & mecum laboret, mecumque usque in finem perseveret. Da mihi, hoc semper desiderare & velle, quod tibi magis acceptum est, & charius placet. Tua voluntas, mea sit; & mea voluntas, tuam semper sequatur, & optimè ei concordet. Sit mihi unum velle & nolle tecum; nec aliud posse velle aut nolle, nisi quod tu vis & nolis.

4. Da mihi omnibus mori, quæ in mundo sunt, & propter te amare contemni, & nesciri in hoc sæculo. Da mihi super omnia desiderata in te requiescere, & cor meum in te pacifi-

L

care



*Psalms. 4.* care. Tu vera pax cordis, tu sola requies; extra te, dura sunt omnia & inquieta. In hac pace in idipsum, hoc est, in te uno summo æterno bono, *dormiam & requiescam. Amen.*

## CAPUT XVI.

*Quod verum solatium in solo Deo est querendum.*

*Matth. 16.* I. I. **Q**uicquid desiderare possum, vel cogitare ad solatium meum non hîc expecto, sed in posterum. Quod si omnia solatia mundi solus haberem, & omnibus deliciis frui possem, certum est quod diu durare non possent. Unde non poteris anima mea plenè consolari, nec perfectè recreari, nisi in Deo consolatore pauperum, ac susceptore humilium. Expecta modicum anima mea, expecta divinum promissum, & habebis abundantiam omnium bonorum in cælo. Si nimis inordinate ista appetis præsentia, perdes æterna & cœlestia. Sint temporalia in usu, æterna in desiderio.

Non potes aliquo bono temporali satiari, quia ad hæc fruenda non es creata.

2. Etiam si omnia creata bona haberes, non posses esse felix & beata; sed in Deo, qui cuncta creavit, tota beatitudo tua & felicitas consistit: non *Sap. 2.* qualis videtur & laudatur à stultis mundi amatoribus, sed qualem expectant boni Christi fideles, & prægustant interdum spirituales ac mundi cordes, quorum *conversatio est in cælis.* Vanum est & breve, *Phil. 3.* omne humanum solatium: Beatum & verum solatium, quod intus à veritate percipitur. Devotus homo, ubique secum fert consolatorem suum Jesum; & dicit ad eum: Adesto mihi Domine Jesu, in omni loco & tempore. Hæc mihi sit consolatio, libenter velle carere omni humano solatio. Et si tua defuerit consolatio, sit mihi tua voluntas & justa probatio, pro summo solatio. *Non enim in perpetuum iras-* *Psal. 10.*



*irascaris, neque in æternum  
comminaberis.*

## CAPUT XVII.

*Quod omnis sollicitudo in  
Deo ponenda sit.*

1. **F**ili, sine me tecum agere  
quod volo, ego scio quid  
expedit tibi. Tu cogitas, ut ho-  
mo; tu sentis in multis, sicut  
humanus suadet affectus. Do-  
mine, verum est quod dicis;  
Major est sollicitudo tua pro  
me, quam omnis cura, quam  
ego gerere possum pro me. Ni-  
mis enim casualiter stat, qui  
non projicit omnem sollicitu-  
dinem suam in te. Domine,  
dummodo voluntas mea recta  
& firma ad te permaneat, fac  
de me, quicquid tibi placuerit.  
Non enim potest esse nisi bo-  
num, quicquid de me feceris.

Matth. 6.  
& Joan. 6

2. **S**i me vis esse in tenebris,  
sis benedictus: & si me vis esse  
in luce, sis iterum benedictus.  
Si me dignaris consolari, sis  
benedictus: & si me vis tribula-  
ri, sis æquè semper benedictus.  
Fili, sic oportet te stare, si me-

Job. 2.

cum desideras ambulare. Ita  
promptus esse debes ad patien-  
dum, sicut ad gaudendum. Ita  
libenter debes esse inops &  
pauper, sicut plenus & dives.

3. Domine, libenter patiar  
pro te, quicquid volueris veni-  
re super me. Indifferenter volo  
de manu tua, bonum & ma-  
lum, dulce & amarum, lætum  
& triste suscipere, & pro omni-  
bus mihi contingentibus gra-  
tias agere. Custodi me ab omni  
peccato, & non timebo mor-  
tem nec infernum: Dummodo  
in æternum me non projicias,  
nec deleas de libro vitæ; non  
mihi nocebit, quicquid venci-  
rit tribulationis super me.

Psalms. 22.

## CAPUT XVIII.

*Quod temporales miseria ex-  
emplo Christi aquanimitèr sint  
ferenda.*

1. **F**ili, ego descendi de cælo  
pro tua salute; suscepi tu-  
as misérias, non necessitate,  
sed charitate trahente, ut pati-  
entiam disceres, & temporales  
misérias non indignanter fer-

Joan. 8.  
Isa. 53.  
Luca 22.



res. Nam ab hora ortus mei, usque ad exitum in cruce, non defuit mihi tolerantia doloris. Defectum rerum temporali-um, magnum habui: multas quarimonias de me frequenter audiui; confusiones & opprobria benignè sustinui; pro beneficiis ingratitudinē recepi; pro miraculis blasphemias, pro doctrina reprehensiones.

*Joan. 5.* 2. Domine, quia tu patiens fuisti in vita tua, in hoc maxime implendo præceptum Patris tui; dignum est, ut ego missellus peccator, secundum voluntatem tuam patienter me sustineam, & donec ipse volueris, onus corruptibilis vitæ, pro salute mea portem. Nam etsi onerosa sentitur præsens vita, facta est tamen jam per gratiam tuam valde meritoria; atque exemplo tuo, & sanctorum tuorum vestigiis, infirmis tolerabilior & clarior: Sed & multo magis consolatoria, quàm olim in lege vetere fuerat, quum porta cæli clausa per-

sisteret; & obscurior etiam via ad cælum videbatur, quando tam pauci regnum cælorum quærere curabant. Sed neque qui tunc iusti erant & salvandi, ante passionem tuam, & sacræ mortis debitum, cœleste regnum poterant introire.

3. O quantas tibi gratias te neor referre, quod viam rectam & bonam dignatus es mihi & cunctis fidelibus, ad æternum regnum tuum ostendere? Nam vita tua, via nostra; & per sanctam patientiam ambulamus ad te; qui es corona nostra. Nisi tu nos præcessisses & docuisses, quis sequi curaret? Heu quanti longè retroq; mernerent, nisi tua præclara exempla inspicerent. Ecce, adhuc te pescimus auditis tot signis tuis & doctrinis: quid fieret, si tantum lumen, ad sequendum te, non haberemus?

## CAPUT XIX.

*De tolerantia injuriarum, & quis verus patiens probetur.*

1. **Q**uid est, quod loqueris i. fili?



Hebr. 12.  
Hebr. 11.

Matth 7.

fili? Cessa conqueri, considera-  
ta mea & aliorum sanctorum  
passione. *Nondum usque ad  
sanguinem restitisti.* Parum  
est quod tu pateris, in compa-  
ratione eorum, qui tam multa  
passi sunt, tam fortiter tentati,  
tam graviter tribulati, tam  
multipliciter probati & exerci-  
tati. Oportet te igitur aliorum  
graviora ad mentem reducere,  
ut levius feras tua minima. Et si  
tibi minima non videntur, vi-  
de ne & hoc tua faciat impati-  
entia. Sive tamen parva, sive  
magna sint, stude cuncta pati-  
enter ferre.

2. 2. Quanto melius ad pati-  
endum te disponis, tanto sapi-  
entius agis, & amplius prome-  
reris, feres quoque levius, ani-  
mo & usu ad hoc non segniter  
paratis. Nec dicas: Non valeo  
hæc ab homine tali pati, nec  
hujuscemodi mihi patienda  
sunt; grave enim intulit dam-  
num, & improperat mihi, quæ  
nunquam cogitaveram, sed ab  
alio libenter patiar, & sicut pa-

tienda videro. Insipiens est ta-  
lis cogitatio, quæ virtutem pa-  
tientiae non considerat, nec à  
quo coronanda erit, sed magis  
personas & offensas sibi illatas  
perpendit.

3. Non est verus patiens, qui  
pati non vult, nisi quantum si-  
bi visum fuerit, & à quo sibi  
placuerit. Verus autem pati-  
ens, non attendit à quo homi-  
ne, utrum à Prælato suo, an ab  
aliquo æquali, aut inferiori;  
utrum à bono & sancto viro,  
vel à perverso & indigno exer-  
ceatur; Sed indifferenter ab  
omni creatura, quantumcun-  
que & quotiescunque ei ali-  
quid adversi acciderit, totum  
hoc de manu Dei gratanter ac-  
cepit, & ingens lucrum reputat;  
quia nil apud Deum, quan-  
tumlibet parvum, pro Deo ta-  
men passum, poterit sine meri-  
to transire.

4. Esto itaque expeditus ad  
pugnam, si vis habere victori-  
am. Sine certamine, non potes  
pervenire ad patientiæ coro-  
nam.



2. Tim. 2.

nam. Si pati non vis, recusas coronari: Si autem coronari desideras, certa viriliter, sustine patienter. Sine labore, non tenditur ad requiem; nec sine pugna, pervenitur ad victoriam. Fiat Domine mihi possibile per gratiam, quod mihi impossibile videtur per naturam. Tu scis, quod modicum possum pati, & quod citò de jicior, levi exurgente adversitate. Efficiatur mihi quælibet exercitatio tribulationis, pro nomine tuo amabilis & optabilis; nam pati, & vexari pro te, valde salubre est animæ meæ.

## CAPUT XX.

*De confessione propria infirmitatis, & hujus vite miseriis.*

Psalm. 31.

1. 1. **C**onfitebor adversum me iniquitatem meam; confitebor tibi Domine infirmitatem meam. Sæpè parva res est, quæ me dejicit & contristat. Propono me fortiter acturum, sed quum modica tentatio venerit, magna mihi angustia fit. Valdè vilis quandoque res est, unde gravis ten-

tatio provenit: Et dum puto me aliquantulum tutum, cum non sentio, invenio me nonnunquam penè devictum ex levi flatu.

2. *Vide ergo Domine humilitatem meam, & fragilitatem tibi undique notam. Miserere & eripe me de luto, ut non infingar, non permaneam dejectus usquequaque.* Hoc est, quod me frequenter reverberat, & coram te confundit; quod tam labilis sum, & infirmus, ad resistendum passionibus: Et si non omnino ad consensionem, tamen mihi etiam molesta & gravis est earum infectatio, & tædet valde sic quotidie vivere in lite. Ex hinc nota mihi fit infirmitas mea, quia multo facilius irruunt abominandæ semper phantasiæ, quàm discedunt.

3. Utinam fortissime Deus Israël, zelator animarum fidelium, respicias servi tui laborem & dolorem, assistasque illi in omnibus, ad quæcunq; perrexerit.



rexit. Robora me cœlesti fortitudine, ne vetus homo, misera caro spiritui necdum plenè subjecta, prævaleat dominari, adversus quam certare oportebit, quamdiu spiratur in hac vita miserrima. Heu qualis est hæc vita, ubi non desunt tribulationes & miseriæ; ubi plena laqueis & hostibus sunt omnia. Nam una tribulatione seu tentatione recedente, alia accedit; sed & priore adhuc durante conflictu, alii plures superveniunt, & insperatè.

4. 4. Et quomodo potest amari vita, tantas habens amaritudines, tot subjecta calamitatibus & miseriis? Quomodo etiam dicitur vita, tot generans mortes & pestes? Et tamen amatur, & delectari in ea à multis quæritur. Reprehenditur frequenter mundus, quòd fallax sit & vanus, nec tamen facilè relinquitur, quia concupiscentiæ carnis nimis dominantur. Sed alia trahunt ad amandum, alia ad contemnendum. Trahunt

ad amorem mundi, desiderium carnis, desiderium oculorum, & superbia vitæ; sed poenæ ac miseriæ justè sequentes ea, odium mundi pariunt & tædium.

5. Sed vincit, pròh dolor, delectatio prava mentem mundo deditam, & esse sub sentibus delicias reputat, quia Dei suavitatem, & internam virtutis amœnitatem, nec vidit, nec gustavit. Qui autem mundum perfectè contemnunt, & Deo vivere sub sancta disciplina student, isti divinam dulcedinem, veris abrenunciatoribus promissam, non ignorant, & quàm graviter mundus errat, & variè fallitur, clariùs vident.

## CAPUT XXI.

*Quod in Deo super omnia bona & dona requiescendum est.*

1. Super omnia & in omnibus, requiesces anima mea in Domino semper, quia ipse sanctorum æterna requies. Da mihi, dulcissime & amantissime Jesu, in te super omnem crea-



turam requiescere, super omnem salutem & pulchritudinem, super omnem gloriam & honorem, super omnem potentiam & dignitatem, super omnem scientiam & subtilitatem, super omnes divitias & artes, super omnem latitiam & exultationem, super omnem famam & laudem, super omnem suavitatem & consolationem, super omnem spem & promissionem, super omne meritum & desiderium, super omnia dona & munera, quæ potes dare & infundere; super omne gaudium & jubilationem, quam potest mens capere & sentire: Denique super Angelos & Archangelos, & super omnem exercitum cæli; super omnia visibilia & invisibilia; & super omne, quod tu Deus meus non es.

2. Quia tu Domine Deus meus super omnia optimus es; tu solus altissimus, tu solus potentissimus: tu solus sufficientissimus & plenissimus; tu solus

suavissimus, & solatiosissimus: tu solus pulcherrimus & amantissimus; tu solus nobilissimus & gloriosissimus super omnia; in quo cuncta bona simul & perfectè sunt, & semper fuerunt & erunt: atque ideo minus est insufficiens, quicquid præter te ipsum mihi donas, aut de te ipso revelas, vel promittis, te non viso, nec plenè adepto: Quoniam quidem non potest cor meum veraciter requiescere, nec totaliter contentari, nisi in te requiescat, & omnia dona omnemque creaturam transcendat.

3. O mi dilectissime Sponse 3.  
Jesu Christe, amator purissi- *Psalm. 53.*  
me, dominator universæ creaturæ; quis mihi det pennas veræ libertatis, ad volandum & pausandum in te? O quando ad plenum dabitur mihi vacare & videre, quàm suavis es Domine Deus meus? Quando ad plenum me recolligam in te, ut præ amore tuo, non sentiam me, sed te solum supra omnem sensum



Joan. 13.

sensum & modum, in modo non omnibus noto. Nunc autem frequenter gemo, & infelicitatem meam cum dolore porto. Quia multa mala in hac valle miseriarum occurrunt, quæ me sæpius conturbant, contristant, & obnubilant; sæpius impediunt & distrahunt, alliciunt, & implicant, ne liberum habeam accessum ad te, & ne jucundis fruar amplexibus, præsto semper beatis spiritibus.

4. 4. Moveat te suspirium meum, & desolatio multiplex in terra. O Jesu, splendor æternæ gloriæ, solamen peregrinantis animæ; apud te est os meum sine voce, & silentium meum loquitur tibi. Usquequo tardat venire Dominus meus? Veniat ad me pauperculum suum, & lætum faciat. Mittat manum suam, & miserum eripiat de omni angustia. Veni, veni; quia sine te nulla erit læta dies aut hora: quia tu lætitia mea, & sine te vacua est mensa mea.

Thoma à Kempis de Unitat.

Miser sum, & quodammodo incarceratus, & compedibus gravatus, donec luce præsentia tuæ me reficias, ac libertati dones, vultumque amicabilem demonstres.

5. Quærant alii pro te aliud, 5. quodcunque libuerit; mihi aliud interim nil placet nec placebit, nisi tu deus meus, spes mea, salus æterna. Non reticebo, nec deprecari cessabo, donec gratia tua revertatur, mihi que tu intus loquaris: Ecce adtū: Ecce ego ad te, quia invocasti me. Lacrymæ tuæ, & desiderium animæ tuæ, humiliatio tua, & contritio cordis inclinaverunt me, & adduxerunt ad te. Et dixi: Domine, vocavi te, & desideravi frui te, paratus omnia respuere propter te. Tu enim prior excitasti me, ut quærem te. Sis ergo benedictus Domine, qui fecisti hanc bonitatem cum servo tuo, secundum multitudinem misericordiæ tuæ.

6. Quid habet ultra dicere 6.

M servus



*Psalm. 85.* servus tuus coram te, nisi ut humiliet se valde ante te, memor semper propriæ iniquitatis & vilitatis? Non enim est similis tui in cunctis mirabilibus cæli & terræ. Sunt opera tua bona valde, iudicia vera, & providentia tua reguntur universa. Laus ergo tibi & gloria, ô Patris sapientia; te laudet, & benedicat os meum, anima mea, & cuncta creata simul.

## CAPUT XXII.

*De recordatione multiplicium beneficiorum Dei.*

*Psalm. 118.* 1. 1. **A**in lege tua, & in præceptis tuis doce me ambulare. Da mihi intelligere voluntatem tuam, & cum magna reverentia ac diligenti consideratione, beneficia tua, tam in generali quam in speciali memorari; ut dignè tibi ex hinc valeam gratias referre. Verùm scio & confiteor, nec pro minimo puncto me posse debitas gratiarum laudes persolvere. Minor ego sum omnibus bonis mihi præ-

stitis; & cum tuam nobilitatem attendo, deficit præ magnitudine spiritus meus.

2. Omnia, quæ in anima habemus & corpore, & quæcunque; exterius vel interius, naturaliter vel supernaturaliter possidemus, tua sunt beneficia, & te beneficium, pium, ac bonum commendant, à quo bona cuncta accepimus. Etsi alius plura, alius pauciora accepit, omnia tamen tua sunt; & sine te, nec minimum potest haberi. Ille, qui majora accepit, non potest merito suo gloriari, neque super alios extolli, nec minori insultare; quia ille major & melior, qui sibi minus adscribit, & in regratiando humilior est, atque devotior. Et qui omnibus viliores se existimat, & indigniores se iudicat, aptior est ad percipienda maiora.

3. Qui autem pauciora accepit, contristari non debet, nec indignanter ferre, neque ditioni invidere; sed te potius attende-

re,



re, & tuam bonitatem maximè laudare, quòd tam affluenter, tam gratis & libenter, sine personarum acceptione tua munera largiris. Omnia ex te, & ideo in omnibus es laudandus. Tu scis, quid unicuiq; donari expediat; & cur iste minus, & ille amplius habeat, non nostrum, sed tuum est hoc discernere, apud quem singulorum definita sunt merita.

4. 4. Unde Domine Deus, pro magno etiam reputo beneficio, non multa habere, unde exterius, & secundum homines, laus & gloria apparet: ita ut considerata quis paupertate & vilitate personæ suæ, non modò nullam gravitatem, aut tristitiam, vel dejectionem inde concipiat, sed potiùs consolationem & hilaritatem magnam: quia tu Deus pauperes & humiles, atque huic mundo despectos, tibi elegisti in familiares & domesticos. Testes sunt ipsi Apostoli tui, quos Principes super omnem ter-

ram constituisti. Fuerunt tamen sine querela conversati in mundo, tam humiles & simplices, sine omni malitia & dolo, ut etiam pati contumelias *Act. 5.* gauderent pro nomine tuo: & quæ mundus abhorret, ipsi amplecterentur affectu magno

5. Nihil ergo amatorem tuum, & cognitorem beneficiorum tuorum, ita lætificare debet, sicut voluntas tua in eo, & beneplacitum æternæ dispositionis tuæ; de qua tantum contentari debet & consolari, ut ita libenter velit esse minimus, sicut aliquis optaret esse maximus; & ita pacificus & contentus in novissimo, sicut in loco primo; atque ita libenter despicibilis & abjectus, nullius quoque nominis & famæ, sicut cæteris honorabilior & major in mundo. Nam voluntas tua, & amor honoris tui, omnia excedere debet, & plus eum consolari, magisque placere, quàm omnia beneficia sibi data vel danda.

1. Cor. 1.  
Psalm. 44.  
1. Thef. 2.



## CAPUT XXIII.

*De quatuor magnam importantibus pacem.*

1. **F**ili, nunc docebo te viam pacis, & veræ libertatis. *Matt. 26. & Joan. 5.6.*  
 Fac Domine quod dicis, quia hoc mihi gratum est audire. *1. Cor. 10.*  
 Stude fili, alterius potius facere voluntatem, quam tuam. Elige semper minus, quàm plus habere. *Luca 14.*  
 Quære semper inferiorem locum, & omnibus subesse. Opta semper & ora, ut voluntas Dei integrè in te fiat. *Matt. 6.*  
 Ecce talis homo, ingreditur fines pacis & quietis.

2. **2.** Domine, sermo tuus iste brevis, multum in se continet perfectionis. Parvus est dictu, sed plenus sensu, & uber in fructu. Nam si posset à me fideliter custodiri, non deberet tam facilis in me turbatio oriri : Nam quoties me impacatum sentio, & gravatum, ab hac doctrina me recessisse invenio. Sed tu, qui omnia potes, & animæ profectum semper diligis, adauge maiorem gratiam, ut

possim tuum complere sermonem, & meam perficere salutem.

*Oratio, contra cogitationes malas.*

3. **D**omine Deus meus, ne *3. Psal. 70.*  
 longeris à me : Deus meus in auxilium meum respice, quoniam insurrexerunt in me variæ cogitationes, & timores magni, affligentes animam meam. Quomodo pertransibo illæsus? Quomodo perfringam eas? Ego, inquit, ante te ibo, & gloriosos terræ humiliabo: Aperiam januam carceris, & arcana secretorum revelabo tibi. Fac Domine, ut *Isaia 45.*  
 loqueris, & fugiant à facie tua omnes iniquæ cogitationes. Hæc spes, & unica consolatio mea, ad te in omni tribulatione confugere, tibi confidere, te ex intimo invocare, & patienter consolationem tuam expectare.

*Oratio, pro illuminatione mentis.*

4. **C**larifica me, bone Jesu, 4.  
 claritate interni luminis; & educ de habitaculo cordis mei,



mei, tenebras universas. Cohibe evagationes multas, & vim facientes elide tentationes. Pugna fortiter pro me, & expugna malas bestias, concupiscentias dico illecebrosas, ut fiat pax in virtute tua, & abundantia laudis tuæ resonet in aula sancta, hoc est, in conscientia pura. Impera ventis & tempestatibus; dic mari, quiesce, & Aquiloni, ne flaveris, & erit tranquillitas magna.

Matth. 8.

5. 5. *Emitte lucem tuam* &

Psal. 42.

*veritatem*, ut luceant super terram; quia terra sum inanis & vacua, donec illumines me. Effunde gratiam de super; perfunde cor meum rore cœlesti; ministra devotionis aquas, ad irrigandum faciem terræ, ad producendum fructum bonum & optimum. Eleva mentem pressam mole peccatorum, & ad cœlestia totum desiderium meum suspende; ut gustata suavitate superne felicitatis, pigeat de terrenis cogitare.

6. 6. *Rape me, & eripe ab omni*

creaturarum indurabili consolatione, quia nulla res creata, appetitum meum valet plenarie quietare & consolari. Junge me tibi inseparabili dilectionis vinculo, quoniam tu solus sufficis amanti, & absque te frigida sunt universa.

### CAPUT XXIV.

*De evitatione curiosæ inquisitionis super alterius vita.*

1. **E**lli, noli esse curiosus, nec 1.

vacuas gerere sollicitudines. Quid hoc vel illud ad te? tu me sequere. Quid enim ad te, utrum ille sit talis vel talis; aut iste sic & sic agit, vel loquitur? Tu non indiges respondere pro aliis, sed pro teipso rationem reddes. Quid ergo te implicas? Ecce, ego omnes cognosco, & cuncta, quæ sub sole fiunt, video; & scio, qualiter cum unoquoque sit, quid cogitet, quid velit, & ad quem finem tendat ejus intentio. Mihi igitur omnia committenda sunt; tu verò serva te in bona pace, & dimitte agitantem agitare

Eccl. 3. &

1. Tim. 5.

Joan. 21.

Gal. 6.



quantum voluerit. Veniet super eum, quicquid fecerit vel dixerit, quia me fallere non potest.

2. 2. Non sit tibi curæ de magni nominis umbra, non de multorum familiaritate, nec de privata hominum dilectione. Ista enim generant distractiones, & magnas in corde obscuritates. Libenter loquer tibi verbum meum, & abscondita revelarem, si adventum meum diligenter observares, & ostium cordis mihi aperies. Esto providus, & vigila in orationibus, & humilia te in omnibus.

### CAPUT XXV.

*In quibus firma pax cordis, & verus profectus consistit.*

1. 1. **F**ili, ego loquutus sum: *Pacē relinquo vobis, pacem meam do vobis; non quomodo mundus dat, ego do vobis.* Pacem omnes desiderant, sed quæ ad veram pacem pertinent, non omnes curant. Pax mea cum humilibus, & mansuetis corde. Pax tua erit in multa patientia. Si me audie-

ris, & vocem meam sequutus fueris, poteris multa pace frui. Quid igitur faciam? In omni re attende tibi, quid facias, & quid dicas, & omnem intentionem tuam ad hoc dirige, ut mihi soli placeas, & extra me nihil cupias vel quæras: Sed & de aliorum dictis vel factis, nil temerè iudices; nec cum rebus, tibi non commissis, te implices; & poterit fieri, ut parum vel rarò turberis.

2. 2. Nunquam autem sentire aliquam turbationem, nec aliquam pati cordis vel corporis molestiam, non est præsentis temporis, sed status æternæ quietis. Non ergo æstimes te veram pacem invenisse, si nullam senseris gravitatem; nec tunc totum esse bonum, si neminem pateris adversarium; nec hoc esse perfectum, si cuncta fiant secundum tuum affectum: Neque tunc aliquid magni te reputes, aut specialiter dilectum æstimes, si in magna fueris devotione atque dulcedine;



dine; quia in istis, non cognoscitur verus amator virtutis; nec in istis consistit profectus & perfectio hominis.

3. 3. In quo ergo Domine? In offerendo te ex toto corde tuo voluntati divinæ, non quarendo, quæ tua sunt, nec in parvo, nec in magno, nec in tempore, nec in æternitate; ita ut una æquali facie, in gratiarum actione perman eas inter prospera & contraria, omnia æqualiter pensando. Si fueris tam fortis & longanimus in spe, ut subtracta interiori consolatione, etiam ad ampliora sustinenda cor tuum præparaveris, nec te justificaveris, quasi hæc tantæque pati non deberes: sed me in omnibus dispositionibus justificaveris, & sanctum laudaveris: tunc in vera & recta via pacis ambulas, & spes indubitata erit, quod rursus in júbilo faciem meam sis visurus. Quod si ad plenum tui ipsius contemptum perveneris, scito quod tunc abundantia pacis

perfrueris, secundum possibilitatem tui incolatus.

## CAPUT XXVI.

*De eminentia liberæ mentis, quam simplex oratio magis meretur, quam lectio.*

1. **D**omine, hoc opus est perfecti viri, nunquam ab intentione cœlestium animi relaxare, & inter multas curas, quasi sine cura transire, non more torpentis, sed prærogativa quadam liberæ mentis, nulli creaturæ inordinata affectione adhærendo.

2. Obsecro te piissime Deus meus, præserva me à curis hujus vitæ, ne nimis implicor, à multis necessitatibus corporis, ne voluptate capiar, ab universis animæ obstaculis, ne molestiis fractus, dejiciar: non dico ab his rebus, quas toto affectu ambit vanitas mundana, sed ab his miseriis, quæ animam servi tui communi maledicto mortalitatis poenaliter gravant & retardant, ne in libertatem spiritus, quoties libuerit valeat introire.

*Gen. 3.  
Rom. 7.*

3. O



3. 3. O Deus meus, dulcedo ineffabilis, verte mihi in amaritudinem, omnem consolationem carnalem, ab æternorum amore me abstrahentem, & ad se, intuitu cujusdam boni delectabilis præsentis, malè allicientem. Non me vincat, Deus meus, non me vincat caro & sanguis; non me decipiat mundus, & brevis gloria ejus; non me supplantet diabolus, & astutia illius. Da mihi fortitudinem resistendi, patientiam tollerandi, constantiam perseverandi. Da pro omnibus mundi consolationibus, suavissimam spiritus tui unctionem; & pro carnali amore, tui nominis infunde amorem.

4. 4. Ecce cibus, potus, vestis, ac cætera utensilia, ad corporis sustentaculum pertinentia, ferventi spiritui sunt onerosa. Tribue talibus fomentis temperatè uti, non desiderio nimio implicari. Abjicere omnia non licet, quia natura sustentanda est; requirere autem superflua,

& quæ magis delectant, lex sancta prohibet; nam aliàs caro adversus spiritum insolesceret. Inter hæc, quæso, manus tua me regat & doceat, ne quid nimium fiat.

## CAPUT XXVII.

*Quod privatus amor à summo bono maxime retardat*

1. **F**lli, oportet te dare totum <sup>1.</sup> pro toto, & nihil tui ipsius esse. Scito, quòd amor tui ipsius, magis nocet tibi, quam aliqua res mundi. Secundùm amorem & affectum, quem geris, quælibet res plus vel minus adhæret. Si fuerit amor tuus <sup>Matth. 6.</sup> purus, simplex, & bene ordinatus, eris sine captivitate rerum. Noli concupiscere, quod non licet habere. Noli habere, quod te potest impedire, & libertate interiori privare. Mirum, quod non ex toto fundo cordis te ipsum mihi committis, cum omnibus quæ desiderare potes vel habere.

2. Quare vano mœrore consumeris? Cur superfluis curis fatiga-



Exod. 18.  
Mich. 4.

fatigaris? Sta ad beneplacitum meum, & nullum patieris detrimentum. Si quæris hoc vel illud, & volueris esse ibi vel ibi propter tuum commodum, & proprium beneplacitum magis habendum, nunquam eris in quietudine, nec liber à sollicitudine; quia in omni re, reperitur aliquis defectus, & in omni loco erit, qui adversetur.

3. 3. Juvat igitur, non quælibet res adepta, vel multiplicata exteriùs; sed potiùs contempta, & decisa ex corde radicitùs. Quod non tantùm de censu æris & divitiarum intelligas, sed de honoris etiam ambitu, ac vanæ laudationis desiderio, quæ omnia transeunt cum mundo. Munit parùm locus, si deest spiritus fervoris; nec diu stabit pax illa quæ sita forinsecus, si vacat à vero fundamento status cordis, hoc est, nisi steteris in me, permutare te potes, sed non meliorare. Nam occasione ortâ & acceptâ, invenies quod fugisti & amplius.

Thoma à Kempis de Imitat.

Oratio pro purgatione cordis & cælesti sapientia.

4. **C**onfirma me Deus, per gratiam sancti Spiritus. Da virtutem corroborari in interiori homine, & cor meum ab omni inutili sollicitudine & angore evacuare, nec variis desideriis trahi cujuscunque rei vilis aut pretiosæ; sed omnia inspicere sicut transeuntia, & me pariter cum illis transiturum; quia *nihil permanens sub solo*, ubi omnia vanitas, & afflictio spiritus. O quàm sapiens, qui ita considerat.

5. Da mihi Domine cælestem sapientiam, ut discam te super omnia quærere & invenire, super omnia sapere & diligere, & cætera, secundum ordinem sapientiæ tuæ, prout sunt intelligere. Da prudenter declinare blandientem, & parienter ferre adversantem; quia hæc magna sapientia non movetur omni vento verborum, nec aurem malè blandienti præbere Sireni; sic enim incepta pergitur vita securè. N CA-



## CAPUT XXVIII.

*Contra linguas obrectatorum.*

1. **F**lli, non ægrè feras, si quidam de te malè senferint, & dixerint, quod non libenter audias. Tu deteriora de teipso sentire debes, & neminem infirmiore te credere. Si ambulas ab intra, non multum ponderabis volantia verba. Est non parva prudentia, silere in tempore malo, & introrsus ad me converti, nec humano iudicio disturbari.

2. **N**on sit pax tua in ore hominum: Sive enim benè, sive malè interpretati fuerint, non es ideò alter homo. Ubi est vera pax, & vera gloria? Nónne in me? Et qui non appetit hominibus placere, nec timet displicere, multà perfruetur pace. Ex inordinato amore, & vano timore, oritur omnis inquietudo cordis, & distractio sensuum.

## CAPUT XXIX.

*Qualiter instante tribulatione; Deus invocandus est & benedicendus.*

1. **S**it nomen tuum (Domine) 1.

*Benedictum* in sæcula, qui <sup>Job 13</sup> <sup>Psal. 112.</sup> voluisti hanc tentationem & tribulationem venire super me. Non possum eam effugere, sed necesse habeo ad te confugere, ut me adjuves, & in bonum mihi convertas. Domine, modò sum in tribulatione, & non est cordi meo benè, sed multum vexor à præsentí passionē. Et nunc Pater dilecte, quid dicam? Deprehensus sum inter angustias: Salvifica me ex <sup>Matt. 26.</sup> hora hac. Sed propterea veni in hanc horam, ut tu clarificeris, cum fuero valde humiliatus, & per te liberatus. *Complaceat* <sup>Psal. 39.</sup> *tibi domine, ut eruas me;* nam ego pauper, quid agere possum, & quò ibo sine te? Da patientiam Domine, etiam hanc vice. Adjuva me Deus meus, & non timebo quantumcunque gravatus fuero.

2. Et



2. 2. Et nunc inter hæc quid dicam? Domine, fiat voluntas tua. Ego bene merui tribulari & gravari: Oportet utique ut sustineam, & utinam patienter, donec transeat tempestas, & melius fiat. Potens est autem omnipotens manus tua etiam hanc tentationem à me auferre, & ejus impetum mitigare, ne penitus succumbam, quemadmodum & prius sæpius egisti mecum; Deus meus, misericordia mea. Et quantò mihi, difficilius, tantò tibi facilius est hæc mutatio dexteræ excelsi.

## CAPUT XXX.

*De divino petendo auxilio,  
& confidentia recuperanda gratie.*

1. 1. **F**ili, ego Dominus confortans in die tribulationis. Venias ad me, cum tibi non fuerit benè. Hoc est quod maxime consolationem impedit cœlestem, quia tardiùs te convertis ad orationem. Nam antequàm me intentè roges, multa interim solatia quæris, & recreas te in externis. Ideòque fit,

ut parùm omnia profint, donec advertas, quia ego sum, qui eruo sperantes in me; nec est extrà me valens auxilium, neque utile consilium, sed neque durabile remedium. Sed jam resumpto spiritu post tempestatem reconvalesce in luce miserationum mearum, quia propè sum (dicit Dominus) ut restaurem universa non solum integrè, sed & abundanter accumulatè.

2. Nunquid mihi quicquàm est difficile, aut ero similis decenti & non facienti? Ubi est fides tua: Sta firmiter, & perseveranter. Esto longanimis & vir fortis, veniet tibi consolatio in tempore suo. Expecta me, expecta; veniam, & curabor te. Tentatio est, quæ te vexat; & formido vana, quæ te exterrit. Quid importat sollicitudo de futuris contingentibus, nisi ut tristitiam super tristitiam habeas? *Sufficit diei malitia sua.* Vanum est & inutile, de futuris conturbari vel gratulari,



ri , quæ fortè nunquàm evenient.

3. 3. Sed humanum est, hujusmodi imaginationibus illudi, & parvi adhuc animi signum, tam leviter trahi à suggestione inimici. Ipse enim non curat, utrum veris an falsis illudat & decipiat, utrum præsentium amore, aut futurorum formidine prosterneat. Non ergò turbetur cor tuum, neque formidet. Crede in me, & in misericordia mea habeto fiduciam. Quando tu putas te elongatum à me, sæpè sum propinquior. Quando tu aestimas penè totum perditum, tunc sæpè majus mœrendi instat lucrum. Non est totum perditum, quando res accidit in contrarium. Non debes judicare secundum præsens sentire, nec sic gravitati alicui undecunq; venienti inhærere & accipere, tanquam omnis spes sit ablata emergendi.

4. 4. Noli putare te relictum ex toto, quamvis ad tempus ti-

bi miserim aliquam tribulationem, vel etiam optatam subtraxerim consolationem: sic enim transitur ad regnum cœlorum. Et hoc sine dubio magis expedit tibi & cæteris servis meis, ut exercitemini adversis, quàm si cuncta ad libitum haberetis. Ego novi cogitationes absconditas; quia multum expedit pro salute tua, ut interdum sine sapore relinquareis, ne fortè eleveris in bono successu, & tibi ipsi placere velis in eo, quod non es. Quod dedi, auferre possum: & restituere, quum mihi placuerit.

5. Quum dederò, meum est; 5.  
quum subtraxero, tuum non 7ob. 1.  
tuli; quia meum est omne datum bonum, & omne donum perfectum. Si tibi admisero gravitatem, aut quamlibet contrarietatem, ne indigneris, neque concidat cor tuum; ego citò sublevare possum, & omne onus in gaudium transmutare. Verumtamen justus sum, & commendabilis multum, quum



quum sic facio totum. Si rectè  
sapis, & in veritate aspicias, nun-  
quàm debes propter adverfa  
tam dejectè contristari, sed  
magis gaudere, & gratias age-  
re; imò hoc unicum reputare  
gaudium, quod affligens te do-  
loribus non pareo tibi. *Sicut*  
*dilexit me Pater, & ego vos*  
*diligo*, dixi dilectis discipulis  
meis; quos utique non misi ad  
gaudia temporalia, sed ad ma-  
gna certamina: non ad hono-  
res, sed ad despectiones: non ad  
otium, sed ad labores: non ad  
requiem, sed ad afferendum  
fructum multum in patientia.  
Horum memento, filii mei, ver-  
borum.

## CAPUT XXXI.

*De neglectu omnis creature,*  
*ut Creator possit inveniri.*

1. **D**omine, bene indigeo  
adhuc majori gratiâ, si  
debeam illuc pervenire, ubi  
me nemo poterit, nec ulla cre-  
atura impedire. nam quàm diu  
res aliqua me retinet, non pos-  
sum liberè ad te volare. Cupie-

bat liberè volare, qui dicebat:

*Quis dabit mihi pennas sicut* Psalm. 54.  
*columba; & volabo, & requi-* Matt. 6.  
*escam?* Quid simplici oculo  
quietiùs? Et quid liberiùs nil  
desiderante in terris? Oportet  
igitur omnem supertransire  
creaturam, & seipsum perfectè  
deferere, ac in excessu mentis  
stare, & videre te omniù con-  
ditorem, cum creaturis nil si-  
mile habere. Et nisi quis ab om-  
nibus creaturis fuerit expedi-  
tus, non poterit liberè intende-  
re divinis. Ideò enim pauci in-  
veniuntur contemplativi, quia  
pauci sciunt se à perituris & cre-  
aturis, ad plenum sequestrari.

2. Ad hoc magna requiritur 2.

gratia, quæ animam levet, &  
suprà semetipsam rapiat. Et ni-  
si homo sit in spiritu elevatus,  
& ab omnibus creaturis libera-  
tus, ac Deo totus unitus; quic-  
quid scit, quicquid etiam ha-  
bet, non est magni ponderis.  
Diu parvus erit, & infrà jace-  
bit, qui aliquid magnum æsti-  
mat, nisi solum unum immen-



sum, æternum bonum. Nam quicquid Deus non est, nihil est, & pro nihilo computari debet. Est magna differentia, sapientia illuminati & devoti viri, & scientia literati atque studiosi Clerici. Multò nobilior est illa doctrina, quæ de fursum ex divina influentia manat: quam quæ laboriosè humano acquiritur ingenio.

3. 3. Plures reperiuntur contemplationem desiderare, sed quæ ad eam requiruntur, non student exercere. Est & magnum impedimentum, quia in signis & sensibilibus rebus statuitur, & parum <sup>in corpore</sup> de perfecta mortificatione habetur. Nescio quid est, & quo spiritu ducimur, & quid prætendimus, qui spiritales dici videmur; quod tantum laborem, & ampliorum sollicitudinem, pro transitoriis & vilibus rebus agimus, & de interioribus nostris vix aut rarò plenè recollectis sensibus cogitamus.

4. 4. Pròh dolor, statim post

modicam recollectionem, fortas erumpimus, nec opera nostra districtâ examinatione trutinamus. Ubi jacent affectus nostri, non attendimus; & quàm impura sint omnia, non deploramus. *Omnis quippe caro corruperat viam suam,* & ideo sequebatur diluvium magnum. Cum ergò interior affectus noster multum corruptus sit, necesse est, ut actio sequens, index carentiæ interioris vigoris, corrumpatur. Ex puro corde, procedit fructus bonæ vitæ.

5. 5. Quantum quis fecerit, quæritur: sed ex quanta virtute agit non tam studiosè pensatur. Si fuerit fortis, dives, pulcher, habilis, vel bonus scriptor, bonus cantor, bonus laborator, investigatur; quàm pauper sit spiritu, quàm patiens & mitis, quàm devotus & internus, à multis tacetur. Natura exteriora hominis respicit, gratia ad interiora se convertit. Illa frequenter fallitur, ista

Genes. 6.  
& 7.



ista in Deo sperat, ut non decipiatur.

## CAPUT XXXII.

*De abnegatione sui, & abdicatione omnis cupiditatis.*

1. **F**ili, non potes perfectam possidere libertatem, nisi totaliter abneges te ipsum. Compediti sunt omnes proprietarii, & sui ipsius amatores cupidi, curiosi, gyrovagi, quærentes semper mollia, non quæ Jesu Christi, sed hoc sæpè fingentes & componentes, quod non stabit. Peribit enim totum, quod non est ex Deo ortum. Tene breve & consummatum verbum: Dimitte omnia, & invenies omnia. Relinque cupidinem, & reperiens requiem. Hoc mente pertracta; & quum impleveris, intelliges omnia.

2. Domine; hoc non est opus unius diei, nec ludus parvulorum; imò in hoc brevi includitur omnis perfectio Religiosorum. Fili, non debes averti, nec statim dejici, auditâ viâ perfe-

ctorum; sed magis ad sublimiora provocari, & ad minus ad hæc ex desiderio suspirare. Utinam sic tecum esset, & ad hoc pervenisses, ut tui ipsius amator non esses, sed ad nutum meum purè stares, & ejus, quem tibi proposui, Patris; tunc mihi valde placeres, & tota vita tua in gaudio & pace transiret. Adhuc multa habes ad relinquendum, quæ nisi mihi ex integro resignaveris, non acquires, quod postulas. *Suadeo tibi emere à me aurum ignitum*, ut locuples fias, id est, cœlestem sapientiam, omnia infima conculcantem. Postpone terrenam sapientiam, omnem humanam & propriam complacentiam.

3. Dixi, viliora tibi emenda pro pretiosis & altis, in rebus humanis. Nam valde vilis & parva, ac penè oblivioni tradita videtur, vera cœlestis sapientia; non sapiens alta de se, nec magnificari quærens in terra, quam multi ore tenus prædicant, sed vita longè dissentiunt,

Matt. 16.  
& 19.

Apoc. 3.

Matt. 11,



riunt, ipse tamen est pretiosa margarita à multis abscondita.

## CAPUT XXXIII.

*De instabilitate cordis, & de intentione finali ad Deum habenda.*

1. **I**lli, noli credere affectui tuo: qui nunc est, citò mutabitur in aliud. Quamdiu vixeris, mutabilitati subiectus est, etiam nolens, ut modò lætus, modò tristis, modò pacatus, modò turbatus; nunc devotus, nunc indevotus, nunc studiosus, nunc acediosus, nunc gravis, nunc levis inveniariis. Sed stat super hæc mutabilia sapiens, & bene doctus in spiritu, non attendens, quid in se sentiat, vel quâ parte flet ventus instabilitatis, sed ut tota intentio mentis ejus, ad debitum & optimum proficiat finem.

2. Nam sic poterit unus & idem, inconcussusque permanere, & simplici intentionis oculo, per tot varios eventus, ad me imprætermisè directo. Quantò autem purior fuerit intentionis oculus, tantò constantius inter diversas itur pro-

cellas. Sed in multis caligat oculus puræ intentionis; respicitur enim citò in aliquod delectabile quòd occurrit. Nam & rarò totus liber quis invenitur à nævo propriæ exquisiitionis. Sic Judæi olim venerant in Bethaniam ad Martham & Mariam, non propter Jesum tantum, sed ut Lazarum viderent. Mundandus est ergò intentionis oculus, ut sit simplex & reclusus, atque ultra omnia varia media ad me dirigendus.

## CAPUT XXXIV.

*Quod amanti, sapit Deus super omnia, & in omnibus.*

1. **E**cce Deus meus, & omnia. Quid volo amplius, & quid felicius desiderare possum? O sapidum & dulce verbum; sed amanti verbum, non mundum, nec ea quæ in mundo sunt, Deus meus & omnia. Intelligenti satis dictum est, & sæpè repetere jucundum est amanti. Te siquidem præsentem, jucunda sunt omnia, te autem absente fastidiunt cuncta. Tu facis cor tranquillum, & pacem magnam,



magnam, latitiamque festi-  
vam. Tu facis bene sentire de  
omnibus, & in omnibus te lau-  
dare; nec potest aliquid sine te  
diu placere; sed si debet gratum  
esse & bene sapere, oportet gra-  
tiam tuam adesse, & condi-  
mento tuæ sapientiæ condiri.

2. Cui tu sapis, quid ei rectè  
non sapiet? Et cui tu non sapis,  
quid ei ad iucunditatem esse  
poterit? Sed deficiunt in sapi-  
entia tua mundi sapientes, &  
qui carnem sapiunt, quia ibi  
plurima vanitas, & hic mors  
invenitur. Qui autem te per  
contemptum mundanorum,  
& carnis mortificationem se-  
quuntur, verè sapientes esse co-  
gnoscentur; quia de vanitate  
ad veritatem, de carne ad spiri-  
tum transferuntur. Istis sapit  
Deus; & quicquid boni inven-  
itur in creaturis, totum ad lau-  
dem referunt sui Conditoris.  
Dissimilis tamen, & multū dis-  
similis sapor Creatoris & crea-  
ture, æternitatis & temporis, lu-  
cis increate, & lucis illuminate.

*Thoma à Kempis de Imitat,*

3. O lux perpetua, cuncta  
creata transcendens lumina,  
fulgura, coruscationem de  
sublimi penetrantem omnia  
cordis mei intima. Purifica, læ-  
tifica, clarifica, & vivifica spiri-  
tum meum, cum suis potentiis,  
ad inhærendum tibi jubilosus  
excessibus. O quando veniet  
hæc beata & desiderabilis ho-  
ra, ut tuâ me saties præsentia, &  
sis mihi omnia in omnibus.  
Quamdiu hoc datum non fue-  
rit, nec plenum gaudium erit.  
Adhuc, pròh dolor, vivit in me  
vetus homo, non est totus cru-  
cifixus, non est perfectè mor-  
tuus: Adhuc concupiscit forti-  
ter contra spiritum, bella mo-  
vet intestina, nec Regnum ani-  
mæ patitur esse quietum.

4. Sed tu qui *dominaris po-  
testati maris, & motum flu-  
ctuum ejus mitigas, exurge,  
adjuva me. Dissipa gentes,  
quæ bella volunt*, contere eas  
in virtute tua, ostende quæ so-  
magnalia tua, & glorificetur  
dextera tua; quia non est spes

O

alia,

*Rom. 7.*

4.

*Psal. 88.*

*Psal. 72.*



*Psal. 30.* alia, nec refugium mihi, nisi in te Domine Deus meus.

## CAPUT XXXV.

*Quod non est securitas a tentatione ,  
in hac vita.*

*Job. 7.  
2. Cor. 6.* 1. **E**lli, nunquàm securus es in hac vita, sed quoad vixeris, semper arma spiritualia tibi sunt necessaria. Inter hostes versaris, & à dextris, & à sinistris impugnaris. Si ergò non uteris undique scuto patientiæ, non eris diu sine vulnere. Insuper si non ponis cor tuum fixè in me, cum mera voluntate cuncta patiendi propter me, non poteris ardorem istum sustinere, nec ad palmam pertinere beatorum. Oportet te ergò viriliter omnia pertransire, & potenti manu uti adversus objecta. Nam *vincenti* datur *manna*, & torpenti relinquitur multa miseria.

*Apost. 2.*

2. Si quæris in hac vita requiem, quomodo tunc pervenies ad æternam requiem? non ponas te ad multam requiem, sed ad magnam patientiam.

Quære veram pacem, non in terris, sed in cœlis; non in hominibus, nec in cæteris creaturis, sed in Deo solo. Pro amore Dei, debes omnia libenter subire, labores scilicet & dolores, tentationes, vexationes, anxietates, necessitates, infirmitates, injurias, oblocutiones, reprehensiones, humiliactiones, confusiones, correctiones, & despectiones. Hæc juvant ad virtutem; hæc probant Christi tyronem; hæc fabricant cœlestem coronam. Ego reddam mercedem æternam pro brevi labore, & infinitam gloriam, pro transitoria confusione.

3. Putas tu quod semper habebis pro tua voluntate consolationes spirituales? Sancti mei non habuerunt tales, sed multas gravitates, & tentationes varias, magnasq; desolationes: Sed patienter sustinuerunt in *Rom. 8.* omnibus, & magis confisi sunt Deo, quàm sibi; scientes, quia non sunt condignæ passionibus huius temporis, ad futuram glo-



*Phil. 26.* gloriam promerendam. Vis tu statim habere, quod multi post lachrymas & magnos labores, vix obtinuerunt? Expecta Dominum, viriliter age, & confortare; noli diffidere, noli discedere, sed corpus & animam expone constanter pro gloria Dei. Ego reddam plenissimè, ego tecum ero in omni tribulatione.

## CAPUT XXXVI.

*Contra vana hominum iudicia.*

*1. Cor. 9.  
& 1. Cor.  
4. & Col. 1.* 1. **F**illi, iacta cor tuum firmiter in Domino, & humanum ne metuas iudicium, ubi te conscientia pium reddit & insonem. Bonum est & beatum taliter pati, nec hoc erit grave humili cordi, & Deo magis, quàm sibi ipsi confidenti. Multi multa loquuntur, & ideo parva fides est adhibenda. Sed & omnibus satis esse, non est possibile. Et si Paulus omnibus studuit in Domino placere, & omnibus omnia factus est; tamen etiam pro minimo duxit, quod ab humano die iudicatus fuerit.

2. Egit satis pro aliorum ædificatione & salute, quantum in se erat & poterat, sed ne ab aliis aliquando iudicaretur, vel non despiceretur, cohibere non potuit. Ideo totum Deo commisit, qui totum noverat, & patientiâ ac humilitate contra ora loquentium iniqua, aut etiam vana ac mendosa cogitantium, atque pro libitu suo quæq; iactantium, se defendit. respondit tamen interdum, ne infirmis, ex sua taciturnitate generaretur scandalum.

3. Quis tu, ut timeas à mortali homine? Hodie est, & cras non comparet, Deum time, & hominum terrores non expavesces. Quid potest aliquis in te verbis, aut injuriis? Sibi potiùs nocet quàm tibi; nec poterit iudicium Dei effugere, quicumque est ille. Tu habe Deum præ oculis, & noli contendere verbis querulosis. Quod si ad præsens tu videris succumbere & confusionem pati, quàm non meruisti; ne indigneris ex hoc,  
O 2 neque

*Act. 26.  
& Phil. 1.*

*1. Mac. 2.*

*Rom. 2. &  
1 Cor. 11.*



*Heb. 12.* neque per impatientiam minuas coronam tuam, sed ad me potius respice in cœlum, qui potens sum eripere ab omni confusione & injuria, & unicuique reddere secundum opera sua.

## CAPUT XXXVII.

*De pura & integra resignatione sui ad  
obtinendam cordis libertatem.*

*Mat. 16.* 1. **F**ili, relinque te, & invenies me. Sta sine electione & omni proprietate, & lucraberis semper; Nam adjicietur tibi amplior gratia, statim ut te resignaveris, nec resumpseris. Domine, quoties me resignabo, & in quibus me relinquam? Semper, & omni horâ, sicut in parvo sic & in magno: Nihil excipio; sed in omnibus te nudatum inveniri volo. Alioquin, quomodo poteris esse meus, & ego tuus; nisi fueris ab omni propria voluntate, intus & foris spoliatus? Quanto celerius hoc agis, tantò melius habebis; & quanto plenius & sincerius, tantò mihi plus place-

bis, & amplius lucraberis.

2. Quidam se resignant, sed cum aliqua exceptione: non enim plenè Deo confidunt, ideò sibi providere fatagunt. Quidam etiam primò totum offerunt, sed postea tentatione pulsati, ad propria redeunt, ideò minimè in virtute proficiunt. Hi ad veram puri cordis libertatem, & jucundæ familiaritatis meæ gratiam non pertinent; nisi integrâ resignatione, & quotidianâ sui immolatione prius factâ, sine qua non stat, nec stabit unio fructiva.

3. Dixi tibi sapissimè & nunc iterum dico: Relinque te, resigna te, & frueris magnâ internâ pace. Da totum pro toto, nil exquire, nil repete; sta purè & inhæsitanter in me, & habebis me. Eris liber in corde, & tenebræ non conculcabunt te. Ad hoc conare, hoc ora, hoc desiderâ, ut ab omni proprietate possis expoliari, & nudus nudum Jesum sequi; tibi mori, & mihi æternaliter vivere. Tunc defi-



deficient omnes vanæ phantasiæ, conturbationes iniquæ, & curæ superfluæ. Tunc etiam recedet immoderatus timor, & inordinatus amor morietur.

## CAPUT XXXVIII.

*De bono regimine in externis, & recursu ad Deum in periculis.*

1. **F**ili, ad istud diligenter attendere debes, ut in omni loco & actione, seu occupatione externa, sis intimus liber, & tui ipsius potens, & sint omnia sub te, & tu non sub eis; ut sis Dominus actionum tuarum & rector, non servus nec emptitius, sed magis exemptus vetusque Hebræus, in sortem ac libertatem transiens filiorum Dei; qui stant super præsentia, & speculantur æterna; qui transitoria sinistro intuentur oculo, & dextro cœlestia; quos temporalia non trahunt ad inhærendum, sed trahunt ipsi magis ea ad bene serviendum; prout ordinata sunt à Deo, & instituta à summo opifice; qui

nil inordinatum in sua reliquit creatura.

2. Si etiam in omni eventu 2. stas, non in apparentia externa, nec oculo carnali lustras visa vel audita; sed mox in qualibet causa, intras cum Moyse in tabernaculum, ad consulendum Dominum, audies nonnunquam divinum responsum, & redies instructus de multis præsentibus & futuris. Semper enim Moyse recursum habuit ad tabernaculum, pro dubiis & quæstionibus solvendis; fugitque ad orationis adjutorium, pro periculis & improbitatibus hominum sublevandis. Sic & tu confugere debes in cordis tui secretarium, divinum intentius implorando suffragium. Propterea namque Josue & filii Israël, à Gabaonitis leguntur 7o/ue 9. decepti; quia os Domini prius non interrogaverunt, sed nimium creduli dulcibus sermonibus, falsâ pietate delusi sunt.

Exod. 33.

Matt. 6.

7o/ue 9.



## CAPUT XXXIX.

*Quod homo non sit importunus  
in negotiis.*

1. **F**ili, committe mihi semper causam tuam, ego benè disponam in tempore suo. Expecta ordinationem meam, & senties inde profectum. Domine, satis libenter tibi omnes res committo, quia parum potest cogitatio mea proficere. Utinam non multum adhærem futuris eventibus; sed ad beneplacitum tuum incunctanter me offerrem.

2. **F**ili, sæpè homo rem aliquam vehementer agit; quàm desiderat; sed cum ad eam pervenerit, aliter sentire incipit; quia affectiones circà idem non sunt durabiles, sed magis de uno ad aliud impellunt. Non est ergò minimum, etiam in minimis, seipsum relinquere.

3. **V**erus profectus hominis, est abnegatio sui ipsius; & homo abnegatus, valde liber est & securus. Sed antiquus hostis,

omnibus bonis adversans, à tentatione non cessat; sed diu noctuque graves molitur insidias, si fortè in laqueum deceptionis possit præcipitare incautum. *Vigilate & orate*, dicit Dominus, *ut non intretis in tentationem.*

## CAPUT XL.

*Quod homo, nihil boni ex se habet, &  
de nullo gloriari potest.*

1. **D**omine, *quid est homo*, 1. *quod memor es ejus*; *Psalm. 8.*  
*aut filius hominis, quia visitas eum?* Quid promeruit homo, ut dares illi gratiam tuam? Domine, quid possum conquiri, si me deseris? aut quid justè obtendere possum, si quod peto, non feceris: Certè hoc in veritate cogitare possum, & dicere: Domine nihil sum, nihil possum, nihil boni ex me habeo; sed in omnibus deficio, & ad nihil semper tendo. Et nisi à te fuero adjutus, & interiùs informatus, totus efficior tepidus & dissolutus.

2. *Tu autem Domine semper* 2.



*Psalm. 101.* per idem ipsees, & permanes in æternum semper bonus, iustus, & sanctus; benè, justè, ac sanctè agens omnia, & disponens in sapientia. Sed ego, qui ad defectum sum magis pronus quàm ad profectum, non sum semper in uno statu perdurans, quia septem tempora mutantur super me. Verumtamen citò melius fit, cum tibi placuerit, & manum porrexeris ad iutricem; quia tu solus sine humano suffragio poteris auxiliari, & in tantum confirmare, ut vultus meus ampliùs in diversa non mutetur, sed in te uno cor meum convertatur, & quiescat.

3. Undè si benè scirem omnem humanam consolationem abjicere, sive propter devotionem adipiscendam, sive propter necessitatem, quàm compellor te quærere, quia non est homo, qui me consoletur; tunc possem meritò de gratia tua sperare, & de dono novæ consolationis exultare.

4. Gratias tibi, unde totum venit, quotiescunque mihi bene succedit. Ego autem vanitas & nihilum ante te, inconstans homo & infirmus. Undè ergò possum gloriari, aut cur appeto reputari? Nunquid de nihilo? & hoc vanissimum est. Verè inanis gloria, mala pestis, vanitas maxima; quia à vera trahit gloria, & cœlesti spoliatur gratiâ. Dum enim homo complacet sibi, displicet tibi; dum inhiat laudibus humanis, privatur veris virtutibus.

5. Est autem vera gloria & exultatio sancta, gloriari in te, & non in se; gaudere in nomine tuo, non in propria virtute, nec in aliqua virtute creatura delectari, nisi propter te. Laudetur nomen tuum, non meum; magnificetur opus tuum, non meum, benedicatur nomen sanctum tuum, nihil mihi autem attribuat de laudibus hominum. Tu gloria mea, tu exultatio cordis mei: In te gloriabor & exultabo totâ die, pro

*Habac. 3.  
Psalm. 112.  
113.*



pro me autem nihil, nisi in infirmitatibus meis.

6. *Joan. 5.* Quærant Judæi gloriam, quæ ab invicem est, ego hanc requiram, quæ à solo Deo est. Omnis quidem gloria humana, omnis honor temporalis, omnis altitudo mundana, æternæ gloriæ tuæ comparata, vanitas est & stultitia. O veritas mea & misericordia mea. Deus meus, trinitas beata, tibi soli laus, honor, virtus & gloria, per infinita sæculorum sæcula.

### CAPUT XLI.

*De contemptu omnis temporalis honoris*

1. **E**lli, noli tibi attrahere, si videas alios honorari & elevari, te autem despici & humiliari. Erige cor tuum ad me in cœlum, & non contristabit te contemptus hominum in terris. Domine, in cœcitate sumus, & vanitate citò seducimur. Si rectè me inspicio, nunquàm mihi facta est injuria ab aliqua creatura, unde nec justè habeo conqueri adversum te.

2. Quia autem frequenter & 2. graviter peccavi tibi, meritò armatur contra me omnis creatura. Mihi igitur justè debetur confusio & contemptus; tibi autem laus, honor, gloria. Et nisi me ad hoc præparavero, quod velim libenter ab omni creatura despici, & relinqui, atque penitus nihil videri, non possum interiùs pacificari & stabiliri, nec spiritualiter illuminari, neque plenè tibi uniri.

### CAPUT LXII.

*Quod pax non est ponenda in hominibus*

1. **E**lli, si ponis pacem tuam 1. cum aliqua persona propter tuum sentire & convivere, instabilis eris & implicatus. Sed si recursum habes ad semper viventem, & manentem veritatem, non contristabit amicus recedens aut moriens. In me debet amici dilectio stare, & propter me diligendus est, quisquis tibi bonus visus est; multum clarus in hac vita. Si ne me non valet, nec durabit amicitia, nec est vera & munda dile-



## CAPUT XLIII.

*Contra vanam & secularem scientiam.*

1. **F**illi, non te moveant pul-  
chra & subtilia homi- 1. Cor. 4.

num dicta. Non enim est re-  
gnum Dei in sermone, sed in  
virtute. Attende verba mea,  
quæ corda accendunt & men-  
tes illuminant, inducunt com-  
punctionem, & variam inge-  
runt consolationem. nunquam  
ad hoc legas verbum, ut docti-  
or aut sapientior possis videri.  
Stude mortificationi vitio-  
rum, quia hoc amplius tibi  
proderit quàm notitia multa-  
rum difficultatum quæstionum.

2. Quum multa legeris & 2.  
cognoveris, ad unum semper  
oportet redire principium.  
Ego sum, qui doceo hominem  
scientiam, & clariorem intelli-  
gentiam parvulis tribuo, quàm  
ab homine possis doceri. Cui  
ego loquor, citò sapiens erit, &  
multum in spiritu proficiet.  
Væ eis, qui multa curiosa ab  
hominibus inquirunt, & de via  
mihi serviendi parum curant.

P

Veniet

dilectio, quam ego non copu-  
lo. Ita mortuus debes esse, tali-  
bus affectionibus dilectorum  
hominum, ut (quantum ad te  
pertinet) sine omni humano  
optares esse consortio. Tantò  
homo Deo magis appropin-  
quat, quantò ab omni solatio  
terreno longiùs recedit. Tantò  
etiam altiùs ad Deum ascendit,  
quantò profundius in se def-  
cendit, & plus sibi ipsi vilescit.

2. 2. Pet. 5. Qui autem sibi aliquid bo-  
ni attribuit, gratiam Dei in se  
venire impedit; quia gratia Spi-  
ritus sancti, cor humile semper  
quærit. Si scires te perfectè an-  
nihilare, atque ab omni creato  
amore evacuare, tunc deberem  
in te cum magna gratia ema-  
nare. quando tu respicis ad cre-  
aturas, subtrahitur tibi aspectus  
Creatoris. Discite in omnibus  
propter Creatorem vincere,  
tunc ad divinam valebis co-  
gnitionem pertingere. Quan-  
tumcumq; modicum sit si in-  
ordinate diligitur & respicitur,  
retardat à summo & vitiat.

*Thoma à Kempis de Imitat.*



Soph. 1.  
2. Cor. 4.

Veniet tempus, quando apparebit Magister magistrorum Christus, Dominus Angelorum, cunctorum auditorus lectiones, hoc est, singulorum exanimaturus conscientias; Et tunc scrutabitur *Hierusalem in lucernis, & manifesta erunt abscondita tenebrarum*, tacebuntq; argumenta linguarum. Ego sum, qui humilem in puncto elevo mentem, ut plures æternæ veritatis capias rationes, quàm si quis decem annis studuisset in scholis. Ego doceo sine strepitu verborum, sine confusione opinionum, sine fastu honoris, sine pugnatione argumentorum. Ego sum, qui doceo terrena despicere, præsentia fastidire, æterna quærere, æterna sapere, honores fugere, scandala sufferre, omnem spem in me ponere, extrà me nil cupere, & super omnia me ardentè amare.

3. 3. Nam quidam amando me intimè, didicit divina, & loquebatur mirabilia. Plus

profecit in relinquendo omnia, quàm in studendo subtilia. Sed aliis loquor communia, aliis specialia; aliquibus in signis & figuris dulciter appareo, quibusdam verò in multo lumine revelo mysteria. Una vox librorum, sed non omnes æquè informat, quia intus sum doctor, veritas, scrutator cordis, cogitationum intellectus, actionum promotor, distribuens singulis sicut dignum iudicavero.

## CAPUT XLIV.

*De non attrahendo sibi res exteriores.*

1. **E**lli, in multis oportet te esse inscium, & æstimare te tanquàm mortuum super terram, & cui totus *mundus crucifixus sit*. Multa etiam oportet surdâ aure pertransire, & quæ tuæ pacis sunt magis cogitare. Utilius est oculos à rebus displicentibus avertere, & unicuique suum sentire relinquere, quàm contentiosis sermonibus deservire. Si benè steteris cum Deo, & ejus iudicium



cium aspexeris, facilius te vitum portabis.

2. 2. O Domine, quonam venimus? Ecce damnum defletur temporale, pro modico quaestu laboratur & curritur, & spirituale detrimentum in oblivionem transit, & vix serò reditur. Quod parùm vel nihil prodest attenditur, & quod summe necessarium est, neglenter præteritur, quia totus homo ad externa defluit, & nisi citò resipiscat, libens in exterioribus jacet.

## CAPUT XLV.

*Quod omnibus non est credendum, & de facili lapsu verborum.*

- I. 1. **D**A mihi auxilium Domine de tribulatione, quia vana salus hominis. Quàm sæpè ibi non inveni fidem, ubi me habere putavi? Quoties etiam ibi reperi, ubi minùs præsumpsi? Vana ergò spes in hominibus, salus autem justorum, in te DEUS. Benedictus sis Domine Deus meus in omnibus, quæ accidunt nobis: Infirmi sumus & instabiles, citò fallimur & permutamur.

2. Quis est homo, qui ita 2. cautè & circumspectè in omnibus se custodire valet, ut aliquando in aliquam deceptionem vel perplexitatem non veniat? Sed qui in te Domine *Prov. 10.* confidit, ac simplici ex corde quærit, non tam facilè labitur. Et si inciderit in aliquam tribulationem, quocumque modo fuerit etiam implicatus, citius per te eruetur, aut à te consolabitur; quia tu non deferes in te sperantem usque in finem.

3. Rarus fidus amicus, in 3. cunctis amici perseverans pressuris. Tu Domine, tu solus es fidelissimus in omnibus, & præter te non est alter talis. O quàm benè sapuit sancta illa anima, quæ dixit: Mens mea solidata est, & in Christo fundata. Si ita mecum foret, non tam facilè timor humanus me sollicitaret, nec verborum jacula moverent.

4. Quis omnia prævidere, 4. quis præcavere futura mala

P a luffi-



sufficit? Si prævīsa sēpè etiam lædunt, quid improvīsa nisi graviter feriunt? Sed quare mihi misero, non melius providi? Cur etiam tam facilè aliis credidi? Sed homines sumus, nec aliud quàm fragiles homines sumus, etiam si Angeli, à multis æstimamur & dicimur. Cui credam Domine? Cui, nisi tibi? Veritas es, quæ non fallis, nec falli potes. Et rursùm: Omnis homo mendax, infirmus, instabilis, & labilis maximè in verbis, ita ut statim vix credi debeat, quod rectum in facie sonare videtur.

5. Quàm prudenter prævīnuisti, cavendum ab hominibus; & quia inimici hominis, domestici ejus; nec credendum, si quis dixerit; Ecce hic, aut ecce illic. Doctus sum damno meo, & utinam ad cautelam majorem, & non ad insipientiam mihi. Cautus esto (ait quidam) cautus esto, serva apud te quod dico. Et dum ego sileo, & absconditum credo, nec ille si-

lere potest, quod silendum petit, sed statim prodit me & se, & abiit. Ab hujusmodi fabulis & incautis hominibus, protege me Domine, ne in manus eorum incidam, nec unquam talia committam. Verbum verum & stabile da in os meum, & linguam callidam longè fac à me. Quod pati nolo, omnimodè cavere debeo.

6. O quàm bonum & pacificum de aliis silere, nec indifferenter omnia credere, neque de facili ulteriùs effari, paucis seipsum revelare, te semper inspectorem cordis quærere, nec omni vento verborum circumferri, sed omnia intima & externa, secundùm placitum tuæ voluntatis, optare perfici. Quàm tutum, pro conservatione cœlestis gratiæ, humanam fugere apparentiam, nec appetere quæ foris admirationem videntur præbere; sed ea, totâ sedulitate sectari, quæ vitæ emendationem dant & fervorem.

7. Quàm

6.  
Prov 25.  
Eccl 1. s. 24.



7. Quàm multis nocuit, virtus scita, ac præproperè laudata? Quàm sanè profuit gratia silentio servata in hac fragili vita, quæ tota tentatio fertur & militia?

## CAPUT XLVI.

*De confidentia in Deo habenda, quando insurgunt verborum jacula.*

1. **I**lli, sta firmiter, & spera in me. Quid enim sunt verba, nisi verba? Per aërem volant, sed lapidem non lædunt. Si reus es, cogita quod libenter emendare te velis. Si nihil tibi conscius es, pensa quod velis libenter pro Deo hoc sustinere. Parùm satis est, ut vel verba interdum sustineas, qui necdum fortia verbera tolerare vales. Et quare tam parva tibi ad cor transeunt, nisi quia adhuc carnalis es, & homines magis quàm oportet attendis? Nam quia despici metuis, reprehendi pro excessibus non vis, & excusationum umbracula quæris.

2. Sed inspicite te melius; & agnosces, quia vivit adhuc in

te mundus, & vanus amor placendi hominibus. Cum enim quassari refugis, & confundi pro defectibus, constat utique, quod nec verus humilis sis, nec verè mundo mortuus, nec mundus tibi crucifixus. Sed audi verbum meum, & non curabis decem millia verba hominum. Ecce, si cuncta contra te dicerentur, quæ fingi malitiosissimè possent, quid tibi nocerent, si transire omninò permitteres, nec plusquàm festucam perpenderes? Nunquid vel unum capillum tibi extrahere possent.

3. Sed qui cor intus habet, nec Deum præ oculis, faciliter movetur vituperationis verbo. Qui autem in me confidit, nec proprio iudicio stare appetit, absque humano terrore erit. Ego enim sum iudex, & cognitor omnium secretorum; ego scio, qualiter res acta est, ego injuriantem novi & sustinentem. A me exiit verbum istud, me permittente hoc accidit, ut

*Matt. 10.  
Luc. 11.*

*Psal. 7.*

*Luc. 2.*



revelentur ex multis cordibus cogitationes. Ego reum & innocentem judicabo, sed occulto iudicio, utrumque ante probare volui.

4. 4. Testimonium hominum sæpe fallit; meum iudicium verum est, stabit, & non subvertetur. Latet plerumque, & paucis ad singula patet? nunquam tamen errat, nec errare potest, etiam si oculis insipientium non rectum videatur. Ad me ergo currendum est in omni iudicio, nec proprio innitendum arbitrio. *Iustus enim non conturbabitur quidquid à Deo ei acciderit.* Etiam si iniuste aliquid contra eum prolatum fuerit, non multum curabit; sed nec vanè exultabit, si per alios rationabiliter excusetur.

Prov. 12.

Psal. 7. &  
Apos. 2.

5. 5. Pensat namque, quia ego sum scrutans corda & renes, qui non iudico secundum faciem & humanam apparentiam. Nam sæpe in oculis meis reperitur culpabile, quod homi-

num iudicio creditur laudabile. Domine Deus iudex iuste, fortis & patiens, qui hominum nosti fragilitatem & pravitatem, esto robur meum, & tota fiducia mea, non enim mihi sufficit conscientia mea. Tu nosti, quod ego non novi; & ideo in omni reprehensione humiliare me debui, & mansuete sustinere. Ignosce quoque mihi propitius, quoties sic non egi, & dona iterum gratiam amplioris sufferentia. Melior est enim mihi tua copiosa misericordia ad consequutionem indulgentia; quam mea opinata iustitia, pro defensione latentis conscientia. Et si *nihil mihi conscius sum*, tamen in hoc iustificare me non possum; quia remota misericordia tua, *non iustificabitur in conspectu tuo omnis vivens.*

1. Cor. 4.  
Psal. 142.

## CAPUT XLVII.

*Quod omnia gravia pro aeterna vita sunt toleranda.*

1. **E**lli, non te frangant labores, quos assumpsisti propter me, nec tribulatione te deji-



dejiciant usquequaq; ; sed mea promissio, in omni eventu te roboret & consoletur. Ego sufficiens sum ad reddendum supra omnem modum & mensuram. Non diu hic laborabis; nec semper gravaberis doloribus. Expecta paulisper, & videbis celerem finem malorum. Veniet una hora, quando cessabit omnis labor & tumultus. Modicum est & breve, omne quod transit cum tempore.

2. 2. Age, quod agis; fideliter

*Matt. 20.*

labora in vinea mea, ego ero merces tua. Scribe, lege, canta, geme, tace, ora, sustine viriliter contraria; digna est his omnibus, & majoribus, praeliis, vita æterna. Veniet pax in die una, quæ nota est Domino, & erit, non dies neq; nox hujus scilicet temporis, sed lux perpetua, claritas infinita, pax firma, & requies secunda. Non dices tunc:

*Rom. 7.*

*Psal. 119.*

*Quis me liberabit de corpore mortis hujus? Nec clamabis: Hei mihi, quia incolatus meus prolongatus est; quoniam præcipitabitur mors,*

& salus erit indefectiva, anxietas nulla, jucunditas beata, societas dulcis & decora.

3. O si vidisses Sanctorum 3.

*Sap. 3. c. 5*

in cælo coronas perpetuas, quanta quoque nunc exultant gloria, (qui huic mundo olim contemptibiles, & quasi vitæ ipsâ indigni putabantur) profectò te statim humiliares usque ad terram, & affectares potius omnibus subesse, quàm uni præesse; nec hujus vitæ lætos dies concupisceres, sed magis pro Deo tribulari gauderes; & pro nihilo inter homines computari; maximum lucrum duceres.

4. O si tibi hæc saperent, & 4.

profundè ad cor transirent, quomodò auderes vel semel conqueri? Nonne pro vita æterna, cuncta laboriosa sunt toleranda? Non est parvum quid perdere aut lucrari regnum Dei. Leva igitur faciem tuam in cælum. Ecce ego, & omnes Sancti mei mecum, qui in hoc sæculo magnum habuere certamen,



taimen, modò gaudent, modò consolantur, modò securi sunt, modò requiescunt, & sine fine mecum in regno Patris mei permanebunt.

## CAPUT XLVIII.

*De die aternitatis, & hujus vite angustis.*

1. **O** Supernæ civitatis mansio beatissima: O dies æternitatis clarissima, quam nox non obscurat, sed summa veritas semper irradiat, dies semper læta, semper secunda, & nunquam statum mutans in contraria. O utinam dies illa illuxisset, & cuncta hæc temporalia finem accepissent. Lucet quidem Sanctis perpetuâ claritate splendida, sed non nisi à longè & per speculum peregrinantibus in terra.

2. **N**orunt cœli cives, quàm gaudiosa sit illa; gemunt exules filii Evæ, quod amara & tædiosa sit ista. Dies hujus temporis parvi & mali, pleni doloribus & angustis; ubi homo multis peccatis inquinatur, multis passionibus irretitur, multis ti-

moribus stringitur, multis curis distenditur; multis curiositatibus distrahitur, multis vanitatibus implicatur, multis erroribus circumfunditur, multis laboribus atteritur, tentationibus gravatur, delitiis enervatur, egestate cruciatur.

3. **O** quando finis horum malorum! quando liberabor à misera servitute vitiorum? quando memorabor Domine tui solius? quando ad plenum lætabor in te? Quando ero sine omni impedimento in vera libertate, sine omni gravamine mentis & corporis? quando erit pax solida, pax imperturbabilis & secunda, pax intus & foris, pax ex omni parte firma? Jesu bone, quando stabo ad videndum te? quando contemplabor gloriam regni tui, quando eris mihi omnia in omnibus? O quando ero tecum in regno tuo, quod præparasti dilectis tuis ab æterno? Relictus sum pauper & exul in terra hostili, ubi bella quotidiana, & infortunia maxima.

4. Con-

*Apoc 21.*

*Rom. 7.  
Psalm. 70.*

*Job. 7.*



4. 4. Consolare exilium meum, mitiga dolorem meum, quia ad te suspirat omne desiderium meum. Nam onus mihi totum est, quicquid hic mundus offert ad solatium. desidero te intimè frui, sed nequeo apprehendere. Opto inhærere cœlestibus, sed deprimunt res temporales, & immortificatæ passionēs. Mente omnibus rebus superesse volo, carne autē invitè subesse cogor. Sic ego homo infelix mecum pugno, & factus sum mihi metipsum gravis, dum spiritus sursum & caro quærit esse deorsum.

Rom. 7.  
& 8.

5. 5. O quid intus patior, dum mente cœlestia tracto, & mox carnalium turba occurrit oranti, Deus meus, ne elongeris à me, neque declines in ira à servo tuo. *Fulgura a coruscationem* tuam, & dissipa eas; emitte sagittas tuas, & conturbentur omnes phantasiæ inimici. Recollige sensus meos ad te, fac me oblivisci omnium mundanorum; da citò abjicere & con-

Psal. 70.

Thema à Kempis de Imitat.

temnere phantasmata vitiorū. Succurre mihi æterna veritas, ut nulla me moveat vanitas. Adveni cœlestis suavitas, & fugiat à facie tua omnis impunitas. Ignosce quoque mihi, & misericorditer indulge, quoties præter te aliud in oratione revolvō. Confiteor etenim verè quia valdè distractè me habere consuevi. Nam ibi multoties non sum, ubi corporaliter sto aut sedeo; sed ibi magis sum, quò cogitationibus feror. Ibi sum, ubi cogitatio mea est: Ibi est frequenter cogitatio mea, ubi est quod amo. Hoc mihi citò occurrit quod naturaliter delectat, aut ex usu placet.

6. Unde tu veritas aperte dixisti: *Ubi enim est thesaurus* Matth. 6. *tuns, ibi est & cor tuum.* Si cœlum diligo, libenter de cœlestibus penso: Si mundum amo, mundi felicitatibus congaudeo, & de adversitatibus ejus tristor. Si carnem diligo, quæ carnis sunt sæpè imaginor: Si spiritum amo, de spiri-

Q tualibus



Matth. 19.

tualibus cogitare delector. Quæcunq; enim diligo, de his libenter loquor & audio, atque talium imagines mecum ad domum reporto. Sed beatus ille homo, qui propter te Domine, omnibus creaturis licentiam abeundi tribuit; qui naturæ vim facit, & concupiscentias carnis fervore spiritus crucifigit; ut serenatâ conscientia puram tibi orationem offerat, dignusque sit angelicis interesse choris, omnibus terrenis foris & intus exclusis.

## CAPUT XLIX.

*De desiderio æternæ vitæ, & quanta sint certantibus bona promissa.*

1. **F**ili, cum tibi desiderium æternæ beatitudinis desuper infundi sentis, & de tabernaculo corporis exire concupiscis, ut claritatem meam sine vicissitudinis umbra contemplari possis; dilata cor tuum, & omni desiderio hanc sanctam inspirationem suscipe. Redde amplissimas supernæ bonitati gratias, quæ tecum

sic dignanter agit, clementer visitat, ardentem excitat, potenter subleuat, ne proprio pondere ad terrena labaris. Neq; enim hoc cogitatu tuo aut conatu accipis, sed solâ dignatione supernæ gratiæ & divini aspectus; quatenus in virtutibus & majori humilitate proficias, & ad futura certamina te præpares, mihi que toto cordis affectu adhærere, ac ferventi voluntate studeas deservire.

2. Fili, sæpè ignis ardet, sed sine fumo flamma non ascendit: Sic aliquorum desideria ad cœlestia flagrant, & tamen à tentatione carnalis affectus liberi non sunt. Idcirco nec omnino purè pro honore Dei agunt, quod tam desideranter ab eo petunt. Tale est & tuum sæpè desiderium, quod insinuasti fore tam importunum: Non enim est hoc purum & perfectum, quod propriâ commoditate est infectum.

3. Pete, non quod tibi est delectabile & commodum, sed quod



quod mihi est acceptabile atq; honorificum: quia si rectè judicas, meam ordinationem, tuo desiderio & omni desiderato, præferre debes ac sequi. Novi desiderium tuum, & frequentes gemitus audivi. Jam velles esse in libertate gloriæ filiorum Dei; Jam te delectat domus æterna & cœlestis patria gaudio plena, sed nondum venit hora ista; sed est adhuc aliud tempus, scilicet tempus belli, tempus laboris & probationis. Optas summo repleti bono, sed non potes hoc assequi modò. Ego sum; expecta me (dicit Dominus) donec veniat regnum Dei.

4. 4. Probandus es adhuc in terris, & in multis exercitandus. Consolatio tibi interdum dabitur, sed copiosa satietas non concedetur. Confortare igitur, & esto robustus, tam in agendo quàm in patiendi naturæ contraria. Oportet te novum induere hominem, & in alterum virum mutari. Opor-

tet te sæpè agere, quod non vis; & quod vis, oportet relinquere. Quod aliis placet, processum habebit; quod tibi placet, ultra non proficiet. Quod alii dicunt, audietur; quod tu dicis, pro nihilo computabitur. Petent alii, & accipient; tu petes, nec impetrabis.

5. Erunt alii magni in ore hominum, de te autem tacebitur. Aliis hoc vel illud committetur, tu autem ad nihil utilis judicaberis, propter hoc natura quandoq; contristabitur; & magnum, si silens portaveris. In his & similibus multis, probari solet fidelis Domini servus, qualiter se abnegare, & in omnibus se frangere quiverit. Vix est aliquid tale, in quo tantundem mori indiges, sicut videre & pati quæ voluntati tuæ adversa sunt, maximè autem cum disconvenientia, & quæ minus utilia tibi apparent, fieri jubentur. Et quia non audes resistere altiori potestati, sub dominio constitutus; ideo

Q 2 durum

Job. 7.

Posue 1.  
Ephes. 4.



durum tibi videtur, ad nutum alterius ambulare, & omne proprium sentire, omittere.

6. 6. Sed pensa fili, horum fructum laborum, celerem finem, atq; premium nimis magnum, & non habebis inde gravamen, sed fortissimum patientiæ tuæ solamen. Nam & pro modica hac voluntate, quam nunc sponte deseris, habebis semper voluntatem tuam in cælis. Ibi quippe invenies omne, quod volueris; omne quod desiderare poteris. Ibi aderit tibi totius facultas boni, sine timore amittendi. Ibi voluntas tua una semper tecum, nil cupiet extraneum vel privatum. Ibi nullus resistet tibi, nemo de te conqueretur, nemo impediet, nihil obviabit, sed cuncta desiderata simul erunt præsentia, totumq; affectum tuum reficient & adimplebunt usq; ad summum. Ibi reddam gloriam pro contumelia perpeffa, pallium laudis, pro mœrore; pro loco novissimo, sedem regni in

sæcula. Ibi apparebit fructus obedientiæ, gaudebit labor pœnitentiæ, & humilis subiectio coronabitur gloriosè.

7. 7. Nunc ergo inclina te humiliter sub omnium manibus, nec sit tibi curæ, quis hoc dixerit vel iusserit. Sed hoc magnopere curato, ut sive Prælati, seu junior, aut æqualis, aliquid à te exposcerit vel innuerit pro bono totum accipias, & sincera voluntate studeas adimplere. Quærat alius hoc, alius illud; gloriatur ille in illo, & iste in isto, laudeturq; millies mille; tu autem nec in isto, nec in illo, sed in tui ipsius gaude contemptu, & in mei solius beneplacito ac honore. Hoc optandum est tibi, ut sive per vitam, sive per mortem, Deus semper in te glorificetur.

#### CAPUT L.

*Qualiter homo desolatus, se debet in manus Dei offerre.*

1. **D**omine Deus sancte Pater, sis nunc & in æternum benedictus, quia sicut vis, sic



fic factum est; & quod facis bonum est. Latetur in te servus tuus; non in se, nec in aliquo alio; quia tu solus lætitia vera, tu spes mea & corona mea, tu gaudium meum & honor meus, Domine. Quid habet servus tuus, nisi quod à te accepit, etiam sine merito suo? Tua sunt omnia, quæ dedisti & quæ fecisti. *Pauper sum, & in laboribus meis à juventute mea*; & contristatur anima mea nonnunquam usque ad lachrymas; quandoque etiam conturbatur ad se, propter imminentes passiones.

2. 2. Desidero pacis gaudium, pacem filiorum tuorum flagito, qui in lumine consolationis à te pascuntur. Si das pacem, si gaudium sanctum infundis, erit anima servi tui plena modulatione, & devota in laude tua. Sed si te subtraxeris, sicut sæpissime soles, non poterit currere viam mandatorum tuorum, sed magis ad tundendum pectus genua ejus incur-

vantur, quia non est illi sicut heri & nudiustertius, quando splendebat lucerna tua super caput ejus, & sub umbra alarum tuarum protegebatur à tentationibus irruentibus.

3. Pater justè & semper laudande, venit hora ut probetur servus tuus. Pater amande, dignum est ut hac hora patiatur pro te aliquid servus tuus. Pater perpetuò venerande, venit hora, quam ab æterno præsciebas affuturam, ut ad modicum tempus succumbat foris servus tuus, vivat verò semper apud te intus. Paululum vilipendatur, humilietur, & deficiat coram hominibus, passionibus conteratur & languoribus, ut iterum tecum in aurora novæ lucis resurgat & in cœlestibus clarificetur. Pater sancte, tu sic ordinasti, & sic voluisti; & hoc factum est, quod ipse præcepisti.

4. Hæc est enim gratia ad amicum tuum, pati & tribulari in mundo pro amore tuo, quo-



Psal. 118.

tiescunque, & à quocunque id permiseris fieri. Sine consilio & providentia tua, & sine causa, nihil fit in terra. Bonum mihi, Domine, quòd humiliasti me, ut discam justificationes tuas, & omnes elationes cordis, atque præsumptiones abjiciam. Utile mihi, quòd confusio cooperuit faciem meam; ut te potius, quàm homines, ad consolandum requiram. Didici etiam ex hoc, inscrutabile iudicium tuum expavescere, qui affligis iustum cum impio, sed non sine æquitate & iustitia.

5. 5. Gratias tibi ago, qui non pepercisti malis meis, sed attrivisti me verberibus amaris, infligens dolores, & immittens angustias foris & intus. Non est, qui me consoletur ex omnibus, qui sub cælo sunt, nisi tu Domine Deus meus, cœlestis medicus animarum; qui percutis & sanas, *deducis ad inferos* & *reducis*, Disciplina tua super me, & virga tua ipsa me docebit.

Tob. 14.  
Psal. 117.

6. Ecce Pater dilecte, in manibus tuis sum ego, sub virga correctionis tuæ me inclino; percutere dorsum meum, & collum meum, ut incurvem ad voluntatem tuam, tortuositatem meam. Fac me pium & humilem discipulum, sicut bene facere consuevisti, ut ambulem ad omnem nutum tuum. Tibi me, omnia mea, ad corrigendum commendo; melius est hic corripui, quàm in futuro. Tu scis omnia & singula, & nil te latet in humana conscientia. Antequam fiant nostri ventura; & non opus est tibi, ut quis te doceat, aut admoneat de his quæ geruntur in terra. Tu scis, quid expedit ad profectum meum, & quantum deservit tribulatio, ad rubiginem vitiorum purgandam. Fac mecum desideratum beneplacitum tuum, & ne despicias peccaminosam vitam meam, nulli melius nec clarius, quàm tibi soli notam.

7. Da mihi Domine scire, 7. quod



## CAPUT LI.

quod sciendum est; hoc amare, quod amandum est; hoc laudare, quod tibi summè placet, hoc reputare, quod tibi pretiosum apparet; hoc vituperare, quod oculis tuis sordescit. Non me sinas secundum visionem oculorum exteriorum judicare; neque secundum auditum aurium hominum imperitorum sententiare; sed in iudicio vero, de visibilibus & spiritualibus discernere, atque super omnia voluntatem beneplaciti tui semper inquirere.

8. 8. Falluntur sapè hominum sensus in iudicando; falluntur & amatores sæculi, visibilia tantummodo amando. Quid est homo inde melior, quia reputatur ab homine major? Fallax fallacem; vanus vanum, cæcus cæcum; infirmus infirmum, decipit dum exultat; & veraciter magis confundit, dum inaniter laudat. Nā quantum unusquisque est in oculis tuis, tantum est, & non amplius, ait humilis sanctus Franciscus.

*Quod humilibus insistendum est operibus, cum deficitur à summis.*

1. **E**lli, non vales semper in ferventiori desiderio virtutum stare, nec in altiori gradu contemplationis consistere, sed necesse habes interdum, ob originalem corruptelam, ad inferiora descendere; & onus corruptibilis vitæ, etiam invite, & cum tædio, portare. Quamdiu mortale corpus geris, tædium senties, & gravamen cordis. Oportet ergo sapè in carne, de carnis onere gemere, eo quod non vales spiritualibus studiis, & divinæ contemplationi indefinenter inhærere.

2. Tunc expedit tibi ad humilia & exteriora opera confugere, & in bonis actibus te recreare; adventum meum & supernam visitationem, firma confidentia expectare; exilium tuum, & ariditatem mentis patienter sufferre, donec iterum à me visiteris, & ab omnibus anxietatibus



xietatibus libereris. Nam faciam te laborum oblivisci, & interna quiete perfrui. Expandam coram te prata scripturarum, ut dilatato corde, currere incipias viam mandatorum meorum. Et dices: *Non sunt condigne passionis huius temporis, ad futuram gloriam, quæ revelabitur in nobis.*

Rom. 8.

## CAPUT LII.

*Quod homo non reputet se consolatione dignum, sed magis verberibus reum*

1. 1. **D**omine, non sum dignus consolatione tua, nec aliqua spiritali visitatione; & ideo iuste mecum agis, quando me inopem & desolatum relinquis. Si enim ad instar maris lachrymas fundere possem, adhuc consolatione tua dignus non essem. Unde nihil dignus sum, quàm flagellari & puniri; quia graviter & sæpè te offendi, & in multis valde deliqui. Ergo vera pensata ratione, nec minima sum dignus consolatione. Sed tu clemens & misericors Deus, qui non vis perire

opera tua, ad ostendendum divitias bonitatis tuæ in vasa misericordiæ, etiam præter omne proprium meritum, dignaris consolari servum tuum supra humanum modum. Tuæ enim consolationes, non sunt sicut humanæ confabulationes.

2. Quid egi Domine, ut mihi conferres aliquam cœlestem consolationem? Ego nihil boni me egisse recolo, sed semper ad vitia pronum, & ad emendationem pigrum fuisse. Verum est, & negare non possum: Si aliter dicerem, tu stares contra me, & non esset qui defenderet. Quid merui pro peccatis meis, nisi infernum, & ignem æternum; In veritate confiteor, quoniam dignus sum omni ludibrio & contemptu, nec decet me inter tuos devotos commorari. Et licet hoc ægre audiam, tamen adversum me, pro veritate, peccata mea arguam, ut facilius misericordiam tuam merear impetrare.

Job. 9.

3. Quid



3. 3. Quid dicam reus, & omni confusione plenus? Non habeo os loquendi, nisi hoc tantum verbum: Peccavi Domine, peccavi, *miserere mei*, ignosce mihi. Sine *me paululum*, ut *plangeam dolorem meum*, *antequam vadam ad terrā tenebrosam*, & *oportam mortis caligine*. Quid tam maximè à reo & misero peccatore requiris, nisi ut conteratur, & humiliet se pro delictis suis? In vera contritione, & cordis humiliatione nascitur spes veniē, reconciliatur perturbata conscientia, reparatur gratia perditā, tuetur homo à futura ira, & occurrunt sibi mutuo in osculo sancto, Deus & pœnitens anima.

4. 4. Humilis peccatorum contritio acceptabile tibi est Domine sacrificium, longè suavius odorans in conspectu tuo, quàm thuris incensum. Hæc est gratum etiam unguentum, quod sacris pedibus tuis infundi voluisti; quia *cor contritum*

*& humiliatum*, nunquam despexisti. Ibi est locus refugii, à facie iræ inimici. Ibi emendatur & abluitur, quicquid aliunde contractum est & inquinatum.

## CAPUT LIII.

*Quod gratia Dei non miscetur, terrena sapientibus.*

1. Fili, pretiosa est gratia mea, non patitur se misceri extraneis rebus, nec consolationibus terrenis. Abjicere ergo oportet omnia impedimenta gratiæ, si optas ejus infusionem suscipere. Pete secretum tibi, ama solus habitare tecum, nullius require confabulationem; sed magis ad Deum devotam effunde precem, ut compunctam teneas mentem, & puram conscientiam. Totum mundum nihil æstima; Dei vacationem, omnibus exterioribus antepone. Non enim poteris mihi vacare, & in transitoriis pariter delectari. A no-

Matth. 19

R mentem



1. Pet. 2.

mentem tenere privatam. Sic obsecrat B. Apostolus Petrus, ut tanquam advenas & peregrinos in hoc mundo se contineant Christi fideles.

2. 2. O quanta fiducia erit morituro, quem nullius rei affectus detinet in mundo. Sed sic segregatum cor habere ab omnibus, ager necdum capit animus, nec animalis homo novit interni hominis libertatem. Attamen si verè velit esse spiritualis, oportet eum renunciare tam remotis quam propinquis; & à nemine magis cavere, quam à seipso. Si temetipsum perfectè viceris, cætera facilius subjugabis. Perfecta victoria est, de semetipso triumphare. Qui enim semetipsum subiectum tenet, ut sensualitas rationi, & ratio in cunctis obediat mihi, hic verè victor est sui, & Dominus mundi.

3. 3. Si ad hunc apicem scandere gliscis, oportet viriliter incipere, & securim ad radicem ponere, ut evellas & destruas oc-

cultam inordinatam inclinacionem ad teipsum, & ad omne privatum & materiale bonum. Ex hoc vitio, quòd homo semetipsum nimis inordinate diligit, penè totum pendet, quicquid radicaliter vincendum est. Quo devicto & subacto malo, pax magna, & tranquillitas erit continuò. Sed quia pauci sibiipsis perfectè mori laborant, nec plenè extra se tendunt, propterea in se implicati remanent, nec supra se in spiritu elevari possunt. Qui autem liberè mecum ambulare desiderat, necesse est, ut omnes pravas & inordinatas affectiones suas mortificet, atque nulli creaturæ, privato amore, concupiscenter inhæreat.

## CAPUT LIV.

*De diversis motibus naturæ & gratiæ.*

1. **F**ili, diligenter adverte motus naturæ & gratiæ, quia valde contrariè & subtiliter moventur, & vix nisi à spirituali & intimè illuminato homine discernuntur. Omnes quidem



dem bonum appetunt, & aliquid boni in suis dictis vel factis prætendunt, ideò sub specie boni multi falluntur. Natura callida est, & multos trahit, illaqueat, & decipit, & se semper pro fine habet. Sed gratia simpliciter ambulat, & ab omni specie mala declinat, fallacias non prætendit, & omnia purè propter Deum agit, in quo & finaliter requiescit.

2. 2. Natura invitè vult mori, nec premi, nec supprimi, nec subesse, nec sponte subjugari. Gratia verò studet mortificationi propriæ, resistit sensualitati, quærit subjici, appetit vinci, nec propria vult libertate fungi; sub disciplina amat teneri, nec alicui cupit dominari, sed sub Deo semper vivere, stare, & esse; atque propter Deum, omni humanæ creaturæ humiliter parata est inclinari. Natura pro suo commodo laborat, & quid lucri ex alio sibi proveniat, attendit: Gratia autem, non quid sibi utile & commodum sit, sed

quod multis proficiat magis considerat. Natura libenter honorem & reverentiam accipit: Gratia verò omnem honorem & gloriam, Deo fideliter attribuit.

3. 3. Natura confusionem timet & contemptum: Gratia autem gaudet pro nomine Jesu pati contumeliam. Natura otium amat, & quietem corporalem: Gratia vero vacua esse non potest, sed libenter amplectitur laborem. Natura quærit habere curiosa & pulchra, abhorret vilia & grossa: gratia vero, simplicibus delectatur & humilibus, aspera non aspernatur, nec vultis refugit indui pannis. Natura respicit temporalia, gaudet ad lucra terrena, tristatur de damno; irritatur levi injuriæ verbo: Sed gratia attendit æterna, non inhæret temporalibus, nec in perditione rerum turbatur, neque verbis durioribus acerbatur; quia thesaurum suum & gaudium in cælo, ubi nil perit, constituit.



4. 4. Natura cupida est, & libentiùs accipit, quàm donat, amat propria & privata: Gratia autem pia est & communis, vitat singularia, contentatur paucis, beatiùs dare iudicat quam accipere. Natura inclinatur ad creaturas ad carnem propriam, ad vanitates & discursus: Sed gratia trahit ad Deum & virtutes; renunciat creaturis, fugit mundum, odit carnis desideria, restringit evagationes, erubescit in publico apparere. Natura libenter aliquod solatium habet externum, in quo delectetur ad sensum: Sed gratia, in solo Deo quarit consolari, & in summo bono super omnia visibilia delectari.

5. 5. Natura totum agit propter lucrum & commodum proprium, nihil gratis facere potest, sed aut æquale, aut melius, aut laudem, vel favorem pro benefactis consequi sperat; & multum ponderari sua gesta & dona concupiscit: Gratia verò, nil temporale quærit, nec aliud

præmium quam Deum solum, pro mercede postulat; nec amplius de temporalibus necessariis desiderat, nisi quantum hæc sibi ad assequutionem æternorum valeant deservire.

6. 6. Natura gaudet de amicis multis & propinquis, gloriatur de nobili loco, & ortu generis; arridet potentibus, blanditur divitibus, applaudit sibi similibus: Gratia autem, & inimicos diligit, nec de amicorum turba extollitur, nec locum, nec ortum natalium reputat; nisi, virtus major ibi fuerit: favet magis pauperi quàm diviti, compatitur plus innocenti quam potenti, congaudet veraci non fallaci: exhortatur semper bonos, meliora charismata æmulari, & Filio Dei per virtutes assimilari. Natura de defectu & molestia citò conqueritur: gratia constanter fert inopiam.

7. 7. Natura omnia ad se reflectit, pro se certat & arguit: Gratia autem ad Deum cuncta reducit, unde originaliter emanant;



nant; nihil boni sibi ascribit, nec arroganter præsumit: non contendit, nec suam sententiam aliis præfert: sed in omni sensu & intellectu, æternæ sapientiae ac divino examini se submittit. Natura appetit scire secreta, & nova audire: vult exterius apparere, & multa per sensus experiri, desiderat agnoscere & agere, unde laus & admiratio procedit: Sed gratia non curat nova, nec curiosa percipere; quia totum hoc de venustate corruptionis est ortum, cum nihil novum & durable sit super terram. Docet itaque sensus restringere, vanam complacentiam & ostentationem devitare, laudanda & dignè miranda, humiliter abscondere, & de omni re, & in omni scientia, utilitatis fructum, atque Dei laudem & honorem quærere. Non vult se nec sua prædicari, sed Deum donis suis optat benedicere, qui cuncta ex mera charitate largitur.

8. Hæc gratia supernaturale lumen, & quoddam Dei speciale donum est, & propriè electorum signaculum, & pignus salutis æternæ; quæ hominem de terrenis ad cælestia amanda sustollit, & de carnali spiritualem efficit. Quantò igitur natura amplius premitur & vincitur, tanto major gratia infunditur, & quotidie novis visitationibus interior homo, secundum imaginem Dei, reformatur.

## CAPUT LV.

*De corruptione natura, & efficacia gratiæ divinæ.*

1. **D**omine Deus meus, qui me creasti ad imaginem & similitudinem tuam, concede mihi hanc gratiam, quam ostendisti tam magnam, & necessariam ad salutem, ut vincam pessimam naturam meam, trahentem ad peccata & in perditionem: Sentio enim in carne mea legem peccati, contradicentem legi mentis meæ, & captivum me ducentem ad obediendum sensualitati in

*Genes. 1.*

*Rom. 7.*



multis ; nec possum resistere passionibus ejus , nisi assistat tua sanctissima gratia , cordi meo ardentè infusa.

*Gen 8.* 2. 2. Opus est gratia tua, & magna gratia; ut vincatur natura, ad malum semper prona ab adolescentia sua. Nam per primum hominem Adam lapsa, & vitiata per peccatum, in omnes homines pœna hujus maculæ descendit; ut ipsa natura, quæ benè & recta à te condita fuit, pro vitio jam, & infirmitate corruptæ naturæ ponatur, eò quòd motus ejus sibi relictus, ad malum & inferiora trahat. Nam modica vis, quæ remansit, est tanquam scintilla quædam latens in cinere. Hæc est ipsa ratio naturalis, circumfusa magna caligine, adhuc judicium habens boni & mali, veri falsiq; distantiam, licet impotens sit adimplere omne quod approbat, nec pleno jam lumine veritatis, nec sanitate affectionum suarum potiatur.

3. 3. Hinc est Deus meus, quòd

condelector legi tuæ secundum *Rom. 7.* interiorē hominem, sciens mandatum tuum <sup>700</sup> bonum, justum, & sanctum, arguens etiam omne malum, & peccatum fugiendum. Carne autem servio legi peccati, dum magis sensualitati obedio, quàm rationi. Hinc est quòd velle bonum mihi adjacet, perficere autem non invenio. Hinc sæpè multa bona propono, sed quia gratia deest, ad adjuvandum infirmitatem meam, ex levi resistantia resilio & deficio. Hinc accidit, quòd viam perfectionis agnosco, & qualiter agere debeam, clarè satis video; sed propriæ corruptionis pondere pressus, ad perfectiora non asfurgo.

4. 4. O quam maximè est mihi necessaria, Domine tua gratia, ad inchoandum bonum, ad proficiendum, & ad perficiendum. Nam sine ea nihil possum *Joan. 151* facere; omnia autem possum in te, confortante me gratia. O verè cœlestis gratia, sine qua nulla



7.  
nulla sunt propria merita, nulla quoque dona naturæ ponderanda. Nihil artes, nihil divitiarum, nihil pulchritudo vel fortitudo; nihil ingenium vel eloquentia, valent apud te Domine sine gratia. Nam dona naturæ, bonis & malis sunt communia; electorum autem proprium donum est gratia sive dilectio, qua insigniti, digni habentur vita æterna. Tantum eminet hæc gratia, ut nec donum prophetiæ, nec signorum operatio, nec quantalibet alta speculatio, aliquid aestimetur sine ea. Sed neque fides, neque spes, neque aliæ virtutes, tibi acceptæ sunt sine charitate & gratia.

1. Cor. 13.

5. O beatissima gratia, quæ pauperem spiritu, virtutibus divitem facis; & divitem multis bonis, humilem corde reddis. Veni descende ad me, reple me manè consolatione tua, ne deficiat præ lassitudine & ariditate mentis anima mea. Obsecro Domine, ut inveniam

gratiam in oculis tuis; sufficit enim mihi gratia tua, cæteris non obtentis, quæ desiderat natura. Si fuero tentatus & vexatus tribulationibus multis, non timebo mala, dum mecum fuerit gratia tua. Ipsa fortitudo mea, ipsa consilium confert & auxilium. Cunctis hostibus potentior est, & sapientior universis sapientibus. *Psalm. 21.*

6. Magistra enim veritatis, 6. doctrix disciplinæ, lumen cordis, solamen pressuræ, fugatrix tristitiæ, ablatrice timoris, nutritrix devotionis, productrix lachrymarum. Quid sum sine ea, nisi aridum lignum, & stirps inutilis ad ejiciendum? Tua ergo me Domine gratia semper præveniat, & sequatur, ac bonis operibus præstet esse intentum, per Jesum Christum filium tuum. Amen.

## CAPUT LVI.

*Quod nos ipsos abnegare, & Christum imitari debemus per Crucem.*

1. Fili, quantum à te vales ex- 1.  
ire,



ire, tantum in me poteris transire. Sicut nihil foris concupiscere, internam pacem facit; sic se interiùs relinquere, Deo conjungit. Volo te addiscere perfectam abnegationem tui in voluntate mea, sine contradictione & querela. Sequere me: Ego sum via, veritas, & vita. Sine via, non itur; sine veritate, non cognoscitur; sine vita, non vivitur. Ego sum via, quam sequi debes; veritas, cui credere debes; vita, quam sperare debes. Ego sum via inviolabilis, veritas infallibilis, vita interminabilis. Ego sum via rectissima, veritas suprema, vita vera, vita beata, vita increata.

Joan. 14.

2. Si manseris in via mea, cognosces veritatem, & veritas liberabit te, & apprehendes vitam æternam. *Si vis ad vitam ingredi, serva mandata.* Si vis veritatem cognoscere, crede mihi. Si vis perfectus esse, vende omnia. Si vis esse discipulus meus, abnega te ipsum. Si vis beatam vitam possi-

Mat. 19.

Ibidem.

Luc. 9.

Joan. 12.

dere, præsentem vitam contemne. Si vis exaltari in cælo, humilia te in mundo. Si vis regnare mecum, porta Crucem mecum: Soli enim servi Crucis inveniunt viam beatitudinis, & veræ lucis.

Luc. 14.

3. Domine Jesu, quia arcta est vita tua, & mundo despecta, dona mihi te, cum mundi despectu imitari. *Non enim majore est servus Domino suo, nec discipulus supra Magistrum.* Exerceatur servus tuus in vita tua, quia ibi est salus mea, & sanctitas vera. Quicquid extra eam lego vel audio, non me recreat, nec delectat plenè.

Matth. 7.  
Luc. 6.

4. Fili, quia hæc scis, & legisti omnia; beatus eris, si feceris ea.

*Qui habet mandata mea, & servat ea, ipse est, qui diligit me; & ego diligam eum, & manifestabo ei meipsum; & faciam eum confedere mecum in regno Patris mei, Domine JESU, sicut dixisti & promissisti, sic utique fiat, & mihi promereri contingat.* Suscepi, suscepi

Joan. 14.



suscepi de manu tua Crucem, portabo eam usque ad mortem, sicut imposuisti mihi. Verè vita boni Monachi, Crux est, & Dux Paradisi. Inceptum est, retro abire non licet, nec relinquere oportet.

5. 5. Eja Fratres, pergamus simul, Jesus erit nobiscum: propter Jesum suscepimus hanc Crucem; propter Jesum perseveremus in Cruce. Erit adjutor noster, qui est Dux noster & præcessor. En, Rex noster ingreditur ante nos, qui pugnabit pro nobis. Sequamur viriliter, nemo metuat terrores; simus parati mori fortiter in bello, nec inferamus crimen gloriæ nostræ, ut fugiamus à Cruce.

## CAPUT LVII.

*Quòd homo non sit nimis dejectus quando in aliquos labitur defectus.*

1. 1. **F**lli, magis placent mihi patientia & humilitas in adversis, quàm multa consolatio & devotio in prosperis. Ut quid te contristat, parvum fa-

ctum contra te dictum? Si amplius fuisset, commoveri non debuisses. Sed nunc permittite transire, non est primum, nec novum, nec ultimū erit, si diu vixeris. Satis virilis es, quamdiu nil obviat adversi: Bene etiam consulis, & alios nosti roborare verbis, sed cū ad januam tuam venit repentina tribulatio, deficiis consilio & robore. Attende magnam fragilitatem tuam, quam sæpius experiris in modicis objectis, tamen pro salute tua ista fiunt, cum hæc & similia contingunt.

2. Pone, ut melius nosti ex 2. corde; & si te tetigit, non tamen dejiciat, nec diu implicet: Ad minus sustine patienter, si non potes gaudenter. Etiam si minus libenter audis, & indignationem sentis, reprime, te nec patiaris aliquid inordinatum ex ore tuo exire, unde parvuli scandalizentur. Citò conquiescet commotio excitata, & dolor internus, revertentē dulcorabitur gratia. Adhuc vivo



Isa. 49.

ego (*dicit Dominus*) juvare te paratus, & solito amplius consolari, si confusus fueris mihi, & devotè invocaveris.

3. 3. Animæ quior esto, & ad majorem sustinentiam accingere. Non est totum frustratum, si te sæpius percipis tribulatum, vel graviter tentatum. Homo es, & non Deus; caro es, non Angelus. Quomodo tu posses semper in eodem statu virtutis permanere, quando hoc defuit Angelo in celo, & primo homini in Paradiso? Ego sum, qui mœrentes erigo fospitare; & suam cognoscentes infirmitatem, ad meam proveho divinitatem.

Gen. 3.

4. 4. Domine, benedictum sit verbum tuum, dulce super mel & favum ori meo. Quid facerem in tantis tribulationibus & angustiiis meis, nisi me confortares tuis sanctis sermonibus? Dummodo tandem ad portum salutis perveniam, quid curæ est, quæ, & quanta passus fuero? Da finem bonum,

Psal. 118.

da fœlicem ex hoc mundo transitum. Memento mei Deus meus, & dirige me recto itinere in regnum tuum. Amen,

## CAPUT LVIII.

*De altioribus rebus, & occultis judiciis Dei, non scrutandis.*

1. **F**lli, caveas disputare de altis materiis; & de occultis Dei judiciis, cur iste sic relinquitur, & ille ad tantam gratiam assumitur; Cur etiam iste tantum affligitur, & ille tam eximie exaltatur. Ista omnem humanam facultatem excedunt, nec ad investigandum judicium divinum, ulla ratio prævalet, vel disputatio. Quando ergo hæc tibi suggerit inimicus, vel etiam quidam curiosi inquirunt homines, responde illud Prophetæ: *Justus es* Psal. 118. *Domine, & rectum judicium tuum.* Et illud: *Judicia Domini vera, justificata in semetipsa.* Judicia mea metuenda sunt, non discutienda, quia humano intellectui sunt incomprehensibilia.

2. Noli etiam inquirere, nec disputare de meritis Sancto-  
rum,

2. Tim. 2.



rum, quis alio sit sanctior, aut quis major fuerit in Regno cælorum. Talia generant sæpè lites & contentiones inutiles, nutriunt quoq; superbiam & vanam gloriam; unde oriuntur invidiæ & dissensiones, dum iste illum sanctum, & alius alium conatur superbè præferre. Talia autem velle scire & investigare, nullum fructum afferunt, sed magis sanctis displicent, quia non sum Deus dissensionis sed pacis, quæ pax magis in humilitate vera, quam in propria exaltatione consistit.

3. Quidam zelo dilectionis trahuntur ad hos vel ad illos ampliori affectu, sed humano potius quam divino. Ego sum, qui cunctos condidi sanctos; ego donavi gratiam; ego præstiti gloriam. Ego novi singulorum merita; ego præveni eos in benedictionibus dulcedinis meæ. Ego præscivi dilectos ante sæcula; Ego eos elegi de mundo, non ipsi me præelegerunt.

Ego vocavi per gratiam, attraxi per misericordiam. Ego perdux eos per tentationes varias. Ego infudi consolationes magnificas, ego dedi perseverantiam; ego coronavi eorum patientiam.

4. Ego primum & novissimum agnosco; ego omnes inæstimabili dilectione amplector. Ego laudandus sum in omnibus Sanctis meis; ego super omnia benedicendus sum, & honorandus in singulis, quos sic gloriosè magnificavi & prædestinavi, sine ullis præcedentibus propriis meritis. Qui ergo unum de minimis meis contempserit, nec magnū honorat, quia pusillum & magnū ego feci. Et qui derogat alicui Sanctorum, derogat & mihi, & cæteris omnibus in Regno cælorum. Omnes unum sunt per charitatis vinculum; idem sentiunt, idem volunt, & omnes in unum se diligunt.

5. Adhuc autem (quod multo altius est) plus me, quam se &



sua merita, diligunt: Nam supra se rapti, & extra propriam dilectionem tracti, toti in amorem mei pergunt, in quo & fruitivè quiescunt. Nihil est, quod eos avertere possit aut deprimere: quippe qui æterna veritate pleni, igne ardescunt inextinguibilis charitatis. Taceant igitur carnales & animales homines de sanctorum statu differere, qui non norunt nisi privata gaudia diligere. Demunt & addunt pro sua inclinatione, non prout placet æternæ veritati.

6. In multis est ignorantia, eorum maximè, qui parum illuminati, rarò aliquem perfectæ dilectione spiritali diligere norunt. Multum adhuc naturali affectu & humana amicitia, ad hos vel ad illos trahuntur; & sicut in inferioribus se habent, ita & de cœlestibus imaginantur. Sed est distantia incomparabilis, quæ imperfecti cogitant, & quæ illuminati viri per revelationem super-

nam speculantur.

7. Cave ergo fili, de istis curiosè tractare, quæ tuam scientiam excedunt, sed hoc magis satage & intende, ut vel minimus in Regno Dei queas inveniri. Et si quispiam sciret, quis alio sanctior esset, vel major haberetur in regno cælorum, quid ei hæc notitia prodesset, nisi se ex hac cognitione coram me humiliaret, & in majorem nominis mei laudem exurgeret? Multo acceptius Deo facit, qui de peccatorum suorum magnitudine, & virtutum suarum parvitate cogitat, & quàm longè à perfectione sanctorum distat; quàm is, qui de eorum majoritate vel parvitate disputat. Melius est sanctos devotis precibus & lachrymis exorare, & eorum gloriosa suffragia humili mente implorare; quàm eorum secreta, vana inquisitione perferutari.

8. Illi bene & optimè contentantur, si homines scirent contentari, & vaniloquia sua

*Eccles. 26*

com-



compescere. Non gloriantur de propriis meritis, quippe qui sibi nihil bonitatis ascribunt, sed totum mihi, quoniam ipsis cuncta ex infinita charitate mea donavi. Tanto amore divinitatis, & gaudio superfluenti replentur, ut nihil eis desit gloriæ, nihilq; possit deesse felicitatis. Omnes Sancti, quanto altiores in gloria, tanto humiliores in seipsis, & mihi viciniore & dilectiores existunt: Ideoque habes scriptum, quia

Apo. 4.

*mittebant coronas suas ante Deum, & ceciderunt in facies suas coram agno, & adoraverunt viventem in secula seculorum.*

Multi quærunt, quis major sit in Regno Dei, qui ignorant, an cum minimis erunt digni computari.

9. Magnum est, vel minimum esse in cælo, ubi omnes magni sunt; quia omnes filii Dei vocabuntur & erunt. Minimus erit in mille, & peccator centum annorum morietur. Cum enim quærerent discipuli, quis major esset in regno cælorum, tale audierunt respon-

sum: Nisi conversi fueritis, & efficiamini sicut parvuli, non intrabitis in regnum cælorum. Quicumque ergo humiliaverit se, sicut parvulus iste, hic major est in regno cælorum.

Matth. 18.

10. Væ eis, qui cum parvulis humiliare se sponte dedignantur; quoniam humilis janua regni cœlestis, eos non admittet intrare. Væ etiam divitibus, qui habent hîc consolationes suas; quia pauperibus intransibilibus in Regnū Dei, ipsi stabunt foris ejulantes. Gaudete humiles, & exultate pauperes, quia vestrum est Regnum Dei, si tamen in veritate ambulatis.

Matth. 5.

Matth. 5.

## CAPUT LIX.

*Quod omnis spes & fiducia in solo Deo est figenda.*

1. Domine, quæ est fiducia mea, quam in hac vita habeo? aut quod majus solatiū meum ex omnibus apparentibus sub cælo? Nonne tu, Domine Deus meus, cujus misericordiæ non est numerus? Ubi mihi bene fuit, sine te? Aut quan-



do malè esse potuit, præsentē te? Malo pauper esse propter te, quàm dives sine te. Eligo potius tecum in terra peregrinari, quàm sine te cælum possidere. Ubi tu, ibi cælum; atque ibi mors & infernus, ubi tu non es. Tu mihi in desiderio es; & ideo post te gemere, clamare, & exorare necesse est. In nullo denique possum plenè confidere, qui in necessitatibus auxilietur opportunis, nisi in te solo Deo meo. Tu es spes mea, & fiducia mea; tu consolator meus, & fidelissimus in omnibus.

*Phil. 2.* 2. Omnes, quæ sua sunt, quærunt; tu salutem meam, & perfectum meum solummodo prætendis, & omnia in bonum mihi convertis. Etiam si variis tentationibus & adversitatibus exponas, hoc totum ad utilitatem meam ordinas, qui mille modis dilectos tuos probare consuevisti. In qua probatione, non minùs diligere debes & laudari, quàm si cœlestibus consolationibus me repleres.

3. In te ergo, Domine Deus, 3. pono totam spem meam & refugium; in te omnem tribulationem & angustiam meam constituo, quia totum infirmum, & instabile invenio, quicquid extra te conspicio. Non enim proderunt multi amici, neque fortes auxiliarii adjuvare poterunt, nec prudentes consiliarii responsum utile dare, neque libri doctorum consolari, nec aliqua pretiosa substantia liberare, nec locus aliquis secretus & amœnus contutari; si tu ipse non assistas, juves, confortes, consoleris, instruas, & custodias.

4. Omnia namque, quæ ad 4. pacem videntur esse, & felicitatem habendam, te absente nihil sunt, nihilq; felicitatis in veritate conferunt. Finis ergo omnium bonorum, & altitudo vitæ, & profunditas eloquiorum tu es; & in te super omnia sperare, fortissimum solatium servorum tuorum. Ad te sunt oculi mei, in te confido, Deus meus



meus misericordiarum Pater. Benedic & sanctifica animam meam benedictione cœlesti, ut fiat habitatio sancta tua, & sedes æternæ gloriæ tuæ; nihilq; in templo tuæ dignitatis inveniat, quod oculos tuæ majestatis offendat. Secundum magnitudinem bonitatis tuæ, & multitudinem miserationum

tuarum respice in me, & exaudi orationem pauperis servi tui, longè exultantis in regione umbræ mortis. Protege & conserva animam servuli tui, inter tot discrimina vitæ corruptibilis, ac comitante gratia tua, dirige per viam pacis, ad patriam perpetuæ claritatis. Amen.

F I N I S.

## LIBER QUARTUS.

## DE AUGUSTISSIMO EUCHARISTIÆ

## SACRAMENTO.

## Capita Libri quarti.

**C**um quanta reverentia Christus sit suscipiendus. Cap. 1.

Quòd magna bonitas & charitas Dei, in hoc Sacramento homini exhibetur. 2

Quòd utile sit sæpè communicare. 3

Quòd multa bona præstantur devotè communicantibus. 4

De dignitate Sacramenti, & statu Sacerdotali. 5

Interrogatio de exercitio ante Communionem. 6

De discussione propria conscientia, & emendationis proposito. 7

De oblatione Christi in Cruce & propria resignatione. 8

Quòd nos & omnia nostra, Deo debemus offerre, & pro omnibus orare. 9

Quòd sacra Communio, & de facili non est relinquenda. 10

Quòd Corpus Christi, & sacra Scriptura, maxime sunt animæ fideli necessaria. 11

Quòd magna diligentia se debeat communicaturus Christo preparare. 12

Quòd toto corde anima devota Christi, unionem in Sacramento, affectare debet. 13

De quorundam devotorum ardenti desiderio ad Corpus Christi. 14

Quòd gratia devotionis humilitate & sui ipsius abnegatione acquiritur. 15

Quòd necessitates nostras Christo aperire, & ejus gratiam postulare debemus. 16

De ardenti amore, & vehementi affectu suscipiendi Christum. 17

Quòd homo non sit curiosus scrutator Sacramenti, sed humilis imitator Christi, subdendo sensum suum sacræ fidei. 18

DEVQ.



DEVOTA EXHORTATIO, AD  
SACRAM COMMUNIONEM.  
VOX CHRISTI.

Matt. 11.

**V**enite ad me omnes, qui laboratis & onerati estis, & ego reficiam vos, dicit Dominus.

Joan. 6.

Mat. 26.

&amp; 1. Cor.

11.

Joan. 6.

Panis quem ego dabo, caro mea est pro mundi vita. Accipite & comedite, hoc est corpus meum, quod pro vobis tradetur. Hoc facite in meam commemorationem. Qui manducat carnem meam, & bibit meum sanguinem, in me manet, & ego in illo. Verba, quae ego locutus sum vobis, spiritus & vita sunt.

## CAPUT I.

*Cum quanta reverentia Christus  
sit suscipiendus.*

**H**æc sunt verba tua Christe, veritas aeterna, quamvis non uno tempore prolata, nec uno in loco conscripta. Quia ergo tua sunt, & vera, gratanter mihi, & fideliter cuncta sunt accipienda. Tua sunt, & tu ea protulisti; & mea quoque sunt, quia pro salute mea, ea edidisti. Libenter suscipio ea ex ore tuo, ut arctius inferantur cordi meo. Excitant me verba tantæ pietatis, plena dulcedinis & dilectionis. Sed

terrent me delicta propria, & ad capienda tanta mysteria, me reverberat impura conscientia. Provocat me dulcedo verborum tuorum, sed onerat me multitudo vitiorum meorum.

2. Jubes, ut fiducialiter ad te accedam, si tecum velim habere partem; & ut immortalitatis accipiam alimoniam, si æternam cupiam obtinere vitam & gloriam. Venite, inquis, ad me omnes, qui laboratis & onerati estis, & ego reficiam vos. O dulce & amicabile verbum in aure peccatoris, quod tu Domine Deus meus egenum & pauperem invitas ad communionem tui sanctissimi corporis.

Sed quis ego sum Domine, ut ad te præsumam accedere? Ecce, cæli cælorum te non capiunt, & tu dicis: Venite ad me omnes

Matt. 11.

Ibidem.

3. Quid sibi vult ista piissima dignatio, & tam amicabile invitatio? Quomodo ausus ero venire, qui nihil boni mihi conscius sum, unde possum præsumere? Quomodo te introdu-



introducā in domum meam, qui sapius offendi benignissimam faciem tuam? Reverentur Angeli & Archangeli, metuunt sancti & iusti, & tu dicis:

*ibidem.*

*Venite ad me omnes.* Nisi tu Domine hoc diceres, quis verū esse crederet. Et nisi tu juberēs, quis accedere attentaret? Ecce, *Gen. 6.* Noë vir justus in arcæ fabrica centum annis laboravit, ut cum paucis salvaretur; & ego quomodo me potero una hora præparare, ut mundi fabricatorem cum reverentia sumam?

4. 4. Moyſes famulus tuus magnus, & specialis amicus tuus, arcam ex lignis imputribilibus fecit, quam & mundissimo vestivit auro, ut tabulas legis in ea reponeret; & ego putrida creatura, audebo te conditorem legis, ac vitæ datorem, tam facile suscipere? Salomon sapientissimus Regum Israël, templum magnificum septem annis, in laudem nominis tui ædificavit, & octo diebus festum dedicationis ejus celebravit, mille

*Exod. 25.  
6. 26.  
3. Reg. 6.  
3. Reg. 8.*

hostias pacificas obtulit, & arcam fœderis in clangore buccinæ & jubilo, in locum sibi præparatum solenniter collocavit: Et ego infelix & pauperimus hominum, quomodo te in domum meam introducā, qui vix mediam expendere devotè novi horam? & utinam vel semel dignè ferè mediam.

5. O mi Deus, quantum illi 5. ad placendum tibi agere studuerunt. Heu, quàm pusillum est, quod ago; quàm breve expleo tempus, cum me ad communicandum dispono. Rarò totus collectus, rarissimè ab omni distractione purgatus. Et certè in tua salutari Deitatis præsentia, nulla deberet occurrere indecens cogitatio, nulla etiam occupare creatura: quia non Angelum, sed Angelorum Dominum suscepturus sum hospitio.

6. Est tamen valdè magna 6. distantia, inter arcam fœderis cum suis reliquiis, & mundissimum corpus tuum cum suis ineffabilibus virtutibus; inter le-

T

galia



galia illa sacrificia futurorum præfigurativa, & verâ tui corporis hostiam, omnium antiquorum sacrificiorum completivam. Quare igitur non magis ad tuam venerabilem inardesco præsentiam? Cur non majori me præparo sollicitudine ad tua sancta sumenda; quando illi antiqui sancti Patriarchæ & Prophetæ, Reges quoque & Principes, cum universo populo, tantum devotionis demonstrarunt affectum erga cultum divinum?

7. Sal'tavit devotissimus Rex David coram arca Dei totis viribus, recolens beneficia olim indulta patribus; fecit diversi generis organa, psalmos edidit, & cantari instituit cum lætitia, cecinit & ipse frequenter in cithara; Spiritus sancti afflatus gratia, docuit populum Israël toto corde Deum laudare, & ore consono diebus singulis benedicere, & prædicare. Si tanta agebatur tunc devotio, ac divinæ laudis extitit recordatio

coram arca testamenti; quanta nunc mihi, & omni populo Christiano, habenda est reverentia & devotio, in præsentia sacramenti, in sumptione excellentissimi corporis Christi?

8. Currunt multi ad diversa 8. loca, pro visitandis reliquiis sanctorum, & mirantur auditis gestis eorum, ampla ædificia templorum inspiciunt, & osculantur sericis & auro involuta sacra ossa ipsorum: Et ecce tu præsens es hîc apud me in altari, Deus meus, sanctus sanctorum, Creator omnium, & Dominus Angelorum. Sæpè in talibus videndis curiositas est hominum, & novitas invisorum, & modicus reportatur emendationis fructus, maximè ubi est tam levis, sine vera contritione discursus. Hîc autem in sacramento altaris, totus præsens es Deus meus homo Christus Jesus; ubi & copiosus percipitur æternæ salutis fructus, quotiescunq; fueris dignè ac devotè susceptus. Ad istud verò non trahit



trahit levitas aliqua, nec curiositas aut sensualitas; sed firma fides, devota spes, & sincera charitas.

9. 9. O invisibilis conditor mundi Deus, quàm mirabiliter agis nobiscù; quàm suaviter & gratiosè cum electis tuis disponis, quibus temetipsum in sacramento sumendum proponis. Hoc namq; omnem intellectù superat, hoc specialiter devotorum corda trahit, & accendit affectum. Ipsi enim veri fideles tui qui totam vitã suã ad emendationẽ disponunt, ex hoc dignissimo sacramento, magnam devotionis gratiam, & virtutis amorem frequenter recipiunt.

10. 10. O admirabilis & abscondita gratia sacramenti, quam norunt tantùm Christi fideles; infideles autem, & peccatis servientes, experiri non possunt. In hoc sacramento confertur spiritualis gratia, & reparatur in anima virtus amissa, & per peccatum deformata, redit pulchritudo. Tanta est ali-

quando hæc gratia, ut ex plenitudine collatæ devotionis, non tantùm mens, sed & debile corpus, vires sibi præstitas sentiat ampliores.

11. Dolendum tamen valde 11. & miserandum, super tepiditate & negligentia nostra, quòd non majori affectione trahimur ad Christum sumendum, in quo tota spes salvandorum consistit, & meritum. Ipse enim est sanctificatio nostra, & redemptio; ipse consolatio viatorum, & sanctorum aterna fruitio. Dolendum itaque valde, quòd multi tam parum hoc salutare mysterium advertunt, quod cælum lætificat, & mundum conservat universum. Heu cæcitas & duritia cordis humani, tam ineffabile donum non magis attendere, & ex quotidiano usu, etiam ad inadvertentiam defluere.

12. Si enim hoc sanctissimũ 12. Sacramentum, in uno tantùm celebraretur loco, & ab uno tantùm consecraretur sacerdote in



te in mundo; quantò putas desiderio ad illum locum, & ad talem Dei sacerdotem homines afficerentur, ut divina mysteria celebrari audirent? Nunc autem multi facti sunt sacerdotes, & in multis locis offertur Christus, ut tanto major appareat gratia, & dilectio Dei ad hominem, quantò latius est sacra communio diffusa per orbem. Gratias tibi Jesu bone, pastor æterne, qui nos pauperes & exules dignatus es pretioso corpore & sanguine tuo reficere; & ad hæc mysteria percipienda, etiam proprii oris tui alloquio, invitare dicendo:

*Matth. 22. Venite ad me omnes, qui laboratis & onerati estis, & ego reficiam vos.*

## CAPUT II.

*Quòd magna bonitas & charitas Dei, in Sacramento homini exhibetur.*

## VOX DISCIPULI.

1. **S**uper bonitate tua, & magna misericordia tua Domine confisus, accedo æger ad Salvatorem, esuriens & sitiens ad fontem vitæ, egenus ad Regem cæli, servus ad Dominum,

creatura ad creatorem, desolatus ad meum pium consolatorem. Sed unde hoc mihi, ut venias ad me? Quis ego sum, ut præstes mihi teipsum? Quomodò audet peccator coram te apparere; & tu quomodò dignaris ad peccatorem venire? Tu nosti servum tuum, & scis quia nil boni in se habet, unde hoc illi præstes. Confiteor igitur vilitatem meam, agnosco tuam bonitatem, laudo pietatem, & gratias ago propter nimiam charitatem. Propter temetipsum enim hoc facis, non propter mea merita; ut bonitas tua mihi magis innotescat, charitas amplior ingeratur, & humilitas perfectius commendetur. Quia ergò tibi hoc placet, & tu sic fieri iussisti, placet mihi dignatio tua, & utinam iniquitas mea non obsistat.

2. **O**dulcissime & benignissime Jesu, quanta tibi reverentia & gratiarum actio cum perpetua laude, pro susceptione sacri corporis tui debetur, cuius



ius dignitatem nullus hominum explicare potens invenitur. Sed quid cogitabo in hac communione, in accessu ad Dominum meum, quem debite venerari nequeo, & tamen devotè suscipere desidero? Quid cogitabo melius & salubrius, nisi me ipsum totaliter humiliando coram te, & tuam infinitam bonitatem exaltando suprà me? Laudo te Deus meus, & exalto in æternum. Despicio me, & subjiçio tibi in profundum vilitatis meæ.

3. Ecce tu Sanctus Sanctorum, & ego sordes peccatorum. Ecce tu inclinas te ad me, qui non sum dignus ad te respicere. Ecce tu venies ad me, tu vis esse mecum, tu invitas ad convivium tuum. Tu mihi dare vis cœlestem cibum, & panem Angelorum ad manducandum, non alium sanè, quàm te ipsum, panem vivum, qui de cœlo descendisti, & das vitam mundo.

4. Ecce, unde dilectio proce-

dit, qualis dignatio illuceffit, quàm magnæ gratiarum actiones & laudes tibi pro his debentur. O quàm salutare & utile consilium tuum, cùm istud instituisti; quàm suave & jucundum convivium, cùm te ipsum in cibum donasti. O quàm admirabilis operatio tua Domine, quàm potens virtus tua, quàm ineffabilis veritas tua. Dixisti enim, & facta sunt omnia & hoc factum est, quod ipse iussisti.

Gen. 1. &  
Psalm. 148.

5. Mira res & fide digna, ac humanum vincens intellectū; quod tu Domine Deus meus, verus Deus & homo, sub modica specie panis & vini, integer contineris, & sine consumptione à fumente manducaris. Tu Domine universorum, qui nullius habes indigentiam, voluisti per sacramentum tuum habitare in nobis: conserva cor meum, & corpus immaculatum, ut lætâ & purâ conscientia, sæpius tua valeam celebrare mysteria, & ad meam perpetuam



tuam accipere salutem: quæ ad  
tuum præcipuè honorem, &  
memoriale perenne, sanxisti &  
instituísti.

6. 6. Latere anima mea, &  
gratias age Deo pro tam nobili  
munere & solatio singulari in  
hac lachrymarum valle tibi re-  
lictò. Nam quoties hoc myste-  
rium recolis, & Christi corpus  
accipis; toties tuæ redemptio-  
nis opus agis, & particeps om-  
nium meritorum Christi effi-  
ceris. Charitas etenim Christi  
nunquam minuitur, & magni-  
tudo propitiationis ejus nun-  
quàm exhauritur. Ideò novâ  
semper mentis renovatione, ad  
hoc disponere te debes, & ma-  
gnum salutis mysterium, at-  
tentâ consideratione pensare.  
Ita magnum, novum, & junc-  
tum tibi videri debet, cum ce-  
lebras aut Missam audis, ac si  
eodem die Christus primùm in  
uterum Virginis descendens,  
homo factus esset; aut in Cruce  
pendens, pro salute hominum  
pateretur & moreretur.

## CAPUT III.

*Quòd utile sit sæpè communicare.*

## VOX DISCIPULI.

1. **E**cce, ego ad te venio Do-  
mine, ut benè mihi sit ex  
munere tuo, & lætificer in con-  
vivio sancto tuo, quod parasti  
in dulcedine tua pauperi Deus,  
ecce in te est totum, quod desi-  
derare possum & debeo; tu sa-  
lus mea, & redemptio, spes &  
fortitudo, decus & gloria. Læ-  
tifica ergò hodie animam ser-  
vi tui, quoniam ad te Domine  
JESU animam meam levavi.  
Desidero te nunc devotè ac re-  
verenter suscipere; cupio te in  
domum meam inducere, qua-  
tenus cum Zacharò merear à te  
benedici, ac inter filios Abra-  
hæ computari. Anima mea  
corpus tuum concupiscit, cor  
meum tecum uniri desiderat.

2. Trade te mihi, & sufficit. 2.  
Nam præter te, nulla consola-  
tio valet. Sine te esse nequeo, &  
sine visitatione tua, vivere non  
valeo. Ideoque oportet me fre-  
quenter ad te accedere, & in re-  
medium



medium salutis meæ recipere; ne fortè deficiam in via, si fuero cœlesti fraudatus alimonia. Sic enim tu misericordissime JESU, prædicans populis, & varios curans languores, aliquando dixisti: Nolo eos jeunos dimittere in domum suam, ne deficiant in via: Age igitur hoc mecum modo, qui te pro fidelium consolatione in Sacramento reliquisti. Tu es enim suavis refectio animæ, & qui te dignè manducaverit, particeps & hæres erit æternæ gloriæ. Necessarium quidem mihi est, qui tam sæpè labor & pecco, tam citò torpesco & deficio; ut per frequentes orationes & confessiones, ac sacram tui corporis perceptionem, me renovem, mundem, & accendam; ne fortè diutius abstinentendo, à sancto proposito defluam.

3. *3. Prone enim sunt sensus hominis ad malum ab adolescentia sua, & nisi succurrat divina medicina, labitur homo mox ad pe-*

*Genes. 8.*

jora. Retrahit ergò sancta communio à malo; & confortat in bono. Si enim modò tam sæpè negligens sum & tepidus, quando communico aut celebroy; quid fieret, si medelam non fumerem, & tam grande juvamen non quærerem? Et licet omni die non sim aptus, nec ad celebrandum bene dispositus; dabo tamen operam, congruis temporibus divina percipere mysteria, ac tantæ gratiæ participem me præbere. Nam hæc est una principalis fidelis animæ consolatio, quamdiu peregrinatur à te in mortali corpore, ut sapius memor Dei sui, dilectum suum devotâ suscipiat mente.

4. *4. Omira circa nos, tuæ pietatis dignatio, quod tu Domine Deus, creator & vivificator omnium spirituum ad pauperculam dignaris venire animã, & cum tota divinitate tua ac humanitate, ejus impinguare esuriem. O felix mens & beata anima, quæ te Dominum Deū suum*



suum meretur devotè suscipere, & in tui susceptione, spiritu-  
ali gaudio repleri. O quàm ma-  
gnum suscipit Dominum, quàm dilectum inducit hospi-  
tem, quàm jucundum recipit  
socium, quàm fidelē acceptat  
amicum, quàm speciosum &  
nobilem amplectitur Spon-  
sum præ omnibus dilectis, &  
super omnia desiderabilia a-  
mandum. Sileant à facie tua,  
(dulcissime dilecte mi) cœlum  
& terra, & omnis ornatus eorū;  
quoniam quidquid laudis ha-  
bent ac decoris, ex dignatione  
tuæ est largitatis, nec ad deco-  
rem tui pervenient nominis,  
*psal. 146. cuius sapientia non est numerus.*

## CAPUT IV.

*Quod multa bona præstantur devotè  
communicantibus.*

## VOX DISCIPULI.

1. 1. **D**omine Deus meus præ-  
veni servum tuum in  
benedictionibus dulcedinis  
tuæ, ut ad tuum magnificum  
Sacramentum dignè ac devotè  
*psal. 130.* merear accedere. Excita cor  
meum in te, & à gravi torpore

exue me. Visita me in salutari *psal. 105.*  
tuo, ad gustandum in spiritu  
suavitatem tuam, quæ in hoc  
Sacramento tanquàm in fonte  
plenariè latet. Illumina quo-  
que oculos meos ad intuen-  
dum tantum mysterium, & ad  
credendum illud indubitata fi-  
de me roboram. Est enim opera-  
tio tua, non humana potentia;  
tua sacra institutio, non homi-  
nis adinventio. Non enim ad  
hæc capienda & intelligenda  
aliquis idoneus per se reperit-  
ur, quæ angelicam etiam sub-  
tilitatem transcendunt. Quid  
ergò ego peccator indignus,  
terra, & cinis, de tam alto sacro  
secreto potero investigare, &  
capere?

2. Domine in simplicitate 2.  
cordis mei, in bona firma fide,  
& in tua iussione, ad te cum spe  
ac reverentia accedo; & verè  
credo, quia tu præsens es hic in  
Sacramento, Deus & homo.  
Vis ergò, ut te suscipiam, &  
me ipsum tibi in charitate uni-  
am. Unde tuam precor clem-  
men-



mentiam, & specialem ad hoc imploro mihi donari gratiam, ut totus in te liquefiam & amore pereffluam, atque de nulla aliena consolatione amplius me intromittam. Est enim hoc altissimum & dignissimum Sacramentū, salus animæ & corporis, medicina omnis spiritualis languoris; in quo vitia mea curantur, passionēs frenantur, tentationes vincuntur aut minuuntur, gratia major infunditur, virtus incœpta augetur, firmatur fides, spes roboratur, & charitas ignescit ac dilatur.

3. 3. Multa namque bona largitus es, & adhuc sapius largiris in Sacramento dilectis tuis devotè communicantibus, Deus meus, susceptor animæ meæ, reparator infirmitatis humanæ, & totius dator consolationis internæ. Nam multam ipsis consolationem, adversus variam tribulationem infundis, & de imo dejectionis propriæ ad spem tuæ protecti-

onis erigis, atque novâ quâdâ gratiâ, eos intus recreas, & illustras, ut qui anxii primū & sine affectione, se ante communionem senserant, postea refecti cibo potuque cœlesti, in meliūs se mutatos inveniant. Quod idcirco cum electis dispensanter agis, ut veraciter agnoscant, & patenter experiantur, quantum infirmitatis ex seipsis habeant, & quid bonitatis ac gratiæ, ex te consequantur. Quia ex semetipsis frigidi, duri, & indevoti; ex te autē ferventes, alacres, & devoti esse merentur. Quis enim ad fontē suavitatis humiliter accedens, non modicum suavitatis inde reportat? Aut quis juxtā copiosum ignem stans, non parū caloris inde percipit? Et tu fons es semper plenus & superabundans, ignis jugiter ardens & nunquā deficiens.

*Esaiæ 12.  
Levit. 6.*

4. Unde si mihi non licet 4. haurire de plenitudine fontis, nec usque ad satietatem potare, apponam tamen os meum



ad foramen cœlestis fistulæ; ut saltem inde guttulam capiam, ad refocillandam sitim meam, ut non penitus exarescam. Et si necdum totus cœlestis & tam ignitus, ut Cherubin & Seraphin, esse possum; conabor tamen devotioni insistere, & cor meum preparare, ut vel modicam divini incendii flammam, ex humili sumptione vivifici Sacramenti conquiram.

Quicquid autem mihi deest Jesu bone, Salvator sanctissime, tu pro me supple benignè ac gratiosè, qui omnes ad te dignatus es vocare, dicens:

*Matt. 11.*

*Venite ad me omnes, qui laboratis & onerati estis, & ego reficiam vos.*

5.

*Genes. 3.*

5. Ego quidem laboro in sudore vultus mei, dolore cordis torqueor, peccatis oneror, tentationibus inquietor, multis malis passionibus implicor & premor; & non est qui adjuvet, non est qui liberet, & saluum faciat, nisi tu Domine Deus salvator meus, cui committo me & omnia mea; ut me

custodias, & perducas in vitam æternam. Suscipe me in laudem & gloriam nominis tui, qui corpus tuum & sanguinem, in cibum & potum mihi parasti. Præsta Domine Deus salutaris meus, ut cum frequentatione mysterii tui, crescat meæ devotionis affectus.

### CAPUT V.

*De dignitate Sacramenti, & statu Sacerdotali.*

### VOX DOMINI.

1. **S**I haberes angelicam puritatem, & sancti Joannis Baptistæ sanctitatem, non esses dignus, hoc Sacramentum accipere, nec tractare. Non enim hoc meritis debetur hominum, quod homo consecret & tractet Christi sacramentum, &umat in cibum panem Angelorum. Grande mysterium, & magna dignitas Sacerdotum, quibus datum est, quod Angelis non est concessum. Soli namque Sacerdotes, ritè in Ecclesia ordinati, potestatem habent celebrandi, & corpus Christi

1.

*Matt. 11.*

1. Tim.

*Psal. 77.*

Genes.  
Psal. 14  
& Rom.



Christi consecrandi. Sacerdos quidem minister est Dei, utens verbo Dei, per iussionem & institutionem Dei, Deus autem ibi principalis est auctor, & invisibilis operator, cui subest omne, quod voluerit, & paret omne, quod iusserit.

2. Plus ergò credere debes Deo omnipotenti in hoc excellentissimo Sacramento, quàm proprio sensui, aut alicui signo visibili. Ideoque cum timore & reverentia ad hoc opus est accedendum. Attende tibi, & vide cujus ministerium tibi traditum est, per impositionem manus Episcopi. Ecce, Sacerdos factus es, & ad celebrandum consecratus; vide nunc ut fideliter & devotè, in suo tempore Deo sacrificium offeras, & te ipsum irreprehensibilem exhibeas. Non alleviasti onus tuum, sed arctiori jam alligatus es vinculo disciplinæ, & ad maiorem teneris perfectionem sanctitatis. Sacerdos omnibus virtutibus de-

bet esse ornatus, & aliis bonæ vitæ exemplum præbere. Ejus conversatio sit, non cum popularibus & communibus hominum viis, sed cum Angelis in cælo, aut cum perfectis viris in terra.

3. Sacerdos sacris vestibus indutus, Christi vices gerit, ut Deum pro se & pro omni populo, suppliciter & humiliter roget. Habet ante se & retrò Dominicæ Crucis signum, ad memorandam jugiter Christi Passionem: Ante se Crucem in casula portat, ut Christi vestigia diligenter inspiciat, & sequi ferventer studeat. Post se Cruce signatus est, ut adversa quælibet ab aliis illata, clementer pro Deo toleret. Ante se Crucem gerit, ut propria peccata lugeat. Post se, ut aliorum etiam commissa per compassionem defleat, & se medium inter Deum & peccatorem constitutum esse sciat. Nec ab oratione, & ab oblatione sancta torpescat, donec gratiam &



misericordiam impetrare mereatur. Quando Sacerdos celebrat, Deum honorat, Angelos lætificat, Ecclesiam ædificat, vivos adjuvat, defunctis requiem præstat, & sese omnium bonorum participem efficit.

## CAPUT VI.

*Interrogatio de exercitio ante Communionem.*

## VOX DISCIPULI.

1. **C**um tuam dignitatem Domine, & meam vilitatem penso, valde contremisco, & in meipso confundor. Si enim non accedo, vitam fugio; & si indignè me ingesserò, offensam incurro. Quid ergò faciam, Deus meus auxiliator meus, & consiliator in necessitatibus?
2. **Tu doce me viam rectam.** Propone breve aliquod exercitium, sacrae communioni congruum. Utile est enim scire, qualiter scilicet devotè ac reverenter tibi præparare debeam cor meum, ad recipiendum salubriter tuum Sacra-

mentum, seu etiam celebrandum tam magnum & divinum sacrificium.

## CAPUT VII.

*De discussione propria conscientia, & emendationis proposito.*

## VOX DILECTI.

1. **S**uper omnia, cum summa humilitate cordis & supplici reverentia, cum plena fide & pia intentione honoris Dei, ad hoc Sacramentum celebrandum, tractandum, & sumendum, oportet Dei accedere Sacerdotem. Diligenter examina conscientiam tuam, & pro posse tuo, verâ contritione, & humili confessione eam munda & clarifica; ita ut nil grave habeas aut scias, quod te remordeat & liberum accessum impediat. Habeas displicentiam omnium peccatorum tuorum in generali, & pro quotidianis excessibus magis in speciali doleas & gemas. Et si tempus patitur, Deo in secreto cordis cunctas confitere passionum tuarum miseras.



2. 2. Ingemisce & dole, quod adhuc ita carnalis sis & mundanus; tam immortificatus à passionibus; tam plenus concupiscentiarum motibus; tam incustoditus in sensibus exterioribus; tam sæpè multis vanis phantasiis implicatus; tam multum inclinatus ad exteriora; tam negligens ad interiora; tam levis ad risum & dissolutionem; tam durus ad fletum & compunctionem; tam promptus ad laxiora & carnis comoda; tam segnis ad rigorem & fervorem; tam curiosus ad nova audienda & pulchra intuenda, tam remissus ad humilia & abjecta amplectenda; tam cupidus ad multa habenda; tam parvus ad dandum; tam tenax ad retinendum, tam inconsideratus in loquendo; tam incontinens ad tacendum; tam incompositus in moribus; tam importunus in actibus; tam effusus super cibum; tam surdus ad Dei verbum; tam velox ad quietem; tam tardus ad laborem, tam vigilans ad fabulas; tam somnolentus ad vigilias sacras; tam festinus ad finem; tam vagus ad attendendum; tam negligens in horis persolvendis; tam tepidus in celebrando; tam aridus in communicando; tam citò distractus; tam rarò plenè tibi collectus; tam subito commotus ad iram; tam facilis ad alterius displicentiam; tam pronus ad iudicandum; tam rigidus ad arguendum; tam lætus ad prospera; tam debilis in adversis; tam sæpè multa bona proponens, & modicum ad effectum perducens.

3. His & aliis defectibus tuis, cum dolore & magna displicentia propriæ infirmitatis confessis ac deploratis, firmum statue propositum semper emendandi vitam tuam, & in melius proficiendi Deinde cum plena resignatione & integra voluntate, offer teipsum in honorem nominis mei, in ara cordis tui holocaustum perpetuum, cor-



pus tuam scilicet & animam , Deo Patri spontè obtuli , ita ut mihi fideliter committendo ; nihil in me remaneret , quatenus & sic dignè merearis ad offerendum Deo sacrificium accedere, & Sacramentum corporis mei salubriter suscipere.

4. 4. Non est enim oblatio dignior , & satisfactio major pro peccatis in diluendis , quàm seipsum purè & integrè, cum oblatione corporis Christi in Missa & in Communionem Deo offerre. Si fecerit homo , quod in se est ; & verè pœnituerit , quotiescunq; pro venia & gratia ad me accesserit,
- zech. 18. vivo ego dicit Dominus, qui nolo mortem peccatoris, sed ut magis convertatur & vivat; quoniam peccatorum suorum non recordabor amplius, sed cuncta ipsi indulgentia erunt.*

### CAPUT VIII.

*De oblatione Christi in Cruce & propria resignatione.*

### VOX DILECTI.

- I. 1. Sicut ego meipsum, expansis in Cruce manibus & nudo corpore, pro peccatis tuis

Deo Patri spontè obtuli , ita ut nihil in me remaneret , quatenus & sic dignè merearis ad offerendum Deo sacrificium accedere, & Sacramentum corporis mei salubriter suscipere.

cum omnibus viribus & affectibus tuis, quantò intimiùs vales, offerre. Quid magis à te requiro , quàm ut te studeas mihi ex integro resignare ? Quicquid præter teipsum das, nihil curo; quia non quaero datum tuum, sed te.

*PROV. 23.*

2. Sicut non sufficeret tibi omnibus habitis, præter me, ita nec mihi placere poterit, quidquid dederis , te non oblato. Offer te mihi , & da te totum pro Deo , & erit accepta oblatio. Ecce, ego me totum obtuli Patri pro te ; dedi etiam totum corpus & sanguinem in cibum, ut totus tuus essem, & tu meus permaneres. Si autem in teipso steteris, nec spontè te ad voluntatem meam obtuleris , non est plena oblatio, nec inte-

gra



Luc. 24

grærit inter nos unio. Igitur omnia opera tua præcedere debet, spontanea tui ipsius in manus Dei oblatio, si libertatem consequi vis & gratiam. Ideo enim tam pauci illuminati & liberi intus efficiuntur, quia seiplos ex toto abnegare nesciunt. Est firma sententia mea; Nisi quis renuntiaverit omnibus, non potest meus esse discipulus. Tu ergo si optas meus esse discipulus, offer te ipsum mihi, cum omnibus affectibus tuis.

## CAPUT IX.

*Quod nos & omnia nostra, Deo debemus offerre, & pro omnibus orare.*

## V O X DISCIPULI.

1. **D**omine, omnia tua sunt, quæ in cælo sunt, & quæ in terra. Desidero meipsum tibi in spontaneam oblationem offerre, & tuus perpetuo permanere. Domine, in simplicitate cordis mei, offero me ipsum tibi hodie in servum sempiternum, in obsequium & in sacrificium laudis perpetuæ.

Suscipe me cum hac sancta oblatione tui pretiosi corporis, quam tibi hodie in præsentia Angelorum, invisibiliter assistentium, offero; ut sit pro me, & pro cuncto populo tuo in salutem.

2. Domine, offero tibi omnia peccata & delicta mea, quæ commisi coram te, & sanctis Angelis tuis, à die quo primum peccare potui usque ad horam hanc, super placabili altari tuo: ut tu omnia pariter incendas & comburas igne charitatis tuæ, & deleas universas maculas peccatorum meorum, & conscientiam meam ab omni delicto emundes, & restituas mihi gratiam tuam, quam peccando amisi, omnia mihi plenè indulgendo, & in osculum pacis me misericorditer assumendo.

3. Quid possum agere pro peccatis meis, nisi humiliter ea confitendo & lamentando, & tuam propitiationem incessanter deprecando? Deprecor te, exaudi me propitius, ubi  
asto

Psalm. 3



asto coram te Deus meus. Omnia peccata mea mihi maximè displicent, nolo ea unquam ampliùs perpetrare, sed pro eis doleo & dolebo, quamdiu vixero, paratus pœnitentiam agere, & pro posse satisfacere. Dimitte mihi Deus, dimitte mihi peccata mea, propter nomen sanctum tuum; salva animam meam, quam pretioso sanguine tuo redemisti. Ecce committo me misericordiæ tuæ, resigno me in manibus tuis. Age mecum secundum bonitatem tuam, non secundum meam malitiam & iniquitatem.

4. 4. Offero etiam tibi omnia bona mea, quamvis valde pauca & imperfecta; ut tu ea emendes & sanctifices; ut ea grata habeas, & accepta tibi facias, & semper ad meliora trahas; nec non ad beatum ac laudabilem finem, me pigrum & inutilem homuncionem, perducas.

5. 5. Offero quoque tibi omnia, pia desideria devotorum,

necessitates parentum, amicorum, fratrum, sororum, omniumque charorum meorum, & eorum qui mihi vel aliis, propter amorem tuum benefecerunt, & qui orationes & Missas pro se suisque omnibus, dici à me desideraverunt & petierunt, sive in carne adhuc vivant; sive jam in sæculo defuncti sint: ut omnes sibi auxilium gratiæ tuæ, opem consolationis, protectionem à periculis, liberationem à pœnis, advenire sentiant, & ut ab omnibus malis erepti, gratias tibi magnificas læti persolvant.

6. Offero etiam tibi preces 6. & hostias placationis, pro illis specialiter, qui me in aliquo læserunt, contristaverunt, aut vituperaverunt, vel aliquod damnum vel gravamen intulerunt: pro his quoque omnibus, quos aliquando contristavi, conturbavi, gravavi, & scandalizavi, verbis, factis, scienter vel ignoranter; ut nobis omnibus pariter indulgeas pec-



peccata nostra, & mutuas offensiones. Aufer Domine à cordibus nostris omnem suspcionem, indignationem, iram & disceptationem, & quidquid potest charitatem lædere, & fraternam dilectionem minuire. Miserere, miserere Domine, misericordiam tuam poscentibus, da gratiam indigentibus; & fac nos tales existere, ut simus digni gratiâ tuâ perfrui; & ad vitam proficiamus æternam. Amen.

## CAPUT X.

*Quòd sacra Communio, & de facili non est relinquenda.*

## VOX DILECTI.

1. **F**Requenter recurrendum est ad fontem gratiæ & divinæ misericordiæ, ad fontem pietatis & totius bonitatis; quatenus à passionibus tuis & vitiis curari valeas, & contra universas tentationes & fallacias diaboli, fortior atque vigilantior effici merearis. Inimicus sciens fructum & remedium maximum in sacra

communione positum, omni modo & occasione nititur fideles & devotos, quantum prævalet, retrahere & impedire.

2. Cum enim quidam sacra Communioni se aptare <sup>Job. 1.</sup> disponunt, peiores Satanæ immisiones patiuntur. Ipse nequam spiritus (ut Job scribit) venit inter filios Dei, ut solitâ illos nequitiam suâ perturbet, aut timidos nimium reddat & perplexos; quatenus affectum eorum minuat, vel fidem impugnando auferat; si fortè aut omninò Communionem relinquunt, aut cum tepore accedant. Sed non est quicquam curandum de versutiis & phantasias illius, quantumlibet turpibus & horridis, sed cuncta phantasmata in caput ejus sunt retorquenda. Contemnendus est miser & deridendus, nec propter insultus ejus & commotiones, quas suscitatur, sacra est omittenda communio.

X

3. Sæpe



3. 3. Sæpe etiam impedit nimia sollicitudo pro devotione habenda, & anxietas quædam de confessione facienda. Age secundum consilium Sapientum, & depone anxietatem & scrupulum; quia gratiam Dei impedit, & devotionem mentis destruit. Propter aliquam parvam tribulationem & gravitatem, sacram ne dimittas communionem; sed vade citius confiteri, & omnes offensiones aliis libenter indulge. Si verò tu aliquem offendisti, veniam humiliter precare, & Deus libenter indulget tibi.

Matth. 5.

4. 4. Quid prodest diu tardare confessionem, aut sacram differre communionem? Expurgate cum primis, exspue velociter venenum, festina accipere remedium, & senties melius, quàm si diu distuleris. Si hodie propter istud dimittis, cras forsitan aliud majus eveniet; & sic diu posses à communione impediri, & magis ineptus fieri. Quanto citius vales, à præsent

gravitate & inertia te excutias; quia nihil importat diu anxiarì, diu cum turbatione transire, & ob quotidiana obstacula, se à divinis sequestrare: Imò plurimum nocet, diu communionem protelare, nam & gravem torporem consuevit inducere. Pròh dolor quidam tepidi & dissoluti, moras consistendi libenter accipiunt, & communionem sacram idcirco differri cupiunt, ne ad majorem sui custodiam se dare teneantur.

5. Heu quàm modicam charitatem & debilem devotionem habent qui sacram communionem, tam faciliter postponunt. Quàm felix ille, & Deo acceptus habetur, qui sic vivit, & tali puritate conscientiam suam custodit; ut etiam omni die communicare paratus, & benè affectatus esset, si ei liceret, & sine nota agere posset. Si quis interdum abstinet humilitatis gratia, aut legitimâ impediante causâ, laudandus est de reverentia. Si autem torpor



por obrepserit, seipsum excitare debet, & facere quod in se est, & Dominus aderit desiderio suo pro bona voluntate, quam specialiter respicit.

6. 6. Cum verò legitime præpeditus est, habebit semper bonam voluntatem, & piam intentionem communicandi, & sic non carebit fructu Sacramenti. Potest enim quilibet devotus omni die & omni hora ad spirituales Christi communionem, salubriter & sine prohibitionem accedere: & tamen certis diebus & statuto tempore, corpus sui Redemptoris, cum affectuosa reverentia sacramentaliter debet suscipere, & magis laudem Dei & honorem præstare, quam suam consolationem quærere.

1. Cor. 11. Nam toties mysticè communicat, & invisibiliter reficitur, quoties incarnationis Christi mysterium passionemque devotè recolit, & in amore ejus accenditur.

7. 7. Qui aliter se non præpa-

rat, nisi instante festo, vel consuetudine compellente, sapius imparatus erit. Beati qui se Domino in holocaustum offert, quoties celebrat aut communicat. Non sis in celebrando nimis prolixus aut festinus, sed serva bonum communem modum cum quibus vivis. Non debes aliis generare molestiam & tædium, sed communem servare viam secundum majorum institutionem, & potius aliorum servire utilitati, quàm propriæ devotioni vel affectui.

### CAPUT XI.

*Quòd Corpus Christi, & sacra Scriptura, maxime sunt animæ fideli necessaria.*

### VOX DISCIPULI.

1. **O** Dulcissime Domine 1. Jesu, quanta est dulcedo devotæ animæ, tecum epulantis in convivio tuo; ubi ei non alius cibus manducandus proponitur, nisi tu unicus dilectus ejus, super omnia desideria cordis ejus desiderabilis. Et

X 2 mihi



Luc. 7.

mihi quidem dulce foret in præsentia tua, ex intimo affectu lacrymas fundere, & cum pia Magdalena pedes tuos lacrymis irrigare. Sed ubi est hæc devotio? ubi lacrymarum sanctarum copiosa effusio? Certè in conspectu tuo & sanctorum Angelorum tuorum, totum cor meum ardere deberet, & ex gaudio flere. Habeo enim te in Sacramento verè præsentem, quamvis alienâ specie occultatum.

2. 2. Nam in propria, & divina claritate te conspicere, oculi mei ferre non possent; sed neque totus mundus in fulgore gloriæ Majestatis tuæ subsisteret. In hoc ergò imbecillitati meæ consulis, quod te sub Sacramento abscondis. Habeo verè & adoro, quem Angeli adorant in cœlo; sed ego adhuc interim in fide, illi autem in specie & sine velamine. Me oportet contentum esse in lumine veræ fidei, & in ea ambulare, donec aspiret dies æternæ

claritatis, & umbræ figurarum inclinentur. Cum autem venerit quod perfectum est, cessabit usus Sacramentorum; quia beati in gloria cœlesti, non egent medicamine sacramentali; gaudent enim sine fine in præsentia Dei, facie ad faciem gloriam ejus speculantes, & de claritate in claritatem abyssalis deitatis transformati, gustant verbum Dei carnem factum, sicut fuit ab initio, & manet in æternum.

3. 3. Memor horum mirabilium, grave mihi sit tædium, etiam quodlibet spirituale solatium; quia quamdiu Dominum meum apertè in sua gloria non video, pro nihilo duco omne, quod in mundo conspicio & audio. Testis es tu mihi Deus, quod nulla me res potest consolari, nulla creatura quietare, nisi tu Deus meus, quem desidero æternaliter contemplari. Sed non est hoc possibile, durante me in hac mortalitate. Ideo oportet, ut me ponam ad magnam



*Heb. 10. 11.*

magnam patientiam, & me-  
ipsum in omni desiderio tibi  
submittam. Nam & Sancti tui  
Domine, qui tecum jam in re-  
gno cœlorum exultant, in fide  
& patientia magna, dum vive-  
rent, adventum gloriæ tuæ ex-  
spectabant. Quod illi credide-  
runt, ego credo; quod illi spe-  
raverunt, ego spero; quò illi  
pervenerunt, per gratiam tuam  
me venturum confido. Ambu-  
labo interim in fide, exemplis  
confortatus Sanctorum. Ha-  
beo etiam libros Sanctos pro  
solatio & vitæ speculo, atque  
super hæc omnia, sanctissi-  
mum corpus tuum, pro singu-  
lari remedio & refugio.

4. Duo namque mihi ne-  
cessaria per maximè sentio in  
hac vita, sine quibus mihi im-  
portabilis foret ista miserabilis  
vita. In carcere corporis hujus  
detentus, duobus me egere fa-  
teor, cibo scilicet & lumine.  
Dedisti itaque mihi infirmo,  
sacrum corpus tuum ad refe-  
ctionem mentis & corporis; &

*Joan. 6.  
Psalm. 118.*

posuisti lucernam pedibus  
meis, verbum tuum. Sine his  
duobus, bene vivere non pos-  
sem; nam verbum Dei, lux ani-  
mæ; & sacramentum tuum,  
panis vitæ. Hæc possunt etiam  
dici mensæ duæ, hinc & inde  
in gazophylacio sanctæ Eccle-  
siæ positæ. Una mensa est sacri  
altaris, habens panem san-  
ctum, id est, corpus Christi pre-  
tiosum: Altera est divinæ legis,  
continens doctrinam san-  
ctam, erudiens fidem rectam,  
& firmiter usque ad interiora  
velaminis, ubi sunt sancta san-  
ctorum, perducens. Gratias tibi  
Domine Jesu, lux lucis æter-  
næ, pro doctrinæ sacræ mensa,  
quam nobis per servos tuos  
Prophetas & Apostolos, alio-  
que Doctores ministrasti.

5. Gratias tibi creator ac re-  
demptor hominum, qui ad de-  
clarandam toti mundo chari-  
tatem tuam, cœnam parasti  
magnam, in qua non agnum  
typicum, sed tuum sanctissi-  
mum corpus & sanguinem

*Psalm. 22.  
Heb. 9. 13.*

*5.  
Luca 14.  
Joan. 6.  
Psalm. 32.  
Sap. 16.*



proposuisti manducandum ; latificans omnes fideles convivio sacro & calice inebrians saluari, in quo sunt omnes delitiae paradisi, & epulantur nobiscum Angeli sancti sed suavitate feliciori.

6. O quàm magnum & honorabile est officium Sacerdotum, quibus datum est Dominum majestatis verbis sacris consecrare, labiis benedicere, manibus tenere, ore proprio sumere, & cæteris ministrare. O quàm mundæ debent esse manus illæ, quàm purum os, quàm sanctum corpus, quàm immaculatum cor erit Sacerdotis, ad quem toties ingreditur auctor puritatis. Ex ore Sacerdotis, nihil nisi sanctum, nihil nisi honestum & utile procedere debet verbum, qui tam sæpe Christi accipit Sacramentum.

7. Oculi ejus simplices & pudici, qui Christi corpus solent intueri. Manus puræ, & in cælum elevatae, quæ Creatorem cæli & terræ solent contrecta-

Levit 19.  
Ex 20.

re. Sacerdotibus specialiter in lege dicitur: *Sancti estote, quoniam ego sanctus sum Dominus Deus vester.*

8. Adjuvet nos gratia tua omnipotens Deus, ut qui officium sacerdotale suscepimus, dignè ac devotè in omni puritate & conscientia bona tibi famulari valeamus. Et si non possumus in tanta innocentia vitæ conversari, ut debemus; concede nobis tamen dignè flere mala, quæ gessimus, & in spiritu humilitatis, ac bonæ voluntatis proposito, tibi ferventiùs de cætero deservire.

## CAPUT XII.

*Quòd magna diligentia se debeat communicaturus Christo preparare.*

## VOX DILECTI.

1. Ego sum puritatis amator, & dator omnis sanctitatis. Ego cor purum quero, & ibi est locus requietionis meæ. Para mihi cœnaculum grande stratum, & faciam apud te pascha cum discipulis meis. Si vis ut veniam ad te, & apud te

1.  
Psal. 23.  
Mat. 5.

Mar. 14.  
Luc. 22.



1. Cor. 5. te maneam; expurga vetus fermentum, & munda cordis tui habitaculum. Excludere totum sæculum, & omnem vitiorum tumultum: sede tanquam pascuer solitarius in tecto, & cogita excessus tuos in amaritudine animæ tuæ. Omnis namque amans, suo dilecto amatori optimum & pulcherrimum præparat locum, quia in hoc cognoscitur affectus suscipientis dilectum.

2. Scito tamen te non posse satisfacere huic præparationi, ex merito tuæ actionis, etiam si per integrum annum te præparares, & nihil aliud in mente haberes: Sed ex sola pietate & gratia mea, permitteris ad mensam meam accedere, ac si mendicus ad prandium vocaretur divitis, & ille nihil aliud habeat ad retribuendum beneficiis ejus, nisi se humiliando & ei regratiando. Fac quod in te est, & diligenter facito; non ex consuetudine, non ex necessitate, sed cum timore & reve-

rentia, & affectu, accipe corpus dilecti Domini Dei tui, dignantis ad te venire. Ego sum qui vocavi, ego jussi fieri; ego supplebo quod tibi deest, veni & suscipe me.

3. Cum gratiam devotionis tribuo, gratias age Deo tuo; non quia dignus es, sed quia tui misertus sum. Si non habes, sed magis aridum te sentis, insiste orationi, ingemisce & pulsa; nec desistas, donec merearis micam aut guttam gratiæ salutaris accipere. Tu mei indiges, non ego tui indigeo. Nec tu me sanctificare venis, sed ego te sanctificare & meliorare venio. Tu venis, ut ex me sanctificeris, & mihi uniaris, ut novam gratiam recipias, & de novo ad emendationem accendaris. Noli negligere hanc gratiam: Sed præpara cum omni diligentia cor tuum, & introduce ad te dilectum tuum.

4. Oportet autem, ut non solum te præpares ad devotionem ante communionem, sed

ut



ut etiam te sollicitè conserves in ea post Sacramenti perceptionem. Nec minor custodia post exigitur, quàm devota præparatio prius. Nam bona postmodum custodia, optima iterum est præparatio, ad majorem gratiam consequendam. Ex eo quippe valde indispositus quis redditur, si statim fuerit nimis effusus ad exteriora solatia. Cave à multiloquio, mane in secreto, & frue-  
*Prov. 10.* re Deo tuo. Ipsum enim habes, quem totus mundus tibi auferre non potest. Ego sum, cui te totum dare debes; ita ut jam ultra non in te, sed in me absque omni sollicitudine, vivas.

## CAPUT XIII.

*Quod toto corde anima devota Christi,  
 unionem in Sacramento, affectare debet.*

## VOX DISCIPULI.

1. **Q**uis mihi det Domine, ut inveniam te solum, & aperiam tibi totum cor meum, & fruam te, sicut desiderat anima mea; & jam me nemo

despiciat, nec ulla creatura me moveat vel respiciat, sed tu solus mihi loquaris, & ego tibi, sicut solet dilectus ad dilectum loqui, & amicus cum amico convivari? Hoc oro, hoc desidero, ut tibi totus uniar, & cor meum ab omnibus creatis rebus abstraham, magisque per sacram communionem, ac frequentem celebrationem, cœlestia & æterna sapere discā. Ah Domine Deus, quando ero tecum totus unitus & absorptus, meique totaliter oblitus? Tu in me, & ego in te, & sic nos pariter in unum manere concede.

2. Verè tu es dilectus meus, electus ex millibus, in quo complacuit animæ meæ habitare omnibus diebus vitæ suæ. Verè tu pacificus meus, in quo pax summa & requies vera, extra quem labor & dolor, & infinita miseria. Verè tu es Deus absconditus, & consilium tuum non est cum impiis; sed cum humilibus & simplicibus  
 sermo

*Exod. 33.  
 Cant. 8.*

*Joan. 15.*

*Cant. 5.*

*Proverb. 3.  
 Sap. 12.*



fermo tuus. O quàm suavis est Domine spiritus tuus, qui ut dulcedinem tuam in filios demonstrares, pane suavissimo, de cœlo descendente, illos reficere dignaris. Verè non est alia natio tam grandis, quæ habeat Deos appropinquantes sibi, sicut tu Deus noster ades universis fidelibus tuis, quibus ad quotidianum solatium, & corrigendum in cœlum, te tribuis ad edendum & fruendum.

3. 3. Quæ est enim alia gens tam inclyta, sicut plebs Christiana? Aut quæ creatura sub cœlo tam dilecta, ut anima devota, ad quam ingreditur Deus, ut pascat eam carne suâ gloriosâ? O ineffabilis gratia, ô admirabilis dignatio; ô amor immensus homini singulariter impensus. Sed quid retribuam Domino pro gratia ista, pro charitate tam eximia? Non est aliud, quod gratius donare queam, quàm ut cor meum Deo meo totaliter tribuam, & intimè jungam. Tunc ex-

ultabunt omnia interiora mea, cum perfectè fuerit unita Deo anima mea. Tunc dicet mihi: Si tu vis esse mecum, ego volo esse tecum. Et ego respondebo illi: Dignare Domine manere mecum, ego volo libenter esse tecum. Hoc est totum desiderium meum, ut cor meum tibi sit unitum.

## CAPUT XIV.

*De quorundam devotorum ardenti desiderio ad Corpus Christi.*

## VOX DISCIPULI.

1. O Quàm magna multitudo dulcedinis tuæ Domine, quam abscondisti timentibus te. Quando recordor devotorum aliquorum, ad Sacramentum tuum Domine, cum maxima devotione, & affectu accedentium, tunc sæpius in me ipso confundor, & erubesco; quod ad altare tuum, & sacræ communionis mensam, tam tepidè & frigidè accedo. Quod ita aridus & sine affectione cordis maneo. Quod

Y

non



non sum totaliter accensus coram te Deo meo, nec ita vehementer attractus & affectus, sicut multi devoti fuerunt, qui præ nimio desiderio communionis, & sensibili cordis amore, à fletu se non potuerunt continere; sed ore cordis & corporis pariter, ad te Deum fontem vivum medullitus inhiabant, suam esuriem non valentes aliter temperare nec satiare, nisi corpus tuum, cum omni jucunditate & spirituali aviditate accepissent.

2. *Luce 24.* 2. Overa ardens fides eorum, probabile existens argumentum sacræ præsentiae tuæ. Isti enim veraciter cognoscunt Dominum suum in fractione panis, quorum cor tam validè ardet in eis, de Jesu ambulante cum eis. Longè est à me sapè talis affectus & devotio, tam vehemens amor & ardor. Esto mihi propitius Jesu bone, dulcis & benigne, & concede pauperi mendico tuo, vel interdum modicum de cordiali af-

fectu amoris tui, in sacra communionem sentire, ut fides mea magis convalescat, spes in bonitate tua proficiat, & charitas semel perfectè accensa, & cœlesti manna experta, nunquàm deficiat.

3. Potens est autem misericordia tua, etiam gratiam desideratam mihi præstare, & in spiritu ardoris, cum dies beneplaciti tui venerit, me clementissimè visitare. Etenim licet tanto desiderio tam specialium devotorum tuorum non ardeo, tamen de gratia tua, illius magni inflammati desiderii, desiderium habeo, orans & desiderans, omnium talium fervidorum amatorum tuorum, participem me fieri, & eorum sancto consortio annumerari.

### CAPUT XV.

*Quòd gratia devotionis, humilitate & sui ipsius abnegatione acquiritur.*

### VOX DILECTI.

1. **O** Portet te devotionis gratiam instantè quærere, desideranter petere, patienter

&



& fiducialiter expectare, gratanter recipere, humiliter conservare, studiosè cum ea operari, ac Deo terminum & modum supernæ visitationis, donec veniat, committere. Humiliare præcipuè te debes, cum parum aut nihil devotionis interioris sentis; sed non nimium dejici, nec inordinatè contristari. Dat sæpè Deus in uno brevi momento, quod longo negavit tempore. Dat quandoque in fine, quod in principio orationis distulit dare.

2. Si semper citò gratia daretur, & pro voto adesset, non esset infirmo homini bene portabile. Propterea in bona spe, & humili patientia, expectanda est devotionis gratia. Tibi tamen & peccatis tuis imputa, cum non datur, vel etiam occultè tollitur. Modicum quandoque est, quod gratiam impedit & abscondit, si tamen modicum, & non potius grande dici debeat, quod tantum bonum prohibet. Et si hoc

ipsum modicum vel grande amoveris, & perfectè viceris, erit quod petisti.

3. Statim namque, ut te Deo ex toto corde tradideris, nec hoc vel illud pro tuo libitu seu velle quæsieris, sed integrè te in ipso posueris, unitum te invenies & pacatum; quia nil ita bene sapiet & placebit, sicut beneplacitum divinæ voluntatis. Quisquis ergò intentionem suam, simplici corde sursum ad Deum levaverit, seque ab omni inordinato amore, seu displicentia cujuslibet rei creatæ evacuaverit, aptissimus gratiæ percipiendæ ac dignus devotionis munere erit. Dat enim Dominus ibi benedictionem suam, ubi vasa vacua invenerit. Et quantò perfectiùs infimis quis renuntiaverit, & magis sibi ipsi per contemptum sui moritur, tantò gratia celerius venit, copiosius intrat, & altiùs liberum cor elevat.

4. Tunc videbit, & affluet, & mirabitur, & dilatabitur cor

Esai 60.



eius in ipso, quia manus Domini cum eo, & ipse se posuit totaliter in manu eius usque in sæculum. Ecce sic benedicetur homo; qui quærit Deum in toto corde suo, nec in vanum accipit animam suam. Hic in accipiendo sacram Eucharistiam magnam promeretur divinæ unionis gratiam, quia non respicit ad propriam devotionem & consolationem; sed super omnem devotionem & consolationem, ad Dei gloriam & honorem.

## CAPUT XVI.

*Quod necessitates nostras Christo aperire, & ejus gratiam postulare debemus.*

## VOX DISCIPULI.

1. **O** Dulcissime atque amantissime Domine, quem nunc devotè desidero suscipere, tu scis infirmitatem meam & necessitatem, quam patior; in quantis malis & vitiis jaceo, quàm sæpè sum gravatus, tentatus, turbatus, & inquinatus. Pro remedio ad te venio, pro

consolatione & sublevamine te deprecor. Ad omnia scientem loquor, cui manifesta sunt omnia interiora mea, & qui solus potes me perfectè consolari & adjuvare. Tu scis, quibus bonis indigeo præ omnibus, & quàm pauper sum in virtutibus.

2. Ecce, sto ante te pauper & nudus, gratiam postulans, & misericordiam implorans. Refice esurientem mendicum tuum, accende frigiditatem meam igne amoris tui, illumina cœcitatē meā claritate præsentia tuæ. Verte mihi omnia terrena in amaritudinem, omnia gravia & contraria in patientiam, omnia infima & creata in contemptum & oblivionē. Erige cor meum ad te in cœlū, & ne dimittas me vagari super terram. Tu solus mihi ex hoc jam dulcescas usque in sæculum, quia tu solus cibus & potus meus, amor meus, & gaudium meum, dulcedo mea & totum bonum meum.

3. Uti-



3. 3. Utinam me totaliter ex tua præsentia accendas, comburas, & in te transmutes; ut unus tecum efficiar spiritus, per gratiam internæ unionis, & liquefactionem ardentis amoris. Ne patiaris me jejunum & aridum à te recedere, sed operare mecum misericorditer, sicut sapius operatus es cum Sanctis tuis mirabiliter. Quid mirum, si totus ex te ignescerem, & in me ipso deficerem; cum tu sis ignis semper ardens, & nunquam deficiens; amor corda purificans, & intellectum illuminans.

## CAPUT XVII.

*De ardenti amore, & vehementi affectu suscipiendi Christum.*

## VOX DISCIPULI.

1. 1. **C**um summa devotione & ardenti amore, cum toto cordis affectu & fervore, desidero te Domine suscipere, quemadmodum multi sancti & devotæ personæ, in communicando te desideraverunt; qui

tibi maximè in sanctitate vitæ placuerunt, & in ardentissima devotione fuerunt. O Deus meus, amor æternus, totum bonum meum, felicitas interminabilis, cupio te suscipere cum vehementissimo desiderio & dignissima reverentia, quam aliquis Sanctorum unquam habuit, & sentire potuit.

2. Et licet indignus sum omnia illa sentimenta devotionis habere, tamen offero tibi totum cordis mei affectum, ac si omnia illa gratissima inflammata desideria, solus haberem. Sed & quæcunque potest pia mens concipere & desiderare, hæc omnia tibi, cum summa veneratione, ac intimo favore, præbeo & offero. Nihil opto mihi reservare, sed me & omnia mea, tibi spontè & libentissimè immolare. Domine Deus meus, creator meus, & redemptor meus, cum tali affectu, reverentia, laude, & honore; cum tali gratitudine, dignitate, &

Y 3 amore;



Lucæ 1.

amore cum tali fide, spe, & puritate, te affecto hodie suscipere, sicut te suscepit & desideravit sanctissima Mater tua, gloriosa Virgo Maria, quando Angelo evangelizanti sibi incarnationis mysterium, humiliter ac devotè respondit: *Ecce ancilla Domini, fiat mihi secundum verbum tuum.*

Ibidem.

3. Et sicut beatus præcursor tuus, excellentissimus Sanctorum Joannes Baptista, in præsentia tua lætabundus exultavit in gaudio Spiritus sancti, dum adhuc maternis clauderetur visceribus: Et postmodum cernens inter homines Jesum ambulantiem, valdè se humilians, devoto cum affectu dicebat: Amicus autem Sponsi, qui stat & audit eum, gaudio gaudet propter vocem Sponsi: sic & ego, magnis & sacris desideriiis opto inflammari, & tibi ex toto corde me ipsum præsentare. Unde & omnium devotorum cordium jubilationes, ardentes affectus, men-

Joan. 1.

tales excessus, ac supernaturales illuminationes, & calicas visiones tibi offero & exhibeo cum omnibus virtutibus & laudibus, ab omni creatura in cælo & in terra celebratis & celebrandis, pro me & omnibus mihi in oratione commendatis; quatenus ab omnibus digne lauderis, & in perpetuum glorificeris.

4. Accipe vota mea Domine Deus meus, & desideria infinitæ laudationis, ac immensæ benedictionis; quæ tibi secundum multitudinem ineffabilis magnitudinis tuæ, jure debentur. Hæc tibi reddo, & reddere desidero, per singulos dies & momenta temporum; atque ad reddendum mecum tibi gratias & laudes, omnes cœlestes spiritus, & cunctos fideles tuos, precibus & affectibus invito & exoro.

5. Laudent te universi populi, tribus, & linguæ, & sanctum ac mellifluum nomen tuum, cum summa jubilatione, & ardenti

Psal. 116.

Prov. 2



denti devotione magnificent. Et quicumque reverenter ac devotè altissimum sacramentum tuum celebrant, & plena fide recipiunt, gratiam & misericordiam apud te invenire mereantur, & pro me peccatore suppliciter exorent. Cumque optata devotione, ac fruibili unione, potiti fuerint, & benè consolati, ac mirificè refectioni, de sacra mensa cœlesti abscesserint, mei pauperis recordari dignentur.

## CAPUT XVIII.

*Quod homo non sit curiosus scrutator Sacramenti, sed humilis imitator Christi, subdendo sensum suum sacra fidei.*

## VOX DILECTI.

1. 1. **C**Avendum est tibi à curiosità & inutili perscrutatione hujus profundissimi sacramenti, si non vis in dubitationis profundum submergi. *Qui scrutator est majestatis, opprimetur à gloria. Plus va-*

let Deus operari, quàm homo intelligere potest. Tolerabilis, pia, & humilis inquisitio veritatis, parata semper doceri, & per sanas patrum sententias studens ambulare.

2. Beata simplicitas, quæ<sup>2.</sup> difficiles quæstionum relinquit vias, & plana ac firma pergit semita mandatorum Dei. Multi devotionem perdiderunt, dum altiora scrutari voluerunt. Fides à te exigitur, & sincera vita; non altitudo intellectus, neque profunditas mysteriorum Dei. Si non intelligis, nec capis, quæ infra te sunt, quomodo comprehendes, quæ supra te sunt? Subdere Deo, & humilia sensum tuum fidei, & dabitur tibi scientiæ lumen, prout tibi fuerit utile ac necessarium.

3. Quidam graviter tentantur<sup>3.</sup> de fide & sacramento, sed non est hoc ipsis imputandum, sed potius inimico. Noli curare, noli disputare cum cogitationibus tuis, nec ad immixtas à diabo-



diabolo dubitationes responde; sed crede verbis Dei, crede sanctis ejus & Prophetis, & fugiet à te nequam inimicus. Sæpè multum prodest, quòd talia sustinet Dei servus. Nam infideles & peccatores non tentat; quos securè jam possidet, fideles autem devotos, variis modis tentat & vexat.

4. 4. Perge ergo cum simplici & indubitata fide, & cum simplici reverentia ad sacramentum accede. Et quicquid intelligere non vales, Deo omnipotenti securè committe. Non fallit te Deus; fallitur, qui sibi ipsi nimium credit. Graditur Deus cum simplicibus, revelat se humilibus, dat intellectum parvulis, aperit sensum puris mentibus, & abscondit

*Psal. 18 &  
118. item  
Matth. 11.*

gratiam curiosis & superbis. Ratio humana debilis est, & falli potest; fides autem vera, falli non potest.

5. Omnis ratio, & naturalis investigatio, fidem sequi debet, non præcedere, nec infringere. Nam fides & amor ibi maximè præcellunt, & occultis modis, in hoc sanctissimo & superexcellentiſſimo sacramento operantur. Deus æternus, & immensus, infinitæque potentiae, facit magna & inscrutabilia in cælo & in terra, nec est investigatio mirabilium operum ejus. Si talia essent opera Dei, ut facilè ab humana ratione caperentur, non essent mirabilia, nec ineffabilia dicenda.

*Finis Libelli de Imitatione Christi.*



# INDEX

## IN HUNC DE IMITATIONE

### CHRISTI LIBELLUM:

IN QUO

1. L. Librum
2. C. Caput
3. N. Numerum capitis
4. Seq. sequentes numeros ejusdem Capitis
5. V. Vide

} Significat.

A.

**A** Bnegatio sui V. Communio. Item lib. 1. cap. 32. num. 1. & seq. Item cap. 16. num. 11. & seq.

*Acedia V. Tepidi.*

*Actiões. V. Agere.*

*Adventus Dei in mentem, lib. 2. c. 1. n. 2.*

*Adversitates V. Pati, Item lib. 1. c. 12. n. 1. & seq.*

*Affectus noster, quibus rebus inhaereat, expendendum est sedulo, lib. 3. c. 31. n. 4.*

*In agendo, quomodo se homo gerere debeat, l. 3. c. 39. n. 1. 2.*

*Homo in agendo, non debet esse importunus, l. 3. c. 31. n. 1. 2.*

*Ambulandum coram Deo sincere, l. 3. c. 4. n. 1. & seq.*

*Amandus Iesus super omnia, l. 2. c. 7. n. 1. & seq.*

*Amandus proximus: Cujus amor tunc perit, cum imperfectiones ipsius, non a quo animo perferuntur, l. 1. c. 16. num. 1. & seq.*

*Amanti Deum, Deus super omnia sapit, l. 3. c. 34. n. 1. & seq.*

*Amator Christi, quis sit verus, l. 3. c. 6. n. 1. & seq.*

*Amor V. Charitas.*

*Amoris divini effectus mirabiles, l. 3. c. 5. n. 1. & seq.*

*Amor ad creaturas, plurimum nocet homini, l. 2. c. 1. n. 8.*

*Amor proprius valde retardat, à fruitione summi boni, lib. 3. c. 27. n. 1. & seq.*

*Amici V. Crux Christi.*

*Si te deserant amici, ne molestè feras, l. 2. c. 9. n. 2.*

*Cum sit molestam carere amico, da operam, ut sis familiaris cum Iesu, l. 2. c. 8. n. 1. & seq.*

*Anni vocationis & conversionis V. Profectus Apostoli Christi quales fuerint, l. c. 22. n. 4.*

*Appetere aliquid inordinatè, parit inquietudinem, l. 1. c. 6. n. 1. & seq.*

*Avari. V. Superbi.*

*Audiendi. V. Curiositas.*

Z

B. Be-



# I N D E X

B.

**B**eneficia Dei expendenda sunt, l. 3.  
c. 22. n. 1. & seq.

Quis sit indignus beneficiis Dei, l. 3. c. 21.  
n. 2. 3.

Benepiacitum Dei, v. Voluntas Dei.

Boni ex se nihil habet homo, l. 3. c. 40. n. 1.

C.

**C**arnalia, v. Vanitas.

Cella, v. Domus.

Cella in te servabit, quod foris amittes,  
l. 1. c. 20. n. 5.

Charitas, v. Opera. Dilectio. Scientia.

Charitas non quarit, qua sua sunt, sed  
omnia in Deum refert, l. 1. c. 5. n. 3.

Charitas ad omnes habenda, non autem  
familiaritas.

Christus, v. Sequi Christum. Doctrina.  
Imitatio. Via. Magister. Tribulatio.

Christi vitam sequentes, illuminantur,  
l. 1. c. 1. n. 1.

Cogitationes, v. Opera.

Oratio contra cogitationes malas, l. 3. c.  
23. n. 3.

Cognitio sui, v. Deus.

Cognitio sui, summa sapientia est, l. 1. c. 2.  
num. 4.

Communio, v. Eucharistia. Offerre.

Fructus communionis, l. 4. c. 1. n. 9. & seq.

Ante communionem exercitia, l. 4. c. 6.  
num. 1. 2.

Utile est sepe communicare, l. 4. c. 3. n. 1.  
& seq.

Per communionem, unio cum Deo optanda  
est, l. 4. c. 13. n. 1. & seq.

De preparatione ad communionem: &  
quanta cum reverentia eam adire oportet,  
l. 4. c. 1. n. 3. & seq. Item c. 12.  
n. 1. & seq.

Christi exhortatio ad communionem. In li-

bri quarti proemio. Item c. 1. libri ejusdem.

Non est facile relinquenda communio, l. 4.  
c. 10. n. 1. & seq.

Orandum in communionem pro nobis, & pro  
aliis omnibus, l. 4. c. 9. n. 1. & seq.

Quorundam ardens desiderium ad communionem,  
l. 4. c. 14. n. 1. & seq. Item  
c. 17. n. 1. & seq.

Si nos ipsos spectemus, sumus communionem  
indigni, l. 4. c. 1. n. 1.

Per communionem acquiritur humilitas,  
devotio, sui que abnegatio, l. 4. c. 15. n. 1.  
& seq.

Ante communionem oportet suam conscientiam  
expendere: habendum quoque sese  
emendandi propositum, l. 4. c. 7. n. 1. & seq.

Communicantes debent suas necessitates  
Christo aperire, ejusdemque gratiam  
postulare, l. 4. c. 16. n. 1. & seq.

Devote communicantibus, ampla gratia  
confertur, l. 4. c. 4. n. 1. & seq.

Compunctionis bona, l. 1. c. 1. n. 3.

Interioris compunctionis commendatio, l. 1.  
c. 21. n. 1. & seq.

Compunctio quomodo possit haberi, l. 1. c. 20.  
num. 5.

Concio, v. Doctrina Christi.

Confessio propria infirmitatis, atque miseriarum  
hujus mundi, l. 3. c. 26. n. 1. & seq.

Confidentia, v. Injuria.

Nec in seipso, nec aliis confidendum, l. 1. c. 7.  
n. 1. & c. 20. n. 3. 4.

Si forte gratia recessisset, confidentia habenda  
de ea recuperanda, l. 3. c. 30. n. 1. & seq.

Conqueri non oportet facile, l. 2. c. 1. n. 5.

Conscientia, v. Gaudium.

Conscientia bona gaudium, l. 2. c. 6. n. 1. & seq.

Mala conscientia pacem non habet, l. 2. c.  
6. n. 1.

Con-



# I N D E X

*Consilium ab alio accipere melius est, quam alteri dare*, l. 1. c. 9. n. 2.  
*Consolatio, v. Merita. Homo.*  
*Quis sit consolatione dignus*, l. 1. c. 20. n. 5.  
*Aspernanda est humana consolatio*, l. 3. c. 20. num. 3.  
*Querenda est consolatio in Deo*, l. 3. c. 16. n. 1.  
*Magnum quid est, omni consolatione carere*, l. 2. c. 9. n. 1. & seq.  
*Nonnunquam recedunt consolatione, iterumque revertuntur*, l. 3. c. 7. n. 3. 4.  
*Quo pacto se gerere debeat homo, quando consolationes dantur, & quando auferuntur*, l. 2. c. 9. n. 5. & seq.  
*Externa consolationes plerumque internas impediunt*, l. 1. c. 21. n. 3. 4. Item c. 10. n. 2.  
*Qui humanam consolationem non querit, signum est, quod Deum gustare coeperit*, l. 1. c. 25. n. 10.  
*Divine consolationes, non semper ad votum habentur*, l. 2. c. 10. n. 1. & seq.  
*Contemplari alta qui non norit, se in Christi passione exerceat*, l. 2. c. 1. n. 4.  
*Contemptor sui, v. Humilitas.*  
*Sui contemptus, summa est sapientia*, l. 1. c. 2. n. 4.  
*Conversatio, v. Apostoli.*  
*Cum quibus conversandum est*, l. 1. cap. 8. num. 1.  
*Nocet plurimum, sapere cum externis conversari*, l. 1. c. 10. n. 1. & seq.  
*Cum bonis recte conversari, parum quidem: ac cum malis, res est maxima*, l. 2. c. 3. n. 2.  
*Conversari secum intus, & cum Jesu, optimum est*, l. 2. c. 1. n. 6.  
*Conversionis annos multi numerant, sed non emendationis vite*, l. 2. c. 23. n. 2.  
*Cor, v. Oratio, Desiderium Mutabile.*  
*Resignatio sui.*  
*Cor purum, quibus fruatur bonis*, l. 2. c. 4. num. 2.

*Creaturarum Amor, v. Amor.*  
*Contemptus creaturarum, facit creaturam invenire*, l. 3. c. 31. n. 1. & seq.  
*Credendum minimè universis*, l. 3. c. 45. num. 1. & seq.  
*Citius malum quam bonum, de aliis credimus*, l. 1. c. 4. n. 1.  
*Crux, v. Tribulatio. Mundani.*  
*Amatores crucis Christi, pauci inveniuntur*, l. 2. c. 11. n. 1. & seq. Item cap. seq. per totum.  
*Cubiculum, v. Cella.*  
*Cupiditas omnis refecanda est*, l. 3. c. 32. n. 1. & seq.  
*Cura, v. Sollicitudo.*  
*Curiositas, v. Vita aliorum. Pax.*  
*Vitanda est curiositas, tum audiendo, dum videndo*, l. 3. e. 44. n. 1. & seq.  

D.

**D** *Efectus. V. Lapsus. Imperfectiones.*  
*Quandoque utile est, nostras imperfectiones sciri ab aliis, propter humilitationem nostri*, l. 2. c. 2. n. 1.  
*Demon, v. Desideria.*  
*Deseri ab amicis, v. Amici.*  
*Desideria, v. Apetere.*  
*Desideria cordis sunt examinanda*, l. 3. c. 15. n. 1.  
*Demon conatur bona desideria impedire*, l. 3. c. 6. n. 4. & seq.  
*Homo debet Deo offerre sua desideria, ac tum voluntati ejus planè acquiescere*, l. 3. c. 15. n. 1. & seq.  
*Desolatus debet se Deo offerre*, l. 3. c. 50. n. 1. & seq.  
*Detractores ferendi sunt patienter*, l. 3. c. 28. n. 1.  
*Devotio, v. Gratia. Communio.*  
*Devoti hominis consolatio*, l. 3. c. 18. n. 2.  
*Quidam se destruxerunt, per indiscretam devotionem*, l. 3. c. 7. n. 2.



# I N D E X

*Oratio pro impetranda gratia devotionis*, l. 3. c. 3. n. 5.  
*Occultanda est gratia devotionis*, l. 3. c. 7. num. 1.  
*Non est in manu hominis, devotionis gratia*, l. 3. c. 7. n. 2.  
*Devotio quorundam posita est in imaginibus*, l. 3. c. 4. n. 4.  
*Deus, v. Amans.*  
*Deo nihil occultum*, l. 3. c. 46. nu. 3. & seq.  
*Via ad Deum, potius habetur per sui cognitionem, quam per scientiam*, l. 1. c. 3. num. 4.  
*Omnia Deo sunt committenda*, l. 3. c. 24. num. 1. 2.  
*In Deum, tanquam in finem, omnia sunt referenda*, l. 3. c. 9. n. 1. & seq.  
*Dilectio, v. Charitas. Opera.*  
*Disputatio, v. Trinitas.*  
*Dissolutum esse & vagum, nocet quàm maxime*, l. 1. c. 21. n. 1. & seq.  
*Divitia, v. Honores.*  
*Doctrina, v. Scientia, Sapientia.*  
*Doctrinae Christi excellentia: antecellit enim omnium sanctorum doctrinas, in qua manna est absconditum*, l. 1. c. 1. n. 2.  
*Cur doctrina Christi quibusdam non sapiat*, l. 1. c. 1. n. 8.  
*Consuevit Deus docere animam interiùs*, l. 3. c. 4. n. 2.  
*Simplices, & corde puri, saepe à Deo docentur*, l. 1. c. 3. n. 3.  
*Docti, v. Magister.*  
*Quis verè sit doctus*, l. 1. c. 3. n. 6.  
*Multi docti ob doctrinam pereunt*, l. 1. c. 2. num. 6.  
*Docti viri, ut plurimum sunt elati*, l. 1. c. 2. n. 2.  
*Docti raro sunt boni subditi*, l. 3. c. 7. n. 3.

*Docti graviùs ceteris punientur, nisi melius ceteris vixerint*, l. 1. c. 2. n. 3.  
*Dolor, v. Tristitia.*  
*Domus manendum, v. Cella, Item lib. 1. c. 20. n. 2. 6. 7.*

E.

**E** *Men latio. V. Propositum.*  
*Dus impediunt morum emendationem*, l. 1. c. 25. n. 3.  
*Duo conducunt plurimum ad vitæ emendationem*, l. 1. c. 25. n. 4.  
*Vita emendatio*, l. 1. c. 25. n. 1. & seq.  
*Ex Evangelii auditu sive predicatione, cur vel nullus, vel exiguus fructus, in plerisque fiat*, l. 1. c. 1. n. 2.  
*Eucharistia. V. Missa Communio.*  
*Eucharistia dignitas*, l. 4. c. 5. n. 1. & seq.  
*Eucharistia maxime nobis est necessaria*, l. 4. c. 11. n. 1. & seq.  
*Non sit homo curiosus de Eucharistia indagator; sed fidei suos sensus subiciat*, l. 4. c. 18. n. 1. & seq.  
*Examen. V. Profectus.*  
*Tum manè, tum vesperi, examen conscientia debet fieri*, l. 1. c. 19. n. 4.  
*Exempla. V. Humiles.*  
*Exempla perfectorum, multum ad profectum conducunt*, l. 1. c. 18. n. 1. & seq.  
*Exempla bonorum, magis nos ad virtutem movere debent, quàm exempla malorum ad vitam laxam*, l. 1. c. 8. n. 4.  
*Exercitia corporalia, quatenus sunt assumenda*, l. 1. c. 19. n. 4.  
*Exercitia spiritualia, diversis temporibus, alia atque alia sumenda sunt*, l. 1. c. 19. n. 5. 6.  
*Exire. V. Cella. Domus.*



# INDEX

## F.

**F**amiliaritas cum Jesu, bona est, l. 2. c. 8. n. 1. & seq.  
 Cavenda nimia familiaritas, maximè verò cum seminis, l. 1. c. 8. n. 1. 2.  
 Nimia cum hominibus familiaritas, subinde tollit bonam de nobis opinionem conceptam, l. 1. c. 8. n. 2.  
 Feruori optimum se dare, l. 1. c. 25. n. 11.  
 Feruido omnia sunt levia, l. 1. c. 25. n. 11.  
 Festo die solenni appropinquante, quid sit agendum, l. 1. c. 19. n. 6.  
 Fidere sibi nimium non oportet, lib. 2. c. 2. num. 1.  
 Fiducia, nec in se, nec in hominibus, sed in Deo, ponenda est, l. 2. c. 1. n. 3. Item lib. 3. c. 53. n. 1. & seq.  
 Finis ultimus, v. Deus.  
 Fragilitas hominis magna est, l. 1. c. 22. n. 5. 6.  
 Fructum colligere debemus ex aliorum dictis & factis, etiamsi peccata esse videntur, l. 1. c. 2. n. 4.

## G.

**G**audium, v. Letitia. Conscientia bona.  
 Gaudium, bona conscientia inesse solet, l. 1. c. 20. n. 3.  
 Gloria, v. Tribulatio.  
 Quæ sit vera, vel falsa gloria, l. 2. c. 6. n. 2.  
 In nulla re gloriantur hic, l. 3. c. 40. n. 4. & seq.  
 In solo Deo gloriantur, non autem in aliis, l. 1. c. 7. num. 2. Item lib. 3. cap. 9. n. 2. 3.  
 Gloria æterna consideratio, illiusque deside-

rium, l. 3. c. 48. n. 1. & seq. Item cap. 49. n. 1. & seq.  
 Gratia, v. Natura.  
 Gratia divina vis & necessitas, l. 3. c. 55. n. 4. & seq.  
 Divina gratia efficacia; item mala natura corrupta, l. 3. cap. 55. n. 1. & seq.  
 Gratia sub humilitate occultanda, l. 3. c. 7. n. 1. & seq.  
 Gratia recedente, qualis homo remanet, l. 2. c. 8. n. 5.  
 Quam sint diversi motus natura & gratia, l. 3. c. 54. n. 1. & seq.

## H.

**H**abitus, v. Religiosi.  
 Homo in hoc mundo, debet esse instar peregrini & exulis, l. 1. c. 23. n. 9.  
 Mala hominis non sese colligentis interius, l. 2. c. 5. n. 2.  
 Homo internus, nunquam se totum ad externa effundere debet, l. 2. c. 1. n. 7.  
 Homo debet cogitare, se esse omni consolatione indignum, l. 3. c. 52. num. 1. & seq.  
 Honores, v. Vanitas.  
 Honores sunt spernendi, l. 3. c. 41. n. 1. 2.  
 Humilitas, v. Defectus, Contemptus sui. Communio. Gratia. Trinitas.  
 Humilis se vilem aestimare debet, l. 3. c. 8. num. 1.  
 Omnes sancti fuerunt humiles, l. 2. c. 10. num. 4.  
 Quid agat Deus cum humili, l. 2. c. 2. n. 2.  
 Multa pace fruuntur humiles & pauperes, l. 2. c. 6. n. 1.  
 Oportet se sub omnibus humiliare, & nulli se preferre, l. 1. c. 7. n. 3.



# I N D E X

**I**esus, v. Familiaritas: Conversatio.  
 Iesus est super omnia amandus, l. 2. c. 7. n. 1. & seq.  
 Quomodo Iesus solet amitti, l. 2. c. 8. num. 3. 4.  
 Imitanda Christi vita, l. 1. c. 1. num. 1.  
 Item lib. 3. c. 56. n. 1. & seq.  
 Imperfectiones, v. Defectus. Perfectio. Amandus proximus.  
 Aliorum imperfectiones sunt patienter perferenda, l. 1. c. 16. n. 1. & seq. Item lib. 2. c. 3. n. 2.  
 Inferni ignis quidnam comburat, & quam sit ipse gravis, l. 1. c. 24. n. 3. 4.  
 Infirmi, v. Confessio.  
 Pauci meliores fiunt ex infirmitate, l. 1. num. 4.  
 Injurie sunt aequo animo ferenda, l. 3. c. 19. num. 1.  
 Injuriis laceffitus, debet in Deo suam confidentiam ponere, l. 3. c. 46. num. 1. & seq. v. Purgatorium.  
 Inquietus, v. Passiones. Obedientia. Appetere.  
 Quinam fiant inquieti, l. 1. c. 9. n. 1.  
 Pro intellectus illuminatione oratio, l. 3. c. 23. n. 4.  
 Intentio in omnire, debet esse recta, & in Deum ferri, l. 2. c. 4. n. 1. Item lib. 3. c. 33. n. 1. 2.  
 Iudicium Dei metuendum, l. 1. c. 24. num. 1.  
 Quibus de rebus, in die iudicii examinabimur, l. 1. c. 3. n. 5.  
 Dei iudicia non scrutanda, l. 3. c. 14. n. 1. & seq. Item c. 85. n. 1. & seq.  
 Iudicia temeraria sunt rejicienda, l. 1. c. 14. n. 1. Item lib. 2. c. 6. n. 3. Item lib. 3. c. 39. n. 1. & seq.

Iudicandus nemo, tametsi malus appareat, l. 1. c. 2. n. 4.  
 Iudicium proprium, v. Sapientia.  
 Proprio iudicio minimè standum, l. 1. c. 9. n. 2. 3.

L.

**L**apsus non desperet, lib. 3. cap. 57. n. 1. & seq.  
 Laudes & vituperia aliorum, non sunt curanda, l. 2. c. 6. n. 2. 3.  
 Lectio, v. Scriptura sacra.  
 Letitia nimia, v. Libertas.  
 Levitates, v. Dissolutio.  
 Libertas nimia est innoxia, l. 1. cap. 21. num. 1. 2.  
 Libri pii sunt subinde legendi, qui ad compunctionem conferant, l. 1. c. 5. n. 1.  
 Libri quomodo legi debeant, l. 1. cap. 5. num. 1. 2.  
 Litera sacra, v. Scriptura sacra.  
 Locimutatio, sapè non prodest, l. 1. c. 9. num. 1.  
 Loqui, v. Verbum Profectus. Conversatio.  
 Cur tantopere colloqui & confabulari desideremus, l. 1. c. 10. n. 1.  
 Qualia sint, quæ ut plurimum loquimur, l. 1. c. 10. n. 1.  
 Loquutio Christi interna cum anima, l. 3. c. 1. n. 1. Item c. 2. 3.

M.

**M**agistrum qui habet Christum, is felix est. l. 1. c. 3. n. 1.  
 Magnus quis verè sit. l. 1. c. 3. n. 6.  
 Malum, v. Peccatum.  
 Mens, v. Intellectus.  
 Merita nostra non sunt ex consolatione pensanda, l. 3. c. 7. n. 5.  
 Miraculo majus est scire latere, & sui eoram gerere sedulam, l. 1. c. 20. n. 6.

Mise-



*Miseria, v. Confessio Necessitates corporis.*  
*Miseria humana, est magna, l. 1. c. 22.*  
*n. 1. & seq.*  
*Animo forti sunt perferenda, l. 3. c. 18.*  
*n. 1. & seq.*  
*In Missa orandum est pro defunctis, l. 4. c.*  
*9. n. 5.*  
*Mors, v. Tempus, Festa.*  
*Mors multorum varia, l. 1. c. 23. n. 7.*  
*Mortis meditatio, est utilis, l. 1. c. 23.*  
*n. 1. & seq.*  
*Quotidie habenda mortis memoria, mane*  
*& vesperi, l. 1. c. 23. n. 2. & seq.*  
*Que sunt, qua post mortem proderunt, vel*  
*non proderunt, l. 1. c. 24. n. 4. 5. & seq.*  
*Talis sis in vita, qualis in morte velles in-*  
*veniri, l. 1. c. 23. n. 4.*  
*Quenam morientem poterunt consolari,*  
*l. 1. c. 23. n. 4.*  
*Mortificatus qui est, ex quavis re fructum*  
*colligit, l. 2. c. 1. n. 8.*  
*Qui mortificatus est, magis Deum gustat,*  
*quam alius, l. 1. c. 11. n. 3.*  
*Vir non mortificatus, facile sentatur, &*  
*vincitur, l. 1. c. 6. n. 1.*  
*Mundus corde, v. Doceri.*  
*Mundani non carent sua cruce, l. 3. c. 12.*  
*num. 2. 3.*  
*Mutatio, v. Locus.*  
*Mutabile est cor hominis, l. 3. cap. 32.*  
*num. 1. 2.*

N.

**N**atura, v. Gratia. Peccatum.  
*Necessitatibus corporis subjici & ser-*  
*vire, permolestum est, & magna mise-*  
*ria, l. 1. c. 22. n. 1. & seq.*  
*Sancti cupiunt liberari a necessitatibus*  
*corporis, l. 1. c. 22. n. 3.*  
*Negotia, v. Sapiencia. Agere.*

O.

**O**bedire alteri, optimum est, l. 1. c. 9.  
*n. 1. & seq.*  
*Exemplo Christi, superiori obediendum,*  
*l. 3. c. 13. n. 1. & seq.*  
*Oblatio sui, v. Offerre.*  
*Occupatio, v. Opera.*  
*Otiosus in toto, nunquam sis, l. 1. c. 19. n. 4.*  
*Oculi, non in alios, sed in seipsum flectendi,*  
*l. 1. c. 21. n. 3.*  
*Offerre Deo debemus, & nos & nostra,*  
*quando communicamus, l. 4. c. 7. n. 4.*  
*Item c. 8. n. 1. 2. Item c. 9. n. 1.*  
*Opera Operari, v. Peccatum. Agere.*  
*Opera & exercitia quotidiana, quando*  
*fieri, & quando intermitteri debeant, l. 1.*  
*c. 19. n. 3.*  
*Opus bonum aliquando intermitteri debet,*  
*ob aliquod bonum, l. 1. c. 15. n. 1. Item*  
*c. 19. n. 3.*  
*Opus quod vis ex charitate factum, est*  
*fructuosum, l. 1. c. 15. n. 1.*  
*Insistendum humilibus operibus, quando*  
*altioribus non possumus, l. 3. cap. 51.*  
*num. 1. 2.*  
*In nonnullis operibus videtur esse charitas,*  
*cum sit mera sensualitas, l. 1. c. 15. n. 2.*  
*Qui multum diligit, is multum operatur,*  
*l. 1. c. 15. n. 2.*  
*Opera nostra, priusquam foras prode-*  
*ant, debent intus ordinari, l. 1. cap. 19.*  
*num. 3.*  
*Opiniones, v. Pax.*  
*Opiniones & contentiones in scientia, evi-*  
*tanda sunt, l. 1. c. 3. n. 1. & seq.*  
*Oratio, v. Devotio. Poluntas Dei. Intel-*  
*lectus. Cogitationes.*  
*Oratio magis elevat mentem, quam lectio,*  
*l. 3. c. 26. n. 1. & seq.*

P. Passio



P.

**P**assio Christi, v. Contemplatio.  
 Passio & vita Christi sint vite nostra  
 exemplar, l. 2. c. 15. n. 4.  
 Passiones, v. Zelus.  
 Passiones sunt mortificanda, l. 1. c. 11.  
 n. 3. 4.  
 Passionibus obnoxius, qualis esse soleat, l. 3.  
 c. 3. n. 1.  
 Durum est suis resistere passionibus, l. 1.  
 c. 25. n. 11.  
 Qui suas passiones sequitur, fit inquietus:  
 passionibus vero resistendo, quies compa-  
 ratur, l. 1. c. 6. n. 2.  
 Qui passionibus laborat, in vita spiritua-  
 li interdum plus proficit, quam qui pas-  
 sionis aculeis non urgetur, l. 1. c. 25.  
 num. 4.  
 Vir passionibus suis obsequens, quo pacto  
 fit affectus, l. 2. c. 5. n. 1.  
 Patientia, v. Misericordia.  
 Patientia exemplar Christus, l. 3. c. 18.  
 num. 2.  
 Patientia cunctis in rebus habenda est,  
 l. 3. c. 35. n. 2.  
 Patientis hominis bona, l. 2. c. 2. n. 1. 2.  
 Quis sit verus patiens, l. 3. c. 19. n. 2. 3.  
 Patiens, ut quis fiat, quid sit expenden-  
 dum, l. 3. c. 12. n. 2.  
 Pati, v. Adversa.  
 Omnino oportet addiscere, pati adversa,  
 l. 2. c. 1. n. 3.  
 Qui pati novit, experitur supra se auxi-  
 lium Dei, l. 2. c. 2. n. 1.  
 Qui nescit nunc pati modicum, quomodo  
 is poterit postmodum poenas aut inferni  
 aut purgatorii perferre, l. 1. c. 24. nu-  
 6. 7.

Pauper, v. Servire aliis. Humilis.

Pax, v. Humilitas.

Non est querenda pax talis, quæ omni luctu  
 careat, l. 3. c. 12. n. 1. & seq.

Quidam sibi videntur esse in pace, quan-  
 do ipsis omnia ex voto cedunt, l. 1. c.  
 14. n. 23.

Quinam habeant pacem cordis, l. 2. c. 6.  
 num. 2.

Quibus in rebus sit posita pax cordis, l. 3.  
 c. 25. n. 1. & seq.

Quatuor sunt, quæ unicuique pacem pro-  
 creant, l. 3. c. 23. n. 1. 2.

Qui pace frui desiderat debet se in multis  
 frangere, l. 1. c. 17. n. 1.

Ex opinionum diversitate, sapè pax dissol-  
 vitur, l. 1. c. 14. n. 2.

Pax nostra non debet pendere ex ore, seu  
 sermone hominum, lib. 3. cap. 28. n. 1.

Qui se non immiscet factis & verbis alio-  
 rum, multa pace fruitur, l. 1. c. 21.  
 num. 1.

Pax nostra non est in hominibus ponenda,  
 l. 3. c. 42. n. 1. 2.

Pacificus homo qualis sit, l. 2. c. 3. n. 3.

Multiplex pacificorum genus, l. 2. c. 3.  
 num. 3.

Peccatum, v. Lapsus. Studium. iudicium  
 temerarium.

Materia, quæ in inferno ardet, tum etiam  
 in purgatorio, sunt peccata, l. 1. c. 24.  
 num. 3.

In gratiam alicujus persona, aut propter  
 rem quamcunque, nullum unquam  
 peccatum perpetrandum est, l. 1. c. 15.  
 num. 1.

Natura humana proclivis est ad peccatum,  
 l. 1. c. 22. n. 6.

Pœnitentia sanctorum, v. Exempla.

Peregrini, v. Homo. Profectus.

Sumus



# INDEX

- Sumus hic peregrini*, l. 1. c. 17. n. 1. Item c. 23. n. 9.
- Rarò homines sanctificantur peregrinando*, l. 1. c. 23. n. 4.
- Perfectio, v. Tentationes. Necessitates corporis.*
- Omnis perfectio habet admixtam imperfectionem*, l. 1. c. 3. n. 4.
- Pericula cum adsunt, confugiendum est ad Deum*, l. 2. c. 38. n. 2.
- Placere sibi ipsi, Deo est ingratum*, l. 1. c. 7. num. 2.
- Præcepta, v. Sapientia.*
- Præferre se aliis, v. Humilitas.*
- Decet minimè, aliis se præferre*, l. 1. c. 7. num. 3.
- Præponere se aliis, v. Præferre se aliis.*
- Profectus noster, quibus in rebus sit positus*, l. 3. c. 24. n. 1. & seq.
- Tentatio declarat, qualis sit profectus noster*, l. 1. c. 13. n. 7.
- Ad profectum confert plurimum, si te hic gesseris instar peregrini*, l. 1. cap. 17. num. 1.
- Ad id quoque conducit sæpè sanctorum legere vitas*, l. 1. c. 18. n. 1.
- Item, si libenter habearis tanquam stultus*, l. 1. c. 17. n. 1.
- Item, si frequenter interna & externa tua examinaveris*, l. 1. c. 19. n. 3. 4.
- Item, devota collatio rerum spiritualium*, l. 1. c. 20. n. 2.
- Item, si in silentio & quietè vitam duxeris*, l. 1. c. 20. n. 6.
- Cito in religione perit profectus, quando tantum habetur caeremoniarum ratio*, l. 1. c. 11. n. 4.
- Si quotannis vitium unum extirparemus, magnum profectum faceremus*, l. 1. c. 11. n. 5.
- Quale est propositum nostrum, talis est profectus noster*, l. 1. c. 19. n. 2.
- Tantum proficies, quantum tibi ipsi vim intuleris*, l. 1. c. 11. nu. 5. 6. Item c. 15. n. 11.
- Negligentia nostri profectus efficit, ut parum ad id attendamus, quod loquimur*, l. 1. c. 10. n. 2.
- Propositum bonum quotidie renovandum est*, l. 1. c. 19. n. 1. 2. 4.
- Bene agendi, ac sese emendandi propositum, non debet differri*, l. 1. c. 22. n. 5.
- Propositum infirmum*, l. 1. c. 22. n. 6.
- Sua vocationis propositum negligere, nocet quam maximè*, l. 1. c. 25. n. 5.
- Prudens verè quisnam censerì debeat*, l. 1. c. 3. n. 6.
- Purgatorium justì sunt tribulationes, & adversarii*, l. 1. c. 24. n. 2.
- Puritas cordis querenda*, l. 2. c. 4. num. 1. & seq.
- Q**uies v. Requies Passiones.
- In solo Deo quies ponenda*, l. 3. c. 21. n. 1. & seq.
- Quotidianum, v. Propositum.*
- R**.
- R**efugium nostrum, Deus esse debet, l. 3. c. 38. n. 2.
- Religiosi, v. Pax. Obedientia. Studium. Profectus.*
- Religionis fervor facile intepescit*, l. 1. c. 18. n. 5. 6.
- Malum signum, in ingressu religionis intepescere*, l. 1. c. 22. n. 7.
- Magna est gratia, religiosum esse*, l. 3. c. 10. n. 1. & seq.



# I N D E X

*Quidam sunt meliores in ingressu religionis, quam in progressu*, l. 1. c. 11. n. 5.  
*Religiosus debet sapere cogitare, ad quid venerit*, l. 1. c. 15. n. 1.  
*Qualis debet esse religiosus, ut pacem habeat*, l. 1. c. 17. n. 2. 3. Item c. 19. n. 1.  
*Relinquere se, v. Abnegatio sui.*  
*Renovatio spiritus, v. Propositum.*  
*Renovatio spiritus exuit veterem hominem, sicut ferrum in igne, rubiginem amittit*, l. 1. c. 4. n. 2.  
*Requies, v. Quies.*  
*Qua in re invenitur requies*, l. 2. c. 1. n. 1.  
*Resignatio sui, v. Desolatus.*  
*Resignatio sui plena, ad Dei nutum & voluntatem*, l. 3. c. 17. n. 2. 3.  
*Sui ipsius resignatio in Deo, magnam affert cordis libertatem*, l. 3. c. 37. num. 1. & seq.  
*Omnibus in rebus, & in cunctis desideriis, plena sui resignatio in Deo*, l. 3. c. 15. n. 1. & seq.  
*Revelare sua secreta, cui oportet, bonum est: cui vero non oportet, malum est*, l. 1. c. 8. n. 1.

## S.

**S**acerdotum dignitas, l. 4. c. 5. n. 1. & seq.  
*Sacra Scriptura, v. Scriptura.*  
*Saluti anima in primis incumbendum*, l. 1. c. 3. n. 5.  
*De Sanctorum gloria disputare, uter sit maior vel minor, stultum est, & displicet sanctis*, l. 3. c. 58. n. 2. & seq.  
*Sapientia: Sapientes, v. Contemptus sui.*  
*Oratio. Amare. Doctrina. Scientia. Cognitio.*  
*Qua vera est sapientia*, l. 1. c. 1. n. 5.

*Magna sapientia est, non esse in agendis precipitem, suoque sensui non fidere*, l. 1. c. 4. n. 2.  
*Sapiens ille est, qui res tales aestimat, quales sunt*, l. 2. c. 1. n. 7.  
*Quis sibi sunt sapientes, in periculo versantur*, l. 3. c. 7. n. 3.  
*Satiari nemo hic potest*, l. 1. c. 1. n. 5.  
*Scientia, v. Deus. Doctrina. Sapientia. Docti.*  
*Qua vera scientia*, l. 1. c. 2. n. 1.  
*Scientia nostra habet quandam annexam caliginem*, l. 1. c. 3. n. 4.  
*Scientia qua probanda, & qua improbanda*, l. 1. c. 3. n. 1. 2.  
*Scientia non est culpa: atqui bona vita major est habenda ratio*, l. 1. c. 3. n. 4.  
*Scientia secularis contemptus*, l. 3. c. 4. n. 1. & seq.  
*Scientia absque humilitate non prodest quicquam*, l. 1. c. 1. n. 5. Item c. 2. n. 1.  
*Scientia hominis parva, ignorantia autem ejus maxima*, l. 1. c. 2. n. 3.  
*Nimum sciendi desiderium, reprehensibile est*, l. 1. c. 2. n. 2.  
*Scriptura sacra, est nobis necessaria*, l. 4. c. 11. n. 1. & seq.  
*Quomodo sacra Scriptura legi debeat*, l. 1. c. 5. n. 1.  
*Secretum, v. Revelare.*  
*Securitas hic nulla*, l. 1. c. 20. n. 3.  
*Sensualitas, v. Opera.*  
*Malum est, suam sensualitatem sequi*, l. 1. c. 1. n. 5.  
*Sequi Christum, v. Imitatio.*  
*Sequi Christum, est ambulare in luce*, l. 1. c. 2. n. 1.  
*Servire Deo, est dulce*, l. 3. c. 10. n. 1. & seq.  
*Servire aliis, res est honesta. Nunquam vero te pudeat, pauperem videri*, l. 1. c. 7. n. 1.  
Silentii



# I N D E X

*Silentii & Cella fructus*, l. 1. c. 20. n. 6. & seq.  
*Simplices*, v. *Doctrina*.  
*Solitudo* subinde *quærenda*, & etiam *amanda*, l. 1. c. 20. n. 1. & seq.  
*Sollicitudo omnis in Deo ponenda*, l. 3. c. 17. n. 1.  
*Spes*, v. *Fiducia*.  
*Sperans de Dei auxilio, debet facere, quod in se est*, l. 1. c. 25. n. 2. 3.  
*Spiritualia valde impediunt*, hujus corporis & *vita necessitates*, l. 1. cap. 22. num. 3. 4.  
*Studium nostrum esse debet in vitiis extirpandis, virtutibusque inferendis*, l. 1. c. 3. n. 5.  
*Studium hominis quotidianum esse deberet, seipsum vincere*, l. 1. c. 3. n. 3.  
*Sultus*, v. *Proficere*.  
*Subesse*, v. *Obedire*.  
*Superbi*, v. *Tentatio. Docti*.  
*Superbi & avari, pace non fruuntur*, l. 1. c. 6. n. 1.  
*Superior idoneus quis sit*, l. 1. c. 20. n. 2. 3.

## T.

**T** *Emporalia*, v. *Vanitas*.  
*Tempus præsens, est valde pretiosum*, l. 1. c. 23. n. 5. 7. 8.  
*Tempus præsens est nobis datum, ut nos ad mortem præparemus*, l. 1. c. 19. n. 6.  
*Ratio temporis maximè habenda*, l. 1. c. 25. n. 11.  
*Tentatio*, v. *Profectus, Mortificatio*.  
*Tentationes sunt utiles*, l. 1. c. 13. num. 1. & seq.  
*Atentatione nemo est liber*, l. 1. c. 22. n. 1.  
*Eorum, qui tentantur, varia sunt genera*, l. 1. c. 13. n. 6.

*Tentationes quomodo sunt ferende*, l. 1. c. 13. n. 3. 4.  
*Tentatione una recedente, alia succedit*, l. 1. c. 13. n. 3. Item l. 3. c. 20. n. 3.  
*Pro æterna gloria toleranda sunt tentationes*, l. 3. c. 47. n. 2. & seq.  
*Viri perfecti, quandoque & ipsi tentantur*, l. 1. c. 13. n. 2. 3.  
*De tentationum tum initio, tum progressu. Item, quomodo sit illis resistendum*, l. 1. c. 13. n. 5. 6.  
*Vita hominis tentatio*, l. 1. c. 13. n. 1. Item l. 3. c. 15. n. 1. & seq.  
*Quanta bona sunt promissa patientibus tentationes*, l. 3. c. 49. n. 1. & seq.  
*Quibusdam expedit, non omnino tentationibus carere*, l. 1. c. 20. n. 4.  
*Cur nonnulli frequenter tententur*, l. 1. c. 13. n. 7.  
*Cur Deus permittat hominem tentari*, l. 1. c. 13. n. 7.  
*Terrena sunt aspicienda, per modum transeuntium*, l. 2. c. 1. n. 4.  
*Timor Domini præsens, liberat à timore mortis futura*, l. 1. c. 23. n. 6. 7.  
*Tribulatio*, v. *Crux Christi. Tentatio. Consolatio. Adversa*.  
*Qui non querit Jesum, tribulationem inveniet*, l. 1. c. 17. n. 2.  
*In tribulatione gloriandus*, lib. 2. c. 6. num. 2.  
*Deus invocandus est, & benedicendus, tempore tribulationis*, l. 3. c. 29. n. 1. 2. Item c. 30. n. 1.  
*De Trinitate disputans, Deo non placet, si careat humilitate*, l. 1. c. 1. n. 3.  
*Tristitia*, v. *Conscientia mala*.  
*Hic sunt multa causa tristitia*, l. 1. c. 25. n. 4. 5.



# I N D E X

## V.

**V**Acare sibi ipsi in secreto, optimum est, l. 1. c. 20. n. 1. & seq.  
*Vanitas* quibus inest rebus, lib. 1. c. 7. n. 1. & seq.  
*Opes* sectari & honores, longam vitam, & transitoria amare, & c. *vanitas* est, l. 1. c. 1. n. 4. 5.  
*Velle proprium*, v. *Pax*.  
*Verba*, v. loqui. *Conversatio*. *Judicia temeraria*. *Injuria*. *Veritas*. *Detractiones*.  
*Verbo* labi est facile, l. 3. c. 45. n. 4. 5.  
*Superflua verba* sunt refecanda, l. 1. c. 10. num. 1.  
*Veritas* tandem liberat à verbis hominum, l. 3. c. 4. n. 1.  
*Videre*, v. *Curiositas*.  
*Videndi curiositas*, l. 1. c. 20. n. 8.  
*Vincere seipsum* v. *Studium hominis*. *Mortificatio*.  
*Virtus* v. *Studium*.

*Virtus* non acquiritur, nisi diligentia, l. 2. c. 21. n. 11.

*Vituperia* v. *laudes*.

*Vis* sibi inferenda ad profectum, v. *Profectus*.

*Vita* v. *emendatio*. *Profectus*. *Imitatio*. *Tentatio*. *Sancti*. *Scientia*. *Vanitas*.

*Vitam* longam quidam amant, tametsi miseram, l. 1. c. 22. n. 3.

*In vita* alterius, nemo sit curiosus, l. 3. c. 24. n. 1. & seq.

*Vocatio*, v. *Propositum*. *Profectus*.

*Voluntas Dei*, v. *Resignatio sui*. Et l. 1. c. 16. num. 2.

*Voluntas Dei* in cunctis rebus querenda, l. 3. c. 15. n. 1. & seq.

*Oratio*, ad Dei voluntatem perficiendam, l. 3. c. 15. n. 3.

## Z.

**Z**elus quandoque esse putatur, cum ex ista passio, l. 2. c. 5. n. 1.  
*Zelandum* sibi ipsi prius, deinde aliis, l. 2. c. 3. n. 1.

# F I N I S I N D I C I S.





THOMÆ à KEMPIS,  
CANONICI REGULARIS  
ORDINIS D. AUGUSTINI.  
SOLILOQUIUM ANIMÆ.

*Prologus in soliloquium animæ.*

1. 1. **C**onsolationis gratia , aliquas  
sententias devotas in unum  
coacervavi libellum , quem  
meo pectori chariùs committere volui;  
& quasi quoddam delectabile pratum,  
variis arboribus constitum , pulchrisque  
venustum floribus habere disposui; in  
quod ad legendum speculandumque  
oprabiles materias tempore necessitudi-  
nis , pro fovendis animis rædio vel  
mœrore objectis , quandoque introirem.  
Ut autem lucidè & promptè invenirem,  
sub qua arbore requiescerem , vel quis  
ad legendum flos gratior esset , singula  
capitulorum loca rubricatis titulis præ-  
fulgere feci. Vario etiam sermonum  
genere , nunc loquens , nunc disputans;  
nunc orans , nunc colloquens ; nunc in  
propria persona , nunc in peregrina;  
placido stylo textum præsentem cir-  
cumflexi.

2. 2. Rogo ergo , nemo legentium in-  
dignans moveatur super scribentis ma-  
num , quia ipsi taliter confabulari pla-  
cuit. Ignoscat quoque incompositioni  
& facilitati dictaminis , pensans quòd  
Deo non artificiosa , sed simplicia & pura  
à Kemp. *Soliloquium animæ.*

magis redolent. Quòd si fortè uspiam  
sensius aut minus integer , aut minus cla-  
rus apparuerit , super his pium flagito  
correctorem , denunciâns ei , si quid  
ineptum invenerit , ex inadvertentia po-  
tius quàm ex proposito , id mihi pro-  
ruisse. Adhuc , quia humana judicia ,  
quamvis probabilia , falli possunt ; ad  
te omnipotens Deus & Pater luminum ,  
supplex discipulus recurro , & istud so-  
liloquium tibi repræsentò ; ut tu digna  
approbes , vitiosa improbes ; mihi que  
vel alteri fideli servo rectius serenanda ,  
quæ displicent , insinues.

3. Precor itemque Pater sancte , lar-  
gire mihi exiguo mancipio tuo , tempus  
& horam commorandi in uberrimis pas-  
cuis scripturarum , quæ meæ charissimæ  
deliciæ sunt , & erunt ; donec dies æter-  
nitatis illucescat , & umbra mortalitatis  
inclinetur. Subtrahe proinde curas  
inutiles , amores temporales , passiones  
noxias , aliasque causas , ab otio con-  
cupito me retardantes. Oportet enim  
liberum esse animum & tranquillum ,  
de intrinsecis & divinis meditari cupientem.  
Idè ut talem consequi merear , bene-  
dictione cœlestis dulcedinis tuæ , me  
imbue-

*Oratio  
pro im-  
petran-  
da  
animi  
tranquil-  
litate ad  
capien-  
das Scrip-  
turas.*



imbuere digneris, & infundere; ut tibi ad gloriam, mihi quoque ad qualemcunque loquar consolationis gratiam.

De reddendis gratiis, pro acceptis beneficiis. 25

INCIPIT SOLILOQUIUM  
ANIMÆ.

CAPUT I.

De desiderio anima quarentis Deum.

Capita hujus libri viginti quinque.

**D**E desiderio anima quarentis Deum

Cap. I

De districto Dei judicio. 2

De dolore & fletu peccatorum. 3

De lamentatione temporis & negligentia. 4

De breuitate & miseria presentis vite. 5

De anhelatione aterna vite. 6

De optatione bonæ mortis. 7

De mortuo mundo, cujus vita est in Christo. 8

De elongatione à creaturis. 9

De contemptu omnium consolationum terrenarum. 10

De magna dulcedine & consolatione in Deo. 11

De unico & summo bono quarendo. 12

De unione anima cum Deo, & subtrahitione gratiæ. 13

De tristitia anima, absente dilecti gratiæ. 14

De scrutinio super dilecto, & donis gratiæ ejus. 15

De benigna protectione dilecti, & sufferentia anima. 16

De responsione dilecti quæ sit ratio recessus sui. 17

De fiducia diuina miserationis. 18

De desiderio diuina fruitionis. 19

De gemitu anima ex dilatione gloriæ. 20

De memoria cœlestis patriæ. 21

De accessu ad sanctum sanctorum, Iesum Christum, Regem Angelorum. 22

De processu ad salutandam Virginem gloriosam. 23

De consolatione piissima Matris Virginis Mariæ. 24

1. **M**ihi autem adherere Deo, bonum est. O breve & dulce verbum, Deus amplectens, & mundum excludens universum. Quid amplius dicendum, & quid ultra cupiendum? Nonne satis est, si fiat, quod jam dictum est? Et si dicantur alia & alia multa, nonne ad hoc unum reducenda sunt omnia? Dic ergo anima mea cum Propheta: Mihi autem adherere Deo, bonum est. O Deus meus, tu unicum bonum meum, solus bonus & dulcis. De te loqui dulce est amanti, de te cogitare suave est devoto, cujus cor non est in mundo, sed tecum absconditum in cælo; ut tu sis ei sola vera requies & intima suauitas; nec hic crucietur quotidie, ubi tentat falsa cupiditas, Deus meus, quomodo est illi in corde, qui tuo feruet amore? Quale gaudium ejus, quem nulla delectat creaturarum vanitas? An non vox ejus canit in Psalmo, de quo & sermonis suscepi exordium, & talis est: *Quid mihi est in cælo, & à te quid volui super terram? O anima sancta, anima devota, & ad Deum suspensa, quid hoc audio de te? Quid est, quod loqueris? Parua tibi videntur, quæ in cælo sunt & in terra?* Psal. 72.

2. Parua mihi sunt omnia. Quid ergo quæris? Quem vis sine istis? Et ubi inuenies eum sine his? Habetne nomen, aut locum, aut habitationem, ad quæren-



rendum? Ubi est locus habitationis gloriæ ejus, de quo cecinisti dicens: *Domine dilexi decorem domus tua, & locum habitationis gloriæ tuæ*? Responde obsecro mihi. Nam si poteris eum mihi indicare, ibo tecum, & quæremus simul, eritque Deus tuus meus; & bene nobis erit, cum fuerit inventus à nobis, & detentus.

3. 3. Quid hoc (inquit) quæris à me, aut cur tale aliquid scrutaris apud me? Puras, quòd tibi talia dicam, aut dicere valeam? Quòd si charitas favet, nonne rei hujus raritas, aut etiam secreti profunditas magis dicere prohibet? quid me interrogas, Interroga eos, qui audierunt & viderunt: ecce hi sciunt, quis sit ille, quem quæris. Sed potiùs eum interroga, qui novit omnia. Ipse enim est, de quo fit sermo; qui melius se tibi indicabit, & ubinam habitet, longè clariùs demonstrabit. Is utique est, qui docet hominem scientiam; dat quoque humilibus gratiam suam. Accede ad eum, qui revelat seipsum cum voluerit, & cui placuerit; nec est, qui sine eo aperiat. Potens est solus revelare tibi gaudium amantium se, & ultra quàm potes à me discere.

4. 4. Et nunc, quid sic loqueris anima sancta & humilis: Ne æstimes me velle à te inquirere, quod fortè sciri non oportet, aut nequeat dici. Maneat secretum tuum tibi, clausum sit super te ostium tuum; stet firmum signaculum fidei; non moveatur velum à sanctuario. Manda panem sanctum in sacrario, intra tabernaculum domus tuæ; ascende superius cœnaculum, ingredi cellarium Regis æterni; aut quod præstantius est, & amabilius sonat, thalamum scilicet cœlestis Sponsi tui. Scio scriptum; *Non est*

*bonum sumere panem filiorum, & mittere canibus ad manducandum.* Novi hoc, & legi. Tu autem vide, quid sequitur, & miserere mei secundum eloquium ejus, quæ dixit; Catelli edunt de micis cadentibus de mensa dominorum suorum. Noli proinde celare verbum, quod sciscitor; sed de ubertate intere suavitatis, effunde vel unam scintillam amoris igniti. Da guttam parvulam vini pretiosi, emitte de optimo unguento vel modicum odoris, ut & ipse gustare valeam, ejus tibi nota est pars optima, & amabile tam crebrò solamen.

5. Quid cunctaris? Satis fac desideranti, & aperi ostium amico, jam tertio pulsanti. Dic dilecta de dilecto, me tamen non neglecto. Si non vales, sicut est dicere, dic utcunque potueris. Nam dicere sicuti est, quis valebit? Et quis dicentem caperet? Ergo si non ut in se est, dic saltem qualis sit in te. Si non quid sibi, eructa tamen quid boni fecerit tibi. Quis enim, quid sit in se, investigabit? Tu non poteris, eo quòd confessa sis, & non negasti, dicens: Mirabilis facta est scientia tua ex me; confortata est, & non potero ad eam. *Quid ibo à spiritu tuo?* Si ergo non sufficis penetrare spiritum tuum, quem creavit creator & vivificator omnium spirituum, quomodo penetrabis increatum? Nonne idèò stupens dixisti: *Domine quis similis tibi?* Dic tamen obsecro, per aliquam similitudinem, cujus essentiam necdum attigisti. Neque enim ex parte negare debes, cui totum revelandum non æstimas.

6. Fateor (inquit) quia nimium curiosus es tu, & importunus mihi. Perscrutaris omnia mea, & ad secreta cubilis mei

*Psal. 93.  
Jacob. 4.*

5.  
Deus  
quid in se  
sit, nemo  
dicere  
potest:  
quid in  
nobis for-  
tasse ali-  
quis.

*Psal. 137.*

*Psal. 34.*

*Matth. 15.*



# SOLILLOQUIUM

mei mittis manum tuam. Misi te ad illum, & iterum venis ad me? Me quæris, an ipsum? Sed quæro à te, cujus es spiritus? Quiesce obsecro, & noli mihi molestus esse, quia supra me est, quem quæris.

7. 7. Et dixi; Nunquid qui Deum quærit, tam facile conquiescet? Noli protrahere sermonem, qui potes cito adhibere consolationem. Quousque animam meam suspendis? Quid dicis, & non dicis? *Vivit anima tua, quia non dimittam te, nisi benedixeris mihi.* Etenim pro benedictione mea erit, si ostenderit eum mihi. Jam ergo si vidisti illum, dicito mihi palam, & ego illum tollam.

Genes. 32.

8. 8. Rursus illa: Video te in desiderio esse, & in amore creatoris laborare. Rem difficilem à me postulas; nescio, an fieri possit, quod optas. Scis bene, quem quæris, quia non est meum hoc dicere tibi. Videtur tale esse scrutinium tuum, quale & sponsæ in Canticis: *Indica mihi (inquit) quem diligit anima mea.* Vis ergo à me discere, quis sit iste; aut quid boni mecum egerit ipse? Utrumque autem secretum meum mihi. Sed non es contentus, nec illius magnitudine deterreris, qui cælos excedit: nec mea parvitate averteris, quæ nullius momenti sum in conspectu ejus. Cur imposuisti mihi onus istud? Hoc enim dicere labor est ante me, donec intrem in sanctuarium Dei, & intelligam. Cur vis scire, quod loqui non licet.

Quint. 1.

9. 9. Et dixi: Nunquid non liber? Et per maximè. Placet enim ea sæpè magis scire, quæ difficilius panduntur. Mihi tamen quæso, ne ita difficilis sis, ut omnino taceas. Ne timeas, quòd hæc inimicis mox prædam. Servabo verbum tuum amicis, & valde amicis. Secu-

Psalm. 74.

rè dicas mihi, in secreto silentii tui. Ecce duo hic foli sumus. Nec ego levitate, nec tu arrogantia delectabimur; sed in eo, qui nos confidere sibi fecit, de quo & loquimur. Si autem supervenerit ipse, demus locum, & sit in medio nostrum. Et si dignetur loqui, libenter audiamus, nosque interim fileamus. Tu autem non teneberis illa hora, respondere votis meis. Illo enim loquente, silere debet omnis caro.

10. At illa, Bonum pactum est. Sit ille tantum nobiscum, & feramur ad secretum nostrum. Sit ipse dux verbi: & ducat, quòd nos ire delectat. Dilectus iste, de quo diligentissimè sciscitaris, talis actantus est, ut sermone non possit explicari, cum sit ineffabilis. Tam altus, & superexaltatus est omnibus creaturis, ut sit semper incomprehensibilis. Virtus ejus, & magnificentia ejus, interminabilis. Quicquid de eo dicitur aut scribitur, indignum eo totum creditur, quia omnibus superferatur. Cæli dixerunt: Pertransivit nos, & ascendit, invaluitque supra nos. Terra respondit: Si cæli cælorum non capiunt, nolite me interrogare. Stellæ cecinerunt: Tenebræ sumus, & non lux, nisi illuxerit. Mare contremuit, & ait: Non est in me, & abyssus ignoravit. Audis, quid isti dicunt? Audivi, & conturbatus sum, à voce eorum contremuerunt labia mea. Quid ergo fiet, si interrogaverimus eum? Interrogemus; Domine, si tu es ipse, de quo cecinere viri, & cui omnia deserviunt per tempora?

10.  
Deus ineffabilis,  
incomprehensibilis,  
interminabilis.  
2. Par. 6.

11. Utrique ego sum, qui sum; & præter me, non est alter. Ego primus & novissimus, omnia creans & gubernans. *Vivo ego, dicit Dominus, quia regnabo in æternum & ultra.*

11.  
Exod. 3.

12. Quid



12. 12. Quid dicis nunc vermicule, circumfusus tanto lumine? Ecce dilectus tuus loquitur tecum, quem putabas esse mecum. Mecum erat, quando illi dicebam; *Mihi autem adbarere Deo, bonum est.* Tecum erit, si dixeris & tu; *Renuit consolari anima mea, & diem hominis non concupiri;* sed in te Domine sperabo, tu es enim Rex meus & Deus meus. Non eris similis vagis amatoribus, sed amicus unici, unicum requirens, qui nullum de externis admittit sodalem. Sermo ergo tuus solus cum solo, etiam si abierit, fede vidua, patienter ferens omnia. Nam hic est modus ejus, ire & redire, & probare sibi dilectam, atque in amore facere perfectam. Non te conturbet recessus, si optas ejus accessum. Expecta, reexpecta; modicum ibit, & post modicum redibit. Hoc tamen totum amor facit, qui nunc fert ad summa, nuncque demittit ad ima.

*Psal. 76.  
Hier. 17.  
Psal. 5.*

*Quomodo  
Deus  
animam  
diligat.*

13. 13. Amor ejus gratiosissimus, cunctis flosculis suavior, liliis candidior, & micantibus gemmis pulchrior. Ejus siquidem amor, nil in creaturis est præferendum, & ideo pro ejus amore, totum despiciendum. Ego tacta amore ejus intrinsecus, in tantum coepi ardere corde tenus, ut omnibus licentiatis creaturis, ejus solummodo precarer castissimos amplexus; & inconsuetam multis edidi vocem, tanquam carbones ignitos de fornace ardenti proferens. Quid mihi est in celo; & à te quid volui super terram? Deus cordis mei, & pars mea, Deus in æternum. Intellige nunc de dilecto tuo, qualis ac quantus sit, qui omnia etiam entia incomprehensibiliter transcendit. Et licet sit ineffabilis, & omnino inexcogitabilis, quia interminabilis; est tamen multum amabilis, at-

*dilecto*

tractabilis, socialis, exorabilis; ita ut cum capi nequeat, miro tamen modo amari possit. Etenim amando capitur, amando stringitur; sed desiderando quæritur, orando pulsatur, expectando promeretur. Si necdum tibi satisfeci, satisfaciatur ille, quem quæstisti; & doceat te super omnes docentes, se invenire.

## CAPUT II.

*De districto Dei judicio.*

1. **L**ætetur cor meum, ut timeat nomen tuum. Deus meus, multum amabilis es, sed & terribilis multum. Qui amat, gaudeat; timeat verò, qui non amat. Qui nec timet nec amat; stolidus est, & insanus. Est enim horrendum incidere in manus tuas. Et quis præ timore, iram tuam dinumerare poterit? Aut quis stabit ad videndum te, in judicio venturo? Quia sicut rugitus leonis: sic rugitus tuus; & sicut ignis vibrans, gladius tuus. A clamore vocis tuæ, commovebuntur omnes inhabitantes orbem; & concutientur omnia fundamenta terræ, cum veneris. Quis ergo non timebit? Aut quomodo poterit quis effugere manus tuas? Si absconderit se homo subter petram firmissimam, tonabis super eam, & scindetur fortitudo ejus. Et si latuerit in speluncis aut in montibus, inde eruetur, & sustinebit iratum, quem non studuit habere placatum.

*1.  
Psal. 89.*

*a Hebr. 10.*

*b Psal. 89.  
c Mala. 3.*

*d Isai. 5.*

2. Certè non est locus, ubi homo à facie tua abscondatur. Omnia enim tibi nuda sunt, & aperta; penetras quoque omnia interiora hominis, & subtilissimos cogitationum motus perspicis. Nullum ergo secretum clausum oculis tuis. O quam terribilis eris peccatoribus & induratis mentibus, qui modò gloriantur cum malè fecerint, & exultant

*2.  
Heb. 4.*

*Prov. 2.  
Psal. 93.*



tant in rebus pessimis; & dicunt, non videt Dominus, nec intelligit Deus. Tanquam non sis venturus, sic inflantur verbis inanibus; & avertunt oculos suos, ne videant in finem. Tu autem venies horâ, qua non aestimant, capienturque peccatorum suorum laqueis. Et sicut fures & latrones comprehensi confunduntur, sic confundentur in tempore suo. Deridebis eos, qui nunc derident tuos; & reddes eis malitiam suam, qui odio habuerunt iustitiam. Modò surdescunt ad vocem tuam; sed veniet tempus, quando clamabunt, & nemo exaudiet. Vertunt nunc verbum tuum in fabulam, sed convertentur tunc ipsi in flammam. Egredietur enim sermo tuus horribili flatu, percutietque impios & incredulos sine misericordia.

3. 3. Quid tunc dicet superbus, inflatus scientia, ac tumens potentia? Quid respondebit, cum tuba novissima insonuerit? quando tu Domine Deus noster, cum Angelis & Archangelis, in maiestate apparueris? Tunc certè obmutescunt omnes iniqui illutores verbi tui; & conturbabuntur undique, qui non timuerunt devotos tuos insectari. Tunc confundentur confusione maxima, qui relicta conscientia & honestate vitæ, vanitatibus se subdidere & illecebris. Tunc solvent pœnas, qui carni laxarunt habenas. Tunc dabunt mugitum ad cælum, qui nunc tympanum tenent & chorum. Tunc totum vertetur in luctum, quicquid per immoderatum gaudium est contractum. Tunc ligabuntur in fasciculos ad comburendum, qui focii fuerunt ad inebriandum. Et quos amor ligabit in culpa, ultrix flamma simul rotabit in pœna.

4. 4. O stulti & miseri, ô vesani & cæci

amatores sæculi; quid agitis, & prætenditis? Quomodo effugietis iram Domini? Cur ad æternos cruciatus festinatis pro modica voluptate, quam amatis? Cur gehennam non horretis, qui parvam pœnitentiam sic timetis? Et qui mortem carnis fugitis, quare æternam animæ mortem non præcavetis? Nisi ergo conversi fueritis, & pœnitentiam egeritis, hæc horrenda mala, igneaque tormenta, Deo vindicante, non evaderitis. Tremens factus sum ego, dum extremum penso diem & horam; quoniam tunc Deus non flectetur precibus, sed erit iustus Iudex omnibus. Sancte Deus, sancte fortis, sancte & misericors Salvator, amaræ morti ne tradas me; sed da locum pœnitentiæ, ut dignè queam peccata mea deslere, prius quàm defungar hac luce.

## CAPUT III.

De dolore & fletu peccatorum.

1. **D**olor meus in conspectu meo semper. Deus meus, vitam meam maculavi peccatis multis; sed vide lachrymas meas, quas fundo in conspectu tuo pro eis. Scio enim, quia non habitat in me bonum; & quamdiu mortale gero corpus, non sum liber à peccatis. Facio igitur malum, & pecco quotidie; & quod gravius est, multa patior abire sine gemitu & digna contritione. Nam exterioribus rebus & vanis curiositatibus sapius intentus & implexus, non possum tam celeriter reverti ad salutares fletus. Ideò tam fortiter multiplicantur in me peccatorum tenebræ, fontes obstruentes gratiæ, & venas divinæ consolationis non admittentes. An istud parvum est malum? Grande est hoc malum, Deus meus & sit tanto grandius, quanto

I.  
Psal. 37.  
Rom. 7.

Matth. 23.



quantò citius transit à corde, nec ullo me  
pungit dolore.

2. Domine, nunquid non respicies?  
Quamdiu illudam te, & fallam me? U-  
quequo taces, Domine? Ubi est virga?  
ubi stimulus & baculus? Quare subtra-  
his iudicium & infernum ab oculis meis?  
Si starent hæc ante me, putas, negli-  
genter agerem? Si taces emendationis  
gratia, patientiam exhibes: Sed si ne-  
glexero, nonne acriter post corriges?  
Si non hic, certè in futuro corripies. Nil  
quippe transibit inultum, nec parvum  
nec grande peccatum. Sed multo melius  
hic, ubi fructuosus fletus, labor brevis, sa-  
tisfactio acceptior, & reconciliatio fa-  
ciliior est. Ne parcas igitur virgæ, sed acri  
collyrio unge oculos meos: nec in po-  
sterum reserves mala mea, ne fortè tra-  
dat terroribus ad solvendum novissi-  
mum quadrantem. Melius est nunc pa-  
rum & salubriter pungi, quàm postea  
jam acerba luere tormenta purgatorii.  
Lugendum ergo mihi, & dolor ingens  
pro peccatis est habendus. Multa enim  
habeo, quæ desileam; sed unde rideam,  
non habeo causam. Tenebræ cordis,  
& lubrica conscientia, casus in vitia  
& occasus gratiæ, flere & gemere mi-  
hi suadent, imò ex angustia me sæpè  
compellunt. Cogitans quoque diver-  
sas tentationes, & malorum incurfus,  
ad quid risus? Parce mihi Domine,  
parce mihi. Si enim flevero, tactus do-  
lore intrinsecus, non est mirum, quia  
tempus flendi est. Fœlix hora, quando  
nascitur mihi pro peccatis dolor. Beata  
lachryma, quæ fluit ex contritionis ve-  
hementia, circumspecta omni cordis ma-  
cula.

3. Et quis sufficit abyssum hanc ple-  
nè discutere, & latentes sordes sine pal-

patione arguere? Deus meus, lumen  
verum, tu potes omnes cordis mei te-  
nebras illustrare, & omnes maculas ejus  
in spiritu ardoris & iudicii concremare.  
Tuum est dare cor novum, creare cor  
mundum, & præparare ibi secretum ha-  
bitaculum: ut fiat locus requietionis  
tuæ, & tabernaculum nominis tui qui  
es amator munditiæ, & hospes bonæ con-  
scientiæ. Sed quia neglectam domum  
non libenter visitas, imò bestialibus mo-  
ribus illudendam sæpè relinquis; ideo  
sollicitus sum, ne id mihi contingat:  
sed ad reparandas ruinas meas, miseri-  
cors & clemens succurre. Væ illi, cui  
iratus abscesseris. Pax ei, ad quem de-  
scenderis, & apud quem permanseris.  
Ego miser positus in medio laqueorum,  
& gravatus compedibus peccatorum,  
quale mihi est consilium, & quod salu-  
tis remedium: nisi ut ad te levem con-  
tritos oculos meos, si fortè audiatur cla-  
mor meus in excelsis? Neque enim sa-  
lubrius remedium inquinata conscien-  
tia inveniet vel habebit, quàm ama-  
rissimè se in oratione mactare. Et im-  
portuna tentatio quomodo melius cu-  
rabitur, ne prævaleat: nisi ut continua  
oratio ad te fundatur, & multum se ho-  
mo humiliet? Sed hæc bona quis mihi  
tribuet, orare & flere sicut expedit? Un-  
de mihi humilitas, & tanta lachrymarum  
copia? Utique apud te Domine, apud  
quem misericordia & copiosa redemp-  
tio. O Domine Deus, dator omnis gra-  
tiæ, concede mihi dignè flere etiam  
quantumcunque minima, & quæ latent,  
& quæ patent, omnia simul sine excusa-  
tione castigare. Hæc inter me & te ma-  
sticata, gratiam mihi restituant amissam,  
& ad meliora præparent, ac viciniore  
saluti.

*Psal. 139.*



## CAPUT IV.

De lamentatione temporis &amp; negligentia.

1. *I. Mperfectum meum viderunt oculi tui.* Ah Domine Deus, quid unquam fiet de me, cum deficiam quotidie? Quomodo emendabo perfectè vitam meam? Quando melius fiet? quando convalescam? & quando omnia vincam? Derelictus sum in limo profundi. Putas adhuc spes esse poterit resurgendi, emendandi, proficiendi, & perveniendi? Non est mihi spes de me, & utinam firmitior sit in te. Desperatio mihi ingeritur valida, quia infirmitas mea grandescit ex longa vexatione, nec video finem doloris & iniquitatis. Et si dixero, nunc incipiam, ecce tempus est, conabor sicut potero; statim adest peccatum præforibus, & erigitur adversum me inimicus, & tenet me consuetudo mali tenaciter & invitè. Vide Domine derelictionem & conculcationem meam, & omnem quam patior calamitatem. Exaltetur dextera tua, & libera me ab his, qui me conclusurunt, quia cecidit timor eorum super me. Perii consilium à me, & fortitudo mea defecit. Brachium meum confractum est, & gladius meus salvare me non poterit. Non video, ad quem divertam; & qui me recipiat & curet, non comparet. Tu solus mihi ad refugium remansisti; sed quia offendi, hoc est quod me deterret.

2. *Peccavi, ignosce mihi. Pœniter me totum, & valde multum. Redde tu mihi, quod tibi rectum videtur, & propitiuse esto. Justè me deseruisti, justè me adversario tradidisti. Memento quæso figmenti tui, & repara quod cecidit, nam per se stare non potuit. Attende gemitum meum, & necessitatem meam,*

3. *Oportet, ut omnes probentur; & quis certus est, quod non comburatur, quoniam ignis tentatio est? Timendum ergo omnibus, & æquè de meliori sperandum; sed non temerè præsumendum, nec sub vana spe torpendum. Aurum probatum salvabitur, & stipula comburetur: tu autem homo vide, cuius substantiæ sis. Cœlestis conflator, conflabit, & emundabit filios Levi, omnes videlicet servientes sibi. Non semper aurum est, qui hominibus fulget, ut aurum; nec semper stipula aut reprobum argentum, qui vim patitur, & sustinet flagella, quia Deus intentiones aspicit & corda, operans etiam ibi plerumque mirabilia, ubi à multis putantur per-*

labor meus & dolor cordis mei, non sint in oblivione coram te. Captivitatem & incarcerationem meam, oppressionem & exactionem meam, respice misericors Pater, & erue vinculum de domo carceris ac miseræ servitutis. Si vixerit homo multis annis, quid ex hoc emendabitur? Et quis novit, si melior an pejor fiet? Incertus est hominis progressus & exitus, & dubiosa perseverantia, propter varios casus malorum, & tentationum pericula. Multi prima sunt conversione boni & humiles, postea perversi & rebelles. Prius timorati & devoti, compuncti & taciti; post verò liberi & dissoluti, loquaces & incustoditi. Et qui prius cogitationes restringebant, postea de verbis & factis vix curam gerunt; sicque paulatim vadit in deterius omne malum, non præcautum in principio. Quis ergo non debeat timere, & circumspectus esse, cum bonis & modestis interdum soleant multa infausta accidere? Quis etiam scit, si electus fuerit, & omnia sustinere possit?

3. *Oportet, ut omnes probentur; & quis certus est, quod non comburatur, quoniam ignis tentatio est? Timendum ergo omnibus, & æquè de meliori sperandum; sed non temerè præsumendum, nec sub vana spe torpendum. Aurum probatum salvabitur, & stipula comburetur: tu autem homo vide, cuius substantiæ sis. Cœlestis conflator, conflabit, & emundabit filios Levi, omnes videlicet servientes sibi. Non semper aurum est, qui hominibus fulget, ut aurum; nec semper stipula aut reprobum argentum, qui vim patitur, & sustinet flagella, quia Deus intentiones aspicit & corda, operans etiam ibi plerumque mirabilia, ubi à multis putantur per-*

Mala. 3.)

servientes



perdita. Domine Deus, quid mihi gaudii esse potest in mundo, cum pertractare coepero incertitudinem & infirmitatem omnis rei sub caelo? De te tamen certus sum, quoniam bonus, quoniam in saeculum misericordia tua, super omnes timentes te. Nam bonitas tua & pietas, infinito major est, quam omnis iniquitas mea. Et hoc meum erit solatium, quamdiu emendandi concesseris spatium.

CAPUT V.

*De brevitatem & miseria praesentis vitae.*

1. **P**aucitatem dierum meorum nuncia mihi. Quamdiu in hoc mundo sum, mundus non sum. *b* Et quamdiu hic maneo, pauper peregrinus sum, & hospes super terram. *c* Nihil inutilli in hunc mundum, & nihil inde auferre possum: *d* quia nudus huc veni, & nudus hinc egrediar. *e* Quasi umbra quae praeterit, & quasi pluma quae vento tollitur, & tanquam hospes unius noctis mox transibo. Omnis vita praesens, una brevissima nox est. Dies mei pauci sunt & mali, & post modicum finientur; & erunt, quasi non fuissent. Mortuo homine, quid nisi vilitas in homine; Quis curabit de foetido cadavere? Aut quis quaerret de absente mortuo, qui nec vivens computabitur pro aliquo? Memoria hominis brevis super terram, & apud notos & ignotos. *Sed in memoria aeterna erit justus*; quia Deo, qui non moritur, aeternaliter erit conjunctus. Felix igitur, qui non ponit spem suam in homine, nec nimium latatur in aliqua re mundi vel specie; sed in caelo habet cor fixum, quia hic totum caducum & vanum. Numera omnes, ab origine mundi usque nunc; dic quaeso, ubi sunt? Et quos adhuc vivere vides vel audis, quamdiu

*à Kemp. Soliloquium anima.*

putas, durabunt? Pronuncia ergo de omnibus, quia vanitas omnis homo vivens.

2. O vitam pauperem & miserabilem, vitam fragilem & lamentabilem; quam boni magis patiuntur, quam diligunt. Mali autem etsi multum eam diligunt, tamen diu in ea subsistere non possunt. O quando finieris, & quando cessabis universa vanitas mundi? Sed venit tempus, quando liberabuntur à servitute corruptionis omnes electi; qui jam saepe lamentantur, quia longè sunt à regno Christi. Utinam arescat in corde meo totus hic mundus, & fiat mihi tantum suavis Dominus Deus meus, sponsus immortalis. Verè fallax & amarissimum poculum est hujus vitae decurrens gaudium. Bibant, qui volunt; quia solutionem duram, omnes postea luent. Et quando quis eo fuerit plus inebriatus, tanto acius sentiet ejus cruciatus, quia omnia jucunda in hoc mundo, celerius vento transibunt, & suis dilectoribus dolores & ardores relinquunt. Fuge ergo à me fallax mundi gloria, & omnis fatua carnalisque latitia. Multos trahis & decipis, sed in fine eos relinquis & submergis. Vae credentibus tibi; vae submersis ibi. Veni, & accede sancta abjectio, & omnium pompae saeculi plena despectio: & noli à me recedere, peregrinationis meae salubris recordatio. Quid sum, nisi cinis & terra? & quorsum tendo, nisi ad terram? O quam miser factus sum, & quam juste tristari possum, cum revolvo peregrinationem meam; qui etiam ignoro, qualiter adhuc finiam eam. Si bene vixero, & sic perseveravero, non est timendum de mala morte. Sed de bona vita, & irreprehensibili conscientia, quis poterit gloriari? Qui se talem novit,

2.  
*Psal. 22.*

*Rom. 8.*

*I.*  
*a Ps. 101.*  
*b Heb. 11.*

*c 1. Tim. 6.*  
*d Job. 1.*

*e Sap. 5.*

*Psal. 111.*



in Domino gloriatur, & mei peccatoris misereatur. Vivere mihi non libet, quia miseria undique urget. Mori conscientia mala timet, quia quid Deo respondeat, unum pro mille non habet. Non est simile huic trepidationi, verbum Prophetæ dicentis, *Paratum cor meum Deus, paratum cor meum.*

3.

3. Domine Deus salutis meæ, da finem bonum vitæ meæ, & noli prolongare dies luctus mei. Lugens veni in hunc carcerem, & sine timore hinc non exibo. Longa mihi videtur hæc vita, sed hoc miseria frequens facit & tristitia. Revera autem non longa; sed velocius cursore decurrunt tempora. Ei verò, qui in tristitia & dolore versatur, omne tempus longum est, & diem quasi annum computat. Idèò tædiosa est mihi hæc vita, & tanto gravius me affligit, quanto veriùs singulas ejus misérias intueor. Sed etsi aliquæ intercurrunt consolationes & lætitiæ, circumspicere me oportet, an ex Deo sint, vel non. Si ex Deo, libenter eas accepto; sed quamdiu durabunt, ignoro. Tamen quantumcunque exiguæ sint, mihi placent & sapiunt. Sed utinam, Deus meus, largiter influant, & horas non breves apud me faciant. Quæ autem ex Deo non sunt, viles sunt, & citò peribunt, quamvis in facie jucundæ & dulces videantur. Sic transit vita ista, bonis & malis semper admixta. Quamdiu ergo hic sum, pauper peregrinus sum. Non possum dicere, satis est mihi, quia satietas nullius boni est in præsentī: sed bonum meum, quod expecto, tu es, in quem credo. Cum ergo apparuerit gloria tua, & me impleverit, tunc confitebor tibi, quia omnino mihi jam sufficit. Interim tamen, quia verbum hoc absconditum est à me,

multiplex luctus circumdant animam meam. Propterea memor verbi sancti tui, hoc sæpè dico; *Tristis est anima mea usque ad mortem.* Bonum mihi, si hæc hora transisset, nec ullus luctus aut dolor occuparet. Sed pietas tua Domine, oro me conserver.

## CAPUT VI.

*De anhelatione æternæ vitæ.*

1. **E**duc de carcere animam meam. 1. Doloris vis, flere me non patitur. *Psal. 141.*

Quid enim hic diutius moror? Nescio enim, quid hic valeo. Tarde nimis proficio, & utinam non magis deficerem. Quam bene mihi faceres Domine, si citò me hinc tolleres, ne deterius meculheret. Vita mea in dolore suspirat, & in opere se non emendat. Si expectas, non ex hoc emendor, sed etiam tua longanimitate abutor. Et si corrigis, vix patior, quia siccam stipulam persequeris. Cur ergo non tollis servum tuum? Ut quid etiam terram occupat? Quod est dicere; Quare cum bonis habitat, & vitam ac mores non emendat? Cur locum alicujus melius conversantis, quamdiu superest, & tam negligenter ac tepidè se agit, indignè & damnosè occupat? Et hoc triste nimis cogitans, in auribus Dei mei loquor.

2. Sed bone Domine, noli in ira tua clamare contra me; Succidite arborem, & mittite in ignem. Ego infirmitatem meam accuso coram te, ut ignoscas contententi mihi. Meum est accusare, tuum est indulgere. Meum est flere, & dolere graviter, tuum est flentem consolari misericorditer. Aut igitur Domine, Deus præsta mihi majorem gratiam in hac vita; aut tolle me citò de hoc mundo, ne pejor fiat scissura. Nam diu vivere



vivere & vitam non emendare, potius  
est accumulare. Nec mihi potest place-  
re talis vita, quæ profectum nescit, &  
defectum non plangit. Qui enim sanctè  
& iuste vivit, dolet in quibuscunque  
deficit; & ut magis in virtute ac gra-  
tia crescat, in desiderio semper habet.  
Sed quid hic faciet, qui se quotidie sentit  
deficere, & graviter contra spiritum car-  
nem surgere? Qui etiam nonnunquam  
tædio victus, & negligentia temporis te-  
pefactus, jam cessat repugnare; aut  
projectis armis spiritualibus, sequitur  
impetum carnis, & quocunque eum pro-  
pria trahit voluntas. Talis, heu Domi-  
ne Deus, appropinquat usque ad portas  
mortis, & vivens in carne mortem in-  
currit animæ. O quantum unicuique ti-  
mendum est, de seductione & supplan-  
tatione inimici. Nemo securus, nemo  
mundus, sed est fragilitas in omnibus.  
Tu autem Domine, qui omnia potes,  
& omnia cognoscis, resuscita confractum  
corde, & munda immundum  
ab omni sorde, & da spiritum novum  
in visceribus ejus; ut discedat omnis  
tepor & languor, & revertatur spiri-  
tualis fervor, & usque in finem steterim-  
mobilis tuus amor. Solummodo eget  
adjutorio tuo, qui præpeditur pondere  
suo. Nec valet per se abjicere sarcinam  
peccatorum, donec tu de cælo præstes  
gratiam, valentem solvere, dura vin-  
cula passionum? Quam peto donari mi-  
hi, quia sine gratia non potest esse bo-  
na vita; nec sine ea percipitur æterna  
vita. Quod autem nunc vivo in cor-  
pore, non est consolatio mihi; quia  
melior est mihi mors, quam vita. Qua-  
re? Quia propter hanc vitam elon-  
gor ab æterna vita, quæ venire non po-  
test, nisi præsentem mors perimat, &

mors ipsa simul destruat. Ideo deside-  
rium meum sursum respicit, & cor quæ-  
rens æternam requiem altè suspirat, &  
clamat: *Sufficit mihi Domine, tolle animam*  
*meam*, quam redemisti sanguine tuo.

3. Reg. 19.

3. Aperi portam regni tui, & intro-  
duc pauperem peregrinum, de exilio  
ad te revertentem. Audi me Domine,  
& solve me à corporis vinculo. Quid  
hic ultrà faciam? Nec mihi, nec aliis sum  
utilis. Ad quid ergo vivo? Mihi qui-  
dem onerosus, cæteris tædiosus. Quid  
fiet de me? Nescio Domine; Si tu me-  
lius aliquid de me providisti, quare tar-  
dentur desideria mea. Consentio ordi-  
nationi tuæ, quoniam bona est, Sed in  
me tantum malum invenio, quare mihi  
vivere in mundo, onus sit & tædium.  
Nam pecco quotidie, & peccatum super  
peccatum adjicio: & sicut dignum est,  
non pœniteo. Si igitur solutus essem ab  
hoc corpore peccati, & tibi sociatus in  
regno; nec ego ampliùs peccarem, nec tu  
in aliquo offendereris, sed semper te lau-  
darem. Sed adhuc sustines me, & om-  
nem ostendis patientiam. Cognosco cul-  
pam meam, quia ob peccata mea non  
licet regnum ingredi; nam nihil immun-  
dum in illud introibit. Sed quando ero  
sine peccato? quando ad plenum mun-  
dabor, ut non timeam prohiberi, sed  
magis gaudeam intromitti? Si non fer-  
ventiùs profecero, nec sollicitior fuero,  
quam hætenus fui, timeo quod spes  
mea, parva satis erit. Sed tu Domine,  
qui neminem vis perire, *sed omnes sal-*  
*vos fieri*: præsta mihi majorem gratiam,  
ad emendationem vitæ; & ad speranda  
bona cœlestia, da spiritum pinguedinis  
internæ. Nunquam hic fit cor meum  
secundum carnem lætum, sed timen-  
do expectet \* lethum. Nulla creatura

1. Tim. 2.

\* 1. Mor.  
tem,



me teneat aut cura, sed tua optata præsencia me trahat & consoletur. Beatus, qui te expectat Domine; sed beator, qui jam emigravit ab hoc sæculo nequam; non enim ultra aliquid molestiae sentiet, vel timebit.

## CAPUT VII.

*De oratione bona mortis.*

*I. Psal. 70. Querimonia peccatoris obmissa in Deum.*

**I.** *Pes mea Domine, à juventute mea.* In hac spe ad te confugio, dum novissima hora & tempus resolutionis meæ venerit. O si bene paratus essem, ut mori sub spe gratiæ possem! O si felici transitu diem extremum clausissem, & corpoream sarcinam deposuissem, & timores evasissem! Fœlix, quem elegisti, & assumpsisti, qui jam deposito corpore transit ex hoc mundo ad Patrem, de exilio ad regnum, de carcere ad palatium, de tenebris ad lucem, de morte ad vitam, de periculis ad securitatem, de labore ad requiem, & de cunctis miseriis ad perpetuam beatitudinem. Fœlix anima, quæ jam potitur præmio suo, gaudens in te Domino Deo suo. Sed *heu mihi, quia incolatus meus prolongatus est usque adhuc.* Quàm gratiosè & misericorditer mihi faceres, si citius me evocares, & ad te pervenire sineres; ut ubi tu es, illic & ego essem. Ah si maturius me ex hoc mundo tulisses, quando necdum inquinamenta ejus cognoscebam, & quando peccare etiam in parvis metuebam, quanta mihi bona in hoc præstitisses? Nunc autem diutius vivendo, vagatus sum longius à te, & offendi in multis.

*Psal. 119.*

**2.** *Væ mihi quid feci? Securus sum* passiones carnis, vanitates attraxi, virtutes deserui, innocentiam non custodivi, mala malis addidi; & pro do-

lor, expertus sum, quod legi: *Vain- pio in malum.* Vix serò redii, tardè incepti, in reditu non festinavi, in profectu non ferbui, in fervora non crevi; & quod deterius est, à pristino etiam calore refixi. Hinc & mori sæpè timui, quia urgente conscientia, non vixi ut debui. Sed propter pericula tentationum, ne fieret novissimus error pejor priore, mortem frequenter optavi. Et dixi; O si in gratia mortuus jam essem, ne tantis afficerer malis super terram! O si Deus me tempestivè auferre dignaretur, & omnium laborum meorum finem imponeret, quàm bene tunc mihi contigisset! Verùm in voluntate tua, Domine, omnia sunt posita. Si decreveris facere, quod postulo, erit continuò: Sin autem, fiat voluntas tua. Ego possum tibi insinuare desiderium meum & calamitatem quam patior; non quasi nescienti, sed ut tali alloquio, aliquod refrigerium animæ meæ faciam. Scio, quia necdum bene paratus sum, conscientia enim adhuc multum metuit. Et quid mirum, si ego peccator timeo; quando & multi sancti patres timuerunt, cùm aliter sint judicia tua, aliter judicia nostra? Sed quomodo me præparabo? Bonum unique esset ut melius me præpararem in illum diem, quem ignoro, si hodie an cras futurus sit. Innovabo firmiter propositum, præteritas negligentias deplorabo, totum me tibi immolabo, & tuæ misericordiæ me in perpetuum commendabo. Domine Deus meus, in misericordia tua stant omnia opera mea, & nulla sunt propria merita, nisi ad sit tua immensa pietas & miseratio. Et hæc est spes mea, & tota fiducia mea.

**3.** Sed qualiter est cum bona & immaculata conscientia? Quid dicie casta



casta & devota anima? Veni [ ait ] Domine Jesu; veni, & noli tardare; relaxa facinora mea, solve vincula, educ vinculum de domo carceris, de laeu miseriae, & de luto faecis. Expectans expectavi te; intende mihi, & exaudi me. Noli me apud saeculum diutius relinqueret. Satis sit, quod hucusque certavi, quod tanto tempore exulavi, quod te frui non merui, nec facie ad faciem contemplari potui. Nunc optato concede perfrui gaudio, quod nullo finitur termino, nec ullo obnubilatur tadio. Ostende mihi faciem tuam, quam Angeli semper vident; Sonet vox tua in auribus meis, quam illi sine intermissione audiunt. Veni, Domine Jesu, & tolle me de terra aliena; revoca abjectum ad patriam, & in pristinum gradum lapsum restitue. Veni, Redemptor bone; fac me participem aeternae tuae gloriae, tempus est, ut revertar ad te; tempus est, ut commendes terrae corpus meum, de qua sumptum est. Non est magna cura, ubi ponatur, vel qualiter tractetur: dummodo spiritus salvus fiat, & ad te perveniat. Habeat bene spiritus meus, quem tibi commendo: caro autem mea requiescat in spe, in novissimo die resuscitanda. Nam ubicunque recondita fuerit, tibi remota vel ignota esse non poterit. Recipe me ab hominibus, & sanctorum tuorum me conjunge societatibus. Tadet me vitae temporalis; sola dies me delectat aeternae claritatis. Non mihi obstat in exitu de Aegypto serpens antiquus, non latret contra me in porta inimicus, non terra ejus imago perterreat, non mortis horror conturbet; sed sancti Angeli tui fideliter assistant, fortiter juvent, viriliter protegant, blandè leniterque suscipiant, & ad coelestem

paradisum cum exultatione perducant. Assistat & gloriosa Dei genetrix Virgo Maria, & tota coelestis frequentia. Et tu, Jesu bone, dulcis, optime, redde mihi laetitiam vultus tui, & noli me reprobare à dilectis sanctis tuis: sed retrahere seu recordare, ò fili Dei, quod pretioso sanguine tuo ab inimico me redemisti. Suscipe me in gloria, in misericordia, & in bonitate tua; quia desiderio desideravi, apud te facere Pascha. O felix dies optati praemii mei; eja, benedicta hora transitus beati, quamdiu desideravi, & semper praec oculis servavi. Quid mihi jam nocuerunt tribulationes & pressurae in mundo? quid obfuit contempsus, & labor, & humiliatio pro nomine tuo? Tu mihi vivere fuisti, nunc autem mori lucrum erit, & esse tecum in regno, multo melius manebit. Sit tibi laus & gloria, qui es vita viventium, spes morientium, salus & requies omnium ad te pervenientium.

### C A P U T V I I I .

*De mortuo mundo, cujus vita est in Christo.*

1. **A** Verte oculos meos, ne videant vanitatem. O Jesu vita vera, vita mori nescia: tribue mihi ex amore conteri, ex amore vulnerari, ex amore mori, ne caro possit mihi dominari. Nondum perfecte mortuus sum mundo, sed vivit adhuc in me vetus homo: suscitans in me varias tixas, & desideria multorum malorum, faciens noctes amaras, & dies tædiosos. O quando fiet, ut cum fiducia dicam: Ego autem aestimabam, me tanquam mortuum super terram? Qui enim mortuus est, non curat laudes hominum, nec vituperia exprobrantium, quia mortuus est. Qui carne mortuus est, non loquitur, non odoratur, non

1.  
Psal. 118.

Mortui  
mundo  
ad mor-



tuum car-  
ne com-  
paratio.

Coloss. 3.

1. Cor. 4.

Mortuus  
mundo  
æterna  
tantum  
cogitat ac  
concupis-  
cit.

Psalm. 117.

non gustat, nec exercet quicquam ope-  
ris, sed nec vanitatem huius mundi au-  
dit: non etiam videt curiosa & pulchra,  
& quæcunque allicere possunt, ad aman-  
dum aliquid vile super terram. Sed qui  
mortuus est mundo, non est in mundo,  
sed in Deo, cui vivit: sicut & dilectis dis-  
cipulis Paulus dicit: *Mortui estis, & vita  
vestra abscondita est cum Christo in Deo.*  
Iste sic loquitur, sic cogitat, sic videt ea  
quæ foris sunt, quasi non sint: quia quod  
videtur temporale est & vanum; quod  
non videtur, æternum est & verum. Illuc  
igitur spectat, illic flagrat, hoc ei in corde  
est, ad hoc laborat, ad hoc pervenire de-  
siderat. Hoc vult, hoc amat, hoc quæ-  
rit, hoc sapit, quod intus est & latet;  
magnum videlicet bonum, summum,  
æternum bonum, de quo cogitare nun-  
quam illi satis est: quia nimis charum  
est, & dulce, & delectabile, & plus-  
quam ineffabile. Qui talis est, multum  
elongatus est à præsentibus, & totis affe-  
ctibus inhæret æternis, habens sub se ap-  
petitum sensualitatis. Nam sensualitas  
quærit exteriora, cupit delectabilia, as-  
picit præsentia, negligit futura: fugit  
ubique potest amara & aspera, quæ  
tamen spiritui sæpè sunt salubria. Unde  
non sinit spiritum in silentio, & quiete  
agere, sed diversa ei addicit phantasma-  
ta, quæ vix sunt dicenda, pro nihilo  
tamen in veritate curanda. Qui au-  
tem habet gratiam spiritualis fortitudi-  
nis, potest citius subjugare insolentes  
carnis motus, psallens in verbo divinæ  
victoris: *Dominus mihi adjutor, non ti-  
mebo quid faciat mihi caro.*

2. Quamvis igitur illi sensualitas bel-  
lum incitet, & vox carnis submurmur-  
ret; non tamen facile consentit, quia  
major est vis amoris Dei, quæ in-

terius confortat. Iste quandoque tam  
dulciter, tam fortiter & ardentè ad  
Deum trahitur, rapitur, & tenetur; ut  
non videat, aut vix sentiat, quæ juxta se  
sunt, & strepunt in mundo; quia non est  
ibi, sed alibi; non infrà, sed suprà, cum  
Deo & in Deo, qui ipsum introrsus mo-  
vet, erigit, & quasi in curru igneo trans-  
vehit, ut fruatur aliquando eo in felici  
& diu concupito cordis sui desiderio san-  
cto. Non invenitur foris, quia transtu-  
lit illum amator ejus. Ibi solus audit ver-  
ba ejus, verba dilecti, & gaudio gaudet  
propter vocem Sponsi, in nullo sibi sus-  
pecti. Nec statim effundit in solem phia-  
lam suam, ad hauriendam vanitatem; sed  
inventum thesaurum abscondit, & clau-  
dit sub signaculo, ne pes superbiæ intret,  
& virtus omnis depereat. Sic namque  
dicit ei: *Pone me sicut signaculum super cor  
tuum;* & quæ ibi sequuntur. Utile est  
signare cor, & custodire illud; ne fortè  
dilectus declinet & fugiat, qui cor purum  
& humile specialiter quærit & visitat.  
Confert ista secum, & miratur tantum  
bonum, quod omnem sensum superat  
& donum. Miratur iterum, & inter-  
rogat diligenter, quidnam est hoc? &  
letatur vehementer, quia manna de cœ-  
lo descendit. Qui autem ministrat pa-  
nem de cœlo verum, dat etiam gustanti  
intellectum bonum; ut sciat, quod *omne  
datum optimum, & omne donum perfe-  
ctum de sursum est, descendens à Patre  
luminum.* Hoc jam, inquit, à Deo  
verbum est. Nihil sine eo, omnia mihi  
ex ipso sunt.

3. Rursus miratur & conqueritur,  
quare tantum bonum tam modicè curat,  
cum quo tamen non modicè ei bene est;  
quare quoque non sapius ad audiendum  
& videndum illud, cor suum inclinat,  
quo

Cant. 8.

Exod. 16.

Jacob. 2.



quo dulcius ac felicius ad fruendum nil esse potest. Et modò utinam de cætero id fiat. Hoc enim summè me delectat, & ampliùs delectabit, si tamen operam ad vacandum dederò. Veniat dilectus meus in cor meum, ut comedam de fructu pomorum ejus. Declinet ad me, & ostendat seipsum mihi, & ego me illi. Ipse bonum meum, & gaudium meum. Tunc incipit anhelare & desiderare, & vehementer amare hoc bonum in quo est omne bonum; hoc gaudium, in quo est omne gaudium: hoc unum, in quo omnia, parvum & magnum, summum & imum; non tamen aliquid ipsorum conditorum, sed sine forma conceptum humanorum, principium & finis omnium bonorum ab eo formatum. Unde quandoque vult ex toto illo bono repleti, ac gaudio suavissimo perfundi, & quodammodo ab ipso cupit ad fundum absorberi & consumi, ut satisfiat insatiabili suo amoris: ita ut nihil sui ipsius sit, sed ejus totus, cujus est ignis & æstus amoris: cujus est hoc mirabile opus ut sic in eum avidiùs rapiatur, & unus cum eo spiritus efficiatur. Nec propter hoc se extollit, aut se aliquid esse putat, aut cæteros despicit, vel minores judicat; quia non est hoc suum, sed munus Dei gratuitum, ut meritò non debeat inde extolli, cum se senserit taliter ab eo consolari. Non enim quærit laudes, neque favores eurat externos; sed dilectum quærit, ejus laudem & favorem solummodò sitit, in quo omnia habet, & plusquàm hæc omnia invenit; quia amorem ejus, dulcedinem ejus, & gaudiosam fruitionem ejus, omnibus transitoriis præfert, & super omnia honorem ejus concupiscit & diligit. Ideoque de nullo se efferre, nec vanè gloriari

potest. Ipse gloria ejus, laus & exultatio ejus. Ipse verum & sincerum gaudium, summum & unicum bonum, totum desiderium & complementum ejus. Magis autem vult, & alios secum ita lætari, & tali frui bono sine fine, nunc & in cælo. Hoc enim desiderat & orat, ut omnibus hominibus notum se faciat, & omnes ad se convertat & trahat; ut ipse solus laudetur, & glorificetur, quia dilectus ejus charitas est, & amoris puteus, qui non potest exhauriri. Plus enim omnes amat, quàm ab omnibus possit amari. Placet tamen ei, si quis eum ex fundo amare appetat, licet ad fundum pervenire non valeat; quia ipse omnes in amore devorat, vincit & superat.

## CAPUT IX.

*De elongatione à creaturis.*

1. **E**cce elongavi fugiens, & mansi in solitudine. I. Psal. 54. O quàm salubre, quàm jucundum & suave est, sedere in solitudine & tacere, & loqui cum Deo, ac frui solo summo bono, in quo sunt omnia bona? Utinam sic essem conjunctus illi simplicissimo & unico bono, ut nullis moverer affectionibus & distractionibus, rerum transeuntium; nulli creaturæ, nullique rei visibili, oculos videndo & advertendo, curiosè præberem. *Infelix ego homo, quis me liberabit de corpore mortis hujus?* Rom. 7. Heu, quàm sæpè moritur anima mea propter creaturas, quas amat; sæpè Creatoris sui, propter eas, obliviscitur & seducitur. Instabilis mens mea, nunc istud vult, nunc illud; nunc hîc est, nunc ibi; pacem quærens in creaturis, & non inveniens; quia omnis creatura etsi delecta-



Hier. 17.  
Psal. 93.

lectationem aliquam haberet ad usum, non tamen præstat satietatem ad fruendum. *Inscrutabile cor hominis. Et quis cognoscet illud? Deus tu scis cogitationes hominum, quoniam vana sunt.*

2. O Deus æternæ, summe, & immense, creator omnium & rector; ego sum creatura tua, quam fecisti in virtute tua. Ad amandum te factus sum, & modò volo amare te, & non possum quantum volo. Ligatus sum vano amore, & viscoso affectu rerum labentium, à quibus dum me excutere conor, vix aut nullatenus sine gravi dolore possum. O si tu mihi dulcescas & sapias, quàm citò fugient & peribunt? Interdum tamen video mentis intuitu invisibilia tua, per ea quæ facta sunt, & te summum bonum, verum sempiternum Deum. Et delectat me his immorari; sed statim nescio, quo statu actus, ab hoc studio revocor, & in amore & pondere visibilibus miser languens teneor. Ecce enim firmiter mihi propono in corde meo, tanquam signum fœderis inter me & te faciendo, quòd nullam creaturam videre & amare volo, propter amorem tuum nobilem ac pretiosum; sed omnia contemnere, & me, & omnia mea pariter relinquere.

3. Post hæc autem ascendunt cogitationes hujus mundi, carnis peccatricis cognatæ & vicinæ, tam suaviter ad cor meum, quasi in ipsis esset aliqua felicitas, & quasi amissurus essem quid magni boni, si eas contemnerem; lætam faciem prætendentes, finem tristem abscendentes; quid in præsentiarum sit exhibentes; quid mali autem sequatur tacentes; quasi ubique & in omnibus quærendus sit creaturis, & nihil abjiciendum vel contemnendum, quod à

te Deo meo constat factum; sicque abducunt me sæpè à proposito meo, & tandem omninò seducunt.

4. O quàm vanæ quàm deceptorix, & propè nihil etiam stantes & florentes probantur, quæ post subitaneas suas delectationes diffugientes, me inter spinas & tribulos malæ conscientix relinquunt? Væ mihi Domine, & væ iterum mihi; quia vanitati cunctis credidi, & assensui; te autem, qui veritas es, tam facile reliqui. O quantum in hoc deliqui, quod non omnibus postpositis tibi soli adhæsi? Nam ad amandum te & fruendum, factus sum; sed creaturas inordinatè sequendo, te amisi, & in eis nullam cordis mei pausationem inveni. Converte me Domine ad te, & noli me in terrenis relinquere, qui cœlestis te sequentibus dignatus es promittere.

## C A P U T X.

### *De contemptu omnium consolationum terrenarum.*

1. **R** Enuit consolari anima mea. Noli evagari anima mea post vanitates & insanias falsas; sed convertere ad Dominum Deum tuum, quia ipse fons totius consolationis. Quicquid in hominibus quæsieris, aut in creaturis, perdes, & perditum senties; quia potest aliquid solatii in eis apparere, nihil autem permanere. Cur frustra deciperis? Stultum est mendicare à paupere, cum dives sufficienter voluerit dare. Omnis creatura pauper est ad consolandum, Deus autem dives est in gratia, qui dat *Jacob. 2. omnibus assuenter, & non impropere;* si tamen quæsieris diligenter, patienterque expectaveris.

2. Re-



2.  
Genes. 8.

2. Revertere anima, revertere columba ad Noë in arcam, ad Christum in cordis secretum; quia diu foris manere, non est securum. Renne consolari exterius, si vis recreari interius. Noli cum corvo extrâ arcam manere, sed cadaver citò fuge. Eluriens redi, pascet te Christus pane cœli. Si necessitas urget, vel infirmitas aliquandò ad extra te tenet, moram cave, sed diu intra, ne diluvio verborum peteas, aut laqueo tentantis inimici capiaris. Multæ sunt insidiæ libenter extravagantis animæ, & magnæ tutelæ citò revertentis columbæ. Quæ cum non invenisset, ubi requiesceret pes ejus, reversa est ad Noë in arcam. Erruergò vade ad cellam tuam, & habita ibi, sitque tibi grave esse alibi.

3. Beata anima cujus conscientia ante Deum munda est, nec ulla tenetur re vanâ, neque amore alicujus inquinata, neque odio tabefacta. Beata, quæ nullam consolationem ab aliqua creatura querit, sed omnem spem suam in Deo ponit. Beata, quæ respuit omnem fornicationem & temporalem requiem, & quæcumque ad carnis pertinent commodum; atque libenter pro Christo amplectitur laborem & defectum, Beata, quæ seipsam Deo committit, ut secum faciat, sicut illi placuerit. Beata, quæ nunquàm gloriam suam querit, nunquàm voluntatem suam fieri desiderat; sed Dei gloriam & voluntatem in omnibus rebus intendit, amat & proponit. Beata, quæ se alienam facit ab omnibus temporalibus rebus, & puram se servat apud Deum in cunctis suis.

4. O quæcumque talis es anima, gaude & latere non modicè; quia vales jam versari in intimis & cœlestibus, &  
*à Kemp. Soliloquium Anima.*

Deum laudare diebus ac noctibus. Beata & benedicta à Deo, cujus desideria sursum sunt; cujus manus & brachia expansa sunt, sicut duæ alæ Cherubim; cujus oculi mundi ad contemplandum Deum; cujus omnis vigor & labor interior vadit & ascendit, & non revertitur, donec inveniat, quem solum præ omnibus amat. Et cum invenerit, tunc omnibus oblitis, sequitur eum, quocumque dilectus ipse voluerit & duxerit. Ut autem locutus fuerit, gaudebit ad vocem ejus dicentis: Ego dilectus tuus unicus & electus. *Ego merces tua, magna nimis.* Genes. 15. Esto humilis ad prospera, & fortis inter adversa. Ecce qui diligunt me, quomodo consolantur per me. Quàm dulciter putas tractabuntur, cum deposita omni molestia corporis & animæ, ad æternam requiem suscipientur.

5. O si tali fruerer dulcedine, sicuti anima sancta, Deo dilecta & devota; quando sopitis sensibus, sursum in spiritu fertur, & elevatur super semetipsam in amplexus dilecti, & Deo per intimæ dilectionis vinculum copulatur. O Deus meus, cordis mei thesaurus verus, non ignoras, quin hoc doloris mei intus absconditi unicum foret refrigerium. Sed hujus unctionis, tu enlargitor es, & infusor. Tu doces, tu hortaris, tu foves, tu consolaris, tu provehis & sustentas; tu ducis & reducis, & facis cum anima, quam elagisti, sicut vis, & totum bonum est, quicquid agis & vis. Ego verò quasi vas acidum, & boni spiritus tui infusione indignus, peto sacram ipsius emanationem mihi ampliari; quatenus & internæ dilectionis tuæ dulcedinem gustare, & sacras illas delicias valeam

C

præ-



præsentire, quas animam tibi studiosè vacantem non diffido frequenter mereri. Odoravi à longè aromata cœlestia, cum de anima sancta meditatus sum quædam interiora mentis studia.

6. Sed tu Domine scis, quàm rara mihi, quàm tenuis est æternorum cogitatio, quàm frequenter arentia verba; quàm rudis intellectus, & impacata conscientia; quàm consula interiora mea, inilluminata & indevota, nec alicujus, nisi meâ solummodò culpâ. Interdum tamen viam quærens ad interiora, assumptis tecum cogitationibus in secreto, de bonis electæ animæ seriôsè pertracto, quantæ sint lætitiæ cœlestes, ac delitiæ spirituales in ejus corde, quæ pax, quæ tranquillitas, quæ spes & exultatio in Deo salutari suo, cujus eloquium dulce, & facies decora. Et licet brevis sit mora, est tamen gratiosa hora.

7. Hæc autem me cogitante, & te illuminante tenebras meas, invenio super me justas quærelas, & sentio per occultas gratiæ rimulas, quia talis & talis est anima tibi intimè unita, & sic & sic tu ei locutus es. Illa tacet ab omnibus sensibilibus, & tu loqueris ei in spiritu de invisibilibus. Videtur quasi derelicta ab omnibus creaturis, & tu eam consolatoris modis ineffabilibus. Dixi ego rursus hæc in corde meo. Væ animæ peccatrici, conscientiæ gravi, conversationi tepidæ, non habenti lumen gratiæ, neque solatium spirituale; quærenti lachrymas, nec invenienti aliquas. Pax huic, quæ Christum, sincerè diligit, & oculos cordis sui ab eo nunquàm deflectit: sed quæ placita sunt ei, semper inquirat; quia in pace & æquitate

ambulat, & in gaudio ejus non miscbitur alienus. Videbit, quod bonum est otium ejus, & gustabit, quia suavis est Dominus Deus suus; in quo confidit. Elongabit se à tumultibus externis, & expectabit cum proventu magno, adventum ejus in intimis. Ecce sic operatur Deus in vasis sibi electis. Si quis venit ad eum, non revertetur vacuus, qui libenter dat, quam sitienti, & panem esurienti.

8. Deus meus, cum introieris in domum amentis te animæ, nonne pasces eam tuo lacte & deduces aliquando etiam extrâ se, præ abundanti tua dulcedine, ad capiendum te sine aliqua corporali imagine? O veritas, veritas; quantum valet, & agit charitas. Tunc loqueris illi verbum tuum secretissimè, & ostendis ei omnia novissima & antiqua in charitate & fruitione felicissima, ubi finiuntur omnia verba humana. Ex tunc facis maximè tibi confidentem de æterna requie, de Sanctorum consocietate; quia prærogando pignus spiritualis gratiæ, valentiorum utique redditus ad speranda, quæ non videt; & ad speranda præsentia, quæ sensu tenet. Recordare mei pauperis mendici [Pater bone] per viscera misericordiæ tuæ; & mitte panem de cœlo verum, verbum bonum, consolatione & gratiâ plenum.

## C A P U T X I.

*De magna dulcedine & consolatione in Deo.*

1. **O**mnia ossa mea dicent, Domine I. quis similis tibi? Unus est, & si- *Psalm. 139.* milis illi non est; Deus meus est, & omne comparatum ei, nihil est. Dilectus intimus, & amicus fidelissimus; qui amantem se nunquam deserit, sed cum



cum amante se libenter sociat. Et si aliquando se abscondit, aut angustiari permittit, non hoc agit ut reprobet; sed ut probet, purget, & erudiat. Non ergo omnino tunc deserit, sed etiam sapientius instruit; ut appareat qualis quisque ex se sit, & quousque pervenerit. Pulcher es, dilecte mi, & amabilis valde; non carni, sed menti; non oculo aut sensui alicui, sed animæ credenti, mundum cor habenti, & ad invisibilia atque spiritualia se transferenti. Qui ergo tibi per devotionis affectum uniri desiderat, necesse est, ut omnem carnalem affectum in se mortificet, & puritatem conscientiae maximè custodiat. Displicet enim tibi, si quis graditur ad fragiles creaturas pro mendicando solatio. Propterea introrsus me vocas, ut amem te; & jubes, ut expectem te; quoniam tunc inveniam te, quotiescunque me postpono; & sicut tu vis, ita & ego volo. Et hoc erit totum bonum meum; ut gratis te colam, gratis serviam, nullam timens amissionem, nec aliquam faciens cum amore avaritiam, quia pure amantem approbas animam. O illam unam, in vita & in morte tibi soli unitam. Ego autem longè a te projectus sèpe eo per aliam viam amando res perituras; non sicut oportet, nec ad quem finem decet.

2.

2. Sed ne cum his peream, reve-  
tar citius considerando in eis laudes tuas,  
& ad te affectiones meas dirigendo. Tu  
Domine Deus meus, qui omnia fecisti  
ex nihilo, da ex omnibus *Psallere nomi-*  
*ni sancto tuo.* Tua est enim potentia, tua  
est sapientia, tua bonitas ac pietas, æ-  
terna quoque gloria & majestas. *Regnum*  
*tuum, Regnum omnium seculorum: &*

*Psalm. 144.**Sap. 12.*

*dominatio tua, in omni generatione & ge-*  
*neratione.* Tu omnia disponis, quæ sur-  
sum sunt, & quæ in terris. Omnia  
cognoscis, omnia in manu tua habes:  
nihil tibi resistit, nihil te conturbat:  
sed cum tranquillitate omnia judicas, &  
rebelles etiam tibi subicis, & servire  
facis. Scis omnia, quæ geruntur in uni-  
verso; & antequam fiant, certo fine  
conclusisti. Tu es Deus cæli & terræ,  
visibilium & invisibilium creator &  
gubernator, omniumque temporum  
dispositor. Conserva, [quæso,] per  
orbem famulos tuos, longè latèque  
dispersos, tuo tamen servitio specia-  
liter deputatos. Fac eos enarrare lau-  
des tuas; & voce consona, ubique glo-  
riam tuam prædicare. Excita corda eo-  
rum valenter, in amore tui, & dona  
eis omnia opera sua, sancto fine con-  
summare.

3. O quàm pius, quàm dulcis es, 3.  
diligentibus te? quàm bene places gu-  
stantibus te? Qui experti sunt suavitatem  
tuam, norunt inde melius cogitare  
& loqui. Vincit enim tua dulcedo  
omnem dulcedinem, & dulcorat om-  
nem amaritudinem. Domine Deus me-  
us, de te Viri sancti locuti sunt, &  
Prophetae non tacuerunt. Quotquot fue-  
runt Sancti ab initio mundi, in te credi-  
derunt, tibi servierunt, in hostiis &  
muneribus te coluerunt, nomen sanctum  
tuum laudaverunt & benedixerunt, quia  
te Creatorem suum, & omnium rerum  
conditorem, cognoverunt, & in te  
super omnia speraverunt. Cognove-  
runt te in visionibus suis; tu siquidem  
revelasti eis nomen tuum, & alium præ-  
ter te nescierunt. Custodierunt legem  
mandatorum tuorum, quam eis dedisti.

C 2

Non



Non sunt secuti falforum Deorum figmenta stultissima : sed adoraverunt te viventem in sæcula sæculorum, qui creasti omnia. Levaverunt vocem suam, in confessione laudis tuæ; quia tu de excellis clamorem magnum auribus eorum infudisti, dicens: *Ego sum, qui sum.*

Exod. 3.

*Ante me non est formatus Deus, & post me non erit. Feci, quæ futura sunt, & præterita, non perierunt à memoria mea.*

Esaia. 43.

Hæc audientes & intelligentes, elevaverunt etiam in longinquo fidei oculos, credentes quod salvos non faciet Dominus, & qui venturus est, veniet, & non mentietur. Hæc præscientes, consolati sunt non minimum; & vehementer admirantes præsentiam affuturæ majestatis, præ stupore defecerunt. Respirantes paulisper, & præ gaudio aspicientes Dei potentiam venientem, dixerunt. Ipse est, ipse est; Dominus Deus noster est, & alius non est. Ipse cepit, & salvabit nos: Non potest negare seipsum, quoniam verus est. Sicut audivimus, ita & vidimus: sicut credimus, sic & loquimur, & testamur veritati. Semel locutus est Deus; dixit, & facta sunt. Dixit; Consilium meum stabit, vestrum filii hominum peribit.

2. Tim. 2.

Esaia. 46.

4.

4. Væ, qui cogitatis inutile, & post verba Dei ridetis. Væ, qui fingitis de corde vestro sapientiam, & in potentia vestra erigimini. *Audite verbum Domini, qui queritis Dominum; scitote, quia judicium ejus cum habitatoribus terra.* Non est bonum, si adversi fueritis: stete, & considerate vias ejus. Revertimini, & venite, libenter suscipiet vos, *quia misericors, & clemens est Dominus.* Nec sicut homo, iram servat; sed omnia peccata donat, insuper & gratiam priorem cum posteriore restituet. Tantum in

Mich. 2.

Esaia. 4.

tote corde convertimini, & donate vos illi serviendum menti fideli. Hæc vox Sanctorum, in auribus meis. Quasi melos in convivio, & quasi thus redolens de thuribulo, sic est verbum Dei, in corde puro. Sancti autem tui Domine, repleti spiritu tuo, memoriam abundantiae suavitatis tuæ eructaverunt, & eloquia sua nobis eructanda reliquerunt. Meus autem sermo sæpè clauditur inter angustias, ascendendi iter non habet. Sed si ignis desursum venerit erit ignitum eloquium meum. Et si incanduerit, mox consumet me. Non subsistam à facie ejus; quia sicut à vento palea, sic tolletur de corde mœstitia: & sicut rubigo ab igne, consumuntur peccata mea. Ignis divinus omnia comburens, mundabit aream cordis. Descende, & accende; modicum tange me, & evolabo. Præterita non erunt, & futura non computabuntur; quia omnia mala, oblivioni tradentur. Vetera transient, in abundantia nova venient, & affluent desideria sancta; atque ex omni latere consurgent, ubicunque flaverit spiritus almus.

5. Timor non erit, sed amor totum implebit, cessabitque quassatio: nam dextræ Dei est, hæc mutatio. Ideò quod loquor, non mea, sed ejus est laudatio. Consolatio lugenti est, panis datur petenti, haustum suscepit sitiens. Manus ægro data est, vacillanti baculus venit. Deficiens, vires resumpsit; requiem, lassus invenit. Desperanti nova lux oriri visa est, clamanti venit responsum. Caliganti infulsit dulce lumen, ignoranti via patuit, & porta ilico est resecrata pulsanti. Dubitanti, affuit veritas: titubanti, succurrit auctoritas: affectan-

P. al.



affectanter querenti, obviavit mater charitas. Cupienti dilecto loqui, occurrat lætior ipse: Ecce adsum, inquit: dic quid novi nunc accidit? An tibi excidit, pro me pati & agere debere? Volentem cum eo pergere, nec hoc prohibuit. Statimque ascendi, & oblitus sum, quicquid molestiæ habui. Desiderantem cum ipso habitare, noluit mox contristari, sed lenibus verbis edocuit, quia modò id fieri non convenit. Desiderium tuum bonum est, & placet oratio, quam præsentasti mihi: sed oportet adhuc differri. Vade & revertere in domum tuam; & annuntia tuis, quanta fecit tibi Dominus. Et dic eis; Præparate singuli corda vestra; & deponite grave onus peccati; & sitis cauti & fortes, adversus insidias diaboli. Vigilate & orate, ut non intretis in tentationem. Tempus prope est, ut veniam; videte, ut paratos vos inveniam. Ecce prædixi vobis.

## CAPUT XII.

*De unico & summo bono querendo.*

I.

Psal. 34.

1. **D**ic anime mea, salus tua ego sum. Quàm nobilis es anima, quàm mira virtus in te latet: quæ quiescere non vales, nisi summo adepto bono, & ultimo invento fine. Quo cognito & invento, cessat motus tuus. O bonum super omne bonum; ô finis sine fine; quando fruar te, sine modo, & sine fine? Multa hic invenio bona, sed quæ alterant, non quæ satiant. Porro unum est necessarium. Hoc unum quæro, hoc unum desidero. Propter unum omnia, & ex uno omnia. Hoc si habuero, contentus ero: & nisi potitus fuero, semper fluctuo: quia multa, me implere

non possunt. Quid hoc unum? Nescio dicere, desiderare me sentio; quo nihil melius, nec majus est, sed nec cogitari potest. Non enim hoc unum inter omnia, sed unum super omnia est. Deus meus est, cui adhærere & inharere, bonum mihi est. Huic dico, huic clamo: Dic animæ meæ, salus tua ego sum.

Psal. 72.

2. Quid ultra concupiscis anima mea, desiderio plena? Nonne melius est, ut uni adhæreas, quàm multis? Ex uno multa, non unum, ex multis. Cessa multa quærere, unè te junge, uni adhære, in uno totum consistit. Quærant alii, multa & varia ad extra: tu quære unum internum bonum, & sufficit tibi. Ecce alius villam quærit, alius in negotiationem suam vadit. Alius argentum & aurum multum congregat, alius voluptates ambit & honores. Alius amicos & cognatos requirit, notos & affines libenter visitat. Alius urbes & castella intrat, & varias mundi partes desiderio oculorum ductus lustrat. Alius sapientiam, alius potentiam, alius magisterium, alius regale aut principale petit obsequium. Et in hunc modum, alius hoc, alius illud, sive in sæculari, sive in spiritali statu, requirit. Pauci unum, & propter unum, purè & simpliciter quærunt. Ideòque nec stabilem pacem inveniunt, nec internam gratiam sapiunt. Quicumque enim non sunt Christi, nunc temporalia, nunc terrena quærunt: tanquàm nunc magni & gloriosi essent, si his omnibus abundarent.

3. Non ergò ad te pertinet, quæ isti quærunt, ô anima devota? Profectò nihil. Detestor hæc omnia: quia unum est bonum meum, unum diligo, unum

3.



requiro : & ipsum melius mihi est, quam omnia bona infra vel supra. Si tantum bonum invenisti, hortor te, & suadeo tibi, custodi & tene, pro quo omnia contempsisti. Nam illud habendo, cæteris carere non erit onerosum : immò pro ipso lucrando, omnia dare & pati debere, judicabis rectissimè dignum.

4.

*Colos. 3.  
Deus qualis sit piis  
hic, nomina ejus  
docent.*

4. Quære ergò nunc anima mea, tam singulare & supereminens bonum. Quamdiu in carne vivis, quærere ne cesses : quia nec satis inveniri potest, quod ad plenum comprehendi non potest. Erit autem finis quærendi, cum venerit hora fruendi. Tunc enim erit omnia in omnibus, ipse solus unus, sufficiens omnibus & singulis. Etsi ibi adhuc quæritur, ubi semper invenitur : non tamen sicut hic cum labore, sed summo cum gaudio & amore. Qualis autem sit piis in hac vita, multis docetur nominibus; nec ignoratur ab expertis. Adverte tamen aliquantulum (experientiâ magistrâ juvante, quæ sint divinæ pietatis nomina. Pauca tibi expono : sed plura atque sacratiora ejus doceat gratia. Ecce sponsus est amantibus : & qui adhuc in timore ei serviunt, metuendus Dominus. Pater est bonis filiis, malevolis autem districtus iudex. Infirmis est medicus; & sanis solidus cibus. Doctor est ignorantibus, & obtemperantibus sibi salus æterna. Via est incipientibus, veritas proficientibus, & vita perfectis. Spes est pœnitentibus, & iustis consolator optimus. Gloria est humilium, & pœna superbiorum. Lux est in tenebris, & lucerna in noctibus : dat medelam ægris mentibus, & vinum lætitiæ multum tristibus, Stat cum pugnantis,

*Sponsus  
Dominus  
Pater.  
Iudex  
Medicus.  
Cibus.*

*Doctor.  
Salus. Via.  
Veritas.  
Vita.  
Spes.  
Consolator.  
Gloria.  
Lux.  
Lucerna.*

ambulat cum proficiscentibus, currit cum ferventibus, volat cum contemplantibus. Adest orantibus, loquitur cum legentibus, quiescit cum meditantibus.

5. In omnibus his operatur unus atque idem Deus apparens singulis prout vult : & non est reprehensio in sermone ejus, neque investigatio operum ejus. Magna sunt enim & inscrutabilia judicia ejus : & nemo dicere potest, cur ita facis? & quare hunc magis quam illum eligis? Stulta est hominis interrogatio, adversus omnipotentem : & omnis adinventio filiorum Adam, vanitas & nihilum.

6. Quomodo placent tibi hæc, & qualiter sapit tibi Deus? Benè sapit mihi, & opera ejus non possunt mihi displicere. Justus est, & quis potest eum arguere de injustitia? Qui enim hoc fecerit, contrarium se illi constituit, & arguetur ab irreprehensibili lumine ejus. Sed hæc, quæ audisti, quid sunt in conspectu ejus? Vix scintilla modica est, ab eo, quod intrinsecus later. Quæris, quid istud? Dico : Nescio quid est : sed est totum supra me, & quasi inaccessibleis quædam caligo, cujus principium sicut & finis ignoratur. Sit proinde potior meditatio tua, & affectus frequentior, circa humilia vestigia Jesu; & noli ad alta citò conscendere, ne opprimaris à gloria. Verum quia amor intensus, interdum obliviscitur reverentiæ & timoris, tolerandum est, si aliquando de dilecto suo amans intensè inflammatur; ut quærat, non solum qualiter parvulus natus in præsepio vagiat, aut in patibulo crucifixus pendeat : sed qualiter gloriosus in cælo regnet, & cuncta sub cælo mirabiliter disponat.

7. Libenter sequor te amande Jesu, 7.  
in

*Prov. 25.*

*Isa. 1.*

*Can. 1.*



Matt. 6.

in terris, sed multò libentius sequeretur ad  
cœlos. *Ubi est thesaurus meus, ibi erit  
& cor meum.* Thesaurus meus tu es,  
charior omni creaturâ, qui es ad dexte-  
ram Patris. Pro me incarnatus, pro  
me elevatus. Exemplum mihi reliquisti  
in terris, præmium te servas in cœlis.  
Ad te igitur oculi mei, post te omnes  
gressus mei ibunt. Tibi dicit cor meum,  
*exquirat te facies mea, faciem tuam Do-  
mine jugiter requiram.* Uti quod Do-  
mine vilio gloriæ tuæ? *Quare faciem  
tuam abscondis, & arbitraris me inimi-  
cum tuum?* Scis utique, quia tam diu  
fertur huc illuc animus, trahitur & re-  
trahitur in diversa affectus meus, donec  
tibi tanquam suo amabili jungatur in  
cœlis. Vis etenim amoris quiescere  
nescit: sed de suo amato incessanter  
quærit, nuncios emittit, preces geminat:  
sed nec sic dimittit, quia amor omnino  
possidere vult, quod concupiscit.

8.

Trahi o-  
pus ha-  
bemus.

8. Trahe ergo me, ut currere inci-  
piam ferventer post te. Opus mihi est  
tractu, & magno tractu. Nisi enim  
traxeris, nemo venit, nemo sequitur;  
quia ad se quisque curvetur. Si trahis,  
ecce venio, ecce festino, curro, ferveo.  
Sin autem, nec curro, nec quæro; vix est,  
quod sequi desidero. Sed si manum  
dederis, tantò celerius curro, quantò  
fortius traxeris. Vox dilecti mei trahen-  
tis: *Et ego cum exaltatus fuero à terra,  
omnia traham ad me ipsum.* Jesu bone,  
trahe me post te: & non solùm ego, sed  
omnes curremus in odore unguento-  
rum. Primum itaque trahe me post te;  
deinde sequantur alii, viso exemplo bo-  
næ vitæ. At ne superbire possemus, bo-  
num est nobis hoc simul sentire; quia  
non in viribus nostris, sed in odore

unguentorum tuorum currere cœpimus.

9.

9. Hic est tractus divinus, sine quo  
proficit nullus: sed nec incipit aliquis, si-  
cut itidem dixisti: *Nemo venit ad me, Ioan. 6.  
nisi Pater meus traxerit eum.* Quem  
ergo trahit Pater, utique sequitur te, &  
deserit se. Bene tractus videbatur, qui  
dicebat: *Magister, sequar te, quocum- Matth. 2.  
que ieris.* Sed non est omnium, sic ad te  
affici: nec parvæ est animæ, tam paratè  
ad omnia sequi.

10.

10. Quid tibi obest anima mea, quod  
propter Jesum non deseris omnia? Qua-  
re tam invitè separaris, à vanis & pe-  
rituris? Quid juvant hæc vita? Ecce  
cum per res mortales & visibiles crea-  
turas pergis, volens in eis contentari,  
perdis meliora. A summo bono te di-  
vidis, cum hoc agis; & à vera, ac bea-  
ta, æternaque vita te avertis. Idcirco  
misera & infelix manebis, plena dolo-  
ribus & anxietatibus. Quocunque enim  
te vertere disponis, dolores semper in-  
venies, & tædia multa, nisi fueris ite-  
rum ad creatorem conversa; quia ipse  
est pax tuâ, & requies securâ. Verùm si  
in terrenis moram minimè feceris, nec  
pedem in limo fixeris; sed potiùs confi-  
deraveris, & venerata fueris in speculo  
creaturarum, non imaginem quæ transit,  
sed eum cujus est hæc imago & super-  
scriptio, beata eris, & non morieris. Cum  
enim cuncta visibilia non ad fruendum  
quæris, sed ad benedicendum Creatoris  
tui nomen aspicias, fabricando tibi ex  
summis & imis operibus ejus scalam  
quandam, cui innitaris ad sursum per-  
gendum; liberaberis utique à sæculi visco  
pessimo, & tuo desiderato fini satis inti-  
mè copulaberis; qui est super omnia  
Deus benedictus in sæcula. Amen.

C A.

Ioan. 13.

Cant. 1.



## CAPUT XIII.

*De unione anima cum Deo, & de subtractione gratia.*

**1.** **A** *Thesit anima mea post te.* Deus meus, consolator verus, tu scis, quia non tædet me tui; sed quotidie libet tibi in secreto meo loqui. Sed ubi te quæram, si fortè ad horam perdidero? Quis me perducet ad te? Tu super omnia Deus, & ego inter ista inferiora homo pauperulus. Tu in cælo, & ego in mundo. Tu solus altissimus, ego verò mendicus sum & pauper. Quis mensus est distantiam cæli & terræ? Hæc valde distant, sed tu longiùs à me. Quis ergò me tibi adunabit? Aut tu facies, aut nullus poterit. Veruntamen si vis, fiet utique celeriter. Tu autem nosti, quia cadere mihi procliviùs ex me est, ~~apud~~ te verò stare donatur, & proficere. Ideoque pender anima mea ex dignatione spiritus tui, & infusione gratiæ salutaris. Jubente te, elevabitur de terra; advertente autem te faciem tuam, ~~ad se~~ conturbabitur. Propter charitatem tamen tuam & mansuetudinem, assumes me, & deducet me mirabiliter ad te dextera tua.

**2.** *Quique terrigena & filii hominum,* audite; quia possibile est, ac facillimum apud Deum, ut fiat, quod scriptum est: *Simul in unum, dives & pauper.* Pauper ego sum, & omnibus indigens: sed dives iste, Deus meus est, nullius egens. Hujus rei etsi non magnam experientiam, habeo tamen fidele testimonium, unde id probem, quod possit anima Deo uniri per gratiam. *Dilectus meus* (inquit) *mihi & ego illi,* qui pascitur inter lilia. Hoc est testimonium amici &

amicæ, sponsi & sponsæ: conveniens satis & validum sacre legis testimonium. Secundum autem simile est huic: *Volo Pater, ut omnes unum sint, sicut & nos unum sumus.* Ecce duorum librorum præclara testimonia: quibus liquidè patet, Deo posse animam familiariter conjungi, secundum gratiam cœlitus ipsi datam. Et si res rara est, tamen valde chara est, nec amanti ignota. Quamvis quoque sit difficilis, non est tamen penitus impossibilis. Quam ergò Deus sibi sic conjunxit, nemo separare aut conturbare audeat. Si stupes dignationem hujus unionis, obstupesce & admirare excellentiam bonitatis ejus, nec non & assumptæ humanitatis singularem unionem. Licet ei agere, quod vult; qui *facit mirabilia magna solus.* Si meritum quæris, invenies beneplacitum voluntatis ejus.

**3.** O dulcis societas, cum Christo, & sub alis Christi. O gratiosa conjunctio plena dilectione & suavitate Spiritus sancti; quæ melius sentitur, quàm dicitur. Hæc pertinent ad animam, quæ omnibus mundanis se fecit alienam; quam non tenet amor vitæ præsentis, sed tursum vexit secretum mentis. Quantum istud notiùs est amanti, tamò obscurius est & mihi. Vellem tamen libenter interesse, quando animæ devotæ solet bene esse. Est autem illi benè, dum fuerit cum sponsa in meridie. Est & illi malè, & multum ægrè, si contigerit Jesum abesse; si desinant fluere aromata gratiæ; si minus sapiant literæ sanctæ; si tædet orationi aut meditationi insistere; si sic densantur cordis nebulae, & tantum prævalent cogitationes noxiæ, ut cohiberi vix valeant, sed penè si-

Ioan. 17.

Psal. 135.

Animam  
etiam hic  
posse cum  
Deo uniri.

Psal. 43.

Cant. 2.

mul



mal omnia bona priora obtrudere nitantur.

4.

4. O Domine Deus, quid sic facis? Quis est iste ludus? O pie Jesu, quid in hoc facto pratendis? Si tibi non displiceret, optatèr latius inter te & dilectam tibi, habere colloquium. Ex eo quod ipsa votis omnibus tuam gratiosam quærir præsentiam, qua castis fooveatur deliciis, miror cur ipsam pateris interdum sedere sic desolatam. Quasi ipsa non esset, quæ te expetisset: ita pertransis & recedis. Ipsa autem gemens, & sola. Ejus enim vox ista videtur; *Anima mea desideravit te in nocte*. Nox ei est, cum tu vera lux non ades. Precatur ergò tuam præsentiam; ne tenebræ peccatorum eam comprehendant. Sentit utique incommoda multa, subtractâ sibi visitationis tuæ gratiâ. Nisi etenim aliquid passa esset, non tam desideranter post te clamasset. Clamavit & altera, cujus verba jam supra; *Adhæsit anima mea post te*. Sed nullam æstimo huic tam molestam fore vel videri molestiam, quam tuam abesse præsentiam.

Isaia 26.

Psal. 61.

5.

Anima  
quare se  
obtrahit  
Deus.

5. Et non mirum, si ex hac etiam carentia, incidat anima amorosa, in quandam cordis sui languorem. Tu enim difficulter quandoque inveniris; & cum fueris tandem inventus, illa gaudet ad reditum, sperans lætum diem agere tecum: sed minus cauta de recessu tuo, nihil triste suspicatur. Tu autem aliud tacite tractans, sæpè fugam exhibes. Recedis quippe repente de manibus ejus, illâ non præsumente. Laudo te, in hoc quomodo laudabo? Si quid laudis habes & dulcoris, cur in hoc facto videris illud amittere? nisi tu esses, forsitan scandalum illi generares. Sed non potest

à Kemp. Soliloquium Anima.

in te scandalizari, à quo se novit tam valenter amari. Si ergò quid justæ rationis tali documento figuras, indica mihi, obsecro Deus. Vellem enim libenter intelligere: nec inutile judicò, vel parum inde scire. Occulta namque judicia tua, nemo per se intuetur; sed lux tua est, quæ obscura quæque illustrat, & noxia fugat.

6.

6. Quare igitur est, quod te subtractis interdum tam occultè ab anima, ipsâ ignorante? Diligis eam, an non; Si diligis, cur fugis, dilecte mi: Si non diligis, cur pridem visitasti? Etiam si non diligis, cur denudò reverteris, & ostium pulsas, & intras? Nunquid levitate uteris, eundo & redeundo? Absit. Sed non est illi leve, tam frequens alteratio; quinimò, nascitur turbatio non modica. Adhuc minor forsitan querela esset, si palam illi diceret; *Vado & venio iterum*, & gaudebit cor tuum, & gaudium tuum nemo tollet à te. Nunc autem proverbium nullum dicis sed illius verbi recordatur, cujus veritatem experitur; quia Jesus abscondit se, & exiit de templo. Habeo ergò adversum te pauca; sed ex bona radice, orta est mea conquestio. Cupio humiliter eruditi, non impatienter litigare. Dabis proinde interroganti responsum, cum fuerit opportunum.

Joan. 26.

Joan. 8.

7.

7. Loquatur etiam ad majorem intelligentiam, aliquid pro se anima devota. Responde & tu liberè partem tuam. Dilectus enim patienter te audiet, & occurreret verbis pacificis ne detrimentum ex eo patiaris. Quis enim te consolabitur, si non ipse fuerit consolator? Et tuam infirmitatem quis clementius feret, nisi qui cuncta sine onere portat? Cur etiam tutius revelabis,

D

si



si quid triste habueris, nisi omnia plenè scienti? Aut cui magis fidem dabis, nisi non fallenti veritati? Jam hæc, si quis externorum audierit, & qui non est de amicis Sponsi, præ foribus arceatur. Sin verò Sponsum diligit, si fidelis fuerit, si devotus & internus, liber illi concedatur ingressus. Si custos conscientia, si amator virtutis fuerit & disciplina; si affectu purus, & intellectu clarus; si in se humilis & ad suos pius; si bona audita non malè capere, non vanè efferre, non temerè arguere, non animosè defendere, non superbè prædicare, novit; sed econtra, non intellecta venerari, obscura & mystica sanè interpretari didicit, talis introducatur, & huic intersit gratis colloquio. Affectus enim cordis ex verborum sonitu, magis pensari debet, quàm vocum qualitates. Indica ergò mihi anima, qualiter te sustines, absente dilecti gratia? Ego me sentio minùs leviter posse sufferre, si se in longum voluerit differre; & puto, aliquid simile de te. Si vis sedeamus hic pariter, & conferamus super hoc verbo, pro aliqua consolatione nostra.

## CAPUT XIV.

*De tristitia anima, absente dilecti gratia.*

I. **D**ormitavit anima mea, præ tadio. Quis est iste sermo, quem loqueris? Quare dicis Sion, reliquit me Dominus? Noli timere filia Sion, anima amans & speculans; ecce Rex tuus, dilectus dilecti, veniet tibi. Surge, sta in excelsis; & vide jucunditatem, qua veniet tibi à Deo tuo. Quæsvi (inquit) & non inveni: vocavi & non respondit mihi; propterea dormitavit anima mea, præ

tadio. Et ego: Hæc vox turturis, amisso compare. Non est hodie, sicut heri & pridie, quando cantabas cantica lætitiæ. Præcessit manè, venit vespèra; Sponsus autem cubat in meridie, nec datur accedere. Verba tua tristitiam sonant, & oculi tui lachrymis rigantur. Anima in dolore es, & consolari opus habes. Sed dic, unde est? Non est mihi super auro & argento, aut qualibet re mundi quæstio; non de lucro aut damno, non de injuria aut penuria, quæ mundo jam mortuum sum, & crucifixa. Si benè te novi, dju omnibus mundanis abrenuntiasti. Sed an etiam te in omnibus perfectè abnegasti, & usque ad contemptum tui veneris, inquirò. Hoc paucissimorum est, & exigitur specialiter à te. Unde est ergò dolor tuus? Quid amisisti? Si de dilecto est, scio, quia non immeritò tristitia implevit cor tuum nec est quidquam tibi jucundum, donec revertatur, & reddat tibi aspectum suum. Sed quomodò interim te sustines, ô delicata & innixa super dilectum? Et mihi constar, quia semper pro voto non adest. Ergò dum abest, quid solatii habes, & in quo te quietas? Narra mihi secreta tua, etiamsi sint dolere plena. Te Christum absentem dolore nemo dubitet, nisi qui non amat. Habes modò tristitiam, sed de Sponso Christo, non de mundo isto. Et scio, quod illo revertente, iterum consolaberis, quia non in perpetuum tui obliviscetur. Dixit enim: *Non relinquam vos orphanos; vado & venio ad vos.* Non ergò sunt vacua verba tua, cum tanto dolore prolata; sed cor amantis ostendunt, & gelidum cor feriunt, quod amore Christi non ignescit. Vox enim tua dulcis, vox turturis, non clamor murmuris.

Ideo

Psalm. 138.

Barn. 4.

Cant. 5.

Joan. 14.



Ideo confido, quod invenies eum, quem doles amissum.

2. 2. Interrogo tamen te; Quid dicis de eo, quem sic absentem ploras? Bonus est, an aliud suspicaris? Et quidem bonus, & bonus valde; iustus & fidelis, in quo non est iniquitas, sed nec esse potest. Cur igitur doles de bono, in quo non est dolus? Non de bono doleo, quia bonus est, sed me miseram lugeo, quoniam bonum & fidelem amicum amisi. Ego, ego sum, quæ merui: sed væ, væ, quia sollicitè gratiam ejus non custodivi. Perdendo didici, quid habendo possedi. Indicat dilecti absentia, quid contulit ejus præsentia. Latabar cum eo, & jucundabar: sed minus cauta fui de recessu celeris. Veni saliens in montibus, hilaris & jucundus, in ostiis domus meæ. Et statim clausi fores carnis, & introduxi ad me dilectum. Sedique cum eo, & requievi sub ejus ambraculo, à turbine & à pluvia. Et gavisa sum, viso dilecto. Quid ni gauderem? Ipse gaudium meum, & exultatio cordis mei. Eja quid habui, quid in illa hora possedi? Non possum indicare tibi, quam bene mihi cessit; nec nunc quidem dicere expedit. Plus desiderare non potui præsentem illo, quem solum dilexi.

3. 3. O quantum dilecti quando me & omnia neglexi. De omnire, quæ me delectare potuisset, parùm vel nihil curavi, quia ejus amor me totam rapuit; & quicquid ipse non erat, incongruum videbatur, & insipidum. Quo ablato, projectum est cor meum penè extrà me. Dependebat enim anima mea, ex gratia ejus; quia aliud non habui solatium, nisi hunc, quem plango subtractum. Sufficiebat mihi, & satis erat, ad omnem

lætitie varietatem. Sicut volebam, sic ille erat; & quicquid mihi præcipiebat, libenter acceptabam, meque illi totaliter & promptè donabam. Et concors animus, & tranquillitas magna nobiscum. Nec fuit ausus quisquam nostrum irrumperere silentium, illo nimirum sic jubente per os suum: *Adjuro vos, filia Hierusalem, per capreas hinnulosque camporum, ut non suscitatis, neque evigilare faciatis dilectam, donec ipsa velit.* Jam nunc perpende, si vales verba mea sentire; quantum mihi de absentia dilecti, necesse sit dolere, cujus ex præsentia omnibus bonis cæpi abundare. Ad hæc respondi: Scio, quid loqueris; experimento sæpius probavi, quod dicis. Sed in hoc consolemur; quia ejus dispensatio voluntatis, nostræ devotionis est profectus. Et nunc quæ dixisti, grateranter suscepi; sed adhuc perfectius ea vellem audire. Tardioribus enim sensu, opus est morosior declaratio.

## CAPUT XV.

*De scrutineo super dilecto, & donis gratie ejus.*

1. **B**enedictus Deus, qui non amovit misericordiam suam à me. Ad. *Psalm. 66.* sum igitur, pio rursus scrutineo quærens, si quando te sine interna consolatione reliquerit dilectus, quid interim agis? quid etiam super hoc consulis? quali quoque arte possit reconciliari vel revocari? Rogo te, [ & charissima & devota Christi amica ] nihil horum fileas à me, quæ venerim interrogare. Potes prodesse hac vice, pandendo mihi, quod piè sentis. Ex tuis sermonibus, potero mensurare pondus mei doloris,



an iuste sit vel iniuste, quod dolui. Vidi enim te quandoque hilarem, quandoque verò tristem; rursusque conspexi gaudentem, & ex te perpendi aliquantulum me. Sed causam hujus mutationis, hanc reor esse potissimam, de transitu & reditu unici dilecti tui. In quo casu plura te percurrisse intelligens, informandus accessi.

2. At illa: Desideriis tuis annuens, conabor saltem modicè propalare, quæ intrà me aguntur, sive cùm fuero cum dilecto, sive cùm ablactata remanserò sola, expectando eum, quem diligit anima mea. Sanè hoc primum noveris: quantum mihi gaudii & dulcedinis ejus confert gratia, tantum doloris & amaritudinis ministrat illius absentia. Sed cur sic dispensat vices suas, vellem eum potius dicere quàm me. Audies autem, cùm complevero verba carminis mei; quia postremò introducemus eum ad nos, sedensque in medio nostri, docebit nos ordinationem suam, quam solitus est exhibere amantibus. Sed jam audi patienter me, & imperfectum eloquium meum non sit tibi grave. Ad excitandum namque corda nostra invicem convenimus, ut vel pariter lugeamus, vel ex amore insimul gaudeamus.

*Ecclesi 4.*

*Va enim soli: quia cùm ceciderit in tristitiam vel tentationem, non habet sublevantem. Et si fuerint duo pariter, confortabuntur mutuo; dum uno tristante, alter consolationem ingerit; aut si consolari respuit, compassionem mox præbet, & super amico contristari vehementer incipit, sicque fit, ut aut pariter gaudeant, aut de ablato gaudio, lachrymis se mutuis consolentur. Et quamvis adhuc dolor de adversa causa, vel de re flebilis in-*

sit, animæ quiores tamen fiunt; quia tam unicordes se inveniunt, ut rebus mutatis, corda minimè mutari seu corrumpi potuerunt. Quid non diceret, consideratâ hâc animorum tam fidâ concordia; *Ecce quàm bonum, & quàm jucundum, habitare fratres in unum.* *Psal. 127.*

3. Possùm igitur liberius tibi dicere, quod sentio; quia nil doli vel captionis, in te formido. Ecce iste dulcissimus Sponsus & dilectissimus amicus meus, Dominus meus Jesus Christus, amator animarum sanctarum, ex amore cessare non valens, attraxit me miseram ad se. Et cùm non essem, dedit mihi esse, vivere, sapere, & communi hac frui luce. Contulit & renasci per gratiam baptismi, & summorum me vestivit gloria meritorum. De hinc, cùm multis peccatis me deformassem, & inepta ad redamandum essem, non aspexit ad meam sceditatem, sed ad sinum miserationum suarum. Etenim adhuc longius me vagante, vocavit per gratiam suam, non sinens me petire in hoc sæculo. Providit deinde locum mihi ad pausandum modicum, quamdiu in hoc fragili corpore dego. Non est tamen vera pausatio, neque diuturna ista qualiscunque habitatio sub umbra dilecti. Illa est vera pausatio, quæ post præsentis vitæ labores, percipitur in patria. Est tamen suo modo suavis quædam animæ revelatio, ad Deum suspirantis, exutam se videre à gravibus sæculi nexibus; & illic jam esse, ubi possit dilecto plenius servire, atque in secreto sibi & illi vacare.

4. Non defuit etiam diversis necessitatibus meis, juvenis & in tentationibus primitivis. Frequenter quoque me sermonibus utilibus instruxit,

3.  
Dona gratiæ Dei  
erga animam.

con-



confirmans me in verbis suis. Et sicut novellæ plantationes rigari solent imbribus, sic internis me rigavit consolationibus: ne tanquàm testa, virtus in me inchoata aresceret. Et dixit mihi: Si volueris & audieris me, videbis omne bonum. Si feceris, quæ dico eris amica mea. Si me elegeris, & super omnia amaveris, fiet tibi à Patre meo, quodcunque petieris. Si autem me dimiseris, erit tibi hoc in offendiculum, & ponam zelum meum contra te. Et cum quæsieris alterum, non tibi diu placebit: sed in tadium & amaritudinem convertetur: qui ego salus, & vita sum animæ. Et converti me ad eum, qui benefecit mihi; & excutens me de pulvere terræ affectionis, statui in corde meo, de reliquo vivere illi soli, quoniam nihil melius eo, nec ullum salubrius hoc pacto.

5. §. Eant, & requirant, quicumque volunt, quem ament, & cui serviant; mihi compertum est, hunc verum esse animæ virum, pro quo nec mori erit difficile, ut ejus semper inhaream amoris. Adhæsi ergo illi, placuit enim mihi: nec meliorem invenire potui. Talem enim vehementissimè desideravit anima mea, quo nemo major, nec melior, nec dignior esset, & qui omnibus bonis afflueret. Et quia multum benignus erat, consolatoria adhuc verba dabat; prævidens sollicitè, ne quidam asperitate & duritiâ nimia, me terrerent & frangerent; sed quod leve ac suave esset ad porrandum, magis imponenter & docerent; ut sic affectus initiatus melius traheretur, ac fortius in amatum tenderet, nec resiliret. Melius, [inquit,] docebitur & proficiet, si non coactè, sed

spontè provocetur. Facilius suscipiet jugum meum, si amor magis per præmiis invitaverit, quàm timor per supplicis terruerit. Quod si impulsu indiget, solerti moderamine tamen fiat, ne violentia subruatur. Ipse enim sciebat, quid novellæ plantationi expediret; & quid mihi postmodum utilitatis, hæc ipsa pietas conferret, maximè instante probationis tempore; cum possem faciliter recogitare, quanta in initio fecisset animæ meæ, & ideo non deficerem in aliquo certamine. Nec mox mihi indicare voluit, quæ & quanta in ejus servitio passura essem: sed latis quandoque permiscuit tristitia, considerans imbecillitatem & incapacitatem primò nascentis fructus, donec ad ardua convalescerem.

6. Post hæc circumduxit me, & docuit, atque portavit in humeris suis. Circumduxit per paginas sacras, & sancto flamine me armavit contra diaboli nequitias. Proposuit mihi omnium virtutum specularia, sanctos videlicet Patriarchas & Prophetas ac novi Testamenti gloriosa luminaria. Circumduxit me etiam per loca eremi, & tabernacula Ægypti; ubi vigere inceperat & crescere Monachorum ac cœnobarum nomen magnificum, qui suis exemplis imitabile & credibile fecerant, suave esse jugum Domini, & amaram atque fallacem latam viam sæculi. Docuit me, sicut mater parvulum, frangens mihi nubes spirituales, & inferens faucibus meis nucleos, quia dulces erant ad vescendum. Investiga, si potes, quid significant, & ubinam tales inveniantur. Aperi codicem Apostolicum, & conjectis oculis lege, si potes tanta capere mysteria. Revolve Isaiam, inspicie Evangelium,



Obscuritas  
in sacris  
litteris, nu-  
cleus est  
in testa.

lumen omnium luminarium; & vide, si non producant ex se dulcissimos nucleos. Quicquid ex his inveneris obscurum, & intellectu difficile, nucleus in testa est. Sed si audieris exponi, & intellexeris, quod ante non potuisti, testa nucis frangitur, & dulcedo nuclei saporescit in corde. Sic & in aliis sententiis subtilioribus æstimandum est. Unde & tot potes inveni-  
tueri nuces, quot sensus latentes.

7. Et quomodo putas portavit me in humeris? Fecit hoc quotiescunque infirmitatem meam aspexit: nec tamen abiecit, neque despexit, sed patienter & longanimiter me sustinuit. Portavit etiam me in humeris suis, quando aliis inspiravit, & virtutem dedit, patiendi infirmitates meas, & quicquid in me reprehensibile erat. Portavit adhuc multo charius me in humeris suis, quando *bajulans sibi crucem, exivit in eum* (qui dicitur, *Calvaria*) locum, ubi & crucifixus est. Ego enim ibi portabar ab ipso magis, quam crux ipsa. Et erant onera graviora humeris ejus peccata mea, quam hoc lignum crucis. Nam propter me, portata est crux illa, non propter ipsum. Meruit tamen dedicari & honorari propter eum, qui bajulavit eam, & mortuus est in ea.

Joan. 19.

8. O quantum mihi super omnia amandus est & venerandus, cujus merito & gratia sic quaesita sum, & redempta? Erit igitur mihi dilectus iste, sicut unicus matri suæ. Et ego veraciter novi, quia nequaquam ejus convectione dilectioni. Tamen quicquid præsumpsi, de illius processit dignatione. Et consequens non fuit, ut illo tam benignè se gerente ad me, non occurrerem ad vicarios amplexus. Memoriter

teneo, quid dixerit David: *Quis sum ego, ut fiam gener Regis?* Sed est longe major ista, quam illa affinitas: quia hæc est cælebs & sincera cognatio, ubi caro & sanguis locum non habent: sed fides inviolata, & bonæ conscientiae ad Deum interrogatio. De qua & ille discipulus, quem amabat plurimum Jesus, dicit: *Quia major est, qui in nobis est, quam qui in mundo.* Deus enim charitas est, & ipsa hanc cognationem parturit. Cum ergo David tantum se humiliat, ut gener terreni Regis fieret; quam humiliter me oportet sentire, quod Rex Regum Dominus, me pauperculam dignatur agnoscere, & ad sui amorem trahere?

1. Reg. 18.  
Cognatio  
sincera  
quæ.

1. Joan. 3.

9. Fecit itaque mecum, non sicut merui; sed quemadmodum benevolentissima virtus ejus dignabatur, sicut per omnia, charitati & infinitæ bonitati ejus, placere videbatur. Fælix & benedicta anima, divini amoris vinculo colligata. Quam nobilis & ingenua, quæ tam sanctæ copulæ non ignorat vota? & quia jam prolixior sermo de dilecto processit, nec tamen quod quaerebas, narratum est: ex ordine alius succedat, quem ipse nobis dulcem ac fructuosum facere dignetur.

## CAPUT XVI.

*De benigna protectione dilecti, & sustententia anima.*

1. **E**cce, sicut oculi ancilla in manibus domine suæ; ita oculi mei semper ad dilectum meum. Ex eo tempore, quo amare eum cœpi, etiam perseverare cum ipso volui. Quod cum instituissém, placuit ei hoc ipsum, & confirmavit, dicens: *Qui manserit in me, & ego in eo, hic feret fructum*

1.  
Psal. 123.

Joan. 15.

Nu-  
alib-  
eus  
qua-  
cal-



*fructum multum.* Sed ut probaretur virtus dilectionis quam vera, quam fortis, & quam casta esset, necesse fuit, ut tentatio illud aperiret. Tentari autem non possem, nisi ipso permittente, & paululum se abscondente. Et quia ad purificationem interioris hominis, necnon ad fecundiores fructificationem virtutum, atque clariorem spiritualium donorum perceptionem, tentatio proficere solet, ipsa me apprehendit, & exercere cœpit. Quam fortiter, & quam frequenter huc illuc me jecit, quem nullum lateret secretum, Deus & Dominus meus clarissimè novit, qui testis est omnium, quæ in corde meo gerebantur. Et usque nunc me conspicit, aliud quam fragile figmentum esse cognoscit.

2.

2. Nisi ergo adjuvisset me, quando gravabar tam anxie, ita ut vivere vix me crederem, *paulominus habitasset in inferno anima mea*, tanquam prolapsa in desperationis foveam. Sed ipse misertus est mei, qui tribulatis corde consuevit adesse. Quis enim ad tolerandas prævaleret tam multas tentationes, nisi Deo se protegente & adjuvante? Quod igitur stare potui ante faciem venti, ejus fuit misericordiae. Et quod adhuc stare me cognosco, ex ejusdem pietatis munere venit. Unde mihi nequaquam confidere debeo, donec in carne vivo. Etiam si cælum serenum sit, non puto, quod securitas amodo erit. Subito enim aër concitabitur, & fortassis quando minimè æstimatur. Tanto igitur magis mihi necessaria est dilecti mei gratia & protectio, quanto verius experior penè omnia patere periculis. Nusquam locus tutus est, nisi in cælo; ubi dilectus meus pascat electos suos, in lætitia & exultatione.

Nusquam  
alibi lo-  
cus tutus,  
quam in  
cælo.

3. Sed quando ibi? Dicere inde quid possum? Cogitare vix modicum inde licet, nec tamen clarè: sed introire minimè licet. Utinam veniat ipse, & collocet me in loco pascuæ sanctorum, lucidissimo, tutissimo, & amenissimo, ubi non est Satan, neque occursum malus. Adhuc in mari laboro, & an portum attingam salutis, propter tentationes ex diverso afflatu tumescente, ignoro. Nihil ergo in tuto mecum agitur; sed hoc mihi pro scuto & tegumento manet, quod fidei lumen semper aspiciam; quod dilecti mei gratiam humiliter requiram; quod bonam spem ad eum indefessè geram; quod ab ejus charitate separari nullatenus consentiam; quod denique ejus providentiæ & abyssali misericordiae, plusquam propriæ industriæ, me relinquam. Quapropter licet etiam frequentissimè titubem, ac nonnunquam in vitia cadam, nequaquam tamen desperare debeo, sed ad ipsum instanter clamabo & ejulabo: Domine Deus meus, miserere animæ meæ; & ne sinas me periclitari in tentationibus meis; sed adjuva me fideliter, ut fortiter resistam & vincam. *Operi manuum tuarum porrige dextram*, qui me probas per Satanam, & sæpè ponis ad partem sinistram. Quod si tam gravis tentatio advenerit, quæ me ad Dominum clamare prohibuerit, mox ex intimo corde suspirabo. Ipse enim novit abscondita cordis; & scit, quid desiderat spiritus. Non enim est voluntas ejus, ut pereat unus ex his pusillis, qui credunt in eum.

4. O quam magna misericordia ejus super me, etiam ignorante me, vel non advertente, quod mecum fuerit in tribula-

3.

Iob. 24.

Ps. 43.  
Rom. 7.

4.



tribulatione? Nam multoties servavit me, ut non traderer passionibus. Quandoque verò ex occulto ejus judicio factum est, ut caderem, & vincerer etiam in parvis, ne fortè superbirem, & præsumerem in magnis; sed humiliata & confusa discerem, quia nihil etiam eram, cum bene stare videbar, & florem. Suadeo ergo, ne temere aut citò me laudes, licet prosperè procedam; sed fini sancto reserva potius laudem; immo non me, sed Dominum lauda. Laudetur solus gloriosus Deus, qui astitit mihi frequenter in tentationibus meis.

5. Sæpè namque cum capta essem ab eis, piè liberavit me. Interdum autem venientes, ut turbo, ad dispergendum me, emisit sagittas suas, & dissipavit eas, fulgura multiplicavit, & conturbavit eas. Et recesserunt à me usque ad tempus. Nam omninò carere eis me noluit, quod rarè alicui sanctorum in hac vita donavit. Habui ergo post hæc, modicam requiem, pacem largiente dilecto meo. Quà tamen adeptà, non ad corporale, neque ad sæculare otium me contuli: sed ad mentale otium me verti, ut terram de longè cernerem, & cæli jam secreta parumper inspicerem. Intendi itaque mihi, ut viderem, qualis essem, & quibus modis illi melius place-re possem; qui tanta mihi dilectionis ostendit signa, merita mea valdè excedentia. Non enim poteram in turbine tentationis videre, quàm suavis esset dilectus meus: sed in sereno mentis, & quiete solitudinis. Et quantum in me erat, hanc pacis serenitatem sine intermissione optabam; ut illi perfectius

adhærerem, & sine aliqua abstractione & molestia vacarem.

6. Sed non secundum desiderium animæ, effectus semper comitatur gratiæ. Datur tamen nonnunquam desiderata dulcedo, nonnunquam verò differtur ex justo. Cui etenim non optabilius foret, sub umbra pausare dilecti; dummodo liceret, dummodo tempus & locus admitteret? Nunc autem vicissim operatur mecum dilectus meus. Nec semper sentio, quod turbat; nec indefinenter fruor, quod delectat; sed fit *vespere & manè dies unus*; quia cundo & redeundo per læta & tristitia, agitur tota hæc mortalis vita. Senserat nimirum hoc idem sanctus, qui dicebat: *Vistas eum dilaculo, & subito probas illum.* Videtur tamen aliqualis requies, si non nimis continua sit aut importuna tentatio. Cum ergo donatum mihi fuerit, vel parum in dilecto meo suaviter requiescere, gratum omnino habeo, & optabile. Gaudeo in hoc, & semper gaudebo, pro tam deifico munere.

7. Præstat insuper fiduciam affandi eum, quacunque de causa fuerit; quod toties benigna visitatione sua, me gratis prævenit. Siquidem ipso appropinquante, & diem festum mecum agere volente, subito lux cordi meo insulget; ante cujus conspectum, omnium inanium cogitationum caligo pellitur, & diu optata serenitas possidetur. Ad ingressum namque ejus, stare non potest aliquid turpe aut indecens, quia munditiæ amator est & insertor: sed necesse est, ut abscedat omnis illusio diaboli, cum omnibus pompis mundi. Suppressis ergo passionibus & tentationibus meis,

6.

Genes. 1.

Job. 7.

7.



meis, quas pertuli, clariùs eum cœpi agnoscere, atque ferentius diligere; studui quoque gratias eidem agere, quòd iam serò dignatus sit, vitiorum à me tumultus prohibere. Etenim ipsa solent inquietare pacem meam, & obstruere moliantur os meum, ne loquar ad dilectum meum. Sed frustra est eorum conatus adversus potentiam & sapientiam ejus, qui in quolibet tumultu, potest illabì cordi meo, & secreta sua mihi silenter infundere; ita ut cunctas eorum mutationes pro nihilo ducam, penitusque non advertam.

8. 8. O mi cordialissime, & pulcherri-  
me dilecte, sic quæso assume me ad te,  
quotiescunque videris affectus meos pre-  
mi aliqua vitiorum mole, aut teneri in-  
utili occupatione; ne longius à te, post  
greges malarum cogitationum, vagari  
incipiam, ac concitò privari gratia tua,  
sine qua non potero durare in tua exqui-  
sita amicitia. *Tu es enim Dominus meus,*  
*& Deus meus,* qui verbò tuo omnia sa-  
nas & sanctificas; *qui posuisti animam*  
*meam ad vitam, & non dedisti commo-*  
*veri pedes meos;* sed de tempore iniquo,  
& de laqueis mortis, extraxisti me. O  
quanti derelicti sunt & perierunt, qui  
innocentiores me fuerunt? *Benedic igitur*  
*anima mea Domino, & omnia qua in-*  
*tra me sunt, nomini sancto ejus! Benedic*  
*anima mea Domino, & noli oblivisci omnes*  
*retributiones ejus.* Parum est utique, &  
modicum nimis, quicquid dixeris, aut  
cogitaveris, vel promiseris in laude ejus.  
Major est enim omni laude, & suavior  
omni melodia. Propterea adhæret tibi  
anima mea, & super omnia data te dili-  
git; quamvis pulchrum sit & dulce, quod  
mihi ex charitate miseris. Tu namque

à Kemp. Soliloquium Anima.

solus Sponsus es, cætera donaria sunt, &  
indicia amoris. Non diligam ea pro te;  
nec credam sine te, omnia mihi posse suf-  
ficere, ne fortè cum illis amittam & te. Uti  
propter te multis finis: sed pro te frui,  
nec aliquibus rebus vis. Ideò dilecte mi  
Sponse, Jesu Christe, omnibus te  
proposui, & præ omnibus amare cu-  
ravi. Da ergo sæliciter te frui, & in-  
fruibili unionem unam tecum perpetuò bea-  
tificari.

9. Sed quòd perveni? Longius forsitan  
te protraxi, quàm volebas. Sed indul-  
ge, amice. Sustulit enim me paululum  
amor summi ac unici amici; & utinam de  
cætero magis sustollat ac te pariter levet  
in altum. Provideat nobis ipse ec-  
lestem ascensum, nos autem teneamus  
humilem descensum. Si relinquat in-  
terdum, à dilecto quæris? Dico, etiam.  
Quid facis inter hæc? Sustineo me, quan-  
tò æquanimius possum, & expecto do-  
nec veniat. Natura gravor; sed spiritu  
me interius sustento, ne sit inconsolabi-  
lis dolor. Memor sum, quia sine dolore,  
non vivitur in amore. Ex fide vivo,  
scripturis sanctis credo, verbis consolato-  
riis assentio. Et licet adhuc malè ha-  
beam, melius tamen posse fieri non dis-  
fido; nec diffidere debeo. Vera sunt o-  
nim & firma, quæ narrantur per sancto-  
rum eloquia. Ipsi namque in multis ex-  
ercitati & probati sunt, in similibus na-  
tura alleviari, semper opat, & in aliquo  
consolari quærit: sed spiritus tamen  
promptus est ad perferendum omnia,  
quæcunque Deus pati me voluerit. Si ita-  
que inde votior & pigrior ad bona fa-  
cienda fuero, propterea non erit sine re-  
medio plaga mea. *Etiā si occiderit me*  
*[ ait justus ] in ipso sperabo.* Si virtutes di-

Utinam  
rebus.  
fruiamus  
Deo.

Sublatâ vi-  
sitatione  
Sponsi, quid  
agat anima.

Job. 19.

E

ligo



ligo, patientia magna virtus est, servetur ergo & modò. Difficultas namque operis, sæpè auget claritatem virtutis. Ut autem probeatur virtus, magisque clarificetur, per contrarios solet experiri successus. Cum igitur tale tibi probamentum advenerit. ne diffidas, nec concedas; sed conserva patientiam, & Dei commenda justitiam.

10. 10. Non est Deus tam severus & im-misericors, ut diu inconsolatum te patiat<sup>ur</sup> manere. Tantum caveas, ne immoderate doleas, & velis adversus justum & sanctum remurmurare; quia relinqueris, ne & malignus spiritus acerbiores tibi tentationes, de fide & blasphemia immitat, & ex his nimium pavidus plus crucieris, quam oporteat. Idcirco sustine te modicum, & comprime dolorem etiam quantalibet tibi gravedo cordis aut corporis ingeratur. Permane firmus in bono proposito, quod instituisti servare ab initio. Juvat enim in tali maxime articulo, omnem spem projicere in dilectum. Expecta patienter consolationem caelestem, senties citò uberem gratiam, & Dei respectum. Ecce habes fidelem testem dicentem: Expectans expectavi Dominum, & intendit mihi.

*Psalm. 39.*

11. 11. Ut autem proximo illam merearis consequi, interim sæpius ora, & pro te orari supplicæ; sicque te totaliter ejus committe voluntati & ordinationi, ut faciat tecum, sicut sibi placitum magis fuerit. Dicisque illi, cum bona confidentia: In manibus tuis tempora mea; tu scis, qualiter mecum sit, tu cognoscis, quid patior; & nunc si vis, citius consolabor. Fiat tamen semper, quod tibi rectum & bonum videtur in oculis

tuis, & miserere mei pauperis & desolati mendici, ad te humiliter gementis. Si igitur in patientia & longanimitate perseveraveris, nec propter modicam tribulationem à fide & castitate, quæ est in Christo Jesu, declinaveris; perfectò revertetur ad te splendor gratiæ ejus, & illuminabit te copiosius. Eritque multo charior dilectus revertens, quam si nunquam absens fuisset. Non enim est irrevocabile verbum: nec sic offensus est, ut jam ultra nequeat reconciliari. Placabitur citius & facillime, dummodo tu operam dederis, & cavere melius, & satisfacere maturius sponderis. Si his salutaribus monitis acquiescis, erit tecum dilectus sicuti prius, & ex illius præsentia jucundaberis, & dices: *Quam magna multitudo dulcedinis tue, Domine, quam abscondisti timentibus te.* Perfecisti eis, qui sperant in te; *sub umbra alarum tuarum*, protege eos. O Sion renovaberis, & videbis inclytum tuum, qui regnaturus est in te. Ipse est Rex virtutum, & dilectus tuus, *cujus posteriora in pallore auri*; sed *caput ejus, aurum optimum.* Hæc pro tua consolatione, per paucis sunt dicta. Reliqua verò de dilecti mutatione promissa, qualiter nunc videlicet apparet, nuncque discurret, sequenti narratione ab ore ejus suscipies, & audies.

*Psalm. 30.*

*Isaia 62.*

*Psalm. 67.*

*Dan. 2.*

## CAPUT XVII.

*De responsione dilecti, qua sit ratione recessus sui.*

I. **M**irabilia opera tua, & anima mea cognoscet nimis. Quid est dilectæ mi, quia sic fecisti mihi? Ut quid me dereliquisti? Responde mihi. Reliquisti me, & abiisti. Sed & denuo repedasti.

I.

*Psalm. 138.*



pedasti. Et in hoc bene fecisti. Si non citò venisses, pene defecissem. Sed misertus es mei, conscius secretorum meorum. Etenim tristis eram ex recessu tuo, & nunc pro tua reversione consolata sum. Dic tamen aliquid ad doctrinam meam, quid boni in hoc præstidisti? Quid te juvat sic discurre, & me affligere? An te audire delectat? *Mane nobiscum Domine, quoniam advesperascit.* Veni, & sede in medio nostrum; quia ecce ego, & alius quidam discipulus, te audire cupimus: & obsecramus, ut doceas nos. Dic fidenter quod placuerit: & ad me, si vis, verba tua converte. Nullum libentius quàm te, audio loquentem. Et si quis alius loquitur, propter te qui in eo loqueris, sermo ejus mihi gratus & audibilis efficitur. *Erunt igitur eloquia tua, dulciora mihi super mel & favum,* vincunt enim omnem suavitatem verborum. *Sonet jam vox tua in auribus meis.*

2. Intonuit ergo vox dilecti mei, & dixit: Ego, qui loquor justitiam. Quis similis mei in consilio & prudentia: Quis fecit mare & aridam? *Ego Dominus, formans lucem, & creans tenebras.* Quis intravit abyssum, & de profundo eduxit aquas? *Ego Dominus, scrutans corda & renes.* Quis cognovit omnia novissima & antiqua? *Ego Dominus, qui feci omnia in numero, & pondere, & mensura.* Ego Creator cæli & terræ, Rector omnium sæculorum. Ego secretorum cognitor, & occultorum revelator. Ego universa complector, singulorum causas intueor. Ego Deus, & non mutor; apud quem omnium mirabilium stant immutabiliter rationes. Ego Deus omnipotens, cujus potestas insuperabilis. Ego altissimus, cujus altitudo

inattigibilis. Ego bonitas, cujus entitas incapabilis. Ego præsentissimus & secretissimus. Ego intimus, & à sensibus remotissimus. Ego omnia sine onere porro, cuncta sine dissensione rego. Ego præterita simul & futura, æquè intueor, ut præsentia. Ego omnem corporalem pariter & spiritualement excedo creaturam. Ego variis modis nominabilis, nulla tamen cogitatione verè formabilis. Ego subito compareo, & mox dum nescitur, lateo. Verè ego Deus absconditus, qui mille modis dispenso vices meas cum amantibus.

3. Et dixi etiam hæc ad amantem animam. Abscondam faciem meam ab ea modicum, ad momentum eam relinquam, videam si castè diligit. Multum est castè diligere, quia hoc est, non propter seipsam me diligere, non propter aliquod temporale commodum, vel spirituale solatium: sed me solummodo propter me, sese finaliter propter me, & ob aliud nihil sperandum à me. Non est omnium, sic me amare: sed est solius perfectissimæ animæ, hæc prerogativa casti amoris. Quæ autem adhuc imperfecta est, necesse habet frequenter probari & exercitari, ut sciat quantum diligit, & si usque ad contemptum sui. Dixisti enim corde tuo: Profecto diligo; & id ipsum frequenter repetis, quia diligo. Sed non tantum verbis vel cogitationibus credo: Etenim te in veritate probabo.

4. Cum præsens sum, & blandior; cum devotionem tribuo, aut datam augeo; cum tantum prospera, aut pro majore parte jucunda præfero, tunc devotè dicis; dilecte mi, diligo te. Et bene dicis. Sum enim amabilis valde, & omnia,



Eccle. 15.

quæ de medici aut cogitari possunt, amabilia sunt; & dulcia atque laudabilia in sæcula. Sed & in benefactis solum me amare & laudare, quid grande est? Nam & peccatores hoc faciunt. Equidem me sæpè bene dicunt, cum acciperint, quod malè cupiunt. Sed *non est speciosa laus, in ore peccatoris.* Qui ergo propter beneficium aut consolationem me diligit, quid amplius avaro facit? Proficias, proficias, & ad perfectiora ascende. Pigeat semper debilem & mollem esse; disce solidum edere cibum, non lacte parvulorum diutius vesci. Transi ad numerum fortium David, tenentium hastam & gladium & clypeum. Tolle crucem, & sequere me. Festina inter illos computari, qui diversa gravamina, & multa exilii genera, pro me sciunt portare. Nimis inclinaris ad consolationem. Probare ergo te volo; & inclinare ad latus aliud: ut experiaris, quid pati possis, ne tibi innocens & sancta videaris. Mittam super te tribulationem, & iram & indignationem, immissionemque per Angelos malos. Alii, quæ tua sunt tollent; alii, quibus indiges, negabunt. Alii tibi detrahent; alii in facie resistent. Alii grave jugum imponent: alii ducent, quod tu non vis. Alii exterius, & alii interius te affligent. Alii assumentur ad statum & honores, tu relinqueris ad contumelias & labores. In omnibus his & majoribus probaberis, ut athleta fortis. Recedam, nec dimittam, quin diligenter te examinem, si in facie mihi benedixeris. Quod in toto corde me dilexeris, & in omni tempore nomen meum benedixeris; dignum est, ut amodo sponsa voceris, & secretum apud me

cubiculum obtineas. Quod si necdum virgam meam portare sufficis, sed hanc disciplinam minùs amabilem censueris, lugens multis diebus absentiam meam, quam affectanter & sedulè petis; mitam tibi baculum meum, ut surgas; & post hæc veniam, & suscitaberis ad pristinam gratiam. Nolo enim, ut omninò deficias; quia ego amantem me diligo. Et si nondum perfectè diligis, non tamen parvulam contemno: sed curabo, ut crescas. Cura est mihi de te, ut bene habeas; nolo ergo, ut de me hæreas.

5. Scio quidem, quantum pati valeas; & ideo tempero vices meas, ne supra id, quod possis sustinere, tentaris & deficias. Quod si moram fecero, expecta me usque in diem visitationis. Veniens veniam, & promissioni meæ satisfaciam. Tu autem orationi incumbere, sacræ lectioni intende, & in omnibus patientiam & longanimitatem tene. Nec enim ignoro, quia interim in mœrore existis: sed tam subitò infirmari, & ab omni spe deficere, quasi non essem rediturus, non placet utique mihi. Ubi est fides tua? Magna fide opus est tibi in hac parte maxime; quia & si me non vides, videris tamen à me, cui te & omnia tua credere deberes. Licet namque iudicia mea ignores, dicit tamen firma fides: Bonum est, quicquid disponit, operatur Deus. Consolor igitur te, quia infirmitas hæc non erit ad mortem, sed pro gloria Dei. Abstuli à te desiderium tuum, & volui tentare fidem & dilectionem tuam. Feci enim hæc omnia, ut tuam infirmitatem apertius scires, & meam bonitatem magis intelligeres. Non te bene nosci, sicut & ego novi.

Ego



Ego te & omnia tua novi, non modò ex tempore, sed ab æterno. Agnosce ergo, quid ex me tibi veniat, vide quam pauper ex tuo sis, si quando à me relinquaris. Nondum in vera tui cognitione, plenè profecisti. Et quia expedit plurimum hoc te scire, volui ut experimento disceres. Bonum est tibi, quòd aliquando desolaris, quòd tribularis, quòd humiliaris; ut sic propriam manifestius palpes infirmitatem. Ego novi hanc magis venire ad profectum tuum. Si ex hac prudentior & sollicitior fueris ad singula, quid perdidisti? Arrogans est plerumque & inscia tui; putans te habere bonum, quod non habes.

6. 6. Deciperis amore proprio; & dum non cogitas datorem, abuteris dato. Ego inebriavi te; sed oblita es, quia de vite mea botrus erat: Experire modò te ipsam, agnosce quid virium habeas. Si ex te est, quod habuisti, cur non tenuisti? Si nec illud tenere potuisti, cognosce, quia desuper accepisti. Da ergo honorem gratiæ, & confitere, quia sine me nihil potes facere. Considera quàm necessarius sum tibi, quàm sufficiens & solus potens, in omni bono te confirmare. Ubi eras, priusquam te vocarem, nisi in peccatis tuis? Et nunc ubi es, nisi quo perduxisti te? Sed & quando tibi bene erat sine me?

7. 7. Et dixi; Nunquam, dulcissime Domine. Tu solus unicus, & singularis dilectus meus, in omnibus & præ omnibus fidelissimus. Quare igitur cogitasti apud te non rectè, ut ires post amatores alienos? Quid tibi displicuit in me? Nunquid gloria mea, aut pulchritudo mea? Verè Domine, non est similis tibi in pulchritudine & in gloria, in

divitiis & potentia, neque talis in cælo neque in terra. Tu es enim solus altissimus super omnem creaturam. *Tui sunt Psal. 88. celi, & tua est terra, orbem terræ & plenitudinem ejus tu fundasti.* Multum est, quod creaturis donasti, ex quibus magna pulchritudo, sapientia, & bonitas tua relucet: sed nihil in comparatione beatæ & gloriøsæ præsentia tuæ. Experientia nunc didici, quia *amarum* mihi est, vel ad horam te reliquisse. *Hier. 2.*

8. 8. Ad me ergo revertere, dicit dilectus tuus. Satis est, quòd huc usque circumcurristi. Disce stabilis esse & mitis; sperans & fidens in me? non tantum in die visitationis, sed abundantius in nocte tentationis. Ego dimisi te, ut fatigata citius ad me redires & frustrato exteriori solatio, demum intelligeres, quid tibi contulit dilectio mea, quæ toties te invitavit. Adverte itaque nunc, (quia ratione non caret,) quòd nunquam relinqueris, quòd sine affectu manes, quòd tædio afficeris, quòd tentationibus fatigaris, quòd hinc & inde affligeris, quòd consilium non invenis, nec auxilium sentis, sed angustiam undique & egestatem pateris. Ideò relinquo te, ut cognoscas meam præsentiam tibi esse necessariam, non modò in una re, aut in maxima tantum causa; sed in omni profectò actione, in omni loco & tempore, tam manè quàm serò, & ubicunque fueris, jers, vel steteris. Sic quidem instrueris sollicite ambulare cum dilecto tuo, & à vanis abstinere, offensasque cavere.

9. 9. Relinquo te, ut scias quantum diligas me; hoc est, appareat tibi modus dilectionis tuæ. Fortiorcm te & beatiorcm putabas quàm eras: sed evi-



dentis patuit, auxilio meo tibi paululum subtrahito, quia egens fuisti & misera. Quomodo cognoscetur dilectio tua, nisi cum mansuetè portaveris gravamina? Interdum te video tepescentem; sed ut fusciteris ad fervorem & querendi diligentiam, abscondo me ad horam, tanquam dilectus stans post parietem. Video, & scio omnia: sed exercitatio ad multa utilis, majorem dat sapè intelligentiam. Etiam si me diligis, utique querere non tardabis. Si placeo, indagate curabis. An ignoras, quia laboriosè acquisitæ divitiæ, tenentur magis studiosè? Cui æquè optata requies, sicut fatigato? Cui tam jucundus amor, nisi in quo præcessit amari dolor? Et reinventus thesaurus, nonne bis charior est quam prius? Duplex gaudium, & geminata redit lætitia, de intermissa dilecti præsentia. Utiliter igitur me subtrahito, quia non dedignando hoc ago, sed pia quadam dispensatione sic cum amantibus ludo. Sufficiat pro præsentia, quia tantillum audire meruisti. Do autem licentiam toties ad me revertendi, quoties tibi senseris opus esse. Ego nunquam clausi viscera mea, humiliter & seriòse deprecanti.

## CAPUT XVIII.

*De fiducia divine miserationis.*

1. **D**eus meus, misericordia mea, & ideo non sum confusus. Non videatur cuiquam absurdum, si cupiam cum Domino Deo meo frequenter celebrare colloquium, cujus benignitas me pigum sapè trahit & accendit ad orandum & meditandum, ita ut ejus non respondere vocibus, durum mihi sonet & ingratum. Sed dicit forsitan aliquis

contra me; Ergo nec tu times Deum; cum sis revera peccator immundus, & vita ipsa indignus? Unde tibi hæc præsumptio cordis? Et cum sis omnium minimus, & despectior universis, quid adhuc te divinis ingeris colloquiis? Quem teipsum facis?

2. Dilecte mi, Domine, responde pro me, quia os peccatoris apertum est super me. Si me justificare voluero, os meum condemnabit me. Et si mundus fuero hoc ipsum ignorabit anima mea. Tu scis insipientiam meam, & confusionem meam. Tu loquere, ego libenter filebo. Et vox dilecti mei. Ne attendas ad verba exprobrantium tibi: sed ausculta potiùs, quid dixi: Non enim veni vocare justos, sed peccatores. An non licet mihi facere, quod volo? Voluntati meæ quis resistat? Si tibi, quamvis novissimo, benefacere voluero in modico, quis arguet me de peccato? Qui sine peccato est, primus in te lapidem mittat. Si autem & ipsi peccatores sunt, cur gratiæ detrahunt? Non tu me elegisti: sed misericordia mea prævenit te. An adhuc aliquis audet murmurare contra te, quia accessisti ad me? Certè non est murmur ejus contra te, sed apertè contra me; quia peccatores recipio, & manduco cum illis. Et quare non vindicares tibi familiaritatem, quam potiùs gaudeo exhibere, quàm retrahere?

3. Cur ergo, Dilecte Domine, non eis imputetur, sed mihi, & peccatis meis. Non nego, quicquid de me ægrè sentitur; fateor & hoc indubiè, quia multò plus est, quàm scitur. Dicit ille: Bonum tibi, quia humiliasti te; sic enim magis semper lucraris, & gratiam meam faciliùs impetrabis. Propterea tamen non es abjiciendus, quia peccator es, & defecuosus,

Can. 28.  
Isaia 1.

2.  
P. alm. 108.

Job. 38.

Marc. 7.

Adhuc  
tio ad  
ducian  
habent  
Deo.

1.  
Psal. 58.  
Isaia 50.

Isaia 43.

4.



etuosus, quamquam temetipsum ob id despiciere merito debeas, nec unquam oblivisci, in quantis deliquisti. Sed ne anxie intereas, pensa, quam sæpè de peccatoribus facio iustos & amicos, humiles eligens, & de se præsumentes relinquens. Non opus habeo, ut dones mihi aliquid de tuo: sed tantum hoc peto, dilige me corde puro, & sufficit. Cui rursus: Proh pudor mihi, quia non est quicquam in me, unde possit amor tuus erga me incitari. Dicit iterum: Nihil horam attendo, quæ mundus ad placendum offert, nil talium requiro: amor per se satis est, tantum ferveat, mecumque perseverer. Verumtamen cuius sunt, quæ hominem adornare possunt? Nōne mea sunt omnia, & quæ in corpore, & quæ in anima fulgent? Quæ autem mundi sunt, & quæ corpus honestant, parum te implicare debent: Quæ verò ad decorem virtutis pertinent, tua interest, & curare oportet ista, ut placeas coram Deo in lumine viventium. Justè tamen te humiliasti, & acculasti tam foris quàm intus, coram vultu maiestatis meæ, confidendo veraciter infirma & dedecora tua, atque profundius ingemiscendo; quia nequaquam dignus es familiaritatis meæ vendicare gratiam vel ad horam, cum sis speculum sine macula, & tu peccator & immundus ab infantia. Memor ergo esto fragilis conditionis tuæ, & generosæ celsitudinis meæ; sicque cum humili reverentia, accede confidenter ad me. Ego enim sum, qui deleo iniquitates & peccata; qui iustifico impium, dimittens ei omnia delicta, propter nomen meum.

4. Non solum hæc confero; sed adhuc maiora misericordiæ dona, præstare

paratus sum. Nam & misereri potius eligo, quàm irasci; parcere malens, quàm punire. Sed hoc parum visum est mihi; neque sic contentus sum, ut post primam gratiam, non adjiciam secundam vel tertiam; immò finem non impono miserationum mearum, sed neque gratiarum & beneficiorum meorum dicibilis est numerus. Denique post peccatorum veniam, post pœnitentiam & satisfactionem completam, reddo plerumque salutaris vultus mei lætitiā, infundendo abundantiorē Spiritus sancti gratiam. Et licet adhuc in carne peccator moretur, in meam tamen illum recipio familiaritatem; ita ut de perpetratis malis, nulla sit erubescenda jam confusio, sed magis gratiarum actio, & vox laudis; quia vetera transierunt, & nova facta sunt omnia. Tam pius & misericors sum, ut semper paratior sim ad indulgendum, quàm tu ad pœnitendum; promptior ad dandum, quàm tu ad rogandum. Quid igitur times; quid trepidas ad sinum tantæ pietatis accedere? Et cur te alienares à gratia mea, tam sponte oblata? Etiam si scires, quòd negare proposuissē; non tamen desistere deberes à precando, neque confidentiam exauditionis amittere: sed insuper vehementiùs instare, donec acciperes. Infinitæ sunt enim miserationes meæ; & quod uno tempore negatur, alio tempore poterit piè concedi.

5. Qui scis, si quando convertam ad te faciem meam, & donem tibi desiderium cordis tui? Et quid dicit Propheta de me? *Accedite inquit ad eum, & illuminamini, & facies vestra non confundentur.* Ego magis acculo raritatem accessus tui, quàm frequentem accessum; & plus timidam verecundiam, quàm promptam

2. Cor. 9.

5.

Psalm. 33.

Adhortatio ad fiduciam habendam Deo.

Psalm. 43.



promptam veniæ præsumptionem. De mea bonitate considerare, rectæ humilitatis & magnæ fidei est indicium. Hæc dico, ut non pecces. Quod si peccaveris, non desperes, sed citò resurgas. Habes enim adhuc spem, & advocatum apud Patrem. An expectare vis, ut dignus fias, priusquam accedas? Et ex te quando hoc poteris? Si solum boni & digni, magni & perfecti viri, mihi appropinquare debent, peccatores & publicani quem adibunt? Quid ergo Evangelium dicit? *Et erant, inquit, appropinquantes ad Jesum publicani & peccatores, ut audirent illum.* Accedant igitur indigni, ut fiant digni. Accedant mali, ut efficiantur boni. Accedant parvi & imperfecti, ut fiant magni & perfecti. Accedant omnes, accedant singuli, ut accipiant de plenitudine fontis vivi. *Ego sum fons vitæ, qui non potest exauriri. Qui sitit, veniat ad me, & bibat. Et qui nihil habet, veniat ut gratis emat.* Qui morbidus est, veniat ut sanetur. Qui tepidus est, veniat ut accendatur. Qui timidus est, veniat ut confortetur. Qui tristis est, veniat ut consoletur. Qui aridus est, veniat ut adipe & pinguedine spiritus repleatur. Qui tædio afficitur, veniat ut gaudio recreatur. *En delitium meum, esse cum filiis hominum.* Qui sapientiam concupiscit, veniat ad doctrinam meam. Qui divitias quærit, veniat ut accipiat æternas & incorruptibiles. Qui honores ambit, veniat ut hæreditet nomen æternum in cælo. Qui felicitatem desiderat, veniat ut eam sine timore & periculo possideat. Qui omnium bonorum abundantiam concupiscit, veniat ad me, ut summum æternum, ac immensum bonum, percipiat. Ego sum, qui

omnia temporalia bona præsto; & super temporalia, æterna bona in cœlestibus tribuo. Nec promissioni meæ deero cum adimpleta fuerit mandatorum meorum salutaris observantia. Coronabitur autem gloriosè in cælo, qui legitime contaverit in hoc mundo.

## CAPUT XIX.

*De desiderio divinæ fruitionis.*

1. **M**editatio cordis mei, in conspectu tuo semper. Quid animæ fideli suavius, quid jucundius esse potest, quàm devotè de Domino Deo, dilecto suo meditari; ut quem clara ac beatificativa visione intueri necdum valet, saltem per studiosam recordationem, quasi præsentem sibi faciat? Contempletur igitur eum, per speculum in ænigmate, quem facie ad faciem non potest videre. Scrutetur nihilominus per scripturas & figuras, quem in suo fulgore contemplari non sufficit. O si studium quærendi faciem Domini nunquam frigescat: sed de die in diem magis fervereat! Inest autem animæ Deum amanti, incessabilis æstus ad ejus visionem perfruendam, quia visio Dei, beatitudo summa, & felicitas perfecta est. Appetit ergo hanc beatitudinem, quatenus totus ejus appetitus, suo conjunctus fini, satietur & quietetur; quoniam nullo præsentis bono, poterit unquam contentari. Nam & crebra experientia didicit, quod quanto longius à cœlesti beatitudine erraverit, tantò infelicior est & inquietior; cum nihil creaturis stabile appareat, aut durabile, quo ejus affectus possit mitigari.

2. Redeat ergo ad eum, à quo facta est; & ab illo requirat beatitudinem,

unde

Lucas 15.

Joan. 7.

Prov. 8.



*Psal. 102.* unde sumpsit Originem : *Quoniam qui-  
dem, qui creavit animam, ipse est, qui sa-  
tiat in bonis desiderium ejus.* Nam talem  
affectum ei indidit, ut eo dempto, nul-  
lum sit bonum, quo contentetur; nullum  
gaudium, quo securè fruatur. Noli er-  
go hic stare anima mea, quia non est  
iste locus requietionis tuæ : sed perge  
sursum, ascende ad eum, qui te fecit.  
Jam enim & ille nuncios misit, & invi-  
tat ad ascendendum. Quot desideria  
æternæ vitæ inspirat, tot nuncios tibi  
transmittit : Quibus susceptis, para te ad  
ambulandum. Ambulas, si eum videre  
desideras, si ei placere contendis, si infe-  
rioribus abrenuncias, si ejus amore agis,  
quicquid agendum vel dimittendum  
fuerit. Non enim tu eum prius quærere  
posses, nisi & ipse te prius quævisset, &  
sancta in te desideria suscitasset. Siquidem  
languet illa anima, non amore, sed tæ-  
dio pernicioso, quæ æterni solis non fue-  
rit irradiata calore. Sed si austro suavi-  
ter flante, à frigore fuerit resoluta &  
mœrore; tunc mox æstuarè incipit præ  
desiderio inspirati luminis, ad incom-  
prehensæ arcanum divinitatis.

3. O veri solis ardor immensus, quot  
tunc in amante parturis æstus? Solvis  
ristitæ tenebras, & laboriosas actiones  
in nihilum mutas. Longos annos die-  
que paupertatis, uno simplici illapsu,  
abundè consolariis. O tristitium medici-  
na; & errantium & quærentium fulgida  
lucerna. Tu jugiter mihi mica; tu man-  
sionem in me para, donec illucescat  
lux perpetua. O quàm dulcis & jucun-  
da erit tua præsentia, quando ex sola  
tenui memoria, tanta prodeunt sola-  
tia! Quàm libenter me possum ad te  
convertere, quàm liberè omnibus re-  
à Kemp. Soliloquium Anima.

nunciare, ut tua gratia merear conso-  
lari. Non enim difficile erit animæ  
cupienti, tuam cernere faciem, à præ-  
sentiam se oblectatione nudare, cum  
jam majorem interiùs sentiat, aut in  
proximo sibi largiendam, fiducialiter  
abs te expectet.

4. Præterea nullus insipienter cogi-  
tans putet, quod tu animam tibi devo-  
tam, diu inconsolatam relinques; vel  
quod parva recipiet charismata gratiæ,  
pro universis victoriis naturæ; quia nec  
in qualitate, nec in suavitatis quantitate,  
poterit unquam tuæ cœlesti consolatio-  
ni comparari qualiscunque terrena de-  
lectatio, etiam undecunque concepta.  
Studeas ergo fidelis anima talem te ex-  
hibere Christo, cœlesti Sponso, ut ejus  
gratia & consolatione digna semper exi-  
stas, quia per ipsum, & in ipso copiosissi-  
mè reperies, quod te in quavis anxie-  
tate positam consoletur. Quantò fre-  
quentius ad ipsum accesseris, ejusque  
lateri viciniùs & tuum applicueris, tan-  
tò tibi dulcior & jucundior apparebit.  
Quod si te subtraxeris, tu sola detrimen-  
tum patieris; ille autem in sua pulchri-  
tudine permanens, nil triste sentiet, nec  
molestum. Tu illius bonitate egres, ille  
nullius. Ideò tu beatior ex ipso fieri po-  
tes, ille ex tuo profecto non potest.  
Solutus est, qui sibi sufficit; solus, cui  
nihil addi minui potest. Ejus gratia  
sunt, quæcunque sunt, quæcunque vi-  
vunt, sentiunt, & intelligunt. Merito  
ergò omnia, quæ creata sunt, ipsum lau-  
dantes benedicunt.

5. O si sufficienter eum enarrare ti-  
bi & explicare possem, quàm libenter  
id agerem. Sed quod ineffabile est,  
scire est, effari prohibetur. Similiter  
F quod



quod inexcogitabile fertur, nulla cogitatione vel voce verè formatur. Et cum ita sit, cogita tamen interim humano more de creatore, habendo memoriam suavitatis ejus pro solatio, donec præsentiam vultus sui, tibi ostendat in regno.

## CAPUT XX.

*De gemitu animæ, ex dilatione gloriæ.*

1. **E** Go dixi in excessu mentis meæ, pro-  
*1. Psal. 30.* **jectus sum à facie oculorum tuo-  
 rum.** Percussum est cor meum intra me,  
 ex dilatione gloriæ tuæ: Loquar ergo,  
 & confabulabor cum amaritudine ani-  
 mæ meæ. Vis amoris tui dicere me com-  
 pellit, nec patitur tibi aliquid abscondi.  
*Ihuia 30.* Quid igitur referam? *Ecce Deus meus,  
 in te amaritudo mea amarissima.* Qui  
 non intelligit, nescit, quid hæc volunt.  
 Non ego sic: sed scio, & sentio; &  
 idèd cantare cum Propheta non erubesc-  
 co. Tibi Domino Deo meo loquor, cui  
 omnia sunt nota, qui & scire dedisti &  
 sentire, pro bona voluntate tua; ne for-  
 tè plus glorier, aut æstimer aliquid ab  
 insipiente. Quod ergo à te accepi, di-  
 cere possum tibi. Et quid opus est tibi  
 hoc dicere, cum omnia scias, nec ullum  
 ex his solatium exspectes? Et quale sola-  
 tium tibi veniret, qui es consolatio deso-  
 latorum? Ergo mihi totum prodesse po-  
 test, qui verborum adhuc solatio indi-  
 geo; ut sermonibus bonis & dulcibus,  
 excitem affectum meum in te, & faciam  
 refrigerium aliquod desolatæ animæ  
 meæ. Etenim cum non possum te vide-  
 re præsentem, lugebo absentem; quia  
 & hoc amoris est indicium, & dulce sa-  
 tis amanti. Jam sensus hujus versiculi  
 apparere incipit, quia de anima amante  
 rectè scribitur. Quando enim arden-

tiùs amat, quantoque vehementiùs æ-  
 terna desiderat; tantò veracius virtu-  
 tem hujus versiculi in se vivere sentit.  
 Non sunt frigida verba, nisi non aman-  
 ti: nec surda organa, nisi corde obtu-  
 ranti. Scit amans & flagrans anima, &  
 toties intra se concalescit cor ejus, quo-  
 ties ex amore æternæ pacis compungi-  
 tur. Ipsa ergo dicit tibi, Domino Deo  
 suo; non hominibus, quibus ignota esse  
 cupit. Et si hominibus aliquando loqui-  
 tur, hoc tamen foris est, quod illi au-  
 diunt: tibi quicquid dicit, intus dicit;  
 & amando magis quàm sonando. Ecce  
 (ait) in pace amaritudo mea amarissi-  
 ma. Ac si confiteatur: Postquam ad pa-  
 cem mentis te largiente rediit, magis mi-  
 hi grave esse incipit fallax status mundi.  
 Video enim in hac pace, quantum dis-  
 jungor à summa pace. Et quidem priùs  
 occupata desideriis terrenis, & variis  
 commota passionibus, plurimum im-  
 pediebar ab interioribus meis, & per  
 consequens à contemplatione cœle-  
 stium, pro quibus anxie gemere debui:  
 sed minimè potui, quia sensum interni  
 doloris, per incuriam perdidici. Jam ve-  
 rò sublati inaniū cogitationum tu-  
 multibus, in pace mentis aliquantulum  
 resideo, & toto cordis desiderio trahor  
 ad superna; & ampliùs plango, quia bo-  
 nis cœlestibus non fruor, quam priùs  
 plangebam, cum mundi malis crucia-  
 rer.

2. Est ergo amaritudo animæ meæ,  
 in hoc mundo degere, sub peccati lar-  
 cina incedere. Sed hæc mihi amarissima  
 fit, cum pro posse meo, recollectis in  
 unum affectibus, bona jam cordis pace  
 potior, atque totis medullis in amplexus  
 æternæ pacis commoveor; & tamen  
 propter

Explana-  
 tio mysti-  
 ca verbi  
 Ezechie,  
 in pace.



Rom. 7.

propter mortalitatis meæ vinculum, apprehendere impediatur. Ideoque ad te cum gemitu clamare compellor, & dico: *Infelix ego homo, quis me liberabit de corpore mortis huius?* Non sentio gravius onus, quam diutius peregrinari à te in sæculo; quia in amore laborans, nullam præter te consolationem requiro. Evidentissima namque comprobatione didici, non posse animam meam bonis satiari præsentibus, nec veram adipisci beatitudinem; nisi tibi conjuncta, cœlestem acceperit mansionem. Licet enim excessivè amet, flagret, & contempletur sita in corpore; insatiabilis tamen perseverat ejus affectus, nisi deposito corpore. Idcirco in adeptione summi boni, & in lumine vultus tui, finis ejus consummatur.

Psalm. 15.

3. O Rex cœli, summè amabilis; ô dilecte mi, pulcherrime, totus desiderabilis. *Quando adimplebis me latitia, cum vultu tuo? quando satiabis omne desiderium meum, fonte perenni?* Sitivit in te anima mea, & multipliciter affligitur, te non adepto. Quàm diu in terris vivo, & te nondum video, triste est mihi omne, quod cerno. In tantum calefcit cor meum, ut non modò semel, sed sedulò in excessu meo dicam: *Quando veniam, & apparebo ante faciem Dei mei?* Crescit adhuc amor, & desiderium amplius ignescit; ita ut flere die noctuque non cessem, dum cogito per singulos dies, ubi est Deus meus? Amanti namque dulce est pro te flere, dum quod desiderat, non potest habere: sed oportet utique expectare, & carere. Ex his fletibus magis pascitur & confortatur amans anima, quàm si haberet omnia terrena. Nam si illa diligeret, pro te nullatenus fletet.

Psalm. 4.

4. O quàm beata, & tibi placita, fusio talium lachrymarum. Siquidem sæcularium gaudiorum, ac temporalium cupiditatum peremprices sunt, & cœlestium consolationum devotæ impetratrices. Propterea specialium devotorum & solummodo amantium est, iste profluvius tam sanctarum lachrymarum. Alia est ratio lachrymarum iis, qui misera necessitate constringuntur. Ille, quia morbidus est; iste, quia oppressus est; alius, quia injuriam patitur; alius, quia suæ voluntati contrahitur, nonnunquam lachrymatur. Sola tu anima devota divini amoris lachrymas fundis: pro damnis autem temporalibus, & causis transitoriis, vero Dei judicio te submittis, & gratias agis. Nemo tamen indevotus, velut insipientem aut impatientem te judicet, audiens te flentem; quia lachrymæ istæ non gravant, sed recreant: non maculant, sed lavant: nec oculis offi-  
ciunt, quæ oculos cordis puriores reddere consueverunt. Sentiant alii de te, quod volunt; non possum ego aliud, nisi bene de te sentire, nam & consimili opto fletu potari. Si [ inquit ] mecum optas lachrymari, poteris & consolari.

4.  
Piarum  
lachryma-  
rum fru-  
ctus.

5. Utinam esset anima tua pro anima mea, nunquàm ignorares, quod sentio. Ego scio, cui credidi; & certus sum, quia facilius est negare cœlum & terram esse; quàm Deum non esse. Et scio quidem ipsum esse bonum animæ meæ, & nunquàm me beatam fieri posse, sine ejus perfecta contemplatione. Cujus contemplatio, quia necdum mihi collata est, neque perpetuè firmata, nimirum plango; quod tantâ felicitate privor, quòd hujus vitæ tenebris involvor, quod propriâ infirmitate sic gravor, ut

56



lucem illam fufferre non valeam, & quod tam exigui momenti sit, & nebula rectum, quicquid de cœlesti gloria meditor.

6. 6. Quapropter planctum sæpè gemino pro cantu; & dum dicitur mihi per singulos dies, ubi est Deus tuus, magis compungitur spiritus meus. Penso enim suspensè; Ubi est bonum meum, & perfectum gaudium cordis mei? Ubi pax & requies vera? Ubi hæc omnia ineffabilia bona, nisi in Deo meo? Et quando his perfungar, nisi ei sine medio fuero conjuncta? Et quando ibi ero? Credo, spero, sed non possideo. Ubi est ergo Deus meus, quem sic amo, & nondum video; cujus amor me toties vulnerat, absentia contristat, sed & visitatio nunquam recreat? Ubi est Deus meus, quem semel vidisse, est omnia didicisse? Ubi est Deus meus, in quem cor meum & caro mea, exultare jugiter concupiscit? Ubi est Deus meus, pro quo tot sustineo labores & dolores? cujus memoria dulcis, sed præsentia charior, omnem repellit de corde mœsticiam. Ubi est spes mea, & tota gloriatio mea? Nonne in te Deus meus, salutare vultus mei? Ostende mihi gloriam tuam, & ne avertas faciem tuam à me, & cessabo conqueri. Si litigo parum tecum, ne improperes mihi: amor enim vehemens, multos mirabiles habet modos. Expectare cogor, & desiderare magis instigor, sicque duellum amabile perseverat.

### CAPUT XXI.

*De memoria cœlestis patriæ.*

1. 1. **D**omine dilexi decorem domus tue, & locum habitationis gloriæ tue. Quam libenter apud te essem, bene

noſti Deus meus: & quàm intimè hoc desidero, non possum latis dicere. Non solum hoc peto, cùm mihi malè est; sed etiam quantumlibet hic mihi bene sit, opto tamen, ut magis tecum mihi esse liceat. Sed quomodo satisfiet desiderio meo? Hic me esse tader, & oportet; tecum esse libet & nondum licet. Non video, nisi ut patienter dilationem istam feram, & optionem meam tibi resignem. Quid enim? Mussitare volo cùm sic oportet fieri? Absit. Et multi siquidem Sancti, diu se sustinuerunt in hoc sæculo, quorum tamen corda erant in cœlo. Quod si meam protendere volueris pergrinationem, parebo etiam, quousque tibi placuerit. Veruntamen ut complacitior sit in expectatione sua, affectus essendi tecum: volo interim aliquid, de mansionem cœlesti meditari mecum. Non tamen præsumo, vel minima illa penetrare gaudia quæ præparasti diligentibus te; sed sparsim modicum quid meditor, unde affectus meus sæpe terrenis pressus & infectus, iterum excitetur, & in spem vitæ æternæ sublevetur.

2. 2. O si dies illa illuxisset, quod cœli gaudia me rapuissent? Quàm latus tunc essem, & quàm felicem me putarem? quam tunc utique in stabili pace beatus essem? Nec opus foret inde aliquid investigare, quando nulla possent secreta latere. Sed in nocte vita mea versatur, & ideo non mirandum, si caligat oculus meus inter nebulas gloriæ. Attamen levabo oculos meos à longè prospectans, & salutans sanctam illam civitatem Hierusalem, quæ construitur in cœlis vivis ex lapidibus, Angelis videlicet & hominibus sanctis; plena semper existens in laude & canoro júbilo, Deum sine fine



*laudando.* Eja, & age nunc cerni mea, assumptis desideriorum pennis perge sursum, evola à corporeis sensibus; transmigra à visibilibus mundi figuris ad habitaculum sanctum Dei, ad Hierusalem novam perpetuâ pace stabilitam, gloriâ & honore coronatam, & omnium bonorum aggregatione perfectam.

3. Ecce mira & ineffabilia, quæ non licet homini loqui. Sensus non capit, intellectus non attingit humanus, quam gloriosus sit Deus in Sanctis suis, quam mirabilis in maiestate sua. Extende cogitatum tuum usque in altissima; dilata desiderium tuum in perpetuas æternitates, & dic cum Propheta: *Gloriosa dicta sunt de te, civitas sancta Dei.* Ibi quicquid desideratur habetur, securè possidetur. Ibi videtur Deus facie ad faciem, clarè & sine ænigmate; non raptim, nec horariè, sed sine fine lympidè. Ibi cognoscitur beata & gloriosa Trinitas, & inseparabilis unitas, quæ ab omnibus cœli civibus adoratur, & laudatur, & benedicitur. Ibi est ille unicus dilectus, singularis, præciosior cunctis opibus; thesaurus desiderabilis, Dominus meus Iesus Christus. Ecclesiæ Sponsus, immortalis; *in quo sunt omnes thesauri sapientiæ & scientiæ Dei à sæculo absconditi*, sed ipsis beatis manifesti. O quam jucundi sunt omnes Sancti, ante faciem Sancti Sanctorum, qui est causa & origo salutis eorum. Ibi enim non in proverbii loquitur eis, sed palam de Patre annunciat eis. Ipse liber eorum, verbum in principio apud Deum, docens de omnibus; & adimplens omnia, ita ut nihil desit eis in gloria. O felix sempiterna gloria, quæ non est de brevi memoria, sed de præsentia Dei in splendoribus Sanctorum.

4. Ibi est gloriosissima Mater Dei, perpetua Virgo Maria, totam cœlestem curiam perornans specie & pulchritudine suâ; quam circumdant & comitantur virginales turmæ, tanquam flores rosarum, & lilia convallium. Ibi sunt Angeli & Archangeli, in suis ordinibus positi, divinis laudibus alacriter intenti; quorum alii supremi, alii medii, alii inferiores, secundum tres hierarchias sunt distincti. Ibi sunt Patriarchæ & Prophetæ, qui de adventu Christi, Spiritu Sancto olim repleti, præcœperunt, & nunc ipsum Dominum Iesum Christum, Regem Regum, Deum verum cognoscunt, ac incessabili laude benedicunt. Jam vident oculo ad oculum Redemptorem suum; quem diu expectabant, & toto corde advenire desiderabant. Ibi sunt præclari, & omni veneratione dignissimi, præcones Christi Apostoli & discipuli Domini, sanctitate & gratiâ pleni, fundatores Catholicæ fidei; sed nunc devoti intercessores in æterna gloria pro iis, quos in fide genuerunt & instruxerunt.

5. Ibi præcipuè fulget venerabilis Baptista Baptista Christi Joannes, amicus Sponsi specialis. Ibi Petrus claviger cœlestis, Paulus Doctor egregius, Andreas, Philippus, Thomas, Jacobus, & Joannes, cum cæteris Apostolis & Evangelistis, Ecclesiarum columnis. Horum fidem tenere, exemplar imitari, ad vitam æternam est pervenire. Ibi sunt incliti Martyres, proprio sanguine purpurati, & in æternum cum Christo beati; quorum licet corpora crudelissimè laniarentur, tamen animæ non potuerunt per tormenta à Christo separari. Ibi sunt lucidissimi Confessores, qui vitam secularem



contemnentes, cœlestes fieri meruerunt. Ibi sunt magni gloriosique Doctores, per vitæ sanctæ meritum, alius in Dei contemplatione suspensi, & quibus multi viventem sanctitatis imaginem, in suis scripturis reliquerunt. Ibi sunt iuvenes & virgines, senes cum junioribus, nomen Domini assidue collaudantes; & quicquid boni ac virtutis unquam gesserunt, divinæ majestati ascribentes, semper grati, semper devoti, semper iucundi, semper & accensi, nec unquam fastidio preffi, sed jugi contemplatione in Deum erecti. O quam gloriosum est hoc regnum, in quo cum Christo regnant omnes Sancti, amicti stolâ primâ, securique de reliqua. *Ibi jam sequuntur agnum, quocunque ierit*; quia nulla separatio ab ipso erit, sed in æternum gaudentes in Domino gaudebunt.

6. Hæc contemplare anima mea, & super omnia visibilia tuam cogitationem suspende. Verè locus iste sanctus est, & Dominus est in eo. Hic semper pax & gaudium redundant; hic omnium bonorum affluentia, omnium malorum perpetua carentia. O si posses modicum quiddam de ineffabilibus Sanctorum gaudiis rapere, unde peregrinatio tua aliquantisper consolaretur; quia apud me non invenies nisi labores & dolores, impetus tentationum, & luctus sæculi. O si tibi dignetur aliquid inspirare, superni luminis auctor, nec vacuum te remittat ad arescentes escas meas; sed secundum divitias superabundantes gratiæ suæ, ab omnibus materialibus formis te purificet & evacuet, ac in abyssum suæ æternæ claritatis vel raptim inducat. Utinam ex illo cœlesti sanctuario, formam & exemplar veræ sancti-

tatis, quam imiteris, reportes. Meliora sunt enim, & veriora exemplaria cœlestium & confirmatorum, quam quæ terrenis demonstrationibus probantur. Da mihi Domine Deus sapere & intelligere, quæ sit Sanctorum perfecta felicitas, non ex codicibus inde scriptis; sed per Spiritum sanctum, qui docet te cœlestibus secretis, supra id etiam quam possit humanus attingere sensus. Da & vitam meam multo ferventiùs ad spiritualiora elevare, & inter crebra tribulationum pondera, patientiæ palmam fortiter tenere; donec soluto carnis debito, ad hanc, quam desidero beatitudinem, tuâ misericordiâ valeam pervenire.

## CAPUT XXII.

*De accessu ad Sanctum Sanctorum, Jesum Christum, Regem Angelorum.*

1. **T**U es ipse Rex meus & Deus meus. *Exurge anima mea; veni, & ingredere in locum tabernaculi admirabilis, usque ad domum Dei.* Decet namque, ut cæteris omissis, cum supplici reverentiâ nunc procedas, ad salutandum Dominum nostrum, JESUM Christum, Salvatorem ac Redemptorem tuum; qui est caput omnis principatus & potestatis, gaudium & corona Sanctorum omnium, firma spes ac certa expectatio cunctorum fidelium. Ipse est, qui te fecit & redemit; ipse pro te laboravit, certavit, & vicit. Ipse est, advocatus tuus, & propitiatio pro peccatis tuis. Ipse est consolator tuus, provisor tuus, & gubernator tuus. Ipse est unicus & singularis dilectus tuus, qui pasciter inter lilia, & inter ubera tua optat commorari. Quis unquam tibi tanta bona fecit? Quis tantâ charitate te dilexit? Ad hunc accede,

1.

Psal. 43.

Psal. 42.

1. Ioan. 2.



accede, huic te præbe. Aperi ei cor tuum, & enumera coram illo, quæcunque diu elata portasti. Nemo tibi melius indicabit, nec revelabit, quid spei vel consilii sit gerendum in rebus humanis, quæ tot variantur eventibus. *Apud ipsum vota & desideria tua, & in ipso consilia tua permanent.* Spes hominum frustra, ipse autem est stabilimentum pacis. Per ipsum habebis accessum ad Patrem, & ab ipso omnis gratia tibi donatur, & virtus amplior infunditur.

Tob. 4.

Ephes. 2.

2. Sive tristeris, sive gaudeas ad ipsum habeas semper recursum. Ipse speculum vitæ, ipse norma iustitiæ. Ipse lux indeficiens animæ, amor pudicitæ, & gaudium conscientie. Propter ipsum facilius omnia delectabilia contemnes; propter ipsum omnia amara & contraria tolerabilia erunt, & placebunt tolerata ejus amore. *Denique ex ipso, & per ipsum, & in ipso sunt omnia.* Ad ipsum principaliter omnis intentio, omnis actio, sermo, lectio, oratio, meditatio, & speculatio, respicere debent. Per ipsum tibi salus datur, & præparatur vita æterna. Propter ipsum non timebis mori, nec reculabis vivere; quia ejus fidelitati debes te credere, nec ejus honori vel amoris quicquam præponere. Accede ergo nunc, & gratias age tuo Redemptori.

Rom. II.

Psal. 43.  
Psal. 43.

3. O dulcissime, & super omnia amabilissime Jesu, sis devotissime salutaris, altissime laudatus, & nunc & æternatur ab omni creatura benedictus. O dignissime Jesu, quid honoris unquam reperiā, aut quam gratiarum actionem reddam tibi, qui mihi infinitas misericordias exhibuisti: Et si aliquid invenirem, quod tibi donare possem,

Joan. 2.

nonne tuum esset antequam darem? Quid ergo retribuam? Parum vel nihil habeo. Nunquid de nihilo sacrificare possum? Accipe tamen sacrificium humilitatis, paupertatis, nihilitatis meæ; & sit totum tibi ascriptum, quicquid mihi impartiti voluisti. Dicant & pro me laudes immensas, omnes Angelorum, chori, tibi semper assistentes.

4. Dicant & omnes spiritus iustorum, altâ jubilatione id ipsum repetentes. Sed adhuc quid agam in memoriam & laudē sanctissimi nominis tui? Multa deberem agere, multis teneor & obligor, & vix ad minima sufficio. Legam igitur de te Jesu mi dulcissime, scribam de te, cantabo de te, cogitabo de te, loquar de te, operabor pro te, patiar pro te, Exultabo in te, laudabo te, magnificabo te, glorificabo te. Dignè adorabo te, quia Deus meus es tu, in quem credidi, quem amavi, quem quæsi, quem semper optavi. *Fac mecum signum in bono*, ut videant oculi mei speciosum vultum tuum in cælo. Ad pedes tuos humiliter me prosternò, deprecans obnixè tuam clementiam cum lachrymis, quatenus mihi misericors esse digneris. Scribe nomen meum in libro vitæ, nec unquam illud deleatur, quod sancta manus tua coescripsit.

Psal. 83.

5. Ego infelix, & Sanctorum meritis valde dissimilis, de tua superabundanti prærogativa meritorum confidens imploro, ut saltem inter iustitia & extrema electorum membra merear computari. Scio, quia non est talis vita & conversatio mea, ut confidere aliquid de me ipso audeam; sed tua spes & consolatio mea, in pretio prætiosi sanguinis tui constat & requiescit; in quo me

tota-



totaliter pono, & ponendum sentio, cum omnibus quæ egi, deliqui, merui, & omisi. Vide ergo exiguitatem & indigentiam meam, clementissime Jesu; attende affectum cordis mei, quem ad te gero & habeo; non quia ego dignus sum, sed quia tu benignus es, qui ab indignis non dedignaris tangi & amari. Terret me impuritas mea; sed iterum me trahit & allicit ad te, maxima pietas & humilitas tua; qui non solum homo fieri; sed etiam pro homine peccatore pati, mori & sepeliri, in vera charitate consensisti. Ideoque ad te confugio, quia nihil boni in me invenio. Tu supple pro me, quod minus valet vis mea perficere.

6. 6. Tu desiderium mihi tribuisti, ut te salutarem, laudarem atque benedicerem; quia spes mea tu es, & portio mea in terra viventium. Desiderium animæ meæ est, esse tecum in regno cælorum; sed quia tempus meum nondum est paratum, expectabo te usque ad vesperam. Interim hæc mihi sit consolatio in loco peregrinationis meæ, quod memor sum nominis tui, & maximæ charitatis tuæ; & quod præsentem te habeo in fide & sacramentis Ecclesiæ. Intolerabile mihi prorsus foret in hoc mundo vivere, nisi spem haberem in te Domine. Non enim consentio cum sæculo gaudere: & ne sine consolatione & gaudio manerem, in te statui gaudium meum ponere. Multum & sæpè errarem, & multum in cogitationibus fluctuarem, nisi te in memoria mea, & in imaginatione mea tenerem. Et quia divinitatis tuæ altitudinem capere non possum, nec incorpoream veritatem comprehendere sufficio, rursus me ad

sanctæ humanitatis tuæ gesta & verba converto; quia hæc cogitans, non omnino à divinitate tua recedo. Gratias tibi Jesu bone, dulcis & amande, quia frater meus; os meum, & caro mea fieri dignatus es, Gratias & Sanctæ Mariæ Matri tuæ, de cujus virginali carne, sacrosancta corporis tui membra assumpsisti, ac mediante animâ rationali, perfectè divinitati adunasti; ut ipsa non tantum hominis, sed & Dei Mater dignè ac fideliter appelletur.

## CAPUT XXIII.

*De processu ad salutandum Virginem gloriosam.*

I. **A** Stitit Regina à dextris tuis, in vestitu deaurato. Quamvis nullius sim meriti, sed multorum delictorum conscius mihi, est tamen pergrandis fiducia, passio tua, Domine Jesu, & meritum gloriosæ Virginis Sanctæ Mariæ Matris tuæ, de qua parumper cogitare nunc libet; & quæso, ut liceat. Quis enim ego sum, ut audeam propius accedere, nisi licentiâ prius postulata? Scio indignitatem meam, in ejus singulari reverentia non debere apparere, quam nimirum Angeli venerantur cum stupore dicentes: *Quæ est ista, quæ ascendit de deserto mundi, deliciis affluens paradisi: Idcirco, ô prædulcissima Maria, nequaquam mihi convenit, tuam gloriam & honorem, tuam pulchritudinem & magnificentiam considerare; quoniam terra sum & cinis; immò terrâ vilior & cinere; quia peccator sum, & ad omne malum proclivus. Tu autem cælo celsior facta, mundum sub pedibus habes; & propter honorem Filii tui, omni honore digna existis & reverentiâ. Attamen*

I. Plal. 49

Cant. 2

in-



ineffabilis pietas tua, quæ omnem cogitatum excedit, affectum meum ad te sapè trahit & allicit, quia tu es utique solamen desolatorum, & tu miseris peccatoribus libens subvenire consuevisti.

2. 2. Ego quidem omnibus bonis consolationibus & confortationibus, & maximè gratiâ filii tui me egere sentio, nam meipsum nullatenus juvare sufficio. Tu autem piissima Mater, si meam parvitatem dignaris attendere, multis me potes sublevare auxiliis, atque uberioribus consolationibus inter pressuras refovere. Cum ergò aliquâ pressurâ vel tentatione fuero circumventus, citò mihi & sine trepidatione ad te est recurrendum, quia ibi pronior misericordia, ubi amplior redundat gratia. Quod si fortè aliquando liber speculationi excellæ gloriæ tuæ intendere, atque honorificè te ex intimo salutare, longè puriori me oportet corde procedere; nec sine superni luminis ductu, mihi expedit proficisci. Verè non est illi gloria, sed digna reddenda confusio, quisquis irreverenter ad tuum præsumperit ostium accedere. Oportet autem accedentem, summa cum reverentia & humilitate procedere, bonâ tamen spe simul junctâ, quatenus tuâ miserante clementiâ, dignus sit admitti.

3. 3. Humiliter ergò ac reverenter, devotè & confidenter, ad te procedo. Gabrieliis portans in ore salutationem tibi suppliciter offerendam; quam & inclinato capite ob tui reverentiam, & expansis manibus ob eminentem devotionis affectum, lætè præsto; atque eandem centies millesies, & multò amplius ab omnibus cœlestibus spiritibus, pro me dici peto & exoro. Nam quid

à Kemp, Soliloquium anima.

dignius & dulcius pro præsentī offeram prorsus ignoro.

4. 4. Ausculet nunc sancti nominis tui pius amator. Cœlum gaudet, stupet omnis terra, cum dico: Ave Maria. Satan fugit, infernus contremiscit, cum dico, Ave Maria. Mundus vilescit, caro marcescit, cum dico, Ave Maria. Abscedit tristitia, venit nova lætitia, cum dico, Ave Maria. Torpor evanescit, cor ex amore liquefcit, cum dicò, Ave Maria. Crescit devotio, oritur compunctio, spes proficit, augetur consolatio, cum dico, Ave Maria. Recreatur animus, & in bono confortatur æger affectus, cum dico, Ave Maria. Siquidem tanta est suavitas hujus benedictæ salutationis, ut humanis non possit explicari verbis; sed semper manet altior & profundior, quàm omnis creatura indagare sufficiat. Propterea iterum flecto humiliter genua mea ad te, sanctissima Virgo Maria, & dico, Ave Maria, gratiâ plena. Suscipe clementissima Domina mea sancta Maria, hanc devotissimam salutationem, & me in ea suscipe; ut aliquid habeam, quod tibi gratè placeat, quod mihi fiduciam ad te præstet, quod majorem semper amorem accendat, ac in jugi devotione tui venerandi nominis conserve.

5. 5. Utinam ad satisfaciendum desiderio honorandi & salutandi te ex totis præcordiis meis, omnia membra mea modò verterentur in linguas, & linguæ in igneas voces, ut modum invenirem glorificandi te, Dei genitrix in æternum. Utinam adhuc pro omnibus peccatis meis, quibus iram merui, & gravissimè filium tuum contristavi, te quoque & omnem exercitum cœli, sæpissi-

G

mè

Saluta-  
tionis An-  
gelicæ  
energia.

Cant. 2.

I.  
Plal. 46



mē filium tuum contristavi, te quoque & omnem exercitū cœli, sæpiſſimē in honoravi & offendi, hanc ſuaviſſimam Gabriels ſalutationem reddere valeam, tanquā ſanctam & puram orationis hoſtiam, omnium commiſſorum meorum expiatrix. Utinam quoque cū nimis fragilis & labilis ſit vita mea, pro univerſis exceſſibus negligentis meis, pro omnibus etiam cogitationibus vanis, immundis, & perverſis, omnes beati ſpiritus & animæ juſtorum, puriſſimā devotione & ardentiffimā deprecatione, dicant tibi, ô beatiffima Virgo Maria; ac centupliciter in honore tuo altriſſimam hanc ſalutationem replicent, quā Pater, & Filius, & Spiritus Sanctus, te primū per Angelum ſuum ſtatuit ſalutare; quatenus ſic aliquo modo reperiam incenſum dignum, in odorem ſuavitatis; qui nihil bonitatis & dignæ recompensationis, in ſe reperio.

6. Sed & nunc in præſentia tua proſtratus, & ſincetā devotione invitatus, atque totus in veneratione amiſſi nominis tui accenſus, repræſento tibi lætitiā ſalutationis iſtius; quando Gabriel Archangelus à Deo miſſus, ſecretarium thalæmi eſt ingreſſus, & flexis reverenter genibus, novā & inauditā à ſæculo ſalutationem, tuam virginalem faciem honoravit, & dixit; *Ave gratia plena, Dominus tecum, benedicta tu in mulieribus.* Quam & ego fidelium more, & aureo ſi poſſum ore, ex integro cupio perſolvere; atque ut mecum omnes creaturæ pariter loquantur, ex intimis viſceribus concupiſco; *Ave Maria, gratia plena, Dominus tecum, benedicta tu in mulieribus, & benedictus fructus ventris tui Jeſus Chriſtus; Amen.*

7. Hæc eſt ſalutatio Angelica, Spiri-

tus ſancti institutione formata, tuæ maximæ dignitati & ſanctitati congrua. Hæc eſt oratio parva verbis, alta myſteriis; brevis ſermone, lata virtute; ſuper mel dulcis, & ſuper aurum pretioſa; ore cordis jugiter ruminanda, labiſque puris frequentiffimē legenda ac repetenda. Nam verbis pauciſſimis contextitur, & in latiffimum torrentem cœleſtis ſuavitatis diffunditur. Sed vā faſtidioſis; vā indevotis & vagis oratoribus, aurea verba non ponderantibus, nec mellea pocula guſtantibus, qui toties dicunt (*Ave Maria*) ſine attentione & reverentia.

8. O dulciſſima Virgo Maria, cuſto- 8.  
di me à tam gravi negligentia & deſidia, & tribue veniam de tranſacta jam culpa. Ero amodò devotior, ferventior, & attentior in dicendo. *Ave Maria; ſive in choro, ſive in cella, ſive in horto, ſive in agro, aut quocunque locorum fuerō.* Et nunc poſt hæc quid petam à te, Domina mea chariſſima? Quid melius, quidve utiliſ, & quid tam neceſſarium, mihi indigno peccatori; niſi ut inveniam gratiam coram te, & dilectiſſimo filio tuo? Peto ergo gratiam Dei, te interveniente & impendente, quæ (teſte Angelo) apud Deum plenitudinem gratiæ invenisti. Nulla charior petitio eſt, 2. Cor. 12.  
nec ullā te plus indigeo, quā gratiā & miſericordiā Dei. Sufficit mihi gratia Dei, cæteris non obtentis. Quid enim eſt omnis conatus meus, ſine illa? Quid item impoſſibile, eā aſſiſtente & juvante? Habeo multas & diverſas animi ægritudines, ſed divina gratia efficaciffima medicina eſt contra omnes paſſiones; & ſi dignanter advenerit, mitigabit univerſas. Habeo quoque inopiam ſpiritualis ſapientiæ & ſcientiæ, ſed divina gratia ſumma magiſtra eſt, &



& doctrix cœlestis disciplinæ, quæ repente in cunctis necessariis me sufficit instruere. Nam ultra necessarium aliquid petere, aut præter licitum aliquid velle scire, hæc ipsa gratia dissuadet; sed humiliari sub se, & contentari se, ipsa monet & docet. Hanc igitur mihi impetra gratiam, clemens Virgo Maria, quæ tam nobilis est & pretiosa, & ut meritò aliud nihil desiderare debeam aut petere, quam gratiam pro gratia.

CAPUT XXIV.

*De consolatione piissimæ Matris Virginis Mariæ.*

1. **D**iffusa est gratia in labiis tuis. Eja obsecro te, Domina mea, vel nunc parum loquere mecum, Sancta Maria. Aperi os tuum in nomine filii tui, qui te benedixit in omni gratia spiritali. Ego sum (inquit) Mater misericordiæ, plena charitate & dulcedine: Ego peccatorum scala, reorum spes & venia: Ego mœstorum consolatio, & Sanctorum specialis lætitia: *Transite ad me omnes, qui diligitis me, & ab uberibus consolationum mearum adimplemini;* quia pia sum & misericors omnibus invocantibus me. Venite omnes iusti & peccatores, rogabo pro vobis Patrem, rogabo & Filium, ut repropitiatur vobis per Spiritum Sanctum. Omnes invito, omnes exspecto, omnes venire desidero, nullum peccatorum despicio; sed super pœnitente peccatore, etiam cum Angelis Dei in cœlo, magnâ charitate congaudeo; quia non perit pretiosus sanguis Filii mei, effusus pro mundo. Accedite ergo ad me filii hominum, attendite & videte zelum meum pro vobis, ad Deum filium meum, Jesum Christum. Ecce ego iram ejus in

me suscipiam, placabo illum precibus sedulis, quem vos offendisse cognoscistis. Convertimini, & venite, agite pœnitentiam, & impetrabo vobis indulgentiam. Ecce ego sto inter cœlum & terram, inter Deum & peccatorem; & ne mundus iste pereat, precibus meis obtineo. Nolite ergo abuti misericordiâ Dei, & meâ clementiâ; sed omnem cavete offensam, ne subito super vos redeat indignatio, & intolerabilis vindicta. Præmunio filios meos, obsecro dilectos meos, estote imitatores filii mei, & matris vestræ. Recordamini mei, quæ vestri non possam oblivisci. Ego enim sum omnium miserrum miseratrix, omniumque fidelium piissimæ advocatrix.

2. O gratiosissimum verbum, omni cœlesti dulcedine plenum. O vox sublimis de cœlo rorans, suaviter influens, peccatores consolans, & iustos lætificans. O cœlestis fistula, quàm dulciter resonas in desperata conscientia? Et unde mihi, ut alloquatur me mater Domini mei? Benedicta tu mater sanctissima, & benedictum eloquium oris tui; nam mel & lac sub lingua tua, & odor verborum tuorum super omnia aromata. Anima mea liquefacta est, ut locuta es, ô Maria. Ecce ut facta est vox consolationis tuæ in auribus meis, exultavi in gaudio anima mea. Reviviscit namque intra me spiritus meus, & omnia interiora mea gaudio novo perfunduntur, quoniam bona & jucunda per te mihi hodie nuntiata sunt. Tristis eram, sed nunc gaudeo propter vocem tuam. Vox enim tua dulcis, in auribus meis. Gravatus eram & desolatus, sed nunc relevatus sum, & confortatus. Misisti enim manum tuam de alto, & terigisti me, convaluique



de infirmitate. Vix loqui poteram, sed nunc libet etiam cantare, & gratias tibi magnificè agere. Tædebat vivere, sed jam nec mori timeo; quia te advocatam, apud filium sciens, pro mea causa teneo, cujus misericordiæ me commendando, ex hac hora, & deinceps omni in momento. Ex quo enim locuta es ad cor desolati orphani tui, repente mutatus sum in melius, & validè interius recreatus. Quodammodò desperatus jacui, sed accessit consolatio tua, meque erexit cum jucunditate dicens.

3. *Maria.* 3. Quid est fili, & quid sunt, qui volunt nocere tibi? Noli timere, ego videbo pro te, fili mi. Vivo ego, & vivit filius meus Jesus, frater tuus, qui est ad dexteram Patris, fidelis utique Pontifex & intercessor pro peccatis tuis. In ipso summè sperare debes, quia ipse est dator vitæ & destructor mortis. Ex me temporaliter incarnatus, ex Patre æternaliter genitus, toti mundo in salutem datus est. Ecce unde spes & consolatio, & per quem fides & victoria. Sit Jesus & Maria, in tua semper memoria, & non timebis inimici jacula.

4. *Discipulus.* 4. O felix hora, quando tribulatio cordi meo adesse dignaris, ô piissima Virgo Maria. O si esset longior mora, ad audiendum verba tua consolatoria: nam vehementer me accendunt & afficiunt, quoniam ex intimo me tangunt & instruunt. Beata ubera tua (divina Maria) quæ nunquam cessant dulcissimum consolationis lac fluere. Nam præ ubertate gratiæ lactentis olim pueri tui dilecti Jesu, non potes innatam tibi misericordiam denegare postulanti; sed gratiam sæpè exhibes, etiam in multis delinquenti. O Mater summæ pietatis, maxime miserationis & charitatis,

O Virgo incomparabilis, omnibus amabilis, & venerabilis. O Genitrix singularis, ex te nati Filii Dei; sed & totius Christianitatis Mater generalis, ac cuique pro suæ devotionis affectu valde cordialis & specialis. O Virgo virginum, Regina mundi, & Domina Angelorum, trahe me post te, ne jacens maneam sub onere peccatorum. Effunde gratiam, rorem salvificum de cœlis ministra; ut veraciter merear sentire, quod tu es Mater gratiæ, & fons patens misericordiæ.

5. *Maria.* 5. Ego sum Mater pulchræ dilectionis, casti & sancti timoris, piæ allocutionis, & suavissimæ consolationis. Audito ergò nomine meo, exulta in toto corde tuo, inclina reverenter, meque saluta libenter. Nam honorando Matrem, honoras & Filium, qui Deum habet Patrem. Ego enim sum Maria, Mater Jesu; & hoc nomen, mihi in æternum manebit. Jesus autem quid? Christus Filius Dei vivi. Hic est Salvator mundi, Rex cœli & terræ, Dominus Angelorum, ac Redemptor fidelium, iudex vivorum & mortuorum. Ipse est spes piorum, consolatio devotorum; pax mansuetorum, divitiæ pauperum, gloria humilium, fortitudo debilium, via errantium, lumen cæcorum, baculus claudorum, unctio aridorum, levamen oppresorum, juvenentribulorum, & omnium bonorum singulare refugium. Benedic Filium cum matre, & eris dilectus à Patre. Da ei honorem & gloriam, quoties mihi aliquam exhibueris reverentiam. Ejus gloria, mea lætitia; & mea laudatio, ejus est veneratio. Pone me & Jesum, sicut signaculum super cor tuum: sicut signaculum, super brachium tuum. Stans igitur aut sedens, orans aut legens,

*Jesus piis  
quid?*



legens, scribens aut operans, creber in ore, semper autem in corde, Jesus versetur & Maria.

6. 6. Eja, amen. Serviant tibi omnes populi, tribus, & linguæ, & incurventur ante te omnes creaturæ. Cælum dicat, Gaude Maria: terra respondeat, Ave in æternum & ultrà. Confiteantur simul omnes Sancti nomini tuo magno, & exultent omnes devoti coram te, & agno Jesu Christo, Filio tuo, Domino nostro: Amen.

## CAPUT XXV.

*De reddendis gratiis, pro acceptis beneficiis.*

I. I. **S**it nomen Domini benedictum in sæcula. Serviat tibi Domine Deus, quicquid ago, lego, scribo; omne quod cogito, dico, & intelligo. A te incipiat, & per te, & in te, omne opus meum finiatur. Quod dedisti, hoc recipere; & unde flumina exeunt, illuc revertantur. Numquam melius mihi manet, nec unquam dulcius sapit, quam cum totum tibi sincere retribuo, quicquid rectum à me geritur aut cogitur. Opto gratias agere; quod tunc veraciter ago, si totum tibi, & nihil mihi dedero ex omnibus datis & acceptis. Quid inquam possum retribuere, malus & piger servulus? Nihil est servitium meum, etiam si fecero omne, quod iussisti. Propterea ad nihil redactus sum, & in veritate humiliatus. *Bonum mihi, quia humiliasti me: ut tu solus iustificeris, tu solus lauderis ab omnibus: nec unquam gloriatur in se pulvis vilissimus.* Veruntamen desistere nolo, sed laudare te cupio corde & ore; quia si dignè non possum perficere, indignum tamen est omnino silere, nec recognoscere. *Laus mea, Deus meus tu es, in te cantatio mea semper,*

2. O qui parum sentiret de gloria tua, & quid est in te gloriari, quam nihili duceret, quicquid de externa blanditur gloria; O qui parum saperet de dulcedine tua, quam citò illi amaresceret omnis delectatio terrena? O quantum ferberet, qui parvam scintillam charitatis tuæ haberet? Nam omnia libentissimè contemneret, ut tuo amori inhærere liceret. Et verè totum illi suave ac leve esset, quicquid pro amore tuo agere vel pati posset. O quantum exultaret, quam vehementer post te curreret, memor omnium bonorum tuorum? Nihil charius quæreretur, nil beatius possideretur, nil sequeretur avidius, quam quod amori tuo serviret. Etenim amando, onus non sentiret, quia amor omnia onera portaret. Et ideo, qui de onere conqueruntur, exigui se in amore testantur. Ex amore tibi servire, jucundissimum est, & laborum solamen. Amor non respicit ad proprium commodum, nec veretur pati incommodum, sed tuum quærit in omnibus beneplacitum.

3. O quam dulcis res est amor tuus, Christe; quam bene sonat, quam suaviter intrat, quam fortiter tenet & stringit? utinam me servituti tuæ perpetuæ obliget, totaliter capiat, totaliter sibi subiciat, & proprium tuum me tibi faciat. Tunc enim maximè liber sum, cum ab amore tuo captus sum, & omni proprietate privatus & alienatus. *Servus tuus ego sum Domine, tuus inquam, quia emisisti me.* Libenter sum tuus, & non pudet me proprium tuum esse. Nolo mei ipsius esse; tu juva, ut possim ab omni proprietate liberari. Tu conflagra & accende, suscita igniculum, & æstuabit cor meum, fietque purum, clarum, & amœnum; quia

Charitas  
Dei quid  
efficit ubi  
incit.



quia amor tuus fugat omne vitium, & consumit omne peccatum. Tu tene amoris vinculum, & stabit meum pauperculum servitium.

4. Nec ignoto, quia nihil tibi confert meum servitium, sed mihi tamen proficit, si ago, quod tibi gratum esse novi. Utinam faciam, & non sileam, dicam, & non abscondam opera tua. Quomodo enim dignè sufficiam, exco- gitare omnia illa beneficia, quæ mihi indigno contulisti? Magnam misericordiam Domine cum servo tuo fecisti, sed ego (proh dolor) non retribuui grates; sicut dignè meruisti. Ideoque me tenent prænæ & dolores cordis, quia non possum respondere beneficiis tuis, tam multis, & tam magnis. Utinam vel semel dignè & integrè, pro omnibus his queam tibi regratiari. Sed in quo nihil est, quid de illo exire potest? Vas namque vacuum, nihil habet ad propinandum. Quid ergo faciam? Dare me aliquid oportet, quia vacuum apparere coram te non licet; nam & omnis ingratus, tibi displicet.

5. O si haberem aliquid in toto mundo, quod tibi darem, & gratum foret oculis tuis? Quid vis habere, dilecte Domine? *Bonorum meorum usque non eges.* Cur ergo exigis à me datum? Nemo dirior te? & adhuc aliquid postulas à me? Volo (inquis) totum habere. Nam tibi hoc expedit, si vis gratiam meam mereri. Ego dabo gratiam, & tu reddes gratiam, & sic tenebimus pariter jugem charitatem. Da te mihi, & totum dedisti. O Jesu fons omnis boni, fons vitæ, fons gratiæ, fons dulcedinis, fons æternæ sapientiæ; infunde nunc (piissimè) donum cœlestis gratiæ, & doce me tibi semper gratias agere, &

meipsum ante omnia tibi dare; quia hoc est charissimum, quod possum tribuere. Sentio hoc, & consentio. Accipe me; ecce tuus sum totus, & omnia mea tua sunt. Unum est, quod non possum retribuere tibi. Quid hoc? Peccatum meum quod mihi proprium est, & ideo tibi imputandum non est. Meum est peccatum, & omnis defectus in me reperibilis, mihi soli attribuendus; tibi autem gloria & gratiarum actio, pro omnibus beneficiis tuis.

6. Sed jam ad memoranda beneficia tua, ex multis pauca mihi recolligo, & quæ amplius movent, & eminent. Nam omnia perscrutari, nec tempus patitur, nec cogitatio prævalet. Excedit enim numerositas modum; & magnitudo obruit sensum, sed & dignitas non habet pretium. Nam emi non possunt quia gratis dantur; & ideo pro eis tantum grates requiruntur, alioquin ab ingrato omnia auferentur.

7. Primum igitur gratias ago tibi Domino Deo meo, creatori omnium, quod me hominem rationalem dignatus es creare; & super opera manuum tuarum, secundum animam ad imaginem tuam & similitudinem factam constituere. Magnum & primum beneficium gratuita bonitate donatum mihi; neque enim me ipsum ego feci, sed tu me fecisti, introducens me in orbem terræ per parentes, quos tibi in hoc servire voluisti. Et ecce melior sum omni corpore, prælatus omnibus bestiis & volatilibus cæli; quia ad imaginem Dei factus, æternæ sapientiæ capax, lucis increatæ, & veritatis incommutabilis sum naturaliter particeps. Pro omni igitur, quod sum, vivo, & sapio, gratias tibi perpetuas refero; optans & petens, ut omnes simul crea-

turæ

Beneficia-  
rum Dei  
præcipuo-  
rum cata-  
logus.

Psalm. 135.



tura, quæ in cælo sunt & in terra, nomen tuum laudent admirabile & superexaltatum in sæcula. Benedico te Pater, & Domine cæli & terræ, qui omnia creasti ex nihilo, per unigenitum Filium tuum, in Spiritu Sancto. Ex pura & libera voluntate, non aliqua necessitate, creasti omnia, *ut notam faceres filius hominum potentiam tuam*; & mundum hunc visibilem optime deposuisti, per invisibilem sapientiam tibi coæternam. Benedicant te omnes creaturæ tuæ, tibi in cunctis subiectæ, & humano generi ad ministerium conditæ. Nam te jubente, cælum pluvias congruis dat temporibus, & terra fructus affert plurimos. Lucent sol & luna clarè super terram; stellæ gignant noctibus per ordinem. Fontes scatent, fluunt rivi, natant in undis pisces generis diversi. Volant, cantant aves cæli; saltant in montibus capræ, hinnuli, & Cervi. Oves & jumenta, ad bona gaudent pascua; currunt per nemora, diversa animalia. Prata virent, campi florent, & omnia ligna silvarum ramos fructusque producant. Hæc sunt opera tua Deus, qui facis mirabilia magna solus.

8.

Quanta nobis beneficia in beneficio incarnationis Christi collata sunt.

8. Secundum beneficium mihi exhibitum, est mysterium Incarnationis, opus redemptionis, & pretium salutis nostræ, fructus utique passionis tuæ & mortis. O magnum pietatis opus, opus excellentissimæ charitatis, summiæ humilitatis, & patientiæ singularis. Hoc homo non meruit, hoc Angelorum nullus facere potuit, hoc Prophetæ mirati sunt, hoc Apostoli viderunt & docuerunt, hoc fideles omnes susceperunt, hoc maxime electi diligunt & recolunt. Hoc beneficium bene cogitarum excitat desideria, inflammat corda, nu-

trit devotionem, illuminat mentem, purgat affectum, trahit ad cælum, retrahit à mundo, ducit ad Christum, & unit animam Christo. Superabundat donum istud dono priori, unus tamen est, qui utrumque dedit & fecit, Jesus Christus, Dominus Deus noster. Nihil enim mihi nasci profuit in mundo, nisi & redimi profuisset dato sanguinis pretio. Subvenit ergo mihi gratia, excrevit divina misericordia, & facta est *copiosa redemptio*; nam vitiata natura, absque Creatoris non potuit reparari auxilio. O Pater misericordiarum, & Deus totius consolationis ut damnatum servum redimeres, Filium tradidisti. O mira circà nos tuæ pietatis dignatio, quam explicare non valet mens humana, nec angelica ratio.

9. O dulcissime Jesu, principium nostræ salutis & finis; tu solus nosti, qui solus potuisti conferre opem miseris & damnatis. Nam in humillima & abjecta forma servi, apparere dignatus es hominibus; & pro mortalibus vermiculis, sententiam diræ mortis (solâ miserante charitate) libentissimè suscepisti. O Jesu fons bonitatis & pietatis, lux lucis æternæ, & speculum sine macula Dei majestatis, accende cor meum, meditatione hujus ineffabilis beneficii, quod mihi & toti mundo exhibere voluisti. Generale quidem hoc beneficium, sicut & primum, omnibus sufficiens ad salutem; sed non in omnibus tamen efficiens fructum, propter multorum infidelitatem & malitiam. Electis autem omnibus salutare est & proficuum, propter quos omnia creata sunt, & per te (Jesu Christe) recreata. O bone Jesu, quanta nobis beneficia in humanitate tua præstisti? Factus es frater noster, & caro nostra,

Psalm. 144.

Psalm. 144.



Matth. 3.  
17.

nostra, ut filii Dei computaremur, & per te accessum haberemus ad Patrem; cuius offensam placare nemo dignatus fuit, nisi tu, de quo ipse ait: *Hic est filius meus dilectus, in quo mihi bene complacui.* Felix anima, quæ Sacramenta nostræ redemptionis studiosè recolit, affectuosè diligit, dignè veneratur, & pro omnibus tibi gratias agit, ac tuo consilio plus quàm suo sensui credit. Nam hoc mysterium non est quisquam idoneus per se investigare, nec humanâ attingitur sapientiâ; sed fidei potiùs firmitate, ac puri cordis intuitu, de super illustrato, Beatus, qui meretur accipere per gratiam, quod mundi sapientes non potuerunt cognoscere per naturam. O Jesu sapientia Patris, fac me intelligere in luce fidei, hoc magnum & mirabile mysterium tuæ incarnationis, quia in illo totius nostræ salutis latet dulcedo, abundat maxima charitas, & inscrutabilis sapientiæ tuæ plenitudo coruscet. Proficiat servus tuus per augmenta virtutum, & bonarum studia actionum; ac magis magisque in hoc memoriali incarnationis arcano, cum sacræ passionis profundo instruatur, atque totus in tua intima pertrahatur. Profunda admodum abyssus, & divinum quoddam pelagus, tantæ charitatis tantæque dignationis adhibitio; quod transnatare non potest, in quo natant & renatant spirituales pisces, parvi & magni, quos intra rete fidei cepisti.

10.

10. Maneat igitur in recordatione mea, tanta charitas & dulcedo, tanta humilitas & mansuetudo; & in omni orationis sacrificio ac meditationis exercitio, occurrat & immisceatur aliquid de incarnationis passionisque my-

sterio, tanquam lucidissimum thus, & suavissimum balsamum, in odorem suavitatis, Deo Patri offerendum. *Dicant nunc mecum, qui redempti sunt à Domino, quos redemit de manu inimici,* canticum divinæ laudis, & hymnum mentalis jubilationis, cum gratiarum actione, persolvant. Et omnes Angeli stantes in circuitu throni procidant in facies suas, & adorent Agnum Dei, qui abstulit peccata mundi, dicentes: Te decet laus & honor, Domine. Benedictio & claritas, gratiarum actio & vox laudis, fortitudo & imperium, maiestas & sapientia, tibi Domino Deo nostro Jesu Christo, in sæcula sæculorum, Amen.

Psal. 100.

11. Tertium beneficium prioribus non inferius, est gratia justificationis; quâ me clementer ad conversionem, & vitæ emendationem traxisti; donans pœnitudinem peccatorum, spem veniæ, & propositum bene agendi, ac in perpetuum tibi serviendi. Hoc clarè considerans beatus Paulus, adhortatur discipulos suos, ne tanti beneficii sint ingrati; sed ut memores cœlestis gratiæ, dignas supernæ vocationi laudes studeant referre. *Videte [ inquit ] vocationem vestram fratres; quia non multi sapientes, non multi potentes; sed qui infirmi sunt mundi, elegit Deus.* In me hæc confidero, qui contemptibilis & inutilis huic mundo, tuâ sanctâ vocatione ereptus sum de ipsius naufragio, & ad serviendum tibi, etiam tuo merui sociari collegio. At ne retrò iterum abirem, voto me sponte constrinxi. Quod utique non meis meritis, sed tuæ deputo providentiæ. De quo, te magnificè laudo, & benedico; qui dignatus es me vocare per gratiam, dans mihi volun-

11.

Justifica-  
tionis be-  
neficium  
quantum.

1. Cor. 1.

tatem



tatem bonam, & abiciens à me peccatorum sarcinam. Nam & suavi jugo tuo me subjecisti, emolliens mentem meam unctione spiritus tui, quem mundus nescit, nec videt, nec sapit. Custodi hanc voluntatem, misericors Domine; insuper adauge dona gratiæ, quamdiu sum in hac visibili luce. Sentio vocationem istam magnum esse beneficium, quod non omnibus datur, sed quibus paratum est à Patre; quia non est volentis, neque currentis; sed misereantis Dei, ut omne os loquens inania, obstruatur, & totus homo tibi subiectus sit; *Et non gloriatur omnis caro in conspectu tuo*, nec tibi quicquam deputet de propriis meritis, vel operibus bonis. Nam si secundum iustitiam mecum agere voluisses, jam deputatus essem cum iis qui in inferno sunt. Sed pepercit mihi pietas tua, Domine, atque locum tribuisti, indulgentiæ, ne similis fierem filio perditionis æternæ. Magnas igitur tibi teneor laudes reddere, pro tam magnifico beneficio, & utinam dignis respondeam vocibus & moribus, cunctis vitæ meæ temporibus. Obsecro autem, ut pro gratiarum actione, acceptes meum pauperculum obsequium, quo tibi servire cupio, & ex charitate debeo, & ut debitum servitutis meæ radicaliter procedat, ac finaliter tendat ad tuum beneplacitum & honorem, nec unquam cor meum à tua dilectione avertatur; sed anima mea & corpus meum, pariter vigeant & perseverent in sanctissimo servitio tuo, quamdiu spiritus est in visceribus meis; & compos mei ipsius sum, & tui recordari possum. Nunquam cesset laus tua ex ore meo; & abundantia benefactorum tuorum non recedat de corde meo. Quod si servus tuus mul-

*a Kemp. Soliloquium animæ.*

tis annis vixerit, dato etiam quoddam centum aut mille annis esset victurus, non erit propterea tepidus vel perterritus, in humilitate & subiectione tibi famulari; sed ita devotè & voluntariè tibi in omnibus deserviam, sicut ea hora & die, quando primum cor meum à te admonitum est & confirmatum, ut te Dominum solum pura & integra mente sequeretur. Nec huic proposito obstabit, aliqua infirmitas seu adversitas intercurrentis; sed sicut nun sentio, & te Deo meo audiente propono, ita quoque quod semel egressum est de labiis meis, te adjuvante cupio adimplere. Sin verò per aliquam fragilitatem, vel quamlibet culpam hæc voluntas fuerit confracta, *(quia non est homo, super terram sic iustus, qui vivat, Et non peccet)* adhuc non diffidam; nec te dimittam; sed mox incurvabo genua cordis mei; cum multa contritione & lachrymis, offerendo tibi tristem & sauciam conscientiam meam, ad sanandum eam medicamento gratiæ tuæ; & ad alligandum multò fortius propositum, quam antea fuerat constitutum. Non me pœnitebit boni incepti, imò gratias agam, quia hoc à te vel semel merui suscipere, quoddam tibi consensu æternaliter militare. Potens es autem omnipotens & misericors Domine, qui me de nihilo creasti, quique hominis infirmitatem, & casum ab initio prænosti, omnia commissa mea mihi benignissimè dimittere, ac instaurare omissa, perdita restituere, livida curare, sordida mundare, tenebrosa illuminare, tumida inclinare, extincta reaccendere, confracta reedificare, neglecta recuperare, prava corrigere, aspera complanare, curiosa restringere, vaga colligere, inordinata com-

H

pone-

*Psalm. 100.*

*Rom. 9.*

*1. Cor. 1.  
Gratiarum actio  
de beneficiis.*

II.

*Iustificatio-  
nis be-  
neficium  
quantum.*

*1. Cor. 10.*

*1. Petr. 6.*



ponere; ac totum statum mentis meæ in melius commutare; ita ut jam nil desit de priori proposito, sed etiam omnis occasio mali, cooperetur mihi in melius, tibi humiliter prostrato. Hæc est mutatio dexteræ excelsi; hæc est visitatio celestis; hæc est multiplex collatio divinæ pietatis.

12. Accipe etiam pro gratiarum actione, cuncta sanctæ ecclesiæ devota servitia, cum unamini concentu totius celestis curiæ. Et omnes sancti ab origine mundi, qui per gratiam tuam illuminati sunt & vocati; omnes quoque fideles & Christiani, in omni populo, & tribu, & lingua, & natione, qui usque hodie sunt, & ante nos fuerunt, & post nos erunt, pariter celebrent & collaudent dulcissimum atque gloriosissimum nomen tuum, quod est super omne nomen benedictum. Dicant iterum, & revocent cum ingenti gaudio, laudes universas, tuo nomini digne dicendas, tot utique vocibus; quot cælum stellas, quot mare pisces, quot gramina tellus, quotque biblia continent apices. Et cum illud totum fecerint, & pro me suppliciter dixerint; tunc adhuc confitebor tibi, quia necdum satisfactum est ineffabili laudi nominis tui quod totis viribus cupio laudare, & omnimodò super exaltare; quousque ad illas perveniam curiales laudes, quas modò non

possunt attingere nec prosequi, mortaliū hominum voces.

13. Vides nunc anima mea, magnitudinem & preciositatem beneficiorum creatoris ac redemptoris Domini Dei tui, cui ad regratiandum non sufficit omnis creatura, quam ipse in laudem & gloriam sui æterni benedicti nominis condidit; qui nullius utique gloriæ eger; sed sibi soli ipse solus sufficit, sua gloria est ipse, qui est. Ecce præ multitudine beneficiorum ejus, non potui cuncta ante oculos tuos reducere, sed elegi ex grandi copia tria munera pretiosa, quem *Matth. 2.* admodum magi Domino oblatari fecerunt, in quibus placuit penè universa concludere. Nam omne beneficium, si diligenter advertis, aut est naturæ, aut gratiæ, aut super excellentiæ, & quodcunque aliud est, satis convenienter ad aliquod horum trium habet referri. In creatione, habes beneficium naturæ; in redemptione, beneficium superexcellentiæ, in justificatione, donum consideratiæ. Pro quibus omnibus & singulis, gloria tibi sit sancta Trinitas, æqualis una Deitas, & ante omnia sæcula & nunc, & in perpetuum.

Amen.

## FINIS SOLILOQUIORUM ANIMÆ.

## HORTULUS ROSARUM.

### CAPITA HUIUS LIBELLI.

**D**E bona societate querenda, & mala  
fugienda. *Cap. 1*  
De fuga sæculi, & laqueis diaboli. *2*

De vera sapientia apud Deum querenda. *3*

De pugna contra propria vitia. *4*

De devotionis gratia acquirenda. *5*

De auditione & lectione divini sermonis. *6*

De



De divina consolatione, in tribulatione. 7  
De gaudio bonæ conscientia, in Spiritu  
sancto. 8  
De bonis moribus humilis fratris. 9  
De instabilitate humani cordis. 10  
De fiducia in Deo habenda, tempore an-  
gustia. 11  
De virtute orationis, & utilitate sacra le-  
ctionis. 12  
De laude charitatis, & fructibus ejus. 13  
De vigili cura & labore contra tentatio-  
nes. 14  
De fraterno onere invicem portando. 15  
De amore Christi, & odio mundi. 16  
De imitatione sanctissimæ vitæ, Domini no-  
stri Jesu Christi. 17  
De aterna laude Dei. 18

CAPUT I.

De bona societate quærenda, & mala  
fugienda.

I. I. **C**um sancto factus eris, & cum per-  
verso perverteris. Attende dili-  
genter, frater amande, in Christo, ne  
seducaris à sociis malevolis, dissolutis, &  
mendosis. Junge te virtuoso, & disci-  
plinato, & erudito; à quo audias semper  
verbum bonum, consolatorium, & imi-  
tatione dignum. Sicut enim carbo frigi-  
dus, conjunctus igni ardenti, fit calidus  
& ardens; sic tepidus, socians se fervido  
& devoto, fit sæpe fervidus & devotus,  
doctus & morigeratus. Sic Apostoli  
adhærentes Christo, facti sunt viri san-  
cti, repleti Spiritu sancto. Sic Marcus  
adhærens sancto Petro, fit eruditus in  
Evangelio sancto, quod audivit ab ore  
beati Petri, cum ingenti gaudio. Sic  
Timotheus adhærens sancto Paulo,  
fit doctus in scripturis sanctis, à juven-  
tutis sua exordio. A quo postmodum,

proficiente Dei gratia, ordinatur Epif-  
copus in Epheso, multum prædilectus  
ab eo, sicut Filius unicus à patre cha-  
rissimo.

2. Sic sanctus Polycarpus, conjunctus  
sancto Joanni Apostolo, fit fervidus  
Prædicator fidei in populo, & inclytus  
martyr cum sancto Ignatio. Sic bea-  
tissimus pater noster Augustinus, instru-  
ctus ac baptizatus à sancto Ambrosio  
Episcopo, fit tandem gloriosus Doctor  
sanctæ Ecclesiæ, illustrissimè jam nomi-  
natus in toto mundo. Sic sanctus juve-  
nis Maurus, adhærens sancto Benedi-  
cto, fit Deo juvante postea Abbas san-  
ctus, virtutibus & miraculis clarus. Sic  
Deo dilectus Bernardus, adhærens ve-  
nerabili Abbati Stephano in Cisterciensi  
monasterio, fit lumen religionis in ordi-  
ne suo, & tanquam sydus clarum ful-  
gens in cælo. Exempla sunt plurima  
tam nova quam vetera, quia prodest  
saluti animæ, societas bona, & nocet  
conventio prava. Prodest lectio bona,  
nocet auditio mala. Prodest solitudo  
cum silentio, nocet tumultus & vagus  
discursus in mundo. Aut igitur esto so-  
lus Deo vacando, aut cum socio devo-  
to, de Christi virtutibus conferendo.  
Cave de altis rebus curiosè quærere, stu-  
de vitia tua cognoscere, & remedia sa-  
na morbis adhibere.

CAPUT II.

De fuga sæculi, & laqueis diaboli.

I. **A**udiens sapiens, sapientior erit. Au-  
di (adolescens bone) verbum  
æternæ sapientiæ, super omnes sapientes  
mundi tibi magis utile. Noli, secundum  
beati Joannis dictum diligere mundum,



*Et ea quæ in mundo sunt*; sed respue omnia, tanquam stercora & venena. Cogita de fine sine fine, & cessabit tentatio. Cave animæ tuæ periculum; non sis alicui scandalum: nec loquaris indecens verbum. Si te retrahit à Deo pater carnalis, responde, quia patrem habes in cælis. Si mater aut soror impedit, dic eis; Mortales estis, & fallaces: qui me creavit, ipse me gubernabit. Qui Deo servit, omni bono non deficiet. Commenda omnes amicos tuos Deo, orans ut se emendent, & caveant à peccatis; ne Deum offendant, & pro terrenis cœlestia perdant. Magna cordis inquietudo, amicorum visitatio frequens.

1. Joan. 2. *Mundus transiit, & concupiscentia ejus; & tu pariter transibis, & amici tecum omnes.*

2. *Multi laquei diaboli, & qui vult fieri dives, & videri magnus, incidit in varias tentationes ejus.* Laquei quotidiani sunt, cibus & potus, oculus vagus, sermo otiosus, inconstantia cordis, & tardium boni operis. Omnia vanitas, honor, divitiæ, & potestas. Quid quaris, quid cupis videre in mundo, ubi nihil est mundum? Totum vanum, lubricum, & dolosum, præter amare Deum, & facere semper bonum. Non potes perfectè amare Deum, nisi contemnas teipsum & mundum propter Deum, *qui reddet tibi centuplum in præsentem, & vitam æternam in futuro.*

Matth. 23.

3. *O frater peregrine, non sit tibi grave elongari ab amicis & notis, qui sæpè sunt impedimentum æternæ salutis, & subtractio divinæ consolationis.* Ubi sunt socii tui, cum quibus lussisti, & risisti? Nescio. Abierunt, & me reliquerunt. Ubi est, quod heri videristi? Evanuit. Ubi est, quod cõme-

disti, & bibisti? Totum periiit. Quid nocuit, quod abstinuisti? Nihil omnino. Sapiens ergo, qui Deo servit, & sæculum cum suis delectationibus funditus spernit. Verè ita est. Vix omnibus mundi illecebris ebriis, quos citò omnis jucunda societas deferet, fugiet, atque sepeliet. Ecce mortui sunt omnes. Non ultra revertentur ad me, ego magis sequar eos Deo vocante. Hospites fuerunt super terram, & ego. Omnia hic reliquerunt, & ego. Tanquam umbra subitò transierunt, & ego.

### CAPUT III.

*De vera sapientia, apud Deum querenda.*

1. *Beatus vir, qui invenit sapientiam.*

1. Prov. 2.

Quære veram sapientiam quam Christus docuit, & exemplo suo ostendit. Verus sapiens odit iniquitatem, loquitur veritatem, & operatur justitiam. Qui sobriè, castè, piè, humiliter, & devotè vivit, & pericula tentationum cavet, sapiens est, & Deo placet. Hic bonam famam habet, bonam conscientiam servat, tristitiam fugat, pacem possidet, & cordis lætitiā frequenter à Deo accipit, quam mundus ignorat, nec sapit.

2. *Sapientia mundi vanitas est, & stultitia reputatur apud Deum.* Decipit suos amatores, & in fine torquet ovariantes. Sapientia verò carnis, mors animæ est, quæ subitò tollit pariter vina bibentes, & deliciis inhaerentes. Nam luctus & poena, post carnis gaudia fœda. Trahitur autem vera sapientia de occultis verbis, & sacris actibus Christi, qui suadet spernere mundum, fugere delicias, domare carnem, pati dolores, subire labores, amare virtutes.

CA-



## CAPUT IV.

*De pugna, contra propria vitia.*

**1.** *Regnum calorum vim patitur.*  
*Matt. 11.* **R** Multorum est incipere, paucorum proficere, paucissimorum ad perfectionem pervenire. Aut enim ad carnem nimis labimur, aut in superbiam erigimur, aut adversis frangimur. Heu raro hic juvenitur, qui Deum purè quatit, & seipsum perfectè vincit, & funditus relinquit. Dixit quidam devotus; Rara avis perfectio, arduum nimis vincere seipsum. Qui non laborat pro virtute, non satiabitur ejus dulcedine. Omnis virtus bonum habet sibi annexum, & recreat bene operantem. Qui vitiosè agit, generat sibi malum finem, perdit honorem, destruit quietem, invenit dolorem, auget tristitiam, tollit boni saporem. Qui autem abstinet à licitis, securior est ab illicitis.

**2.** Qui canis linguam refringit, morsum non timebit; & qui silentium districte servat, labiis suis non offendit. Longè est à mendacio, à lite, à detractatione, à maledictione, ab ira & murmuratione, qui libenter latet & tacer. Qui non audit mala, nec videt vana, facilius ea vitat, & negligit similia recogitare. Sensuum enim custodia puritatis est causa, pacis disciplina, devotionis camera. Quando ira venit ad mentem, sapientia recedit à prudente. Qui iracundè loquitur, latranti cani assimilatur. Qui autem mansuetè respondet, iræ motum frangit, & pro spinis rosas præbet afflicto. Benedicta lingua prudentis, quia sanat vulnera irascentis. Qui resistit vitii quamprimum oriuntur, & parva videntur; facilius ea expellit, antequam duriora fiant.

**3.** Qui innititur devotis exercitiis, orando & meditando quæ cœlestia sunt, assimilatur sapienti hortulano, plantanti rosas & lilia, in agro suo. Hic valdè gaudebit in futuro, cum sanctis Angelis in cœlesti paradiso. Angelis est similis, qui puritatem custodit mentis & corporis. Dæmonum est servus, qui consentit vitiis, & delectatur in cogitationibus pravis. Dura est pugna, delectationi resistere; sed durior erit pœna futura, in æternis ignibus cruciari. Ardor ardore vincitur, clavus clavo expellitur, risus mœrore fugatur. Cum amor Dei intrat, cuncta transitoria de corde recedunt. Sapiens est ille, qui spernit milia mille. Omnia sunt nulla, Rex, Papa, & plumbea bulla. Cunctorum finis, mors, vermis, fovea, cinis. Quantumcunque enim quis se extollit, nil est, mors omnia tollit. Fœlix peregrinus, qui habet hospitium in calis.

## CAPUT V.

*De devotionis gratia acquirenda.*

**1.** *Vobis, qui ridetis, quia flebitis.*

**V** Sicut virtus non potest stare cum vitio, sic devotio non potest acquiri cum risu & in convivio; sed cum luctu & silentio. Perfecta autem virtus, non subito acquiritur; sed paulatim, cum multo gemitu & dolore, cum firmo proposito proficiendi semper in melius, vim sibi faciendo, sapius scilicet jejunando, vigilando, orando, meditando, studendo, scribendo, laborando, à fabulis abstinendo, & in secretò libenter manendo.

**2.** Omne gaudium, quod de Deo non est, citò perit, maculat, & lædit. Bonus sermo, suavis est ad audiendum; durus, turbat amicum; otiosus perdit



temporis fructum. Esto diligens in operando bona, patiens in tolerando mala; & beatus eris in vita tua, Deum laudando omni hora. Rarò tibi unum vel alterum deerit istorum, tristari aut latari. Felix, qui omnia ad bonum trahit, & de adversis lucrum sibi facit. Qui Deum diligit, amara sicut dulcia, æqualiter à Deo accipit, & gratias agit. Bene & firmiter stat, qui non in se, nec in homine, sed in Deo spem suam ponit.

## CAPUT VI.

*De auditione & lectione divini sermonis.*

1. **B**eatè, qui audiunt Verbum Dei. Vile est solatium humanum, quod impedit divinum. Cùm sacra lectio legitur, Deus tibi loquitur: ideo cum humilitate, Verbum Dei audi gratanter. Veritas non est aspernanda, à quocunque simplici proferatur. Qui bene vivit, bene docet: & qui bene legit, Dei nuncius est. Fidelis nuncius nociva tacet, utilia refert, fingere nescit. Pura veritas, jucundum verbum. Subtilis sermo parvulis nocet, blandus sæpè decipit. Falsus narrator, pacis turbator: qui illum audit, scandalum non evadit. Iudex discretus, omni laude dignus: Durus & immisericors, non est misericordia dignus. Iracundus animus torquet seipsum gravius, vexat innocentes sæpius, maledicit potentibus occultè, & deridet apertè bene agentes.

2. Dolosus in verbis fallit sibi credentes: ideo paucos habebit amicos. Bonum est tacere mala, sanctum vera proferre, rationabile modèstè agere. Justum est nulli nocere, pium omnibus prodesse, religiosum verbis & moribus proximum edificare. Prudentis est agenda præmeditari, & sine causa nil novi

querere: ignota non facillè enarrare, dubiosa non statim confirmare. Magnum bonum pro pace cordis, silentium oris: nam os fatui, quasi semper apertum, rixisque proximum. Qui Deo placere desiderat, cor & os custodiat, ne devotionis gratiam perdat, & quietem amantis offendat. Multa pulchra verba non implent saccum: nec eloquentia verborum sanctificat otiosum, neque ambitiosum. Qui bene facit, bene habebit

## CAPUT VII.

*De divina consolatione, in tribulatione.*

1. **I**uxta est Dominus his, qui tribulationibus sunt corde. Nemo invenitur tam bonus & devotus, cui non occurrat aliquid oneris & gravitatis. Cùm ergo fueris in tribulatione, & cordis merore, tunc es cum Jesu in cruce. Cum autem iterum consolaris in oratione, per gratiam sancti Spiritus; tunc quasi ex mortuis cum Christo resurgis de sepulchro, & celebras Pascha in novitate vitæ cum Jesu, in corde jubilando. Cùm verò audieris aliquem indigna & dura verba tibi dicentem, tunc datur tibi de calice Domini bibere, pro medicina animæ tuæ.

2. Tace, & bibe salutis pocula sine murmure, & Dominus respondebit pro te, in vita & in morte. Non obliviscetur tui Deus. Nihil gloriosius, quàm silendo & patiando, obstruere os loquentis iniqua, & sequi exemplum Christi tacentis coram Pilato, cui fuere multa falsa objecta. Non enim es melior Deo tuo, pro te flagellato ac deriso; & tandem à malignis occiso. Nescit homo, quàm bonus sit & virtuosus, nisi eum vexatus fuerit adversis, Christus multos habet



habet amatores & sodales mensæ, sed paucos sectatores abstinentiæ.

3. Verus amator crucifixi, non refugit pati dolores, nec confundi à perversis, ut sit Christo conformis, in scandalo crucis. *Nam cui Christus vivere est, huic pati & mori pro Christo lucrum est maximum.* Quanto ardentius Deum quis diligit, tanto minus mortem timet, & eo amplius dissolvi concupiscit; ut cum Christo foeliciter vivat, & in perpetuum cum Angelis gaudet. Foelix anima, quæ Jesum medullitus amat, præsentia bona amore æternorum vilipendit, pro nomine Jesu mala patienter tolerat, & ad pedes Jesu humiliter se prosternit, & orat, ut in virtutibus proficiat, & constans perseveret.

## CAPUT VIII.

*De gaudio bonæ conscientie, in Spiritu sancto.*

1. **G**audete in Domino semper. Congaude bonis, sustine malos, compatere afflictis, ignosce delinquentibus, ora pro omnibus. Projice à te malam tristitiam, quæ importat acediam & rancorem. Assume dulcem & sanctam meditationem, de vita & passione Christi, & invenies veram consolationem, contra omnem tristitiam & tentationem. Bona vita meretur laudem, tepida conversatio sibi & aliis est onerosa. Bona conscientia parit gaudium, mala conscientia generat sibi tormentum. Studeas semper bene agere, & eris in bona pace. Non tibi nocebunt mala pravorum, si permanseris firmus in recta via iustorum. Bona conversatio hominis, fert lætitiæ cordis secum, & famam justæ laudis. Vana exultatio, citò perit ab ore laudantis. Plus nocet blanda laus stulti, quàm dura correptio iusti.

2. Humilis oratio ascendit in cælum, placat Deum, impetrat gratiam, repellit diaboli fraudem. Humilis confessio meretur veniam, frivola excusatio aggravat culpam. Vera contritio delet maculam, fervens meditatio minuit poenam. Vana fabulatio subtrahit devotionis gratiam, bona locutio auget lætitiæ. Cauta custodia sensuum ubique necessaria, utilis est vago clausura. Frequens oratio, firma protectio; oris silentium, pacis domicilium. Multi ferventer incipiunt, sed perseverantia accipit gloriæ coronam. Jugum Christi amantibus est suave, tepidis grave, superbis amarum, mitibus leve, humilibus charum. Dulcis Jesus, omnia dulcia & levia facit. Carnalis semper mollia querit, spiritualis talia fugit & odit. Maxime iustus dolet, quia omnes motus vitiorum extinguere nequit. Sed quare Deus istud permittit? Idèd, ut homo semper se humiliet, & adiutorium divinum semper imploret.

3. Sicut superbus in honoribus, & dives in divitiis lætatur; sic verus humilis in contemptu suiipsius, & in paucitate rerum delectatur. Gloria & divitiæ fervorum Dei, Christus Rex cælorum. Extra Deum omnis delectatio prava, omnis lætitia vana, omnis copia rerum inopia est. Nil quippe animæ famem satiat, nisi solus Deus, qui eam creavit. Magna libertas animi, nil concupiscere, quæ sunt mundi.

4. Viri iusti bona agere, mala pati, in omnibus Deum laudare, de bonis nunquam superbire. Ille Deum veraciter laudat, qui viliter de se sentit, & quicquid boni cogitat, loquitur, & facit, hoc totum fideliter Deo ascribit. Cum ergò de vana gloria tentaris, non consentias;

sed



sed cum Propheta protinus humiliter dic-  
cas : *Non nobis Domine , non nobis , sed*  
*nomini tuo da gloriam.* Fortissimus trium-  
phus hominis , vincere quod delectat ,  
aggredi quod terret , sufficere leniter ,  
quod graviter dolet ,

## CAPUT IX.

*De bonis moribus humilis fratris.*

1.  
*Jacobi 4.*

1. **H**umilibus autem Deus dat gra-  
tiam. Omnis actio & locutio  
religiosi fratris , debet humili verecun-  
dia ornari , & nulla re vana occupari.  
Bonum signum futuræ probitatis in no-  
vitiis & juvenibus humiles habere mores ,  
parum loqui , & præcipuè inter seniores.  
Qui non assuescit primò audire , & disce-  
re tacere , raro reputabitur inter doctos  
& sapientes. Idè multi judicantur stul-  
ti , quia moribus sunt inculti. Citò obe-  
dire , frequenter orare , devotè meditari ,  
diligenter laborare , libenter studere ,  
discursus vitare , solitudinem diligere ,  
devorum faciunt monachum , & tran-  
quillum animum. Legitur in Genesi ,  
*quia Deus ad munera Abel respexit , ad*  
*Cain non aspexit.* Quare ? Quia Abel  
innocens & humilis , Cain autem invi-  
dus & perversus. Esto Abel patiendo ti-  
bi molestum , non litiges cum Cain ,  
ne perdas pacem , & boni nominis fa-  
mam. Melius est tibi rem tuam perdere ,  
quàm offendere Deum , & lædere fra-  
trem , ac frangere charitatem.

2.  
*Genes. 4.*

2. Si vis lucrari thesaurum cœlestem ,  
projice à te terræ molem. Si cupis ho-  
norem perennem , despice gloriam  
temporalem. Si desideras pacem , cave  
contentionis locum , & iræ radicem. Si  
vis magnus esse in cœlo , esto parvulus in  
mundo. Non te iustifices coram homi-  
nibus , quia vana laus humana , ubi accusat

mala conscientia. Audax & verbosus ,  
ambo vituperabiles , modum rectum  
non servantes. Multi fortes ceciderunt ,  
quia nimis de seipsis præsumpserunt.  
Multi infirmi convalescerunt , quia in  
Deo speraverunt , & cum invocaverunt.  
Humilis & mansuetus , amabilem se fa-  
cit omnibus. Austerus & rigidus , aver-  
tit sibi approximantes. Vincit sibi con-  
trarios , patiens & taciturnus , cum obse-  
quio charitatis. Multiplicat amicos , qui  
libenter servit aliis , & compatitur tribula-  
tis. Qui nescit tacere , cum tempus est ,  
confundit se coram multis.

3. Prudens est , & habilis in artibus ,  
qui scit seipsum facere bonum & com-  
mendabilem in virtutibus. Ille fortis est  
viribus , qui fortiter resistit vitiis. Mag-  
nus est Dominus , qui dominatur pravis  
desideriis suis. Fortis est miles , & bene  
armatus , qui carnem domat continen-  
tiæ armis. Dignus est locari cum Ange-  
lis in cœlis , qui castè vivit in terris. Ho-  
mo castus , amicus Dei , & Angelorum  
socius ; Virginum cognatus , & San-  
ctorum civis amatus. Humilis & castus ,  
vincit dæmones , & terret impudicos.  
Magnus est Prælati , qui virtuosè se re-  
git , dat bonum exemplum subditis. Ille  
dignus est laude bonorum , qui nititur  
sequi virtutes eorum. Nobilis est & in-  
genius , quem nobilitat sua virtus. Pul-  
cher hic est homo , qui mundus est à pec-  
cato. Malus est , si ornatur foris , niger ta-  
men est intus. Ille felix est dives , qui  
gratia Dei plenus est , & nil cupit hono-  
ris. Fatuus est & insanus , qui amat  
sibi nociva , & dimittit animæ salu-  
bria. Hæc est sapientia divina , quære-  
re bona sempiterna , & despiciere omnia  
transitoria.

4. Sapiens , qui à statutis patrum non  
deviat ,



deviat, & fidei articulos custodit, & servat. Dilectio Dei & mandatorum ejus, honorabilis est sapientia. Si quis à te appetit doceri, viam humilitatis ei ostende, & exemplo præcede. Verus humilis nescit inflari, spernit laudari, contemptus gaudet, læsus citò ignoscit.

CAPUT X.

*De instabilitate humani cordis.*

1. **Q**ui manet in me, & ego in eo, hic fert fructum multum. Cogitationes & affectiones hominum, variæ sunt & instabiles: sed inanes omnes & impuræ, quæ de Deo non sunt. O cor humanum, cupidum nimis & insatiabile; quàm malum est tibi & amarum, relinquere Deum tuum? Cur multa inania cogitas, quæ te perfectè consolari nequeunt, nec plenè satiare? Quid igitur facies, quò te vertes, ut bene habeas? Revertere citò ad cor tuum; vide in quantis offendisti, cura emendare, quæ deliquisti. Præpara Deo domum mentis, custodi te ab irruentibus imaginibus & curis externis, ut replearis consolatione sancti Spiritus.

2. Qui sæpiùs foris evagatur, rarò inde melioratur. Omnia ad nihilum tendunt, quæ foris nitida apparent. Nec videntem satiant visæ, nec audita implent corda: & nisi omnia referantur ad laudem creatoris, inanis est omnis visio videntis. Hinc sanctus David canit Deo in æthera; *Delectasti me Domine in factura tua, & in operibus manuum tuarum exultabo.* Nemo stabilitur in bono creato, sed tantùm in Deo solo summo bono. Sta in veritate, & veritas liberabit te de omni mendacio & iniquitate, de tua persona fabulata. Omnia, quæ de proximo malè finguntur, revertentur in à Kemp. *Hotulus rosarum.*

caput obloquentis. Christus veritas est, & qui sequitur Christum, amator est veritatis, & omnis virtutis. Qui deserit veritatem, propter lucrum temporale vel honorem perdit fidem & virtutis decorem. Deus veritas est, & mendaces non finit diu latere. Malus ad tempus se fingere potest: sed finaliter veridicus prævalebit, & fictus confundetur ubi non æstimat. Noli aliqua cogitare, nec desiderare, nisi quæ recta sunt, & Deo maxime placent: hæc enim sunt virtutes, & bona opera ad honorem Dei facta.

3. Qui loquitur veritatem, & odit iniquitatem, hic magnus erit in regno cælorum. Qui operatur iniquitatem, & odit veritatem, in æternis pœnis cruciabitur. Mane in veritate & charitate, & eris acceptus Deo, & Angelis, & hominibus. Nec timeas. Malus potest auferre aliqua transitoria; sed Deus reddet patienti multo majora & æterna. Si vis habere pacem & bonam conscientiam, serva humilitatem, patientiam, & obedientiam. Nullus hostis pejor tibi, quàm tu ipse tibi graviter commotus. Si enim proprios defectus cautè consideres, aliorum facta parum ponderabis.

CAPUT XI.

*De fiducia in Deo habenda, tempore angustiarum.*

1. **S**pera in Domino, & fac bonitatem. Nemo vanè exultet de bonis temporalibus, nemo de suis amicis & cognatis nimis confidat; quia omnia incerta sunt, & plena periculis. Qui autem confidit in Domino, & in necessitate ad eum clamaverit, non deseretur ab eo, in quacunque tribulatione fuerit. Pax magna bene agenti, bona loquenti, nemini nocenti, ab omni via mala & iniqua cogitatione

1.  
Joan. 15.  
Hier. 2.

Psal. 97.

Joan. 24.

1.  
Psal. 36.



tionem se custodienti. Claude ostium domus tuæ, & eris in pace.

2. 2. Cadit facillimè, qui non proponit quotidie aliquid boni in corde, tanquam scutum contra ictum Satanæ. Multi, cum eis non succedit prosperè, desistunt orare & repugnare. Attamen sine labore & certamine, virtus non acquiritur: nec sine cautione, custoditur. Vagus & levis moribus, horret disciplinam & cellam, sicut avis capturam. Non desperes graviter tentatus, aut duriter correptus, aut derisus, aut confusus, aut despectus: sed memento quod iniquitas tua, despici & castigari justè meretur. Sustine patienter, & loquere confidenter. *Bonum mihi Domine, quia humiliasti me, ut discam justificationes tuas.* In tentatione & tribulatione, homo addiscit Deum sibi esse magis necessarium, propter suam indigentiam, & defectuum gravitatem. Fatuus & infidelis est servus, qui de bonis Domini sui vult superbire, & alios despiciere.

*Psal. 117.*

3. 3. Qui conservos suos despicit, & se meliorem reputat, Deum & omnes sanctos offendit. Hic error maximè in nobis oritur, quia humiles non sumus: nec proprios defectus attendimus quos semper attendere & de flere debemus. Unusquisque sufficiens onus sibi ipsi est. Quid ergo prodest, quod alienis factis te ingeris; & plus tollis, quam portare valet? Ideo interdum homo aperte cadit, aut errat, aut aliquid negligit: ut confusus coram aliis magis se humiliet, compati discat, erranti subveniat, & apud se casu proprio doctus, dicat: Hic homo est, non Angelus. Sicut mihi accidit, sic & illi contigit. Fratres sumus. Ego malè, ipse fortè bene prætendit. Qui nunquam cadit, nec errat, solus

Noscere  
atque ex-  
cutere se  
quæque  
oportet.

Deus est. Quare rides de lapsu alterius? *Qui stas, vide ne cadas.* Deinde lapsum tuum. Aperta confusio, sapè est extinctio vanæ gloriæ.

*1. Cor. 10.*

## CAPUT XII.

*De virtute orationis, & utilitate sacra lectionis.*

1. **S**ine intermissione orate. Quare? Quia ubique sunt tribulationes & tentationes, ubique insidiæ, & immisiones per Angelos malos. Rarò audiuntur bona nova, ubique insurgunt prælia multa, intus timores, foris pugna. Nulla dies sine labore, nulla hora absque mortis horrore. Fiunt autem iusto Dei iudicio bella & incendia, propter hominum peccata; & ut electi excitentur flagellis, ad cælestia quærenda. Ideoque continua oratio summè est necessaria, contra omnia mundi pericula tanquam fortis lorica, contra hostium jacula. Qui non orat, non pugnat: & qui non pugnat & resistit, citò vincitur, & coronam perdit. Sed quis potest semper orare, & pugnare? Omnia potest, qui Deum invocatur, & in eo confidit. *Nam prope est Dominus omnibus invocantibus eum in veritate.* Si non potes semper ore clamare, ora spiritu & mente, ora desiderio & pia intentione. Juge sacrificium in ara cordis, est bona voluntas semper bene agendi, & semper Deo serviendi. Semper enim orat, qui semper bene facit. Qui de præteritis malis dolet, & pro futuris bonis gemit, orare non desinit. Dic cum sancto David in Psalmo: *Domine ante te omne desiderium meum, & gemitus meus à te non est absconditus.*

**I.**

*1. Thes. 5.*

*Psal. 144.*

*Psal. 37.*

2. Valde utilis est sermo Dei, & sacra lectio, ad recolligendum animum

**2.**

per



per diversa distractum, aut aliqua passione gravatum. Lectio ostendit rectam viam vivendi, exempla provocant ad imitandum, oratio impetrat gratiam ad perficiendum. Bona est lectio de Deo, melior oratio ad Deum, optima oratio propter Deum. Beatus, qui omnia verba & facta sua ordinat ad laudem Dei, sicut in beatitudinis finem; ut sit Deus omnia in omnibus, & super omnia benedictus & laudatus in sæcula,

3. Quomodo potest religiosus dici, & effici devotus, quem delectat magis fabulari, quam legere & orare? Qui libenter vana audit, & levia profert, vili pretio animam suam vendit. In omni tribulatione & tentatione ad orationem recurre, sicut ad portum animæ tutum, divinum implorando auxilium. Quanto citius tanto melius; quanto tardius, tanto pejus. Quanto sapius, tanto utilius; quanto ferventius, tanto Deo acceptius. Pius & misericors Deus vult rogari, causas dat orandi, spem promittit exaudiendi, dicens: *Petite, & dabitur vobis.* Hortatur verbis, provocat exemplis, minatur virgis, blanditur donis, castigat adversis, lætificat prosperis; & sic fit vespere & mane Dies unus. Sæpe etiam dat Deus experimentum internæ suavitatis devotè orantibus, secretè manentibus, & libenter tacentibus; quod denegat fabulantibus, & foris vagantibus.

4. Qui vult bona nova audire, audiat Christum loquentem de regno Dei, de iudicio futuro, de cælesti Hierusalem, de felicitate civium supernorum, de ordinibus & choris Angelorum, de gloria & honore omnium electorum, de præmio sanctorum lætantium in sæcula sæculorum. Audiat Prophetas my-

steria Christi nunciantes, & peccatoribus pœnas intonantes. Audiat Apostolos & Evangelistas, opera & miracula Christi apertè narrantes. Audiat Doctores pulchrè sermocinantes, obscura clarè exponentes, moribus vitam ornantes, hæreses & errores confutantes. Capiat quilibet, quod sibi deservit & placet; non spernat simplicia, nec reprehendat, quæ non intelligit alta. Stultum est enim reprehendere sapientes, & iniquum judicare divinos & sanctos.

5. Stude primò humiliter discere, & parva implere, & Deus dabit tibi majora (Si utile fuerit) citius intelligere. Scriptum est enim: *Scienti bonum & non facienti, peccatum est illi.* Qui multa scit & legit, si non facit quæ novit & didicit, vacuus & famelicus de bona mensa recedit. Qui rarè orat, & parum laborat, diu frigidus & pauper remanebit. Qui contra vitia disputat, & vitiis non resistit, bona semina, inter spinas jactat. Parvum fructum de multis verbis colligit, qui orando cor à pravis cogitationibus non præmunir. Felix anima, quæ ab omni impuritate irrudente, strictè se custodit; nec patitur quid morari in abdito cordis, quod oculos Dei latenter offendat. Humilis confessio peccatorum, purgatio est omnium vitiarum, in corde humili & contrito ante Deum.

6. Devotus delectatur in precibus, studiosus in libris, virtuosus in virtutibus, superbus in honoribus, humilis in despectibus, dives in prædiis, avarus in pecuniis, mendicus in eleemosynis, gulosus in cibis & potibus, otiosus in fabulis, sobrius in abstinentia, sapiens in sapientia, bonus monachus in ordinis disciplina; super omnia autem delectat & lætificat amor Dei, & bona conscientia.



Si vis vincere animæ tuæ nequissimos hostes, fuge, tace, quiesce, ora, jejuna, stude, labora. Sanctus cogitat sancta, loquitur vera, operatur recta, spernit præsentia, contemplatur æterna. Humilis audit consilia, prudens cavet pericula, patiens piè fert sibi molesta, diligens non negligit opera sua. Qui parva non cavet, ad pejora corruet.

7. 7. Tepidus de manè, raro fervescit in vespere. Qui citò abjicit à se torporem, & arripit laborem, gaudium sibi acquirit, & magnum honorem: & si non ab hominibus, certè à Deo, quod est omnibus amplius optandum & præferendum. Nam ipse merces omnium bonorum laborum, sudorum, & dolorum, perpesque corona sanctorum. Otiosus non satiatur fabulis, virtuosus etiam abstinet à licitis. Ille benè stat, & rectè ambulat, qui in humilitate se fundat, & omnes mundi honores pro nihilo taxat. Ille optimè sapit, & sapienter agit, qui soli Deo placere studet, exteriora fugit, interna quærit, cœlestia appetit, terrena omnia fastidit, se despiciit, & amorem Dei omnibus bonis semper præponit.

### C A P U T XIII.

*De laude charitatis, & fructibus ejus.*

1. **O**mnia vestra in charitate fiant. Nobilis virtus est Charitas, quæ omnibus virtutibus supereminet, & scientiis & donis. Hæc Deum amplectitur, & Angelos sociat hominibus, & de filiis hominum efficit filios Dei, & amicos sanctorum. Hæc Christum fecit nasci de Virgine, & crucifigi pro humana salute. Hæc animam à peccato purificat, & ad amandum Deum toto corde, toto affectu, toto intellectu sursum tra-

hit, ac mira dulcedine replet, & accendit. Hæc de peccatoribus facit justos, de servis liberos, de hostibus amicos, de peregrinis cives, de ignotis familiares, de vagis stabiles, de superbis humiles, de perveris mites, de tepidis fervidos, de tristibus lætos, de tenacibus largos, de terrenis cœlestes, & de indoctis sapientes. Hæc omnia operatur charitas diffusa in credentium cordibus, per Spiritum sanctum datum eis de cælis. Hæc alas habet latissimas & longas, volat super Cherubim & Seraphim, & super omnes Choros Angelorum. Conjungit summa infimis, transit per media, redit ad summa, unum efficit de multis, lætificat omnes & singulos, non in seipsis vanè glorianes, sed in divino amore se super se extendentes. Charitas circumit cælum & terram, mare & aridam, & omnia quæ videt & audit in creaturis, ad laudem & gloriam refert creatoris. Non enim est aliquid tam parvum & vile in rerum naturis, in quibus non luceat bonitas entis, opus artificis, potentia creantis, sapientia disponentis, & providentia omnia rectissime gubernantis. Hæc consideratio facit animam devotam Deum laudare, omni loco & tempore benedicere, exultare, & jubulare. Per hanc animus ardescit intus, & sicut certa liquecens à facie ignis; nescit modum tenere; sed super omnia cæli luminaria volitat, ut unicuique dilectum suum, & omnium rerum conditorem, omnibus præsentem, inveniat; quatenus in eo, scelicissime gaudeat, & securè quiescat.

2. O quàm jucundè, & peroptimè illi est, cui adhærere Deo, & secretè frui, datum est! O si parum mihi gustare liceat, quod Angelis clarè patet, & finem non habet! Sed ad activam vitam redeun-

Rom. 5.

1.  
1. Cor. 16

2.



redeundum, & contra tentationes quos tidianas fortiter per virtutem charitatis præliandum. Sæpè enim post gaudium sequitur luctus, post solatium tristitia, post risum fletus, post pacem & tranquillitatem bellum & anxietas, & post magnam consolationem sequitur gravis desolatio, aut importuna tentatio, vel corporis læsio, aut hominum vexatio, aut amicorum substractio, aut hostium invasio, aut mentis conturbatio, aut derisio parvulorum, aut increpatio majorum, aut dura correctio Prælatorum. Omnia hæc contingunt, ad humiliandam cordis nostri superbiam, ad compatiendum infirmis, tribulatis, & tentatis.

1. Pet. 2. *Non ergo confidamus in nobis, nec alta sapiamus, nec commoda nostra quaramus: sed in omnibus humiliemus nos, subjecti Deo, & omnis humana creatura propter Deum in vera charitate.* Per charitatem venit Deus in mundum. Per charitatem reduxit hominem ad cælum. Per charitatem Christus descendit ad hominem peccatorem; per charitatem & crucis ignominiam, ascendit ad Patris dexteram, & dedit homini maximum honorem.

3. 3. Charitas nunquam est otiosa: operatur enim magna & sublimia: inclinat se etiam libenter, ad humilia & abjecta. Ipsa perficit diligenter honesta, delectatur viliora sibi injungi ex obedientia. Non abhorret tangere infirmorum vulnera, lavare pedes, sternere lectulos, purgare vestes, tergere sordes. Ipsa patienter fert aspera, lætatur inter opprobria.

4. 4. Sicut ignis consumit ligna, sic charitas vitia extinguit. Cor mundat per contritionem, lavat per confessionem, abstergit per orationem, illuminat per sacram lectionem, accendit per

devotam meditationem, colligit per secretam habitationem, conjungit animam Deo per ferventem amorem. Charitas excitat os hominis ad laudandum Deum, manus ad operandum, pedes ad ambulandum, oculos ad contemplandum, memoriam ad recordandum, exteriora membra ad serviendum, interiora dona ad amandum Deum super omnia bona in cælo & in terra. Ipsa charitas in humili anima delet mala præterita, munit contra futura, instruit de præsentibus, liberat de multis dubiis, prohibet à curiosis, amputat superflua, excludit vana, arguit falsa, odit turpia, mitigat dura, illuminat obscura, aperit operanti cæli secreta, ordinat omnia intus & extra. Charitas est bona voluntas in anima sancta, quæ non desinit recta operari; quamvis debilitas vel necessitas, quandoque non permittat agere bonum, quod prætendit.

5. O felix munda anima, cui Deus s. est omnia; quæ præter Deum, nil sentit jucundum nec pretiosum, sed cuncta amara ei videntur & onerosa. Talem Deus requirit, talem diligit, qui se & omnia, propter ejus amorem, spernit & relinquit, fortiter certat, & cor suum in puritate custodit. Citò & libere ad Deum anima pura pergit, & super omnia mundi condita evolat, quæ in terris nil commodi vel honoris concupiscit. Charitas Christi omnia vincula mundi solvit, omnia onera levia facit; & quæcunque Deo placent, fideliter implere satagit. Unde cum Christo orat,

& dicit: *Pater non mea voluntas, sed tua semper & ubique fiat.* Matthæ 5.

Amen.



## CAPUT XIV.

De vigili cura &amp; labore, contra tentationes.

**I.** **R**esistite diabolo, & fugiet à vobis. **Jacobi. 4.**  
 Ubicumque fuerit bonus homo occupatus cum Deo, orando, meditando, studendo, scribendo, ibi adsunt Angeli sancti congaudendo, adsunt & daemones ipsum tentando & distrahendo. Cum inceperis orare, fugiunt daemones, quasi ab igne sancti Spiritus: & cum volueris fabulari, redeunt omnes celeriter, ad excitandos rumores inanes. Si autem supervenerit bonus Prælati, dissipabit mox omnes fabulantes, & arguet otio vacantes, & bona opera negligentes. Maneas ergo in silentio, & cogita de Deo tuo pro solatio habendo, & liberaberis de tædio boni operis, te perseverante in bono incepto.

**2.** **2.** Esto fidelis in modico, & lucraberis decem millia talenta in regno superno. Non sis otiosus in secreto, nec verbosus in publico; & fugiet diabolus, victus à taciturno. Odit enim laborantem & tacentem, orantem & bona meditantem. Ubicumque fueris solus, vel cum aliis, oportet te certare, vigilare, & orare contra tentationes carnis & spiritus. Certa fortiter, ora ferventer, labora diligenter, stude frequenter, tace libenter, sustine patienter. Spera in Domino semper, quantūcunque fueris tribulatus, & desolatus vehementer. Qui seipsum in omni loco & tempore ponit ad patientiam, majorem nunc habebit pacem, & de adversariis victoriam, & in futuro cum electis clariorem gloriæ coronam obtinebit.

## CAPUT XV.

De fraterno onere, invicem portando.

**I.** **A**lter alterius onera portate. **Quo-**  
 niam quidem omnes in Christo **I. Galat. 6.**  
 unum sumus, ideo fraternam charitatem tenere debemus in vinculo pacis, & in bono semper concordare. Omnes, Christi membra sumus, renati in baptismo per gratiam Spiritus sancti, passione Christi redempti, sanguine Christi mundati, corpore Christi refecti, verbis Christi eruditi, miraculis Christi confirmati, exemplis Christi ædificati. Cur ergo alter alteri nocetis, Fratres mei? Qui alium verbo vel facto lædit, Christum offendit. Christus vindicabit, Christus puniet, nisi citò se emendaverit. Unum Deum Patrem habemus in caelis, omnes in Christo Fratres sumus, de quacunque civitate vel patria hic congregati, aut quantalibet parentela nobili vel ignobili generati. Unus Deus nos omnes creavit, unus pascit & gubernat, unus ad unius beatitudinis finem nos vocavit: & quotidie vocat, per vocem foris, per contritionem intus: qui se nobis videndum promisit in præmium æternum in conspectu Angelorum, cum unanimi felicitate omnium civium supernorum. Si ergo à Deo unanimiter vocati sumus, uno pretio redempti, uno spiritu omnes potati, studeamus mutuo diligere, & servire. Si Christo placere cupimus, propter Christum invicem onera nostra portemus, & ex charitate pro invicem oremus; quia sic Deus in nobis est, & nos in Deo sumus. Quicquid ergo imperfectionis & ineptitudinis videmus vel audimus, hoc pie in bonum interpretari debemus, sicut de nobis fieri optamus.



2. O Frater amande, porta, & portaberis; excusa, & excusaberis. Compatere peccanti, & compatietur tibi. Consolare lugentem, & consolaberis à gaudente. Erige cadentem, & erigeris Domino auxiliante. Sicut feceris alteri, sic fiet etiam tibi, Deo iuste judicante & vindicante. Non mireris, nec indigneris, si cadit homo fragilis in mundo; quia Angelus cecidit in cælo, & Adam in Paradiso, victus à modico pomo. Sæpè valde parva res est, unde homo valde graviter tentatur in seipso, vel etiam vexatur ab alio. Hoc Deus iuste permittit contingere, ut veraciter cognoscas, quòd si non potes parva vincere, non poteris graviora superare.

3. Estò benignus in fratrem tentatum, & ora pro tribulato, sicut pro teipso. Bonum tuum, bonum meum, per congratulationem; & malum tuum, malum meum, per compassionem. Nam omnes fragiles homines sumus, idcirco pro invicem orare ex charitate tenemur. Nemo alteri impropere potest defectum ejus se neglecto: quia si quis aliquem defectuosum despicit, quasi cæcus cæcum illudit, & surdus surdo maledicit, & stultus stultum deridet. Tace de alio tibi non commisso malè loqui: sed teipsum magis respice, & corrige, quod pravè fecisti. Si rectè judicas, & proximum emendare intendis, à teipso incipe. Et tunc procede, non commotè, sed modestè & discretè. Si diligis me sincerè & fraternè, compatere mihi sicut tibi, & ora pro me. Qui alium corripit, & pro eo non orat, nec condolet; crudelis est hostis, non medius pius, sed onerosus fabulator. Qui pro alio, sicut pro seipso orat, duplex bonum facit. Quantò quis plus habet de

bono fraternæ charitatis, tanto libentiùs pro eo orat, ut perfectiùs se emendet, & oculos infirmorum non offendar. Ideò ampliùs contristatur, si audire noluerit, & admonenti indignatur. Quilibet est alteri, aut rosa redolens, aut spina pungens.

## C A P U T XVI.

De amore Christi, & odio mundi.

1. **M**ane in dilectione mea. Vox Christi, vox dulcis ad audiendum, salubris omnibus ad obediendum. Amor Christi jucunditas mentis, Paradisus animæ, excludit mundum, vincit Diabolum, claudit infernum, aperit cælum. Amor Christi & amor mundi contrarii sunt, & nihil commune habent, nec simul commorari possunt. Amor Christi currus Helix ascendens in cælum: amor mundi quadriga Diaboli trahens ad infernum. Amor sui, læsio sui: oblivio mundi, inventio cæli. Plus nocet blanda locutio ficti amici, quàm dura correptio hominis justi. Cogitatio dolosi fingit mendacia, mens iusti rectè procedit in causis. Non evadet scandalum, quòd alteri infert scandalum. Rector & cognitor omnium Deus, non diu patitur oviculam suam errare & balare; sed aut baculo timoris feriens revocat; aut amoris oculo intuens, ad conscientiam reducit.

2. Ubi pax & concordia, ibi Deus & omnia bona. Ubi lis & dissensio, ibi Diabolus & omnia mala. Ubi humilitas, ibi sapientia. Ubi superbia, ibi radix malitiae. Vince superbiam, & invenies pacem magnam. Ubi dura verba, ibi læduntur charitatis viscera. Ubi solitudo & silentium, ibi quies Monachorum. Ubi labor & disciplina, ibi profectus Religiosorum. Ubi risus & dissolutio, ibi fugit devotio. Otiosus & verbosus, rarò compunctus, rarò à delicto purus. Ubi

Omnes  
alter alteri  
sumus  
aut rosa  
aut spina.

I.  
Joan. 15.

Prov. 11.

Ora pro  
eo quem  
corripis,  
alioqui  
hostis es  
non me-  
dicus.



Ubi prompta obedientia, ibi lata conscientia. Ubi fabulatio longa, ibi operis negligentia. Ubi propria exquisitio, ibi charitatis defectus. Ubi doctrina Christi viget, ibi salus animæ crescit. Ubi fratrum concordia, ibi dulcis melodia. Ubi mediocritas servatur, ibi virtus concordie diutius perseverat. Ubi discretio in corripiendo culpas aliorum custoditur, ibi nemo justè conqueri debet, nec facillè Prælato indignari. Unde quidam: Omnibus adde modum, modus est pulcherrima virtus. Ubi patientia, ibi magna hostis victoria. Ubi turbatio intrat, pax citò de domo recedit. Claude oris ostium, & pondera verba tua, antequam loquaris. Ubi fides & veritas, ibi pacis securitas. Ubi dolus & nequitia, ibi stulta cogitatio, & cæca prudentia. Ubi charitas, ibi Spiritus sanctus. Ubi levis suspicio, ibi frequens indignatio. Ubi veritatis cognitio, ibi rectis corde lætitia. Ubi ficta narratio, ibi sæpè amici deceptio latet. Ubi humilis confessio, ibi facilis veniæ impetratio. Ubi terrena sapientia deficit, ibi divina protectio amplius est invocanda. Quicumque malitiosè injusta prætendit, ipse malum finem consequetur. Pax multa bene agenti, & ad patientiam se præparanti. Væ impio in malo, & ficto in bono; quia nemini plus nocet iniquitas ejus, quàm illa ipsi. *Ubi duplicitas, ibi inconstantia, & multa nequitia.* Bene simplici & justo sine dolo, quia Deus cum eo, dirigeas omnia opera ejus itinere recto. Qui verbum suum malè servat, quis facillè ei credet? Qui autem verbum suum in melius mutat, verbum veritatis non infringit.

3. Delectabile est bona audire, sed laudabile magis opere exercere. Optima collatio, vitæ emendatio. Fructus bonæ

collationis, abstinere à peccatis, & proficere in virtutibus. Fructus devotæ orationis, unire cor suum cum Deo, in fervore sancti Spiritus. Ille devotè orat, qui omnia vana à se excludit. Qui imaginem crucifixi sibi præponit, diabolica phantasmata citò repellit. Pulchra animæ imaginatio, passionis Christi jugis recordatio. Qui sacra Jesu vulnera quotidie pensat, mentis suæ vulnera mitigat, purgat, & curat. Qui omnia terrena tanquam lutum vilipendit, nec honores desiderat, cordis munditiam acquirit, & Deo libere vacare potest. Ille Deum summè laudat & honorat, qui seipsum profundè humiliat, & defectus suos cautè considerat, gemit, & plorat. Magnus clamor in auribus Dei, vera contritio cordis ex ore humilis peccatoris.

4. Quicquid boni facis, ad laudem Dei facias. Qui virtutes suas, & aliorum qualibet opera bona, simpliciter & integre, purè & libere, ad laudem & honorem Dei refert, totum Deo ascribendo, nil meritis suis nec viribus attribuendo, sed ab omnibus se spoliatur & denudat, superbiam, invidiam, & vanam gloriam funditus calcatur & necatur. Eterna namque gloria & honore se privat, qui in se, & non in Deo solo summo bono gaudet. Ideoque beata virgo, Maria, pro maximis donis sibi collatis, in suo devotissimo cantico jubilans, dicit: *Exultavit Spiritus meus in Deo salutari meo.* *Qui se aliquid esse putat, cum nihil sit, se ipsum seducit,* ait Apostolus Paulus; qui in tertium cælum raptus, non est ex hoc elatus, sed quicquid boni fecit, docuit, & dictavit, hoc totum fideliter Deo attribuit; dicens; *Gratia Dei sum id, quod sum.*

Luc. 1.  
Galat. 6.

2. cor. 11.



## CAPUT XVII.

*De imitatione sanctissima vite, Domini nostri Jesu Christi.*

I. *Mat. 25.*

Qui quomodo Jesum vel imitentur, vel inhorent.

1. **Q**uod uni de fratribus meis fecistis, mihi fecistis. Notate verba, signate mysteria, imiramini exempla. Qui fratri indigenti subvenit, Jesum per manum retinet. Qui onus sibi impositum patienter sustinet, Jesum & hunc crucifixum in humeris suis portat. Qui fratri contristato solatiofum verbum responder, osculum amorosum ori Jesu tribuit. Qui alterius culpam plangit, & pro eo veniam petit, pedes Jesu lavat & extergit. Qui irascentem ad pacem reformat, lectulum floridum Jesu in anima parat. Qui fratri in mensa meliora, quam sibi apponit, Jesum charitatis dapibus & favo mellis pascit. Qui bonas meditationes de Deo assumit, Jesum in talatum cordis sui introducit. Qui fratri librum sacræ lectionis porrigit, vinum optimum ori Jesu propinat. Qui otiosa verba loqui prohibet, muscas de mensa Jesu expellit. Qui detractiones audire renuit, & loquentes inhonesta corripit, nigrum canem de domo Jesu baculo ferit & fugat. Qui inter refectionem benè & distinctè legit, conviventes in mensa Jesu poculo cælesti latificat, & inebriat sitientes. Qui malè legit, saporem cibi minuit: & qui sapè tumbat, mappam Jesu maculat.

2. Qui mala alterius audit, & multum inde dolet & gemit, sacra Jesu vulnera tangit & perungit. Qui bona exempla & virtutes de proximo suo narrat, pulchros flores oculis Jesu repræ-  
*à Kemp. Hortulus Rosarum.*

sentat. Qui verba Jesu devotè legit & prædicat, in naribus audientium dulcia aromata spargit. Qui defectus alterius piè portat, & excusat, misericordiam Jesu citò impetrabit. Qui diffamiam alterius & scandalum proximi occultat, nuda Jesu membra vestibus tegit. Qui divina miracula & humilia Christi opera sedulò cogitat & suaviter ruminat, mel & lac in ore Jesu accipit. Sic enim beatissima Agnes dixit & fecit, quæ etiam pro amore Jesu sanguinem suum fudit. Qui pro debili & infirmo fratre legit aut cantat, ante incunabula Jesu cum Angelis jucundè citharizat. Qui devotè orat, & à delicatis cibis abstinere, & propriis rebus renuntiat, cum sanctis tria pretiosa munera Jesu manibus offert. Qui capita fratrum ac vestes lavat, cum Sancto Joanne Baptista Jesum baptizat. Qui cellam suam custodit & tacet, cum Jesu desertum intrat. Qui vitiis resistit, & corpus castigat, cum Jesu jejunit. Qui fratri salutare verbum dicit, cum Jesu Regnum Dei prædicat. Qui pro infirmo & tentato fideliter orat, cum Jesu Lazarum visitat, & cum Maria & Martha plorat.

3. Qui pro fidelibus defunctis Missas celebrat, & vigiliis legit, cum Jesu ad monumentum Lazari transit, orans ut animas à pœnis misericorditer liberet. Qui cum fratribus ad commune refectorium vadit, ut sacram lectionem audiat, cum Jesu & discipulis ejus cœnat & bibit. Qui eloquia Dei in mensa lecta, in corde suo recondit, cum Sancto Joanne Apostolo, suprà pectus Jesu in cœna recumbit. Qui in adversis humiliter & promptè obedit, Jesum veraciter cum discipulis in montem Oliveti sequitur.

K

tur.

D. Agnes.

orari

adventus  
Jis.



tur, ubi traditus & captus fuit. Qui in tribulatione & tentatione instanter & ferventer orat, cum Jesu in agonia contra diabolum pugnat. Qui suum velle & nolle totaliter relinquit, cum Jesu voluntatem Patris sui grater impleret, & Crucem in Calvariam portat. Qui pro adversariis suis orat, & in se peccantibus libenter indulget, cum Jesu pro inimicis rogat, ne malè pereant, sed convertantur ad Deum, & vivant. Qui omnibus quæ sunt mundi spontè renuntiat, & cuncta visibilia oblivioni tradit, cum Jesu in Cruce moritur, & cum Paulo in paradisum rapitur.

4. Qui cor suum mundum & quietum servat, Jesum in sindone munda involvit, & in corde sepelit. Qui in servitio Jesu usque in finem perseverat, cum Jesu in sepulchro suaviter dormit & requiescit. Qui beatæ Virgini Mariæ in doloribus ejus compatitur, hic iterum ab ea in angustiis suis, cum pio Filio ejus Jesu, consolari meretur. Qui omnia verba & gesta Jesu mente recolit, & dente conterit, dulces aromatum species illi præparat, quæ ad solatium animæ tristis optimè valent. Qui de beneficiis sibi collatis humiliter & devotè gratia agit, cum Maria Magdalena ad monumentum Jesu, cum aromatis venit. Qui post contritionem & confessionem peccatorum, firmiter se emendare proponit, cum Jesu à morte culpæ resurgit. Qui torporem mentis abjicit, & novum pascha in spiritu cum Jesu celebrat, & alleluja cum eo in choro jubilans cantat. Qui omnia sæculi gaudia spernit, pericula fugit, religiosam vitam quarit, & acceptat, cum Jesu & discipulis ejus cenaculum clausum intrat, ut in se-

creto liberius Deo serviat, purius vivat & Spiritum Sanctum plenius accipiat. Qui omnia temporalia negligit, & in meditatione sancta ad cœlestia totus inardescit, cum Jesu ad cœlos pergit & ascendit. Beata anima, cui *Christus vivere est, & mori cum Christo lucrum*. Oportet, quod sibi ipsi moriatur, qui Christo vivere desiderat. Oportet, quod omnia caduca relinquat, cui Christus sapere & dulcescere debet. Labor est in relinquendo, dolor in moriendo, sed æterna salus & vita cum Christo feliciter regnando. O quando hoc erit, ut solus Deus mihi totus sit, & ego illi totus intentus & unitus? Quamdiu enim anima fidelis non est Deo unita in gloria, non potest plenè esse beata. Sequere ergo Christum passibus amoris in vita tua, per fidem charitate ferventem, ut dignus sis videre eum facie ad faciem, Angelos beatificantem. Ad quam intuendam nos omnes perducere dignetur Jesus Christus post mortem, qui pro omnibus nobis amaram pertulit Crucem, Amen.

## C A P U T XVIII.

*De æterna laude Dei.*

**S**emper laus ejus, in ore meo. O dulcis vox in auribus devotorum, sed dulcior in præsentia Dei & sanctorum Angelorum. Si omnia organa musicorum canerent, & laudem Dei non resonarent, in vanum concreparent, nec animam sanctam recrearent, neque satiant, Oportet enim, quod Deus & honor ejus sit causa canendi, & omnis vanitas sit exclusa, si laus debet esse Deo grata & accepta. Si intentio tua fuerit pura, tunc poteris exultare in vera cordis letitia cum Maria. Dulcis symphonia in cælo

Phil. 1.

Psal. 13.

Luca 1.



cælo & in terra, laudare Deum puro corde & consona voce cum omni creatura, pro sua immensa bonitate, & excellenti magnificentia. Delectabile opus, laudate Deum omni tempore, diligere creatorem cæli & terræ, honorare maximè æternæ vitæ largitorem. Siquidem Sanctorum Angelorum vita, honor, & gloria, laudare Deum totis præcordiis, & nunquam à laude cessare, qui nunquam possunt fatigari, nec inaniter gloriarri. Hoc etiam agunt sanctorum animæ in cælesti patria, liberatæ de vinculis corporum, de laqueis Satanae, ab omni tentatione ejus securæ, & jam Deo unitæ in perfecta charitate, & perenni lætitia, & ineffabili beatitudine repletæ. Recogitant modò liberæ cum maxima dulcedine, in quanta fuerunt tribulatione & amaritudine, & quanta evaserunt pericula & tentamenta hujus miseræ vitæ. Versa sunt eis omnia lamenta in cantica lætitiæ, & dura verbera in augmenta pulchrioris coronæ. *O quam beata illa patria, ubi pacata sunt omnia, tristitia nulla, omnia jucunda, divina laude & dulci júbilo.* Benedic ergo & tu anima fidelis, Dominum de cælis, lauda Deum tuum Sion, gravata pondere carnis. Invoca sensum in loco certaminis, ut adsit tibi à dextris tui & sinistris cum Angelis Sanctis. Ora ne prævaleat contra te dæmonum impetus, ne decipiat te mollicies carnis, ne frangat te rigor ordinis; aut labor corporis. Suscipe pro Christi amore onus sanctæ crucis, quæ apertiet tibi portam Regni cælestis. Quid amplius cupis? Via regia veniendi ad Christum, est vincere propriam voluntatem, sustinere defectum, non quærere carnis

commodum. Habebis certè æternam requiem pro parvo labore, æternum honorem pro humili statu & infirmo loco. Sit ergò semper laus Dei in ore tuo, in prosperis & adversis; multum enim in hoc potes promereri, si plenè te resignaveris ad voluntatem Dei. Quicquid gravitatis tibi occurrerit interius aut exterius, hoc accipe piè & gratiosè de manu benignissimi creatoris, qui curam gerit de omnibus nobis, pusillis & magnis. Qui te fecit ad imaginem suam, non relinquet te in necessitatibus tuis, propter immensam bonitatem suam. Aperi ergo os tuum in laudem Dei omnipotentis, cujus providentia reguntur omnia in cælo & in terra, in mari & in omnibus abyssis. Lauda creatorem tuum, qui te fecit hominem & non bestiam; & si te muscam fecisset, adhuc laudandus esset, & bene fecisset. Non potest leo gloriari de fortitudine sua, contra muscam & culicem; quia si leo potest altius clamare, non tamen potest tam altè sic cut musca volare. Ne ergò sit contentio inter magnum & parvum, inter divitem & pauperem, inter fortem & debilem, inter sapientem & simplicem, inter regentem & servientem: omnes pariter laudemus Dominum Deum nostrum, qui creavit omnem creaturam mira pulchritudine & varietate, ad laudem nominis sui & gloriam, & hominum utilitatem largiter & apertè demonstrandam. Lauda anima fidelis redemptorem tuum, qui te redemit de manu æternæ moris, per passionem suæ benedictæ crucis. Cui dignè regratiari non poteris, etiam si millies pro ipso mori & crucifigi posses. Lauda protectorem

Deus perpetuò laudandus ab omnibus per omnia.



tum, qui te à multis periculis & peccatis custodivit. Latida benefactorem tuum, qui tanta beneficia tibi tribuit, quæ vix enumerare sufficis. Ecce adhuc quotidie nova dona tibi transmittit, & per se etiam ad te in altare venit, in quo optimum donum, quod ipse est & habet, tibi ad communicandum præbet. Nihil aliud pro his à te requirit, & tam gratum habet; nisi ut ipsum pure & intimè propter se ipsum, ames & laudes. Cum fueris lætus, & benè tibi successerit, lauda & gratias age; quia pius Dominus te consolari dignatus est, ne in via deficias. Nam toties panem de cælo, tibi ad refocillandum spiritum tuum mittit, quoties verbum Dei audis & legis, ac de incarnatione & passionem Christi devotè meditaris. Cum fueris tristis aut debilis, lauda, & gratias age; quia Deus te visitat; probat, & purgat, ne superbias, & de te præsumas. Afflictio enim corporis, sæpe est reductio ad compunctionem cordis. Cum fueris sanus & fortis, lauda & gratias age, quia Deus dedit tibi vires, ut labores, & aliis servias, & tempus nunquam otiosè expendas. Cum fueris in horto vel in pomario, videns diversas

species & arbores, flores, & rosas, pyra, poma, herbarum vires, & lilia odorifera, lauda & gratias age; quia ostendit tibi Deus multa mirabilia opera sua, in terra germinantia, quæ omni anno renovat mira potentia ac sapientia sua, pro magna sua bonitate, & hominum utilitate. In omni ergo loco & tempore, lauda Deum, & gratias age: quia plena est omnis terra maiestate ejus, & super cælos gloria ejus. Lauda Deum cum omnibus sanctis in terris, quem laudant omnes Angeli in cælis. Si laudas, Angelis assimilaris: si non laudas, ingratus es, & peior bestiis. Ecce volucres cæli cantant, pisces natant, canes latrant, pecora clamant; & omnia elementa ad laudem Dei se movent, & magnificentiam creatoris sui, naturalibus motibus demonstrant. In cunctis ergo, quæ agis, habe Deum præ oculis tuis: Cave offensas: gratias age, pro beneficiis impenis, & in fine cujuslibet operis tui corde tenus regratiando Deo, sic conclude: Deo laus, nunc in æternum. Omnis spiritus, laudet Dominum. Amen.

*Finis Hortuli Rosarum.*

## VALLIS LILIORUM

*Prologus in hunc Libellum.*

cap. 14.

**I**ustus germinabit sicut lilium, & florebit in æternum ante Dominum. Iste Libellus potest nominari *Vallis Liliorum*, ad distinctionem alterius precedentis, qui Hortulus Rosarum intulatur. Quia sicut ille tractat de multis virtutibus, tanquam de rubeis rosis, in hortulo Jesu natis; sic iste loquitur de

multis virtutibus, tanquam de candidis liliis, in valle humilitatis à Domino Jesu plantatis, & Spiritus sancti intima asperione dulciter irrigatis. Nam teste Beato Gregorio, qui sine humilitate virtutes congregat, inventum pulverem portat. De his quoque liliis, loquitur etiam Sponsa Christi, humilis de devota anima, ad Jesum suum in Canticis

*Canti-*

*Humilitas  
radix &  
mater vir-  
tutum.*



Canticorum, ore cantans, & corde jubilans, de visitatione sui & donis ejus. *Cant. 5.*  
*Cant. 6.* Dilectus meus (inquit) mihi & ego illi, qui pascitur inter lilia. Et iterum, Dilectus meus candidus & rubicundus, inter ubera mea commorabitur. Cui laus, honor, & gloria, in sæcula sæculorum, Amen.

## Capitea hujus Libelli.

- D**E triplici statu humane vite. *Cap. 1.*  
 De laude Dei in paupertate. 2  
 De probatione devotorum, per contraria. 3  
 De vero amatore Dei. 4  
 De gratitudine anime, pro omni bono. 5  
 De conformitate anime devotæ, cum crucifixo. 6  
 De ambulatione anime pure, cum Deo. 7  
 De pace cordis, & quiete in Deo. 8  
 De recollectione cordis, cum Deo. 9  
 De vigilatione & oratione contra tentationes. 10  
 De timore aternæ pœnæ, contra vitia carnis. 11  
 De memoria Dominicæ Passionis. 12  
 De invocatione Sancti nominis JESU, & beatæ Mariæ. 13  
 De forti certamine, contra vitia. 14  
 De stabilitate in loco, & in ordine. 15  
 De divino solatio, in tribulatione. 16  
 De custodia conscientia. 17  
 De solitudine, & silentio. 18  
 De refugio pauperis, ad Deum adiutorem suum. 19  
 De paupere, & infirmo Lazaro. 20  
 De claro intellectu sacre scripturæ. 21  
 De magnis meritis patientia, pro Christo. 22  
 De bonis moribus humilis Monachi. 23  
 De provida locutione, & fraterna compassionē. 24

- De incerta hora mortis. 25  
 De aterna laude Dei. 26  
 De laude Sanctorum Angelorum. 27  
 Oratio devoti amatoris Dei. 28  
 De unionē cordis, cum Deo habenda. 29  
 De vera pace, in solo Deo, 30  
 De recta intentione ad Deum. 31  
 Oratio humilis & contriti Spiritus. 32  
 De bona societate cum Jesu, & Sanctis ejus. 33  
 De summo bono, & ultimo fine, in solo Deo ponendo. 34

## VALLIS LILIORUM.

Ad laudem Dei, pro solatio tribulorum.

## CAPUT I.

De triplici statu vite humane.

1. **E**Go flos campi, & lilium convallium. Hæc est vox Christi, ad sanctam Ecclesiam in generali; & ad quamlibet animam devotam in speciali. Christus enim est speciosus sponsus sanctæ Ecclesiæ, & caput omnium fidelium, flos omnium virtutum, & lilium convallium, amator humiliatis & castitatis. Qui ergo vult Christo servire, & cœlesti Sponso placere, studeat vitia sua vincere, lilia virtutum colligere, otium vitare, libenter studere, libros scribere, manibus operari, quod utile est; frequenter orare, & Deo intimè vacare, tumultus fugere, secretum diligere, & de alienis rebus & sibi nocivis tacere.
2. **H**abitus namque exterior parum valet sine interiore virtute coram Deo. Vas est foris ornatum, sed intus vacuum. Sicut ex bono vase vini, bonus odor procedit; sic ex bono corde religiosi, bona

*Cant. 2.*  
 Christus  
 flos campi  
 & lilium  
 convallium.



verba & sancta opera procedunt, ad laudem Dei, & utilitatem proximi. Attende ergo frater statum tuum, in quo stas, & coram hominibus ambulas; ut Deo dignè placere studeas, & alios factis & moribus sanctis ædifices. Totum enim in te redundabit, quicquid boni feceris, & quicquid mali, coram Deo commiseris. Quando ergo comedis & bibis, dormis & quiescis, & quocunque volueris pro libitu tuo transis; tunc facis opera carnis, & assimilaris bestiis terrenis, quæ discunt, comedunt, & bibunt, & replent ventrem suum, donec saturentur. Et si quis eis resistit, illum stimulant cornibus & ungulis, terrent vultibus, & mordent dentibus, & clamant vocibus horrendis. Tales sunt carnales homines, gulosi, avari, superbi, iracundi, & litigiosi; Spiritum Dei non habentes, sed passionibus suas sequentes.

3. Sed quando vigilas & oras, legis & cantas psalmos & hymnos, de Deo & sanctis ejus; vel quando jejunas & abstinens à vitis, & proximo servis; aut pro peccatis tuis doles, gemis, & ploras, confiteris, & veniam petis; tunc facis opera Spiritus Sancti, & secundum spiritum ambulas, & religiosæ vitæ ordinem servas. Tunc enim sanctis Angelis assimilaris in cælis, qui semper Deum laudant, & cantant, & benedicunt, & nunquam faciem suam ab eo avertunt. Quando verò superbis, irasceris, detrahis, murmuras, fallis, mentiris, alios perturbas, & de malis eorum gaudes, & de bonis tristaris; aut quando proximum despicias, & commodum tuum in omnibus quaeris; tunc diabolus sequeris, & demonibus assimilaris, per malitiam & vitia, quæ committis. Nam ipsi passionibus suas

suas & nequitias sequuntur, quantum possunt, & audent facere; & in malis delectantur; quia boni non sunt, & alios seducere & pervertere nituntur. Vita ergo justorum Angelis similis, vita carnalium bestiis æqualis, vita superbiorum demonibus comparatur. Cave serve Dei, ne laqueis eorum involvaris, & in judicio ab eis accuseris, & confundaris.

Carnales  
bestiis,  
justi An-  
gelis, su-  
berbi da-  
monibus  
similes.

## CAPUT II.

*De laude Dei, in paupertate devotionis.*

1. **P**aupe & inops laudabunt nomen tuum Domine. Quando sentis te aridum, frigidum, & triste in orando, meditando bona de Deo, non debes propterea desperare, nec desistere Jesum humiliter invocare; sed in paupertate spiritus tui Deum lauda, & gratias age, & istum versiculum pro consolatione libenter lege: Paupe & inops, laudabunt nomen tuum, Domine. Multi enim sancti & devoti, fuerunt etiam quandoque aridi, & per longum tempus à Deo derelicti, ut discerent patientiam, & aliis compati, per doloris & inopie experientiam; & non præsumerent nimis de seipsis, in tempore devotionis & jubilationis. Lege etiam versum istum sequentem cum Propheta in Psalmo. *Ego autem mendicus sum & pauper, & Dominus sollicitus est mei.* In Domino confido, quia ipse virtus & salus mea. Verum est, nam omne bonum à Deo.

1.

Psal. 79.

Psal. 69.

2. Noli ergo præsumere cum lætus fueris, nec te dejicere tristitia gravatus: sed sicut Domino placuerit in oculis suis: sic esto contentus in omnibus. Nil enim boni habes à te ipso, sed totum est à Deo. Cum gratia devotionis datur, Sol de

2.



de cælo lucet, & anima illuminatur, & quasi in divitiis exultat. Sed miser deciperis, si præsumis & instaris. Cum verò occulte subtrahitur gratia, & ab ingrato tollitur; tunc verè pauper es & infirmus, & parum potes sustinere, & tædet orare. Sed hoc pro beneficio accipe, quòd Deus te pauperem facit, & humiliat cum electis suis; & percutit dorsum tuum filiorum Virga, pro excessibus tuis occultis, & negligentis multis quotidianis, ut tibi ipsi vilescas, & nunquam altè de te sapias, sicut consulit Sanctus Paulus ad Romanos: *Noli, inquit, altum sapere, sed time.* Magnum lucrum animæ, de se viriliter sentire, & Deo omne bonum funditus ascribere.

## CAPUT III.

*De probatione devotorum, per contraria.*

1. **G**audete iusti in Domino. In cælo semper est gaudium, in inferno semper est luctus, in mundo utrumque ad tempus, ad probandum homines bonos & malos. In æstate sunt dies clariores, & in hyeme obscuriores: sic est etiam cum anima devota. Quando gratia Dei venit, & eam illuminat; tunc multa abscondita cognoscit & intelligit, cantat & jubilat cum magna devotione, quàm sentit. Sed in tempore tentationis, cum subtrahitur gratia devotionis, tunc est in hyeme & frigore, in obscuritate intellectus, & in pavore mentis. Tunc patientia est necessaria & Deo magis accepta, & crescunt virtutes per adversa, & augentur per patientiam æterna præmia.

2. Humiliatur anima & purgatur per flagella, confunditur superbia; & evanescit vana gloria. Quamdiu vivit ani-

ma in corpore exercetur in utroque, pro profectu ampliore in Christi amore. Magna ergo ars, magna virtus est, bene uti bonis & malis. Benedic ergo anima mea Domino in omni tempore; lauda Deum tuum Sion, die ac nocte, & erit merces tua magna utrobique, coram Deo in cælo, & in terra, & omnia servient tibi prospera & adversa, bona & mala, læta & tristia. Unde Apostolus ait: *Diligentibus Deum, omnia cooperantur in bonum, & nihil deerit timentibus eum. Beati, qui in omnibus loquuntur voluntatem Dei.*

## CAPUT IV.

*De vero amatore Dei.*

1. **D**iligite Dominum omnes sancti ejus, pusilli & magni; quia pusillum & magnum ipse fecit. Verus amator Dei, amat purè Deum, scilicet Deum propter Deum, & propter eum solum fruendum; & non propter lucrum ab ipso habendum, nec propter aliquod proprium commodum, nec solatium aut præmium inde promerendum; sed totaliter & finaliter, propter suam infinitam bonitatem, & superexcellenter dignitatem. Ideo in laudem Dei Psalmista frequenter dicit, & repetit: *Confitemini Domino, quoniam bonus;* & hoc dicere, dulce est amanti. Sed dicere, *quoniam in æternum misericordia ejus.* Dulcia sapit poenitentia, & dolenti de peccatis suis. Ne ergo desperet homo fragilis in malis suis, additur, *quoniam in æternum misericordia ejus.*

2. Ille autem ampliùs placet Deo; qui profundius se humiliat, & ferventius ipsum amat. Beatus, qui se vilio-

rem



rem omnibus reputat; & caver omne, quod Deo displicere cognoscit, Beatus, qui propter Deum & beneplacitum ejus, totum opus suum facit ex charitate, cum pura intentione; & quicquid boni cogitat, hoc ad Dei honorem, & laudem, & gloriam, integre refert. Beatus, qui nil sibi retinet, sed totum Deo libere reddit, quod à Deo accepit.

## CAPUT V.

*De gratitudine anima, pro omni bono.*

1.  
Psalm. 33.

1. **M**agnificate Dominum mecum, & exaltemus nomen ejus in idipsum. Ille magnificè Deum laudat, qui de minimis etiam beneficiis, gratias maximas agit; quia ille dat, qui super omnia maximus est. Nihil tibi parvum, nec vile esse debet, quod altissimus tibi ex gratia liberè præstat. Non querit Deus, nec exigit aliquid magis, quam ut gratis ametur, & omnis offensa caveatur, atque gratitudo semper & ubique ei reddatur.

2. Magnus coram Deo est, qui se ex vera humiliate spernit & substernit; & omnibus bonis & beneficiis, indignum se judicat; nec in aliquo bono vanè exultat, nec laudem concupiscit: Major tamen ille, qui sicut Job percussus, contemptus, conviciatus, depauperatus, neglectus, tentatus, afflictus, derisus, & confusus, gratias agit, lætatur & benedicit, & omnia gravamina & exilia sibi contingentia, pro maximis lucris computat, & propter Deum sustinet, & conqueri cessat.

3. Beatus, qui virgam doloris, sicut Job, de manu Dei pie accipit; & totaliter voluntati divinæ, se offert & committit. Beatus, qui hoc semper querit

& eligit, quod Deo magis placet, & pro deliciis vilia capit, & læsus lætior manet, & damnum temporale, animæ lucrum reputat.

## CAPUT VI.

*De conformitate anima devota, cum crucifixo.*

1. **C**um ipso sum in tribulatione. Quid est hoc Domine? Expone mihi verbum istud, quod dixisti; aperi sensum hujus versiculi, pro solatio servi tui. Audi fili. Quando es in tribulatione & cordis mœrore, tunc es cum Jesu in Cruce; & quando iterum consolaris in devotione, & delectaris in hymnis & canticis divinis, tunc resurgis cum Jesu in novitate spiritus, & quasi à mortuis suscitaris de sepulchro, alleluja lætè canendo.

2. Cum autem flexis genibus oras pro peccatis tuis, & intimè doles & ploras, tunc duris ictibus antè portam cæli pulsas. Cum verò omnia terrena jam negligis, & sola cœlestia intus meditaris, tunc cum Jesu ad cælum pergis, & Angelis sociaris. Esto ergo mitis, humilis, & patiens, in omni eventū & infirmitate irruente super te, propter Deum; & porta crucem tuam patienter cum Jesu, moriendo quotidie in cruce, pro æterna salute tua; quia omnis afflictio carnis patienter tolerata, medicina est animæ, & satisfactio pro peccatis, & spes futura beatitudinis & gloriæ, Amen.

## CAPUT VII.

*De ambulatione anima pura cum Deo.*

1. **A**mbulate cum lucem habetis. Ille ambulat cum Deo in luce, qui nil cupit de hoc mundo habere, sed habet



cor suum fixum ad Deum in cælo. Nam ibi est thesaurus animæ absconditus, Dominus Jesus Christus, in quo omnia bona continentur. Semper miser est, & eget, quicquid habet, qui Deum amicum non habet. Ille Deum habet, qui eum amat, & sermonem ejus servat.

2. Ille verbum Dei benè servat, qui otiosum verbum nunquam profert; qui opere ostendit, quod ore prædicat; qui propriam gloriam non quærit, sed omnia bona quæ fecit, & in aliis videt, purè ad gloriam Dei refert. Qui autem sibi placet, stulto placet, & Deo displicet. Ideo in omnibus bonis, quæ agis & dicis, Deo placere studeas, ut ampliora bona ab eo recipias. De bonis naturæ quid gloriaris, cum sis mortalis, à vermibus mox rodendus? Audi senem juvenis: Recipe te à rebus te distrahentibus, quia requiem non invenies, nisi ad cor tuum redeas, & Deum super omnia bona quæras, & intimè diligas.

## CAPUT VIII.

*De pace cordis, & quiete in Deum.*

1. **I**N pace factus est locus ejus. Quis est in bona pace? Qui mitis est, & humilis corde. Quare vis scire de statu aliorum, qualiter sit cum eis, & te ipsum negligis in multis? Ecce qui meliùs scit se humiliare, & pati propter Deum, hic meliùs est in pace. Huic omne opus fit leve propter Deum, quem habet in corde. Beatus, qui loquitur cum Deo orando, meditando, cantando, legendo; & de alienis tacet, quæ sunt in mundo. Ubiunque es, & transis, vel fugis, cogitatio tua tecum transiit. Bona meditatio lætificat, mala contristat. Ita perturbat, invidia exacerbat, odium ne-
- à Kemp. Vallis Liliorum.*

cat. Devota lectio instruit, oratio accendit, operatio verbum implet.

2. Sermo sanctus corda mundat, vanus maculat, otiosus scandalizat, durus gravat, pius placat, moralis ædificat, historialis fidem confirmat, cælestis ad æthera levat. Munda ergo cor tuum ab omni malitia, & eris in bona pace. Non est pax bona, nisi in Deo, & cum virtuoso, qui omnia bene agit propter Deum, quem diligit. Mane in silentio; & sustine modicum propter Deum, & ipse liberabit te ab omni onere & inquietudine. Beata vita & bona conscientia; dant fiduciam ad Deum in tribulatione, & in morte; mala autem conscientia, semper est in timore & in lire. Iracundus citò cadit; de uno malo in aliud peius. Patiens & mitis, de hoste facit amicum; Deum inveniet sibi semper propitium, propter pietatem erga peccantem.

## CAPUT IX.

*De recollectione cordis, cum Deo.*

1. **Q**ui non colligit mecum, dispergit, ait Dominus noster Jesus Christus. Cum fueris multum dispersus & indevotus propter multiplices diaboli phantasias, & amaras passiones cordis, & hominum displicentias te inquietantes, stude te recolligere in secreto, per orationem dominicam & angelicam salutationem; & prosternere te solo tenus ante sanctam crucem, vel beatæ Virginis Mariæ imaginem, aut alicujus sancti devotam picturam, ad Dei honorem sanctorumque memoriam factam. Invoca præcipuè Jesum & Mariam, cum omnibus Angelis & cæli civibus, pro misericordia & gratia divinæ consolationis,



Psal. 37.

tionis, tibi iterum reddenda : & diccum sancto David in Psalmo, *Domine ante te omne desiderium meum, & gemitus meus à te non est absconditus.* Domine spes mea à juventute, ad te confugio in tribulatione mea.

2.

2. O Domine, doce me semper sequi & facere voluntatem tuam, & relinquere meam, quia hoc beneplacitum est tibi, & utile mihi, pro salute animæ meæ. Domine, nunquam mihi contingat aliquid cogitare, vel desiderare, aut operari, quod displicet tibi, aut alteri noceat, sicut præcepisti mihi & omnibus fervientibus tibi. Cum contrarium ago, corrige me in misericordia tua, & non in ira perdas me: Quia Deus meus es tu, & ego pauper & fragilis servus tuus, gratiâ & misericordia tua in omnibus maximè egens. Sit nomen sanctum tuum, nunc & in æternum super omnia benedictum, Amen.

## CAPUT X.

*De vigilatione & oratione, contra tentationes.*

I. Marc. 14.

I. **V**igilate & orate, ut non intretis in tentationem, carnis vel spiritus, vel diaboli, vel mundi. Caro suggerit concupiscentiam, spiritus superbiam, diabolus invidiam, mundus vanitatem. Christus autem è contrario docet; nam suadet servare castitatem, humilitatem, charitatem, & contemptum mundi, ad promerendum regnum Dei, & evadendum poenas inferni. Vigilandum igitur & orandum, omni tempore, & in omni loco: quia nullibi securitas ab adversario maligno, qui non dormit, nec quiescit à tentando; sed circuit & quaerit quem decipiat & molestat, & à bonis

2. Pet. 5.

exercitiis impediat, & ab oratione cessare faciat.

2.

2. Ideo Dominus noster Jesus Christus, sciens nequitiâs diaboli, & utilitatem orationis, fortitudinem hostis, & debilitatem hominis, admonet fortiter discipulos suos & omnes fideles, vigilare & orare, si non velint ab hostibus suis, id est vitiis superari. Vigilare igitur, & orare; ut non intretis in tentationem diaboli, nec ei consentiatis. Si non potes totum psalterium legere, lege unum psalmum, unum versum, unum devotum hymnum, de Jesu, de Maria, aut de aliquo sancto, ad excitandum cor tuum sursum in Deum, per gemitum & vivæ vocis oraculum. Propè est enim Deus omnibus invocantibus se cum humilitate. Nam humilis oratio justi penetrat cælos, dat fiduciam ad Deum, & frangit diaboli consilium, & *Eccl. 35.* vires, minas, & nugas.

3.

Math. 6.

3. Si impedis foris ab omnibus, intra cubiculum tuum, secundum Christi consilium, & clauso ostio, ora *Patrem tuum in abscondito.* Ipse enim scit, quid cogitas & desideras, & quid opus est tibi. Sic ergo in omni petitione ora: Pater fiat semper voluntas tua, non mea: fac mecum sicut placitum est tibi, & utile mihi. Si fueris cum aliis in choro, lege, & canta cum eis, sicut Angelus coram Deo. Sic canta exterius, ut compungaris interius. Sic placeas hominibus, ut non displiceas Deo, & sanctis Angelis ejus. Deus enim magis attendit compunctionem cordis, quam clamorem altæ vocis: quia per humilem precem Deus placatur, per vanam gloriam offenditur. Per mœroris fletum gratia acquiritur, & virtus augetur, per dissolutio-



lutionis sonum devotio perditur, & pro omni culpa & negligentia pœna reddetur. A quibus malis divina pietas nos semper custodiat, & ad cœlestia regna perducatur: Amen.

## CAPUT XI.

*De timore aterna pœna, contra vitia carnis & superbiam mentis.*

1. **C**onfige timore tuo carnes meas. Utilis est hæc oratio contra carnis vitia, & ad superbiam mentis deprimendam. Ista enim duo mala quotidie hominem impugnant & vexant: aut enim caro illicita concupiscit, aut spiritus de bono superbit, & laudem quaerit. Utrumque magnum malum, utrobique periculum grave. Cum te tentat caro misera, citò moritura, cogita æterni ignis tormenta; & sic ignem concupiscentiæ extingues igne gehennæ, & motus majores expellent minores, ut spiritus salvus fiat per ignem. Brevis est omnis delectatio carnalis, fallax & vana omnis mundi lætitia, omnis decor corporis, omnis honor & gloria. Sicut dolor capitis, cogit dissolutum gemere & flere; sic timor mortis & ardor inferni, faciunt passionatum & tentatum, à peccatis abstinere.

2. Qui sine timore est, citò corrumpitur in malum: & qui se non humiliat coram Deo & sanctis ejus, confundetur in iudicio à dæmonibus, & punietur durissime ab eis. Firma & vera sententia ista stat, nec fallit: Sive homo, sive Angelus sit, *Deus superbis resistit, humilibus autem dat gratiam.* Misericordia autem Domini ab æterno, cum sanctis & electis suis usque in æternum. Time ergo superbe iudicium Dei, in omnibus factis

tuis; & noli gloriari in vanis reputationibus. Cum feceris totum, quod poteris & debes, adhuc deficiis in multis, & vix unum pro mille reddere vales. Time virgam Dei, time baculum, time iudicium futurum. Nil transibit impunitum, nil erit in bonis irremuneratum. Si cella tua arderet, nonne timeres, & citò surgeres, & fugeres? Ecce, quid facit timor & tremor, & cogitatio de pœnis futuris, quæ nullis finientur temporibus. Expellunt namque teporem, & inducunt orationis fervorem, propter nimium inferni horrorem.

## CAPUT XII.

*De memoria Dominica passionis, contra dissolutos.*

1. **B**eati qui lugent, quoniam ipsi consolabuntur. A quo? Certè à Christo in lecreto cordis, non de hoc mundo in vanis rebus. Levia enim & iocosa verba, & frequens risus, non congruunt sacræ passioni Christi, & amarissimis vulneribus ejus. Si enim haberem unam acutam spinam de corona Jesu, in capite meo; aut in dorso meo transfixam, nunquid riderem? minimè, sed præ dolore magis flerem, & altè clamarem. Si etiam unum clavum crucis in pede haberem, quò irem, & currem? Nusquam utique irem, aut currem, sed magis sederem, & dolerem; & per experientiam dolorum meorum, Christo compati discerem. Et utinam amarissime possem flere, in remissionem omnium peccatorum meorum. O quàm sanctus dolor & dulcis fletus, ex compassione sanctorum vulnerum Domini nostri Jesu Christi, largiter effusus.

2. Quando ergo gravaris, aut tentaris, aut infirmaris; recurre citò ad orationis



tionis scutum, & sanctæ crucis vexillum; & in sanctorum vulnerum Christi fixuris, quære vitiorum tuorum salutiferam medicinam, per devotam orationem, & seriosam passionis ejus recordationem. Pondera sanctæ crucis magnitudinem, longitudinem, & altitudinem? in qua JESUS CHRISTUS pendit nudus, diris clavis pro te confixus. Numerata attende, quam multæ acutæ spinæ in corona Domini fuerunt, quæ sanctum verticem capitis filii Dei tam acriter punxerunt, & largissimè cruentari fecerunt. Pone hæc, & cætera arma passionis JESU CHRISTI juxta te, pro bona custodia diei ac noctis, ne invidus hostis diabolus, inveniat te vacuum à divinis imaginibus, & inquinet cor tuum sordidis picturis & urticis.

3. Sit tibi proinde lectulus tuus sine plumis, in memoriam sanctæ nativitatis Domini nostri JESU CHRISTI, quasi angustum & pauperculum præsepe, virtutibus plenum; in quo puer JESUS vagiebat in cunabulis, pannis involutus, modico fœno pro serico pallio reclusus, parvoque lacte matris virginis refectus. Sit duritia & vilitas culcitæ tuæ, recordatio quædam duri & lapidei sepulchri Domini nostri JESU CHRISTI pro te crucifixi, & verè mortui, & in corde terræ sepulti, ac grandi lapide clausi. Hic ergo in pace Christi quiesce omnium oblitus quæ sunt in mundo, omnia reputans vilia & pro nihilo, quæ magni videntur & jucunda; ut cum eo resurgas nunc in virtutibus & gratia, & in novissimo die cum electis in gloria semperpiterna; Amen.

## CAPUT XIII.

De invocatione sancti nominis JESU, & beata Maria virginis matris ejus.

1. **D**irige Domine Deus meus in conspectu tuo viam meam. Viam tuam, Domine JESU CHRISTE, viam pulchræ, viam mundæ, & securæ ad ambulandum in eis rectè & perfectè. Et omnes semitæ tuæ pacificæ & sanctæ, ad perducendum omnes fideles tuos, & humiles corde, in regnum tuum cæleste. Ubique ergo pergis, ambulas, stas & resides; invoca JESUM & Mariam piam matrem ejus, & hunc sanctum versiculum, libenter pro conductu viæ lege; *Dirige Domine Deus meus, in conspectu tuo viam meam.* Deinde consimiliter istum adde: *Perfice JESU, gressus meos in semitis tuis, ut non moveantur vestigia mea, ad videndum vana, & loquendum otiosa, anima mea nociva.*

2. Post hæc etiam, hunc dulcem versiculum pro viatico securo assume, & quasi baculum in manu firmiter tene, & sæpe orans devotè lege: JESUS & MARIA, sint mecum semper in via, in omni loco, & in omni tempore, pro bona custodia; ne forte per devia errem, & dispergar per multa phantasmata, intus & extra. Hæc sancta oratio, JESUS & MARIA, brevis est ad legendum, levis ad portandum, facilis ad tenendum, dulcis ad cogitandum, fortis ad protegendum, fidelis ad custodiendum, socialis ad ambulandum, delectabilis ad recreandum, amicabilem ad consolandum, potens ad adjuvandum, prudens ad perducendum recto itinere omnem pauperem peregrinum, & sæculi contemptorem ad vitam æternam. Hæc sancta oratio habet secum



secum meliores comites, & potentiores milites, præ omnibus regibus & principibus mundi; altiores sanctos, præ omnibus sanctis in cælo & in terra. Hæc sancta oratio, trahit ad se in fervore spiritus totam cælestem curiam; quæ sequitur cum omni reverentia Dominum suum Jesum Christum; & dominam suam sanctam Mariam, matrem Jesu benedictam, omni laude dignissimam, ab omnibus honorandam. Qui illos pro sociis secum habet in via hujus vitæ, etiam pios patronos inveniet mortis tempore. Noli jam Jesum deserere, si cupis eum Jesu & Maria semper vivere, & gaudere. Bene ergo & secure ambulat, qui Jesum & Mariam in corde portat, ore sæpè nominat, labiis benedicit, manibus plaudit, pedibus tripudiat, voce clamat, corde jubilat, oculis plorat, vultu suspirat, oculis placat, brachiis amplexatur, & flexis genibus adorat.

3. Beatus qui Jesum & Mariam sedulo invocatur, devotè salutat, amorosè commemorat, eximie honorat, latissime collaudat, altissime glorificat, ardentissime amat, suavissime eructat, jucundissime celebrat & cantat: O quam dulcis est Jesus, & quam dulcis sancta Maria, dilecta mater ejus. Beatus peregrinus, qui in omni loco & tempore exilii sui in corpore meminit patriæ cælestis; ubi Jesus & Maria gaudent pariter, cum omnibus Angelis, & sanctis suis, in maxima lætitia & æterna gloria. Beatus peregrinus, qui non quærit mansionem in mundo, sed cupit dissolvi, & esse cum Christo in cælis. Beatus pauper & mendicus, qui quotidie transit pro pane cæli; & donec accipiat unam micam, non cessat supplicare humiliter,

ante Dei mensam. Beatus, qui vocatur ad cœnam agni; & donec perveniat ad convivium supernum, accipit ejus sacramentum.

4. Quoties enim aliquis devotè communicat, aut Sacerdos ad honorem Dei reverenter & devotè celebrat, toties cum benedicto Jesu & benedicta Matre ejus spiritualiter manducat & bibit. Iste est discipulus Jesu, capellanus beatæ Mariæ Virginis, socius Angelorum, concivis Apostolorum, domesticus Dei, cognatus Sanctorum, amicus cæli. Hic turbas fugit, fabulas virat, verba Jesu cogitat, & cor suum cum cæteris sensibus suis sollicitè custodit; ne Jesum & Mariam, & omnes Sanctos offendant.

*Hic accipiet benedictionem & misericordiam, à Domino Jesu Salvatore suo, & quàm citò ad eum clamaverit, exaudiet eum de cælo sancto suo, in quocunque loco fuerit & periculo. Nam cum discipuli in mari navigarent, & præ timore submergendi, Jesum invocarent, statim imple Jesus affuit, & dixit: Quid timidi estis? Habete fiduciam: Ego sum, nolite timere.* Vox enim Jesu, vox duleis ad consolandum, fortis ad protegendum, jucunda ad lætificandum, benigna ad indulgendum, gratiosa ad tribuendum vitam æternam.

#### C A P U T XIV.

*De forti certamine contra vitia, per exempla Sanctorum.*

- I. **V**iriliter agite & confortetur cor vestrum. Sicut per passionem & Crucem Jesu, & sanctorum Martyrum pœnas, discimus adversa tolerare; sic etiam per beatam Virginem Mariam, & per omnes sanctas Virgines, viduas & continentes, discimus carnalia vitia



vincere, divitias contemnere, honores fugere, & per contemptum omnium mundanorum, cœlestia quærere & amare. O serve Dei, stude virorum fortium patientiam insuperabilem sequi, diabolo & consilio ejus resistere, & per debiliū puellarum constantiam virginalem, omnia delectabilia carnis cum cæteris vitiis, longè à te projicere & spernere. Si bona temporalia Deus dederit pro sua clementia, paupertati tuæ; noli inde miser extolli, noli stultè cor apponere, quia nescis, quamdiu hic eris, & istis frueris. Noli longam optare vitam, sed bonam; quia melior est bona conscientia, quàm omnes thesauri mundi. Quantò enim plus habueris de rebus terrenis, tantò districtius inde judicaberis.

2. Heu fallax gratia, & brevis gloria mundi, in divitiis, honoribus, prælaturis, & deliciis hujus vitæ gaudere; post quæ sequuntur maximi dolores & fletus, cum diabolo semper ardere, ubi nulla est redemptio à pœnis eorum. Sed, ô quàm magna jucunditas electorum, cum Angelis semper lætari, ubi summa felicitas omnium bonorum, cum Deo & Sanctis ejus, sine fine durabit. O quàm felices viri & prudentes virgines, qui omnia propter Christum reliquerunt, & per arctam viam, ad æternam partiam pervenire studerunt.

3. Scitote ergò omnes fideles, & devoti servi Jesu Christi, quia oportet vos contra varias tentationes carnales & spirituales pugnare, vigilare, orare, jejunare, & laborare, quamdiu vivitis. Oportet carnem castigare, ne intumescat, & concupiscat contra spiritum; & ne decipiat & prævaleat contra animam, irahendo ipsam in gehennam. Quid

prodest hic carnem delicatè nutrire, & postea in inferno gravissimè torqueri? Et quid juvat hic laudari, & honorari ab hominibus, & in futuro confundi & condemnari, cum impiis & dæmonibus: In mundo Doctor & magnus reputari, & in numero electorum non computari, maxima confusio & derisio est, coram Deo & omnibus Sanctis ejus. Pro Christo autem pati, & vilipendi à malevolis maximus honor, laus, & gloria apud Deum & omnes Sanctos. Hinc ipse ait discipulis suis, & consolatur ubique omnes fideles, pro nomine ejus injuriam & pressuram patientes: *Beati eritis, cum vos oderint homines, & exprobraverint propter nomen meum: Gaudete, & exultate; ecce enim merces vestra, multa est in cœlis.*

## CAPUT XV.

*De stabilitate in loco, & in ordine.*

1. **S**tabiles estote in omni opere Domini semper. Dic mihi, bone frater, quid utilitatis & sanctitatis tibi confert, huc illuc discurrere, & multa ubique videre & audire, & ad regnum cœlorum non posse pervenire? Beatus, qui ab omni evagatione, cor suum & corpus custodit, & citò ad seipsum cum gemitu redit, & veniam petit. Væ tibi, qui sæpè foris evagatis, & tempus infructuosè expendis, & alios scandalizas, Pax multa, libenter in cella manenti, Deo in secreto vacanti, sæpè oranti, sacros libros scribenti, scripturas studiosè legenti, ac sanctis meditationibus affectuosè insistenti.

2. Otiosus & fabulosus, multà correptione dignus, & à communi colloquio separandus; ne fortè simplices



& pusillos inficiat, & vanis verbis ac moribus perversis, scandalizet ac perturbet. Time ô dissolute & jocose, futura ignis purgatorii tormenta; ubi pro quolibet levi & otioso verbo, & cogitatu maligno, patieris à dæmonibus durissima verbera. Multò melius est ergò, modò timere & cavere, pœnitere & flere, quàm in futuro, cum impiis sine fine torqueri, & à dæmonibus fustigari. Cerrè non est risus & jocus, in inferno semper ardere, unde nullo auxilio poteris liberari.

3. Si quis ista frequenter pensaret, & stricte ponderaret, omnia mundana citò contemneret, & omnia delectamenta carnis exhorreret; ut æternas pœnas evaderet, & ad cœlestia gaudia post mortem perveniret. Sed vix eis modò, & amplius in futuro, qui divina judicia modicum attendunt, & ferè omnia pro levibus ducunt, quia pœnas illas in corpore non sunt experti.

## CAPUT XXI.

*De divino solatio, in tribulatione pro Christo.*

1. **I**N mundo pressuram habebitis; sed *confidite, ego vici mundum.* Dicitur in proverbii à multis; solatium est miseris, locum habere in pœnis. Quis est iste socius tam bonus & pius, qui scit compati miseris & infirmis? Iste est Dominus noster Jesus Christus, pro nobis passus & crucifixus, qui in Evangelio dicit se medicum & pastorem esse animarum; & consolatorem tribulorum, pauperum & infirmorum, lapsorum & vulneratorum. *Non est (inquit) opus sanis medicus, sed male habentibus.* Et similiter de eodem loquitur sanctus Da-

vid, ita consolando tristes: *juxta est psal. 30. Dominus his, qui tribulato sunt corde.* Et iterum in alio psalmo, de quolibet tentato & tribulato, ne desperet, ita per se ipsum loquitur Deus dicens: *Cum ipso sum sum in tribulatione, eripiam eum, & glorificabo eum.* Est enim verè magna consolatio tristibus, & variis modis afflictis: quia Christus fuit etiam tentatus, tristis, & in multis doloribus pro nobis afflictis.

2. Nisi enim esset utile & salubre animæ nostræ, pati & tribulari in mundo, non permetteret hoc Deus fieri. *Qui est summè bonus, & justus, in omnibus viis suis.* *Rom. 8.* Qui ergo proprio filio suo non pepercit à flagellis, tu quis es, qui audes contradicere verberibus ejus, reus in multis peccatis? Justum est enim, ut servus malus & inutilis, non contradicat domino suo percussus, saltem in modico, quando filius in omnibus dilectus, & in nullo culpabilis, tantis plagis fuit percussus. Justum etiam est, ut de eodem calice ægrotus sanandus, modicum breviter bibat, de quo medicus sanus, totam amaritudinis poculum sibi oblatum bibit; ut totum mortis venenum purgaret, & hominem in anima & corpore necatum perfectè sanaret, & ab æterna morte liberaret. Alleviatur igitur multum onus servi, in consideratione gravioris ponderis innocentis Domini sui. Mitigatur valdè dolor languentis; si diligenter pensat, quoniam hæc afflictio piè tolerata, est purgatio pro peccatis, & spes æternæ salutis.

3. Magnum namque & honorificum est pauperi servo, si ipse fuerit domini sui panno eodem vestitus, purpurâ filii regis insignitus, cum qua meretur

ad



Panni Jesu. ad regis æterni nuptias introire. Panni Jesu sunt, humilitas cordis, paupertas in necessariis, patientia in adversis, perseverantia in virtutibus. Qui virgam Dei promunere accepit, salutem animæ ex verberibus reportat, & coronam amplioris gloriæ in cælo recipiet. *Beatus, qui intelligit super egenum & pauperem* Jesum, pro nobis nudum & inopem factum, cum esset ditissimus omnium; & sequitur eum sapienter, ferendo crucem suam in quotidianis laboribus, pro salute animæ suæ usque ad mortem.

## CAPUT XVII.

*De custodia conscientia, in omni loco  
& tempore.*

1. **A** Nima mea in manibus meis  
semper. Nihil utilius & salubrius, cupienti ad vitam æternam pervenire, quam semper cogitare de animæ suæ salute. Lege & percurte omnia, non est salus animæ, nisi in Deo & in bona vita. Hinc ait Dominus & Redemptor animarum, discipulis suis: *Quid prodest homini, si mundum universum lucretur, anima vero suæ detrimentum patiatur?* Qui istud frequenter cogitat, & magis de animæ suæ salute curam gerit, quam de temporali lucro, vel corporali cibo; hic verè sapiens negotiator est, quia æterna spiritualia, omnibus perituris præponit & quærit. *Matth. 25.* Ille est unus de bonis & fidelibus Christi servis, qui de duobus talentis quatuor, & de quinque decem facit, & unum non abscondit in terra, nec deludit, nec à se projicit, nec contemnit, sed pauperi potius tribuit, ut pro se oret, aut ad altare Deo offerat regratiando ipsi etiam pro minimo dono, quod accepit. *Beatus servus super pauca fidelis & prudens,*

qui omnia tempora sua utiliter expendit, & de extraneis rebus ad se non pertinentibus tacet, sed tanquam surdus & mutus propter Deum factus, pacificè tumultus sæculi pertransit, & animam suam ante se in manibus suis semper portat. Noli ergo de statu aliorum curiosè quærere, nisi quantum charitas Dei, & fraterna compassio exigit.

2. Noli laudes hominum appetere, quæ vanæ sunt; nec vituperia expavescere, quæ non obsunt; sed animam purgant & humiliant, & in cælo altè coronant. Nemo dignus est à Deo sublimari, nisi qui scit pro Deo vituperia pati. Sicut enim, tu Domine Deus, passus es pro me; ita & ego debeo pati pro te, & te sequi pro posse. Tu enim sancto Petro dixisti, *Sequere me.* Sed heu mihi Domine, quia tam parum possum pati pro te. Sæpè propono, & de decem vix unum perficio. Multa sunt verba; sed opera pauca. Totum est culpa mea, & excusatio nulla. Nam desidia & negligentia propria, augent peccata mea: Quid ergo restat ad ista dicere & cogitare, nisi veniam petere & orare? Peccavi Domine, miserere mei. Sic enim omnes sancti ante te fecerunt, & docuerunt, & adhuc quotidie omnes fideles faciunt. Omnes sancti & amici Dei, orate pro me; quia infirmus sum, & omnibus juvari humiliter peto.

*Oratio pauperis.*

3. **O** Sancte sanctorum, Domine Deus meus, inclina aurem tuam, ad precem pauperis servi tui. *Adjuva me, & saluus ero, & meditabor.* *T. sal. vii.*



*in justificationibus tuis semper.* O utinam merear unus de pusillis gregis tui esse in regno, quod præparasti humilibus & diligentibus te. Diligam ergo te, Domine virtus mea, ex toto corde meo, sicut præcepisti ore sancto tuo. Tu spes mea, & salus mea, & totum desiderium meum. Da mihi intellectum clarum, contra omnem errorem: cor mundum, contra omnem impuritatem: fidem rectam, contra omnem dubitationem, spem firmam, contra omnem diffidentiam, charitatem ferventem, contra omnem acediam & negligentiam; magnam patientiam, contra omnemurbationem, sanctam meditationem, contra turpem imaginationem; continuam orationem, contra diaboli impugnationem, diligentem attentionem ad lectionem, contra frequentem mentis evagationem; bonam occupationem, contra cordis tedium & somnolentiam; devotam sacræ passionis tuæ recordationem, contra omnium vitiorum mortificationem. Adesto mihi in his bonis Deus meus, & confirma me in omnibus verbis sanctis tuis. Amen.

## CAPUT XVIII.

*De solitudine, & silentio.*

I. **E**ce elongavi fugiens, & mansi in solitudine. Quare? Propter multa bona inde provenientia, & ad cavendum distractiones cordis mei, in multis rebus visis & auditis, quia quæ oculus non videt, nec auris audit, cor non dolet, nec citò turbatur. Igitur latere & tacere, bonum est pro pace cordis, & obtentu devotæ orationis. Ad hoc juvant locus secretus, & recessus à turbis, ubi non est strepitus. Sicut enim piscis extra à Kemp. Vallis Liliorum.

aquam citò moritur, ita monachus extra cellam, leviter distrahitur & inquinatur. Nam prudens apis, mel ex floribus colligens, statim inde evolat, & secretum gaudens repetit, & hoc in alveario cautè abscondit; ut habeat, unde in hyeme latenter vivat. Idè enim suavitatem odoris abscondit, ne foris vagando, fructum laboris sui iterum perdat. Nam pretiosa aromata, in pyxide clausa, fortius fragrant; aperta & ostensa, virtutem odoris citius amittunt. Flores quoque manibus tacti læduntur, intra septa pomarii clausi servantur, & muris altis firmati tutantur. Crescunt rosæ, in hortis clausæ, securæ; arescunt, & calcantur pedibus, in viis projectæ.

2. Sic vagus & instabilis monachus, vilescit sæpè foris visus, fugiens autem turbas, & manens intus, reputatur sanctus. Candela ardens, à vento citò extinguitur; in lucerna latens, custoditur. Sic fervor devotionis, in secretario cubiculi tutius servatur; & in negotiis externis, facilius dissipatur. Igitur cellam & silentium dilige, si vis devotus & pacificus intus permanere. Oportet, quòd valdè fortis sit & custoditus, qui foris inter homines ambulat, & interius non impeditur nocivis. Maneas ergo libenter in solitudine & in cella, devotionis causa; sicut beata Virgo Maria, mansit sola in cubiculo clausa, loquens cum sancto Angelo, sibi missò à Deo de celo; ut etiam ad te veniat sanctus Angelus, Domini nuncius cœlestis, & custos animæ tuæ fidelis, & recedat à te longius spiritus malignus cum omnibus phantasias suis. Dixit quidam devotus silentii amator. Rarò loquor diu hominibus, sine aliqua lésione conscientie.

M

*Dicta vi-  
rorum  
piorum  
de silentii  
intus laudat.*



intus. Et alius quidam: Oporteret, ut sit valdè ædificabile verbum, quod emendaret silentium. Et tertius ait: Nobile est verbum, in suo tempore dictum. Et quartus adjecit: Qui os suum firmiter claudit, non detrahit, nec mentitur.

3. O quàm laudabile & jucundum loquentis verbum, nil mali, nil vani, nil doli, nil falsi habens admixtum. Multi multa loquuntur, sed non sine periculo linguæ pronæ ad malum. Pax igitur multa custodient os suum, & manenti in cella, & sæpè oranti. Lauda quoque taciturnum virtuosum, increpa vagum verbum, cave dolum. Fuge tumultum, dilige secretum, sequere humilem & devotum, sustine patienter tibi molestum, propter Christum pro te crucifixum.

4.  
Tria monacho  
quolibet  
necessaria.

4. Frater interrogavit senem. Quod est statutum in ordine, pro pace & devotione maximè proficuum? Respondit notabile verbum; Servare à patribus silentium statum, vitare tumultus hominum, & otium. Hæc tria in ordine valdè necessaria, Deo & Angelis accepta; scilicet laborare manu, contra otium; amare lectionis studium, contra cordis tædium; & continuare orationis usum, contra diaboli dolum. Hæc laudant sancti patres antiqui & novi, quia frater tacens & Deo vacans, ab ipso cælitus benedicitur, & ad contemplanda divina secreta aptior invenitur, & aliis illustratur. Vagus verò & fabulosus, qui otiosè circueit, donis cælestibus indignus efficitur, & aliis est molestus. Nescit superbus diu tacere, quia cupit doctus videri, & præ aliis laudari. Qui præsumptuosè loquitur, à multis vituperatur:

qui autem verecundè tacuerit, gratiam ab astantibus meretur. Magna humilitas cordis, sentire de seipso vilia, & de aliis semper meliora. Grandis superbia, abundare in sensu suo, & stare in propria voluntate, Deo & communitati fratrum contraria. Hæc est lepra pessima, quam odit Deus, & percutit sæpè subitanè morte. Simplex & innocens, humiliter obediens, ubique lætus & securus. Laudabilis fama, habere pauca verba, cavere levia, loqui utilia, & omnia agere cum modestia. Omnibus adde modum, modus est pulcherrima virtus. Et hoc est, quod ait Christus: *Habete sal in vobis, & pacem* *Matt. 23.* *habete inter vos.* Et Paulus Apostolus: *Omnis sermo vester, sale conditus sit.* *colos. 4.* Et sanctus Job: *Quomodo potest comedi,* *Job. 6.* *quod non est sale conditum.*

5. Castus & pudicus, custodit cor suum, os suum, & omnes sensus suos, pronos semper in malum, ut non peccet, & Deum ac proximum offendant. Non est corde compunctus, qui vana libenter audit, & recitat coram aliis. Perdit citò compunctionis gratiam, qui non custodit cordis & oris januam. Monachus pronus ad loquendum, facile excedit loquendi mensuram. Si haberes Jesum crucifixum in corde tuo fixum, non exiret citò de ore tuo verbum vanum & otiosum. Sed quia non habes Jesum firmiter in corde tuo clausum, idè sæpè quaris solatium forinsecum, debile & frivolum, parum juvans intus à doloribus prementibus cor tuum, solus enim Jesus, præstat verum animæ solatium, & sanat omnes languores vitiorum. In brevi momento & unico verbo, potest liberare dolentem ab omni malo. Nam amplior est gratia Dei



in bono, quàm culpa in malo. Cur audis vanos rumores sæculi, qui sæpè te conturbant & distrahunt in corde? Quare negligis dulces sermones Christi, qui te consolari possunt, & confortare in omni tribulatione tua, die ac nocte?

## CAPUT XIX.

*De refugio pauperis, ad Deum adiutorem suum.*

I.  
Psal. 6.

I. **T**ibi derelictus est pauper, orphanus tuus adjutor. Beatus ille pauper, cui Deus est adjutor in omni tribulatione sua, consolator in angustia, unica spes & confidentia in extremis, corona gloriæ in regno æternæ beatitudinis. Pretiosa virtus voluntaria paupertas assumpta pro Christo, cujus merces æterna permanet cum Angelis in cælo; quo fur non appropriat ad furandum, nec raptor ad prædandum, neque latro ad occidendum. In multis periculis & curis quotidianis, sunt divites hujus sæculi, à quibus liber est servus Christi, renuntians omnibus quæ sunt mundi. Magna libertas animæ fidelis, quæ nil proprietatis habet in aliqua re mundi propter regnum Dei, & amorem Jesu Christi; sed omnia possidet in Christo, qui pro nobis pauper & dolens factus. Qui pendens nudus in cruce, non habuit ubi caput suum reclinaret, vel manum aut pedem usquam moveret. Quis huic pauperi in omnibus indigentis similis? Verè nullus.

Psal. 148. Propter hoc exaltatum est nomen ejus solius, super omnia in cælo & in terra, & super omnia benedictum in sæcula. O bona pauperies, nisi te Deus ante tulisset; tunc tua durities cunctis despecta fuisset. Fœlix paupertas rerum, quæ tollit superbiam oculorum, & occasionem multorum vitiorum.

2. Verè ille est pauper spiritu, qui de nullo verbo & facto bono superbit, nec in altiore gradu esse cupit, ne gravius cadat. O quàm magna virtus abdicata paupertas, nil habens in proprio; quæ animæ aperit cæli portam, auget gloriæ coronam, & cum martyribus meretur accipere patientiæ palmam, post hujus vitæ angustiam, in Christi servitio consummatam. Nam hoc est veraciter & fideliter Christo servire, pro ejus amore penuriam, & alia multa incommoda sustinere. Beatus, qui de necessitate & infirmitate sua facit virtutem, & de omni quod patitur, sequitur Dei voluntatem. Noli ergo purper nimis contristari, cum inopiam pateris; nec indignari, si derideris, aut ab amicis tuis relinqueris. Converte cor tuum ad Christum, pauperem pro te factum & infirmum, quære solatium tuum à Deo, & in Deo solo, si optas semper esse in gaudio. Nam omnia alia solatia foris quæsita, nulla sunt, nec durant, nec sufficiunt, quantumcunque videntur magna.

3. Elige itaque Jesum Christum Dei filium, in specialem amicum & cognatum tuum, reliquos omnes relinque propter Christum. Cave omnem socium, volentem te impedire à sancto servitio Christi, & trahere ad sæculum & portas inferni. *Lata est enim via, quæ ducit ad inferos; & multi sunt, qui intrant per eam*, ait Jesus Christus. Solus ipse sufficit, ad perfectum solatium habendum; qui potest dare regnum cælorum, omnibus relinquentibus regnum mundi, & omnem ornatum ejus. *Transit enim mundus & concupiscentia ejus, tanquam fumus, venti, & flos agri arescens*. Sta ergo frater paupercule, firmissime in



bono proposito semper serviendi Deo; & permancum fratribus tuis, die ac nocte in laboribus multis, in loco isto quem propter Deum primitus elegisti; & parentes ac cognatos sponte reliquisti, & integrè te Deo obtulisti, ut etiam cum eis maximè congaudeas in regno Christi, & omnibus sanctis. Nam pro parvo labore, & brevi dolore in mundo, reddetur tibi æterna requies in cælo. Recogita sedulò sacra vulnera Christi, & acerbula ulcera pauperis Lazari, & proderit tibi in agone, quando debes mori, & de hoc mundo transire.

## CAPUT XX.

*De paupere, & infirmo Lazaro.*

**I.**  
*Psal. 62.*

**E**go sum pauper & dolens, Deus adjuvame. Hæc vox pauperis, & infirmi ad Deum suspirantis pro regno Dei. O pauper & infirme, sustine patienter per modicum tempus, dolores corporis & penuriam in cibis & vestibus; quia non diu hic eris, & dolebis. Gratias age Deo; quia levius est modò flagellari cum pauperibus & debilibus, quàm postea cruciari in inferno cum fortibus & divitibus. Recordare malorum tuorum præteritorum, quibus Deum & proximum sæpè offendisti; & sustine Virgam Domini, in remissionem peccatorum tuorum, de quibus non plenè poenitisti, nec satisfacisti. Memento etiam pro consolatione tua, omnium gravium dolorum & sanctorum vulnrum Christi; quia multa & graviora ipse flagella, pro te sustinuit. Memento quoque pro alleviatione tua, pauperis & ulcerosi Lazari post mortem in sinum Abraham lætè recepti; & pavesce finem delicati divitis, post convivia sua in

*Luc. 10.*

inferno sepulti, unde nunquam poterit liberari. Vide nunc, quid potiùs eligendum sit tibi, an pati modicum, & egere cum Lazaro infirmo, & gaudere semper cum Christo: an deliciarì breviter superfluè cum divite sano, & subito mori, & sepeliri in inferno, & ardere jugiter cum diabolo? Intelligenti satis dictum est paucis verbis.

**2.** Beatus, qui intelligit, & emendat se tempestivè de omnibus malis suis, ne damnetur cum impiis, duris verberibus cruciandus. Quem enim modò sacra verba non compungunt, nec corrigunt: postea sæva verbera sine fructu lacerabunt, nec unquam torquere cessabunt. Ab his malis liber est Lazarus, pauper & infirmus, ab Angelis sanctis in sinum Abraham lætissimè portatus. Audi adhuc multa beneficia Dei, huic pauperi Lazaro misericorditer ostensa. Non habuit [ ut existimo ] amicos divites se visitantes, nec aliquos servos aut socios sibi servientes, sed [ sicut dicit Jesus ] canes ad eum veniebant, & lingebant ulcera ejus: Ipsi soli in tanta miseria, pro solatio sunt relictì. Et quid miserabilius, quàm hominem humano solatio destitui, & bestiis consolandum relinqui? Nec tamen ex ore pauperis impatientia sonuit, aut vox murmuris; sed potiùs gratiarum actio, & vox laudis. Sed cui negabat humana impietas solatium, brutorum feritas mansuetè exhibuit obsequium. Tu ergò infirmè, ne murmuraveris, sed ad horam inconsolatus relinqueris, & infirmitatum stimulis agiteris; sed cogita tibi, & ex divina misericordia dispensante, id evenire, ut hìc sectus, hìc ustus, non pereas. Ipse fortè in minutissimis peccatis, ut  
autem



autem in gravissimis crebrius offendisti. Patienter ergo dolores infirmitatum sustine, & te derelictum interdum ab hominibus gaude, ut cum Lazaro merearis cœlestis regni januam introire.

## CAPUT XXI.

*De claro intellectu sacra scriptura.*

I. I. **D** Eclaratio sermonum tuorum illuminat, & intellectum dat parvulis. Quæcunque in lege veteri & nova scripta sunt, ad doctrinam animæ nostræ scripta sunt, ut Deo fideliter serviamus, odiendo malum, & adhærendo Deo summo bono, corde puro, integro, & perfecto, hic & in futuro. Quæ igitur ignoras, humiliter quære; & quæ non bene intelligis, pete reverenter à doctioribus tibi declarari. Nam declaratio sermonum Dei, illuminat corda parvulorum. Si non potes adhuc altiora capere, tunc parva cum parvulis discere, sicut Dominus Jesus dicit: *Sinite parvulos venire ad me, talium est enim regnum cœlorum.* Quæ ergo intellectum tuum excedunt, noli temerè perscrutari; sed omnia hæc Spiritui sancto committe, & firmiter vera esse crede; quia Spiritus sanctus doctor est omnis veritatis, & non potest testis esse falsitatis.

2. Quod multi habent multa dubia, non est culpa, nec vitium sacra scripturæ; sed cæcitas mentis eorum, & negligentia studii in sacris libris, qui continent æternæ salutis necessaria documenta. Igitur canonicas scripturas libenter lege, & expositiones doctorum cum diligentia adverte, & intelligere stude. Nec tamen propter diligentiam studii, est ab oratione & Missarum celebratione cessandum. Sæpe enim in

oratione & in Missa, multa secreta devotis panduntur, quæ pomposis & curiosis scrutatoribus occultantur. Prodest autem valdè parvulis & rudibus, cum simplicia verba eis proponuntur; nocent verò subtilia, attamen juvant, si obscura dicta explanantur. Et qui diligenter ad lectiones in choro & refectorio advertunt, & cautiùs perscrutantur, quid intrinsecus verba historię continent; pascuntur favo mellis, ex omni verbo Dei quod audiunt, & legunt. Unde quamdiu homo corpore mortali vivit, semper magis addiscere potest, & ad altiora capienda proficere: sed ad claram intelligentiam Angelorum & beatorum visionem non attinget, donec ad æternæ beatitudinis gloriam, Christo auxiliante perveniat.

3. Solidus & fortis cibus, nocet parvulis & infirmis; mollis cibus & tenuis potus, nutrit infantes. Simplicia organa & moderata cantica, dulcius sæpè resonant & lætificant; alti clamores, quasi dura tonitrua, debiles animos magis terreat. Crebra fulmina excæcant oculos, lux in laterna conservat aciem visus. Profunda flumina submergunt incautè nantes, per pontem transeuntes evadunt pericula aquæ securiùs. Sæpè per iter planum, agnus liber transit, ubi bos fortis cadit & rapitur, ligatur & mactatur. Sic simpliciter credens, & humiliter obediens gratiam invenit; & sibi confidens, perdit quod habet. Alta extollunt leviter superbos, & in fine confundunt gloriantes.

4. Vidi simplices in oratione, ex devotione flere; & altè clamantes & discantantes, nil tale in corde sentire. Quare hoc accidit? Quia simplex &

Ne studiosius æquo se vexet homo in capiendis clarissimo sacrarum literarum intellectu.

3.

4.



humilis Deo placere studet in omni, quod agit & loquitur. Vox simplicis corde, apud Deum in cælo: vox vagi cordis, & dissoluti cantoris, coram hominibus in vicis & plateis civitatis. Qui sensum psalmorum seriosè attendit, & paulatim legit & cantat, magnam devotionis dulcedinem concipit. Verè enim suavis est Dominus rectis corde, qui gloriam ejus quærunt, non propriam laudem. Benedictus sermo ex ore loquentis & cantantis, unde compungitur cor audientis.

5. Gallus antequam cantet, prius se ipsum alis suis verberat & excitat, sic bonus frater & devotus orator, se primitus corrigere debet, antequam alium increpet. Ille benè & prudenter docet, qui à seipso incipit, & primò emendat, quod in aliis notat, & reprehendit. Sic sanctus Paulus alios instruens, humiliter se peccatorem præ aliis nominat, dicens: *Quia Jesus Christus venit in hunc mundum, peccatores salvos facere: quorum primus ego sum, qui non sum dignus vocari Apostolus.* Et quare ò sanctissime Paule? Quia persecutus sum Ecclesiam Dei. Unde ergo sanctus, & vas electionis verè dignè glorificandus? Non ex meipso, non ab hominibus; sed per vocationem & revelationem Jesu Christi, à quo didici mitis & humilis esse, & Evangelio ejus obedire. Nihil boni mihi attribuo, sed quicquid egi & docui, hoc totum ei principaliter ascribo; qui me vocavit per gratiam suam ad fidem, quam prædico, & servo usque ad mortem. *Nam sola gratia Dei sum, id quod sum: & gratia ejus in me vacua non fuit, sed semper in me manet, & manebit; donec perveniam ad eum, qui*

me pretioso sanguine suo redemit, & salvavit.

## C A P U T XXII.

*De magnis meritis patientia pro Christo.*

1. **I**N patientia vestra possidebitis animas vestras. Quando ergo aliquis durè tibi loquitur, aut te injustè increpat, non statim irasceris, nec durè respondeas; sed tace, aut humiliter loquere, & lustine patienter, sicut fecit JESUS. Nam accusatus à multis tunc, & flagellatus non murmuravit. Aut si opus est loqui, & profit, tunc responde benignè; & doce prudenter, sicut Christus dura alapa percussus, respondit servo Pontificis, verbis rectis & mansuetis. Sic enim alios magis ædificas, & teipsum à confusione liberas. In omni eventu rerum, & contradictione linguarum pravavum, tene patientiam, & tace piè ad objecta.

2. Attende profectum animæ tuæ in omnibus, quàm magni meriti sit patientiæ virtus; quæ ornat animam virtutibus, & ducit ad palmam cum martyribus. Hanc Christus docuit, & factis in passione explicavit. Cùm enim accusaretur à principibus sacerdotum, & senioribus populi, nihil respondit. Implevit opere, quod dixit sermone; *Disce à me, quia mitis sum & humilis corde, & invenietis requiem animabus vestris.* Non invenitur alicubi requies vera & pax secura, nisi in solo Deo, in vera humilitate & benigna patientia, in qua vincuntur omnia adversa. Sit ergo in Deo tota spes tua, non aliqua creatura, parva vel magna; quia sine Deo omnia vana, & cùm Deo omnia bona,

I.

Luc. 21.

Math. 26.

Joan. 18.

1. Tim. 1.

2.

Luc. 23.

Math. 18.

CA.



## CAPUT XXIII.

*De bonis moribus humilis Monachi.*1.  
Cant. 8.

1. **F**uge dilecte mi, fuge. Quare? Propter multa pericula mundi, quæ sæpe homini contingunt, qui in sæculo conversatur. Nam qui Deo vacare appetit, libenter solus est & orat, studet & scribit; & sic per multa bona exercitia, à vitiorum periculis custoditur, & tempus suum fructuosè expendit, & alios ædificat. Qui autem libenter foris ambulat & hinc inde fabulari desiderat; raro est, quin cor suum maculet, & inde votior ad cellam pacis amicam redeat. Sermo pius & modestus, cunctis acceptus; durus & inconsideratus, offendit amicos. Qui verax est, vera loquitur: & qui fictis verbis alium decipit, odietur. Verus humilis, de bonis operibus laudes non quærit; sed omnia bona Deo ascribit, & mala sibi. Qui mendacium ore profert, Christum à corde fugat: & qui alta quærit, seipsum confundit, & iuste decipitur. Qui planè & rectè loquitur, ab omnibus honoratur, & amatur.

2. Omnes fratres sumus, ab uno Deo creati, omnes peccatores ex parentibus nati; sed per gratiam Christi, ad fidem vocati & baptizati mundamur, & Christo unimur. Nemo ergo alium contemnat, nemo derideat, neque in aliquo lædat; sed potiùs propter Deum juvet & instruat, in quantum valet, sicut sibi ipsi fieri desiderat, quando indiget. Qui ergo debilem in fide sacris verbis confortat, panem cæli languenti porrigit. Qui tristem consolatur, potum vitæ siti-enti propinat. Qui iracundum sermone blando mitigat; favo mellis linguam canis ungit, ne duris moribus aliquem

lædat. Qui dissolutum tacere facit, magnam pacem inter fratres devotos generat. Qui aliis se præfert, stultum se ostendit, & confusione dignum. Qui in omnibus se humiliat, gratiam amplio-rem meretur & gloriam. Pius & humilis, laqueos diaboli orando frangit & evadit, quos superbus vanè gloriando incurrit & petit. A quibus pius JESUS nos semper custodiat, & ad cæli gaudia perducatur: Amen.

## CAPUT XXIV.

*De provida locutione, & fraterna com-  
passione.*

1. **M**edice cura teipsum. Istud in mente semper habeas, antequam loquaris, & aliquem corripias; ne fortè amplius pecces, indiscretè vel injustè aliquem arguendo. Os iusti & prudentis, servat tempus & modum loquendi, & personam ac naturam hominis priùs attendit; ne fortè perdat aut lædat, quem sanare debuerat. Os bene eruditum & discretum, est quasi vas solidum auro ornatum, unguento plenum, balsamo odoriferum, & omni honore dignum. Ex bonis verbis tuis, & religiosi moribus, sæculares ædificantur, pigri excitantur, negligentes arguuntur, dissoluti compunguntur, ignari instruuntur, devoti inflamman- tur. Magis enim per vivida exempla, homines trahuntur ad contemptum sæculi, & emendationem vitæ, quàm per multa verba sæcularis scientiæ.

2. Non est magna ars & virtus, velle alios docere & corrumpere; sed seipsum benè regere, & correptiones piè suscipere, & serventer se in istis emendare, hæc magna est sapientia apud Deum

1.  
Luc. 4.

2.



& homines. Disce dubiosa ad meliora trahere, ignota non judicare, aperta mala cavere, proprium scandalum tege-  
re, mores & defectus infirmorum sup-  
portare: & quæ non potes emendare,  
Deo committe. Cogita, quodd Deus in  
multis te portavit, & adhuc, quotidie  
portat, ne tamen te emendas, sicut sæ-  
pè dicis & proponis: sed piè te tolerat &  
expectat, ut pœniteas, & infirmitatem  
tuam magis cognoscas, & veniam hu-  
militer petas, & neminem spernas, nec  
temerè judices. Porta ergo fratrem tuum  
in paucis, sicut te Deus portat in multis.  
Paucis verbis devotus & humilis utitur,  
ne per excessum intus distrahatur. Su-  
perbus rigidè loquitur, iracundus alios  
perturbat, & correptus turbatur. Mitis  
correptus patienter sustinet, obsecrat  
magis quàm increpat, peccanti condolet,  
& amicum factis se probat. Qui præesse  
aliis appetit, periculis se exponit, & vi-  
lescit. Amator vanæ gloriæ nescit diu ta-  
cere, ne videatur ignarus esse. Erubescit  
vilis & servilia opera facere, & post alios  
stare, & in infimo loco sedere. Et tamen  
honor maximus est, in omnibus humili-  
tatem ostendere, & aliis inferiorem se  
sentire, & omnibus libenter velle propter  
Christum servire, qui ait: *Ego in medio  
vestrum sum, sicut qui ministrat.* Disce ju-  
vénis priùs tacere, antequam loquaris,  
ne coram senibus confundaris, tutius est  
tacere, quàm insipienter loqui.

Lucæ 22.

3. Magna ars scire tacere, cum fue-  
ris correptus; & magna sapientia loqui  
modestè in tempore suo, quod justum  
est & decet, coram eruditis. Insipiens  
nescit servare tempus, & modum, &  
ordinem; idèd multa mala illi occur-  
runt, & justè reprobatur. Juvenis

audax, & ad loquendum velox, insipienti  
similis, & casui proximus. Si instructus  
audit, & correptus tacet, & obedit, spes  
magni profectus erit, & in virtutibus,  
quasi lilium florebit. Grandis superbia,  
stare in propria voluntate, Deo contraria,  
& nolle acquiescere seniorum consiliis &  
verbis. Sed quia difficilè est homini,  
in omnibus verbis & factis modum te-  
nere, & se custodire; idèd religiosi  
eligunt, & quærunt in secreto manere  
& tacere, turbas fugere, & orationi  
vacare.

## CAPUT XXV.

*De incerta hora mortis, & celeri fine  
hujus vita.*

1. **V**igilate, quia nescitis diem neque  
horam. Felix anima, quæ sæpè  
cogitat de novissima hora; quando om-  
nia sunt cessatura in hac vita, læta & tri-  
stia, honores & vituperia. Felix ani-  
ma paupercula, propter Deum pere-  
grina facta; quæ spernit omnia mun-  
dana culmina, quantumcunque sint  
magna & decora. In illa ultima hora  
peribunt ab oculis omnia castella, villæ  
& oppida, omnia vasa argentea & au-  
rea, omnia fercula lauta, & pocula va-  
ria, cum aromatibus dulcorata. Cessa-  
bunt pariter lyra, tuba, tibia, & cithara,  
omnis ludus, focus, risus, saltus, plausus,  
cantus, & discantus, clamor in plateis  
& in domibus: quia ad nihilum redi-  
gentur omnium viventium corda, & pa-  
vebit à facie Dei omnis terra. O quàm  
sapiens, qui quotidie hæc pensat, & ad  
futura bona & æterna gaudia percipien-  
da, cum fletu se præparat?
2. Beatus, qui sponte deserit, quæcun-  
que carnaliter delectant in terra, ubi  
omnia

I. Math. 26.

Omnia  
transi-  
unt.

2.



omnia sunt periculis & laqueis plena. Beatus peregrinus, qui sæpè gemit & dolet in hoc exilio, & cupit dissolvi, & esse cum Christo in cœlesti regno. Beatus, qui odit hunc mundum, & quæ in mundo allicere possunt ad peccandum; & fugit cum Helia in desertum ad monasterium, à facie multorum periculorum, quæ sæpè trahunt hominem incustoditum ad infernum. Beatus, qui vigilat die ac nocte, contra tentationes suas, & frequenter orat cum Helia, dicens: *Sufficit mihi Domine, tolle animam meam: quia melius est mihi cum bona spe mori, & decedere in gratia; quam videre mala, & vivere inter tot pericula.* Nam quamdiu anima est in corpore, & corpus alitur cibis terrenis, non est homo purus à peccatis omnibus, nec liber à tentationibus suis, neque certus à casibus futuris. Decipitur ergo valde, & errat tanquam insipiens corde, qui hic diu vivere appetit, & multa agere proponit, & nescit, an crastinum habebit.

3. Memento homo nobilis, & dives in deliciis tuis qualis eris post mortem in terra sepultus. Et quid proderunt tunc omnes divitiæ? En hodie Rex vivit, & imperat; & cras non invenitur, nec auditur. Hodie in alto solio sedet, & aureo pallio vestitur; & cras sub terra sepelitur, & amplius non videtur. Hodie à multis honoratur, & cras à nullo curatur. Hodie magnificatur ab omnibus, & cras privatur divitiis & honoribus, villis & castellis. Hodie speciosus præ filiis hominum, & in numero regum, & cras cibus vermium, & factor narium. Sicut nudus venit in mundum, sic quasi pauper & exul, fertur in *Kemp. Vallis Liliorum.*

sepulchrum. Nam omnium deliciarum & pomparum sæculi, brevis finis; mors, dolor, luctus, & pavor invadit omnes. Moritur Dominus Papa & Cardinalis, & succedit alius citò moriturus. Nemo quippe unius diei certitudinem vivendi habet, nec impetrare potest à Papa bullam nunquam moriendi, nec obtinere pecunia præbendam jugiter manentem. Sæpè enim post impetratam gratiam & prælaturam, repentina mors venit, & omnia simul tollit. Sicque fit, ut ita pauper & nudus homo de Roma recedat, sicut prius ad curiam venit.

4. Legitur in historiis de multis antiquis patribus, qui valde diu vixerunt, qui fuit, qui fuit, qui fuit, & sic de aliis sequentibus, & in fine concluditur, & mortuus est. *Omnes enim morimur, & tanquam aqua labimur in terram, unde facti sumus.* Quid est totum tempus vitæ nostræ, nisi nunc breve instans; quasi ventus volans, & aurora manè pertransiens, & hospes non revertens? Quasi fulgur cæli in ictu oculi, sic percunt omnia regna & tempora mundi. Numera omnes dies, horas, menses, & annos vitæ tuæ, dicubi jam sunt? Transierunt tanquam umbra solis, & perierunt sicut aranea texens. Flavit ventus, & periit opus ejus. Nihil ergo stabile & durabile super terram, de qua factus est Adam, & filii ejus.

5. Totum enim vanum & fragile, quicquid videtur in sæculo magnum, decorum, & delectabile. Non ergo te decipiant illecebræ, nec frangant injuriæ. Qualitercunque sit aliquid ornatum coloribus, aut auro & argento & gemmis pretiosis decoratum, vilescit



& arefcit mortuum ac fepultum. In omni igitur opere quod agis, & in quocunque loco fueris; quocunque pergis, & quacunque tranfis, memor esto finis vitæ tuæ, & ultimæ horæ, quam nescis. Felix, qui cupit cum Paulo diffolvi, & effe cum Chriſto. Hoc enim multo melius, quàm in carne diutius vivere, & à Deo peregrinari, & in fluctibus ſæculi quaſſari & turbari. Si Jeſum in mente ſemper geris, & verè diligis, & ad eum quotidie oras, tunc utique fiduciam habebis de regno ejus, qui ait: *Volo Pater, ut ubi ego ſum, illic ſit & miſter meus.* Beatus ille ſervus, qui meruerit audire in extremis, dulce verbum Chriſti; *Enge ſerve bone & fidelis, quia ſuper pauca fuiſti fidelis, inra in gaudium Domini tui.*

## CAPUT XXVI.

*De aterna laude Dei, & deſiderio aterne gloria.*

- I. **L**auda anima mea Dominum, à quo omne bonum procedit, & nunc in æternum permanebit. Ad ipſum ergo omnia referre debes, ſicut ad omnis boni principium & finem, & cum magna gratitudine ipſum intimè laudare, ut iterum in te fluant dona cæleſtis gratiæ largiori munere; donec pervenias ad fontem perennis vitæ, & ad patriam claritatis æternæ, & viſionem divinæ præſentiæ & gloriæ. Nil quippe tibi melius, nil ſalubrius, nil ſuavius, nil jucundius, nil dignius, nil alius, nil felicius, nil perfectius, nil beatius, quàm ardentiffimè amare, & altiffimè laudare Deum. Hoc centies dico, hoc millies replico. Nullum ſtudium elegantius, nullum opus eminentius, quàm amare, & laudare

Deum, creatorem ac redemptorem tuum, ex toto corde tuo, ex tota anima tua, ex tota mente tua, & ex omnibus viribus tuis. Hoc age quamdiu vivis, ſentis, & intelligis; hoc perfice opere & ſermone, die ac nocte, mane, meridie, veſpere, omni hora, omnique momento.

2. Pro poſſe & noſſe integrè, purè, adhære ſemper Deo, ut ſit Deus omnia in omnibus, ante omnia & ſuper omnia, à te dilectus, benedictus, laudatus, & ſuperexaltatus in ſæcula, & tibi benè cum eo ſine fine. Exulta ergo anima fidelis, in Domino Deo tuo; ſicut Beata Virgo Maria exultavit, in Jeſu ſalutari ſuo. *Exulta & lauda Deum tuum, qui te fecit & redemit;* quia debitor Dei es, in valdè multis & magnis beneficiis, & quotidianis bonis tibi benignè collatis, pro quibus omnibus plenè & dignè Deo regratiari nunquam ſufficis, etiamſi Angelus ſanctus eſſes. Attamen lauda, & gratias age; ut homo mortalis, miſericordia Dei indigens, & eam ſemper quærens & implorans. Non ceſſes orare, & laudare Deum. Licet ſæpè cadis, peccas, & eum offendis; non tamen inde deſperabis, ſed magis te humiliabis, & orabis. Ama, & amaberis, quia amor omnia mala præterita emendat, purgat & ſanat, illuminat & accendit, fugat triftitiam, & patit cordi gaudium; quale mundus non novit, nec caro & ſanguis ſentire valet. Lauda Deum, & laudaberis; benedic, & benediceris; ſanctifica, & ſanctificaberis; magnifica, & magnificaberis; glorifica Deum, & glorificaberis ab eo in corpore & in anima.

3. Sed quando erit hoc Domine? quando replebis os meum laudè perpetua, & extrahit cor meum & anima mea,

Phil. 2.

Iacobi 12.

Matth. 25.

Luc. 27.

Ama &  
lauda  
Deum, &  
omnia  
facis.



mea, cum sanctis tuis in gloria tua? Sustine tempus ad modicum, & videbis mirabilia magna, cum sonuerit tuba novissima. Tunc dabo sanctis meis, pro omni labore & dolore requiem & vitam æternam. Quid vis amplius? Prorsus nihil. Tu solus sufficis mihi Deus meus, qui das vitam æternam, amatoribus & laudatoribus tuis, pro parvis immenſa, pro infimis summa, pro perituris æterna. Da te ipsum Deo, & totum quod habes; da ei, quicquid agis, ſcis, & vales, & eris ditior, & charior Deo, quam fuisti. Dic cum sancto Paulo; *Tanquam nihil habentes pro proprio, & omnia possidentes in Deo.* Quali viles, & pauperes, ac tristes in hoc mundo; sed divites ac hilares semper in Domino, certi de futuro præmio in cælo.

3. Cor. 6.

4. O Domine Deus, salutare vultus mei, & Deus meus, quando latificabis me in regno tuo, clarissimo vultu tuo? O quando illuminabis omnes tenebras meas, splendore lucis æternæ? quando auferes omnia obstacula mea, de intimo cordis mei, pax vera, beatitudo summa, & felicitas perfecta? O quando sine omni impedimento contritorum, sequar te securè & liberè, quocunque ieris Domine? O quando oculis meis clarè te videbo sine speculo, sine ænigmate, sine parabolis, sine figuris, sine quæstionibus, sine dubiis, sine opinionibus, sine interrogationibus à magistris? O quando omnia ſciam, quæ credo in scripturis sanctis, & lego in libris variis, & audio auribus meis à lectoribus in multis locis, de Deo meo, de Angelis & omnibus Angelorum choris, de gloria & beatitudine cœlestis patriæ, de pace & ineffabili gaudio civium supernorum? O

quando ibi ero? quando veniam & appatebo in conspectu tuo, & contemplanbor lætam faciem tuam, & gloriam regni tui, cum Cherubim & Seraphim, & omnibus Sanctis? Sed nondum venit hora illa, clausa est adhuc ante me cæli porta. Idè gemo corde & ore, quamdiu hic fuero, doceat veniam ad te, Deus meus.

## CAPUT XXVII.

*De laude sanctorum Angelorum in cælo.*

1. **I**N conspectu Angelorum psallam tibi. *O Rex altissime, Deus summe laudabilis, creator omnium rerum, Angelorum & hominum; quamdiu morabor in terris, & elongabor à te, & ab omnibus sanctis Angelis tuis in cælis? Heu me pauperem & infelicem, quamdiu manducabo cum hominibus panem terrenum, panem laboris & doloris, & privabor pane Angelorum, continente omnis saporis suavitatem?*

1. *Psalm. 147.*

2. O Domine, quando audiam vocem laudis tuæ, ex ore Angelorum tuorum in cælo, sicut Beatus Joannes Apostolus, relegatus in exilium, audivit vocem multorum Angelorum psallentium in unum, *Sanctus, Sanctus, Sanctus?* Outinam essem unus cum ipsis, & talem vocem haberem? Quàm libenter vellem te laudare cum eis, & super omnia altissima cæli cantica, cantare & magnificare nomen sanctum tuum in æternum? O Cherubim & Seraphim, quàm dulciter, quàm pulchriter, quàm ferventer & excellenter, cantatis & jubilatis coram Deo, sine omni tadio, sine fatigue, sine cessatione in æterna felicitate.

2. *Apoc. 14.*

3. Idè omnis vox humana, est mihi

N 2

rauca,

3.



rauca, omnis cantus dissonus, omnis  
Psalmus aridus, omnis musica gravis,  
omnis cithara surda, omne organum mu-  
tum, omnis mundi lætitia grandis tristi-  
tia, omnis ludus ululatus, omnis cibus  
& potus insipidus, omnis caro fœnum;  
omne vinum, fel & acetum; omne mel,  
venenum; omne iucundum asperum;  
omnis decor, fœtor; omnis ornatus, ster-  
cus; omnis honor & gloria, vanitas, &  
fumus; omne pretiosum & nobile, vile  
& deformē; imò omnia nulla, compara-  
tione æternæ vitæ, æternæ gloriæ, æternæ  
lætitia, in conspectu Dei & Angelorum;  
qui altissimè collaudant sanctam & glo-  
riosam Trinitatem, die ac nocte sine fine.

4. Sed quia ad ista sublimia cælorum  
cantica ascendere nequeo, nec plenè ea  
comprehendere sufficio; idèd me ipsum  
plango, & valdè despicio, & coram Deo  
& omnibus hominibus flecto genua mea,  
& humiliter veniam peto. Nam opera  
mea verè nulla sunt, sine gratia & mise-  
ricordia tua Domine, quam maximè o-  
stendis, super omnem creaturam tuam,  
sine numero & mensura. *O altitudo di-  
vitiarum sapientiæ & scientiæ Dei*, quàm  
profunda sunt iudicia tua, & vera à sæ-  
culo usque in finem sæculorum, super  
bonos & malos, super gratos & ingra-  
tos, super pios & impios; ita ut nemo  
possit plenè investigare opera tua, nec  
debeat iustè conqueri in aliquo facto im-  
provviso. Benedictus ergo semper Deus  
meus.

### CAPUT XXVIII.

*Oratio devoti amatoris, & laudatoris Dei.*

1. **D**irigatur Domine oratio mea sicut  
incensum in conspectu tuo. Cupio  
Domine Deus meus, cum omnibus san-  
ctis tuis & creaturis, in omni loco &

tempore, devotè te laudare, benedicere  
& prædicare, & puro corde semper a-  
mare, & super omnia opera tua, nomen  
sanctum tuum magnificare & exaltare  
in perpetuum: Quoniam tu es Deus  
meus, & ego pauper servus tuus. Tu  
lux mea, & spes mea, Deus meus. Tu  
fortitudo mea, patientia mea, laus &  
gloria mea, Deus meus. Tu sapientia  
mea, & prudentia mea, pulchritudo mea,  
& dulcedo mea, Deus meus. Tu musica  
mea & cithara, organum meum & tym-  
panum meum, Deus meus. Tu psalmus  
meus & hymnus meus, cantus meus &  
jubilus meus, Deus meus. Tu galea mea  
& lorica mea, arcus meus & gladius  
meus, Deus meus.

Deus ani-  
mæ amanti  
est omnia.

2. Tu thesaurus meus, aurum meum,  
argenteum meum, talentum meum, ad  
solvendum omne debitum meum, Deus  
meus. Tu domus mea, & castrum meum,  
& palatium meum, Deus meus. Tu scu-  
tum meum, & vexillum meum, turris  
fortitudinis & defensor vitæ meæ, Deus  
meus. Tu hortulus meus & pomarium  
meum, viridarium meum & refrigerium  
meum, Deus meus. Tu aula mea & men-  
sa mea; cibus meus & potus meus, Deus  
meus. Omnis enim cibus qui non est à  
te coctus & paratus, insipidus est mihi,  
Deus meus. Tu cinnamomum meum &  
balsamum suavitatis meæ, nardus mea  
& electa myrrha mea cum pretiosis un-  
guentis, Deus meus. Tu rosa mea & li-  
lum meum, tu sertum meum & corona  
mea, Deus meus. Tu thalamus meus &  
lectulus meus, sudarium meum ad ter-  
gendum, lintheum ad involvendum, Deus  
meus.

3. Tu lucerna mea & lampas mea,  
candelabrum meum & sydus meum,  
Deus

2.

3.



*biblia* Deus meus. Tu liber meus intus & foris scriptus, biblia mea, in qua tota sacra Scriptura jacet, magister meus. Deus meus. Tu lector & instructor meus, medicus meus & Apothecarius meus, Deus meus, Deus meus. In te omnia invenio & habeo, te donante & miserante: & quicquid extra te quero & desidero, parum vel nihil mihi prodesse sentio.

*Psalm. 1.*

*Aperi ergo cor meum in lege tua sancta, redde mihi letitiam salutaris tui, dilata cor meum ad currendam viam tuam, confirma me in verbis tuis, quia non est, qui adjuvet; non est, qui præter te salvum faciat, ad vitam æternam perducat. Exaudi me Deus meus, cum deprecor, cum tribulor, cum lætor, cum sanus sum. In omnibus me tibi commendo, & te in æternum benedico. Amen.*

## CAPUT XXIX.

*De unione cordis, cum Deo habenda.*

*1. 1. Convertere anima mea in requiem tuam, quia Dominus benefecit tibi.* Ipse enim est requies tua, & pax tua; ipse vita, salus, & beatitudo tua. Igitur omnia opera bona, quæ facis, vides, & audis, semper ad laudem Dei referas, ut pacem & bonam conscientiam habeas. Non in te, nec in aliis stes, nec maneat, nec exultes; sed in Deo solo purè firmiter, & perfectè, qui dat omnia, & operatur omnia in omnibus, pro sua magna bonitate & immensa clementia. Quis mihi det talem gratiam, ut omnia ad laudem & honorem Domini Dei me referam, & rectè faciam sicut teneor, & possum facere; & nulla res parva vel magna, à Deo me retrahat, nec inficiat, nec conurber, nec in aliquo impediatur.

*Animæ  
diligentis  
Deum fe-  
licitas.*

Sed fortè mihi non est possibile, *ad hæc* modò posse venire. Est tamen totum Deo possibile, qui animam devotam potest sibi per gratiam, in amore citò unire. Hoc enim perfectus & purus amor Dei, in momento facere potest, quotiescunque voluerit; ut omnibus oblitus, sibi soli sum perfectè unitus, & igne amoris ejus, vehementer accensus & liquefactus.

*Amoris est  
unire.*

2. O Deus meus, amor meus, in loco peregrinationis meæ, quando ero tibi totus unitus, cum omnibus animæ meæ viribus, à te mihi datis & gratiosè infusus? Sileat ante te omnis creatura tua, Deus meus; tu solus mihi loquaris, assis, & illumines, qui es omnia in omnibus, & super omnia cæli luminaria æternaliter benedictus. Felix anima in hoc mundo desolata, à Deo consolata, ab hominibus ignorata, sanctis Angelis nota; à malis neglecta, à bonis requisita; à superbis despecta, ab humilibus dilecta; à sæcularibus separata, à spiritualibus congregata, à magnatibus derisa, à parvulis honorata; foris quasi mortua, intus semper viva; carne afflicta, spiritu lata; corpore debilis, mente fortis; vultu deformis, conscientia pulchra; labore fatigata, oratione roborata; onere pressa, solatio erecta; carne in mundo tenta; spiritu ad cælum rapta; & Christo copulata.

*2. Cor. 13.*

3. Felix, qui Jesum & Mariam, & omnes Angelos & Sanctos Dei, habet amicos in hac vita, duces in via, consules in dubio, Doctores in studio, Lectores in mensa, sodales in cella, familiares in colloquio, cantores in choro, cultodes in periculis, adiutores in prælio, de-

*3.*



seniores contra hostes, intercessores pro peccatis, subventores in extremis, confortatores in angone, advocatos in iudicio, patronos coram Deo, susceptores in calo. Sit tibi, religiose & devote frater, postquam reliquisti sæculum, pro terrenis parentibus, Deus cæli pater, Jesus frater, Virgo Maria mater, Angeli amici, Religiosi cognati, omnes fideles propinqui, senes avunculi, juvenes fratres, conjuges matres, virgines sorores, pauperes nepotes, peregrini consobrini, mites & humiles consodales, sobrii & casti commensales, infirmi & debiles familiares, afflicti & oppressi contubernales, derisi & despecti multum amica-biles, omnes devoti honorabiles, omnes mundum spernentes & Christo servientes cohæredes regni cœlestis. Hæc est generatio sancta nobilisque progenies, ex Deo nata, Deo placita, fide fundata, spe roborata, charitate ornata, patientia armata, igne probata, constantia firma.

## CAPUT XXX.

*De vera pace, in solo Deo quærenda.*

1.  
Eph. 21.

1. **P**ax vobis. Ego sum, nolite timere. In Christo Jesu, tota salus & vera pax animæ consistit. Et qui Christum diligit, habet pacem, & in eo quiescit: nec ultra eum, nec supra eum, quid quærere, plus affectat. Pax animæ fidelis in hac vita, ferre multa adversa pro amore Dei, & nomine Christi. Decipitur & errat, qui aliter sentit & cogitat. In vanum laborat, qui Deum in omni facto suo & cogitatu non præponit, nec ipsum

purè quærit, & cupit. Non est pax impiis, dicit Dominus: sed pax multa diligentibus legem tuam, Domine.

2. Pax, quam Christus docuit & promisit, in profunda humilitate existit, & in abnegatione propriæ voluntatis, in mortificatione omnis prævæ delectationis, in abjectione omnis mundanæ laudis, & externæ consolationis in rebus perituris. Custodi ergo cor tuum ad intrâ, & omnes sensus tuos ad extrâ; ne capiaris aliqua illecebra & recreatione animæ tuæ nociva. Juvant sapè creaturæ, si ad creatoris laudem & honorem Dei, rectè & purè referantur; vel ad aliquam utilitatem suam vel alterius profectum, moderatè & discretè assumantur.

3. Nocent autem sapè res pulchræ, si curiosè, impudicè, & malè concupitæ aspiciantur, & desuper delectant, & contra rationem & honorem Dei placent, & animum movent. Nam sicut boni se custodiunt, ita incauti vincuntur vitiis. Tentant divitiæ, corrumpunt pecuniæ, inficiunt deliciæ, necant epulæ multæ, inflant scientiæ, tument potentiæ, elevant honores. Respuunt perversi humiles mores, vanæ laudes seducunt animos leves. Fatui sunt omnes & vecordes, qui ista terrena quærunt, & pro magno reputant, quæ animam satiare non possunt, nec quiescere permittunt. Omnia temporalia defectuosa & indurabilia sunt, & præter Deum nil est perfectum, nec pro summo gaudio & optimo bono habendum.

4. In nulla ergo creatura viva vel pulchra pictura, aut nobili genitura,  
aut

2.  
Pax Christi  
in quo sita.



aut alta statura, aut magna praelatura, pone cogitatum & desiderium tuum, si non vis falli, turbari, & inquinari; quia totum vanum, lubricum, & noxium est, nisi omnia trahas ad Deum, à quo omne bonum, & in quo omnia vivunt & consistunt. Non ergo vanè gloriaris, homo fragilis & mortalis, in multis culpabilis, & ad malum citò labilis, & ad standum & permanendum in bono debilis: nec confidas tibiipsum nimis: nec stes sivè in te, nec in aliis, altè cogitando & praelumendo; sed quicquid boni consideras & intelligis, in te & in omnibus creaturis, totum Deo purè & integrè offer, & ascribe. Tunc pacem & quietem cordis invenies in Christo, & non in aliquo bono creato; & implebitur in te & de te, dulce & sanctum verbum Christi, ab eo in monte prædicatum: *Beati mundo corde, quoniam ipsi Deum videbunt.* Cui laus honor & gloria ab omni creatura, in sæcula sæculorum, Amen.

## CAPUT XXXI.

*De recta intentione, ad Deum erigenda.*

I. **O**culi mei semper ad Dominum, quoniam ipse evellet de laqueo pedes meos. In omni cogitatione locutionis, & operatione tua, habeas semper rectam & puram intentionem ad Deum; ut omnia facias ad laudem, & gloriam, & honorem Dei, & proximi ædificationem. Ipse est causa omnium bonorum meritum, atque largitor æternorum præmiorum. Ipse principium & finis omnium operum tuorum esse debet, ne perdas fructum laborum tuorum. Si memor fueris terribilium iudiciorum Dei, non vanè gloriaberis.

2. Pessima pestis vana gloria, & velle laudari foris ab omnibus. Hoc utique vanissimum est, & superbiæ signum, gratiæ Dei contrarium. Quid ergò facies, & in quo confides, & sperabis? Non in te, nec in homine, nec in aliqua re mundi, nec in stellis cæli: sed in solo Creatore Deo tuo, qui fecit te, & habet te, & omnia creata simul, in manu & potestate sua, sine onere & adiutore. Dic ergò & ora cum David in Psalmo: *Oculi mei semper ad Dominum, quoniam ipse evellet de laqueo pedes meos.* Et iterum: *Domine, ante te omne desiderium meum, & gemitus meus à te non est absconditus.*

3. Relictis ergò vanis rationibus & consiliis hominum, in cunctis necessitatibus tuis, potius cum precibus & sanctis desideriis, recurre confidenter ad Dominum Deum tuum; quoniam ipse est, qui evellet de laqueo pedes tuos, ut non movearis à recta via virtutis & vera humilitate, sed stes fixus in Deo usque in finem. Omne opus bonum, propter Deum factum, lætificat conscientiam, illuminat mentem, & ampliorem meretur gratiam. Omne autem malum opus, mœstificat agentem, & maculat famam bonam, & impedit Divinæ consolationis influentiam. Qui aliquid propter vanam gloriam facit, elationis vento lucernam extinguit: & propter mundum agit, & apparere appetit, citò Deo irascente in lutum cadit. Non ergò lateris in aliqua felicitate huius mundi, quemadmodum stultus, sed sta semper in timore Dei, & cognitione fragilitatis tuæ. Frequens lapsus, & facilis error tuus, docebunt te, humiliter & viliter de teipso sentire.

4. Ne



4. Neminem velis in hac vita nimis laudare, quia nescis, qualis sit quisque futurus. Nec temerè iudices cadentem, quia potest Deus citò erigere flentem. Pro omnibus ora, & omnes Deo committe. Esto vilis in oculis tuis, ut fias magnus coram oculis Dei, qui humiles respicit, & altos à longè cognoscit, & subito prosternit. Si ab hominibus despicieris, & alii tibi præponuntur, ne tristeris nimis; quia melius & securius est, humiliari cum mitibus & simplicibus, quàm à Deo reprobari cum divitibus & elatis. Cave laudari, time magnificari, erubescere honorari, fuge reputari, quære latitare. Elige Deo vacare, sacris lectionibus & devotis precibus sedulò immorari. Non est sine laude & honore, qui propter Deum spernit laudes & honores. Nec est sine solatio Divino, qui omnia hujus mundi gaudia reputat pro nihilo, & omnia sibi contraria sustinet libenter pro Christo, & quotidie anhelat esse cum eo in cælo.

## CAPUT XXXII.

*Oratio humilis & contriti Spiritus.*

1. **A**D te Domine levavi animam meam, qui habitas in cælis. O Domine Deus, qui omnia providè ac justè disponis in cælo & in terra, cum Angelis & hominibus & omnibus creaturis tuis; accipe pro magnis laudibus & gratificationibus tibi debitis, omnes tribulationes & angustias cordis mei, in vera contritione peccatorum meorum, tibi modo oblatas. Converte mihi omne malum in bonum, & bonum semper in melius, pro gloria nominis tui, & animæ meæ æterna salute. Tu scis omnem

infirmiorem meam, & magnam ignorantiam meam, atque quotidianam instabilitatem memoriæ meæ; quam citò vagor huc illuc, longius à te sæpius, Parce mihi Domine, secundum multitudinem miserationum tuarum, & reduce me citius ad te. Conserva cor meum apud te, in devota oratione & sacra meditatione, die ac nocte, quantum mihi est possibile in hoc fragili corpore.

2. Cupio placare benignissimam faciem tuam, muneribus sacris & precibus, & præcipuè tribus pauperum obulis, contritione cordis, confessione oris, & satisfactione humilis operis. Domine Deus meus, summè amabilis, memento mei pauperis; quia homo sum fragilis, non Angelus sanctus: peccator magnus, non innocens agnus: tepidus orator, non fervidus contemplator. Et idè nec dignus servitor tuus: nec inter devotos oratores debeo computari, nec videri, nec nominari. Domine mi charissime, accepta sit tibi obsecro humilis oratio mea, & amara contritio peccatorum meorum, pro dulci cantu & jubilatione Angelorum, & concordii laudatione omnium cælestium civium supernorum. Veruntamen non despero, nec desperabo de venia & misericordia tua; quamvis sæpius cado, & gravor in meipso ex infirmitate mea. Non cesso, nec cessabo à laude tua in via mea: sed laudabo & magnificabo te, donec ad te perveniat [ô Deus] anima mea. Nam te semper laudare, & super omnia amare, summa felicitas est Angelorum & beatorum in patria.



## CAPUT XXXIII.

De bona societate cum Jesu, &  
Sanctis ejus.

**I. 1.** **Q**uerite Deum, & vivet anima  
vestra. Nihil melius, nil ani-  
mæ felicius. Qui aliud quærit, nihil  
in fine obtinebit. Si ergo vis habere bo-  
num socium pro solatio, quære Jesum  
cum pastoribus, in præsepio; aut cum  
sanctis Magis, in Matris gremio; aut cum  
Simeone & Anna, in templo; aut cum  
Martha, in castello; aut cum Maria Mag-  
dalena in sepulchro; aut cum Apostolis,  
in cœnaculo, ad accipiendum Spiritum  
Sanctum cum magno gaudio. Beatus,  
qui in his & aliis sanctis locis, Jesum de-  
votè quærit, non corpore, sed spiritu  
& veritate. Beatus, qui in omni loco  
& omni tempore, Jesum intimè quærit,  
& magnis desideriis ad ejus claram visionem  
& præsentiam anhelat, & quoti-  
diè se præparat. Beatus, qui Jesum in  
vita sua, per passionem & crucem sequi-  
tur, quia in extremis bene ipsi cum Jesu  
erit, & ab auditione mala non timebit.

**2.** Non solum Jesum quære, sed etiam  
discipulos Jesu, & omnes diligentes Je-  
sum, & qui patienter ferunt adversa  
propter Jesum. Amor namque Jesu &  
amicorum ejus, mundum spernit, &  
omne vanum & impurum longè à se re-  
pellit. Relinque ergo amicos, & no-  
tos ac sodales extraneos, qui in solitu-  
dine & devotione te impedire possunt;  
& quære pro singulari solatio tuo, in se-  
cretario cellæ, familiaritatem cum San-  
ctis Apostolis & cognatis Jesu; ut lo-  
quantur tibi de regno Dei, & statu æter-  
næ beatitudinis, & quomodo per mul-  
tas tribulationes, possis ad eorum socie-  
tatem pervenire. Accede autem ante

à Kemp. Vallis Liliorum.

omnes Sanctos & sanctas, cœlestis cu-  
riæ cives, ad secretum tabernaculum  
atque oratorium Beatæ Mariæ Virginis,  
à sæculi turbis remotum, & quære ibi  
solatium animæ tuæ precibus insistendo.

**3.** Audi, quomodo Angelus Domi-  
ni cum Maria loquitur de Incarnatione  
Christi, & redemptione generis huma-  
ni. Felix dies, & beata hora, si poteris  
ibi facere moram, cum Angelo Gabrie-  
le, & B. V. Maria, audiendo ab eis my-  
steria cœlestia. Crede firmissimè, omnia  
esse vera per Angelum Mariæ nunciata,  
sicut Maria credidit Deo, & Angelo ejus  
sibi misso de cœlo. Deinde quære dili-  
genter sanctum Joannem Baptistam, præ-  
cursores Domini nostri Jesu Christi, in  
eremo latentem, & flexis genibus saluta-  
eum, devotissimè supplicando; Ave  
sanctissime & dilectissime amice Jesu  
Christi Joannes. Multa bona & magna  
mirabilia audiivi de te, quàm sanctè &  
miraculosè sis natus, quàm strictè & re-  
ligiosè fuisti à puero in solitudine conver-  
satus; ne levi saltem flamine, aut cogi-  
tatione peccares.

**4.** Quære ab eo, quamdiu ibidem  
solus manserit, & maneat cum eo quan-  
tum placet, & tempus permiserit. Disce  
ab eo, quid comederit & biberit, & quis  
ei necessaria ministraverit; utrum pater  
ejus & mater aliqua ipsi miserint, &  
quandoque ad eum venerint; vel ipse ad  
eos videndos exierit, an etiam sanctus  
Angelus Gabriel, ad eum quandoque  
descenderit, & multa secreta ei revela-  
verit; & an JESUS ei personaliter ap-  
paruerit, & manus ejus confortaverit,  
sicut scriptum est in Evangelio; *Etenim*

*manus Domini, erat cum eo.* Quicquid  
de istis sit, totaliter Spiritui sancto  
committe; qui ipsum implevit, do-  
cuit,

O

cuit,

Jesus ubi  
quæren-  
dus.

Lucæ. 1.

Matth. 2.

Lucæ. 2.

Lucæ. 10.

Joan. 20.

Matth. 1.

Joan. Bap-  
tista.

Familia-  
ritas &  
consuetu-  
do San-  
ctorum  
ambienda.



cuit, & erexit, & totam vitam ejus virtutibus ornavit, & usque ad exitum vitæ, in eremo, & inter homines, & in vinculis, & in carcere custodivit, & tandem cum martyrii palma animam ejus suscepit.

5. Deinde ad Apostolos Christi procede, & quære sanctum Petrum, & vade cum eo in templum ad orandum, vel etiam in cœnaculum ascende, *ad accipiendum Spiritum sanctum.* Quære etiam Paulum in Damasco, & in Epheso, & perge cum eo per omnia ad prædicandum Evangelium Christi, non in corpore, sed in spiritu. Ecce quomodo plus omnibus laborat, & quam sapere orat, & quam frequentè in orando & contemplando rapitur, per excessum in cœlum. Sublimis volatus iste non omnibus datur, & tamen ad ima descendens dicit: *Ego non arbitror me comprehendisse.* Et iterum post alia, *ad instruendum humiles in vita & in passione Christi,* ait: *Nihil arbitratus sum me scire inter vos, nisi Jesum Christum, & hunc crucifixum.* Sequere sanctum Paulum, & ducet te recta via ad Christum, & per crucem ad cœlum.

6. Vade ulterius, & quære Andream Apostolum in Achaia partibus, prædicantem Christum; & audi verba pendentis in Cruce, pro Christi nomine. Signa ea in corde tuo, & stude implere cum gaudio, inspirante & juvante Spiritu Sancto, quæcunque loquitur de passione Christi, & sanctæ Crucis laudibus. Quære consequenter Sanctum Jacobum majorem, passum & occisum ab Herode, & bibe cum eo calicem passionis hujus miserabilis vitæ, patienter tolerando dolores, pro amore Dei, & animæ tuæ salute.

7. Deinde procede & quære Joannem Apostolum Christo dilectum, &

pro nomine Jesu in exilium relegatum, ab omnibus sæcularibus curis & negotiis segregatum; ubi divinâ revelatione altius illustratus, Apocalypsim de statu totius Ecclesiæ militantis & triumphantis, figuris & mysticis verbis scripsit; & post hæc etiam, pro omnium Ecclesiarum & fidelium eruditione & consolatione, Sanctum Evangelium de divinitate Christi, ultimus edidit. Lege & stude in istis, & aliis sacræ Scripturæ libris, pro capto tuo, & consolatione exilii tui in hoc mundo; non ut doctus & sapiens videaris, sed mitis & patiens, humilis & obediens, usque ad mortem efficiaris.

8. Quære adhuc alios Sanctos Apostolos, pro consolatione tua, in Christi servitio occupatos: pro fide & amore Christi occisos, verbo & exemplo multos ædificantes. Vide Sanctum Jacobum fratrem Domini, epistolam canonicam scribentem, formam Christianæ vitæ, & religionis perfectionem continentem. Quære & Sanctum Thomam in India, qui vulnera Christi reverenter palpavit, firmiter credidit, & cum ferventi amore apertè clamavit dicens: *Domine meus, & Deus meus.* Quære etiam eum magno desiderio, sanctum & eruditum Apostolum scilicet Matthæum Evangelistam, scribentem hebraicis litteris Christi Evangelium, toti mundo profuturum, omnibus nationibus, populis & linguis variis, ad salutem destinatum. Similimodo & affectu, quære alios Sanctos Apostolos, & discipulos JESU Christi, in locis suis verbum vitæ retinentes, & populum docentes, & usque ad mortem in vinea Domini laborantes. Isti sunt Sancti & amici Dei, qui sanguine fuso, per coronam

Apoc. 1.

Jacobi  
Epistolæ  
laus.

Thomas.

Joan. 20.

Matthæus.

MAT-



martyrii, meruerunt vitam æternam. Lege ergò libenter vitam & passiones eorum; & consolaberis in laboribus & doloribus tuis, quia nihil est, quod tu facis & pateris, pro Christo in servitio Dei, comparatione Sanctorum & aliorum devotorum.

## CAPUT XXXIV.

*De summo bono, & ultimo fine, in solo Deo ponendo.*

1. **S**ATIABOR CUM apparuerit gloria tua. *Psalm. 16.* O Domine, quomodo potest homo ad hanc gloriam pervenire? Per contemptum sui, & omnium terrenorum, & per ardentem amorem omnium cælestium bonorum. Testes sunt animæ Sanctorum, latantes in regno cælorum; & omnes fideles certantes & laborantes, contra tentationes vitiorum. Ab hoc glorioso fine, & summo bono æternaliter fruendo, longè distant superbi dæmones, infideles pagani, perversi Judæi, & hæretici indurati, homines carnales mundum diligentes, Deum negligentes, & in terrenis bonis & honoribus ac laudibus, finem suum & felicitatem constituentes; qui (heu Deus) propter hæc habenda, augenda, & servanda currunt, laborant, student, vigilant, & ferè nunquam quiescunt, nec sollicitare cessant, donec aliquid acquirant. Et cum acquisierint, sive rectum sive indirectum fuerit, adhuc non contentantur: sed ad altiora scandere & gloriari super cæteros se jactant, magnos se æstimant, & ab aliis honorari affectant. Et tamen totum est vanum, lubricum, & nihilum, & finaliter periculofum, & perditum, quod quærunt & cupiunt,

2. Certè erratis, & vos ipsos decipitis, quibus mundus adhuc dulcis est, & jucunda vita præsens; quia nil certi habetis de omnibus bonis vestris, & quotidie morti & judicio Dei futuro propinquatis. Nihil enim est in hac vita ita jucundum, quin habeat aliquid amaritudinis annexum: nil in creaturis tam pretiosum & bonum, & delectabile, quod possit animam hominis satiare & beatificare, ab omni malo eripere, & omni bono replere, & semper lætificare, nisi solus Deus, summè bonus, æternus, & immensus. Hic est creator omnium rerum, visibilium, & invisibilium, Angelorum & hominum; qui est ante omnia, & super omnia, & in omnibus, Deus benedictus in sæcula.

3. Quid enim dignè de Deo dici potest aut cogitari, ab aliqua creatura in cælo & in terra? Excedit namque Deus omnia, ante cujus oculos omnia videntur vana & nulla. Ideò fatua est omnis anima, & permanebit semper egena & misera, quæ extra Deum aliqua quærît & diligit, quæ à dilectione & honore Dei mentem separant. Magna & mirabilia opera tua Domine; & cogitare & perscrutari singula, non est mihi, nec alicui creaturæ possibile.

4. Quid igitur faciam, quia non possum altiora capere, nec secreta cælestia penetrare, neque cum Angelis faciem Dei mei contemplari? Indignum me fateor tantis bonis frui, & cum Sanctis in cælo conversari. Ideo me semper humiliabo & despiciam, coram Deo & omnibus hominibus, quamdiu fuero, & ero vilis in oculis meis; ut Deus misereatur mei peccatoris, nunc & in omnibus horis. *Recogitabo omnes annos meos, in amaritudine animæ meæ, quibus* *Esaiæ. 38.*



iram merui; & placabo in gemitu & fletu Deum, quem offendi sæpius verbis, factis, visu, auditu, & cæteris sensibus meis; quos mihi ad serviendum sibi dedit in toto corde meo, quamdiu in corpore vivo. Sed ne desperem, & deiciam in malis meis, recordabor (Domine) omnium bonorum tuorum, & omnium misericordiarum tuarum, quæ à sæculo sunt, donec ad te, auxiliante gratiâ tuâ, merear salvus pervenire.

Libera me ab omnibus malis irruentibus subito in me, quæ retrahunt sæpius cor meum à cœlestibus bonis meditandis. Adesto mihi, pie Deus, & pone me juxta te; ne incipiam vagari & elongari à summo bono, quod tu es Domine; Nam in te solo, totum bonum meum. Da teipsum mihi, & sufficit animæ meæ, Domine Deus salutis meæ. Amen.

*Finis Vallis liliorum.*

## DE TRIBUS TABERNACULIS.

### CAPITA HUIUS LIBELLI.

*De paupertate.*

*Cap. 1*

*De humilitate.*

*Cap. 2*

*De patientia.*

*Cap. 3*

### CAPUT I.

*De paupertate.*

**1.** **1.** **E**ST scriptum in Propheta: Patientia pauperum non peribit in finem. Magna est, Domine Deus meus, patientia servorum tuorum. Et hæc est victoria eorum, qui cuncta superant adversa in hoc mundo. Dixisti enim: *In patientia vestra possidebitis animas vestras.* Tu multipliciter nos probas, & undique tribulationibus nos circumcingis, nunc foris, nunc intus; nunc apertis, nunc occultis nos examinas tentationibus: ita ut in nobis nihil sit, quod per tentationis ignem non transeat. Vis in omnibus tentare, in multis angustiare, ut in omnibus probati, & ex multis miseriis liberati, gratias multas tuæ referamus misericordiæ & bonitati. Hoc placitum est, visumque bonum in conspectu tuo, & utile

ad profectum nostrum. Si tu, Domine Deus noster, pro nobis, quis contra nos? Sequar ergo te Domine, quocunque ieris, dummodò mihi dux in via tu fueris. *Si ambulavero in medio umbrae mortis, non timebo mala, quoniam tu mecum es.* Confitebor tamen adversum me justitiam meam Domino, & infirma mea non abscondam: si fortè à bono medico, consolationis fomenta percipiam. Vide Domine paupertatem & infirmitatem meam: attende quæ dico, tibi enim revelavi causam meam. En desidero requiem, & tu injungis mihi laborem. Anheo ad sublimia, tu autem proponis humilia. Quæro deliciarum copiam, sed tu suades paupertatis inopiam.

**2.** Estne, Domine Deus meus, istud consilium & verbum tuum? utique, & quomodo coarctor, ut perficiatur in me? Dilige (inquit Dominus) me, & non angustiaberis in te. Facile est in igne charitatis, consumi omnem angustiam paupertatis. Dulce est amanti compauperari filio Dei: Leve est omne onus, quod charitas tolerare jubet.

Nec



Nec erit cuique labor durus, qui charitatis pane fuerit confortatus. Benelocutus es Domine, fiat quæso, sicut dixisti. Qui dedisti consilium, fer & auxilium. Efficiatur totum suave, quicquid videtur carni grave: & onus leve, quod jam ante videbatur importabile. Exultet caro mea in Deo vivo: & spiritus meus in Deo salutari suo. Quam bonus Israel Deus iis, qui recto sunt corde. Diligam te Domine virtus mea, firmamentum meum, & refugium meum. Diligam etiam sanctam paupertatem, humilitatem, & patientiam, sequendo viam tuam & sanctorum tuorum. Habeam amodo paupertatem pro divitiis, humilitatem pro gloria, patientiam pro requie. Sit mihi de his cura, & placeant quæcunque spiritus requirit, quia caro non prodest quicquam. Delecter in his, sicut in omnibus divitiis, & pes superborum divitum, atque suavitè viventium, non moveat me. Cadent enim ipsi, cum venerit dies illorum, & finis eorum sine honore. Ego autem in Domino gaudebo, & exultabo in Deo Jesu meo, qui factus est mihi exemplum paupertatis, humilitatis, & patientiæ.

3. Considerans ergo prædictas virtutes in te Domine, & in quibusdam servistuis, invenio te super omnia humilem, Moysen verò servum tuum valde mansuetum, & Heliam multum pauperem. Recordor quoque illos, tecum in monte aliquando apparuisse; & qualiter Petrus ait: Domine si vis, faciamus hic tria tabernacula, tibi unum, Moysi unum, & Helie unum. Secundum quem modum, prædictas virtutes quasi tria tabernacula aspicio, in quibus habitare desidero. Si dixerò, quod Dominus meus habitaverit in tabernaculo humili-

tatis, quid convenientius? Discite (inquit) à me, quia mitis sum, & humilis corde. Igitur tabernaculum tuum Domine, humilitas est, in quo verè Spiritus sanctus requiescit. Unde scriptum est. Super quem requiescam, nisi super humilem & quietum, & tremementem sermones meos? Moyses verò quale tabernaculum habuit? Si mansuetudinem ejus consideravero, non dubium quin erit patientia. Erat enim (scriptura testante) Moyses vir mitissimus super omnes homines, qui morabantur in terra. Hoc tabernaculum factum est secundum exemplar, quod in monte monstratum est, ubi Dominus ait: Beati mites, quoniam ipsi possidebunt terram.

4. Helias jam venit; sed eamus, & videamus, ubi habitat. Quòd si paupertatem & abstinenciam illius inspexero, paupertas utique respondebit, quia ego sum. Habitavit in tabernaculo paupertatis, magnus ille Helias Propheta. Testantur corvi, qui eum pascebant, spelunca, in qua latebat; asperitas vestium, quæ eum tegebat; & Angelus Domini, qui subcinericium panem & aquam illi ministrabat. Quàm bonum est nos hic esse, & quàm jucundum in his tabernaculis habitare? O si merear inter Sanctorum tuorum numerum, unus de minimis inveniri, ut locum inveniam in domo tua, & cum defecerit virtus mea, illi me recipiant in tabernacula sua? Quàm felix etiam essem, si inter hæc tam pretiosissima tabernacula, vel parvulum unum mihi ædificare possem, ut dignaretur ad me venire Dominus Deus meus, & mansionem facere? Scio enim, quod libenter habitat in his virtutibus, Dominus & Rex virtutum. Nunc igitur loquere Domine ad servum



# DE PAUPERTATE.

110

tuum, quia audit servus tuus; & ostende mihi secundum multitudinem misericordiarum tuarum, sanctitatem paupertatis, gratiam humilitatis; & fortitudinem patientiarum.

5.

5. Et Dominus: Quoniam in verbis meis consolari, & in his tribus virtutibus optas erudiri, libenter faciam quod precaris. Sed de paupertate, quæ initium harum viderur, sermo incipiendus est. Beatissima paupertas, quæ specialem apud me obtinet sanctitatis locum, in tuo corde utinam altius imprimatur. Audivi enim gemitum tuum, quomodo anxius sis in paupertate, sed displicuit mihi. Non est hæc res bona, quam audio de te. Nonne est ista, quam elegi, & signata in thesauris meis? Surge, & transi cum pastoribus usque Bethleem, & vide hoc verbum, quod caro factum est, quod Dominus ostendit tibi, & cognosce, an ibi paupertas defuit. Vide paupertatem meam, & comparatione ejus, satis modica tua paupertas, aut etiam nulla erit. Magnum utique chaos positum est, inter meam tuamque paupertatem, *Nam ipse cum dives essem, nulliusque egerem, pauper & exul in mundo fieri, & hoc propter te, non erubui. Tu vero, qui pauper es & nudus, qui nihil in hunc mundum tulisti, nonne istud attendere debuisti? Jam cesset querela tua. Sufficere credo ad consolationem tuam, si mea paupertatis magnitudinem intentius aspexeris. Epulari autem & gaudere, non modo, sed in futuro debes. Ibi enim edent pauperes, & saturabuntur, & laudabunt me omnes, qui exquisierunt me in sancta paupertate. Non est servorum Dei, de presentibus latari bonis, & mundi conformari pompis, sed despectis ejus deliciis, ad paupertatis meae delicias*

Paupertatis encomion.

Luce 1.

1. Cor. 13.

Psalm. 12.

confugere. Verum paupertas ac humilitas mea his cordibus deliciae sunt, quibus divitiarum te renæ viluerunt. An forte cum divite vis indui purpura & bysso, & quotidie splendide epulari? *Vide ne contingat tibi, cum isto in inferno aternaliter cruciari. Hoc est autem judicium meum, quia opera illorum sequuntur illos.*

Luce. 16.

Apo. 14.

6.

6. Unum jam superest, ut penuriam patienter amodo feras, aut de numero pauperum meorum non eris. Viam pauperibus speciosam ostendi laborantibus, & pulsantibus portam aperui, humilibus regni januam patefeci, & dives non transibit per eam. Vis videre intrantem? Aperi oculos tuos, & vide. Factum est autem, ut moreretur mendicus, & portaretur ab Angelis in sinum Abraham. Jucundane visio? Jucunda utique & omnino desiderabilis. Et quomodo huc ascendere potuit? & quis est, qui eum sequi possit? Memento fili, quod Lazarus iste fuit ulceribus & miseriis plenus, qui esuriens & sitiens ante januam divitis jacuit. Et qui tanta pro nomine meo pertulit, nonne intrare in gaudium meum dignus fuit? Imitare eum, si vis. Si enim mihi placita erat anima illius, unde hoc, nisi quia placuit paupertas & patientia ejus? Vade & tu fac similiter. Amen dico tibi, nisi conversus fueris, & factus sicut Lazarus iste, aut unus de pauperibus meis, non poteris ab Angelis suscipi in coelis. Nemo intrabit, nisi mundus fuerit. Et si immundus fueris, pergabunt eum Pater meus in camino pauperitatis, & aqua tentationis expiabit eum; & sic mundatus post mortis occasum, ad castra Sanctorum revertetur.

Apo. 22.

7. Intellexisti hæc omnia? Etiam Domine.

7.



mine. Et nunc quid dicam? Venit hora, & nunc est, ut multi hanc sanam doctrinam non suscipiant; sed unusquisque quod sibi placitum & delectabile videtur, hoc magis impleat. Tu verò non ita didicisti Jesum Christum, ante cujus oculos paupertas ejus proscripta est. Audi tamen rursus, quæ loquar tibi. Familiaris amica mea paupertas, quam in terris multipliciter dilexi, & astrinxi, meisque commendare amicis disposui, sic à multis aliena facta est, ut vix locus sit, quo pes ejus requiescat: & si interdum videatur apud quosdam morari, statim cum grossiora quæque & abjectiora, eam viderint diligere, timore quodam exterriti, aut desiderio melioris edulii dicunt: Recede à nobis, viam scientiarum tuarum nolumus, contraria enim es desideriis nostris; viæ tuæ, viæ difficiles, & calles tui durissimi. Quare venisti ad nos? an idèd ut occideres nos, & pecora nostra? Pecora carnem suam vocant.

8. Ecce paupertas, quid isti dicunt, & quantum tibi detrahunt. Sed scio, quia nihil mali disposuisti contra eos; sed in iussione mea, ad curanda vulnera peccatorum eorum, ad nutriendum quoque si quas habuerunt virtutes ad illos accessisti. Longè aliter sentiebat sanctus ille, qui dicebat: *Paraſti in conſpectu meo menſam, adverſus eos qui tribulant me. Paraſti in dulcedine tua pauperi Deus.* Et iterum lætus psallebat: *Quoniam inops & pauper sum ego. Et; Pauper & inops, laudabunt nomen tuum.* Veruntamen paupertas, amica mea, noli contristari. Non enim te abjecerunt, sed me. Qui enim te spernit, me spernit; qui te recipit, me suscipit. Scio, quod non ab omnibus di-

ligeris; taceo, quod interdum cum indignatione effugaris. Omnia hæc faciunt tibi, quia non noverunt te, nec quanti sis meriti apud me. Tu verò ne timeas, quia ego sum, qui elegi te. Emi te, & cunctis opibus pretiosior, cunctisque deliciis suaviorem existimaui te. Ab infantia mea exquisivi te, & usque ad senectam & senium non recessi à te.

9. O vos omnes, qui transitis per viam, attendite, & videte, si est talis paupertas sicut paupertas mea. Filia Sion, occurrere modò, & videte Regem Salomonem in diademate, quo coronavit eum Mater sua, quomodo eum reclinavit in præsepio, qui semper erat in Patris imperio; Quomodo pannis eum involvit, qui celum & terram palmo concludit. Videte pannos meos & lintheola mea, quibus adhuc puer involutus sum, & si mihi similem vidistis, venite, & arguite me, & paupertatem meam. Ecce lignum, quod ostendi vobis, quod annuntiatum est ab Angelis, apparuit in terris, per Mariam Virginem impletum est; ut vidistis. *Usquequò parvuli non diligitis paupertatem, cum parvulus natus sit vobis, & parvulus datus sit vobis?* Sed divitibus videtur hæc stultitia, & superbis ignominia; mihi tamen, & omnibus electis meis, sapientia est atque gloria. Considera quæso & alia facta mea. Jejunavi quadraginta diebus & quadraginta noctibus, nihil manducans in illis; postea verò esurii. *Vide quid feci.* Hoc erat jejunium meum, quod elegi, quod opere complevi. Quis mihi laborem hunc recompensare poterit; Et quis est, qui vel in modico me imitari gestit? Quisquis ille est, dilectus mihi est. Fatigatus ex itinere super puteum

Paupertatem multum rejiciunt.

Psal. 22.  
Psal. 67.  
Psal. 85.  
Psal. 87.

9.  
Cant. 3.  
Christus  
quàm  
pauper  
fuerit  
aperitur.  
Lucæ 1.

Esaiæ 9.

Matth. 23.



# DE PAUPERTATE.

112

Joan. 4.

Joan. 4.

Matt. 27.

puteum sedi, & à muliere Samaritana aquam petii. Et dixi: *Da mihi bibere.* Ecce, aquam ad portandum petii, qui hominibus vina dare consuevi, & aquam in vinum olim mutavi. Discipuli autem mei abierunt in civitatem, ut cibos emerent, & revertentes dicebant: *Rabbi manduca.* Tanquam necessitatem patienti, hæc mihi ministrabant; ut paupertas probaretur in me, & multa necessitas, quam pro salute hominum suscepi, nota fieret. Et nunc si diligis, sequere me, quia majora his tibi demonstrabo: *En pauper & nudus, tandem in Cruce sum suspensus.* In omni etiam vita mea parum videbar habere, jam cunctis ablatis, solus & nudus in Cruce figor. Quis me pauperior, qui omni solatio humano destitutor? Hæc in corde tuo scribere debes, & intentè cogitare, quia ad amorem sanctæ paupertatis possunt te accendere. Ecce paupertas, amica mea, quibus verbis & exemplis te magnificavi; & nunc iterum cui assimilabo te, amica mea? Similis es hominibus gaudentibus in Spiritu sancto, & dicentibus: Tanquam nihil habentes, & omnia possidentes: ut egentes, multos autem locupletantes. *Nos infirmi, nos ignobiles propter Christum, omnia arbitramur ut stercora, ut Christum lucrifaciamus.* Quam apta similitudo, & utinam in multis mihi annuncietur talis æmulatio.

10.  
D. Franciscus  
paupertatis cultor.

10. Recordor jam pauperis servi mei Francisci, qui paupertatem summè dilexit. Verè fidelis, & multum fidelis, iste servus meus; qui sic illam diligebat, ut ex cordis affectu, Dominam suam vocaret. Et cum dilexisset eam, etiam usque in finem vitæ suæ dilexit. Ideoque in regno meo mecum tripudiat,

quia prius in mundo cum sancta paupertate, commercium faciens, lætus erat. Unde etiam illi occurrens, dignanter & dulciter eam in hæc verba salutabat: Beneveniat, domina mea paupertas, castitas, & obedientia. Ista scilicet paupertas, & tuæ prædictæ sorores ejus, sunt præcipua vota Religionis: Hæc de humili dixi Francisco.

11.

D. Martinus pauper.

11. Sed & de aliis Sanctis, vis fors tibi quædam breviter apponi, quorum paupertas toti orbi refulget. Nosti Martinum virum sanctissimum, qui ob singularem devotionem paupertatis, Martinus pauper & modicus meruit appellari. Nec hoc videatur tibi despectum, quia in paupertate fuit, & est Sanctorum gaudium; hinc in ejus laude sublimiter decantatur, Martinus Abrahamæ sinu lætus excipitur; Martinus hic pauper & modicus, cælum dives ingreditur, hymnis cœlestibus honoratur. Si tibi amarum videtur pauper & modicus, dulcescat interim cœlestis regni introitus. Proponam & alium civem fidelissimum, sanctæ paupertatis amatorem; hic est beatissimus præsul Augustinus, Doctor magnificus, de quo ita canit Clericorum chorus; Testamentum nullum fecit, quia unde faceret pauper Christi non habuit. Et rursus in hymno; Amatorem paupertatis, te collaudant pauperes, &c. Hi sunt Pontifices almi, pauperes spiritu, pauperes rebus, sed meritis locupletes, & clari virtutibus. Plures adhuc potuissim testes paupertatis adducere, sed hæc breviter sufficiant; ne te onerare videar.

D. Augustinus pauper.

12.

12. Et dixi: Cur ita loquitur Dominus meus? Non enim attadior audire, quæcunque dignetur Magister & Dominus meus, servo suo dicere. Ostende mihi



Divorum  
aliquot  
catalogus  
qui pau-  
pertatem  
amave-  
runt.

Ecc. 31.

Elizabe-  
thæ Hun-  
garicæ  
pauper-  
tas.

mihî alios, & sufficit mihî. Qui sunt isti, & quæ nomina eorum? Isti (inquit Dominus) sunt electi amici mei, in eremo olim conversantes, Patres antiqui, Paulus, Antonius, Macharius, Pachomius, Arsenius, & Romæ quondam Alexius, atque Joannes Eleemosynarius, dilectus frater Martyrius, & pauper ille Servulus; quorum meminit sanctus Papa Gregorius. Horum conversatio cunctis est vivendi speculum, & Eleemosynas eorum narrabit omnis Ecclesia Sanctorum. In his lucebat humilitas, gaudebat paupertas, triumphabat patientia. Sed & sanctissimam Elizabeth viduam, quam reticere nolui, in exemplum amandæ paupertatis tibi commendo. Cujus vitam & mores frequenter [rogo] inspicias, ut amore virtutum ejus, ad veram perfectionem accendaris, & totus in amore cælestium illius exemplo te erige; ut despectis mundi delectamentis, verus pauper spiritu effici possis. Jam ad propositum ordinem sermo redeat, & omnis pauper pro nomine Christi diligenter ausculetur. Multa habeo de vobis divitibus dicere & judicare, sed vos non recipitis me.

13. 13. Vobis dico pauperibus audite me, quoniam estis ex ovibus meis, quia placuit Patri meo, dare vobis regnum. Pauperem quidem vitam hic geritis, sed multa bona habebitis, si me in paupertate dilexeritis. Si diligeritis me, gauderetis utique, quia ad evangelizandum pauperibus missus sum in mundum. Cum essem in mundo, dilexi paupertatem; divitias verò habere nolui, quia non sunt ex Patre, sed de mundo. Qui enim volunt divites fieri in hoc sæculo, incidunt in laqueum diaboli, & in varia desideria cordis, & difficile intra-
- Lucæ 12.  
Matth. 11.  
1. Tim. 6.

à Kemp. De Paupertate.

bunt in regnum cælorum. Non est autem regnum meum de hoc mundo. Si ex hoc mundo fuisset regnum meum, ministri utique mei deservivissent mihî, & magno comitatu mihî astitissent. Nunc autem regnum meum non est hinc, sed factus sum servus & minister totius mundi. Non enim veni ministrari, sed ministrare, & dare animam meam in redemptionem multis. Inclinate ergo pauperes mei aurem vestram, in verba oris mei, & discite à me, quia in paupertate vos præcessi. Sufficiat vobis paupertas vestra, ut divitiarum computentur. Gaudete & exultate cum ea, quia merces vestra multa est in cælo. Non turbetur cor vestrum, neque formidet; quia ego sum, qui loquor vobis. Viriliter agite, & confortamini omnes, qui amicitiam cum sancta paupertate conjungere statuistis. Permanete cum ea, & ero vobiscum. Nolite lugere, neque contristari, quia divitias non habetis; sed lætamini in Domino Deo vestro, quia eas contempsistis, & pauperes Christi facti estis.

14. O sancta & laudabilis paupertas, quibus te laudibus efferam, quomodo te appellabo, & quibus modis te amicis meis recommendabo? O quàm mirabile exemplum ostendi cunctis fratribus egentibus propter me, quando inops & pauper factus sum propter illos? Sed timeo adhuc satis, quod peregrina sis in multorum cordibus. Veni proinde, quia mittam te ad quandam famulam mihî notissimam. Peregrinare parvo tempore apud illam, donec veniât tempus visitationis tuæ. In die visitationis tuæ, eris gloriosa & sublimis, nec vocaberis tunc desolata, sed dilecta mea, & eris corona gloriæ & diadema in manu Dei tui. Tunc fulgebis sicut sol in regno

P

Patris



*14. 14.* Patri mei, & pulchra eris ut luna in conspectu meo. Interim tamen multa pro nomine meo oportet te pati, & per multas tribulationes intrare regnum celorum. Noli tamen in hoc deficere, quia tecum sum in tribulatione; eripiam te, & glorificabo te.

*15.* 15. Perge proinde secundum meum consilium ad locum, quem monstravero tibi. Scio, quod domina loci illius, te libenter propter nomen meum, gaudenterque suscipiet. Jam mihi de illa per servum quendam famosissimum intimatum est, quoniam tibi sancta conversatio ejus per omnia congruit. Unde nec ipsa sine te perfecta esse, aut diu sola non potest consistere. Surge dilecta, amica mea, paupertas, & veni. Sed dicis mihi, Domine quò vadam, & quomodò possum viam scire? Per me inquam transibis, & mox habitationem illius attinges. *Ego enim sum via.* Et quod (inquis) nomen est hujus tam sanctæ famulæ, de qua tanta bona audio Domine? Indica mihi, ut audito nomine exurgam, & transeam cum festinatione. Et cum pervenero ad illam, salutabo eam, & dicam: Benedicta filia tu à Domino, gaude & lætare filia Sion, quia ad te me misit Dominus.

*16.* 16. Quid tu, ô paupertas, interrogas de nomine? Magnum est enim apud me, & apud servos meos præclarum valde. Ipsa vocatur humilitas. Sanctitas & virtus ejus, Angelis & hominibus venerabilis est. Pro hac scriptum est de te. Bonis mentibus paupertas solet esse custos humilitatis. Ecce paupertas, ecce hæc est, de qua dixi tibi. Hæc est Noëmi illa, pulchra est, & amica mea est. Sicut te ab initio dilexi, ita & hanc diligo. Custodi hanc humilitatem,

quam maximè in Sanctis meis diligo. Nolo, ut derelinquas eam; nam si rectè pendere velis, similiorem tui in omni terra non invenies, apud quam securius diutiusque morari possis. Omnes te relinquunt, omnes despiciunt; sed humilitas vera, te in domum suam, introducit. Cognata enim estis, idcirco simul habitare debetis. Non est beatificanda illa paupertas, quæ humilitatem nescit: neque Deo placita humilitas, quæ paupertatem despicit. Sic igitur vobis cor unum & anima una in Deo, nec dicatis vobis aliquid proprium; sed sint vobis omnia communia, victus, vestis, & omnia quæ ad hujus vitæ pertinent necessaria. Siquidem paupertas vestis tua interdum videtur vilis & inculta, sed propter hoc à domina humilitate non abjiceris. Credo firmiter, quod his exterioribus innotescas qualis apud me sis intus, dummodò non erubescas. De vilibus indumentis erubescere, signum est latentis superbix; & de his gloriam quærere, vitium hypocrisis. Calcei tui veteres sunt, nonnunquam & contractos vidi; sed humilitas in his ambulare non veretur, quia multi Sanctorum nudis pedibus transierunt. Undè apertissimè legitur in Esaia Propheta, quia dixit ad eum Dominus; *Vade, & solve saccum de lumbis tuis, & calceamenta tua tolle de pedibus tuis; & fecit sic, vadens nudus & discalceatus.* Ecce testis idoneus, ad approbandum veritatem rei. Mensa tua, ô bona paupertas, simplicibus cibis tantumque necessariis contenta est; humilitas huic interesse sobrietatis convivio vult pro nomine meo libentissimè. Scio, inquit, abundare & penuriam pati; ubique & in omnibus instructa sum

Paupertas humilitatis custos.  
*Ruth. x.*

Esaia. 20.

Philip. 4.



*sum. Omnia possum in eo, qui me confortat.*

coæquari volens, dicit: *Ego sum, qui veni ministrare, non ministrari.* Ancilla Christi sum, dominari mihi non licet. Summa ingenuitas mea est, ut servitus Christi in me reluceat. Ego, quæ statui soli omnium Creatori deservire, quomodo unquam potero his vanis & caducis, vel ad horam intendere? Longè à me, & à domo mea sit omnis, qui paupertatem & simplicitatem non prætenderit. Propterea scito, paupertas dilectissima, quod pro voto & cum gaudio à domina humilitate, (si tamen ita velit appellari) solummodò suscipieris. Cæteris quidem incognita es, & puto quod diu remanebis, non sit tibi curæ. Memento, quod & ego ipse, multis incognitus extiti. Si me persecuti sunt, & te persequentur. Si me oderunt, & te pariter odio habebunt. Memento sermonis mei, quem dixi, quia non est servus major domino suo. *In humilitate & patientia, erit fortitudo & consolatio tua.* Respondens autem paupertas in persona pauperis, ad Dominum dixit: Ego ancilla tua, fac mecum secundum voluntatem tuam. Tu locutus es ad famulam tuam, & unde hoc mihi, ut inveniam tantam gratiam coram oculis tuis. Quam clemens es in misericordiis tuis, ut peregrinam agnosceres, viduam benediceres, & desolatam non relinqueres?

Humilitas sola paupertatem amat

19. Non præ gaudio se capit cor meum, quomodo tanta majestas non dedignatur me infirmam aspicere, tanta celsitudo humiliatam & conculcatam inquirere, tam potentissimus Rex & opulentissimus pauperulam diligere. Et quid hæc aliud, quam divitiarum bonitatis ejus, viscera misericordiarum ejus,

17. Scire tamen etiam debet, quis-  
 quis hæc verba legerit, quod infirmis  
 & debilibus, paupertas condescendere  
 misericorditer novit; sed fortioribus,  
 hæc ardua proponit, ut habeant semper  
 quo crescant. Hinc est, quod ipsa laboribus & fatigationibus sæpè insistit, nec panem suum otiosa comedit, ut Apostoli verba complere possit, qui dicit; *Nulli onerosus fui, sed in fatigatione die & nocte, panem otiose non comedi;* & multa consimilia. Humilitas autem collaborans paupertati, de quibusdam per Prophetam conqueritur; *quia in laboribus hominum non sunt, & cum hominibus non flagellabuntur*, idè (inquit) tenuit eos superbia. Et in Evangelio, dum alios videret in foro stantes otiosos, increpat illos dicens: *Quid hic statis tota die otiosi? Ite & vos in vineam meam, & quod justum fuerit, dabo vobis.* Paupertas in stratis indispositis, aut interdum in stramentis, culcitris, aut martulis, requiem sibi qualemcunque suscipit. Humilitas verò non in mollibus, nec pretiosis lectis requiescit; sed nec cum cunctis rebus, quæ sunt mundi, statuit vel exiguam amicitiam jungere. Legit enim, quia Joannes indutus erat pilis camelorum; & qui mollibus vestiuntur, in domibus Regum sunt. Et audivit de me: *vulpes foveas habent, & volucres caeli nidos, Filius autem hominis non habet, ubi caput suum reclinet.* Paupertas etiam servos & ancillas prædia & palatia, cuncta quoque, quæ ad honestatem aut commodum præsentis vitæ pertinent, non possidet, alioquin venerabile nomen suum amitteret.
18. Omnia hæc humilitas, nec habet, nec habere cupit; sed Filio Dei

Prov. 32.  
1. Cor. 11.

Psalm. 72.

Matth. 20.

Matth. 3.

Luc. 9.

Matth. 20.

Matth. 4.



& ineffabilis dulcedo charitatis ejus? **Phil. 2.** Magnum erat, si mei recordari voluisset, & aliquem ad me de minimis servis suis destinasset; nunc autem surrexit de folio suo regali, potentiam ragalem paupertate commutans, habitu inventus est ut pauper homo; *formam etiam servi induens, nec tantum servi, sed etiam mali servi, ut pro omnibus morti traderetur & crucifigeretur, qui nihil morti debebat, in quo nec dolus inventus est.* Per omnia similis factus mihi, ætate, habitu, & cognatione, quia puer parvulus & pauperulus erat: non divites sed pauperes etiam parentes elegerat. Magna mihi proinde gloriatio & exultatio, multa fiducia & consolatio in Christo Jesu. **20.** *20. Va enim vobis divitibus, qui habetis consolationem vestram.* Propterea dixit **Lucæ 6.** *Matth. 5.* Jesus: Beati pauperes spiritu, quoniam vestrum est regnum cælorum. Sive de corporali, sive de spiritali paupertate id intelligitur, in singulis voluntaria paupertas prædicanda & amanda videtur. *Videte ergo ne condemnatis unum de pusillis istis, qui in me credunt, & pauperes propter nomen meum facti sunt.* Ego enim dicit Dominus Deus, *sum Pater pauperum, index orphanorum & viduarum.* **Psal. 67.** *Desiderium pauperum exaudivi, preparationem & humilitatem cordis eorum, audivit auris mea.* **Psal. 9.** *Nolite tangere eos, neque per vim, neque per fraudem nocere eis.* Ego vindex sum omnium. **Psal. 9.** *Ne ergo velitis eos contristare, mei enim sunt omnes pauperes.* Et nunc ubi estis pauperes mei? Nunquid non audistis vocem meam. Ecce quanta

pro vobis edidit testimonia, ut vobis grata esset dilecta paupertas, amica mea.

**21.** Hanc dixi amicam, quia proprio actu & habitu feci pretiosissimam; ut discant omnes Reges & Principes terræ, non eam habere contemptui, sed suscipere & venerari sicut verè charissimam, quam cæli & terræ Rex super omnes Reges, in sacra sua dedicavit infantia. Si non creditis verbis meis, operibus credite. Ite ergo, & videte locum, ubi positus erat Dominus, aut in præsepio, aut in sepulchro. Nōne ego ipse sum Christus? Palpate ergo, & videte, quia divitias & voluptates non habeo, sed pannos & sudarium. Jam credite, quia dives non sum, & paupertatem meam diligite. Hæc ad laudem paupertatis sufficiant, quæ verè laudabilis est, & ab omnibus Dei servis multum amari debet; quia Deus illam, & omnes Sancti, cunctis divitiis mundi præferunt.

## CAPUT II.

## De humilitate.

**1.** Sed consequenter ad virtutem humilitatis transeamus. Humilitas enim, si paupertati conjuncta non fuerit, Deo placere paupertas non potest. Sicut igitur de paupertate, ita (Domine Deus meus) & de humilitate loquere mihi. Multis modis istam commendari in scripturis tuis audio, & miris in te modis emicuisse præ cæteris invenio. Quis sic veram humilitatem ostendere & docere potuit, quemadmodum Deus homo factus. Unde apertè omnibus dicis: *Discite à me, quia mitis sum & humilis corde.* Et si aliud exemplum veræ humilitatis non haberem, quam te

**1.** Paupertas ingrata Deo absque humilitate.

**Matth. 11.**

Domi-



Dominum meum Jesum, nec aliam humiliandi causam omnino ipse solus sufficeret. Quem sequar, si te non sequor? Cui credam, si tibi non credo? Quis mihi persuadere poterit, quod humilitas est via regni cælestis, si ille non vallet, qui de cælo venit? Usquequod insipiens eris anima mea, ambulans per vias non rectas; semper errans, & ad veritatem nunquam perveniens?

2.

Joan. 14.

2. Ecce humilitas via est, & alia non est. Ego (inquit) sum via, veritas, & vita. Humilia te, inclina te quæso anima mea, & erit Christus vira tua. Noli attendere, quid alii dicant; sed vide, quid Christus humilibus dicit: Noli timere pusillus grex, quia complacuit Patri meo, dare vobis regnum. Hinc rursus & in alio loco, exultans in Spiritu sancto, ad Patrem ait: Confiteor tibi Pater, Domine cæli, & terra, quia abscondisti hæc à sapientibus & prudentibus, & revelasti ea parvulis. Ita Pater, quoniam sic placitum est ante te. Quid tibi videtur de Christo, cujus filius est? Verè Filius Dei erat homo iste. Si ille in mundo nihil habere voluit, qui omnia cum Patre condidit, quid tu adhuc in illo quæris & diligis? Time quod dicit: Vos de mundo estis. Cum Jesus esset adhuc cum discipulis suis, & hora appropinquaret passionis, volens illis exemplum dare perfectæ humilitatis, ac mutæ dilectionis; surgit à cæna, & ponit vestimenta sua, & mittit aquam in pelvim, cœpitque lavare pedes discipulorum suorum. Et ait illis: Scitis quid fecerim vobis? Vos vocatis me, Magister & Domine, & benedicitis. Si ego Dominus & magister, vestros lavi pedes, & vos debetis alter alterius lavare pedes. Exemplum enim

Lucæ 12.

Marc. 11.

Matt. 13.

Matt. 27.

Joan. 13.

dedi vobis, ut & vos ita faciatis. Overe summum humilitatis exemplum. Deus, ecce, hominum servus factus est, & homo adhuc homini, aut potius Deo, subiectus non est. Confundantur & revereantur omnes superbi, quia contempserunt consilium Filii Dei.

3. Vicisti nos Domine Jesu, vicisti nos

humilitate tua; ecce confundimur, in superbia nostra. Confusio operuit faciem nostram. Quid, inquis, facere debui tibi, ô superbe, & non feci? Cur respicis in me? Putas, quod sis melior me? Si non hoc appareret tibi, forsitan humiliasses te, nunc verò superbia tua ascendit semper. Convertimini filii hominum, & nolite ascendere, quia non sum vobiscum. Si enim ascenderitis, cadetis coram inimicis vestris, & sublabantur vos, & cognoscetis, quia superbis resisto. Humiliamini sub potenti manu mea, & exaltabo vos. Omnis enim, qui se humiliat, exaltabitur, & qui se exaltat, humiliabitur. Quanti volebant ascendere, & ceciderunt quasi lapis in profundum? Pharaon & currus ejus, submersi sunt in mari rubro. Adam & Eva, expulsi sunt de paradiso. Angelus, & qui cum eo erant, projecti sunt de cælo. Et hi omnes propter ascensum montis superbiæ, corruerunt in damnationem mortis æternæ. Heu, heu Domine, à facie furoris iræ tuæ quis sustinebit? Dejecisti eos, dum allevarentur. Cecidit Babylon, & facta est ruina ejus magna. Sed quid faciam miser? quod fugiam? Tremens factus sum ego, & timeo, quia Deus, nec Angelis, nec hominibus superbientibus pepercit. Væ mihi, si sic ascendero; & væ iterum mihi, si non descendero.

1. Pet. 5.

Lucæ 14.

Exod. 15.

Genes. 3.

Isaia 14.

Psalm. 72.

4. Quis ostendet mihi viam, per quam possim securè & sine periculo

P 3

ambu-



ambularet? Ego (inquit Dominus) sum via: per me si introieris, salvaberis. *Joan. 10.* Transite ad me omnes, qui concupiscitis me, & scandalum non erit vobis, quemadmodum contingit superbis. Ego lux mundi. *Eccl. 24.* Qui sequitur me, non ambulat in tenebris, sed habebit lumen vite. Ego forma iustitiae, *Joan. 2.* ego exemplar humilitatis, Ego Pastor bonus, qui pascuo ves meas. Pavi eos in innocentia cordis mei, & in verbis oris mei confortavi illos. Domine qui pascis me a juventute mea, ne derelinquas me. Spiritus tuus bonus deducet me in terram rectam, propter nomen tuum vivificabis me, in humilitate tua. Ipsa est, quæ salvam faciet animam meam, & ab æternis casibus custodiet eam. Si fuero humilis, salvus ero. *Joan. 10.* Memento mei Domine, ait humilis & contritus latro, cum veneris in regnum tuum. Et dixit illi Jesus; Amen dico tibi, hodie mecum eris in paradiso. O quanta est virtus humilitatis, quæ latroni aperuit gaudia paradisi? Adam ubi es? Domine [inquit] vocem tuam audiavi, & timui, eo quod nudus essem. Miser, quis te nudavit, nisi superbia tua? Eritis sicut dii, aiebat Princeps vester. Mentita est iniquitas tibi, & factus est ille, & ecce filii ejus omnes miseri; & nihil Deitatis inveniunt viri divitiarum in manibus suis, sed labores & dolores comprehenderunt eos. Melior est ergo iste humilis latro, quam Adam quondam iustus & elatus. Per humilitatem suam iste ascendit, per superbiam ille descendit. Sed quid dixi descendit? Utinam descendisset, nunc autem cecidit in latrones, qui etiam despoliaverunt eum; quia superbia nunquam descendit, sed semper cadit. Cecidit in calo, cecidit in paradiso, in mari, & in omnibus abyssis. Christus descendit, & de calo descendit, & ipse est qui

etiam ascendit super omnes calos, ut adimpleret omnia.

§. Bone Jesu, quomodo undique pugnas pro me, deponens superbos & *Luc. 1.* potentes de sede, & exaltans humiles. Et clamasti; Zachæe festinans descende, quia *Luc. 19.* hodie in domo tua oportet me manere. At ille festinans descendit, & filius Abraham factus est. Domine descende, priusquam *Joan. 4.* moriatur filius meus, sic orabat quidam regulus. Et dixit illi Jesus; Vade, filius tuus vivit. Descendit etiam Jesus de monte, & secutæ sunt eum turbæ multæ: Descendisti Domine, ut salvum faceres genus humanum, quod perierat ascendendo. Et quare omnes tam cupidi ad ascendendum, tam tardi ad descendendum, invenimur? Magister (ait alius) *Ibidem.* sequor te; quocunque ieris. Benè dixit, sequor te; quia sequendo te nemo errat, quoniam lux es & dies; & qui ambulat in die, non offendit. Sequor te, quocunque ieris, sive ascendendo, sive descendendo, quia bonum ascensum & descensum docuisti me. Bonus ascensus, de mundo ad Patrem; libenter illuc ascendam, quoniam ibi est thesaurus meus indeficiens, & celebrantur ibi nuptiæ agni, sed & magnus dies festus omnium sanctorum mox appropinquabit. Ascendit *Joan. 7.* ad diem festum hunc. Ite, & dicite fratribus meis: Ascendo ad Patrem meum & *Joan. 30.* Patrem vestrum. Deum meum & Deum vestrum. Quis ascendet in montem istum, aut quis stabit in loco sancto? Mons Dei, mons pinguis est iste, ut quid suspicamini montes coagulatos? Altus mons hujusmodi, a jacentibus non videtur. Propterea Joannes, qui penni contemplationis elevabatur, vidit agnum stantem *Apost. 14.* supra montem Sion. Quem Propheta sequi cupiens, orabat; Quis dabit mihi pen- *Psal. 14.* nas,



*nas, sicut columba; & volabo, & requiescam?* Ascendit etiam Simon Petrus & ait: *Domine, bonum est nos hic esse.* Isti viri sancti te (Domine Jesu) sunt secuti, & ostendisti eis gloriam sempiternam, quam promissisti diligentibus te. Jam ascensum audivi, quia transit ad regnum tuum omnis, qui relinquit mundum.

6. Sed iterum descendimus, quoniam modò tempus descendendi, advenit. Domine inclina cælos tuos & descende; tange montes superbiæ, & fumigabunt. Descende ad nos, quia ad te ascendere non valemus. Si nitimur, deficimus: & si interdum ascendimus, curvum iter facimus, & pejus agimus, & labimur in lutum profundum. Si quiverit claudus currere, & contractus pedibus ambulare, tunc potest etiam superbus proficere. Quantò plus currit, tantò magis offendit: & quò aliùs salit, eo desperatius in ima ruit. Si posueris in calum (ò superbe) nidum tuum, inde te detrahant, dicit Dominus. Audvimus superbiam Moab, superbus est valde. Superbia ejus & arrogantia ejus, plusquam fortitudo ejus. Quid superbis terra & cinis? Terra es, & in terram ibis. Descende prius & nunc ascendes. Vanum est tibi ante lucem surgere, surge postquam sederis. Quoniam quidem sic sanctos imitaris. Sedebat Job in sterquilinio; David coram Domino, Ezechiel in medio captivorum. Sede tu, & scribe citò. Memento, quæso Domine, quòd sicut lutum feceris me, & in pulverem reduces me. Et ora cum Propheta; Peccavi, & malum coram te feci. Non ergo intres in iudicium cum servo tuo, quia non iustificabitur in conspectu tuo omnis vivens. Recordare & illius Publicani, qui stabat à longè, & non audebat oculos in cæ-

lum levare; sed percutiebat pectus suum, dicens: *Deus propitius esto mihi peccatori.* Amen dico tibi, quia descendit hic iustificatus ab illo, id est, præ illo, scilicet Phariseo. *Quis sicut tu, Domine Deus noster, qui in altis habitas, & humilia respicis in cælo & in terra; qui suscitasti à terra inopem, & de stercore erigisti pauperem? Esto in humilitate nostra memorem nostri; custodi parvulos tuos, & humilia peccatores usque ad terram.* Judicare Domine Deus pupillo & humili, ut non apponat ultra magnificare se homo super terram. Ecce per scripturas sanctas transiens, video sicut vulneratum superbium, & ipse de manu tua repulsus est. Sed jam videre libet è contrario, qualis etiam humilis actu sit & moribus; quæ cogitatio ejus, & quòd signum sanctitatis ejus. Et Dominus; Ecce domi later, quia humilis locum semper quærît novissimum, sicut scriptum: *Cum invitatus fueris ad nuptias, vade & recumbe in novissimo loco.* Non tamen hoc fictè, sed hunc deberi sibi sentit ex digno. Alioquin non erit illi gloria neque merces apud Patrem, qui in cælis est, qui omnia videt in absconso. Si ab aliis objurgatus & diffamatus fuerit, patienter sustinet, & humiliter tacet. Meditatur in corde, quanta opprobria sustinuit Salvator mundi. Dicebant enim Judæi de filio Dei; *Demonium habet, & seducit turbas.* Vox est, & potator vini, amicus publicanorum & peccatorum.

7. Consolatur his verbis seipsum humilis, & dicit: *Non est servus major Domino suo.* Si patrem familias Belzeub vocaverunt, quantò magis domesticus ejus? Sequar Dominum meum Jesum, quia ipse dixit: *Qui vult venire post me, abneget semetipsum, & tollat crucem suam,*

Lucæ. 18.

Psalm. 112.

Psalm. 146.

Psalm. 135.

Psalm. 9.

Lucæ. 14.

Matth. 6.

Lucæ. 7.

7.  
Matth. 10.

Lucæ. 9.



*Et sequatur me.* Noli conturbari anima mea, quoniam digna factis recipis?

*Phil. 2.*

*Iesus autem nihil mali gessit, nec quicquam morte dignum fecit, & tamen usque ad mortem crucis semetipsum humiliavit.*

*Luc. 23.*

*Quia si in viridi ligno, quod erat in paradiso Dei, hac fecerunt, in arido, quod tu es, quid fiet?* Et idè in iustè querulor, iustè autem patior quotiescunque & à quocunque vituperor. Si fuerit humilis inerepatus & accusatus, non querit excusationes, aut redargutiones; sed omnem ostendit humiliationem, confitetur culpam, promittit sui emendationem. Cur hoc? Quia non hominibus placere, sed Deo querit satisfacere. Parvi pendit confusionem hominum, quia timet divinum iudicium, ubi occulta erunt manifesta. Quisquis humiliter modò confitetur culpam propriam, percipiet tunc à me peccatorum suorum remissionem.

8.

8. Dicit ergo humilis, siue iustè siue iniustè reprehensus; *Peccavi, & malum coram te feci. Ego in flagella paratus sum, & dolor meus in conspectu meo sem-*

*psalm. 50.*

*psalm. 37.*

*per. Quoniam iniquitatem meam annuntiabo, & cogitabo pro peccato meo. Sentit vulnus peccati interiùs, & idè fert, levius, quicquid cruciat exteriùs. Hoc est enim magnum humilitatis indicium, confiteri in redargutione peccatum proprium. Econtrario quidam superbi agunt excusando, & se defendendo coram aliis. Non (inquit superbia eorum) hoc feci; aut si feci, bene feci. Si malè, non multum malè, neque in tantum sicut isti dicunt. Quis est ille homo, qui talia loquitur de me? Et tamen istiusmodi fabulatur aliquando publicè, de perpetratis malis suis, ibi inquiens fui, & talia feci; hæc dixi, & sic respondi. Quantæ miseriæ & cæcitatæ est, istud ore pro-*

prio pronunciare, se male egisse, & peccatorem se reputari ab aliis ferre non posse? *Filii hominum usquequo diligitis hanc vanitatem & queritis mendacium?*

*psal. 4.*

Si interrogatus fuerit humilis, non promptulus ad responsa invenitur, sed serus & providus. Non est etiam ad risum facilis, sed gravitate temperatus, Cor ejus devotione spiritali citiùs tangitur, quia de temporali gaudio non consolatur. Compunctioni est deditus, & ad considerandum se, invenitur primus. Studet propria flere mala, aliorum bona considerare, & infirma eorum portare & pio modo excusare. De magnis & sublimibus præsentis vitæ rebus, de honoribus & dignitatibus, de gradibus, de cathedris minimè curat, sed omnia peritura & vana esse considerat. Homo enim cum interierit, non sumet hæc omnia secum.

*psal. 48.*

9. Et ubi (inquit) sunt, qui in hoc mundo floruerant? Tanquam peregrinus & hospes unius noctis, sic pertransierunt. Contemnit ergo omnes mundi honores, amplectitur opprobria & abjectiones. *Elegit abiectus esse in domo Dei magis, quam habitare in tabernaculis peccatorum.* Suscipit leve jugum Christi, abjecit laboriosam servitutem diaboli. Nihil laboriosius, quàm velle ascendere, & hoc frustra; quia superbus timet semper, ne superetur, & quotidie dejicitur, ipso etiam ignorante. Pax autem & gaudium cum humili, qui per viam planam sanctorum graditur, & in vallibus commoratur. *Valles enim abundabunt frumento, hoc est, consolatione Spiritus sancti: Clamabunt, & hymnum dicent pro donis, que perceperunt.* Propterea nil iam querit in terrenis, quia spes ejus tota suspensa est in cælestibus. Orat cum Pro-

9.

*psal. 31.*

*psal. 64.*

pheta,



*Psal. 27.* pheta, & dicit: *Spes mea Domine, à juventute mea tu es, portio mea in terra viventium.* Quid enim mihi est in cælo, & à Deo meo quid volui super terram? Deus cordis mei, & pars mea Deus in æternum. Subesse deliderat, aliis servire paratus est, propter nomen meum. Recordatur enim Scripturæ dicentis: *Remansit puer Iesus in Hierusalem, & non cognoverunt parentes ejus.* Ubi mox sequitur: *Et descendit cum eis. Erat subditus illis.* Et iterum. *Ego in medio vestrum sum, sicut qui ministrat.* Dicit ergo ad semetipsum. *Nonne subiecta Deo eris anima mea, quoniam ab ipso salutare meum? Veruntamen subiecta esto Deo anima mea: quia ipsa est salus tua.*

*10.* 10. Familiaris est humilibus amor subjectionis, despectionis, & nullius reputationis. Et ubi possunt tales inveniri? Domine mi, tu scis. Tibi nota est omnis congregatio sanctorum, quoniam humilium inhabitator es mentium. Non sum ex illis, sed miserere mei, & parce peccatis meis, ut detur mihi locus pœnitentiæ, illorum saltem meritis. Gaudeant, qui hujusmodi sunt, quia magnam gratiam apud te invenerunt. Ecce ad memoriam venit, illa omnium Sanctorum Sanctissima Dei Genitrix Virgo Maria, cui ab Angelo dicitur. *Ne timeas Maria, invenisti enim gratiam apud Dominum.* Et ego cur non invenio gratiam in oculis tuis? Quia [ inquit Dominus ] needum parvus factus es sub oculis tuis. Defectus gratiæ est, propter aggeres superbiæ. Ejice primum hanc trabem de oculo tuo, & tunc videbis, quid factururus sim humili servo meo. Quando negavi humili gratiam? Et quando non exaudivi orationem pau-

*a Kemp. de humilitate.*

peris? Audi Prophetam. *Iste pauper clamavit ad Dominum, & Dominus exaudivit eum, & ex omnibus tribulationibus ejus salvavit eum; quia respexit Deus in orationem humilium, & non sprevit preces eorum.* Multi elato corde accedunt ad me, & ego non exaudio eos. Perunt, non ut sanentur à peccatis, sed ut appareant sancti hominibus. Optant devotionem, sed pati nolunt mecum confusionem: humilitatem concupiscunt, sed cum humilibus contemni ab hominibus refugiunt. Sic amare quærunt virtutes sine odio vitiorum, & falluntur in desiderio suo. Qui enim vult habere dulcedinem virtutis, extirpare debet cor à vitiis, & passionum tribulis. Humilis autem nititur semper destruere omnem elationem cordis, & odit prælationem super elios, quæ est iniquitas maxima. Nam hæc Angelos fecit dæmones, & homines constituit peccatores; quia imundus est coram Deo omnis, qui exaltat cor suum.

*II. Væ, qui magni estis in oculis vestris, II. & coram vobismetipsis prudentes. Væ, Isai 2.* qui creditis omne altum sanctum; & ad omne sublime dicitis, honor Dei est, & gloria ejus. Et quare decipitis cor vestrum? Multum erigimini filii Levi. Nolite ambulare in magnis & mirabilibus super vos, sed inclinate rebelles cervicem vestram. Quod si non feceritis, ego ascendam contra vos, & convocabo cælum & terram & omnia elementa adversum vos, & pugnabit mecum orbis terrarum contra insensatos & superbos. *Et incurvabitur altitudo vestra, & sublimis erit in conculcationem, & gloriosus terra in confusionem. Væ, qui ascenditis ad latera aquilonis super montem*

*Ex-*



*excelsum valde, ut videatis omnia regna mundi; & gloriam eorum.* Et dicitis; Spes nostra turris Babylonis: illic sedebimus, & gaudebimus. Sed non erit, neque stabit verbum istud. Planctum istum, pro cantu audietis; *Filia Babylonis misera: beatus qui retribuet tibi retributionem tuam, quam promeruisti.* Ecce malleus & incus, virga & baculus, stridor & fletus, super omnem arrogantem. Casus & dejectio, ignominia & confusio, super omnem præsumentem. *Nolite ergo in altum extollere cornu vestrum, nolite loqui adversus Deum iniquitatem; sed exinanite, exinanite vos, usque ad fundamentum in ea congregatione, in qua statis.*

12.

12. Fundamentum est ipsa humilitas, & aliud fundamentum nemo potest ponere, præter id quod positum est, quod est Christus Jesus. *Hoc fundamentum fundatur in montibus sanctis; diligit enim Dominus portas Sion, super omnia tabernacula Babylonis.* De humilibus loquendum fuerat, sed superbia Satanae hoc impedivit. Nam sunt plurimi, ad ascensum tam prompti, ad descensum verò pigri; satis parati, ad honores, ad gradus, & prælationes. Sentiant de se magna, præsumunt fortia, & imaginantur his multa similia. Hæc mala cavenda sunt, & à corde pauperum Christi citius repellenda. Est etiam laudandum in humili valde, quod tam tardus invenitur ad tumultus sæculi, ad interiora verò sollicitus; quoniam apparere foris nimis metuit, & abscondi ab hominibus velut mortuus gaudet. Studium ejus circa humilia exempla sanctorum, circa materiam propriæ fragilitatis, & memoriam humilis Jesu inter homines

conversantis. Multam invenit seipsum humiliandi causam, & sylvam magnam quærit devotè meditandi tam diebus quàm noctibus.

13. Legit ergo in scripturis sanctis, 13.

& considerat, quàm longè sit à sanctorum virtutibus. Miratur eorum exercitia, labores, tentationes, abstinencias: intuetur summam humilitatem, fortissimam patientiam, perfectam obedientiam, & plenam omnem rerum sæcularium mortificationem. Deflet idè acriter, & contristatur vehementer; quia non est in eo talis virtutum fervor, neque pro acquirendis virtutibus consimilis labor. Ah pulvis, inquit, quid nos sumus? Caro & sanguis, in quibus nos involuti jacemus. Terra patria nostra, terrena cogitatio nostra, animalis conversatio nostra, lignum & lapides occupatio nostra. Esca & potus, somnus & otium, in finibus nostris. O quanto in imò sumus, qui vix vestigium pedis de virtutibus sanctorum habemus? Et tamen adhuc superbimus, & viam humilitatis non quærimus? Adhuc in bonis reperiimus, in malis quotidie senescimus, & putari aut videri ab aliis aliquid volumus. Hoc est enim alienum ab humili corde, quod fervet jugiter proficiendi desiderio.

*Consideravit enim se, & abiit amarus in indignatione Spiritus sui, ad interiorius cubiculum suum, ut ploret ibi.* Deinde surgens legit in Apostolo Paulo, quid de se sentiat. *Ego [inquit] sum minimus* 1. Cor. 15. *Apostolorum qui non sum dignus vocari Apostolus, quoniam persecutus sum Ecclesiam Dei.* Et in Evangelio de Beata Virgine: *Respexit Deus humilitatem Ancilla sue.* Et iterum in Propheta: *Humiliavi in jejuniis animam meam, & posui vesti-*

Psal. 136.

Psal. 74.

Psal. 136.

Psal. 86.

Iacob. 2.

Luca. 1.

Psal. 34.

Gen. 18.

Humilis laus

Iacob.

Luca.

Matt.

Patientia virtus humilis



Vita ho-  
minis  
quasi  
quædam  
longa  
miseria.

Gen. 18.

*vestimentum meum cilicium.* Et cum Abraham: *Loquar ad Dominum meum, cum sim pulvis & cinis?* Omnia hæc operatur in electorum cordibus vera humilitas, quæ omnium virtutum causa est & cultos.

14.  
Humilitatis laus.

14. Surge nunc, atque occurrens illi, dic ad eam: Bene veniat Domina mea humilitas. Ingredere ad me, ô virtus Christi, inventrix gratiæ, singularis gloriatio Virginis Mariæ. Accede ad me, ô reparatio læsæ charitatis, reconciliatio totius humanæ perditionis. Per te cæli aperti sunt, & per te claustra inferni confracta. Per te erecti sumus, & per te ad patriam reducti. Tu de peccatoribus facis iustos, & iustos Angelis associas. Tu Christum de cælo vocasti, & Mariam super choros Angelorum exaltasti. *Deus licet dives sit in gratia, nemine tamen nisi humili confertur gratiam.* Et quia hæc virtus, præ omnibus in Maria abundavit, ideo & ipsa gratia plena fuit. Jam claret, quod humilitas est omnium Sanctorum, & fuit semper virtus maxima. Ipsa meretur, quod meritis non debetur; ipsa percipit, quod libera non docetur. Hæc casum nescit, quia nunquam de se magna præsumit. Qui hanc habet, diligit, & custodit; in pace Christi dormiet, & requiescet, sicut Christus humilibus repromisit. *Discite à me, quia mitis sum, & humilis corde, & invenietis requiem animabus vestris.*

Iacob. 4.

Lucæ. 1.

Matth. 23.

## CAPUT III.

De patientia.

1.  
Patientia  
virtus mi-  
rabilis.

1. **P**ostquam [ Domine ] de sancta paupertate & humilitate, quædam eloqui dignatus es, restat jam, ut

secundum promissum tuum, de patientia mirabili virtute, servo tuo aliqua infirmitates. Fateor hoc namque coram te, multum me hac virtute egere, & valde mihi opus esse multa patientia. Qualis est enim vita mea, nisi quædam longa miseria, à die nativitatis usque in diem sepulturæ meæ? Et nihil inter hæc vacat, quod non laborem & dolorem mihi multiplicet. Et quomodo in hanc veni miseriam, Deus meus? Tu nosti bene, quanta mala circumdederunt me, in corporis carcere positum; & nemo est, qui ita novit miseriam hominum, sicut tu, Domine Deus noster. Vide ergo, quàm necessaria mihi sit patientia. Quid est anima mea, quod in terra inimicorum es? *Nam si in via Dei ambulasses, habitasses utique in pace super terram. Dereliquisti Dominum Deum tuum, fontem aquarum viventium; & fodisti tibi cisternas, quæ non poterant aquas continere, & ideo tradita es manibus odientium te.*

Baruc. 3.  
Hier. 2.

2. Sed revertere ad me, dicit Dominus, & ego suscipiam te. Propter peccata mea Domine, hæc omnia iusto iudicio tuo evenerunt super me. *Peccavi cum Patribus meis, & porto grave iugum super omnes filios Adam, quoniam filii iræ omnes filii ejus. Verumtamen nisi subvenisset nobis auxilium tuum de cælo, quasi sodomam fuissetis, & quasi Gomorra similes essemus, quæ subversa sunt in momento. Ideoque misericordie tuæ multa Domine, quod consumpti non sumus: & bonitas magna nimis, quod adhuc vivimus. Filii mortis eramus omnes, sed prævenisti nos in miserationibus tuis; & non sicut delictum nostrum, sic & iudicium tuum, sed superabundavit misericordia tua,*

Ephes. 2.  
Isaie 1.

Thyres. 1.

Q.

super



Psal. 102.

super omnia opera nostra pessima. Recordatus es, quia pulvis sumus, & homo sicut fœnum & flos agri. Tibi hæc dixi Deus, & Pater misericordiarum, ut scirem miseriam meam, & causam miseriarum omnium, rectum iudicium tuum. Sed tamen adhuc quæro ex omnibus his, si qua sit consolatio in Christo Jesu Domino nostro. Et si non ad plenum merear consolati, tribue saltem ex parte aliqua.

Tsal. 112.

Quis ergo consolabitur animam meam? Multos inveni desolatores, narrantes mihi iniquas fabulationes, sed non ut lexitua, Domine.

Psal. 144.  
Psal. 142.

3. O consolator optime, dulcis hospes animæ, dulce refrigerium; qui imple omne animal benedictione, aperi manum tuam, & effunde benedictionem de caelo, super arentem terram meam. Expando ad te manus meas, qui sum terra sine aqua tibi. Velociter exaudi me Domine, defecit enim Spiritus meus. Et ego sine te quò ibo? Et ad quem confugiam? Tu es Domine, Deus meus, & ided suscipe propitius preces meas. Levavi ad te animam meam, tu noli me despiciere. Ostende miseriam, tu noli oculos avertere. Peccavi, noli me condemnare.

Psal. 36.

Tibi dixit cor meum, exquisivit te facies mea Domine, noli me derelinquere. Dixisti enim, per te ipsum nos consolari cupiens: Venite ad me omnes, qui laboratis, & onerati estis, & ego reficiam vos. Et iterum: Si quis sitit, veniat ad me, & bibat. Sitivit in te anima mea, quam multipliciter tibi cara mea? In terra deserta, in via, & iniquosa, habitatio mea Domine. Terram arentem dedisti mihi Domine, da & irriguam superius. Neque enim parva est miseria mea, quâ affligor in hac vita mea. Nam quocunque me

Ioan. 7.  
Psal. 62.  
Iosue 15.

verto, dolores & labores invenio. Et ideo quæso, ne irascaris mihi; quia anxius est in me Spiritus meus, & verba mea non murmure, sed dolore plena sunt. Effudi in conspectu tuo orationem meam, & tribulationem meam ante te pronuntio. Est enim misero sæpè consolatio, suam miseriam amico revelare. Et vulnus tumens, dum aperitur, minus dolet, & citius curatur. Tibi ergo revelavi causam meam. Pater misericordiarum.

Psal. 141.

4. Et ita Dominus: Quid vis, ut faciam tibi? Animæ quior esto, fili mi. Vides vidi afflictionem populi mei, qui est in Aegypto, & descendi liberare eum. Sed cum etiam benefecero tibi, memor eris nominis mei, quia Salvator & Redemptor tuus ego sum. Jam noli contristari, quia ego ipse qui loquebar, ecce adsum. Quare ergo mœrore consumeris? Nunquid consiliarius non est tibi? Recordare sermonis, quid promiserim discipulis meis: Non relinquam vos orphanos: sed mittam promissum Patris mei in vos, Spiritum veritatis, ut maneat vobiscum in æternum. Ille est enim, qui in adversis consolatur corda Sanctorum. Et dixi hoc de Apostolis, Domine & discipulis tuis dixisti; & implesti in eis promissum tuum; sed de me nescio, quomodo fiet istud; quoniam non fueram ibi. Et Dominus: Nonne & tu discipulus meus vis fieri? Etiam. Quod dixi eis dico omnibus; quia pusillum & magnum, ego suscipio. Rogavi Patrem meum, non tantum pro his: sed etiam pro eis, qui credituri sunt in me, per verbum eorum. Omnis enim, qui voluerit esse discipulus Christi, particeps erit bonorum omnium, quæ promisi electis meis. Elegi eos, & posui eos ut eant, & fructum afferant

4.  
Exod. 3.

Luca 24.

Ioan. 17.

Ioan. 15.  
Ioan. 16.

Ioan. 1.

Tribu  
no.Iap. 1.  
Psal.

Sep. 1.



*afferant in patientia, & fructus eorum maneat in vita aeterna. Hoc loquor tibi, ut in me pacem habeas, & in patientia animam tuam custodias. Pacem meam relinquo tibi, pacem do tibi; non quomodo mundus dat, ego do tibi. Patientis esto, & adversa libens suscipe.*

Joan. 14.

5. Tribulatio.

5. Ne deficias tribulationibus, quia tribulatio ignis consumens est. Purgat peccata, extinguit presumptionem, fugat dissolutionem, ingerit salubrem tristitiam, dat odium mundanorum, & facit Christi imitorem. Velles istis lucris carere? Non Domine. Hæc tamen operatur in tribulatione, vera patientia. Noli proinde quærere pacem nisi in Deo, pacem & gaudium in Spiritu sancto, quam mundus non potest dare. Et dixi: O pax & gaudium Domini mei Jesu Christi, quales filios tu facere consuevisti, quibus modis te mentibus electorum de cælo veniens infudisti? O pax & gaudium in Spiritu sancto, quod non datur impiis, sed manifestatur humilibus, & omnibus devotis Dei servis. Utinam dirumperes cælos, & ad me descenderes, & infirmam animam meam visitares frequentius; & experimento discerem, quoniam *benignus est Spiritus sapientia, & pax multa diligentibus legem tuam, & gustantibus suavitatem Spiritus sancti. Quam libenter tunc ista caduca & terrena omnia contemnerem, ut ejus dulcedini semper inhaererem. Quam patienter omnia adversantia susciperem, cum præ amore ejus, grave quicquam nec esse sentirem. Et quid tunc ultra oblectare me posset, quando ille sic me absorbuisset?*

Isa. 1.  
Psalm. 118.

6.

Isa. 12.

6. O quam suavis est Domine Spiritus

*tus tuus, qui ut dulcedinem tuam in filios gratiæ demonstrares, pane suavissimo de cælo præstito, esurientes animas replesti bonis internis, fastidiosos divites dimittens inanes; quia consolatione sancti Spiritus digni non sunt. Hæc omnia operatur unus & idem Spiritus tuus, dividens singulis prout vult, adjuvans infirmitatem nostram, & consolans nos in peregrinatione nostram in grandi exilio, quo relegati sumus. Sed scio Domine, quia hæc est hora diei tertia; quando Petrus aperuit os suum, & loquebatur verbum tuum cum fiducia magna; quando repletus est vino novo, quod lætificat cor hominis; quando unctus est oleo gratiæ & lætitiæ, cum confortibus suis. Hæc est hora, de qua Coepostolus ejus dicit: Charitas Dei diffusa est in cordibus nostris per Spiritum sanctum, qui datus est nobis; quia non accepimus Spiritum hujus mundi, sed Spiritum qui ex Deo est. Et scripsit dicens: Gandete (Fratres) in Domino semper: iterum dico gaudete, Dominus enim propè est. Verè illi propè erat, qui tantam gratiæ copiam à Domino perceperat, ut esset ipse plenus, & aliis propinaret ex abundantia cordis tam multiplices consolationes. Sive (inquit) mente excedimus Deo, sive sobrii sumus vobis, omnia propter vos charissimi. Hæc est hora, in qua Propheta lætatur, dicens: Et immisit in os meum canticum novum, carmen Deo nostro. Exultabunt labia mea, cum cantavero tibi; & anima mea, quam redemisti. Cor meum, & caro mea, exultaverunt in Deum vivum. Et plures fuerunt, qui de hac multa præcinerunt, & gustaverunt bonum Dei donum, virtutem quoque & gratiam, quam habebant.*

2. Cor. 12.

Act. 2.

Rom. 5.  
Rom. 8.

Phil. 4.

2. Cor. 5.

Psal. 39.  
Psal. 70.  
Psal. 83.  
Hebr. 6.



bant, Deus meus, tu eis hoc dedisti; Deus, tu propitius eis fuisti, & eos interiorius per spiritum tuum docuisti. Beati sunt servi illi, qui cœlestium bonorum participes fieri meruerunt, & tam dulci & pio Domino servire die ac nocte amaverunt. Non sunt de terra, vita & conversatio eorum: sed vivunt de memoria æternorum corda illorum. *Saturati sunt de optimis bonis Domini, & utinam dimittant reliquias suas parvulis suis; ut edant pauperes, & saturentur de micis, quæ cadunt de mensa Dominorum suorum.* Sed ubi est hora illa, de qua rursus scriptum est: *Hæc est hora vestra, & potestas tenebrarum?* Domine Jesu [ si bene meministi ] verba tua sunt hæc. Et alia complura ad memoriam revocare me delectat, quia scio quoddam propter me omnia facta sunt, & scripta.

7.

7. Ubi est Jesu bone verbum salutis nostræ, quod locutus es in tristitia anime tuæ? *Tristis es anima mea usque ad mortem.* Et statim postea ad discipulos; *Venit hora, ut tradatur filius hominis in manus peccatorum, & crucifigatur, & occidatur.* Et alibi: *Pater salvifica me ex hac hora,* sed propterea veni in hanc horam, ut scilicet Jesu bone moriaris pro populo, & non totagens pereat. *Quia nisi granum frumenti, quod est Christus Dominus, cadens in terram mortuum fuerit, ipsum solum manet; si autem mortuum fuerit, multum fructum affert.* O felix & beata hora, qua homo redemptus est ab æterna morte! O læta & grata nimis tristitia, quæ perpetuam nostræ perditionis deterfit mœstitiam, reddiditque mortalibus amissa gaudia Paradisi. Hic erat fructus ( Jesu ) sacræ passionis tuæ & tristitiæ multæ pro no-

bis assumptæ, ut hominem perditum ad vitam perennem reduceres. Ergo illa hora non erat gaudii, sed mœroris: non consolationis, sed passionis, non pacis, sed afflictionis, ut diceret Jesu turbis: *Tanquam ad latronem existis cum gladiis & fustibus; comprehendere me?* Hæc planè fuit hora turbinis & nebula, quoniam clamabant vehementer Judæi: *Crucifige, crucifige eum, reus est mortis.* Jesus tamen tacebat; & cum accusaretur à Principibus Sacerdotum, nihil respondit.

8. Quid nunc conquereris anima mea? Dis, ubi sit patientia tua? Tu rea es, & Jesus pro te in pœna est. Tu peccasti, & ille flagellatur. Tu fecisti hoc malum grande, quod deleri non potuit, nisi ejus innocenti morte. *Quid igitur retribuas ei, pro omnibus quæ tribuit tibi?* Et quam commutationem dabis, pro anima tua? *Ille pro te posuit animam suam, quid rependes ei? Calicem (inquam) salutaris accipiam, & nomen Domini invocabo.* Justè omaino. Et si volueris non ingratus esse, stude se istum bibere.

9. Et Dominus, *Potes Calicem bibere, quem ego gustavi?* Et dixi: *Omnia possum in eo, qui me confortat.* At ille: *Bibite ex eo omnes. Bibite vinum meum, quod miscui vobis.* Et iterum dico vobis: *Nisi manducaveritis carnem filii hominis, & biberitis ejus sanguinem, non habebitis vitam in vobis.* Et ne dixeritis in cordibus vestris; *Durus est sermo iste, & quis potest eum audire?* Respicite ad me, & videte, quia ego solus portavi pondus dei & ætus. Et si fuerunt quidam, qui portaverunt onus grave, sed quid in comparatione mei?

Ego

Psal. 16.  
Psal. 21.

Lucæ 22.

Matth. 26.

Marc. 14.

Joan. 12.

Joan. 11.

Joan. 12.

Matth. 26.

Psal. 24.

Psal. 68.

Isaie 63.

Psal. 12.

Lucæ 24.

Joan. 20.

Ibidem.  
Marc. 14.  
Matth. 27.

Deut. 32.

Psal. 115.

10.

Joan. 14.

Phil. 4.

Matth. 26.

Proverb. 9.

Joan. 6.

Ibidem.

Psal. 33.



*Psal. 24. Ego in innocentia mea ingressus sum per  
 Psal. 68. foramen acus. Infixus sum in limo profundi,  
 Isai. 63. & non fuit in me culpa. Torcular calca-  
 vi solus, & de gentibus non erat vir  
 Psal. 128. mecum. Supra dorsum meum fabrica-  
 verunt peccatores, prolongaverunt ini-  
 Luca 24. quitatem suam. Videte manus meas &  
 pedes meos, quia crucifixus sum pro vobis.  
 Mittite manus vestras, & cognoscite lo-  
 ca clavorum meorum. Palpate vulnera  
 mea, & videte, quia fluunt sanguis &  
 aqua de latere meo. Afferte vasa cordis  
 vestri, & suscipite liquorem balsami. O-  
 leum misericordiae & gratiae, recondite  
 in vasibus vestris. Sugite mel de petra,  
 oleumque de saxo durissimo. Aperui ja-  
 nuam cordis mei, intrate in illud. Latus  
 lancea perforari feci, abscondite vos in  
 illo.*

*10. Quid debui ultra facere, & non  
 feci? Respondete mihi. Manete in me,  
 & ego in vobis. Libenter sufferte aliquid  
 pro me, ego sustinui tam multa pro vo-  
 bis. Facile & portabile exemplo meo,  
 ne formideris crucem, quam cernitis.  
 Accedite ad me omnes, qui in tristitia  
 estis, qui angustiamini in visceribus ve-  
 stris, qui consolationem non habetis. Ego  
 enim sum consolator vester. Cur time-  
 tis in die mala? Ego sum protector vester,  
 adjutor in opportunitatibus, in tribulatio-  
 ne. Dicite mihi, quando non affui spe-  
 rantibus in me? Quando defui claman-  
 tibus ad me? In Psalmo quid scriptum  
 est, & quomodo legistis? Juxta est Do-  
 minus his, qui tribulato sunt corde, &  
 humiles spiritu salvabit. Clamaverunt  
 justi, & Dominus exaudivit eos, & ex  
 omnibus tribulationibus eorum, libera-  
 vit eos. Ecce, quibus exhortor vos ver-  
 bis, ut non deficiatis in tribulationibus.*

Magis gaudere deberetis, quod tribu-  
 lamini in hoc mundo. Signum dilectio-  
 nis æstimate, & verè signum est electo-  
 rum meorum. *Aperite librum signatum,* *Apo. 5.*  
*foris & intus scriptum, vetus dico & no-  
 vum Testamentum, legite & intelligite;*  
 quia nemo sanctorum fuit, qui tenta-  
 tionibus & passionibus variis non sit exa-  
 minatus, qui non sit injuriam passus,  
 qui non fuerit in omnibus his Deo ac-  
 ceptior, & sanctior coram hominibus ef-  
 fectus? Sancti mei in adversis proficiunt,  
 in tribulationibus odorem innocentiae  
 suae, per patientiam ostendunt. Bonus  
 esse Abel renavit, quem malitia Cain non  
 exercet. Castus quomodo quis putatur,  
 nisi quem carnis lascivia vincere non po-  
 tuit? Pudicitiae amator ostenditur, qui  
 cum Joseph casto juvene, contra virus  
 suadentis foeminae, luctatur.

*11. Obediens verus etiam probatur,* *I I.*  
 qui propriis voluntatibus contraire niti-  
 tur. Et hic cum fidei Abraham, pro obe-  
 dientiae virtute laudabitur, & benedictio-  
 ne caelesti replebitur; quia magis obedit  
 voci Dei, quam voci carnis suae, quae sem-  
 per propriis motibus agitur. De pro-  
 pria voluntate quid dicam? Ipsa est,  
 quam maximè odit anima mea. Non est  
 mihi quicquam acceptum, quod volun-  
 tate propria fuerit vitiatum. Parva &  
 magna, simul maculat bona: quemad-  
 modum vera obedientia, cuncta facit ef-  
 se incorrupta. Agat bonum aliquis ex  
 propria voluntate, & minus erit, etiam  
 nonnunquam culpabile. Dimittat ex  
 obedientia bonum, & fiet majus. Crevit  
 enim usque ad contemptum sui, & per-  
 venit ad Jesum filium Dei & exemplum  
 obedientiae ejus. Quam paucos inve-  
 nio, qui hoc obedientiae fulgent

Propriam  
 cujuscum-  
 que vo-  
 luntatem  
 odit Deus.  
 Obedien-  
 tiae laus  
 & virtus.



exemplo? Unusquisque quod sibi bonum videtur, libenter agit, propterea sæpè errat. Scitote filii obedientiæ, quia malum agere nunquam licet; bonum autem propter obedientiam, quandoque intermittere, ad perfectum vos ducit. Sicut enim perfecta charitas seipsum non quærit, sic vera obedientia extra videre proprium, semper tendit. Mihi obeditis, cum præpositis vestris subjacetis. Mihi vivitis, dum vos immolatis. Ego vos vivificavi, ego pro vobis occisus fui: & vos mecum vivetis, si commortui fueritis. Mortificate filii mei, mortificate proprias voluntates, proprium videre, proprium consilium, & omne pravum & carnale desiderium. Occidite inimicos istos, alioquin ipsi occident vos. Erunt vobis fudes in oculis, lancea in latere, serpens in via, & ursa in semita, si non occideritis eos. Non sinent vos dormire in lectulo pacificæ conscientiæ, & pacem auferent de corde terræ vestræ; quia isti sunt, qui conturbant Israël, hoc est, fidelem animam, Deum videre cupientem. Admonui vos. Videte igitur, quomodo cautè ambuletis, quoniam dies mali sunt, & abstinete ab omni specie mala.

Ephes. 5.

12.  
2. Thes. 4.Psal. 114.  
Psal. 118.

Tsal. 33.

12. Proposui vobis Patriarchas; & si parum est, adducam Prophetas, quoniam ipsi tribulationes multas experti sunt, in hoc seculo nequam. Primus dicit: Tribulationē & dolorem inveni, & nomen Domini invocabo. Tribulatio & angustia invenerunt me, mandata tua non sum oblitus. Multa tribulationes justorum, & de omnibus his liberabit eos Dominus. Considerate tamen vim verborum, quia Propheta in seipso semper invenit laborem & dolorem: sed consilium evadendi habuit, cum ad Deum in omni pressura

cordis sui clamavit. Hic iterum dixit: Ad Dominum cum tribularer clamavi, Psal. 119. & exaudivit me. Secundus dicit: Ego Thren. 1. plorans ploravi, & oculus meus deducens aquam; quia longè factus est à me consolator, convertens animam meam. Factus sum in derisum omni populo meo, canticum eorum tota die. Replevit me amaritudinibus, inebriavit me absinthio. Confregit ad numerum dentes meos, cibavit me cinere. Et repulsa est anima mea, oblitus sum bonorum. Et dixi, Perii finis meus, & spes mea à Domino. Attende verba ista, quia verba lamentationis sunt, & scripsit hæc Hieremias Propheta. Sed consolationem suam etiam invenit, cum iterum subdit: Pars mea Dominus, dixit anima mea, propterea expectabo eum. Bonus est Dominus sperantibus in eum, anima querenti illum, quia non in sempiternum repellit Dominus. Tertius dicit: Va mihi, Mich. 7. quia factus sum; sicut qui colligit in autumno racemos vindemia. Non est botrus ad comedendum, immaturas ficus desideravit anima mea. Perit sanctus de terra, & rectus in hominibus non est. Consolatur tamen seipsum dicens: Ego autem ad Dominum aspiciam, & expectabo Deum Salvatorem meum. Audiet me Deus meus. Cum sedero in tenebris, Dominus lux mea est. Iram Domini portabo, quoniam peccavi ei. Educet me in lucem, videbo justitiam ejus. Ecce testimonia Prophetarum, quomodo sunt compuncta corda eorum, & qualiter in Deo sunt consolati spiritus ipsorum. Patientiam Job etiam nōstis. Magnum utrique patientiæ speculum, datum omnibus servis meis in solatium. Alias quoque sanctorum passio-

1. Tim.

Jacob.

1. Pet.

Phil. 1.

1. Pet.

Major  
merit  
mala  
quam  
na op  
ri,



passiones, persecutiones, & tentationes non ignoratis. Hi namque omnes, & maxime sancti Martyres, gravioribus sunt probati suppliciis, & per patientiam sunt persecutorum suorum facti victores.

1. Tim. 2. Nonne si bene perpenditis, nemo dignus erit coronari, qui non legitime videtur certare? Etenim in certamine probatur bonus miles. Deponite certamina tentationum, & conflictus tribulationum, & nulla erit victoria. Et si nulla victoria, recte nulli debetur mercedis corona. Dis-

Jacob. 1. cit ergo S. Jacobus Apostolus: *Omne gaudium existimate frater mei, cum in tentationes varias incideritis.* Et sanctus Pe-

1. Petr. 3. trus: *Si quid patimini propter justitiam beati.* Et Paulus: *Quia vobis donatum est in*

Phil. 1. *Christo, ut non solum in eum credatis, sed*

1. Petr. 3. *pro illo patiamini.* Tu quoque horum admonitus exemplis & doctrinis, omni tempore patientiam in corde serva, & in omni tribulatione & angustia, teipsum mihi resigna. Quis tibi nocere poterit, si bonus æmulator virtutis fueris? Ecce omnes gemitus tui numerati sunt, & tam parvum nihil pateris, pro quo non coronaberis. In tribulatione positus, memento quod hæc est via Sanctorum, per quam transitur ad Regna Cælorum.

13. Consolate etiam te ipsum, quia Christo Jesu, Domino tuo, in hoc affimularis: & gratias age, si modicum illi retribuere possis. Dico tibi, quoniam majoris meriti est adversa pati, quam bona operari. Quam multos servos ego videor habere; sed parum possunt sustinere. Modica tribulatione franguntur, pauca contumelia irritantur, levi occasione scandalizantur, cito de illata injuria conqueruntur, multa argumenta cogitant, quando arguuntur. Non est

Kemp. De Patientia.

ista via bona, sed mihi & omnibus sanctis dissimilis valde. Quidam etiam dicunt, quia parvam pacem habent; & ego dico, quod ideo pacem non habetis, quia patientiam non servatis. Ideo pacem non habetis, quia proprietarii estis, quia carnales estis, & secundum hominem ambulatis. Unde bella & lites in vobis, nisi ex concupiscentiis vestris? Quanto quis patientior fuerit, tanto majori pace perfruetur. *Pacem meam do vobis, non quomodo mundus dat.* Pax mea in patientia multa, in malorum tolerantia, in contemptu secularium gaudiorum. Qui enim voluerit esse amicus Dei, sic oportet eum facere. *Non veni mittere pacem in terram, sed gladium.* Pax in terra erit hominibus bona voluntatis, quia non est pax impiis, dicit Dominus. *Habete pacem in Deo, & non cum mundo.* Pacem non cum vitiis & concupiscentiis vestris, sed pacem contra vitia pugnando fortiter. Hæc est bona & sancta pax, & acceptabilis mihi.

14. Memento etiam in tribulatione tua, quia omnis labor & dolor finietur brevi tempore: sed merces erit æterna & copiosa apud me in cælis. Rursum attende de damnatione malorum, quanta erunt cruciamenta eorum. Si tam parum modò vales sustinere, quid fiet de inextinguibili pœna infernali? Infer digitur tuum in flammam ignis, & forsitan vix tolerare sufficis. Quid ergo erit si totum corpus mittatur in gehennam ignis. Noli proinde timere eum, qui occidit carnem: nec indigneris ei, qui flagellat miserum corpus: *Sed time eum, qui postquam occiderit, potestatem habet, & corpus & animam perdere in gehennam.* Istud dico time, istud pondera, istud frequenter cogita; &

R

vide-

Pax ex patientia.

Jacob. 1.

Joan. 14.

Matt. 10.

Luc. 12.

Isaia. 48.

14.

Matt. 10.

13. Majoris meriti est mala pati quam bona operari.



*Jacob. 5.* videbis, quod nihil est omnis tribulatio tua. In omnibus igitur mundi pressuris, his te verbis consolaberis. *Patiens esto usque ad adventum Domini, quia finis omnium mox appropinquabit. Transiit omnis mundus, & concupiscentia ejus. Qui etiam nihil amat in mundo, leviùs ad-versa tolerat.*

*15.* 15. Decipiuntur omnes amatores ejus, in nihilo confidentes. Sancti verò homines, ad æterna præmia anhelant, & exire de mundo citius concupiscunt. Nil in eo habere volunt; sed thesaurum in cælo sibi recondunt. Adversa tamen multa sustinent, sed patientiæ armis se defendunt. Sæpè carere adversitatibus & tribulationibus mallent, sed tamen in meis omnibus his, se manibus commendant, dicentes: *Pater fiat voluntas tua. Pater non sicut ego volo, sed sicut tu vis.* Omnia quæcunque voluit Dominus, fecit in cælo & in terra, in mari & in omnibus abyssis; & idèd nemini contingit adversitas, sine mea permissione, & iusta ordinatione. Et dixi: Domine tu omnia nosti, tu scis quid expediat mihi. Ecce servus tuus sum ego, fiat mihi secundum verbum tuum. Omnia judicia tua, vera sunt & recta; hunc humilias, & hunc exaltas, quia in

manu tua sunt omnes fines terræ. *Ju- Psal. 118.*  
*stus es Domine, & rectum judicium tuum;*  
*fidelis es & sanctus, in omnibus operibus*  
*tuis. In voluntate tua cuncta sunt posita, Psal. 144.*  
*& non est qui possit resistere tibi. Tu enim Hebr. 13.*  
 fecisti cælum & terram, mare & omnia quæ cæli ambitu continentur, Dominus universonum tu es; propterea in manus tuas commendo Spiritum meum, quia Redemptor meus tu es. Liberator meus ab inimicis meis iracundis, passionibus, & viriis meis; *Susceptor in Psal. 11.*  
*tribulationibus, consolator in angustis multis, quæ circumdederunt me nimis.* Domine patientia mihi necessaria est, patientia defensatrix mea. Dixi patientiæ, soror mea es: paupertati, amica mea; humilitati, Domina mea & Mater Mea. Vos estis omnes dilectæ Domino, & verbis oris ejus benedictæ. Utinam mihi & omnibus servis ejus, tam gratæ & jucundæ, quemadmodum illi acceptæ. Obsecro semel & iterum, ut permaneat nobiscum usque in finem vitæ nostræ; quia securi ad Dominum veniemus, si vobiscum permanferimus.

*Finis de tribus Tabernaculis.*

## DE DISCIPLINA CLAUSTRALIUM.

### CAPITA HUIUS LIBELLI.

**I**n quibus consistit disciplina claustralis.

Cap. 1

De diversis tentationibus & insidiis Diaboli.

2

De vera conversione ad Deum, qui est summum bonum.

3

De obedientia humilis subditi erga Prælatum suum.

4

De custodia cordis, & reditu ad interiora.

5

De custodia oris, & exercitio laboris.

6

De commendatione cellæ & solitudinis.

7

De choro, & divinis officio peragendo.

8

De



## DE DISCIPLINA

<i>De discretione in spirituali exercitio servanda.</i>	9
<i>Oratio de felici consummatione in virtutibus.</i>	10
<i>De charitate Dei &amp; proximi; &amp; odio vitiorum.</i>	11
<i>De abstinence &amp; castitate.</i>	12
<i>De utili exercitio in vita &amp; passione Christi.</i>	13
<i>De commemoratione &amp; invocatione Beatissimæ Virginis Mariæ.</i>	14
<i>De suffragiis Sanctorum sedulo petendis.</i>	15
<i>De desiderio animæ ad cœlestē Regnum.</i>	16

## CAPUT I.

### *De disciplina claustralium.*

**I. 1.** **A**pprehendite disciplinam, ne quando irascatur Dominus, & pereatis de via iusta. Disciplina claustralis, si strenuè servetur, ad magnam perfectionem ducit, ab æterna damnatione liberat, & in cœlesti regno altissimè coronat. Consistit autem disciplina in tribus præcipuè; ut silentium bene servetur, ut divinum officium devotè celebretur; & opus manuum impigrè exerceatur. Ubi disciplina viget, ibi major pax & spiritualis profectus invenitur. Ubi disciplina perit, ibi dissolutio crescit, ibi vitia regnant, & virtutes enervantur. Ubi disciplina custoditur, ibi adest gratia cœlestis, ibi devotio florer, ibi lectio sapit, ibi meditatio dulcescit, ibi oratio fervet, ibi gratiarum actio, & vox laudis resonant, mens jubilat; ibi intellectus illustratur, ibi caro marcescit, & Spiritus elevatur. Qui amat disciplinam, lætificat conscientiam,

## CLAUSTRALIUM.

131

acquirat bonam famam, & adauget sibi gloriam æternam. Amator disciplinæ custodit os suum, quærit secretum, fugit tumultum, vitat risum, diligit luctum, ut inveniat Jesum sibi propitium & amicum. Qui extra disciplinam esse quærit, diaboli laqueos incurrit, & devotionem mentis perdit.

**2.** In tribus locis libenter esto cum fratribus, propter communem disciplinam, in choro ad psallendum, in cella ad scribendum & legendum, in refectorio ad sobriè comedendum & verbum Dei audiendum. Ubique verbum Dei legitur, ibi Spiritus sanctus occultè operatur; qui malos de peccato redarguit, & bonos per spem & consolationem scripturarum confortat, ut ampliùs proficiant, & disciplinam ordinis fortiter teneant. Hinc Paulus admonet dicens: In disciplina perseverate, & tanquam filiis vobis offeret se Deus. Hinc David orat dicens: *Bonitatem, & disciplinam, & scientiam, doce me.* Et alibi multum eam commendans ait: *Et disciplina tua, correxit me in finem;* Et disciplina tua, ipsa nre docebit. Magnum donum Dei est, habere scientiam scripturarum; sed magis præferendum videtur, servare ordinis disciplinam. Hinc summus Magister Christus, docens discipulos suos legem vitæ & disciplinæ, sic ait: *Si hæc scitis, beati eritis, si feceritis ea.* Nam tantò sit quisque beatior coram Deo, quantò ferventior est pro observantia disciplinæ.

**3.** Duo bona prætendit, omnis regularis disciplina; ut statuta diligenter serventur: & negligentes pro culpis suis corrigantur. Devoti & boni fratris est, violentiam sibi facere contra pravitatem naturæ, & sponte se subdere disciplinæ; nec

R 2

aliquid

Disciplina claustralis in tribus.

Ex disciplina quantum boni fructus.

*Psalm. 118.*

*Psalm. 117.*

*Joan. 13.*



aliquid ordinatum præterire. Nam qui amat disciplinam, sapiens est, & ditabitur virtutibus multis. Qui autem odit correptiones, insipiens est, & honore carebit. Considera mores fratris disciplinati, quia non est levis verbis, nec oculis vagus; sed ambulat in timore Dei, & facit opera sua cum diligentia, custodiens silentium, & amans cellæ quietem. Non murmurat, non detrahit, sed Deo omne iudicium committit, & seipsum præ oculis habet; & quæ sibi commissa non sunt, de illis tacet, ut liberior sibi ipsi vacet. Nam nimis insipiens est, qui propria negligit, & alienis rebus se implicat. Disciplinam ergo ubique serva, & erit tibi pax & gloria magna.

4. 4. Omne quod non decet, studeas cavere. Quicquid Deo placet, fac cum alacritate: nec propter hominum displicentiam, infringe ordinis disciplinam. Stulte agit, qui contra conscientiam facit, & Dei offensam propter homines incurrit. Nam qui ordinem suum non servat, per prævaricationem legis Deum inhonorat. Si videris quempiam negligenter agentem, corripe illum ut fratrem, & trahe ad emendationem; sed noli sequi ejus errorem. Nec tantum diligas, ut in malo ei consentias, ne cum ipso cadas & pereas. Quisquis pro ordinis disciplina zelat, & libenter ac grante admonitiones capit, specialem gratiam à Deo obtinebit; & in die exitus sui de corpore, ab auditione mala non timebit, sed cum electis de præmio sui laboris gaudebit, Christo dicente:

*Mat. 25. Euge, serve bone, quia in pauca fuisti fidelis, intra in gaudium Domini tui.*

5. 5. Qui negligens est & dissolutus, Deum offendit & homines; & pejor

est paralytico jacente in grabato, quia iste defectum patitur à natura, & ille vincitur à cordis inertia. Virtuosi sunt passionibus domare, quam demones fugare. Et majoris charitatis est negligentem admonere, quam Eleëmofynam dare. Quem tædet orare, & delectat fabulari, qualis fervor est in illo? Propter nullus. Nam si ferveret intus, vitaret vaniloquia foris. Sed quomodo potest quis accendi ad fervorem spiritus? In faciendo sibi frequenter violentiam contra consuetudinem malam, & tenendo Ordinis rigorem, secundum formam sibi præscriptam.

6. 6. Tepidus semper conqueritur de gravitate disciplinæ, fervidus amplectitur cum hilaritate. Sed dicis; Timeo frangere caput meum, & incurere debilitatem. Quid loqueris tepide & dissolute? Nescis, quid pateris. Times parva, & non times magna? Times dolorem in corpore, & non times gravitatem malæ conscientie? Times jejuna-  
re, times vigilare, times silentium servare, & non times in igne cremari, à demonibus torqueri, & à regno Dei excludi? Vanus est timor iste, de modica afflictione corporis frequenter cogitare; præsentia mala solummodo perpendere, & minus ponderare, quæ æternaliter animam salvant aut damnant. Revertere ad cor tuum, convertere ad Deum qui fecit te; spera in eo, & juvabit te. Si non potes ei servire sano capite, tunc servias ei debili capite; & coronabit te rosis ac liliis suavissimis, cum Martyribus sanctis in cælis, quia sustinuisti dolores & labores in terris. Noli ergo propter modicum corruptibilis vitæ amorem illicita admittere; noli sæcularia solatia querere; separa te ab ineptis fabulis, intende sacris

Studiis;

Fervor  
spiritus  
qui ac-  
quiratur.

In præ-  
posere  
timidos.



## CAPUT II.

De diversis tentationibus, & insidiis  
diaboli.

studii; serva disciplinam, subjuga carnem, imple obedientiam, & salvabis animam tuam juxta Christi sententiam. *Qui odit ( inquit ) animam suam in hoc mundo, in vitam æternam custodit eam.*

Joan. 12.

7. Cum indisciplinato, non habeas familiaritatem; ne discas levitates ejus, & similis ei fias, in confusionem ordinis tui. Junge te religioso morigerato & devoto fratri, ut ædificeris semper in bono. Unus indisciplinatus & verbosus, multos inquietat; & qui eum compescit, optimè facit. Talis sæpe est admonendus & increpandus, ut suas dissolutiones dimittat, & ad devota exercitia se convertat. Nemo se per alium virtuosè excuset, sed de propria salute cogitet; & tempus sibi indultum, fructuosè expendere curet, sicut & Beatus Paulus dicit: *Dum tempus habemus, operemur bonum ad omnes.* Ille ad omnes bonum operatur, qui strenuè servat disciplinam; & cæteris in conventu, dat bonum exemplum. Benedictus ille frater, qui in omnibus se vincere nititur; quia coronabitur pro omni, quod pro Christo patitur.

Galas. 6.

8. Ad tenendam formam spiritualis disciplinæ, Beatus Paulus discipulos suos diligenter exhortatur, dicens: *Quaecunque sunt vera, quaecunque pudica, quaecunque iusta, quaecunque sancta, quaecunque amabilia, quaecunque bonæ famæ: si qua virtus, si qua laus discipline, hæc cogitare; quæ & didicistis, & accepistis, & audistis, & vidistis in me.* Ecce quàm sollicitus fuit Beatus Paulus, pro observantia disciplinæ, & pro bono exemplo posteris relinquendo. Nam maximum meritum sibi in cœlestibus accumulatur, quisquis disciplinam in se & aliis amat.

Phil. 4.

1. **U**Bique diabolus insidiatur bonis & devotis, maximè tamen Religiosis personis, in ordine sub disciplina constitutis. Idcirco primus Sanctæ Ecclesiæ Pastor, Beatus Petrus, fideles admonet dicens: *Vigilate, quia adversarius vester diabolus, tanquam Leorugiens, circuit quærens quem devoret; cui resistite fortes in fide.* Hinc etiam Beatus Joannes in Apocalypsi clamat, præmuniens ad cautelam: *Va terra & mari, quia descendit diabolus ad vos, habens iram magnam.* Siquidem propter excellentiam status Religiosorum deiciendam, diabolus acrius servos Dei tentat, & frequentius eos quàm sæculares impugnat; quia invidet gloriæ sanctitatis devotorum continenter viventium. Scit enim, quod illi alius præmiabuntur in cœlo, qui purius vixerint in mundo. Unde quantò graviores tentationes sustinent (si viriliter resistunt, & seiplos vincunt) tantò gloriosiores erunt apud Deum in futuro, quia fortiter certaverunt.

1.

1. Pet. 5.

Apor. 12.

2. Ex quo diabolus projectus est de cœlo propter superbiam suam; non cessat circuire terram; quærens quem pravis suggestionibus decipiat, & vulneret per delectationem morosam, ad perdendam Dei gratiam, ac secum tandem trahat in æternam damnationem. Et sicut olim tentavit primum hominem in Paradiso, & filios Israël in deserto; ita nunc tentat & persequitur Religiosos in claustris, ut remissè vivant, & statuta sua frangant; Prælati suis resistant, & inobedientes fiant; quatenus hujus-

2.



modi contagiis depravati, cœlestem gloriam perdant, & causam contra eos habeat, unde in iudicio graviter eos accuset. Vigilandum igitur omni tempore, & in omni loco cautè respiciendum, ne desides & inermes servos Dei Satanas inveniat; quia ipse nunquam dormit nec fatigatur, sed à dexteris & à sinistris insidiatur. Desides faciliter capit; & hi sunt, qui parum laborant, & bene comedere volunt. Inermes citò vulnerat; & hi sunt, qui ratò orant & in corde modicum de sacra lectione servant. Foris evagantes, illecebris inficit; otiosè stantes, fabulis connectit; ut opera sua negligant, & alios impedian. Bene etiam agentes à bono incepto revocat; legere vel orare volentes, dormitari facit; surgere conantes, in lectulo tenet.

3. Non est locus in clauistro, quem Satanas, hostis Monachorum, non perlustrat, ut unam saltem oviculam, de grege Christi rapiat & perdat. Quapropter pastor cœlestis, altâ voce cornu salutis fufflat, & ovibus suis ait: *Vigilate & orate, ut non intretis in tentationem.* Ad si dicat; Lupus rapax: circum tabernacula vestra; serpens antiquus, callidè quarit foramen intrandi, ad interiora cordis vestri, ut dentem infigat per iram, aut osculo mulceat per turpitudinem. Vos ergò vigilate animo; & orate corde & ore die ac nocte; quia ab omni parte vobis instat bellum; & nil tutum sub cœlo; & adversarii multi docti ad prælium, mittentes sagittas acutas, & laqueos abscondentes pedibus vestris, ut cadatis in itinere recto, & à sancto proposito recedatis. Sed state firmiter, & pugnatè fortiter pro animabus vestris. Ego Dominus, ero vobiscum. Observate autem eantè, quales vobis imagines ingeruntur, sive

de mundo, sive de carne sint; & claudite ostium cordis vestri, ac signo Crucis vos armate, ne diabolus intret; quia tentare vos veniet, & ad consensum peccati trahere, ut Deum offendatis, & ejus gratiam perdat.

4. O religiosi amici Dei, attendite à callidis & mortiferis diaboli immisionibus, ne moram in his faciatis: sed mox, ut sentitis motus illicitos, mentem vestram avertite, & nomen Domini invocare, dolentes de malo vobis ingesto; & bonam cogitationem de Deo & spiritali materia assumite, & in compunctione sancta vos exercete. Sic autem facientes, fugiet diabolus confusus; & accedent Angeli sancti, vobis in solatium missi, qui confortabunt manus vestras contra aëreas potestates. State ergò in timore Dei, & semper circa initium tentationis vigilate, & orate cum gemitu cordis in spiritu humilitatis: nil grande, nil laudabile de vobis ipsis sentientes, sed fragiles homines & inutiles servos, veraciter vos agnoscetes. Quicquid etiam boni sapitis vel agitis, non vestra hoc industriae & labori, sed divinae gratiae & misericordiae, ex integro adscribatis. 5. Neminem tantum diabolus timet & refugit, quantum humilem & semetipsum despicientem. Et contra nullum tantum praevalet, sicut contra superbum, & de se praesumentem. Cave ergò superbiam, si non vis pati ruinam. Si non vis seduci & supplantari, noli extolli, nec inaniter gloriari. Quamvis in monasterio sis vel in solitudine, non es tamen liber à tentatione, quia Christum diabolus tentavit in deserto, qui erat plenus spiritu sancto. Quamdiu ergò vixeris, oportet te pugnare contra insidias diaboli, & proprias passiones. Et interdum cessat ad modicum

Diabolus de superbis semper triumphat.

Matth. 4.



modicum tempus, hoc facit ad fraudem; ut cum incustoditus fueris & laxus, subito & inopinatè te prosternat.

6. Tentat in choro, ut cum tædio psallas, & parum advertas ad sensum verborum. Reducit ad mentem phantasmata rerum exteriorum, quæ prius vidisti & audisti, quatenus fructum orationis tollat, & chorum tibi in gravitatem vertat. Tentat in refectorio, ut plus vel lautius comedas, aut etiam de aliquo defectu murmures. Tentat in cella, ut pigre labores, aut rariùs ores, vel modicè legas; sed citò indè ex eas & fabulari quæras, & tardius ad cellam redeas. Tentat tempore silentii, ut verbum illicitum proferas; & si loqui licet, mox ad inania & novicia instigat, ut conscientiam macules, & fratrem tuum offendas. Vigila ergò, & ora Deum semper; ut der tibi gratiam contra Satanæ astutias, tam in qui prosperis, quam in adversis, insidiatur omnibus devotis.

## CAPUT III.

*De vera conversione ad Deum, qui est summum bonum.*

I. I. **M**ultæ sunt aversiones nostræ, à Deo summo bono, quia ex propria iniquitate & magna fragilitate, citò labimur ad inferiora & terrena concupiscenda; quæ nos satiare non valent, nec etiam permanere nobiscum. Opus est ergò quotidiana conversione ad Deum, à quo sæpius avertimur ad nos ipsos, inordinatè nos diligendo, aut aliquas creaturas vanè aspiciendo, vel etiam male utendo, & plus de temporalibus quàm de divinis rebus cogitando. Sæpè etiam odimus perverse salutaria, & quæ sunt pro disciplina, & affectamus habere, quæ commoda sunt & jucunda, non atten-

uentes, quid dicit conscientia, & quantum displicet Deo aversio nostra ab ipso ad ista caduca. Et quamvis aliquem justum & bonum scimus, si contrariatur voluntati nostræ, & aliquam proponit restrictionem inducere ex virtute, incipimus ei improbè resistere, & viriliter de eo sentire, & dicimus quod ipsi non sit credendum. Et hic error in plerisque Religiosis invenitur, qui contra beneplacitum Dei, & superioris sui sensum, appetunt prosequi intentum suum, minus ponderantes grave iudicium sibi imminere, si plus quàm oportet, in causis propriis de semetipsis confidunt. Quod ex elatione cordis & agitatione diaboli procedit; qui in spiritu proficere conantes, ad laxationem carnis trahere quærit. Non enim sufficit ad veram hominis conversionem, sæcularis habitus mutatio, quæ unâ die vel horâ fieri potest, sed illa est vera & religiosa conversio, cum quis nititur vitia sua vincere, & magno fervore pro virtutibus instat.

2. Debemus igitur, quantum possibilitas admittit, nos qui religiosum habitum gerimus, cor nostrum ab omnibus materialibus & visibilibus rebus avertere, & ad invisibilem Conditoris nostri faciem contemplandam elevare, & anhelare semper ad cælestia, atque per singulos dies, omnique horâ, imò toties quoties evagatio mentis accidit, pro venia humiliter supplicare, & cum Propheta gemebundè dicere: *Converte nos Deus salutaris noster, & averte iram tuam à nobis.* Quando ita facimus, Deus libenter suscipit preces nostras, & gaudent Angeli sancti in cælo de nobis; quia convertimur ex toto corde ad Dominum Deum nostrum, qui est beatitudo omnium Sanctorum.

2.  
Conversio  
nostra ad  
Deum  
quotidia-  
na sit.

*Psalm. 134.*



3. Sed Satana è contrario conatur, ab hoc summo bono religiosam animam abstrahere, & per diversas occasionēs & tentationes eam impedire; immittitque cogitationes superbiæ, iræ, gulæ, impuditiæ, invidiæ, discordiæ, duritiæ, fallaciæ, blasphemæ, diffidentiæ, pusillanimitatis, inconstantæ, dissolutionis & negligentæ, cæterorumque malorum, quæ enumerate longum est; quatenus à celestium dulcedine, & angelicâ puritate retardetur, & in infimis & vanis rebus diutius teneatur: nec non, ut propter nimiam difficultatem vincendi tentationes, Deum quærere & invocare cesset, & sic tandem omnem spiritualem profectum & laborem pro custodia cordis, quasi ex tædio boni postponat. Hæc sunt opera inimici, à facie Dei cæli projecti. Nam cum ipse totus sit à Deo avertus, machinatur omne malum contra benè agentes, & præcipue, cum orare, & ad interiora se convertere voluerint, atque pro delictis suis deprecari. Heu nequam pessimus, insidiatur callidè omnibus bonis. Nam recte suum per totum mundum subtiliter texit, ac latissimè expandit, Monachos & Moniales, subditos & Prælatos, solitarios & Officiales, circumdat & tentat, ut vel unum pisciculum hamo concupiscentiæ illiciat, & de piscina claustralis custodiæ, ad litus sæculi trahat: ubi per visum & auditum, jocum & risum, aliquo peccati contagio inficiat quatenus nullus sine periculo evadat.

Claustrū  
piscina est  
& veluti  
stagnum  
quoddam

4. Quapropter religiosus servus Dei, vias suas diligenter custodiat, & evagationes tam mentis quàm corporis compescat, ne summum bonum amittat, quod cum infimis teneri non potest, sed mox, ut se abstrahi & impediri sentit, ad

Deum per orationem & contritionem redeat, & cum sancto David oret & dicat: *Oculi mei semper ad Dominum, quoniam ipse evellet de laqueo pedes meos.* Sicut enim peccando, & in creaturis delectando, homo captivatur, & à Deo separatur, sic pœnitendo, ad eum revertitur & sanatur. Nam peccando fit sordidus, frigidus & aridus: sed iterum pœnitendo, orando, & flendo pro commissis, intus mundatur, accenditur, & irrigatur. Et sæpe ad maiorem cautelam & rigorem servandum, per facilitatem lapsus sui, eruditur & solidatur.

5. Ille autem verè conversus est, nec in vacuum nomen Religiosi & habitum portat: qui sæculo moritur & Christo vivere delectatur: qui omnia opera sua & cogitationes, ad Deum finaliter refert: qui honorem Dei & laudem nominis ejus, in omnibus dictis & factis suis, quærir & desiderat, nil de privato amore & proprio commodo cupiens habere, sed semetipsum cum omni bono, quod sit in cælo & in terra, offert & elevat; gratias immensas Deo summo bono referendo, à quo omne bonum creatum descendit & emanat.

5. Con-  
versus verè  
quis?

## CAPUT IV.

De obedientia humilis subditi erga Prælatum.

1. AD bonum subditum pertinet mandatum obedientiæ hilariter amplecti, & nihil de propria voluntate retinere; sed exemplo Christi in manus Dei & Prælati sui, spontè se resignare; quia hoc est gratissimum donum, quod potest Deo offerre. Caveat ergo omnis bonus subditus, ne prælatum suum temerè judicet, nec vias ejus curiosè scrutetur; sed potius ejus dicta & facta, in melius inter-

1.



interpretetur. Et si quædam minùs utilia apparent, & aliqua defectuosa in eo reperiuntur, non despiciat nec arguat eum, sed excuset & piè toleret, & charitativè (si ita convenit) admoneat, aut paternè obsecret per se vel per alium magis indoneum, quia magnum onus super se habet. Sæpius etiam pro eò se cretè oret, ut Deus eum custodiat & confortet, cum nullus sit in tota domo, qui tantam quotidie sollicitudinem pro omnibus gerat.

2. 2. Rarè namque invenitur Prælatus, qui possit cuilibet satisfacere vel placere pro voto. Ideo juvari debet à subditis, & honorari, atque portari ab omnibus, & excusari coram infirmis; qui citò suspicatur, dum ipsis resistitur, & aliquid negatur. Ipse est utique, qui omnes tolerare habet, & in ore omnium ventilatur; cui & facilè imputatur, quod malè gestum est, aut neglectum æstimatur. Sed hoc virtuosorum non est, immò æmulorum studium, qui quærunt in Prælato, quod reprehendant. Non est credendum ei, nec consentiendum, qui superiori suo detrahit, & ad resistendum illi, rationes quærit; nolens acquiescere vicario Christi, qui loquitur ex ore Dei pro salute subditi, sub potestate præsentis constituti. Nam multum superbè sapit, & periculose agit, qui pertinaciter in sensu suo abundat; ut proprium videre, ordinationi Prælati sui præponat; Sed qui meritum sanctæ obedientiæ attendit, & obedientiam Christi & sanctorum vitam pensat, absque mora & mullatione, verbum sibi mandatum implere satagit, nec curiosè discutit, sed etiam, quod frivole sonat, propter virtutem obedientiæ dignanter capit, & ad profectum animæ suæ

à Kemp, De Disciplina Claustralium.

convertit. Hoc enim valde laudabile est & honestum, & inter opera interiora summè meritorium, & conscientiæ propriæ magis securum.

3. Subditorum est humiliter acquiescere consiliis majorum & sine recalcitra-  
tione obedire prælatis. Hoc pro magna sapientia tene, si de propria sapientia nihil habes, & simplicem obedientiam. omnibus rationibus & privatis rebus præfers. Qui hoc facit, Deo placet, & Prælato suo charus erit, qui pro eo rationem reddet. Talis subditus, multum alleviat onus Prælati sui; & providet sibi optimè in futuro, ne sub gravi discrimine cadat in judicio coram Deo. Qui vult summæ profectiōni citò propinquare, studeat ante omnia obedientiam servare. Magna & egregia virtus, simplex & pura obedientia, nesciens tarda molimina; nec parans argumenta, sed implens jussu sine querela. Ideoque magna ei debetur corona, & cum martyribus percipiet palmam; quia certavit fortiter; & subegit naturam, obediendo usque ad mortem. Quoniam quidem fortissimum vincendi genus est, semetipsum perfecte vincere, & abnegare propter obedientiam; quæ monachorum est laus maxima, & omnium religionum corona pulcherrima.

4. O felix & venerabilis obedientia, quam prædicavit & servavit Jesus Christus, Dominus noster, æterna Patris sapientia, dicens: Quia descendi de cælo, non ut faciam voluntatem meam; sed voluntatem ejus, qui misit me. Et cum iret ad locum passionis, ita oravit cum abnegatione propriæ voluntatis: Pater, si non potest hic calix transire, nisi bibam illum, fiat voluntas tua. Hanc etiam promptissimè exhibuit & plenissimè

4. Obedientia summum monachi bonum.



Matth. 26.  
Luc. 1.

plenissimè expressit, beatissima Mater Jesu, Virgo Maria, his verbis dicens ad Angelum: *Ecce Ancilla Domini, fiat mihi secundum verbum tuum.* Sic decet omninò, sic debet niti facere, & etiam dicere bonus subditus coram prælato suo, cum humilitate & reverentia; Ecce pater, sicut dicitis & consulitis, ita libenter faciam pro viribus meis. Hæc namque virtus, præfertur victimis & donis; hæc præterita mala delet, à futuris custodit; pœnam laxat, & ab æterna damnatione salvat. Per hanc fit homo dilectus Deo, & tam familiaris Christo, ut frater ejus esse mereatur. *Quicumque, inquit, fecerit voluntatem Patris mei, qui in celis est, ipse meus frater, & soror, & mater est.*

Ecc. 4.

Matth. 12.

5. O quam pretiosa est hæc virtus in subditis, ut securi coram Deo appareant de culpis sibi objectis. Qui hanc elegit & tenet, recto cursu ad patriam tendit, quam Adam & Eva inobediendo amiserunt, sed Christus & Maria, pro nobis obediendo, recuperaverunt. Hæc sancta & simplex obedientia plus prodest, quam alta doctrina; utilior est, quam potentia; & securior, quam dignitas aut prælatura. Quod si cum scientia & dignitate invenitur obedientia, multum commendanda est illa anima, & magni meriti inter sanctos reputanda. Exemplum perfectæ obedientiæ, claret in Abraham Patriarcha, qui in obediendo Deo, exiit de terra & cognitione sua, ac demum unicum dilectum filium immolare paratus fuit: *propter quod caelesti vice benedici meruit, & pater multarum gentium nominari, atque per omne seculum honorari.* Ad hanc sanè obedientiæ utilissimam virtutem, beatus Paulus hortatur scribens ad Hebræos:

Genes. 12.

Genes. 22.

Heb. 13.

*Obedite (inquit) præpositis vestris, & subjacete eis.* Ipsi enim pervigilant, quasi rationem reddituri pro animabus vestris; ut cum gaudio hoc faciant, & non gementes. Hoc enim non expedit vobis. Hanc sanctam obedientiam, quæ ad salutem maximè est necessaria, commendant veteris ac novi Testamenti plura testimonia, & sanctorum devotissima exempla. Hanc leges & jura dicant, majoribus & Prælati exhibendam, cum humili subjectione & reverentia.

6. Cogitet ergo, cui grave est obedire, & qui sæpius nititur se excusare, aut callidè ab obedientia subtrahere; quales subditos ipse vellet habere, quia utique bonos & humiles, & non rebelles. Igitur studeat jam esse talis ad suum Prælatum, quales optaret habere, si eligeretur ad præsidendum. Discat primitus alteri humiliter subesse, & reverenter obedire; ut dignus sit alios instruere, & utiliter regere possit; ne majori periculo stringatur, si hoc ab aliis exigit, quod ipse minimè impendit. Quomodo enim potest servari status religionis, & regimen domus in claustris, nisi omnes subditi obediant Prælati suis? Nam si omnes regere volunt, & quilibet agere contendit, quod ei placuerit, erit confusio magna, & turbatio frequens; peribit disciplina, & crescet dissolutio, abscedet timor Dei, & libertas carnis regnabit. Ubi enim obedientia non curatur, & Prælatus parum reveretur, ibi bonum regimen annullatur.

## CAPUT V.

*De custodia cordis, & reditu ad interiora.*

1. **Q**UAMVIS de facili homo, ad exteriora sit inclinatus; & libenter

I. Homo nunquam

non re  
deat in  
sele.

Exerci  
quod  
suo te  
pore f

Fugien  
omni  
mona  
cho.

Tener  
const  
ter m  
cho.

Toler  
da pa  
ter.



non re-  
deat in  
sele.

ter capit aliquam consolationem à creaturis ex appetitu sensualitatis; tamen niti debet redire ad seipsum per contritionem spiritus, ne perdat maiorem gratiam intus. Nam efficitur vagus & lubricus, si sequitur affectiones suas, in curiosis rebus videndis & habendis. Igitur semper sta super custodiam cordis tui, & ad interiora tempestivè redi, etiam violenter te compelle intrare ad cordis secretum, quia cum intus non est pax, non erit tibi bene, quicquid foris haueris in terrenis.

2.

Exercitiū  
quodque  
suo tem-  
pore fiat.

2. Mulum valet pro pace & custodia cordis, si exteriora tua discretè ordina-veris, & quædam exercitia spiritualia apud te conservaveris: ut scias quando legere, quando orare, quando operari, quando meditari; quando tacere, quando loqui, quando solus, quando cum aliis esse debaas, ut omnia in tempore suo, cum bona deliberatione facias, & nullo tempore à sancto opere, & pio exercitio vaces. Quædam omninò fugere debes, ut fabulas leves, & sæculi rumores, homines sæculares, mulierum allocutiones, juvenum familiaritates, amicorum visitationes, hospitem salutationes: quia ista distrahunt mentem, & maculant conscientiam; & qui talibus delectatur, ab internis bonis minoratur.

Fugienda  
omninò  
mona-  
cho.

3.

Tenenda  
constan-  
ter mona-  
cho.

3. Quædam sunt fortiter tenenda: ut rigor disciplinæ in silentio & jejunio, in vigiliis & laboribus, ad castigationem corporis pertinentibus: quia nisi corpus sub freno subjectionis contineatur, fit spiritui contrarium, & multas tentationes in anima suscitatur: unde intellectus hominis excoecatur, & fervor devotionis refrigescit. Sunt quædam patienter toleranda: ut defectus temporarium, damna bonorum, vexationes ad-

Toleran-  
da pacien-  
ter.

versariorum, ægritudines corporum, mores imperfectorum, austeritates verborum, subtractiones solationum, & afflictiones amicorum, in quibus homo probatur, & tanquàm in igne purgatur: & si benè utitur istis contrarietatibus, cedent sibi ad magnum meritum æternæ retributionis. Sunt etiam quædam citò respuenda, ut aperta vitia & peccata, Dei præceptis & virtutibus contraria. Interdum aliqua latenter se ingerunt sub specie licitæ dispensationis: quando tamen cupiditas vel tepiditas, agitat negotium ultra necessitatis terminum, ibi cavendum est seductionis venenum. Igitur secundum Sapientis consilium, *Prov. 4. omni custodia serva cor tuum, ne aliquid impurum intret, quod Deum offendant.*

Respuen-  
da illic.

4. Si te sentis aliquo vitio moveri, 4.

adhibe tempestivè remedium: ne diutius differendo, passio crescat, & deterior fiat. Non est vitium tam grave quin curari possit, si vulnus aperiatur, & spiritualis medici consilium requiratur. Sed aliud est scire remedium, aliud adhibere remedium. Multi sciunt, quid agendum sit, quidve cavendum, sed non adhibent diligentiam ad cordis orisque custodiam, idè ex levi occasione rrahuntur ad consueta vitia. In hac vita (quæ tota tentatio dicitur) oportet quotidie certare, & firmiter proponere, & gratiam divinam implorare, donec status hujus lubricæ vitæ & intestini certaminis, fuerit finitus. Non invenitur hic aliquod remedium, quo plenè omnes vitiorum morbi sanentur, ita quod nullus motus concupiscentiæ sentiat, quia hoc futuræ beatitudinis est donum, sanctis promissum. Sed tamen gratiæ Dei juvante, possunt mali motus refr-

Aliud  
scire re-  
medium,  
aliud uti  
remedio.

Concu-  
piscentiæ  
motus  
omninò  
vitari non  
possunt,  
cohiberi  
possunt.



nari, & occasiones peccandi vitari, atque maculae contractae per singulos dies poenitendo lavari.

5. 5. Magnus labor est, cor custodire ab irruentibus vitiis, & non affici ad aliqua sensibilia foris. Aut enim creator te movet, aut creaturas, & secundum statum mentis, moventur leviter corporis membra; & nihil fit in verbo vel opere, quod ex radice cordis non procedit. *Matth. 12.* Bonus homo, de bono thesauro cordis sui, profert bonum; & malus profert malum, ait Dominus. Debes ergo maxime vigilare circa custodiam cordis, & considerare quales cogitationes & affectiones intus geris; ut malas citò respuas, & bonas assumas; ac de utilitate animae tuae, semper sollicitè pensare, juxta illud Prophetæ verbum; *Psal. 118.* Anima mea in manibus meis semper, & legem tuam non sum oblitus. Si hoc fecit David sanctus, & Rex terrenus, curam totius regni possidens; quanto magis Religiosus Deo professus, omnibus curis terrenis neglectis, debet habere animae suae salutem prae oculis?

6. 6. Ad puritatem cordis valdè juvant solitudo, & silentium, studere, legere, orare, meditari, & nil velle scire de statu mundi: quia sæpè plus nocent mala audita, quàm bona profunt in libris lecta. Vix enim reperitur actio tam bona, cui aliquid mali non admisceatur. Et in omni verbo vel facto, adversarius tendit laqueos, ut ab interna vacatione mentem retrahat. Novit quippe cor humanum, quia si non delectatur in bono, citò labitur in malum.

Secessus  
multum  
facit ad  
puritatem  
cordis.]

## CAPUT VI.

*De custodia oris, & exercitio laboris.*

1. 1. **M** Agnam ori tuo custodiam adhibe; *Matth. 12.* Quia de omni verbo otioso,

oportet te reddere rationem. *Qui non refrenat linguam suam,* ait beatus Jacobus Apostolus, *huius vana est Religio.* Nam ex incustodia linguæ multa mala solent provenire; à quibus homo taciturnus, liber est, nec indiget culpam confiteri. Velis ergo libenter tacere, & ab otiosis verbis cavere; quia longa fabulatio devotionem extinguit, dissolutionem generat, tempus malè expendit, conscientiam lædit, & alios offendit.

2. Silentium est antiquum statutum 2. religiosorum; à sanctis Patribus introductum, & cum multa diligentia custoditum. Qui hoc leviter frangit, Deum & omnes Sanctos graviter offendit. Christus dixit: *Sit sermo vester, est, est, non, non.* *Matth. 5.* Quod amplius est, à malo est. Breviter ergo & plane loqui docuit, quando licet; sed quando non licet, tacendum est. Si vis bene servare silentium, fuge publicum, & vade in secretum locum, ut ores: vel ad cellam, ut legas vel scribas. Melius esset, quod legeres unum psalmum vel orationem dominicam, pro peccatis tuis vel amicis, quàm si stares fabulando de mareris vanis. Non est vera recreatio dicenda, otiosi & fabulari; sed magis execratio nominanda, quando opus Dei negligitur, & nugæ recitantur.

Neque otium neque fabulatio recreatio est, sed execratio.

3. Vade ergo ad opus tuum, & labora in vinea Dei, pro denario æternæ vitæ: ne tibi impropere paterfamilias. Quid hic stas totâ die otiosus? Laudat scriptura bene operantem, remunerat Christus servum fidelem, arguit pigrum & negligentem, jubet ab eo tolli gratiam concessam, & dari eam ferventiùs operanti. Veniet namque tempus, quando non poteris amplius operari, nec unum quidem verbum loqui præ

*Matth. 20.*  
*Luce. 12.*

*Luce. 19.*  
Operi vacandum.

Joan.

Luce



præ infirmitate. Hoc debes modò præcogitare, & semper de extrema hora pavere, ne vacuum te inveniatur. Unde Dominus Jesus, discipulis suis dixit: *Me oportet operari opera ejus, qui misit me, donec dies est. Venit nox quando nemo potest operari. Quamdiu in mundo sum, lux sum mundi.*

Joan.

4.

4. Accipe ergò exemplum bona operandi à Christo Jesu, à sancto Paulo, à sancto Antonio, à sancto Augustino, à sancto Hieronymo, à sancto Benedicto, à sancto Francisco, à sancto Dominico, & ab omnibus sanctis Patribus; qui regulas Monachorum scripserunt, & Religionem instituerunt. Reverà multum isti in ordine laboraverunt, & pro vita æterna duriter corpora sua castigaverunt, in jejuniis multis, in solitudine & silentio, in vigiliis & orationibus, aliisque sacris Deo placitis observantiis & laboribus, Domino servientes. Quid igitur? Æstimas quod tu fabulando, & hinc inde spatiando, obtinebis gloriosissimam coronam; quam sancti Dei adepti sunt, sanguinem suum fundendo, nec non gravissima tormenta tolerando? Nequaquam. *Sed nisi pœnitentiam egeritis* ait, Dominus Jesus, pœnitentiam prædicans, *omnes similiter peribitis.* Dura sententia; sed utilis pro emendatione tua, & disciplina servanda. Emenda ergò vitam, & non timebis pœnam, sed gloriam habebis æternam.

Luce 13.

## CAPUT VII.

De commendatione cellæ &amp; solitudinis.

I.

1. Qui cellam amat, & libenter in ea commoratur, à multis peccatis & tentationibus custoditur. Quanto studiosius inhabitatur; tanto plus

placet, & amatur. Quanto negligentius servatur & rarius intratur; tanto magis horretur & fastiditur. Benè illi, qui eam diligit & incolit; quia unctio spiritus eum docebit. Beatus, cui inhabitare donatum est, & qui usque ad terminum vitæ suæ, in ea perseverat.

Solitudinis commendatio.

2. Væ illi, qui levi occasione eam de-

2.

serit, & cui extrà manere placet; quia citò seducetur, & capietur, & lædetur. Multi, quia eam studiosè non custodierunt, per varias occasiones inter sæculi actiones projecti sunt, & malè perierunt. Heu; quod tamdiu in ea perseverare nequimus, donec fructum maturum ex ea percipiamus. Sic se homo deberet tenere, quasi quotidie iturus in sepulchrum. Nam tali homini non est cella fastidium, sed pacis domicilium. Et sicut stabili homini, cella est paradysus; ita vago, carcer videtur & cippus. Bonum tamen est & laudabile, si quis velit ibi propter Deum incarcerari. Nam plures sancti Martyres, propter Jesum incarcerati & vincti fuerunt. Elige ergò spontè ligari, ut Sanctorum meritis possis coæquari. Liget te potius timor Dei, quam ferrum? & charitas magis, quam indicta necessitas. Si non amor, saltem timor Dei te coërceat. Non es malè ligatus, si timore inferni compunctus, pro peccatorum tuorum pœnitentia, te incluseris. Malè ligati sunt, qui corde & corpore, evagari quærunt. Benè ligatus est, qui Deo professus est, & extra cellam ire inclinatus non est. Si vis in ea durare, nunquàm sis otiosus.

3. Acedia & otium, expellunt Monachum verbum de cella. Amans silentium, & operans cum quiete, bonus erit custos cellæ. Si tedium passus fueris,

3.



fueris, pro Christo agoniza, nec patiaris te expelli, ex levi causa. Si manseris stabilis, citò vertetur carcer tuus in paradysum voluptatis. Sancti in carceribus pro Christo detenti, ab Angelis sanctis frequenter sunt visitati, & abundantius consolati. Tu quoque, si te in cella patienter pro Christo clauderis, veniet tibi citò (Deo miserante) lumen cœlitus bonæ conscientiæ, gaudium, & magnum spiritualis profectus lucrum. Qui in cella residet, à multis periculis liber est. Qui foris vagatur, innumeris periculis pater.

4.

Cellita  
boni do-  
tes.

4. Bona cellæ nequeunt sufficienter explicari, sicut nec detrimenta extrâ vagantium. Custos cellæ, custos est linguæ; non audit detractiones, non percipit rumores, non videt vanitates, non trahitur ad levitates. Bonus cellita, aut legit, aut orat, aut gemit, aut meditatur; aut scribit, aut corrigit libros; aut aliquid aliud boni operatur. Bonus cellita, civis est cœli, amicus Dei, socius Angelorum, cognitor secretorum, inspector supernorum, victor tentationum, expulsor dæmonum, bellator vitiorum, contemptor mundanorum, neglector curarum, possessor quietis; obrentor pacis, amator scripturarum, speculator veritatis, gustator puritatis, continuator orationis, collector sanctæ meditationis, & destructor omnis evagationis. Cogita Deum, & te solum esse in mundo, & habebis magnam requiem in corde tuo. Memento, quia Angelus invenit Mariam in camera sua orantem, non foris cum hominibus loquentem. Nam qui appetit cœlestia secreta cognoscere, oportet eum ab hominibus elongari. Sic enim Moyses fecit, qui relictis hominum turbis, mansit solus cum Domino in monte, ut legem

Ant. 2.

Domini suscipere mereretur. Hæc quandoque perlege, ut dulcescat tibi inhabitatio cellæ. Exod. 19.

## CAPUT VIII.

*De choro, & divino officio peragendo.*

1. **C**horus est Dei & sanctorum Angelorum locus sacratus; ubi divinum agitur officium, præsentibus Ecclesiæ ministris cum reverentia & devotione psallentibus. Sicut Angeli in cœlo, sic Religiosi ordinati sunt in choro. Opus Angelorum est, Deum semper laudare; Opus Religiosorum est intentâ mente psallere & orare. Sic sta in choro & canta, quasi in medio Angelorum stares. Recordare dilecti Domini tui Jesu in præsepio jacentis, aut in Cruce pendentis, aut in cœlo ad dexteram Patris sedentis; tanquam coram eo assisteres & cantares. Ipse sit in corde tuo, & in labiis tuis, ad pronuntiandum apertè & distinctè verba Spiritus sancti; cujus ope & arte, divinum officium ordinatum est. Statue Jesum ad dexteram tuam, & Mariam ad sinistram, & omnes Sanctos in circuitu eorum.

2. Omnes fratres tui, sint tibi tanquam Angeli Dei. Et cum quibus nunc psallis in terris, spera etiam te cantaturum in cœlis. Vita pura & conscientia libera gaudet in divinis. Vagus & tepidus homo, cum radio psallit & somno. Si viceris acediam, & cor ab evagatione restrinxeris, viam devotioni paras, & semper in fine gaudebis. Multæ curæ suffocant verbum Dei; & longæ locutiones, faciunt distractionem mentis. Quicquid homo ante exercet, hoc sibi frequenter postmodum in oratione occurrit. Inimicus illuc non vadit, nisi ut zizania superfeminet. Devotus choralis, soli

1.

2.

Finis  
ero off  
qui se  
eat pla

Contr  
tadin  
obrep  
inter  
sanda



foli Deo & sibi intendit ; tanquam in cœlestem chorum translatus & elevatus esset.

3. Finitis his, quæ in divino officio celebrantur, non statim te effundas ad exteriora, ne perdas gratiam, quam consecutus es orando, sed potiùs post vota labiorum tuorum, te recollige, & in majori gratiarum actione, ab omni strepitu solus permane, ruminando quæ audisti cantari. Quid prodest unâ horâ Deum laudare, & altera sæcularia & inania pertractare ? Noli pretiosum fructum orationum tuarum, & laborem divini operis, pro vilibus exponere jocis & nugis. Nam citò perit devotio, quæ non custoditur sub silentii freno.

Finito sacro officio qui se gerat psalter

Contra tadium obrepens inter precandum.

4. Quando autem tedium sentis ex longiori officio, pensa, quia isto finito evolabis ad cœlum. Et si hoc te non juvat, memento, quia levius est tribus vel quatuor horis vigilare & cantare, quàm unâ horâ in purgatorio ardere. Magni quidem meriti est, sacris canonicis horis interesse, & laudes Dei alacriter cum multis fratribus persolvere in Ecclesia sancta. Et si non possumus sine intermissione orare, aut cum perfectis contemplari, debemus tamen certis horis ad hoc deputatis, omnem diligentiam adhibere, ut intente & devotè psallamus. Neque enim in tam sancto opere, tibi ipsi solum proficis, æternam à Domino mercedem promerendo ; sed etiam cunctis Christi fidelibus, & præcipuè animabus defunctis prodesse potes, gratiam & veniam, in quotidianis horis & Missis implorando ; & tanto plenius, quando sæpiùs & ferventiùs, pro omnibus oraveris. Nam & pro quolibet verbo attentè prolato, iusto præmio non privaberis.

5. Quicquid etiam negligenter per-

solvis, indè districtè punieris. Non enim est leve peccatum in præsentia Dei & Sanctorum vago corde stare, & ad sacra verba parum attendere. Heu, quantæ irreverentiæ est, ibi inania dicta vel facta revolvere ; ubi omnibus prætermis negotiis, solum divinis congruit intendere actionibus & secretis ? In hoc cognoscitur verus & internus Religiosus, si in Dei laudibus fuerit ferventer intentus ; si nil cogitare libet aut agere, quàm ea quæ Deo maximè placent, & cum angelicis spiritibus communionem habent. Et hoc est semper orare Deum, scilicet ex toto corde laudare, benedicere, & glorificare ; quemadmodum David in Psalmo dicit : *Benedicam Dominum in omni tempore, semper laus ejus in ore meo.* Qui ergò à Dei laudibus torpescit aut tacet, aut se absentat, non est amicus Dei, nec civis cœli ; quia Angeli semper in laudibus Dei sunt, & voce consonâ, (Sanctus, Sanctus, Sanctus,) in laudem summæ Trinitatis cantant. Qui etiam aves cœli rectè nominantur, quia alarum suarum sonitu, ad cantandum nos hortantur. Inter omnes operationes animæ fidelis, non est tam fructuosus labor, & tam acceptabilis Deo servitus, sicut frequenter devotè orare, & Deum toto corporis affectu laudare.

psal. 98.

Angeli aves cœli.

6. Væ igitur illis, qui Divino amore non calent, sed ad extraneas fabulas se convertunt, qui nec orant, nec alios orare permittunt. Et ubi peccata sua emendare deberent, ibi veteribus malis nova superaddunt. Tales sunt, qui Ecclesiam tardè intrant, & citiùs exeunt. Qui breves Missas diligunt ; & longas epulationes exercent. Qui saturati, lusu- bus delectantur & jocis ; & pro beneficiis Dei,

6.



Dei, breves gratias vix debitè solvunt, eo quod plus corpus quam animam pascere gaudent. Non sic faciat bonus Religiosus Dei servitio mancipatus; sed memor omnium beneficiorum Dei, quæ à sæculo sunt cum Jesu studeat pernoctare in orationibus, hymnos & psalmos canendo, sacras hostias offerendo, & devotis meditationibus insistendo, & cor suum ad Deum semper erigendo.

## CAPUT IX.

*De discretione in omni spirituali exercitio servanda.*

1. **S**ervus Dei, cum discretionis moderamine, omnia agere debet. Stude ergò viam regiàm tenere, ut neque nimis latus ad carnem, nec nimis rigidus per fervorem, corruas ante finem. Si vis stabilem benè vivendi ordinem servare, inter duo extrema, per medium iter incede; ut nihil per arrogantiam ultra vires attentes, & quæ commodè agere prævalet, per inertiam non omittas. Non requirit Deus à te corporis destructionem, sed vitiorum refrenationem. Non exigit aliqua impossibilia; sed salutis tuae utilia. Dat sana consilia, providet vitæ necessaria; ut benè utaris corporis servitio ad animæ profectum, & in nullo excedas discretionis modum. Nam hodie currere, & cras lassum jacere, non est in via Dei proficere; sed seipsum confundere, & profectum impedire.

2. Nunc nihil velle habere, & cras superflua sumere, non est paupertatem diligere, sed cupiditatem fovere. Nunc necessaria recusare, & cras singularia quarere; non est abstinentiam facere, sed gulam excitare. Nunc appositè nolle comedere, & cras de defectu ciborum murmurare; non est abstinentis animæ

signum, sed impatientiæ monstrum. Nunc tam multum legere vel scribere, ut dolor capitis sequatur; non est animam pascere, sed impotentem ad alia bona opera reddere. Hodie nihil loqui, & cras dissolutum fieri, aut silentium frangere; non est zelum ordinis habere; sed multos in ordine scandalizare. Hodie tam altè cantare, ut cras nequeas resonare, aut vix os ad cantandum aperire; non est Deum laudare, sed alios in choro turbare. Quicquid modum excedit, & discretionem non tenet; nec Deo placet, nec diu durare solet.

3. Necessarium est ergò, in omni spirituali actione ad perficiendum opus debitè inceptum, ut communem serves institutionem, & singularitatis caveas notam, atque in dubiis & obscuris causis, superioris sequaris consilium, & cum discretionis moderamine, obedientiam custodias sine fictione. Quod si speciali gratiâ fueris à Deo visitatus, hominem te noveris esse, non Angelum; & carnis sarcinam adhuc gerere, non animæ stolam; datam gratiam recole, non innatam. Cave igitur, ne velis sapere plus quam oportet sapere, sed gaudium tempera timore; nec velis altiora præsumere, ne postea humiliatus desperatione frangaris. Cum exteriùs laboraveris, & necessaria negotia tractaveris, non totus in visibilibus defluas, sed frequenti meditatione, te sursum ad Deum erigas. Pensa, ad quid exteriora ista fiunt & exercentur, quia servum Dei juvare debent, non impedire. Ut autem virtutem discretionis in operando, & donum sapientiæ possideas in vacando; melius hoc impetrabis devotè orando, & humiliter à Deo petendo, quam propriæ industriæ vel labori confidendo.



## CAPUT X.

*Oratio de felici consummatione in virtutibus.*

1. **O** Rote Domine Pater sanctissime, qui omnia in numero & pondere & mensura fecisti, qui famulatum tibi debitum, ab omni creatura rationali vis exhiberi, & præcipue in servis tuis spontaneum servitium diligis & exquiris; dirige actus meos spontaneos in beneplacito tuo, & ad imperium æternæ dispositionis tuæ rebelles motus carnis meæ reflecte, propriasque voluntates ex integro frangere mihi concede. Sic ordina cunctas affectiones meas, ut malas statim ab initio respuam, bonas fortiter teneam, puras diligam, teque sine corporea imaginatione contemplari discam. Sic tempera vires meas & operationes exterius, ut non totus inhaeream infimis: sed semper potens sim me convertere. Sic me conserva in æternorum desiderio, in amore sanctarum virtutum, in fruitione cælestium; ut tu Domine Deus ampliores inde habeas honorem, & ego salubriorem profectum suscipiam. Non mihi veniat ex tua visitatione pes superbiæ, nec me vexet pestis vanæ gloriæ. Non me sinas Satana decipi illusionem, neque falsâ rapti dulcedine, nec privatâ devotione extra communiter recedere, neque immoderatâ frangi exercitatione, sed da mihi cuncta cum discretionem agere, sine solerti consilio nil prætere; cum timore & reverentia majestatis tuæ in conspectu tuo mundè ac libere, sine omni passione & corruptibilem rerum affectionem, incedere.

*à Kemp. Disciplina Claustralium.*

2. Da humilem & quietum spiritum possidere, effusum & immoderatum nunquam esse: nulli quoque creaturæ vitioso affectu inhaerere, sed tibi soli cor meum mundum & tranquillum conservare: ut semper ad cælum mente erectus, & tibi Deo meo secretè intentus, à nulla re visibili capiar, sed verus mundi contemptor permaneam. Sic exteriora, pro loco & tempore, da congruenter perficere, ut nullum interioribus meis sint detrimentum: sed omnis labor & actio pro te assumpta, ad liberius postmodum vacandum, juvamen mihi præstent & ducatur. Omne etiam, quod ago exterius, aut quicquid interius intelligere possum: da mihi simpliciter & pure, pro majore nominis tui honore, & beneplacientioris voluntatis tuæ amore perficere: meque ipsum tibi in omni re desiderabili, aut naturæ contraria, promptè resignare: patienter quoque præsentis vitæ sarcinam quoadusque jusseris, & meæ vocationis terminus venerit, perferre: corpus quoque & animam, tibi Creatori meo, fideliter commendare. Memento mei Deus, in hora extremæ necessitatis: & fac misericorditer cum servo tuo, qui non in meritis meis, sed in tua miseratione & pietate confido.

## CAPUT XI.

*De charitate Dei & proximi, & odio vitiorum.*

1. **D**eus est beatitudo animæ, nec ullo bono creato sit anima beata, nec veraciter sapiens: nisi Deum super omnia amando, & omnia infra Deum ex corde vilipendendo, unde Paulus dicit: *Omnia arbitratum sum ut stercora, ut Christum lucrifaciam.* Charitas nobilis est virtus, &



## DE DISCIPLINA.

ex Deo nata: quæ animam, quam replet, cœlestem facit, & mundo alienam. Charitas odit vitia, damnat delicias, persequitur malum, & vim facit naturæ, ut vincat, quicquid Deo & virtutibus est contrarium. Sicut aqua & ignis contrariantur, sic charitas Dei & amor mundi non sociantur. Quantò magis seipsum quis vincit, & defectus suos emendat: tantò plus amor Dei in eo crescit & carnis affectus marcescit & decrescit. Qui malè se habet, & de hoc non dolet, sed incorrigibilis manet: lædit charitatem, & dissipat bonum pacis. Non est aptus ad concordiam, nisi qui relinquit suos perverfos mores, quibus offendere potest Deum, & secum habitantes. Si vis habere charitatem Dei, & servare pacem inter fratres, frange propriam voluntatem, & nihil age per elationem: sed in omnibus humilia teipsum. Via ad charitatem, est descendere per humilitatem. Nam qui elatè de se sentit, longè à charitate recedit.

2. Sæpè putatur esse charitas, & est 2.  
 Carnalitas  
 fese sæpè  
 obtrudit  
 species  
 charitatis.  
 magis carnalitas. Libenter bibere vinum, & loqui cum feminis, caro est. Laure comedere, & ornate vestiri, caro est. Diu fabulari & parum operari, caro est. Raro orare & frequenter foris vagari, caro est. Ad mensam festinare, & ad Ecclesiam tardare, caro est. Ille veram probatur habere charitatem, qui funditus odit mundi vanitatem, & carnalem fugit familiaritatem. Sancta quippe charitas, non quærit in hominibus solatium terrenum, sed spirituale profectum. Nam animam potius pensat ad Dei imaginem factam, carnem verò ad malum proclivam refugit, ut sibi nocivam. Charitas non debet dici, ubi zelus non

est iustitiæ, nec fervor disciplinæ. Quisquis Deum & proximum veraciter amat, injuriam Dei & animarum damnatum dissimulare non debet. Pax cum virtutibus bona est, cum vitiis verò nunquam; sed semper mala. Ibi est bonus status & pax in domo; ubi defectus emendantur, & vitia citò resecentur.

## CAPUT XII.

### *De abstinentia & castitate.*

1. **S**obrius victus & potus, sanitas est 1.  
 animæ & corporis. Inopia rerum, paupertatem docet amare. Rara virtus, continentia in delitiis. Abundantia temporalium, occasio est jurgiorum, & mater vitiorum. Tuncior est castitas in paupertate, quàm in divitiis multis. Corporalis egestas, medicina est animæ fidelis. Dolor cordis prohibet risum, & timor Dei oculos claudit petulantes. Sicut nocet visus impudicus, ita impedit auditus de inhonestis. Cavendum est animæ sanctæ de corporis propinquatione, quia caro citò afficit carnem. Diligere pulchra, & appetere mollia, non est pro virtute castitatis. Qui autem abjecta & amara amplectitur propter castitatem, potest facilius vincere carnem. Quantò enim caro plus premitur, tantò spiritus plus elevatur. Qui se elongat ab omni tactu corporis, percipiet in anima suavitatem castitatis. Qui diligit solitudinem, purior erit à sorde mundanorum. Qui reputat corpus suum carcerem esse animæ, non curabit illud ornare nec ostentare, quia citò converteretur in lutum & sœtorem.

2. Exteriora hominis considerare, & 2.  
 in pulchritudine vel fortitudine gloriari,

Vitam  
passion  
Domin  
quant  
profie  
medita



vanissimum est & vitiosum. In multa abstinentia & castigatione corporis, conversati sunt sancti; & pro afflictione presenti, receperunt consolationem Spiritus sancti. Non est dignus à Deo consolari, qui in transitoriis bonis delectatur, & de penuria contristatur. Qui patienter sustinet laborem & dolorem in servitio Christi; recipiet plenam mercedem, etiam pro minimo passo. Castitas multos habet impugnatores; sed qui veraciter se humiliant, & Deum adiutorem sollicitè quærunt, ac sensus suos cautè custodiunt, victoriam Christo ducè obtinebunt.

## CAPUT XIII.

*De utili exercitio, in vita & passione Christi.*

I. Vitam & passionem Domini quantum proficit meditari.

I. **O** Primum exercitium & suavissimum solatium, quod in hac vita potest haberi, est vita & passio Domini nostri Jesu Christi; qui tam in vita activa quàm contemplativa, perfectissimè hominem docet sine errore & multis argumentis, quod in aliis scientiis rarè invenitur. Igitur firmissima & tutissima via ad perfectionem, & mentis illuminationem, atque æternæ vitæ introductionem, est conformari filio Dei in omnibus virtutibus & moribus ejus. Disce ergo ad ejus amorem & honorem, cuncta exercitia tua trahere & ordinare; & tanquam præsentem Jesum, in omni loco & tempore attende; & cum multa reverentia & singulari devotione, ad prolationem dulcissimi nominis ejus, caput humiliter inclina, genua flecte; & cum omnibus Angelis & Archangelis & universo cætu Sanctorum, majestatem

ejus atque divinitatem adora, benedic & collauda. Et hoc est Christum, per fidem & dilectionem habitare in corde tuo, oculos mentis ab ejus imaginatione nunquam avertere, ad ejus beneplacitum semper tendere, & nihil ejus amori præponere; sed quicquid boni audieris vel legeris, aut feceris, in ipsum totaliter reducere & finaliter referre; quia ipse fons vitæ, & sapientiæ, & disciplinæ; apud quem non perit, nec minima cogitatio de ejus memoria habita, nec vacua erit oratio ad eum cum gemitu fusa.

2. Conformata ergo te sanctissimæ vitæ JESU ejus paupertatem, humilitatem, patientiam, & contemptum in hoc mundo pro tuo modulo imitando. Pensa qualiter ab initio sanctæ nativitatis suæ, usque ad exitum mortis in cruce, pro te laboravit, pro te sustinuit, & se totum tibi impendit, quod nullus Angelorum, nec aliquis sanctorum fecit; ut meritò super omnia diligendus sit, & sine intermissione recolendus, ac summo cum honore venerandus. Istud Beato Paulo sapuit, super omnem sapientiam & doctrinam, cogitare scilicet JESUM Christum, & hunc crucifixum. Et si alia multa noverat vel legerat, nil tamen ea æstimavit, ob eminentiam passionis & charitatis Christi; quæ tanta est, ut nulla creatura possit ei dignè, vel pro minimo puncto regratiari. Ideoque omnibus postpositis rebus mundi, & subactis carnis passionibus, dicebat idem Deo jam plenus; *Mihi vivere Christus est, & mori lucrum.*

3. O dulce & salutare verbum, nunquam oblivioni tradendum. Quàm felix & sancta anima, quæ hoc dicere

*Ephef. 3. Christum habitare in nobis quid.*

*1. Cor. 2. Phil. 2.*

3.



Meditatio  
in verbum  
D. Pauli.

potest; cui Christus totum est, quicquid vivit, quicquid sapit, quicquid legit, quicquid intelligit, quicquid credit, quicquid sperat, quicquid amat, quicquid cogitat, quicquid loquitur, quicquid boni operatur? Verè vivit, & beatè vivit; cui Christus est omnia in omnibus, & super omnia singulariter dilectus; qui magis in Christo, quàm in seipso manet; nihil de seipso tenens, sed in Christo dulciter ac fruitivè quiescens. Si vivere, est Christo vivere, & hoc est sibi ipsi mori, & à seipso deficere, & maximè lucrari; quia hoc est mortem perdere, & vitam aeternam invenire in Christo Jesu Domino nostro. Talis anima licet adhuc sit in mundo, & carnis nube tecta, & diversis molestiis pressa; tamen sursum mente habitat in cælo, ubi Christus est, in dextera Patris sedens. Ad quem quotidie suspirat, desideranterque tendit; & donec obtineat, laborare & orare non desistit.

## CAPUT XIV.

*De commemoratione & invocatione beatissimæ Virginis Mariæ.*

1. **G**loriosæ Virginis Mariæ, benedictæ matris Jesu, memoriam agere per omnia decet; cujus meritis & precibus quotidie te commendare debes, & ad ipsam in cunctis necessitatibus confugere, sicut filius plagis percussus, ad matrem suam dilectam. Nam dulce nomen Mariæ, fiduciam donat invocanti & nominanti. Et ipsa consequenter, parata est loqui verbum bonum ad filium suum Jesum, pro anima tribulata & miseriam patiente. Nisi enim Maria quotidie, cum Sanctis in cælo, pro mundo oraret; quomodo mundus adhuc

stare posset, qui tam multis peccatis Deum offendit, & tam parum se emendat. Invocanda est ergo Maria, ab omnibus Christi fidelibus, à justis & à peccatoribus, & præcipuè à religiosis & devotis personis; qui continentia propositum tenent, & per sancta desideria ad cœlestia anhelant, & nihil cum mundo habere vel agere volunt.

2. Sed quid petendum est; Primum pete indulgentiam peccatorum tuorum; deinde continentia virtutem; atque humilitatis donum Deo gratissimum, ut semper humilis in conspectu Dei inveniaris, vilisque & abjectus desideres reputari, nec de aliquo bono velis gloriari, ne perdas totum, quod videris habere. Dole, quod tam longè es adhuc à veris virtutibus, à profunda humilitate, à sancta paupertate, à perfecta obedientia, à purissima castitate, à devotissima oratione, à ferventissima charitate; quæ omnia plenissimè fuerunt in Maria matre JESU. Ideo procide ad pedes ejus, sicut pauper & mendicus; ut saltem minimum gradum de his virtutibus obtineas, qui ad summum ascendere non vales, propter desidiam tuam.

3. Quicquid habere desideras, per manus Beatæ Mariæ humiliter roga; quia per ejus gloriosa merita juvantur, qui in purgatorio sunt & in terra. Magna gratia, magna gloria ejus, in salutari suo JESU, super omnes Sanctos in cælo; sed totum pro omnibus nobis, qui degimus in mundo. Securè ergo fidelitati ejus te committe, cujus orationes Deo sunt acceptæ, nil aliud ramen petens, nec quærens, nisi quod ipsi & dilecto filio ejus placet, & salutis tuæ expedit, prout ipsi melius noscunt: Pro

pec-

2.  
A Maria  
quid po-  
stulan-  
dum.

Sancti  
auxilii  
flagitan-  
dum.



peccatis orare, & cor in humilitate custodire, multum placet Deo & Beatæ Virgini. Nam ipsa, de sola humilitate gloriata est ante Deum, & de cæteris tacuit; & quantamcunque gratiam habuit, ab humilitate non recessit. Oret ergo voce pia, pro nobis Virgo Maria: ut digni simus gratia Dei.

## CAPUT XV.

*De suffragiis Sanctorum sedulo petendis.*

I. Sanctorum  
auxilium  
flagitan-  
dum.

1. **S**anctorum cum Christo regnantium suffragia, instanter petere non negligas; quia [sicut cernis] in valle lachrymarum degis, & inter hostes quotidie versaris, & adhuc longè à Deo peregrinaris. Stude ergo cum Sanctis & amicis Dei, tempore incolatus tui, amicitiam facere; & ad eos specialem familiaritatem habere, & hominum notitiam & allocutiones inutiles declinare. Melior est tibi unius Sancti oratio, quam omnium secularium amicorum visitatio. Plus te consolabitur Christus in silentio, quàm longa hominum loquacitas, in convivio & risu multo. Habet iustus internum gaudium, quod non percipit animalis homo inhians terrenis. Si paupertatem & simplicitatem diligis, aderit tibi frequenter Jesus cum Angelis sanctis; & si non manifestè, tamen invisibiliter & occultè consolabitur te in Scripturis.

2. Beatus, qui recreationes suas quaerit, non ab hominibus, sed in lectionibus sacris & precibus devotis, ad bene vivendum, & ad cœlestia amanda, sicut fecerunt Sancti visibilia contemnentes. Qualis unusquisque est, tales etiam socius diligit; devotus devotum, pudicus pudicum, sanctus sanctum, vagus vagum,

dissolutus quaerit dissolutum. Si ergo desideras cum Sanctis regnare in cælo, oportet te multa pati pro Deo, & cum Sanctis humiliare in mundo; quia parum prodest Sanctos labiis honorare, & moribus contraire. Si vis Deo & Sanctis placere, doma carnem, frange propriam voluntatem; certa contra vicia, labora pro virtutibus; inspicere vitam Sanctorum, lege doctrinam eorum; ut cum Sanctis sanctus fias, & à Sanctis erudiaris; per Sanctos adjuveris, à Sanctis exaudiaris, cum Sanctis coroneris. Placet eis frequens gemitus in cælum, dolor pro peccatis, silentium oris, firmum propositum emendandi, desiderium proficiendi: patientia in adversis, gratiarum actio pro beneficiis collatis. Delectat etiam Sanctos, cantus devotus, alacritas in vigiliis, laus psalmodiæ, confessio peccatorum, postulatio veniæ, celebratio Missarum, orationum lachrymæ, & omnis observantia regularis disciplina.

3. Qui ab istis bonis tepescit & recedit, perdit devotionis gratiam; nec est Deo acceptus, nec Angelis charus, sed Deo & Sanctis omnibus contrarius. Nam *qui ex Deo est, verba Dei audit.* Verba Dei libenter legit & scribit; libenter vigilat & orat, libenter abstinet & laborat; libenter tacet & Deo vacat; libenter est in cella & in Ecclesia, nunc istum, nunc illum Sanctum invocando, & flexis genibus gratiam postulando pro passionibus vincendis, pro tentationibus resistendis, quibus adhuc graviter impugnatur; ut eorum precibus gloriosis devotus permaneat, & post huius vitæ agnem ad æternæ quietis mansionem pertingat, ubi omnes Sancti cum Christo



feliciter regnant. Non enim erit frustra petitio coram Sanctis, quæ pia intentione eis offertur ad honorem. Nam qui tam sedulo oravere pro inimicis suis, dum premerentur ab adversariis; quanto libentius nunc orabunt pro suis supplicibus, ut sibi citius valeant associari in cœlestibus gaudiis; quos nōrunt in Dei servitio quotidie laborare, & pro æterna vita multis suspiriis & lachrymis, Christum orare? Dat magnam fiduciam rogandi Sanctos, quod & ipsi fuerunt homines mortales & peccatores, multis criminibus & variis passionibus dudum involuti & gravati; sed per gratiam Dei liberati & iustificati, maximas nunc gratias Christo referunt pro omnibus malis, quæ evaserunt: læti in æterna beatitudine, quam gratia divina opitulante percipere meruerunt.

## CAPUT XVI.

*De desiderio anima ad cœleste regnum.*

I. **U**nicum & singulare desiderium Sanctorum, in hac vita fuit, nihil commune habere cum hoc sæculo: sed per contemptum terrenorum tendere semper ad præsentiam Christi, & consortium Angelorum. Unde & beatus Paulus, vehemens amator Christi, omnia terrena perfectè despiciebat: & ad cœlestia æstuans, dicebat: Cupio dissolvi, & esse cum Christo. Non est omnium tale desiderium, sed perfectorum, qui dicere possunt: Nostra conversatio in cælis est. Nam valde pauci, ita nudati inveniuntur, quod totum affectum suum, ad æterna erigunt: &

de terrenis divitiis & honoribus nihil ambiunt. Qui autem amore Christi accensi, in paupertate & contemptu sui gaudent, atque cor in humilitate deprimunt, & de parvis negligentis etiam strictè seipsos reprehendunt: qui necessaria vitæ sobrie & cum timore capiunt, & potius minus quàm amplius requirunt: hi sunt veri contemptores mundi, & amici Dei, ad patriam festinantes, parati de corpore exire, & ad Christum citius pervenire, non habentes, quod possit eos in sæculo delectabiliter retinere.

2. *Fœlix anima, cui tale desiderium* 2. inest, & per singulos dies fervorem addit fervori: non desistens orare & clamitare ad Christum, donec aperiat sibi porta cæli, & ingrediatur regnum Dei, cunctis fidelibus promissum. O beata patria, ubi perpetua lætitia, pax summa, clara Dei notitia, charitas perfecta; & beatitudo consummata. Ibi melior est dies una, quàm hic mille millia: quia ibi penuria nulla, hic miseria multa, pax rara, cognitio parva. Quid miseri loqui possunt de fœlicitate superna? Quid mortales capere sciunt de æternitate vera & vita sempiterna, nisi sub quadam caligine & scripturarum velamine tecta? Gemat ergo anima fidelis, mundi circumfusæ tenebris, ad gaudia lucis æterna, ad societatem patriæ cœlestis, indefinenter oculum mentis sursum elevans, ubi Christus est, in gloria Patris, per æterna sæcula regnans. Amen.

*Finis de disciplina claustralium.*



## DE FIDELI DISPENSATORE.

## Argumenta hujus Capituli primi.

- D**E instituo Martha, & cujuslibet dispensatoris boni. Num. 1  
 De fideli & prudenti servo. 2  
 Recapitulatio de fideli servo. 3  
 Quantum confert homini fidelitas. 4  
 De fiducia in Deo, tempore paupertatis. 5  
 De liberalitate, & dandi libertate. 6  
 De premeditatione circa operanda. 7  
 De prudentia religiosa, in omni facto. 8  
 Quod prudens, sit sibi ipsi inimicus. 9  
 De passionibus vincendis. 10  
 Quod certis quibusdam horis, vacandum sit Deo. 11  
 De custodia oris. 12  
 De bono exemplo dando. 13  
 De vitandis occasionibus scandalii. 14  
 De non credendis novitatibus, neque referendis. 15  
 De utilibus narrationibus. 16  
 Qui sit vitandi. 17  
 Cum quibus est conversandum. 18  
 De quibus materiis est interrogandum, & colloquendum. 19  
 De revelatione Scripturarum mysticarum, à Deo impetranda. 20  
 De spiritali collatione, seu colloquutione. 21  
 De quotidianis operibus, quomodo fiant. 22  
 De consilio majorum, in spiritalibus considerando & recipiendo. 23  
 De reverentia Prælatorum. 24  
 De cavenda familiaritate cum Prælati-  
 tis. 25  
 De periculo pauperum in officiis. 26  
 De vitandis rebus non commissis. 27  
 De pravia consideratione. 28

De differentia inter sapientiam & prudentiam. 29

Quod necessaria est providentia, habenti curas temporales. 30.

## CAPUT I.

§. 1. De instituo Martha, & cujuslibet dispensatoris boni.

**Q**uia nunc charissime, officium suscepisti Martha, non debes bonum & sanctum ministerium acerosè peragere : sed fideliter propter Christum, qui omnia nobis administrat, & propter æternam salutem tuam, exercere. In quo, de quibusdam necessariis considerationibus, admonendus es. Sic enim beatus Paulus dicit : Hic autem queritur inter dispensatores, ut fidelis quis inveniatur.

§. 2. De fideli & prudenti servo.

**U**nde oportet eum esse fidelem, cui committitur ministerium tale, sed & prudentem nihilominus, ne videatur sæpius errare. Fidelem intellige in commissis, ne res negligat, ne malè custodiat, & ne quicquam, quod utilitati aut communitati prodesse possit, per ipsum depravetur, sed magis pia cura emendetur: Prudentem verò in ipsis rebus, pro tempore & personis, distribuendis. Uno tempore convenit dare, quod alio tempore licet negare. Quibusdam utile est & pium, condescendere in petitionibus : quibusdam verò oportet te magis resistere : quorundam etiam necessitates, charitatis officio, præveniendæ sunt. Si ergo discretè agis, & necessita-

tem



tem pensas in hominibus, prudentiam non abiecasti. Si compateris infirmis, & miseris egenis: quia te ipsum prius considerans, qualiter & aliis charitatem bene facias, charitatem induisti. Talem te cupio, videlicet fidelem in opere, & prudētem in consilio. An non talem servum, Dominus in Evangelio requirit? Quis est, inquit, fidelis servus & prudens, quem constituit Dominus super familiā suam, ut det illis cibum in tempore: Pro te est, si fidelis fueris: quamvis te minus prudentem aestimare debeas, sicut Paulus dicit; *Nolite esse prudentes apud vometipfos*. Et iterum; *Non alta sapientes, sed humilibus consentientes*. Sic enim de seipsis sapientes efficiuntur sapientiores.

Rom. 12.

### §. 3. Recapitulatio de fidele servo.

Quis est autem fidelis servus, nisi qui non quærit, quæ sua sunt, sed quæ Jesu Christi? ut quicquid agit, ejus amore faciat, ejus gloriam tantummodo desideret & expectet, atque ipsius magis, quam suam voluntatem sequatur, & dicat; *Pater fiat voluntas tua, non mea*. E duobus tamen servis, fidelis potius est, quam prudens eligendus, atque instruendus ad negotia. Siquidem fidele servo, nihil charius in domo; & amico fidele, nulla ponderatio est, maximè in consilio. Sed quid aliquem tam fidelem & unanimum facit hominem, secundum cor Dei, cui libere credi possit? Primò utique timor Domini; dehinc dilectio sine simulatione; postremò, nullius terreni commodi quæstus, fidelem servum constituent. Talis erat vas electionis Paulus, cui credita sunt tam multa preciosa, & magnifica secreta. Et ipse fide-

Luca. 22.

Fidelis  
servus  
prudenti  
præstat.

lis inventus est in domo Dei, & prudenter se agebat in omnibus. Unde ita dicit: *Non quærens, quod mihi utile, sed quod multis*. Item: *Non quæro vestra, sed vos: nec quæro datum, sed fructum*.

1. Cor. 10.  
Phil. 4.

### §. 4. Quantum confert homini fidelitas.

Fidelitas ergo si fuerit inventa in homine, reddit ipsum superioribus suis charum & preciosum, æqualibus amabilem, cæterisque Sodalibus suis valde venerabilem & gratiosum; ita ut nemo justam adversus eum habeat quærelam, sed lætentur omnes de virtute fidelitatis ejus. Nōsti aliquos inter nos, & quantæ sint recommendationis, frequenter audis, & gaudenter etiam pertractas. Quæris imitari, ut bonum possideas, quod in aliis laudas, & bene facis; sed melius, dum perficis. Si quando intelligis te deficere, doleres imperfectionem tuam, & velles utique talis inveniri, ut nemo imponeret quærelam servituti tuæ. Ministras enim Dei servis, & ideo formidas, ne sis indignus & inutilis, negligens aut tardus, prodigus aut nimis parvus. Sed si niteris tamen facere secundum tuam possibilitatem, respiciendo semper primò Dei voluntatem, atque deinde proximi necessitatem; erit Dominus propitius tuæ insufficientiæ, quam debes majorem, quam alii putant, in te recognoscere. Nemo securius excusatur, quam qui culpam propriam agnoscens, se humiliat. Etiam si alii excusant, bonitati eorum plus deputa, quam tuæ innocentia.

§. 5. De

Mere  
In eg  
præf  
dum  
liber  
tate.



## §. 5. De fiducia in Deo, tempore paupertatis.

**I**N domo, ubi abundat paupertas, & multi commensales sunt, ubi angustior est via ministrandi. Nec idcirco tamen deferenda est cura pietatis, sed de Dei misericordia confidendum. Unde in Evangelio habes: *Misereor turba, quia jam triduo sustinent me, nec habent, quod manducant: & jejunos eos nolo dimittere in domos suas, ne deficiant in via.* Discipuli dicebant: Dimitte turbam, ut eant in castella, & emant cibum. Sed Jesus respondit eis. Date illis vos manducare, ut probaret eos, quanta esset fides illorum, in tanta multitudine, cum tanta paupertate panum & piscium. Illi desperabant de sufficientia, dicentes: Sed hæc, quid inter tantos? Benignissimus Dominus, quid post hæc dixerit, audi: Facite homines discumbere. Accepit panes, benedixit, iussitque discipulis suis, ut apponerent turbis. Et manducaverunt, & saturati sunt, & superfuit de fragmentis. In hac lectione intueri fidem, quantum valeat; quomodo non est desperandum, sed sustinendum, te non habente, quid apponas. Da quantum potes, & Dominus providebit de futuro. Multum valet fides bonorum in necessitate. Nec franguntur, nisi humana plus, quam divina auxilia sperantes. Exempla fidei audisti ab aliis, sed nunc quid non etiam expertus es? Dico, quod audiavi à fratre probato; quia in quadam domo, cum adessent multi hospites pauperes, laborantes cum cæteris, ponebatur rete ad capiendum aliquos pisces, & tot capti sunt, quot hospites adven-

*à Kemp. de fidei Dispensatore.*

rant. Et considerantes hoc fratres, Deo gratias egerunt, quia tam clementer providerat Dominus.

## §. 6. De liberalitate, &amp; dandi libertate.

**Q**UANDO igitur voluntas tua promptata est, secundum id quod habes. Deo accepta est; non secundum id, quod non habes. Deficiente autem substantia, 2. Cor. 8. excusatio est facilis, dummodo non obstat tenacia aliqua, aut timor penuriae sequentis. Providentia tamen cum sit bona, parcitas nimia ne insidietur, cavendum est. *Date* [inquit omnium dator] *& dabitur vobis.* Quamdiu vel unum panem habueris, dimidiabis cum Christo; nam retribuetur omnibus benefacientibus, *hic & in futuro.* *Dispersit, dedit pauperibus, iustitia ejus manet in seculum sæculi.* In te liberalitas semper agnoscat in timore Dei, cum dilectione hominum, & odio vitiorum. Amplius desideres te benefacere, quam tenere aliquit in crastinum. Qui hodie dedit, cras etiam dabit. Neque avaro [ut ita dicam] datur, quod Christo datur, aut renaci, aut ingrato, aut nescienti, aut obliviscenti, ut necesse sit, de singulis sollicitari sumptibus, & dicere, quis nobis aliàs aliquid redonabit? *Oculi tui* *semper ad Dominum, quoniam non est inopia timentibus eum. Divites egruerunt, & esurierunt inquirentes autem Dominum, non minuentur omni bono.* Spera in Domino, & fac bonitatem, & ne amittas liberalitatem: loquere confidenter ad Dominum cum Propheta: *Oculi omnium in te sperant Domine, & tu das escam illorum in tempore opportuno. Aperis tu manum tuam, & implebis omne animal benedictione.*

Marc. 8.  
In egestate  
presumen-  
dum de Dei  
liberali-  
tate.

Dandum  
est, quā-  
diu quid  
habemus.  
Luce. 6.

Psal. III.

Psal. 33.

Psal. 144.



*nedictione.* Unum adhuc scio, quod grave possit esse danti libenter; si restringitur manus ejus, per obedientiam superioris. Et ne virtutem obedientiae perdas, pensa; quod melior est obedientia, quam victima. Attamen bona voluntas tua perfecte potest implere in paucis, quod optaveris facere in omnibus divitiis. Qui paratus est dare exiguum, cum habuerit parum; non utique tardabit dare majora, cum Domino largiente, ditior fuerit. In modico disce, quod in magno aestimas te facturum. Humanæ fragilitatis est, nimium sollicitari de futuris; nec uti liberaliter posse concessis, miseræ mentis est. Parco semper est inopia, fidenti totus mundus divitiarum est. Vide ergo, ne detrimentum temporale, inferat tibi nocumentum spirituale: sed deficientibus opibus ternenis, non deficiat fides tua; quinimo confidas magnifice, de Dei providentia. Qui promissit cœlestia & æterna, non negabit temporalia. Non tamen semper donat pro nostro libitu, ne simus abundantes in sæculo, & mirus idcirco desideremus, quæ sursum sunt in cælo. In curis temporalibus consistenti, vix potest deesse talis imperfectio, quin teneatur sæpè cupiditate rerum, videlicet, amore possidendi, aut timore eas amittendi. Unde æstimo, quod nemo tam plenariè cognoscit, qualis sit affectus suus; nisi cum res cœperit actitare temporales, & curas habere exteriores. Sed qui in his occupantur, & tamen amorem creatoris præponunt in corde suo defectuosis creaturis, non tam facile ruunt in culpam. Et si se delinquere aliquando in parvoprehenderint, festinent mundare conscientiam.

§. 7. *De præmeditatione circa operanda.*

**A**D eruditionem tuam, habe præmeditationem aliquam prudentem circa agenda. Aliqui sunt tardiores, aliqui quodammodo præcipites in factis suis. Tardi sæpè bona omittunt; aut parum operis inchoantes, non perficiunt. Vivaciores verò, dum inconsideratè currunt, leviter impingunt. Unde in medio semper consistit virtus. Debes igitur servare mensuram possibilitatis tuæ, & cogitare quod solet dici; Multum facit, qui rem debite & bene facit.

§. 8. *De prudentia religiosa, in omni facto.*

**N**Ecessarium tibi est habere aliquam prudentiam, sed humilem, religiosam & verecundam; ne videaris superbus, austerus, & audax, quasi cum auctoritate faciens, vel imperans. Multò melius est, ut obsecrando loquaris, quàm jubendo ea, quæ oportet fieri. Eris prudens, si evitas videri prudens: nam si vis videri prudens, necesse erit, ut hoc aliis foris ostendere velis, verbo aut facto. Quod cum feceris, non potest contingere, quin excedas aliquando mensuram prudentiæ tuæ; ita ut dicas magis ad facta tua vel aliorum, quàm expediat; vel excuses negligentiam tuam, plus quàm justum sit; & per hanc ostentationem, amittes viam veræ prudentiæ, quæ consistit in humilitate maxime.

§. 9. *Quod prudens sit sibi ipsi intimus.*

**E**RIS prudens, si fueris semper proximus cordi tuo. Ibi disce, quod juvet te omni tempore. Ibi constitue tibi mansionem, à facie inimici. Inibi ascende per orationem, lachrymantem ante pedes



pedes Jesu; ut vincas omnem passionem, & fumigantem delectationem mundi & carnis, adversum te. Hæc est via prudentiæ, amare justitiam, & odire iniquitatem: benefacere, & malum pro veritate sustinere: exteriora agere, & interiora non oblivisci: curas ad tempus habere, alienum tamen esse ab omnium rerum blandimento: non sequi trahentem concupiscentiam, sed reductari per virtutem magnam. Non tu eas sequere, sed illæ te sequantur. Tu verò quò vadis? Ad eum, qui misit te; ut facias opera tua omnia in charitate, & custodias ea summa humilitate: hoc enim iter, quo ostenditur salutare Dei. Etenim dicit: *Venite ad me omnes, qui laboratis*. Et rursus: *Ego sum via, veritas, & vita*. Si hucusque veneris, non privaberis spiritalibus profectibus: sed eris sicut liber scriptus foris & intus, similisque patrifamilias proferenti nova & vetera de thesauro suo, dum exteriora agis, & apud altissimum sit cogitatio tua. Quàm simile etiam huic sensui, quod in Psalmo legisti: *Os iusti meditabitur sapientiam, & lingua ejus loquetur iudicium*. Lex Dei ejus in corde ipsius, & non subplantabuntur gressus ejus. Hæc tibi signabis, quotiescunque tumultus ferre gravaris. Nam actio non est causa perturbationis nostræ, sed magis passio.

§. 10. De passionibus vincendis.

**I**gitur circa eas vigilandum est, ne incipiant surgere, & possint prævalere. Quid sic turbat oculum prudentis, sicut frequens ira? quid ita inquinat, sicut concupiscentia? quid ita excæcat, sicut munera, & blandimenta noxia? Ingemif-

cit Propheta adversus passiones istas, & confidens Deo abscondita cordis sui, sic orat: *Domine ante te omne desiderium meum, & gemitus meus à te non est absconditus*. Cor meum conturbatum est, ecce ira pacem tollens: *dereliquit me virtus mea*, ecce concupiscentia vigorem animi molliens: *& lumen oculorum meorum non est mecum*, ecce avaritia munera secum portans, sed oculos veritatis & justitiæ plerumque eruens. Nunc ergo vide, qualiter evadas laqueos venantium, in quibus omnes positi sumus. Nullus alteri objicere potest, quid concupiscis? Ecce in concupiscentia omnes generati sumus. Et quia bellum omni ex parte instat, cauti simus, Deus adjutor noster, & idèò intente oremus. Suavis est & mitis, idèò accedamus. Misericors est & clemens, idèò non desperemus. Potens est & dives in misericordia, propter hoc non deficiamus, sed cum Apostolo dicamus: *Omnia possum in eo, qui me confortat*.

§. 11. Quod certis quibusdam horis, vacandum est Deo.

**S**ic tempera actiones, laboresque æternos; ut tamen orationi, lectioni, ac meditationi Scripturarum vaces, aliqua ex parte diei. Si potes, fiat exemplo Prophetæ in Psalmo: *Vespere, & manè, & meridie, narrabo & annuntiabo, & exaudiet vocem meam*. Considera sequentes versus ejusdem Psalmi, & docebunt te vacare tibi, & sperare in Domino. Nam ultimus sic concludit: *Viri sanguinum & dolosi, non dimidiabunt dies suos; ego autem, sperabo in te Domine*. Nota in hoc versu, quòd carnales & animales terrena sapientes, & interiora

In omni  
passionum  
genere ad  
Deum re-  
curren-  
dum.

Phil. 4.



diffimulantes, non dividunt tempora sua; ut aliquando retractent opera sua, & sciant, quid desit eis. Sed non est talis actio bonorum, qui mensurant thalamos cordis sui hinc & inde; ne fortè in vacuum eurrat. Quàm multi per multa currunt, *sed unus accipit bravium.* Distrahitur sæpè mens in labore, idèò revertatur post laborem, ad unionem sui, quia unio ista multa utilia docet: & hoc est, quod dicitur; unus accipit bravium. Invenies tempus sufficiens vacandi, si nullum indulges otiositati, non solum operis, sed & sermonis & cogitationis. Beatus homo, qui in sui consideratione, sæpè vigilat; ne fortè propter incuriam, de tenebris ad tenebras vadat.

1. Cor. 9.

In summis negotiis etiam invenit homo diligens tempus quo sibi vacet.

§. 12. De custodia oris.

**C**ustodia etiam diligenter verba oris tui, ut dixisse aliquid postmodum non pœniteat. Qui inter multos conversatur, majori indiget custodia; quia ab omnibus considerari potest, cujus conversationis fuerit. Quis ita simplex, ut non discernat, qualiter se habeat aliquis, in opere & sermone? Hoc ideo replico, ut cogites, *quia spectaculum facti sumus Angelis & hominibus;* & ut neminem habeat tam socialem, coram quo minùs honestè & virtuosè te geras. Non des unquam occasionem dissolutionis, per verba rara, vel signa vana: quia generat hæc levitas duplex malum: In aliis exempli boni, in te etiam sancti propositi, dissipatio est. Noli esse fabula hominum, ut aliquis dicat; Hæc & hæc mihi ille recitavit, volens se excusare per te; quasi idèò accusanda levia non sint, quia tu dixeris, qui melior putaris. In hoc multi frequenter delin-

1. Cor. 4.

quimus, quòd nostra errata exemplis aut verbis aliorum justificamus; tanquam nobis idcirco liceat, quia idem & alii faciunt. Credo quòd pluribus sæpè displicet, quàm citò otiosè aut inconsideratè aliquid dixerint. Quomodo auder se homo, per alterius negligentiam, defendere in malo, quando nihil minus per hoc peccat coram Deo? Quare cæcus cæcum sequeris, ut in foveam pariter cadatis? *Bonum amulamini in bono semper,* ait Apostolus: *Et imitatores mei estote, sicut & ego Christi.*

Galat. 5.  
1. Cor. 4.  
& 11.

§. 13. De homo exemplo dando.

**A**tende tibi, ut quantum vales, omnibus sis causa boni exempli, ut in te clarificetur nomen & vita Jesu Christi. Nemo veniat ad præsentiam tuam, quin ædificatus & lætus recedat à te. Tu verò retine apud te, quòd non sis dignus alicujus alloquio: sed magis tibi proficit aliorum visus, sermo, oratio. Cave tamen familiaritatem eorum, qui imitandi non sunt, quamvis in Christo diligendi. Prædixi, & iterum dico; ut taliter ambules, ne fias proverbium hominum, loquentium sibi placita, de quocunque volunt. Non potest quis melius tollere fabulationes levium hominum, quàm ut ipse leviss in verbis & moribus suis non videatur. Benignus tamen, & alacer apparere debes; ne horrore sis, maxime verecundis, & modestis fratribus.

Familiares tibi ne sint, quos imitari non debes.

§. 14. De vitandis occasionebus scandalii.

**N**on stes ad loquendum diu in aperto, aliis laborantibus & occupatis, circa injuncta opera, ne dicatur tibi: *Quid hic statis tota die otiosi?*

Matth. 20.

Non

Rumobus noindulgidum.



Non des occasionem loquendi, venientibus ad fenestram : sed expedit eos verbis benignis & utilibus ; neque cum tristitia dimitte illos, sed cum pace & gaudio, repletos cibo potuque necessario : postea commenda te orationibus eorum, & dic eis : Jam ite dilecti fratres, & agite gratias Deo, & oretis pro me. Si aliquid plus addideris pro eorum consolatione, bene retribuet tibi Dominus. Cum veniunt aliqui in occursum transitus tui, non debet te latere, quin præcogites si justam & utilem potuerint habere causam illuc accedendi, & penes tuum scire, non des occasionem volenti occasionem : unde si te subtrahis talibus, postmodum non lugebis. Semper tamen paratus esto, ad satisfactionem poscenti te : sed otiosi nullum patere apud te, sed fraternè admone eos, ut transeant, quia tibi non vacat. Christus est, qui tibi loqui desiderat. Hoc modo te liberat à superfluis, & illos ad quietem suam, cellæque custodiam inducis. Nihil tamen temerè judices : sed vide, quanta charitas, quàm amica fraternitas, traxit eos ad te. Discretè ergo age in his, ut aliquando audias venientes, aliquando finas transire etiam loqui volentes.

§. 15. *De non credendis novitatibus, neque referendis.*

**E**T quia sæpè diversa percipis, & nova tibi plerumque dicuntur, non facile credas, difficilius ea consequenter aliis dicas ; & multo sit melius, si omnino files. Quid ad te ? Jesum sequere, & sine mortuos sepelire mortuos suos. Hujuscemodi distractionibus & curiositatibus, servus Dei intendere nullo mo-

do debet, sed ædificationi, & custodiæ cordis sui, orando, legendo, meditando, & alia opera sancta in nomine Dei faciundo. In actibus Apostolorum habes, quod Athenienses ad nihil aliud vacabant, nisi aut dicere, aut audire aliquid novi : sed talis usus, nimis damna- bilis sit apud claustrales. Deum præ oculis habentes.

§. 16. *De utilibus narrationibus.*

**S**unt tamen quædam, si referantur ex charitate, quæ ædificant etiam audientes ; sicut denuntiatio alicujus defuncti, petitio suffragii pro tribulato, conversio peccatorum, status devotorum, & alia his similia ; quibus est condolendum, seu etiam congaudendum, prout causæ requirunt. Considerare similiter divina judicia super statum mundi, prodest bonis & electis Dei ad contemptum ejus ; sicut sunt pestilentia, famæ, incendia, præliaque terrarum, & ceteræ tribulationes graves : quibus gloria mundi prosternitur, & delectatio carnis amaricatur. Hæc mala sæpè boni & spirituales, ad profectum suum trahunt ; & per exempla talia, se & cæteros ad compunctionem cordis, ad luctum peccatorum, ad emendationem vitæ, & ad præparationem mortis secum excitant ; quæ etiam in sacris codicibus, & Ecclesiasticis historiis, manifestè leguntur. Sed hunc salutare profectum, plures indevoti & verbosi, aut nesciunt, aut non intendunt ; sed quasi in fabulam deductionis, pervertunt. Unde potes elicere, quod sicut boni & virtuosus ad bonum omnia, quæ audiunt vel vident, conantur inducere ; ita instabiles & vagi, tepidi & dissoluti, hæc



eadem ad suam malitiam exercendam inflectunt. Idèd perspicito, quid sit, quod audisti; & quis fructus esse valeat, ultrà dicendi.

§. 17. *Qui sunt vitandi.*

**P**ropterea noli libenter approximare sæcularibus, neque personis magnis: nec eo etiam convenias, ubi nōsti esse multitudinem presbyterorum; quia statui tuo non congruit, nec officio.

§. 18. *Cum quibus est conversandum.*

**C**um simplicibus & devotis, & benesentientibus de Deo, & consentientibus tibi propter Deum in bono, sit fermocinatio tua, & crebrior sociatio. Et quicumque non concordant cum spiritu tuo, illis cede propter pacem tuam & ipsorum; quia defensor, & iudex noster, JESUS CHRISTUS clarè nos interiorius agnoscit, ante quem humana iudicia sapissimè errant. Si desideras aliquem ædificare, soli melius dicis; quia multis nonnunquam displicet, quod unus vel duo gratanter audiunt.

§. 19. *De quibus materiis est interrogandum, & colloquendum.*

**Q**uestiones in Scripturis noli movere in communi audientia, neque de materiis altis & curiosis libenter loquaris? sed quæcunque sunt humilia, virtuosa, amabilia, devota, & excitativa ad amorem Christi, pacifica, pudica & honesta coram Deo & hominibus, hæc loquere & exhortare. Si verò audieris aliqua difficilia & obscura moveri ab aliis, tace primò, & cogita, quòd sis discipulus Christi, quem non oportet

docere, sed audire humiliter verba seniorum; & cum verecundia & reverentia utilia interrogare, & discere in silentio. Unde Paulus dicit: *Docere autem*

*mulieri non permitto.* Id est, non patiar, quòd insistat aliorum doctrinæ, qui infirmus est, & debilis in virtutibus, & quodammodo adhuc carnalis est, in quo sæpè abundant passionēs superbiæ, iræ, rixæ, gulæ, invidiæ, vanæ gloriæ, & cæteræ pestes cordis, & morum levitates: cui neque est experientia & annosa exercitatio spiritualis vitæ & disciplinæ, sed vana & indevota scientia, & assueta ad non interrogata levis responsio. Istum enim non decet, præsentibus aliis & peritioribus, quicquam loqui, docendi saltem modo. Non dicas ergo opinionem tuam, ne ostendere scientiam tuam cum Helio videaris; qui beatum Job meliorem & sapientiore se ausus est docere, & duriter increpare, ac rationibus compositis ingeniosè vincere: sed Deus sprevit eum, & reprobavit, eò quod superbè & animosè, iusto & sancto viro, se prætulisset.

§. 20. *De revelatione scripturarum mysticarum à Deo imploranda & à proximo.*

**Q**uando autem desideras aliquid obscurum intelligere, & de dubiis certificari, primùm à Domino pete sensum & intellectum illius revelari ad profectum tuum, & pro gloria ejus. Contigit aliquando cuidam, in tali forma Deum oranti; cum se iterum contulisset lectioni, statim ei appetiti ignorantiam ejus: qui consolatus in verbo Domini, didicit habere recursum frequentiore ad Deum, omnia scientem. Tamen rur-

1. Tim. 2.  
Cui non  
liceat in  
seniorum  
consensu  
loqui.

Matth. 1.

Matth. 1.

Joan. 20.

Iob. 30.

Quæ e  
z quo  
cturus  
eccl. al



lus hominis sensus, quandoque à Deo humiliatur, ne capiat verbum tenebrosum, ut non eleuetur cor ejus, & cadat in laqueum diaboli, æstimans se aliquid scire, cum nihil sciat. Et nisi Deus voluerit nobis revelare, nonne tenebræ videntur esse Scripturæ? Ideo secundum consuetudinem sanctorum Patrum, querendum est humiliter à fratre aliquo, ut exponat & declaret nobis intellectum obscurioris literæ. Sic enim discipuli interrogabant Dominum dicentes; *Ediffere nobis parabolam zizaniorum.*

Matth. 13.

## §. 21. De spirituali collatione.

**C**onfert etiam non modicam scientiæ utilitatem, studiosa & unanimis duorum sibi bene consentientium divina collatio. Unde Salvator noster ait: *Ubi duo vel tres congregati fuerint in nomine meo, ibi sum in medio eorum.* Et alibi: *Dum hac autem adhuc loquerentur stetit Jesus in medio discipulorum suorum, & ait, Pax vobis; & cætera,* quæ de resurrectione ejus plenius leguntur. Amor ergo in divinis scripturis commendabilis est, per quem & carnalia & otiosa tantò celerius vitamus, quanto major est in nobis. Senties in operibus tuis effectum meliorem, si divinæ scientiæ fueris speculator, & impiger imitator.

Matth. 18.

Ierem. 20.

## §. 22. De quotidianis operibus, quomodo fiant.

**C**um opus tibi videtur, ut aliqua necessaria procures, vel etiam quædam ad meliorem durationem reformes, fac in Dei nomine sine multa quaestione, & eris liberior à retractione eorum, qui contra dicere potuerint. Ex quadam levitate quidam oppositionem fa-

Quæ ex  
quo fa-  
cturus es  
cela alios.

ciunt, & nescio qualem probationem in aliis quærunt. Qui ergo silere scit & facere, sapientem viam tener. Hæc in quotidianis & levibus, observanda puto. Decet tamen fratris alicujus verba patienter audire; & propter virtutem humilitatis dicendam, sequi interdum inferiorem: sed non semper, cum putatur fieri aliud magis inconveniens; quod bonæ & puræ conscientie melius relinquo, quam imperitè consulam.

## §. 23. De consilio majorum, in spiritualibus causis considerando &amp; recipiendo.

**D**e spiritualibus & majoribus causis, Superiorum primò est voluntas consideranda; deinde ipsorum, si dubitas, requirenda sententia; ut quicquid judicaverint, pro meliori accipiat consilio. Si non acquieverint, vel satisfecerint interrogationi, expectanda est responsio, fortè maturè se deliberant, perspicientes alia æquè ibidem concurrentia, vel obviantia ut non tam facilis & certa possit solutio dari. Postquam semel aut bis sanè intellexerint negotium quærentis, non expedit nimis insistere ad informandum eos, ne generetur aliqua gravitas aut molestia ab utraque parte. Quietius est ergo amodò tacere, & aliud consilium quærere, sicut sanctus ait; *auxilium meum à Domino, qui fecit calum & terram.* Cum desunt humana, divina sunt inquirenda suffragia, ut effectum concedat salutarem causis necessariis. Sed præcave tibi, ut quantum minus vales, importunè aliquid postules; & dum sentis parum proficere petitionem tuam, noli vexare te per aliquam impatientiam, sed recordare; O felix patria, sanctorum replens desideria, & miseriorum nesciens gravamina.

Psal. 120.

## §. 4. De



## §. 24. De reverentia Prælatorum.

**C**oram senioribus exhibeas te verendum & morigeratum; & nihil temere in verbo aut opere à te percipiat, sed humilitas & simplicitas. Semper senioribus reverentia deferatur, & honor: sive dignitate prælationis, sive auctoritate officii, sive ætate temporis, & conversatione venerabiles fuerint, humili corde exigeris reddere debitam subjectionem, & beatus si impleas eam, & devotè veneraris Prælati tui præsentiam.

## §. 25. De cavenda familiaritate cum Prælati suis.

**Q**uorum tamen societatem declinare debes, ubicunque aptè, & quotiescunque licitè potueris; quia multis fuit nocivum, quòd parvam reverentiam coram senibus & Prælati suis habuerunt, & seduxit corda parvulorum & expertorum talis consuetudo. Ideò sapienter facit, qui magnorum hominum notitiam, & Prælatorum familiaritatem devitat; quia non bene decet, nec ædificat intuentes. Neque hoc ad subtrahendum quicquam sanctitati illorum dicitur: sed ad cautelam novitiorum & simplicium, proponitur. Quidam ex familiaritate nimia & alloquiis magnorum, audaciùs se rebus & negotiis altioribus immerferunt: quod forsitan non fecissent, si liberiores erga superiores suos non fuissent. Etiam aliquando cæteris fratribus se præferentes, putabant se aliquid esse: sed in fine decepti sunt, quia hominibus & non Deo placere voluerunt. Proinde utile juvenibus est, & novis palmitibus expediens, propter futuras occasiones mali,

nunquam talia quærere, quæ spectant ad superiorum gratiam, & familiaritatem minùs cautam, sed humiliora & simpliciora loca & officia exquirant sibi, gaudentes in abiectione omnium pompæ mundi, & quòd ignoti & parum habentur in oculis hominum reputati. Verùm non est parvus fructus spiritualis gratiæ, quando se homo ab omni temperat propter Christum, amicorum inclinatione, & ejus appetit solummodo gratiam, qui confortat pauperem, & exulem consolatur in abscondito.

## §. 26. De periculo pauperum in officiis.

**C**avendum est pauperi, ne efficiatur præsumptuosus & audax, & obliviscatur paupertatis & inopiæ suæ, in qua natus est. Melius illi esset, si semper vitam in egestate duceret; quàm post paupertatem, in terrenis substantiis superbiret. Maledictum sit aurum & argentum, & omnis pretiosa substantia desiderabilis visu pereat, quæ pauperem & simplicem, ad superbiam & mentis cecitatem perducit. Verè infelix homo, qui in terra sibi nomen invenit, & laudem fini suo posuit. Quid tam metuendum pauperi & inopi, sicut exaltari & prædicari? Multi quando latebant, Deo vivebant: quando nesciebantur, Deus illos visitare dignatus est, & tanto familiaris, quanto minùs sociati erant hominibus. Sed dum ad negotia temporalia pervenissent, hinc inde dissipati, non potuerunt cogitare quid fuissent; & aliter his contigit, quàm putassent. Absconde ergo charissime, modicum te ad momentum; & vide quid prodest omnis labor hominis, & operatio multa sine fructu. Fructus est sanctitas, & puritas cordis,

ple.



plenitudo dilectionis, delectatio in operibus bonis, finis verò vita æterna est.

§. 27. *De vitandis rebus non commissis.*

**O**bserva quoque cautius, ut de ordinatione majorum, aut fratrum consilio, non multum adjicias tibi, aut de qualibet re, quæ non est tibi commissæ; quia non parvi periculi est, rebus ad re non pertinentibus, aliquo modo conscientiam occupare. Quisquis curis multis se interfecerit, seipsum lædit. Qui verò unum, quod super omnia est, solummodò quærit, in pace multiplex erit conscientia ejus. Potes teipsum inquietare talibus, & proficies nihil. Ad tuum conceptum rem quamlibet habere, erraticum videtur & impossibile. Noli igitur errare, quia error finem non habet, id est, perfectam consummationem. Si vis esse bonus, & perfectus servus Dei, non tuam, sed Dei opta in omnibus voluntatem. Ejus sequere animo humili ordinationem, & omnia tibi parebunt; nil etiam tuæ disconveniet voluntati, sicut scriptum est: *Ordinatione tuâ perseverat dies, quoniam omnia serviunt tibi.* Dies est homo justus, propter lucem veritatis & justitiæ; quæ illuminatur à sole Christo, scilicet ad videndum ordinationem omnis æquitatis ejus. Ille ergò perseverat ordinatione Dei, hoc est, mente constans est & immobilis super omnibus, quæ ei contingere possunt, ferens cuncta æquanimiter: quia ab illo procedunt, ejus nutui omnia subsunt & obediunt. Noli in isto vel in illo, tuam velle impleri voluntatem vel electionem, quæ sæpè proprietaria est & injusta, sed dic: Sicut Dominus voluerit, ita fiat; nam ita fieri, me-

à Kemp. *De fideli dispensatore.*

lius est. Quicquid etiam per servos suos instituerit, pro bono fit, & inde lucet servus Dei bonus; quoniam omnia in bonum accipit, sciens, quia consummatio perfectionis est, alienatio omnis propriæ voluntatis. Rariùs ergò statue tibi consilium tuum, & firmiter non ponatur in animo, quod est incertum, an fiat vel fieri expediat; quia in rebus cunctis, finis inspiciendus est. Et quæ ad bonum finem dirigunt, laudem habent, non quæ in facie apparent: nam ignota sunt plerumque talia, quamvis probabilia foris videantur.

§. 28. *De prævia consideratione.*

**I**dcirco sapientes & eruditi viri, res quaslibet intuentur à longè, & longanimiter expectant, rimantes tacitè, quis sit finis intenti operis; ne festinantia rem confundant, & præcipitio corruant. Providentia namque regitur status sapientis, & actio ejus universa (si plena sit oculis) erit probatissima & stabilis. Ipsius est rerum causas, puta initium & finem debitum, discernere; & quæ sint agenda, quæ etiam vitanda, semper prævidere, ne inconfusè fiant. Si quis indiget sapientia, *postulet à Deo, & dabitur ei*, si utilis ei esse possit & expediens: aliàs illam desiderare non debet, quia damnabilem rem exoraret.

§. 29. *De differentia inter sapientiam & prudentiam.*

**S**apientia tamen cœlestium rerum magis videtur esse, prudentia verò seu providentia ad temporalia negotia congruentius spectat; quia cœlestia & æterna sapere potius jubemur, temporalia autem omnia in transitu habere docemur.



mur. Unde licenter conceditur usus necessarius bonis & sanctis viris proponendo viatico. Sed non in omnibus cernitur tantus divinæ dilectionis radius, ut quod dignitate & elegantia mentis proponunt, hoc exerceant avidius. Norunt sancti, quod hæc ima præsentata supernis, sint abjectissima: nec pretio laudis alicujus ducenda. Itaque quodammodo assimilantur caducis, qui caduca perunt & privantur gloria celestium, qui satiantur temporalium. Quæ omnia prudens dispensator debet animadvertere; & ne terrestrium rerum rerum distributione dispergatur nimium, bonis sempiternis suum renovare cordis palatum studeat. Tantoque libentius (dum illi vacat) immoretur superis, quo magis constat, quod gravis est & periculosa omnis cura temporalis, quæ divinis non revelatur sustentamentis.

§. 30. *Quod necessaria est providentia, habenti curas temporales.*

**E**get quippe majori providentiæ luce, qui inter temporales curas, tanquam inter vitæ tenebras versatur; & illi bonum est, si tantummodo rebus mutuatus, non alligatus corde, externa ministret. Laudabile satis, si in negotiis sancto non desit otio, si curis ad tempus pro fraterna causa intentus, nihilominus inveniat meditatione æternorum & contemplatione suspensus. Qui enim sanctæ Mar-

thæ fideliter implere negotium satagit, beatissimæ Mariæ dignus habebitur aliquando dulcedine foveri, & consolationis divinæ, & allocationis silentio immorari. Quo ille rectè censetur aptus, cui jam fraternæ necessitati servire placet, & Christi tantum dilectio super omnem temporalem curam amabilis, in intentione præcipua est. Non sicut is, cujus foris videtur ministratio; sed ab intus non ardet vera dilectio, & intentionis non lucet pura simplicitas, & simplex puritas. Sua enim commoditate, perdit lucrum charitatis; & libitu proprio, destituitur à Christi beneplacito. Nam omne quod agitur, si in veritate & puritate non manserit, in interitum vadit & evanescit. Tetigi paululum boni dispensatoris necessarium institutum, qualibet sibiipsum debeat etiam intentus & præsens esse, nec rebus exterioribus variisque negotiis totaliter inhiare; quinimmo eligat secundum affectionem suam cordialem, nullis implicari curis; sed insistere (quantum opportune concessum fuerit) studiis theoreticis. Verumtamen quisquis per divinam voluntatem tanquam servus à Domino fuerit advocatus, ad faciendum opera misericordiæ, impleat mandatum obedientiæ, & ne declinet ad propriam nimis quietem: sed magis offerat se per bonam & promptam voluntatem, ad serviendum Deo viventi, in sæcula sæculorum. Amen.

Externis rebus impeditus subinde redeat ad sese.

Luc. 12.

Luc. 10.

2. Cor. 3.

1. Pet. 1.

## CAPUT SECUNDUM.

*De ministerio Martha, & otio Maria, & de concordia convenientia ad invicem.*

Argumenta hujus capituli.

*De comparatione Marthæ ad Mariam, id est, activa ad contemplativam, & quod*

*utraq; laudabilis, nec altera ab altera separanda.*

*De opere Marthæ.*

§. 1.

2.

De



De opera Maria.

De admonitione Martha.

De consolatione Martha.

De admonitione Maria.

De inreparatione tepida Maria.

3. purum & absque terrena mole cor suum
4. præparet, ut cœlestibus desideriis accensa,
5. quandoque mereatur introire cum
6. ipso, ad inconsuetâ dulcedinis ejus
7. gaudia.

## §. 3. Opus Maria.

§. 1. De comparatione Martha ad Mariam, id est, activæ ad contemplativam, & quod utraque laudabilis, nec altera ab altera separanda.

**Q**uamvis eligibilior pars Mariæ sit & suavior; tamen beatæ Marthæ sororis ejusdem pars laboriosa, laudabilis est, & Deo accepta; sicut per seipsum Dominus ait in Evangelio: *Si quis mihi ministraverit, honorificabit eum Pater meus, qui est in cœlis.* Ministrare specialiter spectat ad Martham, sicut vacare ad Mariam, non tamen debent istæ duæ sorores ab invicem separari, nec debent de statu suo contendere: sed magis studeant pariter Christum hospitio recipere, ut in omnibus possint perfectè stare, & quotidianis proficere virtutum augmentis.

## §. 2. Opus Martha.

**M**artha serviat, laboret, atque provideat bona coram Deo & hominibus, ut sorore ejus Maria liberiùs vacet divinis. Nec murmure contra sororem suam, quod eam solam reliquit ministrare: sed potiùs adhortetur, ut in quiete & silentio se teneat, & nullis se mundi occupet negotiis: sed Jesum semper præ oculis habeat, *in quem Angeli prospicere concupiscunt.* Audiatque eum, & miretur de verbis gratiæ, quæ procedunt de ore ejus: atque talem se exhibeat, ut digna sit auditu divino, Tam

**M**aria verò sorori suæ compati debet, & sæpius Dominum orare, ut dignè & devotè valeat ministrare sibi & aliis, necessaria hujus vitæ; ut patiens sit in adversis, fidelis & prudens in omnibus negotiis suis: atque sic exteriora moderetur & ordinet, ut seipsam interiùs non omninò negligat: sed cum tempus occurrerit, exemplo suo, ad vacandum sibi paululùm, in secretum secedat. Nec sibi soli & Deo vivere, magnum & gaudiosum reputet, sorore relictâ sub sarcina: sed pio considerationis oculo, ejus memor sit apud dilectum suum, nec non consolationis verbo, quantum valet, sublevamentum deferat. Memento Maria, quia non vales liberè vacare, nisi Martha voluerit pro te laborare: & nisi illa exteriora disponderet, tu minùs lucidè interiora videres. Utilis est tibi sororis tuæ sollicitudo, ut non perturbetur tua desiderabilis solitudo. Ne ergò velis sororem tuam contemnere, aut judicare minùs sanctam, quia occupatur rebus transitoriis vilibusque materiis; magis autem hoc cogita, quantum tibi in humilitate servitutis suæ, præstat contemplandi occasionem. Quæ licet exteriora procuret, dispense, & custodiat; alia tamen habet in intentione cordis, quæ principalis amat. Nam Jesus Christus utique est finis, pro quo intantum laborat, propter quem etiam sibi parcere à manè usque ad



vesperam non refugit, ut alii fructum spiritualem ex hoc majorem consequantur. Dilige proinde sororem tuam, & defer ei compassionem, orationem, reverentiam, & excusationem. Si quid minus potest in spiritali conversatione, hoc tu supplere desidera, per sancta & devota exercitia tua. Non tamen ex te illud præsumas, aut de te plus quam oportet sapere velis: sed Dei gratia te exhortante interius, bonum charitatis tuæ studium in hoc commenda, quia omnia bona opera tua ei communicare debeas, quæ plura impedimenta devotionis habet, quam tu. Soror enim tua est, & illi debes, quicquid boni apud Deum habere vales.

§. 4. *Admonitio Marthæ.*

**A**udi iterum & tu Martha, quæ sollicitaris circa frequens ministerium. Cave ne turberis in opere, & ne deficias in tribulatione; quia satis abundanter & causarum tumultus advenient tibi, & adversitatum contra te varietas non deficiet. Beata eris, si omnia patienter accipis, & cum gratiarum actione, à Deo esse bona & mala, salubriter sentis. Semper igitur tibi opus est patientia, atque prudentia; ut per patientiam mala superes, & per prudentiam aliis bona misericorditer impendas, quamvis sint etiam ingrati. Attende tu, quibus servias, & quâ mercede laboras. Nonne Christus est, cui te totam contulisti? Ejus Martha es, & ejus voluntatem facere debes, ne offendas, & pecces. Potens est Dominus tibi dare gratiam majorem, & ostendere etiam gloriam suam; ut quæ tam sedulo & devotè ei ministras in mundo, tandem juxta eum recumbas in regno ejus.

§. 5. *Consolatio Marthæ.*

**E**ja Martha, magna erit merces tua in cœlo, tantum esto fidelis in ministrando. Propterea, servi, fer curam, præpara quæ opus sunt ad vitam istam, sive in coquina, sive in braxatorio, & cellario, sive terendo semina, sive molendo sinapis, sive alterius generis grana. Opus si vile est, tamen premium vitæ æternæ est. Quicquid enim expendis in usum fratrum Christi, reddet tibi justus iudex in die judicii. Quando omittis propriam voluntatem & utilitatem aliquam, seu quando postponis spirituales lectionem propter aliorum necessitatem; tunc emis à Christo hereditatem æternæ vitæ, & ille fit tibi pretiosum & firmissimum pignus solutionis æternæ gloriæ. Unde Patri sic dicit: *Volo Pater, ut ubi ego sum, illic sit & minister meus.* O Martha, multa potes operari opera bona, si sis voluntaria & parata. Egent servitio tuo servi Christi, & sine tua cura non sunt in Deo liberi. Si tamen vis esse meritorium opus tuum, fac ex animo bono, & non cum tristitia, neque cum tædio. Magnam potes exercere charitatem in fratres, magnam etiam generare lætitiā, dum esuriunt & sitiunt, nec habent quod manducant; & tu subvenis necessitatibus eorum, apponendo ea quæ Dominus concessit infirmitati corporis humani. Attende, quid Isaac Patriarcha dixerit Esau, filio suo. *Tolle (inquit) Gen. 27. arma tua, pharetram, & arcum tuum. Cumque venatu aliquid apprehenderis, fac mihi inde pulmentum, ut comedam, & benedicat tibi anima mea.* Similiter benedicet te ô Martha, quicumque recreatus fuerit cibo & potu, in nomine Christi



Christi per ministerium tuum : nec erit tantum benedictio tua temporalis quædam retributio, sed potius æternæ hereditatis firma perceptio.

§. 6. *Admonitio Maria.*

**A**lloquenda est iterum soror Marthæ Maria, ut domi sedeat ac mediteatur, ut columba, verba cœlestia. Tanto affectu quæ æterna sunt cogita felix Maria, tam suavi gustu sapiant tibi interiora bona, ut minus cures exteriorum indigentiam. Minimè quoque contristeris, si datur quandoque minus, si sapiat minus, si præparetur tardius, si quid aliud defectuosum fuerit in Marthæ manibus. Non enim parum ipsa ædificatur, quod tam sustinens videaris in necessitate: nec erit ei alio tempore onerosum meliorare, cum Dominus donaverit, considerata patientia tua in tempore, quo non potest. Quando tu fueris patientior, benignior, & quietior; tanto sorori tuæ fit omnis labor levior, & occupatio tolerabilior. Considerat namque fructum spiritualis incrementi ex te, & consolatur non modicum in suo opere, quia pascere spiritu magis quam carne. Ipsa etiam gaudet eoram Deo, quod tam facili contentaris ministerio, ne gravetur supra modum: sed parcis labori ejus, ac vacandi orandique indulges largiùs tempus. Satis reprehensibile esset, ut cum quietis iter ambulare deberes, molesta fias etiam laboranti.

§. 7. *Increpatio tepida Maria.*

Maria est  
Christo vi-  
cina, tamē  
alicubi re-  
prehensi-  
bilis.

**I**N omnibus exhibe te mitem, patientem, devotam, terrena non curantem: sed Deo unitam, & ejus contemplationi crebrò intendentem. Alioquin quomodo locum impleas Mariæ, si non

invigilas quieti & custodiæ tui? Aut non æstimas esse onus gravis Judicii habere tantam providentiam in temporalibus, & minus vacare studiis spiritualibus? Time ne auferatur pars tua à te, propter ingratitude tuam, & detur sorori tuæ facienti fructus bonos. Quæ hujusmodi est, non dignè fungitur sancto otio Mariæ: sed expelletur ab omni mox spirituali dulcedine, ex justa ratione. Sed mirum fortè videtur, quomodo aliquid reprehensibile de Maria sentiri possit, quæ à Christo laudari cognoscitur. Hic sciendum est, quod multi in loco Sanctorum stant, qui tamen conversatione suâ multum à Sanctis distant. Multi etiam nomen Religionis habent, qui tamen adhuc sæculari vitâ torpent. Multi foris quiescunt ab occupationibus ex officio commissis, qui nondum tamen conquiescunt ab externarum rerum concupiscentiis. Ex quadam enim infirmitate spiritualis fervoris provenit totum, quod plures in quiete videntur positi: nec tamen ut dignum est, sibi vacare nituntur. Ideò [ut tactum est] in loco Mariæ hujusmodi sectatores negligentia redarguuntur, tanquam ab igne Divini amoris alienati, & in devotione tam remissi. Sed quæ vera est Maria, sectatur semper Jesu vestigia, & dicit cum sponsa: *Sub umbra illius, quem desideravit anima mea, sedi, & fructus ejus dulcis gutturi meo.* Hæc pauca de ministerio Marthæ, & otio Mariæ si considerata servantur sollicitè, fiet ut post præsen-

Cant. 2.

tes labores, reddatur nobis fructus dilectionis, cum corona justitiæ.

Amen.

X 3

CAPUT



## CAPUT TERTIUM.

## Argumenta hujus Capitis.

- De commendatione Martha, & fidelis dispensatoris. §. 1  
 De abnegatione sui. 2  
 Declaratio literalis illius Cant. Intro duxit me Rex in cellaria sua. 3  
 Qualiter teipsum consolaberis in Christo. 4  
 Duæ interrogationes. 5  
 De spirituali intellectu super eodem verbo. 6  
 De aspiratione ad cœlestia. 7  
 De spirituali esu & potu, de cellariis Christi. 8  
 De hilaritate vultus, & promptitudine ad externa opera charitatis, post gustum divina suavitatis. 9  
 Quis sit aptus divinis colloquiis. 10.  
 §. 1. De commendatione Martha, & fidelis dispensatoris.

Labor nobis levior collatus; cum exemplis antiquorum ex sacris literis.

**I**nveni adhuc aliquid suave in scripturis sanctis, quod te [ ð Martha ] delectet in officio tuo. Tunc enim opera nostra, leviora fiunt nobis & dulciora, si confirmationem trahant ex eloquiis sanctis, atque imitationem demonstrent justorum præcedentium exemplis. Vilescere possent fortè opera pietatis, apud non intelligentes virtutum merita, nisi forent à beatissimis hominibus magna cum devotione continuata. Magnus quoque honor est, & nullius erubescentiæ locus: quando pro cœlesti regno, spontè quis se humiliat, & servum facit, Exemplo JESU Christi & Sanctorum ejus in-

citatus. Dicit enim in Canticis sponsa, figuratè ostendens per mystica verba, quid bonitatis in hoc Christus velit, quod quidam in laboribus sit deserviant. *Manus mea* ( inquit ) *distilla verunt myrrham, & digiti mei pleni myrrhâ probatissimâ.* Manus sponsæ, hi sunt; qui amore Christi opera charitatis exercent in fratres, quorum virtus interior & actio exterior, sic abundat ex affectu dilectionis ad omnes, ut amara & despecta oculis humanis tractare, ad qualemcunque consolationem debilium & impotentium delectentur. Sed & digiti mei pleni sunt myrrhâ probatissimâ, dum singula & distincta officia, ex Spiritus sancti ordinatione formata, sic fiunt in domo Dei, ut omnes, qui ad agendum aliquid deputati fuerint, non ex proprio consensu, sed magis trahantur per salutarem obedientiam; renuntiantes proprietatibus omnibus, etiam cum gravitate quandoque cordis, & amaritudine valida. Etenim sic in veritate efficiuntur myrrhâ probatissima, cum in rebus parvissimis, & in quibus foret aliqua naturæ consolatio, seipsos relinquere & mortificare laborant. Potest igitur probata myrrhâ accipi, dum quis propter Christum, carnalem vitam crucifigit laboribus, vigiliis, & jejuniis: sed fit tunc myrrhâ probatissima, cum in nullis rebus sibi vivit; sed superatis apertis & grossioribus mortificationum stimulis, etiam valde subtiles propriæ voluntatis motus immolat. Quod cum fecerit,

Cant. 5.  
 Explicatio  
 hujus ex  
 Canticis 5.  
 Manus  
 mea distil-  
 laverunt  
 myrrham,  
 &c.

Verbu  
 Christi  
 confu  
 matur  
 est, de  
 dici q  
 qui in  
 tum s  
 negav



Iean. 19.

fecerit, nimirum cum Christo in Cruce sitiente, potum felle mixtum spiritualiter gustat. Cui competit illa in Cruce pendentis responsio : *Consummatum est.*

## §. 2. De abnegatione sui.

Verbum Christi : consummatum est, de iis dici queat, qui in totum se abnegaverint

**N**Am cum aliquis ad tantam pervenerit abnegationis profunditatem, ut neque in magnis, neque in parvis, nec in adversis, nec in prosperis, suam exquisierit voluntatem, jure etiam de se dicere potest : Consummatum est. Hoc est ; Quicquid virtutis, quicquid perfectionis, quicquid spiritualis est conversationis, in hoc uno munere adimplevi, videlicet in plenaria mei abnegatione. Et hæc est myrrha probatissima. Sed antequam hujus myrrhæ speciem quis agnoscat, in multis sæpè gravitatibus seipsum experitur, quàm facile caro remurmurat, quoties trepidat, quoties subruit ; in quo conflictu intelligit, quantus sit labor non facere, quod concupiscit ; quàm durum frangere ad omnem nutum alterius, suos conceptus animi. Si ergò hæc & his similia, latius excogitata pertransierit, tanquàm veræ mortificationis probamenta, [ quæ omnia fortes Christi amatores ardentissimo affectu subire festinant ] inveniet proculdubio, quàm veraciter dictum sit ; Et digiti mei, pleni myrrhâ probatissimâ. Probantur enim à minimo usque ad maximum eorum digiti, & à summo vertice usque ad plantam pedis, sine tentatione nihil vacat in ipsis. Nam modò jubentur exteriora, modò compelluntur ad sui custodiam introire, nunc huc illucque discurrere, nunc etiam quieti insistere ; modò paulò

plus vigilare, & paulò post vigiliis nequaquam protrahere : nunc quodlibet protinus abjicere, nunc etiam quod horrent, sine mora perficere. Si est aliquod genus supplicii, quod Martyres facit, tunc maximè illi Martyres fiunt, qui toties verbo Dei, [ tanquam gladio ] submissi plectuntur ; quoties sibi ipsis per obedientiam moriuntur. O quàm sublimiter de talibus filiis, gloriari potest sponsa Christi, mater Ecclesia ; dicens : Manus meæ distillaverunt myrrham, & digiti mei pleni myrrhâ probatissimâ.

## §. 3. Declaratio literalis, Introduxit me Rex in cellaria sua.

**A**Ccipe & aliud verbum ex ore Sponsi, aptum ministerio tuo, quod etiam prius putabam inducere ad consolationem : sed prævenit me Deus quasi nescienter, docens me primum debere mihi metipsi interiùs mori, antequam dignè possem aliis foris deservire ; ut puta, si adhuc impatiens in parvis lesionibus essem, qualiter tunc aliorum infirmitates bene sustinerem : & si adhuc superbus esset animus meus, quomodo portarem sine murmure murmuraciones, sine contradictione detractiones, & disciplinatorum mores. Constat namque, quòd patientia & humilitas, summæ necessariæ sunt ministrantibus. Est autem intentum verbum istud, quod sponsa cum multa etiam jucunditate loquitur, dicens : Introduxit me Rex in cellaria sua. Habeat ipsa intellectum hujus verbi, in ministerio Christi absconditum ; tu æstima apud te magnum, si inveniatur etiam in te per opus aliquod extrinsecum, æquè ipsi gratum.

Nam

Patientia & humilitas officiis cum primis necessariæ.



Cant. 2.

Nam si hoc ipsum verbum ] Introduxit me Rex, &c. ] traxerit quis ad boni cellarii officium, inveniet utique plenum sensum & perfectum, intus lapidum, & foris non otiosum.

§. 4. *Qualiter te ipsum consolaberis in Christo.*

Explicatio para-  
phrastica  
hujus ex  
Cantico  
sponiæ.

Introdu-  
xit me.  
rex, &c.  
juxta lite-  
ram & spi-  
ritum.

**P**ropterea libenter & præseveranter age, quod agis, & quodam mentali gaudio utere in opere tuo, retinens apud te verbum suavitatis plenum; *Introduxit me Rex in cellaria sua.* Hæc est enim voluntas Patris tui, qui in cælis est, & ejus qui in terris, ut ita facias, sicut ordinatum est tibi. Nam potes coram judicantibus te confidenter protestari, quia non ego ipse introduxi me, sed *introduxit me Rex in cellaria sua.* Deus rex cæli & terræ, maris & omnium quæ in eis sunt, rex magnus super omnes Reges; qui cuncta sapienter regit, quæ potenter creavit; rex potens, rex clemens, solus & singularis rex, regens etiam eos qui Reges vocantur; Rex regum, & Dominus dominantium, necum disposuit; & in me fieri voluit; ut aliquo saltem tempore vitæ meæ, ego pauper & indignus homuncio, implem ministerium istud, respiciendo ad ea, quæ sub cura cellarii posita sunt. Sive enim hoc ideo ordinavit, ut quia ad majora & altiora vitæ contemplativæ minùs valui, in bonæ saltem actionis vita fructum haberem; sive ut humilitatis & patientiæ & ceterarum virtutum profectum, ad meam utilitatem melius sic apprehenderem; sive ut ejus dumtaxat voluntatem, hoc modo plenaria mei abnegatione facerem; sive quocunque alio occulto beneplacito ejus [ mihi tamen semper pla-

cito ] nequaquam dissentio, non contradico, non refugio: sed gaudeo, & gaudebo, de tanto injuncto servitio, quia introduxit me in cellaria sua. Hic etiam pater noster vicarius & amicus Dei, in me hoc ipsum adimpleri voluit, ut fratribus domus hujus, meo pauperculo labore subservirem; & ego paratum me esse cupio, quamdiu valeo vel pedem movere. Si ita incipis sapere, & tanquam divinum considerare beneplacitum, tunc & hilariter ac reverenter, omnia perficere delectabit animam tuam. Sed ad quid introduxit te, pensare etiam habes: nec ignorare causam utilem debes. Non enim ideo introductus es, ut tu fruaris bonis illic repositis, & alii in ediam sustineant: sed potius intelligas, idcirco te vocatum & introductum, ut per tuum laborem, aliis sit requies, per tuam curam & providentiam, subleventur pauperes Christi: ita ut necessitate adveniente, tibi interdum subtrahas, unde pascatur esuriens & sitiens Christus; & ex bono opere fraternæ dilectionis, tu ipse plus reficiaris in corde quam caro tua cibo aliquo corporeo. Tunc proficies maximè in tam sancto officio, si spirituales requiris fructum, non curans aliquod terrenum commodum vel incommodum; sed indefesso mentis desiderio, præter solum Deum, non optas possidere thesaurum aliquem in terris; neque aliud quodcunque lucrum expectas de labore tuo, quam cœlestem vitam & gloriam æternam in futuro cum Christo. Nam te perseverante, & omnia perficiente, secundum ejus bonam voluntatem, faciet ipse tandem tecum hanc gratiam, ut merearis ejus intuitu faciem perennis gloriæ; & tantò dulcius



dulcius & sublimius sentias verba hujus amoris cantici verificati in te, quanto gloriosior est illa cœlestis domus, abundans cellariis optimis diversorum meritorum Sanctorum, quam hæc paupercula & lutea domus parvo contenta cellario, in quo absconduntur victualia ad sustentationem Fratrum nostrorum pauperum & peregrinorum: ita ut dicas in dulcedine animæ tuæ: Introduxit me Rex in cellaria sua.

§. 5. *Due interrogationes.*

**S**ed iterum video aliud requirendum, secundum grossiorem intellectum, respicientem forinsecus artium, quid in hoc voluit significare verbo, [cellaria] quasi multa essent, cum & unum cellarium videatur sufficere. Quare etiam addidit [sua,] quasi ejus esset possessio, & non nostra, ut magis communis esset demonstratio? Intellige bonam rationem harum questionum. Quia nonnunquam infirmiores cum fortioribus, & ideo felicioribus in una domo simul commorantur; sæpè debiles egent indulgentius ministrari sibi aliqua necessaria, quibus saniores non indigent. Ne ergo possent quidam, ex hac plenitudine misericordiæ scandalizari, dicere maluit sponsa, benigna mater, fortibus adolescentibus, pro excusatione debiliū filiorum, se à Rege clementissimo introducta in cellaria; quatenus visâ copiosâ benedictione, unicuique ex iisdem ministraret, quantum opus esset ad naturæ congruentiam. Et bene satis subdidit [sua,] ut unusquisque servorum Dei, videns se de cellario Christi participare bonum corpori necessarium, scias esse torum à

à Kemp. de fidei Dispensatore.

Deo: nec hæc parva & vilia adjutoria, sine gratiarum actione, æstimet sibi concessa: Immo cum supplici mente, pro his minimis vicem devotæ confessionis Deo refundat; quem nulla creatura sufficienter, pro minimo quantulumque beneficio laudare sufficit. Valdè enim magnum est, quod tam magnificus Dominus, & Rex omnium Regum, nos pascere dignatur de donis suis, cui nihil dignum retribuere possumus. Etiam pulchrè sponsa: cum dixisset in cellaria, addidit sua: ut nemo inde quicquam sibi arroget, sed de ejus bonitate sibi porrigi necessaria consteatur, atque cum Propheta cantet Dominus dicens: *Propter nomen tuum deduces me, & enutries me.* Exhinc similiter admonere omnes voluit, ne de nulla proprietate ad invicem contenderent; ut neque iste inflatus dicat, Istud meum est: nec ille, Hoc meum est; talique iniquâ proprietate, unus contra alium concupiscat in perditionem salutis suæ. Placuit ergo dicere cellaria sua, ut audito, quod omnia sint Dei, tollatur mox omnis proprietatis rei; fiantque per ipsius dispensationem nobis communia, & ejus dignatione nostrâ, quæ verè duntaxat illius sunt propria. Sic ergo patet, quàm utiliter & compatienter positum sit [cellaria] & non cellarium: quàm salubriter & gratanter adjectum, [sua] quæ pariter omnia considerata, non modicam conferent, bono & fidei custodi, divinæ consolationis gratiam, eo quod tantam invenerit in Christi servitio virtutis viam, nec non meritorum plurimorum fertilitatem.

7

§. 6. De



§. 6. De spiritali intellectu super  
eodem verbo.

**E**Xpleto secundum paupertatem me-  
am sensu rudiori, jam ad interio-  
rem spiritus medullam te transmittito,  
quam tamen non à me audies, sed ut  
ab introductione Sponsi capias verbum  
illus, optime faveo. Non enim parvam  
credo eum percepisse internæ consola-  
tionis pinguedinem, qui sibi conscius est,  
de abscondito & novo hoc exultationis  
ductu: Introduxit me Rex, in cellaria  
sua. Mihi quidem misero, & sterilita-  
tem cordis sapius patienti, pretiosum  
nimium esset; si aliquando post sin-  
gultus & pulsationes fortes, ad hu-  
jus Sponsi miserationem promerendam,  
de præteritis malis potuero veniam in-  
venire; si etiam contra morbos vitio-  
rum, & ægras affectiones animi, va-  
luero aliquas species medicinales impe-  
trare. Nec hoc est utique, quod sponsa,  
quæ amore flagrat, inebriata ab ubertate  
domus Dei, revertens auribus nostris in-  
fudit, dicens: Introduxit me Rex, in cel-  
laria sua. Quid est ergo, quod loquitur?  
Ignorare me fateor. Tu vero si intelli-  
gere potes, [sicur dignum est,] con-  
gaudeo gratiæ divinæ: Parum tamen,  
quod à longè stans, sentio per rimas  
cellariorum, in quibus, sponsa jam in-  
troduta, ponitur melioribus Sponsi bo-  
nis, libens propono; ut si placuerit cor-  
di tuo, accipias illud desideranter. Si  
quis Christum sincere & intimè amans,  
hujus vitæ qualitercunque blandientis  
gaudia contempserit, illum non dubi-  
to posse experiri, quid cœlestis dul-  
cedinis vox ista contineat: Introduxit  
me Rex in cellaria sua. Quicumque au-

Introduci  
in cellaria  
Sponsi,  
mysticè  
quid.

tem in hac valle misera, sufficere sibi  
gratulatur, quod temporalis prosperi-  
tas & rerum affluentia non ei deficiat;  
hic profecto alienus & tanquam immun-  
dus repellitur ab interioribus divinis:  
nec ei convenit gustare dulcissimum  
verbum, *Introduxit me Rex, in cellaria*  
*sua*. Habet enim jam hic promptuaria  
sua, & horrea frumenti vini & olei sui;  
quibus multiplicatis delectatur & requi-  
escit, non in pace Christi, sed in corde  
terræ. Sanctis igitur, & fidelibus electo-  
rum mentibus, solum hæc amicalis  
revelatur intelligentia, cui intentam au-  
rem accommodare te velim; ut merear-  
is & tu, pariceps esse bonorum horum,  
spiritualiumque gaudiorum. Si quando  
igitur interius Deo perfereris te jun-  
ctum, & tibi hoc sæculum penitus ama-  
rescere; si etiam inter sacras lectiones,  
infundi tibi compunctionem, atque  
mentis illuminationem de sursum veni-  
entem; si etiam post devotam & perse-  
verantem orationem, desiderium æter-  
næ vitæ incallescere & augmentari perce-  
peris, unde hæc bona procedere æsti-  
mas, nisi de cellariis supernis? Si insuper  
altius te attrahi, ad invisibilia bona per-  
spexeris, ac omnem cogitatum tuum in  
Dominum jactari; ita ut solius Dei me-  
mor sis, in quo vita, salus, & requies  
summa est; perierisque, ut cum ipso fœ-  
lici vita vivas, & amodo non revertaris  
ad miseras istas: quamdiu tale aliquid ti-  
bi sentire donatur, cur negare potes, quod  
introduxit me rex in cellaria sua? Nec  
Deo difficile est ostendere tibi charitatem  
suam, ut videas ejus arcana in altissimis  
condita, pro cujus amore libenter extere-  
ora opera ministrare non recusas, quan-  
tumcunque sint humilia & despecta.



## §. 7. De aspiratione ad cœlestia.

**H**oc tamen tuum est, digne Deo conversari, & in externis negotiis, mentem a supernis non adversari: sed ad illa gustanda secreta, de novo semper aspirare. Quam felix eris, si interna Dei vocationi, sine mora gratulenter occurreris? Si hoc, vel alio etiam modo, dixeris. Domine, qui laborem & dolorem consideras, quam libentissime ad te veniem, optime nosti. Ecce adsum, fiat mihi secundum verbum tuum. Quod olim dixisti? Et ego manifestabo ei meipsum. Sed & hoc erat, & semper est, desiderium meum, Utinam inveniam gratiam in oculis tuis, & tibi placeat pauperculum servitium meum. Nil quippe sic charum esse poterit servulo tuo, sicut habere gratiam in conspectu tuo; & agnoscere inter filios tuos, qui nec dignus sum vocari servus tuus. Domine, quicquid dico, quicquid aliud desidero: ecce totus in manibus tuis sum, fac mihi secundum verbum tuum, secundum beneplacitum tuum, secundum ordinationem tuam, & secundum omnem voluntatem tuam.

## §. 8. De spiritali esu &amp; potu, de cellariis Christi.

**A**dhuc tecum Domino sermocinante, si dixerit tibi: Qui mihi ministrat, me sequatur, sequere eum, quocunque ierit. Qui scis an velit præire, & præparare viam atque aperire signacula, ut introducaris in cellaria sua? Sequere eum, & quodcunque tibi dixerit, facito. Si dixerit tibi, bibe; etiam bibe, de calice ejus. Est enim vinum hoc optimum, & cellaria nostra non habent

simile. Charitas enim vinum est. Dum ergo implearis illa, optimo vino inebriaris. Ubi invenies eam nisi in cellariis ejus? Et quod est precium ejus? Non comparabit eam quis numis, sed pretis illis & omnibus, quæ sunt mundi. Bibe charissime, & inebriare dulcedine charitatis; Ecce hydria coram te est, & fons vitæ. Deus enim charitas est. Si dixerit comede, quodcunque inveneris, comede: Totum bonum est, quicquid tibi reconditum vides. Mel invenisti, comede, quod satis est. Si obtulerit etiam partem piscis assi & favum mellis, sume reliquias ejus. Cumque liquatæ fuerint in ore tuo, facient te sentire mirabilem dulcedinem. Aperiat ipse sensum in pisce asso, & mellis favo. Nam ipse est piscis, in passione assatus; & favus mellis, in resurrectione apparens latus discipulis suis, & loquens de regno Dei. Si passionem devotè recolis, de pisce asso comedis; & si de resurrectionis ejus gloria, & potentia divinitatis jucundaris, mel in cera invenisti. Si etiam panem porrexerit, & aqua sapientiæ salutaris te potaverit, surge in morem Helix, & comede, & bibe; quia tibi grandis restat via, donec venias in montem Dei Oreb. Nam tempus est comedendi, & tempus laborandi. Descendente ad nos, nihil coctum invenies, neque quid assum igni. Manduca ergo ibi, & bibe eorum Domino, erit enim necessarium tibi. Adhuc enim quinque anni restabunt tibi, & erit fames in terra. Quamdiu enim sumus in corpore, quod quinque sensibus distinctum est, peregrinamur à Domino; & ideo esurimus, & sitimus usque in horam hanc, donec veniat regnum Dei.

1. Ioan. 4.

Prov. 26.

Luc. 24.

Christus  
piscis as-  
sus & fa-  
vus mellis.

3. Reg. 15.

Nec



Luc. 9.

Nec potes dicere, sufficit mihi; nisi cum apparuerit gloria Domini, & allata fuerit arca cordis tui, in templum celestis Hierusalem. Benè & prosperè te agente cum Domino, quidni difficulter redeas ad solita, ad tumultuosa, ad laboriosa onera? Si dixeris cum Petro; *Bonum est mihi hic esse*: non admiror; quia & ego id ipsum vociferarer, si tam vicinus essem. Sed nondum venit hora tua, forsitan audies; Nec idè adduxi te, ut perpetuò maneas: sed scias, quomodo oporteat te in domo mea conversari. Propterea stabilivi te vino dilectionis, & cibaria dedi tibi in abundantia, & nolui te fraudari à desiderio tuo: en vident oculi tui, quæ promiserim servientibus mihi. Revertere jam in pace, & visita fratres tuos; ne fortè expectent, & quærant te, dicentes: Ubi est cellarius noster? Venies autem iterum ad me, cum vacuum tibi fuerit. Cave ne contristes mendicum, in nomine meo venientem. Et quomodo videbis faciem meam, fratre tuo contristato & infirmante? *Quis enim infirmatur, & ego non infirmor? Audieturus es in novissimo die: Esuri- vi, & dedisti mihi manducare: Siti- vi, & dedisti mihi potum: Infirmus fui, & visitasti me. Affer mihi adhuc vas aliud, & dabo tibi oleum misericordiæ, & effundes illud super septem opera pietatis. Vade ergo, & fac omnia sicut nosti me velle, & ero tecum. Esto fidelis usque ad mortem, & dabo tibi coronam vitæ.*

2. Cor. 11.

ad. 11. 25.

Apoc. 2.

Ezech. 34.

§. 9. De hilaritate vultus, & prompti-  
tudinè ad externa opera charitatis, post  
gustum divine suavitatis.

**J**Am ultra quid ego loquar, nisi congau-  
dendo tibi, si reversus fueris, cum gra-

tia celestis, ad infirma corporis nostri? Splendida facta erat facies Moysi, ex lo-  
cutione Domini, in monte Sinai. Et un-  
de hoc, nisi quia introduxit eum Domi-  
nus, in cellaria sua? Quam splendida &  
hilaris, apparebit etiam nobis facies tua,  
sermo placidus & suavis, gressus pulchri  
& pacifici, & omnis denique actio pro-  
vida & ordinata; dum veneris visitare  
egentes & sitientes, egressus à conspectu  
Domini, quia sine benedictione venire  
non potes. Et tuum est utique Domino  
dicere, antequam vadas, & descendas  
de monte in Egyptum, præsentem scili-  
cet tenebras. Non dimittam te, nisi be-  
nedixeris mihi. Nobis equidem proficit  
hæc benedictio; sed tibi principalius  
Quandò tu paratior ad necessaria nostra,  
tantò nos cogis arctius ad divina myste-  
ria. Quandò quoque devotior, & effabi-  
lior visus fueris à nobis; tantò sit accep-  
tabilius, quicquid humanitatis impende-  
ris. At verò cum talem te invenerimus,  
quid nisi obstupesceremus congratulabi-  
mur, dicentes: Unde ista copiosa mentis  
& corporis lætitia? Fuitne hodie Domi-  
nus apud te, & nesciebamus usque mo-  
dò: Beatus es tu, & beati omnes, qui  
serviunt ei, & qui non discedunt ab eo,  
donec reddant illi animas suas, quas tam  
frequenter ponunt pro fratribus suis.  
Quid respondebis ad hæc collata bene-  
ficia, nisi humilia & devota oris & cor-  
dis cantica? Quid me intuemini, aut  
quid in me admiramini? Dei dona sunt,  
quicquid vidistis in me vase fictili, in  
testa arida, & in tenui calamo. Et ut  
gloria Domini mei Jesu Christi mani-  
festetur, noveritis, quia non meis me-  
ritis, ad vos me misit Dominus, sed  
vestris bonis operibus, participem me

Quam ju-  
cundus &  
placidus  
redeat ad  
Martham,  
qui suavi-  
ter versa-  
tus est  
cum Ma-  
ria.

Genes. 34.

Vox disci  
Clemen-  
tis.

Acrij.



fieri. Ecce dico vobis : Introduxit me Rex in cellaria sua. Ex hinc est omne, quod cernitis. Propter quod rogo, & vos dilectissimi mei, unâ mecum gratias agite, super enarrabili dono ejus. Deprecemur quoque seduli ejus dilectionem, ut quando hic pariter substimus, spiritualis gratiæ consolatione nos refovere dignetur: ac tandem in sua æterna cellaria perducatur, ubi omnium electorum corda, referta sunt pace dulcissimâ, & lætitiâ perfluant opulentissimâ. Colligite ex his præmissis, quàm piûm sit servire fratribus: quàm placitum Deo, & Angelis quodammodò æquale, qui illi leguntur in ministerium propter eos, qui hæreditatem capient æternæ salutis: quàm multiplex etiam virtus, quæ clarior & verior per actus probatur, quàm cogitatione imaginariâ possideretur. O quàm magnam dat fideli seruo fiduciam, nunc in tempore isto: & dabit majorem in extremo examine sermo Domini, quem locutus est, dicens:

Euge serve bone & fidelis, quia in modico fuisti fidelis, intra in gaudium Domini tui. Pius Dominus, qui remunerare semper solet famulantes sibi, non idcirco denegabit tibi, abscondita dulcedinis suæ, quia te promptum externis & servilibus operibus mancipasti.

§. 10. *Quis sit apertus Divinis colloquiis.*

**J**uvat tamen valde, pro adipiscenda crebra ipsius amicitia, familiariter ei colloqui per interna mentis verba, & qui hæc sibi concedi desiderat, oportet ut ineptas locutiones & occupationes caveat, ne humanus visus ipsum nimis delectet: quia amor Christi, distractis & extraneis mentibus, nescit copulari. Felix nimis charissime, cui donatum est hujusmodi experiri solatia. Sed nunc oro pro me, ut suâ intimâ consolatione, dignetur Dominus mentem meam largius illustrare, atque à cunctis mundi negotiis intactam custodire.

*Finis de fideli dispensatore.*

## HOSPITALE PAUPERUM.

Capita hujus libelli.

**D**E contemptu omnium mundanorum bonorum. Cap. 1.  
De quinque panibus in deserto hujus vitæ 2  
De duplici pugna, carnis ac spiritus. 3  
De instabilitate humani cordis. 4  
De obediētiâ, simplicis ac humilis fratris. 5  
De triplici signaculo sanctæ Crucis. 6  
De pia compassione cum infirmis. 7  
De perseverantia in bonis inceptis. 8  
De variis antiqui hostis insidiis. 9  
De scuto bonæ voluntatis contra hostes. 10  
De laude Dei in omni opere bono. 11  
De vitio vana gloriæ & propria complacentia. 12

De variis bellis impiorum, & patientia piorum. 13

De malitia pravorum contra innocentes. 14

De invidia Diaboli contra salutem hominum. 15

De armatura Christi & Sanctorum contra vitia. 16

De utilitate frequentis orationis. 17

De privatis orationibus, quasi jaculis acutis contra hostes. 18

De versiculis, ante initium operis legendis. 19

De septem virtutum gemmis, bona congregationis. 20

Y 3

CA.



## CAPUT I.

*De contemptu omnium bonorum mundanorum.*

1. **D**ominus regit me, & nihil mihi deerit, in loco pascue, ibi me collocavit. Quid habet homo amplius de omnibus bonis suis & divitiis terrenis, nisi victum & vestitum? Unde ergo superbit? Et cum obierit, omnia hic dimittet, & nihil secum sumet, nisi modicum operculum, ad tegendum corpusculum suum sepeliendum, postea à vermibus corroden- dum. Qui de omnibus præteritis reddet rationem Deo, quibus usus est, si- ve paucis, si ve multis; tanquam de expensis, pro viatico sibi concessis, quæ cum usura strictè requirentur. Quantumcunque aliquis magnus fuerit, divitiis vel honoribus sublimatus, non est ex hoc sanctior, nec perpetuus bonorum suorum Dominus: sed tantum servus conductus ad tempus, sub potestate superioris Domini sui celestis Regis, & æterni Imperatoris ac judicis; qui omnia tribuit ad lucrum bene agendi, non ad spatium & causam peccandi. Reddet autem pius Dominus mercedem congruam, immò ultrà condignum bonis servis suis, pro parvo labore, æternam requiem; pro brevi tristitia, æterna gaudia, pro omni contumelia & injuria pro se passa, æternam gloriam & coronam.

2. **D**at etiam nunc unicuique dona sua, quantum sibi placuerit, secundum occulta judicia sua iusta & recta, in omni loco & tempore sine errore. Nam bonis omnia ad bonum ordinat, & malis ad pœnam convertit; ita ut nemo de iudiciis Dei iuste conqueri possit, nisi de se-

Defuncti  
Dominum  
suum quo-  
modo qui-  
dam com-  
mendavit  
populo.

ipso indigno & ingrato, meliora de proximo, optima semper sentiens de Deo. Quidam honorabilis vitæ. Sacerdos in partibus Hollandiæ, post mortem illustri-  
simo Domini sui, prædicavit sermonem in populo dicens: Dominus noster Comes Hollandiæ, mortuus est, charissimi oretis pro eo. Fuit hic parvo & brevissimo tempore, habens aliquos usus fructus & redditus annales, quos jam amisit, & secum sumere non potuit. Si modò haberet aliqua hæreditaria manentia bona, maximè ipsi convenirent.

3. Cum quidam nobilis Princeps mori deberet, ait coram multis sibi assistantibus ministris; O qui semper pauper, custos ovium fuisset, quanto securius mori posset, quam ego? Alius quidam magnus dominus cum ægrotaret, venerunt multi postulantes aliquid, pro memoriali & servitii impensis; O Domine, Domine, quid ego habebō, & quid dabis mihi modò? Tunc ille ait: Ecce omnes isti, quæ sua sunt querant, & nemo de anima mea cogitat; & ego ignoro, ubi hanc nocte hospitabor & manebō. Et sic mortuus est; & serò pœnitens, cognovit omnia mundana esse vana & deceptoria, quæ quasi in momento & tanquam fumus evanescent. Felix ergo pauper rebus, & virtutibus dives, qui cum Propheta in fine vitæ suæ dicere potest confidenter. Dominus regit me, & nihil mihi deerit, in loco pascue, ibi me collocavit, propter nomen sanctum suum.

## CAPUT II.

*De quinque panibus, in deserto hujus vitæ.*

1. **N**on in solo pane vivit homo, sed in omni verbo Dei. Deus Dominus ac Salvator noster, locutus est olim anti-  
quis

1. Matt. 4.

Florenti  
dictum d  
lectione  
S. Script

2. Gerardi  
vox de  
sentibus  
Sac. Scri-  
tura.

3. Item alius

4. non d  
aut a  
dum  
mu

5. notat  
supra  
in d  
in g



quis sanctis per legem & Prophetas; & nunc adhuc nobis quotidie loquitur in scripturis sanctis, per sanctos Doctores veteris ac novi Testamenti expolitores, quid credere, & qualiter vivere, & Deo servire debeamus. Libenter ergo lege & scribe verba sanctorum ex ore Dei pro salute multorum. Dixit devotus Sacerdos, Dominus Florentius Daventriensis, uni de Fratribus suis: Indifferens mihi est, nec multum refert, utrum in antiquo an in novo Testamento lego, utrumque enim Deus fecit.

2. Cum venerabilis Magister Gerardus Magnus; horas legeret cum discipulo suo, postea ab eo quaesivit: Intelligis bene Joannes, quæ legis? Qui respondit: Non omnia. Dixit ergo ipsi secrete: In singulis versibus & verbis psalmi, varius & mysticus sensus mihi occurrat. Gratiarum Deo & sanctis Doctoribus, qui me fideliter variis sensibus influxerunt. Igitur de misericordia & gratia Dei, accipe quinque panes in deserto hujus vitæ, ad virtuosè vivendum utiles & efficaces. Primus panis est dolor cordis, de omnibus malis præteritis, in sæculo gestis. Secundus est confessio oris, de quotidianis defectibus in Ordine commissis, & de magna negligentia multitudini operis. Tertius est panis divinæ consolationis in oratione, de spe veniæ, & de remissione peccatorum. Quartus est panis gratificationis, pro beneficiis a Deo acceptis, tam in prosperis quam in adversis. Pro quibus omnibus, Deus sit jugiter benedictus; cujus misericordiæ non est numerus, qui usque modò non desinit benefacere nobis. Quintus est panis internæ jubilationis & contemplationis de spe æternæ beatitu-

dinis, & magnitudine futuræ gloriæ, cum Deo & omnibus sanctis ejus. Lauda ergo Deum pro quinque panibus istis, & multis aliis beneficiis ejus, in his tribus signatis, scilicet bonis naturæ, gratiæ, & perennis gloriæ.

## CAPUT III.

De duplici pugna, carnis & spiritus.

1. **N** Arraverunt mihi iniqui fabulationes: sed non ut lex tua. Custodi ergo omnes sensus tuos, ne seducaris à vanis & illecebrosis dæmonum figmentis. Nam quamdiu homo vivit, pugnare cum oportet, ne vincatur; sed non semper æquè fortiter tentatur. Igitur in hoc bello positus, clama precibus & sedulis cordis gemitibus, ad Dominum in calis. Caro trahit deorsum, Spiritus trahit sursum. Caro querit molliam & blanda; Spiritus contra, suadet duram & aspera. Si sequeris carnem, decipieris: si sequeris spiritum, coronaberis.

2. Attende diligenter, & cave tibi ab omni parte; quia non es securus ab hostium jaculis, ubicunque fueris, vel intus vel foris. Sint vulnera Christi cordi tuo firmiter infixæ: JESUS & MARIA custodes in omni via. Istos pro armis indue, & pro gladio & baculo in manu retine. Cum indoctis, inexpertis, & indiscretis; cum importunis & audacibus, noli multum loqui, ne leviter offendaris. Cum humilibus & simplicibus Deum diligentibus libenter loquere, & consilium. Juvat bona societas, colloquens de Deo; nocet mala societas, fabulans de mundo. Cave obloquentes, sequere simplices & ta-

1. Psalm. 118.

Aliorsum nos trahit caro atque spiritus.

CA.

Florentii dictum de lectione S. Script.

2. Gerardi vox de sensibus Sac. Scripturæ.

I.

Obsecro vel ad istum an.

Obsecro vel ad istum an.

I. Cass. 4.



## CAPUT IV.

De instabilitate humani cordis.

**T** Adet animam meam vita mea.  
 Quare? Propter laborem, & dolo-  
 rem, & multa adversa, quæ mihi occur-  
 runt, & à Deo me separant. Quid igitur  
 faciam, & quo me vertam, ut melius ha-  
 beam? Sustine patienter, & expecta Do-  
 minum confidenter; quia *juxta est Do-*  
*minus his, qui tribulato sunt corde, &*  
*humiles spiritu salvabit.* Nam propter  
 superbiam & mentis elationem curvan-  
 dam justè patimur, affligimur, deprimi-  
 mur, & despiciimur. Reduc ergo ad  
 mentem vitia, & peccata tua, cum foris  
 despiceris, & tacebit querela & indigna-  
 tio tua de objectis. Nemo purus à pec-  
 cato, nemo liber à sorde, nemo inno-  
 cens à culpa & pœna, *omnes enim pecca-*  
*vimus.* Solus Deus purus, sanctus & im-  
 mortalis; æternus, immensus, inviolabi-  
 lis, & super omnia laudabilis in sæculà.  
 Sit ergo tota spes & lætitia tua in Deo,  
 & bona voluntas etiam parata pati pœ-  
 nam propter Deum. Omne gaudium  
 mundi citò transit, & omnis laus ejus ple-  
 na ira & dolo. Omnis etiam delectatio  
 carnis, pœnam habet sibi annexam, &  
 meretur confusionem & despectum. Qui  
 multa habet, multam curam ex eis patie-  
 tur. Qui modis scit contentari, pacatior  
 erit.

I.  
Job. 10.Sal. 37.  
Adversa  
mundi  
hujus se-  
viter tole-  
randa.Prov. 20.  
Job. 15.  
Rom. 3.

2. Infelix est miser, qui Deo non ser-  
 vit. Perdit totum quod habet, qui  
 Deum non amat. Vanus est & insta-  
 bilis, qui in creaturis spem ponit, &  
 Deum negligit. Beatus, cui Deus est  
 omnia in omnibus: & cum Paulo Apo-  
 lo lætus dicit: *Mihi autem absit gloriari,*  
*nisi in Cruce Domini mei Jesu Christi: per*

Galat. 6.

quem mundus mihi crucifixus est, & ego  
 mundo. Legitur in proverbii de pigro &  
 instabili corde, in Dei servitio. *Vult pi-*  
*ger, & non vult.* Hoc est: Vult bene co-  
 medere & bibere, & non vult laborare  
 & jejunare. Vult diu dormire, & non  
 vult citò surgere. Vult fabulari, & non  
 vult vigilare & orare. Vult alios durè  
 corripere, & non vult modicum sustine-  
 re. Vult alios docere, & seipsum ne-  
 gligit emendare. Huic debetur virga &  
 baculus, nisi se emendaverit in prædictis  
 defectibus. Qui autem permanferit sta-  
 bilis in virtutibus, exit hic & in æternum  
 benedictus, Amen.

## CAPUT V.

De obedientia simplicis &amp; humilis fratris.

1. **V** Ir obediens, loquetur victoriam,  
 ait Sapiens. Quomodo? Quia  
 qui simpliciter obedit, vincit seipsum,  
 propriam voluntatem relinquendo, &  
 alterius voluntatem humiliter sequendo.  
 Inde magna pax & concordia oritur, bo-  
 na conscientia acquiritur, & cordis læ-  
 titia augetur. Ille confidentiam ad  
 Deum obtinet; & mori non timet;  
 quia Deus est spes ejus, cui usque ad  
 mortem perfecte obedire, paratus fuit.  
 Nam opera bona, in obedientia simpli-  
 citer facta, Deo sunt gratissima, & maxi-  
 mè meritoria. Qui superiori, vel æ-  
 quali, aut minori se subdit & obedit,  
 diabolum vincit & prostermit; qui in-  
 stigare solet, ne quis alteri humiliter ce-  
 dat, sed duriter resistat. Ex quibus iræ,  
 rixæ, & alia multa mala, inter fratres &  
 pacatos, sæpè nascuntur. Hæc humilis  
 Jesus Christus non docet: sed potius  
 ad simplicem obedientiam omnes revo-  
 cat, dicens: *Discite à me, quia mitis*  
*sum,*

Obedi-  
entia laus  
ac meri-  
tum.Diabolus  
præcipue  
obedienti-  
bus gravis.

Matth. 11.



## CAPUT VI.

## De triplici signaculo sanctæ Crucis.

*sum, & humilis corde.* Homo obediens homini propter Deum maximum honorem Deo facit, & ei placet. Sine obedientia, aut parva, aut nulla sunt opera nostra æstimanda aut ponderanda. Cum humili & prompta obedientia, etiam complacent Deo valde parva & vilia servitia, ex charitate pro utilitate communi facta.

2. Verus obediens non est tardus, nec negligens, nec querulosus; sed pro posse, paratus ad omnia Deo placita. Sive ergo obediens orat, sive laborat, sive vigilat, sive dormit, sive loquitur aut tacet, sive stat aut ambulat, sive scribit aut legit, sive intrat aut exit, sive comedit aut jejunit, omnia ex virtute obedientiæ, in bonum & ad meritum ipsi convertuntur. Igitur semper in gaudio est & pace, qui seipsum vincit, abnegat, spoliatur, & vilificat; & ad obediendum propter Deum Deo & ejus Vicario, corde & animo, omni hora, sponte se resignat. Aperite huic cælum sancti Angeli, fugite dæmones superbi, occurrите Patriarchæ & Prophetæ, succurrite Apostoli & Evangelistæ, intercedite Martyres & Confessores; supplicate Sacerdotes & Diaconi, implorate Virgines, viduæ & continentes; subvenite omnes Christi fideles fratres & sorores, suscipite animam pauperis humilis simplicis & obedientis fratris vobiscum de ergastulo corporis, & in sinum Abrahamæ cum paupere quondam Lazaro collocate; ut requiescat in pace Christi dulciter, & sine timore confidenter, donec in novissimo die resurgat cum omnibus sanctis, in æterna gloria feliciter. Amen.

à Kemp. Hospitale Pauperum,

1. **P**one me, ut signaculum divini amoris, super cor tuum, ad amandum me super omnia: & scribe sanctæ Crucis signum in pectore tuo, & omnia sacra passionis meæ vulnera, contra maligni spiritus jacula. Crux etenim meæ salutis via, triumphale signum, & inexpugnabile scutum, fugat corporis & animæ pericula. Igitur in tribus locis præcipue, statue sanctæ Crucis signum, super cor, super os, & super brachium tuum, contra omne vitium. Signa cor tuum, ne cogites mala, sed semper bona de Deo & beneficiis ejus; ut habeas cor custoditum, ab omni malitia tutum, cum Deo & omnibus sanctis unitum. Signa os tuum, ut non loquaris mala, nec levitia nec proterva; sed bona, sancta, & utilia; & eris Deo charus & acceptus, & ab hominibus justè laudatus. Signa brachium tuum, manus tuas, & digitos tuos, ne facias aliqua illicita, sed pietatis opera proximo profutura; & de omnibus istis Deum benedic & lauda.

2. Cogita ergo semper, & ubique bona; loquere semper bona, age semper bona; & erit passioni Christi conformis vita tua, triplici signaculo sanctæ crucis præmunita. Per Crucem Christi superabis omnia tentamenta, læta, tristia, dulcia & amara; quæ subito irruunt, ad cordis tui secreta. Vix enim est aliquid tam bonum, quod proponis facere, quin diabolus nitatur impedire, & ad malum semper trahere & maculare. Noli ea attendere, noli reputare, sed omnia tanquam stercora respice. Jesum invoca, cruce te consigna, ad

Z

Mariam



Mariam juxta crucem fuge, geme, plan-  
ge, condole: à cruce noli recedere, sed  
cum Jesu & Maria, opta vivere & mori  
in hac vita, ut intres cum eis in taberna-  
cula æterna, Amen.

## CAPUT VII.

*De pia compassione, cum infirmis.*

**1.** *S*upportate invicem, in charitate;  
*quia charitas operit multitudinem*  
*peccatorum.* Nemo de se præsumat, nec  
infirmos despiciat; quia nullus scit, quid  
adhuc de se fiet, & an perseverabit. Om-  
nes fragiles sumus, omnes adjuvari in-  
digemus; omnes bonum cupimus, &  
malum abhorremus. *Estote ergo miseri-*  
*cordes,* (ait Dominus) *sicut & Pater*  
*vester cælestis, misericors est. Noli nimis*  
*esse justus,* ne obstupescas & indurescas,  
& perdas aut lædas ægrum, quem sana-  
re & consolari debueras. Superexaltet  
ergo misericordia judicium, juxta Bea-  
ti Jacobi Apostoli sententiam. Quam  
benignus Sacerdos Dominus Floren-  
tius securus dixit: Semper plus lucratus  
sum pietate, quam rigore & terrore. Ve-  
rum est, sic Christus docet.

*Iacobi 2.*  
*Florentii*  
*vox de*  
*pietate.*

**2.** Qualem te facis erga Fratrem  
proximum, talem invenies alium po-  
stea (recto judicio) ad teipsum. Quæ-  
cunque enim bona agis in fratrem de-  
bilem, tristem ac læsum, Christo facis  
tanquam Angelus, reverenter Domino  
Deo ministrando. Igitur cautus sis &  
sollicitus, ut tempus tuum utiliter ex-  
pendas, & omnia bona ad laudem Dei  
referas, & nihil tibi vanè attribuas. Nam  
Dei dona sunt omnia, quæ habes; sci-  
licet esse, vivere, intelligere, cogitare,  
loqui, & operari. Quando laudem &  
gloriam Dei in his quæris, sursum ad

Deum cum Angelis in cælum pergis: sed  
quando inanem gloriam quæris; & gau-  
des, & tibiipsum places, & super alios te  
elevas; tunc deorsum cadis, & cælum  
perdis, gratiam amittis, & pœnam  
incurris, ob superbiam & mentis elationem,  
quam diabolo instigante concipis,  
& à te non abjicis & despicias.  
Fœtet enim, & immundus est ante  
Deum, & coram Angelis ejus, omnis  
qui exaltat cor suum, & in seipso gloria-  
tur. Qui autem verè humilis est, & sibi  
vilis, omnibus benignus, pauperi mi-  
sericors, infirmo compassivus, tribulato  
consolativus, erranti instructivus, ca-  
denti erectivus, dubitanti confirmati-  
vus, hic accipiet benedictionem & mi-  
sericordiam à Deo in hoc exilio & vitam  
æternam in cælo, Amen.

## CAPUT VIII.

*De perseverantia, in bonis inceptis.*

**1.** *S*ustinete hic, & vigilate mecum.  
Hæc locutus est JESUS discipulis  
suis, cum iret ad locum passionis suæ, pas-  
surus mortem pro nobis. Hæc cogitare,  
& ad se trahere debet, quicumque Mo-  
nasterium vel devotam congregationem  
intrat; quasi Christum sibi ore dicat. Su-  
stine hic, & vigila mecum, ora & præpa-  
ra te ad tentationes futuras. Exemplum  
enim vigilandi & orandi ostendi tibi, &  
aliis; ut ita facias, & in bonis inceptis per-  
severes. *Qui enim perseveraverit usque in*  
*finem, hic salvus erit.* Multæ tentationes  
bonorum, multæ & consolationes eorum.  
Non sunt tamen condignæ omnes pas-  
siones justorum, ad futura præmia æter-  
norum gaudiorum. Cum venerit tenta-  
tio, mox adsit oratio. Non desperes, nec  
recedas à loco; constans esto, & com-  
menda te Deo.

*I.*  
*Marc. 14.*

*Matt. 24.*  
*Rom. 8.*



## CAPUT IX.

*De variis antiqui hostis insidiis.*

2. Felix, quem faciunt aliena & propria pericula cautum, humilem & mansuetum, misericordem, patientem, obsequiosum, affabilem, & neminem spernentem. Beata congregatio, ubi Jesus est in medio eorum, vita, virtus, pax, & concordia morum. Non autem mireris, nec scandalizeris, nec turberis, nec formides, nec desperes, si interdum contingunt aliqua defectuosa, in congregatione bonorum fratrum aut sororum, & in religiosis locis & personis; aut si aliqui recedunt à bonis inceptis, aut quidam murmurant in abstinentiis, aut tepescunt in virtutibus & devotis exercitiis, à Deo & sanctis institutis. Nam fragiles sumus & instabiles, ad malum pròni, & ad surgendum pigri. Et nisi Deus sua gratia nos semper adjuvet, stare & perseverare non valeamus; nec hostibus, nec vitiis resistere. Deo autem juvante, omnia possumus, & incipere, & proficere, & consummare.

3. Igitur ad cautelam attende, quia in Angelis suis Deus reperit pravitatem; primus homo cecidit in Paradiso, victus à pomis. *Et multitudo filiorum Israel perit in deserto, murmurando, inobediendo, carnes concupiscendo.* Etiam Christo præsente & prædicante, contigerunt aliqua defectuosa & imperfecta, inter Apostolos & sequaces ejus, quis eorum inter eos esset primus, & major in regno cælorum. Quos ipse pia redargutione compescuit; & exemplo suo ac verbo, docuit non alta querere, sed humiliter invicem servire, & invicem ex charitate pure diligere. Quod nobis facere & implere, concedat Jesus Christus Dominus noster, Amen.

Job. 4.  
Num. 14.  
Num. 25.  
Num. 26.

1. **R** *Esistite Diabolo. & fugiet à vobis.* 1. Quomodo? Per fidem & Crucem Jesu Christi. Quibus armis? In vigiliis & jeuniis, in laboribus diurnis, & orationibus nocturnis, in sacris lectionibus & devotis meditationibus, in paupertate & castitate, in humilitate & simplicitate, in silentio à vaniloquiis, in solitudine à sæculi tumultibus, in compassione cum afflictis, in supplicatione pro adversariis, in perfecta obedientia, & multa patientia in forti certamine contra vitia; in perseverantia omnium virtutum, in abnegatione proprietatis, & contemptu altitudinis, laudis & honoris. Qui enim in his, & aliis piis actibus & exercitiis sedulus & firmus permanferit, verè Deo placet, & diabolo resistit. Nam variis modis & dolis, religiosos magis quàm alios tentat, odit, terret, & inquietat; ita ut nemo liber ab ejus laqueis existat, in quocunque loco & statu, aut in quacunque ordine & clausura fuerit. Quid igitur restat facere? Ad Dominum confugere, ad Jesum clamare, gemere, & plorare; ut ipse te semper adjuvet, confortet, & custodiat; & post multa pericula, ad se [ubi vera & æterna pax est] benignè cum gratia perducatur.

2. O quam bene & prudenter facit, 2. qui omnia terrena relinquit, & omnes vias peccandi vitat, & in secreto à negotiis sæculi se abscondit. O quam utiliter & fructuose studet, qui in vita & passione Christi quotidie se exercitat; & omnia curiosa & alta, quæ à Deo & internis retrahunt, dimittit, ut de ultimo fine &



Divitibus  
& honora-  
tis maxi-  
mè instat  
diabolus.

Luce 12.  
& 13.

Matth. 6.

judicio sapissimè penset. Fidelis & prudens servus, qui humilia exempla Christi & sanctorum ejus, devotè sequitur; & latas vias magnorum, cavet & fugit. Nam divitibus & magnatibus, maximè insidiatur diabolus; & per honores & delicias decipit & perdit. A quibus pauperes & simplices, sunt sæpè magis liberi, sed non penitus securi. Nam videntes multos doctos in hoc mundo florere, & socios suos ad altiora conscendere; tentantur similia habere, & licitè possidere. Sed Christus contradicit, & melius suadet, dicens: *Vendite, quæ possidetis, (& à vobis non habetis, nec fecistis, nec creastis) & date pauperibus. Nolite thesaurizare vobis super terram, ubi omnia pereunt. Thesaurizate vobis thesauros in cælis, ubi omnia bona in æternum manent. Fuge ergo mundum, & sequere Christum, ut evadas infernum, & intres cum eo cælum.*

### CAPUT V.

*De scuto bonæ voluntatis, contra hostes.*

1. **S**icuti circumdabit te, veritas ejus; non timebis à timore nocturno, in longis matutinis; nec in die à dæmonio meridiano, in laboribus multis & jejuniis strictis. *Jesus Christus, via, veritas & vita*, salus, virtus, sapientia, aderit tibi à dextris tuis & sinistris in omnibus, quæ legis, cantas & agis; ut perseveres lætus in Dei semper laudibus. Ipse adjutor tuus, custos & protector fortis, ab omnibus hostibus malignis. *Si Deus pro nobis*, ait Paulus, *quis contra nos?* Vis non timere hostem? Ama Christum. Quando enim plus in te crescit amor Dei, tantò plus vilescit amor mundi, & perit timor

mali. Amor Dei mortem non timet, nec diabolus, nec infernum. *Tene ergo fortiter scutum bonæ voluntatis in amore Dei, & peribit omnis timor, & fraus inimici.* Psal. 5.

2. Bona voluntas odit omne malum, 2. cavet pro posse omne peccatum, respuit fictum, negat falsum, fugit mendacium, detestatur omne vanum & inhonestum. Bona voluntas beneplacet Deo, diligit omne bonum, omne verum, justum & sanctum; quærit purè ubique honorem Dei, in omni opere & sermone bono, in omni loco & tempore, quamdiu vixerit in mundo. Bona voluntas congaudet proximo in bono, contristatur de malo, subvenit in necessariis, orat pro delictis; indulget offensis, misereatur infirmis, consulit meliora errantibus. Bona & perfecta voluntas, habet Deum semper præ oculis, & cupit soli Deo placere in bonis operibus & cogitationibus suis; aliorum profectum corde & ore amat, & suum reputat; propriam voluntatem citò abjicit, laudem spernit, reputari subterfugit: omnia enim vana reputat, quæ à Deo retrahunt, & in infimis delectantur.

3. O frater paupercule, infime, & despecte, noli deficere in tribulatione & dolore; quia probaris cum Christo in cruce, & cum martyribus in clausura & carcere. Sustine ergo modicum patienter & libenter, qui non potes multa ferre gaudenter; sicut multi sancti fecerunt. Fer saltem pauca levia verba, qui non vales pati dura verbera. Sustine tu pro Christo aliqua tibi gravia, quando tam multi sæculares sustinent pro mundo graviora sine numero. Noli per-



perdere meritum tuum per impatientiam, qui omni die & hora potes promereri per piam sufferentiam, Regnum Dei & æternam gloriam. In tribulatione & dolore, statue ante te passionem Jesu Christi, & feres levius omnem grave, quod te premit.

4. 4. Nemo est in mundo, cui non occurrit aliquid contrarium, in corpore vel in animo. Nullus sine labore & dolore sub cælo, unusquisque sibi ipsi onus est & passio, sive solus sit, sive cum alio, in otio vel negotio. Necessaria ergo gratia Dei & magna patientia intus & extra, tanquam scutum bonæ voluntatis, contra inimici jacula, & carnis vitia, & mundi blandimenta. Indue armaturam Christi, serve Dei; & certa, ut bonus & fidelis miles, Crucifixo firmiter adhærendo. Tota vita Christi crux fuit; sic & tua erit. Ipse enim dicit: *Qui vult venire post me, tollat Crucem suam, & sequatur me in regnum meum.*

Luce 9.

C A P U T X I.

*De laude Dei, in omni opere bono.*

- I. **L**auda anima mea Dominum. Omnia bona fac ad laudem Dei; & quodcumque aliqua bona cogitas, loqueris, & operaris, dic in fine; Deo laus, Deo gratias. Quia sine Deo & gratia ejus, nil boni potes perficere, nec incipere, nec bene, rectè, & virtuosè consummare, Deus omnis boni initium & finis, dat & repetit, quod dedit. Recidat ergo superbia, jactantia & vana gloria; veniat & intrer humilis oratio, devota meditatio, gratiarum actio, & vox laudis omni tempore.

I.  
Psal. 145.

2. Quomodo potest aliquis venire ad puritatem & pacem cordis? Audi breviter, & serva versum istum in Psalmo: *Declina à malo, & fac bonum.* Custodi cor tuum à malis phantasiis, os tuum à verbis nocivis, manus tuas ab actibus illicitis. *Ecce hic homo accipiet benedictionem à Domino, & misericordiam à Deo salutaris suo.* Cogita ergo semper bona, loquere semper bona, age semper bona; & erit in pace vita tua, cum conscientia bona. Pax omni bono, humili, mansueto, simplici, omnibus renuntianti, & usque ad mortem obedienti. Væ omni malo; iniquo, & doloso, perverso, superbo, inobedienti, nemini plus quam sibi nocenti.

Psal. 38.

Psal. 23.

C A P U T X I I.

*De vitio vanæ gloria & propria complacentia*

I. **N**olite in sublime tolli, ait humilis Jesus. Non ergo vanè gloriæ, terra villis & cinis, in teipso, cum bene tibi fuerit: nescis enim quid futura pariet dies, si stabis, an corrues. Dicit beatus Paulus ad Romanos: *Noli altum sapere, sed time. Noli superbire in bono, ne cadas in malo.* Deus enim superbis resistit, tam Angelis quam hominibus superbientibus, & de seipsis præsumentibus, & sibi complacentibus. Heu, superbia insidiatur omnibus, Prælatis & subditis, secularibus & Religiosis. Superbia morbus valde contagiosus, citò inficit cor hominis: tentat castos & devotos, justos & innocentes, doctos & potentes,

I.  
Luce 12.

Rom. 12.  
Iacobi 4.

2. Quis ergo gloriabitur castum se habere cor inter homines, ut vivat ab omni malitia purus? Verè nullus. O Deus, *tu solus sanctus, tu solus*

2.



*Dominus, tu solus altissimus Jesu*  
*Christe: tu ante omnes, & inter*  
*omnes, tu super omnes Angelos &*  
*Sanctos, benedictus es in sæcula. O-*  
*ro itaque Domine Deus, sana animam*  
*meam, quia peccavi tibi. Cor mun-*  
*dum crea in me, & omnes iniquita-*  
*tes meas dele; ut sim totus purus, to-*  
*tus tuus, tibi placitus & acceptus,*  
*mihî autem vilis & abjectus in ocu-*  
*lis meis; ut inveniam gratiam & mi-*  
*sericordiam, coram te & omnibus*  
*sanctis tuis nunc & semper pie Jesu*  
*Christe.*

Psal. 40.

Psal. 50.

## CAPUT XIII.

*De variis bellis impiorum, & patientia*  
*piorum.*

**I.** **E***xpugna impugnantes me, quo-*  
*niam multi bellantes adversum*  
*me. Patientia ergo est tibi necessaria,*  
*& præcipue gratia Dei confortans te,*  
*intus & extra, in omni loco & tem-*  
*pore. Multa sunt bella in mundo,*  
*multus labor & dolor sub cælo, sed*  
*non in cælo. Et quis enumeret omnia*  
*malamundi, & occulta judicia Dei?*  
*Quis nisi Deus solus, iudex, justus,*  
*fortis & patiens, hominum malitiam*  
*vincens, lucens & pluens super bonos*  
*& malos? Non est, qui se abscondat*  
*à calore & notitia ejus, & possit præ-*  
*terire iudicium ejus, & effugere ma-*  
*nus ejus. In omni loco, oculi Domini*  
*contemplantur bonos & malos. Dic er-*  
*go, cum David in Psalmo; Oculi mei*  
*semper ad Dominum, quoniam ipse e-*  
*vellet de laqueo pedes meos. Et; Nisi*  
*quia Dominus adjuvit me, paulominus*  
*habitaasset in inferno anima mea. Non*

Psal. 34.

Psal. 55.

Prov. 15.

Psal. 33.

Psal. 93.]

ponas spem tuam & pacem in ho-  
 mine, nec in aliqua creatura cæli &  
 terræ; si non vis errare, falli, & tur-  
 bari. Salus in solo Deo vivo, vero,  
 æterno, & summè bono; qui om-  
 nia creavit ex nihilo, & regit recto ju-  
 dicio.

## CAPUT XIV.

*De malitia pravorum contra in-*  
*nocentes.*

**I.** **B***enefac Domine, bonis & rectis*  
*corde. Beati, qui ambulant in*  
*innocentia sua, coram te Domine:*  
*& sine dolo, in bona simplicitate,*  
*quærunte te. Beati omnes qui ante om-*  
*nia, & in omnibus verbis & factis*  
*suis, laudem tuam, gloriam tuam,*  
*honorem tuum, & amorem tuum,*  
*secundum omnem voluntatem tuam*  
*præstunt; & nil proprietatis in om-*  
*ni opere suo habent, nec habere cu-*  
*piunt. Sit Jesus in corde tuo in omni*  
*loco & tempore, in labore & quiete,*  
*sine fictione, sine murmure, sicut*  
*debet humilem servum Dei, ad om-*  
*nia bona paratum, die ac nocte. Non*  
*sic impii, non sic; sed tanquam pulvis,*  
*quem projicit ventus à facie terræ; &*  
*in quibus non est timor Dei ante o-*  
*culos eorum, nec amor Dei in cordi-*  
*bus eorum. Quid ergo in eis, & in-*  
*ter eos regnat? Omnis injustitia, lis,*  
*& discordia, superbia, invidia, a-*  
*varitia, fraus, & nequitia. Hæc vi-*  
*ta pravorum, qui non cessant malig-*  
*nati, & bonos ac simplices inquieta-*  
*re. Sed bonis ad meritum, ipsis ma-*  
*lis ad supplicium: bonis ad virtutum*  
*profectum, impiis ad malorum cu-*  
*mulum.*

Psal. 124.

Psal. 11.



mulum. Da nobis Domine, cum bonis in virtutibus perseverare. Amen.

## CAPUT XV.

*De invidia diaboli, contra salutem hominum.*

1.  
Sap. 2.  
Iob. 41.  
Diabolus  
ubique  
fecit dis-  
cordiam.

1. **I**nvidia diaboli mors intravit in orbem terrarum; & inde lis & discordia multa, inter homines est exorta. Heu diabolus, pessimus hostis generis humani, Princeps tenebrarum, & Rex super omnes filios superbiæ, non cessat adhuc tentare & inquietare fideles, Deo servientes. Fecit discordiam in cælo, inter Angelos, litem in Paradiso, inter Deum & hominem, inter Adam & Uxorem ejus, trahens eos ad peccandum; inter Abel & Cain, ad litigandum & occidendum, inter Jacob & Esau, ad odiendum.

2. Circuit quotidie per mundum ad pervertendum, inter sæcularem & religiosum ad deridendum, inter Læicum & Clericum ad detrahendum, inter doctum & ignarum, inter stultum & sapientem. Fremit inter superbum & humilem, inter fortem & debilem, inter magnum & parvum; inter pulchrum & deformem, inter nobilem & degenerem, inter senem & juvenem; inter Prælatum & Subditum, inter stabilem & vagabundum, inter devotum & dissolutum, inter taciturnum & loquacem, inter simplicem & astutum, inter veracem & mendacem. Inter hos & alios multos bonos & malos, Satan discurret, nitens ad malum trahere, & à bono impedire. A quo nos custodire & protegere dignetur Jesus Christus Dominus

noster, qui per Crucem suam Principem mundi vicit, & pretioso sanguine suo de manu ejus nos redemit. Amen.

## CAPUT XVI.

*De armatura Christi & Sanctorum, contra vitia.*

1. **A**ccipite & induite armaturam Dei, ut possitis resistere in die malo, & in omnibus perfecti stare. Qui enim perseveraverit usque in finem hic salvus erit. Et si quis aliquando ceciderit, & in aliquo offenderit, non tamen desperet; sed citò pœniteat & resurgat, cautius se custodiat & emendet. O quàm bonum consilium & salutare remedium, certans contra omne malum dictum vel factum, promittens certanti & pœnitenti magnum meritum, & vincenti ac perseveranti æternum gaudium, post hoc exilium possidendum. Unde Salvator prædicans Regnum Dei, & contemptum mundi, ait; Pœnitentiam agite, appropinquabit enim Regnum Calorum. Et iterum: Mensuram bonam, & conflantem, & coagulatam, & superfluentem, dabunt in sinum vestrum. Ephes. 6.  
Matth. 24.  
Matth. 5.  
Luca 6.

2. Arma malitiæ nostræ, non carnalia ab extra, sed spiritualia dona ab intra, charitatis opera, humilia servitia, orationes, fletus, & jejunia. Arma aurea, sunt sanctissima nomina Jesus & Maria, & omnium Sanctorum devotè invocata. Arma pauperis & humilis servi Dei, sunt crux, clavi, lancea, preciosa quinque vulnera, & omnia passionis Christi stigmata, in memoria scripta. Arma argentea, sunt sacræ scripturæ eloquia, doctorum vo-  
lumin-

1. Cor. 10.



lumina, Clericorum jura, Canonico-  
rum decreta, Monachorum statuta,  
devotorum preces, humilium mores,  
obedientium exempla. Arma ænea &  
candida, sunt Sanctorum Martyrum  
prælia, & gravia eorum tormenta pro  
fide Catholica, ad destruendum idola  
vana, & ad exaltandum nomen Jesu  
Christi crucifixi, super omnia regna &  
culmina mundi, & luminaria cæli.

3. Arma ferrea, sunt cilicia & jeju-  
nia, & poenitentium dura opera car-  
ni onerosa; longæ vigiliæ, preces mul-  
tæ, lachrymæ amaræ pro animæ salu-  
te; calores in æstate, labores in messe,  
frigora in hyeme; dolores in capite, in  
dente, in crure, in pede, & in aliis  
membris corporis, ad domandum vicia  
carnis, & ad resistendum diaboli sagit-  
tis. Arma virginum, viduarum, &  
matronarum; sunt castitas, verecun-  
dia, taciturnitas; humilitas, modestia,  
honestas; sobrietas, abstinencia à deli-  
ciis & ornamentis noxiis; mansio in  
domibus, cautio à viis publicis & firma  
custodia cordis & oris in omnibus o-  
peribus, temporibus, & locis. His ar-  
mis nos indue, Jesu piissime, & ab  
hostium defende periculis; ut ad te se-  
cure pervenire mereamur, interceden-  
tibus sanctis tuis pro nobis. Amen.

## CAPUT XVII.

*De utilitate frequentis orationis.*

I,  
Psal. 47.

I. **A** *Pud me oratio Deo vita mea,*  
in omni loco & tempore. U-  
bicunque ergo fueris, adsit tecum sancta  
oratio pro socio & solatio, sive bre-  
vis, sive longa, pro temporis congru-  
entia. Devoto servo Dei, omnis locus

aptus ad orandum, omne tempus breve  
ab bona meditandum. Scriptum enim  
est, & quotidie in missa legitur; *Ple-*  
*ni sunt cæli & terra gloria tua, O San-*  
*na in excelsis.* Vis fructuose & breviter  
orare: Offer Deo cor tuum plenè, & o-  
ra; Obsecro, salvifica, benedic & san-  
ctifica me Domine, qui habitas in cælis,  
fiat voluntas tua in me omni tempore.  
Et si rectè sapis, & bene intelligis, ac  
providè conspiciis; tunc omnis bona  
actio, locutio & cogitatio de Deo, de  
virtutibus & sanctis scripturis, est sup-  
plex oratio. Hæc ad cælum pulsatur, ve-  
niam petit, gratiam & gloriam impe-  
trat. Et quando hæc facis ad laudem  
Dei, congaudent sancti Angeli, tur-  
bantur dæmones, ædificantur proximi  
fratres & sorores, qui ad orandum  
excitantur oratione frequenti.

2. Non ergo cesset os ab oratione,  
nec manus ab opere, nec cor à medi-  
tatione, nec pes tardet à divino servi-  
tio. Surgat tecum oratio, nocte de  
lectulo, vigilet & canet tecum hym-  
nos & psalmos in psalterio, quiescat te-  
cum in dormitorio, præcedat & sequatur  
te in choro, sedeat tecum in refectorio,  
doceat te in locutorio, solvat tecum  
gratias pro cibo sobriè sumpto, transeat  
tecum in agrum, plantet tecum species  
in horto, redeat tecum in cubiculum,  
mundet tecum pedes à luto verborum,  
laver tecum manus à sorde operum,  
comitetur te in omni loco privato &  
aperto; habitet tecum in silentio, sit  
tecum in principio laboris, in medio &  
fine ejus; Ad laudem & gloriam sanctæ  
Trinitatis.

CA.



CAPUT XVIII.

De privatis orationibus, quasi jaculis acutis in hostes.

1. **V**erbo Domini confirmati sunt, & Spiritu oris ejus omnis virtus eorum. Verbum Dei scutum animæ fidelis ad protegendum, & jaculum acutum contra inimicum. Multæ fraudes antiqui hostis, multæ vanæ immisiones ejus, contra devotos, simplices, & humiles. Sed Christus, Dei virtus & sapientia, omnibus potentior est in cælo & in terra; qui uno solo verbo, potest Satanam vincere, & conterere sub pedibus suorum. Igitur si repentinus timor irruit super te, ora & lege: *Est nobis Domine turris fortitudinis, à facie inimici.* Si caro putrida stimulat, ora & lege: *Confige timore tuo carnes meas, à judiciis enim tuis timui.* Si prava suspicio influit, ora & lege: *Cor mundum crea in me Deus, & spiritum rectum in nova in viscibus meis.* Si mala tristitia te premit, ora & lege: *Redde mihi latitiam salutaris tui, & spiritu principali confirma me.* Si vana gloria inflat, ora & lege: *Non nobis Domine, non nobis, sed nomini tuo, da gloriam.*

2. Si desperatio molestat, ora & lege: *Spes mea Domine, à juventute mea, de ventre matris mea, tu es protector meus.* Si cædium mentem occupat, ora & lege: *Adjuva me, & salvus ero; & meditabor in justificationibus tuis semper.* Si somnus opprimit, ora & lege: *Illumina oculos meos, ne obdormiam in morte; ne quando dicat inimicus meus, prevalui adversus eum.* Si aedia impugnat, ora & lege: *Excita Domine potentiam tuam, & veni. Confirma me Deus in verbis tuis, ne deficiam in via.* Si labor aggravat, ora & lege: *Vide humilitatem meam & laborem meum, & dimitte universa delicta mea.* Si iracundia contur-  
à Kemp, Hospitale Pauperum.

bat, ora & lege: *Dapatientiam Domine, & pacem servo tuo, ne perdam coronam animæ meæ in cælo.* Tu enim dixisti: *In patientia vestra, possidebitis animas vestras.*

3. Si appetitus honoris & altior status te allicit & implicat, ora & lege: *Inclina cor meum Deus, in testimonia tua, & non in avaritiam. Averte oculos meos, ne videant vanitatem, in via tua vivifica me.* Si cibus & potus immoderatus tentat, ora & lege: *Regnum Dei non est esca & potus; sed pax & gaudium, in Spiritu sancto. Spiritus est, qui vivificat; caro non prodest quicquam.* Si curiositas audiendi, nova, aut videndi pulchra, te movet, ora & lege: *Omnis gloria filia Regis, ab intus.* Omnia enim infima, caduca; omnia mundana, vana, quantumcunque sint decora. In solo Deo, omnia bona, plena, sine fine. Si Jesum sequeris, & omnibus renunciaveris, omnia in eo possidebis. Post multa sacra verba, hoc unum retine; sæpè ora, sæpè lege. *Mihi adhaerere Deo bonum est, ponere in Domino totam spem meam.*

CAPUT XIX.

De versculis, ante initium operis, legendis.

1. **I**n corde meo absconde eloquia tua, ut non peccem tibi. Nam citò curruct homo in malum, si non habuerit aliquid boni in corde suo, de Deo Jesu, salutari suo. Ut ergo promptè habeas Deum in mente, omnia quæ audis & vides, legis & pensas, trahe ad Deum. Memor esto nominis Domini Dei tui, dic ac nocte, ut bene sit tibi cum eo; quia sine eo, semper malè tibi erit, ubicunque fueris, & quicquid habueris. Quando suscitaris in nocte, aperi oculos tuos, & lege versiculum istum, & dic ad teipsum: *Surge surge qui dormis, & illuminabit te Christus, qui promisit coronam vigilantibus & orantibus.*



bus. Cum pulsatur iterum, mox lege:

*Matth. 25.* *Ecce Sponsus IESUS venit, exite obviam ei.*  
Qui tardè venit, confunderetur, & benedictione carebit.

2. Cùm vocatus fueris ad laborem,

*1. Cor. 3.*  
*1. Reg. 15.*  
*Ecl. 4.* *lege: In nomine Iesu Christi Nazareni, surge & ambula, & fac opera tibi injuncta; quia melior est obedientia, quam victima propria.* Inter laborem sæpè ora, psalmos devote rumina, fabulas cave, Jesum invoca, & genua flecte. Ad sonum campanæ, lege Ave Maria, & eite commenda.

*Matth. 2.* *Ad pulsum chori, lege: Hoc signum magni Regis est eamus & offeramus ei munera, aurum, thus, & myrrham.* Quando chorum intras, lege:

*Psal. 5.* *Introibo in domum tuam Domine, adorabo ad templum sanctum tuum in timore tuo.* Quando cum aliis stas in choro, lege:

*Psal. 37.* *In conspectu Angelorum psallam tibi, adorabo ad templum sanctum tuum, & confitebor nomini tuo.* Quando exis è choro, lege:

*Psal. 118.* *Deduc me Domine, in semitam mandatorum tuorum, quia ipsam volui.*

*Genes. 28.* *Quando intras sacristiam, lege: Verè locus iste sanctus, in quo sacerdotes & ministri se præparant ad divina celebranda.*

*Jean. 20.* *Quando gradum dormitorii ascendis, lege: Ascendo ad Patrem meum, & Patrem vestrum; Deum meum, & Deum vestrum. alleluja.*

3. Quando descendis, lege: Zachæ,

*Luce. 19.* *festinans descende; quia hodie in domo tua, oportet me manere.* Quando intras cellam, lege:

*Psal. 117.* *Aperite mihi portas justitiæ, ingressus in eas confitebor Domino. Hæc requies mea in sæculum sæculi hic habitabo, quoniam elegi eam.*

*Psal. 131.* *Quando exis foras, lege: Dirige Domine, Deus meus, in conspectu tuo viam meam. Domine sequor te, quocunque ieris, quia verba vite æternæ habes.*

*Psal. 5.*  
*Matth. 2.*  
*Jean. 6.* *Cum redieris, lege: Bonum est nos hic esse, faciamus hic tria tabernacula, cum Iesu &*

Maria & tota cæli curia; quia melius est hic, quàm in platea. Cùm pulsatur ad prandium, lege: *Beatus, quia manducabit panem, in regno Dei. Mens cibus est, ut faciam voluntatem Patris mei, qui est in cælis.*

*Matth. 17.*  
*Luce. 14.*  
*Jean. 4.*

4. Ante gustum cibi, lege: *Cibabis nos pane lachrymarum, & potum dabis nobis in lachrymis, in mensura.* Si malè sapit cibus, lege: *Lederunt in escam meam fel, & in sui mea, potaverunt me aceto.* Cùm ergo Iesus accepisset acetum, dixit Patri:

*Consummatum est & mox inclinato capite emisit spiritum.* Felix, qui cum Iesu in cruce moritur, ut cum eo resurgere mereatur.

*Jean. 19.*

Si cibus bene sapit & potus, pro commune paratus, lege: *Quàm dulcia faucibus meis eloquia tua, super mel & favum ori meo.*

*Psal. 118.*

*O quam suavis est Domine spiritus tuus, & quàm magna multitudo dulcedinis tue, quam abscondisti timentibus te.*

*Sapient. 12.*

Ante initium operis, lege: *Adjutorium nostrum in nomine Domini, qui fecit cælum & terram.*

*Psal. 123.*

*Omnia ad laudem Dei, lege: Adesto omnipotens Deus Pater, & Filius, & Spiritus sanctus, lege: Assiste mihi, ô pia Virgo Maria, cum Iesu dilecto Filio tuo, salvatore meo.*

5. In fine omnis laboris lege: *Deo gratias, Deo laus, pro omni bono.*

*5.*  
*Psal. 118.*

Ante lectionem in libro, lege: *O æterna sapientia, revela oculos meos, & considerabo mirabilia de lege tua.*

*Psal. 103.*

*Emitte Spiritum tuum, & creabuntur in me virtutes & dona gratia, cum spe futura gloriæ.*

Post studium pone librum ad locum suum, & recogita quæ legisti, memorans verbum Domini, quod in cœna dixit: *Si hæc sciitis, beati eritis, si feceritis ea.*

*Jean. 13.*

In omni verbo Dei, invenies manna cæli, si rectè intelligis, & bene vivis. Si malè vivis, lapis est, non panis suavis. Convertte cor tuum ad humilem

&



& pium Jesum, & invenies animæ tuæ folatium; & omnia adversa, convertentur tibi in bonum, & æternum gaudium.

CAPUT XX.

*De septem virtutum gemmis, bonæ congregationis.*

**I.** **1.** *G*eneratio rectorum benedicetur, & inter impiorum peribit. *Benedictio Domini, super caput iusti; maledictus verò qui declinat à mandatis Domini.* In omni bona & devota congregatione, fulgent præcipuè septem commendabiles virtutum gemmæ, tanquam devotionis signa, Deo & Angelis placita, sed dæmonibus contraria. Prima gemma, est obedientia in subditis; ut omnes superiori suo sponte, promptè, & humiliter obediant, & unusquisque propriam voluntatem suam relinquat; & cum Christo omni hora dicat: Pater non sicut ego volo, sed sicut tu vis. Pater fiat voluntas tua bona, & non mea mala. Sic vincitur diabolus, & consilium ejus annullatur, crescit obedientiæ meritum, & augetur cœleste præmium.

**2.** **2.** Secunda gemma est concordia in bonis moribus; ut simul laborent, vigilent, orent, jejunent, edant, & invicem se confortent: juxta verbum Jacobi Apostoli: *Orate pro invicem ut salvemini.* Tertia gemma, est constantia in locis; ne locum suum leviter deserant, nec pro commodis propriis mutant, sed pro Christo firmiter se sustineant, ut à Christo audiant: *Vos estis, qui permansistis mecum in tentationibus meis.* Quarta gemma, est patientia in adversis, ut parati sint dura & aspera, pro vita æterna sufferre, quæ sibi possunt contingere, sive à seipsis, sive ab aliis, Deo juxta permittente. In loco enim, ubi multi congregantur ex diversis ætatibus & nationibus raro est, quin ibi

contingat aliqua turbatio in verbis vel factis. Ideò necessaria est patientia, optima medicina, contra omnemurbationem, juxta S. Pauli doctrinam: Alter alterius onera portate: & sic adimplebitis legem Christi. Quæ autem ista sint onera, quotidiana experientia docet: scilicet infirmitas corporum, & imperfectiones animorum & virtutum defectus in omnibus nobis, quia nemo perfectus in omnibus, nisi solus Deus.

**3.** **3.** Quinta gemma, est mansuetudo sermonis ad consodales, nuttiens charitatem, delens iram, & faciens pacem inter fratres: ut nemo alium verbo, signo, facto, riso, joco, serio turbet, lædat, aut offendant: sed sicut seipsum attendat diligat, & Christum præ oculis semper habeat, qui dicit: Discite à me, quia mitis sum & humilis corde, & invenietis requiem animabus vestris in mundo, & vitam æternam in cælo. Sexta gemma, est gratitudo pro beneficiis Dei, laudans ac benedicens Deum pro omnibus bonis, ab initio mundi usque ad finem & consummationem sæculi. Tanta enim sunt beneficia Dei in cælo & in terra, ut nemo explicare vel numerare ea sufficiat. Ideò omnia Deo retribuenda sunt, & ab omnibus laus semper solvenda. Septima gemma, est perseverantia finalis in omnibus virtutibus prædictis, cum multis aliis donis istis annexis. Hæc ducit prudentem & fidelem servum in paucis, pro quicunque talentis lucratis in gaudium Domini sui, æternæ pacis requiem; ubi cum Jesu & omnibus sanctis, gaudebit semper in gloria.

Amen.

*Finis Hospitalis Pauperum.*



# DIALOGUS NOVITIORUM.

## PROLOGUS.

Joan. 6.  
Verba  
Doctorem  
& exem-  
pla bono-  
rum frag-  
menta  
sunt, quæ  
colligi  
oportet.

**C**olligite quæ supererant fragmenta, ne pereant. Verbum Christi est ad discipulos suos. Cum enim omnipotens & misericors Dominus de quinque panibus & duobus piscibus quinque millia hominum satiasset, iussit reliquias fragmentorum colligi, ne perirent. Mysticè autem loquendo fragmenta ciborum sunt verba Doctorem, & exempla bonorum, quæ à studiosis fratribus frequenter pensari debent, & in libris vel in tabulis tanquam in cophinis ad utilitatem legentium diligenter inseri & observari. Hac consideratione inductus, pro novitiis exhortandis, quorundam prædecessorum meorum monita & exempla, Deo juvante, huic opusculo inferere cogitavi: quatenus his bonis auditis, laudetur altissimus Deus, à

quo bona cuncta procedunt; & multi legentes ista, ad contemptum mundi amplius accendantur.

## CAPITA HUIUS LIBELLI.

- Q**uod locutio de Deo, multum prodest noviter conversis. Cap. 1  
Quod meliora sunt in exemplum trahenda, & deteriora vitanda. 2  
De laudabili statu religiosorum, si bene servetur. 3  
De periculis novitiorum, ex consortio mundanorum. 4  
De sacerdote tentato, & à Deo consolato. 5  
De juvene clerico, qui relicto studio, monasterium intravit. 6  
De matrona, quæ filium conversum planxit, sed postea ad Deum conversa, gratias egit. 7  
Quod potius est Deo obediendum, quàm amicis. 8

# DIALOGUS NOVITIORUM.

De contemptu mundi.

1.  
Novitius.

**R**ogo te Pater charissime, ut amore Jesu Christi, diligentem ad me respectum habeas: quæ salutaria sunt, edoceas, excessus meos strictè corrigas, passionibus meis remedia tempestivè adhibeas, & si qua exempla bona nosti, mihi etiam imitanda proponas. Idcirco enim mundum, & ea quæ in mundo sunt, reliqui, ut in statu religionis, plenius discam voluntatem Dei, & faciam, à periculis tentationum, securius vivam, & tandem finito hujus vitæ studio, æternæ beatitudinis

Scopus  
monasti-  
cen ag-  
gredien-  
tium.

præmia, cum fidelibus Christi merear adipisci.

2. Intendo namque de cætero, totam vitam meam ad Dei servitium ordinare, & modicum temporis, quod mihi remanet, in religione consummare. Quapropter paratus sum, omnem subire laborem, & tuis admonitionibus acquiescere, ac seniorum obtemperare statutis, pro mea salute editis & profectu sicut novitium decet, & status religionis requirit.

\*\*\*

CA.



## CAPUT I.

*Quod locutio de Deo, multum predest  
noviter conversis.*

1. **I.** **L**ibenter audio, quod dicis, & si  
Senior. porero prodesse, faciam, quod  
hortaris. Adsit nunc Spiritus sancti gra-  
tia, ut loquar digna, quatenus Deo  
nostra colloquia placeant, & proximis  
utilia fiant. Siquidem magna ars docen-  
di est, recta debite proferre, & eadem  
testimoniis sacris confirmare. Cupio au-  
tem tecum de Deo & servis Dei, aliqua  
loqui; ut tibi ex auditione solatium ve-  
niat, & mihi meritum, ex hujusmo-  
di colloquutione accrescat. Confido in  
Domino Jesu, quod pietas ejus non  
deerit nobis orantibus, qui presentiam  
suam promisit de se loquentibus affutu-  
ram, dicens: *Ubi duo vel tres congrega-  
ti sunt in nomine meo, ibi sum in medio  
eorum.*

2. **I.** **L**ibenter audio, quod dicis, & si  
ait: *Qui sunt hi sermones, quos confer-  
tis ad invicem ambulantes, & estis tri-  
stes?* Et dixerunt; De Jesu Nazare-  
no. Ecce, qualiter pius Dominus de se  
contristatis, presentialiter occurrit. Et  
quia non de secularibus negotiis, sed  
de factis nostri Salvatoris loquebantur;  
idecirco ab eo meruerunt consolari, &  
in divinis scripturis pariter erudiri. Mox-  
que in amore Christi, tam vehementer  
sunt accensi; ut ex dulci colloquio  
ejus, mirabiliter illuminati dicerent:  
*Nonne cor nostrum ardens erat in nobis,  
dum nobis loqueretur in via, & aperiret  
scripturas?* Sicut enim bona colloquia

accendunt corda piorum in amorem  
coelestium, ac germinare faciunt ope-  
ra virtutum; sic vaniloquia corrumpunt  
bonos mores, & gratiam Dei per-  
dunt, devotionem extinguunt, con-  
scientiam maculant, & alios scandali-  
zant. Oremus ergo ad Dominum, ut  
illuminet vultum suum super nos, &  
custodiat nos ab omni opere malo,  
& sermone otioso. *Sedeamus cum Ma-  
ria Magdalena ad pedes Jesu, ad audien-  
dum verbum illius, quod potest salva-  
re animas nostras; & in omnibus acti-  
bus nostris, ad beneplacitum Dei tenda-  
mus.*

Quid col-  
loquia bo-  
na, quid  
mala effi-  
ciunt.

Luce. 10.

Jacobi 2.

1. **C**onfortasti me, & instruxisti  
verbis, optimis exemplis. Uti-  
nam custodiam vias meas, ut  
non delinquam in lingua mea. Uti-  
nam dirigantur omnes viæ meæ, in  
conspectu Dei mei semper. Sed non  
pigeat te, ad interrogata mea respon-  
dere. Dic quæso; quomodo potest  
quis ad perfectum sæculi contemp-  
tum venire, & verus Christi discipulus  
effici?

2. **V**ideo namque multos seculum  
relinquere, & postea tamen ad sæcu-  
larem vitam redire. Alios etiam con-  
sidero, habitum Religionis assume-  
re, sed à pristino fervore languere.  
Cum aliis Ecclesiam intrant, sed devo-  
tionis gratiam non degustant. Quo-  
dam etiam intueor ad exteriora deflue-  
re, & paulatim ad noxiam libertatem  
declinare. Rogo te, non me patiaris à  
via perfectionis exorbitare; sed quid  
cavendum sit, quidve tenen-  
dum, doceas evi-  
denter.

2.



## CAPUT II.

*Quod meliora sunt in exemplum trahenda,  
& deteriora vitanda.*

1. **B**onus discipulus, paratus est acquiescere Magistri sui consilio; nec quicquam temerè, contra ejus sententiam, agere præsumit; sic servat humilitatem, implet obedientiam, meretur gratiam, tenet pacem, custodit conscientiam, & auget sibi gloriam. Qui enim aurem suam præbet sapientiæ & doctrinæ in principio, non poterit de facili errare, sed gaudebit de beato fine, brevi labore transacto. Tantoque plus proficiet in virtutibus, & sapientior erit; quanto humilior superioribus se submittit. Nam arbor quæ in altum crescere debet, oportet quod radices mittat in imo ne cadat. Non ergo paveas repentino timore, sed in Deo statue fiduciam firmam, relinque propriam voluntatem, & subijce te in vera humilitate. Dominus erit in latere tuo, qui protegit gradientes simpliciter, & humilibus suis secreta revelat.

2. Ut autem melius perseveres in bono, à melioribus vivendi accipe normam, à doctioribus investiga sapientiam, ab expertis quære consilium, & cum devotis tracta sermonem. Si autem videris quosdam, à via veritatis errare, & tetro post Satanam abire, noli pereuntes imitari, sed bonos & ferventes studeas semper æmulari. Quare cum paucis salvari, qui per angustam portam intrant ad vitam. Nam Christo teste, lata & spatiosa est via, quæ ducit ad perditionem, & multi sunt, qui intrant per eam. Væ eis, qui à Domino Deo recedunt, & redeunt in Egyptum, hoc est in hunc mundum; peccatis tenebrosus, ut pas-

cant carnem suam citò morituram. Beatus autem homo, qui metuit Dominum, & in lege ejus meditatur die ac nocte, ut ambulet in viis ejus. Attamen pius Dominus non deserit suos, sed sicut bonus pastor consolatur oves suas, quæ vocem ejus audiunt, & sequuntur eum usque ad mortem, eligentes magis mori in bello tentationum, quàm peccato consentire, vel turpiter ad seculum redire. Talibus enim dicit: *Nolite timere pusillus grex, quia complacuit Patri vestro, dare vobis regnum.* Quid timendum sub tali pastore vivere, pro æterno regno militare, quod ipse dare promisit? Et quidem faciet, quod promissit. Nec solum gaudia futura, pro contemptu mundi promissit se daturum, sed etiam in præsentem, dat servientibus sibi, consolationem Spiritus sancti, quæ longè melior est & suavior, quàm omnis lætitia mundi. Nam sæpe orantibus, devotionis gratiam infundit, & in lege Dei meditantibus, lumen intelligentiæ aperit, ut gustata suavitate spiritus, caro vilescat & mundus. Unde perfecti huic sæculo renuntiantibus, Dominus ait: *Omnis qui reliquerit domum, vel fratres, aut sorores, aut patrem, aut matrem, aut agros, propter nomen meum, centuplum accipiet, & vitam æternam possidebit.*

3. Sed quia multi vanas consolationes quærunt, & ad exteriora se convertunt, idcirco devotionis gratiam non sentiunt, nec cœlestem illuminationem accipere merentur. Est ergo tutissimus status placendi Deo, & meritorius amplioris gratiæ & gloriæ, fugere mundum, amicos relinquere, temporalia contemnere, arctiorem vitam assumere; propriis renuntiare, sub obedientia vivere, labori-

Lucæ 12.

Matth. 19.

Via tutissima ad placendum Deo.



## CAPUT III.

*De laudabili statu Religiosorum, si bene  
servetur.*

1. **S**Tatus Religiosorum magnus & sanctus est, si bene servetur; si quisque sic vivat, ut regula docet, & habitus demonstrat, sed non est ideo frater securus, & spiritualis mox censendus, quia cum bonis ambulat, & sacras lectiones frequenter audit, & bene cantat, sed quia toto corde nititur implere, quod promissit; & facit, quod debet. Quod si ex fragilitate excedit quandoque aut aliquam tentatione vincitur, vel passione movetur; citò se corrigere studeat, & multum doleat, reum se cognoscat, nec excusando culpam augeat; sed ad petendam veniam, spontè se humiliet, ut Deus ignoscat. Pius enim Dominus; quamvis offensus sit & contemptus, fletibus & precibus confitentium citò placatur, sicut David sanctus poenitendo testatur: *Cor contritum & humiliatum, Deus non despicies.*

2. Igitur magno conamine, ad interiora te extende, quæ retrò sunt & huius mundi obliviscere, nec ad remissos & infirmiores respice; sed ad quid venisti, & quid te agere oportet, attend. Nam qui proficere vult, omni die, incipere debet; nec ullum laborem abhorre; nec aliquod tempus otiosè præterire. Non igitur longos dies, nec annos plures, in religione computes; nec de dignitate ordinis gloriæris, nec loci amœnitate delecteris; sed quàm longè adhuc à veris virtutibus distes, pensa; & in quantis vitiis sordibus jaceas, diligenter pertracta. Nam qui se aliquid esse putat, ipse se seducit. Per elationem quippe gratia Christi perditur, & bona diu qua sita citius evelluntur.

3. Igitur

laboribus insistere, vigiliis & jeuniis carnem marcerare; lectionibus & orationibus incumbere; contra tentationes & vitia quotidie certare, præsentia fastidire, æterna desiderare, gratiam Dei instantè quærere, inventam sollicitè custodire, viliter de seipso sentire, aliis libenter obsequium impendere, soli Deo optare placere, sine querela inter fratres niti conversari, & in sancto proposito, ac proficiendi desiderio, firmiter perseverare. Hæc ad verum Christi discipulum pertinent, hæc seivum Dei, ad cœlestè regnum indubitanter perducunt. Unde benignus Magister electis discipulis suis: *Vos (inquit) estis, qui permanistis mecum in tentationibus meis: Et ego dispono vobis, sicut disposuit mihi Pater meus, regnum, ut edatis & bibatis, super mensam meam, in regno meo.*

1. **P**lacent, quæ dixisti. Ex his namque verbis, confortatus sum in Domino, & in spem vitæ æternæ, pro qua laboro, lætus respiro. Non enim sunt condigne passionis huius temporis ad futuram gloriam, quæ revelabitur in nobis. Et verè, qui Deo fideliter serviunt, & modo bene habent, & in futuro majora percipient. Omnia enim cooperantur electis in bonum, tam præsentia quam futura.

2. Quapropter precor tuam clementiam, ut vacillantem animam, sacris eloquiis confirmes, & si qua bona exempla de aliis nosti, mihi etiam libenter exponas. Quamvis enim multa præclara facta, de veteribus sanctis audiavi, opto tamen bona nova audire, de modernis. Veruntamen causas à spirituali profectu tardantes, prius mihi aperi; ut inimici fraudes cavere, & calles iustorum valeam inoffenso pede transire.

Senior.  
Monacho-  
rum con-  
ditio no-  
bilis ac  
sancta, si  
quidem  
servetur.

Psal. 50.

2.  
Phil. 3.

Galat. 5.

Luca 12.

Novitius

Rom. 8.

Ibidem.

Matth. 19.

3.

Via tutis-  
sima ad  
placem-  
dum Deo.



3. Igitur occulta super te iudicia Dei metue, omnia opera tua districtè discute, *altiora noli querere, nec curiosari*; sed quæ tibi præcepit Deus, cogita semper. Et quamdiu in corpore peccati manes, non securitatem à tentationibus, non requiem à laboribus tibi audeas polliceri, sed sicut strenuus miles certa contra vitia; & donec accipias coronam gloriæ, scutum patientiæ, in omni tentatione & angustia, corde firmissimè tene, ut cum Apostolo Paulo dicas, mortis articulo imminente: *Bonum certamen certavi, cursum consummavi, fidem servavi; de reliquo reposita est mihi corona iustitiæ, quam reddet mihi justus iudex.* Et quidem Dominus noster Jesus Christus, non misit Apostolos suos, ad querendum honores temporales & commoda carnis; sed ad crucem portandam, & propriæ voluntatis libertatem abnegandam. Unde sequaces suos hortatur, dicens: *Si quis vult venire post me, abneget semetipsum, & tollet crucem suam, & sequatur me.*

4. Indue ergo armaturam Dei, & sta in præparatione pugnæ; quoniam multi bellantes adversum te, caro, mundus, & diabolus; qui non cessant impugnare die ac nocte innocentes, & Christo servire volentes. Sed ne timeas eos, nec audias, neque credas eis, nec consentias suggestionibus eorum pulchris & fictis; quoniam in dolo tecum loquuntur, ut capiant & decipiant, atque à Deo elongent, & ad omne malum finaliter perducant. Quapropter vigila in orationibus; & adversus insidias diaboli, divinum flagita humiliter quotidie auxilium, & fratrum expertorum acquiesce consilio; ne tentatio tibi dominetur, & mundus rursum te illiciat

& involvat. Habeto igitur in mente, quod in Apocalipsi, ad consolationem militum Christi in sæculo pugnantium, legitur: *Qui vicerit, faciam illum columnam in templo meo; & dabo ei edere de ligno vitæ, quod est in paradiso Dei mei.*

1. Sicut jam supra ad emendationis studium, & perfectæ mortificationis agonem, me animasti; ita nunc pericula à bono incepto retrahentia & ad sæcularia desideria invitantia, ad cautelam mihi planius describe.

2. Dolendum enim vehementer, cum quis labitur in teporem, refugiendo parvi temporis laborem. Sed magis descendendum, cum aliquis relicto Dei timore, revertitur ad sæculum, diaboli sequendo instinctum; sicut infelix Judas fecit; qui propter pecuniæ quæstum, reliquit Christum, & cum Pharisæis iunxit consilium; & tandem pervenit ad laqueum, miserabiliter finiendæ vitæ præsentem, & mortem incurrendo sempiternam. Aperi ergo os tuum, & denuda dolos serpentis antiqui? qui sub specie boni, decipit multos, ut sæpe probasti.

## CAPUT IV.

*De periculis novitiorum, ex consortio mundanorum.*

1. Sunt multa, quæ impediunt incipientes; sunt plura, quæ retrahunt proficientes; sunt verò valde pauci, qui ad perfectionem perveniunt, & omnem difficultatem per vitæ meritum transcendunt. Quidam namque ferventer incipiunt, sed ortâ tentatione à proposito sancto resiliunt, & ad pristina vitia relabuntur: Et quia Deum putè non

quæ-

Apc. 3.

1. Novitius

2.

1. Senior



Joan. 16.

quærunt, nec integrè se resignant; tot obstacula inveniunt, quot tentamenta eis occurrunt. Hi enim ignorant, aut oblitii sunt, quod elegerunt; quia pro Deo, & pro anima sua certare, atque pati adversa venerunt; sicut Dominus apertissimè dicit: *In mundo pressuram habebitis: sed confidite, ego vici mundum.* Quomodò? Per tolerantiam videlicet alienæ malitiæ, & perseverantiam in statu bonæ vitæ.

2.

2. Multi enim sic Deo servire volunt, tanquam nihil gravitatis passuri; sed cum omni jucunditate, sint hic victuri. Sed qui talia quærunt, terrena adhuc sapiunt, & Religiosorum certamina non noverunt. Utinam recalescant, & per fructum boni operis se exerceant; ne per proprium commodum decepti, æterna præmia perdant. Studeas ergò ad sufferentiam laborum & dolorum, te præparare; quatenus in futuro cum Christo æternaliter gaudere, & cum triumphatoribus mundi, in celo coronari merearis.

3.

3. Ad cautionem igitur tuam, animadvertè quæ dico. Si non vis decipi in via Domini, si intendis proficere, & in bono perseverare; fuge consortia hominum sæcularium, cave occasiones tentationum; ut non videas, nec audias, quæ mundi sunt, ne corpore associatus eis, etiam mente inquineris. Vili-pende honores, divitias & voluptates, quæ seducunt amatores suos, nec unquam satiant possidentes. *Qui enim volunt divites fieri in hoc sæculo, incidunt in laqueum diaboli, & in desideria multa, de quibus non poterunt, sine magna gratia Dei, liberari.* Hæc autem tria vitia prædicta fo-væ sunt, & radices omnium peccatorum. Ut ergò meliùs vincas, & tutiùs

Honores,  
divitiæ ac  
volupta-  
tes sæculi,

à Kemp. Dialogus Novitiorum.

vivas, nec venenosi serpentis moribus intereas, qui mille modis insidiatur animarum salutis; fuge, tace, quiesce, abscondere, elongare. Ama nesciri, disce mori; luge præterita, sperne præsentia, meditare futura. Hæc brevis regula, maneat in memoria tua, & docebit te vincere omnia terrena.

omnium  
peccato-  
rum radi-  
ces.

4. Relinque etiam notos & amicos, 4.

parentes & vicinos, ut Christum invenias, & Angelorum socias postmodum fias. Beatius est tibi, ut elongatus innocenter vivas, & solus salveris; quàm cum multis lupis & draconibus, discumbendo & canendo, pericliteris. Nam rarò diu bonus permanebit, qui sæcularibus personis libenter se immiscet. Citò quoque devotionem suam perdet, qui sollicitè eam non custodit, sed varia amicorum solatia petit. Lumen in lucerna clausum, fulgorem suum retinet & ardorem; extrà verò positum & ejectum, levi flatu extinguitur & tenebrescit. Quod si omne rarum, charum censetur; tanto erit quis Deo charior, & hominibus reverentior, quantò rariùs foris videtur. Et si omnibus religiosis & devotis, excursus nocivus est, & occupatio interdicitur sæcularis; præcipuè tamen juvenibus & novellis, nocet visitare amicos sæculares, ac patriam requirere nativam, quam reliquerunt. Noli ergò affectare familiaritatem extraneorum, qui habitum geris devotorum; sed per contemptum mundanorum, disce scandere ad societatem civium supernorum.

Nota f.  
mille.

5. Quid ad te de statu mundi scire, novos rumores inquirere, & talia frivola audire; unde postea cogaris phantasticari; & vix queas orando, ac gemendo, & legendo expellere ea de corde? Quidam sub specie pietatis inducti sunt, ad converten-

Bb

dum



dum amicos & cognatos; & dum inter illos morari non timuerunt, inimici fraude circumventi, suum propositum infregerunt. Oportet namque quod valde fortis sit, & bene fundatus in virtutibus, atque in omni actione & locutione incedat circumspectus; qui fructificare debet in populo, & absque periculo conscientiae, conversari in saeculo. Et zelus quidem animarum laudandus est, si sit discretus, rectus, purus, nullaque vanitate infectus; qui raro invenitur in novellis, & nondum plenè mortificatis. *Quid enim proderit homini, si totum mundum lucretur, & seipsum perdidit?* Dilige aliorum salutem, sed tuum caveto periculum. Non est præbendam perdere, aut corrigiam amittere; animam periculo exponere, aut votum frangere, vel à sancto proposito resilire.

*Matth. 16.*

6. 6. Tutiora loca, inermibus & infirmis, sunt quaerenda. Arduum enim nimis in saeculo continenter vivere, & immunem se à peccato conservare, David vir sanctus, fortis & armatus, cum persecutionem à Saul Rege pateretur, ad tutiora loca in deserto, cum suis militibus ascendit; ibidem latuit, donec saevitia hostis cessaret. Et tu ergo longè ab amicis & saecularibus hominibus discede, ne peccatis pravorum involvaris, & post casum inopinatum, plangas te errasse, & poeniteat bonis consiliis non credidisse. Siquidem tenellus flos, citò manu capitur, tactu læditur, & facillimè spina perforatur: Sic imperitus juvenis, & noviter conversus, nisi fugiat & recedat à societate mundana, incendetur celeriter igne carnalis concupiscentiae, & inquinabitur pice lubricalis vitae, discurrando per mortifera

*1. Reg. 27.*

itinera, gulæ, luxuriæ, avaritiæ, superbiæ & invidiæ, velut equus effrenis sine timore, & tanquam insensatus sine ratione. Si enim vix potes tentationibus resistere, occasione remota quid in medio laqueorum praesumis mens infirma? Ecce alii precibus, alii promissionibus aggrediuntur animum juvenilem; laudant corporis formam, suadent incolere patriam, & augmentare progeniem; nec debere parentes relinquere, quos Deus præcepit ore suo honorare. Sicque verbis pulchris, & humanæ sapientiæ cantilenis, melodizant auribus pudicis; donec moveant arbusculam Deo adhærere cupientem; si fortè audiat, & acquiescat amicorum consiliis, & secum abducant incautum ad saeculum, qui jam mentis pedem levavit ad cælum, & proposuit incunctanter intrare monasterium, ac Dei se facere servum, propter summæ beatitudinis promissum.

7. 7. Alii etiam viceversa, duris increpationibus, crebris irrisuionibus, & mordacis linguæ stimulis provocant innocentem, ac humiliter incedentem, nominant hypocritam, amentem. Quid tu (inquiunt) infatuare prætendis, quod amicos deseris, & bonos dies contemnis? An tu solus sanctus eris, & solus regnum Dei intrabis? Putas nemo bonus erit, & Deo placebit, nisi ita, fecerit & ierit, sicut tu facis & transis? An soli monachi, & tui similes salvabuntur? Desine, desine miser, quia non vales perficere, quod coepisti. Nonne vides quàm multi à religio- sitate ista recesserunt, & quam pauci ibidem perdurârunt? Mane nobiscum, revertere ad amicos, esto latus socius, frue- re bonis concessis, Deus erit propitius. Hæc & his multa similia, dicere consue- verunt sapientes mundi, inimici Crucis Christi,



*Christi, ut decipiant simplices, & pervertant à via iusta Christum sequi volentes. Contra quos dicendum est, cum*  
*Psal. 118. Propheta in psalmo: Mihi autem adhaerere Deo, bonum est, ponere in Domino spem meam. Et item: Narraverunt mihi iniqui fabulationes, sed non ut lex tua.*

8. Caveas ergò tibi à sibilis serpentum, quoniam subverfores sunt tecum, & diabolus est princeps eorum. Quem enim diabolus per se vincere non potest, nec defraudare; illum per satellites suos pervertere quærit, aut blanditiis irretire, ne sæculum relinquat. Nam mundus scit tot dolos & nequitias, tot inventiones confingit, & rixas habet; ut nemini pax tuta sit, nec firma fides, & vix aliquis evadere possit innocuus, nisi segreget se ab hominum turbis, & Jesum quærat, ut Evangelium docet, in locis desertis. Exi ergò citò cum Abraham Patriarcha de terra tua, & de cognitione tua, & de domo patris tui, & veni in terram sanctam, id est monasticam vitam, & laudabilem in Christo congregationem; ut audias legem vitæ & disciplinæ, & servias Domino Deo tuo fideliter omnibus diebus vitæ tuæ, donec finito laboris tui certamine, æternum regnum accipias; ubi in conspectu Dei & Sanctorum cum Angelis sanctis, semper exultes.

9. Noli retrò respicere, cum uxore Loth; neque maneat in Sodoma carni serviendo; sed salva te in montibus, superna quærendo; & angelicum ducatum, per obedientiæ viam humiliter sequere, univèrsas propriæ voluntatis affectiones pro Deo mortificando. Fuge cum sancto Helia, à facie Jezabelis pessimæ mulieris; & perge in solitudinis secretum, perpetuæ continentie servan-

do propositum; donec in curru igneo, post turbineum sæculi, leveris in cælum. Persevera etiam cum beato Samuele, in tabernaculo fœderis coram arca Dei, in habitu religioso devotè ac reverenter Domino ministrando; ut audias vocem Dei loquentis de excelso, cœlestium consolationum libamenta prægustando, ac tandem plenissimè his Domini verbis consoleris in morte; Euge serve bone & fidelis; quia in pauca fuisti fidelis, supra multa te constituam, intra in gaudium Domini tui. Esto igitur fidelis usque ad mortem, & dabitur tibi corona vitæ. Quam nemo meretur dignè accipere, nisi qui legitimè certaverit, & usque in finem perseveraverit in virtute. Sed ut jam dicta factis comprobem, etiam exempla perseverandi tibi describam.

## CAPUT V.

*De Sacerdote tentato, & à Deo consolato.*

1. ERAT apud nos Sacerdos quidam, <sup>1.</sup> Alardus nomine, cupiens sacu- <sup>senior.</sup> lo renuntiare, & canonicæ Religionis habitum acceptare. Sed antequam investitus esset, tentator affuit; ad memoriam ei priores sæculi delicias reducens, quibus diu prodigè utebatur; cœpitque tristari vehementer, quia parentes & amicos reliquisset, & jam inter alienos tanquàm exul à patria sua, vivere deberet desolatus. Tristitiâ igitur subortâ, secuta sunt & alia non pauca gravamina, veluti conitrua dura. Nam tædium loci, & difficultatem Ordinis, hostis ei incussit malignus; & quàm benè posset vivere in partibus suis, & multis æquè prodesse amicis. Hæc enim sunt fraudulenti serpentis jacula, quibus sæpè



novitiorum corda nititur vulnerare; ut à sancto proposito, eos resilire compellar. Sed Deo miserante, dum adhuc Sacerdos staret in acie certaminis, lux cœlestis consolationis emicuit, & totam nebulam mundanæ tristitiæ dissipavit.

2. Itaque spiritu Dei, contra diabolicas immisiones reaccensus & confortatus, cœpit intra se cogitare ad quid venisset, & solerti ratione in propositum jam arreptum perpendens, virili animo seipsum erigebat, dicens: Ecce Deo providente, hunc locum emendationis gratiâ, spontè supplexque intrâsti; nunc multo plura pro tuis necessariis invenisti, quàm pridem in sæculo reliquisti. Paucos amicos propter Christum postergasti; sed jam plures spirituales fratres, majori charitate tibi conjunctos, pro carnalibus recepisti. Cuncta, quæ ad usum hujus monasterii pertinent, tua sunt, ac tecum dividuntur in charitate. Alii pro te laborant, alii pro te orant, alii pro te legunt, alii scribunt; nemo hic oriatur, nemo propria possidet, omnia in commune conferuntur.

3. En tot habes hîc servitia, quot sunt claustrici officia, cum universa familia. Quid ergo habes conqueri; aut quid times, Deo libero corde servire? Subjice te incunctanter suavissimo jugo Christi, tolle super te onus Domini leve, obliviscere populum tuum, & domum patris tui; ut pro parvis magna recipias, pro temporalibus æterna, pro vanitatibus hujus sæculi gloriosissimum regnum Dei, quatenus cum Paulo Apostolo veraciter proloquaris: Tanquam nihil proprietatis habentes, & omnia in communitate possidentes. Hæc & similia eo cogitante, & sanctorum Patrum vestigia per singulos dies considerante, con-

fortatus est in melius animus Sacerdotis. Et post probationis tempus, habitu regulari indutus est, atque anno completo, solenni voto professus. Qui postmodum in ordine, annis triginta laudabiliter vivens, in bona senectute obdormivit in pace.

## CAPUT VI.

*De juvene Clerico, qui relicto studio, monasterium intravit.*

1. **F**uit quidam juvenis scholaris, primæ ætatis flore vigescens, qui studio literarum deditus Daventriæ, nonnunquam à studentibus sociis & promotis, ad studium Parisiense invitabatur promissis & donis. Sed quorundam devotorum consilio, ab hac intentione revocatus est, & informatus, ne se periculo daret, desiderio altioris doctrinæ.

2. Interea accidit, ut duo germani fratres consodales ejus, corpore & ingenio habiles, de schola Daventriensi versus Parisios se transfèrent. Cumque parvo tempore ibidem in studio stetissent, uno die ambo defuncti sunt. Sed & alii quidam ex studentibus, ad magisterium promoti, post multas expensas & diuturnos labores, cum cœpissent scientiâ & famâ clarere, ex hac luce repente sunt substracti. Audiens hoc præfatus juvenis de suis cœtaneis studentibus, compunctus est amplius, atque in brevi valedicens scholasticis rebus, discipulus Christi inter Regulares effectus est.

\* \*



## CAPUT VII.

*De matrona, quæ filium conversum planxit, sed postea ad Deum conversa gratias egit.*

**1.** **M**atrona quædam dives & secularis, filium unicum habuit tenerè dilectum, ætate & scientiâ ac moribus adornatum. Hic cœlesti inspiratione afflatus, elegit Deo potius humiliter servire, quàm in sæculo paternis bonis transitoriè frui & mercari. Recessit ergò ab aspectibus amicorum longius, periiitque monasterium Regularium, ad famulandum Domino secretius & perfectius, cunctis mundi retinaculis abdicatis. Quem mater vidua subsecuta, precibus ac lamentis studuit revocare, sed minimè valuit.

**2.** Illa igitur ad sua abeunte, & in merore gravi existente, contigit in eadem civitate casus infestus, ut cuiusdam potentis divitis filius, ab altero seditiosè percussus, plangeretur extinctus. Quo audito, matrona rem gestam examinans, & ad se tandem reversa, alienis periculis docta, propriam tristitiam temperavit, atque semetipsam redarguit, dicens: Quàm bene tibi accidit, ut hoc de filio tuo non audias, nec de cætero formides? Nónne tutus in monasterio Deo servit, quàm apud te in sæculo periret? Ex illa demum die, ad bonitatem Dei conversa, gratias maximas egit, nec ultrà filium quasi amissum planxit: sed de ejus conversione summopere gaudebat, fratres regulares specialiter dilexit, hospitio sapius recepit. Et hoc mihi in mensa sua recitavit.

**1.** **N**ovitius **G**ratanter audio quod dicis, & spero, quod mihi proficiet &

multis. Satis dolendum? quod multi parentes ita inordinatè filios suos diligunt, quod magis eos sæculo nutriunt quàm Deo, quod plus cupiunt illos divitiis ac honoribus sublimari, quàm virtutibus & bonis moribus pollere.

**2.** Heu, quod non recogitant, quàm subitò mors filios à parentibus separat, nec ullus hominum quantumcunque dives vel nobilis fuerit, poterit semetipsum aut aliquem amicorum, à mortis lege liberare: sed oportet nos omnes ante districti judicis tribunal præsentari, ut referat unusquisque prout gessit in vita: & recipiat pro qualitate meritòrum suorum, irrevocabilem sententiam, æternam scilicet gloriam vel pœnam.

## CAPUT VIII.

*Quod potius Deo est obediendum, quàm amicis.*

**1.** **R**ectè sentis pro tua salute. Nam qui Deo servire statuit, debet ei potius, quàm parentibus obedire. Hinc est, quod veritas sequentibus se discipulis, ait: Qui amat patrem, vel matrem, plus quàm me, non est me dignus. Non ergò audiendi sunt, qui propter solatium amicorum, suadent in sæculo manendum, sed illi potissimum imitandi sunt, qui propter amorem Christi, elegerunt ab amicis elongari: quatenus Deo liberiùs serviant, devotius ei inhæreant, & frequentius pro amicis exorent. Unde si in via Dei voluerint adversari, & ingressum religionis impedire, vitandi sunt & relinquendi. Nam & omnium Religiosorum legislator, & Magister, Jesus Christus Dominus noster, formam perfectæ abrenunciationis ostendit, cum dicit, *Si quis*



venit ad me, & non odit patrem suum, & matrem, adhuc autem & animam suam, non potest esse meus discipulus.

2. 2. Attende, quod non dixit Dominus, quare primum an placeat parentibus vel amicis; sed hoc sarage facere, quod mihi noveris maximè placere.

*Matth. 8.* Dimitte ergò mortuos sepelire mortuos suos: tu autem sequere me, & quare primum

*Matth. 6.* regnum Dei, & iusticiam eius. Habebis enim thesaurum in cœlis, si renuntiaverit omnibus terrenis. O quàm stolidi sunt & cœci, qui pro vili & brevissimo delectamento carnis, negligunt quærere æterna gaudia cœli; qui nunc formidant subire sacri ordinis disciplinam, & non ponderant inextinguibilis ignis perpetui flammam.

3. 3. Ah nimium differt humilis habitus monachorum, & larvalis aspectus dæmoniorum, Valde dissonant inter se,

devotus cantus Religiosorum, & intolerabilis planctus damnatorum. O si scirent donum Dei, & gustassent, quam suavis est cœlesti Domino servire; libenter terrena cuncta relinquerent, quæ nec diu tenere valent, & ad Religionis statum convolarent, per quem recto itinere ad cœlum conscenderent. Unde pius Dominus pusillos corde cohortatur, ne præcepta salutaria in Ordine perhorrescant; sed potius cum omni humilitate obedientiæ jugum suscipiant, dicens: *Tollite jugum meum super vos, & discite* *Matth. 11.* *à me, quia mitis sum, & humilis corde; & invenietis requiem animabus vestris.* Quam nobis præstare dignetur Jesus Christus, Mariæ filius, qui regnat Deus, per omnia sæcula sæculorum: Amen.

*Finis Dialogi Novitiorum.*

## EXERCITIA SPIRITUALIA.

### CAPITA HUIUS LIBELLI.

**D**E fervida exhortatione ad virtutes. *Cap. 1.*

De firmo proposito servando per diem. 2

De elevatione & directione cordis ad Deum. 3

De custodia cellæ, & sensuum exteriorum. 4

De hora surgendi, & de divino officio. 5

De refectorio & cibis sumendis. 6

De fabulis & otio vitandis. 7

De beneplacito Dei & confidentia in adversis habenda. 8

De examinatione conscientie completorio finito. 9

De scrutinio conscientie in speciali. 10

De hora dormitionis & nocturna quietis. 11

De virtute sanctæ obedientiæ. 12

### CAPUT I.

*De fervida exhortatione ad virtutes.*

**I.** **R**enovamini autem spiritu mentis vestra, ait beatus Apostolus. *I. Ephes. 4.* Solent devoti Religiosi, bona habere erercitia; quibus ad spiritualem profectum & virtutis amorem quotidie excitentur. Tales secretum petunt, & tumultus fugiunt populares; vitam suam sollicitè discutiunt, & si in aliquo offenderint, mox ilud dignâ contritione purgare nituntur. Vigilant circa cogitationes suas: quibus affectionibus moventur animadvertunt, atque contra evagationes cordis, frequenti oratione, ac sacra lectionis meditatione



*Psal. 116.* ditatione, sed muniunt, & dicunt: *Viam iniquitatis amove à me, & de lege tua miserere mei.* Necesse est enim cor in diversa rapi, & vitiis repente sordidari, quod internis ac devotis exercitiis non inficit.

2. Omnium exercitiorum primum, & inutile magis ad purgationem mentis, est passiones vitiorum agnoscere, & remedia eorum à Deo, cum gemitu & lachrimis, postulare. Nam pauperes, ægroti, & vulneribus corporis afflicti, luctuosis precibus opem curationis, à transeuntibus sedulo perunt. Misericors autem & pius Dominus, non despiciet orationem contriti spiritus, pro æterna salute gementis. Habeas igitur exercitia tuæ conversationi congrua, quæ te instruant, renouent, & accendant. Non debent hæc privata excludere communia; sed ad ea te promptiorem magis reddere; ut in nullo detrimentum internæ pacis incurras. Quod si ab inceptis tuis, occasione aliquâ impeditis: quanto citius vales, stude ad te ipsum habere recursum.

3. Frequenter etiam tuum inspicere libellum; ut clarius tibi innotescat internus profectus tuus, sive defectus. Secundum datam tibi gratiam, præ forma institutionis tuæ normam. Nemo melius instruitur ad omne bonum, quam Spiritu sancto intus agente; cuius unctionem, mitis & humilis facilius promeretur. Sapientis est ordinare vitam suam, & debitum actibus suis imponere finem. Oportet etiam convenientia media inquirere, quibus ad principale perveniat intentum. Plus proficit una determinata actio sapientis, quam magna occupatio stulti. Qui importune & inconsiderate agit, facile offendit, &

dolebit ipse offensus. Qui autem maturatur utitur providentiâ, de salubri semper fine gaudebit. Esto memor propriæ fragilitatis, etiam dum bene tibi successerit; & altum de te sapere noli. Est qui elatos humiliat, Deus malleus superbiorum.

## CAPUT II.

*De firmo proposito servando per diem.*

1. **O**Mni mane proponendum est, qualiter præsens dies utilius expendatur. Contra vitia, quæ magis infestant, diligentiores adhibere curam. Quotidiana exercitatio, gratiæ meretur augmentum; & perseverantia boni, ad virtutis culmen ducit agentem. Fortè ultima dies ista, fortè novissima hora, fortè cras te non inveniet. Custodi propositum, tempus negligere noli, non redit hora transacta. Certa bonum certamen. Ora pro gratia, & dabitur tibi de cælo victoria sancta. Stude minora vincere, ne ad deteriora labaris, ignaviâ prævalente. Semper lex Dei in corde tuo versetur, gratiarum actio & vox laudis, ab ore tuo non tepeſcat.

2. Omne tempus, cum Deo non expensum, plange velut amissum. Cave otiosos texere sermones, & inutiles circuitus devita per ædes, stet in ostio cællæ pro signo, notabile breve; quod te præmoneat exeuntem, & redarguat diutardantem. Periculum tuum inter homines multos. Orto jam die, benedic Creatori cæli & terræ; qui tibi adhuc spatium bene vivendi concessit, & solem suum pro variis usibus super te oriri fecit. Christus vivere tibi sit, & cuncta opera tua, ad Christi ditige laudem. Ipse spes tua tota, & præmium æternale, quod expectas; gratiam autem humanam, non quæras nec affectes.

3. Si



3. Si non vis decipi, noli laudibus stultis delectari. Novit Deus cor tuum, quàm impurum sit & vanum. Ne credas adulanti; sed potius, increpantem ausculta, qui bene consulit, dum tua corripit errata. Habeas semper ad manum orationis usum, contra omnia adversantia invincibile scutum.

## CAPUT III.

*De elevatione & directione cordis ad Deum.*

1. **A**Nte opus externum, priùs eleva cor ad Deum. Quicquid boni feceris aut dixeris, non magni pendas, sed inutilem te servum veraciter reputabis. Offendit enim oculos Divinæ majestatis etiam levis elatio cordis. Utinam unam saltem diem, vel mediam ferè horam, cum Deo integrè expendas. Heu, nimis instabilis es & impurgatus, etiam ubi devotior esse deberes.

2. Opere finito, aut horis persolutis, gratias age de bene peraetis; & de negligentis intercursis, veniam flebiliter pete. Magna ablutio est delictorum, humilis veniæ deprecatio coram Deo, & Angelis sanctis. Ad singulas horas, lege salutationem Angelicam, aut quod facile te recolligat cum Deo, & citius inflammet. *Qui non colligit mecum* (inquit Jesus) *dispergit*; & *qui non est mecum intus collectus, contra me est, vagando in externis*. Hic enim pronior est ad malum, infirmiorque ad resistendum, quia intima sua reliquit, & Deum.

*Matth. 23.*

3. Nomen Jesu & Mariæ, crebrò in ore, semper in corde, pro solatio primo senties quantum profuerit amor Jesu internus. Sanctorum quoque nomina, cum omni reverentia invoca & ho-

nora. Mira devotorum experimenta, fidem præbent verbis ostensis: Nec pigeat dicere aliqua suffragia, cum festum agitur in Ecclesia sancta. Homo tristis & gravatus, ad amicos accedit sibi magis fideles. Et tu ergò ad Dei sanctos humiliter accede, & cum bona fiducia, necessitatem tuam precando revela. Licet enim modò in magna sint gloria, fuerunt tamen aliquando in miseria nostra. Nò erunt ergò miseris, charitate pleni plenius misereri. Sive intus sis, sive foras transieris, anima tua in manibus tuis semper. Nec propositi tui hodierni obliviscaris, quod (heu) nimis citò per incuriam perit. Oculi tui super vias tuas, quia ubique sunt insidiæ hostis maligni, ad capiendum animas vagas.

## CAPUT IV.

*De custodia cellæ & sensuum exteriorum.*

1. **C**USTODI diligenter cellam tuam, & custodiet te. Tutior locus non est servo Dei in hoc mundo, quàm latere in secreto; ubi Patrem oret liberamente, ostio cubiculi clauso. Periculosus semper exitus cellæ; mansio ejus, quies devotissimæ vitæ. Qui assuescit cellam suam incolere, citò pacem cordis hauriet, & tutabitur à periculis maximis & multis. Solitudo devotionis est mater: Turba verò conturbat. Christus, qui non potuit impediri in turba, declinavit tamen à turba. Via solitaria, Deo & Angelis grata, pacis semper amica. Qui potest capere capiat. Solitarius regnum Dei, in silentio habet. Finis Religiosi est, omnibus terrenis abdicatis, Deo vacare in puritate cordis, & custodia oris. Fortis, qui contemnit sæculum; fortior, qui vincit seipsum, abne-

1.



abnegando omne proprium, propter Christum spontè pauper effectus. Si non vis distrahi, & lædi, noli alienis rebus implicari. Quod tibi non est commissum, taceat super hoc os tuum. Si videris geri non recta, ne temerè judices tamen facta tibi ignota. Bene delibera, antequam loquaris, ne capiaris in verbo.

2. Cave à frequenti exitu, & ubi opus non habes, ne accedas. Si obedientia jubet, vel utilitas requirit; vade cum decenti disciplina, & citò ad tua revertere secreta. Foris oculos custodi, aures obtura à rumoribus, refrena linguam, & bonam meditationem assume. Antequam excas, orationem præmitte, pro diligenti custodia viæ. Lege: *Dirige Domine Deus meus, in conspectu tuo viam meam. Perfice gressus meos, in semitis tuis: ut non moveantur vestigia mea.* Jesus & Maria, sint tecum semper in via. Inter opera tua, memor sis dilecti tui Jesu, cuncta cernentis sub cælo, qui corda rimatur in omnibus locis & horis. Si non vis irretiri, noli circumspicere multum. Oculi duces sensum, citò cor vagum inficiunt. Quid prodest videre, quod non licet habere? Foris sæpè hauritur, unde inferior homo inquinatur. Difficile est res pulchras videre, & non affici visis. Imago semel inspecta & non statim evulsa, aut noxam generat, aut rixam in corde carnali.

3. Ad cavendum ergò laqueos apertos vel occultos, libentius sis intus quàm foris. Rediens itaque ad cellam velut ad tranquillitatis portum, fige in ea stabilitatis anchoram, per orationem ferventem, & lectionem devotam. Non enim patitur cella, tepidum & otiosum in se diu morari. Flecte statim genua, vel caput inclina ante Crucifixum, &

à Kemp, Exercitia Spiritualia.

saluta præcipuè Jesu matrem Mariam Dominam nostram. Dicito attentè, & replica sæpe hunc versum: Hæc requies mea in sæculum sæculi, hic habitabo, quoniam elegi eam. *Domine bonum est nos hic esse*, super omnia desiderabilia terræ; locus enim iste, sanctus est. Quamdiu ergò spiritus tuos rexerit artus, sit cella requietionis tuæ domus ac tumulus, donec tibi aperiatur paradísus cœlestis. Est enim via brevis de cella ad cœlum, si in ea cœlicam duxeris vitam.

4. Deinde gestus tuos retracta, quid operatus sis foris, & locutus. Plange, quod tam fragilis sis; quod levi etiam motu resilis à proposito sancto. Quid lucratus es, si Deum perdidisti propter fabulas? Ecce, sine Deo, omnia vanitas; meditari autem de Deo, mira mentis suavitas. Utinam damno tuo erudiaris, ad cautelam ampliorem foris habendam. Redi tandem ad teipsum, licet inquinatus & distractus. Recupera in secreto, quod in publico foris amisisti. Heu, rarò exitur sine periculo, rariùs sine culpa reditur. Reversus gemens tace, & omnia tibi nociva exclude. Memor sis Dei solius; nec te moveat de cætero, spatiandi discursus. Vidi frequenter evagantes, & nullum fructum inde fereptes.

5. Tempore laboris vel Scripturæ ad breves orationes recurre. Rumina ex psalterio versiculum, aut Evangelium, repete verbum, quod te commonefaciat, & tædium pellat. Oportet quod sis diligens operator, aut fervens orator, si in Dei servitiò proficere ac perseverare contendis. Quamvis igitur sæpissime evagationes patiaris mentis impuræ, ad solita tamen orationum arma, & bonarum meditationum studia, citiùs te conver-

Cc

conver-



converte. Omni die specialem articulum, de Christi passione assume; necnon memoriam Beatæ Virginis, tuis interfere exercitiis, pro devotione collectis. Libenter sacros codices scribe, quatenus libro vitæ merearis inscribi; & à Christo pro modico labore, perenni præmio ditari.

## CAPUT V.

*De hora surgendi, & de Divino officio.*

1. 1. **Q**uia Religiosus es, idcirco altioribus sanctitatis studiis obligaris. Recedat igitur somnolentia ab oculis, torpor evanescat & mollietis carnis. Virilem animum indue, ad divinum opus perge maturè. Esto paratus ad singula, quæ noveris facienda: erit enim merces operi tuo magna, & gloria infinita. Cumque fuerit hora surgendi, ne tardes in lecto; sed assuesce surgere citò, & signa te sanctæ Crucis signaculo trino. Recordare verbi Domini Jesu, discipulos excitantis: *Surgite* (inquit) *vigilate, & orate, ut non intretis in tentationem.* Lege & Pauli verbum:

*Lucæ. 22.*

*Hora est, jam nos de somno surgere? & aperti sunt oculi nostri surgere ad Christum.*

*1. Tim. 13.*

2. 2. Pulsato ad chorum signo, occurre tempestivè cum primis, & loquere cum Regibus sanctis. Hoc signum magni Regis est: Eamus, & quæramus eum. Sta in choro cum metu & reverentia, & psalle nomini Domini altissimè. Sis integrè tibi collectus, ac Deo firmiter intentus. Diligenter ausculta Dei verba, quæ ibi leguntur & cantantur. Noli tædio vinci: sed coge corpus spiritui servire. Datur enim frequenter nova gratia devotè psallenti. Si non, ad primum oris tui sonum, lectio sapit aut psalmus, exspecta Domini gratiam, &

persevera usque in finem. Veniet incunctanter Dominus, & visitabit desideranter ad se clamantem. Tunc mirabitur & dilatabitur cor tuum in omnibus, quæ audieris & legeris. Et scies, quia multiplex ejus lex; & beatus, quem ipse docuerit testimonia sua, ad faciendum ea omni tempore cum diligentia magna.

3. Inclinationes & protestationes, & alias bonas consuetudines cum omni humilitate observa; quibus torpentia corda excitantur, ne dormitent præ tædio, corpore lassò. Nam cuncta, si debite agantur, ad meritum non exiguum computantur. Ipse Dominus noster, Jesus Christus, instante horâ passionis suæ, flexis genibus, & vultu prostrato oravit ad Patrem. Sanctus quoque protomartyr Stephanus, positus genibus, pro lapidantibus se supplicavit. B. Petrus Apostolus, curvatis in oratione genibus, viduam mortuam suscitavit. Maria Magdalena inclinans se, & prospiciens in monumentum, vidit Angelos Sanctos. Sta ergò reverenter, sicut decet Christi servum, aut prosternete humiliter, uti oportet, nihil prætereundo, quæ sacra institutio jubet. Pigritiam in sedendo, & levitatem in eundo vel stando ubique devita.

*Lucæ. 22.*

*Act. 7.*

*Act. 9.*

*Joan. 20.*

4. Modestiam cum religiosa hilaritate, prout Religioso congruit, moribus ostende. Ne autem distraharis ab assistantibus, aut aliquid confusè ibi agentibus perturbes: respice coram te, & divinis sic fixè intende arcanis, ut non movearis diabolico instinctu; cujus astutia, sæpe confusio fit & risus, ex levi facto & modico tumultu; quod lamentandum est, & omni modo præcavendum. In loco sancto, temerè quicquam agere impunè non cedit. In præsentia Dei, & Ange-

4.



Angelorum frequentia, nil præter Divina cogitare licet, nulla terrena pertractare decet; præcipuè in horis & Missis, ad devotè canendum & silenter orandum, deputatis. Transiens per Ecclesiam vel cœmeterium, recordare obitus tui diem, tibi ignotum. Intue-  
re quoque sepulchra mortuorum, quos sequeris in brevi, humo simili operien-  
dus & oblivioni, tanquàm mortuus à corde, tradendus. Terra es, & in terram ibis, hominum pedibus mox conculcandus. Memento ultimi finis, ecce cuncta velut umbra declinant, & in interitum vadunt.

## CAPUT VI.

*De refectorio & cibis sumendis.*

**I.** **A**nte refectiois horam, non negligas pro benefactoribus, & amicis defunctis orare. Hoc enim pium est, & valde salubre. Ad hoc teneris ex debito fraternæ charitatis, & jure Divino, pro beneficiis tibi impensis. Sicut tibi optas fieri post mortem, ita te nunc exhibeas amicis defunctis, in celebrando & orando fidelem. In mensa recordare Dominicæ cœnæ, quid Christus Dominus egerit & dixerit discipulis suis. Sit Prælati tuus in medio fratrum, tanquàm verus Vicarius Christi; reliqui fratres convalescentes, sicut Apostoli sancti. Ordo quippe tuæ professionis, ex Apostolica vita sumpsit exordium; ut docet regula Beatissimi Patris Augustini. Attende sacræ lectioni magis, quam epulis sumendis; Et ne appetitus gulæ, alliciat nimis & increseat, amarum fel Christi, & acetum in Cruce poratum, tuis poculis intermisce.

**2.** **2.** Ante sumptionem cibi, levatis oculis mentis in cœlum, ora cum Pro-

pheta: Cibabis nos Domine pane lacrimarum, & potum dabis in lachrymis, in mensura. Modestè & cum timore Dei, comedendum est; quia Eleëmodynæ fidelium sunt, & labores egenorum. Semper ad commune refectorium vadas: quia ibi major animæ fructus, & puriori inde conscientia, cum gratiarum actione prandio facto resurges. Ibi cum debita mensura & majori disciplina, necessitas sumitur naturæ, & superflua refecantur. Ibi susurria nullatenus audiuntur, sed verbum Dei sine murmure, cum silentio pertractatur.

**3.** Qui autem in privato libenter comedunt, infirmitate non cogente, aut disciplinam fugitant, aut gula vincuntur. Officiales, propter hospites & necessitates urgentes, sæpius adesse non possunt. Bonum tamen exemplum in edendo & loquendo, aliis dare tenentur; ne occasione officii liberiores effecti, extra disciplinam tendant, qui cæteros sub disciplina servare jubentur.

## CAPUT VII.

*De fabulis, & otio vitandis.*

**I.** **P**randio facto, ori tuo frenum impone: quia tunc promptior est homo, ad loquendum & ridendum. Memor sit pauperis Lazari, ab Angelis in sinum Abraham deportati, qui hic in egestate magna & doloribus vixit. Dives autem deliciis & scurrilitatibus vacans, sepultus est in inferno, nunquam inde exiturus.

**2.** Disce formam vitamque Jesu, in omni humilitate & simplicitate cordis imitari. Tolle quoque quotidie crucem tuam, vincendo tuos defectus, ac tentationibus viriliter resistendo. Nam corpore refecto, caro plus tentat; ideo labo-



ribus & studiis, est reſſrenanda diurnis. Si graviora non potes agere, fac libentiſſimè parva. Nunquàm otio vaces, nec fabulis delecteris. Cuſtodiam tibi, & bonum exemplum fratri, exhibere teneris.

## CAPUT VIII.

*De beneplacito Dei & confidentia in adverſis habenda.*

1. **I**N omni igitur re, facienda intus vel foris, beneplacitum Dei perquire; & ejus honorem majorem, omnibus utilitatibus tuis præpone. Dum triſte aliquid adverſumque occurrerit, ne paveas repentino timore; ſed ad Dominum humiliter confuge, qui non deſerit ſperantes in ſe, *Nam de ſe præſumentes Deus humiliat, & confundit in ſua aſtutia confidentes.* Omnes electi, adverſis multis probati ſunt, & quotidie probantur; ut in veritate humiliati & probati in præſenti, in futuro glorioſius exaltentur.
2. **Q**uando in aliquo excedis, non concidat cor tuum: nec deſperes conſuetudine prava, vel ſubita commotione devictus; ſed agnoſce reatum tuum, confitereque delictum, proponens firmiter emendare, & cavere de cætero, prout oportet. Præſumptuoſus citò deſperat in adverſis; humilis verò, contemptus & exprobratus, magis in Deo confidit, oppreſſusque convaleſcit. Qui honores non deſiderat, nec propria commoda quærit, ſecurus & gaudens pergit ubique. Anguſtias patietur, quiſquis terrena ſectatur.
3. **E**x charitate fraterna & obedientia ſancta, relinque privata; & fac, quæ tibi ſenſeris adverſa. Omnia ſupplebit Dominus, & multo melius, quàm tu poteris cogitare, Si injuria tibi ſit, penſa,

quìa bene meruiſti. Libenter injurias remitte, à quocunque inflictas; ut Deus iterum tibi cunctas dimittat offenſas. Cum audieris aliquem tibi durius loqui, noli contendere verbis auſteris; ſed patienter fer fratriſ infirma, & in diſciplinatum doce ratione prudenti. *Qui verbo non offendit, ille perfectus eſt vir,* ait Beatus Jacobus. Utinam tot bona & ſancta verba ſtudeas proferre, quor prius vana dixiſti. In recompensatione igitur levium nocentiumque verborum, tace compunctus, vel loquere ſolertiori modo præviſus.

## CAPUT IX.

*De examinatione conſcientia, compatorio finito.*

1. **E**ro jam factò, examinanda eſt conſcientia, de ſtatu defectus hodierni; an ſolito pigrior, an ferventior extitiſti. Non parcas tibi ipſi, in defectibus corrigendis; ſed argue, quæ propria iniquitate commiſiſti. Tu reus es, tu hæc & illa feciſti. Recogita, quid in choro, quid in Miſſa, quid in Conventu, quid in menſa, quid foris, quid in cella, hodie egiſti vel omiſiſti.
2. **Q**uando totum emendabis? quando ſatisfacies Deo, & Angelis ejus, & hominibus? Debitor es omnium: & ad ſolvenda debita peccatorum, vix unum habes integrum nummum. Quis eſt iſte nummus? Confeſſio oris, ex vera contritione cordis. Loquere ergo cum Propheta, pro venia impetranda: Confitebor adverſum me injuſtitiam meam Domino, & tu remiſiſti impietatem peccati mei. *Pro hac orabit ad te omnis Sanctus, in tempore opportuno.* Siquidem tempus magis opportunum, ad recollectionem

2.  
Confeſſio  
oris ex vera  
contritione  
unius  
nummus  
noſter.

*Pſal. 31.*



tionem cordis variis occupationibus per diem distracti, videtur esse hora completorii; ad quietem sanctæ vacationis, proserenatione conscientia purgandæ, deputata.

3. Væ illi, qui hanc horam negligenter præterit; & de die in diem, de hora in horam, locutiones protrahit; nec statum cordis moreque & actus vix semel in die examinat, quod omni hora facere necessarium foret. Quamvis enim tu negligas intima tua discutere, Deus tamen nil patietur inultum abire. Usque ad minimum namque quadrantem, exiget talentum tibi commissum. Dedit siquidem unicuique sensus, & legem vitæ ac disciplinæ constituit ad bene agendum, & ad meliora semper proficiendum; nullum verò tempus otiosè vaneque consumendum. Ad te ipsum vel serò revertere miser homo, totus deditus externis terrenis; qui ignoras, quando veniet Dominus, & quam velox tibi instat exitus mortis.

Matth. 5.  
25.

## CAPUT X.

*De scrutinio conscientia in speciali.*

I.  
Prov. 18.

1. Quoniam igitur iustus in principio sermonis accusator est sui; idè diligentius perscrutanda est quotidiana conversatio, in speciali. Stultus odit increpationes, vanus non eurat, superbus se excusat, piger dissimulat, dissolutus irridet. Sapiens verò vias suas considerat, præterita retractat, futura præcogitat, vitia exhorret, Scripturas amat, precibus insudat. Doce sapientem, & amabit te. Securus in bonis ambulas, si mala non lateant.

2.

2. Capitulum culparum ergo, tibi noveris diligentissimè esse servandum. Multi computant pecunias & expensas

rerum, pauci conscientiam & negligentias temporum discutiunt: ideoque magis deficiunt, quàm proficiunt. Loquuntur bona, & non faciunt: detestantur mala in aliis, seipsos autem negligunt in multis. Tu verò aliter institutus es. Et si verè proficere velis, omni vespere te discutere non omittas. Quod si feceris, renovaberis spiritu mentis, & pacem habebit tabernaculum tuum. Securè dormies, & non erit, qui exterreat quiescentem in Christo. Mirum valde & tremendum nimis, quòd quis audeat ire dormitum, aliquo gravi delicto occupatus, nec compunctus, neque confessus. Prò dolor, plures percepi, in sua malitia & peccatorum facibus, subita morte extinctos, & omni amicorum solatio destitutos. Ad cavendum ergo detestabilem negligentiam, in examinatione conscientia propria, de omni verbo & opere iudicium tibi hora congruenti statue, & rationem villicationis tuæ, à teipso exige strictè. Serve male & piger, die qualiter hunc diem expendisti.

3.

3. Ecce notavi, quòd hodiè suscitatus, non statim alacriter surrexisti, pigristi in lecto, vix ad ultimum signum te crexisti, & post alios tardior venisti. Non cantasti fortiter, nec attendisti diligenter. Vana retractasti, & præ inopia devotionis etiam dormitasti. Accelerasti ad finem & ad lectum, & hoc mihi valde ad suspectum; quia sicut impræparatus chorum intrasti, sic indevotus existi. Verba multa prompsisti, parvum fructum retulisti. Tardè etiam hodie ad opus accessisti, acediosè laborasti. Locutus es inutilia, interrogasti curiosè, iudicasti suspiciosè, risisti sæpè dissolutè, detraxisti, commotus fuisti. Corde &

C c 3

oculis



oculis evagatus est, in choro, in mensa, & modicum ad lecta attendisti. Sæcularia cautè auscultasti; verba Christi & Sanctorum dicta, male retinisti. De cibo & potu cogitasti, & avidè comedisti. Gavissus es de melioribus ferculis, desiderasti amplius, de vilioribus murmurasti. Non fuisti patiens in modico defectu, nec continens à meliori: sed magis tibi quàm fratri assidenti, id adaptasti. Quæsisisti te in parvis; & majora, scilicet fidelitatem & charitatem, amissisti. Negligenter horas legisti, sine devotione, sine debita attentione, & sine distincta prolatione verborum.

4. Vide tibi corruisti, & desine superbire & gloriari, de bonis à Deo perceptis. Gemens deplora interioris hominis statum, multis passionibus implicatum. Scrutare abscondita cordis, si ira, si invidia, si concupiscentia, si avaritia, si impatientia aut tristitia, te movit & superavit. Nec solum de malis peractis, investigandum est: sed etiam de bonis neglectis, perquirendum. Si beneficia Dei, cum gratiarum actione cœpisti. Si pro amicis & adversariis orasti; si reverentiam Prælato, & minoribus fratribus dulcedinem charitatis exhibuisti. Si infirmis & tentatis, compassus fuisti. Si peccanti auxilium, si merentibus solatium impendisti. Si denique honorem Dei, simpliciter & purè quæsisisti. Si humanam laudem strenuè vitasti. Si propriam voluntatem promptè abnegasti; si te nulli prætulisti. Si patienter correctiones accepisti; si poenitentiam injunctam, humiliter implesti; si nemini molestus fuisti; si læsus clementer indulxisti; si ab injuriato veniam postulasti; si devotè celebraisti; si attentè cantasti; si pertimax non fuisti. Si ad humilia opera festi-

nasti; si contemptus non contradixisti; si malum pro malo reddere non cogitasti; sed in bono malum vincere studuisti. His sacris scrutiniis mens tua invigilet. Istit se frequenter discutiat, increpet, & emendet; ut gratiam cautè conserves, amissam recuperes, & ad spiritualem perfectum vehementius inciteris, desens omne malum, quod hac die perpetrasti.

## CAPUT XI.

*De hora dormitionis & nocturna quietis.*

1. **A**Ntequam vadas dormitum, bona meditatione & oratione, te studeas præmunire. De passione Domini vel futuro judicio, quod te magis compungit, seriosè memento. Invoca Jesum, & Virginem Mariam, & Angelos sanctos; ut te custodiant, ac illusiones nocturnas longius repellant; ne sit somnus tuus bestialis, sed sobrius, pudicus, & quietus. Ad sobrium somnum, juvat bona custodia cordis ac sensuum, per diem. Quæ enim vigilando exercentur, horum imagines in somnis libenter apparent. Signa frontem, os, & pectus, ut Deus cor tuum, ab omni malo præservet, renescque constingat.

2. Sit lectus tuus velut sepulchrum, in quo quieturus es modicum; paulo post iterum surrecturus ad vigilias, & Dei laudes celebrandas. Quantò præparatius transis dormitum, tantò expeditior eris ad surgendum. Devotos hymnos & Psalmos, rumina corde & ore, donec incipias suaviter obdormire. Verbum Christi in cruce ultimè dictum, in memoriam mortis ejus & expirationis, tribus vicibus lege, sursum ad cælum oculis elevatis: *Pater in manus tuas commendo spiritum meum, redemisti me Domine Deus veritatis*, per filium tuum maximæ charitatis.

3. Ho-

Luce 23.  
Psalm. 20.



3. Honeſtè & verecundè membra tua componas, nuditatem veles; nec crebrò te veritas; ſed quietè & cuſtodi- tē jaceas, memor Chriſti in cruce pen- dentis, qui in patibulo, non in molli lecto moriens, obdormivit.

4. Si caro titillat, ſi terra imago inci- dit, ſi quævis alia paſſio movet, nec quieſcere te ſinit; ad orationem conver- tere, ſignum crucis tibi imprime, flagel- lum, coronam ſpineam, lanceam, ac to- tam armaturam crucifixi oppone, ante cujus virtutem non poteſt hoſtis ſtare ma- lignus, nec tentationis illuſio perdurare. Adhibe quoque ignem æternum, ſup- plicia ſanctorum martyrum, confeſſo- rum conſtantiam, & virginum fortia tro- phæa. Attende craticulam Laurentii, fu- ſtes Marcelli, ungulas Vincentii, vepres & urticas Benediſti, flammæ ſanctæ Ag- netis, acutiſſimas teſtulas Agathæ, bul- lientes aquas Cæcilie, dentes beſtiarum, horridos carceres; nec non dura vincu- la pedum Sanctorum. Sic Deo juvante, & iſta te cogitante, ignem igne ſupera- bis, diabolum confundes, ſanctos hon- orabis, & in pace Chriſti dormies & requieſces.

## CAPUT XII.

*De virtute ſanctæ obedientiæ.*

1. **S**ecuriſſima via ad cælum, eſt ſtare in obedientia, & vivere ſub diſci- plina; nec propria uti libertate. Qui perfectè ſe ſubjicit homini propter De-

um, dabit ei Dominus gratiam ſpecialem in præſenti, & exaltabit eum in gloria ſanctorum. Tamdiu erit liſ in homine, quamdiu manſerit in propria voluntate. Deus ſufficiens eſt cauſa & ratio, ad obe- diendum Prælatiſ noſtris. Multo tutius eſt obedire, quàm præcipere.

2. Cito erit in pace, qui cito ſe ſubjicit & obedit. *Vir obediens loquitur victorias* (ait Sapiens) *& qui recalcitrat, ſtimulum patietur, & cadet.* Si vita alicujus Prælati, non eſt ita perfecta & laudabilis, ſicut ſta- tus & ordo requirit, tu tamen benefaciſ obediendo in bono; quia non ab homi- ne, ſed à Deo præmium accipies. Diſce præſentem, quem habes, ſufferre patien- ter, ut mitius feras ſequentem. Si hunc non haberes, forſitan duriorem ſuſtine- bis. Oportet te unum habere; nec pro tuo libitu invenies aliquem, etiam ſi plu- res fueris perſcrutatus. Bonus diſcipulus, tam malum magiſtrum non habuit, quin ei in bonum ceſſerit, quòd humiliter ob- temperavit.

3. Exemplis igitur Chriſti & Sancto- rum ejus, ſtudeas ſimpliciter & purè obe- dire propter Chriſtum, propter conſcien- tiam & bonam famam, propter pacem cordis, & æternæ vitæ gloriam promeren- dam. Nemo tam quietè vivit, nemo tam ſecurè moritur; ſicut verus obediens, & in omnibus Deo & hominibus ſubjectus.

*F I N I S.*

## ALIA SPIRITUALIA EXERCITIA VIRI RELIGIOSI.

CAPITA HUIUS LIBELLI.

**B**reviſ admonitio ſpiritualis. Cap. 1  
De oratione.

De dilectione.

De operatione.

De chore.

3

4

5

De



De vigiliis matutinis.	6
De meditatione post matutinas.	7
De custodia cella.	8
De exitu ad laborem.	9
De obedientia, & humili responsione.	10
Ad quid omnia exercitia sint dirigenda.	11
De refugio ad Deum semper habendo.	12
De meditatione passionis Christi.	13
De virili confidentia in Christo.	14
De commendatione cella.	15
De contemptu consolationum terrenarum.	16

## CAPUT I.

Brevis admonitio spiritualis exercitii.

1. **1.** Ab exterioribus, pervenitur ad interiora: ab inferioribus, ad superiora: à corporalibus, ad spiritualia. Paulatim proficit homo, & hoc per quotidiana exercitia. Et licet primò multa sint gravia, tamen in consuetudinem ducta, fiunt levìa & sapida.
2. **2.** Tria sunt omni religioso necessaria, sine quibus non potest diu stare in bona vita. Hæc sunt, oratio, lectio, & operatio. In istis, omni die se exercere debet, & semper in aliquo horum occupari.

## CAPUT II.

De oratione.

1. **1.** **O** Ratio illuminat, oratio purgat, oratio consolatur, oratio lætificat, oratio impetrat favorem; oratio alleviat laborem, oratio nutrit devotionem, oratio præbet fiduciam; oratio expellit pigritiam, oratio fugat dæmonem, oratio vincit tentationem.
2. **2.** Non te pigeat orare, si vis à vitis liberari. Oratio semper est necessaria, sicut & gratia; sine qua vivere spiritualiter non possumus. Orare debemus

Orationis  
vires.Oratio  
perinde  
atq; gra-  
tia neces-  
saria.

pro gratia; quia gratia est, qua tantum indigemus. Melius est orare, quàm legere; & in tempore suo, utrumque est agendum.

## CAPUT III.

De lectione.

1. **1.** **L**ectio debet esse quasi oratio; & antequam legas, præcedat oratio. Lectio sacra ignorantiam nostram erudit, dubia solvit, errores corrigit, bonos mores instruit; facit cognoscere vitia, hortatur ad virtutes, excitat ad fervorem, incutit timorem, recolligit mentem, recreat fastidiosum animum. Et quia non potes continuò orare vel legere, debes aliquid utilis exeriùs operari: in qua operatione oratio præeat, oratio intercurrat, oratio totum finiat.

1. Oratio  
ubique  
semper  
præcedat,  
intercedat,  
sequatur Lectio  
quantum  
commo-  
dat.

## CAPUT IV.

De operatione.

1. **1.** **O**perari manibus, bonum est corpori, deservit spiritui, ædificatio est proximi, & reparatio est sensus nostri. Et si interdum pigri sumus, tamen perseverando vincimus. O quàm devoti fuerunt Sancti, qui sine intermissione orabant, quàm studiosi, qui nunquam sacra lectione satiari potuerunt; quàm ferventes, qui frangi laboribus non valuerunt.

1. Operari  
manibus  
quàm bo-  
num.

2. **2.** Qui propter Deum, sibi aliquam violentiam facit, Deus ipsi majorem gratiam dabit, & citò in virum perfectum mutabitur. Consuetudo mala per bonam consuetudinem vincitur; Et bona consuetudo, tandem in naturam vertitur; quod primo fuit difficile, postea videatur leve ac facile.

2.

## CAPUT



## CAPUT V.

*De choro.*

**I.** **I** Sta tria, oratio, lectio & operatio, occurrunt nobis facienda in choro: quia ibi præcipue frequentatur oratio, in psalmis, hymnis, & collectis. Ibi etiam lectio sacra recitatur in matutinis, in epistolis, & evangelis. Nec unquam deest ibi perfecta eruditio, si fuerit diligens advertentia. Ibi loquitur Jesus nobiscum, cum cantatur; *Salus populi ego sum.* Et iterum, nos loquimur cum Jesu, cum dicimus; *Spes mea Domine à juventute mea, adjutor in opportunitatibus, in tribulatione.*

*Psalm. 70.*

2. Ibi est operatio bona & perfecta, cum corpore stamus, & ore cantamus. Non est parvus, nec infructuosus labor, die nocteque chorum frequentare. Non est etiam otiosus, qui devotè orat, imò maximus labor, ad orationem se dare, cum orare non libet. Non est otiosus, qui Scripturas legit, aut legere audit, aut de eis meditatur, & ruminat. Fit homini chorus paradisi, si incipit delectari in omnibus divinis Scripturis.

## CAPUT VI.

*De vigiliis matutinis.*

**I.** **O** Mni media nocte, statim ut suscitatus fueris, surge alacriter; & præpara cor tuum, ad vigilandum & psallendum Domino in læticia & exultatione. Si non habes devotionem in choro, psalle æquo animo, & expecta gratiam Domini de cælo. Sæpe dat Deus in fine, quod justè ante denegavit, vult, ut laboremus: ut patienter expectemus; vult, ut gratum nobis sit & magnum, quod dare disposuit. Vult, ut cognoscamus veraciter, quia à nobis nihil boni habemus; à Kemp. *Alia Exercitia Spiritualia.*

Vigiletur  
in oratione  
media nocte.

sed totum de sua gratia & misericordia nobis constat.

2. Oremus ergo, cantemus & laudemus Dominum Deum nostrum, qui fecit nos; quia nihil jucundius, quam Deum corde & ore laudare. Longe sit somnolentia, longè & pigrizia, ubi in conspectu Angelorum, & coram oculis majestatis Dei stamus.

## CAPUT VII.

*De meditatione post matutinas.*

**I.** **F** Initis matutinis, offer teipsum Deo in sacrificium laudis perpetuæ; ut in sui nominis laude & amore, tota die ac nocte, te dignetur conservare. Hoc enim principale opus nostrum esse debet; Deum semper laudare; & omnia opera nostra exteriora & interiora, parva & magna, ad ejus honorem puro & integro corde agere. Vita Angelica est, chorum cum devotione & reverentia frequentare. Nam ibi plures devoti, visiones Angelicas habuerunt; sæpius in spiritu rapti sunt, frequenter illuminati, dulciter consolati, & fortiter accensi sunt.

## CAPUT VIII.

*De custodia cellæ.*

**I.** **F** Initis primis vel tertiis, studeas te continere à verbis multis & circuitionibus: sed quanto celerius potes, cellam pete, & aliquid boni exercitii propone, quod tibi per totam diem deserviat. Statue firmiter, quòd hodie velis te custodire in omnibus moribus & sensibus tuis: habere scilicet pudicos oculos non curiosos, pauca & utilia verba, gressum maturum & incessum humilem; & in omnibus moribus & statu, nihil agere aut prætere, quod cujuscumque

Propositum  
quo  
libet die  
renovandum.



quam offendat aspectum. Ubicumque necesse fuerit te esse, omnibus privatis pretermittis, studeas tempestive venire. Nec assuescas malum usum, posterior sapius veniendo.

2. 2. Nihil aestima, quod facis: si non prius feceris, quod debes. Esto igitur ubicumque cum primis alacer, & paratus in omni loco & tempore, ad hoc deputatis. Communia semper præpone propriis & privatis. Alterius potius, quam propriam studeas facere voluntatem, & eris omnibus dilectus, tam Deo quam fratribus. Pauca verba & humile responsum, habeat os tuum. Melius est tacere, quam imprudenter loqui. Libenter sis in cella: si non potes, custodi os tuum.

## CAPUT IX.

*De exitu ad laborem.*

1. 1. **N**unquam ex eas, & postquam intraveris cellam, brevem habes orationem. Noli cor tuum effundere ad exteriora: sed discas manibus operari, & corde orare. Nemo statim perfectus est, nec una die acquiritur virtus & devotio ista: sed quotidiano exercitio, & diligenti proposito, efficitur homo devotus & internus.

## CAPUT X.

*De obedientia, & humili responsione.*

1. 1. **Q**uod tibi semel inhibetur, studeas dimittere, ut non sit opus secundo. Quod tibi pro bono dicitur, pro bono accipe, & eris semper inde melior. Non quæras excusationem in defectibus, sed humiliationem cum emendatione. Si vis semper lucrari & amari, humilia te, & tace sustinens. Virtutes semper lætificant, passiones mœ-

sticiam generant. Sacram Scripturam dilige, libenter in corde lege, & aliquid inde extrahe. Discas devotè meditari, cum gemitu cordis orare, & mentem ad Deum elevare.

## CAPUT XI.

*Ad quid omnia exercitia.*

1. **O**mnia exercitia ad hoc dirigenda sunt, ut passiones vincantur, ut propria voluntas mortificetur, ut mundus contemnatur, & Deus diligatur; ut caro refrenetur, & spiritus ad cœlestia elevetur: ut omnibus affectionibus mitigatis, puritas cordis & tranquilla mens possideatur. Modicum laborabis, & magnam requiem invenies. Breve est tempus peregrinationis nostræ; sed præmium nostrum, erit gaudium sine fine. Multi majora tolerant pro mundo, quam nos pro Deo. Multi duriora patiuntur, & viriliter agunt pro inferno, quam nos pro cœlesti regno.

## CAPUT XII.

*De refugio ad Deum semper habendo.*

1. **V**iriliter age, & confortetur cor tuum, Dominus erit tecum, in *psal. 16.* omni tempore & loco. Quære illum, & invenies: clama, ne cesses: Si *Abac. 1.* moram fecerit, expecta eum, & non morabitur. Dic ad eum; Veni Domine, & noli tardare. Domine, ad adjuvandum me festina. Adjuva me Jesu bone, & salva erit anima mea. Servus tuus sum ego, da mihi auxilium gratiæ tuæ, & bene mihi citò erit.
2. Domine dignare esse mecum, & ego libenter volo esse tecum, Domine propter te incepti, propter te mundum reliqui, propter te patior tentationes istas. Propter te suscepi labores istos, propter



te molior; propter te estimatus  
sum sicut stultus & inutilis homo. Propter  
te arguor & corrigo; propter te surgo &  
canto; propter te jejuno & vigilo; prop-  
ter te laboro & scribo; propter te cellam  
custodio, & taceo. Propter te omnia ago  
& sustineo; quia tu bene dignus es, &  
largus ad retribuendum mihi, in tempo-  
re tibi beneplacito. Domine suscipe ser-  
uum tuum in bonum, & non timebo,  
quid faciat mihi caro vel homo.

3. Domine Jesu, esto tu refugium  
meum, & unicum solarium meum. Esto  
tu specialis amicus meus, quia omnes  
amici mei me reliquerunt. Esto tu spes  
mea, quia vana spes in hominibus. Esto  
tu gaudium meum & letitia cordis mei,  
quia omne gaudium mundi, totum inane.  
Esto tu dux meus, & notus meus, &  
socius meus in via hac, qua ambulo; quia  
homines cito deficient, & auferentur a  
me. In te cantatio mea; in te consolatio  
mea; in te tota fiducia mea. Sis tu salus mea  
& honor meus, amor meus & dulcedo  
mea. Da mihi amare crucem tuam, & imi-  
tari vestigia passionis tuæ. Scribe vulne-  
ra tua in corde meo; & da mihi ex deside-  
rio sustinere impropria & injurias unde-  
cunque illatas, & tibi configurari in vita  
& in morte. Tu mihi vivere sis, & mori  
pro te magnum lucrum videatur.

### CAPUT XIII.

*De meditatione passionis Christi.*

1. **M**ulta bona confert passio Chri-  
sti frequenter cogitata. Et quan-  
docunque aliquid adversitaris vel gravi-  
tatis, extra vel intra occurrerit, tunc  
specialiter est recurrendum ad passionem  
Christi, & pensandum quanta Dominus  
sustinuit pro nobis indignis. Et in hoc

211  
**De** debemus consolari, quia dat nobis de  
calice suo bibere; & vult, quod disca-  
mus, in nobis suam passionem perfecte  
sentire. Modicum confert, penas  
Christi cogitare; nisi homo velit similia  
libenter tolerare. Debemus etiam pen-  
sare, quanta passi sunt sancti tormenta,  
pro nomine Christi.

### CAPUT XIV.

*De virili confidentia.*

1. **I**gitur abjecto timore servili, in-  
ducere spiritum fervoris & dilectio-  
nis. Accipe fortitudinem, & induere  
armaturam Dei, ut possis resistere in die  
malo. *Confide fili, & noli timere*, quia te-  
cum sum, dicit Dominus, ut etiam te,  
*Confortare, & esto robustus; quia plures no-*  
*biscum sunt, quam contra nos.* Ego (inquit  
Dominus) ante te ibo, & pugnabo pro  
te, eroque tecum ad quæcunque perrex-  
eris. Pone ergo totam spem tuam in  
Domino, & noli esse pusillanimis cor-  
de, sed constans & virilis ad omnia.

### CAPUT XV.

*De bona cella.*

1. **S**it tibi cella paradisus, chorus ca-  
lum, lectio sacra cibus. Sit tibi  
silentium amicus, labor socius, oratio  
auxiliarius. In choro sis stabilis & quie-  
tus, tibi soli & Deo intentus. In cella  
aut legens, aut orans, aut operans in-  
veniariis. Ad loca, ubi multi conve-  
niunt & loquuntur, non transeas. Tene  
te solitarium, & senties bonum. In la-  
bore & communi societate, raro aut pa-  
rum loquaris. Raro egredere foras;  
& si evocatus fueris, cito revertaris.  
Ubicunque esse debes, sine mora ve-  
nias.



2. 2. Humiles & compositos mores habearis, & omnes sensus tuos sub disciplina custodias. Disce pro Deo pati, in omni necessitate & gravitate. Non sis importunus, sed omnia fac cum tranquillitate. Cum patientia & humilitate, omnes vinces adversitates. Viriliter age, & confortetur cor tuum, & fugiet inimicus.

## CAPUT XVI.

*De contemptu consolationum terrenarum.*

1. 1. **B**eatissimus, qui non habet consolationem in terra. Beatus, qui despicit omnem requiem temporalem pro Christo. Beatus, qui pati scit, cum a Deo & ab hominibus, derelictus fuerit. Beatus, qui ordinationem Dei expectat, & omnia de manu ejus accipit.
2. 2. Disce sine humano solatio vivere,

etiam cum copia addit consolationum. Fragile & indurabile est solatium; in hominibus confidere; aut nimis de eorum presentia gaudere, vel de absentia contristari. Nec enim tu diu hic eris, nec illi etiam diu tecum permanebunt. Cito cuncta oblivioni tradentur; & ideo tanquam nihilum & inane, omnes res mundi in corde tuo censeantur. Sic locus tuus proprius, regnum Dei & mansio celestis, ubi Christus est in dextera Dei Patris. Nulla terra, nulla patria, nulla civitas tibi placeat aut alliciat ad videndum; sed tantum celestis habitatio sanctorum, ubi sunt novem ordines Angelorum, laudantes Deum, in sæcula sæculorum; Amen.

*Finis Exercitiorum spiritualium.*

DOCTRINALE SEU MANUALE  
JUVENUM.

## CAPITA HUIUS LIBELLI.

- D**E commendatione sacra Scriptura. Cap 1  
De differentia Clerici & Monachi. 2  
De thesauro eloquiorum divinarum. 3  
De bonis scriptoribus librorum. 4  
De firma custodia librorum. 5  
De ornatu claustrum bene fundati. 6  
De indocto clerico, sine sacris libris. 7  
De cantu Ecclesie in hymnis & psalmis. 8  
De festis Christi, & reliquiis Sanctorum. 9  
De moribus humilis fratris, & vitiis superbi, & pigri. 10  
De abnegatione sui, & omnium rerum. 11  
De desiderio celestium gaudiorum. 12

\*\*\*

## CAPUT I.

*De commendatione sacra Scriptura.*

1. 1. **F**lli, à juventute tua excipe doctrinam, & usque ad canos invenies Ecc. 1.  
sapientiam. Igitur ante omnes artes, disce sacram Scripturam legere, & rectè intelligere, firmiter credere, bene ac justè vivere, ut ad vitam æternam possis, Christo favente, feliciter pervenire. Nam ignorantia divinæ legis, mater est erroris, & janua mortis, privatio honoris, virtutis, & salutis. Verbum autem Dei & doctrina Christi, lumen vitæ, salus mundi, porta cæli, cibus animæ, jucunditas cordis, Deum super omnia amantis. Dicit Poëta devotus, Monachus factus: Hoc est nescire,



cire; sine Christo plurima scire. Si Christum bene scis; satis est, si cætera nescis, noxia nempe tibi.

2. Nil ergo sacræ Scripturæ præponendum, nil Christo superponendum, nil illi coæquandum, qui dicit: *Ego sum osium ovium: per me si quis introierit, salvabitur.* Et iterum; *Ego sum via, veritas, & vita.* Nemo venit ad Patrem, nisi per me. Nemo venit ad cælum, nisi per me. Nemo liberabitur ab inferno, nisi per me. Unde sanctus Petrus contra Judæos libera voce clamat, & dicit: Non est aliud nomen sub cælo datum hominibus, in quo oportet nos salvos fieri, nisi nomen Domini nostri Jesu Christi filii Dei.

## CAPUT II.

*De differentia Clerici & Monachi.*

1. *I. O*ves meæ vocem meam audiunt, ait Dominus; Ille vocem Jesu audit, qui mundum spernit, carnem domat, diabolo resistit, & vitia sua vincit, & Jesum ex toto corde suo diligit, & pro posse sequitur. Est magnum vitium, in scholis loqui incongruè latinum; sed majus est vitium, coram Angelis offendere quotidie Deum peccatis, nec inde dolere. Est etiam magnum vitium apud Logicos, nescire solvere argumentum; sed majus est vitium apud Monachos, frangere jejunium & silentium.

2. Est magna confusio apud Rhetores, titubare in lingua & verbis; sed major est reprehensio apud devotos cantores, errare in hymnis & psalmis, nec attendere ad sensum verborum in scripturis. Dicitur, quod scientia non habet hostem, nisi ignorantem; & conscientia non habet acriorem arguentem, quam seipsam malè regentem. De nullo magis conqueri & indignari habes, quam

de teipso, ô homo, inobediens Deo, conscientia propria te accusante, absque teste aliquo, in judicio. Cum enim contra virtutem & conscientiam agis, teipsum lædis & confundis. Igitur, in omnibus agendis sis custos cordis & oris, cum sis ad mala pronus. Ad hæc juvat optimè, in solitudine manere, orare, studere, scribere, operari.

## CAPUT III.

*De thesauro eloquiorum divinarum.*

1. *L*ætabor ego super eloquia tua, sicut qui invenit spolia multa. Ubi? In libraria nostra, multis sacris codicibus ornata. Nam libri Doctorum, thesauri sunt Clericorum. Docent enim ignaros, arguunt otiosos, excitant torpentes, stimulant dormientes, corrigunt errantes, erigunt corruentes, terrent ridentes, consolantur lugentes, laudant humiles, vituperant superbientes, confortant debiles, reprimunt præsumentes, concordant rixantes, mitigant turbatos, lætificant tristes, substant vanè gloriantes, justificant pios, damnant perversos, sanant languentes, salvant pœnitentes, honorant veraces, confundunt fictos & mendaces, defendunt justos & misericordes, judicant omnes iniqua agentes, sicut scriptum est in psalmo; Odisti omnes, qui operantur iniquitatem: perdes omnes, qui loquuntur mendacium. A quibus malis nos semper custodiat Jesus Christus Dominus noster. Amen.

## CAPUT IV.

*De bonis scriptoribus librorum.*

1. *A*udi Israel præcepta Domini, & ea in corde tuo quasi in libro scribe. O dulce verbum & utile consilium, Dd; Libri in subsidium memoriæ cordi eduntur.



eorum di firmiter inferendum, & pia memoria jugiter commendandum. Sed quia cor hominis est instabile, & memoria multum vaga & labilis; ideo oportet adhibere infirmo animo utile remedium, contra oblivionem & frequentem errorem; ut verba Dei scribantur in libro, ne pereant semina sancta ex ore prolata. Quoniam quidem vox audita cito perit, litera autem scripta diu manet ad legendum & prædicandum. Prodest autem multum exemplar bonum & correctum ad bene scribendum, & delectat ad sæpe legendum. Unde quidam amator scripturæ, ait sacros libros scribenti. Scribito correctè, distinctè, protrahe rectè. Nec nimis accelerares, ne qua imperfecta relinquas. Ille enim rem bene facit, qui nil negligit, quod status & ordo rei requirit.

2.

2. Non conturberis in labore prætudio, nam Deus est causa omnis boni operis; qui reddit unicuique propriam mercedem, secundum suam intentionem in cælis. Cum mortuus fueris, non desperabis, orabunt enim pro te, qui legerint volumina tua, olim à te satis bene scripta. Dicit Dominus in Evangelio: *Qui potum dederit calicem aquæ frigide sitienti, non perdet mercedem suam.* Multo magis, qui dat aquam vivam sapientiæ salutaris legenti, in libro digito Dei scripto, non perdet mercedem suam in cælo.

## CAPUT V.

*De firma custodia librorum.*

1.  
Dent. 31.

1. **P**onite librum istum in latere arce fœderis, in testimonium coram Domino, ut sit in bona custodia, & magna reverentia, coram sacerdotibus & omni populo. Hæc verba, & multa alia præcepta, locutus est Moyses famulus Domini ante mortem suam, mandans Levitis custo-

dire librum legis in arca Dei aucta, diligenter obserata. Igitur cum magna cautela, & firma clausura, servanda est bibliotheca sacrorum eloquiorum, ab omni putredine pulveris, ab incendio ignis, & stillicidio humoris, à rapto furis, & strepitu clamoris, à lutu pedum & morsu vermium, ab omni macula & raptura foliorum. Non enim dignus est in sacro libro legere, qui nescit bene custodire, & in apto loco negligit reponere.

2. Sic accipe librum in manibus tuis ad legendum, sicut Simeon justus puerum Jesum in ulnas suas, ad portandum & osculandum. Et postquam legisti, claudere librum, & gratias age de omni verbo ex ore Dei, quia invenisti in agro dominico thesaurum occultum. Ab omni igitur sorde servandus est thesaurus Ecclesiæ, à sanctis Doctoribus elaboratus & editus, à bonis scriptoribus scriptus & collectus, pro multorum consolatione à Deo provisos.

## CAPUT VI.

*De ornatu claustrali bene fundati.*

1. **G**loriosa dicta sunt de te civitas Dei.

Placet namque Deo & sanctis ejus claustrum bene fundatum, à tumultu sæculi segregatum, multis devotis fratribus & sacris libris ornatum. Hoc etiam piè creditur placere omnibus Deum amantibus, & divina libenter audientibus, quia claustrum summi Regis est castrum, & cœlestis Imperatoris palatium, paratum religiosis personis ad habitandum, & Deo fideliter serviendum. Verè locus iste sanctus est, Deo & Angelis ejus acceptabilis, dæmonibus terribilis, devotis amabilis, ad obsecrandum Deum multum optabilis, delectabilis, suavis, & honorabilis. Non est hic aliud,

Bibliotheca sedulo servanda.

2.

1.  
Psal. 16.

Claustrum religiosi dignitas.



aliud, sicut legimus & canimus, nisi domus Dei ad orandum, aula Dei ad laudandum, chorus Dei ad cantandum, altare Dei ad celebrandum, porta Dei ad intrandum caelos, scala Dei ad transcendendum nubes, atrium Dei ad sepeliendum mortuos, hospitale Dei ad recipiendum peregrinos, coenaculum Dei ad reficiendum pauperes, mensa Dei ad communicandum agros.

2. Sicut sancti Angeli in caelo Deum semper laudant, & stellae in firmamento caeli clarè fulgent; sic religiosi & devoti Monachi, nocte surgentes, hymnos & psalmos in choro cantant, Deo laudes immolant, Angelos laetificant; daemones fugant, & seiplos alarum vocibus excitant, ne dormitent. Sicut nobilis civitas muris, portis, & seris firmatur; sic etiam religiosorum monasterium, multis devotis fratribus, sacris libris, & doctis viris, tanquam gemmis & pretiosis lapidibus decoratur ad laudem Dei & honorem omnium Sanctorum suorum, qui cum eo gaudent nunc in caelis, quia secuti sunt vestigia passionis ejus in terris.

# CAPUT VII.

*De indocto clerico sine sacris libris.*

1. **S**ervus tuus ego sum, da mihi intellectum Domine. Nam legere & non intelligere, negligere est. Et quomodo possum intelligere, nisi aliquis docuerit me? Et quis melius docebit, quam tu Deus in omnibus? Beatus homo, quem tu erudieris Domine, & de lege tua docueris eum. Melior est auditio, & eruditio doctrinae tuae, negotiatione auri & argenti, & cunctis opibus. Igitur ad te Domine confugio, doce me facere voluntatem tuam, & relinquere meam. In hoc fiat totum, quod summè est necessarium;

ut omni tempore dicam, Pater fiat voluntas tua, sicut in caelo & in terra. Nihil mihi melius, nihil animae meae salubrius, Domine, tu omnia bona mea. Tu Doctor meus, tu liber meus, quia sine te indoctus sum, & ad omnia inutilis.

2. Væ Clerico indocto & sine sacris libris, qui sibi & aliis saepe est causa erroris. Nam Clericus sine sacris libris, quasi miles sine armis, equus sine frenis, navis sine remis, scriptor sine pennis, avis sine alis, ascensor sine scalis, sutor sine subulis, tector sine tegulis, faber sine malleis, sartor sine acu & filis, rasor sine cultris, sagittator sine jaculis, viator sine baculo, caecus sine ductore. Omnes isti parum & nihil valent, nec proficiunt sine instrumentis, & bono instructore. Similiter claustrum & congregatio Clericorum sine sacris libris, quasi coquina sine ollis, mensa sine cibis, puteus sine aquis, rivus sine piscibus, saccus sine vestibus, hortus sine floribus, bursa sine pecuniis, vinea sine botris, turris sine custodibus, domus sine utensilibus. Ab omnibus his malis & animae damnis, custodiat nos pius Dominus noster Jesus Christus, & sit ipse nobis omnia in omnibus, nunc & in perpetuum, Amen.

2. Ecclesiasticus homo sine libris quibus similibus.

# CAPUT VIII.

*De cantu Ecclesiae, in hymnis & Psalmis.*

1. **L**aus ejus in Ecclesia sanctorum. Surge frater, qui dormis, & illuminabit te Christus. Surge piger, campana sonat; vocat te Christus. Surge citò, periculum est in mora. Ecce Jesus venit cum Maria, & omnis Angelorum chorus te expectat cum corona, quam potes promereri in hac hora. Sed Satana è contrario suggerit; Jace, & dormi adhuc

1. Psal. 149.



adhuc modicum, satis manè est, adhuc tempestivè venies. Sic suadet & blanditur caro fragilis, trahit & accipit hostis callidus, cum ei obeditur & dormitur. Nihil enim est tam bonum, sanctum, & jucundum, tam divinum & salutiferum; quin malignus dæmon hoc nitatur impedire, & ad malum semper trahere. Domine, nonne bonum semen seminasti in agro tuo? unde ergo habet zizania? inimicus hoc fecit.

2. Sed quomodo hæc evellam, Domine? Respondet sanctus Petrus: Resistite ei fortes in fide. Et beatus Jacobus similiter; Resistite diabolo, & fugiet à vobis. Si malum ingerit, noli consentire. Si delectat caro, respice, contemne, & repelle. Igitur invocandus est Jesus, & Spiritus sanctus cum omnibus dominis suis, qui humilibus dat gratiam, ut det etiam tibi virtutem, contra diaboli malitiam. Spiritus enim sanctus suggerit menti semper bona humilia, pudica, sobria, honesta, pacifica, simplicia, benigna, devota, cælestia, æterna. Sed heu spiritus malignus fallaciâ plenus, aut aperta mala suggerit, aut si bona quædam prædicat, malâ intentione facit, ut seducat. Ipse omnis doli artifex, mille modis impugnat, repulsus redit & rantat. Cum bona agis, dolet; & si dimittis, gaudet; mala autem suadere, nunquam cessat.

3. Sit ergo crebro devotus psalmus in ore, dulcis Jesus in corde, sancta Maria in voce. Nam his auditis nominibus, fugiet longè à te hostis immundus. Quot enim sancta verba nominas, tot jacula in hostem jactas. Si cessas orare & legere, hostis incipit vincere & gaudere. Sed si in pace perseveras; fugit superbus, quia confusus. Ante orationem

omnia præsentia exclude, in orationem Jesum Christum tibi præfige, aut in præsepe, aut in cruce. Post orationem gratias age, & quocunque ierit, cum eo vade & permane. In omnibus quæ agis, cogitas, & loqueris; sit finis; Benedictus Deus de omni bono, in cælo & in terra.

## CAPUT IX.

*De festis Christi, & reliquiis Sanctorum.*

I. **D**omine dilexi decorem domus tuæ, I. & locum habitationis gloriæ tuæ. Psal. 25.  
Hæc domus tua Deus, multipliciter & sublimiter decoratur festis tuis, & Sanctorum tuorum reliquiis venerandis in multis locis, unde devotio fidelium maxime excitatur ad laudandum. Decorasti Domine, cælos sanctis Angelis; firmamentum Sole, Lunâ, stellis; aëra, avibus; aquas piscibus, terram hominibus & bestiis, cum aliis innumeris bonis, pro usibus nostris. Et nunc in fine sæculorum, pro speciali munere, dedisti te ipsum nobis in sacramento, tanquam dulce manna in cibum, ne essemus in hoc mundo, sine Deo & Angelorum cibo, & idè omnis locus & Ecclesia; ubi fuerit hostia consecrata in altari vel in arca clausa, debet haberi in maxima reverentia, cum omnibus libris, vasibus ac vestibus ad cultum Dei pertinentibus.

2. Vide ergo, & considera mira Dei opera in sancta Ecclesia. Tempia Christi & Sanctorum, castra sunt Christianorum, ut in eis vigilent & orent, & contra diabolum pugnent. Festa Christi & Sanctorum, designant gaudia cælorum; ubi nunc cum Christo regnant, qui mundum contempserunt. Nomina Sanctorum, & præcipuè Jesus, & Maria, sunt plagæ & tonitrua dæmoniorum, quibus

2. Christi templum. Festa Sanctorum. Nomina cui usui sint Christianis.

Adversus Satanæ insidias crebro psallendum.



*Gesta.* quibus terrentur, ut fugiant à facie eorum. *Gesta* Sanctorum confirmant corda pusillorum, ut constantes sint, & per arctam viam eos sequantur. *Scripta.* Scripta Sanctorum, lucernæ sunt viatorum, ne in fide errent, sed Sanctorum dictis firmiter credant. *Signa.* Signa Sanctorum confundunt, & malorum, ne bonos opprimant, & in suis malitiis glorientur. *Ossa.* Ossa Sanctorum roborant fidem populorum, ne mori timeant, sed cum electis relurgere confidant.

*Imagines.* 3. 3. *Imagines* Sanctorum excitant mentes devotorum, ad amorem & venerationem eorum, ut pro nobis orent. *Pictura.* Picturæ Sanctorum scripturæ sunt laicorum, ut videant quid agere, & quod tendere debent. *Organa pneumatica.* Organa musicorum in Ecclesia, movent corda tepidorum, ad opranda æterna præmia beatorum. *Cantica.* Cantica psalmodum accendunt animas aridorum ad pristinum fervorem, per ora multorum Carmina hymnorum recreant aures clericorum, ut cantent & exultent in conspectu Dei & Angelorum. Sicut fistula multæ in organo dulcem sonum reddunt audientibus; Sic multi fratres concorditer psallentes, valde placent Deo, & omnibus cœlicivibus. Omnes ergo simul oremus, & Christum invocemus. Ad societatem civium superiorum, perducatur nos Rex Angelorum, Amen.

## CAPUT X.

*De moribus humilis fratris, & vitiis superbi & pigri.*

*1. 1. R*espexit Deus in orationem humilium, & non sprevit preces eorum. Optima doctrina, docens nos humiliter orare, & de misericordia Dei à Kemp. Doctrinale juvenum.

non desperare. Vide ergo Domine humilitatem meam, vilitatem meam, infirmitatem meam, & quotidianum defectum meum; & dimitte mihi omnia peccata mea, propter nomen sanctum tuum, & merita Sanctorum tuorum in cœlo, & bonorum in terra. Non veniat mihi spes superbiæ, nec vana gloria decipiat me, nec mala tristitia dejiciat me. Nulla quoque despectio conturbet me, ne fortè peccem tibi per impatentiam meam. Esto mihi adjutor in bonis, & protector in malis, Deus meus misericordia mea. Tu spes mea à juventute mea, consolator meus in omni tribulatione mea. Tu salutare vultus mei, Deus meus, & nemo alius. In te tota salus, virtus, & gloria mea, Amen.

*De humili fratre.*

*2. 2. F*Rater humilis & devotus, pauperatis amator, simplicitatis sectator, patientiæ servus, obedientiæ filius, castitatis custos, innocentiae testis, concordiae socius, disciplinæ discipulus, pacis amicus, sibi rigidus, aliis benignus, hic secretum quærit, tumultum fugit, silentium amat, longa colloquia vitat, soli Deo vacare appetit, omnia terrena despiciat omni tempore, cum Christo esse desiderat.

*De superbo fratre.*

*3. 3. F*Rater superbus, heu humili contrarius, audax & austerus, vagus & verbosus, multis tardiosus & onerosus, facilis ad iram, difficilis ad veniam petendam, propria quærit, communia negligit, rarò bene contentus, nunquam in se pacatus.

Ec

De



*De pigro fratre.*

4. 4. **F**Rater acediosus, quasi semper infirmus, ultimus ferè in omni loco & horis, otio & somno deditus. Tardè ad opus venit, citò inde recedit, pronus ad exitum, segnis ad reditum, lætus ad prandium, tristis ad jejunandum, velox ad dormiendum, piger ad surgendum, raucus ad candandum, sonorus ad fabulandum, surdus ad obediendum, claudus ad laborandum. Tepor cordis, gravis animæ morbus, generat tedium operis, & quærit solatium foris parvi valoris. Non vincitur melius, nisi diligentia boni operis studio sacræ lectionis, & usu frequentis orationis, cum memoria dominicæ passionis. Qui vult vitia vincere, oportet eum sæpius violentiam facere naturæ, & Christi gratiam humiliter implorare, & patienter expectare.

## CAPUT XI.

*De abnegatione sui, & omnium rerum.*

I. **Q**U<sup>i</sup> non renuntiaverit omnibus *que possidet, non potest meus esse discipulus.* Domine Deus, durus videtur hic sermo tuus, & quis potest eum implere? Audi fili mi, & docebo te, & non erit tibi grave & impossibile facere, quod dixi. Dilige me, & relinquere te, & invenies me in omni loco & tempore. Ego summum bonum, & summè desiderabile animæ tuæ. En sto ante ostium cordis tui, & pulso; aperi mihi, & introibo ad te, quia ego salus & vita tua. Ego omnia in omnibus, & super omnia amandus & laudandus. Ego totus tuus, hic & ubique præsens: sed cæcus me non videt, & surdus non au-

dit, & stultus non intelligit hæc. Tu ergo esto totus meus, & in nullo te quærens; & sapit tibi suavissime, præ omnibus Deus tuus.

2. Domine, verum est, quod loqueris; placet mihi omne, quod dicis. Igitur relinquam me citò propter te, ne tardè inveniam te. Tu in me, & ego in te per amorem, quem accendis in me. Oro te Domine, mane apud me liberè, ne deficiam relictus à te, tanquam exul in carcere, & peregrinus in itinere. Adjuva me, & salvus ero; & meditor in omnibus viis, verbis, & factis tuis, die ac nocte. Diligam te Domine virtus mea purè & perfectè propter te, & omnia à te facta propter te. Nec me, nisi propter te, & semper plus quam me. Omnia autem infra te, & te solum super omnia bona, in cælo & in terra. Tu solus mihi sufficis plenè & perfectè, idèò nil volo, nec cupio nisi te, quis es ante omnia, & suprà omnia & in omnibus, Deus benedictus in sæcula. Amen.

## CAPUT XII.

*De desiderio cœlestium gaudiorum.*

1. **B**EATI qui habitant in domo tua Domine, in sæcula sæculorum laudabunt te. O dulce & cœleste verbum, laudabunt te. Non se, sed te; omnia bona tibi ascribendo, nil sibi vanè attribuendo. Sed quomodo laudabunt te? Altissimè, devotissimè, purissimè, suavissimè, ferventissimè, clarissimè, securissimè, felicissimè. Quid plura? Noli quærere ultra ampliora & meliora, ubi Deus est omnia, totus præsens, præstans, & illustrans omnia, & beatificans omnes & singulos in gloria.

I. *Psalm. 33. In cœlis beati spiritus quomodo laudant Deum.*

2. O verè



2. 2. O verè vita beata, dignè laudanda, summè amanda, maximè desideranda; ubi omnia bona simul perfectè cum Deo & in Deo unita, jucundissimè sine amissione & aliqua minoratione, perpetuè firmissimèque durabunt. Beati ergò omnes, qui habitant in domo tua Domine, in sæcula sæculorum laudabunt te. Inter hæc sapè suspiro, exul in mundo, elongatus à regno Dei, &

cum Sancto in psalterio intimè oro: O quando consolaberis me, quando latificabis me vultu tuo, in regno tuo? Educ de carcere animam meam, ut confitear nomini sancto tuo, & laudem tecum omnibus sanctis tuis, per æterna sæcula sæculorum. Amen.

*Finis Doctrinalis; sive Manualis  
juvenum.*

## LIBELLUS DE VERA COMPUNCTIONE CORDIS.

1. **F**erte mecum omnes amici mei, & videte dolorem meum, quia vehemens est. Attendite plagam meam, quoniam profunda est. Quid est, quod desleo? Hoc inquam est, quia projectus sum à facie Dei cœli, à facie oculorum ejus. In tenebris, & in umbra mortis sedeo, & lumen cœli, non video. Quale igitur gaudium potest esse mihi? Miser ego homuncio, descendi ab Hierusalem in Hiericho, & incidi in latrones crudelissimos; qui etiam despoliaverunt me tunicâ immortalitatis, & plagis impositis abierunt semivivo relicto. Invenērunt me custodes civitatis, percusserunt me, & vulneraverunt me: tulerunt pallium meum custodes murorum. Nunc ergò filiæ Hierusalem, nunciate dilecto, quia dolore repletus sum. Mittite ad illum dicentes. Ecce Lazarus, quem amas, infirmatur. Domine, puer meus jacet in lecto paralyticus, & malè torquetur. Jam multos annos habeo in infirmitate, claudus sum ego servus tuus ex utero matris meæ; quia gravi vin-

culo originalis peccati, obnoxius sum & constrictus.

2. Filius Adam prævaricatoris ego sum, & filius mortis, totus in peccatis natus. 2. Miserabilis introitus meus, & horribilis exitus meus. Et quò fugiam? Nescio. Si ascendero in cœlum, tu illic es, qui peccantibus non parcis: Et si descendero ad infernum, ades, ut punias prævaricantes. Ubi abscondam me à vultu iræ tuæ, quia peccavi nimis in vita mea? Aspexi sursum in cœlum, & dixit Deus: Tollatur impius, ne videat gloriam Dei: Respexit iterum in abyssum, & insonuit vox terribilis: Ligatis manibus & pedibus, projicite eum in tenebras exteriores, ibi erit fletus & stridor dentium. Ex hinc conturbatus factus, cœpi pavere & multum mœstus esse: sed & omnia ossa mea immutata sunt à facie iræ indignationis Domini. Timor & tremor venerunt super me, & contexerunt me tenebræ. Et dixi: Quis ergò poterit salvus esse? Si iniquitates observaverit, quis sustinebit? Terribile & sanctum nomen ejus.

Ec 2

3. Sed



3. Sed nunc tace anima mea. Audi-  
vi enim consolatoriam vocem loquen-  
tem ad eos, qui in tristitia & luctu sunt,  
Scribe: Beati qui lugent, quoniam ipsi  
consolabuntur. Et iterum. Pœniten-  
tiam agite, appropinquare enim reg-  
num cœlorum. Vox Domini conso-  
lantis servos suos: Vox Domini post ter-  
gum monentis: Convertimini filii ho-  
minum, & vivite. Convertimini ad  
me, & ego convertar ad vos. Venite  
ad me omnes, qui laboratis, & one-  
rati estis & ego reficiam vos. Et Pro-  
pheta occurrens mercentibus, sic ait:  
Juxta est Dominus his, qui tribulato sunt  
corde. Et de semetipso, loquitur ver-  
bum consolatione plenum: *Audivit Do-  
minus & misertus est mei; Dominus factus  
est adjutor meus, quoniam non sprevit  
deprecationem pauperis.* Ecce adhuc lo-  
cus est, & necdum clausa est janua. Po-  
teris ergo per pœnitentiam omnia in-  
staurare, & mala quæ fecisti, & bona  
quæ omisisti. Jam noli nimis expavesce-  
re. *Venit enim filius hominis querere &  
salvum facere, quod perierat.* Et rursus;  
*Non veni vocare justos, sed peccatores.*

4. Eleva igitur te anima mea in con-  
fidentiam bonam, quia Dominus locu-  
tus est. Vita tua inferno appropinqua-  
vit, & morti tradita eras: sed Deus  
misertus est tui, & cogitavit tecum fa-  
cere misericordiam suam. Timuisti val-  
de à facie Dei, & cogitasti, ut absconde-  
rest ab eo, sicut pater Adam fecit,  
quando peccavit: sed hoc frustra cogi-  
tasti. Meditata es quoque fugam in ali-  
quam regionem, quemadmodum Jonas  
fugit à facie Domini in navim: sed & in  
hoc vanè laborasti. Neque enim occul-  
tando, neque fugiendo, manus Dei eva-

des. Revertere igitur per aliam viam, in  
regionem cœlestem, quam ostendit tibi  
Deus, ut ambulares per eam. Hæc est  
via: Pœnitentiam agite. Optimum con-  
siliū, & forte auxilium datum est tibi  
de cœlo. Consilium tale est, ut dignè  
pœniteas, & flendo peccata tua vindices;  
& sic reconciliata, pacem habeas ad De-  
um. *Auxilium tuum à Domino, qui fecit  
cælum & terram.* Qui cum tantus esset,  
pro te omne debitum solvere dignatus  
est. Tradidit enim in mortem animam  
suam, & pro transgressoribus exoravit,  
ut non perirent; & ita morte suā, eri-  
puit te à morte æterna, & auxiliatus est  
tibi per crucem suam.

5. Istud quoque recommendans fide-  
libus Paulus Apostolus, ait; *Peccata  
nostra tulit, assigens illa Cruci, condonans  
nobis omnia delicta, ut vivamus cum  
illo.* Hinc in alio loco idem Apostolus  
loquitur; Fidelis sermo, & omni accep-  
tione dignus; *quia Christus Jesus venit in  
hunc mundum, peccatores salvos facere.*  
Ecce qualem consolationem, & quan-  
tam spem reliquit Deus peccatoribus;  
sed pœnitentibus, sed conversis. Me-  
mento verbi sancti sui, in quo spem de-  
diti tibi. Et nunc Domine, prosterne me  
in oratione ante te & clamo ex toto cor-  
de meo.

## O R A T I O.

6. Domine Deus, sancte Pater, 6.  
*peccavi in cælum & coram te, Luca 13.  
& non sum dignus vocari filius tuus. Sed Oratio  
Pater mi, fac me sicut unum ex merce- agnoscen-  
nariis tuis. Justè agis, si projicis me à tis se pec-  
facie tua: sed misericorditer facis, in- catoris.  
dignum omni beneficio recipiendo.  
In hac confusus misericordia, procido*  
ad



*Psal. 35.*

ad pedes tuos, lachrymas fundo, vestigia tua adoro & osculor devotè, te deprecans humili & contrito corde. Respice misericors Deus super pulicem unum, & canem mortuum; & repropitiare mihi, sicut beatissimæ Mariæ Magdalenæ quondam peccatrici, veniam ad pedes tuos tam citò promerenti. Prætende misericordiam tuam scientibus te: da dexteram profugo servo tuo, & videant oculi tui piissimi contritionem cordis. Nec irascatur Dominus meus in perpetuum, super malignitatem servi sui: sed universæ multitudinis misericordiæ suæ à sæculo recordetur, & sit hodie placabilis in servum suum. Exaudi, (Domine) hanc unicam petitionem, quam fundit coram te servus tuus, gentia flectens ante omnipotentiam tuam, adorans super terram vultum gloriæ tuæ: quia stultè egi, & insipienter nimis, multoties offendens mansuetudinem tuam, non veritus thronum regni tui. Dimitte obsecro omnem noxam servo tuo, & ne deleas nomen meum de libro viventium: sed in electorum tuorum número me scribere digneris, ut inveniar in laude & gloria sancti nominis tui, Amen.

7. Longanimitas Dei in expectando Peccatores.  
*Mat. 22.*

7. O quanta est misericordia tua Domine, qui ut bonitatem tuam abundantius ostenderes, voluisti hominem dignum morte, à morte liberare. Insuper profugos & fugitivos servos, voce benignissimâ revocare studuisti, mittens fideles servos & amicos tuos hora cœnæ, dicere invitatis, quia parata sunt omnia, venite ad nuptias. Debueras ex iustitiæ ordine, misisse expeditos vernaculos post inimicos tuos, qui noluerunt te regnare super se, & occidere homicidas illos; quia digni erant, aut in car-

cerem mitti, donec redderent novissimum quadrantem, aut deputati cum iis, qui in inferno sunt. Sed non es usus hac potestate: sed omnem mansuetudinem tuam ostendisti, patienter ferens omnia usque ad tempus, ut liberentur dilecti tui, & fugiant à facie arcus; hoc est, ut iudicium horrendum, conversione digna præveniant. Si enim voluisses extendere manum tuam in impios, & in cunctos qui peccaverunt, multos perdidisses, qui jam amici tui facti sunt, & inter primos apud te locum invenerunt. Non haberes nunc Petrum, qui ter negando peccavit: nec Paulum, qui persequendo blasphemavit: neque Matthæum publicanum, qui terrenis lucris inhaviit: sed nec unum quidem de Principibus magnis Apostolistuis, quos constituisti iudices super omnem terram. Nunc quidem charissimi tibi facti sunt, & nota fecisti eis omnia, quæcunque audisti à Patre; & clarificatus es in eis, & ipsi clarificaverunt nomen tuum super terram. Hæc fecit omnipotens manus tua, & misericordia tua, & dextera tua repleta omni dulcedine. Abscondens enim omnem iram tuam, voluisti nos facere filios gratiæ, & consortes divinæ naturæ, & cohæredes Regni tui.

*Psal. 107.*  
*Psal. 139.*

*Joan. 21.*

8. O fons pietatis & infinitæ miserationis, qui nunquam superfluere cessas, sed appropinquantibus tibi semper expansus permanes. Ad te utinam omnes ingrediantur, & gustent de cibus mensæ tuæ, quoniam suaves sunt, & non est in illis mors, neque amaritudo aliqua. Sed non in omnibus beneplacitum est tibi. Multi enim convertunt se retrorsum, diligentes hoc sæculum magis, quàm cœtum sancto-

8.

Ec 3

rum



Job. 30.

Dei pietas  
erga suos.

rum filiorum tuorum, desperantes semetipfos, & servientes immunditatis & iniquitatibus, quorum manet iudicium certum, & longè à te facti, sub sentibus esse, delicias putant. Dilecti verò filii tui, & fideles servi tui odientes mala, ipsi diligunt te in toto corde suo, meditantur die ac nocte in mandatis tuis, & hos abscondisti sub alis tuis, ne capiantur illecebris seculi. Hi plerumque desiderio magno vitæ perpetuæ flagrant, citius dissolvi cupiunt, ut tecum multo felicius vivant. Et cum non exaudiuntur ad voluntatem suam, sit tamen ad salutem ipsorum & tuam dispensationem, ut adhuc laboribus exerceantur. Non quòd tu (Domine) minus illos tunc diligas, quia illorum mox preces & desideria non implet: sed differendo, copiosius vis remunerare, quos amplius fatigari in hoc mundo permittis. Bene illis, qui tantam assecuti sunt à te gratiam; qui jam æternæ vitæ desiderio æstuant, & per fructum boni operis, manipulos retributionis præstolantur. Ego qui peccator sum, & peccatorum meorum pondere premor, quomodo levare audeam oculos meos, in montes istos eximios sanctos tuos & perfectos viros, qui terrenam habitationem, tanquam vallem lachrymarum, altitudine conversationis excreverunt, & cælum jam contemplationis acumine tangunt?

9.  
Apo. 2.

9. *Væ, væ, væ,* [inquit Joannes Apostolus] *habitantibus in terra.* *Væ* carnalibus mentibus, & hunc mundum adhuc per desiderium inhabitantibus. *Væ* etiam his, qui passionem multarum aculeis circumdantur. Et *væ* longè errantibus à via iustorum, qui non fiunt, sed

vanè rident; & (quod gravius est) cum in præsentia Dei malè agunt, hoc ipsum non metuunt, sed subito parvipendunt. Quid ergò mirum, si nunc doleo, si tamen [ut dignum est] & verè doleo? Nam dolor internus mutat affectum hominis, & non vult gaudere, nec amodo consolari in terrenis. Vide unde dolere & flere debeas. Satis rarò perfectè se colligit animus, & interdum vix lucet desuper veritas, & modica ex parte, fruitur anima suo cœlesti cibo. Ideo meritò gemere potest amore gravata terreno, quia Deo facta est & sibi ipsi tam ignota. Deploret igitur, quicumque cor intus habet in semetipso, & dicat; *Quia cinerem tanquam panem manducabam, & potum meum cum fletu miscabam.* Hoc inquam est, quod intra semetipsum percogitans desleo: quia terrenis [prò dolor] & visibilibus rebus, sine necessitate sæpius implicor, aliquoties delector, quandoque difficulter (quod gravius est) avellor. Fleu me ab his, quæ nociva mihi sint, & quæ detestor sapius & odi, rursùm tamen captivor ab illis.

10. O lutum lutum, usquequò adhaerebis mihi? O tenebræ & lubricum, quamdiu involvar à vobis? quamdiu patiar vos, quousquè ero vobiscum? Magna infirmitas mea, ut stare sit difficile proclivum autem vitiis & mentis calamitatibus succumbere. Sum etenim terrenus, de terra formatus; & ideo naturali fragilitate, plus terrenis quàm cœlestibus, me sentio cogitationibus commoveri. Æterna bona minus avidè quæro, quæ factum sunt non sapio, & arefcit tanquam testa virtus mea, quia oblitus sum comedere panem meum. Meum

inquam

10.  
Questus  
peccatoris  
ob miseriam &  
pericula  
vitæ præsentis.



inquam meum, quem Deus Pater dederat mihi: sed jam mutatus est mihi in terrenum. Et qui cœlesti frumento satiari potuissem, ecce manduco cinerem.

11. Miser, & multum infelix ego sum, qui ad hanc inēdiam perveni; ut superna nesciens & negligens, ad amandum hæc inferiora me verto. Ad edendum & gustandum delicias perpetuas, super mel & favum dulciores, creatus eram: sed peccans in Deum meum excœcatus sum, & illas amisi epulas, atque mundi hujus cupiditatibus foveor. Tantò que licentius cor meum, ad singula terrena solatia effusum est, quanto longius se ab intimis expulsum deprehendit. Conversus tamen aliquando ad meipsum, in istis terrenis felicem me non invenio: nam multis adversitatibus, multisque doloribus circumdor & repleor; & in multa positus angustia, sæpius contristor, & quid eligam, ignoro. Coarctor nimis è duobus, & quid præponam alteri, tardè quidem & vix discerno. Illa quæ supra me sunt, peto, ut veniant, & non semper præstò sunt: hæc quæ infra me Deus posuit, opto ut discedant, & ipsa manere juxta me non vocata volunt. Veniunt catervatim ad me, & cum eis cogitationes diversæ, quædam ex sæculo, aliquæ ex carne, plures ex diabolo, & circumdantes me undique dicunt: Os tuum, & caro tua sumus.

12. Maneamus paululùm apud te. Consentire nobis: Amicus esto noster, & sede hic etiam apud nos. Blandimentis suis & promissionibus magnis, astutè mihi insidiantur, minis & terroribus, variisque malorum eventibus, animam

meam nituntur affligere. Ego autem quoniam mortalis sum homo, & imbecillis ad resistendum; horum persuasionebus & importunitatibus, ut oportet, non satis contradico. Et tamen si ita, ut suadent, fecero, certum est, quòd fallor, quoniam in dolo mecum loquuntur, & non ex Deo ista persuasio, sed ex maligno. Qui enim ex Deo nati sunt, resistunt diabolo, & fugit ab eis. Et qui odio habent mundum, & quæ in eo sunt, non est quòd retardat illos. Qui etiam in Deo sapientes sunt, non credunt omni spiritui: sed probant omnia, utrum ex Deo sit spiritus, an ex mundo. Audiunt quidem, sed non consentiunt, dicentes: Nescimus, unde sitis. Discedite, quoniam ex Patre Diabolo estis, & veritas in vobis non est. Talis est conflictus piorum: & quis sit labor tentationum omnium, novit Dominus, qui quæ universa respicit. Vita ista doloribus & pressuris plena est, sicut optimè norunt, qui de amaritudinis ejus calice biberunt. Quærit idcirco humanus animus, unde possit recreari; & frustra est omnis consolatio, nisi adsit divina. Quotidiana instruitur experientia, quòd fallax est omnis spes terrena; & in amaritudinem illi proveniet, quicquid extra Deum, in tempore hujus peregrinationis quærit.

13. Heu mihi, quia longinqua facta est habitatio mea, & non est utique in hac vita tale quid, in quo requiescat tutè anima mea. Dicunt mihi singula membra mea: Noli pro nihilo fatigari, quia prius consumeris, antequam potes satiari in his terrenis. Dicit proinde spiritus meus; qui cibum suavem, deliciosum, & optimum semper appetit; Revertar in domum meam, unde exivi, quia



Anima  
spiritui  
obediens.

quia melius mihi erat tunc quam nunc, & jam nauseam patior in his, quæ foris oblata sunt. Sed, ô caro mea, utinam hanc vocem audires, & postposita tua prudentia, spiritum æmulari velles. Proculdubio vitam invenires, & mortem evaderes sempiternam. Temporale debitum oportere persolvere, quia damnata es in prima prævaricatione. Et ideo prudenter ageres, si te omni mansuetudine spiritui subderes, rebellemque te non faceres: ut secunda mors te non tangeret, sed in requiem æternam, quam maximè diligis, introires.

14.

14. Sequere ergo me, & Spiritum tuum noli contristare adversus eum concupiscendo; magis verò ad omnia, quæ ille præcipit, paratior esto. Dico tibi; si particeps fueris tribulationis, eris & consolationis. Indue te cinere, & cilicio, descende, sede in pulvere, filia Sion. Plange mecum, quia non est mihi bene, & dolor meus non est modicus, neque momentaneus, Deus meus & Dominus meus, iratus est super servum suum, & maledixit operibus ejus, & dixit; *In sudore vultus tui, ne vesceris pane tuo.* Et ego confiteor, quòd ideò terram desiderabilem justè amisi, quia mandatum Dei non custodivi. Cibus meus non erat, antequam huc cecidissem, animalis, terrenus, & corporeus: sed calicus, angelicus, & spiritalis. Panis triticeus, subtilis, & discussus erat, quem paraverat mihi Deus; nunc autem hordeaceus, grossus, & mucidus factus est: Etiam si dixerò, quòd sit subcinericius, qui non est reversatus, verum fatear.

Genes. 3.

15.

15. Benè ergo deploro ego dolorem meum, quem concepi de exilio, in quo

natus sum, & damnum meum, quod sustineo, in terra aliena. Plangite simul filii hominum, & flete super vos ipsos filii Adam? qui cinerem tanquam panem manducatis, qui cœlestem cibum pro terrena commutastis: Et ô infelices & cæci filii, quid amisistis? Verum quia non agnoscitis; propterea minimè fletis; & eò magis deflendi estis, quòd tam grandem miseriam vestram non videtis. Intuemini excidium meum, quibus privatus sum deliciis, & quantis malis circumseptus. Laboro jam in præsentì vita; & die ac nocte suspiro, pro æterno convivio; ubi nemo esurit, sed omnes in jucunditate vinum bibunt, vinum lactificans & clarificans sanctorum corda, non mentes evertens: nec est, qui mihi haustum ex illo præbeat. Vix pusillus aquæ salutaris, quæ in cœlestibus regnis exuberat, datur postulanti. Clausum est cœlum super me, & terra non dat fructum suum; sed spinas & tribulos germinat mihi, & vos dicitis: Cur fletis? quare non comedis, & bibis? Filii hominum usquequò gravi corde? Usquequò talia sapitis? & quare affligitis cor meum loquentes mihi stultitiam? Non est vobis pars in sermone Domini, & subvertere quæritis justum mendaci promissione, dicentes, *Pax, pax, & non est pax.* Quid vobis & pax? Non est pax impiis, dicit Dominus. Nec enim propterea fleo, quia dives non sum, quia vino & pane, frumento & oleo, non abundo, sicut vos abundare quæritis: sed quia in mundo sum, & illum nondum video, qui est vera pax, & summa beatitudo. Intendite plagæ meæ, & palpite vulnera mea; & si mecum non vultis flere,

Esaiæ 48.



fieri, dimittite me, ut plangam paululum dolorem meum, antequam vadam ex hac vita, & amplius non revertar.

16.  
Job. 3.

16. Sedebo interim lugens, & contristatus incedam, foras non egrediar: sed moriar in nidulo meo, & sepeliar in sepulchro, quod effodi mihi. Gavisus sum vehementer, quod inveni sepulchrum, ut dormiam in illo, & non videam mala super terram. Tædet animam meam vitæ meæ, & dolor meus renovatur quotidie. Peto ergo mi Domine Deus, ut absolvas me ab omni peccatorum vineulo, & desuper de terra eripias me, quia melior est mihi mors quam vita. Et quid hic amplius faciam? Transeunt dies & dies, anni & anni, servus autem tuus non multum proficit. Ne pro-

trahas indignum servum tuum: nec patiaris eum diutius vagari post vanitatem hujus vitæ. *Erravi sicut ovis, quæ perit: Psal. 118. require servum tuum ( Domine ) quia tempus est.* Neque iustitia mea, neque bonitas mea, Domine: sed misericordia tua & mansuetudo, quæ mensurari non potest. Secundum hanc fac mihi servo tuo, & visita me in salutari tuo, ad videndum in bonitate electorum tuorum, ad lætandum in lætitia gentis tuæ; ut lauderis cum hæreditate tua, quam acquisisti sanguine tuo. Qui cum Patre & Spiritu Sancto, manes Deus benedictus in sæcula, Amen.

*Finis Libelli de vera compunctione cordis.*

## LIBELLUS DE SOLITUDINE ET SILENTIO.

### CAPUT PRIMUM DE SOLITUDINE.

Argumenta hujus capitis.

<b>P</b> refatio, in qua commendatur solitudo.	Num. 1.
De consideratione divina bonitatis.	2
De humilitate nostra, secundum ordinationem Dei.	3
Utile esse existenti in quiete, ut recogitet de priori labore.	4
De amore ad solitudinem & secretum.	5
Quod non omnium est vacare.	6
Contemptus consolationum extraneorum.	7
Consolatio infirmorum.	8
Consolatio in scripturis divinis.	9
Spiritualis dilectio ad Sanctos.	10
Congratulatio ad præ defunctos.	11
a Kemp. De solitudine.	

Consolatio spiritualis hominis.	12
Communis vita, magna jam apparet, si bene servetur.	13
Signa devotorum.	14
Tentationes devotorum.	15
Reprobatio temporalis solatii.	16
Commendatio dulcedinis celestis, quæ est in Christo.	17
De familiaritate cum Jesu.	18
Quod diversimodè nunc adest Jesus dilectis suis.	19
De laude patientis adversa cum Jesu & scandala.	20
De solatio habendo, cum Christo Jesu.	21
Vita Christi & Sanctorum, extra mundum fuit.	22
<i>Ef</i>	<i>De</i>



*De quiete cellicole, à turbidine sæculi. 23*

*De inclausoris & secreto cordis in omni loco 24.*

*1. Præfatio, in qua solitudo commendatur.*

**C**harissime, cum esses in occupationibus externis, & pro nomine Christi laborem subiisses fraternum, brevi quadam admonitione, [sicut tunc poscebat rei utilitas] te iuvare, quasi spirituali manu volui, quoniam aliter non potui: ut dum illam aliquando attenderes, rectius inter curas ambulares. Sed jam nunc cum solutus sis ab illo onere, & restitutus pristinae quieti, etiam solatium fraternum tibi nolo subtrahere: sed modicum de amore cellæ & silentii custodia, quia sic ordo postulat vivendi, dicam.

*2. Consideratio divina bonitatis.*

**D**ebes in hac restitutione tua, divinam super te bonitatem multiformiter attendere; & ei quacunque de causa factum sit, multum regratiari. Estimo, quod pro tuo profectu erit, quicquid expertus es in illo officio, quod ante nesciebas. Spero iterum, quod non minus tibi prosperabitur ad bonum tuum, quoniam liberatus es & solatus, atque tibi plenius redditus.

*3. De humilitate nostra, secundum ordinationem Dei.*

**I**n omnibus denique temporalibus variationibus, siue per nos, siue per alios contingunt, supernam ordinationem considerare debemus; & tali ordinationi nos humiliter Deo prosternere, atque petere, ut ipse nobis donet, quod

saluti nostræ plus viderit prodesse. Sicut lutum in manu figuli, ita nos in manibus ejus. Tantum dignetur nos facere vas in honorem, & non in contumeliam. Siue fecerit nos parvos, & contemptibiles, & extremos inter fratres nostros, non hoc multum curemus, dummodo æquè illi mereamur placere. Et utique credimus, & confiteri debemus, unum Deum Patrem nos omnes habere, quotquot siue per gratiam, siue per naturam existimus. Et idè de inæqualitate meritum, & distributione officiorum, nulli expedit injuste cogitare adversus aliquem, quantumlibet despectum & inferiorem cæteris hominibus in hoc mundo. Ad propositum ergo rediens, dico quod propter dimissam illius officii curam, non es modò inferior aut inutilior ad pia opera facienda, de quo aliqua scripsi tibi, ut senseras tunc convenientia; sed fortè modò talia non sapiunt, quia non conveniunt bene. Sed quid in futurum adhuc valeant, nescis, cum possit res consimilis advenire. Sunt tamen ibi, si advertis, quedam, quæ quieti & proposito præsentis deserviunt.

*4. Utile est existenti in quiete, ut recogitet de priori labore.*

**S**i ergo ad memoriam tuam redeunt illa onera & occupationes elapsæ, forsitan utiliter interdum prosunt; tunc credo clarius senties, quantum distat inter tunc & nunc. Videbis quoque, quod tuæ virtutis non fuerat, animum potuisse sub interiori custodia in occupationibus servare, quando & in quiete vix cohibere se prævalet humana infirmitas. Pepercit igitur tibi Deus, & ideo

gaude

In quiete  
& otio  
suavis est  
& utilis  
recordatio  
laboris  
præteriti.



gaude in adepta simplicitate; & converte sensum tuum liberius jam, ad intelligentiam spiritualium rerum. Cito vilesce sapientia terrena, amanti celestem sapientiam. Raro diu conveniunt, frequens exteriorum occupatio, & divinorum secretorum notitia.

5. De amore ad solitudinem & secretum.

Cant. 8.  
Joan. 5.

**F**uge dilecte mi, ait Sponsa; quia & Sponsus Jesus, largitur etiam declinasse à turba constituta in loco. Eris frequenter cum Jesu, si amaveris secretum, & curaveris custodire Paradisi locum, quem B. Hieronymus cellam nominat, dicens: Quam diu non es in patria, cella sit Paradisus tuus. Inibi gaudebis in Domino, & confabulaberis ei, & ille respondebit tibi. Appropinquabit cordi tuo lux ejus, & veritas; manifestabitur tibi amplius. Sole orto & fervente, multiplicabuntur radii illius, & Christo veniente, illustrabitur interior domus tua. Emundaberis lumine novo, & in fulgore ejus persultabunt omnia interiora tua, Et dices: Domine quis similis tibi? Quam verus sermo, quem legi: In lumine tuo videbimus lumen? Et nunc Domine Deus, illuminatio mea, & salus mea in lumine tuo ambulabo, & in nomine tuo exultabo tota die, & in iustitia tua exaltaber: Quia gloria virtutis mea in es, & in beneplacito tuo, voluntas mea stabit.

Psal. 34.  
Psal. 35.  
Psal. 26.  
Psal. 30.

6. Non est omnium vacare.

**C**onsidera gratiam tibi desuper datam, & vivere secundum eam curato; quoniam non omnibus sic vacat solari eum Christo, quemadmodum oblatum est tibi apum & sufficiens tempus præ cæteris: tantum adsit spiritus Jesu,

qui docet & illuminat omnem hominem venientem in hunc mundum. Cum enim adest spiritus ejus, non habes requirere præsentiam alienius hominis, ut conso-leris. Quando autem abest, expecta eum; quoniam veniet, & non tardabit.

7. Contemptus consolationum extraneorum.

**C**avere tamen oportet, ut de foris sua persua solatia non petantur: sed vel interim silentio & luctui insistere, aut cum amico de negligentia & angustia sua conferre. Et ista hominis consolatio, satis utilis & necessaria tempore suo; quia non omnium est dicere cum Apostolo: Quia non ab homine, neque per hominem didici, sed per revelationem Jesu Christi. Qui humano solatio non eget, multum super hoc regratiari Deo potest.

8. Consolatio infirmorum.

**E**T qui adhuc carere non potest, quid nisi Deum in servis suis humiliter audire debet: & non sicut ab homine, sed tanquam ab ore Dei prolatum sit, consolationis verbum suscipere? Qui etiam per scripturas, nobis adhuc tanquam parvulis loquitur; ut habeamus tamen aliquid, unde consolemur.

9. Consolatio in scripturis Divinis.

**E**st enim non parva consolatio, qui nullam exteriorem habet, quod delectatur in scripturis Divinis. Et cum legit Evangelium aut Prophetas, nonne videtur quodammodo colloquium celebrare, cum Jesu & Apostolis ejus, necnon cum Prophetis antiquis? Et cum cæteros libros doctorum avidissime



legit, quid nisi ex bona eorum societate, à se omne mentis fastidium repellit? An non sapissimè, cum Augustinum vel Gregorium legis, tanquam præsentes eos intueris? Aut minori affectu eorum dicta complecteris, quia in carne non sunt; quàm si viverent, & ad te sua scripta direxissent.

10. *Spiritualis dilectio ad Sanctos.*

**P**osset fortè magis aliquid conferre tibi, veneranda ipsorum præsentia: sed spiritualis homo, hanc affectionem facile supergreditur, cui in Deo omnes vivunt, & præsentes sunt; qui & hominibus sanctis, non tantum corporalem aspectum, quantum Divinam in eis gratiam intuens, spiritualiter eos ubique diligit & veneratur. Nonne & prædictorum duorum Patrum sententia meminit, quòd idèd Jesus Christus, suam nobis corporalem subtraxit præsentiam; ut fide coleretur potiùs quàm oculo, & spiritu ac mente arctiùs diligeretur quàm aspectu? sicut idem ipse Dominus noster ait: *Nisi abiero, Paracletus non veniet. Expedi enim vobis, ut ego vadam.*

Ioh. 6.

11. *Congratulatio ad piè defunctos.*

**C**um ergò tolluntur à nobis spirituales amici, si sequuntur Christum ad cælos ascendentem, congaudendum erit utique eis; quia vadunt ad Patrem, quia illam cœlestem mansionem accipiunt, ad quam nostra peregrinatio in hac valle lachrymarum roties suspirat. Si verò aliqui adhuc differuntur à regno, pro parvulorum eos nimirum consolatione vivere credendum est, quibus lac spiritualis consolationis opus est.

12. *Consolatio spiritualis hominis.*

**Q**ui autem ad tantam gratiam pervenire potest, ut sine humano solatio etiam & solus vivere dulce habeat, gaudeat; quia quanto exteriùs minus quærit, tanto uberiùs intus per spiritum consolari merebitur. Huiusmodi hominis est, jugi meditatione Divinæ legis cuncta tertena oblivisci, & ardenti mentis desiderio beatorum gaudiis interesse, ac omnem consolationis suavitatem in illa beatitudine constituere; atque ex hinc frequenter haurire fluentia devotarum lachrymarum, quæ ipsi etiam præ amoris magnitudine dulces sunt, quemadmodum sanctus David ex desiderio videndi Deum loquitur: *Fuerunt mihi lachryma mea panes die ac nocte, dum dicitur mihi quotidie, ubi est Deus tuus? Quàm bonum est homini sic esse: sed non sine labore & custodia sui poterit diu sic esse. Multa sunt enim, quæ hominem à suo proposito retrahunt.*

13. *Communis vita magna jam apparet, si bene servetur.*

**S**ed tamen magnum pro nunc videtur; si quis communis vitæ sequens formam, nullos superfluos exitus & circuitus faciat; licet propter gravitatem vitæ, quandoque necessarios egressus devitare, aliquid majus sit. Qui adhuc largioribus indigent consolationibus, non sunt despiciendi, nec frangendi: fortè expedit aliquibus, ut parumper de aère rapiant, quia si omnem perdiderint humanam consolationem, cum divinam nondum idonei sunt perfectè capere, consumentur tadio, & affligentur phis-

Infir-  
rum ha-  
beat sa-  
tio, qui  
ad solatia  
pertinet



plusquam oportet, nescientes viam fortium imitari. Tu autem ascende modicum altius, & sic compatere aliis, ut imitari tamen eorum infirma non velis. Strictiora tamen & graviora, quam portare sufficias, non approbo; sed secundum facultatem tuam, secretum & solitudinem, ut religiosius vaces propono.

14. *Signa devotorum.*

Spiritualis  
homo se-  
cessum  
amat.

**B**onum signum devotionis est, cellam amare, vel alterum locum aptum ad vacandum Deo expetere, ne impediat spiritus in oratione vel meditatione cœlesti. Amabilis talis vita, non onerosa. Siquidem devotis mentibus omnis locus secretus, aptus & placidus, & omne tempus breve ad exercitia spiritualia.

15. *Tentationes devotorum.*

**F**ortè aliter interdum experiuntur, & eis qualibet dulcia & levia, in amaritudinem & rœdium vertuntur. Cum ergo talia superveniunt, non idcirco priora bona postponere debent: nec putare quod Deo displiceat propositum sanctum: sed cogitare quàm utile sit, ut quandoque parum tribulentur, & probentur à spiritibus malignis, & sic per patientiam fructus bonos afferant. Admonentur per hæc quoque, de cætero fieri sollicitiores ad tolerantiam adversitatum; quia non tantum in quiete, sed etiam in tribulationibus & tentationibus, Deum diligere & laudare, gloriosior profectò via perfectionis est, ad æternam vitam.

16. *Reprobatio temporalis solatii.*

**Q**uid potest boni conferre homini, breve & inane foris solatium? Aut quid, postposito creatore, capietur de creatura jucunditatis? Nisi per creaturam quærat ascendere ad conditorem, laborabit, nec satiabitur anima ejus. De consensu creatoris, ad amandum creaturas exire licet; de sensu verò carnis atrahere delectationem, vestitum est spiritui.

17. *Commendatio dulcedinis cœlestis, quæ est in Christo Jesu.*

**A**gnosce Sponsi cœlestis speciem, & adverte dignitatem amoris tui; quia quicquid præter ipsum amaveris, non implebit te, sed fugit abs te. Fugit omnis gloria terrestrium, & propinatur amantibus eam, sed & acutum in novissimis. Saturitatem non habet mundus, neque olei suavitatem. Jesus autem dulcedo ineffabilis, & totus desiderabilis, qui suos consolatione internæ pacis, in præsentem frequenter visitat, & in futura vita satietate mirifica adimplebit.

18. *De familiaritate cum Jesu.*

**Q**uare igitur ipsius ditari consolatione, ipsius secreta dulcedine refici, ipsius casta familiaritate in abyssum divinitatis recipi; quia vos est: *Nemo venit ad Patrem, nisi per me.* Nullus locus tam solitarius sit, in quo Jesus priorem locum non habeat. Sine illo, omne secretum tumultus; cum illo, omnis locus quietus & dilectabilis. Dulcius est esse cum illo in Cruce, quàm sine illo in Paradiso. Ipso præsentem, quid jam deesse poterit?



19. *Quod diversimodè nunc adest Iesus dilectis suis.*

**N**unc tamen adest sicut peregrinationi nostræ congruit, postea videbitur sicuti est. Adest quidem semper, sed non eodem modo; quia aliquando iudicium suum nobis per tribulationum flagella aperit, aliquando misericordiam suam per ablationem adversantium, restitutionemque pacis manifestat. Sic adest piis dilectoribus suis, ut tamè si ne pressura in hac vita non sint. *In mundo,* [ inquit ] *pressuram habebitis; sed confidete, quia ego vici mundum.* Sic adest ipse tanquam filiis pater, ut castigati & non mortificati, ut destituti, sed non derelicti; ut infirmi facti, sed fide non fracti; ut lugentes & egentes, sed spe lædentes & charitate ferventes, melius & expeditius tendant ad æterna, formidolosius & despectius teneant præsentia. Rursum adest electis gratiam infundendo, interiùs consolando, cœlestia revelando, pacem mentis & corporis largiendo, vitia & passiones supprimendo, tentationes & gravitates cæteras auferendo. Sed non semper durat hæc clarior hora, quia iterum se subtrahens, permittit penè omnia contraria evenire; *ut fides illorum pretiosior si auro, quod per ignem probatur.* Et tamen tunc adest etiam, & satis utiliter & fructuosè, licet sustinenti sit gravius & indelectabilius.

20. *De laude patientis adversa cum Iesu & scandala.*

**Q**uam laudabilis hic, cui Iesus placet non minùs in adversis; quam in prosperis. Qui cum illo manducat & bibit, & iterum libenter esurit & sitit,

Qui sequitur eum usque in montem visionis & gloriæ, & constanter non formidat sequi eum in patibulo; confiteturque in singulis istis, quoniam bonus, quoniam dulcis, & amabilis, atque laudabilis valde. Hinc ipse dicit; *Beatus qui non fuerit scandalizatus in me;* quando videlicet adversa contingunt. Quia in prosperis scandala non urunt, nec eo tempore probatur esse discipulus Iesu. Dilige ergo eum, quando bona tribuit; dilige eum, quando eadem tollit; insuper & quando tribulationem mittens, affligit. Nulla adversitas, nulla prosperitas, cor penitus ab eo separet. Nec mirum si gravatur & tribulatur ipsa natura, cum instat passio: dummodo tamen spiritus se subdat voluntati & ordinationi ejus, manet utique in patiente natura dilectio.

21. *De solatio habendo cum Christo Iesu.*

**H**ic itaque pro solatio unico tibi sit: ubicunque fueris, & qualitercunque tecum transierit, ipsius in te mansionem semper sitias, & omnia consilia tua in eo permaneant. Gratiam ejus & præsentiam, summè caveas violare; quia illo offenso, quid pacis habebis? Alta cogitatio & sensus elatus, amor temporalis & affectus visibilium, & quodcunque vile gaudium de creaturis, obnubilat cor etiam sanctum; ne videatur Iesus cum Patre in cælo, aut sub matre in præsepio. Inspida sunt omnia devota Christi mysteria, convertenti se ad exteriora & inania. Affectus yero, affectum vincit; & qui spiritualia sapit, omnia inferiora propter Christum libenter derelinquit.



22. *Vita Christi & Sanctorum, extra mundum fuit.*

*Apoc. 7.* **A** Necessest nos forma filii Dei, & secuti sunt eum omnes exercitus sanctorum in albis. Vilipensus est à philochristis omnis decor exterior sensibilibus rerum, aurum & argentum, lapides pretiosi, varius ornatus vestium, abundantia divitiarum, copiosus apparatus epularum, voluptas carnis, frequentia clientum, effrenatio deliciarum; & omne delectabile & commodum corporis, non potuit emollire corda sanctorum, nec inficere nares eorum, neque seducere oculos eorum, quia florentem mundum mentis despectu calcarunt: cum scirent perfectò celerem finem habiturum omne gaudium præsentis vitæ, & postea in brevi securum præmium, quod nullo fine claudetur. His tamen omnibus, irretitus est mundus miserabiliter; his insanit libidinibus; his lætatur luti volutabris. Tacere melius est de his, quam immunda purgamenta revolvere: ne coinquinationis suæ pulverem etiam ad secretum mentis hostis jacter, ne tumultus inferat, ne meliora dirimat, ne occasionem alicujus maculæ ex hac recordatione præbeat, & sustinere non possis.

Spirituali-  
bus cura  
est etiam  
tacere de  
mundo.

23. *De quiete cellicola, à turbine sæculi.*

**Q**uam bene agis cellicola, quòd spretis sæculi tumultibus, confugisti sub umbraculum Christi, ubi iterum repaules quiete fœlici. Quam fa-

pienter elegisti latere, quàm proficue conaris soli Deo vivere, & ejus oculis tantummodo apparere. Si Christum & Matrem Christi diligis, si amantes Jesum, & currentes post eum devotè sequeris, non erit in te amor & cura carnis, neque angustus paupertatis locus, neque labor tædiosus, neque tristis solitudo tua, neque silentium non jucundum.

24. *De inclusorio & secreto cordis, in omni loco.*

**F**ac tibi quoddam cordis inclusorium, ut etiam quolibet in loco constitutus sis, tecum comitetur tua solitudo. Arcam construe ex omni parte firmam & seratam, ut salveris ab aquis diluvii, graves enim sunt & indicibiles fluctus magni maris, sæcularis utique cohabitationis. Super ripam Jordanis stabat Joannes, & vidit Jesum ad se venientem. Stat cum eo super ripam fluminis, qui seorsum ab actibus mundanis degit, ut Jesum oculis fidei altius contempletur. Unam tamen fenestram habeat arca tua, ut per eam intret Christus: & sit obliqua, ne veniat Satanas, quia minus lætè amicum suscipit, qui inimici fraudes auditumque non obstruit. Omnibus bonis inimicus est diabolus, insidiatorque continuus: sed Monachis & Religiosis amplius. Qui quantò perfectiùs per iter incedunt virtutis, tantò acriùs ille nititur eos impedire, quibuscunque potuerit artibus. Adversus quem nos muniat, & à cunis fallacia præsignet & tueatur servulos suos Jesus Christus Dominus noster. Amen.

Spiritua-  
lem sem-  
per sequi-  
tur solitu-  
do.

Joan. 6.  
Genes. 6.



## CAPUT SECUNDUM.

## Argumenta hujus Capitis secundi.

<b>D</b> E custodia silentii.	Num. 1
Exemplum silentii, in David Propheta.	2
Commendatio silentii, secundum priscos patres sanctos & religiosos.	3
Virtutes silentii.	4
Requedium contra multiloquium.	5
Reprehensio loquacium.	6
Excusatio utilium doctrinarum.	7
De cautela contra rigorem nimium & abstractionem singularem.	8
Distinctio diversorum hominum in silentio.	9
De quibusdam specialibus impedimentis quae sunt in locutione longa.	10
Contra nocturna colloquia.	11
Experimentum mala conscientiae arguit talia colloquia.	12
Remedium contra praedicta.	13
Necessaria locutiones.	14
Consilium taliter loquentium.	15
Consideratio utilis prudentibus.	16
De instabilitate leviter & dissolutè loquentium.	17
Qualiter dissuescit homo à multiloquio.	18
De peccato locutionis.	19
De vitio detractionis.	20
Quòd faciliter peccatur in verbo.	21
Qualiter decipitur homo, & retrahitur a custodia silentii.	22
Recognitio erroris post lapsum.	23
De laqueis lingua.	24
Quaestio oritur ex paulo antè & longè antè dictis.	25

Discretio sequenda est, & inquirenda pra omnibus jam dictis.	26
Devoti & religiosi plus ceteris silentio insistere debent.	27
Communiter [hoc est ser: omnes] silere magis indigemus quàm loqui.	28
Defectus consolationis spiritualis unde proveniat.	29
Silendum est magis in devotis temporibus & festivitatem.	30
De communione Eucharistia.	31
Comparatio dilecti amici ad dilectissimum amicum Christi.	32
Dignitas Christi & humilitas ejusdem ad nos.	33
Quantam habet anima, suscepto Christo, consolationem.	34
Cur non suscipimus uberem fructum ex frequenti communione corporis Domini.	35
Sapius communicare maxima est consolatio anima religiosa.	36
Quòd Diabolus nititur impedire devotionem hominis ad Deum.	37
Quòd Diabolus insidiatur maxime solitarius.	38
Virilitas & alacritas cuique habenda contra inimicum.	39

## CAPUT II.

## 1. De custodia silentii.

**N**on satis debet esse ad profectum tuum, ut diligas secretum, nisi diligas religionis custodem, sacrum scilicet silentium.

## 2. Exem-



## 2. Exemplum silentii in David Propheta.

**H**inc de sancto David, qui tam multa cœlestis contemplationis arcana in secreta mansionis didicit & cecinit, notanter scribitur; quod *Chusi erat amicus David*, qui interpretatur silentium. Quam specialis iste amicus ejus fuerit, in pluribus psalterii locis, aperit

2. Reg. 16.

Psal. 38.

Psal. 140.

dicens: *Dixi, custodiam vias meas, ut non delinquam in lingua mea.* Et paulo post; *Obmutui, & humiliatus sum, & silui à bonis.* Qui rursus alibi deprecatur Dominum, pro continentia linguæ, dicens: *Pone Domine custodiam ori meo, & ostium circumstantia labiis meis.* Talis ac tantus vir, qui quotidie magnis populorum turbis ambiebat, & regali potestate etiam multis nationibus dominabatur, silentium diligebat, linguæ suæ custodiam ponebat: & ne superaretur aliqua fragilitate aut levitate, pro hac Dominum humiliter exorabat. Ubi statutum legerat silentium religiosorum: ubi disciplinam didicerat monasticam; Certe Spiritus sancti gratia præventus & instructus, legem vitæ & disciplinæ suscepit ac tenuit. Quæ si nunc adsit nobis, poterimus & eandem observare silentii formam, quæ à senioribus nostris tradita est, & diligentius ab antiquo commendata.

## 3. Commendatio silentii secundum priscos patres Sanctos &amp; Religiosos.

**O**mnes Religiosi patres, commendaverunt silentium: & quicumque etiam privatim vixerunt, hoc tenuerunt, & docuerunt. Quidam habent quasi quotidianum silentium, quidam autem sub quodam moderamine temporum, locorum, & personarum. Et licet non

à Kemp. de Silentio.

arcteris ad tantam observantiam, ad quam multi ex professione ordinis tenentur, tamen magni meriti apud Deum eris, quod ex voto & amore silentii, os tuum custodis. Insuper & aliis in hoc proposito bonum & ædificabile præbebis exemplum, cum viderint formam sanctæ religionis in te florere.

## 4. Virtutes silentii.

**S**is igitur sollicitus in hac observantia, propter multas virtutes in ea latentes. Nam silentium bene servando, obedientiam etiam servas, humilitatem retines, verecundiam adornas, senibus reverentiam exhibes, juvenibus exemplum præbes, levibus & dissolutis morem incutis, extraneis bonam famam, intraneis pacem & concordiam generas. Habeas autem adhuc talem custodiam, ut primò serves strictè & perfectè, quod communis constitutio fixit: de hinc ut cum loqui licet, temperatè utilia & necessaria, sive tibi, seu aliis dicas, quæcunque autem ex superfluitate, aut otiositate, aut negligentia coincidunt, citius emendare festines, atque post lapsum præmunitor esto de cætero.

## 5. Remedium contra multiloquium.

**S**alutare remedium est, contra excessum locutionis, aliquo tempore abstinere à necessariis & licitis verbis, etiam si nemo jubeat. Levius & suavius onus fertur, quod ex affectu voluntario, & interiori Spiritus sancti correptione accipitur. Prudenter quidem se ardet sub disciplina discipulus, agnoscens recentem culpam, antequam Magister cum Virga accedat, ad feriendum crecentem jam passionem.

Gg

Repre-



6. *Reprehensio loquacium.*

**S**i affuecit aliquis, ad singulas occasiones loqui quando erit liber, & quietus in se? Raro deerit loquaci loquendi occasio, neque ulla ei persona disconvenit. Quasi omnibus notus sit, sic affatur tacentes & ignotos. Sapientibus & insipientibus debitorem se facit, si & materia & peritia sermonis non desit, de omnibus se instructum putat, tantum hora brevis, & signum silentii, cogit brevare sermonem. In hoc usus est malus, pejor correctionis negligentia; sed fragilitas aliquando venialis, & ad correctionem propior.

7. *Excusatio utilium doctrinarum.*

Doctrinae  
quamvis  
prolixae  
non minuunt  
silentii  
virtutem.

Matth. 5.

Matth. 6.

Joan. 14.

Act. 20.

**N**E tamen putetur omnis locutio, aut sermo prolixus reprehensibilis; ex doctrina Christi & Apostolorum actibus probari potest. Nam Christus ascendens in montem, docturus discipulos suos, uberiori eos sermone protracto ditavit. Altera quoque vice, electurus duodecim Apostolos, prius sapientiae suae monitis largius illos instruens ad praedicandum misit. Novissime vero, cum jam esset recessurus, & in castrum passurus, post sacratissimam coenam, cepit solito prolixiorē habere sermonem, sicut tristibus & orphanis, sua gratissima praesentia orbandis, necessarium esse, percipiebat. Constat de beato Apostolo Paulo, quod aliquando edificationis gratia, usque ad mediam noctem, sermonem protraxerit. Similia quoque inveniuntur gesta ab antiquis Patribus, quemadmodum beatus Antonius fratribus collationem uberiores imperitus est, veluti & beatus Benedictus, Domino hoc volente, sorori suae de celesti-

bus gaudiis nocturnum colloquium, praeter consuetudinem solitam, concessit. Ubi ergo talis intercesserit utilitas & gratia, acquiescere aliorum postulationi, esset magnum pietatis opus. Neque hoc facto, solveretur spiritualis animae intelligentia, cum possit forte major, propter fraternam aedificationem, hac ipsa hora intellectus dari. Si quis autem subditus est obedientiae, nihil agere potest, sine superioris licentia; nec quidem loqui, etiam si possit prodesse. Superior, vel quilibet sui adhuc juris, in hoc maxime Deo subiectus erit. Secundum recte sapientes, sermo longus & utilis culpae non debet, tanquam ideo superfluous, quia diffusè tractatur, alioquin tardiores sensu sapere relinquerentur. Omne autem verbum, quod gravitatem aut utilitatem non redolet, merito longum à puris mentibus, esse sentitur. Licet igitur custoditus, esse debeas, & tardus ad loquendum, quatenus suorum tempore prudentior & utilior fias ad proferendum; sic tamen ama silentium, ut fratri indigenti non deneges verbum. Sic te ipsum tempera ab omni solatio alieno, ut si res postulaverit, libere conferas cum amico, ejusque utaris consilio. *Psalm. [inquit Propheta.] ostium circumstantia labiis meis.* Ostium ad aperiendum & claudendum aptum est, ut necessariis aperiatur, vanis claudatur.

Psalm. 140.

8. *De cautela contra rigorem nimium, & abstractionem singularem.*

**U**Nde cavendum est, ne rigide & indiscrete quis tacer, praecipue is, qui cum aliis in congregatione vivit. Nam qui ita singulari silentio rigesceret, diu stare concorditer cum aliis non posset.



posset. Aut ipse per se deficit, aut diaboli-  
cisticis instinctibus, ad aliqua deteriora  
in fine labitur. Exempla plura vidi, &  
quædam non longè audiui, & tu fortè  
quosdam nosti. Qui appetit bene &  
perseveranter proficere, non solum at-  
tendat, quàm fortiter incipiat, sed et-  
iam quo fine consummet. Sæpè strictio-  
ra principia quorundam, finem fece-  
runt laxiorem cateris, & quidam a-  
biere retrorsum. Omnino enim vide-  
batur eis, importabile jugum Domini.  
Fervor in principio necessarius est, sed  
tamen non sine moderamine. Non est  
sine periculo & laqueo, singularis ob-  
servantia in communi domo. Ille ma-  
gis laudabilis fervor, qui communia  
propriis præponens, in his nunquam  
negligens satagit inveniri, quæ cum a-  
liis susceperit ad portandum.

9. *Distinctio diversorum hominum  
in silentio.*

**Q**uidam magnum æstimant, silen-  
tium continuum servare, sicut &  
est: sed silere & loqui, prout oportet,  
majus est. Qui abstractè & solitariè vi-  
vit, potest quantum strictius voluerit, si-  
lentium custodire. Qui verò cum mul-  
tis vivit, non solum satis sibi, sed etiam  
aliis socialis esse debet. Adhuc qui in  
externis est, & cum diversis hominibus  
sæpè conversatur, implere tantam custo-  
diam difficulter potest, quin verbo ali-  
quando offendat; & utinam seipsum  
non penitus perdat. Ideoque illi benè,  
cui donatum est à Domino, esse & pos-  
se in quiete & in cella morari; quia ex-  
teriora & secularia, vix sine culpa &  
spirituali detrimento, possunt tractari.  
Nam qui in multitudine est, sæpè tacere

ab aliis non permittitur. Et cum ex ne-  
cessitate loqui tantum appetit, usu lo-  
cutionis ad negligentiam sui primo labi-  
tur; postmodum lingua proclivis, ad  
quæcunque libet resolvitur. Unde con-  
sequenter accidit, ut quod audire paci-  
ficè vix potuit propter cordis custodiam,  
ex multa negligentia hoc ipsum non pu-  
deat eum publicare.

10. *De quibusdam specialibus impedi-  
mentis, in locutione longa.*

**S**ciendum ergo, quòd in locutioni-  
bus solent homini spirituali sæpè,  
multa contingere detrimenta. Propte-  
rea utile est habere aliquam admonitio-  
nem & instructionem, ad quædam spe-  
cialius cavenda. Unde frequenter habere  
longa colloquia, irreligiosum est & su-  
spectum. Nam talia inanem faciunt  
hominem, & sancti propositi immemo-  
rem, & ad quietis & cellæ custodiam pi-  
grum, & ad divina cogitanda cæcum &  
insipidum. Rarè enim ædificatio nasci-  
tur spiritualis, hinc inde vagè conferen-  
tibus. Absque certa specialique tractandæ  
materia, longa colloquia non expedi-  
unt; & his præcipue temporibus, quibus  
Deo familiarius vacandum esset. Nam  
summopere manè & vespere, ab omni-  
bus humanis actibus & colloquiis, ces-  
sandum est; quia hæc sunt horæ devotio-  
nis reparationis, emendationis, & pro-  
positionis. Et quia ista tempora negli-  
genter ducunt, timendum satis, quòd  
totum diem distractiores erunt, plura-  
que offendicula incurrent. Sacra igitur  
illorum institutio religiosorum, qui arcti-  
ori silentio, post horam completorii us-  
que post primas insistent potissimum  
consideranda esset & imitanda.

Incommo-  
da ex pro-  
lixa locu-  
tione.



11. *Contra nocturna colloquia.*

Aristoteles.

**N**on est bona quorundam consuetudo, sed execranda, noctem lacram turbandi fabulis, quæ electa est & deputata tantum celestibus disciplinis. Nisi enim præcaveatur vespertina seu nocturna inutilis fabulatio, sequitur multoties de mane longa dormitatio, & alia disconvenientia in reliquis Dei operibus: quia secundum quendam sapientem. *Uno inconvenienti dato, sequuntur plurima.* Et est deffenda utique transgressio, digneque punienda, diem videlicet laboribus & distractionibus deducere, & ad vesperscente sole his deteriora addere, nec lapsum diei cursum per restantia quietis tempora aliquatenus revocare. Incongruum omnino videtur, ut aliis devotioni & quieti deditis, alii pascantur infœlicibus fabulis, unde sibiipfis gravem conscientiam, reliquis autem scandali occasionem, aut aliud puritatis impedimentum contra Deum & proximum peccantes, acquirant.

12. *Experimentum mala conscientia arguit talia colloquia.*

Intempestiva colloquia conscientiam onerant.

**C**onfessi sunt quidam, experientia instructi, parvam se gratiam, tristitiam verò magnam, ex nocturnis contraxisse colloquiis; quia si bona multa interfuerant, atque prima intentio pura visa est, mala tamen arctius premebant, quæ qualicunque occasione non defuerunt. Nam hoc multoties accidit, ut aliquid indecens seu sæculare, aut detractorium verbum, dicatur aut audiat, quod non facilius à corde recedat; & ex illo plus inficiatur auditor, vel gravius mordeatur postea, qui dixit, quàm de

omnibus aliis sanè & acceptabiliter pertractatis emendetur. Cum enim homines valde fragiles simus, parvum & leve est, unde non parum sæpè lædimur, aut inficimur.

13. *Remedium contra prædicta.*

**I**deo medicina hujus fragilitatis efficacax est, præcavere tentationis laqueum, fugere occasionem loquendi, citius etiam abrumpere, antequam crescat ignis linguæ, quia ignita tela diaboli exeunt per linguam immoderatam, quam ille commovere, tanquam familiare sibi membrum, nunquam cessat.

Antitodus adversus pestem loquacitatis.

14. *De necessariis locutionibus.*

**S**ed cum aliqui sint, quos causa satis necessaria sæpè ad loquendum trahit, sive de his quæ ad officium curæ eorum spectant, sive quæ interiùs ex animi perplexitate exurgunt; ita ut ad aliorum consilium & solatium, eorum solatium, aliquantulum dependeat, non videtur tum possibile ut moras loquendi aliquando non exaggerent.

15. *Consilium taliter loquentium.*

**Q**uibz tamen hoc faciendum est, & suggerendum, ne humana solatia ultra necessarium petant; sed potius misericordiam Domini cogitantes, in suis dubiis & perplexitatibus studeant in silentio intentius ad Deum confugere, & ab eo suffragium petere, atque ab aliis etiam fratribus manum superni levaminis humiliter inquirere, donec subleventur. Quicquid autem humano metu, aut propria fiducia maculosum contraxerint, statim ut animadvertere cœperint, eidem supernæ bonitati, summæque provi-

Prætextus necessariæ locutionis quomodo tollatur.



providentia ejus, universaliter committant, quoniam quidem nulla sunt humana consilia, inutilisque mortalium solertia, nisi ipse præveniat & subsequatur nos semper clementia. Sic ergo semetipsos poterunt à nocivis & non necessariis verbis castificare, aliisque occasionem labendi tollere.

16. Consideratio utilis prudentibus.

Ut superflua tolli queant, abstinentiam interdum à necessariis.

Proverb. 17.

**S**imulque considerent, quia non assuescit homo cavere superflua, nisi à multis licitis libenter abstineat. Sapientibus enim pauca sufficiunt, & necessariis acquiescentes multorum garrulationem non advertunt. Insipientibus verò non sufficit verborum numerus, neque modum imitari, sapientium norunt; & tamen scriptum est; *Stultus si tacuerit, sapiens reputabitur.*

17. De instabilitate leviter & dissolutè loquentium.

Assuetudo diu multumque loquendi tacendorum remoratur.

**H**Anc doctrinam quidam cupientes servare, non diu perseverant; quia aliter consuefacti, vincere pronitatem verborum levium, arduum putant. Cum enim ab omni sermone vacuo, prolixo, & vario se suspendere proponunt, quandoque etiam cum multo gemitu reprehendere incipiunt, quod hucusque tam incustoditi vixerunt; sed occurrente occasione, impositum sibi [propter vitiosam consuetudinem] silentium resolvunt.

18. Qualiter desuescit homo à multiloquio.

**Q**uam utique consuetudinem si discere & amputare voluerint, studeant sæpè innovare propositum hodie filendi, propter amorem Christi; & sol-

licitius loquendi declinare, atque hominum levium libenterque fabulantium vitare præsentiam. Nec hoc tantum propter illos, quantum propter suam infirmitatem & insufficientiam, sibi, faciendum esse sentiant. Insuper pro sui conformatione pensent; quanta mala ex tali vitioso usu, soleant sibi accidere; quanta etiam possent adhuc, nisi vigilantè compescant linguam, accumulare. *Linguam enim nullus hominum domare potest.* Satis gravis & lamentabilis ista sententia, quod humanum genus in tanta versatur debilitate & insipientia; quod tam parvum membrum, rationis imperio nequit subjugare. Fortè longè facilius esset multis, omninò tacere, quàm verbo non joculari; aut quod ad rem non pertinet, aliquando dicere. Quod si tacuerint, certè liberi erunt ab offensione verbi.

Iacob. 3.

19. De multiplici peccato locutionis.

**Q**uis enim plenè judicet, quoties peccatur verbo? Aut enim otiosum, aut jocosum, aut elatum, aut durum, aut indignabundum, aut dissolutum, aut adulatorium, aut seductorium, aut vanigloriosum, aut præsumptuosum, aut defensorium, aut excusatorium, aut detractarium, aut mendosum, aut inhonestum, aut noxium, aut exprobratorium, aut illusorium, aut superfluum, aut improvisum, aut intempestivum, aut illicitum, aut alio quolibet genere vitiosum est verbum, quod emittitur.

20. De vitio detractionis.

**I**nter quæ, sæpissimè detractionis vitium principatur; quia de absentibus



loqui, nunc ista nunc illa, generalissimum inter homines congregatos invenitur. Et unusquisque libenter, quod sibi in aliis placet aut displicet, evomit; minus curè attendens, ne fortè cuiquam derogeret, quàm graviter etiam, & facilliter possit verbo delinquere. Sapè dicatur, quod statim (ut dictum est) peccare incipit, & nunquam [si posset illud] revocari, diceretur. Et utinam semel cadendo, doceretur homo damno suo, ne iterum caderet.

21. *Quod facilliter peccatur verbo, facilius corde.*

Iacob. 3.

**Q**uo facilius delinquitur quàm verbo: *Qui enim verbo non offendit, hic perfectus est vir.* Sed tamen cogitatione multo facilius, ac etiam gravius, delinqui potest. *Ex corde enim (ut Dominus ait) oriuntur blasphemia, mendacia, quæ coinquinant hominem.* Malum igitur prius concipitur in corde, verbum autem malum procedit ex malo corde. Sed in corde facilius & occultius, in verbo autem facilius & manifestius peccatur. Hinc etiam scriptum est: *In multiloquio, non deerit peccatum.*

Prov. 10.

22. *Quatiter decipitur homo, & retrahitur à custodia silentii.*

**D**ecipitur homo multoties, sub pietatis & affabilitatis vultu, retrahitur à rigore suo, quem sibi indixerat; ut cum cavere cupiens nimietatem loquendi, timeret periculum aliud, ne ex sua taciturnitate quispiam graveretur; quia fore non satisfacit ei, quia rarius eum alloquitur, quia parum de ipsius fraternitate curare videtur; unde etiam aliquando parva charitas, clarior inspicio, commotio & indignatio, conquestio aut etiam detractio, in altero surripere

posset. Sed hoc si aliquo indicio deprehenderet, & alterius charitatem super se violari præsenteret; tunc quantum liceret ei, ex obedientia loci & temporis loqui, non loquens peccaret. Lingua enim placabilis lignum vitæ, & verbum bonum super omne donum. Sic iterum descendet homo, ad aperiendum ostium pulsanti; qui pro sua persona, claudere semper appeteret os suum, ut tantò securius custodiret animam suam. Sed quomodo decipimur, nondum apparet; quia ex forma prædicta solvere silentium, non culpa, sed virtus videtur. Verum quia homo ad loquendum serus & custoditus, circa principium aliquantulum strictior est; sed cum jam lingua, ad longiora movetur colloquia, multa etiam negligenter subintrare patitur, quæ ex fine, serò conscientia ad se revertente, clariùs videt; ita quod inceptum est necessitate & utilitate alterius, finitur sapè levitate & permixtione externæ consolationis: & qui proposuit vix admittere necessaria, ne ruere ad otiosa, ex primis necessariis, ducitur extra se, ad reprehensibilia. Sapè etiam advertit lapsum suum, & tamen labendo taceret: videt se deviare, nec redit, donec foveam apertam inveniat aut obstaculum, quod os ejus obstruat: atque utinam confusus & humiliatus, ejulando & dolendo resipiscat, nec amodò sibi confidat.

23. *Recognitio erroris post lapsum.*

**Q**ui cum plene in se reversus fuerit, fragilitatem suam multam considerans, deceptionemque perpendens, meritò cum Propheta conqueri potest: *Laqueum paraverunt pedibus meis, & inervaverunt animam meam.*



24. De laqueis linguae.

**P**rimò siquidem homo illaqueatur, ad auditum verborum non sanorum; postea incurvatur ad consentum, ut dicat jam talia, quæ audire metuebat. Valde enim incurvatur anima, quando deserto Deo & sermonibus ejus, convertitur ad vaniloquia, pro capienda consolatione misera. Vel sic quandoque pedibus illaqueatur, ut steter ad loquendum per aliquas moras; tandem ex placencia audiendi vel loquendi, incurvatur ad sedendum, ut sit jucunda & integra fabulatio. Ecce frater, quantus laqueus linguae, quam prona subintrat seductio. Non ergo dissonat à vero, quia saepe decipitur quis, sub pietatis vultu, à sancto rigore.

25. Questio oritur ex his, & longe ante dictis.

**R**ursum te movere potest, cum longè superius dictum sit cavendum esse de nimio rigore, qui quosdam de singularitate notat, & quandoque perdidit, cur hic ostenditur casus & laqueus, si rigor negligitur? Inter angustias comprehenditur hoc auditio animus, & sermo iste magis perplexum legentem facit. Qui propter hujusmodi movetur, cogitet, quia utrobique pericula, ubi obstacula plura insunt, sive loquatur, sive indilcrete quis taceat.

26. Discretio sequenda est & inquirenda, pra omnibus jam dictis.

**U**t autem, ad aliquam saltem discretionis regulam, se aptet & inseruet, conveniens fuit, ut hanc ostendat bono silentii, & vitio loquacitatis, cum eorum laqueis, virtutis amator facilius

inveniret. Nec ergo simpliciter oportuit commendari silentium, quasi semper servandum: neque reprehendi ipsam rursus locutionem, tanquam semper superflua, quia in omnibus discretio pulcherrima virtus est, quæ laqueos à dextris & à sinistris præcavens, viam perfectissimam demonstrat.

27. Devoti & religiosi, plus ceteris silentio insistere debent.

**E**st tamen pluribus magis necessaria custodia silentii, qui videlicet in statu religionis & proposito bono, atque à secularibus hominibus remoti, & omnibus temporalibus curis exuti, Deo servire elegerunt, qui etiam majorem rationem tenentur reddere, in die judicii, pro omni verbo. Nec solum de verbo, sed de qualibet alia negligentia & transgressionem, gravius judicabuntur. Cui enim plus donatum est, plus ab eo exigitur. Si etiam illi, plenam excusationem non habent, qui officio pastoralis curæ, aut fraternæ necessitatis commissione, quædam otiosa verba, vel superflua, per fragilitatem coguntur admittere, quanto minus qui nullo tenentur vinculo sollicitudinis alienæ?

28. Communiter silere magis indigemus quam loqui.

**C**ommuniter omnes, plus indigemus silere quam loqui; & verè pauci sunt, qui ad loquendum tam tardi sunt, ut violentia indigeant. E contrario verò, multa violentia opus habemus, ut raro vel pauca loquamur. Nam loqui & fabulari; secundum naturam est, sed silere, contra carnem, quæ exterioribus & secularibus pasci delectatur rumo-

Discretio  
ubique  
necessaria.

Silentium  
monachis  
in primis  
necessarium.



## CAPUT SECUNDUM

240

rumoribus. Potest tamen fieri, ut homini sæpè contrarium sit loqui, & maxime cum intinsecus visitatur & compungitur, atque amore aut terrore eruditur, ne tantam gratiam per negligentiam amittat.

### 29. Defectus consolationis spiritualis unde veniat.

Ubi multa  
verba, ibi  
egestas.

**H**inc etiam potest esse signum, quod parvam habemus interiorem consolationem; quia tam facile & frequenter quærimus exteriorem consolationem. Et ideo non meremur divinam accipere, quia libenter admittimus humanam & caducam, quam oporteret nos potius fastidire. Quam si perfecte & perseveranter, non valet quis abjicere, studeat saltem paulatim ad altiora & meliora transire.

### 30. Silendum est magis in devotis temporibus, & festivitibus.

**B**ene deceret religiosum, quibusdam devotis temporibus anni, sicut in adventu Domini, & in quadragesima, & quibusdam aliis diebus, scilicet sextis feriis, abstinere se à colloquiis, quanto strictius posset. Insuper arripienda esset maior custodia cordis & oris pariter in vigiliis, & magnis festivitibus Sanctorum; quatenus debita reverentia & digna (quantum status suus permiserit) præparatus ad festa ventura, mereatur in die sancto sanctissimum Dominici corporis & sanguinis sacramentum, desiderio magno gaudioque sincero suscipere.

### 31. De communione.

**C**onvenit enim illo præcipue die, quo Christum sacramentaliter suscepimus ad hospitium cordis nostri, sacratio-ri nos insistere custodiæ & saltem

unum latum diem cum ipso ducere, qui multis diebus & horis ab ejus amplexu distrahimur. Non esset nimis mirum, si tunc anima devota cum eo esset tota; quando & ipse non dimidiatus, sed totus ad eam venire dignatus est Christus.

### 32. Comparatio dilecti amici ad dilectissimum amicum Christum.

**Q**uis enim veniente ad se amico charissimo, statim cum allocutus eum semel fuerit, foras egredi festinat, ipso solo in domo relicto; quin potius ingreditur cum eo, etiam si foris fuerit; & tanti hospitis curam alacriter excipit, ita ut aliis hinc inde occupatis, & ad externa egredientibus, hic soli se conjungat, tantoque familiaris alloquitur, propius affidet, & cuncta dilectionis signa exhibet; quanto securior est, quia nemine præsentis & aspicientis, possit verecundari vel prohiberi. Hoc modo susceptionis Christi adventus deberet ab omnibus famulantibus sibi recoli; & longè devotius & reverentius, quanta major est omnibus amicis & creaturis, desideranter ab unoquoque nostrum recipi. O dulcissimum amicum, præ omnibus dilectis gratiosissimo honore suscipiendum!

Christus  
amicus  
noster in-  
timus.

### 33. Dignitas Christi, & humilitas ejusdem ad nos.

**Q**ui & tantæ dignitatis est & nobilitatis, ut nulla persona, nulla creatura, tam valens & elegans sit quæ ei præsentari debeat vel assimilari: & iterum tantæ humilitatis & bonitatis existit, ut ad hominem inopem & infirmum venire, arque sub tectum ejus intrare non dedignetur. Et qui cælum inhabitat, & omnem cælestem curiam sua deifica præ-

Christi  
dignitas &  
dignatio  
incompara-  
bilis.



præsentia lætificat, adhuc cum pauperibus hominibus esse, eorumque hospitia mendicare & ingredi, quotiescumque desideraverint, & sibi aperuerint, non despiciunt. Unde sic ait: *Ecce ego sto ante ostium, & pulso, si quis aperuerit mihi, intrabo ad illum, & cenabo cum illo, & ipse mecum.* Fit autem ista cœna, quando cumque Christus spirituali mente, vel etiam communione sacramentali devotè & suscipitur & manducatur.

34. *Quantam habet anima, suscepto Christo, consolationem.*

**H**ic ergo cum susceptus fuerit, quomodo jam libet aliquò foras exire? Habet enim fontem omnium consolationum; habet & paradysum omnis voluptatis. Qui de hoc fonte biberit, non sitiet unquam: quia qui corde suavitatem in Christo absconditam plenius degustat, unquam temporalem vel carnalem delectationem appetit, & hoc est, non sitiet unquam. Bene illi animæ, quæ huic Sponso & amico dulcissimo ad se venienti domum mentis semper parat, parandoque quotidie mundiorum efficeretur. Ipse utique libens hanc intrabit, qui antequam mundari incœpisset, ad hoc venit, ut ejiceret tenebras ejus, & mundaret eam sibi. Veni Domine Jesu, & munda me; lava & exterge me; ut merear puro corde & casto corpore suscipere te, quia nō est mihi bonū esse sine te.

35. *Cur non suscipimus uberem fructum ex frequenti communione.*

**T**imendum, quòd multi idèò fructum parvum accipiunt de mensa Christi; quia nec antea, nec postea sunt in sufficienti custodia sui, nec satis reverenter præcogitant, quis est qui venturus est, nec postea ruminant, quia hodie  
à Kemp. De Silentio.

sanctus sanctorum ingressus est ad eos. Qui autem solliciti sunt preparare interiorum domum suam, & occurrere lætanti obviam Christo, ipsi noverunt, quid efficaciar & suavitatis habeat hæc sacrosancta communio. In hoc agnoscitur uniuscujusque devotio & amor ad Christum, secundum quod ingeniosè se aptare curaverit ad susceptionem ejus.

36. *Sæpius communicare, maxima est consolatio animæ religiosa.*

**E**st namque maxima consolatio religiosæ animæ despicientis jam cuncta præsentia, diligentis solitariè & extra homines vivere, soli Deo & sibi in silentio intentius vacare, ut Christum consolatorem animarum omnium, sæpius ad suam sumat consolationem & profectum. Non est illi materia externæ lætitiæ, non ægra spes longioris vitæ, non vana occupatio amicitiar carnalis, non evagatio ambulationis corporalis, non implicatio commodi temporalis, non superflua sollicitudo rei familiaris, non magna fiducia in prosperis, non mentis dejectio in adversis; sed habet intus in anima Christum, propter quem omnia terrena solatia æstimat detrimenta, loquens cum beatissima Agatha; Mens mea solidata est, & in Christo fundata, idèò non curo hæc ima. Tantum mihi consortium suum Christus donet, amabiliusque confabuletur, & satis dulciter consolabor. Excedunt quippe ejus colloquia omnium consolatorum verba.

37. *Diabolus nititur impedire devotionem hominis ad Deum, tristitia & accidia.*

**S**ed omnium bonorum æmulator diabolus, tantam considerans hominis  
H h cum



eum Deo pactionem, non patitur eum sine molestia tentationis, in sancto proposito consistere. Curandum ergo summo opere est, & vigilandum contra nequitias ejus. Nam sæpè gravi tristitia, sæpè tædio affligit bene conversantem; & cuncta, quæ possunt eum angustiare, ad memoriam ducit. Tota vacatio ejus est, ut ejiciat amatorem quietis & silentii de tabernaculo suo. Istis enim specialiter vitiis, tristitia & acedia [ex quibus quasi semper oritur cordis tædium] persequitur solitarium, & maximè incipientem, & naturaliter tristem aut pusillanimum, quia per ista, homini, quodammodo vires aufert. Sed quisquis firmiter in Deo confidit, ejusque amoris nihil anteponit, sed mundum, & omnia quæ mundi sunt, calcare appetit, seipsumque volenti animo, ad omnes perferendas tristitias, amaritudines, & gravedines exponit, nullumque aliud solatium, sive per hominem, sive per aliquam mundi creaturam, quam Christum unicum omnium bonorum solatium concupiscit, profectò, non tantum tristitiæ & acediæ, sed omnium tentantium vitiorum victor & expulsor erit.

38. *Insidiatur maximè solitariis diabolus.*

Gen. 3.

**E**T quia magnus fructus & cœlestis thesaurus quaritur & invenitur à solitariis Deo deditis, sciens hoc diabolus, qui Adam & Evam tentando, blandiendo, & falsa promittendo seduxit, paradisoq; indignos reddidit: ipse nunc usq; nititur seducere & subvertere unumquemq; Christi servum, mundi contemptorem, si quo modo extra cellam & sollicitam cordis ejus custodiam trahat, & sui pro-

positi faciat oblivisci, aut etiam paululum de profectu spirituali & fervore imminui. Et sicut antè jam dixi, per tristitiam vel acediam mentis, amplius istud machinatur; quia cum mens tristitia vel acedia involuta fuerit, nil est quod agere libet; sed undique se constrictam & desolatam conspiciens, in consolatione ei ab inimico suggeritur, ut dolori isti externa recreatione medeatur. Eleganter ergo persuadet sanctus Antonius dicens: Unica ratio vincendi inimicum, latitia spiritualis.

39. *Virilitas & alacritas cuique habenda contra inimicum.*

**N**Am qui virilis est, & alacer in Domino, quamvis fuerit impetitus tentationibus, potens erit adversarium suum expugnare. Et quid dicam de fortitudine illius animi, qui nec patitur immundum spiritum ad fores intrare? E contratio tristitiæ & acediæ morbo languens, etiam si armamenta resistendi habet, nulla utitur potentia. Deficit enim corde, & formidine, ac pusillanimitate propria sæpè antè prosternitur, quam labor eum prælii tangat. Quapropter o miles Christi, indue animam virilem, & ne paveas ad sonitum folii volantis; sed resumptis viribus, sta constanter adversus multiplices diaboli conatus, nec credas mendacio ejus. Dominus omnipotens, ipse erit protector tuus, & merces tua magna nimis; cujus potestas super passiones tuas, ita ut subiciantur ditioni tuæ universæ nationes. Et quia excessum loquendi feci, ad portum silentii jam remeo. Lingua ergo manusque scribentis simpli hoc jam fine fileat.



PARS ALTERA,  
BREVIORA OPUSCULA  
COMPLECTENS  
DE

RECOGNITIONE  
PROPRIÆ FRAGILITATIS.

Capita hujus Libelli.

**D**E recognitione propriæ fragilitatis. Cap. 1

De contemptu vane gloria. 2

De fideli & veraci amico. 3

De supportatione fraterne infirmitatis. 4

De spiritali inopia, ex subtractione suavitatis internæ. 5

De humili subiectione, & propria resignatione. 6

De laude Dei in tribulatione. 7

De laude Dei ex devotione. 8

Item oratio ad laudandum ferventer Deum. 9

CAPUT I.

De recognitione propriæ fragilitatis.

**C**ognovi Domine, quia æquitas judiciorum tua, & in veritate tua humiliasti me. Hæc verba sunt sancti Prophetæ, & humilis Regis David. Quid ergo tu vilis homo ad hæc dicis, qui terra es & cinis? Quid grande aliquid de te imaginaris, & alta vanitate delectaris. Aut cur te alicui bono homini comparare audes, cum sis revera peccator, & totus in peccatis natus, & totus vitiis ac concupiscentiis plenus? Verè, si in veritate te discutis & intueris, omnibus detiorem te rectè judicabis.

2. Dic mihi, qualem meretur confu-

sionem ac poenam, qui Dominum terræ aut Principem regni, contumeliosis verbis & factis indignis offendit? Vel certe, quantæ vituperationis jaculo ille ferendus esset, qui in conspectu Regis & Ministrorum ejus sceditissimum cadaver tangeret, aut lutum immundum revolveret? Nonne statim confusibiliter expellendus esset, aut etiam carceri tradendus ab omnibus judicaretur? Tu es (pro pudor) stultus ille qui pessimam hanc rem fecisti. Nam ecce in præsentia Divinæ Majestatis & sanctorum Angelorum ejus, peccare non timuisti. Multa etiam illicita phantasmata versasti, quæ citissime respicere deberes, & plusquam lutum platearum detestari.

3. Insuper permittis cor tuum in omne penè seculum evagari, etiam tempore orationis & in loco sacro, ubi cum majori reverentia & sollicitiori attentione juberis assistere, ac soli Deo & tibi ipsi firmissimè vacare. Quomodo ergo dignè dicendus es religiosus, tam longè à Deo & à corde tuo abstractus? Nonne propter tua gravia & multa demerita, velut canis immundus, meruisses à conventu sanctorum fratrum expelli, ac duris increpationibus castigari? ut fieret ultio de inimicis Regis, quem offendisti peccatis quamplurimis, nec adhuc peccare desistis?

H h 2

4. Sed

Justificate  
nemo se  
quærat  
coram  
Domine.



4. Sed ô quanta est misericordia Dei super te, ô homo miserrime, quod etiam post tantas offensiones, patitur te Deus in hac luce vivere; & pro tantis malis, tam multa bona largitur indigno & ingrato? Si quis in faciem tuam spuisset, aut verbis contumeliosis confudisset, quantam indignationem adversus eum, de illatis injuriis conciperes? Vel quali eum correptione puniendum censeris? Sed quis tu, & cujus potestatis in comparatione Dei, cujus faciem offendisti? Verè magna misericordia Dei super te, quod jam consumptus non es, quod adhuc iudicium differt, nec furorem suum in te exagitat; sed clementissimè tuam emendationem expectat, & propter poenitentiam vindicare suam injuriam dissimulat; ut cognoscas, quia suavis & mitis est, & multæ misericordiæ Deus, in omnibus operibus suis.

5. Quomodo poteris oblivisci omnium misericordiarum Domini ab initio vitæ tuæ usque ad hanc horam? Proinde sis gratus & humilis; sis mansuetus ad omnia ferenda contraria propter peccata tua delenda, & propter iram Domini super te mitigandam. Nisi enim citius ac diligenter vitam tuam emendaveris, & in alterum virum te mutaveris; veniet super te calamitas, quam nescis; & stabunt contra te cælum & terra, & omnes creaturæ conclamabunt adversus iniquitates tuas; quia indigno serviunt ad necessitates varias, & tu Creatori tuo dignè non servis. Sed ne divina iustitia super te repente & furibundè oriatur, & stipulam siccam persequatur & conterat: dum adhuc tempus miserendi est, & locus veniam inquirendi remanet, loquere cum Pro-

pheta in psalmo, & ora humiliter & confidenter dicens: *Fiat misericordia tua, ut consoletur me secundum eloquium tuum servo tuo.* *Psalm. 131.*

## CAPUT II.

*De contemptu vana gloria.*

**R**erum mundi facies indicat, quod mundus amari non debet. Cum enim tam facile se variat, profectò corruptibilem se demonstrat. Nulli fidem firmam servat, sed modicum in apparentia blanditur & in fine decipit & illudit. Non ergò pulchritudines hominum, non divitiarum rerum, non laudes adulantium, non favores potentium te moveant & delectent: quia vana sunt & mortifera, quæcunque à summo bono retrahunt, & ad infima cogitatum inclinant. Omnis quippe caro scenum, & omnis gloria ejus quasi flos fœni.

2. Igitur humanas laudes non affectes, nec vanè aliquem extollas: nescis enim, quid futura pariat dies. Sæpe novissimi sunt primi, & primi novissimi. Fuge laudari tanquam venenum, ne seducaris, & perdas boni operis meritum. Vani sunt & stulti, qui laudibus delectantur humanis. Laudetur Deus, non homo fragilis. Sapiens plus facta ponderat, quàm verba. Res bene gestæ seipsam laudat. Qui verba tantum sectatur, nihil inveniet. Virtus in Deo facta, à Deo gloriam recipiet. Si ponis vitam tuam in ore hominum, eris modò aliquid, modò nihil, nunquàm tamen liber & quietus. Justus non verbis moveatur ornatis; sed quod Deo placet, attendit.

3. Sæpe homines laudant, quod improbat Deus; multoties Deus acceptat, quod

*Laudari  
ac laudare  
nemo vanè concu-  
piscat.*



quod homines virtuperant & spernunt. Ille ergo dignè laudatur, quem Deus omnia sciens commendat. Ille adjutus est & valet, quem adjuvat Deus. Ametur veritas, non hominum loquacitas, qui saepe præ odio vel amore moventur, nescientes quid sit in homine velatum. Redi ergo ad conscientiam tuam, ubi veritas videt; & scito te infirmum esse, & peccatorem, atque citò moriturum. Siquidem in mortis articulo patebit, quàm fallax fuit omnis gratia mundi: quàm stulta lætitia, laus ab hominibus quaesita.

CAPUT III.

*De fideli & veraci amico.*

1. **A**micus tuus est, qui in Deo te amat, & propter Deum te tolerat. Vere ille amicus tibi est, qui salutem animæ tuæ diligit, non qui foris blanditur & applaudit. Ille tibi dilectus est, qui pro malis tuis dolet & orat: qui profectui tuo congaudet, & te corripit in charitate. Non est fidus amicus nisi in Deo, & qui sua non quaerit. Qui enim seipsum negligit, quid alteri persuadere poterit? Cum tua bene curaveris, facile proximo persuadebis. Si diligis fratris salutem, tuam operari non omittas. Si ordinatè procedis, à te ipso inchoabis. Propriæ salutis nil anteferendum est, ne tibi objiciatur: *Medice cura teipsum.* In te prædisce, quid alteri dicas. Doce vivens verbum; teipsum exemplū ponas, non alterum, te neglecto. Esto bonus & fidelis, & invenies amicum fidelem. Amor Dei, amicum fidelem constituit: sine Deo nulla amicitia stabit.

2. Sed ubi talis qui in omnibus fideliter agit? O quàm pretiosus talis, qui

amore Dei sit plenus! Amor mundanus citò deficit, & in necessitate vacuum relinquit. Time Deum, & jungetur tibi amicus fidelis. Serva nomen bonum & invenies socium bonum. Et cum inveneris, utere sapienter, & dilige sicut teipsum. Multi amici in prosperis, in adversitate vix unus adhaerebit. Non eris tamen desolatus, si Deum habes semper præ oculis. Si Deo non places, non proderunt amici mortales. Si inveneris justum ac Deum timentem, magis dilige quàm potentem. Sustine verbum amici, & memento, quia homo est sicut & tu, quoniam solus Deus est, qui non errat, & in quem peccatum non cadit.

3. Quod non vis sciri, dicito nulli. Arduum & rarum celare verbum. Sic refer secretum, ut non erubescas, cum fuerit detectum. Qui nescit tacere, non diu servabit amicum. Quando nulla audisti & perlegisti, si hoc posses retinere, ut scires, quando deberes loqui, & quando tacere, benedicisses. Det Deus hoc magnum bonum, quia verè egregium est donum, quod pauci habent: scire loqui, quando, & quomodò, & quibus oportet.

CAPUT IV.

*De supportatione fraternæ charitatis.*

1. **O** prima doctrina, patientia in angustiis. Salutare verbum, factum verbi. Qui implet mandatum, tremendum judicium non pavebit. Confundit seipsum, qui promissum non servat, nec facit quod dicit. Sustine patienter & longanimitè aliorum defectus, quos Deus omnia videns sustinet.

A multis Deus contemnitur, & tacet



aliquæ ad tempus. Quæ emendare non vales, fer bono animo tacendo, & converte te ad Deum magis orando. Siquidem & tu in multis deficiis: nec semper facis, quod proponis aut dicis. Pronus ad vindictam, non effugiet iram. Qui semper vult vindicare, paucos habebit amicos. Displiceat semper malum, placeat tolerantia mali.

2. Tristitiam facile vincit, qui nil terrenum novit amare. Exterminat seminarium litis, qui abjicit vitium cupiditatis. Sive divitiæ, sive honores excreverint, non satiant amatores suos, sed implicant & torquent. Desine concupiscere, & defines indignari. Nil stabile sub sole sed cuncta mutantur, & res & honores. Stabilitur nemo, nisi in solo Deo. Dilectio Dei stabile fundamentum, humilitas autem meretur hanc gratiam. Qui in Deo confidit sustinet omnia patienter. Et qui Deum pure quærit, facile contentus erit. Qui seipsum quærit, seipsum inveniet. Sentiet detrimentum, qui loqui vult ad omne verbum. Fluctuat semper animus, quamdiu consolari quærit in terrenis. In Deo vera lætitia cordis; extra Deum, non est pax nec requies,

## CAPUT V.

*De spirituali inopia, & subtractione  
suavitatis interne.*

1. **P**aupertates gratiæ, graviores sunt omni paupertate naturæ, inopia spiritualis, dura afflictio est animæ. Castigatur sæpè iustus, interno solatio occultè subtracto. Eruditur tamen animus flagellis, ne de se præsumat in bonis. Novit ergo Dominus, quid tibi sit utilius. Sæpè obest saluti, quod tu vehe-

menter affectas. Est etiam sæpè pro te, quod tu æstimas tibi adversari. Placita sibi cupit infirmus, sed medicus dat, quod illi novit salubrius esse. Sanius jaces humi prostratus, quam stabas intus elatus. Liberior est pauper in modicis, quam dives in opibus multis. Nulla res prodest exterius, si interior gratia desit & virtus.

2. Si Deus dulcedinem suam tibi subtrahit, ne mireris: quia multis sic accidit, ne sibiipsis hanc gratiam ascribant. Jucundius est esse in tormentis & in carcere cum gratia, quam in domo pulchra cum conscientia mala. Qui consolationem Dei est expertus, omnia fastidit, quæ mundus sensibus offert. Cum senseris re cœlesti rore perfusum, totum Deo humiliter refunde. Si aridum inveneris eorum, & obtenebratum, non cesses ad Dominum clamare pro lumine gratiæ & oleo misericordiæ, ne deficias in via recta præ labore. Dabit enim Pater cœlestis spiritum bonum animæ quærenti se.

## CAPUT VI.

*De humili subjectione & propria  
resignatione.*

1. **S**i vis à malo liberari, & in bono confortari, humilia te sub Deo & propter Deum sub omni creatura. Testatur hoc sanctus David, qui dicit: *Humiliatus sum, & liberavit me. Non est bonum rebellare Deo, & contradicere sermonibus sanctis.* *Psalm. 114. Job. 6.* Incircò inclina autem tuam ordinationi Divinæ humiliter, majoribus & minoribus subjectus. Humilitas pacem parit & concordiam, & novit omne onus portare. Et homini utilior est contempnus sui, quam favor laudis inanis.

2. Felix

Utiliter  
subtrahitur interna  
suavitas.



Humiliatio  
ac victoria  
sui.

## PROPRIÆ FRAGILITATIS.

247

2. Felix humiliatio animæ dolentis, quæ cognitionem propriæ infirmitatis sibi aperit; ut plangit intense, quod propriâ iniquitate commisit. Suppleat semper humilitas, ubi deficit perfecta charitas. Citò illi ignoscendum est, qui reatum suum humiliter confiteretur. Facile placet iratum, qui humile dat responsum. Valde magnam rem facit, qui propter Deum se resignat, & in omnibus vincit. Nam qui victor est sui, dominus est mundi, & hæres cœli. Qui se ipsum non vincit in parvis, quando majora superabit? Ille Deus est ad votum, qui se reliquit ex toto.

### CAPUT VII.

*De laude Dei in tribulatione.*

1. **D**ilce Dominum laudare in tribulatione, quam pateris; & fac de necessitate virtutem, ut meritum tuum augeat, & pœna minuatur peccatorum. Vis murmurare contra Deum, quia te flagellat & probat? Hoc tibi non expedit: sed magis ora, ut malis tuis non parcat. Confitere ergò Domino, quia bonus in donis suis; confitere etiam quia iustus in flagellis tuis. Bonitas ejus, sine meritis tuis, contulit tibi bona; iniquitas autem tua, quid meruit nisi flagellas? Dic igitur ei in oratione prostratus: Domine Deus, ego nil aliud ex me promerui, quam pati & flagellari: nec dignus sum vel minimam à te consolationem recipere, quoniam in multis te offendi. Sis igitur in omnibus benedictus, in quibus me affligis & uris. Si minus est, addes amplius. Modicum est totum, secundum quod merui. Afflictio mea, laus tua sit & gloria. Gloriarì enim me oportet hoc modo, in

Cruce Domini mei Jesu Christi. Duret & valeat dolor meus, quantum tibi placeat. Laudem tuam imple in me. Scio enim, quod nihil injustè agere potes.

2. Voluntatem tuam & summum beneplacitum peto in me perfici usque in finem. Gaudio dixi: Quid tu mihi sine Jesu saluari meo? Nolo in me venias; nisi dixerit Jesus. Dolor mihi dulcior est & erit, quam tu propter Jesum, qui diligens me affligit. Nam salus, ubi crux. Et plerumque sub gaudio dolus est occultus, & risus decipit multos. Vir autem sapiens, vix tacitè ridebit: nam futura metuens mala considerat, quam citò labuntur. Plus te gravare debet culpa commissa, quam qualibet pœna inflictæ. Et si remurmurat cato infirma, spiritus tamen debet esse promptus ad omnia ferenda.

3. Itaque dicas: Libenter Domine portabo virgam tuam, per gratiam tuam, & quicquid patiendum est, pro salute mea aterna: multò enim levius est, modo cum bonis & electis affligi, quam postea cum malis aeterno igne cruciari. Esto ergò severus iudex in propria causa; ut Deus tibi indulgeat universa mala commissæ. Dei enim es creatura, etiam cum peccas, ideoque correctioni ejus te humiliter submitte, ut veniam consequaris & salutem. Nam salus iustorum à Domino, & protector eorum in tempore tribulationis.

### CAPUT VIII.

*De laude Dei ex devotione.*

1. **O**mnes Sancti, omnes fideles, & omnes creaturæ Deum laudare tenentur; quia exaltatum est nomen ejus super omnes. Qui Deum laudant,



Laudare  
indefiniter  
Dominum,  
opus est  
Angelorū  
& Sancto-  
rum om-  
nium.

laudent, laudabiles erunt: Qui verò Deum non laudant, confusione sunt digni, & omni honore privandi. Honorabile servitium est & delectabile officium, corde & voce Deum laudare, & sanctā vitā glorificare. Si Deum laudas, facis quod debes, & ad quod creatus es. Si Deum non laudas, ingratus es, & peccas, luesque ingritudinis tuæ poenas acerbas. Angelorum opus est, & Sanctorum omnium gaudium singulare, Deum ac Creatorem suum ineffabili mentis affectu laudare, benedicere & glorificare. Imitantur autem eos, qui Divino officio libenter interfunt, & in Ecclesia Dei devotè orant, aut in choro debitishoris alacriter psallunt.

2. Nunquā à laude Dei & gratis cessandum est, quia Deus nunquā benefacere cessat, nec communem gratiam cunctis influere tardat. Ipse namque singulorum curam gerit, paratus tibi ampliora dona largiri: si viderit in minimis te fidelem, & ad regratiandum esse ferventem. Ad quid accepisti os & linguam, nisi ut Deo referas laudem, gloriam, & honorem? Si tu alicui benefacis, aut in melius provehis, nonne ægrè capis, si gratias non rependit? Quapropter Divinis insta laudibus, & in canore júbilo Deum lauda cum omnibus creaturis; ne contra te testimonium ferant & clament, quod ipsis Deum benedicientibus & ad nutum obedientibus, tu racuisti à gratiarum actione &

laude Divina. Ad excitandum ergò mentem tuam in Dei nominis laudem, lege, dum vacat, orationem hanc subsequen-tem, si placet.

*Oratio, ad laudandum Deum ferventer.*

I. **D**eus meus, laus mea, & gloria mea: cupio te laudare tam excelsa voce, & tam devotā mente: sicut unquā laudatus es ab aliqua creatura in cœlo & in terra. Desidero te honorificare tam magno & digno honore, sicut unquā honorificatus es ab aliquo Sancto, in regno tuo cœlesti. Opto te venerari & amare, tam ardenti affectu & amoroso corde, sicut aliquis devotus & perfectus homo te dilexit & diligit in hoc mundo. Renovetur semper in me tui amoris sacer & purus affectus: & velut ignis desuper accensus, renes meos & cor meum exurat. Omnia quoque interiora mea purget & inflammet, ut nil vitiosum in me remaneat, quod oculos tuæ charitatis offendat.

2. O Deus meus, cordis mei scrutator verus, coram te est omne desiderium meum, & multiplex gemitus meus pro defectibus meis. Nam præ inopia internæ suavitatis ac charitatis, deficit sæpè spiritus meus. Offero igitur tibi desiderium cordis mei, in laudem nominis tui. Accipe vota mea in holocaustum matutinum, & oratio mea sicut incensum vespertinum ad te ascendat, & placeat in æternum, Amen.





EPITAPHIUM BREVE,  
S E U  
ENCHIRIDION  
MONACHORUM.

## CAPITA HUIUS LIBELLI.

**D**E recta via iustorum ad Regnum cœ-  
lorum. Cap. 1

De bona custodia cordis & oris. 2

De frequenti in vocatione nominis Jesu &  
Maria. 3

De certamine contra quotidiana vitia. 4

De optimis bonis anima. 5

De vera & interna consolatione anima. 6

De recollectione cordis, in silentio oris. 7

De remediis contra vanam gloriam & lau-  
dem. 8

De munditia cordis à vitiis & passionibus  
occultis. 9

De vera pace cordis in virtutibus. 10

## CAPUT I.

De recta via iustorum ad regnum cœlorum.

**I. I.** **V**ia iustorum recta facta est, & iter  
Sanctorum præparatum est.  
Quomodo? Per dolorem & laborem; sic  
enim itur ad regnum cœlorum. Non est  
alia via ad vitam æternam? Non. Recta  
sola via crucis? Ita est. Hanc Christus ver-  
bo docuit, & sancto exemplo suo sequen-  
dam omnibus præostendit, hanc omnes  
Sancti secuti sunt usque ad mortem, jux-  
ta illam Domini sententiam: *Intrate per  
angustam portam, qua ducit ad vitam.*  
O monache, quid facis in cella? Lego,  
scribo, colligo mella. Hæc animæ meæ  
solatia. Bene dixisti. Nam cella mo-  
nachi, in labore & studio librorum  
flagrare debet.

Matth. 7.

Monachi  
munus in  
cella,

à Kemp, Enchiridion Monachorum.

nachorum, in labore & studio librorum  
flagrare debet.

2. O Clerice, quid facis in choro? 2.

Lego, canto, crimina ploro. Rectè in choro.

respondisti. Nam chorus Clericorum,

in canore & jubilo psalmorum occupati

debet; & Deum corde & ore laudare,

sicut Angeli in cœlo. O Religiose, quid in mensa.

edis in mensa? Fel Christi, vulnera pen-  
so. Condoleo, numero, per singula vul-  
nera ploro. Justè & optimè pensasti.

Nam mensa egenorum, in mœrore & ste-  
tu dolorum Christi versari debet, & Deo  
regratiari. O devote, quid bibis in cœ-  
na? Bona dogmata, nectare plena. Re-  
ctè respondisti. Nam cœna devotorum, in cœna.

in sacra lectione & sensu verborum de-  
lectari debet. Nonne anima plus est Matth. 6.

quàm corpus? Si sapit bonus haustus in  
ore, multò meliùs sapit bonus intellectus  
scripturæ in corde,

## CAPUT II.

De bona custodia cordis & oris.

**I. D**ixi, custodiam vias meas; ut non 1.  
delinquam in lingua mea. Nun- Psalm. 18.

quam sis otiosus, nec verbosus, nec cu-  
riosus, nec cachinnosus. Ante laborem  
& in labore memor sis Domini Dei tui,  
ut te custodiat. Semper inter hostes ver-  
saris, & inter pericula maris fluctuas;  
idèò incessanter orandum est, ne vin-  
caris à vitiis; & in profundo malorum  
desperando submergaris. Sta firmiter,  
Ii &



& noli deficere in quotidiano certamine,  
& à tribus bestiis maximè cave.

Adversus  
res be-  
stias de-  
pugnans  
dam.

2. Manē certa contra acediam, meridie contra gulam, vespere contra carnis lasciviam. Canis vult diu dormire, lupus vult multum comedere, asinus vult in strato lascivire. Canem excita virgā, lupum percutite baculo, asinum flagella spinis acutis. Virga est timor mortis, baculus est ardor inferni, spinæ passio Christi, & sanctorum Martyrum cruciatus. His tribus armis vincuntur vitia carnis.

## CAPUT III.

De frequenti invocatione nominis  
Iesu & Maria.

**I. I.** *Djuva me, & saluus ero.* **A** *Stu-*  
*de Deum invocare in omni*  
*opere, mane, meridie, & vespere cum*  
*sancto Daniele, & iuvaberis in omni ne-*  
*cessitate corporis & animæ. Jesum ha-*  
*be in corde, & eris mundus ab omni*  
*forde. Sit Ave Maria sæpe in ore, & im-*  
*pleberis Spiritus sancti consolatione. So-*  
*litude & silentium, oratio & jejunium*  
*arma sunt monachorum.*

2. Laborare in die, vigilare & orare in nocte, Sanctorum exercitium speciale. Hoc Deo & Angelis est acceptum dæmonibus contrarium, juvenibus utile, senibus delectabile, pigris grave, devotis leve & suave. Cum non potes bene vigilare, studeas Jesum invocare, & fugiet à te diabolus bonorum inimicus. Si non potes dormire præ tristitia, studeas Mariam salutare cum lætitia; & aderit tibi Angelus sanctus bonorum amicus. Si tædet orare, studeas psalmos ruminare, & confortabit te Spiritus sanctus, consolator optimus, Doctor intimus, illustrator cordis maximus.

CAPUT IV.

*De certamine contra quotidiana vitia.*

**I. R** *Egnum cœlorum vim patitur, & I. Mattb.*  
*violenti rapiunt illud.* Idcirco  
indue arma sanctæ crucis: certa, sicut  
fortis miles: stude ut bonus Clericus:  
ora, ut devotus monachus: labora, ut  
fidelis Dei servus, & eris in cœlo glorio-  
sè coronatus. Clavus clavo expellitur,  
vitium virtute superatur. Ira silentio  
compescitur, gula jejunio refrenatur.  
Orium labore fugatur, risus dolore  
cassatur. Odium amore necatur, ho-  
stis beneficio placatur.

2. Pax cordis patientiâ acquiritur, & quialios leviter arguit, indignationem citò incurrit. Parva enim rerum implicatio multæ pacis est acquisitiō. Sæpè hoc dicitur, & sæpè repetendum est, ut bene custodiatur? nil dictu facilius, nil factò beatius Christo referente. Si scitis hæc, beati eritis, si feceritis ea: Verbosi multi, taciturni autem pauci. Cupidi multi, pauci paucis contenti. Nemo perfectè contentatur, nisi summo bono plenè fruatur.

3. Inops est omnis mensa, pane ca- 3.  
rens & sale. Inspida refectio, si desit  
sacra lectio, & affluunt inania verba.  
Optimum ferculum animæ, verbum Dei  
audire, & bene masticare. Dulci cibo  
ille pascitur, qui sacris verbis delecta-  
tur. Diu aridus & indevorus erit, qui  
vana libenter audit & quærit.

CAPUT V.

*De optimis bonis anima.*

I. **D**iligam te Domine virtus mea. I.  
Inter nobiles, nil virtute nobi-  
lius; inter ignobiles, nil vitio deterius.  
Inter pulchros & honestos, nil castitate pul-



pulchrius; inter scientias, nil sapientia  
altius; inter devotos libros, nil vita  
Jesu Christi salubrius. Inter omnes  
preces & laudes Dei, nil Pater noster  
sanctius, nil Ave Maria dulcius, & An-  
gelis jucundius.

Oratio  
Dominica  
ceteris  
præstat.

2. Omnia vota & desideria Sancto-  
rum, oratio Dominica excellit. Omnia  
enim dicta Prophetarum, & melliflua  
verba psalmorum & canticorum, ple-  
nissime & secretissime in se continet.  
Omnia necessaria petit, Deum summè  
laudat, Deo animam conjungit, & de  
terra ad cælum levat; nubes penetrat,  
& Angelos transcendit. Beatus, qui  
attentè singula verba Christi pensat.

CAPUT VI.

De vera & interna consolatione animæ.

Apoc. 2.  
Manna  
abscondi-  
tum.

1. **I**ncienti dabo manna absconditum,  
& nomen novum. Manna ab-  
sconditum est consolatio S. Spiritus de  
spe veniæ & contritione peccatorum,  
cum proposito bono & firma intentione  
se semper emendandi & proficiendi.  
Verax est Deus, & omnia verba ejus vera  
sunt & firma. Fidelis & verus amicus  
non mentitur, nec agit in dolo cum  
proximo suo. Qui alium decipit, non  
est veritas in eo.

Nomen  
novum.

2. Qui de bono superbit, non est  
gratus nec fidelis Deo. Noli superbire,  
ne perdas donum; quod accepisti de  
cælo sine merito tuo. Curam habe de  
bono nomine; sed noli meliorem te  
fingere, nec sanctiorem aliis credere.  
Bona vita, bonum nomen facit, & qui  
malè se regit, bonum nomen perdit.  
Nomen novum iterum acquirit, qui  
malos mores relinquit. Ille vivaciter  
quasi hodie natus vivere incipit, qui in  
spiritu ambulare proponit, & omnia no-

civa vitæ & spernit. Melior est bona  
fama ex sanctitate vitæ, quam odor un-  
guenti prætiosi & divitiarum multarum.

CAPUT VII.

De recollectione cordis in secreto oris.

1. **S**ecretum meum mihi. Cum di-  
stractus fueris ex colloquiis lon-  
gis, recollige te iterum in longo silentio,  
intus manendo in secreto solus, & ge-  
mendo pro commissis. Cito fit distra-  
ctio cordis ex rebus visis & auditis, sed  
frequens oratio & interna compunctio,  
expellat imagines noxias, & curas su-  
perfluas.

2. Qui nil commodi quærit, nec  
concupiscit in terris, & elongat se à  
tumultibus cunctis; potest cito liberè  
volare ad Christum in cælos, sicut ait  
devotissima mater sancti Augustini in ex-  
cessu mentis: Volemus, inquit, ad  
cælum fideles.

CAPUT VIII.

De remediis contra vanam gloriam  
& laudem.

1. **V**anitas omnis homo vivens. No-  
li extolli de aliquo bono coram  
hominibus; quia habes multos defectus  
intus, quos novit Deus; & tu non vi-  
des nec ponderas, sicut debes. Qui  
laudem humanam quærit de singulari  
facto, sæpe confusionem incurrit (Deo  
permittente) coram multis in aperto.  
Vana gloria & amor propriæ laudis de-  
cipiunt multos, privando eos bonis  
æternis, ut patet in virginibus stultis.

2. Quid stultius, quam vana dili-  
gere, & vera respuere? Quid perversius,  
quam Deum negligere, & hominem at-  
tendere? Quid amentius, quam mundum  
aspicere, & cælum despiciere? Cor divinis



in terra, cor pauperis in cælo. Cor humilis sub Deo, cor superbi contra Deum.

## CAPUT IX.

*De munditia cordis à vitiis & passionibus occultis.*

1. **B** *Eati mundo corde.* Munda cor tuum à vitiis, ut verè sis bonus. *Matth. 5.* Quare miser vis laudari de bonis, quæ non habes? Verè ita despicabilis es in multis, ut merito erubescere possis, quamvis libenter hoc non audis tibi dici ab aliis. Qui sunt, qui vanitatem amant? Qui humanam laudem affectant. Humilis & sibi ipsi vilis in veritate stat, & nunquam se de bono elevat; sed semper se humiliat, & peccatorem fatetur & dolet. Inspice te rectè & internè, & noli leviter credere linguæ alienæ & famæ ventosæ. Vidi laudantem socium suum in facie, & post tergum detrahentem pessimè. Consideravi arguentem amicum in charitate seriosè, & excusantem eum publicè ipso nesciente.

2. **2.** Quando veritas & charitas sibi obviant, tunc quæ pacis & salutis sunt pariter tractant. Lava manus tuas ab opere perverso, & prohibe labia tua à verbo otioso, oculos à visu nocivo, cor à co-

gitatu maligno, & eris mundus coratè Deo. Sæpe lavas manus & faciem, ne displiceas hominibus: multò magis lava conscientiam tuam à vitiis, ut placeas Deo & Angelis ejus, qui vident abscondita cordis.

## CAPUT X.

*De vera pace cordis in virtutibus.*

1. **B** *Eati pacifici. &c.* Cor purum diligit Deus, in pace habitat Christus, super humilem & mitem requiescit Spiritus Sanctus. In tumultu percutitur Jesus, in risu offenditur, in ira expellitur, in mendacio conspuitur, in detractatione spoliatur, in dolo percutitur, in odio crucifigitur. Quidquid mali proximo ingeritur, Jesus sibi factum conqueritur.

2. Cave offendere Deum, caveas scandalizare proximum, ad imaginem Dei factum. Revoca errantem, instrue ignorantem, da bonum exemplum, tolle omne offendiculum, sequere Jesum patiendo opprobrium, pro malo restitue bonum, & recipies, pro omni modico hic passo, præmium æternum, & gaudium cum Angelis sanctis in regno cælorum; Amen.

*Finis epitaphii seu Enchiridii Monachorum.*

## MANUALE PARVULORUM.

Capita Libri sequentis.

**D** *E vocatione parvulorum ad Christum.* Cap. 1  
*De doctrina Jesu, & humilitate ejus.* 2  
*De puritate & sublimitate sancti Joannis Apostoli.* 3  
*De sanctitate & excellentia sancti Pauli Apostoli.* 4

*De magna humilitate sancti Francisci.* 5  
*De bona imaginatione contra malum.* 6  
*De brevitate omnis rei sub cælo.* 7  
*De devotione sancti David Regis in oratione.* 8  
*De paupertate spiritus propter Christum.* 9  
*De studio simplicis fratris in passione Christi.* 10  
*De*



De puritate mentalium virtutum. 11  
De laude Dei ex ore iusti. 12  
De arcta custodia cordis & oris. 13  
De frequentia orandi. 14  
De aeterna vite premio promerendo. 15

ritatis melle perfusa, & ad honorem Dei purâ intentione facta. Cave superbiam, omnium vitiorum foveam, & virtutum ruinam. Esto innocens & quasi parvulus sine dolo, ab omni malitia purus, & eris Deo & hominibus dilectus, & in te pacatus.

## MANUALE PARVULORUM.

## CAPUT I.

De vocatione parvulorum ad Christum.

1. **S** Inite parvulos venire ad me, talium est enim regnum celorum. Hæc sunt verba Jesu Christi summi pastoris & cælestis Doctoris, nostri in schola Dei, quæ discipulis suis & turbis loquebatur, cum parvuli sibi à parentibus præsentarentur ad tangendum. Quos pius magister & dulcis dominus (sicut sanctus Marcus narrat) complexans, & manus suas super eos imponens, benedicebat eos, & ait: Amen dico vobis, quisquis non receperit regnum Dei velut parvulus, non intrabit in illud. Et iterum secundum Matthæum ad omnes majores ait: Nisi conversi fueritis & efficiamini sicut parvuli, non intrabitis in regnum celorum.

2. O bone pastor & dulcis magister, quàm dulciter loqueris, & veraciter doces, & paucis verbis ostendis omnibus hominibus rectam viam tendendi per humilitatem ad regnum Dei! Hæc sancta verba consolantur humiles & pauperes, arguunt superbos & divites, confortant simplices & innocentes. Deus autem superbis resistit, humilibus autem dat gratiam in præsentem, & gloriam in futuro. In omnibus ergo bonis, quæ agis, loqueris & cogitas, ab humilitate noli recedere, ne perdas totum quod facis. Nam nulla valent opera bona, nisi fuerint in humilitate fundata, & cha-

## CAPUT II.

De doctrina Jesu & humilitate ejus.

1. **D** Iscite à me, (ait Jesus) quia mitis sum & humilis corde. O humilitas virtus Christi, quantum confundis superbiam vanitatis nostræ, qui de parvis bonis cupimus laudari, & de multis malis nolumus vituperari! O bone Jesu, tu pro nobis multa mala pertulisti, quæ non fecisti, & innumera nobis bona contulisti; quæ non meruimus nec digni sumus habere. Nam totum gratiæ est & immensæ pietatis quicquid boni fecisti nobis, & adhuc quotidie facis, parcendo delictis nostris, & benefaciendo in multis. Gratias semper tibi pie Deus; sed vix nobis ingratis tepidis & superbis pro innumeris beneficiis tuis & promissis.

## CAPUT III.

De puritate & sublimitate Sancti Joannis Apostoli.

1. **E**Cce puer meus electus, quem elegi. Quid fecit Beatum Joannem Apostolum tam clarum ingenio, & tam prædilectum à Domino nostro Jesu Christo, ut tam alta caperet & scriberet de Deo ultra omnes Doctores in mundo? Magna puritas ejus mentis & corporis, perfecta quoque charitas ardens erga Deum & proximos suos, non verbo tantum & lingua, sed opere & veritate. Hoc enim ipse aperte testatur in e-



Si non po-  
tes cum  
celiori-  
bus Divis  
sublimia  
apprehen-  
dere, se-  
tare cum  
aliis hu-  
milis.

pistola sua de gemina charitate scribens. Si ergo non potes cum Sancto Joanne Evangelista altiora contempleri de sancta Trinitate, stude humilitatem & patientiam Christi cum infirmo Lazaro cogitare & sequi. Et si non vales cum Sancto Paulo ad tertium cœlum evolare, stude cum Beata Maria Magdarena ad pedes Jesu plorare, & veniam petere.

## CAPUT IV.

*De sanctitate & excellentia Pauli Apostoli.*

I.  
Act. 9.

I. **V**as electionis mihi est iste. Quid fecit Sanctum Paulum tam magnū & sublimem apud Deum? Contemptus mundi & omnium terrenorum, cum abnegatione sui ipsius, & mortificatione carnis, & abiectione omnis temporalis honoris. Quid plus super hæc omnia? Perfectus amor Dei & proximi, sine aliquo lucro terreno & proprio commodo Christi serviendo in hoc mundo. Quid inter multas revelationes sibi à Deo factas magis docuit & commendavit fidelibus Romanis, Corinthiis, Galatis, & cæteris omnibus in universo orbe constitutis? Jesum Christum, & hunc pro nobis crucifixum, pro quo ipse multa pati optavit, & mori non formidavit, quia sacra stigmata passionis ejus quotidie in corde & corpore suo pro nomine ejus & amore portavit.

## CAPUT V.

*De magna humilitate Sancti Francisci.*

I.

I. **H**ic est qui contempsit vitam mundi. Quid fecit humilem & Sanctum Franciscum tam devotum & Deo dilectum in hac vita, & tam altum in gloria? Verè profunda humilitas sua, & quia inrer omnia beneficia divina & exercitia

quotidiana passionem Christi & sacra vulnera doloris ejus immensi amoris plenè in mente portavit, recoluit, condoluit, gravissimè ponderavit, amarissimè flevit, & ardentissimè amavit. Nam magna gratia confertur humilibus, & passionem Christi quotidie recolentibus. Verus enim humilis non se reputat nec elevat de bonis quæ facit: sed omnibus vilior se æstimat, & cunctis inferiorem veraciter confitetur. Hic propria mala sua inspicit & plangit, & aliorum bona videns congaudet, pro quibus Deum laudat & benedicit, orans ut sui misereatur, & se à malis liberet.

## CAPUT VI.

*De bona imaginatione contra malum.*

I. **V**ade retrò Satana. Omnes Christi loquere hæc verba contra omnia mala phantasmata diaboli. Nam arma tua sunt sancta verba & opera Christi. Igitur contra ignita carnis jacula, pensa amara Christi vulnera. Contra tadium cordis, sit semper in ore dulcis Jesus. Contra omnes malas suspensiones & indignationes tuas de aliis, cogita omnes culpas tuas quas fecisti ab initio nativitatis tuæ usque modò, & desiste indignari. Sint omnia bona tua aliis communia, & ad laudem Dei facta; sed mala tibi soli impura, & ad ferventiorē emendationem converte.

I.  
Matth. 16.  
Immissiones cogitationum malarum umbone bonarum repellenda, præcipue verbo Dei.

2. Dum vacat tempus & hora ab externo labore, sit protinus psalmus & laus Dei in corde & in ore. Cor non potest diu quiescere, nec lingua tacere, aut enim bona aut mala imaginatur, aut tristitia pensat, aut læta revolvit, sicut molendinum quod à vento movetur. Ne ergo mala subito irruant & maculent, facra verba tanquàm munda grana cordi tuo insere, & ea diligenter revolvendo

2.

in



in cibum converte. O utinam tot bona verba dicas & ores, quot otiosa dixisti, & tot bona recogites & rumines, quot mala & noxia cogitasti. Aperi cor tuum Christo, & claude diabolo, ut sit anima tua in coelo, & non in saeculo. Loquitur tibi Christus in omni verbo Dei, & in omni libro scripto digito Spiritus Sancti. Quaecunque enim in scripturis sanctis legis, scribis & intelligis, solatia sunt animæ fidelis in tribulatione, & remedia contra diaboli venena, & revocant cor vagæ mentis ad Deum suum in cœlum.

## CAPUT VII.

*De brevitate omnis rei sub cœlo.*

I. **V**anitas omnis homo vivens. Hodie homo est & cras non invenitur. Perit dives, perit pauper, perit juvenis, perit senex. Perit pulcher, perit niger, perit doctus, perit indoctus. Perit magnus, perit parvus, perit nobilis, perit ignobilis. Perit Dominus, perit servus, perit Prælati, perit subditi. Perit honoratus, perit refutatus, perit magister, perit discipulus. Perit clericus, perit laicus, perit canonicus, perit monachus. Perit theologus, perit astrologus, perit medicus, perit in omni arte peritus. Ecce omnia pereunt, præter amare Deum & justè vivere.

## CAPUT VIII.

*De devotione sancti David Regis in oratione.*

I. **Q**uis enim in omnibus sicut David fidelis, pergens ad imperium Regis cœlestis? Hic in die fuit miles fortis in bellando contra hostes suos, & in nocte devotus monachus orando cum gemitu & lachrymis pro peccatis suis

commisis. Maxime autem regebatatur Deo pro innumeris beneficiis ab ipse specialiter datis, & omnibus creaturis generaliter collatis; quas ad gloriam sancti nominis sui mirabiliter creavit & ornavit. Et ne de bonis acceptis superbiret, ait Deum laudando: *Non nobis Domine non nobis, sed nomini tuo da gloriam.* Et ne in adversis deficeret, ait: *Adjutor meus esto Domine, ne derelinquas me.* Et ne unquam ingratus esset, ait: *Sit nomen Domini benedictum, ex hoc nunc & usque in saeculum.*

## CAPUT IX.

*De paupertate spiritus propter Christum.*

I. **T**anquam nihil habentes in hoc mundo, & omnia possidentes cum Christo. O sancta paupertas spiritus super omnes divitias mundi & honores amanda, quam Christus docuit, & usque in finem vitæ servavit, & omnibus perfectis pro exemplo reliquit. Hanc multi sapientes, nobiles, divites & potentes Christum sequentes, propter regnum cœlorum spontè elegerunt. O quanta libertas puræ animæ, quæ nihil habere desiderat de statu & ornatu saeculi amore Jesu Christi! Verè magnā securitas conscientiae, & jucunditas cordis, stare in subiectione & obedientia, & propter Jesum Christum crucifixum se abnegare plenè usque ad mortem. O cœleste manna superbis absconditum, humilibus revelatum, innocentibus propinatum, à devotis prægustatum, qui pro speciali solatio recolunt Christum pro se passum & crucifixum.



## CAPUT X.

*De studio simplicis fratris in passione Christi.*

**1.** *Salus tua ego sum, dicit Dominus.*  
*Psalm. 34. Quantus profectus simplici animæ in Christi Cruce.*  
**S** Plus sanctitatis & puritatis, scientiæ & prudentiæ, contra omnes nequitias diaboli & errores mundi ac sordes vitiorum, invenit simplex & innocens frater in vita & passione Domini, quàm altus speculator & subtilis disputator, in consideratione totius machinæ mundi. Vitam & passionem Christi docemur imitari: machinam mundi speculari sine laude & gloria Dei vanitas est & stultitia. Melius est orare humiliter Deum, quàm subtiliter perscrutari cælum.

**2.** Dei enim est gubernare omnia, qui creavit omnia; hominis est servare mandata ejus, & cavere peccata. Omnes sancti essemus, si ista faceremus. Sed quia multi ista non faciunt, nec bene vivunt: ideo multa mala eis iusto Dei judicio contingunt. Fuge ergo frater sæculum, intra lætus claustrum, sequere sanus Christum per arctam viam ad cælum. Bonum est tibi cum uno oculo intrare cælum, quàm cum duobus in infernum, ubi erit fletus & stridor dentium pro omnibus malis in perpetuum. Væ eis.

## CAPUT XI.

*De puritate multarum virtutum.*

**1.** *Stote rationabiles sine dolo.*  
*1. Petri 2. Quomodo per omnia placeas Deo.*  
**E**ctum & suave verbum, ex ore sancti Petri Apostoli prolatum, Placet namque maximè Deo & Angelis ejus, castitas cum humilitate, scientia sine inflatione, prudentia sine præsumptione, eloquentia sine vana gloria, læticia sine dissolutione, tristitia sine amaritudine,

patientia sine murmure, locutio sine mendacio, responsio sine fallacia, promissio sine crastino, laudatio sine vituperio, dilectio sine vitio, oratio sine tædio, gratitudo Deo pro omni bono sine termino, meditatio sine dispersione, contemplatio sine obscuracione, operatio sine iniquatione, quies sine pigritatione, unio animæ cum Deo sine intermissione. Ecce verus Israëlita, in quo dolus non est. O quàm bonus Deus Israël, his qui recto sunt corde. Dic ergo cum David in Psalmo, neglecto omni bono terreno intimè orando: *Mihi autem adherere Deo bonum est, ponere in Domino spem meam.* Sicut fuerit voluntas in cælo, sic fiat. Nil aliud volo, nil cupio, nisi te solùm Domine, pro omni labore meo & præmio in cælo, Amen.

## CAPUT XII.

*De laude Dei ex ore iusti.*

**1.** *Ectos decet laudatio.*  
*1. Psalm. 34. Iustus omnia refert in Deum.*  
**R**ectos decet laudatio. Beatus qui omnia bona opera sua facit cum pura intentione simpliciter ad laudem Dei. Beatus qui omni tempore cor suum ad beneplacitum Dei dirigit, & nullum proprium commodum finaliter quærît. Beatus qui omnia immunda idola antiqui hostis à se longè projicit, & ad arma Christi crucifixi humiliter in angustis confugit & orat. Hic bene procedit, & cum Jesu ubique per mare & aridum pergit; donec ad patriam cum eo perveniat.

**2.** O Jesu dulce nomen super omnia nomina sanctorum in cælo & in terra, cui omne genu flectitur cœlestium terrestrium & infernorum, Angelorum & hominum. Tu via iustorum, gloria beatorum, spes egenorum, salus infirmorum,



rum, amator devotorum, & consolator omnium tribulatum. Esto mihi adiutor & protector in omni necessitate, propter nomen sanctum tuum benedictum in sæcula. Cum pauper fuero, laudabo te; cum tristis fuero, laudabo te. Cum lætus fuero, laudabo te; ubicunque fuero, semper laudabo te; Amen.

## CAPUT XIII.

*De arcta custodia cordis & oris.*

**I. I.** *Or mundum crea in me Deus.* Hæc oratio valde utilis est & potens contra omne vitium durè tentans, & subitò cordi irruens. Nil laboriosius & utilius quàm custodire cor à vanis phantasiis, & os à verbis otiosis. Nil fructuosius quàm spiritualibus vacare exercitiis, orando, meditando, studendo, psallendo, & charitatis opera libenter faciendo. Pauca verba sufficiunt ad necessitatem, longa texunt sufflutem, levia inducunt vanitatem, curiosa important distractionem, dura excitant turbationem, alta generant elationem, simplicia ostendunt humilitatem, vera parant jucunditatem, falsa provocant indignationem, bona merentur laudem, mala pœnam, sancta vita æternam gloriam. Bonus ergo custos cordis sui sollicitè etiam custodit ostium oris sui, ne perdat gratiam devotionis interiùs per incuriam sermonis exteriùs.

## CAPUT XIV.

*De frequentia orandi.*

**I. I.** *Quoniam oportet semper orare.* Quàm dulcis & salubris admonitio, quàm pura & sancta oratio cælos tangens, & terram deferens, Deo colloquens, & hominibus tacens. Hoc

*a Kemp. Manuale Parvulorum.*

itaque Verbum Christus ait ad Apostolos suos, & ad omnes religiosos. Sicut enim corpus vivit & nutritur cibis terrenis; ita anima sacris verbis & orationibus & meditationibus confortatur. Dat fiduciam orandi ingens dolor cordis pro commissis, & humilis confessio oris de perpetratis, cum intentione se emendandi in istis. Nil quippe bona voluntate ditius, & Deo acceptius, & animæ nostræ salubrius. Toties namque Deum oras, quoties pro peccatis tuis gemis & doles, & quia quotidie peccas: ideò quotidie etiam orare & gemere debes, ac veniam petere pro offensis.

**2.** Multum oras, si multum doles, parum oras; si parum doles. Parum impetras, si parum attendis ad ea quæ legis & cantas. In multis fit excessus, sed quotidiana oratio & gemitus cordis cum fervore sancti Spiritus expurgat languores hos omnes. Qui non orat & gemit pro culpis quotidianis, pœnam sibi auger in pœnis futuris. Non ergo pigeat semper orare, & Deo devotè gratias agere, quia ipse nunquam cessat nobis benefacere.

**3.** Ideò nullus locus, nullum tempus, nullum opus, nullus labor, nullus dolor, ab orando nos impedire debet: super quos Deus oculos suos apertos, hic & ubique semper habet. Quoties enim Domini Dei tui recordaris & gemis, toties cum eo secretè loqueris & oras. Si non potes semper voce orare, poteris tamen, & debes mente & desiderio ad Deum clamare, gemere, & plorare. Semper enim Deum orat, qui semper bona cogitat, bona loquitur, & bona facit ad honorem Dei. Amen.

Gemitus  
pro pec-  
catis, ora-  
tio est.



# DE ELEVATIONE MENTIS

## CAPUT XV.

*De aeterna vita premio promerendo.*

**1. 1.** *Matth. 5.* **E**cce merces vestra multa est in calo-  
 Omne gaudium praesens breve  
 est, & heu multis malis involutum: reg-  
 num autem Dei gaudium semper plenum  
 & aeternum, supra omnem sensum & in-  
 tellectum elevatum. Hoc nullus tibi dare  
 potest, nec auferre, nisi solus Deus crea-  
 tor omnium, iudex vivorum & mortuo-  
 rum, reddens singulis pro meritis ope-  
 rum suorum. Propter hoc regnum con-  
 sequendum, promerendum, & aeterna-  
 liter possidendum, fortiter est certan-  
 dum, laborandum, alacriter vigilan-  
 dum; & ferventer orandum: saepe jeju-  
 nandum, saepe gemendum, saepe lugen-  
 dum, saepe confitendum, saepe commu-  
 nicandum; devotè ministrandum, devo-  
 tè celebrandum, devotè psallendum;

diligenter studendum, strictè silendum,  
 libenter serviendum, promptè obedi-  
 dum.

**2.** Patienter omne grave ferendum, 2.  
 omne carnale citò respuendum, omne  
 saeculare utique vitandum, omne turpe  
 fugiendum, omne honestum sectandum,  
 omne viriosum odiendum, omne vir-  
 tuosum amandum; omne curiosum am-  
 putandum, omne simplex & purum eli-  
 gendum: Omne terrenum relinquen-  
 dum, omne caeleste & divinum summe  
 amplectendum. Haec est via vitae caele-  
 stis, & formula renuntiationis saeculi in  
 statu religionis, ducens parvulos, mites,  
 & castos, ad aeternae vitae beatitudinem,  
 & gloriam sanctorum aeternali-  
 ter cum Christo perfruen-  
 dum. Amen.

*Finis Manualis Parvulorum.*

# DE ELEVATIONE MENTIS, AD INQUIRENDUM SUMMUM

## BONUM.

**1. 1.** **V**Acate & videte, quoniam ego  
 sum Deus. Ecce, inquirō te,  
 Deus meus, non per sensus  
 corporeos, neque per sensibiles imagi-  
 nes: Sed in me, super rationes intelle-  
 ctuales: ubi tu lucēs intellectui meo,  
 veritas aeterna, bonitas immensa, incom-  
 prehensibilis claritas, omnem creaturā  
 comprehensionem excedens, omnem  
 aciem mentis repercutiens, & super om-  
 nes caelestes spiritus secundum quiddita-  
 tem, te incognitè servans: & tamen  
 secundum cujuslibet beati spiritus capa-  
 citatem, te totum communicans, at-  
 que omnibus & singulis infinitam

deitatis tuae gloriam & superessentialē  
 naturae tuae substantiam mani-  
 festans.

**2.** O Trinitas, unus verus Deus, Pa-  
 ter & Filius & Spiritus sanctus; aeterna  
 gloria, & summa beatitudo sanctorum,  
 omniumque caelestium virtutum aeterna  
 fruitio. Ex quo omnia, per quem om-  
 nia, in quo omnia procedunt, consi-  
 stunt, & terminantur. Notas mihi fac  
 vias tuas, & semitas tuas edoce me:  
 quoniam via tua, via pulchra, & om-  
 nes semitae tuae pacificae. Beati mundo  
 corde: & beati pacifici: via sunt & se-  
 mitae, ad cognitionem vitae contempla-  
 tivae.



2.  
tiva. Laborandum est ergo diligenter  
& orandum, ut ab omni fœce vitiorum,  
cor mundetur; & sic liber ad Deum  
pareat accessus.

*Oratio, ut liberetur mens à corporali  
immagine & sarcina.*

1. **O** Ro te Deus meus, & precor te  
ex totis intimis meis, libera me  
& eripe distractum & captivum animum,  
ab omnibus mundi concupiscentiis &  
corporalibus imaginibus; ut te ipsum in  
meipso, illuminata ratione inveniam,  
qui me ad tuam pretiosam & incorrup-  
tibilem fecisti imaginem. Non enim in  
aliqua mundi creatura, tanta relucet  
sapientiæ tuæ pulchritudo & similitudo,  
sicut in hominis anima, quam tui capa-  
cem fecisti; & omnibus creaturis, per  
rationem intellectualem, excellentissi-  
mè præfecisti. Eleva ergo mentem  
meam, ab omnibus terrenis; & purifi-  
ca cordis mei affectiones. Renova me,  
secundum interiorem hominem; & re-  
forma imaginem tuam, per septiformem  
Spiritus sancti gratiam; quam immor-  
talem, invisibilem, & incorpoream,  
omnibus virtutibus habilem, æternæ ve-  
ritatis capacem, sui intelligibilem, ra-  
tionis compotem, bestiis eminentem,  
omnibus sensibilibus & visibilibus dig-  
norem, ad imaginem & similitudinem  
tuam, creasti. Repelle à me & expelle,  
quicquid potest imaginem tuam macula-  
re & obfuscare; ne indigna conspectu  
tuo fiat, & oculos maiestatis tuæ offen-  
dat. Dignare hanc pretiosam & nobi-  
ssimam imaginem tuam charitate infor-  
mare, intelligentia illuminare, & sine  
intermissione visitare; quam sine medio  
intueris, & in esse conservas. Recordate,

259  
quod consilio ipsam prius de nihilo,  
sed non pro nihilo condidisti: quam  
magno sacroque commercio, de pecca-  
ti vinculo ipsam rursus redemisti: & tan-  
tæ dignitatis creaturam, ne sinas subster-  
ni mortali vitio; sed ab omni defende  
malo, ac dita per gratiam. Multiplica  
in ea, dona largitatis tuæ; Et quod  
minus valet, ex infectione corruptæ  
naturæ suppleatur ex supervenienti dono  
gratiæ.

2. **O** veritas mea; & misericordia 2.  
mea; da mihi te videre sine forma cor-  
porea, sine specie imaginaria, & sine  
omni luce creata. Da puræ mentis in-  
telligentia te conspicerem, qui mundis  
cordibus te videndum promissisti: *Beati*  
(inquis) *mundo corde, quoniam ipsi Deum* *Matth. 5.*  
*videbunt.* Alta & magna promissio, sed  
puris & illuminatis mentibus congrua.  
Quæ dum terrena cuncta relinquunt, &  
corpore universa transcendunt, recto  
iudicio æternæ veritatis lucem contem-  
plari merentur. Et quanto longius à  
creata luce, & conditarum rerum ratio-  
ne recedunt, tanto eminentius supra se  
in divinæ claritatis secretum rapiuntur.  
O qualis visus, quam purus intuitus,  
quam beatus ille oculus; quo sine ima-  
ginibus & corporum similitudinibus cer-  
nitur veritas Deus. Oportet cor esse  
liberum, & ab omni inordinata affe-  
ctione purgatum; oportet mentem esse  
inoccupatam, ab omni strepitu & ima-  
ginatione corporum, si debeat aliquid  
comprehendere, de æterno in circum-  
scripto lumine illuminante totum mun-  
dum. Da mihi Domine, ut in lumine tuo  
videam lumen; non lumen cæli, non lu-  
men terræ, non Angelicum, non huma-  
num lumen: sed lumen æternum, in-  
creatum, immensum, ineffabile,  
Kk 2 incom-



incomprehensibile, superessentialis, & incommutabile lumen.

3. 3. O quam gravis est mihi sarcina carnis? quam onerosa lex peccati in membris meis, quæ impedit & retrahit ab aspectu cœlestis luminis, à vultu gloriæ Dei, à gustu felicitatis æternæ, ab introitu civium supernorum, quos lætitiæ sempiterna circumdat & implet. Largire, obsecro Deus, in tempore brevi servo tuo, gratiam & benedictionem cœlestem; qui necdum dignus sum haurire, de fonte pleno aquæ vivæ, salientis in vitam æternam. Visita me frequenter, clementissime Jesu; & in amore tuo vehementer accende; ut discam omnia inferiora & creata despicere, & te solum æternum & increatum bonum, purè quærere; & super omnia te, propter te, veraciter amare.

*De verbo increato, æterno & immenso,  
super omnes docentes animam  
illuminante.*

1. 1. **L**ucerna pedibus meis verbum tuum, & lumen semitis meis. O verbum Dei in excelsis, quod omnia præcedit, omnia illuminat, omnia ad perfectum perducit, & nihil inordinatum in creaturis relinquit. Verbum tuum Domine lux mea, & gaudium animæ meæ; sine quo, in tenebris sum, & in mœrore; cum quo gaudio perfundor & lumine. Aperi mihi (Domine) portam claritatis æternæ, ad inveniendum verbum tuum in cælo. In cælo permanet verbum tuum, in generatione & generationem veritas tua.

2. 2. O æternum & immensum verbum, per quod facta sunt omnia; quod

omnia novit, omnia justè & rectè disponit. Hujus altitudinem, cæli non capiunt; profunditatem judiciorum, abyssi expavescunt; latitudinem orbis terræ non attingit. Æternum Dei verbum, multis verbis non exprimitur: nec variis imaginationibus concipitur: nec ab aliquo creato intellectu penetratur, sed super ineffabile & incomprehensibile prædicatur. Credi potest & amari, plenè concipi non potest, nec effari; quia hoc verbum Dei, Deus est, sicut testatur beatus Evangelista Joannes; *In principio (inquit) erat verbum, & verbum erat apud Deum, & Deus erat verbum.* O ineffabile, & nimis amabile verbum; dulce ad audiendum, jucundum ad cogitandum, felicissimum ad fruendum. Hoc multipliciter animæ loquitur, per scripturas, & arcanas revelationes; sed multo jucundiùs & sublimiùs, cum per se veritas menti ultro illabitur.

3. 3. O si possem vacare & videre quam suave sit hoc verbum, verum animæ lumen, vita viventium, beatitudo regnantium; credo quòd nulla me frangeret pressura laborum, nulla me teneret copia bonorum; sed citò vilesceret & deperiret omne terrenum. O quam bonum & jucundum est, adherere Deo, frui verbo, de verbo concipere, verbo vivere, & immortales fructus parere. Non est hoc verbum, quod sono finitur, aut mente imaginatur: sed omnem transcendit imaginationem & loquelam. Nam hominis verbum transiit; verbum autem Dei æternum & incommutabile manet, atque cuncta mutabilia immutabiliter disponit. In homine reperitur prius & posterius, & in omni creatura est esse mensuratum; nec quicquam

*Psal. 118.  
Verbi increati  
dignitas ac  
majestas.*

*Psal. 118.*



quam perfectum, & simpliciter per se bonum, nisi summum & æternum bonum, quod omnibus dat esse, & cuncta conservat in esse.

4. 4. Unicum Dei verbum, non ex tempore factum, nec in tempore productum: sed ex Patre æternaliter genitum, pro mortalibus autem in tempore, ex Maria Virgine incarnatum. O æternum Dei verbum, immentum & infinitum, Angelorum esca & hominum: quod sumptum non consumitur, nec in edentem transfertur: sed sumentem in se transmutat, & ab omni creato bono, ad æternum incomprehensibile bonum traducit. O quid est cognoscere verbum Dei? Quid est audire verbum Dei, non hominis, non Angeli, non alicujus creaturæ existentis sub cælo. In sinu Patris est verbum, in secreto manet unigenitus, Patri coæternus & coæqualis.

5. 5. O quis potest comprehendere illud, aut cognoscere, nisi per verbum verbi? Hinc verbum in carne ait: Nemo novit filium, nisi Pater; neque Patrem quis novit, nisi filius, & cui filius voluerit revelare. Opus est ergo revelatione verbi, ut intelligatur verbum. Orat Propheta, ad capiendum verbum:

*Psal. 118. Intellectum (inquit) da mihi, & vivam.*  
Vita & salus animæ, credere verbo, diligere verbum, & in verbo super sperare. Cupit anima fidelis frui verbo: sed non datur videre illi, nec prius experiri, nisi voluntate & revelatione verbi. Conari potest, desiderare potest: sed comprehendere non potest, nisi seipsum voluerit in spiritu revelare.

6. 6. Præpara ergo te anima mea, & fac, quod potueris. Sede sola, tace ab omni strepitu vitiorum: nec quicquam

te moveat foris, nec intus conturbet. Amore summi boni, despice omne temporale. Converte te ex toto interius, ascende paulisper superius. Leva te supra te: transcede omne, quod in tempore fit: relinque omne, quod creatum est. Exclude quicquid modum habet, vel gradum quantumlibet altum: ut invenias verbum increatum, super omnem creaturæ cognitionem exaltatum. Quantum te verbum juvat, tantum poteris: quantum te illuminat, tantum videbis: quantum te accendit, tantum ardebis & amabis. In verbo, vinces mundum; in verbo, prævalebis adversus omne malum. In verbo, firmaberis in virtute: in verbo, axaltaberis supra virtutem. Propter verbum Dei, relinquens omnia, patrem & matrem, amicos & proximos: id est, quicquid caro & sanguis suggerit, despicias; & adhærebis verbo, ut unus spiritus cum verbo, per amorem fias; ita ut nihil aliud velle aut nolle, in parvo vel in magno, in tempore vel in futuro, velis aut affectes, nisi quod æternæ veritati summè placeat. Propter hoc unicum verbum cognoscendum & amandum, omnia nobis scripta sunt & dicuntur.

7. 7. Dixērunt autem sancti Dei magna, & plurima scripserunt, sicut datum est, & capabile hominibus fuit: non tamen prout est in se verbum, dicere nunquam potuerunt. Omnia sacra verba ex illuminatione æterni verbi: ex ipso omne verum, omne bonum, omne sanctum, omnis virtus, omnis potestas, omnis sapientia, & intellectus. Per exteriores autem voces & verborum significationes, paravit nobis iter, ad quærendum se & inveniendum: ut qui ipsum liquidò capere non possumus, per

Kk;

verba

In verbo  
æterno  
omnia  
possumus!

Omnia  
verba ac  
scripta  
propter  
unicum  
verbum.

Joan. 1.

3.

Lucæ 10.

Psal. 118.

Verbo o-  
pus est ad  
cupien-  
dum Ver-  
bum.



verba sacrae Scripturae, modo creatura congruo, paulatim attingamus. Non tamen contentari debemus, auditu sermonis exterioris: sed niti ad interiora, & quærere longè supra nos æterna, imò unum summum bonum æternum. Hoc Angelos pascit sine medio: hoc fideles sacro erudit eloquio: & quandoque per internas illuminationes, ad se libere volare facit, donans sentire, quod omnem rationem & modum excedit.

## CAPUT V.

*De æstuanti desiderio anima, cum fuerit visitata a verbo, unico Sponso suo dilecto.*

1.  
psal. 37.

1. **D**omine ante te omne desiderium meum, & gemitus meus a te non est absconditus. En, æstuat cor meum, ad desiderium æternitatis: atque memorando æterna, & desiderando cœlestia, grave est pondus propriæ actionis, tædiosum fit nimis, quicquid video in terrenis. Displicet omne humanum solatium, nec invenio doloris mei remedium: nisi cor meum fuerit tecum perfectè unitum. Tu Domine Deus, tu doloris mei

causa: tu author languoris, tu importabilis æstus amoris. Tu me vulneras sagittis occultis, tu me incendis, tu me totaliter penetras, & omnes vires meas consumis. Cur me dimittis languidum jacere, & in tui æstuante desiderio anxie gemere? Quare fugis tam repentè, in regionem longinquam, in inaccessibilem caliginem, quò te sequi non valeo?

2. Noli amator sancte, noli desiderantem te videre despicere. Noli te, diu abscondere, sed da veniam inquirenti, & citò revertere: quia sine te, non possum durare nec vivere. Quòd si me affligere vis & probare, fac sicut vis & placet. Veruntamen gratiam & misericordiam tuam, noli mihi penitus auferre. Inveniam obsecro gratiam in conspectu tuo, & inter electos tuos, me digneris cognoscere. Noli me in tenebris relinquere: nec patiaris me opprimi tristitia: Sed porrige mihi dexteram tuam, & lucem miserationum tuarum mihi restitue.

## F I N I S

DE ELEVATIONE MENTIS IN DEUM.

ALPHABETUM PARVUM  
MONACHI, IN SCHOLA  
CHRISTI.

## DISCIPULUS.

**V**ias tuas Domine, demonstra mihi, & semitas tuas doce me. Obsecro te, Deus meus, doce me vias bonæ vitæ, pro salute animæ meæ.

## MAGISTER.

*Lectio 1.*

Ama nesciri, & pro nihilo reputari.

Hoc tibi salubrius est, & utilius, quàm laudari ab hominibus.

*Lectio 2.*

Benevolus esto omnibus bonis & malis, & nulli onerosus.

*Lectio 3.*

Custodi cor tuum ab evagatione, os tuum ab otiosa locutione, & cæteros sensus sub rigore disciplinæ.

*Lectio*



*Lectio 4.*

Dilige solitudinem & silentium, & invenies quietem magnam, & conscientiam bonam. Ubi enim multitudo, ibi frequenter strepitus, & magna distractio cordis.

*Lectio 5.*

Elige paupertatem & simplicitatem, & cum paucis sis contentus, & non facile murmurabis.

*Lectio 6.*

Fuge homines, & sæculi rumores: quia non potes satis esse Deo & hominibus, æternis & transitoriis.

*Lectio 7.*

Gratias age Deo semper, corde & ore, qualitercunque tibi succedit, in gravamine & dolore. Nam Deus omnia providè dispensat in mundo, vero, & certo iudicio, ab æterno.

*Lectio 8.*

Humilia te in omnibus, & sub omnibus, & mereris gratiam ab omnibus. Eris quoque Deo acceptus, & hominibus dilectus; & diabolus à te fugiet citius, propter humilitatis virtutem, sibi valde contrariam.

*Lectio 9.*

In omni opere bono, habe intentionem puram; ad placendum Deo, qui inspector cordis, & diligit justos & pios.

*Lectio 10.*

Rarissimos reputa amicos & patrones, qui te premunt & vituperant. Si enim rectè sapis & consideras, lucrum inde acquires. Nam profunt tibi in bono, qui obliſunt in malo.

*Lectio 11.*

Labore & dolore, cum gemitu & fletu, acquiritur regnum Dei: Delitiis & honoribus, perditur paradisu.

*Lectio 12.*

Magnum donum Dei est, pauperem esse in hoc mundo propter Christum, & infimum tenere locum. Magna superbia, altum petere gradum. Ad alta semper diabolus suadet, honores ambire, fugere despectum; ut cadat ascensor ejus retrorsum, cum ad breve dominatus fuerit pauperum. Minima dona, pro magno reputa, & eris dignus majora accipere.

*Lectio 13.*

Neminem spernas, nulli noceras: afflictio condoleas, egeno subvenias, & nunquam te extollas.

*Lectio 14.*

Omne tempus, utiliter cum Deo expendas: nihil enim pretiosius tempore, in quo promereri potes regnum Dei in perpetuum. Omnibus quoque te amabilem, benignum, & affabilem, sine dissolutione exhibeas. Omnia bona, ad laudem Dei referas: Et sine consilio & deliberatione, nihil facies.

*Lectio 15.*

Primò semper quære in opere tuo, an Deo placeat vel displiceat. Nec timore, nec amore, age contra conscientiam tuam. In dubiis ad scripturam sanctam, & obedientiam Prælati tui recurre: nec tibi ipsi nimis confide. Prius disce tacere, quàm loqui, potiusque velis instrui, quàm docere: tutius est enim velle latere, quàm apparere.

*Lectio 16.*

Quæcunque ad te non pertinent, de aliis non iudices; nec te intromittas, ut pacem semper habeas. Qui communia sectatur, & singularia vitat, magis diligetur, & citius ad bonum finem perveniet. Qui tempestivè facit, quod debet, latior postea erit.



*Lectio 17.*

Revertere ad interiora cordis tui, & claude ostia oris tui. Ne vagari incipias per varia desideria mundi, consilio diaboli. Nocent mala audita, tentant pulchra visa, turbant illata vituperia. Recede ergo ab homine iracundo; indocto, dissoluto, & mane in silentio cum Deo.

*Lectio 18.*

Sobrius esto in victu, modestus in vestitu, providus in verbis, honestus in moribus, maturus in consilio, fortis in adversis, humilis in prosperis, gratus pro beneficiis, hilaris in despectibus, patiens in doloribus, discretus in omnibus agendis.

*Lectio 19.*

Time Deum offendere, in minimis negligentius & defectibus tuis. Noli presumere in bonis, nec desperare in adversis. Timor Dei, facit recedere à peccato, & sollicitat in bono opere, ut bonum bene fiat. Totum te Deo committe; & quod tibi est grave, fiet citò portabile. Pax tua, in patientia multa; levis est omnis tribulatio, pro vita aeterna.

*Lectio 20.*

Vende Deo omnia commoda tua, & dabit tibi solatia meliora, adveniente gratia in una hora. Nemo ditior, nemo liberior eo, qui se & omnia Deo dedit, & Christum amando emit, qui mundum cruce redemit.

*Lectio 21.*

Christus sit vita tua, lectio tua, meditatio tua, locutio tua. Ipse desiderium tuum, lucrum tuum, tota spes tua, & merces tua. Si aliud quærīs quàm purè Deum, damnum patieris, laborabis, & requiem non invenies.

*Lectio 22.*

Hymnos & psalmos canere, Monachorum opus est & Clericorum; quibus

congaudent Angelorum chori, laudantes Deum jugiter in regno caelorum. Servire carni, mors animæ, cibus vermium, nidus daemonum, vita pecorum, fomes morborum, corruptio corporum, inquinatio morum; perditio bonorum, acquisitio multorum malorum & dolorum. Servire Deo, beatitudo animæ, sanitas corporis, prudentia spiritus, vita. Dulces hymnos Deo cantat, qui in tribulatione sua Deum semper laudat. Initium & finis omnis boni religiosi, Deum corde amare, ore laudare, & fratrem suum exemplo ædificare.

*Lectio 23.*

Zachæ frater descende, de altitudine secularis scientiæ. Veni, & discite in schola Dei viam humilitatis, mansuetudinis, & patientiæ; per quam possis Christo docente, ad aeternæ beatitudinis gloriam, securè pervenire. Amen.

*Conclusio.*

Scribe novelle Monache alphabetum istud in corde tuo, quasi in libro vitæ: per singulos dies, chartulam tuam inspice, & bonos mores assuesce. Pauca sunt verba, sed magna habent mysteria, & perfectorum opera. Ornant exterius & quietant interius. A contemptu, & sui ipsius abnegatione, incipit vita boni religiosi Monachi, & proficit, usque ad contemplationem Dei.

*Benedictio.*

Beatus discipulus ille, qui sequitur Christum, per iter asperum, tradens ei omne velle suum & nolle; portans quotidie pro Christo, crucem suam; ut habeat cum ipso gloriam magnam, & vitam aeternam. Amen.

F I N I S

ALPHABETI PARVI MONACHORUM.

CONSO-



# CONSOLATIO PAUPERUM ET INFIRMORUM.

1. **C**onsolamini, consolamini popule meus, dicit Dominus Deus vester.

*Pauper.*

2. Noli pauper contristari, quia dives non es.

*Debilis.*

3. Noli murmurare debilis corpore, qui sapius infirmaris; nec habes, quod delectat.

*Lazarus infirmus.*

4. Gaude in Domino, frater Lazare, qui multis vulneribus modò repletis; quia tibi præparatur æterna requies, pro modico & vili cibo, maleque parato, & pro brevi dolore in corpore sustentato. Pro micis tibi negatis, habebis splendidas epulas, in convivio cœlestis Regis; & comedes semper panem cœli, de mensa Jesu Christi, in regno Patris sui. Pro vulneribus tibi influctis, habebis coronam miræ pulchritudinis, ornatam floribus immensæ suavitatis. Pro canibus lingentibus vulnera tua, habebis Angelos tibi servientes in lætitia magna, laudantes Deum, pro tua multiplici inopia, & benigna patientia.

*Joseph peregrinus.*

5. Lætare frater Joseph, innocens, & mansuete, pro longa peregrinatione tua in terra aliena; ubi non habes amicos te visitantes & honorantes, & munuscula tibi dulcia offerentes: quia magna erit merces tua in cœlesti patria, & consolaberis ab Angelis in parvo latens cubiculo, qui tibi præparabunt amplam & splendidam mansionem in cœlo: quia humiliorem locum & viliores vestes, elegisti in hoc mundo.

*a Kemp. Consolatio Pauperum & Infirm.*

*Clandus despectus.*

6. Exulta frater claudes, qui à multis jam despiceris; quia non vales currere per vicos & plateas, cum fortibus & divitibus; qui lærantur variis deliciis carnis, & subito descendunt ad inferos. Tu verò in secreto maneat, & indefinenter pro te & aliis ora, ac Christum specialiter lauda, qui multas occasiones peccandi tibi abstulit, & cœlestis regni portam, per arctam viam intrare ostendit.

*Columbanus tacitus.*

7. Jubila frater Columbane, humilis & taciturne, sine dolo, sine felle. Esto nunc obediens usque ad mortem, qui abnegando temetipsum, tollis verè crucem tuam, eundo post Christum. Ideò gaudebis cum omnibus sanctis & electis Dei, in perpetuum: nec timebis damnari cum diabolo, in ignem æternum.

*Simplicianus indoctus.*

8. Canta & lauda Deum, frater Simpliciane; quoniam reliquisti prudentiam hujus sæculi, & fallacias diaboli cum nundinis suis, & curas terrenas ejus longè abjecisti. Gratias age, quia meruisti audire veri Salomonis sapientiam Domini nostri Jesu Christi, in sua humilitate & mansuetudine. Disce frangere propriam voluntatem, & carnis vincere voluptatem; & quotidie certa contra diaboli impugnationem, & cordis evagationem. Sta firmiter, pugna viriliter. Noli recedere à certaminis loco, & bono consortio; quia tecum est Dominus Deus tuus & Angeli ejus, ante quorum conspectum fugiet citò spiritus malignus, tanquam fumus à vento repulsus.



*Turtur solitarius.*

9. 9. Audi turtur gemebunde; attende desiderator vitæ solitariæ, & castitatis amator æternæ. Quando te subtrahis à tumultibus hominum orando, studendo, tunc appropinquo cœlestibus choris Angelorum; & recedent à te imperus dæmonum, & imagines turpium idolorum, omniumque nocentium monstra vitiorum. Nemo tam quietè vivit in congregatione, tam lætanter ex hoc mundo transit; quàm verus obe-

diens, mitis & humilis corde, renuntians perfectè omni propriæ voluntati, subditus Deo & hominibus propter Deum, ex virtute sine mœra. Magna virtus, magna gratia, vincere seipsum, & mori omni hœra. Dura pugna, sed gloriosa & æterna præmia reddentur, pro victoria consummata.

## F I N I S.

DE CONSOLATIONE PAUPERUM  
ET INFIRMORUM.

## ORATIONES PIÆ.

## P R I M A.

1. I. **D**omine Jesu Christe, spes mea, & totum refugium meum; solatium vitæ meæ, & informatio motum; hodie abrenuncio omnibus, quæ in mundo sunt, propter amorem tuum; & hoc perficere cupio, ad tui nominis honorem. Abrenuncio omnibus amicis, parentibus; cognatis, & propinquis; charis, notis, & sodalibus universis; omnibus quoque civitatibus, castellis, villis, montibus & vallibus, rivulis & fontibus, campis, pratis, & nemoribus; omnibus ornatis & pulchris ædificiis, psalteriis, citharis, organis, musicis, cantilenis, floribus, odoribus; omnibus jucunditatibus, societatibus, conviviis, colloquutionibus, visitationibus, salutationibus, favoribus, honoribus, & deliciis hominum; omnibus scurrilitatibus, rumoribus, ludis, jocis, risibus, evagationibus, discursibus, tumultibus & inutilibus occupationibus; omnibus divitiis, rebus, proprietatibus, curis, dignitatibus, solatiis, recreationibus externis; & quibus-

cunque potest caro tentari, allici, & delectari, & spiritus impediri & inquinari.

2. Te hodie eligo mihi in Deum protectorem meum, in gubernatorem vitæ meæ, in providorem omnium necessitatum mearum, in consolatorem omnium dolorum & angustiarum ac tentationum, omniumque laborum meorum; quibus laborare me necesse est numero dierum vitæ meæ, pro tuo amore & animæ meæ salute. Tu refugium meum; tu domus meæ, tu civitas meæ, tu habitatio mea, tu cibus meus, tu potus meus, tu requies & refectio mea. Tu socius dilectus, tu intimus amicus, tu cognatus & proximus, tu frater & soror, tu pater & patronus. Tu pastor & custos totius vitæ meæ, cui me & omnia mea fideliter commendo; quia non est salus extra te, nec tuta vita absque te. Fiat ergo misericordia tua Domine super me, gratia tua in omnibus comiterur mecum: sitque oculus tuus super me die ac nocte; & manus tua protegat me semper à dextris & à sinistris; ac recto itinere me digneris perducere, in domum habitationis gloriæ tuæ,



ubi te merear laudare & benedicere, sine fine: Amen.

## SECUNDA.

*Exhortatio ad humilitatem & compunctionem.*

- I. I. **I**ncлина te anima mea humiliter & sponte sub Deo, incurva te profundè sub omni creatura propter Deum. Fac te minimam in corde tuo: nec te dignam æstimes communi hac luce frui, quia Deum & sanctos peccatis tuis offendisti, nec debitam reverentiam eis exhibuisti. Cito ergo ad lachrymas recurre, & cum magna cordis contritione veniam deprecare, ut tibi misericorditer Deus indulgeat, quicquid contra ejus benignitatem deliquisti. Antequam dies extrema, & mortis horror veniat, lachrymis & precibus studeas faciem pii conditoris reconciliare, & tuam vitam deinceps ex toto in melius mutare proponas.

## TERTIA.

*Oratio pro lachrymosa contritione peccatorum obtinenda.*

- I. I. **O** Misericordissime Deus, cujus natura bonitas, & opus misericordia est; da mihi secundum multitudinem misericordiarum tuarum, perfectam peccatorum meorum habere contritionem, ut dolore cordis intrinsecè compunctus, amarissimè flere valeam, & scelera mea atque delicta universa, digna castigatione extorquere, eaque sacro pœnitentiæ lavacro abluere possim & purgare, quatenus remissionem omnium peccatorum meorum, te propitiantem merear percipere, atque in tua miseratione respirare.

2. 2. Da mihi zelo justitiæ adversum me

armari, & tanquam contra pessimum peccatorem & iniquum latronem, commoveri & insurgere, quoniam te Deum meum, creatorem cæli & terræ, gravissimè offendi, gloriam & honorem tibi debitum non reddidi, sed sæpè furatus sum mihi aliquid boni attribuendo. Animam meam, jaculis peccatorum frequenter confodi, graviter vulneravi, & faciliter consentiendo tentationibus carnis, spiritum letaliter occidi. Da ergo mihi Domine Deus, judex juste, fortis & patiens, tantam contritionem peccatorum meorum & dolorem, quantum digna noveris peccatis meis deberi: magisque in præsentis punias & castiges, quam in futuro judicio mala mea referres & condemnes. O pie, ô clemens Deus, esto propitius mihi indigno & maximo peccatori, qui propter peccatores & injustos, in hunc mundum venire dignatus es; atque pro eorum reconciliatione, ex charitate crucifigi, & morte turpissima condemnari, non recu-  
lasti.

## QUARTA.

*Oratio pro amore virtutum, & odio vitiiorum.*

- I. **D**omine Deus virtutum, cujus est totum, quod est optimum, insere cordi meo amorem tui dulcissimi nominis. Planta in me radices verarum virtutum, & germina sanctæ meditationis, cum viriditate boni operis, fac crescere, & sursum pullulare, ne velut infructuosa arbor, stema in domo tua otiosus; sed potius tanquam olivam fructiferam me excole; & quicquid vitiosum in me repereris, radicitus extrahe, & ad nihilum redige. Da mihi odium vitiiorum meorum, victoriam passionum, mortificationem concupiscentiarum, &



& superborum motuum suppressionem, extinctionem invidiæ, mitigationem iracundiæ, expulsionem acediæ, detestationem avaritiæ, repulsionem malæ tristitiæ; contemptum gloriæ, fugam honoris, & omnium consolationum terrenarum abjectionem; ita ut nil terrenum, nil caducum, nil vanum, nil curiosum, nil carnale, nil blandum, nil asperum, nil cupidum, nil lividum, nil falsum, nil fictum, cor meum tangat, moveat, vel alliciat, capiat, illaqueat, aut seducat.

2. 2. Da fastidium omnium terrenorum, desiderium æternorum, amorem omnis boni, affectionem omnis virtutis, cognitionem summæ veritatis, fruitionem æternæ felicitatis. Concede beatam ac felicem mortis horam invenire, & in timore tuo & charitate, semper ambulare. Evacua cor meum ab omni creatura, & ab omni, quod me impedire potest & obtenebrare. Sim simplex, purus, & totus in te fixus ac suspensus. Da veram internam & divinam pacem, & sine omni perturbatione, mentem possidere tranquillam.

3. 3. Da ad aliquid temporale vitiosè non affici: nec ab hominibus velle agnoscì, nec curari, nec stultè amari; quia omnes seducunt & seducuntur, qui aliquid extra te inordinatè cupiunt vel diligunt. Nullum ad me hominem, per blandimenta aut obsequia, fac me trahere: sed omnes à me sapienter removere, ad te verò salubriter dirigere, nilque in homine aut aliqua creatura, respicere & amare, nisi quod tuum est & propter quod facti sunt.

\* \* \*

## QUINTA.

*Oratio de patientia in tribulatione & angustia cordis.*

1. **D**omine Deus dilecte, sancte, Pater meus, non sum dignus à te consolari & visitari, sed duris verberibus castigari & flagellari. Ego merui gravitates multas, & varias tribulationes habere; quia valde peccavi, & innumeris beneficiis tuis, ingratus extiti. Ego non sum dignus, sicut ceteri boni fideles, & devoti fratres mei, divinis consolationibus recreari, & inter cœlestes convivas computari. Sed obsecro te, Pater sancte, dulcis ac pie Domine, fac me unum ex minimis vernaculis tuis, ut sim saltem novissimus pedisequus eorum, quorum vestigia non sum dignus osculari. Habeant ipsi consolationes multas & magnas, quos speciali amore diligis & honoras: mihi minimo & infelici, magnum & acceptabile sit, quòd me affligendo doloribus & contrarietatibus diversis, mihi non parcis.

2. Da patientiam, pie Domine; & sit mihi omnis tribulatio & angustia, super omnem consolationem desiderabilis & beneventa. Et hoc singulariter pro honore tuo pariar, & gratum habeam, non pro meo lucro ampliando, vel pro mercede potiori speranda. Meum lucrum majus non sit, quàm libenter pro honore tuo pari & usque ad imum desiderare vilipendi & annullari; atque cunctorum hominum vestigiis, veraciter subjici & humiliter subterni. Infunde cordi meo, veritas summa, Deus meus, lux sempiterna, ut mihi ipsi vilescam, meque despiciam, & tanquam exulem peregrinum, & pauperem ignotum, sicut solitarium neglectum, ab omni creatura

reli-



relictum, ac omni consolatione humana indignum, in hoc mundo me teneam, & præterquam in te, spem & solatium nullibi quæram. Sed me tanquam mortuum super terram, & mundo sepultum existimem, cujus memoria jam diu præterit, nec est invenire aliud vestigium, nisi vile, latens sub terra, sepulchrum. Da mihi, æterna sapientia Patris, hæc intenta mente sapius præcogitare, & considerare novissima mea semper, & ad futurum judicium me præparare, faciemque tuam prævenire precibus & lamentis.

## S E X T A.

*Oratio pro agnoscenda & sequenda  
vita vera.*

1. **D**omine Jesu Christe lumen verum, æternum, & incommutabile, qui ad illuminandas humanæ ignorantie tenebras in hujus mundi carcerem descendere dignatus es, ut viam nobis ostenderes ad patriam claritatis æternæ, ubi sanctis Angelis semper præsens sine defectu luces, exaudi preces humilitatis meæ, & desicam illud lumen, quod mundo prædicasti, & cunctis per orbem gentibus prædicari iussisti, cordi meo gratiosa largitate infunde, ut cognoscam in terra peregrinationis meæ viam tuam, quatenus sæculi vanitate relictæ, & curis carnis abjectis, te creatorem meum ac redemptorem passibus sequar amoris, usque ad exitum vitæ meæ, in omni paupertate & humilitate, in patientia & longanimitate, in fide, spe, & charitate, in sobrietate, in castitate, & obedientia perfecta. Tu es enim speculum vitæ, & lucerna totius sanctitatis, qui me præcessisti in via virtutis, ut me reduceres in agnitionem veritatis, qui multis erroribus & peccatis etiam involutus.

Te ipsum mihi proposuisti in exemplum vivendi, ut si quempiam sanctorum imitari taderet, saltem te Deum meum sequi non pigeat. Et ne hoc impossibile judicarem, multa mihi millia sanctorum exempla reliquisti, qui tua vestigia ardentius sunt secuti.

2. Da ergo mihi amantissime Jesu, fervorem spiritus tui, accende in me ignem, quem venisti mittere in terram, ut cuncta hæc infima despiciam, & tibi soli vivere desiderem, tibi soli placere studeam, ac pro amore tui ab hominibus despici & negligi non timeam. Esto tu gaudium meum, dulcedo animæ meæ, habita mecum, & ego tecum, toto excluso mundo. Sis Doctor meus, & Magister meus, doctrina mea, & sapientia mea. Te sequendo errare non possum: te semper inspiciendo, retrahentium sermones non curabo. Omnis labor pro te parvus mihi videatur, omnis adversitas levis, omnis gravitas intolerabilis efficiatur. Præter hæc mihi amor tuus, qui omnia vincere facit. Sequatur & humilitas cordis, quæ omnia implens, nil dignum se egisse reputat.

3. Tu es expectatio mea, & adimpleratio desiderii mei; tu recreatio mea, & illuminatio cordis mei, qui nunquam deseris sperantes in te, quamvis ad horam patiaris eos tentari, ut melius se cognoscant, & memores sint, quia nihil sine te facere possunt. O unice dilecte Jesu, ne derelinquas me in consolatium, in hujus mundi exilio: sed sicut dilexisti & promisisti, ita mecum age, ut vadas & venias iterum ad me tempore opportuno, donec finito probationis certamine assumas ad te ipsum, in æternam gloriam tuam: in qua visis & regnas Deus in sæcula sæculorum, Amen.

L I :

SEPTIMA.



## SEPTIMA.

*Oratio ad salutandum Dominum nostrum  
Jesum Christum.*

**A**ve Domine Jesu Christe, Rex sanctorum Angelorum: cui omnes virtutes obediunt cœlorum: quem Cherubini atque Seraphini adorant, laudant, & benedicunt, in sæcula sæculorum.

Ave Domine Jesu Christe, verus Messias, & Sanctus Sanctorum, missus ab arce Patris in hunc mundum: quem omnes Sancti ab origine expectaverunt: quem Patriarchæ magnis desideriis videre cupierunt: quem Prophetæ variis præconiis venturum cecinerunt.

Ave Domine Jesu Christe, Creator ac Redemptor generis humani: quem Apostoli & Evangelistæ mundo prædicaverunt, & verum Dei Filium pro nobis incarnatum, passum, & resuscitatum docuerunt: atque gloriosis signis & prodigiis coruscantes, sanctam per orbem Ecclesiam plantaverunt.

Ave Domine Jesu Christe, fortissimus propugnator, & fidelissimus adjutor Sanctorum, quem gloriosi Martyres spretis mundi hujus delectationibus, spretis & corporis sui suppliciis beatæ passionis agone imitari sunt: atque pro testamento fidei, se morti constanter tradiderunt.

Ave Domine Jesu Christe, summus Sacerdos & verus Pontifex, & Pastor æternus: quem Sacerdotes & Levitæ, Doctores atque Confessores, vita, scientia, & virtutibus clarificaverunt: quem Monachi & Eremitæ, per arctam angustamque viam gradientes, totâ mentis devotione dilexerunt.

Ave Domine Jesu Christe, Sponsus virginum, solamen viduarum, spes pupillorum, refugium destitutorum, lætamen tristem, æterna salus credentium, portusque latissimus omnium ad te venientium: quem speciali castitatis decore, virginum chorus sequitur innumerable, ferens immaculatam aureolam suæ integritatis.

Ave Domine Jesu Christe, lux mundi, fons vitæ, paradysus animæ, jucunditas cordis, dator gratiæ, restitutor innocentie: in quo sunt omnes thesauri sapientiæ & scientiæ Dei absconditi: quem nosse vivere, cui servire regnare est: quem semel vidisse: est omnia didicisse: in quem Angeli videre concupiscunt, ac novo semper desiderio contemplando satiantur, Tibi laus, tibi gloria, tibi gratiarum actio, cum Patre & Spiritu sancto, in sæcula sæculorum. Amen.

*Finis piarum orationum.*

## DE MORTIFICATIONE SUI IPSIUS

**1.** **G**loriosus Apostolus Paulus, docet me mortificatam gerevitam, dicens; *Existimate vos mortuos mundo, viventes autem Deo, in sanctificatione.* Et in alio lo-

co dicit: *Si commortui sumus, & convivemus.* Idcirco mortificatio est mihi necessaria, & quod in omni re me relinquam, & vincam propter Christum; qui pro me mortuus est, & resurrexit

*2. Tim. 2.*



surrexit à morte. In vita Domini nostri invenio perfectam mortificationem me ipsius, secundum affectionem naturæ, & inclinationem sensualitatis, quæ debet utique refrenari & subjugari. Invenio etiam in morte Christi, quandam spirituales & internam vitam; gratiâ & virtutibus plenam, cum qua resurgo ab omnibus perituris rebus, & adhaesionibus creaturarum extra me vel in me, cum aliqua dilectione aut aversione. Et quando ab omnibus vacuus sto, & inoccupatus maneo, tunc ad cælum pergo cum Christo; nec ulla res me tunc delectat, nec ullum solatium recreat; sed solum unio Christi, sua gloria, & esse cum Christo.

2.

2. O quam felix est ista mortificatio, quæ mihi aperit januam æternæ vitæ; Beatus Joannes Evangelista audit vocem de cælo dicentem sibi: *Beati mortui, qui in Domino moriuntur. Amodo enim jam dicit Spiritus, ut requiescant à laboribus suis.* Verè cæleste est verbum, mori peccato, & vim facere naturæ. Nec prius vera interna pax invenitur, nisi homo sibi ipsi sit mortuus & mundo, atque quotidie de novo mori se disponat: Quoniam omni die, oportet me proponere, velle mori propter Christum; & de novo incipere vitam meam emendare; & ad patiendum & moriendum disponere, & me ipsum vincere. Imò omni horâ & tempore oportet me niri, exire à me ipso, & ad fundum me relinquere propter Christum; atque in ejus amore, me ipsum amorem abnegare & adnihilare. Nam tantum lucratur, quantum pro Christo dimitto; & tantum proficio, quantum à me exeo. Ubi me relinquo, ibi me invenio, & ubi me ipsum quero, ibi me perdo,

Apoc. 14.

Ubi me ipsum præterendo ad commodum, ibi me lædo.

30

3. Adhuc in multis habeo mihi ipsi mori secundum spiritum, quamvis caro sit infirma & rebellis. Oportet me sæpius agere, quod invitè facerem; aut sæpe dimittere, quod libenter agere vellem. Et in istis, tota pugna mea & victoria mea consistit. Beatus, qui in omnibus se relinquere scit & frangere; quia coronam æternæ vitæ à Deo accipiet. Hominum præmium vile est & parvum, atque nimis cito perditum: sed apud Deum, nihil potest amitti, nec in tempore, nec in æternitate. Ego volo apud dilectum Dominum nostrum manere, transeat mecum qualitercunque potest. Quia si deliqui, ipse mihi libenter vult indulgere: si bene egi, ipse mihi remunerabit. Hujus rei ipsum accipio testem.

4.

4. O dilecte Jesu, hoc mihi favere digneris, quia ego nihil sum. Bene possum de me conqueri, & valde me ipsum lamentari; quia egomet sum totum, quod me impedit & gravat, cum rectè aspicio & considero. Confiteor Deo, quod est culpa mea. Et quanto melius me humilio & despicio pro omni causâ impediende, eò facilius ad veniam pervenio; & omne onus cum humili sufferentia oneris Christi vinco. Quid mihi prodest, quod impedimentum meum alteri impono? Si jus habeo, bonum est mihi quod taceo & sustineo; quia multa querimonia non meliorat me. Et si injustitiam habeo, tunc potius cedo tempestivè quàm tardè. O dilecte Jesu, juva me portare onus meum; quia sine te nihil possum. Tu es fidelissimus amicus, & auxiliator optimus, quando necessitas rei incumbit. Oportet, quod



quod permittam omnia transire super me, & tam iustum quam iniustum æqualiter portem : quamvis sit mihi sapius grave, tamen meipsum resignabo ; quia mox erit hic finitum ; tam gaudium quam lamentum. Beatus est, qui divina promissa expectare scit ; & permittit Deum secum agere omni tempore, pro meliori beneplacito suo sine electione & exquisi-  
tione.

5. 5. Regrator tibi Domine, de omni gravamine & omni bono, quod mihi advenit, quo etiam indignus sum. Laudatus sis, & benedictus in æternum, pro omni consolatione, quam unquam sensi. In brevissimo tempore, à pressura mea liberatus sum, & statim satis habeo ad portandum ; quia nulla res durabilis est sub sole. Taliter huc venit, & sic ulterius procedit. Pati in hoc tempore, nulli deficiet, ubicunque quis fuerit, vel quicquid habuerit. Benedictus Deus, ego bene promerui pati ; & recta ad me pertinet, tribulari & contemni. Adjuva me amande Jesu, ad bonum & salutem pertingere finem. Spero, quod adhuc totum melius fiet ; quamvis sæpè tibubanter & contrariè, in hoc tempore transit. Super quo possum confidere, nisi super misericordia tua, dilecte Domine, unicum refugium meum ?

6. 6. Quid prodest omne solatium hominum, quando tu me deseris ? Aut quid me impedire potest, cum tu mihi assistis ? Sed tu sæpè nimis remotus es, & absconditus. Non possum confidere in aliquo solatio, & bono sentimento cordis mei ; nam sæpè privatus sum omnibus, antequam scio vel æstimo. In istis oportet, ut iterum discam mihi ipsi mori, & omnem internam consolationem abnegem ; & in voluntate Domini nostri

voluntatem meam deponam, atque exilium meum, & pressuram & caliginem, studeam sufferre ; donec ipsi placeat mei pauperis creaturæ iterum misereri, & me consolari. Oportet gratiam Dei expectare, & cum paupertate me juvare, & pensare, quod nec unius assis valore dignus sum. Deus autem omnium bonorum, principium est & finis. Ipse repente dicit & depauperat, inrigidat & inflamat, exaltat & deprimit, illustrat & obscurat ; multa mira intus agens, quæ faciliter nequeunt enarrari.

7. 7. Eja dilecte Jesu, fac sicut tibi melius videtur, quia ad profundum non intelligo meipsum. Tibi soli notum est, quid mihi utilius sit. Ego committo me tibi, fac mecum secundum præclariorē voluntatem tuam. Quando mihi aliquid obest, hoc citò percipio ; quia inquietudo cordis, non est delectabilis ad portandum. Omnis impeditio, & perturbatio, ex propria exquisi-  
tione venit. Natura semper, quæ sua sunt quærit, diversis modis, foris & intus, in magnis & parvis, & valde invtè vult mori, & seipsam abdicare. Veruntamen oportet ipsam mori & devinci, si spiritus debet quietari, & cum Christo uniri. Eja dilecte Domine, fac me participem gratiæ tuæ, & ne derelinquas me in necessitatibus meis, quia adhuc plura habeo ad superandum. Necdum ad fundum me reliqui, neque totaliter mihi ipsi sum mortuus, nec ab omnibus creatis rebus & affectionibus adhæsis solutus & evacuat-  
us ; sed natura adhuc fortiter in me vivit, & operatur partem suam, & dat mihi intelligere, quod Hiebusus (id est, fomes peccati,) adhuc in terra (id est, carne mea,) moratur. Benefac, dilecte Domine, propter gratiam tuam ; quia in

Fomes  
peccati  
Hiebusus,  
Jesue 13  
Judic. 11

virtutē



virtute tua, mox ad nihilum cadunt, omnes inimici mei. Unico enim verbo, & in ictu oculi, omnes ante te sunt effugati.

8. Verum me oportet semper stare in timore, & nunquam mihi ipsi confidere; quia licet frequenter eripior & liberor, tamen non sum securus. Super nullo sapere, nec comodo, nec solatio, confidere possum; sed tantummodo super misericordia tua, ô dulcis & misericors Domine. Sine te, sum mihi ipsi onus & impedimentum; sed tecum, & in te efficior firmus & liber, & potens mei ipsius. Non possum ponere cor meum super aliquem locum, quantumcunque pulcher ille fuerit; quia totum transitorium est, quicquid hic quaeritur extrinsecus; totum est instabile & insecure, in hominibus, in rebus, in domibus, in clausuris; & ubique invenitur defectus, contrarietas, & resistentia in uno vel in altero; & omnino superpati & premi, ab intra vel extra, venire vult

res qualibet in presenti. Nihil quippe juvat, quando passio venit, quam decorus sit locus, vel quanta bona habeantur.

9. Qui bene cum paupertate se gerere scit, & melius pati pro Deo, ad potius semper minus desiderat quam amplius, ille maiorem pacem obtinebit, & altiore letitiam apud Deum. Quando aliquid temporale nimium diligitur, non poterit diu interna pax possideri. Cum simplici oculo & puro corde, cuncta aspicienda sunt; & cavendum, ne cum delectatione sensualitatis, res considerentur; sic enim absque nocumento, & purus in conscientia homo permanebit. Omnibus rebus mundi, & cunctis gaudiis cæli, præponenda est voluntas Dei. Quod nobis concedat ipse Deus. Amen.

## F I N I S .

DE MORTIFICATIONE SUIPSIS.

## DE HUMILITATE.

*De commendatione humilitatis, qua est fundamentum omnis sanctitatis.*

1. **D**iscite à me, quia mitis sum, & humilis corde, dicit Dominus. Summus Magister & Legifer noster Iesus Christus, humilitatem discere nos hortatur, quam qui bene servaverit, citò perfectus erit; sine qua, nulla lectio ad salutem valet, quia in vacuum laborat, qui sine humilitate aliquid scire conatur. Est autem prima lectio  
à Kemp. De Humilitate.

ctio Christi, humilitas cordis, quasi fundamentum omnis virtutis, & necessaria ad perventionem æternæ salutis. Advertat igitur hanc sacram lectionem, quicumque desiderat habere nunc gratiam, & in futuro vitam æternam. Qui verò istam humilitatem negligit, quicquid agit & cogitat, totum destruit & amittit. Doctrinam igitur Christi, audiant omnes  
M m



omnes Christiani, omnes religiosi, omnes Sacerdotes, omnes Prælati, omnes subditi, omnes nobiles & vulgares, omnes docti pariter & indocti; quia non elata sed humilia docet Christus: non vana, sed utilia; non falsa, sed vera: non terrena, sed cœlestia.

2. *Matth. 11.* Cito igitur doctus erit & beatus, quilibet Christum fuerit humiliter imitatus: Est enim humilitas singularis virtus Christi, contraria diabolo, & odibilis mundo. Qui hanc corde & opere tenet, Deo & Angelis placet, & securior ex hoc sæculo migrabit, sicut dicit Christus: *Beati pauperes Spiritu, quoniam ipsorum est Regnum Celorum.* Itaque sine humilitate non est salus, nec virtus, nec actio Deo grata. Omnis labor, quamvis magnus, quamvis diuturnus, sine hac efficitur nullus. Nam profunda humilitas arcem tenet virtutum, & de suis triumphat semper inimicis. Exultat de gratia Christi, quæ illi datur tanquam amico fideli, quia sponte se subdit creatori, totum bonum ei ascribendo, & sese in cunctis deprimendo. Absque humilitate vera, vacuum geritur nomen sanctitatis: nec prodest foris honestas, si intus humilitas desit. Cum humilitate, ad summum scanditur bonum; sine ea, de summo ruitur in infernum. Testes sunt, humilis Publicanus, & Phariseus elatus. Horre Luciferum de caelo cadentem; inuere Lazarum humiliter jacentem, & ab Angelis in sinum Abraham lætenter elevatum. Unde humilis Mater Jesu, dicit in Cantico suo: *Deposuit potentes de sede, & exaltavit humiles.* Exempla sunt plura in Scripturis sanctis; & quotidie apparent pericula, de sua virtute superbientibus.

*Matth. 5.*

*Luc. 14.*

3. Qui enim appetit hominibus placere, & magnus reputari, Deo vilescit, & sicut fumus evanescit. Omnis superbus coram Deo, nescit seipsum, nec suum prævidet casum. Qui igitur in superbiam, justo Dei judicio, cadit in reprobum sensum. Qui alteri se præfert, & altum de se sapit; cadit ab alto, humili stante. Latens superbia, pestis iniqua: foris blanda, intus amata: in prosperis læta, in adversis turbulenta. Qui alium quærit confundere, & se justificare; seipsum confundit, & suam superbiam demonstrat. Superbi est, sibiipsi placere; & plus sibi, quam alteri credere, & aliorum facta, cito reprehendere, & simplices deridere. Hic est proelivus, ad omne malum. Perversum namque gerit judicium, qui magna de se sentit, & de aliis pejora conflagit.

4. Superbia nunquam melius vincitur, nisi per frequentem exercitationem in operibus respectis, & injuriis multis, & locis extremis. Cui grave est subesse, & seniori obedire, longè est à vera humilitate. Radix virtutum, humilitas; pretiosum ex se producit obedientiæ fructum, & maturescit in charitate. Ad verum humilem spectat, proprios defectus respicere, seipsum judicare, & die noctuque sua commissa deslere. Humilis frater, Prælatum suum non judicat, ne Deum judicem offendant: socium non contristat, seniore honorat, imperfectum tolerat, pro tentato orat, succurrit indigenti. Duo humiles, bene concordant; duo superbi, pro vili etiam re contendunt. Verus humilis, potest securè laudari; quia in veritate, fragilem se cognoscit, & acutos Dei oculos, in omni facto & cogitatu suo, expavescit.

f. Mul.



5. Multum valet ad humiliandum se, occulta Dei iudicia timere; & de extremo fine, semper cogitare. Verè humilis est, quem laus humana non movet. Et qui cœlestem gloriam attendit, omnem temporalem honorem facilliter contemnit. Qui autem propriam gloriam quærit, in veritate non stat: nec Deum perfectè super omnia amat. Humilis P<sup>ro</sup>latus, Deo charus, & in honore dignus. Humilis subditus, magno præmio coronabitur in cælis. Sobrius & castus, Angelorum socius, & hominum decus. Qui sæculi tumultum fugit, castior manebit. Devotus & intentus homo, secretum diligit, ut Deo liberius vacet. Tacitus Monachus frequenter orans, cum Deo ambulat, & cælum penetrat. Bene operans, & injuriam patiens, fructus colliget optimos in futuro. Qui subtilia cogitat, & humilia negligit; foveam parat, in quam nescius cadit. Qui ad altiora anhelat, suspensio animam necat. Prudens homo, nihil præcipitanter agit. Fidelis, nihil negligit; nec fraudem committit. Justus causas rerum examinat, antequam judicat. Sub specie boni, ferè occidimur omnes.

6. Qui nimis sibi confidit, periculo se exponit. Contulius agit, qui experto & doctiori acquiescit. Consilium quærere, & rationes petere, humilitatis est indicium. Sæpe Deus per alium loquitur, quòd homini per se non revelat. In hoc, magna humilitas & obedientia apparet, cum quis verbum Dei ab homine imperito audit, & mansuetè iracundo respondet. Res plena laude, ad in-

juriam tacere. Res confusione digna, superiori contradicere, nec obtemperare præceptis aut monitis virtuosis. Verus humilis obedit, etiam in asperis & vili-  
bus jussis. Plus omnibus in spiritu proficit, qui profundius se humiliat. Hostem suum uno ictu prosternit, qui proprium videre citius frangit. Quid ita rarum & mirandum, sicut magna agere, & humiliter de se sentire? Quid plus? Gratia Dei non abuti, neque potestate concessa.

7. Ad evadendum igitur pericula diabolica, à dextris & à sinistris instantia, non est tam potens armatura, sicut humilitas vera, & oratio devota, cum conscientia pura. Superbus tot habet laqueos, quot cogitationes iniquas & elatas. Humilis mens, in bonis non elevatur: sed gratias agit de omni bono, quod accipit. Qui se tempestive humiliat, sapienter facit, ne deteriora sibi contingant. Per humilitatem, placatur Deus de omnibus offensis, ædificatur proximus in aliquo læsus, confunditur diabolus, apperitur peccatori cælum, purgatur omne delictum. Vis non timere diabolum? Humilia te ipsum. Sola enim humilitas, universos diaboli laqueos evadit, potentiamque prosternit. Quotquot decepti sunt & dejecti, per mentis elationem inflati ceciderunt. Esto ergo humilis, & vilis in oculis tuis; ne Deo displiceas, & cum diabolo corruas. Nam cælum non suscipit, nisi humiles: nec Deus elegit, nisi humiles: nec justos approbat, nisi sint humiles.

*Finis de Humilitate.*



## DE VITA BONA ET PACIFICA.

**S**I vis Deo dignè vivere, debes te ipsum illi resignare. Pone cor tuum, ad quod esse debet, tunc pacem habebis ubique. Propone graviora portare, tunc minora facilius supportabis. Disce in omnibus te vincere, & pacem intus habebis. Quod debeo, hoc volo, & sic cælum habeo. Cum patientia & silentio, major pax acquiritur. Sapiens est, qui bene patiens est. Si debeam me ad omnia vincere, tunc oportet me à mortificatione inchoare. Ante omnia, mortificatio mihi necessaria est & bona. Quamvis haberem istud vel illud, tamen mihi non sufficeret. Depone de corde, placent & displicet, & nihil te urgebit. Eris quietus ab intra, si te non fundis nimis ad extra. Noli sollicitari de bonis terrenis, ne perdas aeterna bona in cælis, quæ Christus promisit amicis suis. Quicquid scitur vel habetur, nihil est, nisi Deus ad vorum habeatur. Qui omnia parvipendit, quæ sub cælo delectant, potest supra cælos tollere mentem, & aliquam de cælestibus gaudiis capere partem.

2. Heu quomodo potest hoc esse, quod utique volumus aliquid esse? Nil tamen in veritate sumus, quamvis nobis ipsis aliquid esse videamur. Quid vis multum conqueri, & hinc inde discurre? Quocunque vadis & venies, non

omnia prospera invenies: Nam ubique occurrit aliquid ad patiendum, & si inde nescis gaudere, oportet te tamen sustinere; & tandem ad pacem te ponere, sicque in patientia omnia superare. Totum nihil est, nisi desistas te ipsum in aliquo quærere. Quamdiu hic vixeris, contra te ipsum certare habes, & adversarium sustinere. In hoc crescit meritum, si propter Deum sustines, quod tibi est molestum.

3. Qui pati fugit, ipsum sequetur; quia ista vita plena est, defectibus & pressuris. Quamvis libenter esses liber, à passionibus cunctis; tamen non esset semper profectus tuus. Patienter ergo sustine, si vis Deo placere, & multum promereri. Nam totum tibi ceder in bonum, si de manu Dei accipis, omne infortunium tanquam animæ lucrum. Recta via ad cælum, est pati propter Deum. In humili sufferentia cognoscitur virtuosa vita, & cælestis sapientia, & sic pervenitur ad aeternum paradisi gaudium. Quod nobis concedat pius Jesus per suæ sanctissimæ mortis meritum, & precibusissimæ Matris suæ semper Virginis Mariæ suffragium. Qui cum Patre & sancto Spiritu vivit & regnat Deus, per omnia sæcula sæculorum. Amen.

*Finis de bona & pacifica vita.*





# VITA BONI MONACHI.

Capita hujus tractatus.

<b>D</b> e renuntiatione sæculi.	Cap. 1
<b>D</b> e remedio vitiorum.	2
<b>D</b> e exemplis Eremitarum.	3
<b>D</b> e patientia Martyrum.	4
<b>D</b> e studio Doctorum.	5
<b>D</b> e labore & oratione Confessorum.	6
<b>D</b> e extirpatione vitiorum.	7
<b>D</b> e exercitiis Monachorum.	8
<b>D</b> e corona & premio Monachorum.	9

## INCIPIT VITA BONI MONACHI.

**A** Udi religiose Monache,  
 Ausculta devote clerice,  
 Attende senex & parvule,  
 Doctrinam bonæ vitæ.  
 Sequere humiles mores Jesu Christi, &  
 exempla Sanctorum,  
 Quæ te ducant ad regna cælorum.  
 Relinque curiosa argumenta verborum,  
 Quæ impediunt profectum devotionis  
 & virtutum.

### CAPUT I.

*De renuntiatione sæculi.*

**M** Onache, ad quid venisti?  
 Quare mundum reliquisti?  
 Cur cappam istam induisti?  
 Et pompam mundi despexisti?  
 Nonne ut Deo servires, & cor tuum cu-  
 stodires?  
 Cur ergo sic vagaris, & vana meditaris?  
 Multum peccas evagando, tempus per-  
 dis orando.

### CAPUT II.

*De remedio vitiorum.*

**A** Pprehende arma & scutum;  
 Evagari non est tutum;  
 Oriari grande vitium:  
 Fabulando perdis præmium.  
 Operando vince tædium:  
 Orando quære remedium.

### CAPUT III.

*De exemplis Eremitarum.*

**M** Ane ergò in cænobio:  
 Vive castè sine proprio:  
 Fuge, tace cum Arsenio;  
 Sede solus cum Macario:  
 Sape ora cum Antonio:  
 Labora cum Pachomio:  
 Jejuna cum Evagrio:  
 Vigila cum Hilario.

### CAPUT IV.

*De patientia Martyrum.*

**S** Ustine dolores cum Laurentio:  
 Despice honores cum Vincentio:  
 Dilige Jesum cum Ignatio:  
 Fer damna rerum cum Eustachio:  
 Confitere Christum cum Tyburtio:  
 Resiste draconi cum Georgio:  
 Coronaberis cum Martyribus,  
 Si resistis malignis instinctibus.

### CAPUT V.

*De studio Doctorum.*

**L** Ege, scribe cum Hieronymo,  
 Viro sancto & doctissimo,  
 Canta hymnos cum Ambrosio,



Psalmos David in psalterio,  
 Stude, doce cum Augustino,  
 De summo bono & divino,  
 Cujus librorum magna copia, illustratur sancta Ecclesia.  
 Disce mori mundo cum Gregorio,  
 Perseverando in Monasterio,  
 Porta Jesum cum martyrio, visita agrum in exilio.  
 Lataberis cum Doctoribus,  
 Si fidem servas cum moribus.

## CAPUT VI.

*De labore & oratione Confessorum.*

Mitare Sanctum Benedictum:  
 Serva omne verbum tibi dictum,  
 Bonum est laborare manibus;  
 Melius orare cum fletibus,  
 Quære Jesum cum Bernardo,  
 Cum Hugone & Richardo,  
 In Canticis Canticorum, & in Choro Angelorum:  
 In studio Clericorum, & in verbis seniorum;  
 In commentis magistrorum, & in libris devotorum.  
 Præmiaberis cum Confessoribus:  
 Si abnegaveris te in omnibus.

## CAPUT VII.

*De extirpatione vitiorum.*

**C**Ave curiosa legere,  
 Quæ possunt mentem distrahere,  
 Stude vitia tua cognoscere:  
 Et viriliter eis resistere.  
 Ambula cum simplicibus, adhære innocentibus.  
 Benefac tibi contrario, supplica pro Adversario.  
 Et eris charus Dei Filio, ac dignus sanctorum consortio.

## CAPUT VIII.

*De exercitiis Monachorum.*

**M**onachorum est orare, gemiscere, & plorare pro suis defectibus.  
 Carnem suam castigare, vigilare, jejunare à voluptatibus.  
 Linguam refrenare, aures obturare,  
 A vanitatibus  
 Oculos custodire, pedes præmunire  
 Ab excursibus.  
 Manibus laborare, labiis exultare, corde jubulare, in Dei laudibus.  
 Caput denudare, basè inclinare, genua curvare crucifixi pedibus.  
 Promptè obedire, nunquam contraire suis majoribus.  
 Libenter servire, citò subvenire infirmis fratribus.

## CAPUT IX.

*De corona & premio Monachorum.*

**N**E vincaris à dæmonio, omnia fac cum consilio, & non facile errabis.  
 Nescis enim quamdiu hic eris, certum est quod morieris, nunquam tamen desperabis.  
 Esto internus devotus Deo totus, mundo ignotus, & eris semper lætus.  
 Multum tibi vilis & despectus, fratri tuo pius & subiectus, maturus & facetus,  
 De bonis Deo da gloriam;  
 Et de malis pete veniam, omnem remittens injuriam.  
 Sicque per Dei gratiam, pervenies ad patriam,  
 Post hujus vitæ miseriam.  
 Ubi Jesus & Maria in summa gaudent gloria cum tota cœli curia.

Ad



## VITA BONI MONACHI.

479

Ad quam nos post multa pericula, per-  
ducat Agnus sine macula.  
Cui laus per æterna sæcula. Amen.

*Finis de vita boni Monachi.*

*Doctrina due altâ mente reponenda.*

**V**itam Jesu Christi stude imitari.  
Castè, justè, pie discas conversari,  
De nato Jesu cane dulciter.  
De passo Jesu dole graviter.  
Læta misce tristibus, tuis exercitiis.  
Mala terge fletibus, cave à delitiis.  
Jesum quære diligenter,  
Clama, pulsa vehementer.  
In devotis hymnis delectare.  
Dulce est de Jesu cogitare.  
Dulcius cum Jesu jubulare.  
Dulcissimum cælos penetrare.  
Jesu ob amorem,  
Omne fer laborem.  
Sustine vim patiens.  
Tace ut sis sapiens.  
Mores rege, aures tege.  
Sæpe ora, sæpe lege.  
Omni die, omni horâ,  
Te resigna sine mora.

*Alterâ Doctrina.*

**A**stueſce JESUM Invocare:  
Mariam sæpe salutare:  
Cruce sancta te signare:  
Omnes Sanctos honorare.  
Contra dæmones certare, vigilare, &  
orare:  
Sacra verba ruminare: Deo laudes de-  
cantare.  
Infimis reanuntiare, ad superna cor le-  
vare.  
Extra Jesum nil amare, nil velle, nil  
optare.  
In Domino semper spera, age recta, pro-  
fer vera.  
Coram Deo te humilia, & gratiam in-  
venies.  
Ama pauca & simplicia, & pacem mul-  
tam senties.  
Qui modò est humilior, in cælo erit  
altior.  
Et qui nunc vivit strictior, in futuro canet  
lætior.  
Secundum merita singulorum,  
Reddentur præmia beatorum.

*Finis de vita boni Monachi.*

## CANTICA SPIRITUALIA.

I.

*Canticum de laudibus sanctarû Virginum.*

**A**Ma JESUM cum Agnete:  
Magdalenam lauda lætè,  
In hymnis & cantis.  
Agatham sanctam venerare:  
Luciam passam imitare:  
Quantum dignè sufficis.  
Barbaram ora cum Balbina,  
Cæciliam ora cum Christina,  
Totis ex præcordiis.

Catharinam cum Sabina,  
Margaretam cum Martina,  
Lauda magnis gaudiis.  
Julianam cum Justina,  
Cuneram cum Euphrosyna,  
Jubila in organis.  
Dorotheam cum Eugenia,  
Petrionillam cum Euphemia  
Honora in tympanis.  
Sophiam cum Eulalia,  
Gertrudem cum Pelagia,  
Exalta lætis vocibus.

Priscana



Priscam, Dariam, cum Helena,

Apolloniam cum Senera,

Magnifica honoribus.

Scholasticam cum Susanna,

Teclam, Claram, cum Joanna,

Latifica cœli præmiis.

Ursulam cum sodalibus,

Cordulam cum æqualibus,

Adorna rosis & liliis.

Omnes sanctæ Virgines cum conjugibus,

Omnes sanctæ Viduæ cum continentibus,

Orate Deum pro nostris excessibus.

Sit laus Deo, honor & gloria,

De Virginum magna victoria,

Et dulcis hymnus sanctis ejus omnibus.

Qui nos suâ gratiâ,

Ad se ducit cum lætitiâ,

Sanctorum suorum meritis.

Post hujus vitæ pericula,

In æterna tabernacula,

Laxis peccatorum debitis.

Amen, Amen, dicant omnia,

Cœlestia & terrestria,

Angeli cum hominibus,

Et creaturis omnibus,

Deo semper gratias.

## II.

*Canticum de gaudiis celestibus, & novem  
Choris Angelorum.*

**O** Qualis quantaque lætitiâ  
Resonat in cœlesti patria,  
Ubi JESUS gaudet cum Maria,  
Læto vultu, dulci melodiâ.

Astant Angelorum Chori,

Laudes cantant Creatori:

Regem cernunt in decore,

Amant corde, laudant ore.

Tympanizant, citharizant,

Volant alis, stant in scalis,

Pullant nolis, fulgent stolis,

Coram summa Trinitate.

Clamant sanctus, sanctus, sanctus,

Fugit dolor, cessat planctus,

In superna civitate.

Concors vox est omnium,

Deum collaudantium;

Fervet amor mentium,

Clarè specularium,

Beatam Trinitatem, in una Deitate.

Quam adorant Seraphin

Ferventi cum amore.

Venerantur Cherubin,

Ingenti cum honore.

Mirantur nimis Throni,

De tanta majestate.

Dominationes hos sequuntur,

Summo bono plenè perfruuntur,

Quibus Principatus conjunguntur,

Lætabundâ semper charitate.

Potestates cum virtutibus,

Micant signis, tonant nubibus:

Malos arcent, bonis parcent,

Admirandâ semper pietate,

Archangeli cum Angelis,

Altè jubitant in cœlis:

Vigilant, custodiunt,

Visitant, erudiunt,

Pueros cum majoribus.

Preces Deo offerunt,

Dona ejus referunt:

Defendunt humiles,

Confortant debiles,

Exultant cum cantoribus.

Hos ergò honorare

Nos decet, & amare

Sinceris mentibus,

Votis ferventibus,

Lingua, doctrina, moribus.

O quàm præclara regio,

Et



Et quàm decora legio,  
 Ex Angelis & hominibus.  
 O gloriosa civitas,  
 In qua summa tranquillitas,  
 Lux & pax in cunctis finibus.  
 Cives hujus civitatis  
 Veste nitent castitatis:  
 Legem tenent charitatis,  
 Firnum pactum unitatis.  
 Non laborant, nil ignorant:  
 Non tentantur, nec vexantur.  
 Semper læti, semper sani,  
 Cunctis bonis sunt repleti.  
 O quàm beata societas,  
 Ubi regnat Deus, Trinitas.  
 Abundat ibi pietas.  
 Cunctos illustrat veritas.  
 Laudem ergò Deo dicite,  
 Omnes Sancti simul psallite:  
 Qui vos per suam gratiam:  
 Ad tantam duxit gloriam:  
 Benedictus Deus, Amen.

## III.

*Hymnus ad Angelos & Sanctos in calo.*

**C**ives cœli attendite,  
 Et Angeli percipite,  
 In hac valle miseriarum,  
 Exulanti succurrite.  
 Vos in perenni gaudio,  
 Et ego in exilio:  
 Pensate, quod gemens dico.  
 An mirum sit, quod lugeo.  
 In terris diu vivere,  
 Et Christum nondum cernere,  
 Grave nimis est animæ,  
 Languenti ejus amore.  
 Hinc sponsa in meridie  
 Sponsum requirit anxie,  
 Quem mysticâ sub specie,  
 Absens colit vera fide.  
 à Kemp. Cantica spiritualia.

ides, spes, & charitas,  
 Clamant Jesu, quò properas?  
 Rabboni, ubi habitas?  
 Cur ire longè simulas.  
 De mea nunc absentia,  
 Noli flere, ô anima.  
 Ibi fige suspiria,  
 Quò te præcedo in patria  
 Consoletur exilium,  
 Gratia stillicidium,  
 Fratrum quoque subsidium,  
 Ac luctus tui præmium.  
 Ad patrem sursum transeo,  
 Ut emissio Paracletò,  
 Exultes & in Filio,  
 Quamdiu es in sæculo.

## IV.

*Devotum carmen cantandum in laudem  
 Jesu Christi.*

**V**itam Jesu Christi stude imitari:  
 Castè, justè, piè discè conversari,  
 De nato Jesu, eane dulciter:  
 De passò Jesu, dole graviter.  
 Lata misce tristibus  
 Tuis exercitiis;  
 Mala terge fletibus,  
 Cave à delitiis.  
 Jesum quære diligenter:  
 Clama, pulsa, vehementer,  
 In devotis hymnis delectare,  
 Dulce est de Jesu cogitare.  
 Dulcius cum Jesu jubilarè,  
 Dulcissimum cœlos penetrare.  
 Jesu ob amorem,  
 Omnem fer laborem,  
 Sustine vim patiens,  
 Tace ut sis sapiens,  
 Mores Rege, aures tege:  
 Sæpè ora, sæpè lege.

N n

V.



## V.

*De patientia servanda.*

**A**dversa mundi tolera,  
 Pro Christi nomine,  
 Plus nocent sæpè prospera,  
 Cum levi flamine.  
 Cum à multis molestaris,  
 Nihil perdis, sed lucraris:  
 Patiendo promeris:  
 Multa bona consequeris.  
 Nam Deum honorificas.  
 Et Angelos lætificas:  
 Coronam tuam duplicas,  
 Et proximos ædificas.  
 Labor parvus est, & brevis vita:  
 Merces grandis est, quies infinita,  
 Toties martyr Dei efficeris,  
 Quoties pro Deo poenam patieris.  
 Patiendo fit homo melior,  
 Aut pulchrior, vitro clarior,  
 A vitiis purgator,  
 Virtutibus perfectior:  
 Jesu Christo acceptior,  
 Sanctis quoque similior,  
 Hostibus suis fortior,  
 Amicis amabilior.  
 Assuece Jesum invocare,  
 Mariam sæpè salutare:  
 Cruce sancta te signare:  
 Omnes sanctos honorare:  
 Contra demones certare,  
 Vigilare & orare.  
 In Domino semper spera,  
 Age recta, profer vera,  
 Coram Deo te humilia,  
 Et gratiam invenies.  
 Ama pauca & simplicia,  
 Et pacem bonam reperies.

## VI.

*De Dulcedine Jesu, & de plenitudine gratiarum, & omnium virtutum, quas habuit.*

*Sequentia.*

**O** Dulcissime Jesu,  
 Qui de cælo descendisti,  
 Et vitam mundo contulisti.  
 Legam de te, scribam de te,  
 Quæram te, cantem de te,  
 Jesu puer dulcissime.  
 Nam suavis es & mitis,  
 Humilis, plenusque virtutibus,  
 Fili Dei altissime.  
 Multum dimittis, multum amanti,  
 Nec postea te deserenti.  
 Qui te relinquit,  
 Heu quid hic facit?  
 Qui te invenit,  
 Eja quid habet!  
 Illum profectò tenet & habet,  
 Qui cælum terramq; ut Deus regit,  
 Ut homo miro modo præsepè,  
 Quasi pauper prælegit.  
 O venerabile præsepium,  
 In quo mundi servatur pretium:  
 Nunc latet, nunc patet:  
 Tunc scietur, cum pro multis expendetur.  
 Hæc sunt delitiæ fidelis animæ,  
 Sæpè mente revolvere,  
 Humilia tua, Jesu Christe.  
 Hæc sunt sanctæ reliquiæ, piæ memoriæ:  
 Quas devotè recolere,  
 In absentia tua vis Domine.

Jam



Jam oportet me gaudere,  
 Nam damnatus pro scelere,  
 Eram, & clausus tetro carcere:  
 Sed Jesus venit cum claro lumine.

Laus tibi Jesu benigni,  
 Et amoris tui igne,  
 Accende me,  
 Ut semper amem te.

Nudus eram, nec sciebam,  
 Claudicabam, & languebam,  
 Et ad me dignatus es descendere,  
 Jesu clemens & cœlestis medice.

Bone Pater, multum nos amasti,  
 Quibus Jesum præparasti  
 Ab æstibus umbraculum.

O Jesu clarissimum speculum,  
 Splendens per totum sæculum:  
 Tu nostrum es remedium.

Quidni ego dolerem,  
 Jesu mi si non venisses,  
 Et ægrotum visitasses.

Nunc verò & gaudebo,  
 In te Jesu Deo meo:  
 Et servus semper ero.

## VII.

*Versus de sancta Cruce.*

*Vitæ boni Monachi, crux est, sed dux  
 paradisi*

*Portat portantem, salvat sua vulnera  
 flentem.*

*Firmat nutantem, tollit ad æthera  
 mentem,*

*Vincit tentantem, demonem de calo  
 cadentem.*





# INDEX PRIMUS

*Modus ac Ratio legendi sequentes Indices.*

Primus numerus P. Pag.

Secundus C. Caput

Tertius N. numerum Marginalem

} Significat.

Notandum opuscula breviora, rejecta esse in finem: Vocantur autem brevia, ad distinctionem præcedentium, quæ sunt longiora.

*Loca sacre Scripturæ, quæ vel explicantur, vel illustrantur.*

## DEUTERONOMIUM.

**C** Ap. 13. Tolle librum istum, & pone in latera arce, pag. 214. cap. 5. n. 1.

## PSALMI.

Psal. 2. Apprehendite disciplinam, ne quando irascatur Dominus, & pereatis de via iusta, p. 31. c. 1. n. 1.

Psal. 9. Patientia pauperum non peribit in finem, p. 208. c. 1. n. 1.

Vide derelictus est pauper, orphano tu eris adjutor, p. 91. c. 19. n. 1.

Psal. 16. Satiabor, cum apparuerit gloria tua, p. 107. c. 34. n. 1.

Psal. 17. Cum sancto sanctus eris, & cum peruerso perverteris, p. 59. cap. 1. n. 1.

Psal. 22. Dominus regit me, & nihil mihi deerit: in loco pascua ibi me collocauit, p. 174. c. 1. n. 1.

Psal. 24. Ad te levavi animam meam, p. 104. c. 32. n. 1.

Oculi mei semper ad Dominum, quoniam ipse euellet de laqueo pedes meos, p. 103. c. 31. n. 1.

Psal. 25. Domino dilexi decorem domus tua, & locum habitationis gloria tue, p. 216. c. 9. n. 1.

Psal. 26. Viriliter agite, confortetur cor vestrum, p. 85. c. 14. n. 1.

Psal. 30. Ego dixi in excessu menti mea, projectus sum a facie oculorum tuorum, p. 42. c. 20. n. 1.

Diligite Dominum omnes Sancti ejus, p. 79. c. 4. n. 1.

Psal. 32. Exultate iusti in Domino, p. 79. c. 3. n. 1.

Rectos decet collaudatio, p. 256. c. 12. n. 1.

Psal. 38. Semper laus ejus in ore meo, p. 74. c. 18. n. 1.

Magnificate Dominum mecum, & exultemus nomen ejus in idipsum, p. 80. c. 5. num. 1.

Iuxta est Dominus iis, qui tribulato sunt corde, p. 62. c. 7. n. 1.

Psal. 34. Expugna impugnantes me, p. 82. c. 13. n. 1.

Dic anima mea, salus tua ego sum, p. 21. c. 12. n. 1.

*Omnia*



# SACRÆ SCRIPTURÆ

*Omnia ossa mea dicent, Domine, quis similis tibi pag. 18. c. 11. n. 1.*

*Psal. 36. Spera in Domino, & fac bonitatem, p. 60. c. 11. n. 1.*

*Psal. 37. Domine ante te omne desiderium meum, & gemitus meus à te non absconditus, p. 162. c. 5. n. 1.*

*Dolor meus in conspectu meo semper, p. 6. num. 1.*

*Psal. 38. Universa vanitas, omnis homo vivens, p. 255. c. 7. n. 1.*

*Psal. 41. Apud me oratio Deo vita mea p. 184. c. 17. n. 1.*

*Psal. 53. Tu es ipse Rex meus, & Deus meus, p. 46. c. 22. n. 1.*

*Psal. 4. Diffusa est gratia in labiis tuis, p. 51. c. 24. n. 1.*

*Astitit regina à dextris tuis in vestitu deaurato, p. 48. c. 23. n. 1.*

*Psal. 50. Cor mundum crea in me Deus, p. 257. c. 13. n. 1.*

*Psal. 54. Ecce elongavi fugiens, & mansi in solitudine, p. 15. c. 9. n. 1. & p. 89. c. 18. num. 1.*

*Psal. 62. Adhesit anima mea post te, p. 24. c. 13. n. 1.*

*Psal. 68. Quarite Deum, & vivet anima vestra p. 105. c. 33. n. 1.*

*Ego sum pauper & dolens, salus tua Deus suscepit me, p. 92. c. 20. n. 1.*

*Psal. 70. Domine spes mea à juventute mea, p. 12. c. 7. n. 1.*

*Psal. 71. Sit nomen Domini benedictum in sacula, p. 55. c. 25. n. 1.*

*Psal. 72. Mihi autem adherere Deo bonum est, p. 2. c. 1. n. 1.*

*Psal. 73. Pauper & inops laudabunt nomen tuum, p. 78. c. 2. n. 1.*

*Psal. 75. Et factus est in pace locus ejus, p. 81. c. 8. n. 1.*

*Psal. 76. Renuit consolari anima mea, p. 16. c. 10. n. 1.*

*Psal. 83. Beati, qui habitant in domo tua Domine, in sacula seculorum laudabunt te, p. 218. c. 12. n. 1.*

*Psal. 85. Latetur cor meum ut timeat nomen tuum, p. 5. c. 2. n. 1.*

*Psal. 86. Gloriosa dicta sunt de te, p. 214. c. 6. n. 1.*

*Psal. 90. Scuto circumdabit te veritas ejus, non timebis à timore nocturno, p. 180. c. 10. n. 1.*

*Cum ipso sum in tribulatione. p. 81. c. 6. num. 1.*

*Psal. 101. Paucitatem dierum meorum nuntia mihi, p. 7. cap. 5. n. 1.*

*Respexit Deus in orationem humilium, & non sprevit precem eorum, p. 217. c. 10. num. 1.*

*Psal. 111. Generatio rectorum benedicetur, p. 187. c. 20. n. 1.*

*Psal. 114. Convertere anima mea in requiem tuam, quia Dominus benefecit tibi, p. 101. c. 29. n. 1.*

*Psal. 118. Anima mea in manibus eius semper, p. 88. c. 17. n. 1.*

*Confige timore tuo carnes meas, p. 83. c. 11. num. 1.*

*Labor ego super eloquia tua, sicut qui invenit spolia multa, p. 213. cap. 3. num. 1.*

*Servus tuus ego sum, da mihi intellectum, Ec. p. 215. c. 7. n. 1.*

*Cognovi Domine, quia aequitas judicis tua, & in veritate tua humiliasti me, p. 243. c. 1. n. 1.*

*Declaratio sermonum tuorum illuminat, & intellectum dat parvulis, p. 93. c. 11. num. 1.*

*Dormitavit anima mea prætadio, p. 26. c. 14. n. 1.*



# I N D E X

- In corde meo abscondi eloquia tua, ut non peccem tibi, p. 185. c. 19. n. 1.*  
*Lucerna pedibus meis verbum tuum, & lumen semitis meis, p. 260. cap. 3. num. 1.*  
*Averte oculos meos ne videant vanitates, p. 13. c. 8. n. 1.*  
*Psal. 122. Ecce sicut oculi ancilla in manibus Domina sue, ita oculi, &c. p. 30. c. 16. n. 1.*  
*Psal. 124. Benefac Domine bonis & rectis corde, p. 282. c. 14. n. 1.*  
*Psal. 137. In conspectu Angelorum psallam tibi, p. 99. c. 26. n. 1.*  
*Psal. 138. Mirabilia opera tua, & anima mea cognoscet nimis, p. 34. cap. 17. num. 1.*  
*Imperfectum meum viderunt oculi tui, p. 88. c. 4. n. 1.*  
*Psal. 140. Dirigatur oratio mea, sicut incensum in conspectu tuo, p. 100. c. 28. num. 1.*  
*Psal. 141. Educ de tribulatione animam meam, p. 10. c. 6. n. 1.*  
*Psal. 145. Lauda anima mea Dominum, p. 181. c. 11. n. 1.*  
*Psal. 149. Laus ejus in Ecclesia Sanctorum, p. 215. c. 8. n. 1.*
- ## P R O V E R B I A.
- Cap. 3. Beatus homo, qui invenit sapientiam, p. 69. c. 3. n. 1.*  
*Cap. 10. Audiens sapientiam, sapientior erit, p. 59. c. 2. n. 1.*  
*Cap. 13. Vult, & non vult piger, p. 178. c. 8. num. 2.*  
*Cap. 21. Vir obediens loquetur victoriam, p. 176. c. 5. n. 1.*
- ## C A N T I C A C A N T I C O R U M.
- Cap. 1. Introduxit me Rex in cellaria sua.*  
*Cap. 2. Ego flos campi & lilium convallium, p. 77. c. 1. n. 1.*  
*Cap. 5. Manus mea stillaverunt myrrham, & digiti mei pleni myrrha probatissima, p. 166. c. 3. n. 1.*  
*Cap. 8. Pone me ut signaculum super cor tuum, p. 177. c. 6. n. 1.*  
*Euge dilecte mi, &c. p. 95. c. 23. n. 1.*
- ## S A P I E N T I A.
- Cap. 2. Invidia diaboli mors introivit in orbem terrarum, p. 183. c. 15. nu. 1.*
- ## E C C L E S I A S T I C U S.
- Cap. 6. Fili à juventute tua excipe doctrinam, & usque ad canos invenies sapientiam, p. 212. c. 1. n. 1.*
- ## E S A I A S.
- Cap. 24. Secretum meum mihi, p. 251. c. 7. n. 1.*  
*Cap. 38. Ecce in pace amaritudo mea amarissima, p. 42. c. 20. n. 1.*
- ## O S E E.
- Cap. 14. Jussus germinabit sicut lilium, p. 76. in Prologi initio.*
- ## M A T T H E U S.
- Cap. 4. Non in solo pane vivit homo, sed in omni verbo, &c. p. 174. c. 2. n. 1.*  
*Cap. 5. Beati qui lugent, quoniam ipsi consolabuntur, p. 83. c. 12. n. 1.*  
*Beati mundo corde, p. 252. c. 9. n. 1.*  
*Beati pacifici, quoniam filii Dei vocabuntur, p. 2. c. 10. n. 2.*  
*Ecce merces vestra multa est in calo, p. 258. c. 15. n. 1.*  
*Cap. 11. Discite à me quia mitis sum, & humilis corde, p. 253. c. 2. nu. 1. Et p. 279. n. 1.*  
*Regnum calorum vim patitur, &c. p. 61. c. 4. n. 1.*  
*Cap. 16. Vade post me Satana p. 255. c. 6. num. 1.*  
*Cap. 17. Faciamus hic tria tabernacula, tibi unum, pag. 108. cap. 1. 2. & 3.*



SACRÆ SCRIPTURÆ.

JOANNES.

Cap. 19. *Sinite parvulos venire ad me, talium est enim Regnum cælorum,* p. 253. c. 1. n. 1.

Cap. 25. *Quod uni fecistis de his fratribus meis minimis, mihi fecistis,* p. 73. c. 17. n. 1.

*Vigilate, quia nescitis diem neque horam,* p. 96. c. 25. n. 1.

MARCUS,

Cap. 14. *Sustinete hic & vigilate,* p. 178. c. 8. n. 1.

*Vigilate & orate, ut non intretis in tentationem,* p. 82. c. 10. n. 1.

LUCAS,

Cap. 4. *Medice, cura te ipsum,* p. 95. c. 24. n. 1.

Cap. 6. *Va vobis, qui ridetis nunc, quia flebitis,* p. 61. cap. 5. n. 1.

Cap. 11. *Beati qui audiunt verbum Dei,* p. 62. c. 6. n. 2.

*Qui non colligit mecum, dispergit,* p. 81. c. 9. n. 1.

Cap. 12. *Noli in sublime tolli,* p. 181. c. 12. n. 1.

Cap. 14. *Qui non renuntiaverit omnibus, quæ possidet, non potest meus esse discipulus,* p. 218. c. 11. n. 1.

Cap. 15. *Erant appropinquantes ad Jesum Publicani & Pharisei,* p. 40. cap. 18. num. 5.

Cap. 16. *Canes lingebant ulcera ejus,* p. 92. c. 20. n. 2. Et. p. 265. num. 4.

Cap. 21. *In patientia vestra possidebitis animas vestras,* p. 92. c. 21. num. 1.

Cap. 24. *Pax vobis. Ego sum, nolite timere,* p. 102. c. 30. n. 1.

*Nonne cor nostrum ardens erat in vobis, dum loqueretur in via?* p. 66. cap. 1. num. 2.

Cap. 6. *Colligite, quæ supererant fragmenta, ne pereant,* p. 188. in Prologo num. 1.

Cap. 16. *Oves meæ vocem meam audiunt,* p. 213. c. 2. n. 1.

Cap. 12. *Ambulate, dum lucem habetis,* p. 80. c. 7. num. 1.

Cap. 15. *Qui manet in me, & ego in eo, hic fert fructum multum,* p. 65. c. 10. num. 1.

*Manete in dilectione mea,* p. 71. cap. 16. num. 1.

Cap. 16. *In mundo pressuram habebitis: sed confidete, ego vici mundum,* p. 87. cap. 16. num. 1.

ACTA APOSTOLORUM,

Cap. 9. *Vas electionis est mihi iste,* p. 254. c. 4. n. 1.

AD ROMANOS,

Cap. 6. *Existimate vos mortuos quidem esse peccato, viventes autem Deo,* p. 270. num. 1.

1. AD CORINTHIOS,

Cap. 15. *Stabiles estote & immobiles in opere Domini semper,* p. 86. c. 15. n. 1.

Cap. 16. *Omnia vestra in charitate fiant,* p. 68. c. 13. n. 1.

2. AD CORINTHIOS,

Cap. 6. *Tanquam nihil habentes, & omnia possidentes,* p. 255. c. 9. n. 1.

AD GALATAS,

Cap. 6. *Alter alterius onera portate,* p. 79. c. 15. n. 1.

AD EPHESIOS,

Cap. 4. *Renovamini autem spiritu mentis vestræ,* p. 198. c. 1. n. 1.

*Supportantes invicem in charitate,* p. 178. c. 7. n. 1.

Cap. 6. *Induite vos armaturam Dei, ut possitis stare,* &c. p. 183. c. 16. n. 1.

AD



# I N D E X

## AD PHILIPPENSES,

*Cap. 4. Gaudete in Domino semper, p. 63. c. 8. n. 1.*

## 1. AD THESSALONICENSES,

*Cap. 5. Sine intermissione orate, p. 66. c. 12. num. 1.*

## 2. AT TIMOTHEUM,

*Cap. 2. Si commortui sumus, & convivimus, p. 270. num. 1.*

## J A C O B U S,

*Cap. 4. Resistite diabolo, & fugiet à vobis, p. 179. c. 9. n. 1.*

*Humilibus autem dat gratiam, p. 64. c. 9. num. 1.*

## 1. P E T R I,

*Cap. 2. Rationabile sine dolo, p. 256. c. 11. num. 1.*

## A P O C A L Y P S I S,

*Cap. 2. Vincenti dabo manna absconditum, & nomen novum, p. 251. c. 6. n. 1.*

# I N D E X S E C U N D U S,

## Nempe rerum.

### A.

**A**bnegatio sui, atque omnium rerum, pag. 218. cap. 11. num. 12.

In sui abnegatione, omnis perfectio consistit, p. 167. c. 3. §. 2.

Abstinencia servanda, p. 146. c. 12. n. 1. & seq.

Acedia, v. Negligentia, Piger.

Diabolus sæpè per acediam plurimos tentat, p. 241. c. 2. n. 37. 38.

Ædificationi mutuæ incumbendum, p. 156. c. 1. §. 14.

Adhærere Deo, v. Unio cum Deo.

Id adversis constitutus, Dei te voluntati resigna, ac in illo confide, p. 204. c. 8. n. 1. & seq.

Remedium in adversis rebus, est patientia, p. 176. c. 4. n. 3.

Recurrendum tunc ad Christi passionem, p. 210. c. 13. n. 2.

Affectus, v. Passiones.

Affinitas vera quæ sit, p. 30. c. 15. n. 8.

Alphabetum pro Novitiis & Religiosis, p. 262. per totum.

Amare Deum castè, quid sit, p. 35. c. 17. n. 3.

Deum amare & laudare, opus est illustre, p. 98. c. 26. n. 1.

Amator Dei verus quis sit, p. 79. c. 4. n. 1. & seq.

Deus est omnia sese amanti, p. 100. c. 28. n. 1. & seq.

Amor, v. Unio, Scutum.

Amor Dei & proximi diligenter retinendus, p. 145. c. 11. n. 1. & seq.

De amore Christi, p. 71. c. 16. num. 1. & seq.

Amor Dei, quid efficiat in homine, p. 5. c. 1. n. 13. Et c. 25. n. 2.

Ambulare coram Deo, v. anima.

Amicus verus quis sit, p. 245. c. 3. n. 1. & seq.

Anima bona quæ sint, p. 250. c. 5. n. 1.

Quomodo anima debeat cum Deo purè ambulare, p. 80. c. 7. n. 1.

Quanta



# R E R U M.

Quanta sit animæ felicitas Deum diligentis, p. 82. c. 9. n. 1.

Tunc anima fervet, quando à suo Sponsulo Christo visitatur, p. 262. c. 5. num. 1.

Anima semper liberum accessum habet ad Deum, cum ipsa voluerit, p. 38. c. 18. n. 2.

Armatura Christi & Sanctorum, contra vitia, p. 183. c. 16. n. 1. 2. 3

Ave Maria, v. Salutatio Angelica.

## B.

Bellum, v. Pugna.

Varia impiorum bella, p. 182. c. 13. num. 1.

Beneficentia, v. Gratia.

Beneficia Dei, v. Gratia Dei.

Beneficiorum Dei catalogus, p. 54. c. 25. n. 6. & seq.

Beneficium triplex, aut naturæ, aut gratiæ, aut superexcellentiæ, p. 58. c. 25. num. 13.

Bonum summum, finisque noster est Deus, p. 107. c. 34. n. 1. & seq.

Unicum & summum bonum, querendum est, p. 21. c. 12. n. 1. & seq.

Bonorum mundanorum contemptus, p. 174. c. 1. n. 1. & seq.

Bona & meliora sunt semper in exemplum trahenda: mala verò & deteriora sunt vitanda, p. 190. c. 2. num. 1. & seq.

## C.

Antica spiritualia nonnulla, p. 179. per totum.

In cantu honor Dei queri debet, & omnis vanitas excludenda est, p. 74. c. 18. n. 1.

Carnis effectus qui sint, p. 146. c. 11. num. 2.

Castitas servanda, ibid. c. 12. n. 1. & seq.

Cedere minimè alteri, docet ipse diabolus, p. 176. c. 5. n. 1.

Ad cœlestia anhelandum, p. 171. c. 3. §. 7.

Cella, v. Solitudo.

Cellæ custodia plurima bona affert, p. 200. c. 4. n. 1. & seq. Item c. 8. n. 1. & seq. Item c. 15. Item p. 140. c. 7. n. 3. 4.

Charitas, v. Amor.

De laudibus charitatis, & de fructibus ejusdem, p. 68. c. 13. n. 1. & seq.

Chorus mox ad eundem, cum datur signum, p. 215. c. 8. n. 1. & seq.

Tria sunt in choro, oratio, lectio, & operatio, p. 202. c. 5. n. 1. 2.

Religiosi qui se habere debeant in choro, p. 142. c. 8. n. 1. & seq.

Christus, v. Meditari.

Christus flos est campi, & lilium convallium, p. 77. c. 1. n. 1.

Conformare se vitæ Christi, summa est perfectio, p. 147. c. 13. n. 1. & seq.

Variis modis nos Christus portat, p. 30. c. 15. n. 7.

Christi vitam imitari debemus, p. 73. c. 17. n. 1. & seq.

Quomodo, & quibus in rebus, eam imitabimur, ibid. c. 17. n. 1.

Cibus, v. Refectorium.

Cogitationibus quomodo obsistendum, p. 254. c. 6. num. 1. Et c. 13. n. 1.

Cognatio, v. Affinitas.

Colloquia, v. Loqui.

Quisnam divinis colloquiis aptus efficiatur, p. 173. c. 3. §. 10.

In colloquiis Fratrum à quibus materiis abstinendum sit, & quæ in iis tractari debeant, p. 158. c. 1. §. 19.

De communione sacra, p. 240. c. 2. n. 31. 32. 34. 35. 36.



# I N D E X

- De compassione fraterna, p. 95. c. 24. n. 1. & seq.
- Complacentia propria Deo valde displicet, p. 181. c. 12. n. 1. 2.
- Concupiscentiæ motus, v. Religiosus.
- Confidentia, v. Fiducia.
- Conformare se oportet Christo crucifixo, p. 80. c. 6. n. 1. & seq.
- Conscientiæ bona gaudia, p. 63. c. 8. n. 1.
- Quovis in loco & tempore, conscientiæ suæ semper habenda ratio, p. 88. cap. 17. n. 1. & seq.
- Conscientia examinanda tum manè, tum vesperi, atque etiam sæpius, p. 204. c. 9. nu. 1. & seq. Item c. 11. num. 1. & seq.
- Consolatio, v. Tribulatio.
- Deus non relinquit animam absque consolatione, p. 41. c. 19. n. 4.
- Consolatio tum pauperum, tum infirmorum, tum etiam aliorum, qui affliguntur, p. 265. per totum.
- Quænam sit vera & interna consolatio, p. 251. c. 6. n. 1. 2.
- Magnum est, seipsum intus consolari, p. 228. c. 1. 12.
- Subinde spiritualis consolatio subtrahitur in bonum, p. 246. c. 5. n. 1. 2.
- Magna est in Deo consolatio & dulcedo, p. 18. c. 11. n. 1. & seq.
- Tempore tribulationis divina adesse solet consolatio, p. 62. c. 7. n. 1. & seq.
- Multa consolatio reperitur in lectione Patrum & Doctoris Ecclesiæ, p. 227. c. 1. n. 9.
- De contemptu omnium consolationum terrenarum, p. 16. c. 19. n. 1. Item p. 212. c. 16. num. 1. Item p. 227. c. 1. n. 7.
- Conversari cum quibus oporteat, p. 158. c. 1. §. 12.
- Conversio nostri debet quotidie fieri, p. 135. c. 3. n. 2.
- Quis dicatur verè conversus, ibid. c. 3. n. 5.
- De vera ad Deum conversione, ibid. n. 1. & seq.
- Conversionis principium ferverescere solet, deinde sensum tepescere, pag. 2. c. 4. n. 2.
- Cordis habenda diligens custodia, pag. 139. c. 5. n. 1. & seq.
- Quæ juvant ad cordis pacem & quietem, p. 140. c. 5. n. 6.
- Magna humani cordis instabilitas, pag. 65. c. 10. n. 1. & seq.
- De vera cordis compunctione, p. 219. n. 1. & seq.
- Cor sæpenumero ad Deum est elevandum, p. 100. c. 3. n. 1. & seq.
- Solitudo adeunda, ut nos ipsos colligamus, p. 247. c. 7. n. 1.
- A creaturis elongatio, p. 15. c. 9. n. 1. 1.
- Crucis signaculum triplex, p. 177. c. 6. n. 1. 2.
- Crux est via unica ad cælum, p. 249. c. 1. n. 1.
- Curam nostri sedulam gerit Christus, c. 18. n. 2.
- Curiosus ne sit homo, maximè in rebus ad se non spectantibus, p. 161. cap. 1. §. 27.
- D.
- D**electationes atque studia hominum varia, p. 67. c. 12. n. 6.
- Desiderium animæ quærentis Deum, p. 2. c. 1. n. 1. & seq.
- De desiderio fruitionis divinæ, p. 40. c. 19. n. 1. & seq.

De-



# R E R U M.

Devotionis paupertas, v. Laudandus Deus.

Devotionis gratia acquirenda est, p. 61. c. 5. n. 1.

Devotionis sensus, varias ob causas, subinde tollitur, p. 78. c. 2. n. 1. 2.

Deus est ineffabilis, incomprehensibilis, interminabilis &c. p. 4. c. 1. n. 10.

Nemo potest dicere, quod sit Deus in se: fortè quispiam explorare poterit, quid in nobis efficiat, p. 3. c. 1. n. 5.

Deus docet animam supra omnes docentes, eamque illuminat, p. 260. c. 3. num. 1.

Variis modis explicatur, qualis sit Deus, erga bonos & malos, p. 22. c. 12. n. 4.

Cur subinde se subtrahat animæ amanti, p. 24. c. 13. n. 4. 5. & seq.

Deus vult non partem, sed totum habere, sibi que donari, p. 54. c. 25. n. 5.

Quomodo Deus animam diligit, p. 5. c. 1. n. 12. 13.

Visio Dei summa est beatitudo, p. 40. c. 19. n. 1.

Diabolus, v. Discordia, Divites.

Invidia ejus contra hominum salutem, est maxima, p. 183. c. 15. n. 1. 2.

Psallendum sæpè adversus diabolum, p. 216. c. 8. n. 3.

Variis nos modis decipere conatur, p. 179. c. 9. n. 1. 2.

Dilectio Dei, v. Deus.

Disciplinæ claustralis fructus, pag. 131. c. 1. n. 1.

De claustralium seu religiosorum disciplina, ibid. c. 1. n. 1. & seq.

Tria conservant claustralem disciplinam, silentium, divinum officium, & labor, ibid. c. 1. n. 1. & seq.

Discordias ubique ferit diabolus p. 183. c. 15. n. 1. 2.

Discretio in quolibet spirituali exercitio servanda, p. 144. c. 9. n. 1. & seq.

Dispensator, v. Superior, Oris custodia. Exemplum bonum. Scandala, Aedificatio, Novitates. Narrationes utiles.

Fidelis dispensator quid præstare debeat, p. 151. c. 1. §. 2. 3.

Prudentem eum esse convenit, p. 154. §. 7. 8. 9.

Certis horis sibi debet vacare, p. 155. c. 1. §. 11.

Gratus est omnibus, quando fidelis est, p. 152. c. 1. §. 4.

Tempore inopiæ, de Dei bonitate bene sperare debet, ibid. c. 1. §. 5.

Oportet dispensatorem esse & fidelem & prudentem, p. 151. c. 1. §. 2.

S. Marthæ officio fungitur, ibid. c. 1. §. 1.

Expedi, ut det Fratribus suis necessaria, quantum per facultates licet, p. 153. c. 1. §. 6.

Dissoluti in ratione vivendi, v. Passio Christi.

Divites & honoratos maximè tentat diabolus, p. 179. c. 9. n. 2.

Doctorum exempla, verba, & scripta, sunt fragmenta, quæ in cophinis colligi debent, p. 188. in Pologo n. 1.

Dolor & fletus peccatorum, p. 6. c. 3. n. 1. & seq.

Domi manere, res optima, v. Solitudo.

De donis gratiæ, & de scrutinio super dilecto, p. 27. c. 15. num. 1. & seq.

Dormiturus. quid agere debeat, p. 206. c. 11. n. 1. & seq.

Dulcedo, v. Consolatio.

E.

**E**cclésiastici, v. Religio Monasterium.

Emendatio nostri, hic aut lenra est, aut nulla, p. 10. c. 6. n. 1. 2.



# INDEX

Examen conscientiae, v. Conscientia.  
 Exercitia, v. Passio Christi, Discretio.  
 Exemplo bono aliis praelucere, p. 156.  
 c. 1. §. 13.  
 Exercitia, quod destinentur, p. 210. c. 11.  
 num. 1.

## F

**F**abulae sunt evitandae, p. 203. c. 7.  
 n. 1. 2.  
 Familiaritas, v. Superior.  
 Quos imitari debes, ne sint tibi familia-  
 res, p. 156. c. 1. §. 13.  
 Fervor spiritus, quomodo possit acquiri,  
 p. 132. c. 1. n. 5.  
 Festorum ornatus quid designet, p. 216.  
 c. 9. n. 1. & seq.  
 Fiducia virilis in Deo habenda est, p. 211.  
 c. 14. n. 1.  
 Divinae miserationis fiducia amplecten-  
 da, p. 38. c. 18. n. 1. & seq.  
 Tempore tribulationis, fiducia in Deo  
 ponenda, p. 65. c. 11. n. 1. & seq.  
 Fletus, v. Dolor.  
 Ridendi hic nulla causa, flendi autem  
 plurimae, p. 6. c. 3. n. 2.  
 Flos campi, v. Christus.  
 S. Francisci laudes, p. 35. c. 5. n. 1.  
 Fuga saeculi, p. 59. c. 2. n. 1. & seq.

## G

**G**loria aeterna, v. Vita aeterna, Ani-  
 ma, Appetenda est, p. 150. c. 16.  
 num. 1. 2.  
 De caelestis gloriae desiderio, deque lau-  
 de Dei aeterna, p. 100. c. 26. num. 1.  
 & seq.  
 Animae gemitus praeter desiderio gloriae  
 prorogata, p. 42. c. 20. n. 1. & seq.  
 Angelorum laus in caelo quanta & qua-  
 lis, p. 99. c. 27. n. 1. & seq.

Quidvis agendum, & quidvis patien-  
 dum, pro gloria hac adipiscenda, p.  
 258. c. 15. n. 1. 2.  
 Commendatio caelestis gloriae, & quo-  
 modo in ea laudetur Deus, p. 218. c.  
 12. n. 1. 2.  
 Quae personae ornant illam, p. 44. c. 21.  
 n. 2. 3. & seq.  
 Memoria caelestis gloriae, p. 44. c. 21. n.  
 1. & seq.  
 Gloria inanis cavenda, p. 181. cap. 12.  
 n. 1. 2.  
 Contemnenda est, p. 244. c. 2. num. 1.  
 & seq.  
 Remedia contra eam, & contra laudes  
 operum, p. 247. c. 8. n. 1. Et cap. 9.  
 num. 1.  
 Gratia Dei, v. Tristitia, Unio animae.  
 Superbia causat gratiae defectum, p. 111.  
 c. 2. n. 10.  
 Praesente gratia, optimè est animae, &  
 contra, p. 27. c. 14. n. 2. 3.  
 Grata debet esse anima pro omni bono,  
 & pro beneficiis quibuscunque ac-  
 ceptis, p. 80. c. 5. n. 1. Et p. 57. c.  
 25. n. 11. & seq.  
 Quod nos Deus ad suam imaginem fe-  
 cerit, multae ei gratiae habendae sunt,  
 p. 55. c. 25. n. 7.

## H

**H**onorati, v. Divites.  
 Horae Canonicae devotè sunt per-  
 solvendae, p. 202. c. 5. nu. 1. & seq.  
 Et p. 142. c. 8. n. 1. & seq.  
 Horis canonicis expletis, à quibus ca-  
 vendum, p. 143. c. 8. n. 3.  
 Acedia pellenda est in officio divino re-  
 citando, ibid. c. 8. n. 4.

Hospiti.



# R E R U M

Hospites cum multi advenissent, projicitur rete, capiuntur autem torpescunt, quot hospites advenerant, p. 153. c. 5.  
 Hostes, v. Scutum, Orationes jaculatoriarum.  
 Humilitatis laudes, p. 116. c. 2. n. 14.  
 Exhortatio ad humilitatem, p. 267. secunda Oratio.  
 Fundamentum est totius sanctitatis, p. 273. n. 1.  
 Paupertas Deo est ingrata absque humilitate, p. 116. c. 2. n. 1.  
 Quicumque sunt humiles, semper Dei gratia ditescunt, p. 121. c. 2. n. 10.  
 Christus ipse eam nos docuit, p. 253. c. 2. n. 1.  
 Qui sint mores humilium, p. 217. c. 10. num. 1. 2.  
 Illustre exemplar in Christo, p. 116. c. 2. n. 1. 2. & seq.  
 Quibus dilecteretur verè humilis, p. 115. c. 1. n. 17. 18.  
 Valde placet Deo, humiliare se, & peccatorem se agnoscere, p. 38. c. 18. num. 3.  
 Necessaria est subjectio sub Deo & sub homine, p. 246. c. 6. n. 1.  
**I**esus quid sit pius, p. 52. cap. 24. num. 5.  
 Iesus ubi quaerendus, p. 105. c. 33. n. 1. & seq.  
 Nomina Jesu & Mariae in omni re invocanda, p. 84. c. 13. n. 1. & seq.  
 Jesu & Mariae nomen sæpè in ore, sæpissimè in corde usurpandum, p. 250. c. 3. n. 1.  
 De accessu ad Sanctum Sanctorum, Regem Angelorum, Jesum Christum, p. 46. c. 22. n. 1. & seq.  
 Imperfectiones aliorum patienter, & ex

charitate ferendæ sunt, p. 178. c. 7. n. 1. Et p. 245. c. 4. n. 1. 2.  
 Incarnationis Christi beneficium, per maximum est, p. 55. c. 25. n. 7.  
 Inconstantia humani cordis, p. 176. c. 4. n. 1. & seq.  
 Indevotus, v. Devotio, Recollectio sui.  
 Infirmus, v. Lazarus.  
 Oportet infirmis compati, p. 178. c. 7. n. 12.  
 Innocentes, v. Malitia.  
 Intentio in Deo recta habenda est, p. 103. c. 31. n. 1. & seq.  
 Invidia, v. Diabolus.  
 D. Joannes Evangelistæ laudes, p. 253. c. 3. n. 1.  
 Judicium Deo timendum, p. 5. c. 2. n. 1. & seq.  
 Ibi nullus erit locus, sese occultandi, omnia judici patebunt, ibid. c. 2. n. 2.  
 Iusti per adversa probantur, p. 79. c. 3. n. 1. & seq.  
 Justificationis beneficium maximum est, p. 53. c. 25. n. 11.  
 Coram Deo nullus mortalium se justificare audeat, p. 243. c. 1. n. 2. & seq.  
**L**abor religiosus est utilis, imò necessarius, p. 140. c. 6. n. 3. 4.  
 Lachrymarum piorum hominum fructus, p. 43. c. 20. n. 4.  
 Tum pii, tum mundani lachrymantur quidem, sed varias ob causas, ibid. c. 20. n. 4. & seqq.  
 Lapsus in peccatum, cur nonnunquam accidat homini, p. 66. c. 11. n. 3.  
 Laquei diaboli multiplices, p. 59. c. 2. n. 2. & seq.  
 Laudare & laudari, vanitas est, p. 243. n. 2. 3.



# I N D E X.

Laudes Dei, v. Chorus, Matutinæ, Vigiliæ.  
In omni re semper lauda Deum, p. 181.  
c. 11. n. 1. 2.

Etiā in paupertate devotionis, laudandus est Deus, p. 78. c. 2. n. 1.

De laude Dei æterna, p. 74. c. 18. n. 1. & seq.  
Officium est honorificum laudare Deum, quod est Angelorum & Sanctorum, p. 248. c. 8. n. 12.

Vir iustus in omni sua actione, laudat semper Deum, p. 256. c. 12. n. 1.

De Lazaro & infirmo institutio, p. 92.  
c. 20. n. 1. & seq.

Lectionis sacræ utilitates, p. 66. c. 12. n. 1. & seq. Item. p. 208. c. 3. n. 1.

Vacandum sæpè sacræ lectioni, p. 62. c. 6. n. 1. & seq.

Liberalitas, v. Dispensator.

Libri, v. Religio.

Libri bibliothecæ sunt diligenter asseruandi, p. 214. c. 5. n. 1. 2.

Fructus multiplex ex libris sacris, p. 213. c. 3. n. 1.

Opus est pium, libros scribere, item & meritum, p. 214. c. 4. n. 2.

In memoriæ subsidium libri conscribuntur, ibid. c. 4. n. 1.

Lilium convallium, v. Christus.

Locus nullus hic tutus, p. 31. c. 16. n. 2.

Loqui, v. Fabulæ.

Loqui de Deo frequenter, plurimum recens conuersis prodest, p. 189. c. 1. n. 1. 2.

Sapienter loquendum est, p. 95. c. 24. n. 1. & seq.

In consessu Patrum & seniorum non decet iuvenes loqui, p. 58. c. 1. §. 19.

Luxuriæ tentatio propulsanda est, timore pœnæ æternæ, p. 83. c. 11. n. 1. & seq.

M.

Maria, v. Salutatio Angelica.

Quæ ab ea petere debemus, p. 148. c. 14. n. 2.

Quicquid vis obtinere à Deo, per Mariam pete, ibid. c. 14. n. 3.

De laudibus salutationis Angelicæ, p. 48. c. 23. n. 7. & seq.

Ejus frequenter memores esse debemus, & sæpè à nobis invocanda est, p. 148. c. 14. n. 1. & seq.

De illius consolatione erga nos, p. 51. c. 24. n. 1. & seq.

Multa est ejus erga peccatores misericordia, ibid. c. 24. n. 1.

Tum iustos, tum peccatores ipsa hortatur, ut ad se veniat, ibid. c. 24. n. 1.

Tentationis tempore, ad eam est recurrendum, admodum misericordem, ibid. c. 24. n. 2.

Martyrium, v. Obedientia.

Mater, v. Religio.

Matutinæ, v. Vigiliæ.

A matutinis, paululum meditari optimum est, p. 209. c. 7. n. 1.

Meditari & vitam & passionem Christi, res optima, p. 147. c. 13. n. 1. & seq.

Dulcedo est animæ, sæpè de Deo meditari, p. 40. c. 19. n. 1.

Medium semper tenendum est, v. Discretio.

Mens ut plurimum in Deum dirigenda est, p. 258. c. 1. n. 1. Item. c. 2.

Miseratio divina, v. Fiducia.

Misericordia Dei, quàm sit magna erga peccatores, p. 39. c. 18. n. 4.

Mitem ad omnes, esse decet, p. 178. c. 7. n. 1. 2.

Modus omnibus in rebus seruandus est, v. Discretio.

Monasterii tum ornatus, tum dignitas, p. 214. c. 6. n. 1.

Mores boni religiosi qui sint, p. 64. c. 9. num. 1.

Moriendi desiderium, p. 12. c. 7. n. 3.

Mors



# R E R U M.

Mors bona optanda, ibid. c. 7. n. 1. & seq.  
Mori & mortui mundo, p. 13. c. 8. n. 1. & seq.

Quidam Princeps moriturus dicebat,  
pauper & ovium custos, moriens mul-  
to me scilicet est, p. 174. c. 1. n. 3.

Optanda in morte nostra, Jesu, Mariæ,  
Angelorum & Sanctorum præsentia,  
p. 12. c. 7. n. 3.

Domino cuidam morienti, dicebant  
plures, Domine, quid nobis pro præ-  
stito officio relinques? Quibus ille:  
En omnes quæ sua sunt quærunt, ne-  
mo, de anima mea cogitat, p. 174.  
c. 1. n. 3.

Mortis hora incerta est, vita autem bre-  
vis, p. 96. c. 25. n. 1. & seq.

Mundi odium, p. 71. c. 16. n. 1. & seq.

## N.

**N**arrari in aliis non debent nisi utilia,  
p. 157, cap. 1. §. 16.

Negligentiæ nostræ deploratio p. 8. c. 4.  
n. 1. Et c. 7. n. 1. 2.

Novitates nec audiendæ sunt, nec refe-  
rendæ, p. 157. c. 1. §. 15.

Novis audiendis qui delectantur, audi-  
ant Christum de gloria, judicio, &c.  
loquente, p. 67. c. 12. n. 4.

Novitius tentatus de religione deferen-  
da, quibus se rationibus juvat, p. 195.  
c. 5. n. 1. & seq.

Ingruit novitiis periculum, ex consortio  
mundanorum, p. 192. c. 4. n. 1. & seq.

## O.

**O**bedientiæ laus & meritum, p. 176.  
c. 5. n. 1. 2.

De hac præstanti virtute, ibid. cap. 5.  
n. 1. & seq.

Exempla obedientiæ in Christo & Maria,  
p. 137. c. 4. n. 4.

Item in Abraham Patriarcha, ibid. c. 4.  
num. 5.

Scientiam, potentiam, & quamvis digni-  
tatem pretio vincit obedientia, ibid.  
c. 4. n. 5.

De magis obediendum quam parentibus  
aut amicis, p. 197. c. 8. n. 1. & seq.

Martyrii quoddam genus est obedientia,  
p. 167. c. 3. n. 2.

Studium obedientiæ lenit animum, &  
profectum adducit, p. 210. c. 10. n. 1.

Apud Deum quanta sit virtutis obedi-  
entia, p. 127. c. 3. n. 11.

De subditi obedientia erga suum supe-  
riorem, p. 136. c. 4. n. 1. & seq.

Oblatio sui omni ex parte, p. 54. c. 25. n. 5.

Oeconomus, v. Dispensator.

Officium divinum, v. Horæ Canonicae.

Onera aliorum patienter ferenda, p. 70.  
c. 15. n. 1.

Opera bona, v. Tribulationes.

Ante quodlibet opus orandum, p. 181.  
c. 19. n. 1. & seq.

Lauda semper Deus in omni opere, p. 186.  
c. 11. n. 1. 2.

Manibus operando, quid sit meditan-  
dum, p. 210. c. 9. n. 1.

Opus manuum commendatur, p. 208.  
c. 4. n. 1. 2.

Oratio, v. Humilis, Opus, Accedens ad  
Deum.

Oratio ad Deum frequenter laudandum,  
p. 248. c. 8. in fine.

Oratio ad Christum, pro gratia ipsius  
impetranda, p. 208. c. 17. n. 3.

Oratio ad Christum salutandum, p. 270.  
septima Oratio.

Oratio pro amore virtutum & odio vi-  
tiorum, p. 267. quarta Oratio.

Oratio tempore tribulationis & angustiae,  
p. 268. quinta oratio.

Oratio pro agnoscenda & sequenda vitæ  
via, ibid. sexta.

Oratio



# I N D E X

Oratio pro felici consummatione virtutum, p. 145. c. 10. n. 1. 2.  
 Oratio & gratiarum actio pro beneficiis acceptis, p. 57. c. 25. n. 11.  
 Oratio pro integra sui & omnium rerum abnegatione, p. 266. prima Oratio.  
 Oratio pro contritione suorum peccatorum, ibid. tertia Oratio.  
 Oratio, ut mens corporali sarcina & imaginatione liberetur, p. 259. c. 2. n. 1.  
 Oratio ad Deum, qua petit autor sibi & otium & industriam bene componendi istud soliloquium, p. 177. in prologo num. 3.  
 Oratio amantis & laudantis Deum, p. 100. c. 28. n. 1. & seq.  
 Accedentis ad Deum oratio, p. 46. c. 22. num. 3.  
 Magna vis orationis, p. 66. c. 12. num. 1. & seq. Et p. 208. c. 2. n. 1. 2.  
 Oratio peccatoris se agnoscentis, p. 221. num. 6.  
 Orationes jaculatoria sæpè in hostes committenda, p. 158. c. 18. n. 1. 2.  
 Sit frequens orationis usus, quovis tempore & loco, p. 184. c. 17. n. 1. 2.  
 David de die miles erat, nocte verò religiosus orando, p. 255. c. 8. n. 1.  
 Oratio spiritus humilis & contriti, p. 104. c. 32. n. 1. & seq.  
 Frequenter orandum, p. 257. c. 14. n. 1. 5.  
 Per orationem sacra scriptura cuidam fuit patefacta, p. 158. c. 1. §. 20.  
 Orationis Dominicæ laudes, p. 251. c. 5. num. 2.  
 Ordinationem Dei circa nos libenter suscipere debemus, p. 227. c. 1. n. 3.  
 Os, v. Silentium.  
 Os, & cor valde servari debent, p. 62. c. 6. n. 2.  
 Custodia oris, p. 156. c. 1. §. 12.

P.

Parentum contemptus, si bonum impediunt, p. 59. c. 2. n. 1.  
 Parvuli ad Christum vocantur, p. 253. c. 1. n. 1.  
 Passio Christi, v. Adversa.  
 Passionis Dominicæ memoria juvat contra dissolutos & laxè viventes, p. 83. c. 12. n. 1. & seq.  
 Simplicis religiosi studium debet versari circa Christi passionem, p. 256. c. 10. n. 1.  
 Passionis Christi redemptionisque beneficium, superat creationis donum, p. 55. c. 25. n. 8.  
 Exercitium Christiani hominis, Christi passionem meditari, p. 147. c. 13. n. 1. & seq.  
 Passiones vincendæ sunt, p. 155. c. 1. §. 10.  
 Qui vult proficere, imprimis necesse est, ut suas passiones agnoscat, p. 199. c. 1. num. 2.  
 Ad Deum recurrendum est, quando passiones nostræ nos commovent, p. 155. c. 1. §. 10.  
 Patientia virtus est admirabilis, p. 123. c. 3. n. 1.  
 Patientia pacem gignit, p. 129. c. 3. n. 13.  
 Exempla patientiæ Christus, p. 119. c. 3. num. 7. 8.  
 Qui pro Christo aliquid patitur, magnis meritis ditatur, p. 94. c. 22. n. 2.  
 Cum aliquid pateris, aut tace, aut modestè responde, ibid. c. 22. n. 1.  
 Piorum patientia, p. 182. c. 13. n. 1.  
 D. Pauli laudes, p. 253. c. 4. n. 1.  
 Paupertas, v. Lazarus, Humilitas.  
 Encomion paupertatis, p. 110. c. 1. n. 5.  
 Amanda est pro Christo, p. 109. c. 1. n. 1. & seq. Item p. 152. c. 9. n. 1.  
 Christi paupertas, p. 115. c. 1. n. 19.  
 S. Martini & D. Augustini, item S. Francisci,



cisci, ac quorundam Eremitarum paupertas, p. 112. c. 1. n. 10. 11. 12.  
 Pauperis refugium Christus, p. 91. c. 19. n. 1. & seq.  
 Paupertas & humilitas sunt cognatæ, p. 114. c. 1. n. 16.  
 Quidam à se paupertatem rejiciunt, p. 110. c. 1. n. 7.  
 Custos humilitatis est paupertas, p. 114. c. 1. n. 16.  
 Pax, v. Patientia.  
 Paci studendum, p. 252. c. 10. n. 1.  
 Multa pace quis fruatur, p. 65. c. 11. n. 1.  
 Pax cordis, p. 81. c. 3. n. 1. & seq.  
 Pax vera, in solo Deo querenda, p. 102. c. 30. n. 1. & seq.  
 Reperitur pax summa, in sui & vitiorum mortificatione, ibid. c. 30. n. 2.  
 Peccata, v. Dolor.  
 Dei longanimitas erga peccatores, p. 221. n. 7. & seq.  
 Exemplo Sanctorum contra peccatum imitandum strenuè, p. 85. c. 14. nu. 1. & seq.  
 Peccatores non spernit Deus, tantum ab eis amorem reposcit, p. 39. c. 18. n. 3. 5.  
 Homo confundi debet, tum ratione, suorum peccatorum, tum ratione exiguae sui emendationis, p. 243. c. 1. n. 1. & seq.  
 Perfectio rara avis est, p. 61. c. 4. n. 1.  
 Peregrini hic sumus, p. 60. c. 2. n. 3.  
 Perseverantia, v. Stabilitas.  
 In inceptis perseverandum, p. 178. c. 8. num. 1. 2.  
 Piger vult, & non vult, p. 176. c. 4. n. 2.  
 Mores pigrorum, p. 218. c. 10. n. 4.  
 Prævidere futura, sapientis est, p. 161. c. 1. §. 28.  
 Propositum quotidie renovandum, p. 209. c. 8. n. 1.  
 Propositum manè factum, per diem reti-

nendum est, pag. 199. cap. 2. num. 1. 2.  
 Protextio Dei circa nos, p. 40. c. 19. n. 1.  
 Providentia uti debent, qui temporalia tractant, p. 162. c. 1. §. 30.  
 Prudentia, v. Dispensator, Sapientia.  
 Pugna, v. Scutum.  
 De pugna contra vitia, p. 61. c. 4. n. 1. Item p. 175. c. 3. n. 1. 2.

**Q**uærendus Deus, v. Jesus, Desiderium.

Quæstiones difficiles in colloquium ne adducantur, p. 158. c. 1. §. 19.

Quies in solo Deo, p. 81. c. 8. n. 1. & seq.

R.

**R**ecessus dilecti ab anima, quæ sit causa, p. 34. c. 17. n. 1. & seq.

Recolligendum cor cum Deo, p. 81. c. 9. num. 1.

Redeundum sæpè ad interiora sua, p. 138. c. 5. n. 1. & seq.

In refectorio quid fieri debeat, p. 203. c. 6. n. 1. & seq.

Refugium nostrum in omni re sit Deus, p. 210. c. 12. n. 1. & seq.

Religiosi, v. Stabilitas loci & ordinis, Novitius.

Alphabetum religiosi, quod addiscere debet, p. 162. per totum.

Laudabilis est status, modò rectè servetur, p. 191. c. 3. n. 1. & seq.

Magnum est beneficium, p. 56. c. 25. n. 11.

Quis scopus esse debeat, ingredientis religionem, p. 188. n. 1. 2.

Quidam adolescens religionem ingressus est, ubi suos condiscipulos in studio videt mori, p. 196. c. 6. n. 1. 2.

Mater filium planxit religionem ingressum. At conversa postmodum, Deo gratias egit, p. 197. c. 7. n. 1. 2.

Pp

A primo



# I N D E X

- A** primo religionis fervore, multi deficiunt, p. 189. c. 1. n. 2.  
**R**eligiosus quædam constanter retinere, quædam verò perferre, alia demum respuere mox debet, pag. 139. cap. 5. num. 3.  
**R**eligiosus absque libris quibus sit similis, p. 215. c. 7. n. 2.  
**D**ebet religiosus scire, ac memoria tenere, quid quovis tempore sit sibi agendum, ac etiam quæ fugienda, p. 139. c. 5. n. 2.  
**D**ifferentia religiosi & clerici, p. 215. c. 2. num. 1. 2.  
**R**eligioso tria sunt necessaria, labor seu operatio, lectio, & oratio, p. 90. c. 18. n. 4. Item p. 208. c. 1. n. 2.  
**R**emedia contra sua vitia scire debet, eaque serio applicare. Concupiscentiæ motus non possunt omnino extinguï, sed mitigari possunt, pag. 139. cap. 5. num. 4.  
**M**ores humilis ac boni religiosi, p. 95. c. 23. n. 1. & seq.  
**C**uriosi quidam sunt, circa hæc & illa facienda, vel non facienda, velantes omnia discretionis velo, pag. 132. c. 1. num. 6.  
**Q**uænam efficiunt religiosum tranquillum & bonum, p. 64. c. 9. n. 1.  
**R**eligio est veluti piscina, ex qua nititur dæmon pisces rapere, pag. 36. cap. 3. num. 3.  
**R**eprehensus alium, se prius admoneat, p. 95. c. 24. n. 1.  
**R**esignatio sui planè est necessaria pacem querenti, p. 246. c. 6. n. 1. 2.  
**R**osa, vel spina, est unus alteri, p. 71. c. 16. n. 3.  
**R**umores, v. Novitates.
- S.
- S**alutis animæ studium, p. 88. c. 17. n. 1. & seq.  
**D**e salutatione Angelica, p. 49. c. 23. n. 3. & seq.  
**E**ffectus salutationis Angelicæ, ibid. c. 23. n. 4. & seq.  
**S**ancti sæpè invocandi, p. 200. c. 3. n. 3.  
**I**llos nobis faciamus familiares, p. 149. c. 15. n. 1.  
**Q**ua ratione Sanctis poterimus placere, ibid. c. 15. n. 2.  
**S**uffragia eorum sedulo imploranda, ibid. c. 15. n. 1. & seq.  
**Q**uæ sunt illa, quæ Sancti in nobis diligunt, p. 149. c. 15. n. 2.  
**S**apientiæ & prudentiæ seu providentiæ differentia, p. 161. c. 1. §. 29.  
**V**era sapientia in Deo querenda, p. 60. c. 3. n. 1. & seq.  
**M**ala est mundi & carnis sapientia, ibid. c. 3. n. 2.  
**S**cripturæ sacræ commendatio, p. 212. c. 1. n. 1. 2.  
**G**erardo Magno varii sensus occurrebant, cum Horas canonicas, aut sacram Scripturam legeret, p. 175. c. 2. n. 2.  
**Q**uando non intelligis eam, aut ad Deum per orationem recurre, aut consule te peritorem, p. 158. c. 1. n. 20. 21.  
**D**ifficultas in sacra Scriptura, est nucleus in testa, p. 30. c. 15. n. 7.  
**D**e sacræ Scripturæ intellectu, p. 93. c. 21. n. 1. & seq.  
**S**cutum, v. Verbum Dei.  
**O**bjice hostibus scutum bonæ voluntatis, maximè verò amorem Dei, p. 180. c. 10. n. 1. & seq.  
**S**ecretum tuum, quod neminem scire velis, nulli dicito, p. 245. c. 3. n. 3.  
Sensu-



# R E R U M.

Sensualitatis malū, p. 1. c. 8. n. 2.  
 Sensuum exteriorum custodia, p. 200. c.  
 4. n. 1. & seq.  
 Silentium, v. Os.  
 Silentio incumbendum, p. 140. c. 6. n. 1.  
 & seq.  
 De bono silentii, p. 89. c. 18. n. 1. & seq.  
 Virtutes silentii, p. 223. c. 2. n. 4.  
 Dicta quorundam de silentii bono, p. 2.  
 c. 18. n. 2.  
 David Rex silentii fuit amator, p. 223.  
 c. 2. n. 2.  
 Similes sunt carnales brutis, iusti verò  
 Angelis, superbi autem dæmonibus,  
 p. 78. c. 1. in fine.  
 Societas bona quærenda, mala verò fu-  
 gienda, p. 59. c. 1. n. 1. 2.  
 Societas cum Jesu & Maria est ineunda,  
 p. 105. c. 33. n. 1. & seq.  
 Boni evaserunt quidam ex societate bo-  
 na, p. 59. c. 1. n. 2.  
 Soliloquium, v. Oratio.  
 Cur præsens soliloquium per formam  
 dialogi composuerit autor, p. 1. in Prol.  
 ejusdem n. 1.  
 Cur autem illud scripserit, p. 1. in eodem  
 Prologo n. 1.  
 In eo usus est stylo simplici, Ibidem.  
 Solitudinis amor, p. 226. c. 1. n. 5.  
 Solitudinis bona, p. 89. c. 18. n. 1. & seq.  
 Solitudinis cellæque commendatio, p.  
 141. c. 7. n. 1. & seq.  
 Spina, v. Rosa.  
 Sponsi visitatione sublata, quid agere de-  
 beat animæ, p. 33. c. 16. n. 9.  
 Stabilitas tum loci, tum ordinis, p. 86.  
 c. 15. n. 1. & seq.  
 Status vitæ humanæ triplex, p. 77. c. 1.  
 n. 1. & seq.  
 Studia oratione juvantur, p. 93. c. 21. n. 2.  
 Superbia, v. Gratia.  
 Mores superborū qui sint, p. 217. c. 10. n. 1. 3

Diabolus semper de superbis triumphat,  
 p. 134. c. 2. n. 5.  
 Superiori ne sis familiaris nimium, pag.  
 160. c. 1. §. 25.  
 Debet superior honorari, ibid. c. 1. §. 24.  
 Dispensator debet suum superiorem con-  
 sulere, in rebus majoris momenti, ibid.  
 c. 1. §. 23.  
 Surgendi hora, p. 202. c. 5. n. 1. & seq.

## T.

**T**abernacula tria, quæ D. Petrus op-  
 tabat, accommodantur paupertati,  
 humilitati, & patientiæ, p. 108. c. 1. 2. 3.  
 Templi ornatus quid significet, p. 216. c.  
 9. n. 1. & seq.  
 Temporalia, v. Providentia.  
 De tempore malè impenso lamentatio,  
 p. 8. c. 4. n. 1. & seq.  
 Tentationibus variis religiosum exagitat  
 inimicus, p. 135. c. 2. n. 1. & seq.  
 Vigilandum & laborandum contra ten-  
 tationes, p. 70. c. 14. n. 1.  
 Quovis tempore & loco, vigilandum &  
 orandum contra tentationes, p. 82. c. 10.  
 n. 1. & seq.  
 Trahi nos à Deo necesse est, si sit à nobis  
 sequendus, p. 23. c. 12. n. 8.  
 Transfiguratio Christi, v. tabernacula tria.  
 Tribulatio, v. Oratio, Consolatio, Fiducia.  
 Tribulationis effectus, p. 125. c. 3. n. 5.  
 Tempore tribulationis, homo se ad arbi-  
 trum Dei resignet, nec murmuret, sed  
 laudet illum, p. 247. c. 7. n. 1. & seq.  
 Tribulationes pati majus est, quàm bona  
 operari, p. 129. c. 3. n. 13.  
 Deus consuevit consolari existentes in  
 tribulationibus, p. 87. c. 16. n. 1. & seq.  
 De tristitia animæ, absente Dei gratia,  
 p. 26. c. 14. n. 1. & seq.

## V.

**V**acare sibi ipsi, v. Dispensator.  
 Sibi & Deo tantum vacare, non



omnibus datum est, p. 227. c. 1. n. 6.  
 Vagabundi, v. Stabilitas.  
 Vanitas omnis homo vivens, p. 255. c. 7. n. 1.  
 In morte omnis vanitas concidit, p. 96. c. 25. n. 1. & seq.  
 Varietas rerum est quàm maxima, p. 69. c. 13. n. 2.  
 Verbi divini consideratio, p. 262. c. 5. n. 1. & seq.  
 Verbum Dei audiendum, p. 61. c. 5. n. 1. & seq.  
 Verbum Dei scutum est adversus tela omnia inimici, p. 185. c. 18.  
 Verborum suorum habenda ratio, p. 156. c. 1. §. 12.  
 Varia efficiunt & inducunt verba, p. 257. c. 13. n. 1.  
 Via ad placendum Deo tutissima, p. 190. c. 2. n. 3.  
 De justorum via ad celos recta, p. 249. c. 1. n. 1. 2.  
 Victus, v. Abstinencia.  
 Vigiliæ matutinæ alacriter adeundæ sunt, p. 209. c. 6. n. 1. 2.  
 Virtus, v. Oratio.  
 Virtutes puræ esse debent, p. 256. c. 11. n. 1.  
 Exhortatio ad virtutes, p. 198. c. 1. n. 1. & seq.  
 De septem gemmis virtutum in congregatione sectandis, p. 187. c. 20. n. 1. & seq.  
 Vita humana, v. Status triplex.  
 Hominis vita videtur esse quædam longa miseria, p. 123. c. 3. n. 1.  
 De miseria & brevitate hujus vitæ, p. 9. c. 5. n. 1. & seq.  
 De vita bona & pacifica, p. 276. n. 1.  
 Ad vitam æternam anhelare, p. 10. c. 6. n. 1. & seq.  
 Vitæ contemplativæ dediti, eos diligant,

qui in actione versantur, & ferant, si in aliquo defecerint, p. 164. c. 2. §. 3. n. 6.  
 Advertant, qui vitam contemplativam profitentur, ne propter negligentiam & torporem, amittant suam mercedem, quæ fortè dabitur Marthæ officio fungentibus, p. 165. c. 2. §. 7.  
 Vitæ activæ addicti, videant, ne aspernentur [contemplantes: quin potius juvent illos per suum ministerium, p. 163. c. 2. §. 2.  
 Sint patientes, nec facile perturbentur, qui Marthæ officio funguntur, quia merces eorum est magna, p. 164. c. 2. §. 4. 1.  
 Non debent inter se contendere contemplativæ & activæ vitæ mancipati, p. 163. c. 2. §. 1.  
 Vitia, v. Armatura.  
 De odio vitiorum, p. 145. c. 11. nu. 1. & seq.  
 Virtutibus contrariis vitia pelluntur, p. 250. c. 4. n. 1. & seq.  
 Pugnandum contra acediam, gulam, & luxuriam, p. 249. c. 2. n. 2.  
 Viventes laxè, v. Passio Christi.  
 Ad piè vivendum, sume quinque panes, id est, quinque considerationes, p. 174. c. 2. n. 2.  
 Unio cum Deo fit per amorem, p. 101. c. 29. n. 1.  
 Quærenda est maximè, ibid. c. 29. n. 1. & seq.  
 De unione cum Deo, & de gratiæ ejusdem subtractione, pag. 24. c. 13. n. 1. & seq.  
 Voluntas bona, v. Scutum.  
 Deus odit voluntatem cujusque propriam, p. 127. c. 3. n. 11.  
 Utimur rebus, fruimur autem Deo, p. 33. c. 16. n. 2.





# TOMUS TERTIUS OPERUM

THOMÆ à KEMPIS,

Canonici Regularis, Ordinis D. Augustini.

IN PRIMA PARTE HUIUS TOMI TERTII,

continentur vitæ undecim virorum sanctimoniam illustrium,  
qui synchroni, aut familiares Thomæ à Kempis extiterunt.

*Catalogus eorum quorum vitæ hic  
describuntur.*

1. M. Gerardus Magnus, vulgò Groot  
nuncupatus.
  2. D. Florentius Daventriensis Ecclesie  
presbyter.
  3. Joannes Gronde.
  4. Joannes Brinckerinck.
  5. Rubertus Bernerus.
  6. D. Henricus Brune.
  7. Gerardus Sutphanienfis.
  8. D. Amilius de Buren.
  9. Jacobus de Viana.
  10. Joannes Cacabus, vulgò Ketel,  
qui coquus fuit.
  11. Arnoldus Schonbove.
- Thom. à Kemp. Serm.

Hi novem postremi fuerunt  
discipuli D. Florentii.

VITA VENERABILIS  
M. GERARDI MAGNI,  
VULGO GROOT.

*Prologus in vitam venerabilis Magistri  
Gerardi Magni, vulgariter Groot.*

1. **A**uxiliante Domino, frater cha-  
rissime, de paternis actibus [pau-  
ca tamen de pluribus] charitatis ausu di-  
cere tentabo, ob magnam utique peti-  
tionis tuæ instantiam, & communem  
utilitatem. Ex quo enim multi jam Pa-  
tres & devoti fratres, olim mihi cogniti  
dormierunt, eorum virtutes effari non  
vereor; quatenus exinde bonam memo-  
riam, de bonis exemplis ipsorum, poste-  
ris relinquam ad divini nominis laudem  
altiùs extollendam. Igitur à venerabili

A

M. Gerardo,



M. Gerardus, cognom. S. Magni, Prædicatore egregio & devoto, exordium sumam.

2. 2. Deinde etiam [si Dominus annuerit] de devotis fratribus discipulis ejus, aliqua sanctæ conversationis exempla adjiciam, ad tuam & aliorum simplicium fratrum devotionem excitandam. Quem licet in carne non viderim, plures tamen discipulatu ejus adherentes, corporaliter agnovi, à quibus multa de felicibus actibus ejus frequenter audivi, ut non putes me propriâ imaginatione hæc confinxisse, sed à valde fidelibus utriusque sexus personis, viridica relatione percepisse.

Capita eorum, quæ in hac vita continentur.

**D**E ortu & de interpretatione nominis Gerardii. Cap. 1

De celeri profectu ejus in studio Parisiensi. 2

De conversionis ejus revelatione Colonia. 3

Qualiter per religiosum Patrem & Priorem Carthusiensem, tractus sit ad Deum. 4

De mutatione habitus & morum. 5

Qualiter à consortio secularium se subtraxit. 6

De abstinencia ejus, & de cilicio quod gestavit. 7

Quo consilio cœperit verbum Dei prædicare. 8

De laboribus & patientia ejus inter adversarios. 9

De profectione ejus ad partes Brabantia. 10

De rigore ejus in victu & vestitu. 11

De devotione ejus, in orationibus & divinis audiendis. 12

De magno ejus desiderio legendi Scripturas sanctas. 13

De multiplici fructu ejus in conversione hominum. 14

De devotis congregationibus & monasteriis, ab eo exortis. 15

De felici obitu ejus & sepultura. 16

De magnifica commendatione ejus à Cantore Parisiensi. 17

De publica potestacione ejus, & de viridica prædicatione Evangelii quod prædicatione viri. 18

Vita venerabilis Magistri Gerardi Mag. i, Deo devoti Diaconi, & Prædicatoris eximii.

CAPUT I.

De ortu, & de interpretatione nominis ejusdem.

**V**enerabilis Magister Gerardus 1. dictus Magnus, civis fuit Daventriensis civitatis, ex honestis & majoribus ejusdem loci parentibus ortus, ac diligenti cura suorum teneriter educatus. Congruè autem fatis tale sortitus est nomen à terrenis parentibus sibi impositum, sed cœlesti provisione postmodum in melius permutatum. Nam qui antiquam vitam suam in novæ conversationis statum mutavit, dignè quoque nomen ejus piam interpretationem habere promeruit, sicut ob virtutum ejus insignia sequens narratio declarabit.

2. Dicitur namque Gerardus quasi gerens artes, quia studio literarum deditus, in liberalibus artibus & scientiis multis fuit vel maxime eruditus. Vel dicitur Gerardus quasi gerens ardorem, quia gratiâ Dei misericorditer præventus, in amore Christi arsit interius, & in divinis laudibus vehementer erat affectus.



Vel recte iā *tertio* Gerardus

vocatur *quasi* *gerens* *ordina* *quia*  
Deum perfectē conuersus, magna etas-  
ta gessit in vita, dum sedulō mentem ad  
cœlestia erexit, & multos populos ad e-  
mendationem vitæ prædicando conver-  
tit. Nam totam hanc patriam nostram  
vitā, verbo, moribus, & doctrinā illu-  
minavit, & accendit. Fuit itaque re &  
nomine magnus in sæculo, diuitiis, ho-  
noribus, scientiis, ac beneficiis locuple-  
tatus; sed major extitit in contemptu  
sæculi, & imitatione humilis vitæ Jesu  
Christi, nec non in multiplici fructu  
discipulorum Christi, sicut vestigia de-  
relictā patenter ostendunt.

3. In memoria ergō æterna erit vir  
iste, qui in diebus nostris orthodoxæ fi-  
dei regulares securus docuit, & sanctæ  
Religionis statum per devota exempla  
reparavit. Nam licet diu in sæculari vita  
insolens ac vanus intercesserit, tamen  
postea conuersus humillimè ac devotissi-  
mè in sancta paupertate & abstinentia  
multa, vitam valde exemplarem exegit,  
quam & felici agone optimè consumma-  
vit.

## CAPUT II.

*De celeri profectu ejus in studio Parisiensi*

1. **H**ic itaque à parentibus ad stu-  
dium Parisiense sub annis ado-  
lescentiæ missus est, & copiosis expensis  
præ multis consodalibus affluens, sata-  
gebat [pro quo venerat] proficere dili-  
genter. Nec tunc quidem Christi gloriam  
studens quærebat, sed magni nominis  
umbram sequens, famam potissimum cu-  
rabat humanam.

2. In brevi tamen secundum com-  
munem studentium cursum ad altiora

*vide mten ad magistru intell-*  
*ctu supragante id ætatis sua con-*  
*no promotus e. Deo hunc a-*  
*piem, ut eallisset ingenio, ac sæculari*  
fastu tumeret, Ecclesiasticis beneficiis in-  
signitus, & inter plura beneficia etiam  
Aquensis Ecclesiæ Canonicus investitur.  
Verum latas adhuc sæculi vias necdum  
inspiratus per vagatur, donec Deo mi-  
serante in virum alium mutaretur.

## CAPUT III.

*Quod conversio ejus cuidam solitario in*  
*Colonia fuit revelata.*

1. **S**ed cum omnipotens & misericors  
Deus, qui facit mirabilia magna  
solus, hunc doctum & famatissimum  
Magistrum à præsentis sæculi nexibus sol-  
vere decrevisset, modum conversionis e-  
jus duxit ad effectum. Cujus tamen con-  
versio hominibus inopinata & incogni-  
ta, cuidam solitario in Colonia prius  
fuit revelata & prædicta.

2. Cum enim quodam tempore Co-  
loniæ esset, & sæcularibus ludis intende-  
ret vagabundus, præfatus solitarius no-  
men & habitum Magistri Gerardi ex-  
pressè designans, prædixit ejus conver-  
sionem citò complendam, & multis pro-  
futuram. Unde quidam hoc sciens, venit  
ad eum ubi stabat, & ait: Quid hic stas  
vanis intentus? Alius homo fieri debes.  
Quod ille de se dictum tanquàm puerile  
factum existimavit, nec tunc quidem  
multum advertit. Sed Deus præsciens fu-  
tutorum, qui non fallit, in brevi tempo-  
re implevit prædestinationis suæ verbum,  
revocans dilectum sibi Gerardum à via  
iniquitatis ad sanctæ conversionis sta-  
tum, per quendam Religiosum Carthu-  
siensis Ordinis virum.



*Qualiter per Religiosum Carthusiensem tractus sit ad Deum.*

1. **E**Rat namque in terra Geldriensi, apud oppidum Arnemense, Religiosus quidam Prior Ordinis Carthusiensis in Monichusen, vir literatus & devotus, Magistro Gerardo olim in saeculo familiariter notus. Hic charitatis visceribus plenus, & zelo animarum erga proximum concitatus; cepit cogitare qualiter cum Magistro Gerardo possit habere sermonem, & secretò de ejus tractare salute; ne tantus vir eruditusque Magister, in saeculo deperiret, sed de diaboli laqueis ereptus Dei auxilio, electorum numero jungeretur. Eo siquidem præcipuè tempore, mundi status in maligno videbatur undique positus; ita ut pauci essent, qui verbum vitæ moribus ac vòcibus prædicarent; pauciores verò, qui continentiam sectarentur; & quod dolendum erat, nomen sanctæ religionis, & status devotionis, præ inopia spiritus, à Patrum præcedentium vestigiis, nimium claudicabat. Apud Carthusienses verò, lux vitæ cœlestis remansit occulto; & carnalibus videbatur satis austera, erat tamen Deo gratissima, & spiritu ferventibus optabilis atque jucunda.

Apud Carthusianos velut cine-ribus latuit viguit-que inter-racatus hætenus monachif-mus.

2. Interea accidit, ut prænominatus Prior, causa emergente Trajectum tenderet, ibique dilectum Magistrum Gerardum esse percipiens, ad ejus colloquium desideranter properat; moxque ad extrahendum piscem hunc magnum de sæculi fluctibus, sanctæ exhortationis rete opportunè relaxat. Aggreditur ergò familiarem amicum, salutat sòda-

lem antiquum, hortatur sapienter hæc, rem benignum; cum docto loquitur de summo bono, proponit præmia æterna, terret judicio futuro, miscet blandis tristia; laudat religionem, mundi vituperat cursum, ostendit sub sole cuncta esse peritura. Nam mors imminet, inquit, incerta dies mortis & hora; sed ò quanta sectatoribus Christi, sunt dona promissa? Inter hæc sancta, mutuaque colloquia sapius repetita, adest gratia Divina. Mollitur animus audientis, fidem præbet dictis Magister reverendus, assentit veris, ducitur rationibus; trahitur promissis, firmatur Sanctorum exemplis. Tandem proponit vitam mutare in melius, & mundanis renunciare fastibus, deo favente.

3. His Prior perceptis exhilaratur altius, quod semen Dei in terram bonam cecidit; gaudetque gaudio magno, de cetero grandi Christi hamo capto, citius de marinis turbinibus extrahendo. Redit latus ad socium suum, gratias agit Deo, à quo omne bonum; fatetur se, non frustra tenuisse sermonem. Quia cœpi, inquit, ut spero, Magistrum Gerardum, & confido de ejus conversione, quod bonum propositum velit tenere & factis comprobare. O stupenda & laudanda, Salvatoris nostri clementia! O ineffabilis Spiritus S. virtus & gratia, quæ facile corda hominum mutat, dum intus visitat & illustrat. *Hæc est mutatio dextera excelsi, faciens prodigia sursum, & signa in terra deorsum: evacuans tenebras, & lucem cordi infundens.* Hæc est Dei solius potentia magna, qui in benedictionibus dulcedinis suæ, prævenit electum Diaconum suum Gerardum

Psalm. 76.



Gerardum, faciens de leone agnum; quem ante sæcula, prædestinavit sibi incorporandum; atque in fine sæculorum, præparavit ad evangelizandum verbum suum multis civitatibus & populis, ad sancti nominis sui laudem & honorem.

## CAPUT V.

*De mutatione habitus & morum.*

1. **N**Ec longè post, cœpit bona voluntatis suæ propositum ducere ad effectum. Igitur animo bene delibato, & in Christo fundato, abrenuntiat beneficiis cunctis; vestes mutat sæculares, simplicibus induitur, sicut decuit humilem Clericum, mundi contemptum divitiis præferentem. Fit rumor in populo, & multi obstupescunt de novitate facti, ad invicem loquebantur: Quid hic jam prætendit? Quæ res nova, huic accidit? Nunquid multæ literæ, ad insaniam eum perduxerunt? Ecce, qui jam antea ornatis vestibus incedebat, nunc incultis & griseis regitur lanis. Et qui conviviis & epulis delectabatur variis, nunc respuit jucunda, quærit vilia; fugit honores, diligit paupertatem. Etenim manus Domini erat cum eo, cœpitque fiducialiter agere in nomine Domini.

2. **2.** Unde hominum fabulationes, & susurrations inanes parvipendens, ad Deum totâ cordis intentione se convertit, dicens: *Elegi abjectus esse in domo Dei mei, magis quàm habitare in tabernaculis peccatorum.* Factus est ergo Deo cooperante, ex divite pauper, de superbo humilis, de delicato abstinens, de vago stabilis, de mundano spiritualis, de curioso simplex & devotus. Loquen-

tibus igitur & mirantibus populis, de subita mutatione tanti viri, accessit ad eum secretò unus civium ejus de magnatibus, volens plenius scire propositum venerabilis Magistri fugientis lata consortia mundi.

3. Cumque multa ab eo studiosè exquisisset, & perfectè abrenunciationis mysterium audisset, ita de dubiis quæsitis perdocetur, ut summè ædificatus abiret, dicens: Quid isti ignari & vulgares, de bono & prudenti viro, tam insana verba loquuntur? Nunquàm tam sapiens & sensatus esse cœpit, sicut modò cum sæculi vias fugiens deserit; & Deo, in spiritu humilitatis, servire intendit. Quàm felix foret, qui imitari vellet, nec bene agenti insultaret? si in hoc bono perstiterit, multorum erit ipse causa bonorum.

## CAPUT VI.

*Qualiter à consortio secularium se subtraxit.*

1. **S**Ed ne semen sanctum, in corde viri Dei plantatum, à transeuntibus secus viam conculcetur; aut à volucris cœli, non opertum carpere-tur; ne etiam lumen accensum, levi flatu extingueretur; sed potiùs sub modio latens servaretur, & pinguedine internæ devotionis nutriretur; vel ne recens & fragilis arundo, vanitatis aura pulsata, ad terram mox flecteretur, sed virtute firmaretur ex alto: elegit humilis Magister ad tempus latere, & ab humanis aspectibus sæculariumque colloquiis, se cautè segregare; à cunctis quoque mundi curis animum solvere, soli Deo & sibi liberè vacare; ut primò in se disceret, quod postea docturus



erat; quatenus divinâ dulcedine prę-  
statâ, æquanimus ferret pro veritate ad-  
versa; nec diabolica pertimesceret tenta-  
menta, ipsi adventura.

2. 2. Secessit igitur à civitate sua & de  
domo paterna; venitque in partes Gel-  
diæ, ad religiosos fratres Carthusien-  
ses in Monichusen, in Christi charitate  
sibi dilectos. A quibus reverenter sus-  
ceptus, cellam accepit, ut hospes aman-  
dus; quam lætus & desideranter ingre-  
diens, cum beato Petro, in mentis, ex-  
cessu ait; *Domine bonum est, nos hic esse.*

*Matt. 17.*

Ibi namque recollegit cordis sui disper-  
siones; ibi veteris vitæ deterisit rubigines,  
atque interioris hominis imaginem re-  
formavit ad purum. Ibi insurgentes pas-  
sionum motus, jejunando vigilandoque  
confregit; & dæmonum varios insultus,  
orando flendoque divicit, loquens cum  
*Psalm. 14.* sancto David: *Ecce elongavi fugiens, &  
mansi in solitudine. Expectabam eum, qui  
salvum me fecit, à pusillanimitate spiritus  
& tempestate. Vidi & ego habita-  
tionis ejus locum, in quo lucerna Dei  
& amicus omnipotentis, ad tempus la-  
tuit, donec super candelabrum poneretur,  
ut omnibus lucis exempla mon-  
straret.*

## CAPUT VII.

*De abstinentia, & cilicio ejus quod  
gestavit.*

1. 1. **N**OVUS igitur miles Christi, sub  
castris Carthusiorum, stabat in-  
trepidus. Nec tædio cellæ vincitur intus,  
nec laboris exercitio frangitur foris; sed  
sicut bonus claustralis, fit custos cordis &  
oris. Etenim agrum cordis sui, districtâ  
examinatione quotidie visitans, diligen-  
ter excoluit, spinas vitiorum eradicant.

do, ac virtutum semina inferendo: Ita-  
que bellum spirituale adversus carnem  
& sanguinem assumens, quo citius mun-  
di rectorem, principem tenebrarum dia-  
bolum prosterneret, strenuè contra se-  
ipsum in loco solitudinis armatur. Non  
ergo se palpat, ut delicatus; nec sibi par-  
cit, quasi sit debilis; nec se excusat, tan-  
quàm innoxius, nec penitentiam differt,  
sicut negligens & tepidus servus: sed me-  
mor iniquitatum suarum antiquarum  
spiritum contritionis concepit; & faciem  
Christi placare desiderans, carnem suam  
cum vitiis & concupiscentiis, pro nomi-  
ne Jesu crucifixit. Tenero namque cor-  
pusculo, crebra jejunia indixit; ab esu  
carnium [sicut mos ordinis est] & à mul-  
tis licitis abstinuit; vigiliis noctis pro-  
longavit, somni torporem, stando, oran-  
do, genu flexendo, ab oculis excussit;  
atque in spiritu fervoris, corpus spiritui  
servire coëgit.

2. 2. Lumbos quoque suos, cilicio asper-  
rimo & nodoso præcinxit, ne caro las-  
civiens titillaret; fortique pudicitie vi-  
gore renes constringens, pellem & car-  
nem pro anima fideliter exposuit. Unde  
ad literam, veraciter Prophetæ verbum  
in Psalmo implevit, ut meritò dicere pos-  
set: *Ego autem, cum mihi molesti essent, Psalm. 43.  
induebar cilicio. Qui sunt isti, ô bone ma-  
gister, tibi in clauastro infesti. Caro certè  
concupiscens, mundus alliciens, & dia-  
bolus tentans. Mirum, si in hac solitu-  
dine tentationes habes, ubi jam à sæcu-  
laribus longè degis. Non sum securus,  
nec ego nec aliquis in corpore peccati  
constitutus. Sed ne vincar affectionibus  
pravis, aut movear exemplis malis, quæ-  
sivi locum solitudinis, sub majori spe  
Divinæ protectionis. Et quidem Chri-  
stus*



stus nunquam fuit tam apertè tentatus, nisi cùm intrasset desertum, & jejuna-  
set à cibis, qui tamen liber erat à pas-  
sionibus cunctis. Itaque, ego qui pec-  
cator sum, ut Deo meo amplius satis-  
faciam, subtraxi me à turbis, humilia-  
vi in jejunio animam meam, ut oratio  
mea in sinu meo convertatur. Retulit  
mihi quædam devota soror, quam ipse  
convertit; quod post mortem ejus, ci-  
licium magistri Gerardi vidisset, & ma-  
nibus contrectasset; quia valde lon-  
gum & asperum fuit, & multos nodos  
habuit, ad graviolem pœnam ipsi in-  
fligendam.

## CAPUT VIII.

*Quod consilio Religiosorum, cepit verbum  
Dei predicare.*

1. **C**Umque devotus ac studiosus ma-  
gister, virtutum proficeret incre-  
mentis; & mundus tantò magis ei vi-  
lesceret, quantò Christus ipsi plus dul-  
cescebat; Deo disponente, cum tempus  
fructificandi jam instaret, consilium fuit  
prudentum virorum ac religiosorum fra-  
trum, ut lucerna ardens & lucens super  
candelabrum poneretur; quatenus om-  
nibus, qui in domo Dei sunt, luceret; ac  
per vocem prædicationis, & persanctæ  
conversacionis exemplum, accenderet  
corda peccatorum. Fuiſſet bonum, quod  
vir magnæ facultatis, Deo & sibi con-  
tinuè vacasset in solitudine clauſtrali;  
sed majus bonum, & altior laus Dei ex-  
indè sperabatur; quod magister ad præ-  
dicandum idoneus, & ad ferendum onus  
ordinis minus validus, pluribus profi-  
ceret animabus; verbum vitæ palam  
prædicando, qui viam humilitatis didi-  
cit incedere, terrena omnia aspernan-

do; ut sic Christo lucrum maximum  
ferret, & multos secum ad æternum per-  
duceret regnum; tantò gloriosior uti-  
que in futuro, quantò ferventiùs labo-  
raret pro animarum salute in præſenti.

2. Tribus autem annis, lectioni & 2.  
orationi vacavit, antequam prædicare  
inciperet. Accensus est ergo præco fi-  
delis spiritualibus armis, & scriptura-  
rum documentis, ad evangelizandum  
verbum Dei, in civitatibus & villis, co-  
ram clericis & laicis ac religiosis multis  
audientibus, viris & mulieribus, parvu-  
lis & magnis, doctis pariter & indoctis,  
magnatibus, scabinis, consulibus, servis  
ac liberis, divitibus, pauperibus, indige-  
nis & peregrinis. Cumque tuba saluta-  
ri intonaret, nec quicquam necessariæ  
salutis audientium auribus subtraheret,  
sed omne consilium Dei secundum sta-  
tum & conditiones personarum sexus &  
ætatis publicè annunciaret, commota  
sunt corda plurimorum, à facie formi-  
dinis Domini, & à ventura ira judicii ex-  
tremi, & ignis extremi. *Posuit quippe  
securim, secundum Beati Joannis Bapti-  
stæ sententiam, ad radicem arboris;*  
ut districtum judicem omnes timerent,  
peccare desinerent, ac dignos pœniten-  
tiæ fructus agerent, orationibus, eleē-  
mosynis, & jejuniis insistendo, faciem pii  
conditoris prævenirent atque placarent.  
Et multi audientes sermonem ejus, com-  
puncti sunt; & accedentes ad eum, consi-  
lio ejus se subdiderunt, omnem vanitatem  
sæculi abjicientes. Quidam etiam in casti-  
monia æmulatione, virgines permanse-  
runt: nonnulli continentiam voventes,  
plures secum in Dei servitio congre-  
garunt.

3. Sed quoniam probitas bonorum, invi-  
diam



diam patitur malorum, contradixerunt ei frequenter homines mente corrupti, amatores mundi, & delictiarum sectatores; viam veritatis odientes, & omnibus bonis adversantes. Isti viro Dei secredò detrahebant, & quandoque apertis latratibus, contra eum turbationem fuscitabant; quia eorum vitia & scelera, acriter arguebat. Sed quod nequius est, quidam Prælati & Sacerdotes, nec non Religiosi circumvagantes, indignè ferebant tanti viri doctrinam & iustitiæ zelum, in desertores sacræ legis: idcirco famam ejus denigrare, & animi constantiam debellare conabantur. De quibus & ipse, in quadam epistola ita scribit: Multi me circumstant latratus, qui exardescunt sicut ignis in spinis, sed non comparent. Unde amator Christi & zelator animarum, nec minis adversantium turbabatur, nec vituperiis improbrantium irritabatur. Fundatus enim erat supra firmam petram; quia non quæsit mundi gloriam, nec veritus est pati pro Christo contumeliâ; quinimò paratus erat, pro veritate & Evangelio Dei, corpus tradere & animam, ad Dei gloriam promovendam, & ubilibet dilatandam. Benedictus itaque Deus, qui talem nobis prædicatorem fuscitavit, & ad prædicandum transmissit; per quem, nobis in hac infima terra, refulsit lux vitæ cœlestis.

## CAPUT IX.

*De laboribus & patientia ejus inter adversarios.*

1. **L**ongum est enarrare labores, quos pertulit in prædicando: confictus, quos habuit contra subversores fidei in disputando: exhortationes, quas

peregit, devotos fratres & sorores in sancto proposito confirmando. Et hæc latissimè in epistolis ejus patent, quas diversis personis, pro consolatione destinavit. Ait namque in epistola quadam, ad Sacerdotes in Amsterdamo, sibi multum familiares: Non terreamini charissimi, si famam audiveritis de Campensibus contra me. Omnia succedunt, ut spero, sicut Deus vult. Et mirabiliter augetur Ecclesia in Campis, Deo altissimo laus & gloria. Ardeat charitas intra nos non lentè, sed vehementer. Despiciamus ista stercora, sumus in laudem Conditoris; ut exemplaria altissimi. Sentiens proinde, multos Ecclesiarum Prælatos sibi adversari, & prædicationem suam inimicâ æmulatione impediri, ac callido edicto interdici; cessit humiliter furori & livori, nolens in populo tumultum contra clerum agitare. Dixitque ad plebem, quæ indignè ferebat inhibitionem talem confictam; Prælati nostri sunt, volumus prout decet & tenemur, eorum edictis obedire. Non enim quærimus aliquem lædere, nec scandalum fuscitare. Dominus benè novit suos, quos elegit ab initio: & vocabit etiam per gratiam suam sine nobis, sicut ei placuerit. Suppressit ergò vocem suam ad tempus, & interim ad privatas se contulit exhortationes; cunctis adventantibus consolationis verbum alacri corde impendendo; quemadmodum & beatus Paulus ait: *Et ego ipse impendar pro animabus vestris,* 2. Cor. 11. *non quarens, quod mihi utile, sed quod multis.*

2. Fecit etiam plures sacræ Theologiæ libros à scholaribus scribi, quos attraxit colloquiis bonis, ac pretio remunere.



muneravit, invitans eos ad domum suam venire, & verbum Dei sapius audire; ut sic instrueret ad castitatem, & vitæ emendationem, quatenus æternæ beatitudinis participes fierent, & sanctæ novitatis formam arriperent, per abreununtiationem vitæ secularis. Interdum quoque piâ cautione præhabitâ, pecuniæ summam ex integro non solvit, sed per partes tribuit, ut frequenter ad eum, pro debito tollendo accoderent, & tali occasione familiaritatis ejus gratiam invenirent. Qui tantò libentius magistri doctrinam audiebant, quanto majora pietatis beneficia, in eo redundare videbant. Multum enim affectavit, ex his Scriptoribus aliquos facere Christi, quod etiam Deo favente factum est in tempore brevi. Plus enim delectabatur simplicibus, & minùs eruditis loqui, quàm sapientibus sæculi; quia innocentes & egeni, plerumque consilium Dei citius admittunt, quàm astutiores, qui in sua sapientia confidunt. Unde Propheta David: *Innocentes & recti, adhaeserunt mihi, quia sustinui te.*

3. Quidam ex ordine mendicantium religiosus habitu, sed perniciosus sermone, cepit venerabili Magistro contradicere in multis. Is ergò, cum eum vincere non posset, ad curiam Romanam iter arripuit, ut viro Dei litem inferret, aut qualicunq; astutiâ silentium imponeret: quod utiq; facere pertinuisset, si spiritu Dei motus fuisset. Verùm Deus arbiter justus & pacis amator, aliter disposuit, quàm ille iniquus turbator præsumpsit. Subito enim infirmatus in via obiit, & tota machinatio ejus, ad nihilum redacta cessavit. Fuit & alius in Ordine prædicatorum, eloquens sermocinator, magnæ

opinionis habens titulum & dignitatem; qui comperta venerabilis magistri fama præclara, gavisus est charitate eximiâ, congratulans eidem mente devota. Misit ergò ipsi amicabilem literam, elegantidictamine conscriptam, recommendans bonum opus ab eo inceptum; suadens ne frageretur impulsibus perversorum, sed in Domino confusus staret fortissime, & populo Christiano coelestia fluenta uberius instillaret. Quibus auditis & literis perlectis, magister in multis probatus collegam sanctæ exhortationis charitatis ulnis amplexatus est, & ad prædicationis opus velut divinis oraculis armabatur.

## CAPUT X.

*De profectioe ejus ad partes Brabantie.*

1. **A**Udiens pius & humilis magister Gerardus, magnam ac celebrem famam venerabilis Domini Joannis Rossebroec religiosi, Prioris Viridis vallis prope Bruxellam, perrexit ad partes Brabantie per longinqui itineris spatium, ad videndam sancti ac devotissimi patris præsentiam corporalem; ut quem opinione vulgatâ tantum, & ex librorum ejus editione cognoverat, coram quoque positus oculatâ specie cerneret; ac viventis in carne vocem gratiosam, tanquam Spiritus sancti fistulam, audiret sua verba resonantem. Assumpsit ergò secum Reverendum Magistrum Joannem Cele, rectorem scholæ Scuolensis, devotum ac fidelem Jesu Christi amatorem; quorum erat anima una, & cor unum in Domino; & grata utriusque societas & accensa voluntas, ut ad honorem Dei pariter proficiscerentur, spiritualis ædificationis duntaxat gratia.

*Thom. à Kemp. Serm.*

B

2. Pro-



2. 2. Profectus est etiam cum eis, vir quidam fidelis & devotus laicus, Gerardus calopifex dictus, dux angusti itineris, & individuus comes hujus felicissimæ profectionis. Venientes ergo ad locum, Viridis vallis nomine, viderunt in eo non alta & curiosa ædificia, sed simplicitatis & paupertatis insignia; quæ cælestis Regis nostri fuerunt vestigia prima, cum in orbem terrarum Rex cæli, ex virgine natus processit inopia plenus. Intransibis autem monasterii portam, mox occurrit Pater sanctus Prior devotus, ætate grandævus, affabilitate serenus, ac morum honestate reverendus, propter quem intuendum & visitandum venerant. Qui benignissimè adventantes salutans, divinâ revelatione instructus, magistrum Gerardum proprio nomine appellavit & cognovit, quem tamen antea nunquam viderat. Satisfactione igitur præmissâ, hospites honestissimos secum ad interiora claustrî perduxit, & debitam humanitatis gratiam, hilari vultu & corde lætiori, eis exhibuit, tanquam Jesum Christum recepisset.

3. Mansit autem magister Gerardus ibidem paucis diebus, conferens cum viro Dei de sanctis scripturis, à quo multa secreta cælestia audivit, quæ suum intellectum excedere fatebatur; ita ut cum Regina Saba stupens diceret: *Major est sapientia & scientia tua* (Pater eximie) *quàm rumor, quem audivi in terra mea; viciisti enim virtutibus famam.* Post hæc, cum suis ad propriam urbem, plurimum ædificatus repedavit; & tanquam mundum animal, audita mente pertractans, frequenter intus ruminavit; & quædam ex his dictis, ne oblivisceretur, in scripta

redegit. Cui etiam Deus obitum amantissimi patris revelavit, ut in compulsionem campanarum, multis civibus audientibus manifestavit; ejusque animam unâ horâ purgatam, ad cælestem gloriam transisse quibusdam amicis suis secretius indicavit. Sed nec ipse, diu postea supervixit. Nam triennio ferè transacto, mortalitatis tempore, carnis debitum Domino se vocante persolvit. Nec fuit otiosa hujus visitationis peregrinatio, nec infructuosa tam sancti patris allocutio; sed vivæ vocis ejus informatio, fiebat nutrimentum amplioris dilectionis, & augmentum novi fervoris; sicut in quadam epistola, ad eosdem fratres de Viridi valle directa testatur dicens: *Intimè commendari desiderio præposito & priori, cujus scabellum pedum, tam in hac vita quàm in futura* [quia anima mea ipsi præ cunctis mortalibus amore & reverentia conglutinata est] *fieri concupisco. Ardeo adhuc & suspiro vestram præsentiam, & de spiritu vestro renovari, & inspirari, & mihi impertiri.*

## CAPUT XI.

*De rigore ejus in vitâ & vestit.*

1. **D**omestica autem conversatio ejus, qualis fuerit, paucis edicam. Ipse namque normam vivendi sibi statuit, & multa devota exercitia compilando descripsit. Valde sobrius in comedendo fuit; & penè omni die, uno prandio contentari consuevit. Somni necessitatem sic temperavit, ut septem horas pro quiete sufficere existimaret. Extrâ domum suam comedere, à quocunque etiam invitatus, noluit; devitans familiaritates sæcularium, & longas epulationes divitum,



in detrimentum egenorum. Tam rigidè suum propositum tenuit, ut nemo eum invitare, aut molestare precibus auderet. Et in hac conscientia bonis viris sic placuit, ut malis omnem obloquendi tolleret ansam. Attramen aliquos pauperes Deo servientes, & interdum unum vel duos honestos burgen-  
ses, ad suam mensulam convocavit, ob instructionem vitæ melioris, quos uberiùs suavitæ cœlestis sermonis refecit, quàm ferculis accuratis, quæ minimè præparavit. Sive enim solus, sive cum hospite edebat, lectio sancta præibat; sermo ædificativus, ex ore mellito fluebat; aliàs, silentium suum strictè tenebat.

2. Longè ab ore ejus risus & jocus, longiùs detractionis nævus; aut qui ad rem non pertinet, rumor sæcularis. Sermo ejus, sale conditus; & super omne delectamentum. Dei cultus & animæ salus, sapiebat edenti. Inter hæc etiam, mensæ cœlestis in regno Dei, & dulcis societatis Sanctorum, post grande hujus mundi exilium recordabatur; sicque hospites suos, reddidit lætos in Domino, in corde compunctos. Habebat autem refectorium modicum, in quo pauci cum eo poterant discumbere. Ubi in propinquo, contra mensam stabat promptuarium libris optimis refertum; ut si ferculum corporis non placeret, ex copia librorum, poculum animæ amicis suis propinaret. Sæpè etiam cibos insulsos, aut exustos edebat; non impatiens, sed gratias agens, & tanquam penam de præteritis bonis exigens & persolvens. Ipse sibi cibos coquere solebat, licet peritiam coquendi non haberet.

3. A sororibus autem, quæ in vicina domo segregatim morabantur, suscipe-

re servitium devitabat. Si quid fortè commendum esset in foro venali, hoc illæ providebant; nullam tamen ad suum domicilium ingredi permisit, sed unius Clerici solatio contentus fuit. Cuncta ad honestatem bonæ famæ, tam intus quàm foris, disponebat. Et ne suspecta res notaretur, nulli sororum nisi clausâ & obvelatâ fenestrâ loquebatur. Quod si aliquando ipsi dandum erat & ministrandum, per volubilem rotam hoc inferebatur. Unde quidam discipulorum ejus videns eum tam sollicitè custoditum, quæsit ab eo familiare verbum dicens: Quare bone Magister, tam diligenter obstruitis fenestram vestram? Respondit verbum ædificatione dignum: Si possem, etiam aures obturarem, ne voces earum audirem. Siquidem abundans cautela, non nocet. Omne enim scandalum & periculum fragilium personarum, ex incustodia sensuum & nimia familiaritate venit. Qui ergo vult servare continentiam, visum reprimat & auditum: nam solâ necessitate cogente, cum fœminis timoratè est loquendum.

4. Jejunia autem sanctæ Ecclesiæ multum strictè observabat. Fetiis-sextis, à laeticiis penitus abstinerebat; & sæpe istis diebus, condimento salis pro oleo utebatur. Scutellam suam rarò lavit, sed pane tergebat, aut catello & muribus lingendam exposuit, nec mucidum panem abhorrebat. Fetiis quintis verò, ob paratorem sequentem, cuncta vascula sua ab omni sorde pinguedinis cœnâ factâ abluerebat in aquis. Erat igitur jucundus in Domino, modicis & simplicibus necessariis contentus; superflua refecans, delicata non requirens; sibi rigidus & parvus, aliis misericors & benignus.

B 2

5. Vesti-

Fœmina-  
rum viran-  
dum com-  
mercium.



5. Vestimenta ejus grisei coloris erant, & humiliter formata; non mollia, non nitida, non multis rugis complicata, raro nova; & ob vetustatem quandoque attrita, quæ modicis etiam panniculis fecerat refarciri. Nec erubuit homo bene natus, inter amicos & concives, videri abjectus in vestitu. Gestavit perinde ruptum pellicium, multis particulis repreciatum, pauperibus & mendicantibus consimile, divitibus aspernabile; devotis tamen exemplare & posteris sanctum memoriale. Omnis siquidem amictus illius, non magni valoris erat, sed non parvæ virtutis. Nam totus ornatus ejus abintus lucebat, idèo externos non curabat obtutus. Quæ prius vix aspexisset; istis jam delectabatur involvi. O virum inclytum, non mollibus indutum; sed cum Joanne, duris cilicii sagis opertum; cum Christo quoque, sanctæ paupertatis pannis amictum.

6. Interrogatus est aliquando, à quodam familiari amico; quare tam antiquum & subunculatum pellicium portaret, unde rusticanus homo erubescere potuisset? Respondit more suo grato & jucundo: In hoc quæro commodum meum, ne frigus patiar, & ne ventus per foramina intret, si non essent obstructa. Hoc audiens frater ille, valde ædificatus fuit, perpendens quod non mundo, sed Deo tantum placere desideraret. Quæsitus est etiam de pelliceo suo & tunicis, quot annorum essent. Qui ait, Majus pellicium, quod superius gero, ultra novem annos habet; sed parvum, quod subtrus porto, duorum annorum est. Quamdiu inquit, portasti tunicam tuam?

At ille: Una duodecim annorum est, altera verò trium. Poterat ergò cum sancto David dicere, Domino fiducia-  
liter supplicando: *Vide humilitatem meam & laborem meum, & dimitte universa delicta mea.* Tsal. 20.

7. Recordabatur enim humilis Magister & paupertatis sectator, qualis dudum in sæculo fuisset cum delicias amaret; quoniam oportet recto iudicio, contraria contrariis curare. Olim siquidem, pulchris vestibus & cingulo deargentato, processit in publicum; transiit etiam inter Canonicos cum superpellicio subtilissimo, & almutio formoso; corpori suo, lautiora sæpe indulgit alimenta, & pocula pretiosa, sed postea mutatus in virum alterum, non est passus, priora inulta transire; subiecitque se, non solum pedibus majorum & honoratorum, sed etiam novissimorum laicorum, coram eis super nudam terram aliquoties comedendo, ita in-  
quiens: Non sum dignus vobiscum in sedili ad mensam sedere, quia plus omnibus peccavi, & Deum offendi. Et qui capiti suo, loturam superfluam frequenter exhibuerat, crines molliter componendo; postmodum sibiipsi indignatus, biretum gessit in capite valde vetustum, à tineis corrosus, & penè centum foraminibus pertusus. Magnam igitur sibi violentiam fecit, carnem subegit, mundum contempsit, caput serpentis antiqui contrivit, nec vitia sibi dominari permisit, sed Christo duce, per viam humilitatis constanter incessit, vitam suam secundum mores sanctorum Patrum, legitime conformando.



GERARDI MAGNI.  
CAPUT XII.

*De devotione ejus in orationibus & divinis audiendis.*

1. **S**ed quàm devotus & servidus in oratione extiterit, quis enarrabit? Sæpè namque cùm horas legeret, ex infusione superabundantis gratiæ, in vocem jubilationis erupit; internum cordis gaudium, cantu dulcisono promens. Dumque leniter intra se modularetur, sursum in Deum spiritus ejus ardentur ferebatur. Plus enim jucundabatur in eloquiis divinis & orationibus devotis, quàm unquam priùs in mundi comestationibus, & variis musicorum cantilenis. Habebat autem secum in ministerio Joannem Zutphanæ, cognomento Brinckerinc; devotum clericum, moribus maturum, ab adolescentia sua Deo deditum; qui cum eo horas canonicas legere, & ad diversa loca prædicationis tempore, ipsum comitari solebat. Hunc bonæ indolis juvenem; tanquam filium paternè dilexit; quia Deo & hominibus charus extitit, & difficulter ab ejus latere avelli potuit.

2. Cui quadam vice horis expletis dixit: Quid tu Joannes jam meditaris? Intelligisne quæ legis; Dic mihi, quid inde sentis? At ille ad magistrum: Quomodo intelligerem, nisi ab aliquo instructus? Tunc ille ad discipulum suum: Et mihi sensus multiplex & mysticus occurrit, & de uno ad alium latenter transmittit, ut tædium in legendo non habeam, sed diutius his bonis gaudeam immorari. In via positus & hospitio receptus, dicto completorio, dixit duobus discipulis suis. Florentio & Joanni jam præfato; Dicamus modò singuli,

suffragia nostra quotidiana. Et hæc erant de consuetudine bona, ut unus alteri defectus suos diceret, si quid fortè reprehensibile in ipso notasset. Tunc satis libenter obtemperantes, liberè se invicem admonēbant: & humiliter culpam agnoscentes, veniam petebant; sicque charitativè emendati, ibant ad quietem.

3. Quodam tempore cum cives Daventrienses, contra hostes suos pergerent armati, vir Dei pro civium salute suppliciter oravit. Et factum est Deo dispensante, ut hostibus appropinquantibus, nebula condensa inter eos exurgeret, unde adversarii perterriti & in fugam versi discesserunt; at cives cum suis, salvi & alacres, in oppidum remearunt. Multum ergo valet deprecatio justī assidua. Omni quoque manè, priusquam negotia externa tractanda susciperet, vel quærentibus responsa daret; sacris lectionibus mentem refocillabat, & devotis meditationibus ac precibus futuras actiones suas tempestivè studuit prævenire, secundum illud Psalmistæ verbum: *Prævenērunt oculi mei ad te diluculo, ut meditarer eloquia tua.*

4. Quotidie missam, cum magna reverentia & debita devotione, satagebat audire, quærens primò regnum Dei & justitiam ejus, deinde proximorum utilitatibus se exponens, rectum tenuit iter geminæ charitatis, juxta illud in canticis: *Ordinavit in me charitatem.* Cumque Ecclesiam introisset, non ad spectandum excelsas parietum vitrinas sterit erectus, sed humiliter genua coram Deo in oratione se prostravit. Nec ullos ibi sermones conferere voluit,



voluit, sed solum divinas auscultare laudes, aut horas legere complacuit, vitans in templo Dei omne otiosum verbum loqui. Et ne devotio orantis ex tumultu hominum turbaretur, aut ab astantibus quid secreti cum Domino gereret, notaretur, locum privatum & clausum apud Fratres Minores obtinuit, ubi solus reclusus jacuit in oratione prostratus, & per quandam fenestellam venerabile altaris sacramentum in pluribus locis vidit & adoravit. Ibiq; precibus & gemitu cælum pulsabat, pectus suum cum Publicano amarissime tundeat, postulans Deum sibi propitium fieri, & delictis præteritis ignosci; ab instantibus malis & passionibus emundari, & à futuris periculis solitæ pietatis suæ munere defendi.

5. f. Tantæque devotionis & contemplationis extitit, ut divina plerumque revelatione mereretur consolari, & prophetico spiritu instrui de futuris. Nam quendam discipulum suum, de longa fratris sui absentia tristem, consolabatur de celeri adventu ejus; quia sanus est, inquit, frater tuus, & citò veniet, & ita accidit. De quibusdam etiam fratribus clericis sibi adhærentibus prædixit, quòd aliqui eorum ad sacerdotium essent promovendi, & quidam ad statum religionis assumendi. Quodam tempore, magno desiderio æternæ vitæ accensus, ait uni ex discipulis suis; Quid hîc faciam amplius? Utinam essem apud Dominum meum in cælis. Tunc frater ille respondit; Prædite te Magister, non possumus adhuc carere præsentia tua. Quis nos ita instrueret, & pro nobis tam strenuè certa-

ret? Pauci sumus & imbecilles, & isti sæculares citò nos forsitan fugarent. At ille rursus confidenter aiebat; Rogabo pro vobis Patrem, ut non deficiat devotio vestra: quam Dominus noster plantavit in terra ista. Spero, quòd istud modicum inceptum, erit in magnum profectum. Deus benè providebit sibi pro me alium virum idoneum, qui se murum ponet pro domo Dei indubitanter.

### CAPUT XIII.

*De magno desiderio ejus, legendi Scripturas sanctas.*

1. **M** Agnus autem huic venerabili Magistro inerat amor legendi Scripturas sanctas: & infatigabilis æstus colligendi libros Doctorum, plusquam tres auros denariorum. Unde in epistola quadam, testatur dicens: Semper [inquit] sum inutilis, semperque avarus, & prævarus librorum. Quamvis enim multis doctis esset doctior, non tamen inde voluit honorari: sed erat mæstorum consolator, & omnium volentium Deo famulari, fidelis semper adjutor. Nec destitit semel lecta sæpè repetere, obscura quoque diligentius investigare: ut seipso semper melior fieret, & industrior ad sacratiora capeffenda. Sed nec puduit eum, à minoribus aliquid discere vel quærere, sciens scriptum: *Declaratio sermonum tuorum illuminat, & intellectum dat parvulis.* Unde talibus valde affabilem se præbuit & benignum; immo maluit potius, ab alio consilium petere, quam in sensu solus abundare. Quam, inquit, si puer aliquis me posset instruere, ad sciendam plenius Domini voluntatem, libentius eum vellem audire, quam



quàm nemine consulto ex meipso aliquid novi attentare.

2. 2. Erat igitur studiosus in scripturis legendis, sed non curiosus in pulchris libris habendis. Siquidem & breviarium non multum valens habuit, ex quo horas suas legebat, vitans pro usu suo omne, quod niteret, aut simplicitatem non redoleret. Videns ergo quendam habere librum satis bene paratum, & quam sollicitè illum inspiceret & complicaret, dixit ei; Potius habeo, quòd liber me custodiat, quàm ego illum. Servire debet liber utilitati legentis, non ad curiositatem intuentis. Itaque affectio devoti magistri, magis versabatur erga sententias in libris, quàm ad venustatem expoliti codicis. Sic & beatus Hieronymus maluit habere in vilibus membranis codices emendatos, quàm pulchros & incorreptos. Est tamen decens & recommendabile satis pro honore Dei, & ornatu sanctæ Ecclesiæ longe lateque florentis, quòd libri sacre Scripturæ, & ad divinum officium pertinentes, meliori stylo scribantur, atque ab omni pulveris sorde & corruptione præserventur; quatenus multis tam præsentibus quàm futuris, Catholicæ pacis fidelibus deserviant, & inertes ad legendum ardentius provocent, ac diu nobiscum perseverent, quia magno precio empti & longo labor conscripti existimantur.

Libros accuratè custodiri addecer.

3. 3. Nec solum sacros libros perlegere studuit, sed etiam ex authenticis dictis sanctorum, nonnulla opuscula rogatu aliorum flagitatus, pro utilitate peccantium fideliter conscripsit, & edidit; paratus etiam illos instruere, quos corporaliter adire, & oretenus informare

non potuit. Scripsit namque inter cætera, plures notabiles epistolas, quæ apud plerosque simul aggregatæ, pro digno memoriali servantur & leguntur. Habuit enim scientiam omnium liberalium artium, cum multiplici sanctorum Scripturarum notitia; nec non naturali ingenium valde acutum divinæ gratiæ lumine æternatum; linguam quoque eruditam, copiam exhortandi, memoriamque tenacem; ut vix ei alter in tot scientiis sciretur æqualis, & in sancta conversatione tam strenuus & devotus. Cumque esset tam divinarum quàm humanarum eruditionum prærogativa illustratus, erat nihilominus in deferendo honorem majoribus suis & Prælati, valde humilis & submissus; in studendo simplicia & devota aliorum dicta bene affectatus; in sermocinando circumspectus, in scribendo scriba velox, in meditando compunctus, & in negotiis sibi commissis fidelis & expeditus. Sed ne oblivioni traderet, quæ agere vel dicere eum oportebat, prout utilitas causarum exigebat, mox in regestis aut in marginibus librorum vel operculis, negotia occurrentia firmiter assignare solebat. Unde ad cautelam, propter æmulos revincendos, qui ei insidiabantur in multis, copias dictorum suorum apud se diligenter retinuit; ut casu emergente, in promptu haberet, quid detrahentium latratibus responderet.

4. 4. Contigit igitur, ut quidam Ecclesiasticus Prælatus, adversarius ejus, contra ipsum disceptaret; & de quibusdam scriptis ejus, quasi minus bene sciperet, palàm eum argueret, non perpendens quali invidiæ morbo, intus ipse laboraret. Tunc vir Dei memor innocentis



centiæ suæ, copiam litterarum suarum protulit; asserens illa, quæ sibi objiciebantur, non esse scripta ipsius, nec cum literis suis consonantiam habere. Vos [inquit] Domine videritis, quales litteras recepistis vel misistis: En hæc est copia & series litterarum mearum, quas manu mea dictavi: cum istis loquor, & pro istis ago & respondeo. His ita constanter editis, obstructum est os loquentis iniqua; & magister insignis, per assertionem veritatis, in majori abscessit reverentia coram multis astantibus: Quoniam veritas semper prævalebit; quamvis ab imperitis frequenter impugnetur.

5. 5. Fertur quoque, quod idem magister in astronomia & necromantia tritus fuerit; & antequam conversus esset, quædam magicæ artis præstigia attitisset. Sed à duobus discipulis ejus intellexi, plura ipsi non rectè imponit. Cum enim unus discipulorum ejus, de hac re sciscitaretur ab eo veritatem, ait illi: Scientiam quidem hujus artis didici, & libros legi & habui; sed magicam levitatem non exercui. Adjecit etiam mihi dicere quidam discipulus ejus fidelis & devotus presbyter, ad certificandum me clariùs de dubio præsentis. Quia duplex est [inquit] necromantia. Una dicitur naturalis, quæ est subtilissima, & à paucis vix discernitur à secunda, quæ diabolica appellatur, & à jure prohibetur. Naturalem magister Gerardus scivit, sed alteram existimo eum non didicisse, nec cum diabolo pactum iniisse. Sed qualitercunque tamen sit, quicquid vanitatis & contagionis ex prædicta scientia olim contraxit, sive joculariter sive seriøsè ali-

Necromantia  
sive Magia duplex.

quid egit vel dixit, hæc cuncta dignis pœnitentiæ fructibus ad Deum plenè conversus diluit & purgavit. In cujus rei testimonium, quadam ægitudine tactus, coram sacerdote omnibus illicitus artibus renuntiavit, & codices vanitatis igni tradidit exurendos.

6. 6. Agnoscatur in his omnibus divini pietatis sinus immensus: qualiter omnipotens Deus, quosdam finit gravioribus peccatis & diuturnis erroribus implicari, & tandem ampliori miseratione apparente ex occulto, renovat perditos ad vitam, ac lapsos suscitavit ad pœnitentiam, donans non solum de præteritis criminibus veniam, sed etiam perfectè conversis, & bene proficere nitentibus, cumulum majoris gratiæ; & quod diabolus instigavit ad confusionis pœnam, Deus novit ordinare ad altioris gloriæ coronam promerendam. Si enim gaudium nascitur Angelis, super uno peccatore pœnitentiam agente; quàm ingens gaudium factum est de eo, qui non solum de propriis malis pœnituit, sed tam multos etiam peccatores ad pœnitentiam, verbo & exemplo suo convertit, atque magnam turbam fidelium ad cœlestia regna trahere laboravit?

#### CAPUT XIV.

*De multiplici fructu ejus, in conversione hominum.*

1. 1. **Q**uoniam quidem omnis arbor, Christo attestante ex fructu cognoscitur, pandendum nunc est, quales ac quantos pietatis fructus hæc arbor protulerit, in tam brevi tempore quo prædicavit. Tribus autem præcipuè arboribus, hunc memorabilem virum & doctum



doctum magistrum, dignum duxi comparandum, videlicet olivæ fertili, cedro sublimi, & palmæ florenti. Ipse enim tanquam lignum fructiferum secus decursus aquarum, plantatus extitit, qui in tempore suo fructus optimos Deo reddidit; quia plenus fluentis scripturarum, vineam Domini sabaoth uberim irrigavit; unde botri devotionis, cum viriditate boni operis excreverunt, ad laudem Domini nostri Salvatoris. Non fuit iste homo Dei arbor sterilis, nec sylvestris velut quercus defluentibus foliis; sed revera fertilis, ut oliva speciosa in campis, sicut cedrus nobilis, exaltata in Libano; & tanquam palma decora, in monte Sion. Præstitit enim ei misericors Deus gratiam magnam, quam non in vacuum recepit, sed ad usum boni operis exercuit, ut fieret omnibus exemplum virtutis, qui prius fuerat multis causa erroris, & comes vanitatis. Et factus est tantò humilior & ferventior ad bonum, quantò gravius se noverat errasse in malo. Quamobrem spiritu Dei innovatus & accensus, operibus misericordiæ diligentius insistebat, magno compassionis affectu, proximis succurrendo; salutis verbum populis prædicando, tristibus & tentatis, tanquam pius animarum medicus, divinæ consolationis solatium adhibendo, & recidivantes, crebra exhortatione, ad primi fervoris statum, precibus & lamenti revocando.

2. Quia ergo multam misericordiam affecutus est à Domino, & hanc cum proximo impertiri studuit in vera charitate largiter & ubique, meritò potest cum S. David cantare & dicere: *Ego autem sicut oliva fructificavi in domo Do-*

*mini, speravi in misericordia Dei in æternum.* Non enim impassivus & immisericors extitit, sicut malus ille servus, qui omnibus sibi dimissis, non est *Math. 18.* *miserus conservi sui*, sed ab initio conversionis suæ, omne debitum in se peccantibus dimisit, pro detrahentibus sibi, suppliciter oravit, paratus etiam ad satisfactionem prior venire, si quem offendisset, & cum omnibus pacem salva veritatis defensione conservare. *Math. 23.* *Nec etiam absconditi pecuniam Domini sui, sicut piger ille servus, propriis commodis intentus, sed donum scientiæ ac talentum sibi traditum ad lucrandas animas, fideliter exposuit.* Dignè ergo olivæ fertili comparatur, qui oleum misericordiæ, quod à Deo percepit, in próximos suos pia erogatione transfudit. Præcipuè tamen misericordiæ viscera, pauperibus castitatem servantibus ostendit, curam paternæ sollicitudinis eis impendens; atque omni, quo potuit consolationis auxilio, necessitatibus egenorum, per se & per alios studuit subvenire.

3. Comparatur quoque non absurdè cedro sublimi, in altum protensæ, quia terrena cuncta spernendo, per contemplationem æternorum crevit in altum, atque per propriæ fragilitatis respectum, cor suum fixit in humilitatis profundo, factusque est tantò latior in summo, quantò angustior & depressior in mundo. Cum enim esse tam multis scientiis præditus, & maximæ reputationis inter egregios sui temporis Doctores, despexit tamen omne culmen sæcularis honoris, & simplicium se conformavit moribus, ut si quis eum non cognovisset, vix attendisset aut salutasset. Bene



etiam palmæ florenti, magister iste affi-  
milatur, qua antiquitus victores pugiles-  
que solebant coronari: quia multis labo-  
ribus & scripturarum documentis, velu-  
ti armorum telis contra hæreticos, simo-  
niacos, usurarios, proprietarios foca-  
ristas, ac alia complura vitiorum mon-  
stra certavit, & vicit; dignus proinde  
æternæ beatitudinis palmâ coronari,  
atque à fidelibus populis debita laudum  
veneratione commendari. Ecce jam ve-  
rus Israëlita, & Theologica veritatis  
devotissimus Prædicator & Defensor;  
qui sic Deum dilexit, ut proximum non  
negligeret: sic ad cœlestia mentem  
erexit, ut necessitatibus aliorum non de-  
esset: quin non tantum propriæ salu-  
ti intendere, sed multis prodesse, &  
secum ad perfectiorem vitam ducere sa-  
tagebat.

4. 4. Erat enim vultu hilis, affatu  
benignus; mente tranquillus, habitu  
humilis, victu sobrius; consilio sagax,  
iudicio discretus; rigidus contra vitia,  
fervidus ad virtutes; otium fugitans,  
semper aliquid utilitatis pro ædificatio-  
ne exercens; simplicitatem diligens, hu-  
milia sectans, cœlestia meditans; inter-  
na penetrans, lectionibus & orationibus  
sedulo vacans; Deum semper præ o-  
culis habens, jura Ecclesiæ sollicitè  
custodiens, atque sæcularibus bonum  
exemplum præbens, nil terreni com-  
modi ex prædicatione quærens; sed a-  
nimarum lucra pensans, ac gratis si-  
ne Ecclesiasticis sumptibus evangelizans.  
Quamvis ergo longævam vitam non  
duxit senio fessam, in brevi tamen tem-  
pore, multum fructum prædicatione  
sua protulit, & devotissimos post se  
discipulos ac fratres in diversis locis re-

liquit, quos ipse primò novæ lucis  
gratiâ, qua imbutus erat, fideliter in-  
struxit & accendit.

## CAPUT XV.

*De devotis congregationibus & monaste-  
riis, ab eo exortis.*

1. **O** Primè autem æterna Patris sa-  
pientia supernaque clementia  
providit, ut senescenti jam mundo, &  
ad deteriora vergenti, talis ac tantus  
magister, tanquam cælestis legatus desti-  
naretur, lorica fidei indutus, & sanctita-  
te vitæ iussultus, per quem religio sacra  
refloresceret, & devotio Christiani populi,  
ad divini cultus studium & observantiam  
decalogi, frequenter ejus sermonibus e-  
rudita incalesceret, atque opera miseri-  
cordiæ in pauperes exerceret. Non enim  
imperiti hominis opus esse videbatur,  
tot hominum malitiis posse resistere; &  
de profunda peccatorum caligine, per-  
euntes animas ad veritatis lucem revoca-  
re. Sed huic doctissimo viro & in multis  
experto, gratia divina prædicandi tribuit  
facultatem; qui vitæ merito & doctrina  
cœlesti plenissimè instructus, alios præ-  
cellebat; & contemptum mundi, non  
in humanæ sapientiæ verbis, sed sanctæ  
conversationis exemplis, suis auditori-  
bus efficacius persuadebat. Tantusque  
affectus audiendi verbum Dei in popu-  
lo fuit, ut turbam convenientem Ecclesia  
vix caperet. Nam multi sua prandia re-  
linquebant; & negotia necessaria suspen-  
dentes, ad ejus sermonem pia prorsus  
aviditate tracti concurrebant. Sæpè nam-  
que duos sermones uno die prædicavit,  
& quandoque spiritu fervoris concepto,  
tribus horis aut amplius sermonem  
continuavit. Prædicavit autem in prin-  
cipalio.



cipalioribus civitatibus diœcesis Trajectensis, Daventriæ, Suvollis, Campis pluribus vicibus; & in Trajecto, coram universo clero; atque in Hollandiæ partibus, Leydis, Delfi, Goudæ, & in Amsterdamo primum sermonem teuthonicum, & in compluribus aliis oppidis ac villis famatis, ubi sperabat aliquem fructum facere, & novum populum Deo paritute. Et benedictus Deus, qui misso desuper Spiritu sancto, accendit corda fidelium suorum, & auxit populum suum vehementer; ut de paucis granis conversis, surgerent multæ congregationes devotorum fratrum & sororum, in cæsimonia vitæ Deo servientium, ex quibus nonnulla monasteria regularium ac sanctimonialium formatum, initium sanctæ conversationis acceperunt.

2. Magna laus magistri Gerardi, quod de origine ac fonte prædicationis ejus stirps tanta processit; quæ nec post mortem ejus, licet noviter plantatâ, in agro Dominico germinare cessavit. Si quidem primò ad proximas Regiones Hollandiæ, Geldriæ, Brabantia; de hinc ad remotiores partes Flandriæ, Friariæ, Westfaliæ, Saxonie, ordo regularis & devotorum conventus, Deo prosperante, cursim emanavit; insuper ad audientiam Apostolicæ sedis, odor bonæ opinionis pervenit. Ipse namque venerabilis Magister Gerardus, Spiritu Dei repletus, cum videret paulatim numerum discipulorum suorum augmentari, & ad studium cœlestis exercitii conflagrare, operam dedit & consuluit, ut devoti quandoque in unam domum, pro mutua exhortatione convenirent, & de Deo ac charitate servanda sincerè tractarent. Et si qui simul stare vellent, de

labore manuum suarum victum quærent, & communem vitam, quantum possent, sub disciplina Ecclesiastica tenerent. Nullum etiam permisit publicè mendicare, nisi evidens necessitas cõgisset, nec curiosè per domos sub obtentu alimonie circuire, sed potius domi manere, & operi manuali, ut Paulus docuit, insistere suasit, neque aliqua negotia devotionis impeditiva, spe uberioris lucri, censuit exercenda, ne diabolo instigante, daretur infirmis occasio recidivandi rursus ad pristina mala.

3. Habuit etiam in proposito ædificandi monasterium Clericorum Ordinis Canonicorum Regularium, volens quosdam de idoneis Clericis sibi adherentibus, ad religionis habitum promovere, ut aliis devotis essent in exemplum, & adventantibus aliunde clericis vel laicis, bonæ conversationis iter ostenderent. Ad hunc ordinem Regularium instituendum, præcipuè inductus fuit propter singularem reverentiam & amorem, venerabilis Domini Joannis Rusebroec, primi prioris Viridis vallis, & aliorum ibidem religiosè conversantium probatissimorum fratrum in ordine Regulari, quos dudum personaliter in Brabantia visitaverat, à quibus magnam ædificationis formam, ob multam ipsorum humilitatem, & simplicis habitus deferentiam, traxit & annotavit. Cum igitur pro loco religioni apto, & monasterio fundando diligenter instaret, mortalitate præventus non potuit perficere, quod optavit, sed Deo Regi immortalis & invisibili omnium rerum conditori, intentum voluntatis suæ pro operis effectu obtulit, ac



totum desiderium monasticæ constructi-  
onis charissimis discipulis suis ab eo  
conversis perficiendum commisit, hor-  
tans, ne tantum bonum ipso defuncto  
fopiretur, sed pro honore Dei ampli-  
ando, omnes pariter consilium præ-  
starent & juvamen. Ex his fuerunt,  
qui in monasterium in Windefem, &  
domum S. Agnetis in monte prope  
Svollas, primitus Deo juvante funda-  
verunt.

### C A P U T XVI.

*De felici obitu ejus, & sepultura.*

1. **S**Entiens itaque fidelis & prudens  
servus Domini Magister Gerar-  
dus, dierum suorum adesse finem, utpo-  
te communi mortalitatis fulmine percus-  
sus, salutare viaticum petiit & accepit.  
Insuper plagam Domini patienter tole-  
rans, cum electis non refugit flagellari,  
ut iram omnipotentis judicis, tanto fa-  
cilius placaret, quanto humilius & liben-  
tius præsentia flagella sustineret. Igitur  
omni modo voluntati divinæ se resignans  
& ordinationi supernæ sponte se subji-  
cens, agonem suum fiducialiter Domino  
commendavit, ita ad astantes sibi fratres  
breviter loquens: En vocor à Domino,  
& tempus resolutionis meæ instat, Au-  
gustinus & Bernardus pulsant ad ostium,  
non possum præterire terminum à Deo  
constitutum. Cogor cum mortalibus cæ-  
teris, debitum persolvere carnis. Deus  
tueatur exitum meum, pergat spiritus  
ad Dominum, qui fecit illum. Tegat  
terra corpusculum, de terra sumptum,  
non diu ibi mansurum. Det mihi Deus  
invenire requiem post mortem, pro  
cujus amore laboravi, scripsi, & præ-  
dicavi.

2. Contristati verò nimis discipuli e-  
jus, & profundè ingemiscientes dixerunt.  
Quid jam ultra faciemus, & quis de cæ-  
tero nos informabit? Tu pater & defen-  
sor noster fuisti, & ad Dominum nos  
traxisti. Jam adversarii nostri lætabun-  
tur, & sæculares nos subannabunt, di-  
centes: Non habent isti ducem ac princi-  
pem; ideò citò rediguntur in nihilum.  
Si te veniente ausi fuerunt nos deridere,  
& maledicere, quid facient te dece-  
dente? Cadat oratio tua pro nobis, &  
fer citò auxilium filiis derelictis. Tuo  
consilio nos emendare incepimus, ad-  
juva, ut perseveremus. Videns pius &  
misericors magister corda filiorum suo-  
rum, de suo transitu graviter contrista-  
ri, benignam consolationem intulit,  
dicens: Habete fiduciam in Domino  
charissimi, nec timeatis sæculares ho-  
mines contra vos garrientes. Stare fir-  
miter in proposito sancto, Dominus e-  
rit vobiscum in loco isto. Non enim  
prævalebit homo infringere, quæ Deus  
decrevit operari. Ut primum venero  
ad Dominum, spero, quòd projiciam  
vobis flores de cælo, ut gratiam sentia-  
tis, & fructum faciatis in mundo. Com-  
mendo autem vos omnes, Deo & sanctis  
ejus.

3. Et ecce Dominus Florentius, di-  
lectus discipulus meus, in quo verè Spi-  
ritus sanctus requiescit, erit vobis pater  
& rector vester. Ipsum loco mei habe-  
tis, ipsum audite, & ejus consilio obe-  
dite. Non novi consimilem mei, de quo  
talia sentio, & cui tantum confido, quem  
sicut patrem diligere & honorare debetis.  
Sicque benignè consolatus est discipulos  
suos, gravi mœrore affectos, spondens  
auxilium Dei eis certissimè futurum.

Quibus



Quibus non aurum, nec argentum, nec prædiorum copias reliquit in testamentum, sed sacros codices & pauperulas vestes, ac alia quædam vilia & antiqua utensilia, in signum contemptus mundi, & ad consequendum facilius regnum Dei. Tunc etiam venerunt ad eum quidam devoti scholares, morbo pestilentie percussi, cupientes pro remedio animæ salutare aliquod verbum ab eo audire. Ad quos ille clementer locutus est. Si habetis bonam voluntatem, semper serviendo Deo, securè potestis mori. Omnes lectiones, quas didicistis, reputabuntur vobis sicut oratio dominicalis, propter piam intentionem, quam ad Deum in studendo habuistis. His auditis consolati juvenes & revertentes ad hospitia sua, defuncti sunt in confessione bona, commendantes Deo & Angelis sanctis animas suas Christi sanguine redemptas.

4. Igitur post festum assumptionis beatæ Mariæ semper Virginis, cum jam natalis dies beati Bernardi illuxisset, venerabilis Pater Magister Gerardus, speciali devotione sancto Bernardo affectus, sole advesperascente inter quintam horam & sextam, tradidit Deo animam suam sacramentis Ecclesiasticis munitam, fide pretiosam, ac multis virtutibus claram, anno Dominicæ incarnationis millesimo trecentesimo octogesimo quarto, ætatis suæ quadragesimo circiter quarto, tempore Urbani Papæ Sexti, ac Reverendissimi Domini Florentii de Wevelichoven Trajectensis Episcopi viri spectabilis, multis probis actibus adornati.

5. Cum ergo tristis rumor obitus ejus exisset in populum, convenerunt multi fideles, ad tam amandi & Deo devoti

magistri exequias celebrandas. Fuderuntque pias lachrymas religiosi fratres & sorores, debitum humanæ defunctionis, cum precibus & missarum solenniis, ex more persolventes. Omnique Ecclesiastico officio fideliter peracto, corpus ejus deportatum est ad Ecclesiam beatæ Mariæ, in qua reverendæ traditur sepulturæ, ubi frequenter verbum Dei noscitur vivæ voce prædicasse. Ibi non longè à sanctuario requiescit in pace, cum cæteris fidelibus resuscitandus in novissimo die, per Jesum Christum Dominum nostrum, qui judicaturus est vivos & mortuos & sæculum per ignem. Hæc pauca de pluribus & magnificis actibus venerabilis Magistri Gerardi, pro ædificatione præsentium & futurorum Fratrum nostræ congregationis, sint dicta ad laudem Domini nostri Jesu Christi. Peto autem veniam mihi dari, pro omni errato & sermonis defectu; quia imperitiam meam agnosco, & fraternæ correctioni humiliter me subjicio, gratiæ Dei tribuens quicquid boni hic scriptum invenitur.

N O V I T I U S.

6. **M**ultum desideranter ista audio, & quasi novum devotionis spiritum sentio, mihi exinde generari. O si multi jam tales magistri possent inveniri, qui Ecclesiam Dei tam præclaris exemplis & doctrinis, conarentur informare. Quapropter egestium virum hæcenus mihi ignotum, in majori reverentia dilectionis habebō, & ejus scripta ac gesta, ubicunque invenero, studiosè perlegere & indagare curabō. Sed quæso te, si adhuc aliqua commendabilia de eonosti, quatenus hæc mihi prius edisseras, antequam ad ulteriora procedas.

C 3. SE



7. **L**icet ad alia scribenda festinem, tamen ut tuo desiderio satisfaciam paucis, audi quid de eodem quidam Doctor in Theologia cantor Parisiensis, olim ipsi familiaris scribit, & quanta cum laude post mortem extollit.

## CAPUT XVII.

*De magnifica commendatione ejus à cantore Parisiensi.*

1. **S**acræ recordationis Magister Gerardus, dictus magnus, foeliciter migravit ad Dominum. Et verè magnus, quoniam in omnibus scientiis liberalibus, naturalibus, moralibus, civilibus, canonicis, & theologicis, simul in uno supposito congregatis, nulli secundus erat in orbe. Erat etiam tantæ sanctitatis & exempli in mortificatione carnis, in abnegatione temporalium, in contemptu mundi; in charitate fraterna ad omnes, in desiderio salutis animarum, in efficacia prædicationis; in reprobatione & detestatione vitiorum, in opponendo se hæreticis; in persequendo secundum jura canonica concubinos; in convertendo ad vitam spiritualem plures viros ac mulieres, prius secundum sæculum viventes; in fidelitate ad Dominum nostrum Urbanum Sextum, quod multa millia personarum testificarentur de credulitate, quod credunt eum fuisse non minorem in dictis virtutibus, quam in antedictis scientiis. Magister Wilhelmus de Saluarvilla cantor Parisiensis, Archidiaconus Brabantiae in Ecclesia Leodiensi, Doctor in Theologia præcellens, hæc prædicta compilavit, prout ab ore fide dignorum audit, & secundum quod ipse Magistrum Gerardum novit, vera esse proculdubio credit.

2. **C**onsonant scriptis tuis verba supradicti Doctoris, de viridica laude Magistri Gerardi, primi nostræ religionis institutoris. Nam quod Doctor præcellens breviter & summatim conscripsit, tu largiore stylo reserasti. Unde quo plura testimonia de venerabili viro percipio, eò amplius exulto, & dictis ejus fidem firmius adhibeo.

## SENIOR.

3. **U**T ergo non tantum aliorum testimoniis informeris, ad habendam notitiam magistri fidelissimi, volo introducere eloquia oris ejus, quatenus publica protestatione ejus lecta, cognoscas clarè, quid vivens ipse docuerit & professus sit.

## CAPUT XVIII.

*De publica protestatione ejus, & de viridica prædicatione Evangelii, quod prædicavit.*

1. **E**go Gerardus dictus tenthonicus Groot, coram omnipotenti Deo, coram omnibus sanctis, & coram vobis & omnibus hominibus protestor, firmiter me circa ea, quæ fidei sunt, in ipso summo lapide Jesu Christo fundamento, firmam, illibatam, & Catholicam fidem prædicasse & defendisse; atque in viarum sanas, certas, & indubitatas Evangelicas & Apostolicas doctrinas & vias, secundum scripturas divinitus inspiratas, docuisse & seminare secundum sensus & intelligentias sanctorum Doctorum & Patrum, Ambrosii, Gregorii, Augustini, Hieronymi, Chrysostomi, Dionysii, Bernardi, Bedæ, Isidori, Hugonis & Richardi, quorum libros, unà cum sanctorum aliorum libris, pro terrenis habeo & quæ



ro. Itaque ea, quæ scripsi aut prædicavi circa jura humana, aut circa materiam decretorum aut decretalium, & maxime circa turpissimos notorios fornicatores: spero ab omnibus medullitus jura intelligentibus, aut tanquam certa & indubitata, aut tanquam securiora & probabiliora aut veriora, cum eo temperamento & moderamine, quibus ea pronuntiavi aut scripsi, inveniri & probari, salvo semper iudicio sacrosanctæ Romanæ Ecclesiæ, cui humillimè undique & ubique me submitto. Et si [quod absit longissimè] me contra fidem vel sanam doctrinam, quàm ubique defendo, quispiam dixisse diceret vel confingeret, aut nominatim me exprimendo, aut si hoc non auderet in propriis verbis, diffusius circumloquendo, aut in genere me urendo secundum præsumptionem aut cleri aut populi resignaret, aut temerariè infamaret, aut falsum aut mendacium reperietur in effectu. Episcopalem reverentiam excipio, cui in hoc defero honorem. Si tamen [quod absit] quid reperietur in literis Principis populi & Domini nostri Episcopi, respondeo quod beatus Bernardus ad literas quasdam summi Pontificis cum assensum malo præbuisset, respondit, videlicet Pontificem nostrum aut circumventum mendacio, aut importunitate victum.

*Conclusa & proposita, non vota, in nomine Domini à Magistro Gerardo edita.*

2. **A**D gloriam, & honorem, & servitium Dei, intendo vitam meam ordinare, & ad salutem animæ meæ. Nullum bonum temporale, sive corporis, sive honoris, seu fortunæ, seu scientiæ, præponere salutis animæ meæ.

Omni æmulationem Dei sequi, de qua mihi certum esset esse scientiam & discretionem, habito respectu ad corpus & statum meum, de quibus aliquæ æmulationes subsequuntur.

3. Primum est, nullum amplius beneficium desiderare: nec spem, nec desiderium in aliquod lucrum temporale ponere de futuro. Siquidem quanto plura habuero, tantò sine dubio, avarior fuero. Item secundum Ecclesiam primitivam, non potes habere plura beneficia. Item in morte te poenitebit, quia communiter dicitur, quòd nunquam quis pluralis in beneficiis, sine hujus poenitudinè mortuus est. Et quanto plura beneficia & plura bona habeo, tantò pluribus servio, & pluribus oneratus sum, & est contra libertatem spiritus, quæ est principale bonum in vita spirituali. Alligatur enim affectus pluribus, & tenetur pluribus alligatus. Repugnat namque paci cordis & quieti mentis affectio hujusmodi animam inficiens, & curæ istæ annexæ mentem maculant & disturbant sapius. Item appetitus plurium rescindendus est, deinde possessa abbrevianda sunt, discretè ad minus. Item. Si de meis largiri volo, cur pro pluribus stabo? Tantum est, si dederò ex modico modicum, sicut ex magno multum Deo; quia non substantiam, sed cor pensat Deus. Unde vidua, quæ misit duo minuta, divitibus præfertur à Domino. Item video, quòd quæ habeo, excellenter me ligant, quantò magis illa acquirenda, si adderentur istis? Item satis habeo, secundum proportionem communis vitæ & dignitatis.

4. Item, nulli cardinali vel Ecclesiastico, attento sine hoc serviam, ad beneficia

Sacerdotia  
sive beneficia  
plura  
quis unus  
habere  
tutò non  
potest.



cia vel bona temporalia consequenda; quia hoc servitium multis lapsibus & recidivationibus proximum est; & tu debilis es, & periculis multis, nisi in servitio Dei, te expones, & morti satis proximus, & nullas commestationes vales sustinere. Item, nulli Domino temporali, servies ad lucrum consequendum. Item, nullius Domini, vis unquam esse Astrologus. Item, pro nullo homine mundi, exercere debes aliquam scientiarum prohibitarum; quia res in multis in se malæ, suspiciosa & suspecta, & prohibita. Item, omnes has superstitiones, & alias curiositates debes à mentibus hominum remove, in quantum pores, salva quiete mentis, & puritate & libertate voluntatis; ut in illo, in quo Deo displicui, Deo complaceam secundum suam voluntatem. Item, nunquam tempus eliges ad itinerandum vel flebotobizandum, vel ad aliquid aliud, nisi grosso modo secundum aëris consistentiam. Talis enim electio prohibita est, in decretis & à sanctis patribus. Item, quicquid incipiam, in nomine Domini incipiam, & spem meam in illa re ponam in Domino; ut ipse ad viam salutis meæ, me in illa re dirigat. Et non dependeat aliqua spes in fato vel orbibus celestibus alia à spe Dei & oratione, & bonis spiritibus, & eorum custodia. Item, quomodo scio, si prosperari in via vel in re est mihi utile? immò sapissimè inutile, quia sæpè angustia, sæpè tribulatio utilissima est; ergo supponam me ordinationi Dei. Beatus enim homo, qui sperat in Deo. Omnem igitur sollicitudinem in eum projicias, quoniam ipsi cura est de te. Quanta enim misericordia me, per flagella contra meam voluntatem,

spero revocavit? Nec solliciti debemus esse, quid manducemus, quando minus de altris & superstitionis? Necessarium est enim ex corde puro omni Christiano seipsum deferere, & se Deo committere.

¶ Item, nunquam judicabo rem futuram, & modicum advertam futura in genere; quoniam Deo, & me, & mea singula, supponam. Item, per honores & favores & per avaritiam, quibus omnes student, coinquinatur homo, & per tales lucrativas scientias obscuratur, passionatur, & rectitudo naturalis obliquatur, & inficitur appetitus, ut nec quæ sunt Dei, nec virtutis, nec bona corporis rectè aspiciant. Unde rarissimè est, quod qui scientiis lucrativis & medicinæ vel legibus vel decretis inhæret, rectus sit vel æquus in ratione, vel justus vel quietè vel rectè vivens. Item, tu nullum tempus consumes in geometricis, arithmetis, rhetoricis, dialecticis, grammaticis, lyricis, poetis, judicialibus, astrologis. Hæc enim omnia per Senecam reprobantur, & retracto oculo bono viro respicienda sunt, quando magis spirituali vel Christiano respuenda? Item, inutilis temporis consumptio est, & nihil prodest ad vitam. Item, inter omnes scientias gentilium, moralia minus abhorrenda sunt; quæ sæpè sunt multum utilia & proficua, tam in propria persona, quam in docendo alios. Unde sapientiores omnem Philosophiam, ad mores retorquebant, sicut Socrates, & Plato. Et si de altis rebus dixerunt, etiam sub levi moralitate ea figurativè, secundum beatum Augustinum & experientiam tuam tradiderunt, ut & inveniri posset semper mox juxta cognitionem. Unde & Seneca hæc securus, in quaestionibus

natu-

Moralia  
ex scriptis  
gentilium  
præcipue  
sectanda.



naturalibus, toties admiscet moralia. Quicquid enim meliores nos non facit, vel à malo non retrahit, nocivum est. Item, secreta naturæ non esse studiose inquirenda in libris gentilium, nec legis nostræ veteris & novi Testamenti, sed cum occurrent, de eis & in eis Deus est laudandus & glorificandus, ut de naturali fiat meritoria scientia, & offeratur sicut sacrificium Deo altissimo, per gratiarum actiones cum Abel iusto, & cum eo cogitetur aliquod bonum in honorem Dei. Adverte in omnibus, quod hæc omnia coinquinant, non satiant, & invenies in eis nauseam per gratiam spero altissimi.

6. Nunquam capies gradum in medicina, quia nec lucrum nec beneficia cum gradu intendo acquirere. Similiter nec gradum in legibus vel canonibus, quia finis graduum est vel lucrum, vel beneficia, vel inanis jactantia, vel gloria mundi, quæ cum ad lucrum vel beneficia non ordinantur, simpliciter inutiles sunt, & supervacua & stultissimæ res, & contra Deum & omnem libertatem & puritatem sunt, & homo cum illas appetit, cadit in mala plurima, & peiores sunt luctis & beneficiis. Item nullam artem studere, nullum librum facere, nullum iter arripere vel laborem, nullam practicam scientiæ exercere ad dilatandam famam meam, & nomen scientiæ meæ, & ad habendos honores vel gratitudinem quorumcumque, vel propter memoriam mei post me derelinquendam. Si enim propter hæc, talia vel aliquem actum fecero, mercedem in eis ponendo, non reddetur mihi apud Patrem qui in cælis est; & si quid talium propter bonum & mercedem

æternam semper faciam, unde dilatatio nominis omnimodo vitetur. Item quia hæc inanis gloria memoria & fama etiam per Philosophos tam excellenter est reprobata, ut vix eam aliquis dignus laude admitteret. Et si veniret laus ex opere propter Deum facto, de quo intentio fuerit occulta, licet hoc opus luceat, redde altissimo laudem illam & gloriam.

7. Item secundum Bernardum, nullum verbum proferas, de quo multum religiosus vel scientificus appareas. Item omnem disputationem publicam vitare & abhorrere, quæ est litigiosa vel ad triumphandum vel ad apparendum, sicut sunt omnes disputationes Theologorum & artistarum Parisiis, immò nec ad discendum interesse. Patet quia contra quietem sunt, & lites & dissensiones fiunt, & inutiles & semper curiosæ, & ut plurimum superstitiosæ, animalos, diabolicæ & terrenæ, ita quod doctrina sæpè nociva, & semper inutilis est, & consumptio temporis inutilis est. Interim possis lucrum spirituale acquirere vel oratione in merito, vel studio alicujus devoti. Item nunquam disputabo cum quocunque privatè, nisi præordinetur certus finis evidentis boni, & nisi talis sit qui me velit audire, & cum quo possim sine litigio conferre & modèstè, nisi malitia rigorem requireret propter bonum subsequens, & hoc nunquam nisi bene deliberatè. Patet, quia semper in bono fine omnis res debet ordinari in laudem Dei, hoc est, semper orare. Unde non differas cum eo, nisi qui veritatem concedit.

8. Item nunquam studebis ad capiendum gradum in Theologia, vel niteris

7. Disputationes publicæ haud adeo utiles.

ad

Moralia  
ex scriptis  
gentilium  
præcipue  
tractanda.



ad hoc, quia lucrum & beneficia nolo consequi, vel famam & scientiam æqualiter possum habere sine gradu. Item communiter est carnale, & qui carnaliter sapiunt. Item in multis retraheris à salute proximi. Item ab oratione, à puritate mentis & abstractione. Item multis vanis lectionibus oportet interesse, & multitudinem hominum, in quibus homo inquinatur & diviticatur. In legibus & in medicina nunquam studebis, nisi casu occurrente, & in quo possis aliquid boni facere cum eis. Nihil enim nutriunt in se, sed mentem divertunt: sed amore concordie, vel casu necessitatis, vel casu mirabili se offerente in legibus potest videri, & pro proprio corpore vel socii in medicina. Sunt enim res sæculares in quibus magis congruum est pati aliorum consilia, quam dare. Item Theologis, Monachis, & legem Dei desiderantibus prohibentur leges medicinæ. Item non dabis dubias medicinas, vel dubiæ infirmitati quasunque medicinas vel cuicumque ægroto, nisi maxima necessitate modicum dicas, ubi alius haberi non possit, sed aliter nunquam te intromittas. Item vides quantum boni viri gaudent liberari à practica ejus. Item in nullis causis placiti vel controversiæ consulas, vel te intromittas, nisi evidenter constaret tibi quod illi calumnia evidens fieret, & nisi miserabilis & nisi causa tota pia esset, vel manifestissimorum malorum fieret repressio, vel pauperum suppressio, & si æqua mente servata, possis te intromittere. Et post intromissionem te retrahere, ut reliquiarum curæ non maneant. Et in hoc cautè attende, ut amicitia vel consanguinitate vel odio non movearis. Et si amicus vel consanguineus, vel odibilis

aliquando tibi, investiga intra te, si esset alienus vel non odibilis, si idem faceres. Patet satis quia conditio felicitatis in rustico est, quod non vidit, secundum Virgilium, ferrea jura, insanumque forum.

9. Item coram officiali vel iudice spiritali pro nullo amicorum vel consanguineorum vel aliorum favore comparebis, nisi urgeret maxima necessitas pietatis, & tunc alium procuratorem mittere debes, si necessitas requirat, & ipsemet non ire. Ex hoc namque turbatur quies mentis, si res, & strepitui & naufragio mundi te intromitteres: in omnibus aliis mitte mortuos sepelire mortuos vivos. Coram scabinis vel iudice sæculari in Daventria non comparebis, nisi in similibus necessitatibus, quia amici tui omnia hæc tractant satis coram scabinis. Nunquam de quibuscunque hominum controversiis [nisi ut supra] te intromittas, nisi ad componendum, si in brevi & sine strepitu componi potest, & ubicunque etiam compositio fieri debet, si æquè bene per alium fieri potest, non te intromittas, & hoc semper considera, sed propter tuam quietem, pacem quam posses verisimiliter ordinare, non dimittes.

10. Item, quodcumque aliquis tuus consanguineus verberatur, interficitur, vel molestatur, nunquam injuriantem molestabis, nunquam consilium in malum ejus contra eum dabis, nunquam os tuum contra eum obturabis vel eum vitabis, sed potius consolatorie monebis, vel ad pacem reduces. Et si volunt vindicare amici, à vindicta eos removebis placidis verbis, & ab injuriis, ne inferant. Tu te dimittes omnibus, & exemplum tale præbebis, quantum magis alios monebis.

Item



Item facta amicorum & consanguineorum vel Dominorum nunquam tractabo, nisi merè pia sint ad misericordiam & pietatem & iustitiam declinantia, & quæ per alios æquè bene fieri non possint. Malum esset etiam propter contemplationem, pietatem & iustitiam, quod per alium fieri non posset deferere, & proximi utilitares pias.

*De sacris libris studendis.*

11. **R**evertor ad scientias. Radix studii tui & speculum vitæ sint primo Evangelium Christi, quia ibi est vita Christi. Deinde vitæ & collationes patrum. Deinde epistolæ Pauli & Canonica, & actus Apostolorum. Deinde libri devoti, ut meditationes Bernardi, & Anselmi horologium. De conscientia Bernardi. Soliloquia Augustini, & consimiles libri. Item, legenda, & flores sanctorum. Instructiones patrum ad mores, sicut pastorale Gregorii. De opere Monachali Beati Augustini. Gregorius super Job; & similia. Homiliæ Evangeliorum sanctorum Patrum & quatuor Doctorum. Intellectus sanctorum Patrum, & postillæ super epistolas Pauli, quia continentur in capitulis Ecclesiæ. Studium in libris Salomonis parabolarum, & Ecclesiastæ, & Ecclesiastici, quia continentur in Ecclesia in lectionibus & capitulis. Orabo spiritu, orabo & mente. Studium & intellectus psalterii, quia continentur in Ecclesia sanctorum Patrum. Psallam spiritu, psallam & mente.
12. **12.** Librorum Mosaicorum, studium historiarum, Josue, Judicum, & Regum, Prophetarum, & expositiones patrum in his. De modo transcurrendi

decreta propter scire instituta majorum & Ecclesiæ, non ad incorporandum, sed transcurrere, ne ignorantia juris pietatem vertas in obedientiam, ut videas grossos Ecclesiæ primitivæ fructus, ut scias à quibus debes cavere, & à quibus movere cavendum. Omni die quando potes debes audire Missam usque ad finem. Laicis enim præceptum est in Dominicis, ut de conse. dist. 1. c. Missas. Clericis singulis diebus, ut in glossa ibidem. Item in Ecclesia maneat diebus Festis quousque missæ solennitas compleatur. Item corporali naturæ juvamen est ad devotionem cantus, ut seips per experientiam.

**13.** Surgendum semper in Evangelio & standum est, unde de conse. 1. c. dicitur: Apostolica auctoritate mandamus, ut non sedentes sed venerabiliter curvi stantes simus, & in conspectu Evangelii. In verbo venerabiliter, includitur, honorem tribuendum Evangelio, unde & in verbo quo dicit. Attentè verba ejus audiant, & fideliter adorent, id est, venerentur per compositionem corporis. Corporales venerationes sunt in curvitate, secundò in capitis deponendo ex consuetudine, tertio inclinare ad verbum Jesus & Maria, quia hoc habent Deo devoti. Item cum legitur Evangelium, mens non debet aliam sibi orationem præponere, vel aliam lectionem cui debet intendere. Pluribus intentus minor est ad singula sensus. Præcipiuntur enim verba Evangelii & scripturarum apostoli in solemnitatibus attendenda, per cap. Omnes de conse. d. prima. Frustra audire esset, nisi attendereimus. Item nihil legere, nihil meditari, quia attendere præsens debetur est, seu debemus

**13.**  
Missam  
audiendo  
quomodo  
nos gere-  
re oportet.

quibus  
sicut  
quibus

quibus  
sicut  
quibus



Evangelio, à quo subtrahimus omne quod vel dicendo vel meditando peragimus. Item curvatio nostra illis verbis & veneratio corporalis, signa sunt venerationum mentalium. Signa falsa sunt, nisi signata eis respondeant. Item illorum mentalium hæc exteriora inductiva sunt: & sic sunt frustra, si eis non responderent.

34. 14. Item plus ore & mente venerari est, quam solo ore vel capitis. Unde audiam capitis, audiam aure, audiam & mente: aliter est sicut cymbalum tinniens aut æsonans. Non sunt mihi voces aut loquelæ quorum sermo à me non percipitur. Item genu flexo, capite non velato, dorso inclinato stabis post consecrationem Sacramenti, si ipsum vel calicem videre valeas. Humilis illa adoratio & bassatio corporis decens Deo & menti congrua in juvamen devotionis omnimodo, immò aptissima Inclinator capitis super cubitum, ut scis. Maximè enim servus tenetur exhibere reverentiam Domino in præsentia Domini. Incurvatio est mirabiliter apta devotioni mentis, propter proportionabilem phantasmatum motionem. Quando es remotè, vel videre non potes, jaceas capite declinato, & ora in abscondito Deum tuum, à Sanctus usque ad pacem, & deinde sive capias sive non, usque ad Evangelium sancti Joannis.

Incurvatio apta devotioni.

15. 15. Pacem venerabiliter & devotè sumas, quia contactus est Dominici corporis per os Sacerdotis. Nonne à Veronica adoratur? Nonne pictura Christi, dedicata corpori adoratur? Nam fideles solebant communicare omnes in primitiva Ecclesia, loco cujus communicationis datur pax, quasi aliquid communica-

Pax oblata in missa, quid notet.

tionis corporis Christi. Ratio, quare non ita communiter datur corpus, opinor, quia in primitiva Ecclesia meliores erant fervente sanguine Christi, & religio stetit in vigore & culmine, quæ est jam antiquata. Unde & ipsi se subtraxit. Quando pax venit, sis paratus ac si capias corpus Christi, & tunc leva desiderium & te præpara, ut si Sacramentum corporaliter manducare non vales, saltem spiritualiter manduces. Post communionem talem ex pace, oportet desiderium tuum manere & diu durare intus. Si tamen evagari incipias, sicut solet tibi contingere, quando per te cogitas quæ non præordinasti, vade ad passionem Christi.

16. 16. Item à Sanctus Sanctus, præpara te ad videndum Sacramentum. Nunquid solent omnes se præparare ad videndum Regem, à quo & videantur? Post visionem præpara te ad ipsum manducandum, & nihil aliud facias, quia tunc præsentia Christi operatur & juvat infirmitatem tuam, & sic ad Sacramenti amorem exciteris. Hoc patet per hoc quod dicitur, Sursum corda, & habemus ad Dominum. Item semper appropinqua Sacerdoti quantum honor permittit, ut audias Missam; ut videas Sacramentum, & in præsentia ejus sta. Nunquam velis alicui consulere vel dicere nisi devotissimo vel juvare ut ordinetur. Primò propter dicta quæ ad officia continentur, quæ fieri deberent & non fiunt, ut patet in iii. sententiarum & in decretis. Secundò propter simoniam quæ communiter intervenit. Tertiò propter inutilem statum Ecclesiæ. De abstinentia, videntur bona, sed non promissa. Primò servare præcepta jejunia, secundò nunquam comedere carnes. Rationes habes in margarita decre-



decretorum de consecratione, v. distinctione, ubi. Tertio adventum & septuagesimam semper jejunare non sine causa dimittere. Quarto quotidianum jejunium sit, non satiari totaliter, nisi frigus impediatur. Hoc suadent Philosophi omnes, præcipue Seneca & Aristoteles. Dum adhuc appetitus durat, manum retrahere, sed malè scitur satietas, sed eam sic considera, quantum velles comedere si omnino liceret tibi usquequaque, & de illo appetitu durante aliquid trahas quod tibi rationabile videtur. Quinto juxta finem comestionis vel ultimum ferculum, delibera quantum comedisti, & quantum esses adhuc comesturus si continuares, & de hoc refecta, sequitur, vel præcedit ista præcedentem? Sexto in principio cum præparare incipis, delibera comestionem tuam & ejus quantitatem. Septimo cave plus quam ab uno pyro cocto post cibum nec multum magnum, vel tria parvissima. Octavo semper in nocte comedere inter horam quartam & quintam, nisi hospites, infirmitas, vel accidens aliud, iter vel hujusmodi impederit. Probat per causas. Primo hoc digestionem conveniens, ut cibus in stomacho non corrumpatur in vigilia, per hoc quod calor sit nimis modicus. Secundo propter studium vel aliud impediens digestionem in vigilia, sicut sollicitudo & tristitia. Tertio ne digestionem impediatur potus supersumptus. Quarto ne potum supersumere tibi conscientiam faciat, quod sæpe contingit. Quinto ne crudum potum, species, vel alia te teneant per diem. Sexto quia somnus est melior, quia plenus venter libenter dormit. Septimo quia tunc studium & orationes diei mi-

nus impediunt somnum. Octavo ex hoc fiet ut eatur citò dormitum, & una hora semper. Nonò ex hoc fiet, ut sit unus somnus continuus propter tempestivam dormitionem. Decimo non tenebit te delectatio studii nimis ad noctem. Undecimo quia tunc habes totam diem in laboribus & orationibus. Duodecimo, quia tunc tua vigilia tota est sobria & jejuna, subtilis & apta ad Deum & opera. Item plus appetit homo cibum qui comedit quam jejunus, sicut non potest se homo abstinere existens juxta vel in mensa. Item ab exaltatione sanctæ Crucis usque ad Pascha non nisi semel comedere, hoc est Carthusiensium & Bernarditarum & aliorum. Item hoc incipit in Septembri circa æquinoctium, & durat usque ad æquinoctium ferè vernale.

17. Item in magno rigido plus comedere licet, non tamen nisi semel, quia hoc est doctrina Hippocratis. Item hoc adjuvat te ad resistendum frigoribus, quibus vix alias posses resistere: Unde potes una hora vel mediâ plus dormire. Item quando bis comedendum est, tunc modicum de parvo digestibili, ut unum ovum, non plus, vel magis aliqua siccantia, ut panem & vinum, vel species cum pane modico, sitamen vinum, &c. quia pro digestionem. Sunt hic rationes sicut superius, ubi de nocte comedendum concluditur. Item vellem posse nunquam bibere vinum sine causa quamdiu essem sanus, ne contra doctrinam Pauli agerem, est enim in eo luxuria, item expensæ nimis. Item post prandium & ante, & inter prandium nunquam bibere, nisi infirmitas vel causa maxima ac ratio diceret. In labore & post laborem



borem nullo modo bibere, nisi sedatâ calefactione, hoc sanum corpori & animæ. Nulla satietas trahat te ad potandum inter horas vel jejunia frangenda. Bonum est injicere pedes in compedes sapientiae. Item sic tibi hora ad perlegendam ea quæ scribis in hoc libro, quia hoc ordinat statum tuum. Videtur mihi, quod Patres in deserto breves & crebras orationes fecerunt, ex eo ut semper continuè cor eleveetur ad Dominum, & non in res fundatur, sed abstrahatur à rebus, & sic faciendum est.

18.  
Jejuniorum per hebdomadam ratio.

18. Consilium in nomine Domini, quod semper festis quartis jejunem, nisi infirmitas vel rationabilis causa obstiterit, ut non habeam tamen tanquam fixum, sed tanquam ad quod niti deo: similiter sabbato, & feria sexta. Die namque feriae quartæ Juda tradidit Dominum, & sexta crucifixus est, & qui non jejunat, videtur tradere & crucifigere Christum cum crucifigentibus sine necessitate. Eo plus teneor, quia Clericus sum de sorte Domini. Item sanitas conservatur multa, & animam sentio meliorem cum Deo suo. Etiam si modicum corpori noceret, non adverte, semper enim melius fuisti quando jejunasti, semper solve Deo tuo aliquid, & semper ejus melius recordaberis.

19. Cave subitam comestionem & avaram & avidam. Venit enim velocitas ex amore objecti inordinato. Edacitas velox gulæ & desiderium admixtum habet & vitium. Gregorius in expositione Job: Loquacitatem excitat, immodè inebriat, calefacit & exorbitat sicut ebrietas vel nimia loquela, tepescit, & illecebras educit. Item omnem cogitatum de Deo præscindit & recludit. Me-

lius est unum actum in magna mora benefacere, quam in parva exorbitare. Nam ad sanitatem corporis quanto honestius & ornatiùs ingeritur cibus, tanto faciliùs digeritur & salubriùs. Et sic etiam debet usitari & scribendo & loquendo & agendo, ut non festines. Secundò quia in illis non potest gloria Domini quærì, cum ita imperu homo fertur in rem, quod omnes vires in eam extenduntur. Discas ergo tardare & minui ab actu. Nullum bonum facias, ut inobedientiam, incurras. In temporalibus pecuniis, redditibus, & libris habeas te sicut dispensatorem, & videas ut in hoc fidelis & prudens inveniatis. Tibi ergò victum, & vestitum frugaliter tribuas, deinde magis indigentibus & melioribus, & in salutem animarum magis. Nulli non indigenti aliquid notabiliter tribuas unquam, quia indigentes plurimos invenis. Et si abundanti tribueres, fideliter non dispensares, nec prudenter ad tuam salutem. Item ne carnaliter in dando afficiaris. A nullo temporale accipiam, cum indigentiores reperiantur, quia quod nulli facere volo, ab aliis non postulabo. Item dixit: Pro nulla re mundi deberet homo turbari. Qui facit illud quod scit, multum meretur scientiæ: & qui non facit illud, quod scit, multum cæcitat.

20. Magnum est obedire in illis quæ sunt homini contraria & gravia, & hæc est vera obedientia. Præ omnibus & in omnibus stude te humiliare specialiter in corde, & etiam ad extra coram fratribus. Scientia scientiarum est scire se nihil scire. Quanto plus homo scit se distare à perfectione, tam prope est perfectioni. Initium

20.  
Scientia omnium maxima est scire se nihil scire.  
Tsal. 73.

vanæ



vanæ gloriæ est sibiipsi placere. In nullo melius cognoscitur homo, quam in hoc, quod laudatur. Semper debes niti aliquid boni notare & cogitare de alio. Quoties aliquid inordinatè extra Deum concupiscimus, toties à Deo fornicamur. Idèd Propheta ait *Mibi autem Deo adharere bonum est*. Viriles esse debemus in oratione, & non leviter desistere: nec cogitare quod Deus non vult nos exaudire, sed quoties repellimur, nunquam desperemus. Pusillanimes orare debent tanquàm filius ad pium Patrem, sicut in Evangelio dicitur: *Quis ex vobis Patrem petit patrem, nunquid lapidem dat ei?* Et cætera. In omni re mundi est tentatio, quamvis homo non sentiat.

Lucæ II.

21.  
Maxima  
tentatio  
non tenta-  
ri.

21. Maxima tentatio est non tentari. Quamdiu homo invenit in se aliquid ad amputandum, tunc bene stat. Quando aliquid mali tibi suggeritur, cogita quod velis socios tuos interrogare, & tunc diabolus stat confusus. Semper magis sperabis de æterna gloria, quàm timebis de gehenna. Caveat quis ne alios scandalizet moribus suis, sed studeat mores suos corrigere, & honeste se ubique habere, ut alii magis ædificentur. Cum qualibus cogitationibus vadit homo dormitum, cum talibus surgit. Utile est tunc orare, vel aliquos psalmos legere. Modica confusio hic perpeffa delet æternam confusionem coram Deo & omnibus Sanctis. Illi studeas solum placere, & illum timere; qui te & omnia tua cognoscit. Positò quod omnibus placeres, & Deo displiceret, quid esset? Averte ergo cor tuum à creaturis, etiam cum magna vi. Adverte ut teipsum per-

fectè sic vincas, & erige cor tuum semper ad Deum, sicut Propheta dicit: *Oculi mei semper ad Dominum*. Deo gratias. *Psalm. 121.*

*Epistola ad Episcopum Trajectensem pro Magistro Gerardo Groot, quando erat ipsi interdictum, ne publice prædicaret.*

22. **P**ater præcellæ potestatis, & 22.  
Princeps populi, Trajectensis. Nuper cum inspirante Domino, Gerardus Magnus Diaconus vestræ Diocesis in his ultimis temporibus prædicationis zelo accensus, clero ac populo scelera sua annunciasset & pericula, nec non sanam & veram Evangelicam & Apostolicam doctrinam contra hæreticos, usurarios, & clericos focarias habentes, atque contra diversa aliorum facinora & flagitia in Diocesi vestra, per vestram & Parochialium curatorum licentiam, non sine fructu & incremento ut sperat, prædicasset & seminasset. Unde in diversis locis multorum corda vias suas perversas & malas relinquentia, conversa sunt ad Dominum. Unde etiam in agro dominico virginei flores plurimi, viduarumque castarum, & voluntariorum pauperum segetes, abrenuntiationes sæculi, restitutiones ablatorum, atque multi & varii alii Ecclesiastici & Catholici germinis fructus, ad oculos verè Deum amantium noscuntur pullulasse. Unde etiam quorundam hæreticorum secretè serpentinum in terra, audacia compressa videntur, & in partibus Zelandiæ usurarum pravitas & vesani amores cessaverunt. Verumtamen eidem Gerardo procurantibus, ut præsumitur, Clericis & Presbyteris focarias habentibus, per vestras literas sine causa vel causæ cognitione exerci-

tium

20.  
Scientia  
omnium  
maxima  
est scire  
se nihil  
scire.  
*Psalm. 131.*



tium prædicationis indirectè interdictum est. Nam quamvis generaliter vestrae literæ emanarunt, omnes tamen alii ad sua officia penè restituti sunt: quod ab Episcopali providentia non sperat idem Gerardus, sed à malignorum suggestionibus processisse, in sanctæ ædificationis non parvum detrimentum & gravamen. Inde latantur hæretici, & serpunt audacius. Inde exultant inimici Ecclesiæ Clerici foraristæ in lubrico carnis foetidissime permanentes. Inde gaudent usurarii, inde etiam multiplicantur scandala, & multiplicantur fortè latius quàm carnales & mundanæ mentes valent existimare. Et quamvis Deo teste idem Gerardus, quantum est ex se, speculationi veritatis vacare mallet & quiescere, tamen quia vidit hostem humani generis in proximos suos undique crudeliter grassari, & eos per abrupta in præcipitia vitiorum impellere, quorum plures secundum spem ipsius, ut etiam ex effectu apparuit, per suam prædicationem possunt eripi à laqueo venantium, & à verbo aspero, zelo domus Domini incitatur, & amore proximorum accenditur & stimulatur, ut possit verbum Domini sine emolumento temporali in paupertate humiliter sed veraciter prædicare & seminare, prout prius non sine fructu evidenti prædicavit & seminavit. Et si sibi specialis licentia denegatur, hoc saltem petit ut Parochialibus curatis non inhibeat, quin ipsum possint si velint admittere, qui secundum consuetudinem civitatis & Diocesis Trajectensis, quos voluerint Prædicatores maximè veros & bonos, sine licentia vestra semper admittere consueverunt. Et adhuc [ quod absit à dominatione

vestra ] si contra huiusmodi fructum & contra consuetudinem prædictam ipsum Gerardum velitis à prædicationis exercitio prohibere, rogat & petit humiliter & obnoxius, ut sibi causas & rationes prohibitionis vestrae velitis ostendere, & non sine monitione, quæ semper debet præcedere, ipsum judicare, aut iure suo privare, vel à iure suo suspendere, qui paratus est non solum vobis Pater, verum omni homini de singulis, quæ docet publicè vel privatè, rationem reddere, & Sanctis Sanctorum radicibus & scripturis veraciter comprobare, & si necesse fuerit, ad conspectum Summi Pontificis deducere.

*Epistola Magistri Wilhelmi de Salvarvilla, Cantoris Parisiensis, ad Papam Urbanum Sextum, ad impetrandum Magistro Gerardo privilegium predicandi.*

23. **S**ANCTISSIMO in Christo Patri ac Domino nostro, Domino Urbano Divinæ providentiæ Papæ Sexto, Sacrosanctæ Romanæ ac universalis Ecclesiæ Summo Pontifici. Humillimus vestrae sanctitatis orator & servitor. Wilhelmus de Salvarvilla, Cantor Parisiensis, Archidiaconus Brabantia in Ecclesia Leodiensi. Beatissime Pater humillimè ac devotissimè ad pedum oscula beatorum subiectione præmissa, zelum Dei habens, nisi fallor, scribo fideliter quæ sequuntur. Vir quidam venerabilis nomine Gerardus Magnus, Diaconus Trajectensis Diocesis, in scientiis liberalibus, naturalibus & moralibus ac etiam in Theologica & Jure Canonico eruditus, qui dudum propter Deum omnia beneficia sua, scilicet præben-



bendas Trajectensem & Aqueensem, ac etiam patrimonium suum satis largum reliquit, modica dicti patrimonii parte retentâ pro tenui victu suo, cui mundus crucifixus est, & ipse mundo, factus est magnus hæreticorum persecutor, justitiæ & unitatis Ecclesiæ zelator, & fervidus prædicator in dictâ Diœcesi contra vitia Laicorum & Clericorum, nihil ab illis quibus prædicat recipiens seu requirens, nullum temporale seu Ecclesiasticum petit beneficium, sed desiderat, ut liberius & sine impedimento prædicare possit, habere super hæc commissionem auctoritate Apostolica. Unde quantum mihi potest apparere, videretur expediens, quod vestra sanctitas eidem conferat auctoritatem prædicandi, & contra hæreticos inquirendi, & etiam vestræ sanctitatis Canonicam justitiam in suis sermonibus propalandi, in provincia Coloniensi, vel saltem in prædictâ Diœcesi Trajectensi. Præsentiam vestræ sanctitatis dignetur altissimus conservare feliciter ad regimen Ecclesiæ suæ sanctæ. Scriptum Leodii XXI. die Octobris.

*Epitaphium vetus & inconditum venerabilis Magistri Gerardi Magni.*

24. **G**erardus Magnus, vixit sicut pius agnus,  
Fecit quod dixit, sicut docuit quoque vixit.  
Sicut non fictus, aliis mitis, sibi strictus.  
Lux fuerat Cleri, tradens huic lumina veri.  
Lux fuerat pravis, oculus mentis benignavis.  
Hic mundo spretus, sed pneumate corde repletus.

*à Kemp. Vita Gerardi Magni.*

Ejus doctrina, falsis fuerat quasi spina.  
Ridiculum vanis, odium mentis malefanis.  
Quæ falsos læsit, pars veridicis sed adhæsit.  
Illi pro vero, fuit utilis hic quia Clero.  
Ut Clero Laicis prodesse volens inimicis,  
Doctrina veri, debet Christus misereri.  
Ejus de jure, pro tali pondere curæ.  
Talis namque fore voluit gratis, sed amore.  
Divino tactus, nullâ mercede coactus.  
Namque resignavit præbendas, sicut amavit  
Christum, sic stravit carnem, tenues quoque pavit,  
De propriisque bonis, tenuit regimen rationis.  
Sic fuit exemplo, lux in Christi bene templo.  
Gerardus Magnus quem verè diligit Agnus,  
Sanctorum sortem tenet, evincens modo mortem.

*Finis vite M. Gerardi Magni.*

## VITA D. FLORENTII.

*Prologus in vitam Reverendi D. Florentii, devoti Presbyteri, & Vicarii Ecclesiæ Daventriensis.*

**I.** **D**ignum jam arbitror, ex ordine præmissis, aliqua etiam scribere, de vita & moribus Reverendi Patris, ac piæ memoriæ, D. Florentii, Daventriensis Ecclesiæ Presbyteri, quondam M. Gerardi Discipuli, de quo superius narrationem peregi.

E

Et



Et rectus jam ordo loquendi procedit, ut qui bonæ arboris, ubertatem in Gerardo ostendi, qui fuit nostræ devotionis fundator, jam in pio Florentio ejus discipulo aperiā speciosi floris dulcedinem, qui ejusdem devotionis imitator exiit, & ferventissimus propagator. Cujus humiles & tractabiles mores, profecto sunt animæ languentis flores medicinales, & sanctæ ejus virtutes novos instruunt & proventus.

2. Obsecro autem te frater bone, ne simplicitatem eloquii mei ad injuriam illustri Sacerdotis retorqueas, qui erat humilitatis & simplicitatis amator, sed bona audita pio considerationis oculo inspicias & perlegas. Esto sicut apes prudentissima, sugendo mel dulce de floribus pulchris prato in virenti, atque ad ædificationem status & ordinis tui dilecti Patris nostri Florentii virtutum germina & exempla tanquam flores rosarum & lilia redolentia, in hortulo pectoris tui diligenter inferre & recondere, ut in bono semper proficias, & in amore Christi amplius inardescas. Ipse enim fuit inigne virtutis speculum, & cunctis Deo servire cupientibus ad cæleste regnum juvamen. De quo tantò fidentius valeo loqui, quantò apertius eum agnovi, & sapius ipsi astiti & ministravi.

### NOVITIUS.

3. **O**pus quod rogatu meo & aliorum instantèr incepisti, ad honorem Dei perfice. Erit enim delectabile posteris audire, quàm clara luminaria in sinibus nostris emicuerunt. Quorum meritis tu quoque particeps esse poteris, si ea quæ gratis accepisti, cæteris in charitate studeas impertiri.

4. **L**aboriosum est opus quod aggredior, & quod scientiam meam ac vires imbecilles excedit. Nam potius eligerem ab aliis dictata in silentio legere, quàm rusticitate meâ claritatem illustrium virorum barbarizando obscurare. Verùm tu qui non apices literarum, sed virtutes morum quærīs in literis, propter inopiam dictaminis non debes aspernari margaritas in vilibus conchis. Fateor namque imperitiam meam non posse sufficere ad tanti patris vitam describendam, sed in templo Dei offero pilos captarum ad operiendum tectum tabernaculi, qui lapides pretiosos non habeo ad ornandam chlamydem Sacerdotis. Denique durum & ingratum mihi indigno videtur, si tam dilecti patris virtutes reticerem; qui mihi & multis aliis benefecit in vita, & primò traxit ad Dei servitium, ac tandem direxit ad Monasterii portum. Unde pro gratiarum actione & dulci recordatione ejus libens ipsi rependo muneris vice, hoc opusculum conficiendo post ejus decessum.

5. Sit igitur pro aliquanta excusatione operis præsumpti ingens affectus Patris Reverendi, cuius memoriam inter devotos opto semper & ubique florere. Dominus autem Jesus qui duo minuta pauperis viduæ non sprexit, mihi exiguo in futuro recompenset, quod piâ intentione in ejus gazophylacium mitto manum, doctioribus me altiora reservans. Nam & propriam exiguitatem sciens, correctioni me subdo majorum. Juvet me obsecro devota mens orando, & si quid ædificationis hauserit hæc scripta legendo, laudet Deum de



de universis donis suis, & sit grata etiam  
in parvis.

### Capita vitæ Florentii.

**D**E humilitate Christi, quam Do-  
minus Florentius studuit imita-  
ri. Cap. 1

De interpretatione nominis Florentii, &  
laude triplici. 2

De interpretatione nominis Patris ejus  
Radewini. 3

De patria ejus & profectu in studio Pra-  
gens. 4

De honestate morum ejus inter seculares. 5

De conversatione ejus per predicationem  
Magistri Gerardi. 6

Qualiter seculari vitæ despectu Magistro  
Gerardo adhesit. 7

Qualiter ipse jam plenè conversus com-  
plures alios convertit. 8

De pressuris & injuriis sibi illatis. 9

De promotione ejus ad Sacerdotium, &  
desensu humilitatis ejus. 10

De raritate exitus ejus, & cum qua  
disciplina stabat in Choro. 11

De simplicitate vestimentorum ejus. 12

De humili servitio ejus inter fratres. 13

De labore manuum ejus pro communi be-  
no. 14

De misericordia ejus in pauperes & agrotos  
atque ignotos. 15

De refectioe pauperum, & balneatione  
miserorum. 16

De abstinentia ejus & infirmitatibus ex  
rigore austeritatis contractis. 17

Qualiter orationibus devotorum adjutus  
sepe reconvaluit. 18

Quod semel in nocte paschali angelica vi-  
sitatione curatus fuit. 19

De viro, qui eo predicante in puteum ceci-  
dit, & inde illisus extractus fuit. 20

De visione Crucifixi super domum ejus ap-  
parentis. 21

De patientia ejus & mansuetudine, ac di-  
lectione ad omnes. 22

De devota exhortatione ejus ad spirita-  
lem profectum. 23

De efficacia sermonum ejus, & intellectu  
scripturarum. 24

De custodia verborum & juratione vi-  
tanda. 25

De tribus periculosis tentationibus devo-  
torum. 26

De emissionem fratrum ad fructificandum  
in diversis locis. 27

De felici transitu ejus ex hoc mundo, &  
Ecclesiastica scriptura. 28

De quadam visione facta post obitum ejus,  
& magna gloria ejus. 29

## VITA FLORENTII.

### CAPUT I.

De humilitate Christi quam Dominus Flo-  
rentius studuit imitari.

1. **F** Los omnium virtutum omni-  
umque scientiarum Magister &  
Dominus noster Jesus Christus  
ab humilitate & mansuetudine normata  
vivendi incepit, quam & discipulis suis  
tanquam legitimam regulam tradit ob-  
servandam, dicens: *Discite à me quia mi-* Matth. 23.  
*tis sum & humilis corde, & invenietis re-*  
*quiem animabus vestris.*

2. Hanc autem veræ humilitatis vir-  
tutem, quæ rectissima via est ad cœleste  
regnum promerendum, secutus est de-  
votus & humilis Sacerdos Christi, Ma-  
gister Florentinus filius Radewini, quam  
usque ad consummationem vitæ suæ per  
multos spiritales agones in longa carnis  
maceratione continentissimè vivendo  
E 2 tennit,



tenuit, donec in æternæ beatitudinis requiem pro piis & iustis laboribus à Deo remunerandus introiret. Sed qualiter ad hanc humilitatis viam pervenerit, referam Deo favente per processus sequentes. Deus enim omnipotens & misericors, qui cum ab æterno Sacerdotem elegit consecrandum, ac donis sublimioribus præcavit illustrandum, ipse quoque eundem de mundi naufragio mirâ pietate eripuit & abstraxit, atque in sanctioris vitæ statum & novæ prolis palmitem per verbum veritatis efficaciter regeneravit.

## C A P U T II.

*De interpretatione nominis Florentii, & laude triplici.*

1. **S**ANÈ non sine præfagio futuræ probitatis Florentius Radevini est appellatus, ad cælestis patris gloriam, & sui generis famam lucidiùs declarandam. Tunc enim res digna laude geritur, si vita nomini concordat, si fama virtutibus non dissentit: quod utique in sinceris actibus ejus comprobatur. Est namque Florentius dulce nomen piis ad nominandum & recolendum, qui talem se exhibuit in vita, ut ab omnibus tam Religiosis quàm sæcularibus in maximo amore ac reverentia haberetur.

2. Pulchrè autem Florentius quasi flores legens dicitur, propter liberales artes quas olim didicit, in quibus tantum valuit & profecit, ut Magister vocaretur & esset. Aut propter Divinæ legis notitiam, & sacræ Theologiæ libros quos præ cæteris scientiis libentiùs legit, & super omnes mundi thesauros chariùs dilexit, quemadmodum Propheta in psalmo

dicit: *Ideo dilexi mandata tua super aurum & topazion.* Sed multò pulchriùs Florentius dicitur quasi florem tenens, quia Christum omnium virtutum florem & castitatis amatorem secutus est: pro cujus amore florentem mundum despexit, atque sinceritatem fidei & Catholicæ pacis unitatem firmissimè tenuit, dicens cum sponsa in Canticis Canticorum: *Dilectus meus mihi, & ego illi, qui pascitur inter lilia.* Tenui cum, nec dimittam.

3. Adhuc autem sacrationi sensu & 3. uberiori fructu Florentius dicitur quasi flores colligens, quia multos fratres Clericos primævâ ætate florentes secum in domo sua congregavit, qui sæculi vanitate despectâ, humiliter & devotè altissimo Domino in castimonia vitæ & fraternâ charitate servierunt, secundum quod sanctus David gratulabundâ voce decantat: *Ecce quàm bonum & quàm jucundum habitare fratres in unum.* Hos cum tanta disciplina & spiritali fervore rexit & educavit, ut esset domus Domini Florentii schola cælestis exercitii, speculum sanctitatis, ornatus morum, exemplar virtutum, adiutus pauperum, conventus Clericorum, instructio Laicorum, refugium devotorum, & totius boni initium & profectus. Ex hac quippe domo complures honorabiles & literati viri spiritum devotionis conceperunt, & veluti apes dulcedine mellis refectæ, de alveario pleno ad fructificandum in aliis locis longius processerunt, & Deo benedictionem dante, non modicum fructum effecerunt, ut de his meritò dicere libeat: *Quia flores apparuerunt in terra Cant. 2. nostra.*



## CAPUT III.

*De interpretatione nominis patris ejus  
Radevvini.*

1. **S**ed nec absurdum videatur, si patris nominis vocabulum mysticè exponatur, quia hoc ad laudem tanti viri non parum tendere existimatur. Aptè ergò satis Radevvinus dicitur, quasi radius Divinus. Quo nomine rectè Christus intelligitur, qui est splendor Patris, mundum illuminans sapientiæ suæ luce, vita pura, doctrina vera, miraculis sanctis, & revelationibus multis. Qui & Apostolos suos tanquam veri solis radios misit in orbem terrarum ad prædicandum verbum suum, & ad dandum exemplum bonum fidelibus cunctis, ita ad eos inquit: *Sic luceat lux vestra coram hominibus, ut videant opera vestra bona, & glorificent Patrem vestrum, qui in cælis est.*

Matth. 5.

2. Bene ergò Florentius filius Radevvini dictus est, qui à Christo in spem vitam renatus, ab ipso irradiari meruit & accendi, ut terrena despiceret & cælestia ardentè amaret. Et si idem nomen Radevvinus ex teutonico transferatur ad latinum, consilium exprimit & vinum. Quæ duo simul Florentio optimè adaptantur, qui consilium mundanæ sapientiæ reliquit, & divinæ legis mandatis se subdidit, juxta illud Psalmistæ: *Nam & testimonia tua meditatio mea est, & consilium meum justificationes tue.* Cui etiam Christus pro delectationibus vanis & carnalibus, quas mundus offert suis amatoribus, gustum internæ suavitatis præstitit, quam mundus accipere non meretur: & spiritualis lætitiæ vino, dum Divina mysteria celebraret, cor ejus & animam

Psalm. 118.

potissimum replevit, ut omnia interiora ejus Divini amoris incendio ferverent, atque in voce exultationis cum Propheta devotissimo jubilaret, dicens: *Cor meum & caro mea exultaverunt in Deum vivum.* Tunc enim totus intra se collectus, & supra se in spiritu raptus, semetipsum hostiam viventem ac Deo placentem obtulit, multumque fideliter pro sancta Ecclesia & omni populo Christiano suppliciter intercessit. In quo sacro convivio deificam in suo fonte dulcedinem gustans, & præ magnitudine Divinæ largitatis amarosè liquefactus, cum magna gratiarum actione hæc mystica verba tumminabat. *Quam magna multitudo dulcedinis tue Domine, quam abscondisti clementibus te?* Sed his jam prælibatis, ad rem gestam stylus vertatur.

Psalm. 83.

## CAPUT IV.

*De patria ejus & profectu in studio  
Pragensi.*

1. **R**everendus Pater & devotus Sacerdos Christi, Magister Florentius Vicarius fuit Ecclesiæ Daventriensis, per prædicationem Venerabilis Magistri Gerardi Magni Divinæ gratiæ opitulante conversus, Cujus factus humilis auditor, per omnia studuit ejus fieri imitator. Et salutaribus consiliis gratanter acceptis, ipsum sicut patrem charissimum, & suæ salutis genitorem dilexit, ac summa cum reverentia ut delevit, semper & ubique honoravit. Unde mutuo ab ipso inter ceteros discipulos suos amplius diligi meruit, & præ ceteris commendari, ob specialem morum suorum venustatem & modestiam, quâ eminenter præditus fuit, ac religiosus refulsit.

E 3

2. Hic

Calm. 11.

Calm. 32.

Calm. 20.



2. 2. Hic igitur de civitate Leyderdam in terra nobilis domicilii de Erkel originem nativitatē duxit, quæ circa fines Hollandiæ sita, tribus ferè miliaribus à Trajectensi civitate distat. Hujus pater Radévvinius nomine, vir quidam erat inter suos famâ notissimus, rebus ac facultatibus secundum statum sui exigentiam decenter adornatus: qui filio suo Florentio ad studium Pragensē pergenti piū assensum præbuit, & juvamen. Nam tunc temporis apud Pragā Bohemiæ studium privilegiorum latissimè floruit, & multi de partibus inferioribus illuc expeditius pergebant. Fit citò artifex bonus, qui erat ingenio clarus, & in proficiendo studiosus, taliter inter scholares pius ad domesticos, reverendus erga magistros. Post hæc ad patriam suam cognatosque revertitur, & pro magisterii gradu honorificè suscipitur.

3. 3. Congaudent universi amici cum vicinis eximie, quod jucunda ejus præsentia salubri prosperitate post tanta terrarum spatia & pericula divinitus concessa, frui ac consolari merebantur. Si quidem matura ejus de Pragensi universitate ac studio reversio, grandis extitit amicorum exultatio, sed Deo melius disponente facta est æternæ salutis ejus felix præparatio, quia non multò nec longè post tempore lapsò factus est verus Christi discipulus de magistro. Cui etiam pius Dominus cum de Pragis rediret, rem satis mirandam ostendit, in qua misericordiam ejus manifestè cognovit. Nam cum ad quandam profundam vallem pervenisset, sequebatur eum currus cum impetu magno de monte descendens, quem declinare non valens, & periculum corporis metuens,

cum jam humanum deesset auxilium, confugit ad Divinum. Et invocato omnipotente Domino, affuit gratia Salvatoris immensa. Vidit namque [quod dictum mirabile est] mox ut Dominum invocasset, currum eundem antecedere se per viam qua tendebat, & omne periculum esse sublatum. Quod factum erga se miraculosè gestum Deo totum ascripsit, qui tribulatos corde sanat, & ab omni angustia liberat ad se clamantes,

## C A P U T V.

*De honestate morum ejus inter seculares*

1. **E**RAT autem morum honestate conspicuus, lætus inter sodales, affabilis verbis, liberalis expensis, facie venustus, statura gracilis & mediocriter procerus. Quem Deus aliquo tempore permittit in sæculo versari, & ejus insanias falsas experiri, sed non finaliter periclitari, ut nemo converti volens de venia desperet, quando hunc tam citò in melius mutatum cognoscit.

2. Quodam namque tempore invitatus est cum multis amicis ad nuptias seculares. Cumque in itinere simul pergerent, egit aliquid pro solatio amicorum, promptissimè eis obsequendo, & lætitiā exhibendo. Præcidit itaque ramos virentes de arboribus, quibus secum allatis obumbravit in vehiculo sedentes, ut magnos inde mereretur habere favores. Nondum enim sciebat quid Dominus de se facturus esset, nec advertit quanto studio conscientiam suam interiùs ornare cum virginibus sanctis debuisset, ut ad cœlestes nuptias dignus esset intromitti. Sed nec spirituales epulas in nuptiis Christi noverat, ideo secularibus conviviis interesse gaudere. Verum



Verum Deo miserante non diu in hac vanitate permansit, sed ad magnam devotionis gratiam omnem mundi suavitatem superantem felici vocatione pervenit.

3. Præfiguravit tamen istud factum sæculare, aliquod bonum in eo futurum, quia ipse Dei gratiâ mutatus in virum spirituales plures secum contubernales invitaturus esset ad nuptias civium supernorum, ubi Sponsus immortalis Jesus Christus cum omnibus Sanctis convivatur in sæcula sæculorum. Hoc postea verissimè paruit in multis fratribus per eum devotè conversis, sicut etiam manifestè oculis meis conspexi, & tota Daventria novit.

## CAPUT VI.

*De conversione ejus per predicationem  
Magistri Gerardi.*

1. **N**ec distulit pietas Salvatoris nostri succurrere oviculæ erranti, quæ inter nebulas gloriæ sæcularis verfabatur non sine periculo grandi. Cum igitur tempus miserendi ejus advenisset, pius Pastor animarum ovem suam pretio sanguinis sui carè redemptam de medio laqueorum cautè subtraxit, & ad sanctæ congregationis caulam, quam recturus erat, clementer induxit. Prædicante namque venerabili Magistro Gerardo Magno Evangelium Christi per Diocesium Trajectensem, multi Clerici & Laiici audito verbo Dei reliquerunt vanitates sæculi, cupientes evadere pœnas ignis æterni, & regna cælestia per pœnitentiam & luctum adipisci. Viva etenim vox magistri prædicantis, tantò fortius valuit in cordibus audientium, quantò perfectius cæteros præbat in via virtutum,

ut fidem sermonibus ejus daret sancta conversatio in operatione ostensa.

2. Cum igitur Daventriæ apud sanctam Mariam frequenter prædicaret, affuit etiam Magister Florentius diligenter auscultans quid diceret, & lumine cælestis sermonis sapienter foris instructus mox interiùs irradiatus est, & corde compunctus. Solebat enim prædicator egregius interdum oculos suos dirigere ad astantes, & pro audientium qualitate ac utilitate sermonem suum formare in altum vel longum per fervoris excessum, quemadmodum cupidi piscatores ibi latius sua retia laxant, quò plures pisces confluisse opinantur. Divinà itaque inspiratione actum est, ut Magister Florentius ætate juvenili decorus & sufficienter præbendatus, vocem Domini libenter audiret, & sonitum cælestis fistulæ non surdâ aure pertransiret, sed ad se utiliter traxit, quod ad omnes generaliter per os magni Prædicatoris emanavit. Erat enim de ovibus illis, de quibus Salvator prædixit: *Oves meæ vocem meam audiunt, & ego cognosco eas, & sequuntur me.*

Joan. 10.

## CAPUT VII.

*Qualiter seculari vitâ despectâ Magistro  
Gerardo adhaesit.*

1. **I**gitur spiritu Dei afflatus Magister Florentius, ac rore caelesti intimè perfusus, repentè pedem vanitatis retraxit, quem in hujus sæculi itinere figere cœperat. Perpenditque prudenter quid sequeretur post fugitivam gratiam carnis, quia profectò mors sæva, & luctus æternus. Ideoque ne florigeram Angelorum patriam amitteret, falsos mundi honores spernere decrevit, &



& humilem vitam Christi sectari optimo duxit. Cupiens ergo Magistro Gerardo familiarius loqui, quem vidit magnum zelum animarum ad omnes habere, non differt ad ejus reverentiam fidenter accedere, cui quod intus gerebat, tanquam amico & secretario Dei ex ordine narrat.

2. 2. At ille venientem gauderet accipiens, charitatis sinum aperit, colloquium desideratum præbet, paratus rationem reddere de quibuscunque voluisset sciscitari. Itaque in unum convenientes, ea quæ salutaria sunt dulciter conferunt, exardescunt corda amborum cælestibus, vilescunt omnia terrena, ratificantur consilia bona de divina servitute tenenda. Efficiuntur deinceps in fraternitatis amore unanimes, qui in sanctæ conversationis proposito ad patriam in Domino fervent. Quibus affuit etiam multiplex gratia Christi, ut non tantummodò sibi sed & proximis suis proficerent ad salutem. Nam additi sunt illis ad solatium amplioris gaudii, & decorem domus Dei nostri, quidam literati & eloquentes viri, qui dono Spiritus sancti vehementer inflammati, elegerunt vestigiis Christi firmiter adherere, atque per contemptum mundanorum & fortia bella vitiorum ad æterna bona transire.

### CAPUT VIII.

*Qualiter ipse jam plenè conversus alios convertit.*

1. 1. Cumque suavissimus Divini amoris auster, hortulum cordis Magistri Florentii crebrius persflaret, & fleatibus irrigaret, cœpit magna devotione secundari, & ad extrahendum alios de sordibus peccatorum, piâ æmulatione

moveri. Dedit ergo operam ad habendum fratres spirituales, qui dudum studio literarum intentus delectabatur habere socios sæculares. Nam igne quo ipse jam erat accensus, cupiebat & alios secum accendere, & lumine quo fuerat à Deo illustratus, non tardavit ad se venientes verbis & exemplis lucidis informare. Suasit igitur Clericis ac Laicis Deo servire volentibus, prava consortia fugere, ad audiendum verbum Dei properare, humilitatem Christi sectari, & Sanctorum vitam ad imitandum aspicere, quatenus per continentia virtutem, & præcepta dominica præmia consequerentur æterna.

2. 2. Nec fuit inutilis labor, quem pro lucrandis animabus impendit, sed copiosus inde fructus excrevit. Plures namque juvenes & virgines ejus salutari consilio freti, relictis parentibus & amicis humiliter & devotè incedere cœperunt, & sæcularem vitam odientes, Apostolico more socialem in Christo conversationem ducere, & alacri corde communem mensam & victum tenuem habere gaudebant. Denique virtutum gradibus singulos proficere hortabatur, orare sæpius, & temporibus debitis laborare manibus, nec non sacris lectionibus, ac meditationibus insistere compunctivis, quibus fervor devotionis major acquiratur, & horror continuus contra vitiorum incentiva habeatur, ne quis per desidiam cordis à diabolo seducatur.

### CAPUT IX.

*De pressuris & injuriis ipsi illatis.*

1. 1. Intuens hæc studia spiritualis exercitii, antiquus humani generis hostis gra-



graviter doluit, & felicibus initiis ac piis actibus devoti Magistri Florentii invidit, non omittens persequi bene agentem. Nam metuens exemplo ejus & industria sermonis multarum animarum spolia sibi auferri, suscitavit adversarios quosdam, qui asperis verbis & derisionibus infueris, justis simplicitatem impugnant, ad retrahendum eum à bonis inceptis. Sed vir animo mansuetus, & ad toleranda opprobria pro Christo bene animatus, nec verborum injuriis, nec detractionum movetur figmentis, sed velut araneorum telas parvipendit omnia, permanens constantissime in bono quod cepit. Ibat ergo mitis inter perversos, patiens inter obloquentes, nulli malum pro malo reddens, sed tranquillo corde orabat & racebat, aut rationabili verbi imprudentum ora frenabat. Reprehenderunt enim stulti quod ignorabant: & quem humiliter incedere atque omnem levitatem vitare cernebant, hunc protervo sensu multum delirare autumabant.

2. Ipse autem tanquam flos campi processit verecundo aspectu, griseâ tunicâ indutus, & longâ togâ palliatus. Et sicut lilium inter spinas crescit, & incisum redolet, sic Florentius derisus inter subsannantes latior fiebat, & odorem notitiæ suæ per patientiam suaviorem reddidit ac clariorem. Induit enim eum Dominus lorica fidei, & virtute constantiæ militem suum armavit, ut non posset hominum perversitas statum mentis ejus evertere, quem gratia Dei roboravit intus. Studuit quippe pro nomine Jesu contumelias pati & terrores, sciens scriptum: *Beati eritis cum maledixerint vobis homines, & exprobraverint nomen à Kemp. vita Florentii.*

*vestrum tanquam malum propter filium hominis.* Attendebat igitur sedulo in auditorem vitæ Jesum filium Dei, quem Samaritanum & seductorem vocabant Pharisei, qui discipulos suos præmonuit multa contraria debere pati à mundanis, quia & ipse prius graviora patiebatur ab æmulis Judæis. *Si me, inquit, persecuti sunt, & vos persequentur, non est enim servus major Domino suo. Et si patremfamilias Beelzebub vocaverunt, quanto magis domesticos ejus.*

Ioan. 8.

Ioan. 15.

Mat. 10.

3. His itaque sermonibus sanctis strenue confortatus, nec hominum ludibria curavit, nec à vera humilitatis via, quam veritas docuit, declinavit, sed per contemptum mundi, & abnegationem sui, conatus est ascendere ad astra virtutum. Elegit namque potius abjectus Lullardus cum fratribus suis vocari, aut insanus à sæcularibus reputari, quam magnus Dominus & Magister nominari. Unde quantum in eo fuit, honorificum Magistri nomen suppressit, voluitque solum simplici nomine Florentius dici, sicut & alii fratres ejus, quorum aliqui satis bene literati erant, & ex ditioribus in sæculo nati. Nihil autem pretiosum aut nitidum in vestibus habere voluit, nil delicatum in cibis cupivit, nil superfluitatis in necessariis utensilibus admisit, sed simpliciora & plana quæ humilitatem prætenderent, & sæculares non offenderent, qui melius docentur humili exemplo, quam subtili sermone. Itaque communem vitam sectando, & fraternam charitatem omnibus exhibendo, non alta de se sapendo, sed humilibus semper contentiendo, jam non ut Magister rigidus metuebatur, sed sicut amabilis pater diligebatur, quia in ipso, velut in lucidissimo speculo

3.

F

culo



culo & foris decens morum honestas,  
& intus cœlestis puritas apparebat.

### CAPUT X.

*De promotione ejus ad sacerdotium, & descensu humilitatis ejus.*

1. **S**ed quia humilem meritò gloria sequitur, & mitem justa laudatio decet, illi qui viro Dei prius adversabantur, videntes mentis ejus constantiam, & propositum in Domino fixum, represserunt linguas suas ab infestatione injusta. Unde ad pietatem conversi cœperunt commendare vitæ sanctitatem, & revereri eum propter modestiam habitus ejus & disciplinam, nec non fratrum ejus devota diligere studia in humilitate Christi fundata. Et quidem justè. Quem enim gratia Dei perfuderat, & multis virtutibus florere fecerat, rectè diligi meruit, & ab omnibus magnificari. Crescente igitur famâ bonitatis ejus, complures Clerici & Laici ad audiendum verbum Dei domum ejus frequentabant, & nonnulli de Scabinis & majoribus civitatis consilii causa ad eum veniebant, eò quod sapientia Dei & fides major secundum virtutem animi inveniebantur eidem inesse. Quapropter in arduis & obscuris casibus conscientias suas securiùs ei committebant, & libenter eum audiebant, auditoque eo multa bona Deo placita faciebant.

2. **G**audebant igitur Magister humilis charitate plenus, de fructu animarum & spiritali profectu fratrum suorum, magnamque curam pro necessitatibus pauperum Clericorum gerebat, Christum Dominum in iis venerando. Considerans autem venerabilis Magister Gerardus dilectum discipulum suum Magi-

strum Florentium speciali devotionis prærogativa florere, consilio sancti Spiritus inspiratus, & multorum fratrum precibus flagitatus, decrevit eundem ad sacerdotii gradum promovere. Qui tanto honore indignum se contestans, ab hoc onere humiliter petiit sublevari. Sed fratrum victus instantiâ, tandem Magistri sui monitis resistere non audens, obedientiâ compellente assensit. Factus ergo presbyter non est elatus in gloriam humanam, sed tantò humilior in omni actu & habitu suo inventus est, quantò dignitate & ordine major. De quo Magister Gerardus tale testimonium perhibuit, dicens: Semel feci unum ordinari in presbyterum, & spero quod dignus sit. De cætero cavebo ne leviter quid simile faciam, quia paucos ad hoc idoneos cerno. Ipse tamen Dominus Florentius sicut verè parvus & vilis in oculis suis, nil magni ex clericali ordinatione de seipso existimavit, sed inferiores etiam fratres in animo sibi præposuit, & de quodam simplici Clerico nondum in sacris constituto sic ait: O si pro calice meo possem Deo offerre in iudicio penam illius Clerici.

### CAPUT XI.

*De raritate exitus sui, & cum quanta disciplina stabat in choro.*

1. **E**X bonis autem & honestis moribus suis facilè poterat vir Domini Florentius ab ignotis & sæcularibus agnosci, quod erat devotus homo & amicus Dei, dignusque vicarius Jesu Christi. Hic itaque prius fuit Canonicus S. Petri in Trajecto, sed illâ præbendâ relicta Vicariam recepit in Daventria, ut apud Magistrum Gerardum staret, ejus



ejus erudiendus exemplo & doctrinâ. Unde semel uni amicorum dixerat hæc verba; Spero quod non moriar Canonicus, sed in humiliori statu serviam Deo. Et factum est ita ad laudem Dei in sæculum. Qui cum in magna haberetur reverentia pro sua sanctitate & abstinentia, summè tamen vitavit ab hominibus honorari. Ideoque egredi ad publicum declinavit, & manere domi cum fratribus suis unicum solatium sibi duxit, sciens majorem sibi profectum, & aliis exemplum stabilitatis inde provenire. Transiens autem per plateam expeditius ibat, non texens alicui longos sermones, sed brevi verbo aut solo nutu capitis satisfecit obvianti. Sed & oblatos sibi honores sic parvipendebat exterius, ut sæpe non adverteret obviantes: nec quorsum tenderent, investigare eurare. Vadens autem ad Ecclesiam, interim orabat, aut meditabatur de Deo, prout Spiritus sanctus inspirabat.

2. 2. Propter magnam autem corporis sui debilitatem, & frequentes infirmitates, quas in primo fervore propter nimiam abstinentiam inciderat, non potuit quotidie chorum visitare. In magnis tamen festivitibus & celebritibus Sanctorum, quantum valetudo permisit, libenter affuit vespers & Missæ majori. Cumque esset senior Vicarius, in sinistro latere chori semper in inferiori stallo locum tenuit, cum tamen altissima ei sedes post canonicos competisset. Stans autem in choro nequaquam vagis oculis circumspectabat, sed versus ad altare cum omni disciplina & reverentia quietissimus stabat. Deo & sibi devotè intentus, & prout ager potuit, moderata voce, non fractis notulis psallebat. Ita morige-

ratus & reverenda facie erat, ut multi pueri & cantores eum frequenter aspicerent, & religiositatem ejus mirarentur, quia nihil levitatis in verbo aut motu corporis apparuit, unde potuisset reprehendi. Et ego tunc temporis cum aliis scholaribus chorum visitare consuevi; sicut in junctum mihi fuerat à magistro Joanne Boème, qui scholas & chorum strenuè regebat. Quoties ergo Dominum meum Florentium in choro stantem vidi, licet ipse non circumspiceret, præsentiam tamen ejus ob reverentiam status ejus metuens, cavebam aliquid fabulari.

3. Et accidit aliquando ut non longè ab eo starem in choro, vertitque se ad librum nobiscum canendo. Et stans post me, manus suas super humerum meum posuit, stetitque fixus vix audens me movere, stupens ad tantæ dignationis gratiam. Erant quoque tunc temporis in collegio Daventriensi plures Canonici & Vicarii literati, ac probabilis vitæ viri, strenui & alacres ad divinum officium debita cum laude persolvendum. Hi virum Dei magistrum Florentium in reverentia & digno honore habentes, ipso præsentem insolentias leves sollicitius compescebant, totusque chorus illustrabatur tanti sacerdotis disciplina.

## CAPUT XII.

*De simplicitate vestimentorum ejus.*

1. **A** Mator simplicitatis & humilitatis pius Dominus Florentius, sciens quod ornatus vestium clericum non facit, sed magis humilitas cordis, & probitas morum, ad majorem conscientie suæ puritatem servandam, omnem à se amovit vestium nitorem, & quicquid ad mundi pertinuit pompam,



& ostentationem humanam. Ut ergo interiori homini habitus exterior responderet, postquam sacerdos effectus est, non quæsit molliores vestes, quasi præ cæteris sibi magis competentes, sed communibus & simplicibus sicut alii fratres erat contentus. Nam Deum præ oculis semper habens, non amavit transitorium corporis cultum vel ornatum, sed ad virtutes animæ oculum gerebat apertum.

2. Cavebat autem infirmis dare offendiculum in propria veste, aut alia quacunque necessitate naturæ, eligens exemplo Christi quod humilitati erat propinquius, & minus ab hominibus reputabatur. Non ergo alia portabat in festis, alia in diebus quotidianis, sed tantum in celebratione missæ ob reverentiam sacramenti meliori ornamento in festis utebatur, in quo tamen metam servavit debite honestatis. Almutium ejus quod habebat, satis antiquum & pallidum erat, & in multis locis quasi à tineis corrosum & calvum. Et quando vidi eum cum tali Almutio ad chorum transire, condolui, quod tam bonus & honestus sacerdos ita simpliciter & humiliter incedebat. Ad pedes non habebat pulchra sandalia, sicut alii vicarii in Ecclesia, sed pro illis fecerat sibi parva & bassa calopodia, quæ erant antiquo corio subsuta, cum quibus sine strepitu chorum intravit. Tunica ejus & toga de griseo panno erant. Dederat ei avunculus ejus novam togam amicitie gratia, sed eam noluit portare, quia nimis honesta videbatur, & ipse simplicia præferbat semper pretiosis. Capitium nigri coloris aut grisei fuit, & sicut ipsi parabatur portavit, quod utramque scapulam

& colla nuda protexit. Manicas habebat parvas & strictas cum paucis nodis, quæ propter attritionem vetustatis interdum fuerant novis panniculis antè reparatæ. Non enim erubescere humilis sacerdos Dei antiquam tunicam à sartore repeciataam portare, quinimo ipse & omnes fratres ejus contendebant sacra æmulatione viliora indumenta habere, & in hoc alius alium superare.

3. Quadam vice præsentem quendam sæculari clerico loquebatur devotè de Deo, & stabat idem scholaris juxta eum pulchris & curiosis manicis suis occupatus, nunc huc nunc illuc manus suas versando. Ad quem Dominus Florentius benignè intuens aiebat. Ecce frater manicas meas quales ego habeo, quæ me non occupant nec inquietant. Nam tam longas manicas ferre sicut tu habes, tædium mihi foret & onus. His auditis parum erubescens quietius stetit, & bene acceptans quod dixit, ædificatus abscessit, quia ad simplicitatem vestium proprio eum exemplo instruxisset.

4. Alio quoque tempore vocavit ad se sartorem, qui ei tunicam novam facere debebat, & ait: Magister scis deformem tunicam facere? Qui respondit: Nescio an bene hoc novi. Dicas tamen mihi Domine, qualem vultis habere? Tunc ait humilis Magister Florentius ad sartorem. Facias de isto panno quatuor partes, & ita consuas eas simul sine plicis, ut de facili queam tunicam istam induere & exuere, & tunc satis bona erit. Ad hæc sartor cum admiratione multa respondit: O dilecte mi qualiter hoc staret? Quare vellem bonum pannum destruere? Ego faciam bene



bene sicut melius convenit. Tunc humilis & mitis sacerdos ait: Quæ cura est de apparatu ad extra? Facias amore Dei planiori modo quo potes, sic enim mihi magis placet: nam simplicia me decet habere ad ædificationem cæterorum. O nobilem Christi sacerdotem ad humilia semper inclinarum, qui ut Deo amplius placeret, omnium curiositatem amputavit.

## CAPUT XIII.

*De humili servitio ejus inter fratres.*

1. **L**ux mundi Christus ad illuminandum mentes fidelium venit in mundum, prædicans verba vitæ cælestis, atque per humilitatis suæ exempla, ad amorem sui nominis, torpida peccatorum corda præcipuè accedit, quæ cunctis per orbem fidelibus imitanda reliquit. Nam talem se Christus in medio discipulorum suorum exhibuit, sicut unum ex ipsis, servitium pietatis ostendens, & dominium potestatis non exercens, ut qui eum imitari voluerit, ab eo quoque dignus sit honorari, & super omnia bona in cælesti regno constitui. Ego inquit, *in medio vestrum sum, sicut qui ministrat.* Et iterum: *Filius hominis non venit ministrari, sed ministrare, & dare animam suam pro multis.* Hanc autem sanctæ servitutis doctrinam, humilis servus Christi Florentius cum fratribus suis strudit observare, persuadens omnibus sibi adhærentibus, cujuscumque essent ætatis, ut per charitatem invicem servirent, invicem sua onera portarent, nulla abjecta opera exhorrerent, sed humilia servitia libenter exercerent, illud amplectendo charius, quod minus continet honoris, & plus habet laboris & rigoris.

2. Mosigitur sanctus, & probabilis apud eos virtus inolevit, ut quilibet fratrum per hebdomadam in coquina ministerio staret, & cum omni humilitate ibi coqueret, vel quæ sibi à coco injungebantur promptè & hilariter adimpleret. Fervebant enim tunc omnes ad viliora opera facienda, siquidem & pro regno Dei laborare jucunda requies putabatur. Volens ergo bonus pater & dulcis magister Florentius exemplum bonum præbere subjectis, tenuit etiam ipse in coquina vicem suam pro posse. Cui quidam ex vicinis compensione motus dixit: Cur bone Domine versaris in coquina? Non habes aliquem qui pro te istud faciat? Nonne melius esset quoddam tu ires ad Ecclesiam, & alius coqueret pro te? Respondit humilis minister Christi Florentius dicens: Nonne magis affectare debeo quoddam habeam omnium aliorum orationes, quam solummodò meas? Dum enim ego sum in coquina, omnes alii interim tenentur orare pro me. Majorem ergo fructum spero consequi de orationibus aliorum qui sunt in Ecclesia, quam si ego solus orarem. Sic ergo tam verbo quam exemplo ædificavit universos, non querens quod sibi esset delectabile, sed aliis utile & exemplare. Quoties autem cum fratribus comedebat, primum ferculum manibus suis eis apposuit, & de hoc plurimum doluit, quia infirmitate cogente refectio fratrū quotidie interesse non potuit. Quapropter seorsum in coquina cum coco suo solus edebat, habens mensam parvam sobriè paratam, quia solidum cibum debilitas stomachi non sufferebat. Ego licet indignus ab ipso sæpè invivatus mensam ejus



paravi, & modicum quod petebat de cellario attuli, gaudensque cum multa hilaritate ei ministravi.

#### CAPUT XIV.

*De labore manuum ejus pro communi bono.*

1. **O**ptimus in moribus digneque memorandus inter omnes devotos devotissimus Florentius nunquam otiosus voluit inveniri, sed pretiosum tempus fructuose nixus est expendere, cavens omni modo, quamvis beneficiatus esset panem suum gratis & absque labore manducare. Quod à venerabili magistro Gerardo didicit & accepit, hoc diligenter observavit, cujus sententia fuit, ut nemo ad congregationem suscipi deberet, nisi secundum B. Pauli dictum manibus laborare vellet. Est namque operatio sancta ad omnem spiritualem profectum utilissima, per quam carnis lascivia domatur; & ab evagandi levitate mens dissoluta citius refrenatur. Per hanc otia nociva tolluntur, & confabulationes frivola ex otio surgentes facilius decurrantur. Occasione enim loquendi sublata, labor perficiet in manibus, & erit semper ditior in bonis, qui fuerit operarius fidelis. Per hanc etiam necessitatibus fratrum sapienter providetur, & pauperum miseriis copiosius subvenitur. Nam illa eleemosyna gratius Deo placet, & clarius lucet, quæ de vultus sudore procedit, & justo labore quaesita reficit indigentes. Igitur ars scribendi libros, quæ clericis melius convenit, & quietius exerceri potest, à fratribus domus ejus est maturius arrepta, & pro communi bono servando usitatus introducta. Ipse verò venerandus Pater Florentius ne vacuum no-

men gereret rectoris, sed in exhibitione operis officium sacerdotale commendaret, dedit scriptoribus exemplum clarum, membranas pumicando, quaterniones lineando & componendo. Quia licet minus bene scribere sciret, in præparando tamen aliis necessaria, quam plurimum scriptores adjuvit manu sua oleo sancto consecrata.

2. Interdum cum opus esset, & tempus vacaret, assumpto socio libros jam scriptos perlegit & correxit, aut de scripturis sanctis aliqua devota notabilia ad consolationem fratrum & exercitationem internorum compilavit. Multum namque gavissus est & delectatus, cum pro communi aliquid utilitatis per diem fecisset, sciens hoc Deo gratissimum fore. Verum multitudine clericorum ad eum conflente, cum fama bonitatis ejus longius resonaret, requisitus est à multis extraneis & religiosiis viris & literatis. Idcirco pro animarum salute altioribus negotiis oportebat eum intendere, & à privatis actionibus & internis studiis frequenter abstinere, & spiritualia lucra temporalibus commodis anteferre.

3. Torque consultandi causa antecamerum ejus quandoque steterunt cupientes ei loqui, aut abscondita sua tantquam viro sancto confiteri, ut vix ei transitus exeundi pateret, vix tempus pro horis dicendis & necessitatibus corporis solvendis opportunè superesset. Neminem tamen inconstolatum reliquit, sed vel incontinenti expedit, aut altera vice liberum ad se reditum secundum conditum petentis concessit. Contigit aliquoties ut horas suas legere inciperet, & super venientibus alijs & alijs perquam



perquam multis, non posset finire psalmum quem inchoaret. Ne ergo tadio affectus desisteret aperire pulanti, ait ad semetipsum: Adhuc semel propter Deum, sicque semel iteravit sæpè, & fiebat longum, vincens molestiam & inquietudinem in patientia ex charitate fraterna.

## CAPUT XV.

*De misericordia ejus in pauperes & egrotos atque ignotos.*

1. **V**irtus quoque misericordiæ in corde pii patris inter alia pietatis opera præcipuè floruit & excrevit, quam frequenti eleëmofynatum largitione in pauperes & peregrinos ostendit & implevit. Unde meritiò de ipso dici debet, quod de justo viro in psalmo decantatur:

*Psalm. 111. Dispersit, dedit pauperibus, justitia ejus manet in sæculum sæculi.* Ipse enim Dominus Florentius fuit piissimus Pater pauperum, dulcissimus Consolator tribulorum, & compatiensissimus Visitator infirmorum. Qui profectò spiritu Dei plenus cum lacte miserationis habuit vinum zeli & fervoris, fovens infirmos oleo misericordiæ, & odio habens passiones & vitia ipsorum, magna cum maturitate & discretionem exercens utrumque in tempore suo.

2. Sæpè namque egenis & debilibus cibos mensæ suæ misit, & species sibi ex charitate missas, majori charitate ulterius cum aliis indigentibus impertitus est. Pauperum etiam nomina in scriptis habuit, quorum curam uni aut duobus fratribus suis injunxit, ut hospitia honesta & subsidia sumptuum eis procurarent. Erant autem tunc temporis

in oppido Daventriensi viri quidam honesti, Deum timentes, secundum consilium Domini Florentii bene conversantes, necnon matronæ aliquæ divites & devotæ misericordiæ actibus deditæ, quæ Ecclesiam Dei sedulo visitantes, & sacerdotes honorantes; multa beneficia pauperibus clericis Deo famulantibus, rogatu & instantia ejusdem Domini Florentii libentissime ministrabant. Tam pius tamque dilectus omnibus apparebat humilis vicarius Christi Florentius, ut si pro aliquo paupere rogasset, citò petitionem suam impetrasset. Ignotis & extraneis ita affabilem se præbuit, quasi amici & cognati sui fuissent, quærens unde essent, & quo nomine vocarentur, rogans ut interdum visitandi gratia ad se accederent.

3. Parvulis & juvenibus naturali innocentia & puritate nitentibus insignis castitatis amator suam benevolentiam non abscondit, sed piis verbis ad amandum Jesum & Mariam eos instruxit, suadens eis innocentiam servare, quatenus Angeli Dei similes facti, in cælo canticum Virginum decantarent. Tristibus & tentatis hilarem se exhibuit & solatiofum; ut si quis offensus fuisset & turbatus, eo viso & secum parum loquente, mox bene pacatus & consolatus ad sua cum gaudio remearet. Hoc sæpissimè expertus sum in me ipso, & sociis meis devotariis, qui ex consilio eruditi sumus, & in schola Christi optimis collationibus informati. Sed nec leprosos & aliqua deformitate corporis vitiatos abhorruit, immò clementiorem se talibus abjectis personis curavit exhibere, cognoscens hoc magis placere creatori, & sibi gloriosius fore, quia non vili-



vilitatem personæ, sed naturæ copulam & imaginem Dei in homine considerabat.

4. Vidi quendam monoculum & alium pede claudicantem ab ipso conversos, & probabiles viros postea effectos. Cognovi etiam quendam leprosum extra mœnia civitatis morantem, qui devotionis gratia ad sacerdotem Dei accessit, loquens cum ipso familiariter, multis hoc idem videntibus & mirantibus quam humiliter juxta leprosum sederet. Cui etiam iussit potum dari, & misericordiam utique specialem impendi, quem post plura sacræ consolationis verba, dimisit ad propriam mansionem cum suo collega gratiosè redire.

## CAPUT XVI.

### *De refectioe pauperum, & lavatura miserorum.*

1. **Q**uia verò, docente Scripturâ divinâ, hilarem datorem diligit Deus, libet ampliùs aliquid narrare de eximia misericordia hujus clementissimi Patris Florentii erga inopes & ulcerosos atque deformes, solatia amicorum non habentes. Igitur misericordissimus Pater pauperum, exceptis quotidianis eleëmofynis in pios mendicantium usus, omni anno in Festo Beati Gregorii Papæ, duodecim pauperes scholares ad honorem sancti Gregorii ad suum prandium invitare solebat, quia Beatum Gregorium duodecim pauperes omni die habuisse legerat. Et ego ex commissione ejus aliquos pauperes nominatim mihi expressos, ad domum ejus hora prandii introduxi. Qui cibo potuque refecti, alacri corde ad scholas redierunt, & de acceptis

beneficiis Deo laudes, & magnas grates largifluis hospiti suo Domino Florentio, & fratribus ejus retulerunt. Tunc manifestè impletum est quod per Psalmistam dicitur, & à multis religiosis antè benedictionem mensæ canitur: *Edent pauperes, & saturabuntur, & laudabunt Dominum, qui requirunt eum, &c.*

2. Similiter in mense Majo, quando herbæ agrestes maximè valent pro medicamentis, pius Pater non est oblitus pauperum suorum. Sciens ergo multos esse debiles, scabiosos, & ulcerosos, fecit eos ad domum suam venire certo die & hora, pro quadam medicina & corporali balneatione in aquis calidis cum odoriferis herbis suscipienda. Quibus bene balneatis & lotis, lectulum paravit mundissimum pro sudoribus eorum abstergendis. Datoque poculo, & consolationis verbo, cum ingenti lætitia ibant ad sua hospitia, mutuo inter se conferentes. Quam bonus & pius homo est iste Dominus Florentius, & quam boni fratres sunt isti cum eo habitantes, qui nobis propter Deum gratis talia præstant.

3. Quodam tempore in quadragesima cum tempora essent aliquatenus cara, & pauperes mendicantes gravarentur inopia, multi ad solatium misericordis Patris Florentii obsecrando confugerunt, sperantes qualecunque subsidium invenire, quia nemo vacuus, nemo inconsolatus inde consuevit abire. In tali ergo articulo, misericordiarum Pater condoluit fame afflictis, & pauperibus devotis, habitoque consilio cum fratribus suis, quæsit optimum modum succurrendi egenis, qui erant ita attenuatis rebus,



## FLORENTII.

rebus, ut neque *as* in zonis, neque panes haberent in saccellis. Tunc unanimiter fratres accensi sunt ad succurrendum pauperum turmis; & præcipuè in tam sancto tempore Quadragesimæ, quando aguntur dies penitentia, & largiora misericordia stipendia exuberare debent erga indigentes, panem pro Deo multis precibus postulantes, sicut in Isaia legitur:

Isa. 58.

*Frange esurienti panem tuum, & egenos vagosque induc in domum tuam. Cum videris nudum, operi eum, & carnem tuam ne despexeris.* Statuerunt ergo firmiter aliquid sibi subtrahere, & pauperibus contribuere copiosius, atque ultra solitum tempus laboris unam horam adicere quotidiano operi suo per totam Quadragesimam pro pauperibus, & quicquid illa hora scribendo lucrarentur, hoc integrè collectum provisorio pauperum tradere, ut ille consequenter necessaria alimenta emeret, & indigentibus fideliter ministraret. Hoc idem fecerunt in aliis domibus quidam fratres scriptores & officiales, propriis de laboribus Eleemosynam Deo immolantes, seipsos sponte castigantes, & pauperes felicissimè recreantes.

4. Et quis dignè explicabit omnes misericordias hujus felicissimi patris in pauperes & peregrinos, maximè autem erga simplices & devotos Christo famulantes? Etsi omnes tacuerint, ego non silebo, sed misericordias Domini Florentii in æternum cantabo, quia indubitata fide ipso adhuc vivente per septennium multitudinem miserationum ipsius experientia rerum probavi. Siquidem cum Beato Job,

Job. 29.

*pes fuit claudo, oculus caco, manus egeno, baculus infirmo, solamen lapsu, amictus male vestito.* Alius namque gaudebat de Eleemosyna sibi data, alius de tunica sibi parata: alius togam, alius capitiū repor-

*à Kemp. Vita Florentii,*

tavit. Alius calceos, alius caligas, alius cingulum & soccos recepit. Alius libros, alius pennas, atramentum & papyrus se impetrasse lætabatur. Singuli pro singulis læti muneribus, ab ipso honorabili Domino Florentio Patre orphanorum & egenorum emolumentum non tantum corporis, sed & animæ suæ remedium se consecutos fatebantur. Cujus virtutes & opera charitatis ad plenum exprimere lingua fragilis non sufficit, quia existimationem humanam conversatio ejus ac fratrum ipsius præcellit. Merito ergo de his dicere non vereor, quod de Apostolicis viris scribitur: Isti sunt viri misericordia, quorum justitiæ oblivionem non acceperunt. Cum semine eorum permanent bona, & Eleemosynas eorum narrabit omnis Ecclesia sanctorum.

### CAPUT XVII.

*De abstinentia ejus, & infirmitatibus ex rigore contractis*

- I. **F** Ervidus ac devotus Dei famulus Florentius in primordio conversionis suæ ad edomandam carnem suam concupiscentiam, corpus suum jejuniis & vigiliis rigidè nimis castigavit, non satis naturæ imbecillitatem attendens, sed in fervore spiritus tantum persequabatur hostem domesticum, ut pondere rigoris obrueret civem sibi adhuc necessarium & fidelem, quia non solum ab illicitis & superfluis abstinebat, sed multa etiam sibi necessaria subtraxit, ita ut plerumque appetitum comedendi perderet, & gustum discernendi cibos non haberet. Unde semel accidit, ut absente coquo cellarium intraret, & ex quadam amphora oleum pro cerevisia potaret, nec hoc discernere potuit, nisi quando coquus eum de qua amphora bibisset requisivit, &

G

tunc



tunc se errasse cognovit. Alio quoque tempore in monasterio quodam oblatum ei fuit modicum vini ad bibendum pro sua debilitate, & reverentia quam ad ipsum fratres habebant. Cumque inde parum gustasset, ait astanti: Quam acrem & amaram cerevisiam habetis. Et mirati sunt fratres, quia vinum ab alio liquore non discrevit. Comedit igitur sapius quasi sine sapore, & potius ex necessitate naturæ, quam ex appetitu gulæ, vel alicujus cibi suavitate.

2. 2. Veni aliquando ad visitandum eum in camera ejus, ubi sedebat debilis in lectulo suo, & salutavi eum benigne, multum dolens de ejus infirmitate. Frater autem Jacobus de Viana, qui ei tunc ministravit, aliquas species confortativas ei obtulit, dicens: Istæ bonæ species sunt, gustes parum inde. Nonne valde bene sapiunt? Tunc ille me audiente respondit: Crustula panis melius vobis saperet, quam istud mihi. Quamvis ergo totus debilis esset, & multis teneretur incommodis corporis, non tamen ab opere Dei & piis animarum fructibus cessavit, sed quando accessus hominum pati potuit, resumpto spiritu dabat petentibus monita salutis, & tanto dulcius, quanto amplius noverant eum à Deo dilectum, & infirmitatibus variis tanquam aurum pretiosum in igne probatum.

### C A P U T XVIII.

*Qualiter orationibus devotorum adjutus saepe reconvaluit.*

1. 1. Cum igitur frequentes pateretur molestias corporis, studuit Deo sedulè gratias agere, quia non sunt condignæ passionibus hujus temporis ad futuram gloriam Dei promerendam. Ideoque vir-

gam Domini sibi illatam, patienter suscepit, sicut animæ medicinam, reputans dilectionis esse signum, secundum illud Apostolicum verbum: *Quem enim diligit Dominus castigat, flagellat autem omnem filium quem recipit.* Volens autem pius Dominus ostendere, quantum sibi placeret probata virtus filiorum, & quantum valerent orationes devotorum, misertus est dilecti Sacerdotis sui sæpè in extrema necessitate constituti, qui à medicis humanâ viâ desperatus videbatur. Sed ipse in Domino spem totam posuit, qui merentes erigit sospitate. Igitur quoties gravis eum infirmitas invasit, missum est ad vicinas congregationes fratrum & Clericorum atque sororum, ut pro eo instanter singulis diebus omnes orarent, quatenus Deus ei adhuc parceret, ejus vitam pro multorum salute protelando, ne devoti tristitiam super tristitiam haberent, si tam amabili patre & necessario gubernatore privarentur.

2. Ego quandoque internuntius hujus rei fui, dicens sororibus: Orate pro Domino Florentio, quia graviter infirmatur. Et ecce clemens Dominus, qui non spernit preces pauperum, sed vota humilium libenter exaudit, reddidit sanitatem dilecto & fideli servo suo, *ut notam faceret filiis hominum potentiam suam.*

3. Fuit temporibus illis magnus quidam Magister in medicinis, Dominus Everhardus Eza curatus in Almelo, vir valde peritus & nominatus inter Physicos doctos, qui devotionis gratiâ inspiratus, multum familiaris extitit Domino Florentio, & fratribus ejus, aliisque Christo devotis. Hic frequenter ad Dominum Florentium venire consuevit, & libenter illi artis suæ medicamenta adhi-

Hebr. 12.

Psalm. 146.



adhibuit, quem fratres valde diligebant, & reverenter suscipiebant. Qui magnâ adhibitâ diligentîâ pro curatione Domini Florentii intimi amici sui, multoties ei profuit, molestiamque fratrum fiduciâ sperandæ salutis sæpe erigebat & consolabatur. Dicebatque, isto attento, in Domino plus confidens quàm in arte medicinæ, quia supra humanas vires est, quod hic homo potest tamdiu tam debili corpore vivere: & nisi specialis gratia eum præservaret, & orationes multorum pro eo fierent, celerrimè deficeret, aut etiam diu defunctus fuisset. Bonum est ergò fideliter pro ipso orare, quia salus ejus specialiter in Divina stat gratia.

## CAPUT XIX.

*Quod semel in nocte Paschali, Angelicâ visione curatus fuit.*

1. **I**nter cætera tempora anni gravius & frequentius in quadragesima ægrotare solebat, propter cibos quadragesimales sibi magis onerosos & inflativos. Et licet tunc corpore debilior erat, mente tamen hilariori ad susceptionem jejunii se offerebat. Semel igitur quasi per totum jejunium debilitato stomacho nimium languebat, & vix usque ad Pascha victurus sperabatur. Sed devota fratrum oratio non cessavit ad Dominum pro eo clamitare, & gratiam Domini, quam sæpe fuerant experti, multiplicatis intercessoribus iterum flagitabant. Deficiebat enim tunc omne humanum præsidium, ideoque ad fortissimum Deitatis recurrere solatium.
2. Cum ergò jam peracto jejunio, Dominicæ resurrectionis gloriosa instaret festivitas, & electus vir Dominus Florentius in lectulo suo requiesceret

dulci somno soporatus, ecce in ipsâ sacratissima nocte Paschæ mox Angelicâ visione meruit consolari & confortari. Vidit namque duos Angelos sibi apparere, quorum unus stabat ad dexteram lectuli, & alter ad sinistram. Elevans autem unus manum suam in altum, quasi ad percutiendum gladium vibrabat super caput dormientis, sed statim alter idem sustinuit ferientis, & prohibuit eum, dicens: Noli percutere, vita enim adhuc vivet, & non morietur. Ad hanc visionem cælitus factam obstupefactus & quasi de morte ad vitam resuscitatus evigilavit, mirabiliter in Domino confortatus: & vocans ministrum suum qui non longè in camera quiescebat, ait illi confidenter: Surge, & para aliquid quod hodie manducem. Sentio me melius habere, & volumus in Domino pariter epulari. Tunc ille ingenti gaudio repletus festinavit parare quod iussit. Et omnes qui audierunt, mirati sunt & gavisi, quia tam citò convalescere cœperat, quem jam pridem mori formidabant.

3. Hanc visionem postea avunculo suo Canonico sanctæ Mariæ in Trajecto intimavit, qui eum cordialissimè dilexit, non tamen seipsum nominando, sed quod cuidam revelatum esset quod adhuc supervicturus esset. De quo magnificè & intimè congratulans Deum benedixit. Quia misit Angelum suum, & sanavit eum ab interitu mortis. Vixit post hæc clarissimus Dominus Florentius aliquot annos, ad consolationem omnium devotorum tam clericorum, quàm laicorum, de diversis partibus & regionibus ad eum venientium pro remediis animarum suarum, quibus vir Domini tam verbo quàm exemplo



magnum præstitit sanctæ conversationis  
dueatum, cum universis fratribus in do-  
mo congregatis, ad laudem Dei omni-  
potentis.

## CAPUT XX.

*De viro qui in puteum cecidit, &  
inde illæsus exierat fuit.*

1. 1. **A**ccidit autem quodam tempore  
ut plures ad audiendum ver-  
bum Dei in antiquam domum prædilecti  
Patris Domini Florentii convenirent.  
Et dum collatio devotæ exhortationis  
fieret, vir quidam cum aliis fidelibus se-  
debat super putei marginem, & oppres-  
sus somno cecidit improvise retro in a-  
quam, capite verso. Ad cuius lapsum  
exterriti qui aderant, mox in puteum do-  
lenres respiciunt; & ecce Deo protegen-  
te sterit homo super pedes suos in aquis  
putei salvus & illæsus mirantibus cunctis.  
Sumentes ergo festinanter vestem de-  
super pendentem, submiserunt in os pu-  
tei, & extraxerunt hominem vivum,  
quem existimaverant penè submersum &  
defunctum. Videntes autem eum de  
tanto periculo liberatum, gratias Deo  
omnipotenti retulerunt, & consolati sunt  
non minimè, quia Deus non est passus  
hominem periclitari in illa domo subita  
morte.

2. 2. Hæc mihi quidam civis Campen-  
sis retulit, qui præsens tunc affuit, &  
Daventræ juvenis frequentavit: sed &  
multa alia bona de viro Dei & fratribus  
ejus enarravit. Et ego ex eodem puteo  
sæpius aquam hausi ad usum coquinæ,  
qui satis angustus erat, & ideò res gesta  
ad gloriam Dei amplius valet, qui su-  
pra id quod petitur, occurrit pe-  
riculis animarum.

\* \*

## CAPUT XXI.

*De visione crucifixi super domum  
ejus apparentis.*

1. **G**Rata admodum & Deo dilecta 1.  
congregatio fratrum in domo  
Reverendi Patris Domini Florentii, ad  
laudem Dei collecta magnis refulsit vir-  
tutibus, & sublimium meritorum actibus  
extitit decorata. Ibi humilitas omnium  
virtutum prima, exquisita fuit à majore  
usque ad minimum, faciens de terrena  
domo paradisum, & transferens homi-  
nes mortales in cœlestes margaritas, tan-  
quam lapides vivos in templo Dei glori-  
ficandos.

2. Ibi obedientia mater virtutum, & 2.  
discretionis lucerna, vixit sub tanta dis-  
ciplina, ut summa esset sapientia obedire  
sine mora, & nefas foret horrendum  
præterire senioris consilium aut mini-  
mum verbum. Ibi charitas ad Deum  
& ad proximum sic arsit intus & extrâ,  
ut dura corda peccatorum auditis sermo-  
nibus sanctis, solverentur in lacrymas,  
& qui frigidi advenerant, verbi calore  
accensi, læti abibant de cætero peccare  
caventes. Ibi spiritualis militiæ arma-  
tura contra singula vitia enituit strenuè,  
& senes cum junioribus adversus sata-  
nam & propriam carnem, ac mundi fal-  
lacias, fortiter certare didicerunt. Ibi  
antiquorum Patrum memoria, & Egy-  
ptiorum Monachorum fervida conversa-  
tio, quæ quasi semimortua jacuit in  
terra, ad vitam rediit, & clericorum  
status ad summæ perfectionis normam  
secundum Ecclesiæ primordia surrexit.  
Ibi audiebatur devota spiritualis exercitii  
exhortatio, & inter quotidianas medi-  
tationes sacrosancta & dolorosa passio  
Salvatoris nostri Jesu Christi, crebrius  
&



& affectuosius est repetita & masticata, ex cuius intenta recordatione salus animæ noscitur effluere, valens mortiferos serpentis morsus sanare, & mentem passionatam mitigare, ac torpentem animum ad cælestia de terrenis per cruciformem imitationem sublevare.

3. Cum igitur magnificæ devotionis ardor erga divina beneficia recolenda, in multorum sordibus flagraret, & exemplo Reverendi Patris Domini Florentii ad perfectum mundi contemptum sancta illa congregatio erudita proficeret semper in melius, pius Deus, qui benedictionem suam & gratiam humilibus præstat, non destitit consolationibus sacris & internis gaudiis refovere sibi fideliter servientes. Et ut de multis aliquid proferam, unam breviter visionem his inferam, quam Deus omnium secretorum cognitor super domum illam cælesti unctione benedictam ostendere dignatus est.

4. Quidam ex novellis plantationibus Domini Florentii discipulus devotus quadam nocte insolita visione perterritus expiravit totus in principio, sed in fine lætificatus est mira Dei deitate. Cumque in statu suo quiesceret, ecce ventus ab aquilone validus nimis, & tempestas lævissima veniebat totam concutere terram, quasi jam instaret dies extremi iudicii omni carni metuenda. Pavescens ergo horrenda tempestate cæpit juvenis ille cogitare quonam fugeret, & quò diverteret à facie formidinis Domini. Deprehensus itaque inter angustias aspexit sursum in cælum, & ecce signum crucis evidens in aere apparuit, salutis humanæ auctorem representans. Videns ergo hanc sanctam imaginem crucifixi expansis manibus & confixis cla-

vis in aère pendentem, cuius radiis illuminabatur orbis, jam tempestas illa cessabat. Et crux ultra procedebat usque dum staret supra domum Domini Florentii, in qua habitabant sanctæ Crucis servi, & veri contemptores mundi. Ad cuius adventum & præsentiam tota domus quasi obviam tendens Salvatori, à fundamento elevabatur in aère super terram, nusquam tangens terram; atque reverenter inclinans ex uno latere versus crucem, rediit iterum super stabilitatem suam. Imago autem crucis processit, & stetit super murum contra ostium domus, per quod quotidianus est transitus fratrum. His visis cæpit juvenis expansis manibus orare versus crucem, & petere à timore terribilis iudicii protectionem. Statim raptus est de loco suo, & intra januam domus Domini Florentii collocatus, tanquam in loco securitatis sub alis crucifixi. Tunc nimium exhilaratus, & quasi de omni angustia tutatus, præ ineffabili lætitia expergefactus est. Et vehementer admirans gratias egit Deo, qui dignatus est sibi talia devotis fratribus illis revelare, quibus deinceps studuit adhærere, & vitam eorum cum Christo absconditam semper venerari.

## CAPUT XXII.

*De Patientia ejus & mansuetudine, ac dilectione ad omnes.*

1. Quidam curialis sæculari fultus astutia virum Dei magistrum Florentium non est veritus molestare, sed eum beneficio suo conabatur fronsè privare, existimans quòd forsitan nemo se opposeret, aut pro vicario Christi responderet, quia devotus & mansuetus ad injurias videbatur. Vocatus ergo ad causam, ut de objectis sibi



querelis, adversario responderet, non multa contentione nec splendido sermone usus est; sed brevi & humili responsione sic ait: Si vos melius jus habetis quam ego, teneatis in nomine Dei. Mirati sunt astantes, & ædificati in verbo præsentis.

2. 2. Unus autem ex Canonicis pro viro Dei zelans, nec sustinens justum & innocentem opprimi, ait ad eum: Quomodo ita loquimini dilecte magister Florenti? non curatis plus de præbenda vestra? Veruntamen iste non habebit quod querit, se pro vobis agimus, ut teneatis quod bono jure possidetis. His auditis siluit adversarius, & recessit nihil adeptus. Cognoverunt siquidem à maximo usque ad minimum, quod fidelis & devotus magister Florentius dignus sacerdos Christi erat, cujus virâ & doctrinâ plures ad sæculi contemptum trahebantur. Nam de magnis & terrenis sapientibus humiles & simplices fratres fecit, nec non quosdam competenter instructos ad statum religionis & sacerdotii honorem crescente in eis sepiiformi Spiritus S. gratia habilitavit.

3. 3. Illud autem pro maximo lucro & gaudio singulari reputabat, si alicui iter æternæ salutis ostendisset, atque à peccatis ad continentiam revocasset. Reverebatur igitur à mundanis, honorabatur à magnatibus, & à bonis & devotis tenerrimè diligebatur. Fecerat enim eum tam amabilem cunctis vita sincera, charitas ad Deum perfecta, pietas ad proximum, largitas ad egenos, honestas ad cives, affabilitas ad afflictos. Unde quidam de eo dicebat: Non est religiosus quem tantum diligo, nec est quem tantum timeo, sicut Dominum Florentium, quem sicut Angelum Dei aspicio. Ipse tamen nequaquam de sui reputatione gaudebat, sed de conver-

sione hominum & fratrum profectu, quorum numerus quotidie augmentabatur, Domino gratiam suam in diebus ejus largiter conferente. Hinc & nomen ejus ad exterarum civitates cum multa admiratione & bonæ famæ notitia pervenit, & tam præsentibus quàm absentes eximiis cum laudibus commendabant. Sed humanas laudes sibi impensas non attendit nec ponderavit, imò vilipendit & derisit. Nam literas quasdam commendatitias sibi transmissas breviter legens post cistam jactavit, dicens: non est aliud quod scribant? Bene potuissent de hoc tacuisse.

## CAPUT XXIII.

*De devota exhortatione ejus ad spiritualem profectum.*

1. **E**Gregius ac vernans flos sacerdotum Magister Florentius, servidus animarum zelator, non solum curam domesticorum fratrum habuit, sed etiam salutaris verbi semina in aliis vicinis congregationibus clericorum, plantare studuit, faciens interdum collationem devotæ exhortationis per se vel per alium idoneum fratrem domus suæ pro mutua pace & charitate servanda. Ad cujus adventum lætabantur omnes inhabitantes, ex ore sacerdotis Dei sacra verba audire cupientes. Nam loquebatur Spiritus S. per eum ad consolationem gregis pusilli, qui paratus erat ei obedire alacriter & devotè.

2. Dicebat ergo in quadam collatione admonendo hoc modo: Quilibet deberet omni die proponere vitam suam ferventer emendare, & novum certamen contra tentationes & vitia sua arripere, & quæ amplius eum molestant, fortius illa niti vincere, & violentiam sibi propter Christum inferre, quia regnum ca-

Math. 11.  
lorum



*rum vim patitur, & violenti rapiunt illud.*

Est etiam utile quandoque alicui fratri discreto & in via Dei experto passiones suas & perplexitates revelare, nec proprio sensui inniti, sed alteri potius credere, atque humiliter accipere consilium, & libenter sequi suum Rectorem, quia hoc est magnum relevamen noviter conversis, & bonum signum spiritualis profectus. Qui ergo sic proponit Deo semper servire, & totam viram suam diligenter emendare, atque ab omni peccato se cavere, de hoc magis meretur & acceptior fit, quam si centum pauperes pasceret, & tale propositum continendi non haberet: quia maximum munus quod homo potest Deo offerre, est bona & perfecta voluntas serviendi Deo omni tempore quo vixerit. Talis etiam non potest malè mori, quamdiu in sancto proposito steterit. Et si obierit, spero quòd in statu salutis erit, & misericordiam inveniet, quia bonum propositum habuit, & bona voluntas pro opere completo ipsi ad meritum computabitur, sicut David sanctus confitetur dicens: *Domine ut scuto bona voluntatis tue coronasti nos.* Multa quidem & alia consolativa pro confirmatione bonorum juvenum loquebatur, qui de diversis partibus illic congregati fuerant, non tantum in schola litterarum, sed etiam in schola Christi vacantes studio spirituali.

3. Quidam ex ipsis verba viri Dei in tabulis signabant, & aliis absentibus indicare cum magno fervore satagebant, multo alacrius divina eloquia inter se tractantes, quam sæculares solent scurrilia recitare. De altis quæstionibus & subtilibus rebus & intricatis negotiis omnino tacuit, sciens quòd parvam ædificationem devotissimis præstant, &

compunctioni cordis frequenter obli-  
stunt, & corda innocentium subvertunt,  
sicut expertum est in plerisque, qui cu-  
riosa scrutantes, & viam Christi planam  
& humilem relinquentes, multis lapsibus  
& erroribus se inseruerunt.

4. Cum quidam litteratus Monachus quendam Carthusiensem argueret, eò quòd ordo eorum deditus esset solitudi-  
ni & quieti ad vacandum propriæ salutis,  
& penè nullum fructum facere videren-  
tur in Ecclesia Dei, respondit ille bonus  
religiosus satis prudenter & eleganter di-  
cens: Nos libenter faceremus quod vos  
prædicatis & docetis. Nam contemptum  
mundi melius credimus pœnitentiæ la-  
boribus persuaderi, quam sermonibus  
pulchris & evagationibus multis. Vir  
quidam ex Judæis ad fidem Christianam  
conversus, audiens famam sanctæ con-  
versationis Magistri Florentii, cupiebat  
cum ipso de antiquis Patriarchis & Pro-  
phetis disserere, eo quòd in vetere lege  
& Hebraicis literis satis edoctus videba-  
tur, & Rabbi à multis secundum sectam  
Judæorum dicebatur. Cumque venisset  
ad præsentiam viri Dei, ipse benignè  
eum suscipiens, & patienter audiens, hu-  
manè & charitative cum eo egit, fidem  
sinceram in Christo suadens tenere, ac  
operibus bonis insudare. De quæstioni-  
bus verò legis ad salutem non pertinen-  
tibus, & genealogiis veterum nihil ven-  
tilare voluit, non quia ignorabat, sed  
quia ædificationem importabant.

## CAPUT XXIV.

*De efficacia sermonum eius & intellectu  
Scripturarum.*

1. Sermo Reverendi Sacerdotis non  
fuit palpsans adulatio, sed veritatis  
clara protestatio: non sæcularis eloquen-

psal. 9.

2.

Matth. 13.



tia, sed humilis informatio morum, & ad abjectionem sæculi rationabilis inductio per exempla Sanctorum. Neque enim à divitibus pecunias quæsit, nec honorem inter magnates, sed cum simplicibus liberior sermocinatio ejus, pro quibus etiam instabat apud potentes ut pauperum memores essent, & de mammona iniquitatis facerent sibi amicos in tabernaculis regni cælestis. Et quis illi facile negaret, pro quo ipse intercedere volebat? Offensam Dei timebat, qui eum in petitione non audisset.

2. Venit ad eum aliquando pastor & curatus Ecclesiæ Daventrensis bonus amicusejus, benevolentiam obsequii sui exhibens & dicens: Prædilecte mi Domine Florenti, si possum aliquid tibi gratum facere, non parcas mihi. Ad quem pius Pater ait: Nihil aliud pronunc, nisi ut benevolam te exhibeas devotis fratribus & sororibus sub cura tua positis, ne molestantur à secularibus & improbis personis. Qui mox piè annuens respondit: Libenter id faciam amore Dei & vestri, ut etiam sitis memores mei. Magister Johannes Boheme Rector scholarium, & Vicarius majoris Ecclesiæ, sub quo diu scholas frequentavi, magnus amicus fuit Domini Florentii, libenter eum audiens, faciens quod Deo placitum fore sciebat. Cum ergo tempus solvendi precium instaret, reddiderunt singuli quod jure debebant. Tunc etiam ego obtuli ei precium ad manum ejus, repetens librum quem pro pignore reliqueram. Et quia notitiam mei habuit, sciens me stare sub cura Domini Florentii, ait mihi: Quis dedit tibi hanc pecuniam? Respondi: Dominus meus Florentius. Vade [inquit, reporta ipsi pecuniam suam, nolo à te recipere

propter ipsum. Reportavi iterum pecuniam Domino meo Florentio, & dixi: Reddidit mihi Magister precium amore tui. At ille; Grates illi ago, aliàs iterum donis potioribus providebo. Per spiritum discretionis sciebat quid unicuique respondere deberet, & per donum consilii sapientibus & indoctis, variisque necessitatibus occupatis salutaris subvenit remedio, nihil tamen terreni commodi pro his requitens.

3. Unde quidam ejus consilio se committens dicebat: Quoties consilium Domini Florentii secutus sum, bene mihi successit: & quando proprio sensui innixus sum, malum mihi semper advenit, aut me pœnituit, quia non feci sicut mihi dixit: Intellectus sanctarum Scripturarum velut quidam cælestis radius in eo luculenter resplenduit, tantaque puritate divinæ claritatis illuminatus est, ut sive in vetere, sive in novo Testamento legeret, ab omni parte mysticus ei sensus occurreret, & ubique inveniret quod eum instrueret, & ad Deum omnium scientiarum fontem finemque verborum reduceret. Habebat tamen apud se simplices & morales libros, & præcipuè Speculum Monachorum, & quædam virtutum exercitia contra vitia, quibus se suosque commilitones in Christi militia docuit contra diabolica tentamenta triumphare. Novis autem & imperfectis, ac sæculari fastu tumidis, & carnali amore adhuc infectis dissuasit alta & subtilia atque obscura & dubiosa legere, & curiosè rimari.

4. Discant ergo isti primitus se humiliare, & proprios defectus bene cognoscere, superioribus suis perfecte obedire, nemini se præferre, cum omnibus pacem & concordiam tenere, timorem Dei in mente



mente semper habere, & firmum fundamentum in humilitate ponere, ac sic demum ad arcem claritatis, & divinæ speculationis ascendere lucem, per inhabitantem Spiritus sancti gratiam mundis cordibus promissam, juxta illam Domini sententiam, qua ait: *Beati mundo corde, quoniam ipsi Deum videbunt.*

Matth. 5.

5. Qui autem student magis videri subtiles quam esse humiles, & plus quaerunt scire quam bene vivere, citò extolluntur, & sunt carnales. Tales solebat acriter corripere, & ad cognitionem defectuum suorum per humiliationem & frequentes exercitationes salubriter revocare. Quando autem necessarium fuit ut aliquem argueret, ita timebatur, ut nemo auderet contradicere, nec se excusare, propter reverentiam sanctitatis ejus, quam nullus audebat offendere, metuens Dei indignationem incurrere, si non humiliter sermonibus ejus obedisset.

## CAPUT XXV.

*De custodia verborum, & juratione vitanda.*

1. Quidam tempore apud Amersfordiam constitutus, ab incolis illius civitatis & majoribus illius loci satis reverenter est susceptus, & interdum pia devotione visitatus. Tunc etiam quidam honesti viri ad audiendam vocem sermonum ejus venerunt ad prandendum cum eo & fratribus ejus, cupientes familiaritatis ejus habere gratiam, & exemplis bonis & doctrinis informari. Quos benigne tractans, & pro eorum statu salubriter exhortans, post auditionem verbi Dei, cum gratiarum actione singuli in domum suam sunt reversi. Illis autem abscedentibus, mox brevem admonitionem fratribus dixit: Periculosum est magnatibus & secularibus loqui & conjungi.

*Kemp, Vita Florentii.*

2. Non expedit divitibus blandiri, nec 2. arctiora eis convenit dici. Ideò oportet ut homo cautè praveat quid talibus loquatur, ne scandalizentur in aliquo verbo levi, vel actu indecenti. Habent enim oculos super nos apertos ad considerandum gestus nostros, propter bona quæ audiunt de nobis. Stemus ergo super custodiam nostram, & demus bonum exemplum aliis qui nos visitant & requirunt, qui tantum exteriora vident, & secundum hæc de interioribus judicant. Quamvis in omnibus perfecti non simus, tamen præcavendum est, ne malum exemplum & occasionem scandali demus infirmis. Sed isti nimis benevoli sunt nobis, & hoc fortè non expedit nobis. Non delectemur favoribus vanis, qui simplices & humiles esse debemus. Melius est ergo ad locum pristinum citius redire, quia multi ibidem minus curant de nobis, & quidam etiam derident nos & obloquuntur, quod valde nobis proficuum est, & ad Deum magis redire compellit.

Viri Dicitur inter hostes quam cum amicis versantur.

3. Fuit itaque vir Domini Florentius custoditus & præmeditatus in cunctis sermonibus suis, maxime coram secularibus & ignotis personis. Pessimam etiam hominum sæcularium consuetudinem jurandi strictè vitavit, & omnibus suis interdixit, ut neque certè vel verè in quotidiano sermone dicerent, ne peccatum super peccatum ex incauta juratione cumjarent. Quando ergo aliquid notabile & serius exprimere voluit, aut dicere in testimonium oportebat, non facile nec temerè jurandi notam interposuit, sed faceto modo ita respondit: Dico vobis finaliter, vel utique: & sic satisfecit quærenti. Nec voluit verbum assertivè loqui, in quo potuit

H

repre-



reprehendi, sed memor verbi Domini, est est, non non, lapsum linguæ studuit præcavere, & alios bono exemplo & simplici veritatis prolatione docere. Unde magis ipsi credebatur sine iuramento, quam aliorum linguis multâ juratione malè assuetis.

C A P U T XXVI.

*De tribus periculosis tentationibus devotorum.*

I.  
Tentatio-  
nes tres  
prætextu  
boni fal-  
lentes,

I. **E**xpertissimus in spiritualibus rebus ac strenuus athleta Magister Florentius, tres tentationes dicebat esse valde periculosas, quæ sub prætextu boni decipiunt multos. Et nisi tempestivè eis in principio resistatur, ad perversum finem paulatim perducunt, aut in miserabilem teporem desides trahunt. Sed [quod nequius est] multi has tentationes pro versutia diabolicæ fraudis minùs cautè advertunt, & in quanta pericula labi possunt, vix à prudentibus & expertis informari queunt.

2. Una est quando aliquis noviter conversus repatriare desiderat, & visitare querit parentes vel amicos. Hic enim sub specie boni & spe convertendi sæculares revertens ad sæculum, cum existimat in partibus suis facere fructum, ex tali occasione sæpè negligit semetipsum. Dumque moras trahit inter vanos & lubricos, periculosis se exponit ventis & undis: quia [sicut frequens experientia docet] levis animus, & necdum in virtute fundatus, si mundanis libenter jungitur, aut peccatis eorum involvitur, aut tentatus refrigescit ab inceptis bonis. Bonum est ergo homini, ut semper fugiat omne quod animæ nocet, & sine causa notabili patriam vel amicos non requirat. Nunquam de seipso præsumat, sed præsens sæculum laqueis

venenatis plenum habeat utique suspectum, & Prælatus sui sequatur consilium & dictum, quod in omni eventu est magis securum & firmum. Nam de decem vix unus vel duo illasi redeunt, qui inter cognatos & notos diu versantur. Sæpè etiam aliis deteriores & vaniores fiunt, qui à bono proposito resilientes in sæculo remanent, & gratiam Dei abjicientes, non erubescunt iterare mala, quæ prius contempserunt.

3. Alia tentatio est, quando laicus vult esse Clericus, & idcirco humilem statum relinquit, & à sancta congregatione recedit, ut agnitis literis magnus Dominus fiat, & nescit miser quam malè decipitur, qui humilitate & obedientiâ relictâ tendit ad alta. Hic ex modica scientia citò inflatur, & tardè bonus Clericus erit, qui proprio motu ductus pro vilibus literis virtutes perdit, & boni nominis famam denigrat, utinam totus sæcularis non fiat.

4. Tertia tentatio est quando Clericus & literatus anhelat ad sacros ordines & prælaturam aut aliquam dignitatem sub aliqua specie sanctitatis, ut possit aliis magis prodesse, & melius docere ac frequentius prædicare. Ille licet piam intentionem videatur habere, intus tamen gravi superbiâ laborat, dum per se ascendere festinat ut aliis major appareat. Et quia humilem subjectionem non diligit, & contemptum sui invitè sustinet, per preces & cautelam amicorum querit promotionis suffragium, non attendens animæ suæ periculum. Heu quàm malam inveniet conscientiam post modicam & brevem gloriæ captionem, quàm difficulter assequitur, multoque facilius omni honore privari potest.

5. Qui ab his tribus liberari desiderat, Deum

3.

4.

5.



Superbia  
& ambitio  
quàm no-  
ceant.

## FLORENTII.

59

Deum quotidie roget, ut eum à superbia & vana gloria custodiat, & in humili subiectione & perfecta obedientia conseruet. Nam superbia facit hominem in-  
3. rus cæcum & insipidum, & foris garrululum ac præsumptuosum, sui ipsius nescium, & de aliis habere contemptum. Et quod deterius est, super alios quæ-  
4. re dominium, apertum satis est perditionis signum, & multorum malorum inductivum. Cum quidam frater cum Domino Florentio loqueretur in camera ejus, ait illi inter cætera: studeatis vos dare ad humilitatem, tunc potestis proficere, & gratiam Dei promereri.

### CAPUT XXVII.

*De emissionem Fratrum ad fructificandum  
in diversis locis.*

1.  
Phil. 1.

1. **A**rdentissimus amator Christi Dominus Florentius, cui Christus vivere erat & mori lucrum, desiderans fructum facere in tempore suo, maximam operam dedit multis prodesse ad æternæ salutis regnum, suadens hunc miserum & caducum spernere mundum. Misit ergo plures personas ad diversa monasteria & ad novas domos pro aliorum conversione extruendas. Ex quibus aliqui in Windesheim, aliqui in montem S. Agnetis, aliqui in Northorn, aliqui in Geldriam, aliqui in Hollandiam perrexerunt. Quidam etiam monasteriorum Priores, nonnulli rectores congregationum & monialium Confessores effecti sunt. Ex quibus aliqui adhuc superstitites sunt, qui devotissimum & Deo dilectum magistrum & Dominum Florentium pridem in carne viventem cognoverunt, & indubitabile testimonium magnæ sanctitatis ejus perhibere possunt.

2. Sed & sacer Ordo Carthusiensis, nec non Cisterciensis, sanctique Benedicti, viros habet mihi non ignotos, qui virum Florentium & fratres sanctæ congregationis ejus, cum Daventriæ frequentarent, videre & audire meruerunt, & me verum dicere comprobant. Fuerunt eodem tempore, quo clauit & floruit in Daventria insignis Sacerdos Dei Florentius, plures devoti Sacerdotes in Diocesi Trajectensi, qui populum fidelem sermonibus sacris instruxerunt, & religiosos conventus sive fratrum sive sororum strenuè gubernare noverant. Hi omnes debita cum reverentia Domino Florentio humiliter se submittebant, & Angelicum virum super arduis causis libentissimè consultant-  
3. tes, ejus potius discretionis & prudentiæ, quàm sibi ipsi credere maluerunt. Videbant enim in ipso præ cæteris gratiam Divini consilii celsius efflorescere, qui tanquam lilium convallium aquâ sapientiæ perfusus, in medio turbarum candorem suæ puritatis conservavit, & bonæ opinionis odorem longè latèque resperpsit.

3. Erat itaque tunc temporis in Trajecto Dominus Wermboldus famatus prædicator & confessor sororum sanctæ Cæcilie, fervens amator sanctæ Scripturæ, & magnus amicus Reverendi Patris Domini Florentii, optimè visus & auditus à tota communitate plebis. Apud Amersfordiam fuit Dominus Wilhelmus Henrici, qui incepit congregationem Clericorum, qui postea facti sunt Canonici Regulares. In Swollis fuerunt Dominus Henricus Gonde, egregius prædicator, pecuniarum contemptor, humilis confessor Beguinarum, nec non Dominus Gerardus Kalker devo-  
torum



torum Clericorum Rector & optimus virtutum informator. In partibus Hollandiæ claruerunt valde notabiles & eruditi in lege Domini presbyteri, verbo & actione conspicui, quorum aliqui contubernales Magistri Gerardi fuerunt, atque Florentio cordialissimè prædilecti, qui suis in locis fructum non parvum Domino retulerunt in conversione hominum, & ædificatione conventuum devotorum. In Harlem fuit Dominus Hugo aurifaber dictus cum presbyteris suis. In Amsterdamo Dominus Gisebertus Dou, duorum Monasteriorum fundator, ac multarum sororum inclytus gubernator. In Medenblic Dominus Paulus totus Deo devotus & probus. Horum etiam meminit Magister Gerardus in epistolis suis, & per hos prima devotio in Hollandia cæpit & profecit.

4. 4. Fuit enim verò in partibus Geldriæ in Doesbruch Dominus Dericus Gruter multarum sororum laudabilis Pater, antiquus Magistri Gerardi discipulus, qui multa mihi bona de eo narravit. Longum est per singulos nominare devotos Patres, qui à tempore Magistri Gerardi cæperunt, & contemporanei Domini Florentii fuerunt, qui nos vanitates sæculi contemnere, & humiliter ac continenter vivere docuerunt, omnibusque sequacibus suis clara exempla devotæ conversationis per patientiam & obedientiam reliquerunt.

### C A P U T XXVIII.

*De felici transitu ejus ex hoc mundo, & Ecclesiastica sepultura.*

1. 1. **B**enignissimus Jesus omnium fidelium Conditor & Redemptor, æternæque vitæ fidelissimus promissor

ac redditor copiosus, qui dicit: *Om- Math. 19. nis qui reliquerit patrem & matrem & cetera terrena propter nomen meum, centuplum accipiet, & vitam æternam possidebit*: ad remunerandum fidelem famulum suum pium Florentium multis adornatum virtutibus, ac diversis probatum pressuris & languoribus, de hujus ergastulo corporis educere dignatus est, & in regnum suum cæleste lætanti- bus Angelis transferre.

2. Fundatis igitur ejus consilio & auxilio quàm plurimis devotis congrega- tionibus & monasteriis, atque humi- mili grege domus suæ secundum bene- placitum Christi in pace & charitate fra- terna ordinatè instructo & sollicitè cu- stodito, tam ad supernæ patriæ cives & Christi gloriam intuendam medul- litus suspirabat, & ardentè anhela- bat, per omnia confidens in Christo Jesu, quem super omnia amabat. Petivit ergo sibi corpus Domini cum sincera devotione ministrari, quod & plenâ fide & dignâ veneratione intuens & adorans ait, O mi dilecte Domine Deus ignosce mihi, quod toties te tam indignè tractavi & sumpsi. Ad hæc verba multi compuncti fleve- runt. Quidam etiam ex canonicis ista audiens valde ingemuit, dicens: Quid ergò ego miser peccator dicam, si tan- tus vir talia de se sentit & dicit? vir au- tem plenus Deo & Christi gratia muni- tus, totum se in divino beneplacito ob- tulit, & quamdiu loqui aliquid potuit, saluberrimæ consolationis verba dile- ctis filiis & fratribus suis eructavit.

3. Inter alia dignè memoranda, fra- ternæ charitatis unitatem commendavit dicens: Quicumque in una domo habi- tant, unum sentiant & unum propositum in



in Domino teneant, & semper ad conformitatem morum sine omni singularitate cum simplici obedientia sui superioris tendant. Ibi est pax, ibi spiritualis profectus, & optima dispositio domus, ubi omnes in fervore spiritus nuntur esse unanimes & humilitate Christi se omnibus conformare. Manete in humili simplicitate vestri, & Christus manebit vobiscum. Post sacram exhortationem, aegrex Domini inter populares fluctus constitutus sine rectore manere, quasi debito gubernaculo destitutus, præfecit universæ congregationi suæ unum de presbyteris suis, Dominum Amilium, virum devotum, sapientem & eruditum, zelum Dei & animarum salutem incunctanter habentem, ut ad eum singuli recurrerent, & ipsi ex animo obedirent. His itaque atque aliis quietè dispositis, crescente jam infirmitate corporis, ad extrema pervenit vitæ præsentis.

4. Cum ergo Dominicæ Annuntiationis sanctissima solennitas instaret, devotissimus Vicarius Christi Florentius, intimus amator beatissimæ semper Virginis Mariæ piissimæ Matris Jesu Christi, in profesto ejusdem gloriosæ Genitricis Dei, post horam completorii, pulsato ad laudem beatæ Virginis Ave Maria solito more, finito jam die, finem vitæ fecit in terris, orantibus fratribus circa eum cum gemitu & mœnore. Nec mirum. Vis enim intensi amoris cogebat eos flere charissimum patrem, omnium devotorum lumen & speculum, omniumque tribulatorum solamen ex hac temporali luce substractum. Sed pia fides amantium recogitans optimi Sacerdotis sobrietatem ac vitæ modestiam, consolabatur spe gloriæ cælestis ipsi non

neganda per Jesum Christum, quem toto corde dilexit, cui usque ad mortem, plenâ fidei devotione serviendo, perseveranter adhæsit.

5. Transiit autem ex hoc mundo dilectus Deo hominibus Sacerdos Magister Fiorentius anno Dominicæ Incarnationis millesimo quadragentesimo, tempore Bonifacii Papæ noni, & anno ætatis suæ ut existimo quinquagesimo, aut non multò senior. Vixit ergo post obitum venerabilis Magistri Gerardi in bona ac sancta conversatione annis fere sedecim, quibus magnum fructum fecit in populo Dei in Daventria & in tota Diocesi Trajectensi. De cujus laudabili vita sit laus & gloria Christo in sæcula, qui tam præclari luminis sidere decoravit tempora nostra. Sequenti igitur die congregatis Canonicis cum Clericis corpusculum ejus longâ maceratione castigatum ad Ecclesiam sancti Lebuini à Canonicis & presbyteris est processionally allatum, & exequiarum solemnibus persolutis ante altare ejus in honore sancti Pauli consecratum cum magna reverentia sepelitur. Ipse autem electus Sacerdos Dei, sicut verus humilis servus Christi, optaverat cum fratribus suis ante eum defunctis in cœmiterio sepeliri, & nihil ampliùs honoris sibi exhiberi. Sed reverendus Dominus Rambertus Decanus Daventriensis hoc penitus recusavit, quin potiùs rectissime decrevit, ut in Ecclesia & loco celebri honorifice conderetur, qui ejusdem Ecclesiæ extitit Sacerdos egregius virtutibus & scientiâ illustratus.



## CAPUT XXIX.

*De quadam visione facta post obitum ejus,  
& de magna gloria ejus.*

1. **F**uit in civitate Gorichem vir quidam fidelis bonæ vitæ, & famæ laudabilis Joannes Hermannii nomine, cujus uxor Jutta vocabatur, qui pariter secundum mandata Dei viventes, complures alios ad Dei servitium traxerunt. Frequenter sacris diebus de Deo in domo sua loquebantur, hospitalitatem multis devotis ad se venientibus libenter exhibentes. Erant autem ambo valde familiares Domino Florentio, à quo sanctæ conversationis formam habentes, etiam proximis suis vitæ exempla præbuerunt. Post obitum igitur Domini Florentii supradictus Joannes in brevi ex hoc sæculo migravit. Evenit itaque hoc sæculo diē ut Jutta Deo devotissima, in camera sua orationi incumberet. Quā consummatā surrexit aperiens ostium ad exeundum de camera sua. Quod cūm aperiret, repente audivit fenestram camerae post se aperiri.

2. Respicens ergo vidit quendam lumine splendoris circumamictum, & aspectu amabilissimum eandem fenestram intrantem, viro suo facie tenus similem. Cui illa ait: Es tu ibi Joannes, dilecte conjux? Cui ille: Ego sum. Sed ne modò voces me conjugem tuum. Cui illa: Et quomodo est tecum? Ille respondit: Ego salvatus sum,

& gaudiis cœlestibus & præsentia Dei fruor. Cui illa: Et quomodo est cum Domino Florentio patre nostro? Respondit ille: Dominus Florentius est in valde magna gloria, & omnia ejus incepta recta & bona fuerunt. Et adjecit? Mane in hac domo, & non mutes locum, quia citò morieris. Et hæc Rectrici sororum Alejdæ Thomæ revelato. Et tandem hæc visio disparuit. Post hæc ista Jutta ita fervido ad Deum corde dies suos licet perpauca peregit, ut omnia temporalia tanquā despecta stercora ei viderentur. Ex quo signo solo evidenter apparet, quod supradicta visio non fuit delusio vana, sed revelatio cœlestis à Deo facta.

3. Cū quæreret quidam de magna gloria Domini Florentii in cœlo, responsum est: Propter tres maximè virtutes. Primò propter eximiam charitatem quam habuit ad Deum, omnia bona sua finaliter ad eum referendo, & Dei honorem & beneplacitum in omnibus quærendo. Secundò propter zelum animatum, quem ad proximos suos habuit, salutem omnium desiderando, & ad servitium Dei eos alacriter trahendo. Tertiò propter magnam humilitatem suam, & contemptum sui ipsius, semper parva & vilia de seipso sentiendo. Et hæc tria satis lucidè & distinctè in vita ejus superius descripta apparent, & à multis fidelibus non ignorantur.

F I N I S.

EPISTOLA EJUSDEM AD QUENDAM  
REGULAREM IN WYNDESHEM.

1. **C**harissime quare me sic vexas? nonne mihi sufficiunt miseriæ meæ? Tamen tædio victus,

& importunitate tua compulsus, cogor tibi scribere quæ longè à me distant. Primò ut ita importunè coram Deo pulses  
pro



pro omnibus tuis sine intermissione, & confestim aperiet tibi longè clariùs quam aliquis hominum totius vitæ tibi possit scribere, si permaneris perseverans quærendo, pullando, petendo. Item suadeo tibi, ut ante omnia humilies te sub omnibus, & sufficit tibi, corde verbis & operibus. Cogita indefinenter secundum beatum Bernardum ad fratres de monte Dei, ubique solem lucere nisi in conscientia tua, ubique serenum esse nisi apud te. Et hoc fit per assiduam assuefactionem, inspiciendo propriam vilitatem corporis & animæ, non respiciendo defectus aliorum, aut excusando. Maxime quando corripis aliquem, tunc cave tibi ad intra, ne te eleves. Beatus Hieronymus super Marcum dicit: Cæcus à Domino illuminatus vidit homines tanquam arbores ambulantes: sic dicit quod peccator existimabit omnes homines super te: sic & tu vide omnes fratres tanquam arbores coram te. In operibus tuis fac viliora & abjecta, sed interim vilitatem tuam cogita, aut de morte, aut de pœna, aut iudicio, vel quicquid potest te deprimere aut accendere ad amorem Dei & proximi: & in huiusmodi cogitationibus exerce te ad amorem Dei & proximi, vel ad extirpandum vitia, vel acquirendas virtutes. Item secundum Bernardum ad fratres de monte Dei.

2. 2. Compara diem præsentem semel in die diei præteritæ, ut apprehendere possis, quod proficis in virtutibus, aut deficiis. Disce semel aut bis in die tibi præesse, & vitam tuam ordinare, mores componere, & te ipsum accusare & condemnare, nec impunitum dimittere. Consulo tibi ut habeas circa te speculum Monachorum, aut speculum

Bernardi, secundum quod omnes actus tuos potes ordinare, quem librum etiam discas exterius, quod in omnibus operibus tuis leviter occurrat quomodo te debeas habere, aut in quo te malè habuisti. Item omnes actus tuos præveni præmeditatione & oratione brevi, quomodo te deceat habere in eodem opere, & hoc erit tibi leve, quando prompta consuetudine scis libellum exterius.

3. Item mane & post prandium statue ante oculos tuos, tuas malas consuetudines, & vitia tua principaliora, & virtutes ad quas niteris, & sic intra recenter bellum cum hostibus tuis, cum carne, mundo, & diabolo, nil hæsitan, quia plures sunt nobiscum, quam contra nos. Et sic implebis illud Bernardi. Mane præteritæ noctis fac à te ipso exactionem: & venturæ diei tibi statue cautionem, quomodo per totam diem te vis habere. Item Bernardus: Singulis horis describe tua singula exercitia, cui spiritualia, spiritualia: cui corporalia, corporalia: ut in vespers, quando de singulis factis tuis tenes capitulum, si quid imperfectum fuerit, suo modo, suo loco aut tempore non abeat impunitum vel irrecensatum. Quære commune bonum, & cor semper sursum habe. Ora pro me frater, nunquam sic feci. Vale. Ante prandium cogitabis de passione Domini. Post prandium de morte, de iudicio, de pœnis inferni. Post cœnam de vitiis & peccatis.

*Quadam notabilia verba Domini Florentii presbyteri.*

1. **A**Nte omnia cognosce vitia tua & 1. passiones tuas. Semper sis vigilans circa tentationem & motus passionum.



num. Si sentis eas, & statim rejicis, non nocent; si moraris, malum est; si delectaris & moraris in eis, pejus est. Ad quæ sita humiliter responde. Fuge mulieres, & cave inspicere. Malum exemplum est sæcularibus, oculos non custodire. Dic peccatum tuum cum verecundia & tristitia, & magno proposito dimittendi, coram Deo & presbytero tuo. Dic culpam tuam singulariter, sic feci. Nota bene in quo stat culpa tua, & hoc expone simplicibus verbis. Non debes malum alicujus dicere, nisi possit ipsi vel alteri prodesse. Accusa alium cum compassione, sicut cum infirmo fratre. Tunc conscientia est bona, & ratio tua recta, quando nihil agis nisi secundum sacram scripturam, & intelligis eam sicut Sancti intellexerunt, & non credas capiti proprio. Bonum esset homini spirituali quod temporalia sua in aliquo tempore deputato tractaret, & post ad spiritualia rediret quasi omnium oblitus.

2. Existimo quod motus & cogitationes quæ incidunt in corda nostra, non sunt in potestate nostra, sed tamen nostrum est aliquid boni in corde nostro plantare, legendo, orando, ruminando, donec alii motus illiciti ab his victi succumbant, & per gratiam Dei cessent. Sunt aliqui tantæ superbix, quod vel oportet eos alios regere, vel omnino deficere, & ad mundum reverti, quia nec sciunt se æquare aliis, nec subesse. Sæpe movetur totum corpus secundum passionem quæ regnant in homine, ipso tamen non considerante. Quidam per medium annum, nec bene potuit dormire nec comedere, & non potuit causam invenire, sed postmodum invenit causam, quæ fuit tristitia, ita latent

passiones in nobis. Debiles non judicabunt facta superiorum, quia sæpe falluntur. Nil tene secretum vel in rebus vel in conscientia, quin reveles. Rarò loquere cum sæculari, qui confortes eum secundum statum suum ad bonum.

3. Fuge sæculares, magnates, & convivantes. Si facis opus humile & vile in præsentia hominum, noli ridere; si rides, superbis, quasi hoc opus ad te non pertineat. Disce intelligere quod oras, & sic expellentur vagæ cogitationes. Altus cantus conturbat caput & sensum, & devotionem extinguit. In orationibus potius desiderare debes gratiam & misericordiam Domini, quàm magna præmia. *Maria reputabat se indignam salutatione angelicâ, & repleta Spiritu sancto ascendit citò ad montem & serviebat Elizabeth.* Si quis haberet loqui magno Regi, conciliaret sibi speciales apud Regem: sic de Maria agendum est, quæ maximè specialis est Deo. Omnia fierent homini dulcia, si se bene exerceret in passione Domini-  
Luc. 1.

4. Quando aliquid contrarium corpori tuo injungitur tibi, cogita quod corpus non est tuum, sed ejus in cujus obedientiam te dedisti. Quantum homo omnia bona sua sive corporis sive animæ communia fecerit, tantum omnia bona aliorum erant ipsi communia. Dilige omnes conversos æqualiter in Deo, tam absentes quàm tecum existentes.

Fuge



Fuge actionem cui appender honor, vel de qua vanâ gloriari potes, si posset per alium æquè bene fieri. Quod in alio loco & per alium potest bene fieri; dilige & exalta plus, quàm si per te fuisset factum. Noli invidere quod alius te sanctior sit, vel maiorem habeat famam: sed dona Dei ama in illo, & tua erunt. Nil sic extinguit carnalia vitia, sicut fervens studium. Assuesce & coge te in camera manere, & in libro lege, donec sit tibi dulce, & grave exire, & cum gaudio intrare. Fuge ad cellam sicut ad amicam; quia securus es in ea. Quandocunque homo loqueretur cum hominibus, deberet niti ut imprimeret eis humilia. Scientia secularis est valde alleciva: caveat ergò homo ne nimis afficiatur ad illam, quasi per medium studeat transire ad Deum, nec satis sit in medio stare.

5. Devotus & venerabilis pater Florentius, dixit sæpè ad socios suos fratres: Quàm bene vobis est, & quàm securè statis, quod potestis sic vivere sub obedientia. Et si antea scivisset, pro nulla re mundi incepisset alios regere, nisi ipse priùs sub obedientia fuisset. Et nisi infirmitas corporis impediret, adhuc mallet esse sub strenuo aliquo magistro, qui ejus voluntatem plenè frangeret. Item si esset sub obedientia, nunquàm vellet esse perplexus. Nam quis deberet ponere onus suum super dorsum alterius in quo dubitaret. Meritò deberet se homo sub omnibus converfis humiliare, quantumcunque etiam novis; quia nescit quantam gratiam ipsis dederit Deus. Nunquam potest aliquis venire ad veram humilitatem, nisi contemnatur ab aliis, & in nullo curetur. Melius esset conculcari pedibus,

*a Kemp. Vita Florentii.*

quàm laudibus aliorum consentire. Cum aliquis fratrum petit consilium, debes ei humiliter dicere quod legisti. Semper est melius sequi videre aliorum, quàm proprium; nisi homo sciret aliquid melius sibi revelatum propter humilitatem ejus, qui ab eo interrogavit, & nunquam sibi illud ascribat. Si homo habuerit multas phantasias, tunc debet vocaliter orare.

6. Omnia exercitia & studia sua debet homo dirigere ut passiones & defectus suos superet: quia aliqui parum proficit. In labore communi sta in continua custodia, cavendo multa verba: & cogita de studio tuo quæ legisti. Non est morbus tam gravis, à quo verus obediens non curatur, si homo purè se resignasset, non deberet plus sibi confidere vel desperare, quàm superior sibi diceret. Sæpe debet homo resignare in die Deo & superiori suo, & genua cordis pro venia flectere, & intellectualiter obedire. Miror quod qui sub obedientia est, habet dubia, & non stat contentus. Quando aliquid boni facis: cautè respice ut fiat utique propter Deum, & non concupiscas aliud nisi honorem Dei, & ædificationem proximi. Inter fratres potes cogitare: O si possem me taliter habere, quod nullus, per me scandalizaretur. Semper debes niti quærere communia, quia si quærere incipis te in minimis, citò prolaberis ad majora.

7. Quicquid est pro communi bono, sollicitè custodire debemus, sicut sacra vasa altaris. Libri sacre scripturæ custodiendi sunt tanquàm verissimæ thesaurus Ecclesiæ. In scriptura non solum quærere debemus nos, scilicet ut bene scribamus, sed etiam utilitatem communis



munis boni, ut libri sint correcti & bene compunctuati & distincti; quia nos non libenter studemus ex malis & incorrectis libris. Væ illi, qui in communitate existens querit quod suum est, vel dicit aliquid esse suum. Væ homini, qui in communitate murmurat de aliquo, & dissentit communitati, vel qualicumque modo eam perturbat.

8. 8. Tunc verè in unum habitamus, si unum volumus, unum sapimus, & unius moris sumus in Domino. In omni opere suo & moribus suis studeat se quilibet communitati conformare, in legendo, cantando, comedendo, jejunando, & non sit singularis. Nihil tam pacificum reddit hominem, quàm quod nihil ex se præsumat facere, sed totum cum consilio bonorum, & semper credat salubrius esse quod consulunt. Stude humiliter implere quod tibi jubetur, quia si vis discere, vix verus obediens eris. Quantum potes stude devotioni, attentè orando. Dissolutio est devotioni contraria, sicut aqua igni. Quamvis pauper es in virtutibus & debilis, non debes ramen te deicere; sed magis humiliare & cogitare; Quia non habeo magna, volo istud parvum Deo offerre quod habeo, sicut Maria obtulit par turturum, & non agnum. Ille verè est frater & amicus alterius, qui odit vitia ejus, & juvat ipsum ea vincere. Semper debes niti te occupare aliquibus bonis, & omninò non attendere ad phantasias.

9. 9. Periculosum est multum, sæpe loqui vel convetsari, cum hominibus secularibus potestatem habentibus sive dignitatem; ut sunt Scabini, Presbyteri, Canonici, & alii divites. Ratio est, quia ex natura timens illos, sæpè homo

applaudit eis, & assentit verbis eorum. Caveas de multiloquio, maxime apud sæculares, quia raro loquitur homo, quin postea poeniteat de aliquo verbo incauto. Etiam abstineas à risu & cachinno, quia qualem ipsi viderint hominem ab extra, talem ipsum judicant ab intra, quamvis tamentalis non sit. Parum prodest multum studere, nisi quis studeat vitam suam emendare, & cum omni diligentia ad bonos mores ordinare. Nam diabolus multa scit de scripturis, & ramen nihil ei prodest. Si quis mane tardus & piger fuerit, non debet desperare, quoniam Deus potest illi dare gratiam devotionis, quando sibi placuerit. Ante laborem brevem oratiunculam præmitte.

10. 10. Servus Christi breviter submissà voce loqui debet, & cavere loqui ubi non debet. Et si necessitas cogit, eat ad locum secretiorem sibi permissum, & videat utrum expediat quod loquitur. Semper niti debes ut ædifices audientes verbis tuis, & trahas eos magis ad servitium Christi, quoniam nihil plus placet Deo, quàm laborare pro animabus convertendis. Et nihil injuriosius Deo facere possumus, quàm aliquem nostro malo exemplo scandalizare, vel à servitio Dei laxare, quia hoc pejus est, quàm Christum cum Judæis carnaliter crucifixisse. Præ omnibus actibus bonis debes niti pro puritate cordis, & bonas meditationes assumere, quia ex his surgit charitas, oratio, devotio, & omnes aliæ virtutes firmanter. Nunquàm sisoriosus, sed sanctâ præcipuè occupatione implicitus, dirigendo affectiones tuas & omnes operationes ad Deum.

11. 11. Melius est modicum spiritus, quàm multa scientia sine devotione. Nam pulchro-



pulchrorum verborum valde levis est emptio, sed operum bonorum difficilis inventio. Quidquid fecerit homo, si non senserit se inde humiliorem, nihil sciat se lucratum. Quando aliquid boni facis, fac simpliciter & pure, ad honorem Dei, & non quæras te ipsum aliquo modo. Ex improvidentia verborum veniunt perturbationes, scandala, & oblationes. Vide ergo quid facis, quare facis, & quomodo facis. Non est leve, in quo offenditur Deus, & scandalizatur proximus. Ante initium operis propone qualiter te velis habere, nec leviter hoc frangas. Festina ad cellam, & recuperabis devotionem perditam.

12. 12. Quando duo vel plures colloquantur, quivis respiciat quod non ad inutilia sermo procedat. Et si contigerit, debes hoc alteri absque omni verecundia dicere charitative & humiliter: Frater, non expedit nobis plus loqui, eamus ad cellam & faciamus aliquid melius. Servus Dei quantumcunque potest debet niti, quod cor suum avertat à creaturis & concupiscentiis terrenis. Et quanto plus in illo profecerit, tanto plus crescit appetitus ad amorem Dei.

13. 13. Desiderans proficere, studeat sibi vim facere, hoc est, nitatur vitia sua vincere, ut qui prius desideravit sublimia, jam desideret humilia, & sic de aliis vitiis vincendis. Bonus obediens nunquam debet parvipendere mandatum quantumcunque leve videatur. Tunc diabolus in veritate fugit à nobis, quando perspexerit nos humiles & unicordes, quia ipse est pater superbiæ & discordiæ. Non debemus attendere proximum no-

strum ut pulchrum vel divitem, sed sicut sanguine Christi redemptum. Servus Dei multum niti debet pro pace & concordia habenda cum fratribus suis, quia Angeli nihil plus diligunt & libentius vident in nobis, quam quod sumus invicem pacifici & concordēs.

14. 14. Quicquid boni servus Christi facit, nunquam sit securus, sed timeat semper de seipso, ne fortè reprobis inveniatur coram Domino nostro Jesu Christo. Et præ omnibus debet niti ut omnes homines reputet sanctiores & meliores se. Devotio non est aliud nisi desiderium animæ ad Deum. Quantumcunque parum consuetudinis nostræ fuerit, si quis tamen humiliter studuerit facere, totum reputabitur pro obedientia. Quod si neglexerit & non curaverit, timeo quod graviter punietur.

15. 15. Oportans in humilitate proficere, sæpè debet sibi dura & despecta proponere, & semetipsum arguere, judicare & condemnare, & secretis cogitationibus suam vilitatem considerare, ut adveniente humiliatione sciat patienter contemptum pati. Cum sentis invidiam vel suspicionem aut vanam gloriam, responde tibi ad intra & dic: Prò pudor, quod tu adhuc tam miser & tam debilis es, quod ex aliorum profectu deficiis, & deterior efficeris. Sicque intus temetipsum humilia & confunde, & fugiet diaboli tentatio à te, qui solet talia ingerere. Magno labore oportet nos contra carnalia pugnare, si volumus



ea vincere. Rarò vel nunquam comedimus, quin diabolus insidietur nobis. Igitur semper vigilemus & oremus, quia adversarius nunquam dormitat, sed undique nos impugnat.

F I N I S

VITÆ D. FLORENTII.

VITÆ

# DISCIPULORUM DOMINI FLORENTII.

*Prologus in vitas discipulorum Domini Florentii.*

I. I. **Q**uia Deo donante, de venerabilibus Patribus ac illustribus viris, Magistro Gerardo & Domino Florentio, quædam virtutum opera, secundum tenuitatem ingenii mei, impolito sermone descripsi; restat nunc consequenter, prout memoriarum occurrit, de eorum discipulis aliqua assignare, quæ simplicium fratrum vitam & mores valeant humiliter informare. Hi etenim sæculi pompam & carnis molliem, viriliter calcantes, Christum sectati sunt per arctam viam, quæ ducit ad vitam, ut non immerito cæli luminaribus comparentur. Nam maximam multitudinem fidelium, virtutibus suis illustrarunt: quam ad bene agendum, dum adhuc viverent, exhortari non cessarunt: Ideoque pia eorum in Christo conversatio, non est penitus silenda: sed ad instructionem parvulorum, pandenda sunt eorum facta veneranda.

2. Rogo te obnixè, ut de tam præclaris viris, saltem paucas devotionis scintillas, in lucem proferas, quibus accendi valeam, ad virtutis amorem: quatenus ex auditu modernorum novæ conversationis statum accipiam. Nam plerique Poëtarum, gesta scripsere gentiliū, pro qualicunque utilitate legentium. Quanto magis, ad consolationem Religiosorum, recitare debes exempla servorum Dei, qui de mundo triumpharunt, ut boni in melius semper proficiant, & pigri de corporis lectulo citius suscitentur.

3. Si me digneris audire, dicam, quod non parum te ædificet in præsentem. Eos tibi proponam, qui non tantum virtutis nomen sed cum bono nomine, vitam tenuerunt virtutibus claram. Sed jam, pro dolor, aliqui sunt, qui primo fervore derelicto, evagationes diligunt; vaniloquiis delectantur, propriam sapientiam primis Patrum nostrorum institutionibus præponunt: & ad sua desideria explenda callidis argumentis pro sacris legibus utuntur. Quorum stultam præsumptionem omnimode caveas, & probatorum Patrum humiles mores habitumque attendas; qui in diebus nostris, sub disciplina R. P. Domini Florentii, Daventriæ emicuerunt. Det igitur nunc gratiam proferendi ea, quæ ædificationis sunt: quatenus præfens hic sermo sic simplices & humiles fratres erudiat, ut Christum sequi in religione cupientes, omnes sæculi curam perfecte abjiciant: & tales in fervore devotionis, & sanctæ simplicitatis subjectione esse studeant, quales isti devoti, virtutum viri, omni studio prædicandi exiterunt.

\*\*\*



## III.

## VITA

## JOANNIS GRONDE

## CAPITA.

*De prima congregatione clericorum in Davenportia.*

Cap. I.

*De Domino Joanne Gronde.*

*De Domino Joanne Brinckerinck.*

*De Domino Luberto Berneri.*

*Scriptum D. Amilii de felici obitu ejus.*

*Collecta quadam ex devotis exercitiis Domini Luberti.*

*De Domino Henrico Brune.*

*De Domino Gerardo Sutphanensi.*

*De Domino Amilio de Buren.*

*Exhortatio ejus de mutua charitate servanda.*

*De Domino Jacobo Vianensi.*

*De Joanne Kettel humilicoquo.*

*De devotis exercitiis ejus.*

*De Arnolde Scoonhorvia devoto Clerico.*

## CAPUT I.

*De prima congregatione Clericorum in Davenportia.*

- I. **B**onorum probitas [ur ratio dictat] laudem dignam ubique meretur. Nam qui in vita sua laudabiliter vixerunt, post mortem quoque oblivioni tradi non debent. Siquidem ad solatium vivorum, actus justorum recensendi sunt, & ad exemplum cæteris fidelibus proponendi. Unde jam præcipuè eos commendare oportet, qui in domo Reverendi Patris Florentii à principio domus illius Deo humiliter ac devotè servire studuerunt, & cum magno fervore spiritus usque ad finem vitæ in sancta obedientia

constantissimè permanserunt. Non tamen omnium intendo scribere virtutes, quod nullatenus possibile est; sed de pluribus pauca mihi nota libet memorare.

2. Cum igitur studii causa in annis adolescentiæ Daventriam pervenissem, quasi iter pergendi ad Regulares in Wyndesem. Ibiq; inventis fratribus canonicis regularibus cum germano meo, hortatu illius inductus sum ad ire summæ reverentiæ virum Magistrum Florentium Daventriensis Ecclesiæ Vicarium, Sacerdotemque devotum, cujus fama dulcissima ad partes superiores jam ascenderat, & in amorem sui mentem meam traxerat, quem frequens turba scholarium in divinis rebus agentem commendare solebat. Visu enim & auditu justus erat, atque omnium oculis graciosus, utpote verus

1. Pet. 2.

Dei cultor, & sanctæ matris Ecclesiæ devotissimus venerator. Venientem ergo ad præsentiam Patris Reverendi, mox pietate motus, aliquantisper me secum in domo tenuit, & ad scholas instituit, datis insuper libris, quibus me egere putavit. Demum hospitium cum quadam honesta & devota matrona gratis impetravit, quæ mihi & aliis multis Clericis sæpius benefecit. Adjunctus itaque tam devoto viro & fratribus ejus, quotidie devotam eorum conversationem attendi & inspexi, & gavisus sum ac delectatus in bonis moribus eorum, & in verbis gratiæ quæ de ore humilium procedebant, quia nunquam prius tales homines tam devotos & ferventes in charitate Dei & proximi me vidisse memini, qui inter sæculares viventes, de sæculari vita nihil habebant, nihilque de terrenis negotiis curare videbantur. Nam domi quietè manen-



Gratio  
sanctis vi-  
ris post la-  
borem lo-  
co est sola-  
minijs,

manentes, libris scribendis operam sol-  
licitè dabant, sacris lectionibus & devo-  
tis meditationibus frequenter insistentes,  
ad jaculatas orationes laboris tempore  
pro solamine recurrerant. Mane etiam  
dictis matutinis horis Ecclesiam visita-  
bant, & inter Missarum celebrationem,  
primitias oris sui, & cordis suspiria Deo  
libantes, puras manus & oculos mentis  
corpore prostrati levabant ad cælum,  
precibus & lamentis Deum sibi per  
hostiam salutarem reconciliari quæren-  
tes,

3. Hujus eximie congregationis pri-  
mus institutor, & spiritualis rector ex-  
stitit Dominus ac Magister Florentius vir-  
tutibus ornatus, & Divinâ sapientiâ &  
intelligentiâ in agnitione Christi refer-  
tus, sacre Apostolicæ vitæ cum suis  
Presbyteris & Clericis formam humi-  
liter imitando. Isti ergo cor unum &  
animam unam in Deo habentes, sin-  
guli quæ sua erant in commune confe-  
rebant, & simplicem victum ac vesti-  
tum accipientes, de castino cogitare  
vitabant. Sponte namque se Deo di-  
cantes omnes Rectori suo aut ejus vi-  
cario obedire satagebant, & sanctam  
obedientiam pro summa regula tenen-  
tes, totis viribus se ipsos vincere, &  
passionibus resistere, ac motus propriæ  
voluntatis frangere nitebantur, rogan-  
tes insuper ferventer, ut pro defectibus  
& negligentis suis seriosè corriperen-  
tur. Idcirco gratia magna & vera de-  
votio erat in eis, & multos ædificabant  
verbis & exemplis, atque patienter de-  
risiones sæcularium ferentes, plures et-  
iam ad sæculi contemptum perducebant.  
Et qui antea illos despexerant, vitam  
eorum sine honore tanquam stulti-  
tiam existimantes, postea ad Deum

## V I T A

conversi, & devotionis gratiam experti,  
veros Dei servos & amicos palam illos  
conscientiâ perurgente fatebantur.

4. Multi ergo viri ac mulieres munda-  
nâ felicitate contemptâ conversi sunt ad  
Dominum, & consiliis dilecti patris  
Domini Florentii innitentes, præcepta  
dominica servare, & misericordiæ ope-  
ra Christianâ devotione in pauperes ex-  
ercere studuerunt. Adjuvabant autem  
eum omnes fratres sui, verbum vitæ re-  
tinentes, qui tanquam luminaria cæli  
in medio turbarum lucebant mundo se-  
nescenti. Quidam etiam Sacerdotes  
scientiæ divinæ legis illustrati, strenuè  
in Ecclesia prædicabant, quorum ex  
prædicatione fideles populi in actibus  
piis exercendis & sermonibus sacris au-  
diendis salubriter sunt instructi.

## C A P U T II.

*De Domino Joanne Gronde.*

1. Fuit tunc temporis in Daventria Sa-  
cerdos devotus Dominus Joannes  
de Gronde dictus de Oetmersheim ex  
Tvvenchia natus. Hic fama celebris &  
sermone facundus, aliquo tempore in  
Hollandiæ partibus honestissimè con-  
versatus est, qui castitatis titulo inter  
Sacerdotes insigniter effulsit, simplici  
altaris beneficio sobriè contentus.  
Hunc venerabilis Magister Gerardus  
Magnus ad se accersiri fecit, ita scri-  
bens ad Sacerdotes, qui in Amsterda-  
mo Domino devotè tunc serviebant,  
quibus speciali charitatis vinculo unitus  
erat. Ait namque: Noscatis quod illa  
Daventrienfis mirabiliter bono Presby-  
tero pro adjutorio spiritualium in con-  
fessione indiget, quia nullum talem  
ad votum nostrum habemus. Quapropter  
vos rogo, si non fuerit notabile impe-  
dimen-



dimentum sanctæ Ecclesiæ in Amsterdamo, nostrum prædilectum Joannem de Gronde à loco vestro removeri, nobis sine dubio proficiuus erit. Et statutus ipsi erit multum conveniens, qui tantum ad hoc ordinatur, ut subveniat veraciter conversis ad Dominum, quod est opus piissimum. Et libentissimè & cum gaudio eum acceptabimus.

2. Veniens igitur Daventriam ad Magistrum Gerardum, & benignè receptus, in antiqua domo Domini Florentii cum primis fratribus illius sanctæ congregationis humiliter & devotè cum communi societate vixit, & fervens spiritu, summo mane fratres ad orationem excitare consuevit, dicens: Surgite, vigilate, & orate, ut non intretis in tentationem. Permansit autem in eadem domo usque ad obitum Magistri Gerardi, post ejus felicem transitum fuit apud sorores in camera Magistri Gerardi. Prædicavit autem verbum Dei frequenter in Ecclesia Daventriensi voce solenni, cujus prædicationi Dominus Florentius quandoque reverenter affuit, audiens intentè ac desideranter Divini sermonis dulcedinem ex ore prædicantis. Erat enim vox ejus sonora, aures hominum penetrans, & corda compungens.

3. Hic etiam interdum Syvollas venit, ad confortandum devotos fratres & sorores. Et quodam tempore ibidem in quadragesima pluries prædicavit, insuper passionem Domini in die parasceves ultra sex horas devotissimè prædicando exposuit, modico tamen intervallo in medio sermonis pro virum reparatione populis indulto. Cumque charitatis intuitu moras illic faceret, quorundam devotorum confessiones audivit, dans remedia salutaria pœnitentibus, & suadens permanere in propo-

sito sancto. Nam multus in ea populus ad serviendum Deo inventus est, & usque ad tempora nostra feliciter ampliatus. Tam diligenter devotus prædicator quærebatur & libenter audiebatur, ut hospitio receptus, verbum salutis ad prandium sedens peregrinis non negaret, sed inter epulas corporis animarum medicinam præstabat corde contritis super delictis sibi confessis. In hoc siquidem opere Christum imitabatur, qui inter cibos mensæ, pœnitentiam beatissimæ Mariæ Magdalænæ clementer suscepit, & Simonem de pœnitente malè sentientem, prudenti ratione per pietatis opera sibi exhibita redarguit, & bene instruxit.

4. Accessit etiam interdum ad fratres in montem sanctæ Agnetis, eorum confessiones audiendo, qui adhuc pauperes erant, & sine Sacerdote. Et ait: Non sit vobis grave humilem Deum sequi, nam paucis laboribus potestis regnum Dei promereri. Post hæc redire festinavit ad habitationis suæ locum, nolens diu à dilectis fratribus Domini Florentii separari, cum quibus vivere unicum ipsi solatium fuit, & qui ipsum cordialissimè diligebant. Simplex erat in vestitu, & sobrius in convivio, non blandiens secularibus propter quæstum, sed sicut verus evangelicus prædicator lucrum quærebat animarum, & augmentum spiritualis profectus in domibus devotorum. Cum ergo Domino fideliter ministrasset, & dies vocationis ejus jam instaret, ut pro laboribus suis æternam mercedem reciperet, cœpit graviter infirmari.

5. Et existimans se non diu victurum, fecit se ad domum Domini Florentii deportari, desiderans finem dierum suorum

Luc. 10.

4.

5.



suorum in medio fratrum consummare, quorum orationibus & meritis se confidebat in extremo maximè juvari, & ab inimico insidiante fidelissimè defendi. Quod & factum est Deo miserante: Nam Domino Florentio cum fratribus suis praesente, confortatus est in misericordia altissimi, & ad passionem patris dilecti ultimum verbum suum terminavit in nomine Domini. Sicque agonem suum Domino commendans, spiritum vitae summo mane circa horam quartam in crastino sancti Joannis ante portam Latinam exhalavit, Anno Domini millesimo trecentesimo nonagesimo secundo, mensis Maji die septima. Sepultus est autem in Ecclesia beatae Mariae Virginis ad latus venerabilis Magistri Gerardi in uno sepulchro, ubi pariter requiescunt in pace. Et hoc aptè satis, ut quomodo dilexerunt se in vita, ita & in morte non sint ab invicem separati, in una Ecclesia sub unius petrae signaculo clausi, expectantes adventum Domini nostri Jesu Christi, ab ipso iterum resuscitandi.

## IV.

## VITA

DOMINI JOANNIS  
BRINCKERINCK.

1. **H**Uic athletæ Dei, successit Dominus Joannes Brinckerinck, quondam Magistri Gerardi discipulus, prædilectus de Sutphania natus. Hic, veniente M. Gerardo & prædicante in diversis locis, cum ipso sæpe perrexit comes itineris ejus, quemad-

modum Lucas cum Paulo. Unde multa bona frequenter ab eo audivit & didicit, factus devotus imitator operum ejus, ac testis idoneus sanctitatis ejus, intrans & exiens cum eo, horas legendo, ac alia pietatis obsequia sedulo exhibendo. Post cujus mortem feliciter celebratam, sub obedientia reverendi Patris Domini Florentii devotè & humiliter vixit, non segnis æmulator bonarum informationum, quas olim Magistro Gerardo prædicante sitibundo pectore hausit. Dei autem consilio ad sacerdotium promotus est, mansitque cum fratribus in congregatione, multum laborans in ædificatione primæ domus Domini Florentii, donec defuncto Domino Joanne de Gronde ad regimen sororum poneretur. Qui sicut vir strenuus & zelator castitatis, in omni disciplina creditam sibi domum gubernavit, propriis non parcens laboribus, sapius supra vires fatigatus pro animabus lucrandis. Ipse etiam interdum verbum Dei prædicavit in Ecclesia, acriter objurgando peccata, & virtutes commendando ut decuit excellentèr.

2. Binâ vice audivi eum prædicantem in die Parasceves passionem Domini satis compunctè & prolixè. Primum thema ejus fuit, Proprio filio suo non pepercit Deus. Secundum verò ex Psalmo sumpsit: Quid retribuam Domino pro omnibus quæ retribuit mihi? Libenter à devotis audiebatur, sed sæculares quidam susurrabant contra eum, quia vitia eorum, ubi oportuit, arguebat. Sed tamen propter hos non terrebatur, quia amabat veritatem dicere, & pro justitia agonizare, eligens Deo potius obedire & bonis prodesse, quam pravis consentire. Quadam igitur die cir-

2. Tim. 4.

2

cum-



dulciter de nomine Jesu prædicavit, benedictum & dulce nomen Jesu super omnia nomina in cælo & in terra exaltando.

3. Tandem ad arguendum quosdam sæculares & stolidos homines sermo ejus descendit, eo quod, pro dolor, plures minus reverenter immò sæpè joculariter sanctum & inviolabile nomen Jesu nominant: & clamavit dicens: Sunt quidam qui audito dulci & benedictione nomine Jesu joculariter & despectivè loquuntur. Ay Jesus Deus beguinarum. O miseri & insensati quid dicitis? Quis est ergo Deus vester? Est tunc diabolus Deus vester, quia dicitis, Jesus Deus beguinarum. Hoc est magnum scandalum vobis. Illis autem hoc sanctum nomen magnus honor est & gaudium singulare, quia frequenter nominant Jesum, summè venerantur Jesum, & ante omnia & super omnia nomina Sanctorum diligunt & adorant Jesum Dei filium, quem vos deridetis & despiciatis, quia fratres & beguinæ Jesum libenter nominant, & devotè laudant, & in nomine Jesu invicem se salutant. Væ vobis qui diabolum frequentius in ore habetis quam Jesum, eo quod nimis humilis & despectus Jesus vobis esse videtur. Hæc dicens lætificabat amatores Jesu, & confundebat derisores ejus prout digni erant.

4. Cumque numerus ancillarum Dei cœpisset augeri, Dominus Joannes spem jactans in adjuvium altissimi, fecit ampliora ædificia ad habitandum, ut plures animas salvaret, quæ de hujus mundi naufragio ad Christum confugerant. Demum extra civitatem versus

à Kemp. Vita Joan. Brinckerinck,

lium non sine grandi labore construxit, in quo de domo Magistri Gerardi sorores aliquas assumens, fecit illas sacris literis imbui, & habitu regularium sub perpetua clausura investiri. Has struñne cum his quæ in civitate manebant, per viginti sex annos Domino juvante rexit usque ad vitæ terminum, nonnullistamen ad alia loca pro novis domibus inchoandis ab ipso transmissis. Nam primò sedecim tantum sorores in communi viventes reperit, sed Domino multiplicante numerum in diebus ejus, post obitum centum quinquaginta reliquit. Sed quàm humiliter ac timoratè inter tanta bona de seipso senserit, testantur verba quæ uni familiari socio aliquando dixit.

5. Cum enim pariter per viam transirent, & de futura vita loquerentur, hæc ait: Ecce frater, si Angelus Domini ad me nunc veniret & diceret: Inclina te Joannes, & permitte caput tuum amputari, & eris in purgatorio, ego libenter hoc subirem ut de salute mea certus essem, & sic in gratia mori possem. Alia vice in prædicatione sua hæc dixit: O quàm magnus & altus est status sacerdotalis, cujus dignitatem vix aliquis mortalis dignè exequi valet. Ego si tam facilè possem tunicam sacerdotalem deponere sicut induere, statim eam hic exuerem. Advertant hæc qui de sacris ordinibus gloriantur & intumescunt, nec quantis debitis obligantur attendunt, & discant de seipsis humiliter sentire, & in timore Dei corda sua deprimere, quia tanto erit usque securior apud Deum in futuro, quanto nunc humilior in semetipso.

Ordo sacerdotalis quantus.

K

6. Ecce



14  
6. 6. Ecce iste servus Dei multos abores fecit in vita sua, passus est contumelias & detractiones ab amulis, sed per patientiam vicit omnes. Et dans Deo gloriam, opus bonum quod incepit, fideliter consummavit, & tanto Deo plus placuit, quanto humilius de se sensit, & plures secum ad calicem vitam traxit. Igitur postquam in vinea Domini, quam dextera Dei plantavit, diu satis uberimque laborasset, venit dies ad vesperam, in qua laboris sui premium reciperet, & ab omni opere temporali cessare deberet, juxta verbum Domini dicentis: Voca operarios, & redde illis mercedem suam. Et ecce magna vi febrium correptus infirmatur, & existimans se jam migraturum, denunciat Priori de Wyndesem ægitudinis suæ molestiam, & dierum suorum finem advenisse. Quo veniente, exponit ei desiderii sui intentum, commendans eidem, sicut fideli commissario, curam sanctimonialium, quatenus de idoneo Rectore eis provideret: ne fervor disciplinæ noviter introductus, per negligentiam aut insolentiam deperiret.

7. 7. Cum ergo festivitas Dominicæ Annuntiationis illuxisset, sequente die fidelis servus Christi Joannes, ad celestem patriam anhelans, septimo Calendas Aprilis, animam Deo reddidit: cui totis viribus in corpore positus, studuit à juventute sua famulari. Anno Domini 1419. residente in sede Trajectensi venerabili Domino Federico de Blankenheim, Nobili Episcopo, omnium devotorum patrono pio & glorioso. Sepultus est autem in Monasterio Sanctimonialium Ordinis Regularium in Dypenuene, ante summum Altare in me-

dio Chori, quod ipse primus incepit, & ad honorem Beatæ Virginis & sanctæ Agnetis consecrari fecit.

## NOVITIUS.

**G**ratanter capio, quod dicis: Felix Daventria, quæ talibus Sacerdotibus exitit adornata. Sed iter inceptum jam proseguere, & quæ nondum audiui, noli abscondere mihi.

## SENIOR.

**E**xigit fervida petitio tua, ut adhuc quædam incognita tibi describam, Sed mens propriis gravata malis, quid dignè dicere valet de virtutibus perfectorum? Quia tamen pietatis causa id facere cœpi, consequentia pariter adverte. Breviter transibo, ne tadium generet lectori sermo prolixus. Nec quæras in verbis ornatum, sed ædificationem morum, in humili conversatione devotorum.

*Finis vite Joannis Brinckerinck.*

## V.

## VITA DOMINI LUBERTI BERNERI.

*De Domino Luberto Bernero.*

**I**nter illa primitiva devotorum luminaria refulsit Daventriæ magnæ humilitatis, & summæ obedientiæ Sacerdos quidam nominis Lubertus, filius Berneri, Joannis de Swollis oriundus. Cujus fervidam in Christo conversationem plures mecum novērunt Fratres in Wyndesem, in monte S. Agne-



S. Agnetis, & in fonte Beatae Mariae propter Atrium, ex quibus multi adhuc superstites sunt, quidam autem in Domino dormierunt. Quid autem dicam pauperulus de tam egregio viro, cui testimonium perhibet tam religiosa multitudo? Sed & ipsi saeculares viri consulares & scabini, nec non ejus temporis Canonici & Vicarii Daventrienses D. Lubertum cognoverunt magnarum virtutum fuisse virum, quod ex multis humilibus actibus ejus probari potest, de quibus exempli gratia hic aliquos inferam, tanquam suaveolentes ramusculos de bona arbore natos.

2. Hic igitur juvenili aetate pollens, & artis grammaticae Rudimenta transcendens cum coetaneis sociis civibus suis profectus est ad studium Pragensse, ibique brevi tempore baccalaureus factus, Swollas rediit, ab amicis suis laetissime receptus. Nec diu postea devotorum fratrum affabilitate tractus caelesti inspiratione ad emendationem molitur, invictisque parentibus & amicis clanculo recessit, Christo servire proponens, & studium saeculare in spirituale exercitium feliciter commutavit. Venitque Daventriam ad Magistrum Florentium vitae sanctitate potissime florentem, à quo paternè susceptus, docetur perfecte renuntiare pompis & curis saeculi, & humilem vitam Christi imitari. Qui toto mentis fervore jugo obedientiae se subdidit, & disciplinam novae vitae alacriter arripuit, & semetipsum quotidie hostiam vivam Domino offerens, ad summam perfectionem per propriae voluntatis fractionem citò ascendit.

3. Sed Pater ejus Bernerus potens Sca-

binus Swollensis indignè satis tulit, quod filius suus Florentii discipulus est effectus, & ad tam humilem statum se convertisset. Misit ergo nuncios plures, qui eum à proposito sancto reducereant, existimans ipsum nimis errare, quod parentes & saeculi divitias insipienter reliquisset. Sed Lubertus animo constans stabat intrepidus, eligens magis sequi consilium Christi, quam facere voluntatem Patris sui terreni, quia Deus major homine est, qui se super omnia praecipit amari dicens: *Qui amat Patrem aut Matrem plus quam me, non est me dignus.* Interea accidit, ut Pater ejus infirmaretur, & erat languor fortissimus, ut nec loqui quidem posset. Nunciatum est ergo Luberto, quatenus ad Patrem citò veniret, si eum vivente videre cuperet, utpotè qui in extrema necessitate constitutus, consilium salutis per ipsum Deo propitio esset habiturus. Tunc ille filialiter condolens patri aegrotanti, memor dominici praecepti, sed immemor injuriae sibi illatae, accessit festinus domum paternam, propter animae ejus salutem.

4. Visitat jam secutus infirmum, quem dudum fugiebat persequentem: ac blandè eum alloquitur, quem pertulerat adversantem. Videas autem Pater filium suum dilectum, exhilaratur nimis ad ejus conspectum. Et quod mirum est dictu, incipit loqui prae gaudio, qui antea obmutuit oris privatus officio. Mox obsecrat ab eo veniam, ut sibi clementer ignoscat, quod ei in via Dei aliquando resistebat. Ille charitatis visceribus affluens, libenter cuncta remittit. Pacato igitur Patre cum filio, saniori jam Pater utitur consilio, & nolens



nolens filium bonis fraudari paternis, omnia illi dari præcipit, quæ hæreditario jure ad ipsum devolvuntur. Hæc vivens ordinat, quatenus Deum post mortem propitium inveniat, & filii sui precibus fideliter adjuvetur. Post paucos dies Pater obiit, & Lubertus memor beneficium Patris, devotas pro eo preces cum multis lachrymis fudit. Recipiturque deinceps portionem suam non ad cupiditatem propriam, sed cuncta in manu Domini Florentii in pios usus fratrum tradidit dispensanda. At ille non ad privata commoda sibi credita retinuit, sed ad ædificationem domus suæ & solutionem expensarum exposuit. Hæc est domus Domini Florentii titulo nominis ejus insignis, quæ faventibus civitatis scabinis, pro congregatione Clericorum devotorum fundata est. Anno Domini millesimo trecentesimo nonagesimo primo.

5. 5. Eodem Anno Lubertus cum socio suo Hentico Brune viro devoto Presbyter est ordinatus. Qui ambo tanquam gemelli fratres lacte sanctæ devotionis in domo illa enutriti, & magnis virtutibus ornati, sacerdotali honore digni censebantur, viri secundum sæculum genere clari, secundum Deum devotione præcipui, humiles, sobrii, casti, benigni, alacres, fervidi, amabiles, tractabiles, simplices, & obedientes. Sed jam de Domino Luberto Presbytero facto aliqua exempla quæ vidi, & à fratribus sæpe audivi, dicere conabor.

6. 6. Quâdam manque vice sedebat in camera sua scribendo, misitque Dominus Florentius pro eo ut ad se veniret. Statim ut hoc audivit, pennam de manu

sua posuit, & de sede surrexit. Erat autem in ultima riga lateris, & fortè tria vel quatuor verba adhuc scribenda restabant. Dixit ergo ad eum frater qui missus fuit pro eo. Perscribe illam rigam seu lineam, & tunc latus erit finitum, adhuc tempestivè venies. Adhæc sicut verus obediens respondit: Non plus, sed oportet obedire. Ecce novus Marcus cum eodem præmiandus in cælo, de quo in vitis Patrum legitur, quod vocatus ab Abbate inceptam literam non completit. Facto ergo negotio Lubertus ad explendum opus suum rediit, repletus fructu obedientiæ cum gaudio bonæ conscientiæ. Tunc frater ille Domino Florentio ex ordine hæc omnia recitavit. Audiens autem Dominus Florentius tam promptam Luberti obedientiam, respondit ita eundem commendando: Luberte Luberte, quàm bene nostri lucrum tuum & animæ profectum! Tam diligens erat in scribendo, ut cum ei aliquis loqueretur, ipse nihilominus scribebat, & quod utile fuit respondebat.

7. 7. Alio tempore juvenis quidam scholaris scripturus literas ad parentes, de consilio ejus composuit eas in camera ejus me præsentem. Supervenit Dominus Florentius, & ait: Quid facitis? Respondit reverenter: Socius meus scribit literas ad parentes. Tunc dulcissimus Pater ait: Scribe, ut scribaris in vitam æternam. Et juvenis ille postea factus est devotus religiosus. Et ego non sum oblitus verborum Domini mei Florentii, quæ locutus est in Camera Luberti, quia bonus homo de bono thesauro semper profert bona. Ad hoc enim studebat Dominus Florentius, ut ædificationis verbum proferret: ad hoc conabatur  
Lubertus



Lubertus discipulus ejus, ne verbum ex ore Magistri negligeret, sed festinanter impleret.

8.  
Obedien-  
tia bonum  
quantum.

8. Quidam devotus licentiam petiit à Domino Florentio visitandi amicos & cognatos. Concessit illi, ne contristaret importunè petentem. Postea reversus, & multa pericula expertus in via, accessit ad Lubertum Christi famulum dicens: Miror quod Dominus Florentius tam facile mihi licentiam dedit repatriandi, cum tot pericula homini occurrant in mundo. Respondit ei Lubertus: Si Dominus Florentius cognovisset te tam fortem, & posuisses totam voluntatem tuam in beneplacito ejus, bene aliter dixisset tibi. Sed ille condescendit desiderio tuo & inclinationi ex pietate, ne per te pejora attentares. Unde culpa est ex parte tua, non de consensu ipsius. Tunc ille: Bonum est quòd hoc scio. Aliàs melius providebo, ut faciam sicut dicitur mihi, utens ejus consilio qui me regere habet. Fatuè igitur facit, qui contra superioris beneplacitum propriam inclinationem sequitur, sicut jam probatum est in isto, & multorum experientia idem testatur.

## NOVITIUS.

9. **L**ibenter hæc audio de virtute sanctæ obedientiæ. Utinam præsentis exemplo instructus de cætero caveam abundare in sensu proprio, sed semper me inclinem ad obediendum Prælato meo. Sed adhuc velim audire de humilitate hujus devoti viri, quia nisi humilis fuisset, tam citò non obedivisset.

## SENIOR.

10. **D**ignum est ut de hoc aliqua tibi dicam. Nam in pia causa ex-

audite petentem, ædificationis est & non parvi meriti apud omnipotentem. Humilis fuit iste felicitis memoriæ Dominus Lubertus, humilis corde, humilis habitu, humilis actione, humilis sermone, ut sequentia declarabunt. Solebat namque aliorum virtutes altius commendare, & seipsum omnibus viliorum reputare, & cum pauperibus & simplicibus libentius quàm cum divitibus loqui. Unde quidam Clericus ad eum veniens rogavit, ut aliqua bona pro emendatione tibi diceret. Qui respondit: Bone frater, quid ego piger & inutilis homo tibi dicerem? Vade ad illum Fratrem, & ipse te melius informabit. Ego sum sicut vas urinale fœtidum, quod nunquam ad purum potest lavari, sed semper de se fœtorem emittit. Audiens hæc Frater ille multum ædificatus abscessit, & sociis suis dixit: Quàm humilis homo est Dominus Lubertus?

11. Duo Clerici inter se Domino Luberto loquebantur, quorum unus ait. Viderur mihi quòd Dominus Lubertus nimis austerum vultum præterdit: libenter ipsi quandoque loquerer, sed non audeo. Respondit alius: Si placet, dicam ipsi, & fortè emendabit se. Venit ergo ad eum, & dixit: Domine libenter dicerem tibi modicum. Qui respondit: Bene potes. Dixit ergo: Quidam offenduntur in te, quòd tam maturè incedis, & austerè eos inspicias. Ideo non audent ad te venire, & tecum loqui. Sis magis affabilis, & dulcior in verbis tuis, ut liberè accedant ad te. Tunc respondit humilis Dominus Lubertus: Ego libentissimè me emendabo per Dei gratiam, grates tibi quod me admonuisti. Ex illa hora Dominus Lubertus quasi in

11.



alterum virum mutatus est, vultusque ejus hilarior apparuit erga advertantes, debitam tamen honestate servatam.

12.

Quodam tempore congregatis Fratribus, Dominus Florentius interrogavit de quadam materia ex scripturis sanctis. Multis ergo tacentibus, Dominus Lubertus quia senior erat, loqui coepit. Dominus Florentius volens eum coram aliis humiliare & probare, ait illi seriose: Luberte existimas quod talia nescimus, quamvis non sumus baccalaurei & magistri? Mox ille humiliter respondit: Mea praesumptio. Habebat autem hanc consuetudinem, quando de aliqua re parva corripiebatur, ut se non excusaret, sed magis se reum fateatur, dicens: Mea culpa, aut mea negligentia, aut mea inadvertentia, aut mea levitas, aut mea obtusitas, aut pigritia, vel aliud consimile verbum quod humilitatem sonaret, & fratres edificaret.

13.

Cum legeret ad mensam, quandoque scienter titubavit, ut à correctore mensae corrigeretur, & dissimulavit se interdum audire, ut eum amplius emendaret, desiderans confundi & hebes reputari, quasi non sciret melius legere. Sed Dominus Gerardus Sutphaniz, qui erat corrector errorum in mensa, perpendens quia non simpliciter de ignorantia errabat, sed ex virtute humilitatis, cessavit eum iterum emendare. Habebat autem vocem virilem & tubalem, multumque decenter legebat.

14.

Frater quidam quaesivit à Domino Florentio dicens: Quare me non ita reprehendis & exercitas sicut Dominum Lubertum, & Joannem Kettel coquum nostrum? Nonne esset etiam mihi bonum, ut me aliquoties exercitares & ar-

gues? Respondit pius Pater discretionis virtute plenus: Si te tam fortem ad omnia cognoscerem, bene similiter te probarem. Sed isti tales sunt, ut ex increpationibus magis proficiant, nec inde murmurant, sed humiliores & ferventiores ex hoc fiunt: Gaudent enim se despici, & praeter aliis reprehendi. Solebat autem dilectus Pater istos frequenter coram Fratribus in praesentia eorum arguere, quia licet eos duriter corripere, propter exemplum ceteris praestandum, intimè tamen eos diligebat, sicut specialiter in obitu eorum profusis lachrymis ostendebat.

Fortium est fortiter reprehendi.

15.

Huic denique Domino Luberto sicut viro viruoso & prudenti veraciter sapiebant virtutes, & maximè horridi erant passionibus & concupiscentiis carnales. Nam quod contrarium sibi erat, illud vincere conabatur, & alios consimiliter ad certandum contra vitia fortiter incitabat.

16.

Quadam igitur vice cum quibusdam fratribus devotè & ferventer de passionibus vincendis loquebatur, & usque ad mediam ferè noctem collatio mutua extendebatur, atque in Dei amore & emendatione vitae corda eorum ita sunt accensa, ut seipsos obliviscerentur, non sentientes somni vaporem, sed omnem expellentes torporem, in novam quandam devotionem ex ignito colloquio verbi Dei evigilabant, experimentaliter probantes in semetipsis illum versiculum Psalmistae esse completum: *Ignitum colloquium tuum vehementer, & servus tuus dilexit illud.* Ex hac sancta collatione valde fervebant ipse & qui cum eo ad spirituales profectum erant invitati, ut postea ad commilitones Fratres suos

Psalm. 116.



suos Lubertus jucundo orō diceret & affectuosè repeteret, quando quando volumus nos iterum ignire?

## NOVITIUS.

17. **D** Um ista narras, in admirationem me ducis. Outinam semper talia audirem, quæ me salubriter compungerent & accenderent, & nullum vaniloquium interveniret, quod conscientiam meam macularer. Sed ad vitandum scurrilia verba, profer ulterius hujus humilis Sacerdotis exempla. Fateor enim me ex devota collatione ista non modicam lætitiā recipere.

## SENIOR.

18. **S** Alvalor noster JESUS Christus dicit: *Qui ex Deo est, verba Dei audit.* Et quia tūlibenter de servis Dei bona audis & legis, spero quòd hoc sit de gratia divina, quam cum magna sollicitudine custodire debes, & ad humilitatem te semper inclinare, quæ in Domino Luberto arctius erat radicata. Quodam igitur tempore stabat circa coquinam molendo sinapium, & supervenerunt quidam amici ejus Svvolleses, visitare eum cupientes. Intuens autem eos, admonitus est eos alloqui, ne fortè offenderentur, ejus allocutione optabili defraudati, quia erant viri honesti, & consules nominati. Tunc humilis Lubertus sicut erat linteo præcinctus, accessit ad eos, & salutavit familiariter amicos, non erubescens servili habitu coram amicis apparere, sed Deo gestiens magis humili in officio placere. Post breve colloquium vale dicto amicis, rediit ad opus injunctum, amici verò recedentes de humilitate ejus plurimum sunt ædificati.

19. Cum esset aliquando Svvolles, quidam amicorum ejus ibant cum eo bene vestiti, ille autem sicut simplex frater ibat longa toga innocenter indutus. Hoc quidam videntes dicebant de eo admirando: Ecce quomodo transit agnus inter lupos. Erat aperta comparatio, quia ingens distantia utriusque vitæ. Semel in æstate dabatur ipsi capitium simplex griseum, pallidum, & antiquum. Frater autem Amilius multum ipsi familiaris & dilectus volens eum probare, dixit ei: Luberte quale capitium habes modò? Satis malè stat tibi; nam sic pender in collo tuo, quasi esses pulmone percussus. Tunc ille lætus respondit: Frater mi quid dicis? Ecce & palpa quam bonus pannus est iste, & desine vituperare, quod non sum dignus portare. Audiens hæc Amilius ædificatus est in verbis ejus.

20. Rursum quoque Amilius hæc mihi de eo recitavit dicens: Iste Dominus Lubertus ita humilis est, & mortificatus in propria voluntate, ut etiam parvo puero se subderet, & minimo fratri in domo ita libenter odediret, sicut Domino Florentio, si eum Dominus Florentius poneret ad regendam hanc domum. Erat quippe vilis & abjectus in oculis suis, & idè meliora sensit de aliis, & præcipuè de eis qui serviebant fratribus in coquina. Et dicebat: Iste Joannes Kettel & socius ejus multum præcedunt nos in virtutibus, ipsi adhuc efficiuntur superiores nostri. Nam confusionem nobis faciunt propter teporem nostrum, & ipsi operantur cum magno fervore. Videntur esse servi nostri, sed revera Domini sunt & Magistri in via Dei. Hæc autem ex cordis humilitate pro-



proferebat, quibus seipsum & alios optime informabat. Sciebat etiam competenter hanc scribere, & libenter scripsit, vitans otium, & diligenter operi manuum instans, & alios inducens ad scribendum.

21. *21.* Rogante autem quodam juvene ut exemplar ei scriberet, benignè annuit, & fecit. Et ait: Bene addisces scribere, longos enim & molles digitos habes. Et Deo cooperante verum prophetavit. Scripsit autem in rotunda scriptura hæc verba pro exemplari & bono memoriali. *Tollite jugum meum super vos, & discite à me quia mitis sum, & humilis corde. Jugum enim meum suave est, & onus meum leve.* Ista verba intimè sapiebant ipsi, & idèd omiſſis Philosophorum dictis, ad humilitatem Christi hortabatur, quæ ducit ad veram sapientiam & æternam beatitudinem promerendam. Igitur postquam humilis & devotus Sacerdos Dominus Lubertus de sylva cognominatus, multis virtutibus clarus, ex hoc sæculo eſſet migraturus, instantè petijt à fratribus ut ſui recordarentur poſt mortem in orationibus ſuis, præcipuè tamen tempore ſcripturæ in cellis, legendo in privato quandoque orationem pro deſunctis.

22. *22.* Cùm ergo plaga mortalitatis Dæventriæ & in circumjacentibus locis graviter regnaret, pleroſque etiam devotos de hac vita ſubtraxit, ſed æternæ luci [ut piè credendum eſt] in ſupernis conjunxit, contigit etiam Dominum Lubertum eadem peſte comprehendì. Et ecce in menſe Julio tribus diebus ante Feſtum Beatæ Mariæ Magdalænæ cœpit ægrotare, & lecto decumbere, dicens ſe non diu hic permanſurum. Laboratum eſt

contrario multis precibus, & quaſitum remedium à Deo & ab intelligentibus chirurgis, quia vita ejus erat oprabilis cunctis. Sed illius prævalere deſideriorum preces ad audientiam ſupernorum civium prævolantes. Dixit ergo ei unus de fratribus: Adhuc non ſeparabimur tam citò, ſed in Camera Domini Florentii tenebimus collationes noſtras. Tunc ille: Non hic ampliùs, ſed in ſupernis cum ſanctis. Cupiebat enim diſſolvi, & eſſe cum Chriſto. Igitur: in die Beatæ Mariæ Magdalænæ fecit coram ſe cantari ſequentiam, Laus tibi Chriſte. Quà cantatâ ait: Quàm devota & fervida verba ſunt iſta. Et repetivit intra ſe hunc verſum ruminando. Quidnam haberet ægra ſi non accepisset, ſi non medicus aſſeſſet? Multi devoti qui aderant hæc audientes, lachrymati ſunt. Ille vero lætus in Domino conſolabatur mœrentes.

23. *23.* Frater Amilius qui ei ſollicitè miniſtravit, multa ædificabilia ex ore ejus audiens, diligenter omnia conſervabat, quæ poſt obitum ejus per epiſtolam fratribus abſentibus per ordinem ſcribens digna fide expoſuit, quam etiam pro memoriali his inferere placet, in qua pleniùs felix obitus ejus & finis vitæ cognoscetur. Cùm igitur octo ferme diebus ægrotasset, nec reconvaſciſſet, tandem multis doloribus fatigatus ad extrema pervenit, & divina conſolatione repletus, in craſtino ſancti Jacobi Apoſtoli coram fratribus qui exitum ejus devotis precibus tuebantur, lætus ac feliciter obdormivit in Domino: Anno Dominicæ Incarnationis M.CCC. nonageſimo octavo, ſeptimo Calendas Auguſti, tempore Bonifacii Papæ Noni.

Cujus



Cujus corpus in cœmeterio <sup>sepultum</sup> ni circa Joannem Kettel devotum Christi famulum collegam ejus in australi parte Ecclesiæ reverenter est sepultum, ubi & complures alii fratres per successum temporis consepulti requiescunt in pace.

*Scriptum prædilecti Domini Amilii de felici obitu Domini Luberti.*

24.

**I**N nomine Domini Amen. Anno Nativitatis ejusdem millesimo trecentesimo nonagesimo octavo, quarto decimo Calendas Augusti, Dominus Lubertus van den Busche, id est, de bulco aut sylva, humilis Presbyter, & homo magni fervoris morbo pestilentiali correptus per duos vel tres primos dies somniando & dormiendo quasi sine sensibus (sicut hujus morbi moris est) versabatur in lectulo, in quibus diebus ad tantam venit debilitatem, ut morti videretur proximus. Post hoc tamen confortatus videbatur disponi ad convalescentiam ab his qui aderant, sed ipse per omnia habuit se quasi certissimè se sciret moriturum, aliquos confortans, aliquibus valedicens. Etiam complures dictavit literas ad amicos suos familiares Presbyteros & Religiosos huc illuc ad diversa loca pœnarum transeunti, missis, vigiliis, & orationibus subvenirent. Deinde desideravit convocari fratres nostros domesticos, dicens quòd videretur sibi utile & congruum, ut cum quibus tot annis conversatus fuisset, pacificatus discederet, & veniam ac indulgentiam peteret. Quibus convocatis, stans apud eos innixus baculo quo sustentabatur, ita exorsus est: Ego tot annis fui in domo Domini Florentii, & parum me à Kemp, Vita Luberti Berneri.

*amendavi, et n. ita in virtutibus, pro*

ei, ncut propotui quando eogem. Tunc enim fuit omnis ad hunc meum propositum, quòd vellem me dare ad omnem humiliationem, subjectionem, abjectionem, charitatem, & ceteras virtutes, & in omnibus me subicere Domino Florentio, & omnibus fratribus, quod non ita feci, sicut jam moriturus me fecisse gauderem. Sed fui vobis sæpè scandalum & offensio, superbia mea, & aliis complurimis vitiis, quæ tunc ex humilitate proferebat.

25. Deinde humillimè quantumcunque debilis prostratus in terra, cum magna humilitate & lachrymis ab omnibus veniam postulabat. O quis tam duri cordis, qui lachrymas continere potuisset, quando tantum virum, Patrem & Fratrem cordialissimum cerneret tam humiliter cum lachrymis prostratum in terra? Deinde elevatus à terra, & innixus baculo, cœpit iterum loqui ad Fratres, & exhortari eos ut fideliter & cordialiter servarent unionem & charitatem ad invicem, & ut semper niterentur se subicere, & in obedientia charitatis sibi invicem acquiescere, & ut quilibet niteretur esse minimus & servilis aliis. Etiam ut fideliter Fratres se invicem niterentur custodire, charitativè admonendo, & fraternaliter corripiendo de vitiis, & inordinatis moribus, & non blandiri vel applaudere sibi invicem in vitiis & negligentis, & sic venirent ad veram unionem & charitatem per extirpationem vitiorum. Addens, si sic simul manseritis, & ita feceritis, à nullo habebitis timere, & eritis tanquam murus inexpugnabilis. Alioquin citò res peribunt, & omnia nullius reputationis erunt, sed

25.



tantum vanitas & stivola. Post hoc humiliter rogaba. Fratres ut fideliter orarent pro se, & essent sui in orationibus suis sicut in eis consideret, & specialiter in illis orationibus quibus quotidie inter laborem manuum se exercitant, & sic valedicens Fratribus dimisit eos. Deinde altero die dictavit unam epistolam mittendam Domino Florentio, & aliis Fratribus tunc absentibus, qua sequitur in hæc verba.

*Epistola devoti & humilis Domini Lu-  
berti ad Dominum Florentium.*

26. **S**alutem & omne bonum. Charissime Pater, de infirmitate mea Amilius dilectus noster credo vobis scripsit; hoc tamen addo, quod à sexta feria qua obruebar penè usque ad tertiam feriam sine sensibus dormiens, nescivi quomodo huc illucque in lecto me verterem. Sed nunc cum Dominus propter bonitatem suam ingeniosum meum modicum reilluminavit, non potui pacifice ex hac miseria transire, nisi vobis saltem semel & nunquam amplius in hac vita dolorem meum & necessitates infinitas mihi præcipuè imminentes obvolutus pedibus vestris filialiter aperirem. Jam enim terribili Dei judicio coram Angelis ejus & advocatis nostris præcipuis præsentandus sum, cum maxima verecundia peccatorum illorum, de quorum remediis vos me sapissimè instruxistis. Sed heu tunc non cogitavi quod mihi tam gravia & terribilia forent, sicut vos ea ponderastis. Et quia, Domine Florenti, manui vestræ propriæ in Dei judicio nescio contradicere

super passionibus meis, quas mihi scripsistis, licet tamen multis & importunis precibus meis ad hoc vos quodammodo coëgi, & eandem schedulam Amilio dilecto nostro vobis præsentandam commisi, ut misericordius ex illis & aliis videatis quid jam patiar in loco horroris & immanium pœnarum, & ut precibus vestris mihi maximè necessariis occurratis. Prædilectissime Pater, si apud vos præsens essem, flebilibus oculis vos rogarem, ut mihi præcipuè de inobedientia & aliis offensionibus (ut inde non terribilius damnarer) paternaliter & sincere velitis indulgere, sicut non dubito quod libenter indulgetis.

27. Nunc loquar ad vos dilectissimi Fratres, qui vita vestra & conversatione me tepidum & negligentem toties ad emendationem revocastis, dulcissimis vestris admonitionibus me toties de passionibus meis admonuistis, sed heu miser ego [ut scitis] me non emendavi quantum potui & debui, nec exempla vestra, nec verba poterant duritiam cordis mei compungere, sicut expediebat mihi, nesciens tamen nec prævidens quod talis qualis sum ex hac vita ad locum horribilium pœnarum, ubi serpentes sunt mordentes, leones feroces, lupi rapaces, & infinita monstra demoniorum subitò essem deducendus. Gratias tamen omnibus vobis pro vestris exhortatoriis & bonis exemplis, si quas possim, nunquam reddere negligam: sed non sufficio, quia quantumcunque in hac vita profeci, hoc adjutorio Dei & vestro profeci, nec mihi adscribo. Nunc etiam de

27.



de omnibus negligentis *mei* simili-  
ter me pedibus vestris prosternens, cor-  
de & ore coram Deo & vobis me ac-  
cuso, & veniam de singulis peto. Ro-  
go etiam vos, quatenus obitus mei diem  
illis quibus vobis visum fuerit expedire,  
quod tamen satis facietis, denunciari  
facere velitis, & pro me divinum offi-  
cium, vigiliis, & alia quæ vobis vi-  
denter, fieri faciatis. Valere, valere,  
& in æternum valere, quos amplius in  
hac vita non sum visurus.

28. Dictatâ hâc epistolâ in vigilia  
sancti Apostoli, resedit ad perlegendum  
eam si fortè aliquid placuisset apponere  
vel deponere. Tunc subito invalit eum  
tantus horror & tanta debilitas, ut omni-  
bus viribus destitueretur, & sic ab his  
qui aderant, reclinatus & reductus est  
in lectum. Et statim post hoc cœpit  
magnis doloribus & angustiis agitari, ita  
ut instantissimè cum lugubri, alta & la-  
mentabili voce clamaret, & peteret ut  
convocarentur Fratres domus nostræ,  
& alii devoti extra domum nostram, ut  
orationibus suis sibi succurrerent. Qui-  
bus convocatis incepit mirabiliter tre-  
mere pectore, & omni corpore vehe-  
menter palpitare & conquassari, palle-  
scere, sudare, versis oculis horribiliter  
videre, ore ac dentibus fremens ac stri-  
dens dabat rugitus anxios, & voces lu-  
gubres. Interea devotis undique con-  
currentibus, & cum lachrymis pro eo  
instanter orantibus, respiciens ad eos  
& ipse aliquantulum incepit lachry-  
mari.

29. Tunc innuit mihi Amilio, qui  
semper ipsi aderam, ut cereum sibi in  
manu quasi statim morituro positum re-  
moverem, & ut cum eo legeremus

septem psalmos quia adhuc non est  
moriturus. Incepit ergo legens mecum  
unum versum, alius dicentis. reliquum,  
& sic quasi usque ad finem magno fer-  
vore & devotione continuavit. Quibus  
finitis dixit: Maneamus omnes in fine  
apud sanctam Mariam, & sic incepit,  
Salve Regina, cum collectis. Quam  
antiphonam sæpius cum magno affectu  
& devotione repetivit, dicens collectam,  
& mutans sæpius verba secundum affe-  
ctum & devotionem suam. Et cum sibi  
successivè vis loquendi subtraheretur,  
sæpissimè eandem antiphonam incepit,  
ut eam alii prosequerentur. Quo satis  
diu continuato, dixit mihi Amilio, quòd  
ego dicerem fratribus, quòd orarent  
pro eo sub silentio in compunctione  
cordis. Post hoc diu jacuit sine loquela,  
& [ut extra apparuit] in magnis pœ-  
nis & angustiis. Devoti verò & fratres  
nostri per totam diem apud eum oran-  
tes perseverabant, de hora in horam  
mortem ejus expectando. Postquam  
diu sic jacuisset, vocavit me dicens:  
Amili frater nunc mihi virtus loquendi  
restituta est. Dicas ergo fratribus no-  
stris & omnibus devotis, ut quivis eo-  
rum pro me legere incipiat Psalterium,  
& quòd in principio & in fine cujusli-  
bet Psalmi flexis genibus orant unum  
Ave Maria. Post hoc dixit mihi: Di-  
cas fratribus quòd ego non curo mul-  
titudinem Psalmorum, sed quòd ali-  
quando expectent modicum intra Psal-  
mos, meditantes, & in compunctio-  
ne cordis pro me Dominum orantes,  
ne præ multitudine Psalmorum ob-  
ruantur in intellectu. Postquam hoc  
eis dixissem, dixit mihi, ut omnibus  
congregationibus demandarem, ut  
orarent



orarent pro eo *septe* Psalmos, horas de Domina, horas *Santi* Spiritus, & si quid aliud *scirent*, perseverantes secum in orationibus, sic expectando mortem suam. Quo facto subjunxit dicens ad me: Frater timeo fratres & sorores gravare, sed cogit me necessitas, quia omnino non confido in me, sed valde multum in orationibus devotorum hominum. Quid videtur vobis? Tunc consolabar eum ut esset bene contentus, eo quod libentissimè facerent. Deinde ab hora vespærum, vel circiter usque ad octavam horam jacuit sine loquela in magnis ardoribus. Octava hora cepit denuo loqui & efficiebatur totus tranquillus.

30  
Vera imago  
tentationum  
maligni  
spiritus  
sub mor-  
tem ho-  
minis.

30. Post hoc vocavit me ad se, & dixit mihi quomodo per diem fuisset secum. Primò quod habuisset multas & mirabiles tentationes. Et quod venisset ad eum quidam malignus spiritus in specie fratris nostri Joannis Kettel, qui multis modis nitebatur eum decipere, & quod iste spiritus valde multa & mirabilia dixit ipsi de gloria cœlesti, de diversis subtilibus & altis materiis, de quibus multa vera & conformia scripturis, sed multa intermiscuit falsa, & quod multa mirabilia dixisset sibi quæ non sciret exprimere, quia modus loquendi fuit spiritualis, & quod spiritus ille videbatur conjunctus spiritui suo, ut ipse loqueretur sibi, & spiritus suus responderet ei. Deinde dixit: Isti spiritui fuit valde contrarium, quod aliquando alloquebar vos. Quando volui vos alloqui, tunc dixit mihi. Non loquaris carni, non loquaris carni. Etiam fuit ipsi valde contrarium, quod ergò feci fieri tam multas orationes à devotis, & quod tantum in eis confidebam. Et quando ego petii à vobis quod

legerem psalteria, ipse dixit mihi ad intra, stercus stercus, ut quid confidis in istis Psalmis, Maria, Gregorio, Hieronymo, & similibus? Tu deberes in Deo confidere. Deus irascitur tibi quod tantum confidis in istis rebus, & non in se solo. Sed quia pusillanimis & timidus es, & non fecisti ex malitia, ipse indulget tibi, sed noli amplius talia facere. Ego Kettel sic non feci, tamen sine purgatorio veni ad regnum cœlorum. Me verò requirente quomodo hoc esset, ille subjunxit duas causas.

31. Una erat quod omnibus bonis & divitijs temporalibus purè propter Deum & salutem animæ suæ renunciasset, & se ad talem humilem statum, puta officium coquinæ, dedisset, & quod nunquam penituisse eum renunciasse. Secunda causa erat, quod cum magno affectu & desiderio sic perseveraverit in coquina, sine ullo desiderio redeundi ad pristina. Et quod habuit firmum propositum & magnum affectum in tali humili statu & abjecto officio [ut posset omnibus servire] usque ad mortem permanendi, & quod in tali statu & proposito obiisset. Tunc dixit mihi Dominus Lubertus: Frater scio quod ista quæ iste nequam spiritus narravit de vero & dilecto Fratre nostro Joanne Kettel, vera sunt, sed utrùm sine purgatorio venis ad regnum cœlorum, nescio. Et subjunxit: Ille nequam spiritus etiam dixit mihi, quod ego sine purgatorio venirem ad regnum cœlorum. Me verò inquirente causam, respondit: Tu coram Deo martyr es, eo quod pro fratribus & sororibus tuis posuisti animam tuam, quia ex affectu & charitate elegisti

31.



elegisti apud eos manere in tali periculo mortis. Tunc dixit ad me humilis Dominus Lubertus: Utrum sine purgatorio veniam ad regnum cælorum nescio, sed hoc negare non possum, quin ex charitate & affectu mansi apud fratres. Sed tantum est quod omnino multis verbis nitebatur me inducere, ut considerem in propriis meritis & virtutibus. Ego tamen semper timidus, nunquam confusus sum in meipso, nec adhuc confido. Sed omnis confidentia & spes mea est in misericordia Dei, in precibus & meritis gloriosæ Virginis Mariæ & aliorum Sanctorum, & orationibus devotorum hominum. Ergo placet mihi & gaudeo quod multi boni psalmi & orationes lecti sunt. Aliquando privavit me omnibus sensibus præter solum auditum, & illum similiter conabatur auferre, sed non potuit. Item Dominus Lubertus dixit mihi de pluribus aliis mirabilibus quæ diabolus dixerat ei, quorum plura erant hæretica & contra fidem, ad quæ nitebatur eum trahere, sed multa intermiscuit vera. Et sic scio quod fuit malignus spiritus qui conabatur me decipere, quoniam plura falsa & mendacia semper miscuit. Apparet igitur mihi quod valde utile & necessarium sit homini morienti, ut habeat hominem intelligentem apud se, sicut sunt Fratres nostri, usque in exitum. Hæc in vigilia sancti Jacobi Apostoli post octavam horam de vespere narravit mihi.

32. Post hæc totus debilis in magna tranquillitate & pace cordis usque ad mortem perdurabat. Valdè enim ardentius cupiebat dissolvi, & esse cum Christo, habens firmam fiduciam, & spem de adventu Domini nostri Jesu Christi, glo-

riosæ Virginis Mariæ, & aliorum Sanctorum. Et in tali ardenti desiderio cum magno fervore orans, inspirans, ruminansque devotos psalmos, specialiter psalmum Beati immaculati usque in crastinum sancti Jacobi perdurabat, sæpius inquirens quàm propinquus esset morti, & an adhuc haberet omnia signa mortis, anne brevis anhelitus esset verum signum mortis, & hujusmodi. Et in nullo eum melius consolari potuimus, quàm ut mortem propinquam adesse diceremus.

33. Aliquando cum magna fiducia quasi exclamando: O quando veniet Dominus Jesus & sancta Maria cum Angelis sanctis absolvere me? & hujusmodi. Spero quod non diu expectabunt. O si vellet citò venire, o si vellet facere finem! Spero quod non diu hic durabo, & hujusmodi. Et sæpius invocabat sanctâ Mariâ, Hieronymum, & Gregorium, quos specialiter dilexerat, & alios Sanctos, ut orarent pro eo, & adessent & succurrerent ipsi in hora mortis. Etiam petiit ut aliquando breviter alloqueremur eum excitando ad invocationem sanctorum & orationem, & alioquin oraremus pro eo in silentio suspiriis & gemitibus, in compunctione cordis ad Dominum secum suam mortem expectantes. Sic in tanto fervore, in tanta devotione, in tam ardenti desiderio dissolvendi, & in affectuosa ac fiduciali expectatione adventus Domini nostri Jesu Christi, gloriosæ Virginis Mariæ, Sanctorum Angelorum & aliorum Sanctorum, pervenit ad horam extremam: nec [ ut videtur ] fraudatus est à desiderio suo. Jam enim in membris omnibus præmortuus erat & totus frigidus,



sola vita in lingua & pectore videbatur palpitare, & via aliquod membrorum videbatur posse movere.

34. 3. Et ecce subito sine cuiusquam sustentatione seipsum proprio motu erigens, complosis elevatisque manibus, oculis sursum versus parietem defixis, illic reverendissime cum omni devotione inclinavit. Et viribus quibus potuit; rancam & fractam vocem recolligens exclamavit. In gloria, in bonitate tua, in misericordia tua suscipe suscipe: In gloria, in gloria, in bonitate, in bonitate, in misericordia suscipe, suscipe, suscipe. Et dum sic erectus sedens hæc sæpius iteraret, tandem reclinatus ad lectum, bina vice eisdem motibus & gestibus eadem replicans se iterum crexit. Qui ultima vice reclinatus videbatur jacere in magno stupore & admiratione. Ego vero inquirens alloquebar eum dicens: Luberte frater quid est? quomodo est tecum? Ipse autem quasi cum magna admiratione respondit: Mira, mira, mirabilia, mirabilia, magna mirabilia vidi, quando me crexi. Quo dicto statim subjunxit: Vocate fratres, vocate fratres, vocate fratres. Quibus convocatis, statim modicum agonizando expiravit, & feliciter in Domino obdormivit, plenus virtutibus & bonis operibus, de quo benedictus sit Deus in sæcula. Amen.

*Ex epistola Domini Florentii de commendatione ejus.*

35. 35. **Q**uis non doleret de morte dilecti Fratris Luberti, qui eum novit? quis non fletet si quis eum dilexit? Quis non de domo nostra plangeret & lamentaretur, si diligenter respi-

ciat quantam ruinam, quantum calum domui nostræ mors ejus minatur? quantum humilitatis exemplum, quantum fervoris ad communia spectaculum per mortem eis ablatum sit? Quis remansit, qui ut ipse ad omnia devotionis præcipue & contemptus exercitia fervet? Quis nostrum ut Lubertus communia promoveret? Quem ut ipsum pro domo nostra comedit zelus Dei? Quis nostrum remansit, qui sibi tam vilis in oculis propriis, tam parum sapiens, tam parum idoneus sibi videatur? Horum omnium exemplum in ejus morte ablatum est. Hinc merito pie dolet qui domum nostram diligit. Hinc lachrymatur qui profectum nostrum in spiritualibus affectat. Hinc nos quantum dilectum Fratrem Lubertum dileximus, tantum dolemus. Quando corda nostra ipsi erant unita, tanto amariùs sentiunt ejus separationem. Verè erat nobis cum dulcissimo Fratre Luberto cor unum & anima una in Domino. Pensate igitur ex unione cordium dolorem separationis. Quæ mensura tristitiæ, ex amoris quantitate perpendite. Verùm si breviter & clarè mensuram tristitiarum & dolorum nostrorum scire cupitis, qui utique tantus & tam gravis est, ut vix duas rigas vel tres in literis vestris potuimus legere, vix tres rigas rescribere potuimus, quin effluerent lachrymæ copiosæ & scribere & legere prohiberent, si inquam hujus tristitiæ & miseriæ mensuram scire cupitis, pertedè propria corda vestra inspicite, qui nobiscum similiter dilexistis Lubertum.



36. **T**uum erit laborare pro vitiis tuis  
extirpandis, & pro virtutibus  
acquirendis. Sed nisi purè ex corde Deo  
teipsum resignaveris, & illi ulterius com-  
miseris, generat tibi magis præsumptionem,  
& faciet te durum & perplexum,  
& anxium & pusillanimum. Labora ergo  
cum verecundia & quiete & timore, sed  
resigna & committe Deo ut faciat sicut  
voluerit, & noli tristiari vel deijci, si nescis  
propositum tuum exequi, fortè sic est  
voluntas Dei, ut non confidas propriæ  
virtuti. In oratione nihil intende nisi Deo  
& psalmodiæ, quasi in conspectu Dei.  
Et committe voluntati ejus liberè ex toto,  
& abjice leviori modo quo poteris  
superfluas & vanas cogitationes, & ad  
hoc tende, quasi tu solus coram Deo &  
beata Virgine & omnibus Sanctis stares,  
& ostende eis necessitatem & vulnera animæ  
tuæ. Noli attendere fratres in oratione,  
in colloquio, vel ubicunque, nec  
etiam quoscunque; quia valde alienaris  
à te ipso, & dissolvit virtutem mentis,  
facit te suspiciosum & amorum, obscurat  
intellectum, generat Dei oblivionem, &  
applausum hominum, obnubilat intellectum,  
turbat conscientiam. Habeas  
cor pacificum & à phantasmatibus rerum  
& à peccatis aversum, & ad Deum  
conversum.

37. **T**ene faciem communem cum  
cæteris sine nimia austeritate aut serenitatis  
ostentatione, & apud te ipsum  
semper intus maneat. Et in quocunque  
opere averſus fueris ab ista forma, nite-  
re reformare te, & sic semper tranquillo  
animo perficies voluntatem Dei,  
& custodies te à vitiis, & semper hilaris

perseverabis. Cave omni modo in omnibus  
vehementiam, sed omnia deliberato  
animo facito absque ostentatione. Nunquam  
debes alicui aliquid dure dicere, vel opprobriose increpare, aut  
deridere increpando. Obsecra & mone ut  
charitas poscit, & si quandoque turbidi  
animi es, patienter & quietè suffer illa  
quæ sunt tibi contraria & passioni tuæ, &  
pro tunc nihil move contra hoc vel de  
illo ad quod importunè agitaris. Potius  
expecta donec gratia Dei, & serenitas  
mentis redierit. Fuge interim ad cameram  
& ad orationem tanquam infirmus  
& obsessus, & cogita: *In patientia vestra* Luca 21.  
*possidebitis animas vestras.* Elige ad tempus  
solitudinem, & laborare manibus,  
patienter orare, & facere sine importunitate.  
Semper aliquid de Deo, aut sacra scriptura  
ruminare, quod ad amorem vel timorem Dei,  
aut ad horrorem vitiorum te inflammet.

38. In omni actione temporali non  
nimis strictè attendere exteriora & ornatum,  
sed intendere voluntati Dei solùm,  
& ipsi totum committere: cor & oculos  
avertere ab hominibus, ad intra  
semper manere, exteriora oblivisci:  
ad cœlestia oratione, suspiriis, lectione,  
compunctione tendere, & mentem ad prædicta  
frequenter exacquare; ostentationem & præsumptionem  
fugere, abjicere imagines hominum de corde:  
in hoc omnis virtus, omnis profectus,  
exequi voluntatem Dei, & ipsi placere.  
Ad hoc tende, ut intentio tua sit ad Deum,  
& secundum Deum, & abjice  
passiones animæ. Hoc habe pro regula  
infallibili: Quicquid placet Domino  
Florentio & fratribus, hoc vult  
Deus ut facias, quia inhabitantur  
à Deo,



à Deo, & ipsi nihil quærunt nisi ejus voluntatem. Omnia fac cum consilio Domini Florentii: & quando abest, eodem modo per omnia quasi ex Deo fac eum consilio Domini Gerardi, quia longè sapientior, humilior, cautior, & spiritualior, & abstractior te est, & facit magis secundum voluntatem Dei, quam tu. Cavenda est multum occasio vitiorum. Et sæpe in quiete videris tibi aliquid esse, sed effusus in exterioribus rebus apparet quid in te latuit, ex hoc potes multum te humiliare. Longa locutio hominem à se rapit, & ducit in ignorantiam, præmeditationem aufert, inordinata profert. Necessarium est ergò homini multa dicere volenti, frequens meditatio & interpolatio, sive pausatio, scilicet utrùm secundum beneplacitum Dei loquatur, an non, an declinet ad jactantiam & applausum hominum & ad vanam gloriam. Necessitatem, pietatem, & utilitatem, attende in verbis, & maxime voluntatem Dei. Nullo modo licet loqui burdosa, vel alios verbis ad hoc incitare.

39.

39. Nunquàm improvise ex capite tuo derisorie alicui coram aliis aliquem defectum dicere tenta, quia signum est superbiæ & præsumptionis, & malum exemplum aliis. Disce parum & paucis verbis loqui, & cum præmeditatione, & expecta alium in verbis, & time audire unde lædaris. Discute verba etiam cujuscunque, an sint vera, an detractoria. Firmiter propone per gratiam Dei de malo nullius hominis dicere, nec libenter audire, nisi pia utilitate: & tunc maxime cave ne seducaris. Assuesce ad nullam rem mundi neque temporalem neque spiritualem cor importunè effundere, sed semper cum timore vitiorum tuo-

rum mediocriter abstrahere, cum discretionē & pedetentim incedere, ad horam te mutare, & nunquàm in toto à te recedere, sed in verbo Dei cor tenere suspensum, & reflexum contra vitia tua in comuni, tamen specialiter magis contra hoc quod tunc magis times. Et sic per gratiam Dei cum bono moderamine & maturâ deliberatione coram oculis Dei loqui & facere poteris, quicquid putas Deo placere. In comestione cave aviditatem & subitam comestionem, sed retrahere potius appetitum, ut cæca & turbata concupiscentia tua illuminetur compunctione & aviditate electionis, & cum quiete mastica aliquid de lectione: aut de illa particula *Homo quidam fecit cenam magnam*. Quandocumque ex comestione turbatus es in capite vel gravatus, tunc fuge ad cameram, vel loquens cum hominibus magis cautè conare ad custodiam, tutius est fugere & orare, *Beatus homo qui semper est pavidus*. Et veraciter scito, quando declinas à timore ad securitatem, declinas à Deo, & caperis à dæmonibus, & passionibus tuis. Tamen sic debes timere, ut eo magis de Deo confidas. Et quantò videris tibi infirmior, tantò faciet superiorem. Præstat ergò aliis magis credere, & in teipso trepidare. Propter Deum disce ab aliis virtutes & mores, & time vanam gloriam tuam. Christus tibi didicit, tibi tacuit.

Lucæ 14.

Prov. 28.

40. Disce intus manere, & inter fratres & alios homines communiter & socialiter te habere, & extolle eos. Cogita virtutes eorum, & vitia tua. Semper de aliquo cum quo es, virtutem aliquam cogita, & vitium tuum, ad humiliandum te ad intra ex vitiis interioribus Deo &



& Angelis & tibi notis. Accede ad studium sicut ad cibum capiendum animæ, ut lectione refectâ discat in illis anima occupari quæ legit, & oblivisci temporalia, & refrenari à vitiis. Non multum simul est tibi utile studere sine masticatione & oratione, sed parum, & masticare illud cum oratione & desiderio, & sic mittere in ventrem animæ, & in mores, & in virtutes, ut anima his quasi nutrimento sustentetur. Sicut enim corpus cibo, sic anima virtutibus reficitur. Nunquam debes aliquibus studere, quæ non reficiunt animam, quia fructus studii est fortitudo animæ, & propter virtutes acquirendas. Studere propter scire, propter docere alios, aut propter quodcunque aliud quàm dictum est, non nutrit animam, sed facit eam insanam, sicut superflui humores corpus, & generat vanam gloriam, elatum cor, incompressos mores, vanas cogitationes, instabilitatem mentis, Dei oblivionem & contemptum, applausum hominum, turbam conscientiam, tenebrosam intellectum, & magis exinanit & debilitat animam quam reficit. Igitur moderatè studere & benè masticare magis reficit animam, quàm inconsideratè multa absque masticatione. Sequitur ergo quod anima mortua est, quæ verba Dei indefinenter non digerit in mores & in virtutes, vel consumit seipsam, & fit putrida diversarum concupiscentiarum malarum honoris, & consumitur à dæmonibus, sicut corpus à vermibus.

41. In pulsu horologii, quasi in medio inimicorum versatus & in te deficiens, clama ad Deum, & ora: Ne delinquas me Domine Deus meus, ne di-

*a Kemp. Vita Luberti Berneri.*

scelleris à me. Aliquando ad beatam Virginem. Ave Maria. Cogita te à Deo respici, & opera tua ab Angelis ipsi præsentari, quid boni fecisti, quantum profecisti, & quid mali commisisti. Cum audis campanam, cogita: Surgite mortui, venite ad iudicium. Semper nitere sequi voluntatem aliorum in illis, quæ non sunt peccata vel contra Deum, & tuam voluntatem & consilium semper abjicere, omnia contraria & tibi dura cum labore & dolore capere, & nulli ad extra impatientiâ respondere. Elige magis misereri, & in hoc potius excedere, quàm in durezza. Quanto interrogas Prælatum & Rectorem tuum, cogita quod Dominus in his habitans loquitur per eos, & dicit suam voluntatem, & quàm periculosum est tibi ejus dispositioni per eos resistere. Multoties cogita de peccatis quotidianis, ex qua radice procedant. Timor immoderatus vel nimia præsumptio quotidie te impediunt. Declinare ad divitias, ad delicias, ad honorationem & applausum hominum, ad delectationes terrenorum, ad propriam voluntatem & proprium videre, & fugere vel non curare humilia, ad hujusmodi declinare, est regredi ad vitia, & averti à Christo, & maximè à regula patris spiritualis, quia hæc est verissima via ad virtutes, resistere vitiis, & humiliter obedire Prælati.

F I N I S

VITÆ LUBERTI BERNERI.

M

VI.

Literis navare operam ob aliud quidvis quàm ut salvus fias quid profit.

14.

21.

40.



## VI.

VITA DOMINI HENRICI  
BRUNE.

1. **M**agnæ devotionis, & sanctæ simplicitatis virum, nec non angelicæ puritatis Sacerdotem, præterire non debeo: Sed ipsius primordiali socio, atque præcordialissimo compresbytero D. Luberto, conjungere placet, & aliquid in ejus laudem proferre. Ipse est Dominus Henricus Brune, sodalis D. Luberti, Deo dilectus, & hominibus acceptus, omnibus benignus, nulli onerosus. Hic in Hollandia natus, civis fuit Leydenſis civitatis, ex honestis parentibus & consanguineis. Sed nihil æstimans sæculi divitiis & honoribus, amicorum vitavit aspectus, quæſivit Dominum in tempore juventutis, & usque ad senium adhæsit illi corde perfecto. Mansit autem in obedientia in domo Domini Florentii cum omni humilitate & mansuetudine multa, audiens confessiones devotorum, & celebrans missas suas cum magna devotione & reverentia, sine cura temporalium rerum, vivens in tranquillitate & simplicitate cordis, atque inter fratres conversans sine querela, testimonium bonum habens in tota Daventria, notus apud religiosos in pluribus locis, sicut verus Israëlita absque dolo & nequitia, tanquam columba sine felle, præditus singulari innocentia vitæ. Oculi ejus semper ad Dominum, & ubicunque solus esse potuit, ab oratione & devota meditatione non cessavit.

2. Sedebat aliquando in hyeme juxta focum manus suas calefaciendo, sed faciem convertit ad parietem, secretò interim orans, & silentium bene servans. Quod cum viderem, multum ædificatus fui, & eò amplius eum dilexi. Nunquam ego indecens verbum ab eo percepi, nec super eo conqueri audivi, nisi quod missam suam tractius celebrare consuevit. Quo tamen facto plures sæculares ad devotionem missæ suæ traxit, & facilis ei indulgentia dabatur, quia invitè à dilecto Jesu separabatur.

3. Accidit autem ut vir quidam fidelis occultâ impugnatione dæboli tentaretur in fide, qui etiam de Sacramento altaris cœpit quodammodo dubitare de veritate corporis Christi. Is ergo cum staret ad audiendam missam hujus devoti Sacerdotis sæpe ingemuit, dolens de prava immissione spiritus maligni, oravitque Dominum, ut sui in hac vacillatione dignaretur misereri. Sed misericors Deus qui animarum salutem variis ac miris modis occurrere solet, præfatum virum novâ & insolitâ visione instruxit, atque in fide suaviter confortavit. Vidit namque inter manus Sacerdotis sibi apparere non speciem panis, sed formam speciosi pueri præ filiis hominum, & nimium stupens ac tremens gratias egit, & Deum benedixit. Sacerdos verò de his nihil sciens, officium Missæ solito more cum benedictione complevit. Non enim propter eum, qui fide & gratiâ plenus erat, hæc ostensa sunt, sed propter infirmum in fide roborandum.

4. Et quia sermo de venerabili Sacramento incidit, adhuc referam consimile factum de quodam Sacerdote in parti-

3. Miracula tria pro confirmatione fidei Eucharistiae. Primum.

4. Secundum.

bus



bus Frisiz sed minus laudabilis vitæ. Si quidem bonæ memoriæ Fratre nostro Alardo narrante cognovi, quod erat cum eo quidam presbyter parvæ scientiæ, & famæ non claræ. Ille, cum Ecclesiam intraret, ut Divina celebraret, honesta quædam matrona, quæ ejus imperitiâ cognovit, cœpit intrâ sede eo suspectè cogitare ac murmurando dicere: Quid tu imperite vis facere, & quomodo tu indigne poteris tam magnnm Sacramentum conficere; Hæc eâ cogitante, presbyter cœpit celebrare, & Divina mysteria tractare & consecrare, Factum est autem dum venerabile Sacramentum ritu Ecclesiastico consecratum elevaretur, & omnis populus hoc flexis genibus fideliter adoraret, matrona supradicta vidit in elevatione apertis oculis figuram hominis Christi, nimium stupida & perplexa. Finitâ Missâ hanc visionem alteri Sacerdoti secretè exposuit, & quid mali de celebrante antea cogitaverit, humiliter confessâ est. Qui diligenter gestæ rei ordinem & visionem examinans, matronæ respondit: Hoc Deus pro tua salute fieri permisit, ne de cætero malè de Sacerdotibus cogites, nec de vera consecratione dubites, licet malæ famæ sint, & indignæ vitæ. Illa hæc audiens, firmam fidem tenuit, & Deo judicium de Sacerdotibus ejus commisit.

5.  
Tertium.

5. Sed non te pigeat aliud iterum miraculum de hoc summæ venerationis sacramento audire. Eo namque tempore, quo monasterium montis sanctæ Agnetis illuc moraturus intravi, quidam devotus Clericus mecum diu in eodem loco habitans, pro quadam causâ ad vicinum monasterium perrexit. Cumque

in itinere esset, junxit se illi quidam secularis, cum eo socialiter vadens, ac familiariter colloquens. Factum est autem dum pariter ambularent, & de Deo conferrent, ait ille secularis Clerico secum comitanti: Dicam tibi amice dilecte, quid mihi in vita mea breviter accidit. Longo sui tempore quod intrans Ecclesiam nunquam potui Sacramentum altaris in manibus Sacerdotis videre. Existimans autem quia nimis remote tunc stare, & præ caligine oculorum non possem bene videre, accessi propius quantum ausus fui & licuit, sed nihil penitus profuit mihi, nihilque inter manus Sacerdotis conspexi. At istud etiam ultra annum mihi evenit, & qua de causa, non satis perpendi. Tandem in me reversus & multum perplexus ad Sacerdotem me contuli, & cuncta ei in confessione denudavi. Ille benignè me audiens, & cautè secreta perquirens, invenit me stare in odio cujusdam proximi mei, cui pro nulla re volui offensam, quâ me offenderat, dimittere. Animadvertens bonus & discretus Confessor culpam malitiæ meæ, increpando & admonendo perdocuit me, asserens periculosè valde fore in tali duritia stare; nec posse aliquando veniam promereri, nisi ex corde dimitterem offensas omnes, atque ideo mihi istud accidere, quia non essem dignus Divinum Sacramentum oculis malignis intueri. Auditis his sacris mōitis acquievi consilio Sacerdotis, & toto corde compunctus remisi ex integro injurias, nolens meipsum de cætero vindicare, quatenus possem Deo reconciliari, & gratiam perditam recuperare. Tunc demum Sacerdos me absolvit,



& impositâ pœnitentiâ abire permisit. His gestis statim ad Ecclesiam intravi, & missam audiui, Deo mihi propitio facto, sacram corpus Christi in manibus Sacerdotis oculis meis clarissimè vidi: & gratias agens, Deum in mirabilibus operibus suis benedixi.

6. 6. Sed ad propositum redeundum, & de felici fine dilecti D. Henrici, aliquid jam tractandum. Nam cujus vita, virtutibus ornata exitit, ejus quoque exitus felicem transitum ex hoc mundo meruit habere. Inter alias virtutes, homo iste pius & devotus, suo superiori humiliter erat subjectus, dans exemplum bonum presbyteris & Clericis, ne se elevent propter sacerdotalem gradum supra juniores. Celebravit aliquoties in festis apud leprosos, de licentia Domini Florentii, ubi eidem tunc ministravi.

7. 7. Quadam vice, cum fratribus perrexerat pro indulgentiis in Arnem, & interrogatus est in via, pro quanto indulgentias suas daret. Qui ait: Libenter darem indulgentias meas pro hac gratia, ut quotiescunque alicui aliqua bona dicerem, quod ille statim converteretur, & suam vita emendaret. Quod audientes fratres mirabiliter ædificati sunt de tam bono responso, ex magno animarum zelo, in corde pio & puro.

8. 8. Igitur anno Domini 1439. cum pestilentia regnaret Zutphaniz, ubi tunc fratres domus Domini Florentii, à Daventria profugi, cum multis alijs devotis morabantur: Dominus Henricus ipsa peste infirmatus est, & ad extrema pervenit, præmium laboris sui à Domino confidenter expectans. Qui ferè à tempore Magistri Gerardi stetit in domo Domini Florentii, per annos cir-

citer 44. Sacerdotio fructus, diutissimè vivens ultra omnes, qui cum eo in primo fervore inceperunt. Sed per omne tempus suum, laboravit in opere scripturæ: quem multoties vidi vasa coquinæ lavantem, & alia humilia opera facientem.

9. Penè nihil scivit, nec voluit loqui nisi de Deo, & salute animarum. Et quod exercuit in vita, continuavit usque ad mortem. Nam omnes horas suas legit usquequò tradidit spiritum. Nec lectionem sacræ scripturæ intermisit in infirmitate sua, consolationem quærens potius in sermonibus Dei, quàm in confabulationibus hominum. Migravit autem ab hoc sæculo piissimus Sacerdos, anno Domini suprâ dicto, in crastino sancti Bartholomæi Apostoli, circa undecimam horam diei, ipso die sancti Gregorii Episcopi Trajectensis. Sepultus est autem in cœmeterio sanctæ Walburgæ Virginis, apud collegium Canonicorum in Zutphania.

F I N I S  
VITÆ HENRICI BRUNE.

VII.

## VITA DOMINI GERARDI ZUTPHANIENSIS.

1. **L**ibet jam devoti & eruditi viri Domini Gerardi de Zutphania virtutes breviter indagare, & pro bono memoriali vitæ ejus exempla atque scriptura futuræ generationi imitanda proponere, qui inter primos fratres & Divinæ legis zelatores meruit præ-



præstantissimus nominari. Et licet breviter  
vixit tempore, gratissima tamen nobis  
reliquit doctrinæ monumenta. Erat enim  
studiosus valde in scripturis sanctis, tra-  
hens etiam ex abditis sententiis docto-  
rum varias aromatum species, contra  
vitiatorum morbos ad sanandam anima-  
rum languores, sicut præcipue pater in  
duobus libellis ab eo editis, quorum  
unus incipit: Homo quidam, & alius  
Bæarus vir intitulatur. Ab infantia nam-  
que & puerilibus annis ad discendum  
inclinatus fuit, ingenio habilis, & ad  
artes avidus liberales, refugiens ex  
animo negotia sæcularia, & quæcun-  
que poterant studium sapientiæ impe-  
dire.

2. Cumque adolevisset bonæ indo-  
lis juvenis, perrexit ad extraneas scho-  
las melius imbuendus, ibique toto co-  
namine satagebat bene frequentare,  
manè diluculo surgere, & ad audien-  
dam lectionem tempestivè properare.  
Omne tempus ad studendum breve ipsi  
videbatur, semper ex ore Magistri aliquid  
uberioris scientiæ capere capienti, quod  
armariolo pectoris sui tenacius infere-  
bat. In tantum animus ejus flagrabat  
in scientia proficere, ut vehementer  
tristaretur quando in scholis non lege-  
batur à magistris. Proinde quandoque  
fletat, quod diebus celebribus lectio  
non fiebat, malè contentus quod dies  
sine fructu lectionis transiret. Longè  
namque distabat ingenua mens ejus à  
segnitie obtusorum, & evagatione las-  
civorum, qui per plateas currentes, lusi-  
bus delectantur infans, exhorrentes  
scholas, & Ecclesiam rarè visitantes.  
Hic verò pensabat ad quid venisset, &  
cur scholæ institutæ essent, idèd acriter

studio incubuit: & tam sapienter profe-  
cit, ut de scholastico discipulo æternæ sa-  
pientiæ discipulus postmodum fieri me-  
reretur. Nam Deo disponente tandem  
ad studium Daventriensē accessit, ibique  
inventis devotis fratribus Domino Flo-  
rentio firmiter adhaesit, & sufficienter jam  
edoctus fragilem mundi statum, pro Chri-  
sti amore & propriâ salute dereliquit.

3. Cœpit itaque conversus diligenter  
emendationi insistere, & in spirituali fer-  
vere profectu, ac mentem suam ob om-  
nium temporalium rerum implicatione  
segregare, & tanquam bonus eremitarius  
cellam diligere, & ad interna exercitia  
se dare, tempus suum studendo & scri-  
bendo expendere, ita ut multi stuperent  
quia rarè visus est egredi, & solatium for-  
is non captare. Habuit autem pro sola-  
tio maximo libros sanctos, & pro spa-  
tamento campi, quæsitivæ sacra palatia  
cœli. Transiens verò ad Ecclesiam, quasi  
sine advertentia hominum pertransivit.  
Cumque interrogaretur, an non impe-  
diretur à transeuntibus sæcularibus, res-  
pondit: Cogito quod grex porcorum il-  
lac transit. Quid ad me de statura ho-  
minum? Sedens in camera sua ita inten-  
tus erat operi suo, scribendo, legendo,  
orando, quod sæpe de tota die non ape-  
ruit fenestram, nec foras respiceret, licet  
aura satis serena fuisset.

4. Dixit ergò ei quidam ex fratribus:  
Cur non aperis fenestram tuam? Tu se-  
des hic quasi in cavea clausus, bonum  
esset quod aliquam respirationem cape-  
res. Respondit homo deditus studio dis-  
ciplinæ: Si possem vacare, & scirem tan-  
tum præcogitare, fortè bonum esset quod  
hoc facerem. Quæsitum est ab eo, quid  
cogitaret, quando ad prandium pulsatum  
esset.



esset. Qui ait: Sicut ad unum, sic ad reliquum opus vado. Penè nihil curabat iste quid comederet, vel quando hora refectiois esset. Et cum necessitas ad comedendum urgeret, magis ad auditionem sacre lectionis, quam ad reficiendum corpus festinavit. Fuit præterea in curius sui corporis, majorem curam gerens de viribus animæ reparandis. Et nisi Dominus Florentius pro ejus necessitatibus sollicitus fuisset, citò seipsum destruxisset, & defecisset. Hinc accidit quod occultum morbum, quem medici fistulam vocant, diu patienter portavit, nolens aliquos secum occupari, nec pro se expensas fieri, sed dolores in corpore pro animæ remedio pati. Verùm ubi Dominus Florentius hoc percepit, medicum advocavit, qui curam ejus gereret donec sanaretur. Erat autem armarius & custos librorum, magnam diligentiam habens pro libris colligendis & scribendis.

5. Et multis Clericis extraneis sacros codices concessit, ut haberent in domibus suis & in scholis lectiones sacras, ad vitandum fabulas otiosas & vagos circuitus in festis, quibus præcipuè admonentur Clerici intendere Divinis. Et dicebat: Isti libri plus prædicant & docent, quam nos dicere possimus. Nam libri sacri sunt animarum nostrarum lumina & solatia, atque vera medicamina vitæ, quibus non minùs in hac peregrinatione carere possumus, quam Ecclesiæ Sacramentis. Diligebat autem sacre Theologiæ libros super omnes divitias mundi, & plus gaudebat de bono codice benè scripto, quam de prandio lauto, & optimi saporis vino. Sciebat enim quod non erunt sapien-

tes, qui delicatis ferculis & potibus delectantur. Qui verò studiis sacris dediti sunt, replebuntur sapientiâ, & cœlestibus secretis merentur admitti. Igitur libros in maxima reverentia habuit, desiderantissimè in eis legit, & sub diligenti custodia eos servavit.

6. Plures etiam Clerici ad eum pro diversis casibus & dubiis solvendis veniebant, & libenter collationes ejus audiebant, quia erat vir eloquens & doctus, & in multis exercitationibus probatus, sciens quid unicuique deberet respondere. Frequenter Dominus Florentius ipsum advocavit pro negotiis domus disponendis, & præcipuè cum eo tractabat de his, quæ juris peritiam requirebant, & spiritualem causam expetere videbantur. Unde si quid grave & arduum occurrisset, hoc declarationi & examini Magistrorum ubi oportuit reservavit, audiens reverenter Doctores, & sequens incunctanter sanctorum auctoritates, dicta sua testimoniis sacris patenter affirmans. Quapropter à sapientibus & literatis viris pro ingenio ipsi collato mirificè laudabatur, sed ipse pro nihilo duxit hominum laudes. Non enim eloquentiæ studuit esse sectator, sed bonæ conscientie observator. Itaque ad intelligentiam scripturarum non tam longa exercitatio studii eum juvit, quam Spiritus sancti informatio, qui intellectum dat parvulis, & mysteria sua revelat mentibus puris. Ad quam sanè puritatem consequendam omne exercitium suum direxit, incutiens timorem Dei noviter conversis, increpans torpentes, & ad mortificationem vitiorum

6.



exhortans in virtutibus proficere cupientes.

7. Si, inquit, negligimus certare contra vitia, prævalebunt passiones, & incidemus laqueos diaboli, qui semper insidiatur profectui nostro. Idcirco laborandum est cum omni diligentia ut viriliter repugnemus, quia corona æternæ gloriæ vincenibus est promissa. Postquam ergo illuminatus iste Sacerdos humiliter & devotè inter fratres cum multa gratia conversatus est, & cum plures libros perlegisset, ante finem vitæ suæ quasi noviter conversus, Speculum Monachorum & Profectus Religiosorum iterum legere cœpit, in quibus spiritum devotionis studuit recolligere, & ad primitivum fervorem se innovare. Nec diu supervixit tali proficiendi zelo accensus, sed memor Domini Luberti defuncti, quem plurimum dilexit, & in cuius obitu lachrymas multas fudit, ipsum in brevi subsequutus est. Nam missus cum fratre Amilio ad Abbatem in Diekeninghe Doctorem decretorum, cum quo sæpius tractare de casibus juris consuevit, revertens de via, Wyndesem venit, ibique pernoctando, infirmatus est usque ad mortem.

8. Cui Amilius inquit: Videtur mihi quod mori properas. Ad quem ille. Hoc etiam videtur mihi. Itaque crescente ægritudine, in nocte sanctæ Barbaræ virginis, quasi somno levi sopitus, spiritum vitæ exhalavit, Anno Domini M. CCC. nonagesimo octavo, ætatis suæ tricesimo primo. Cujus corpus à priore & fratribus digno cum honore in transitu ante fores Ecclesiæ est sepultum. Audiens autem Dominus Flo-

rentius obitum dilecti Domini Gerardi, contristatus est valde, & flevit ipse & omnes fratres ejus cum eo fletu magno, charitate nimia compellente, quia sublatu est ab eis frater charissimus, qui erat columna domus, & altera manus in negotiis pertractandis. Sed benedictus Deus, qui talem virum nobis habere concessit.

## F I N I S

## VITÆ GERARDI ZUTPHANIENSIS.

## VIII.

## V I T A

DOMINI AMILII  
BURENSIS.

1. **N**unc dilecti, & Deo digni Sacerdotis Domini Amilii, habenda est memoria, & huic chartulæ inferenda. Hic quidem successor Reverendi Patris Domini Florentii, in regimine domus extitit secundus, ab ipso familiariter dilectus, & multis virtutum gemmulis insignitus. Fuit namque de partibus Geldriæ in confinio Domini de Buren oriundus, & inter suos progenitores de numero curialium curialis æstimatus.

2. Cumque studii causa se Daven-  
triam applicuisset, ubi studium particu-  
lare tunc satis viguit, tantâ diligentia in  
scholasticis artibus profecit, ut in brevi  
inter primarios unus de doctioribus fie-  
ret, & Magistro propter ingenii subti-  
litate chariùs placeret. Dei autem  
munere factum est, ut tale ingenium  
in



in ſeculari vita non perirer, nec mundi honores per ſcientiam ambiret, ſed omnia tanquam ſtercora refutaret. Præventus ergo cœleſti gratiâ, & ab Altiffimo inſpiratus, acceſſit domum Domini, Florentii, & attractus eſt pietate ſermonum ejus, ſubdens de conſilio Spiritus ſancti per os Reverendi Patris loquentis, qui ei monita dabat ſapientiæ ſalutaris. Igitur poſtpoſitis ſcholis, & amicis carnalibus derelictis, factus eſt humilis frater Chriſti diſcipulus, atque ſuo exemplo multis profuit ad renunciandum ſæculo, & ſerviendum Chriſto. Tradidit autem ſemetipſum ad humillima quæque opera faciendâ, non parcens corpori propter animæ ſuæ ſalutem, nil proprii commodi quærens in præſenti. Sed in virtute ſanctæ obedientiæ graves etiam labores ſubiit pinſendo, braxando, & alia quælibet ſibi commiſſa hilariter & fideliter exequendo.

3. Mirabantur multi, quod in corpore non grandi potuit tam laborioſa exercere, quæ utique in ſæculo non didicit, nec priùs facere conſuevit, & vix aliquis fortior pro temporali lucro perfeciſſet. Sed amor Chriſti & fraternâ charitas valens ad omnia, bonæ voluntati vires miniſtrabat, ut meritum ejus ampliùs creſceret, quo omnibus ferventiùs laborabat. Qui in tantum Deo & fratribus placuit, ut poſt dormitionem Domini Luberti, & Gerardi, ſtatim Sacerdos ordinaretur Domino Florentio adhuc vivente. Cumque primam Miſſam ſuam celebrare deberet, Dominus Florentius ſuperpellicio indutus aſſuit, donec officium ſuum ad honorem Dei perfectè devotèque compleret. Celebravit autem ante ſummam Miſſam ſu-

per altare ſancti Pauli pertinens ad Vicariam Domini Florentii ſatis ſecretè ſine concuſſu populi.

4. Hic itaque pietate præcipuus, & in omni commiſſo verè fidelis, cunctiſque in neceſſitate poſitis conſolativus amicus, tempore peſtilentiali curam geſſit infirmorum, paratus cum fratribus ſuis aut vivere aut mori ex obedientia & charitate fraternâ. Nam Joanni Ketel coco domus & Domino Luberto aſtitit intrepidus, uſque in finem vitæ miniſtrando eis, & aliis multis ſimili morbo detentis. Ipſe quoque poſt multa obſequia fratribus impenſa ægrotare cœpit, ſed Deo miſerante ad conſolationem fratrum reconvaluit, ne triſtitiâ ſuper triſtitiâ haberent. Ab ejus ore multa bona de virtutibus fratrum audivi, quæ in hujus operis libro, ubi opportunitas requirebat, conſcripſi, quamvis relato-rem nominatim non expreſſi.

5. Venit aliquando ad fratres in montem ſanctæ Agnetis, & loquens aliquibus ſibi notis, hortabatur eos permanere in ſancto propoſito Ordinis, ad proficiendum in virtutibus. De cujus bonis moribus & gratioſis verbis valde ædificatus fuit, quia ſerenâ facie & oculis ante ſe fixis, ſtetit ſicut agnus manſuetus aſtantium facies non attendens. Igitur poſt felicem Domini Florentii obitum, qui ipſum ad gubernationem domus deputavit, expletis in bono regimine quatuor annis & menſibus quaſi tribus, obdormivit in Domino in profeſſo Barnabæ Apoſtoli, anno Domini milleſimo quadringenteſimo quarto. Qui ſepultus eſt juxta Dominum Lubertum in cœmiterio ſancti Lebuini ad auſtralem partem Eccleſiæ, non longè à veſtibulo Sacerdotum.

Exber-



*Exhortatio Domini Amilii de mutua  
charitate servanda.*

Stimulus  
acerrimus  
ad ample-  
ctendam  
obedien-  
tiam.

6. **F**ratres charissimi, hucusque semper in unione perseveravimus in charitate mutua, sed jam [ut videtur] recessurus sum à vobis. Propterea, cordialiter affecto, ut unionem quam hucusque ferventer tenuistis, de qua Christo sit laus & gloria, firmiter perseveranterque servetis. Et illi, cui cura domus committitur, per omnia sicut Christo, & sicut mihi hucusque fecistis, charitative obediat, personam ejus non respiciendo, sed Christum in eo. Ideo nolite cogitare illa esse mala vel irrationabilia, vel salutis vestrae contraria, quae vobis praeceperit, quia non ipse, sed Dominus per eum praecipit, ideo propter Christum & sicut Christo ipsi obediat. Ideoque vobis ab ipso praecepta, tanquam sint de caelo edita, complere festinate; quia Dominus non semper vult per seipsum, vel per miracula, vel per Angelos vobis voluntatem suam manifestare; sed ita disposuit, ut per hominem voluntatem suam nosceremus, & homini nobis talia consulenti vel praecipienti sicut sibi obediremus.

7. Ideo quaecunque officia vel praecepta charitativa vobis ab ipso imposita, libenti & hilari animo impleatis, non cogitando illa esse infructuosa, vel devotionis vel etiam salutis impeditiva, quia mille devotiones, respectu humilitatis & subjectionis, quam homo hilariter exhibet, nihil sunt. Ideo si etiam viderentur irrationabilia, & magna inde impedimenta futura & facta, nihil tamen vos judicetis, sed semper humiliter in subjectione nihil judicando perseveretis:

*à Kemp. Vita Amilii Burensis.*

Christum [sicut saepe dixi] & non personam in homine considerantes, quia non propter personam illi subijcimini, sed propter Deum propter aeternam salutem, & profectum vestrum, propter regnum caelorum hoc agitis. Ideo quod coepistis perficite, nihil patrem vestrum judicando, sed eum summè venerando & in omnibus illi humiliter & hilariter obtemperando: non cogitando vos esse tam senes, tam expertos, tam doctos, tam sapientes, quam sit ipse: quia non propter eum vos ei subijcimini, sed propter Christum, & vestri humiliationem & securitatem; ut ad ipsum, quasi ad patrem, semper refugium & consilium habeatis.

8. Quid enim vobis & mihi fratres, nisi quia propter Deum obedistis mihi? Et quid mihi, & D. Florentio, & M. Gerardo, si cum eo fuisset, nisi propter regnum caelorum ei obedisset. Quilibet ergo cogitare debet, quomodo possit se humiliare & subicere, & studeat esse contentus, quodcunque officium sibi injungatur, sive parvum, sive magnum: & non sit sibi sapiens, sed hoc putet sibi melius, quod fuerit ei ordinatum. Et si aliquis vellet habere exceptiones de aliquo officio, dicens in omnibus se velle acquiescere: sed ad hoc vel ad aliud officium non esset deducendus, ego mallem eum expellere de domo, quam tale privilegium ipsi dare. Nam alio tempore, quando ejus propria voluntas aliud vellet, etiam in illo deberet esse rebellis. Sed non cogitet nisi Christum, in quo velit acquiescere. Fratres sumus tanquam membra invicem, & sustineamus non mutuo. Quod si noluerimus facere, citò peribunt res nostrae. Nitamur invicem tenere charitatem & unionem: & quivis

N

nitatur



nitatur conculcari quodammodò sub pedibus alterius, & sic nulla adversitas poterit nocere.

9. Nihil aliud scio, quod dicam vobis, nisi quod Dominus dixit discipulis suis jam ascensurus. Ut diligatis invicem, sicut Christus dilexit vos & oratis pro me. Ego, si venero apud Dominum, faciam, quod potero. Et quia sæpe malè me habui, & vos scandalizavi, peto, ut mihi ignoscatis: quia fui negligens & multis aliis vitiis implicatus, quæ omnia coram vobis paratus essem confiteri, nisi timerem, quod aliqui vestrùm scandalizarentur. His dictis, deposuit capitium suum, petens veniam à fratribus de culpis suis, compunctè & valdè humiliter, & cœpit flere. Quo viso, fratres flexerunt genua, & fleverunt omnes fortiter & amarè. Hæc verba Domini Amilii novissima, pro ædificatione mutux charitatis & pacis sunt dicta.

F I N I S  
VITÆ AMILII BURENSIS.

IX.

VITA DOMINI JACOBI  
DE VIANA.

*De Domino Jacobo de Viana.*

1. **S**Trenuus ac maturus moribus Dominus Jacobus de Viana, magnam gratiam humilitatis, compunctionis & internitatis habuit, sæpè suspirans & lachrymans pro quotidianis defectibus suis, districtè exanimans semetipsum. Etiam illud in se redarguit, quod alius in ipso commendabat, metuens rigidum superni iudicis examen in omni quod agebat, qui non solum aper-

tas negligentias, sed occultas conscientix maculas judicabit. Longè à corde ejus altum sapere de seipso aut velle reputari pro bono, cui omnibus subesse, & minoribus sicut majoribus obsequi complacebat. Erat autem egregius scriptor inter scriptores, diligens ad scripturam & librorum custodiam. Quidam juvenis petiit ab eo informari in spiritali exercitio, qui statim ex humilitate pigrum se fatebatur & miserum, & quod nondum virtutis initium perfectè artigisset, cœpitque quosdam juniores fratres commendare, quam ferventes & intelligentes essent.

2. Aliâ vice idem juvenis multum contristatus retulit ei angustiam cordis sui; desiderans consolationis verbum audire. Qui benignè eum consolans, hortabatur ad patientiam, & ut gratiam Domini humiliter expectaret, quia pius Dominus contritis corde solet adesse, sicut Psalmista dicit: *Secundùm multitudinem dolorum meorum, in corde meo, consolationes tuas latificaverunt animam meam.* Quâ consolatione susceptâ, sæpius tam dulcium verborum postmodum recordabatur, cùm aliquid triste illi occurreret: quia cùm humana consolatio deficit, ad Divinam recurrendum est, & cogitandum, quoniam magni sancti & electi viri etiam gravitates & desolationes quandoque habuerunt.

3. Hic igitur cùm esset laudabilis vitæ, & cuperet in infimo gradu & in simplici clericali statu manere; propter virtutes tamen suas & insigne humilitatis donum de beneplacito Dei & consilio Domini Florentii ac fratrum ejus promotus est sacerdotium. Quod ei tamen valde grave fuit, ita ut acriter fleret cùm



Sacerdotii  
inaugura-  
tio olim  
quàm fuit  
viris piis  
formidata.  
Subjectio-  
nis condi-  
tio quàm  
secura.

fleret eum hoc percepisset, quod ordi-  
nari deberet. Fatebatur enim se esse ni-  
mis indignum ad talem statum, repu-  
tans eos graviter peccasse, qui hoc consi-  
lium dedissent, eò quod inidoneum  
promovere decrevissent. Sed quantò plus  
se deprimebat, tantò amplius Deo & fra-  
tribus placebat, & eò libentius Domi-  
nus Florentius ipsum promovebat. Eo  
siquidem tempore apud devotos sacer-  
dotum rarum erat & pretiosum. Nam  
nisi justus & compulsus pro communi  
utilitate, nemo hoc acceptare audebat,  
quia omnes altiore statum fugiebant,  
& in humiliori loco & officio minori  
manere eligeabant. Unde Dominus Flo-  
rentius, qui erat gemma Sacerdotum,  
fertur aliquando dixisse: Si non essem  
Sacerdos, nec curam aliorum haberem,  
tunc posse me perfecte emendare, quia  
locus superior plures occasiones turba-  
tionum habet, à quibus magis liber est  
bonus subditus, sine cura exteriorum  
vivens.

4. Quodam tempore Dominus Ja-  
cobus volens cogitare de defectibus  
suis, ascendit secretè solarium domus,  
& graviter suspirans culpas suas in tabu-  
la scripsit, ne oblivioni traderetur quod  
confidendum existimavit. Et cum à quo-  
dam interrogaretur de statu domus, ait:  
Si quis nobiscum habitare desiderat,  
oportet quod se humiliet, & omnibus  
minorem se faciat, & talis paradysum  
hic habet & optimè contentatur. Sole-  
bat Dominus Florentius interdum ipsum  
corripere, & ad moderatam compun-  
ctionis gravitatem revocare, ne nimio  
rigore metam discretionis excederet. At  
ille patienter ferens correptionem, mul-  
tum se humiliavit, quia minus discretè

V I A N A.

99

procederet. Fervidus namque spiritus,  
ejus proprias supergressus est vires; sed  
pia ejus intentio eum excusabat, quia  
Deum finaliter quærebat. Incidit autem  
post hæc in corporalem aegritudinem; &  
deficientibus paulatim viribus, ante pa-  
trem suum D. Florentium, in bona con-  
fessione vitam finivit. Anno Domini  
1400. in crastino S. Gregorii Papæ, quem  
speciali devotione dilexit. Sepultus est  
autem cum fratribus suis, in cœmiterio  
majoris Ecclesiæ, apud S. Lebuinum.

E I N I S

VITÆ JACOBI DE VIANA.

X.

V I T A

JOANNIS CACABI,  
VULGO KETEL,  
Qui coquus fuit,

*De Joanne Cacabo, vulgò Ketel, humili  
coquo.*

1. **E**Rat quidam humilis servus Chri-  
sti in domo Domini Florentii Jo-  
annis Ketel nomine, coquinæ  
officio deputatus, qui despectis omnibus  
mundanis, elegit viam sanctæ paupertatis  
in terris, ut æternas divitias cum san-  
ctis possideret in cœlis. Nam per opera  
misericordiæ & charitatis meruit ingres-  
sum perennis felicitatis. Hic dudum opti-  
mè mihi notus cum Daventriæ frequen-  
tarem, tam humilem se exhibuit moribus  
& exemplis, ut contemptum mundi plus  
factis prædicaret quàm verbis. Nec ta-  
mèn fuit inanis ejus sermo, cum de Deo  
loqueretur, quia omnem excellentiam

N 2

tem-



temporalem auditoribus suis persuasit esse spernendam, nec ullum laborem pro Christi amore abhorrendum. Sed quis dignè huius viri loquetur virtutes? Attamen pauca dicere charitas expostulat, ne margarita in agro dominico abscondita diutius lateat, sed pro adificatione plurimorum ad lucem veniat.

2. 2. Huius natalis civitas fuit Duseborch in comitatu de Mareka, non longè à Wesalia juxta Rheni fluminis decursum: cujus mater Christina filium subsecuta diem extremum Daventriæ clausit in domo sororum. Hic itaque primò negotiator extitit in partibus Flandriæ & Hollandiæ, mansionem statuens cum mercatoribus marinis in Dordraeco, sapientiam tamen habuit inspirationem bonam ad serviendum Deo, sed nesciebat qualiter inciperet, aut quâ viâ ad hoc tenderet. Cumque sæculi rebus aliquamdiu prosperè usus fuisset, tandem meliori consilio inspiratus, cogitavit mundi fallaciam & gravem ejus servitutem abjicere, ac velle sacerdotio fungi, ut Deo honestiùs in hoc statu serviret. Hâc igitur occasione postposuit sæculi nundinas, & auditâ famâ devotorum Clericorum in Daventria, venit illuc cum quibusdam boni propositi viris invisere scholas. Et apprehensa aliquanta notitia in Grammatica pro intellectu sacræ Scripturæ, cum vidisset sanctam conversationem Domini Florentii ac fratrum ejus, in alterum mutatus est virum, & ad sæculi renuntiationem accenditur cum multis. Reliquit regulas Alexandri & Donati, & intravit scholam cœlestis exercitii, ut disceret voluntatem Dei in Domo Domini Florentii, ubi plures congregati Christo ser-

viebant in humilitate fundati, & in charitate Divina firmati.

3. Petivit ergò magnâ instantiâ ad serviendum fratribus in coquina, ut quamdiu hic viveret, gratum Deo obsequium in humili statu exhiberet. Post multas itaque preces admissus est ad probationem, & depositis vestibus sæcularibus, indutus est habitu veterano & theristiro lineo, coquinæ ffordibus apto. Plus autem in tali integumento delectatus est, quàm si stolâ sacerdotali fuisset amictus. Et factus est exemplum humilitatis & abjectionis omnibus qui in domo erant, tradens se perfectæ mortificationi pro amore crucifixi. Exiit autem fama bonæ conversationis ejus ad aures extraneorum, & mirabantur multi Magnates, quod dives quondam ille mercator nunc effectus est pauperculus coquus, & humilis frater. Nam qui prius proposuerat per scientiam ascendere ad Ecclesiastici Ordinis dignitatem, postea omnium culmine honoris & cujusvis dignitatis fastu relicto, novissimum quæsit locum, Christum imitando, qui humiliavit semetipsum, formam servi accipiens, discipulis suis ministrando.

4. Præparaverat autem sibi quædam pretiosa ornamenta sacerdotalia, cum adhuc esset sæcularis, quæ aureis imaginibus intexta erant, tam pulchra, ut Cathedralis Episcopus vel Abbas regalis potuisset ea cum honore deferre. Sed spiritu Dei salubriter informatus omnia ista postposuit & abjecit, & vendens aliis casulam cum cappa serica, ipse pannis vilibus, nigrâ tunicâ & griseâ togâ investitus est ad serviendum in coquina. Maximas igitur gratias Deo referebat,



Oecono-  
mus velut  
quidam  
Sacerdos.

ferebat, quod se ad hujusmodi ministerium vocasset, nec cum multis in saeculo perire permisisset. Dixit ergo aliquando cum magna jucunditate cordis ad fratres: Nonne magnus Sacerdos factus sum & Prælatus, qui omni die bis communico fratres: significans in hac parabola, quod tam manè quam vespere prædium eis præparabat, & Christum in singulis fratribus reficiebat.

5. Sape namque inventus est flexis genibus orare circa ignem, & cum olam manu congereret, ore devotè psalabat. Fecit de coquina oratorium, sciens ubique esse Deum, & de igne materiali exitavit spirituales fervorem. Quæ in Ecclesia audiebat cantari, hæc postea inter opera sua dulciter ruminabat. Sicque Deum mente gerens, foris practicavit coquendo, intus verò vacabat cœlestia meditando, nullum tempus infructuosè ducendo, nec interna exercitia sua negligendo. Cibos fratrum tempestivè & sollicitè studuit parare, qui magister coquorum fuit, nil tamen superfluitatis introduxit, sed meliora aliis attribuens, viliora ipse sumebat. Tres sanctos speciali devotione sibi prælegit, sanctum scilicet Alexium, qui in domo paterna diu in peregrino habitu latuit, & multa despectiva à propria familia patienter sustinuit. Item sanctum Franciscum paupertatis amatorem, qui nihil terreni in hoc mundo possidere voluit. Item sanctam Elisabeth viduam, quæ misericordiæ visceribus affluens, omnia pauperibus distribuit, & omnes mundi divitias atque honores tanquam sterora despexit.

6. Semel loquebatur cum socio suo de sancta paupertate, & cum tanto

fervore verba ejus sonabant, quod ex gestu corporis & alteratione vultus, totus videbatur interius inflamminatus. Quodam die sacro cum quidam clerici venissent ad eum de schola, cœpit eis dicere aliqua bona, & inter cætera hæc ait: Bene invenimus in Evangelio scriptum: [Beati pauperes spiritu, quoniam ipsorum est regnum cælorum,] sed nullibi legimus: Beati magistri artium. At illi obstupescerent de novitate verborum, cum multa reverentia ejus verba sumpserunt. Quibus etiam declarabat sententiam suam, quia sine humilitate scientia non prodest, sed paupertate spiritus, id est, humilitate regnum Dei veraciter obtinetur. Nam & humilitas nunc invenit gratiam apud Deum, & vitam æternam in futuro. Erat autem valdè pius & misericors erga pauperes alendos, & præcipuè qui Deo servire cupiebant. Et cum quidam dicerent quod per plateas mendicando parum acquirerent, satis mirabatur, quod multi divites tam tenaces essent, nec pauperibus largiter darent, qui sine magno detrimento sui possent opera misericordiæ exercere, & maxima præmia à Deo recipere.

7. Volens igitur probare quod pauperes dixerant, exiit die quadam sero jam facta in specie pauperis mendicare panem cum socio sibi deputato. Et clamabat ante fores, dicens: Detis cuidam pauperi peregrino aliquid propter Deum, qui libenter esset in Hierusalem. Non signavit Hierusalem terrenam, quæ occidit Christum & Prophetas, sed cœlestem patriam, quam inhabitant cives Sanctorum & Angeli Dei, ad quam suspiravit pauper iste peregrinus Joannes.



corpore interim elongatus à caelesti Hierusaleni, mente verò quotidie tendens ad illam. Audiens hanc vocem clericus quidam intraneus surrexit citò aperire januam, ut sciret quis esset iste peregrinus. Et currens post eum, quæsivit dicens: Quis es tu qui taliter petis? At ille cupiens latere tacuit, sed victus precibus ait: Ego sum. Tunc ex voce ipsum cognoscens, respondit: Es tu Joannes Kerel? Mendicas nunc panem? Unde venit istud? Dixit ergo Joannes: Taceas, ne facias inde plura verba. Est bona & pia causa. Clericus verò rediens in domum narravit domesticis suis dicens: Mirum, mirum quod vidi. Joannes Kerel coquus Domini Florentii ostiatim quærat panem. At illi signo crucis se signantes obstupuerunt, dicentes: Quid jam prætendit ille bonus homo? Et hæc inter se conferentes ædificati sunt exemplo Joannis, & quibusdam secretè recitaverunt quæ gesta sunt. Sed Joannes domum revertens eleemosynarum fragmenta cum magno portavit in coquinam, & ostendit Domino Florentio & fratribus benedictionem sancti panis, quem pro Deo rogavit. Gavisus est autem Dominus Florentius de devotione humilis coqui sui, & ait: Joannes da nobis partem de eleemosyna tua. Qui respondit: Libenter dabo vobis inde comedere, sed volo iterum pauperibus de nostris panibus providere, quia pauperes non debent sua perdere, sed etiam ampliora recipere. Tunc datum est fratribus aliquid de eleemosynis illis in prandio, & Joannes accepit integros panes ex promptuario ad dandum pauperibus pro Deo, sicut ipsi commissum erat, & facta est lætitia magna in domo illa.

8. Quodam tempore exiit manè haurire aquam de flumine juxta portam piscium. Intrans autem in navem cujusdam piscatoris ut aquam mundam hauriret, supervenit piscator, & ait: Quid hic habes agere? Exeas citò de navicula. Tunc ille ferens patienter verba increpantis, omisit haurire aquam, ne hominem offenderet. Videns autem vir ille quòd esset bonus frater, & nihil dicens recederet, misericordia motus est, & ait: Venias huc ad me, & des mihi vasculum tuum. Et haustâ aquâ reddidit ei, dicens: Eas nunc in pace. Qui regratians benefactori suo, reportavit aquam in hydria orans devotè in via, sicut semper facere consuevit, quando pro negotio aliquo exhibat. Sciens Dominus Florentius ipsum esse virum virtutis, & ad tolerandum adversa fortiter animatum, sæpius eum de negligentia redarguit, culpam ipsi imponens ubi culpæ non fuit, volens in hoc patientiam ejus probare, & aliis ad exemplum monstrare.

9. Cum igitur quidam pulsarent ad fenestram coquinæ, & alii ante januam, festinavit Joannes respondere singulis pro necessitatibus opportunis. Et illo huc illuc discurrente pulsavit Dominus Florentius manu sua super mensam, ut illi aliquid apportaret, quasi necessitatem haberet. Quo parum tardante propter occupationes, dixit pius Pater seriò ad coquum suum probandum: Quamdiu sedebo hic de expectando? Ad hæc bonus coquus mansuetè respondit: Adsum charissime, & portabo quod placet. Ignosceas quæso tarditati meæ. Dixit etiam interdum sic ad eum: Quomodo sapit istud sic? nescis melius coquere? Fortè fratres possunt murmurare, quod debent



debent malè coctos cibos tuis comedere. Ille verò patienter increpationem audiens, & negligentem se confitens, libenter, inquit, me emendabo. Cui Dominus Florentius: Sæpè hoc dicis, sed parum proficis.

10. 10. Alia quoque vice transeunte Domino Florentio per coquinam, venit post eum Joannes & flexis genibus traxit simbram vestimenti ejus, veniam petens. Ad quem respiciens ait: Quid est modò: Tunc ille: Ego fudi aliquid ex amphora in cellario. Cui rursus durius respondit: Sic sic destruis res nostras, unam frangendo, & alteram fundendo. Et statim averfa facie clausit ostium coquinæ, dimittens coquum in genibus procumbentem. Qui omnia humiliter sustinens surrexit de terra, nihil conquestus inde quasi injuriam passus, sed sine hæsitatione optimè sensit de Patre sancto, qui eum increpavit pro utilitate sua. His & aliis multis modis probavit eum frequenter Dominus Florentius, quem specialiter utique dilexit, & corde veneratus est propter fidelitatem ejus, & paupertatis amorem, de qua sæpius loquebatur cum eo in coquina. Et quamvis magnæ literaturæ non esset, habuit tamen ingenium bonum ad intelligendum Scripturas, sciens cautè discernere inter vitia & virtutes, & efficacia remedia dare tribulatis & tentatis.

11. 11. Libenter legit in sacro codice tempore sibi vacante à labore, non ut doctior fieret ex scientia instante, sed ferventior in charitate ad opus redderetur. Diligenter advertit ad lectiones in mensa, colligens ex paucis verbis multa: & quod illi denegavit altitudo Latini sermonis, supplevit virtus obedientiæ, &

frequens meditatio beneficiorum Dei. Unde desideranter studuit in vita Domini nostri Jesu Christi, trahens ex eo totius vitæ suæ regulam, & propter ejus amorem amplexatus est infimum statum, & viliorum cibum, atque vestem pauperiorem. Cum legisset aliquando librum Joannis Climaci de perfecta abrenuntiatione sæculi, & mortificatione propriæ voluntatis, protulit exinde sententias spiritu plenas, ut docti viri de hoc mirarentur, quòd tam bonum intellectum illius libri haberet.

12. 12. Ante paucos dies obitus sui, requisitus est ut diceret si quid emendationis dignum in domo sciret, quia fratres libenter se emendare vellent. Tunc respondit fidelis amator pauperum, dicens: In tribus optarem emendationem nostram. Primò ut parcius comederemus, & pauperibus amplius daretur. Secundò, ut meliora ornamenta venderentur, & precium pauperibus largiretur. Tertiò, quia multos libros habemus, ut aliqui venderentur, necessariis retentis, & pauperibus melius subveniretur. His dictis Dominus Florentius congaudens devotioni & miserationi ejus dixit: Joannes, valde bonum est quod dicis. Tempore infirmitatis ejus venerunt quidam pauperes clerici, ut eum visitarent. Quos ille intuens oculis misericordiæ ait: O dilecti pauperes mei, jam de cætero non potero vobis aliquid dare. Commendo vos Deo, ut vobis provideat in bono. Inter plura humilia exercitia hoc in usu habuit, ut omni Sabbatho in memoriam mortis suæ longum linteolum seu kedellum portaret, & in eo coquere tunc consuevit, petens & deside-



desiderans in eodem post mortem sepeliri. Quod & factum est. Nam Matthias de Machinia, qui socius ejus erat, fecit vestem illam lavari, ut in ea sepeliretur sicut desideravit. Igitur multis bonis virtutum fructibus repletus servus Dei Joannes coquus ex hac vita jam migraturus, cepit infra octavam Pentecostes apostemate tactus infirmari, & ad sequentem vitæ transitum se disponere.

13. 13. Cui hoc etiam ad magnum meritum crevit, quod antequam infirmaretur, curam pauperum clericorum & infirmorum ex obedientia & charitate de novo susceperat, cupiens eos visitare, & necessaria sollicitè eis ministrare. Sed præventus est infirmitate, & dulcedine visitationis Christi mirificè consolatus. Nam Dominus Amilius qui ipsi in infirmitate fideliter assistit, & continuè ministravit, quadam die de summo manè ad eum visitandum accessit, & quærens si aliquid veller, de licentiâ ejus Ecclesiam intravit missam auditorus. Qua finita rediit ad infirmam. Cui Joannes: Placet mecum dividere missam in charitate quam audisti. Respondit Amilius: Libenter tecum totum divido & tribuo in charitate, dilecte frater. Ad quem Joannes: Frater mi, Dominus noster Jesus Christus interim me visitare dignatus est. Tunc Amilius hoc audiens, dixit: Quò abiit quæso? Qui respondit: Statim quando aperuisti januam, disparuit. Gavissus est ergo Amilius, & gratias agens Dominum benedixit. Et hæc mihi postmodum enarravit.

14. 14. Tentavit etiam Satanas servum Dei decipere & terrere, ita dicens ad

eum: Recipe bursam tuam fœtide mercator, Existimas tu quòd pecuniâ tuâ possis emere regnum cælorum? Humilis autem Joannes intelligens hostis malitiam, intra se tacitè dixit: Non de me præsumo, sed de misericordia Dei, & in meritis Sanctorum. Sicque inimicus totaliter confusus abcessit, & Joannes divinæ misericordiæ fiducialiter se commisit. Devotus igitur famulus Christi ad orationem intentius se convertit, & inter alia psalmodiæ cantica, hæc verba ruminavit: Dominus solvit compeditos, Dominus illuminat cæcos. Amilius verò sedens ad lectulum ejus aurem apposuit, ut de ore agonizantis aliquid amplius audiret pro bono memoriali, sed præ raucitate infirmæ vocis intelligere non valuit.

15. Tandem diu agonizando, & 15. contra vim mortis desudans, inter devotas fratrum preces qui convenerant, spiritum vitæ exhalavit beato fine in servitio Christi consummato. Anno Domini millesimo trecentesimo nonagesimo octavo, Sabbato quatuor temporum post Pentecosten, die Petronillæ Virginis. Cujus corpusculum reconditum est in cœmiterio apud sanctum Lebninum, ubi & plures fratres post eum defuncti in pace Christi requiescunt, per Christum in novissimo die cum fidelibus cunctis resuscitandi. Sit laus & gloria Christo de tam devoto viro & humili coquo, qui brevi annorum curriculo & labore exiguo sortitus est [ut piè credimus] maxima præmia in cælo, de quo venerabilis Pater Dominus Joannes Huesden Prior in Wyndesen dignum testimonium reddidit, dicens: Utinam cum tali viro & in tali statu mori mihi contigisset.



*Incipit devotum exercitium ejusdem fratris  
Joannis.*

16. **Q**uid retribuam tibi Deus æterne, pro omnibus quæ retribuisti mihi? O dilecte Joannes miserere tui ipsius, & pensa cum magna diligentia & omnibus viribus tuis præteritam vitam tuam, quid fuisti in sæculo, quid adhuc es & quid promeruisti. Cogita inæstimabilem bonitatem dilecti Domini nostri Jesu Christi, quam tibi ultra tam multos homines exhibuit, pensa quàm graviter ultra alios te judicabit, si te non emendaveris. Sta in timore, & cogita quòd ille qui tam benignè tibi pepercit, forsitan diutius parcere nolit.

17. Pone in corde tuo quòd hodie vel ut longissimè cras sis moriturus, & quorsum perges? Væ mihi Deus æterne, quo fugiam à facie iræ tuæ, quia peccata mea existunt super arenam maris? Veruntamen scio verissimè, quod nihil ita tibi displicet sicut desperare, & quod non vis mortem peccatoris, sed pœnitentiam. Dic ergo ad eum in gemitu cordis tui: Aspice in me miserum peccatorem immensa pietas Dei, convertere ad me iniquum hominem patens misericordia. Ecce ego desolatus venio ad omnipotentem, vulneratus curro ad medicum: Serva solitam pietatem tuam, qui tam diu gladium vindictæ suspendisti. Dele numerum iniquitatum mearum, multitudine miserationum tuarum. Multa alia potes etiam cogitare de misericordia Dei, sicut de David, de sancto Petro, & sancto Paulo, de Maria Magdalena, & de publicanis & aliis multis peccatoribus, prout manifestè tota vita Christi patet, quàm misericors ex-  
*à Kemp. Vita Joannis Cacabi.*

titit erga pœnitentes qui ad eum accesserunt: in quibus non ponderavit quam multum peccaverunt, sed quantum amaverunt.

18. Quapropter si ad istam dilectionem debeam pervenire, tunc summè mihi necessarium est, quod respiciam fragilitatem meam, & quòd in veritate sentiam, quòd ex me ipso nihil boni possum, atque incessanter præ oculis habeam magnitudinem Dei & fidelitatem ejus, & mei ipsius parvitatem & infidelitatem ad ipsum, in quibus multa consideranda sunt. Nam si rectè hæc attendo, perducent me ad subjectionem omnium hominum, & ad mei ipsius contemptum, ita ut etiam desiderem contemni. Sed istud oportet veraciter sedula cogitatione exerceri, sapius invocando Dominum, à quo utique venire oportebit. Si igitur ad istam humilitatem & ad hanc dilectionem debeam pervenire, necessarium est mihi ut habeam quotidianum exercitium & regulam, quæ me ad ista perducant. Itaque secundum dicta sanctorum necessarium mihi est præterita peccata mea aspicere, & ea ante oculos semper habere, & multum niti ea ponderare. Et istud valde supprimet me & humiliabit, & defectus fratrum meorum ac aliorum hominum non magnipendam, nec leviter judicabo, sed cum compassione ad meliora traham. Ex hoc expedit mihi ut pro isto laborem, & caveam aliorum facta vel verba curiosè investigare: & utique fugiam detractionem, & si audiero quid, nitar exulare, & seorsum ponere, & abjicere. Multum etiam me juvabit quod considerem virtutes fratrum meorum, de quibus existimo quod major pars nunquam mortale commisit: & e contrario

18.

O

recen-



recenseam magnitudinem peccatorum meorum, atque ita inveniam quod non sum dignus inter eos conversari, nec ipsis servire, sed habeam eos in reverentia, & sperem quod per bona opera eorum & orationes perveniam ad vitam æternam. Est etiam mihi necessarium quod omni tempore præ oculis habeam Dei præsentiam, & quotidie nitar ab intra aliquid boni cogitare in opere meo, & singulariter sequi cupiam illud dignissimum speculum vitam Domini nostri Jesu Christi, ejus humilitatem, ejus pietatem, ejus patientiam, ejus despectionem & paupertatem, & specialiter ejus charitatem: & multum nitar unumquemque hominum sicut Dei imaginem aspicere, & omnia opera mea sic traham quasi Christo faciam, & istud multum alleviabit opus meum, & benevolum me singulis præbebit. Conabor etiam ut orationem meam attentè & sine festinantia legam, & frequenter in labore & opere meo genua mea flectam, & modicum breviter cum attentione orem. Omni matutina tertia hora audiens campanam: surgere debes absque mora, & statim aliquid boni cogitare cum gratiarum actione de misericordia Dei & de tua miseria, & quod Deus ibidem præsens sit, & Angeli, & Sancti: & adverte quid legis, & ad quem loqueris. Flecte genua vel sede honestè sine acedia & reclinatio- ne ad unum vel alterum latus; & ita semper ages dum oras. Finitis matutinis vel primis lege sacram Scripturam: & si sopore deprimeris, modicum ex studio tuo scribe. Quinta hora signata, pertracta si aliquid agere habes in coquina, si nihil ibi agendum putas, claude coquinam, & liga libros: aut si aliquid aliud tibi commissum est, hoc age, donec

tempus sit intrandi coquinam. Dum compulsatur ad missam, incipe legere tertiam flexis genibus in domo usque ad Psalmos, lege consequenter in via cundo ad Ecclesiam quod restat. In Ecclesia sedes rectè super genua tua per totam missam in aliquo angulo, & cogita de vita & passione dilecti Domini nostri Jesu Christi secundum consuetudinem tuam. Finita missa incipe sextam legere in Ecclesia usque ad Psalmos, deinde reliqua cundo per viam. Cum de Ecclesia reversus fueris in coquinam, ora primò modicum, & propone in corde tuo qualiter te velis habere per diem, & in quibus punctis tibi necessarium est te emendare, & ad hoc fortiter conare; habendo præ oculis, ut prædictum est; illud divinum speculum vitæ & morum dilecti Domini nostri Jesu Christi; & quod ipsi ministras & non hominibus. Inter laborem & opus tuum debes sæpè breviter orare flexis genibus cum attentione, & specialiter ad signum campanæ, & quando in Ecclesia pulsatur ad elevationem sacri corporis Domini nostri Jesu Christi. Coge te sæpius aliquid boni cogitare inter laborem tuum, videlicet de beneficiis Dei, de regno cælorum, de judicio, de morte, & quando aliquis pulsat ante coquinam, ut des responsum bonum. Et si habes tempus, stude parum in excepto tuo. Quemcunque de fratribus in domo aut extra domum videris, illorum aspice tanquam Christum, & præcipuè illos, qui curam domus gerunt. Et si aliquid à te desiderant, hoc læta facie citius age. Antequam incipias comedere, lege Benedicite: & aliquid boni inter prandium studeas legere vel meditari: & caveas ne nimis festinan-



ter edas ; & à delicato cibo vel potu ; nec sis diutius quàm fratres in mensa , & citò surge cum aliquis inter prandium pulsat qui mensam ministrat. Facto prandio , debes lectori de calido cibo providere , & sicut fratres habuerunt. Et interim lege gratias , & residua cibaria reponere , & vasa coquinæ singula ad loca sua quanto citius vales. Cum veneris ad cameram prandio completo , statim lege nonam , ac deinde fac opera , & labora usque ad secundum pulsus vespertarum apud fratres minores , nisi aliquid aliud habueris agendum in domo vel foris , & tunc lege vespertas tuas. Et si amplius de tempore habes , cogita vel stude aliquid boni usque dum quarta hora signata sit , & tunc intrabis coquinam parando fratribus cœnam. Cœna autem facta pertractabis de crastino die , quid tunc infirmi & fratres comedere debeant. Et cum res in coquina disposita fuerint , tunc vade ad cameram , & lege completorium tuum , & postea potes studere , & aliquid boni agere donec octava hora signetur. Post octavam horam debes scribere defectus tuos , & cogitare aliquid boni de materia sancta , & orare aliquid cum invocatione Sanctorum , & cum istis ire dormitum circa horam nonam , & niti cum sanctis meditationibus obdormire. Et dum experiretus fueris , cogita statim de materia devota , cum quibus iterum dormire queas. Ante omnia ista debes præponere obedientiam , ita ut quicquid Rectores domus jusserint , vel aliter consulerint quàm ego concepi , statim in illis me relinquere volo , & citò facere quod ipsi desiderant , & niti nullam rem nec ullum opus cum inordinato

amore possidere , & sic facilius me relinquam. Debeo etiam niti ut habeam eos in reverentia & honore qui sunt custodes & procuratores domus , & multum præcavere ne ullam duram cogitationem neque suspicionem super eos acquiram , sed piè & simpliciter facere quod volunt , sine judicando & perscrutando quare hoc vel illud mandent : & habere præ oculis meam simplicitatem , & quòd non sum sapiens , & eorum sapientiam magnam reputare. Et utique ante oculos tenere quod me ipsum eis resignavi in loco Dei , & me ipsum non sum , ad quod tamen me ipsum ex voto non obligavi , sed ex libera , mera voluntate & proposito , quia spero quod mihi salubre sit taliter stare , & non facere secundum meum videre & velle. Et idcirco volo cogitare mecum propter quid , & multum eos rogare ut velint me deprimere. Insuper debeo niti ut in omnibus operibus meis ac verbis & cogitationibus Deum plus timeam quàm homines , ut quicquid facio , hoc purè sit ad honorem Dei , & ad ipsi soli placendum. Et in quacunque re excedo , ut in illa Deum plus formidem offendere , quàm homines. Et utique me custodiam à jactantia & appetitu ostentationis & laudis coram hominibus. Sed & multum nitatur ad silendum , quod me notabiliter juvabit ad multa.

19. Et quòd loquar cum providentia , & interdum legam nnum Ave Maria antequam loquar vel respondeam , nec res magis dicam quàm sint , & caveam dissolutionem & multa verba & sonorosa , specialiter in coquina , & alios de istis studeam admonere , qui horum quicquam fecerint. Et multum niti esse

19.



solus ubicunque possum, & introrsum armatus, & quod utique nunquam sum otiosus, & caveam detractionem loqui vel audire. In officio tibi commissio eris diligens ad custodiendum res bene exterius, & in hoc sis obediens, atque unicuique benignus appareas specialiter cibos infirmorum procurando, & maxime Domini Florentii, qui bene quotidie debilis est & infirmus. Ut omnibus hospitibus sim benevolus recipiendo eos tanquam Christum, sed non multum cum eis loquendo, & ut respiciam bene ad pauperes, & in his tantum agam, quantum mihi est commissum pro posse meo, ita ut habeam eos in reverentia, & exhibeam eis benignitatem: & res mihi commissas bene custodiam.

24.

24. Quando foras exeo pro negotio, ut tunc nitar oculos meos bene custodire, & aliquid boni legere vel cogitare in platea, & quanto citius possum domum revertendo. Sæpe etiam nitar revelare tentationes meas, & ad minus inter octo dies uni de defectibus meis conqueri, & remedium inde accipere, & niti me semper reum dare, & contra nullum arguere. Et si aliquid frango vel negligo, pro illo volo libenter veniam petere. Volo etiam cavere à multa prægustatione cibi sine necessitate & à potatione extra tempus prandii sine licentia superiorum, & ut non faciam aliquid post tergum eorum, quod non auderem facere in eorum præsentia. Multum etiam debeo niti omnia despectiva & humilia opera facere, & Matthiam & Joannem fratres nostros inde revelare ubicunque possum: & habere eos in reverentia: & ostendere me benevolum

ad eos, & promptum ad omne humile opus coadjuvandum.

21.

21. Cavebo me, quod non percipiat à me querimonia de vestibus, de cibis, aut his similibus: sed potius nitar sentire, quod non sum dignus istis, quibus indigeo. Debeo etiam niti studere libris, qui me ad ista adjuvent, & totum studium meum ad ista trahere: & niti moderatè me habere in eundo, stando, sedendo, & in consimilibus. Est etiam mihi utile, ut magna reputem exercitia domus istius, super omnes alias domos: & ut habeam magnum affectum in opere meo in coquina: & magnum propositum in hoc statu mori, & pro nulla re mihi adventura, ab isto velle separari, salva semper obedientia. Et ut in hoc magnam habeam fiduciam, adamantissimum Dominum nostrum, quod omnia peccata mea velit cum isto indulgere mihi, & de omni opere quantumcunque parvo, speciale præmium largiri. Et licet multa alia bona opera sint, quæ majora & sanctiora sunt, quod tamen propterea non discedam ab opere meo: sed firmiter maneam super hoc, & confidam, quod mihi nullum opus salubrius nec utilius est, quam hoc, ad quod me Dominus vocavit. Insuper volo omni die post octavam horam me examinare in omni huiusmodi modo, & videre, in quo amplius excessi, & spero fortiter proponere, de cætero in hoc me utique emendare.

F I N I S

*Vita Joannis Cacabi.*



## XI.

VITA  
ARNOLDI SCHOON-  
HOVEN.

*De Arnoldo Schoonhovia, id est,  
bella curia, devoto clerico.*

I. I. **C**Um Daventriensis Ecclesia Reverendi Patris Domini Florentii floreret presentia, & multi de diversis partibus scholares Daventriam intrarent propter doctrinæ studium, venit illuc quidam de finibus Hollandiæ bonæ naturæ juvenis, expers malitiæ sæcularis. Arnoldus nomine, filius Wyronis viri fidelis & honesti civis Schoonhoviæ civitatis. Hic igitur dum adhuc in domo parentum esset, & scholas cum sodalibus pueris frequentaret, non est secutus itinera ludentium in plateis, sed solitus erat manere Ecclesiam intrare, & ibidem ad singula Altaria orationes & vota sua Deo offerre, tradens cor suum diluculo ad Dominum qui fecit illum. Hæc autem primordia tam devotæ pueritiæ, fuerunt quædam indicia amplioris gratiæ promerendæ in virili ætate. Nam Deo ipsum protegente, à contagione carnis permansit immunis. Ingressus ergo (ut dixi) oppidum Daventriense Magistro Joanne de arbore tunc regente, præsentavit se obtutibus Domini Florentii ab habendum hospitium in domibus devotorum clericorum, quorum non parva multitudo in diversis domibus sub

cura & disciplina devotissimi Patris vivebat, sacris Dominicis obediendo consiliis ac præceptis, & nihilominus scholasticis libris insudando temporibus certis.

2. Cernens itaque Dominus Florentius Arnoldum ad serviendum Deo ferventer affectatum, atque à sæculo totaliter aversum, concessit ei mansionem in antiqua domo sua, ubi plures clerici numero ferè viginti in communi bursa stabant, unam communem mensam & sumptum habentes, & in magna devotione Domino famulantes, inter quos tres erant laici, unus Procurator qui necessaria emebat, alius coquinæ præfuit, tertius vestes sarciebat. Ex illa domo postea quidam ad ordinem Canonicorum regularem transferunt, quidam ad sacerdotalem gradum pervenerunt, fructum alibi facientes de bonis exemplis quæ Daventriæ didicerunt & viderunt.

3. Eodem tempore adjuvante Domino Florentio & consulente, domum illam inhabitare cæpi, & ferè per annum in congregatione illa cum Arnoldo permansi, simul una camerula unoque lecto ambo contenti. Ibi quippe didici scribere, & sacram Scripturam legere, & quæ ad mores spectant, devotosque tractatus audire. Ad sæculi quoque contemptum fortius animabar maximè dulci conversatione fratrum, & pia admonitione Arnoldi quotidie adjutus & instructus. Quicquid tunc scribendo lucrari potui, in sumptus communes tradidi, & quod mihi defuit, larga pietas dilecti Domini mei Florenti pro me persolvit, & paternè in omnibus subvenit.

4. Multa igitur devotionis signa in 4.  
O 3 Arnold.



Arnoldo notavi, quia multum exemplaris & devotus fuit tam in domo quam in scholis, nulli molestus nec amarus, sed omnibus gratus & benignus. Omni manè hora quarta campana signacula dante, statim evigilans alacriter surrexit, & flexis genibus ante lectulum breviter oravit, primitias oris sui Domino fervidè libans. Deinde celeriter se vestiendo ad locum orationis pro matutinis Beatæ Mariæ Virginis & sanctæ Crucis legendis tempestivè processit, non faciens moram aliis, sed cunctos prævenerit satagebat. Ad missam iturus festinavit esse cum primis, flectens humiliter genua circa Altaria audiendo officium missæ cum supplici reverentia, nec cessans ab oratione & meditatione sacra, donec missarum solennia essent ritè finita. Amabat autem locum secretum à turbis remotum, ne impediretur in orando; & tanto ferventius tunc orabat, quo secretius existeret. Fugiebat hominum aspectus, ne in aliquo notaretur esse devotus. Cavebat quoque ne vox sua audiretur foris, quia in privata oratione soli Deo volebat esse apertus. Sed tamen non semper ita latere potuit, quin ardens lampas vel invita foras crepitaret.

5. Accidit ergo aliquoties me ipsi assistente lætanter, ut eo orante caute adverterem quid ageret, atque per illius fervorem ad precandum accensus fui, optans talem devotionis gratiam quandoque sentire, qualem ille ferè quotidie videbatur habere. Nec mirum si devotus in orando fuit, qui sollicitus custos cordis & oris extitit quacunque transisset. Nam & ex magna devotionis dulcedine, sonus jubilationis in ejus gutture audiebatur, quasi cibum suavissimum degu-

stasset, juxta illud Psalmistæ verbum: *Exultationes Dei in gutture eorum*. Sedens in scholis cum pueris non advertit clamores pueriles, sed legente magistro scribebat lecta in papyro, postea reprensens ea per se vel cum socio, fabulas vanas devitans. Non se fudit ad externa, sed lectione firmata modicum legit in pagina sacra, sæpè tacitè orans, aut intimè suspirans, Deum in studio suo præcipuè quærens. Si quid notabile invenisset, hoc assistenti socio charitativè ostendit, vel ad legendum tradidit, sicque verbis sacris & bonis alloquiis multos à scurrilicibus & risibus abstraxit. Festivis diebus complures frequentantes, cujuscunque ætatis vel artis fuissent, secum ad domum Domini Florentii pro audienda collatione duxit, gaudens & sperans de conversione aliquorum. Et Deo inspirante, non est fraudatus à desiderio suo, quia vidit fructum laborum suorum in emendatione morum sæcularium juvenum & seniorum. Sermo ejus & exhortatio non de altis materiis nec de extraneis rebus, sed de vera conversione ad Deum & correctione vitæ sæcularis extitit. Et plus in bona simplicitate oris devoti, quam in subtilitate sermonis Latini profecit.

6. Postquam ergo competenter literatus videbatur, reliquit scholastica, & contulit se plenissimè ad spiritualia studia, domum, parentes, ac patriam suam obliviscens pro vita æterna, promptissimè se subjiciens jugo obedientiæ, & clericorum disciplinæ, secundum laudabiles consuetudines domus antiquæ, à devotissimo Patre Domino Florentio primitus ordinatas. Non magno pere laboravit pro multa scientia habenda, sed pro bona conscientia & puritate cordis



cordis servanda, sciens mundos corde beatos esse, & Deo gratissimè placere. Cœpit autem instare & ferventer rogare, ut in domo Domini Florentii posset habitare cunctis diebus vitæ suæ, non affectans alium statum in toto mundo, quàm talem vitam cum tam devotis & Deo dignis fratribus ducere, sub strenuo magisterio & obedientia Patris summè venerandi. Adhuc enim vivebant in carne quos suprà memoravi dilecti Domini Florentii discipuli & Alumni devotissimi, Dominus Lubertus, Dominus Henricus, Dominus Gerardus, Dominus Amilius, Dominus Jacobus, & Joannes Ketel, cum aliis primitivis fratribus in domo illa plantatis Christi amore ferventibus, & proximis suæ lucis exempla monstrantibus, quorum humili consortio & synceritati vitæ charissimus frater Arnoldus sitiebat copulari, facilem se existimans si cum his Florentigenis cælibem vitam in terra agentibus meretur toto tempore mortalitatis suæ conversari. Illo igitur persistente in prece, distulit Dominus Florentius desiderium ejus exaudire, ut probaretur melius, ita dicens ad eum.

7. 7. Discas bene scribere, & tunc spes erit de te. Quo audito tota diligentia nitebatur scribendi artem addiscere, sæpè vadens ad quendam bonum scriptorem, & petens ab eo plenius informari. Et dixit mihi: O si scirem bene scribere, ut possim citius cum Domino Florentio habitare. Spero quòd benè per gratiam Dei vellem passionem meam vincere, si tantummodo scribere scirem. Et cum hæc audissem, miratus sum probitatem ejus & fervorem, quia omni conamine fatagebat agere quæ Dominus Florentius dixerat. Et ego versa vice cogitavi mecum dicens: Bene vellem addiscere

scribere, si scirem me bene emendare. Verum ipse gratiam Dei specialem habuit, quæ eum ad omne opus bonum instruxit, ut nil ei grave ad obediendum videretur. Quam gratiam exercitiis devotis enutrire, & orationibus sedulis servare conabatur, ne in vacuum gratiam Dei recepisse argueretur. Igitur antequam in codice legeret, vel scribere inciperet, breviter oravit, mentem suam elevans ad Deum; similiter & in fine operis sui fecit, gratias agendo. Exiens domum vel rediens ad cameram, coram imagine Christi genua flexit, & orans atque inclinans ad opus suum accessit.

8. Ad singulas horas cum campana 8. signaret, Ave Maria vel quid simile legit. Cum adhuc scholas frequentaret, si januam Ecclesiæ apertam vidisset, quantum tempus permisit, libenter ante vel post exitum scholæ Ecclesiam intravit, vel ad minus versus Ecclesiam inclinavit. Consuetudines bonas à senioribus impositas sollicitè observabat, nil quamlibet minimum scienter prætermittens. Admonitiones de qualibet re parva sibi intimatas gratanter accepit, studiosè emendare curavit. Omne verbum à superiore suo aut ejus vicario dictum, ita humiliter accepit; quasi ex ore Dei vel alicujus sancti audisset. Sed nec discutere vel dijudicare audebat, aliter interpretando quàm dictum erat. Idcirco magnam pacem intus habuit, & tam Deo quàm hominibus charus fuit, & quasi semper lætus in Domino ad omnia jussa sponte paratus.

9. Ante festivitates Christi & Sancto- 9. rum cum magna intentione ad sacram communionem se studuit præparare, & dice;



dicebat : Jam magnum Festum instat, præparemus nos devotè ad suscipiendum Dominum. Item hodie est Festum istius Sancti, imploremus ferventer ejus suffragium.

10. 10. Loquente quodam juvene cum Domino Florentio devotio vanæ gloriæ, & remedia postulante, supervenit Arnoldus transiens ante illos. Quem videns Dominus Florentius ait juveni: Quid dicis de isto fratre? Habet ipse etiam vanam gloriam? Respondit juvenis: Existimo quoddam non. Cui Dominus Florentius: Bene credo sic esse ut dicis. Postquam ergo ferè per annum affectus Arnoldi protractus esset, & sufficienter probatus, & tamen constans permaneret, & longanimitè expectaret fraternitatem sibi concedi, acquiescens Dominus Florentius petitionibus ejus assumpsit eum dans ei locum inter fratres; quod ei erat latissimum, & de eo maximas gratias Deo referebat. Tunc quasi de novo conversus, & in perfectiorem statum vocatus esset, ita ferventer & humiliter conversari studuit, ut fieret omnibus exemplum virtutis & summæ subjectionis, nil laxans à devotione pristina & consuetudine bona ab antiquioribus domus illius fratribus sibi tradita. Toto corde apprehendit disciplinam, quotidianis renovationibus se exercendo ad virtutes, secundum illud Apostoli; *Renovamini autem spiritu mentis vestræ*. Excussit à se torporem alacer ad vigilandum & orandum, multum diligens ad scribendum, & negligentes bono zelo inductus piè & charitativè admonendo.

*Ephes. 4.*

11. 11. Præter voluntatem Rectoris sui non videbatur alia voluntas in eo vivere, illius facta & dicta magnificando, &

tanquam cælitus emissa humiliter ea amplectendo. Et sic non solum in juventute sua, sed usque ad ultimum vitæ, tanquam innocens puer permansit obediens & subjectus. In vestitu quoque, in sermone & moribus suis humilitatem & verecundiam exhibuit, trahens semper ad meliorem partem si quid insolens vidisset, aut defectuosum percepisset. Infimum locum quærebat non fictè, sed ex animo. Et sicut aliqui gravantur in humiliationibus, sic ipse gravabatur in supportatione humiliationis. Jucundus erat inter fratres sine dissolutione, tamen nec multum loquax, sed ori suo custodiam ponens, & quæ ædificationis erant in medium proferens, multo libentiùs audiens quàm docens. In labore erat fidelis & fervens, & gravabatur si non semper adjuvaret fratres in braxatura, de nocte surgendo. Ante horam scribendi, pennas suas parare solebat, ut eo expeditiùs scriberet, & commune bonum promoveret. Sic nitebatur facta sua ordinare, ne per eum fratres gravarentur, sed potius aliquid utilitatis eis importaret.

12. Studebat ergo quantum potuit, 12. ne fratrum labores comederet, ideoque communia & exteriora opera libenter faciebat. Et quod minus lucrari poterat scribendo, gaudebat suppleri per patrem suum carnalem, qui aliquam summam pecuniarum fratribus annuatim mittere consuevit. Post obitum parentum suorum, hæreditatem ad se devolutam libenter ad communem usum fratrum dedisset, sed morte præventus impeditus fuit. Cum enim proposuisset ad Hollandiam pergere pro dispositione hæreditatis suæ, venit Surphaniam ad fratres suos, qui ibidem tunc moraban-



# ARNOLDI SCHOONHOVIENSIS.

113

bantur, & paucis diebus illic peractis cœpit post festum Philippi & Jacobi infirmari, & sic dilata est itineratio ejus ad patriam, ne fortè alibi à consortio fratrum elongatus consummaretur.

13. 13. Sentiens ergo magis ac magis se infirmari, tamen non multum lecto decubuit: nam ipso die sancti Wyronis Episcopi, qui fuit penultimus dies vitæ ejus, lectulum suum ipse sibi stravit, & in crastino Wyronis, scilicet in die sancti Gengulfi martyris circa horam vespærarum dispositis rebus suis, communicatus est sacro corpore Christi, & etiam inunctus. Sero autem facto cum valdè debilem se sentiret, desideravit fratres ad se pariter convenire, quibus devotè se commendavit, ut fideliter pro eo orarent, & cuidam devotæ Virgini in Schiedam nōmine Lydevvy obitum suum denunciarent, quam aliquando in partibus Hollandiæ visitavit, de qua multa miranda ex longa ejus patientia referuntur, quæ promiserat se oraturam pro eo. His dictis jacuit compos mentis suæ usque ad decimam horam die discedente. Veniens autem ad extremam horam, nullam tristitiam ostendit, sed dixit se paratum esse: & tunc præsentibus fratribus & orantibus tradidit spiritum hora supra dicta, sine magna, ut videbatur, pœna: quia cum devotis fratribus ab adolescentia sua conversatus erat cum bona conscientia, tanquam verus Dei cultor, & devotus Christi amator, in humili statu clericali per annos triginta & unum in congregatione fratrum perseverando. Defunctus est

autem dulcis & amabilis frater anno Domini millesimo quadringentesimo tricesimo, mensis Maji die nono, in civitate Sutphanix terræ Geldrensis, & in cœmeterio beatæ Mariæ Virginis sepultus ad australem partem Ecclesiæ.

## NOVITIUS.

14. CUM istorum virorum vitam audio, cogor vitam meam despicere, quia in istis conspicio quàm longè adhuc à veris virtutibus disto. Attamen mihi proficere spero, quod hæc te narrante percepi, nam intendendo me cordialiter emendare.

## SENIOR.

15. I Deirco ista tibi breviter dixi, ut ad spiritualem fervorem te studeas dare, & in humilibus exercitiis gaudeas conversari. Nec unquam ad aliquam dignitatem vel honoris officium anheles, sed ad omnimodam subjectionem & vitiorum extirpationem labores, ut Deo amplius placere possis, qui humilibus semper dat specialem devotionis gratiam, & post præsentis vitæ laborem bene exercitatis gloriam sempiternam, Amen.

## F I N I S

## VITÆ ARNOLDI SCHOONHOVIENSIS.

*Hactenus de vitis discipulorum D. Florentii.*



## P A R S P R I M A.

*De vita B. Liduvina Virginis.*

Hujus B. Liduvinae Virginis nomen, diverso modo à variis scribitur, nunc Lyda, nunc Lyduvigis, aliquando verò Liduvina dicitur.

*Prologus in vitam B. Liduvina Virginis.*

Religiosis fratribus, Canonicis regularibus monasterii S. Elizabeth prope Brielem, in partibus Zelandiæ constitutis:

Frater N. pauper, peregrinus, orationum vestrarum suffragia humiliter petens.

1. **D**ilectissimi in Christo fratres, cum simus unius ordinis & regula Professores, justum est, ut secundum dictum Apostoli Jacobi, pro invicem oremus, & fidem nostram bonis operibus adornemus, atque charitatis vinculum in vera charitate custodiamus. Scire igitur dignetur fraternitas vestra, quòd rogantibus fratribus vestris, libellum de vita sancta & patientissima Lyduvige Virginis perlegi: & sicut diu desiderastis, eundem breviori ac planiori stylo compositum, vobis nunc ad legendum ex charitate transmittito. Non egre capiat, quòd distuli: nec presumptioni deputetis, quòd feci: quia ad faciendum, consilium venerabilis Prioris vestri accessit, & me animavit. Nam quòd imprimis difficile mihi videbatur Deo juvante, per orationes vestras, tandem ad effectum pervenit.

2. 2. Totam autem materiam libelli, in duas partes distinxi, & singulis partibus

propria capitula pranotavi. Plura etiam de consilio quorundam religiosorum omisi inserere, quæ fortè quibusdam simplicibus, dubitationem aut questionem intricatam, ingerere videbantur. Elegi ergo ex multis, ea potius scribere & colligere, quæ mores instruerent, & humilem imitationem legentibus liquido demonstrarent. Sunt tamen ferè omnia, omni admiratione digna, meam experientiam excedentia, quæ majoribus judicanda committo. Spero autem, quòd vota humilium, Deo magis, & ipsi sancta Virgini grata erunt, & complacerebunt; quam altiora scrutari, & de secretis Dei insipienter fabulari.

3. Nec moveat aliquem, si interdum 3. Lidia, aut Lidevugis, in litera ponitur: quia hoc etiam in aliis Sanctorum gestis invenitur: sicut Agna pro Agnete, Walburga pro Walburge, congrue dicitur. De Lydia in actibus Apostolorum legitur, quam Paulus Apostolus ad fidem convertit, & in ejus domo hospitium habuit. Nostra autem Lydia plures religiosos ad colloquendum de divinis, libenter acceptavit; & ab Angelo sancto edocta, gratiam superna consolationis, tribulatis corde, sapius intimavit.

## FINIS PROLOGI.

## CAPITA PRIMÆ PARTIS

de vita Lidevugis Virginis.

**D**eloco & nativitate Lidevugis Virginis, & probitate parentum ejus.

Cap. 1

De devotione ejus ad imaginem B. Virginis.

2

De



De firmo proposito ejus , in statu virginitatis.	3
De initio infirmitatis ejus , & occasione longa aggritudinis.	4
De sententia cujusdam medici , & miraculoso facto circa eam.	5
De modicitate refectiois ejus , per plures annos.	6
De variis languoribus & doloribus , eam die noctuque torquentibus.	7
De gravitate febrium , & nova molestia in crure ejus.	8
De duritia lectuli ejus , & frigoribus in hyeme perpeffis.	9
De vigiliis ejus , & luctamine contra somnolentiam.	10
De paupertate , & sustinentia patris ejus.	11
De illusione Satana , qui patrem ejus in fossam detruxit.	12
De obitu patris ejus , in profesto Conceptionis B. Mariae Virginis.	13
De obitu Joannis Petri , avi ejus , & de longa continentia ipsius.	14
De obitu Petronilla matris ejus.	15
De statu ejus post mortem matris , & de misericordia in pauperes.	16
De incendio lectuli ejus , quod ipsa una manu absque lesione extinxit.	17
De cineribus in capite jejunii , ab Angelo sibi ministratis.	18
De vino in amphora divinitus procurato.	19
De pecunia pro fratre suo soluta , & in bursa multiplicata.	20
De armo porcino pauperibus dato , & alio divinitus recuperato.	21
De carnibus & pisce , pauperibus missis & multiplicatis.	22
De visione caelestis mensae , Eleemosynis pauperum repleta.	23

\*\*\*

## CAPUT I.

De loco & nativitate Lidevvigis Virginis,  
& de probitate parentum ejus.

1. **I**N Occidentali plaga Hollandiae, 1.  
sitae est civitas quaedam, ab adjacente rivulo Schiedam nuncupata: quam Deus, qui potens & mirabilis est sanctis suis, cujusdam sacrae Virginis adornavit mirabili & inaudita patientia. Haec re & nomine, à passione multa, Lidevvigis rectè est vocitata: quia variis languoribus flagellata, facta est Christo caelesti Sponso suo gratissima. Haec à mundi amatoribus, dum viveret, reputabatur egena & abjecta: sed à conditore caeli, tanquam pretiosa margarita, de marinis fluctibus est electa, & in caelesti regno cum virginibus sanctis summè provecta.

2. Hujus ortus generosus, ex militari prodiit parentela, sed nobilior crevit & splenduit, superveniente in ea Spiritus sancti gratia. Pater ejus Petrus dicebatur, qui licet nobilis esset genere, secundum saeculi dignitatem: tamen Deo piè permittente, ad tantam devenit paupertatem, ut tempore Ducis Wilhelmi, filii Alberti ducis in comitatu Hollandiae, nocturnas vigilias civitatis custodiendo, victum & necessaria vitae quaesitaret: unde se & suam familiam competenter sustentaret. Iste Petrus, cum secundum communem saecularium modum, per aliquot annos, vitam in multis laboribus simpliciter egisset, accepit uxorem nomine Petronillam, magnae probitatis & virtutis foeminam, suo nomini ac generositati congruentem: quae, Deo praestante, multorum filiorum germine floruit: ac Deum timendo, domum



domum suam honestè regere studuit. Hæc octo filios, & unam filiam nomine Lidevvigem, genuit, quam quidam Latini Lidiam nominant; de qua præsens sermo fari gestit, quæ per eam Deus mirabilia, coram multis testibus gessit.

3. 3. Cum igitur mater tantorum filiorum, in partu singulorum magnam difficultatem passa fuisset: in hujus tamen filiaë nativitate nullam ferè sensit gravitatem. Nam in die Palmarum ingressa Ecclesiam, dum sibi tempus pariendi adesse sentiret, cum celeritate domum intravit: & quasi sine magno dolore, infra lectionem Dominicæ passionis, hanc præelectam filiam parturivit, Anno Dominicæ Incarnationis 1380. quintodecimo Kalend. Aprilis, in crastino Gertrudis virginis, tempore Urbani Papæ sexti: anno Pontificatus ejus tertio: præsidente in Episcopatu Trajectensi inferiori, Reverendo Præsule Florentio, tam Clero quàm universæ plebi accepto. Natâ itaque hæc filiâ, in ordine filiorum quinto loco: & in Christi baptismo regenerata, nomen accepit Lidevvigis, sive Lidia, à parentibus sibi inditum: verè decus inter filias hominum, ac pudicitiaë speculum: sed Deo ab æterno disponente, facta est in brevi devota speculatrix Dominicæ passionis, atque Crucifixo conformis, per inulta vulnera corporalis ægritudinis.

## C A P U T II.

*De devotione ejus ad imaginem  
Beatae Virginis.*

1. 1. Cum igitur hæc virgo, septem vel octo annorum esset, inspirante Deo magnam cœpit habere de-

votionem ad imaginem Beatæ Virginis Mariæ, quæ stabat in Ecclesia Sciedamensi. Hanc ferunt cives illius civitatis, miraculosè satis procuratam, & à quodam ejusdem imaginis opifice, dato pretio exiguo emptam. Is enim ad nundinas Antverpiam cupiens pergere, & imaginem ibidem carius vendere: cum navem sumptâ secum imagine intrasset, tantæ ponderositatis imago efficitur, ut viginti aut plures viri naviculam à littore non possent removere. His visis stupefacti nautæ, perpenderunt ex præsentia imaginis, difficultatem abducendæ navis accidisse, & locum mansionis ibidem velle habere. Consilio igitur brevi inito, artifex imaginem civibus vendidit, qui Chorum ei specialem pro reverentia, in Ecclesia deputarunt.

2. Postea verò, quandam colligationem fraternitatis, in memoriam beatæ & gloriosæ Mariæ semper Virginis, multi utriusque sexus oppidani confederati instituerunt. Erat autem hæc imago linea, & tantæ levitatis, quod vir unus eam de facili portare potuisset. Hanc itaque imaginem virgo juvencula fratribus suis duobus frequentibus, prandium ad scholas deferens, antequam domum rediret, Ecclesiam desideranter intrans, visitavit, & eandem per Angelicam salutationem, prout poterat, devotè studuit honorare. Et hoc quidem bonum & laudabile initium, in puerili ætate lucebat: quod majoris gratiæ futuræ, ab annis adolescentiæ ejus, usque ad terminum vitæ, præsagium erat. Cum ergò de moroso reditu, à matre corripere: respondit columba sine felle; Ecclesiam ad salutandam Beatam Vir-



Virginem se intrasse, illamque sibi vicissim arripisse. Quo audito mater ejus, satisfactionem accepit, & benignè contenta, ab ea quievit. Dilecta enim & unica filia erat, & in opere Dei & laude B. Virginis decenter est inventa, nec ob id à sua devotione reprimenda.

## CAPUT III.

*De firmo proposito ejus in statu virginitatis.*

1. **I**RANSACTIS autem infantiae annis, cum pueritiæ ævum ageret, tantâ corporis elegantia & animi industriâ, ac cæteris naturæ donis à Deo ipsi collatis, cœpit pollere, ut cum duodennis esset, à multis in conjugium peteretur. Ad quod, cum eam pater ipsius hortaretur, mater nequaquam propter ignorantiam & puerilem ætatem assensit: sed potius dissuadens, rogavit, ne eam molestaret. Tunc ipsa constanter patri respondit, quod ad hoc, nullo modo posset eam inducere: Imò si alium modum evadendi non inveniret, seipsam ita tractaret, quod nullus eam in matrimonium postularer.

2. Quapropter Dominum quotidie rogabat, ut omnem noxium & carnalem amorem, de corde suo tolleretur: quatenus ipsum solum Deum, ac Dominum suum, puro corde & corpore, diligere posset. Cujus preces & desideria, pius & misericors Deus, qui eam sibi in sponsam ab æterno elegit, incunctanter exaudivit: & mirâ dispensatione providens, in multimoda corporis afflictione, beneplacitum ejus adimplevit, juxta illud verbi sancti sui dictum: Omnem, qui fert fructum, purgabit eum pater meus, ut fructum plus afferat. Terra enim bona erat florem producens pudicitia: sed ne sæculi vanita-

tes aut deliciae carnis violarent sigillum virginitatis, Christus eam circumsepserit spinis & doloribus gravissimis, ut nullis esset apta conjugalibus thoris.

## CAPUT VI.

*De initio infirmitatis ejus, & occasione longæ aegritudinis.*

1. **C**UM igitur quintum decimum annum ageret, ne post greges sodalium sæcularium vagari inciperet, medicus animarum Christus, corporali quâdam infirmitate eam piè, pro salute animæ illius, visitavit & coërcuit, de qua pro parte, postea convaluit. Accidit ergo in fine anni quinti decimi ætatis ejus, circa festum Purificationis Beatæ Mariæ Virginis, ut invitata à sodalibus virginibus, cum eis super glaciem, induta sandaliis graderetur. Ubi una, de consodalibus ejus, cursu rapido super glaciem pergendo, nec gressum fugere valens, Lidiam manu apprehendit, moxque supra fragmenta glaciæ, improvisè ipsa cecidit, & graviter læsa, unam parvam costam dextri lateris sui confregit.

2. Ex qua fractura multa ei commoda provenerunt, & increverunt. Nam primò quidem apostema durum, circa locum costæ contractæ excrevit: pro cuius curatione, licet parentes ejus multa exposuissent, optatam tamen sanitatem ejus consequi non valebant. Cum autem à nemine curari posset, & de loco ad locum, de lecto ad lectum, exigente impetu infirmitatis, frequenter translata fuisset: tandem sexto-decimo ætatis ejus anno, in vigilia S. Joannis Baptistæ, patre ejus accedente, ut eam consolaretur, ipsa de loco, in quo jacebat exiliens supra genua patris sui



incurvata, debilis ruit. In quo saltu apostema ruptum est, & sanies copiose per os ejus, cum vomitu profluxit: cujus occasione in tantum debilitata fuit, quod quasi mortua putabatur.

3. Exinde jam cœpit continuis infirmitatibus laborare, in quibus antequam spiritualia saperet, humanas & corporales consolationes, necessitate urgente, admittebat, licet parum valebant, nec miseriam abstergebant. Primo itaque triennio infirmitatis illius, tempore Paschali pro sacra communione ad Ecclesiam ducebatur vel portabatur: & cum stare vel incedere pedibus non posset, baculo vel scabellulo, domi vel foris serpendo utebatur. Sæpè etiam aquam frigidam de fossa, quamvis turbidam, copiosè bibebat: vel ad ignem veniens, calidam vel tepidam ex ollis infumebat, quam tamen stomacho languente, statim evomebat. Deficiente ergo humano consilio, & indiscreto regimine crecente, corpus tabescebat: sed anima in vase fictili, per occultam gratiam, ad magnum meritum in futuro servabatur: ut in ea compleretur, quod de beato Job legitur: *Ecce satan in manu tua est, veruntamen animam ejus serva.*

CAPUT V.

*De sententia cujusdam medici, & miraculo facto circa eam.*

I. **M**edicus quidam de Delft, Magister Andreas nomine visitans eam, parentibus ejus quasi prophetando prædicebat: quod nullo modo sanitatem obtineret, etiamsi multam summam nobilium Anglicorum pro ea exponerent. Addidit quoque idem industrius Magister, consolando parentes & cognatos; quod talia & tanta superna-

turaliter Deus circa eam esset operaturus, quod pro tanto pondere auri, ad magnitudinem capitis hujus virginis, optaret, quod ipsa filia sua foret: quia de tali sobole, gaudium maximum habere speraret.

2. Contigit autem in supradicto triennio, virgine in lectulo ægra jacente, res satis miraculosa, quam Deus ostendere dignatus est, ad declarationem nominis sui, & ad virginis meritum cognoscendum. Duo viri in civitate, inter se animo concitati, litigare cœperunt; & unus alterum evaginato gladio persequabatur, ut cum percutiendo vulneraret, aut necaret. Alter igitur eorum perterritus, fugere cœpit in domum & cellulam hujus virginis; ut ibi latendo, manus se persequentis evaderet. Quem alius mox insequutus, quærebat à matre ejus Petronilla, utrum domum suam intrasset. Cui illa, volens salvare mendacio suo fugientem, & à sanguine prohibere persequentem, respondit eum non intrasse. At ille incredulus verbis matris, intravit ad abdita virginis ægrotantis. Et cum interrogasset, an cellam ejus intrasset, respondit confidenter sacra virgo, in Deo spem habens, quod sic.

3. Super quo responso mater commota, dedit alapam filię, tanquam prodictionem malitię suę miserię ex incauta locutione superaddidisset. Tunc filia constanter matri respondit: ego propterea veritatem dixi, quia sperabam, quod veritas occultaret ad se fugientem. Quod & factum est, Deo providente. Nam is, qui ad interitum quærebat, ante oculos persequentis stabat, & penitus non videbatur. Recessit ergo omittens persequi fugientem, ignorans ibi adfuisse Dei virtutem. Quo viso, mater ejus fidem filię suę



sua, longè magnificentius sua fidei, immò diffidentia, prætulit; & de cætero ampliori dilectione ad eam afficiebatur, atque benignius infirmitates ejus cepit tolerare.

## CAPUT VI.

*De modicitate refectiois ejus per plures annos.*

1. **P**ost hæc in tantum crescebant, & multiplicabantur infirmitates ejus, ut omnibus viribus corporis destituta, lecto penitus decumberet: ita quod in spatio triginta trium annorum, ante mortem suam, terram non tangeret. Refectio autem ejus, post tres primos annos, usque ad decimum nonum ægritudinis ipsius annum, fuit ex modico & parco, & incredibili satis alimento, pro sustentaculo tam ægerrimæ vitæ humanæ. Interdum modicum fragmentum de pomo, supra ignem calefacto: aliquando parum panis, cum modico sorbello cerevisiæ spumantis: quandoque parum dulcis lactis capiebat. Postquam verò talibus uti non poterat præ debilitate corporis, per annos aliquot usa est in hebdomada, media pinta vini puri, sine admixtione aliqua: quod tamen postea per aliquot annos oportebat cum aqua misceri. Interdum quoque sumebat modicum de speciebus sacchari, vel cinnamomi, vel muscati, vel dactylorum. Sed cum istis amplius uti non poterat, edendo vel sorbendo, solam aquam sumebat, scilicet mediam pinram aquæ molalis in hebdomada, quæ singulari Dei munere, tantam suavitatem ei conferebat, quod omnem vini saporem excedebat: de quo magnas Deo gratias referebat.

2. Eo etiam tempore, hanc gratiam à Deo habuit, quod solo gustu discernebat

inter aquam molæ affluentem & defluentem, quando ex illius haustu, posculum sibi allatum sumpsit. Fuit quoque multis annis [quod amplius mirandum est] ut nullo cibo vel potu corporali, nec somno uteretur, excepto corpore Christi, singulari omnium dolorum suorum remedio, atque solatio suavissimo, præ omnibus cibis sibi sapidissimo.

## CAPUT VII.

*De variis languoribus & doloribus, eam, die noctuque torquentibus.*

1. **C**ompletum est in hac Virgine, quod de B. Job legitur: Nocte os meum doloribus perforatur, & qui comedunt me, non dormiunt, à multitudine eorum, consumitur vestimentum meum. Igitur deficientibus medicorum artibus, & ciborum nutrimentis, languores ejus quotidie augmentabantur in pejus: Jacebatque in lectulo duro virgo miserabiliter afflicta, & corrosa à vermibus: qui de virgineo corpore, ex putrefactione orti, carnes ejus comedebant, & tamen nullus fœtor ex eis procedebat. Isti vermes erant grisei coloris, pleni aquâ griscâ, habentes capita nigra, grossi ad spissitudinem extremæ partis unius fusi, longi ad mensuram parvi articuli digiti humani.

2. Habebat etiam in corpore suo, sanctæ Trinitatis discipula, tria magna foramina, ex quorum uno circa ventrem effluebant quandoque vermes prædicti copiosè. Superponebatur autem huic vulneri emplastrum, de recenti farina tritici cum melle permixtum: ut ex tali confectione & aliis pigmentis, vermes innati sugerent, alias enim ipsam usque ad mortem torquissent. Quando autem hujusmodi emplastra, propter mutatio-



rationem auferebantur, remanebant in eis parvi grisei vermes cum nigris capitibus, nullum de se foetorem exhalantes, sed suavitatem odoris intuentibus exhibentes. Erat itaque virgo eadem, ex diuturno & gravi vulnere, in inferiori parte corporis, putrefacta: & ne sancta ejus viscera penitus effluerent, molli quodam operculo foramen infixum obturabant.

3.

3. Accidit tunc temporis, ut famosus medicus Ducis Hollandiæ, Magister Godefridus de Hagis, cum Margareta Ducissa, ad hanc Virginem causa visitationis veniret, ad perscrutandam causam infirmitatum ejus; quatenus si posset, salubre remedium virgini adhiberet. Qui, prout potuit & decuit, visis quibusdam intestinis viscerum ejus, de corpore extractis, & in pelvi receptis, invenit vermes prædictos ex putrefacta medulla spinæ dorsi ejus effluere, & causari putrefactionem illam judicio naturali, eo quod nullo falso uteretur. Quo facto, videns se non posse ei in aliquo proficere, jussit intestina iterum in ventrem ejus reponi. Diebat quoque idem medicus, in brevi ipsam hydropticam futuram. Incurrit autem hanc hydropticam ferè decem & novem annis ante mortem suam: in quibus nec cibo, nec potu, nec somno utebatur. Et sicut nulla allimenta infumebat, sic nec ulla superflua naturæ egerebat.

4.

4. Circà annum Domini 1412, hæc sacra Dei plantula, longo doloris sarculo perfoßa, ex vehementia infirmitatum suatum, evomuit particulatim pulmonem & hepar cum pluribus intestinis absque tamen aliquo fetore, ut probatum est à multis. Nam qui manibus ea attrectabant, ferè per diem suavitatem

manibus suis adhærere sentiebant: à quarto-decimo anno Domini usque ad vigesimum primum, nullo modo per se ipsam potuit moveri aut verti: & jacebat ipso septennio, & deinceps resupina usque ad mortem: nec quicquam movere poterat in corpore suo, excepto capite, & brachio sinistro cum scapula ejus. Quando autem moveri aut verti solebat in lecto, tunc oportebat corpus ejus circa scapulas, mappa vel leni fascia colligari, alioqui periclitabatur membratim dissolvi.

5.

5. Alias quoque quamplurimas infirmitates patiebatur virgo Christi, flagellis cincta durissimis, quæ non ad perniciem animæ, sed ad majus meritum, sicut beato Job, illi infligebantur: ut postea tantò capaciore atque dignior esset, ad consolationes angelicas & cælestes, quantò angustior & desolator jacebat in terris. Habuit igitur dolores capitis sæpe excessivos usque ad mortem: dolores dentium multiplices, sæpissimè usque ad mortem; febres quoque diversas, usque ad mortem; hydroposim longam, usque ad mortem: in tempore pestilentie, tria apostemata: calculum quoque pergrandem ante mortem, cum quo & mortis debitum solvit. Hæc omnia quamplurimis annis patientissimè pertulit, ut spiritus in æternum salvus fieret, & cum Christo in paradisi delitiis exultaret. Quantò enim corporales ægritudines in ea abundabant, tantò major in ea, fortis ut mors dilectio Dei & proximi augebatur. Nam ex abundantia charitatis, & interni fervoris stimulatione, ausa est quodammodo Dominum provocare, quatenus super eam miseras & dolores multiplicaret. Cujus preces exaudiens Dominus, cum duo apostemata haberet in corpore, tertium addidit in maxilla,

6. De-



6.

6. Denique omnibus generalibus infirmitatibus, quibus homines gravari solent, laboravit: quas mirabili & inaudita patientiâ, pro amore Christi, memor omnium & majorum passionum ejus, piè toleravit. Nulla ferè pars corporis fuit, quæ non aliquâ speciali plagâ doloris contabuit. Siquidem in fronte habuit fracturam, usque ad medium nasi protensam: similiter in labio inferiori & in mento rupturam sanguine coagulâtam, ut ex hoc incommodo vix loqui valeret. Dexter oculus ejus, omnino cæcus erat: sinister verò tam debilis manebat, quod nullo materiali lumine, nec in die neque in noctibus uti poterat: quin etiam ex qualicunque resplendentia luminis, cruciatum sentiebat. Quapropter continuè in tenebris jacebat; & locum lectuli ejus cortina simplex ambiendo obvelabat, ut rarò apertè videretur ab hominibus. Quæ tamen sapissimè videbat Angelum lucis, ad consolationem suæ maximæ tortionis.

## CAPUT VIII.

*De gravitate februm, & nova molestia in crure ejus.*

1.

1. **P**atiebatur hæc rosa Christi, longas febres, & diversas sæpè quartanas, sæpè tertianas, & sæpè quotidianas. Inter quas spinas afflictionum, corpus suum Divinæ merè voluntati & correptioni tradidit cruciandum: cujus nutu omnia ordinabantur ad bonum animæ ejus, & multò melius, quàm aliquis hominum præscire potuit, aut excogitare. Et quidem tertianas febres, per decem & septem annos & amplius sustinebat: quas pro salute & redemptione animarum libenter usque ad mortem, à Kemp. Vita B. Lidwine Virginis,

parata fuit sustinere. Harum februm accessus talis erat. Nam primò habebat indicibilem calorem, quem indicibilis frigiditas sequebatur. Deinde iterum prædictus calor, & postea frigus intensum, redibat: quæ vicissitudo ferè per dimidium annum durabat. Postea verò habebat eandem febrem à contrario: Nam primò cum magno & indicibili frigore, & postea cum valido calore; qui tam diu durabat, donec tempestas penitus cessabat. Cessante autem febre, ita insensibilis permanebat, quod seipsam ignorans, nec audire nec loqui poterat.

2. Cum enim sentiret accessum februm, aptabat se ad exercitia Dominiæ passionis, commendans se & suas passiones passioni illius, in quo omnia amara dulcorantur; qui eam, per excessum mentis, à corporalibus sæpè abstraherat, quod nec se, nec alia quælibet advertibat. Durante verò hac febricitate, rubeam quandam aquam per os emittebat: de qua interrogata, unde talis materia proveniret, cum nec cibum, nec potum sumeret; ita per questionem respondit. Dicite mihi, unde tantus humor in vite provenit, quæ tempore hyemali arida, & quasi mortua apparet? Confortabatur autem valde virgo Christi, in corpore tam debili, ex bona meditatione de Deo assumpta: & multò plus inde reficiebatur, quàm aliquis ex pretiosissimis cibis. Et nisi hominum præsentia, & infirmitates suæ eam impedivissent, non fuisset mirata, si propter abundantiam Divinæ gratiæ, per singulos menses, in corpore ultra capacitatem vasis Hamburgensis carnes enutrisset.

3. Quodam etiam tempore, ante caput jejuni, ludentibus hominibus in pla-

3.



platea circà cellulam ejus, multum de istis vanitibus doluit; oravitque Dominum, ut si ipsi placitum foret de ea; vel si ipse, quæ patiebatur circa eam operaretur, hoc sibi pro novæ ægitudinis signo ostendere dignaretur. Cujus orationes Dominus exaudiens, tradidit ei in uno crure novam molestiæ pœnam. Quo quidem incommodo, usque ad proximum Pascha tam graviter vexata fuit, quod propriæ infirmitatis conscia, non audebat ampliùs petere infirmitatum suarum augmenta. Solebat tamen dicere in quotidianis infirmitatibus suis, quibusdam sibi familiariter astantibus; quod adhuc eas libenter veller sustinere 40. annis, imò & usque ad finem mundi, pro conversione cujuslibet peccatoris: aut pro liberatione cujusque animæ fidelis ex purgatorii pœnis. Licet autem tantis gravabatur infirmitatibus, plenostamen retinebat sensus, ac vivacem rationem & memoriam: ita quod multis de longinquis partibus, consilii gratia, eam visitantibus, solatium tam in spiritualibus, quam etiam in corporalibus necessitatibus, medicinam impenderet. Multas quoque feminas in partu gravatas, piâ compassione, & consilii auxilio, relevabat. Inter hæc dona divinitus concessa non inflabatur, nec de sua in futuro gloria magnificè præsumebat; sed in humilitate cor deprimens, cuncta onera patientissimè in charitate ferebat, & quasi post hanc vitam, purgatorium passura esset, timebat.

4. 4. Tantam autem gratiam apud Deum promeruit, quod S. Angeli vestigia eorum numerabant, qui causa devotionis ipsam visitabant. Quapropter consolabatur se visitantes, qui nonnun-

quam ex itineris lassitudine conquerebantur; quatenus de sua fatigatione non doletent, quia Deus eis præmium bonum pro labore redderet.

## C A P U T IX.

*De duritia lectuli ejus, & frigoribus in hyeme perpeffis.*

1. **D**ominus & Salvator noster, Jesus Christus, S. Joannem Bapt. inter multas virtutes, de aspera veste & abstinencia recommendans, hoc etiam intulit; Qui enim mollibus vestiuntur, in domibus Regum sunt. Hæc autem virgo, non in aula Regis nutrita est, sed in domo paterna, diu variis & gravibus languoribus pressa, modico lectulo de plumis, infirmitate nimia cogente, ad tempus utebatur: non ut carnem per molliem foveret, sed ut naturæ debilitatem, paululum ad serviendum spiritui sustentaret. Sed cum præ multitudine vulnerum, stratum de plumis ferre non posset, eò quod plumæ ex humore indurata, jacentem premerent, ablato lectuli commodo ad tempus super nuda stramina jacuit; etiam per triennium nudo dorso super durum asserem de fundo dolii sumptum, durè quievit. Jacens ergò super vilia stramina virgo pauperula, mendici & pauperis Lazari soror, ulceribus plena: reliquit lectulum suum filio fratris sui ac filia ad quiescendum; qui die noctuque mutuâ charitate, per successum temporis, sibi in necessitatibus serviebant.

2. Circa annum Domini 1408. tam validum frigus toto tempore hyemis per mundum inhorruit, quod longitudine & acerbitate, homines plus solito afflixit: ac herbas terræ, & pisces sub aquis extinxit. In hac durissima hyeme ægerrima Chri-



Christi vernula, vulneribus saucia, ex  
vehementi frigore & nuditate frequen-  
ter in tantum obrigit, ut membra ejus  
nigrescerent, & oculorum lachrymæ  
congelarentur; ita quod videre non  
poterat, nisi igne adhibito resolverentur.  
Sed & alia quamplurima incommoda,  
tunc temporis sustinuit à facie frigoris,  
vix sanis toleranda: quæ, nisi author  
naturæ eam supernaturaliter rexisset &  
præservasset, indubitanter vitam ami-  
sisset. In quibus omnibus, tam multis  
miseriis & indigentis propriis concur-  
rentibus, sicut benigna mater & miseri-  
cors alumna, aliorum pauperum semper  
memor extitit, sibi de necessitatibus  
suis subtrahens, ut illorum egestatibus  
subveniret. Attamen divites hujus sæcu-  
li, qui in delitiis vivunt, & in opibus  
multis ad perniciem animarum suarum  
exultant, ejus penitus obliti sunt, nec  
manus adjutrices ægrotanti pauperulæ  
porrexerunt. Multi etiam ignorantes  
sanctitatem ejus, spreverunt eam, &  
velut amentem reputantes, deniserunt  
mentales raptus illius. Tunc impletum  
est de ea, quod per beatum Job legitur:  
*Deridetur enim iusti simplicitas, & lampas  
contempta apud cogitationes divitum.*

## CAPUT X.

*De vigiliis ejus & luctamine contra  
somnia.*

1. **M**irabile valde, & quasi incredi-  
bile multis videtur, quomodo  
potuit in tot pœnis & miseriis caro infir-  
ma durare, quæ nec cibo, nec potu,  
neque somno tanto tempore fovebatur.  
Sed si virtus Divina attenditur, quæ de  
impossibilibus possibilia facit, omnia  
sufferre virgo potuit in eo, qui eam  
confortavit: quia quod ultra naturam

est, de authore natum est. Testes sunt  
multi Martyres & virgines flammis in-  
jecti, qui Deo disponente & protegen-  
te, non solum in tormentis bene patien-  
tes, sed etiam gaudentes inventi sunt:  
& quod amplius est, inter verbera, gla-  
dios, & ignes, manserunt illæsi. Non  
est ergo abbreviata manus Domini;  
neque brachium omnipotentis invali-  
dum, ad salvandum operantes in se:  
sed in omni loco & tempore, propè est  
Dominus invocantibus, & diligentibus  
eum in veritate.

2. Agnoscat igitur in hac infirma  
famula Dei operata Divinitas, & de-  
sinat diffidere humana imbecillitas: quæ  
dum propriis opinionibus, per rationes  
naturales innititur, in sua investigatione  
plerumque deficit & excecatur. Nec-  
esse est enim naturalia silere, dum Di-  
vina loquuntur: & terrena succumbere,  
cùm cælestia tractantur. Ista igitur vir-  
go jacens diutissimè in lectulo doloris,  
non est oblita sui Creatoris: sed me-  
mor nominis Domini, die ac nocte,  
dedit se ferventer ad sacras meditationes  
& orationes, præcipuè tempore Divini  
officii, & summæ Missæ celebrationis.  
Unde, quàm fortiter contra somno-  
lentiam cettavit & vicit, dignum est di-  
cere, & jucundum audire.

3. Mos multorum hominum esse so-  
let, ut de somnolentia, tempore Divi-  
ni officii, magis tententur, sive ex propria  
fragilitate, sive ex diaboli suggestionem,  
qui semper nititur humanæ salutem, &  
devotis orationibus adversari. Cum  
ergo Christi discipula, docta sæpius  
orare, plus solito sentiret spiritu pigritiæ  
& somnolentiæ, tempore Divini officii,  
se gravari & tentari; licet valde parum  
tunc temporis dormire solebat: graviter  
tamen



tamen super huiusmodi tentatione corporis, intra se doluit, nec ei consentire audebat. Timens ergo confessor ejus, periculum illi imminere, si non dormiret, suavitati ei obtentu salutis, ne amplius sopori resisteret, sed in quacunque festivitate adveniente, quocunque tempore vel horâ ad dormiendum se apertaret.

1. 4. In quadam itaque festivitate paschali, cum eadem tentatio sub Missa graviter eam infestaret, ipsa memor Dei, violentissimè somnolentiæ resistebat, juxta quod scriptum est: Resistite diabolo, & fugiet à vobis. Peractâ igitur unâ hac victoriâ de somnolentiâ, ita contra eam divinitus est roborata, ut de cætero usque ad mortem non dormierit, nec de somnolentia tentata fuerit. Sicut enim Angeli sancti resistendo primæ tentationi superbiæ, in gratia confirmati sunt, & consentientes de cælo projecti: ita huic victoriosæ virgini datum est donum inviolabilis fortitudinis in vigiliis multis, & in plagis supra modum eam affligentibus: quibus probata fuit, sicut aurum probatur in fornace ardenti.

## CAPUT XI.

*De paupertate, & sustentia patris ejus.*

1. 1. **H**Ujus sacræ Virginis pater, Petrus Joannis supra memoratus, licet ad tantam paupertatem venisset, ut vigiliis noctis in civitate custodiendo, vitæ necessaria laboriosè procuraret: tamen ita honestus & conscientiosus fuit, quod in egestate sua volebat eleemosynas filiarum suarum devorare, dicens eas peccata hominum fore. Idcirco voluit & suavitati dilectæ filiarum suarum, ut ipsa oblati pro Deo

uteretur, & in pios expenderet usus. Accidit igitur in illa prædicta valida hyeme, ut ex nocturnis vigiliis, nimio frigore membra ejus stringerentur, & contractionem majoris pedicæ in dextro pede reportaret. In quo quidem casu probitas viri notatur; quia maluit rigorem frigoris potius sustinere, & de labore vigiliarum se sustentare; quàm pauperum eleemosynas consummere. Scriptum est enim: Labores manuum tuarum manducabis: beatus es, & bene tibi erit.

2. Eodem tempore Dux Wilhelmus cum Domina Margareta Ducissa, & multa comitiva, civitatem Sciedamensem intravit: & perceptâ paupertate Petri clarissimi viri, de genere militari, piâ compassione motus, propter reverentiam sanctitatis filiarum ejus, jussit eadem, ut à se fiducialiter peteret, quantum ipsi pro annuis expensis & necessitatibus sufficere æstimaret. Qui simpliciter respondens, duodecim coronatos Franciæ postulavit. Miratus Dux ipse modestiam petentis, jussit ei singulis annis eosdem coronatos dari; asserens etiam se paratum duplicatos tribuere, ne tantæ penuriæ diutius subjaceret. Qui primò quidem fideliter soluti sunt: sed postea tepidiùs ei dati, quia gratia humana citò deficit in donando. Beatus ergo homo, qui thesaurum habet in cælo. Acceptâ autem eleemosynâ à præfato Duce Wilhelmo, Petrus ex beneficio collato non elatus, sed Deo gratus, visitabat sedulò Ecclesiam, devotis orationibus, prout melius poterat, intentus: victu quotidiano ac vestitu moderato, peroptatè contentus.



## CAPUT XII.

*De illusione Satana, qui patrem  
ejus in fossam detruxit.*

1. **C**umque devotus iste Petrus præ senio tantæ debilitatis esset, quod vix incedere valeret, quin levi occasione frequenter cadendo læsus domum rediret, non tamen propter læsuras & lapsus, à visitatione Ecclesiæ abstinuit; sed quasi juvenilem ætatem habens, etiam contra voluntatem filiar suæ, ferventi devotione attractus, templum Dei visitavit. Sollicita enim erat filia sancta, de paterna salute: plus dolens & metuens de ejus periculo, quam de propriæ ægritudinis flagello. Quâdam igitur vice, in vigilia Pentecostes egressus, ut audiret vespertas, obvium habuit diabolum in specie hominis sibi noti apparentis, prout aforis videbatur, qui decipere simplicem volens, invitavit, ut paululùm extra civitatem pariter irent spatiatum, quasi satis tempestivè redirent ad horam vespertinam.

2. Cumque ille ignorans, quod satanas esset, & suadenti consentiret, venerunt simul extrâ portam civitatis, ad locum Damlaen nominatum. Mox dæmon fraudis suæ nequitias aperiens, subito in Petrum irruit, & ipso nec vidente, nec sentiente; in fossam projecit, & disparuit. Ubi cum mergi inciperet, & qui adjuvaret, non adesset: Divinâ providentiâ, quidam aurigarius ei notus, præter consuetudinem suam, eadem viâ cum curru de agro venit, intrare volens civitatem: viditque Petrum in fossa jacentem, & in nullo seipsum juvare valentem. Qui misericordiâ motus statim illum de luto extraxit, & curru suo læsum imponens, in civitatem

salvum revexit. Statimque rumor falsus inopinatè aures cunctorum invasit, quasi Petrus submersus esset, & mortuus. Quæ res aures filiar ejus in tantum contristavit, quod postea eandem vigiliam, ob miseriam patris sui, non sine gravi mœrore recordari poterat. Estimavit enim hostis dolosus, grandem se cladem virgini intulisse, si super dolorem vulnerrum ejus, dolorem patris ejus addidisset. Sed adjutor in tribulationibus Deus, ac mœrentium consolator, in brevi tempore laborem patris convertit in requiem, mœrorem in gaudium, inopiam in divitias cœlestes. Nam per Beatam Virginem consolatus, felici ac celeri fine, de hujus sæculi ærumnis, & diaboli dolis est ereptus.

## CAPUT XIII.

*De obitu Patris ejus, in professo Conceptionis Beata Maria Virginis.*

1. **A**n te paucos dies Conceptionis B. Mariæ Virginis, præcivit devota Virgo Lidia, filia Petri, ex hoc mundo patrem suum migraturum. Dicebat namque se à patre suo secretiùs audivisse, quod B. Virgo Maria, fœdus societatis cum eo inierat; atque spondidisse, quod eum circa hanc festivitatem, de præsentis sæculo vocaret. Quod & ita factum est, sicut prædixit. Præmonuit ergo virgo fidelissima Dominum Joannem Presbyterum, qui ad eam consilii gratiâ advenerat, ut eodem die ad locum in Ouderschic, ad celebrandum iter arriperet, ne in crastina die circa funus paterntum, aliqua negligentia contingeret. Post hæc verba, mors patris in professo Conceptionis B. Virginis subsecuta est, secundum visionem & prophetiam priùs revelatam.

2. Post cujus mortem, cum Virgo 2.  
Q 3 pacer-



paternæ præsentia solatio temporali vi-  
duata, de salute patris fuisset sollicita &  
certificata, perversi dæmones, om-  
nium bonorum inimici, quandoque  
eam in tantum contristaverunt, asseren-  
tes quod patrem ejus secum, in statu  
damnationis haberent. Quapropter  
ipsa inconsolabiliter flere cœpit, quasi  
verum fuisset, quod à dæmonibus au-  
dierat. Unde & à domesticis interro-  
gata, cur in tantum lachrymaretur, re-  
spondit: Ego scio, quod cum patre  
meo valde bene agitur, & tamen dæ-  
mones dicunt, quod sit damnatus. Quâ-  
dam igitur vice cum ab Angelo sancto,  
ad amœna paradisi gaudia duceretur,  
dæmones iter ejus obsidentes, quen-  
dam dæmonem transfiguratum in simi-  
litudinem patris ejus, illudentes & affli-  
gentes, ostendebant ei dicentes: Eja,  
eja, ecce habemus patrem tuum. Tunc  
illa cognoscens factum diabolicum esse  
illusionem vanam non veritatem, dicebat  
non hunc fore patrem suum. Statimque  
illis, ut sumus, evanescentibus, Virgo  
Angelo duce iter suum læta perficiebat.

## C A P U T XIV.

*De obitu Joannis Petri, avi ejus,  
& longa continentia ejusdem.*

1. **N**on est silendum, de probitate  
& continentia Joannis Petri,  
qui fuit avus hujus virginis, & genitor  
patris ejus ad laudem Dei, & dignita-  
tem bonæ propaginis exaltandam. Ille  
igitur Joannes Petri, laudabilis famæ  
& vitæ, post obitum uxoris suæ, plus-  
quam quinquaginta annis, in viduitate  
permanfit, donec ferè nonagenarius  
senesceret. Tantam autem continen-  
tiam & abstinentiam exercuit, ut con-  
juge defunctâ, tanquam solitarius tur-

tur, & castitatis amator, mulierem  
nunquam cognosceret. Insuper pro  
conservatione cœlibis vitæ, bis per heb-  
domadam in pane & aqua jejunavit, &  
semel tantum in hebdomada, domini-  
câ scilicet die, in prandio carnibus ves-  
cebatur.

2. In cujus morte cernens satanas, 2.  
insidiator malignus, quod ei appropin-  
quare non posset; tam magnum tumultum  
in aliis partibus domus suscitavit,  
ut vasa testea frangerentur; absque ta-  
men detrimento & effusione butyri,  
quod in uno vase testeo conservabatur.  
Nec mirum, si fidelissimo famulo Chri-  
sti, diabolus insidiari ac nocere ausus sit,  
qui Christo jejunanti molestias tentatio-  
num intulit; à quo tamen victus & con-  
fusus, abscessit, quia omnipotentem  
fraudentus decipere non valuit. Et  
sicut Angeli sancti, post recessum ten-  
tationis, ad Christum accesserunt; a-  
piè credendum est, animam Joannis  
Petri, ab Angelis custoditam, & ad  
Christum, cui in vita servivit, post  
mortem carnis feliciter esse perdu-  
ctam.

## C A P U T XV.

*De morte Petronilla matris ejus.*

1. **C**ongruum etiam videtur inferere 1.  
paginæ præsentis, obitum no-  
bilis fœminæ Petronillæ, Matris hujus  
virginis sanctæ; atque nobilibus viris,  
legitimo ordine virtutis, fœminam asso-  
ciare. Transactis igitur octo annis, ab  
exordio ægritudinis Lidevigis virginis,  
Mater ejus Petronilla, ægræ filia in  
multis obsequiosa, etiam in ægritudi-  
nem corporis incidit: de qua, sicut  
una ex filiabus Evæ, mortua est. Cum  
igitur morti appropinquaret, & suam  
imper-



## CAPUT XVI.

*De statu ejus post mortem Matris, &  
de misericordia in pauperes.*

imperfectionem attendens, minus ju-  
ste se vixisse conquereretur; p̄tuit à di-  
lecta filia, quam Deo placitam & dile-  
ctam noverat, ut suis meritis & inter-  
cessionibus, sibi defunctæ subveniret.  
Ipsa verò omnem cogitatum suum &  
spem in Domino jactans, dicebat; quod  
libenter vellet mori, in tantum suæ op-  
tioni renuntians, quod noller, quod  
minimus vermiculus pro ea mori deberet.

2. Quo audito, sancta & fidelis filia  
compuncta, & matri cordialiter com-  
passa, hortabatur eam sacris verbis, de  
bonitate Dei confidere: quatenus flagel-  
lum Domini, & mortem cunctis inevi-  
tabilem, patienter ferret. Et ideo pro  
subventionem ejus, libentissimè eidem  
obtulit, & ex integro resignavit, quic-  
quid hucusque boni meritorii in exerci-  
tiis virtutum, in laboribus ac patientiæ  
tolerantia, consecuta fuisset. Hæc cum  
mater ejus audivisset, & gratanter ac-  
cepisset, in Dei misericordia confisa  
Creatoris sui manibus se commendavit.  
Ipsa autem Virgo per omnia Matri suæ  
fidelis, usque ad mortem permanens,  
& quid jam egerit considerans, & qua-  
si omnibus boni operibus prioribus eva-  
cuatam se putans, iterum ad inchoan-  
dam novam pœnitentiam, duro & lato  
se cingulo cilicino accinxit, novum do-  
lorem adjiciens veteri dolori: ut Deus  
propitius sibi fieret, & cuilibet animæ  
fideli. Sed post aliquot annos virgo ac-  
cincta cilicio, propter corporis sui hu-  
mores hydropicos; primo cingulo ex  
vetustate satis corrupto, rursus alio  
novo, & successivè aliis pluribus propter  
attritionem depositis, forti zelo accin-  
gitur, donec cum ultimo ex hac  
vita migraret.

\* \*

1. **P**ost mortem matris, virgo me-  
mor maternæ pietatis, ad sol-  
vendum debitum filialis dilectionis, ta-  
lentum sibi creditum, non fodit in terra:  
sed pauca clenodia argentea, & alia  
qualibet domus utensilia, à matre sibi  
ad usum relicta, propter instantem ne-  
cessitatem minus digno pretio vendidit;  
atque pretium pecuniæ inde sumptum  
tam largituè pauperibus distribuit, quod  
ad extremam paupertatem confocilla-  
trix miserorum deveniret.

2. Illa etiam, quæ à fidelibus in Eleē-  
mosynam recipiebat, tantā hilaritate  
pauperibus trans mittebat, ac si de rebus  
temporalibus nihil curare videretur.  
Proinde ex pecuniis habitis, & pro ne-  
cessitatibus expositis, mittebat diversis  
egentibus, panes, carnes, pisces assos,  
& caseos, atque potum cerevisiæ cum  
amphora, quam pia Mater sibi relique-  
rat; & si quid amplius à Deo sibi con-  
cessum fuerat, fideliter erogabat. Et  
cum hæc per familiares mitteret, ipsa  
interim devotis orationibus vacabat,  
gratias agens bonorum omnium largito-  
ri, qui aliquid sibi in usus pauperum  
concesserat.

## CAPUT XVII.

*De incendio lectuli ejus, quod ipsa  
una manu, absque lesione extinxit.*

1. **Q**uādam vice frater hujus Virgi-  
nis, qui post patrem ejus vigi-  
lias noctis etiam observabat, candelam  
ardentem secus caput lectuli ejus, in al-  
tiori loco anguli posuit, & foras abiit.  
Quæ decidens in stramina, magnam  
partem



partem lectuli combussit, ipsa verò oper-  
tâ facie, devotioni solitâ vacabat.

2. Tandem ad se reversa, apertis  
oculis videns se in medio incendii posi-  
tam, & neminem adesse, qui extin-  
gueret, sinistrâ manu omnem ignem,  
absque læsione manus, Deo juvante ex-  
tinxit; mirantibus cunctis, qui manè  
ingressi ad eam, videbant, quæ facta  
fuerant in unctione lectuli, Virgine illæsa  
manente. Non tamen ipsa tunc tem-  
poris lecto utebatur, sed filii fratris sui  
obsequio ejus dediti: nam ipsa in stra-  
minibus ægra jacebat.

## C A P U T XVIII.

*De cineribus in capite jejunii, ab  
Angelo sibi ministratis.*

1. **S**olebat Virgo devotissima, more  
aliorum Christi fidelium, feriâ  
quartâ in capite jejunii, benedictos ci-  
neres humili reverentiâ de manu Con-  
fessoris sui suscipere: quos ille ab Eccle-  
sia tollens, ad signandum eam, secum  
deferabat. Quodam igitur quadrage-  
simali tempore, instante feriâ quartâ  
die cinerum, Confessor ejus ingressus  
ad eam, interrogavit, an vellet secum  
ab Ecclesia cineres deportare?

2. Respondit Virgo dicens: Potest  
bonum esse, quod ita faciatis: Verun-  
tamen Dominus mihi providit de cineri-  
bus. Angelus enim Domini paulò ante  
apud eam fuerat, & cineribus frontem  
ejus signaverat. Sed ut Confessor ejus  
de his certificaretur, illa apprehensâ  
manu ejus, posuit eam super cineres, ut  
eos tangeret, & ille manifestè sensit sic  
esse. Insuper ut tantæ gratiæ particeps  
fieret, frontem suam fronti ejus, ipsâ  
jubente, permissivè applicavit. Doce-  
bat quoque eam Angelus Domini,

quod suscipientes sacros cineres, cum  
lumine & cruce eos susciperent; scilicet,  
ardentem cereum cum cruce, in dena-  
rio ad altare ferendo; in signum, quod  
semetipfos, cum lumine fidei, per ve-  
ram subjectionem & mortificationem,  
Deo offerrent.

## C A P U T XIX.

*De vino & amphora divinitus procurata*

1. **F**emina quædam paupercula, &  
morbo caduco gravata, ostia-  
tim potum mendicabat. Quam cum  
omnes, præ horrore infirmitatis illius,  
vitarent, & ostia sua clauderent: Virgo  
clemens, & nullum miserum abhorrrens,  
perceptâ calamitate ejus, jussit appro-  
pinqnantem domui suæ, ad se vocari,  
& mendicam introduci. Ingressa igi-  
tur ad Virginem, petiit potum in Elec-  
mosynam. Tum Virgo ægrotâ, com-  
patiens pauperculæ petenti, cum non  
haberet, quod in promptu melius daret,  
jussit ut amphoram vinariam, super asse-  
rem stantem caperet, & potaret. Acci-  
pe (inquit) filia amphoram illam, &  
quod in ea fuerit, ebibe vinum. Quo  
hausto, cum adhuc ampliùs sitibunda  
peteret; respondit Virgo se nescire,  
quicquam liquoris ampliùs in domo fore.  
Sed ne tristis & infatiata recederet, dedit  
ei unum denarium, ut potum venalem  
cum eo emeret.

2. Post hæc vespërâ appropinquantem,  
cœperunt labia Virginis præ siti desiccari.  
Petebat ergo à patre suo adhuc vivente,  
ut modicum vini ad refrigerandam ari-  
ditatem sitis, sibi afferret. Quo re-  
spondente, libenter: cum amphoram  
prædictam tangeret, ut petitionem  
filix perficeret, protinùs se vino per-  
fudit, quod Divino nutu in ea pro-  
cura-



curatum fuit. Sicque pro modico, quod pauperi necessitate gratanter dedit, multum, melius, & largius à Deo recepit. Hæc cum pater filia retulisset, illa admirans, gratias Domino corde tenus egit. Erat autem hoc vinum rubicundum, & ira bene temperatum, quod non indiguit cum aqua illud miscere, quemadmodum in altero vino facere consuevit. Durabat verò hoc vinum à festo Remigii, usque circa festum Conceptionis B. Mariæ Virginis.

3. Quo tempore, intrabat ad eam quædam honesta matrona, nomine Catharina Simonis, quæ solebat ei, ex speciali devotione, vinum procurare. Hæc ignara mysterii, de vino à Deo donato, volens melius & recens afferre, quasi fastidians de nimia vetustate, vini illius remanentis totum effudit: & sic non est amplius usa illâ cœlesti benedictione. Dicebat tamen Virgo prædictæ Catharinæ, amatrici suæ, ante effusionem vini, hoc vinum satis esse conveniens, & sufficere sibi, nec unquam simile prius gustasse. Istud signum gratiæ factum est apud eam, Anno Domini 1412, cum adhuc in hebdomada mediâ pintâ vini uteretur.

## CAPUT XX.

*De pecunia pro fratre suo soluta, & in bursa multiplicata.*

1. **P**ost hæc anno Domini 1423. Frater hujus Virginis Wilhelmus Petri, defunctus est; & reliquit debita quædam, quæ filii ejus persolvere nequibant. Quod cum Virgo clementissima percepisset, venditis clenodiis, ex hæreditate Matris sibi relictis ad octo libras Hollandiæ pretium collegit: & in à Kemp. Vita B. Liduvina Virg.

denarios unius monetæ, quos melius cognoscebat, permutari fecit; ac in bursa penes se collocavit. Quodam igitur die advesperascente, advocavit Nicolaum cognatum suum, secum commorantem, misitque per manum ejus, ad solvendum singulis debitoribus debita fraterna, ubi eos sciebat commorari. Persolutis itaque debitis omnibus, quæ noverat persolvenda, jussit Nicolao, ut bursam inspiceret, siquid in ea remanisset. Qui certissimè respondit, multam pecuniam in ea remanuisse. Mox illa jussit, ut eandem numeraret. Cumque numerasset, dixit: Priores octo libras se invenisse, & adhuc superesse. Tunc prohibuit eum amplius numerare, & gratias agens Deo super mirabili dono ejus, de cætero statuit bursam illam, bursam JESU nominari: & quod ex ea, pauperibus debeant necessaria dari.

2. Ex hac ergo liberaliter agentibus distribuebat, quando alias pecunias non habebat. Si verò interdum aliquas pecunias, vel proprias, vel per eleemosynas susceptas habebat, illas primitus dabat: quando autem alias non habebat, ex hac bursa JESU tam largè erogabat, quòd parum in ea remansit. Providebat tamen omnipotentis Dei misericordia, quod semper ad usum pauperum, omnis sufficientia in ea redundaret: quemadmodum ad verbum Eliæ, Lecithus olei in domo viduæ non deficiebat. Tradidit etiam nonnunquam, alicui ex specialibus amicis suis, hanc pecuniam numerandam: qui cum secundo vel tertio eam numerasset, invenit semper eandem ultra tres, vel quatuor, aut quinque nummos, crevisse. Solutis igitur ex hac bursa Fratris sui de-

R

bitis.



bitis, plusquam quadraginta libras ex eadem distribuit, sicut aliquibus secretissimis amicis suis revelavit. Per hoc autem miraculum, Deus manifestè innotuit, ut firmam fidem computator haberet in donis Dei, quæ circa eam fiebant.

## CAPUT XXI.

*De armo porcino, pauperibus dato, & de alio divinitus recuperato.*

1. **P**la & misericors Virgo Lidewigis, dum quadam vice percepisset aliquos pauperes longo tempore, præ inopia, carnes non manducasse: & quia pro tunc non habebat carnes, quas daret, misit ad domum cuiusdam amici sui, petens ut armum porcinum bulliter, & sibi transmitteret. Quod ille libenter fecit, & transmisit. Ipsa vero carnes paratas & coctas, in partes divisit, & prædictis pauperibus, quos indigentes noverat, sine tardatione destinavit.
2. **S**ed omnipotens & misericors Deus, qui novit corda omnium & nullum bonum relinquit irremuneratum, celerem vicissitudinem reddidit charitati huius benefactoris, etiam in presenti. Nam ingressus domum suam, cum casu sursum, ad carnes pendentes aspiceret, vidit [quod dictu mirabile est] in loco armi ablati, & Virgini pro refectioe pauperum transmissi, alium meliorem & pulchriorem pendentem. Quod multi audientes, gratias omnipotenti Deo retulerunt, & in posterum ad eam magis affectari sunt, libenter tribuentes, quæ Virgo ad esum pauperum, ex lacticiis ab eis postulabat.

## CAPUT XXII.

*De carnibus & pisces pauperibus missis, & multiplicatis.*

1. **S**imiliter contigit tempore quodam in autumno, ut Virgo quartam partem junioris vaccae emptam, in quarta parte vasis faceret saliri: Sed & mediam partem cuiusdam mensuræ pisarum, pro necessitate pauperum procuravit, volens ex his tempore hyemali, quibusdam egenis domi residentibus, subvenire. Cum ergo ex prædictis carnibus misisset ad 6. fere domos egenorum, reversus ad eam nuntius aiebat, se cum admiratione tantum distribuisse, quantum primò in vasa salierat, & adhuc parum diminutum fore. Simili modo de pisces fecerat, quæ & valde parum minorata videbantur. Quo audito, Virgo magnam Dei bonitatem considerans, & gratias agens cœlesti provisorio suo, ait nuntio: O quàm magna est potentia Domini Dei nostri! O quàm merito libenter pauperibus elemosynas dare deberemus! De prædictis autem carnibus & pisces, comedebant etiam omnes, qui in domo ejus erant. In tantum Dominus præfatis cibariis, benedixerat, quòd peracto Pascha, quasi media pars eorum supermanerat.
2. **T**ota autem hyeme, jussit semel aut bis in hebdomada, magnam ollam cum pisces præparari & coqui, & ex ea cum prædictis carnibus, pauperibus distribui: Imitans exemplum Elisæi Prophete, qui filiis Prophetarum, præcepit pulmentarium in olla parari. Rarò autem alicui ex his aliquid mittebat, nisi denarium parvum vel magnum adderet, sitamen eum habere poterat. Sed nec panem



panem dabat, nisi superadderet ali-  
quod ferculum, cum pane suspendum:  
vel pecuniam, ad condimentum cibi e-  
mendum. Et non solum pauperibus, sed  
etiam divitibus, quando petebant, eleē-  
mosynis suis ex charitate subveniebat.  
Longum est dicere per singula, quæ lar-  
ga manu prout habere poterat, infirmis,  
debilibus, viris, ac foeminis puerperis,  
tribuebat.

## CAPUT XXIII.

*De visione cœlestis mense, eleemosynis  
pauperum repleta.*

1. **S**ed quantum placuerunt Deo e-  
leēmosynæ hujus Virginis, cœlesti  
quadam visione revelatum est ei, positæ  
in excessu mentis. Unde cum raperetur  
in Paradisum, videbat frequenter primò  
mensas collocari, ac viridibus & sericis  
mappis operiri: Deinde eleēmosynas  
suas, quasi de cœlestibus depositas, su-  
per mensas easdem reponi, ne tamen  
aliquando minui, sed potius augeri. Po-  
tum verò, quem in amphoris lapideis  
solebat largiri, videbat in amphoris ad  
modum crysalli perlucidis, ibidem præ-  
sentari: Pisces quoque assos, pro nepte  
sua Petronilla defuncta datos, similiter  
apponi.
2. Videbat etiam gloriosum conven-  
tum beatorum, singulos in ordine suo  
per gradus distinctos, quasi causa re-  
fectionis ad mensam, in tempore debito  
procedere: atque Presbyteros calices  
erectos tenere, & cæteros secundum  
dignitatem suam armaturas congruas  
deferre. Se quoque interdum assistere,  
& ministrare; vel vespertibus confidere,  
potum assidentibus & sibi ministrari:  
Omnes autem ineffabili gaudio ac jubilo

repleri, super tanta charitate sibi per eam  
exbita. Si quando in mensis illis nihil  
videbat de sua largitione repræsentari,  
stabat vehementer confusa; quasi sin-  
guli suas particulas apportassent, ipsa au-  
tem nihil intulisset. Unde tam pro gloria  
eleēmosynarum augenda, quam pro con-  
fusione illata, festinabat deinceps eleē-  
mosynas augmentare.

3. Nonnunquam verò Angelus, 3.  
ductor suus, ad quandam separatam &  
speciosam cellam eam ducebat, in qua  
refectionem suam ei ministrabat. Hanc  
refectionem, et ineffabilem sentiebat;  
tamen prout exprimere poterat, cœleste  
quoddam & divinum lumen esse dicebat,  
quo divinitus reficiebatur & inebriaba-  
tur. Interdum etiam precibus ab Ange-  
lo obtinebat, ut aliquem ex familiari-  
bus & dilectis sibi, ad ista sapienda assu-  
mere posset: qui etsi aliquid tale in som-  
nis speculando sentirent circa se arctitari,  
longè tamen alio, & inferiori modo,  
quàm circa ipsam, talia fiebant.

*Finis prima partis libri.*

## PARS SECUNDA.

Capita partis secundæ  
eiusdem libri.

- D**E initio spiritualium consolationum  
ejus, per recordationem Domi-  
nica Passionis. Cap. 1
- De raptu ejus in terram sanctam, & ad  
sacra loca urbis Romane. 2
- De mirabili claritate & suavitate intra  
cellam ejus apparentibus. 3
- De visione in nocte Dominica Nativitatis,  
& ubertate lactis in uberibus ejus. 4
- R 2 De



- De Virga cypressina, quam ei angelus attulit de Paradiso. 5
- De privatione Angelica claritatis, ob præsentiam alterius in cella ejus latentis. 6
- De raptu ejus ad loca purgatorii, & ad gaudia Paradisi: unde sertum à Beata Virgine sibi datum, reportavit. 7
- De corona gloriosa sibi preparata, propter vituperia & vulnera, à Picardis sibi inflicta. 8
- De patientia & morte Petronille, neptis hujus Virginis. 9
- De subtractione consolationis divine, quam Virgo incurrebat, ob tristitiam neptis defunctæ. 10
- De devoto juvene Gerardo Eremita facto, & peregrinis eum visitantibus. 11
- De felici obitu Domini Wernboldi, Presbyteri, hujus Virginis fidelis amici. 12
- De diversis raptibus ejus, & cognitione de statu quorundam Religiosorum. 13
- De apparitione & cognitione Angelica claritatis, circa eam. 14
- De mirabili modo interna commotionis, ante raptum Spiritus ejus. 15
- De Spiritu prophetia ejus, quo multa secreta aliis revelavit. 16
- De quodam sacrista defuncto, & aliis pluribus defunctis. 17
- De cautelam circumspeditione ejus, circa revelationem statuum defunctorum. 18
- De tentatione cujusdam viri, consilio Virginis, à laqueo diaboli liberati. 19
- De semina meritis B. Maria Virginis, à fovea desperationis liberata. 20
- De gratia magne compunctionis, & largæ effusione lachrymarum, in communicatione Corporis Christi. 21
- De insatiabili desiderio ejus ad communicandum sapius, & apparitione pueri crucifixi. 22
- De febre Balduini pueri, & Domini Joannis Confessoris ejus. 23
- De dolore calculi ejus, & præscientia ante diem obitus sui. 24
- De gratia in nocte Paschali, & prophetia mortis ejus. 25
- De felici obitu ejus, & doloribus in extremis. 26
- De mirabili dispositione brachiorum ejus, & involutione corporis. 27
- De mirabili decore, & aspectu vultus ejus. 28
- De concursu visitantium corpus ejus defunctum. 29
- De maculis, quas contraxit, ex contactu immundorum hominum. 30
- De reverenda sepultura ejus. 31
- De miraculis post mortem ejus. 32
- Narratio trium miraculorum. 33.

## PROLOGUS PARTIS SECUNDÆ.

De vita ejusdem Virginis.

1. **D**ictis sub brevitate, de multis infirmitatibus & doloribus hujus Virginis, necnon de gratiosis misericordiarum ejus operibus, & miraculosis quibusdam gestis, ad laudem Dei omnipotentis: nunc etiam consequenter, de spiritualibus donis ejus, & divinis consolationibus, ac frequentibus raptibus, pauca dicenda sunt, & ad edificationem religiosorum humiliter propalanda.

## CAPUT I.

De initio spiritualium consolationum ejus, per recordationem Dominice Passionis.

1. **S**icut olim per ora sanctorum Prophetarum, locutus est Deus secreta



ereta sua, ad consolationem electorum suorum : ita & modò loquitur eis, per scripta Doctorum, & exempla bonorum : ne fortè diversis mundi tribulationibus agitari, aut flagellis percussi, deficiant à spe & expectatione futurorum gaudiorum. Ait namque sanctus David, (cui Deus occulta sapientiæ suæ revelavit) quòd frequenter consolationes Dei, inter multa adversa acceperit : Secundum multitudinem, inquit, dolorum meorum in corde meo, consolationes tuæ lætificaverunt animam meam. Hujus scripturæ sententiam, Deus veraciter & apertè, in hac sacra Virgine implevit ad literam : quam primò variis doloribus, & amaritudinibus inebrians, purgavit : sed postmodum inter multas vulnerum plagas eam visitans, multiplices ei consolationes infudit & lætificavit.

2. Ut ergò anteriora quædam repperam, transactis tribus aut quatuor circiter annis, ab exordio infirmitatum ejus, Virgo Liduvigis, Divinæ adhuc disciplinæ impatiens, & necdum Deo spontè subjecta, à quo tamen nihil sit in terra sine causa : Cum videret consodales suas se visitantes, sanas, & lætas, & semetipsam graviter languere : optavit cum cæteris magis corporis salutem, quàm animæ beatitudinem per patientiæ virtutem. Et quia necdum spiritualia sapiebat, & quid Deo magis acceptum erat, ignorabat : idcirco nonnunquam murmurabat, & super doloribus suis multum dolebat : atque tam amarissimè flebat, quod nullius consolationem admittebat. Ingressus ergò ad eam Dominus Joannes Pot Confessor ejus, qui binâ vice in anno eam communicare so-

lebat, nitebatur ipsam consolationibus suis inducere, ut ab hujusmodi fletibus se temperaret, & modum doloribus suis imponeret. Unde suasit ei benevolâ exhortatione, ut Divinæ voluntati se traderet & conformaret ; atque in Dominica Passione meditando se exercitaret, spondens, quod eâ mediante & juvante faciliter consolationem bonam susceperet. Quærens igitur modum hujus sanctæ exercitationis, & accepto à Sacerdote modo salutiferæ meditationis ; cum se in eadem, secundum traditam sibi formulam, exercere vellet, nec statim ex ea mel de petra fluere sentiret, neque farinam propheticam ibi inesse gustaret ; quasi amarum absinthium, fastidio irruente, quod in corde acceperat, & nondum radicitus fixerat, citò abiecit.

3. Sed dum idem Sacerdos ampliùs instaret, & fortius hortaretur, ut violentiam sibi inferret, & in inceptis perseveraret, atque fastidium pio conamine vinceret ; illa optimis consiliis instructa, Sacerdotis sui monitis, facillè consensit. Tandemque per violentiam, inducta bona consuetudo, de Deo meditandi, tantam ei suavitatem successu temporis (aspirante supernâ gratiâ) generavit, quod perfectè se abnegando, liberè dicebat : Quia si posset per unam salutationem Angelicam, plenam corporis salutem recuperare, non tamen hoc faceret, nec optaret. Verè hæc fuit mutatio dexteræ excelsi, qui manum misit inopi, & diu languentem consolatus est per noctes in lectulo doloris sui. Siquidem attracta & allecta Dominicæ Passionis suavitate occurrâ, historiam ejusdem sacratissimæ Passionis in septem partes, secundum numerum septem



horarum canonicatum divisam, die noctuque statutis temporibus percogitando, ruminabat, & absconditum manna in ea reperiens tantæ suavitatis gaudio replebatur, ut jam non ipsa, sed Christus, cujus Passionem recogitabat, sustinere videretur, quæ hæcenus ipsa in corpore pati videbatur. Poterat tunc planè per experientiam à spiritu docta, cum Isaia dicere: Verè tu es Deus absconditus. Et iterum exclamare: Anima mea desideravit te in nocte, sed & spiritu meo, in præcordiis meis, de mane vigilabo ad te.

CAPUT II.

*De raptu ejus in terram sanctam, & ad sacra loca Urbis Romanæ.*

I. **C**uin ergo Virgo ægrota, in exercitiis Dominicæ Passionis, quotidie seriò se occuparet, quandoque ab Angelo sancto, ad loca Terræ sanctæ rapiebatur: in quibus Salvator noster nascendo, conversando, & patiendo, sacramenta humanæ salutis operatus est. Cum igitur in monte Calvariæ, ubi Dominus crucifixus est; vel ad alia sancta loca, ad oscula Dominicæ crucis, aut vulnorum ejus esset admissa, & pro refocillatione tribulationum suarum suggeret mel de Petra, oleumque de saxo durissimo, pervenissetque ad amplexus pedum crucifixorum, & ad expirationem Sponsi sui ex amore crucifixi: tunc etiam exemplo illius quem quæsit & amavit, in manibus ejus Spiritum suum commendavit. Et licet frequenter à vulneribus carnis, ad penetranda abyssalia foramina divinitatis, per raptum contemplationis transiret: ita ut per abundantiam spiritualium charismatum & dulcedi-

num, à sensu corporalium pœnarum deficeret: tantis tamen novis infirmitatibus quandoque flagellabatur, ut etiam ab illis Dominicæ Crucis ac vulnorum ejus dulcibus osculis reversa, in labiis oris sui, quædam ulcera sibi impressa, reportaret. Quod quidem, Deo dispensante, factum est, ut non solum secundum multitudinem dolorum in corde suo, divinæ consolationes animam ejus lætificarent interius: sed etiam secundum multitudinem divinarum consolationum, tribulationes ejus & flagella repente suborta, contristarent eam, & humiliarent exteriùs: ut ex iis, quæ à Deo acceperat, & quæ à seipso haberet, per vices contrarias, patenter & frequenter tentata, cognosceret.

2. Tunc denique ad eam Angelus ait: Hæc ulcera in corde tuo propterea suscepisti, ut te scias etiam in corpore foreraptam. Alia quoque vice, cum supradicta amœnissima loca transiret, & prælubricitate viæ gressum figere non valeret, lapsum quandam in dextro pede, se corporaliter tenuisse, ac pœnam in ipso lapsum, & divaricatione ejusdem pedis, traxisse dicebat. Nam de illa læsione tantam inflammationem, ac denigrationem, & dolorem in exteriori talo pedis reportavit, quod etiam pluribus diebus inde torqueretur.

3. Simili modo quadam vice, ad sacra loca urbis Romanæ, rapta fuit. Cumque inter quasdam Ecclesias principales ambularet, & inter arbuta & spineta, brachiis hinc inde protensis, incederet, ex eisdem arbutulis spinam in digitis suscepit & reportavit: de cujus incommodo, sicut de aliis infirmitatibus, ferè per biduum non modicum ladebatur. Propter



Propter has igitur corporales læſuras, quas ſic reportavit, ſolita erat occidere ſecundum verbum Angelī, quod putabat ſe etiam in corpore raptam fuiſſe.

4. 4. Sed qualiter iſtiusmodi corporales raptus fiebant, novit Angelus ipſe, qui eam ducebat, & de iſtiusmodi testimonium perhibebat. Interdum Salvator noſter, Jeſus Chriſtus, cœleſtibus agminibus vallatus, ingreſſus cellulam ejus, quaſi cum principibus ſuis, ad menſam ſe collocavit; ac circa lectulum ejus ordinate ſedentes, cœleſtibus eam epulis copioſiſſime reſecerunt. Et quid mirum, ſi corporali cibo non eguit, quæ jam divinis pabulis, cum Angelis nutriebatur; ſicut Salvator ipſe, diabolo tentanti ſe, de pane reſpondit: Scriptum eſt, non in ſolo pane vivit homo: ſed in omni verbo, quod procedit de ore Dei.

## CAPUT III.

*De mirabili claritate & ſuavitate intra cellam ejus apparentibus.*

1. 1. **E**Xcepta mentali ejus illuſtratione, quam magni literati & religioſi viri, in ſpiritualibus ſtudiis eruditi, qui cum ea ſæpè loquebantur, & ipſam non intelligentes vehementer mirati ſunt: tanta ſæpius, die ac nocte, claritate divina, cum ab Angelo viſitaretur, vel à ſupernorum contemplatione reverteretur, reperta eſt à condomeſticis ſuis circumluſtrari, quod viſa claritate, præ nimio timore perculſi, non audebant eidem appropinquare. Ipſa verò, quamvis in tenebris ſemper jaceret, & materiale lumen oculis ejus intolerabile foret; divinum tamen lumen multum ei amabile erat, quo ſæpius cella ejus nocturno tempore tam excellenter perfun-

debatur quòd cella ipſa aſpicientibus, plena materialibus luminibus vel incendiis crederetur.

2. Nec mirum, ſi divina claritate, etiam corporaliter perfundebatur: quæ juxta B. Pauli vocem, revelata facie gloriæ Domini ſpeculando, quotidie in eandem imaginem transformabatur, à claritate in claritatem, tanquam à Domini ſpiritu. Et non ſolum divina claritate ſolita erat circumfundī, ſed & mirabili ſuavitate, tam ipſa quam cella ejus, inventa eſt redolere: ita quòd intrantes putarent, ibi diverſas ſpecies aromaticas ingeſtas eſſe, & reſperſas. Et hæc mirifica ſuavitas percipiebatur, cum à Salvatore, vel ab Angelo Sancto viſitaretur, aut tangeretur; vel à cœleſtibus, & Paradifi apothecis rediret. Qui quidem ſuaviſſimus odor, non ſolum in odoratum per nares ſpirabat, ſed etiam in guſtum percipiendum redundabat; & tam ardens ſapor in lingua ſentiebatur, & palatum remordebat, quaſi piper aut cinnamomum comediffent. Præcipue tamen à manu, miræ ſuavitatis fragrantia prodiit, cum per eam ab Angelo Sancto, ad ſuperna gaudia perducta, & inde reducta fuiſſet.

## CAPUT IV.

*De viſione in nocte Dominicæ Nativitatis, & de ubertate lactis in uberibus ejus.*

1. **V**Idua quædam boni testimonii, Catharina nomine, per aliqua tempora in domo hujus Virginis habitabat. Huic quidam vice ante Nativitatem Chriſti, per viſionem indicatum eſt de hac Virgine, quòd in nocte tunc proximæ Dominicæ Nativitatis, ubera ejus lacte forent replenda: & quòd ipſa

Catha-



Catharina, idem lac esset sumptura. Cum ergo istud Virgini, Vidua præfata retulisset; ipsa ex humilitate, quodammodo ejus dicta negare nitebatur. Mox vidua Virginem corripuit, quia negare audebat, quod sibi ab Angelo revelatum fuerat. Tunc viduæ verbis Virgo arctata, jussit, ut ad hanc gratiam percipiendam se disponderet. Cum ergo ad ista, per admonitionem Virginis, se devotè præpararet, non est fraudata à desiderio sibi cælitus promisso. Nam ecce, in ipsa sacratissimæ Dominicæ, Nativitatis nocte, Virgo Lidevvigis in spiritu raptâ, vidit innumerabilem multitudinem Virginum, quibus tanquam Regina & Domina omnium astitit & præfuit, sanctissima Mater Dei, perpetua Virgo Maria: inter quas etiam se vidit in Choro Virginum admittam, ad Christi Nativitatem cum læticia celebrandam.

3. 2. Astabat etiam his virginibus multitudo sanctorum Angelorum, veluti nobilissimi clientes & sodales, devotorum obsequium cognatis sibi virginibus, in castimonie virtute florentibus, exhibentes. Instante igitur hora Dominicæ Nativitatis, qua Virgo puerpera Christum peperit, visa sunt omnium illarum Virginum, & similiter hujus Virginis, ubera præ abundantia lactis intumescere: ac tantum lactis habere, quantum Beata Virgo ad lactandum Salvatorem nostrum, in uberibus suis virgineis percepit, eum in lucem mundi Christum peperisset. Idcirco ad similitudinem B. Virginis, omnium aliarum ubera videbantur lacte repleti: in signum, quod omnes Virgines illæ, ad lactandum Dominum erant aptæ & dignæ. Erat autem,

ut Virgo ipsa testabatur, tam inenarrabilis gloria, quam nec oculus vidit, nec auris audiit, nec in cor hominis ascendit; quod nec lingua exprimi, nec litera possent omnia scribi.

3. Interim vidua promissionis præfata memor, ingreditur ad Virginem, quæ ubera sua manu terens, tanta fecunditate lactis abundavit, quod vidua trino labiorum tractu satiata fuit, & pluribus diebus à desiderio comedendi permansit, & nisi Virgo jussisset, à corporali cibo faciliter abstinuisse. Post hæc quoque eandem gratiam & visionem, per contemplationem duobus aut tribus aliis annis in sacris uberibus suis perceperat. Sed quia statuta hora, qui probaret, non adfuit, ideò gratiam oblatam nemo gustavit. Laudetur ergo Christus de Virgine natus, qui ad roborandam fidem credentium per opera, ostendit temporibus nostris, in hac sancta languida Virgine, stupenda quædam miracula.

## CAPUT V.

*De Virgæ cypressina, quam ei Angelus attulit de Paradiso.*

1. **H** Abuit hæc Virgo, infirmitatis suæ tempore, quandam virgulam de stipula canopi, pro removenda vel attrahenda cortina lectuli: cum qua etiam in necessitate pulsare solebat, & aliquem de familia advocare. Contigit ergo occasione incendii civitatis, ut multa circa lectulum ejus, propter pericula imminencia agitantur; sicque per exportationem & reportationem rerum, etiam virgula ista perdita est; sed ubi manserit, Virgo nesciebat. Postea verò in nocte S. Apollinaris Episcopi & Martyris, cum Virgo præ æstu caloris, anhelum



litum vix trahere valeret, virgulam quæ-  
sivit, ut velum removeret, nec invenit.  
Multum ergo ex hoc anxiata doluit, quia  
nec sibi ipsi subvenire potuit; & qui ali-  
unde succurreret, non adfuit.

2. Statuit igitur Angelus Domini as-  
sistens, contristatam consolatur, spon-  
dens alterius & melioris virgæ restituti-  
onem. Nec mora, post paululum ces-  
santibus doloribus febrium, Angelus ipsa  
sentiente, quoddam lignum ad mensu-  
ram ulnæ ferè longum, super pectus  
ejus leviter posuit, & recessit. Quod ma-  
nu extensa apprehendens, quodammo-  
do vilipendit; eo quòd visu tortuosum,  
& spissitudine ponderosum, à levitate  
perditæ virgæ longè distaret; nec benè  
sibi portabile, & dirigibile foret. Mussi-  
tans ergo de isto, ad seipsam tacitè di-  
cebat: Num ego jam benè pacata sum?  
Quid tamen ageret, quæ adhuc virtu-  
tem ligni ignorabat? Rogabat proinde  
Dominum Joannem Confessorem suum,  
ut ad carpentarium transeat, peteretque  
lignum istud, ad normam ulnæ dolabro  
formari. Ingressus itaque Sacerdos ad  
domum cujusdam cupificis, qui vix unum  
dolabrum ex multis instrumentis aptum  
huic operi habuit, cæteris in incendio  
civitatis priùs combustis. Cumque lig-  
num levigare cœpisset, & satis fortiter  
dolabrum infixisset, tantus odor suavi-  
tatis ex eo evaporavit, & tam decore  
intus colore ad modum ceræ enituit, ut  
quamvis a foris deforme appareret, in-  
dubitanter tamen cypressinum esse affir-  
maret. Super quo pariter admirati,  
cum Sacerdos carpentario nequireret di-  
cere, cujus generis lignum esset, vel  
unde Virginì provenisset, certatim ha-  
stulas & reliquias abscissas rapiebant.

*à Kemp. Vita Liduvine Virg.*

Tunc suadente carpentatio, ad alium  
meliorem operarium Sacerdos cum  
ligno imposito accessit, quatenus de-  
centiùs illud ad lineam conquadret.  
Sed ubi similia inter se, præ admiratio-  
ne odoris & coloris incogniti ligni con-  
spicerent, atque pro reverentia & no-  
vitate decimas reliquias raptarent, Sa-  
cerdos stupefactus, non sustinens am-  
plius lignum imminui, ad Virginem  
quantocius reportabat. Quam cum in-  
terrogasset, unde ei hoc advenisset, &  
cujus generis esset? illa quidditatem  
ejus se nescire fatebatur, modum ta-  
men acquisitionis ejus Sacerdoti indi-  
cavit.

3. Postea verò in Festo sancti Cy-  
riaci Martyris, reversus Angelus, more  
solito eam ad amœna Paradisi perduxit;  
& ipsam de ligni contemptu corripiens,  
ejus dignitatem, & locum, ac arbo-  
rem, unde illud confregerat, apertissi-  
mè ostendit. Deinde ad se reversa, quæ  
ab Angelo didicerat, Confessori suo ex  
ordine propalavit, dolens quòd illud  
ita minorari fecerat. Cum ergo ru-  
mor hujus odoriferi ligni vulgari cœ-  
pisset, & multi illud videre & tangere  
optarent, ejusque causa frequentes vi-  
sitationes Virgo pudica pateretur, acci-  
dit, quòd propter cujusdam hominis  
tractum, fragrantiam suavissimi odo-  
ris lignum prædictum amitteret. Ideo-  
que ipsa Virgo doluit, quia hoc alteri  
ostensum fuerat, propter cujus conta-  
ctum odor cœlestis expiravit. Solita  
autem erat dicere, quòd per hoc lig-  
num diabolus castigandus esset,

sicut ab Angelo sancto  
didicerat.



## CAPUT VI.

*De privatione Angelicæ claritatis ob præsentiam alterius, in cella ejus latentis.*

1. 1. **A**Lia quadam vice, cognatus hujus Virginis, Nicolaus nomine, cum Confessore illius ingressus est ad eam visitationis gratia : & post habita colloquia, indicavit eis Virgo modesta, quod libenter duabus aut tribus horis sola maneret in cella. Rogabat ergo eos, ut ad tempus spatium exirent, sperans se propter internorum recollectionem in absentia illorum, aliquid gratiæ specialis accepturam. Specialiter tamen Nicolao supplicabat, ne ante tertiam vel quartam horam rediret. Illo igitur agente quod petebatur, Confessor Virginis [ ipsa nesciente ] cellam ejus latenter est ingressus. Putans ergo Virgo se solam esse in secretario cubiculi sui, mox se disponebat ad percipiendam gratiam cœlestis Sponsi, per orationes devotas pulsando intima cœli. Et ecce, ferè media hora transacta post meridiem, ingressus est ad eam Angelus Domini, circumvolando lectuli locum, ubi agra jacebat, sed amplius ei non appropinquabat.

2. 2. Videns ergo Virgo se non posse gaudiosa præsentia ejus perfrui, conturbata flevit amarè. Interrogabat itaque Angelum, an aliqua culpa Dominum offendisset, ob quam hac gratia perfrui non meruisset. At ille respondens; Nequaquam inquit; sed propter præsentiam ejus, qui in cella tua latenter sedet, & nititur scrutari & experiri gratiam tibi dispositam. Quo dicto, Angelus ab ea discessit. Tunc Virgo tam fœlici solatio privata, vehementius est contristata, ama-

riusque flere cœpit: ita quod ad tempus extaticè non raperetur, licet sæpius Angelicæ visitationis gratia frueretur. Audiens igitur Confessor ejus, eam taliter flentem, surgens indicavit ei se fuisse præsentem. Quo audito, amplius conturbata est, quàm si alius ibi fuisset; pro eo quod satis frequenter ei vitam suam indicaverat, quatenus absque exploratione divinæ gratiæ crederet, quæ circa eam operabatur. Cum igitur ab hac turbatione recreata esset, & tranquillitatem recepisset, pius & misericors Deus, (sicut frequenter antea fecerat) ita & postmodum extaticè eam supra se levabat. Tunc impletum est in ea, quod per Psalmistam dicitur: Convertisti planctum meum in gaudium mihi: contscidisti saccum meum, & circumdedisti me latitia.

## CAPUT VII.

*De raptu ejus ad loca purgatorii, & ad gaudia paradisi, unde sermone à B. Virgine sibi datum reportavit.*

1. **R**apta est post hæc, spiritu levante, ad loca purgatoria: ubi inter ceteras, quas multipliciter & graviter torqueri vidit, etiam animas amicorum suorum puniri videbat: pro quibus liberandis ac revelandis, se postmodum in corpore duriter affligebat. His igitur purgatoriiis locis, & quam pluribus pœnalibus locis, in quibus animæ pro diversitate culparum torquebantur, dolenter perspectis, Deo miserante, ad contemplanda æternæ vitæ gaudia, perducta fuit. Ibi sanè videbat, qualiter omnipotens Deus, in seipso gloria sua fruebatur, secundum illud: Ego primus & novissimus. Et gloriam meam alteri non dabo. Videbat etiam qualiter sancti

Marry.



Martyres, Confessores, Prophetæ, Virgines, atque alii beatorum Ordines, gloria sua in semetipsis fruebantur, & præ deliciis affluentibus, per alterutrum in invicem transfundebantur.

2. His gaudiis perulstratis, plures sancti eam alloquentes dulciter consolabantur, & ad patientiam exhortantes, ita dicebant: quid nunc hic existentibus obest, & nocuit, quod in mundo multa adversa pro Christo perpessi sunt? Tunc accessit ad eam beatissima Virgo Maria in magna gloria; & amicabiliter alloquens, interrogabat eam dicens: Cur charissima filia, sic venisti nudo capite, & non ornato? Tunc hæc Virgo respondit: Charissima Domina Virgo Maria, hæc est voluntas Domini & Dei mei: & sic ductor meus, me adduxit. Post multa itaque familiaria colloquia Dei genitricis cum hac Virgine, adveniente tempore, quo ad sensus corporeos redire debuit, hæc ad eam Mater Christi verba intulit: Charissima filia, viriliter age, & confortetur cor tuum in tolerantia dolorum: quia pro his, quæ nunc pateris, mirabilem & magnam gloriam consequeris.

3. Addidit quoque B. Virgo ad eam; inquirens: Visne habere sertum, super caput tuum? Respondit illa: Ego non possum hic habere voluntatem meam. Cum ergo ad ductorem suum Angelum aspexisset, & ille resignanti voluntatem suam consensisset, ut acciperet: accipe, inquit B. Virgo, hoc sertum super caput tuum, quod nisi septem horis poterit esse super terram. Trade quoque illud in manus Confessoris tui, & dic ei, quod ego demando ipsi, ut credulus sit donis omnipotentis filii Dei; & hoc sertum ponat super caput imaginis meæ, quæ est in Ec-

clesia. His igitur peractis, reversa est ad sensus corporeos Virgo theorica, gratias magnificè agens Domino, super consolatione tam jueunda. Sed cum tale sertum corporaliter accepisse ignoraret, tandem casu vel necessitate urgente, manum capiti suo superponens, sertum florigerum detraxit; quod ex odore suavissimo, manu beatæ Virginis sibi impositum recognoscebat; & ferè usque ad septimam reditus sui horam, apud se conservabat. Erat autem hoc sertum cerulei seu crocei coloris, & rugosum, humanis aspectibus hæcenus invisum, quod ex se miræ suavitatis emittebat odorem: Ideoque quamdiu potuit, tam pulchrum & floridum sertum, apud se retinebat.

4. Igitur ante septimam horam iussit excitari Confessorem suum, & celeriter ad se venire, habens ei aliqua secreta referre. Qui veniens interrogavit, quid veller? Cui Virgo respondit; se cuidam festivitati interfuisse, & B. V. Martam sertum istud sibi tradidisse, ut ad terras deferret, & in manus ejus daret, quatenus donis Dei crederet; & ex mandato B. Virginis, hoc sertum in manus acciperet, atque Ecclesiam, quæ tunc temporis combusta fuerat, manè intraret, & capiti imaginis B. Mariæ Virginis superponeret. Cumque Confessor interrogasset, quomodo posset Ecclesiam intrare, cum necdum dies esset, & Ecclesia clausa foret? Illa ei respondit: Citò vadens, pete tibi à sacrista Ecclesiam aperiri; quia tempus instat, quo sertum istud oportet referri, unde illud ego detuli. Tunc ille: Quomodo sertum capiti imaginis superponam, quæ in tam alto loco sita est? Respondit Virgo: In majori choro, & in illo loco,



scalam invenies, quam assumens ascende, & sertum capiti imaginis B. Virginis superpone.

5. 5. Tunc ille tali accepto signo egres-  
sus, rogabat custodem, ut citò surgeret,  
& Ecclesiam aperiret. Quod cum liben-  
ter fecisset, Confessor Virginis inven-  
tam scalam in loco, quem ei indicave-  
rat, ad imaginem secum portabat, &  
ascendit. Cui custos? Quid ibi vultis  
facere? Respondit sacerdos: Quod ego  
facio, non potes modò scire: sed Domi-  
nus dabit, quòd postmodum scies, quam  
responsionem custos parvipendens, quia  
mysterium nesciebat, statim recessit.  
Confessor autem devotus implevit desi-  
derium Virginis, & imposito sertò capiti  
sacrae imaginis, scalam ad locum prio-  
rem reportabat. Cum ergo flexis geni-  
bus ante imaginem orasset, & reveren-  
ter adorasset, expletis omnibus, quæ in  
mandatis acceperat, antequam Ecclesiam  
exiret, Angelus Domini idem florife-  
rum sertum, ad locum suum retulit, un-  
de illud Virgo priùs detulerat, sicut po-  
stea præfata viduæ Catharinæ referebat.

#### CAPUT VIII.

*De corona gloriosa ei preparata, propter  
vituperia & vulnera à Picardis  
ipsi inflicta.*

1. 1. **A**lia quoque vice, rapta in spiritu,  
vidit gloriosam valdè coronam  
sibi præparatam, quam post præsentis  
vitæ labores & dolores, à Domino erat  
perceptura, in qua tamen plura adhuc  
videbantur imperfecta. Ad seipsam igitur  
inversa, memor coronæ præostensæ,  
rogabat Dominum multa instantia, qua-  
renus sua pietate ita secum agere digna-  
retur, quòd corona illa perfectè pos-  
set instaurari. Eodem quoque tempore

petivit à Domino, ut ad imitandum ve-  
stigia ejus, ipsam ad se intromitteret, &  
post intromissionem calcibus eam ex-  
pelleret.

2. 2. Dum hæc frequenter & ardentis-  
simè postularet, contigit anno Domini  
1428. quòd Philippus dux Burgundiæ,  
cum multo exercitu Picardorum & alio-  
rum armigerorum, Hollandiam intra-  
ret, ad compellendum civitates, ut eum  
in Dominum & Rectorem patriæ susci-  
perent. Cum ergo potentissimus Dux,  
in multis civitatibus honorificè esset  
susceptus, venit tandem circa festum  
sanctorum martyrum Gereonis & Vi-  
ctoris ad civitatem Schiedam, ubi simi-  
liter à civibus & receptus. Post refe-  
ctionem igitur prandii, quidam [ut fe-  
runt] Medici & Chirurgi de familia  
Ducis prædicti, accesserunt ad Domi-  
num Joannem Angeli curatum Eccle-  
siæ, petieruntque ab eo, ut ad domum  
hujus Virginis eos introduceret. Qui  
nihil mali de iis suspicatus, petitioni eo-  
rum, acquievit. Ingressus igitur cum eis  
ad Virginem subsequentibus famulis eo-  
rum, moribus incompotis; cum tumultum  
illorum compescere niteretur, ne  
Dei famulam molestant, illi indignan-  
ter eam repellentes, seorsum abire juss-  
erunt, inhonesta verba de ipso cum ea ja-  
ctantes. Mansit tamen curatus in cel-  
la ejus stans propè altare, tristis satis  
& confusus. Illi verò perversi, ut eam,  
quæ in tenebris jacebat, conspicerent,  
cortinam remouent, candelam accen-  
dunt, & ablato operimento, quo Vir-  
go hydropica tegebatur sanctam peni-  
tus denudant [proh dolor] nec Deum,  
nec Angelos, neque hominum præsen-  
tiam reverentes.



3. 3. Hæc, cum filia fratris ejus Petronilla Virgo juvenula, obsequio Virginis dedita, videret, ægerrimè tulit; & zelo Dei accensa, fortiter se illis objecit, pudicitiam virginalem defendere nitens. Indignum quippe judicabat, quòd absconditam Christi margaritam, oculi carnalium nudam aspicere deberent. Tunc maligni illi satellites, honestatis obliti, hanc juvenulam irreverenter arripiunt, & à se projicientes, ad schabellum altaris graviter allidunt, in tantum, quòd in fœmore atrocissimè læsa, usque ad mortem claudicaret. Sed nec his malis violenter patris contenti, ad graviora & sceleratiora prorumpunt. Nam sanctam & incontaminatam, fornicariam dicere ausi sunt: sobriam, & sine cibo viventem, nocturnis conviviis vacantem garriebant: quorum unus, qui lumen tenebat, bestiam eam appellabat: quam certè Angelus sanctus, custos ejus, in paradysum sæpè transtulit, & ducebat.

4. 4. Inter hæc tam multa & contumeliosa verba ab impiis dicta, adjiciunt ignominiosa facta, humanis oculis pavescentia. Nam omni honestate remota, debilem Virginem propter hydropticam passionem, & in superficie cutis valdè tumorem, pollutis manibus suis attrèctantes, & pungentes, in tribus locis vulneraverunt: ex quibus sanguis tam copiosè profluit, quòd oportebat recentem cruorem de lectulo cum pelvi exhauriri. Quò scelere audacter perpetrato, egressi laverunt manus suas à sanguine, quem fuderunt: & regressi, pro verbis veniæ, quam postulare debuerant, in contumeliosa verba linguam maledicam iterum relaxarunt. Sicque completum est in

hac Virgine, quod Dominus discipulis suis dixit: Si me persecuti sunt, & vos persequentur. Et si patrem familias Beelzebub vocaverunt, quantò magis domesticos ejus?

5. 5. Tunc Virgo, tanquam ovis innocens in lectulo jacens, sanguine proprio perfusa, ad occisionem parata, patienter omnia hæc pro Christo suscepit: & convitiantibus ac vulnerantibus se, his verbis mansuètè respondit: Cur non timeatis, ita sinistrè divinitatis in me opera interpretari, qui ignoratis quale judicium vobis à Deo sit futurum? Eadem hora recedente Duce, sequuntur & invasores illi. Rectorès autem civitatis, audientes tam enormia mala Virgini insolenter ingesta, quasi pro consolatione maiorum factorum, comminabantur se vel le Duci conqueri, quatenus contra tanti sceleris authores justam exerceret vindictam.

6. 6. Tunc Virgo mitis, & patiens in adversis memor Dominici sermonis; Mihi vindicta, & ego retribuam: omninò prohibuit petere, humanamque exercere ultionem: quia Deus citò hanc vindicabit injuriam. Quòd divino nutu celeriter factum est, nam omnes in diversis locis, eadem hyeme, mortui sunt. Siquidem unus eorum, qui lumen tenebat, & convitià Virgini intulerat, in portu prope Rotterdam, navigio veniens, ab una parte navis ad aliam, quasi valido vento agitatus, à Principe tenebrarum submersus est: atque confracta cervice, mortuus extractus, in cœmeterio sepultus est. Secundus prope Zèrixeam in furiam conversus, ne præsentes læderet, de navi in scapham projectus, ac mortuus sublatu, in civitate sepultus est.



est. Tertius militaris, in bello percussus, interiiit. Quartus, qui se medicum fatebatur, apud Slusam apoplexia tactus obmutuit. Unde à famulo suo admonitus, de his quæ cum aliis contra Virginem egerat; & quæsitus, an de prædictis doleret, postulanti, per tactum manus & gestus oris, qualecunque signum pœnitudinis ostendens, defunctus est. Famulus autem ejus postea ad Virginem veniens, pro magistro veniam cum lachrymis petit, & obtinuit.

7. 7. Flebat ergo Virgo sancta multo tempore his perceptis, non sua vulnera, sed eorum perditionem atque scelera commissa deplorans. Consistentibus autem apud eam Rectoribus civitatis, ait ad eos Virgo, futura prædicendo: Ego quidem nunc hæc passa sum, sed vobis imminet judicium, quod ignoratis. Nec multo post, cum aliqui eorum, quasi proditores civitatis accusati, timerent à Duce capitali sententia puniri, dixerunt: Ecce, hoc est judicium, quod Lidia nobis prædixit futurum. Posthæc, Angelus Domini sanctus apparens ei, & sororem nominans indicavit, quod per irreverentem illam violentiam, à Picardis sibi factum, posita fuerat in vestigiis Salvatoris, sicut ante petierat: atque per opprobriosa verba, quæ ab eis audierat, margaritæ, quæ restabant in corona sua, jam perfectè completæ erant.

### C A P U T IX.

*De patientia & morte Petronilla, neptis  
hujus Virginis,*

1. 1. **D**ignum est nunc aliqua etiam de Petronilla Virgine hujus sacre Virginis nepte recitare. Hæc igitur juvenecula annorum ferè decem & septem,

filia fuit fratris Lidie Virginis, amatrix & custos perpetuæ castitatis, curam gerens materteræ suæ, die ac nocte, in tam gravi molestia longæ ægritudinis. Hæc carne propinqua, spiritu soror, servitio ancilla, elegit Virgo virgini servire, & castis obsequiis vulnera languentis benignissimè delinire. Hæc in persecutione Picardorum, qui sanctam Lidiam Virginem, Deo placentem, ampliori gloria coronandam, gravissimè vulneraverunt; totis viribus, pro defensione infirmæ materteræ suæ [ ut præfatum est ] se opposuit, ne innocentem læderent. Valdè enim condoluit cum ea, quæ lædebatur: atque plures graves contumelias & terrores audiens, læsiones etiam corporales à Picardis accepit & sustinuit: ita ut dū infirmata, mortem ex læsione incurreret. Antecujus obitum, paucis diebus præcedentibus, Virgo Lidia in magna tribulatione posita, & ex persecutione ad Deum ferventior effecta, talem visionem habuit, verum præsagium futurorum,

2. 2. Quadam namque nocte, in excessu mentis posita, videbat solennem processionem civium supernorum, in qua distinctis ordinibus, singuli procedebant; scilicet, Patriarchæ simul, Prophetæ simul, Apostoli cum Apostolis; sed & Martyres, Confessores, atque Virgines, Sacerdotes, & Clerici singuli, in ordine & dignitate status sui fulgebant. Procedebant autem de Ecclesia civitatis Schiedamensis, præcedentibus more solito crucibus & luminariis, sole clariùs micantibus: veniebantque ad ostium domus suæ, de qua funus tollentes, ad Ecclesiam illud deferebant.  
Ipsa



Ipsa autem Virgo funus sequebatur, datis sibi coronis, quarum unam in capite gestabat, reliquas singulas in singulis manibus tenebat. Ad se igitur reversa, suspicabatur quoddam mors ipsius hac visione præsignaretur: finaliter tamen dicebat, quoddam mortem neptis suæ Petronillæ designabat.

3. 3. Quapropter Virgo Christi sollicita de obitu neptis suæ, rogabat instanter Dominum, ut febres suas ita ordinaret, ut Petronillæ ante exitum suum, pro consolatione ejus loqui posset, quam plurimum sincero amore dilegebat. Cujus preces & gemitus Dominus exaudiens, ac morituræ misertus, prævenit tempora febrium quotidianarum, per spatium fere sex horarum non sine admiratione multorum assistentium: Sicque temperato calore febrili, recepit facultatem alloquendi & consolandi Petronillam, in brevi ex hujus sæculi luctu, ad Christum migraturam. Accepta itaque consolatione divina à Virgine sancta, Virgo Petronilla in angustiis sæpè probata, sicut fuit socia tribulationis cum Lidia passa in vita, & ita particeps consolationis meruit esse in morte sua. Igitur post visionem prius ostensam, & consolationem à charissima matertera gratanter accepta obiit devota Virgo Christi Petronilla, celestem aulam intratura: anno Domini 1426. decimo nono Kalendas Februarii, ipso die S. Pontiani Martyris.

## CAPUT X.

*De subtractione consolationis divinæ, quam Virgo incurrebat, ob tristitiam neptis de sancta.*

1. 1. **P**ost mortem igitur castissimæ turtur Virginis Petronillæ, ipsa

S. Virgo Lidevvis, tam fidelis & perneccariæ adjutricis societate privata, in perniciosam incidit tristitiam: nimium dolens super destitutione cordialissimæ dilectricis suæ Petronillæ, cum qua mutua charitate devincta, inviolabilis castimonie fœdera conservabat. Nam vicissim in Christi amore se diligentes, ita connexæ erant, & pacificæ videbant, ut sine gravi mœrore ab invicem separari non possent. Quæ quidem affectuosa connexio, metam discretionis excedens, etiam Domino tantum displicuit; quod in vindictam ineptæ tristitiæ, Virgo lugubris, divina consolatione usque ad festum Visitationis B. Mariæ Virginis carebat.

2. Flebat igitur amarissimè, non solum de morte neptis amissæ, sed amplius super privatione solitæ gratiæ, ob immoderatam tristitiam sibi subtractæ. Percunctantibus ergo causam istarum lachrymarum ita respondit amicis: Cur non flerem charissimi? Ecce jam proximis undecim annis, nihil à Domino petivi, quin facile impetrare potui: sed nunc tanto tempore suspensa, nullam prorsus consolationem accipio, occulto & recto Dei judicio, in me dignè concitato. O terribilis & investigabilis dispensatio divina, in consiliis super filios hominum: qui convertit mare in aridam, & flores rosarum in absinthium: & de dextera ponit ad sinistram, humilians sublimem usque ad terram. Si igitur Dominus tam strenuè dilectam sibi Virginem afflixit, quia intentius fidelis neptis præsentiam ablatam deplanxit: quàm graviter puniendi sunt, qui carnales amicos & sodales sæculares, inaniter plan-  
gunt?

3. Verumtamen Pater misericordiarum, &



*De devoto juvene Gerardo, Eremita factò,  
& de peregrinis eum visitantibus.*

& Deus totius consolationis, non est oblitus lachrymarum famulæ suæ; quam ab æterno eligit: sed post amarissimam tristitiam, reddit ei dulcissimam Spiritus sancti consolationem, præteritis temporibus sapius expertam. Igitur Virgo ad tempus desolata, & paternè castigata circa festum Visitationis Beata Mariæ Virginis mirificam & superabundantem Divinæ gratiæ consolationem recepit. Per novem aut decem ferè dies in continua contemplatione, & divinorum degustatione, ac mentis jubilatione perdurans, tantaque dulcedine exitit perfusa interiùs: ut ad eam ingredientiæ mirarentur, & sentirent odorem suavissimi spiraminis exteriori.

4. 4. Quærentibus ergò multis, unde odor tantæ suavitatis procederet? Ipsa cupiens potius ex humilitate filere, quàm abdita prodere: tandem devicta importunis eorum precibus, [quia Dominus manifestis indiciis hoc foris innotuit] gratiam tam inæstimabilis odoris de cœlestibus apothecis venire respondit; qua sicut solito more priùs meruit, ita & pronunc denuò visitata secum reportavit. Simili modo ante paucos annos, defuncto fratre suo Wilhelmo Petri, in magnam tristitiam incidit: & in tantum ex dolore obstupuit, ut diceret se hæcenus nescisse, quod adhuc ita humana fuisset. Quapropter etiam multo tempore, solitâ carebat alimoniâ contemplationis Divinæ; sicut cuidam devoto solitatio in partibus Ægypti, revelatum fuit: qui ejus consilio eremum constanter intravit. De cujus sancta conversatione bene inceptâ & optimè consummatâ, in sequenti capite subinfertur quod lætanter audiat.

1. **E**Rat quidam juvenis Gerardus nomine, ex diœcesi Colonienſi oriundus, solitariæ vitæ desiderio stimulatus. Hic auditâ famâ hujus sanctæ virginis, proposuit ad eam primò venire, ut ei præsens votum suum exponeret, atque iter arduum, quod ingressurus erat, precibus ejus commendaret: quatenus divinâ gratiâ opitulante, propositum, quod mente conceperat, salubri perseverantiâ terminaret. Qui ad eam veniens, cordis sui secretum ei intima vitæ. Illa verò, proposito suo piè congaudens, prophetico spiritu prædicebat, quod primo triduo ingressionis suæ in eremum, penuriam pateretur: ac deinde ad constantiam eum exhortans, post finem diei tertiæ, refectioem à Deo esset percepiturus. Quod quidem postmodum ita seriatim contigit. Nam tertiâ die advesperante manna cœleste accepit, Deo laboriosæ semitæ ejus miserante. Prædictos autem sibi à virgine tres dies, ita constanter peregit; quod paratus erat eos propter promissionem illius, etiam cum periculo vitæ persulfare. Post mutuam igitur collationem, & in precibus recommendationem, ac fraternæ charitatis obligationem, novus tyrunculus novi certaminis bella congressurus, egressus est à conspectu virginis sagaciter instructus, patriam suam, & cognatos, ultrâ nunquàm revisurus.

2. Peragratis ergò partibus superioribus, ingreditur superiorem Ægyptum, cujus deserta penetrans, invenit cellulam, propter lupos & ferarum rabiem, in



in arbore sitam. Adduxerat autem secum duos socios, ejusdem eremiticæ conversationis gratiâ tactos, qui paucis diebus ibi peractis, heu ad pristina redierunt. Sed Gerardus in arrepto proposito constantissimè perdurans, Christo duce, ad contemplationum culmina ascendit.

3. 3. Igitur in hac vasta solitudine decem & septem ferè annis completis, accidit intereà, ut quidam Episcopus de partibus Angliæ, cum duobus sociis, ad visitandum loca terræ sanctæ perveniret: ac deindè ad visendum reliquias sanctæ Catharinæ Virginis & Martyris in monte Sinai, cum eis perrexit. Qui simili devotione combinati, rememorantes sanctorum Patrum in Ægypto conversatione terram illam ingressi sunt; ut quærent, si fortè aliquos eremiticæ vitæ Patres invenirent. Cumque hinc inde oberrantes, usque ad superiores ejus partes venissent, reperiunt cellulam quandam, non longè à terra in arbore constructam. Ad cujus ostium pulsantes, vident in ostio sibi referato, hominem vultu quidem angelicum, sed corpore ita crassum, ut non in eremo maceratus, sed inter delicias sæculi putaretur educatus. Inter plura familiaria colloquia, ab eodem Eremita percipiunt, quod in duodecim annis & ultra, hominem non vidisset. Interrogantes ergò, unde viveret? Respondit se ex sola gratia Divina nutriri. Nam manna cœlestis, quo olim filii Israël in deserto vesciebantur, colligere & comedere solebat, quod cellulæ suæ desuper influens cum gratiarum actione sumebat.

4. 4. Quærebant etiam ab eo, utrùm adhuc alii invenirentur homines, qui absque humano cibo viverent, sicut &  
à Kemp. Vita B. Liduvina Virg.

ipse? Ad quos ita respondit: In partibus Hollandiæ, in civitate Sciedam, est quædam Virgo multis annis, diversis infirmitatibus divinitus flagellata, nullo corporali utens alimento: quæ etiam ad tantam celsitudinem perfectionis pervenit, quod centupliciter sanctitate vitæ, & contemplationis culmine, me longè præcedit. Undè & satis admiror, cum de ejus transitu nihil percipio, quid ei acciderit, quod eam in scala contemplationis diu non viderim, cum antea frequenter simul ad cœlestia secreta, singuli in singulis scalis rapi solebamus. Nam illa sicut vitæ merito, ita & contemplationis excellentiâ, supra me ascendere consuevit. Deinde devotus iste Eremita, prædictos peregrinos rogavit, quatenus hanc Virginem in Hollandia visitarent, antequam ad partes suas redirent: & ex ore suo, tres has quæstiones ei proponerent. Primò, quot annos ipse in solitudine peregerit? Secundò, quot annorum tunc fuit, quando eremum intravit? Tertiò, quid causæ sibi occurrerit, quod eam in solita contemplatione diu non viderit?

5. Post hæc peregrini plurimum consolati & ædificati, valedicentes Eremitæ, in Hollandiam & Schiedam sunt reversi. Ingressi ergò hospitium civitatis, rogant hospitem suum, ut ducat eos ad Virginis domum. In cujus præsentia constituti, causam adventus sui, & personam Eremitæ, qui eos miserat, indicant: petentes, ut ad propositas sibi quæstiones respondeat. At illa ex humilitate latere malens, quàm apertè ad quæstiones respondere, hoc tantum de tempore habitationis Eremitæ in solitudine, responsum quærentibus de-  
T dit:



dit: Quomodò ego illud scire possem? Dominus est, qui novit. Tunc illi quodammodò eam corripientes obijciunt: Quare veritatem veller cœlare, cum hæc non à se, sed ex ore Eremitæ interrogarent? Respondit ergò: Decem & septem ferè annos eum in solitudine peregrasse. Ad secundum verò ait: Decem & novem annorum eum fuisse, cum ad eremum perrexerit. Ad tertium quoque respondit, se in medio hominum conversantem diversimodè maculati: illum verò ab hominibus segregatum, & inter Angelos conversantem, incontaminatam conservare puritatem. Ideoque mirandum non est si ipse in contemplationis altitudine præcellat.

6. 6. Fertur etiam, quod Eremita causam assignaverit subtractæ gratiæ in Virgine, quæ a nium de morte propinorum suorum solebat dolere. Quod in obitu fratris sui contigit, qui eodem ferè tempore in Schiedam obierat, cum prædicta ab Eremita in Ægypto, peregrinis istis recitabantur. Obiit autem, felicis memoriæ, idem devotissimus Eremita, perfectus terrenorum contemptor, ac cœlestium secretorum altus speculator, anno Dominicæ Incarnationis 1426. duodecimâ die mensis Octobris. Hujus obitus & transitus ad gloriam, Virgini sanctæ fuit per visionem revelatus. Rapta namque in paradysum, in hora transitus ejus, videbat animam illius corpore exutam, ab Angelis ad paradysum deferri, atque in fontem sereno ablui; cujus profundum, per unum fere miliare, ut sibi videbatur, poterat videre.

*De felici obitu Domini Wermboldi presbyteri, hujus Virginis fidelis amici.*

1. **I**nter multos devotos Patres, ac spiritualis gratiæ expertos viros, fuit in civitate Trajectensi, temporibus venerabilis Domini Frederici Episcopi, Sacerdos quidam cœlibis vitæ, & animarum zelator, Wermboldus nomine, Deo & hominibus dilectus, multisque Religiosis in diœcesi Trajectensi, & in Hollandiæ partibus latissimè notus. Hic de quadam villa Hollandiæ prope Goudam, nativitatis genus contraxit: & per plures annos rector ac confessor fororum tertii ordinis apud S. Cæciliam in Trajecto, claruit. Qui in Divinis scripturis valde studiosus, verbum Dei frequenter in Ecclesia prædicavit: & orationibus ac devotis meditationibus ferventer invigilans, pro cordis sui puritate, crebris etiam consolationibus, ac Divinis revelationibus meruit ab alto visitari. Ad hujus tam famosi patris noticiam, non humano iudicio, sed Divinâ revelatione, sancta virgo Lidewigis adhuc in paupertate, sub parvo tugurio degens, hoc modo pervenit.

2. Cum enim in festivitate Dominicæ Annunciationis, virgo memoranda, vix mediâ parte infirmitatis suæ completâ, raperetur ad cœlestia contemplanda, contigit etiam & devotissimum Christi Sacerdotem Wermboldum, eadem horâ ad cœlestia intuenda sustolli: tuncque ex hac unica & simili contemplatione habita, mutua cognitionem, quam prius non habuerunt, cœlitus



tus ambo conceperunt. Quapropter idem venerabilis Pater pia devotionis affectu excitatus, cupiebat Dei famulam, quam in spiritu præcognoverat, corporalibus oculis etiam cognoscere & videre. Ingressus ergo ad domunculam ejus, ubi languida jacebat, & videns calamitatem ejus, quâ premebatur, tantum Evangelicus Samaritanus, super eam misericordiâ motus est, atque compassionis jaculo cordialiter vulneratus. Nec mora post sacra de Deo colloquia, extendit manus suas ad charitatis opera. Et primò quidem dedit ei circiter 30. grossos Flandrenses, pro duobus linteaminibus emendis. Deinde Sacerdos spiritu Dei accensus, Ecclesiam intravit, & ascenso umbrone, sermonem populo fecit, in quo duris increpationibus, eos, de tenacia vel immisericordialitate, ut digni erant, castigavit: eò quod in tanta necessitate & dolore jacenti, infirmæ creaturæ Dei, non subvenirent. Et meritò quidem pro zelo Dei, rigoro sè locutus est Sacerdos facundus, quia probata virtus, corripit insipientes. Verum postea plures Deo inspirante, ad misericordiam flexi, benefecerunt liberali corde, eleemosynas suas virgini sanctæ destinando.

3. Hic itaque Reverendus Pater, inter cætera charitativa colloquia cum virgine languente, quæ tunc temporis ferè medietatem infirmitatum suarum peregerat, cœpit ei dicere: Ante pascha sibi quodammodò esse revelatum, quasi ipse ex hoc mundo ad Patrem ante hoc pascha esset transiturus. Cui virgo respondit: quod usque ad futuram Pentecosten, sibi expectandum foret; &

quod adhuc iterum post pascha eam visitare deberet. Quod dictum, quàm verum fuit, rei exitus probavit. Nam post verba, in brevi obiit, Anno Domini 1413. in vigilia Pentecostes, hora 12. mediæ noctis, tertio idus junii, quo agebatur festum S. Barnabæ Apostoli. Defunctus autem devotus & misericors Pater Wermboldus, dilatus, est ab aspectu gloriæ faciei Divinæ, novem fermè diebus, sicut huic virgini revelatum fuit divinitus.

4. Cum autem iste venerabilis Pater, ante mortem suam cum virgine loqueretur ipsam paternaliter consolando, & illa quodammodò conquereretur, ex prolixitate infirmitatum suarum satis se gravari; Respondit Sacerdos ad ampliora patiendâ eam exhortando, & quasi prophetando; quia oporteret eam amplexari adhuc majorem tolerantiam, eò quod forsitan medietatem temporis passionum suarum vix implevisset. Et hoc ita contigit sicut præconizavit. Dicebat namque eam fundamentum valde latum & amplum, in cœlestibus collocasse; cujus structura superædificanda, non poterat in brevi consummari. Vixit autem virgo post obitum hujus dilecti patris, annis viginti in doloribus magnis & plagis multis sibi prævaticinatis: quam Deus tamen consolabatur, & confortabat raptibus frequentibus, per inspirationem sancti Spiritus, & visitationem civium superiorum.



*De diversis raptibus ejus, & cognitione,  
de statu quorundam Religio-  
forum.*

1. **R**apiebatur itaque sapissimè virgo hæc debilis corpore, spiritu fervens, in extasim per excessum mentis: sed non erat in ejus raptura hora & brevis mora. Quâdam vice Religiosus quidam interrogavit eam de statu suo, & patientia tribulationum suarum, quas quotidie patiebatur. Cui illa respondit; satis excessivè, & suprâ vires suas se gravari: & nisi pius Dominus baculo consolationis eam sustentaret, facillimè sub onere dolorum deficere posset. Ajebat namque, Divinâ misericordiâ affluente, quasi omni nocte per longam morulam unius horæ vel ampliùs, se rapi ad cœlestia speculanda: quorum delitiis tantopere reficiebatur, quod non solum sibi tolerabilis, sed etiam quælibet amarissima tortura delectabilis efficiebatur. Rapiebatur etiam ad loca purgatoria, & infernalicia tormenta; ut videndo horrida supplicia, patientius sustineret præsentia flagella; atque intimè compatiendo, libenter pœnitentiam ageret pro his, qui liberatione indigebant. In hujusmodi & aliis felicibus raptibus ferè 34. annis, in lectulo doloris recubans, visitata fuit, & in spiritu confortata: certis tamen causis (ut præfatum est) Divinis raptibus privata. In multis denique gestis suis, per contrarios eventus, Deus eam probans, sæpè humiliavit; & crebrò visitans, altius elevavit. Horum igitur raptuum occasione, multas Ecclesias, & Religiosorum monasteria, & dispositionem locorum, & structuram Ecclesiarum cognoscebat: personas quoque religio-

sas, quas nunquam viderat, nominatim cognovit; & qualia circa eas divinitus acta fuerant, aliis nonnunquam referebat.

2. Dixerat aliquando cuidam Priori, quod ita monasterium ipsius & Ecclesiam cognoscebat, sicut ipse: & quod per noctes dormientibus fratribus, dormitorium eorum visitare solebat, & circa lectulos fratrum Angelos sanctos stare videbat.

3. Erat quidem juvenis, Henricus nomine de Hagis villa Ducis Hollandiæ natus, quem virgo prius nunquam viderat: qui gratiâ Dei inspiratus, nescientibus parentibus ejus, habitum sanctæ Religionis apud Carthusienses, in partibus Brabantæ, prope Dieft, quæsit & accepit. Cujus Pater Wilhelmus nominatus, nesciens quid circa filium suum actum fuerat, ingressus est ad Virginem, forsitan aliquid quæsiturus. Qui statim proprio nomine & agnomine ab ea vocatus, audivit virginem prospera filio suo imprecantem, & super bonis à Deo ei factis congaudentem. Super quo ille miratus, causam hujus congratulationis sciscitatus est. At illa stupori ejus verbum jucundum adjiciens, respondit eum in supradicto monasterio sanctæ religionis habitum induisse.

4. Erat & alius Religiosus, de Draco natus, sed in Emstem regularis professus, qui quâdam vice cellulam virginis, ad visitandum eam tacitus intravit: quem illa proprio nomine appellans gratiosè satis salutavit. Et quamvis fortè eum prius semel viderat, pro tunc certè corporaliter non videbat. De quo etiam ille stupefactus quæsit, unde eum sic nosset. Cui illa simpliciter



respondens, Dominus (inquit) donavit. Hæc duo exempla pro nunc sufficiant, quæ frater Hugo, quondam Supprior in Brielis, ab ore eorum, quibus contigerunt personaliter, audivit, & testis veraciter existit.

## CAPUT XIV.

*De apparitione & cognitione angelicæ claritatis circa eam.*

1. **C**omplebatur luculenter in hac probatissima virgine, quod olim Dominus Moyfi & filiis Israël, terram promissionis intrantibus, dicebat: Ecce ego mitto Angelum meum, qui præcedat te, & custodiat semper, & sit ductor itineris tui. Legitur in multis libris Sanctorum, de apparitionibus Angelorum: & nunc similia probari possunt, in pauperula Lydia virgine, extestimonio multorum Religiosorum.

2. Visitabatur etenim celeberrimè ab Angelo sancto, à quo etiam tangebatur, digna ejus consortio, ac fulta præsidio: quem ita personaliter cognoscebat, sicut amicus suum cognoscit amicum. Similiter cognoscebat etiam Angelos Confessorum suorum, aliorumque familiarium suorum, ac multorum extraneorum. Apparebat autem ei idem Angelus diversimodâ effigie; interdum in forma viri pulcherrimi, semper tamen cum magna claritate, utpotè Angelus lucis, minister & signifer æternæ lucis. Nunquam verò claritas illa tanta erat, quod si mille soles, in virtute sua invicem lucerent; non tamen huic angelicæ claritati æquiparari possent. Interdum verò minor apparebat: semper tamen Dominicæ Crucis vexillum, in fronte præferebat, ne forè ab Angelo satanæ

deciperetur: qui in Angelum lucis se transfigurans, frequenter ei apparebat. Si verò propter frequentiam visitantium, aliquando turbabatur; aut propter præsentiam, vel contactum quorumlibet inhonestorum, puritas ejus maculabatur; ne hæc levis culpa in eandem vellere diu maneret, nec impunita transiret, præfatis angelicis visitationibus & Divinis raptibus privabatur.

3. Interdum quoque, cum quibusdam spiritualibus defectibus, soli Deo & Angelis cognitis, in conscientia gravabatur: horum occasione scrupulosè castigata, à consuetis raptibus etiam impediabatur. De quibus in mortuario cordis contrita, Angelo sancto ductori suo confiteri solebat; sicque humili confessione purgata, ab eodem præcedente, ad quæ ducebatur, sequendo properabat. Docebat autem ab eodem Angelo sancto, qualia sibi, & qualia Confessori suo deberet confiteri: quia quotidie quotidianos excessus suos confitebatur, juxta illud Psalmistæ verbum: Dixi: confitebor adversum me injustitiam meam Domino, & tu remisisti impietatem peccati mei.

## CAPUT XV.

*De mirabili modo interna commotionis, ante raptum spiritus ejus.*

1. **I**n illa indicibili nobis separatione spiritus ab anima, antequam extra se virgo sancta raperetur, primò tantam circa vitalia pectoris & cordis angustiam sentiebat, quod vix prævalens respirare, morituram se æstimabat, Verum postea in hujusmodi spiritualibus raptibus, propter consuetudinem assuefacta, tales angustias non est passa. Cum



Igitur spiritu ad prædicta loca raperetur, corpus ejus quasi mortuum & exanime, in lectulo remanebat adeò immobile, quod si quis illud tetigisset, ipsa non sensisset. Similia quædam leguntur in vita sancti Thomæ de Aquino: Ideo nemo dubitet de veritate novitatis hujus Virginis, quam Deus lætificavit ineffabilibus raptibus suis.

2. 2. Contigit ergo in raptu quodam, ut Angelus apprehensa manu ejus, duceret eam usque ad altare chori B. Virginis Ecclesiæ Sciedamensis. Cumque ibidem orasset, B. Virginem devotè salutando, ducebat eam Angelus versus orientem, per amœna loca rosarum & liliorum, omnique genere florum confita, ac aromatibus resperfa. Appropinquans ergò his locis, invitabatur ab Angelo, ut ingrederetur: sed illa propter reverentiam eorum, non audebat intrare, ne pedibus suis florida prata conculcaret. Tandem Angelo affirmante, quod non essent ab ea conculcanda, secundum monita ejus & invitationem ingrediens, sequebatur eum, quocunque præcedebat. Interdum autem flores isti tantæ celsitudinis & densitatis erant, quod ipsa causabatur, se non posse pertransire; at tunc Angelus eam, sicut quondam Abacuc Prophetam transtulit: ita & eam apprehendens, mox per eos flores in locum, ad quem pergebant confidenter, transponebat.

## C A P U T XVI.

*De spiritu prophetia ejus, quo multa secreta alijs revelavit.*

1. 1. C Onstat autem hanc virginem, etiam multa secreta, tam de vi-

vis, quàm defunctis, cognovisse; è quibus aliqua, pro utilitate & consolatione amicorum, indicavit; plura verò sub silentio, humiliter reservavit. Siquidem incendium civitatis Sciedamensis, longè ante præcivisse creditur: eò quod priusquàm contingeret, provisionem asserum in pariete domus suæ fieri jussulat. Quærentibus ergò cur hoc faceret, dicebat: quia si incendium oriretur, tunc facilius eam, amotis asseribus, exportare foras, & ultra fossam transvehere possent.

2. Igitur Anno Domini 1428. contigit, quod quidam nauta de Sciedam, pro hæcicibus perrecturi, cœnam magnam sociis & amicis suis, ad valedicendum eis, ipso die S. Arnulphi Episcopi & Confessoris, studiosè paraverunt, latantes quidem de præsentibus bonis, nil de futuris malis formidantes. Peraçtâ itaque cœnâ, cum ignem sub vasculo circa parietem arundinensem operuissent: tunc ecce circa undecimam horam noctis instantis, paulatim incendium exoritur, quod per reliquum noctis spatium desævians, processit: ita quod ferè tota civitas cum Ecclesiâ, & domo sororum, Ecclesiæ proxima, combureretur.

3. Quo facto, quamplures homines civitatis illius pro certo tenebant, hoc grande incendium, propter peccata quorundam hominum contigisse: qui inter cætera peccata, præfatæ imagini B. Mariæ Virginis irreverentiam exhibuerant. Inter quos erat scæmina sæcularis & dissoluta, sæculi vias latas sequens cum dissolutis. Post cujus mortem, Sacerdos quidam huic virgini familiaris, petiit ab ea, ut pro se oraret, quatenus ipse aliquid certi, de statu mulieris defunctæ, perciperet. Quod cum virgo



annueret, & faceret; idem presbyter in visu noctis raptus ad loca infernalīa, vidit præfatam fœminam igneis catenis ligatam, in inferno teneri; quod & huic virgini cum stupore referebat, & dolore.

## CAPUT XVII.

*De quodam Sacrista defuncto, & aliis pluribus defunctis.*

1. **E**Rat quidam Sacrista, Balduinus nomine, in villa Ouderschie, ab antiquitate sic dicta; qui infirmatus, obiit in nocte conversionis S. Pauli, cujus nomen hæc virgo prius ignorabat. Eadem verò nocte, virgo orationi vacans, solito more à sensibus rapta, venit ad quendam montem, ad cuius radicem videbat hominem tunc sibi incognitum, volentem montem ascendere, sed præ invaliditudine non valentem. Quem cum, ob rogatum ejus in humeris suis positum sursum portasset, mirata, de ponderositate ejus, quæsit, quo nomine vocaretur? Qui respondens ait: Balduinus de Velde. Mane factò, Dominus Joannes Confessor virginis ingressus cellulam ejus, invenit eam, quasi præ lassitudine magni laboris, graviter suspirantem, & præ defectu vix anhelitum trahere valentem. Interrogavit ergò Sacerdos, causam hujus anxietatis & fatigationis? Quæ rem in visione ostensam, ex ordine pandit: & nomen viri prius ignoti, quod Balduinus vocaretur, edicit. Super quo miratus Sacerdos ille, recordabatur Sacristæ in Ouderschie, qui Balduinus vocabatur, sed agnomen ejus ignorabat. Post biduum idem Sacerdos, causa celebrationis venit ad villam illam, in-

terrogans fœminam quandam de statu & agnitione ejusdem Sacristæ. Quæ agnomen illius, sicut virgini fuit revelatum, edixit: asserens similiter eadem nocte defunctum, qua & virgo cum radice montis, ad cacumen portaverat.

2. Aliâ quoque vice, solito more rapta, venit circà quendam montem, videbatque diversos diversimodè oberantes: alios ad radicem montis, alios altiùs enitentes, & alios in eminentiori loco montis versantes, volentes quidem montem ipsum ascendere, sed non valentes: sed nec, qui eos juvarent, auxiliores habentes. Intellexit ergò virgo, quod ista prætenderent: quia defunctorum animæ erant, quæ suffragia desiderabant. Cum autem aliquæ præcipuæ solemnitates instarent, per aliquos dies ante illa festa, rapiebatur ad loca purgatoria; ut videret calamitates afflictorum, qui auxiliis indigebant, nec sibi ipsis poterant subvenire, quatenus pro eis fideliter Dominum oraret, qui pœnis gravissimis cruciati, cum beato Job clamarare cogebantur. *Miseremini mei, miseremini mei, saltem vos amici mei: quia manus Domini tetigit me.*

3. Reverfa igitur ad se, cum pro eorum liberatione, quotidianas febres libenter sustineret, atque amarissimè fletet, Divinam misericordiam instanter exorando. Rursùm in ipsis solemnitatibus rapta, pro eorum agnita redemptione, tanto gaudio exultabat, quod vix præ lætitia semetipsam capere poterat. Licet autem cæteris diebus quamplures sæpius eriperet, in præcipuis tamen festivitatis, multo plures & in majori copia, Deo propitiante, eripuit. Aded autem acriter super



super miseras eorum doluit, & frequenter plorabat, quod deficientibus in ea naturalibus lachrymis, sanguineæ lachrymæ succederent: quas successu temporis super genas ejus coagulatas, Confessor ejus cum naturalibus lachrymis extillantibus emolliens abrasit; & in sacculo ponens, apud se in scrinio reservabat: atque post mortem ejus sicut optavit, sub capite ejus in sepulchro reponebat.

## CAPUT XVIII.

*De cautela & circumspectione ejus, circa revelationem statuum defunctorum.*

I. I. **M**ultum quidem cauta & circumspecta fuit hæc virgo, loquens de statu defunctorum, licet sæpius secreta Dei non ignorabat, quod sequenti exemplo, ex verbis ejus apparebit, ad cautelam imperitorum, quos sæpe fallunt visiones mortuorum. Post mortem igitur Ducis Wilhelmi ac Comitissæ Hollandiæ & Zelandiæ [sub quo virgo hæc clauit & diu ægrotavit] rumor quidam popularis insonuit, & ad aures Margaretæ Comitissæ uxoris Ducis jam defuncti, pervenit, quod hæc virgo dixisset, eum jam fore salvatum. Audierat etiam, quod hæc virgo per triduum mortua fuisset, & revixisset.

2. Misit ergo Nobilis ac Reverenda Domina ad eam, unum de famulis suis, ut inquireret hujus rei veritatem. Interrogata igitur super utroque ab ipso nuncio transmissio, ad unum ita respondit: Si triduum mortua fuisset, Schiedamenses me diu tepelissent. Ad aliud vero sicut ridiculosum judicabat, quod interrogabatur, ita quodammodo respondit dicens: Si ille jam esset in æterna vita,

tunc Dominus injuriaretur mihi, quæ decem & septem annis, gravissimis infirmitatibus detenta, de lecto non descendi, nec terram tetigi. Quapropter precor, ne occasione mei peccetis. Sicque nuntius, qui incertus venit, incertior inde recessit. De pluribus tamen religiosis defunctis, certam nonnunquam dabat sententiam, quod essent salvati, & in gaudium Domini sui introducti. Denovissimis quoque temporibus, & adventu Antichristi, dicere solebat, quod ipsa neutrum horum esset visura.

## CAPUT XIX.

*De tentatione cujusdam viri, consilio virginis, à laqueo diaboli liberati.*

I. I. **C**ivis quidam honestus ac Scabinus civitatis Schiedamensis, graviter à diabolo tentabatur, ad injiciendum sibi ipsi manus violentas, per suspendium laquei mortis. Habebat autem Sacerdotem & Capellanum bonum, Joannem nomine, Dei gratiâ adornatum, qui coram eo Missas celebrare, & pro eo orare consueverat. Quoties igitur eum tentatum noverat, vix ei persuadere poterat, ne sibi crudelem mortem inferret. Sed cum ille violentiæ tentationis resistere non posset, nec Confessor ejus à laqueo suspensionis tentatum cohibere; Sacerdos anxius satis de periculo, ad virginem pro consilio accessit: interrogavitque quid sibi circa tentatum faciendum esset: Tunc illa, sciens diabolum non posse sustinere, quod artes malitiæ suæ verterentur in arma salutis, suavitè presbytero, quatenus si tentatus suggestioni diabolici resistere non valeret, hoc ei præ-

pœni-



pœnitentia injungeret, quod hostis malignus ad ruinam suggerebat.

2. 2. Quo audito, Confessor metuens ne perditionis ejus causa existeret, non audebat tentato dicere, quod consulebatur. Illa verò in Deo confidens, jussit, ut in conscientia sui fiducialiter id ageret. Dum ergò quâdam vice circa tentatum Sacerdos opportunitatem nactus, fecisset, quod virgo consuluit, tentatus flexis genibus gratias egit: quia quod diu desideraverat, jam tandem obtinere meruit. Statimque domum reversus, funem trabi applicans, & collo suo circumvolvens sedem ascendit, ut illaqueatus se suspenderet.

3. 3. Sed ô mira Dēi clementia, & ineffabilis Divinæ miserationis providentia, qui fallacias diaboli convertit ad liberationem servi sui, propter obedientiam Sacerdotis, acquiescentis consilio virginis Christi. Videntes ergò demones & invidentes, eum tali morte sibi auferendum, violenter apprehensum cum laqueo abruptentes dixerunt, non vos modò suspendetis, Iratique vehementer, post tergum cujusdam scriniū inter parietem & cistam, eum projece-  
runt & intruserunt. Unde per trium horarum ferè spatium, à domesticis multum quæsitus, & tandem cum omnium admiratione inventus, non nisi per ablationem cistæ, extractus est, ac deinceps mansit à tentatione liberatus.

## CAPUT XX.

*De femina, meritis B. Mariæ Virginis, & fovea desperationis liberata.*

1. 1. **I**N eadem civitate Schiedam, erat femina quâdam pusillanimis & timorata, quam diabolus in desperationis barathrum ferè præcipitaverat. Obje-  
à Kemp. Vita B. Liduvina Virginis.

cit ei namque sæpius per somnium, scedulam cum peccato quodam ab eo commissò, quasi necdum divinitus dimissò, nec dimittendo; cum tamen ipsa illud sacramentaliter sæpius confessa absolutionem suscepisset, & pœnitentiam adjunctam egisset. Cum ergò cordis sui angustias, huic virgini crebrius exponeret, & illa benignis consolationibus desolatam refoveret, nec tamen quantum vellet, circa eam proficeret, cò quod princeps mortis, novis semper terroribus per somnium eam, sicut prius conturbaret, dicens: nequaquam manus meas evadere poteris, quia literis ististe mihi confirmatam & subjugatam habeo.

2. Contigit ergò quâdam vice, ut 2. virgo orationibus dedita, ad cœlestia rapta eundem videret dæmonem, chartam ipsam in manu gestantem: sed manu Beatæ Mariæ Virginis de manu ejus violenter est ablata & rupta. Potens enim erat misericors Domina, omnia machinamenta diaboli dissolvere, & tristem animam fiducia bonæ spei consolari. Hæc postmodum virgo sensibus corporis restituta. Domino Joanni Walteri Confessori suo retulit, malitiam diaboli per pietatem B. Virginis destructam ostendens. Post hæc femina prædicta, sicut prius, desolationis suæ quærimonias, coram virgine deposuit: quam illa blandè consolans, tacita tamen chartæ destructione, præcepit, ut secunda deinceps esset, nec quicquam mali super hoc sibi eventurum formidaret. Sed & seipsam obsidem pro conscientia illius, in die judicii offerens, ac divinæ pietati per omnia confidens, ab omni præhabita trepidatione, liberam eam reddidit, & pacatam.



## CAPUT XXI.

*De gratia magna compunctionis, & largæ  
effusione lachrymarum, in commu-  
nicatione corporis Christi.*

1. **N**unc consequenter dicenda sunt aliqua, de statu sacræ communionis hujus devotissimæ Virginis: qualiter ipsa (aspirante Divinâ gratiâ) paulatim profecit ad altiora dona, frequenter accipiendo pretiosi corporis Christi Sacramenta.

2. **E**o igitur tempore ariditatis suæ, quando virgo adhuc nescia spiritualis dulcedinis, langueret in lectulo acerbissimi doloris, fuit devotus quidam Sacerdos, Dominus Joannes Pot dictus, qui eam bis in anno communicare solebat, & primitus ad meditationem Dominicæ Passionis informaverat. Hic ergo curam gerens salutis ægræ virginis, cum quodam die eam communicaturus esset, accipiens in manibus suis sacram & incontaminatam hostiam, indicabat ei seriosè satis & affectuosè, quatenus aspiceret & suscipere eum, quem in manu tenebat: sciens pro certo, quia ille foret Dominus Deus, Creator suus, qui pro ipsa fuerat incarnatus, passus ac mortuus: qui etiam omnem, quam patiebatur tribulationem, copiosissimè sibi esset remuneraturus, ac omnem dolorem mitigaturus. Quibus verbis, aded statim ipsa compuncta fuit, & quasi quibusdam igniferis amatoris jaculis vulnerata. Et sicut prius præ dolore cordis, & impatientia sensus, non poterat cessare à lachrymis multis: ita & nunc per quindenam ferè vel amplius, non valebat se continere à fletibus, præ magnitudine contritionis, & Divini amoris. Dolebat namque & plorabat,

pro cœcitate præteritæ negligentæ & obtusitatis suæ diuturnæ, in qua tamdiu impatiens & inconsiderata fuit: quod nec matris, nec cujuscunque hominis consolationem admittere poterat, nec causam lachrymarum alicui indicare.

3. **E**x hinc jam recepto salutari Sacramento cum magna contritione, cœpit frequentibus consolationibus Divinis refoveri, licet nondum per raptum contemplationis excederet. Nec tamen interrogantibus, volebat causam lachrymarum suarum patefacere: ne manna absconditum, quod gustaverat, perderet, sed reticendo, securius in corde servaret. Utebatur autem per Divinam dispensationem hujusmodi consolationibus octo ferè annis, antequam inciperet extaticè rapti extra corporis sensus.

4. **H**is igitur duobus adiutoriis, scilicet sacræ communicatione corporis Christi, & devotâ meditatione Dominicæ passionis, quasi quibusdam duobus amorosis brachiis, amplexabatur dilectum Sponsum suum, JESUM Christum. Ideoque confidenter cum sponsa in amoris cantico dicere poterat: (cujus ineffabilis dulcedinis gratiam, in se frequenter per experientiam sentiebat) Fasciculus myrrhæ dilectus meus mihi, inter ubera mea commorabitur. Sicut enim myrrha mortuorum corpora, à putrefactione præservat; ita & quotidiana passionis Christi exercitatio, mentem ejus ab impatientia & murmure præservabat. Et sicut panis materialis, manducantem roborat; ita susceptio corporis Christi, spiritum ejus reficiens, vitam & lætitiâ ei conferebat.



## CAPUT XXII.

*De insatiabili desiderio ejus ad communicandum sepius, & de apparitione pueri crucifixi.*

1. **C**Um Salvator noster JESUS Christus, Evangelium regni cœlestis prædicaret, inter multa cœlestia verba, quæ docuit, hoc saluberrimum fidei verbum, de Sacramento corporis sui dicebat: Qui manducat me, & ipse vivet propter me: scilicet, vel spiritualiter tantum, vel etiam sacramentaliter & spiritualiter, me manducando: aut certè nunc vivet in vita gratiæ, & in futuro in vita æternæ gloriæ mecum regnando: Hoc enim sacra communicatio corporis & sanguinis mei significat. Quæ fidelis promissio, in hac virgine indubitanter completa est, Christo mirabilia sua in ea benignissimè operante. Nam cum primam ferè medietatem temporis ægritudinum suarum, parco valde & superhumano uteretur alimento; (prout in prima parte hujus libri habetur) Insuper & cum per reliquum totum tempus vitæ suæ, nullum penitus cibum nec potum sumeret: non tamen poterat hæc sancta famula Dei, ab hoc vitali cibo, & vivifico corporis Christi sacramento, penitus abstinere. Nam quantum per corporales infirmitates deficiebat in corpore, & corporalem cibum minus sumebat, tantum desiderium cœlestis & Divini panis in ea crescebat: atque mediante eo, in spiritu confortabatur, & spiritualiùs intus vivebat. Unde in principio ægritudinum suarum, per tres aut quatuor annos, semel in anno (in festo Paschæ) communicare solebat: postea verò, incipiente consolatione Divinâ per aliquot annos binâ vice Christum accipiebat.

2. Post hæc matre defunctâ, in tantum desiderium ejus crescebat, & afficiebatur ad communicandum, quod sex vicibus aut amplius, corpus dominicum plenâ fide, & devotione præcipuâ, in singulare animæ suæ solatium & subsidium sumebat: Et hoc ipsum frequentius acceperat, nisi curatus Ecclesiæ sibi denegasset. Unde & si quando ab eo sacram communionem corporis Christi suscipere petebat, invitè satis & contra voluntatem suam ad eam veniebat, super quo ipsa valde dolebat. Nam quantò diutius ægrotando jacebat, tantò amplius corporaliter cruciabatur, tantò magis in Divino amore fervebat: Et quantò ad amorem Dei inflammabatur, tantò omnipotentis Dei gratia amplius in ea operabatur.

3. Post hæc mirabilis quædam visio apparuit virgini, desiderio communicandi flagranti. Nam quædam visibilis imago pueri crucifixi, cum quinque vulneribus apparuit ei in lecto cubanti; quæ postea in hostiam sacramentalem, cum eisdem vulneribus versa, in aëre supra mappam lecti ejus pependit, qua virgo erat pro parte cooperta. Misit ergò nuncium curato Ecclesiæ, ut ad se veniret, & Christum in hostia sibi apparentem videret: quam etiam quidam alii oculis suis viderunt: Deinde petiit, ut hanc hostiam sibi communicandam tribuat, ac dictis ejus & operibus Divinis non diffidat. His auditis, licet dubius, tradidit ei hostiam visam, quam virgo sibi dari petiit, & reverenter accepit. Post hujus hostiæ mirificam apparitionem, & devotam susceptionem, tanto divino amore, & sacre communionis desiderio, eor virginitatis



accendebatur, quod pluribus annis per omnem quindenam, venerabile Eucharistiæ Sacramentum de manu Sacerdotis sumebat; quem etiam multa providentiâ & subtilitate ad hoc uti oportebat: quia alias illud insumere, præ debilitate non potuisset. Postea verò parùm aquæ pro ablutione ei porrigebat; ob cuius modicitatem, tantam difficultatem patiebatur in gutture, quod vix poterat eam deglutire. Interdum tamen non porrigebat aliquam ablutionem, propter nimiam insumendi gravitatem. Et hic quidem status communionis ejus, usque ad annum Domini 1421.

4. 4. Ab hinc autem usque ad mortem suam, communiter patiebatur febres quartanas, & interdum quotidianas, pro sublevatione animarum à purgatorio. Quo tempore, tanto Divino amore flagrabat, quod communiter (quando tempore quartanæ febris accessum febrilem non patiebatur) duobus diebus conjunctim, de manibus Confessorum suorum communicabat. Erat autem hoc sanctum & venerabile Corporis Christi Sacramentum virgini infirmanti, non solum spiritualis animæ ejus refectio: sed etiam corporis afflictæ relevatio quædam, & sustentatio. Præcipuè tamen, tempore subtractæ gratiæ, ac Divinæ consolationis privamine, hoc sacrosanctum Dominici corporis epulum, crebrius sumebat in singulare subsidium. Nam interna Divinæ consolationis gratia, erat sibi corporis & animæ refectio, quam sæpius experiebatur in abundantia spiritus, & lætitia cordis: ex cuius iterum carentia, in tantum corpore debilitabatur, quod quasi sine spirituali refectioe, non valeret sustinere, & corporaliter vivere. Ideo (ut dictum est) corpus

Christi ardentè sitiebat, & in sustentaculum vitæ accepit; ne in peregrinatione præsentis, sub onere afflictionis lassata, expiraret. In cuius sumptione, tanto Divino lumine frequenter illuminabatur, quod sicut corporalibus oculis corporaliter videbat: ita & ipsa supercelesti hoc lumine perfusa, omnia interiora sua oculo mentali perspieiebat. Hoc idem & in cæteris temporibus sæpe ei contigit, in præsentia luminis Divini, & raptu vitæ contemplativæ. Unde & postea tempore ariditatis suæ, & subtractione consolationis, cum per divinam dispensationem, hanc illustrationem non sentiret: dicere intra se solebat: Oubi nunc sunt dies illi, in quibus interiora mea interno oculo solebam intrare, sicut corporis oculo corporalia videbam? Sicque in ea perficiebatur illud Sapientis dictum: In die bonorum, ne immemor sis malorum: & in die malorum, ne immemor sis bonorum.

## C A P U T XXIII.

*De febre Balduini pueri, & Domini*

*Joannis Confessoris ejus.*

1. **H** Abebat autem apud se virgo de-  
solata pro aliquali solatio, in extremo tempore ægritudinis suæ, filium fratris sui Balduinum nomine, puerum duodennem, quasi continuè sibi ministrantem. Qui, ut firmiter retineret, quæ apud eam mirabilia fiebant, & frequentè experientia cernebat, salubri verbere, & pio quodam miraculo, in recordatione mirabilium suorum, infirmitatem febrium ei à Domino procurabat. Utebatur namque idem puer juvenculus amphorâ quâdam, ex qua potare solebat.

2. Circà Festum igitur Nativitatis B. Mariæ Virginis, anno illo ante diem obitus



obitus sui, præcepit virgo eidem puero vespere jam facto, ut amphoram suam tenui potu repletam, apud lectulum suum collocaret. Manè facto, advocans puerum, iussit ut amphoram tolleretur, & potaret. Cum ergo amphoram accepisset, invenit eam novo quodam poculo, Dei dono repletam, quasi in ea esset confectio facta, ex mixtura Cinnamonomi, & aliarum specierum, suaviter redolentium, ac saporosè gustantium. Sicut autem hæc virgo secundum multitudinem tribulationum, quibus quotidie flagellabatur, Divinis etiam consolationibus refovebatur: Sic è converso, prædictus puer accepto & potato, quantum volebat, de præfato poculo, eodem die cepit languere, & successivè diversis febribus inquietari, usque circa festum natalis S. Martini Episcopi, ejusdem anni tempore hyemali. Ex eodem autem poculo miraculoso, diversi homines etiam potabant, non tamen aliquas infirmitates, sicut præfatus puer, incurrabant. Similiter & diversi alii liquores, in eandem amphoram per integram hebdomadam missi, saporem suavissimi poculi bibentibus præbuerunt, absque molestia tamen alicujus infirmitatis. Hoc ergo poculum, quod puero fuit in signum flagelli, aliis gustantibus extitit in solatium novi miraculi.

3. Curato autem puero à febribus suis, rursus extensa est manus Domini in Sacerdotem hujus virginis. Nam Dominus Joannes Confessor ejus, in febres quartanas incidit: & eodem die, quo virgo solito more febricitabat, & ipse percussus rigorem febrium sustinebat. Hæc videns soror Domini Joannis, interrogabat virginem, quamdiu febres

dit, cum circa Dominicam primam fratris sui deberent durare. Quæ respon-  
quadragesimæ sequentis esse liberandum. Quod & ita factum est, ut prædixit. Et cum idem Dominus Joannes, gravi infirmitate usque ad mortem ægro-  
raret, virgo ei compassa, magna instantia precum suarum, mortis dilationem & vitæ prolongationem à Domino misericorditer eidem impetravit.

## CAPUT XXIV.

*De dolore calculi ipsius & presentia ante diem obitus ejusdem.*

1.

1. Virgo Christi Lidevigis, in multis examinata doloribus, ut non remaneret in ea peccati macula, tandem adhuc una acutissima plaga percussa est & purgata. In ultimo igitur anno vitæ suæ, à Festo Purificationis usque ad festum Paschæ sequentis, cum aliis infirmitatibus, quas prius diutissime habuerat, tantâ molestiâ calculi gravabatur, quod frequenter duabus vel tribus vicibus, una hora quasi exanimis facta, loqui non poterat. Quâ angustia cum vehementi morsu dentium, sine verbis impatientiæ, vix transactâ & cessante, paucissimis verbis vix uti poterat ad loquendum. Dicebat autem, quia idem calculus mortem sibi esset illaturus, quantitatem habens quasi unius ovi columbæ.

2.

2. Eo quoque tempore, ita rarè per internas consolationes divinitus visitabatur, quod Domino Joanni Confessori suo, quodammodo se derelictam à Domino præ solito, cum lachrymis conquirebatur. In qua tamen desolatione, majus meritum per patientiam ei accrevit: quia conformior Christo in Cruce patienti reddebatur, qui voce magnâ, ad Patrem clamavit dicens: Deus meus,



Deus meus, ut quid dereliquisti me? Ipsa autem sancta Virgo, sicut vera amatrix & bajulatrix Crucis, continuabat & tolerabat infirmitates suas usque ad mortem, quam etiam longè ante [Domino revelante] præsceperat. Nam cum quidam Religiosus Prior, ab ea demandatus, ad eam venisset, [scilicet in profesto Cathedræ S. Petri, eodem anno obiit] alterâ die summo mane admonitus est idem Prior à Domino Joanne Confessore Virginis, ut intraret cellam ejus, si quid gratiæ spiritualis circa eam vellet experiri.

3. Cum ergo cellam ejus intrasset, tantam odoris suavissimi fragrantiam in ea perferens, quam virgo tunc à Domino visitata, & ad loca cælestia perducta, reportaverat; quasi in eadem cella, diversæ species aromaticæ repositæ fuissent. Post mutuum igitur divinumque colloquium de his, propter quæ priorem vocaverat, admonuit eum, ut in festis paschalibus ad eam rediret, ad conferendum adhuc de iisdem melius, prout Dominus donaverit. Quod si eam non inveniret, quod tunc ex charitate pro ea oraret. Ex quibus verbis liquidò patet, hoc eam de morte sua dixisse, licet mentionem mortis non exprefferit.

## CAPUT XXV.

*De gratia in nocte Paschali & Prophetia mortis ejus.*

1. **A**Dveniente autem solemnitate Paschali, in ipsa sacra Dominicæ Resurrectionis nocte, circa horam quartam, diluculo illucescente, prædictus Dominus Joannes Confessor ejus, ad invisendam Virginem accessit; qui tam ex odore manuum ejus, quam ex

verbis ipsius, clarè percepit, quod more solito, ab Angelo sancto visitata fuerat. Tantam enim suavitatem apud eam sentiebat, quod putabatur diversorum aromatum unguentis peruncta. Super quo, cum ille ei congratulans Domino gratias ageret, ipsa ad se post habitam visionem reversa, fatebatur se divinitus consolatam: pœnas tamen gravissimas sibi instare assererat, quas per eadem festa passura erat.

2. Dicebat quoque se in eadem nocte audivisse, in cælestibus alleluja cantari: atque sperabat, quod idem canticum alleluja, cum cælestibus spiritibus breviter in majori gaudio & consolatione esset canitura: levius quoque se habituram ab illis gravaminibus, si festa Paschalia transissent. Quod de mortis exitu dixisse videtur; quamvis breviter se morituram non indicabat. Singulitamen diebus, scilicet ipso sancto die Paschæ, cum duobus sequentibus, dicebat adventantibus: quod pœnæ, quas patiebatur, non essent diu duratura; sicut postea rei probavit eventus.

## CAPUT XXVI.

*De felici obitu ejus, & doloribus in extremis.*

1. **I**Gitur cum feria tertia, infra octavas Paschæ ingrueret, Virgo mitis & patiens, volens se plenius recolligere, supplicabat Domino Joanni Confessori suo, qui manè ad eam veniebat; quatenus nec ipse, nec aliquis diligentium eam, ipso die advisitandum eam intraret; excepto puero Balduino, qui ei sedulo usque ad mortem serviebat. Quod & factum est, ut secundum desiderium cordis sui, solitariè & ab omnibus desolata moreretur. Siquidem præfatus Confessor ejus,



ejus, cuidam religioso referebat, quod ante quatuor vel quinque annos obitus ejus, audierat eam Dominum rogantem, quod non nisi se solo teste, & ipsa sciente moreretur. Itemque petierat, quod pœnas & infirmitates suas multiplicaret, dies suos abbreviaret, horam mortis acceleraret, ac brevem mortem redderet: Quod & factum fuit, ut jam è vicino patebit.

2. 2. Omnibus igitur familiaribus domus suæ exclusis, & Domino Joanne absente, qui pro tunc vigiliis defunctorum, pro quadam matre sororum defuncta legerat: Virgo ad extrema tendens (præsente solo præfato puero, qui ei testam porrigebat, & effusa per vomitum exportabat) in tantum angustabatur, in ipsis vomitibus expuendis, quod conquerendo, puero ministro suo dicebat: Charissime fili, utinam sciret Dominus meus Joannes, quantum nunc gravor. Nec mirum, si in his angustiiis gravari se fatebatur, cum dolor super dolorem in ea adveniens augebatur.

3. 3. A septima namque hora ejusdem diei, de manè, usque circa quartam horam post meridiem, antequam moriebatur, ferè viginti vicibus evomit materiam satis viridem, quàm de fellis amaritudine exisse putabat. Cumque puer præfatus, his visis & auditis, interrogaret eam, an vellet Dominum Joannem advocate. Tandem adveniente ultimo vomitu, tantam difficultatem in eo patiebatur, quod materiam in gutture collectam non valens ejicere, cœpit ex ea suffocari. Quod cernens puer innocens, suspicatus eam statim morituram, flens cucurrit foras, & nuntiavit hæc Domino Joanni, ac cæteris condomesticis illic congregatis,

Qui cum similiter flentes accurrerent, inveniunt eam agonizantem. Tunc Dominus Joannes apprehensa manu ejus, petiit ab ea signum, an viveret, vel si vellet inungi. Cumque illa reticeret, accenso lumine, & lucernæ imposito, applicuit sacerdos lumen retro à capite ejus, putabat enim eam adhuc vivere, & idè non posse lumen sufferre, invenit eam defunctam, & præsentis vitæ evasisse miseriam.

4. A tempore autem quo ultimè loquebatur, usque ad expirationem ejus, vix spatium trium Psalmorum miserere intercessit, sicque finis ejus brevis apparuit, quemadmodum à Domino diu antè petierat. Obiit autem Virgo patientissima, Deo & Angelis gratissima, decimo octavo Kalendas Maji, ipso die sanctorum Martyrum Tyburtii & Valeriani: anno Dominicæ Incarnationis 1433, feria tertia infra octavas Paschæ, circa quartam horam post vespèras: anno ætatis suæ 53. qui secundum cursum festivitatum, completus fuerat ante mortem ejus in die Palmarum. Et convenienter satis (Deo moderante temporum vices) in hebdomada Paschali, ex hoc sæculo migravit; ut quæ longo tempore particeps fuerat passionum Christi, meditando, compatiendo; etiam cum ipso in sancta festivitate Paschali lætissimæ resurrectionis ejus, ad æternæ vitæ gaudia transiret.

5. Obiit autem electa Virgo Christi, s. variis tribulationum ictibus concussa, completis ab exordio ægritudinum suarum triginta octo annos, tricesimo nono incepto, Angelorum choris digna associari, quæ Angelicam vitam in casti-  
monia, à puerilibus annis studuit imitari.



## CAPUT XXVII.

*De mirabili dispositione brachiorum ejus, & involutione corporis.*

1. **P**ost mortem autem ejus, quædam mirabilia circa corpus ejus sunt inventa, de quibus habentur testimonia certa. Nam dextrum brachium ejus, quod per multos annos ita mortuum erat, quod non poterat illud per se movere: sed postea per acrem curationem cujusdam chirurgi, aliquantulum mobile fiebat: Post mortem tamen ejus nudato corpore sancto contra omnium spem & notitiam, nemine sciente, quo modo id factum fuerit, inventum est cum sinistro brachio ejus, quasi complicatis manibus, & digitis incurvatis circa pectus ejus decenter jacere. Solita namque erat adhuc vivens quibusdam dicere, quia sperabat, quod adhuc ante mortem suam, cum utroque brachio extenso, Deum esset laudatura: Quod & factum fuit, & multis post mortem ejus clarè apparuit. Multis quoque annis, & ferè triginta ante mortem ejus elapsis, cingulis cilicinis pluribus, ad carnem castigandam utebatur, cum quorum ultimo per triennium accincta, diem clausit extremum. Cum ergo defuncta esset, & nudata pro sepultura, revestiri deberet, invenerunt qui aderant, circa scapulas ejus prædictum cingulum, à corpore ejus solutum, modo hominibus ignoto: sed integrum in rotundum, & à vinculis ligaturæ suæ non solutum.

2. Perierat autem diu ante obitum suum, à suprâ memorato Domino Joanne Confessore suo, quod non pateretur eam post mortem, longam trahere moram suprà terram: sed statim procuraret eam investiri, & secundum modum ab ea

sibi dispositum, faceret sepeliri. Quod cum ille libenter fecisset, impeditus est propter violentiam rectorum civitatis, quibus resistere non poterat. Præceperant enim ei, sub pœna honorum & corporis sui, ne eam de loco moveret. Remansit ergo corpus usque ad manè feriæ quartæ, more solito vestitum, & in ligneo scrinio reconditum; atque in eodem loco repositum, ubi ferè viginti annis jacuerat vivum. Vestiebatur autem idem venerabile corpus more religiolarum sororum, in tunica lanea, cum zona cilicina desuper accinctum, quali in vita ad carnem uti consueverat. Deinde positum est super caput ejus pileum rotundum sive mitra quædam circularis de franceno formata: in cujus ambitu gloriosa nomina, Jesus & Maria erant cum nigro incausto inscripta: cum quibus plura corda depicta fuerant, quasi jaculis sive sagittis acutis transfixa.

3. Hæc autem omnia sepulturæ suæ necessaria, pluribus annis antea præparaverat: & de extremis cogitans apud se tenebat, juxta illud Prophetæ dictum: Præparare in occursum Dei tui Israel, quia veniet Dominus, & non tardabit reddere unicuique juxta opera sua. Sub capite verò ejus [sicut desideraverat] positus est sacculus quidam, cum lachrymis ejus sanguineis suaviter redolentibus, quas rosas appellaverat: quæ ex charitate magna, & cordis contritione ab oculis ejus distillaverant. Has quidem successu temporis, ex oculis ejus defluentes, & super genas ejus coagulatas, Dominus Joannes Confessor ejus, cum aliis communibus lachrymis ejus, leniter emolliendo, cautè abraferat, & in sacculo diligenter recondens, apud se in scrinio mundo reservaverat.



## CAPUT XXVIII.

*De mirabili decore & aspectu vultus ejus.*

1. **P**rædixerat autem Virgo eximiam humilitatis, quod sicut cæteri homines cum maximis pœnis morerentur, & quod nulla miracula in ejus morte contingerent, quod & factum fuit, ut jam patuit. Sed tamen, ne Deus pauperis & humilis ancillæ suæ, doloris & laboris oblivisci penitus videretur, & laudabilis patientia ejus de ore hominum tolleretur, ostendit etiam certis indiciis coram humanis aspectibus, quàm magnis meritis micaret in cælis, diu jacens gemma nobilis in ergastulo carnis. Nam virginea facies ejus, quæ virorum declinavit aspectus, ut cœlestem Sponsum videret limpidius, nulum mortis prætendebat pallorem, nec horrorem: sed quasi oleo vel aliquo aromatico liquore linita fuisset, tanto splendore, & decenti albedine radiabat, ut non facies communis hominis mortalis, aut cadaveris defuncti videretur: sed quasi similitudo hominis glorificati aspicientibus appareret.

2. **2.** Dicebant namque, qui aderant, nunquam tam speciosam imaginem se vidisse. Unde & licet multi ad videntem eam pluries accesserint, non tamen poterant aspectu ejus satiari. Similiter & totum corpus eadem albedine, & simili splendore nitebat: tantaque gratia sanitatis, & decenti carnositate omnia membra ejus refulgebant, quasi nunquam aliquid infirmitati passa fuisset. Fractura etiam frontis ejus, olim in vita apparens, totaliter evanuit. Pedes quoque & crura, manus & brachia, collumque corpulentum, actotum corpus ita integrum visum est, quasi nunquam  
à Kemp. Vita B. Liduvina Virginis.

quam aliquid læsionis aut vulneris in eis prius tetigisset: Excepto tamen, quod in vulnere dextri brachii ejus, & in uno vulnere à Picardis sibi illato, parvæ cicatrices, ad modum filii, in signum percussionis, apparebant.

3. **3.** Habebat autem prædictus Dominus Joannes tres sorores germanas, quæ cum aliis quibusdam honestis matronis, hoc venerabile corpus custodirent, ex aspectu autem & præsentia illius, tanta gratia replebantur, quod toto tempore (scilicet à transitu ejus, usque ad sepulturam) nec fame, nec siti, nec somnolentia gravabantur.

## CAPUT XXIX.

*De concursu visitantium corpus ejus defunctum.*

1. **C**omperta autem morte ejus, ac fama gloriæ corporis ejus longè latèque provolante, tantus concursus hominum fiebat ad visitandum eam, etiam usque ad mediam noctem, per omnes dies quibus manserat insepulta: ita quod de diversis civitatibus & villis, de Rotterdam, de Delft, de Leydis & Brielis, ac de aliis circumjacentibus oppidis & locis, tam multi ad spectaculum sacri Corporis properarent: ut eorum certus numerus ultra multa millia taxari non possit, nec de facili explicari. Nam pueri trium vel quatuor annorum, quasi ad ambulandum præcincti, tam affectuosè currebant, quod etiam homines provectæ ætatis, ad visitationem tantarum reliquiarum incitabant. Poterat tunc Virgo dicere, si vixisset: Sinite parvulos venire ad me, talium est enim regnum cælorum.

2. **2.** Ingressi ergo domum, in qua fusus sanctum erat, & quia pusilli statura pueri



puerierant, nec se ad videndum corpus in loco, ubi jacebat, erigere poterant, plurimi eorum vociferantes ac dolentes dicebant: Nonne ego videbo hanc Virginem, pro qua de tam longinquo veni? Tunc astantes levabant eos, ad videntem faciem Virginis: & post visionem remiserunt eos ad propria, cum Eleëmofyna candidi panis. Et quod amplius mirandum est, adfuit etiam matrona quædam, cum parvulo suo unius anni & trium mensium; qui quidem infantulus complicatis manibus, & facie ad funus conversa, oculos suos ita reverenter & seriose in illud retorfit, quod custodes & assessores sacri funeris, devotionem infantuli videntes & admirantes, ad lachrymas movebantur.

## C A P U T XXX.

*De maculis, quas contraxit, ex contactu immundorum hominum.*

1. 1. **P**ropter fortissimam passionum suarum tolerantiam & frequentem cum Angelis familiaritatem, atque in cœlestibus conversationem, hæc Virgo ad tantam pervenerat puritatem, ut ab indignis & immundis hominibus per manus attracta adhuc vivens, nonnunquam visibiliter maculas contraheret; quarum nigredines per biduum vel triduum, in manibus ejus remanserunt, quæ prius in ea visæ non fuerunt.

2. 2. Sic & post obitum ejus, simile quid accidit. Nam cum facies ejus, post mortem ipsius, tanto splendore [ut dictum est] radiaret: accessit quædam matrona cum aliis, visitationis gratia: & oratorium suum, quod manibus tenebat, super facie ejus ex devotione, sicut putabat, circumduxit: statimque facies virginalis ex illo contactu, successivè notabiliter est obscurata. Qua-

propter cum corpus ejus in Ecclesia positum esset, & quidam ad aspectum astantium postularent illud manifestari, & scrinium sibi aperiri; cæteri qui hujusmodi obscuracionem noverant, omnino hoc fieri prohibuerunt, timentes ne si amplius ex indignorum aspectu obscurata fuisset, alii inde scandalizarentur.

## C A P U T XXXI.

*De reverenda sepultura ejus.*

1. **T**andem feriâ sextâ infra octavas Paschæ adveniente, quæ fuit quarta dies à felici transitu ejus, de convallè plorationis & terrenæ habitationis clauetro, post missarum solemnia devotissimè celebrata, tradita est sepulturæ, hora duodecima, meridiano sole fulgente: & ad ima die decurrente, exemplo Christi, qui sexta feria passus, horâ nonâ mortuus, ante solis occasum est sepultus. Ad cujus exequias celebrandas, adfuit religiosus Pater Judocus, Prior regularium de Brielis, qui sapius cum ea vivente, fuerat familiariter loquutus, & plura sanctitatis ejus arcana sagaciter expertus. Hic suasit pro meliori, & hortabatur populum, ut Christiano more famulam Dei paterentur sepeliri. His dictis, devotio popularis Priori consensit: & statim ab eo, sarcophago firmiter obserato, corpus sacre Virginis traditur sepulturæ, [exemplo Christi sepulti in corde terræ] iterum ab ipso resuscitandum in novissimo die, ac glorificandum cum sanctis omnibus in æterna beatitudine.

2. Sepulta est autem prædilecta sponsa Christi Lidia, virginitate candida, humilitate profunda, patientia expolita, charitate fervida, misericors, benigna, devotione præcipua, contemplatione præ-



præcella omnibus virtutibus & donis Spiritus sancti affluenter decorata. Non sericis involuta, non in tumba marmorea clausa; sed in sepulchro de lapidibus opere cæmentarii congruenter facto. Non in civitate regia, sed in oppido paterno Schiedam nominato. Non in choro clericorum, aut in sanctuario sacerdotum, sed in communi cæmeterio parochialis Ecclesiæ S. Joannis Baptistæ, ad australem partem templi. Ubi ab omnibus inhabitantibus possit sepultura Virginis videri & visitari: Non tamen profundè in terra, nec cum terra desuper tecta; nec super terram nimis elevata; sed super trabes ligneas, intra fossam lapideam extensas. Et hoc quidem dignè satis, ut quemadmodum in triginta annis terram non tetigerat vivens: ita nec terra eam tangeret defunctam, nec tumulus terræ operiret corporis ejus arcam. Super quam positus est lapis grandis rubei coloris, diversis rubeis crucibus ab intra decenter figuratus, duobus ferè cubitis super tumulum sepulchri elevatus.

## CAPUT XXXII.

*De miraculis post mortem ejus.*

1. **P**ost venerandæ Virginis exequias, cum multi fideles sepulchrum ejus visitarent, & oblationibus spontaneis honorarent; qui se à variis languoribus & infirmitatibus curatos asseriebant: Rectores civitatis, & Ecclesiæ magistri, inito consilio saluberrimo pro honore Dei dilatando, anno sequenti capellam lapideam cum altari juxta sepulchrum ejus construere fecerunt, circa festum decem millium martyrum; ad laudem & gloriam Dei, & specialem memoriam ejusdem Virginis, anno Domini 1434.

## CAPUT XXXIII.

*Narratio trium miraculorum.*

1. **S**ed jam ad comprobandam hujus Virginis sanctitatem, dignum omnino videtur, in fine libri adnectere de multis signis, tria notissima miracula, ad honorem Dei, & istius sacræ Virginis laudem: quæ ex fide dignorum perhibentium testimonium sanctitati ejus, verissima probantur, & per ora multorum referuntur, breviter Deo cooperante in Hollandia facta.

*Primum miraculum.*

2. **F**uit in civitate Delfensi Virgo quædam, quæ octo annis continuè lectum tenens, graviter ægrotavit. Hanc quatuor magistri, in medicina periti, & famosi nominati visitabant, & humana pietate permoti, magis autem amore Dei inducti, succurrere ei cupiebant. Erat autem ægritudo istius Virginis, prædictis jam magistris omnino occulta: nec aliquis eorum poterat dare aliquod remedium, quod potuit ægrotanti prodesse. Inter quos unus magistrorum, Magister Wilhelmus Sonderdanc, Doctor approbatus, multum admirans dixit Virgini prædictæ; Tu nondum tanto tempore passa es tantos dolores, sicut felix illa Virgo Lidevvigis; propter cujus merita jam Dominus facit multa miracula in partibus nostris. Virgo igitur ægrotans hæc audiens, ex propria devotione, aut potius divina inspiratione accensa, legit tot orationes Dominicas, [Pater noster vulgariter dictas] quot sunt membra in corpore hominis, ad honorem Dei, & istius sanctæ Lidevvigis Virginis. Contigit ergo post hæc, quod felix Lidevvigis Virgo, apparenter visitavit Virginem languentem, dando ei remedium artis medicinæ;



& veraciter curata, surrexit sana, ambulans, comedens, & opera sanarum Virginum exercens, de quo magister supradictus valde stupefactus, hoc ipsum verissimum esse testatur.

*Secundum miraculum.*

3. 3. **S**ecundum miraculum contigit Goudæ, in notissima civitate Hollandiæ. Erat ibidem in clauistro Virginum monialis quædam, quæ habebat contractionem nervorum in una tibia; cujus tibia fuit ita incurvata & contracta, quod ire non poterat; nec eam quovis modo ad longitudinem alterius extendere, ad spatium duarum palmarum. Ista libenter visitasset medicum istum, Magistrum Wilhelmum Sonderdanc prænominatum; qui antea unam de eadem domo, in Delfft sibi transmissam, cum remediis artis suæ, & Dei gratia auxiliante, in spatio octo septimanarum curavit; sed à superioribus suis non poterat licentiam obtinere. Contristata igitur flevit amare pluribus diebus, quia clauda maneret omnibus diebus vitæ suæ, ut æstimabat, sic existens malè contenta. Tandem venit felix illa Virgo Lidevvis de nocte loquens cum ea, & dicens, quod impetraret à sororibus, ut quælibet monialis illius domus, legeret quinque Pater noster & Ave Maria, ad honorem Dei & ipsius Virginis Lidevvis, atque in Dominica die in propriam Ecclesiam se portari faceret, sicque sanitatem tibie claudæ recuperare deberet; quod incunctanter actum est. Nam licentia à Confessore suo obtenta, portata fuit ad Ecclesiam, ut Lidevvis sibi per revelationem dixerat; & sub Missa subito perfectam sanitatem tibie suæ acquisivit, per semetipsam latissime exiens, ac gratias maximas Deo refe-

rens, qui per merita hujus felicissimæ Virginis Lidevvis, istud miraculum operatus fuerat.

*Tertium miraculum.*

5. **T**ertium verò miraculum Leydis contigit, in oppido celebri partibus Hollandiæ. In hac populosa civitate fuit Virgo religiosa, quæ habuit in collo duritiem cancrösam, ad quantitatem magni pomi: sic quod nec bibere, aut comedere poterat, aut se inclinare, quin volebat suffocari, ex nimia angustia anhelicus. Ista venit nudis pedibus, & sine lineo ad sepulchrum prædictæ sanctæ Virginis, pro auxilio impetrandæ sanitatis: quo non obtento recessit cum magna tristitia, ignorans quæ bona sibi essent ventura. Nocte sequenti post recessum suum à sepulchro, & somno habito expergefacta, fuit plenè curata ab illa cancrösa duritie, quam passâ fuerat octo ferè annis, sicut notum est multis. Hanc Virginem miraculosè curatam, suprà memoratus Magister Wilhelmus Sonderdanc, Doctor in medicinis, oculis suis vidit, & collum ejus manibus tetigit; qui etiam testimonium fidelissimum perhibet scriptis suis, de omnibus præmissis, dicens: Testor Deum, quod ista tria acta sunt in brevi tempore: sed & alia plura, quæ vidi oculis meis, longum esset enarrare. Hæc suprà scripta miracula contigerunt, Deo innovante signa, in diebus nostris, anno Domini 1448. præsidente in sede Apostolica sanctissimo Papa Nicolao quinto, Pontificatus ejus anno secundo.

DEO LAUS OMNIPOTENTI.

F I N I S

VITÆ B. LIDUVINÆ VIRGINIS.

PARS



## P A R S T E R T I A.

*Epistola sex admodum pia, & consolatoria.*

ARGUMENTA EPIS-  
TOLARUM.

*Prima: De excitatione ad spirituales profectum.*

*Secunda: De custodia sui ipsius habenda.*

*Tertia: Ad unius consolationem scripta.*

*Quarta: De conversione, & perseverantia in bono proposito.*

*Quinta: De pia defunctorum memoria.*

*Sexta: Devota epistola ad quandam Regularem scripta.*

## EPISTOLA PRIMA.

*Excitatio ad spirituales profectum.*

**C**harissime frater, libenter tecum divido, si quid boni Dominus pauperi servo suo suggererit. Ego sum pauper & mendicus; sed spero, quod Dominus sollicitus erit mei, & tui similiter. Unde oro ejus clementiam, ut Elcēmosyna communis sit nobis, de largitate mensæ ejus. Occurrit hodie Dominus mendico suo, cum suavissimo pane de cælo. Dulcis admodum & graciosus sermo, infusus est auribus meis. Sonuit enim lectio Apocalypsis, & de multitudine tantorum mysteriorum retentus est apud me brevis versiculus. Plura capere non sufficio; sed nec pauca quæ obscurius sonant. Dedit Dominus, ut aliquid breviter & dulciter sonaret unde traheretur affectus: utinam donec etiam, ut hoc ipsum aperiatur intellectui; quia si spiritualibus videtur liquidum, manet tamen carnalibus oc-

cultum. Volo ergo te participem fieri hujus muneris. Nam tunc verè comites individui sumus, cū in Christo unum sapimus, unum quærimus, & ad unum tendimus. Appone aurem, & ausculta diligenter, quod sonat valdè dulciter. Qui habet (inquit) aurem, Apoc. 2. audiat, quid spiritus dicat Ecclesiis. Vincenti dabo manna absconditum: & dabo illi calculum candidum, & in calculo nomen novum; quod nemo scit, nisi qui accipit. Audis jam (frater) cœlestem vocem? Utinam & interiorum cordium nostrorum auditum tangat, ut vim virtutis illius sentiamus. Sermo vivus est, & omni acceptione dignus. O quàm cœlestis vox, quæ nil terrenum satur? Quod si caro non capit, capiat spiritus, quo nimirum totus hic sermo plenus est. Verba (inquit) quæ ego loquor, spiritus & vita sunt. Spiritus Joan. 6. est, qui vivificat, caro non prodest quicquam. Non ergo sentit arcana supernæ revelationis homo externus, carnalis, vagus, & elatus: Paulo attestante, qui ait: Animalis homo, non 1. Cor. 2. percipit ea, quæ sunt spiritus Dei; stultitia enim est illi, & non potest intelligere, quia spiritualiter examinatur. Spiritualibus ergo loquitur, qui spiritu facta carnis mortificant, & mundum odio habent, maligna diaboli consilia respuunt: hi enim primitias spiritus habentes, quid sit hoc absconditum manna, ignorare non possunt: quia hoc gustando potiùs, quàm legendo vel audiendo, didicerunt. Datur autem manna dilectis filiis, ex amore, Deo Patri servientibus; qui ejus voluntati

X;

sem-

Manna  
promittit  
Deus  
spem  
tibus ter-  
renas de-  
licias.



semper placere, ejus gloriam student quærere. Et si non horres accipere, manna interiorē mentis exprimit dulcedinem, sive consolationem sanctorum, in hac vita. Est igitur congruus sensus, Vincenti dabo manna absconditum; Contemnenti carnalem consolationem, dabo spiritalem: respuenti terrena & exteriora bona, ostendam cœlestia & interiora charismata; quæ merito sui, excedunt omnia alia delectamenta. Talia ac tanta etiam existunt, ut dignus nemo sit cognoscere, nisi prius discat vana & vilia solatia contemnere. Scriptum est enim; *Vir inspiens non cognoscet, & stultus non intelliget hac*. Libet autem pro expugnandis vitiis, & malis consuetudinibus vincendis, aliqua latius hic introducere. Sicut quondam filiis Israël, in deserto habitantibus, Deus manna pluit; ita & modò spiritualibus filiis suis, gratiam internæ consolationis, contra tentamenta tribuit. Tandiu filii Israël cibo illo aliti sunt, donec terram promissionis attingerent: & quamdiu electi in mundo peregrinantur pane vitæ & intellectus foventur, donec deposito corpore, terram viventium intrent. Dum autem de frugibus illius terræ manducare cœpissent, statim manna desit: & dum sancti assumpti fuerint in beatitudinis gloriam, amodò non indigent recreari nostro more, spiritali alimonia. Unus tamen panis est, qui Angelos pascit & homines; animas in gloria, & viatores in gratia. Sed est, quod me multum movet; quia plures sibi deesse manna causantur; plures etiam qui illo refici consueverant, gustum jam perdididerunt. Quæ est alia causa hujus ariditatis & insipidi oris vestri, nisi quia ad egena & infirma

mundi solatia, reversi estis? Memento- te egressionis vestræ de Ægypto. Dies ille memoriale nominis Domini, in sempiternum recordetur. Nulli dubium; quin manus Domini vobiscum erat, alioquin in sæculo remansissetis. Ubi est ergo ille spiritus, ille primitialis fervor, intentio firma, propositum immobile, fortis ut mors dilectio? Quodammodo armati egressi estis mundum, dum constanti animo omnia perferre adversa, vilia, & aspera assensu estis. Insuper & cum gaudio venistis ad montem Dei Oreb, ad audiendam legem vitæ & disciplinæ; dum monita seniorum libenter audire, & secundum ea religiosè vivere spondestis. Cur ergo nunc vos itineris tædet? Cur ad sarcinas sedetis, & gravati ingemiscitis? Jam propter tempus & annos, de fructibus terræ promissionis, botros & malagranata, aliis afferre & propinare deberetis, & ecce vobis etiam manna deest. Convertimini filii revertentes; quia si corpore non estis reversi ad sæculum, tamen corde adhuc tenemini in variis desideriis terrenorum. Proh dolor! multi spiritaliter exeunt Ægyptum, transeunt mare rubrum, ambulant per desertum, portant tabernaculum & vasa ejus, sed non intrant terram promissionis. Penè omnia accidunt eis, quæ contigerunt filiis Israël, qui murmurantes contra Moysen, doluerunt; quia educti essent de Ægypto. Sic, sic complures hodie reperiuntur, qui mundum relinquunt, parentes & amicos deserunt, peccata & vitia plangunt præterita, carnalia desideria abominantur, ignotam justitiæ normam ad manum magistrorum ducti sequuntur, vitam Christi crucifixi aspiciunt, & jugum Domini suave in obedientia

Hier. 3.



dientia & abnegatione propria ferunt; ita ut omnes parati & ferventes sint ad labores & abstinentias, mites ad increpationes, humiles ad abjectiones, patientes ad correctiones, & ad adversa qualibet & indigna constantissimi; sed non in tali fervore, omnes perdurant. Nam aliquando tempore egressionis, id est, conversionis suæ peracto, minus cauti & solliciti de profectu suo, incidunt in varias tentationes & ægritudines passionum; ita ut nonnulli se incœpisse contristentur; quidam verò deliberent, & modum excogitent redeundi. Alii autem & si manserint, cum tempore quodam & usu, afinariam molam trahant; quia parvam devotionem & affectum habent in his, quæ agenda didicerunt; laboriosa & dura omnia sentiunt, quia manna non habent. Cælum videtur eis æneum, & terra ferrea; quia neque cælestia contemplari, neque agrum cordis, virtutibus & devotis exercitiis, excolere sciunt. Dicunt tamen, quia libenter essent devoti, libenter haberent virtutes, vellent se vicisse suas passiones. Sed non sufficit tantum bene velle, si deest manus, & opera. Oportet quod laboretis, quod vim naturæ faciatis, sicut dicit Dominus: *Regnum calorū vim patitur, & violenti rapiunt illud.* Violentia opus est, & scitis, quod sancti non otio & somno promeruerunt regnum Dei. Usquequo tardatis, & quare non armamini contra passiones; ut obtineatis virtutes, & diversas consolationes suscipere digni inveniamini? Quanto amplius tardaveritis, tantò pejus semper fiet, & sine labore & dolore, optatam requiem non percipietis. Petite, & accipietis; quaerite, & invenietis; pulsate, & aperie-

Matth. 21.

Matth. 7.

tur vobis. Pigritia & negligentia vos tenent, sed contra has primò accingimini, & bellate prælia Domini. Quid negligitis proprium profectum? Certè pro vobis est, & pro pace vestra erit labor vester. Dicit scriptura: Modicum laboravi, & multam requiem inveni. Sed fortè respondebitis: Adversus vitia & passiones certare, quis semper potest? Multæ sunt, & penè insuperabiles, ut nobis videtur. Quis tantam sustinere potest vexationem? Audite increduli & rebelles, delicati milites, & servi pigri. Laborem attenditis, pugnam consideratis; sed de præmio & victoria, cur non cogitatis? Et quid est omnis labor, ad æternam requiem? Et quid brevis exercitatio, ad bonæ conscientiae consolatio-

Ecclesi. 91.

conver.



convertant vetustatem vestram; quatenus innovati & fervidi effecti, meliores vos quotidie & alacriores, faciant promissa Spiritus sancti. Vincenti [ait] dabo manna absconditum. Si volueritis, & audieritis me, bona terrae comedetis. Orietur vobis pro spina, pulcherrima rosa; & pro tribulo, candidissimum lilium. Magna sunt hæc, dulcia & consolatoria cupientibus proficere. Non ergo te conturbet, homo Dei, non te deiciat multitudo vitiorum. Crede Deo, & spera in eo, & eris melior victor quam fuisti. Dominus pugnabit pro te, & tu tacebis. Intelligisne hoc? Dominus ipse dabit fortitudinem, ut resistas iræ, pigritiam excutias, & concupiscentianimo non consentias. Et tu tacebis, quia tibi hanc potentiam non ascribes, te propter hoc non elevabis: sed Deo totum putè tribues, qui astitit à dextris pauperis. Etiam quantum vales, hominibus te absconde, & nihil aliud, quam infirmum & inopem te confiteri. Si quando insurrexit contrarius tibi, & dixerit, quod non libenter audis; esto patiens, & tace, illatis malis Dominus respondebit. Justus enim Dominus ultum non patietur abire, quodcumque nocivum verbum. Quid tibi nocere potest alterius malitia, si contra te inflatur, si detrahit, si objurgat? Scipsum magis prodit, quia bonus non est. Nam si tu bonus fueris, & in patientia manseris; nil mali tibi intulit, sed potius meritum tuum auxit. Tu clarior ex opprobrio, coram sapientibus; tu probator, ex virtute patientiæ. Nemini nocet pravitas alterius; neminem lædit verbum contumeliosum, quamdiu ipse pius & immotus fuerit. Omnis homo qualis interior est, talis ei exterior ad-

versitas erit; quia si tu bonus, simplex, ac rectus, ac Deum timens probaris; nemo tibi bonitatem, justitiam, & pacem tuam potest auferre, nisi eam voluntariè reliqueris. Non est magna patientia, quam parva res perturbat. Disce ad minus tacere ad injuriam, quia prudentis est tacere in tempore malo. Qui vincere desiderat, victum se tradat. Cogita de corona, non de injuria, & quomodo possis alium sanare; non quid possis econtrario, quasi zelo justitiæ motus, respondere. Si ille non ignoscit, tu ignosce; quia ut frequenter majorem habet culpam, qui alteri irascitur, quam qui iratum patitur. Miserorum proprium est conqueri, & impatientium citius commoveri, & causas aliis imponere. Tu ergo esto libenter reus, ut fias ante Deum innocens. Tu primò à teipso incipe, & sic poteris etiam alium sanare. Audiat tamen, qui zelum videtur habere adversus aliorum defectus; qui indignatur, si quid contra justitiam agitur. Quàm rectè & prudenter ageres, si zelum tuum etiam contra tuam commotionem exerceres, & quod in alio reprehendis, prius in te emendares. Cum ergo aliorum culpis irasceris, quid juvat de oculo fratris tui festucam tollere, & tuæ impatientiæ motus non cohibere? An tibi videtur non esse festuca, sed potius trabs, illius culpa? Vide, ne fortè ex tuo judicio, trabem suspiciose reputes; quod coram Deo, vix festuca habetur. Non fidas nimis proprio judicio, quia homo es, & non Deus. Sive tamen magnum sive parvum fuerit, utilius semper teipsum consideras; quia & tu peccator es, & curatione indiges. In quo ergo alium

judicas, teipsum condemnas, cum eadem facis.

Injurias  
feras, non  
inferas  
aut refe-  
ras-

Rom. 2.



*facis.* Quid enim mihi proest, si aliquem verbis meis sanavero, & in propriis passionibus mansero! Bene illi, cui malitia mea cecidit in bonum; sed vix mihi, propriæ salutis interemptori. Non est indicium mansueti cordis, inconsideratè alium corripere, aut in correptione modum transire; vel non posse motum invectionis differre, donec ira in mansuetudinem, & zelus amarus redeat in dulcedinem. Forsitan tunc videbis, non esset tantæ culpæ reum, quem reprehenderas; ac etiam magis excusabis, super quo priùs subito indignaberis. Sed & tuæ malitiæ imputabis non incongruè, quòd tantillum non potuisti injuriæ perferre; lugebis quoque plus injustam correptionem, quàm illius culpam. Pudeat igitur te nondum didicisse, parvos fratris defectus tolerare; qui quotidie infirmitatem propriam, ab aliis desideras portari. Cur ergo eandem misericordiam non exhibes alteri, quam optas fieri tibi? Revertere ad te ipsum, & pertimesce; ne graviùs delinquas indignando, & malè ferendo, quàm frater tuus peccando. Ille fortè casum suum mox ut agnovit, flevit, & de cætero cavere proposuit; tu verò impatiens & incompassivus, peccatum tuum nec inspexisti, nec flexisti. Adhuc ille satis bene per amorem in corde suo tecum stat, & nihil mali de te æstimat; sed magis humiliat, & te super se justificat. Videas ergo, ne ille, qui videtur peccator, in regno Deitè præcedat, & tu cum justitiæ præsumptione similis fias superbo Pharisæo; qui reprobatus est à Domino propter suam superbiam, adversus Publicani humilitatem, Ecce jam audisti aliquàlter (charissime) quomodo te ip-

*a Kemp. Epistola.*

sum debeas vincere, & zelum contra propria vitia exercere. Studeas ergo magis ac magis proficere, & semper aliquid vitiosæ consuetudinis amputare. Sicut autem negligentia, vitia nutrire solet, & virtutes amittere; ita diligentia quælibet inveterata mala evertit & expugnat. Nam & si labor est in principio pugnæ, tamen cum videris paulatim hostes ruerè, consolaberis de prospero fine. Impedit nos valde, quia non audemus violentiam inferre naturæ. O quantos labores faciunt homines pro terrenis lucrandis, & nos pro æternis bonis marcescimus? Nauta petit mare, mercator circuit regiones, miles fert arma bellica, rusticus vomere scindit arva; & sine labore non queunt divitias & honores obtinere. Ut quid ergo nos virtutes, sine magna sollicitudine adipisci credimus? Hodie aliquid inchoare, & cras modicum addere, & sic diebus singulis virtutem virtuti, propositum proposito jungere, perficit hominem virtuosum, devotum, purum, sanctum, & religiosum, Deo charum, & hominibus gratiosum. Hoc ordine promeretur homo, nomen novum in calculo clausum, quia calcatis vitiis, efficitur candidus interiùs, & sapiùs fruitur consolationibus supernæ dulcedinis, quæ ignotæ manent carnalibus & tepidis. Ruminemus igitur sedula mente præsentem versiculum, adversus detestabilem desidiam, ad igniendum nos & Fratres nostros, in amorem spiritualis profectus, & ut vitia nostra curentur, & donationes cœlestium virtutum in nobis augeantur. Neque enim fraudabat à desiderio suo fideles certatores Spiritus sanctus, qui ut viriliter decertarent, hortatoria voce in-

Y

nuit,



nuit, dicens: Vincenti dabo manna absconditum.

## EPISTOLA SECUNDA.

*De custodia sui ipsius habenda.*

**F**Rater mi, in Christo dilecte, videas quomodo cautè ambules, quoniam dies mali sunt. Magna cautela est servo Dei habenda, in omnibus verbis & operibus suis. Nam qui non est prævius in rebus suis, aut citò lædit, aut læditur. Et magnum damnum sentiet in fine, quisquis in principio fuerit negligens, aut præceps. Diu perpendendum est, antequam fiat aliquid & sæpius recurrendum est ad cordis habitaculum, ne homo sit absque consilio, sicut gens prava & exasperans, quæ non direxit ad Deum cor suum. Igitur præcedat oculus tuus omnia opera tua, & omnia age cum providentia. Nec incedas per aliena facta, te neglecto; quia nemo illo sapientior est, cujus anima semper in manibus ejus est. Non habet homo chariorem thesaurum, nec meliorem substantiam super terram (si benè cogitaverit) quam animam suam. Debet igitur vigilare, & semper esse in custodia animæ suæ, quia nihil comparari potest salutis ejus. Salus enim consistit in veris virtutibus: Vera autem virtus, abominatur & odit omne vitium. Quanto magis quis nititur contra vitia, tanto magis accedit ad virtutes. Quanto virtus ampliùs placet, tanto plus detestatur ejus contrarium. Cognitio vitiorum, multum prodest ad superandum vitia. Plures non cognoscunt in veritate proprios defectus; & quidam quamvis sciant, non satis ponderant: aut si ponderant, citò oculos avertunt, & obliviscuntur, quod tolerant. Non

*Psalm. 118.*

est ita faciendum, charissime Frater, sed resistendum est semper malitiæ & iniquitati; & remedium inquirendum, & auxilium à Deo flagitandum. Maxime autem est obviandum motibus passionum, in principio pugna; quia si pugna creverit, infirmus homo ubi erit? Ex parva re fit sæpe gravis inquietudo; & ex verbo uno, nascuntur multa verba; & de modico risu, scaturit sæpe grandis dissolutio. Parva contumelia, generat stultis & inconsideratis hominibus, difficilem exitum & profundum vulnus. Bene ergo & prudenter agit, qui omnibus neglectis, se custodit, judicat, & ordinat. Tanto minus potest unusquisque providere sibi, quanto pronior est ad considerandum alios. Desiderans habere pacem, debet habitare in Sion. Hoc est utile homini, qui non invenit requiem in hoc sæculo; ut confugiat ad Dominum, & cupiat citò dissolvi & esse cum Christo; quia non est alius, qui pro nobis pugnet, nisi ipse, qui fecit nos. Si sentis insurgere vitia, oppone remedia, quæ scis tibi esse utilia: & quæ audisti ab aliis, cogita frequenter, si tibi deserviunt. Quotidianum bellum gerendum est, quoniam tentamur quotidie. Nec est victus, qui vitiosam consuetudinem sæpe rebellare sentit. Dolere tamen debet, quia adhuc in eo malum vivit, & nondum perfectè sibi mortuus est. Accipienda est semper nova fiducia, licet sæpe deiciatur homo. In speciali proponendum est contra illa vitia fortius, quæ magis molestant, & frequentius adveniunt. Aliquando irâ, aliquando superbiâ, aliquando concupiscentiâ cor hominis tribulatur, & vehementer inflammatur. Sed scuto orationis, aut

*Gemitus*



## EPISTOLA SECUNDA.

171

gemitu cordis, aut invocatione Sancti nominis Jesu, est occurrendum, & in cœlum respiciendum, unde veniet omne auxilium. Et quandoque sic oret; vel consimiliter: O bone Jesu, succurre mihi modò. Eja Domine Deus, adjuva me. Quid ego miser agam sine te? quid incipiam, & quomodò finiam, Deus meus? Melius nosti, quid tibi sit magis necessarium, quia & hoc quotidiana docet infestatio at qualiter evades, docet, & docebit Spiritus Sancti unctio. Ibi igitur quære auxilium & consilium, & ab eo postula cordis tui refrigerium. Considera teipsum, quid quæris in operibus tuis, quid diligis, & quid non diligis. Secundùm desideria sua, sit homo stabilis aut vagus. Qui multùm concupiscit, & multa habere vult, quomodò in se manebit? Dispergitur in omnem ventum cœli, & capitur laqueo desiderii terreni. Parva res est sæpè, propter quam adipiscendam generatur homini perplexitas magna. Sed qui omnia expellit à se, permittens unumquodque stare sicut invenit, benè in pace erit. Qui verò multis se ingerit, ac multa ordinat & regit, ille seipsum lædit & perdit. Et quia Magister vult esse in rebus alienis, non est mirum, si nescit esse discipulus in suis. O quanta adhuc discere habet, quæ non videt? Quantum illi adhuc deficit; & ô quàm longè stat? Quid ergo vult se intermittere de aliis, & quæ emendare non potest? Aut cur se implicat talibus, quæ ad ipsum non pertinent? Quid pertinet ad me? inquis. Ut tantùm cogites de te, & aliud quodecunque fuerit, projicias procul à te. In ista cogitatione invenies te, & custodies, & proficies maxime. Eris sæpius liber à suspitione

& indignatione. Parum curabis de exteriorum occupatione & gubernatione eorum, quæ fiunt in domo. Dilecte Frater, *Domine custodiat te ab omni malo, custodiat animam tuam Dominus; Amen.*

## EPISTOLA TERTIA.

*Confortatur quidam devotus in hac Epistola.*

**S**uscipiamus (charissime) de manu Dei, quicquid voluerit super nos venire Deus. Nihil enim sine justa & certa causa, agitur in terris. Et ideo curemus nos, Deo subdicere cor nostrum & sensum nostrum; ut respiciens humilitatem & patientiam nostram, bene disponat desiderium nostrum. Inclinemus nos sub sancta & gloriosa majestate ejus, quia pulvis sumus; & cogitemus, quàm magnum & dignum sit, ut recogitet de nobis aliquando Deus. Ex hac humili æstimatione sensus nostri, & accusatione culparum nostrarum, confessioneque justii judicii Dei, [quod ut frequenter occultum, semper autem reatum est] apprehendamus spem & confidentiam ad ipsum; & oremus largiter, atque ab aliis etiam intimè flagitemus orationes; quatenus sua maxima pietas, nostram miseriam, & tribulationem tantarum tentationum, immutare dignetur. Nec ideo diffidamus de nobis, quia multa contraria sentimus & patimur; & sæpius quàm vellemus, & gravius quàm alii tentamur, vel quòd inconstantes sumus, & tam parum laborare possumus, seu quòd toties cadimus, & tardè resurgimus; aut quòd tam indevoti & aridi invenimur, & parvum appetitum ad virtutes & ad Deum sentimus. Omnia ista solent bonis accidere, & sæpissimè devotissimi talia sunt experti. Cum ergo taliter nos

*Tentationes bonorum,*



affligi senferimus inter tristitias totidem, Domino humiliter dicamus; Domine Deus, si dignus non sum, nec tibi placeat, ut liberer à pressura cordis mei; saltem hoc mihi largiri digneris, ut patiens sim, & non murmurem contra virgam tuam, qua me percutis. Memor etenim benè sum, quod canitur in Ecclesia tua: Tensionibus, pressuris expoliti lapides; & quia illuc introducit omnis, qui pro Christi nomine hic in mundo premitur. Propter quod peto, ut pro quacunque culpa, ista patior, ad meam purgationem semper pervenire facias; & pro signo clementiæ, non reprobationis furore, capienda esse doceas. Debemus ergo sic nos Domino integro affectu resignare, & plus ejus bonitati confidere, quàm audemus postulare. Ejus creaturæ sumus, & ipsi cura est de nobis. Qui vocavit nos, ipse adjuvabit nos, & custodiet nos à tentatione hac in æternum; ut non velimus cum hoc mundo gaudere, neque latam viam, quam multi tenent, denuò ambulare. Admoneo te, attende scripturas sanctas. Sequi vis Christum, an mundum istum? Credis Apostolo, an magis Philosopho? Christus dicit; *Intrate per angustam portam, qua ducit ad vitam.* Et iterum: *Tollite iugum meum super vos, discite à me, quia mitis sum, & humilis corde.* Dicit Apostolus; *Nolite conformari huic sæculo; & si secundum carnem vixeritis, moriemini. Nemo vos seducat inanibus verbis. Quicumque sunt Christi, carnem suam crucifixerunt, cum vitiis & concupiscentiis.* Ego Christo confixus sum cruci. Ego stigmata Domini Jesu, in corpore meo porto. Mihi mundus crucifixus est, & ego mundo. Omnia arbitror ut stercora, ut Christum lucrifaciam.

Ista sunt verba Apostolica; sed apud Philosophos & sæculi prudentes, talia non invenies. Et quamvis aliqui gentiles, contemptum divitiarum laudabant, & voluptates spernebant, & eorum doctrinam multi hodie commendant: de Christo tamen nihil sciebant, nec æternæ vitæ amore id agebant; sed evanuerunt in cogitationibus suis. *Et omnes [ni fallor] homines, cupiunt esse cum Christo,* & ad populum ejus pertinere; sed pauci volunt sequi vitam Christi. Iterum dicunt, se diabolum odire, & ejus vestigia nolle sequi, sed vita paucorum continentium se à secularibus actibus, carnalibusque desideris ostendit, quia multi sunt ex parte ejus. Opera probant, cujus servus quis fuerit? Ait ergò Christus: *Qui sequitur me, non ambulat in tenebris, sed habebit lumen vitæ. In mundum hunc ego veni, ut qui non vident, videant; & qui vident, cæci fiant.* Ac si diceret; Ego humilis & pauper, in hoc mundo apparui hominibus; ut exemplo meo efficiantur simplices & humiles, & intelligant opera divina, & cœlestia miracula, ad credendum mihi. Et qui seipso peccatores & despectos, & quodammodò cæcos, & inscios cognoverint, per gratiam meam illuminati digni erunt; sicque capient devotâ humilitate, quod superbi & apud se sapientes, nequaquam intelligere queunt; atque idcirco in cordis cœcitate & stulta opinione manent, æstimantes suam doctrinam certiores, meam autem dubiosam, & mundo exitialem. Sicut olim Judæi, Christum præsentem in carne contemnebant, sic modò plures carnales, eum contemptui habent, & in cœcitate (pròh dolor) perseverant.

Malunt

Matth. 7.  
Matth. 11.  
Rom. 12.  
Rom. 8.  
Gal. 5.  
Gal. 2.  
Gal. 6.  
Phil. 4.

Pom. 1.

Fauci se  
continentes à vitiis  
ostendunt  
quàm  
multi  
sunt vi-  
tiosi.  
Joan. 8.  
Joan. 9.



Malunt potius credere sibi, quàm Evangelio; & carni magis servire, quàm Deo. Atque ideo longos optant dies & voluptuosos super terram, cælum autem respicere negligunt, & quàm velociter tollentur ex hac vita, non attendunt. Hæc si cogitas, nimirum senties melius esse sequi humilem Deum crucifixum, & passum pro nobis; & meritò nos debere pati cum illo, & relinqui à parentibus & amicis in hoc mundo. Mane igitur apud Deum, qui te vocavit, & ne discedas ab amore ejus, sed ascende arborem crucis, ut inde videas Jesum ambulantiem, & viam ad æternam vitam præparantiem. *Hæc est via*, inquit Propheta, *ambulate in ea.* Via crucis, vita nostra: via electorum, via paucorum: via amara, via vitæ & salutis, via brevis, via directa: via laboris, via perfectionis. Via inquam crucis est, sed ducit ad gloriam, ad latitudinem, ad Regnum Cælorum, ad multa millia & frequentiam Angelorum; ad dulcedinem mirabilem & interminabilem, ad longitudinem dierum in sæculum sæculi, ad desideratum finem omnium fructuum, & appetitum cordium; ad requiem & pacem securissimam, ad jucunditatem & exultationem amœnissimam: quæ brevi quodam versiculo, qui cantatur in festo Sanctæ Crucis, pulchrè tanguntur: Servi Crucis Crucem laudent, qui per Crucem sibi gaudent, vitæ dari munera. Quia ergo vita Christi Crux fuit, debet vita Christiani etiam Crux esse: Et multò magis vita Monachorum, Clericorum, & omnium religiosorum in Cruce erit. Extra Crucem non est salus: præter Crucem, non venit ad Regnum Christi, *Oportebat pati Christum, & resur-*

*gere à mortuis, & ita intrare in gloriam suam.* Si aliam viam quærimus, erramus, & in perditionem ducimur. Et qui Crucem fugere cupimus, in medium lacus ardentis picis & sulphuris incurremus. Crux nostra æterno cruciati comparata, est delectabilissima. Labor noster, perpetua requie donandus, levissimus est. Frangere voluntatem propriam, Crux est; & fortè, quæ major vix est. Sed in inferno, quis unquam vel in minimo, suâ voluntate utitur, cum semper quod nolit, pati cogatur; quod voluerit, nunquam accipiat? *Fili* [inquit] *recordare, quia recepisti bona in vita tua, & Lazarus similiter mala.* Comedisti & bibisti, & saturatus es nimis, Meliora & deliciariora elegisti tibi vestimenta, & ornatus es. Risisti, cantasti, saltasti præ lætitiâ: nec prohibuisti cor tuum à voluptatibus, sed quodcumque libuit, sine contradictione implèsti. Et hæc existimasti partem tuam, & regnum tuum, & gloriam tuam, nec de Lazaro quicquam cogitasti, quantum egeret, quantum pateretur, quantum infirmaretur. Recordare ergo fili, quia recepisti bona in vita tua, Lazarus similiter mala. Nunc autem hic consolatur, tu verò cruciaris, Ille dum viveret, Crucem habuit, & ad modicum spatium sustinuit: tu dum viveres, cælum tuum in terra habuisti, & libenter vitam in deliciis protraxisses. Sed nunc ille, nec pœnam corporis, nec animæ patitur, sed in requie beata lætatur: tu verò, & modò cruciatum in anima habes, & postea simul in corpore & anima, torquendus damnaberis. Hæc meditare inter tentationes tuas, & Domino aspirante cessabit earum im-



petus. Nam solet arder ardore expelli,  
& labor labore graviore minui. Sta ergo  
in loco isto, quem elegisti, & eleva  
patientię clypeum, contra ictus tenta-  
tionum; mori eligens magis, quàm  
cedere antiqui hostis vexationibus.

Apoc. 3.

*Qui viderit* (ait Spiritus Sanctus) *faciam illum columnam in Paradiso Dei mei: & scribam super eum, nomen Patris mei, & nomen civitatis novę Hierusalem.* Insuper Sanctorum exempla intueri, & eorum suffragia jugiter quære. Memento quantum Sancti pro vita æterna laboraverunt, in qua nunc cum Christo sine fine regnantes gaudent. Quando in mundo despectiores & pauperiores fuerunt, tantò nunc gloriosiores & nobiliores in cælo refurgent. Propter amorem igitur Christi, & locus & status inferior, semper plus placere debet, & dulcescere cordi tuo; quia vanitas est in hac vita, aliquid apparere. Quando in inferiori & humiliori statu quis fuerit, tantò verius sæpe bona agit, & facilius habita custodit. Si alii nos præcedunt, quid ad nos? Sequamur Jesum in humilitate & simplicitate, & non curemus humanam vanitatem. Nos propter Christum stulti, ignobiles & infirmi; nos propter illum libenter simus abjecti & novissimi reputati. *Ego* (inquit) *sum vermis & non homo; opprobrium hominum, & abjectio plebis.* Quæ major gloria, quàm cum Christo gloriari in Cruce? Quæ major consolatio cordis, quàm portare viventem imaginem Crucifixi? *Confortare igitur, & esto robustus; & ne timeas, quia ego tecum sum, ut liberem te,* dicit Dominus: Compassus tibi, locutus sum tantumquam infirmus infirmo; ut pariter in Domino consolati, per ipsum convalescamus in ipso. Amen.

Psal. 21.

Josue 1.

## EPISTOLA QUARTA.

*De conversione, & de perseverantia, in bono proposito.*

**D**ilecte Frater, intimè congaudeo tibi, quia invenisti locum Deo serviendi. Sit Dominus noster exhinc benedictus, qui te vocare dignatus est ad suum servitium. Agnosco hanc vocationem, donum Dei esse; quoniam non ex meritis tuis, sed secundum misericordiam suam, de sæculi vanitatibus te eripuit; & in electam societatem perduxit, ubi audires, atque oculis etiam cerneres, qualiter illi servire. Quàm multi divites, nobiles, & potentes; quàm multi sapientes, literati, & famosi adolescentes, in hoc sæculo miserabiliter fluctuant, & abjicere jugum diaboli à suis cervicibus non prævalent; nec illo spiritu adhuc moventur, ut sæculo renuncient. O vanitas vanitatum, mundum diligere; & quæ Dei sunt, minus curare. Veniet tempus, veniet citò tempus, quando omnes sæculares & carnales delectationes simul finem habebunt; & tunc relinquent vel inviti præsens sæculum, qui modò voluntarii non sunt, abrenunciare pompis ejus. Tu autem [dilecte Frater] majorem gratiam à Domino accepisti; quia inter tot sodales tuos, à multis periculis corporis & animæ, à laqueis diaboli es præservatus; & in loco apto ad salvandam animam tuam, constitutus. O quantas gratias Deo debes, qui tibi regnum suum promerendum obtulit, quod dives pecuniâ possidere non potest. Et quàm miranda Dei gratia, ut invalidus, & imperitus, Sanctorum viam fortiter ambules,



les, quam robustus & doctus sæpe subsequi vix valet. Recogita, ubinam sunt, olim tecum studentes; ubi illi socii familiares, cum quibus vivere & ludere, secundum carnem dulce erat; cum quibus peregrinari in remotis partibus, non amore Christi, sed cupidine temporalis processus & lucri, jucundum tibi videbatur. Quam multi jam obierunt, quam multi etiam vagi in sæculo remanserunt. Bene de ipsis, cum S. Moysè, dicere potes, consideratis finibus eorum: *Utinam saperent, & intelligerent, ac novissima præviderent.* Audisti alios Romam pergere; & pro beneficiis laborare; alios Parisiis residere, & ad magisterium tendere; alios perceptis dignitatibus & prælaturis, in medio populi exaltatos jam esse. Tu autem quid: Gratias Deo, quia nihil horum attentasti; immò & propter Christum, jam veluti stercora, ista mundana culmina & gaudia reputans, adjecisti etiam teipsum contemnere, loquens cum B. David:

*Elegi abjectus esse in domo Dei mei magis, quam habitare in tabernaculis peccatorum.* Tu utique elegisti hodie, Dominum Deum in Patrem, cui servire regnare est; pro quo humiliari in præsentis sæculo, æternæ exaltationis tibi causa erit. Pro illo labor, requies; penuria, divitiæ; contemptus, honor; tribulatio, consolatio; infirmitas, robur; mœror, gaudium tibi semper sit. Et quò purius & ardentius eum amaveris, eò viliora terrena omnia censebis. Cave tamen, charissime, ne aliquando permitas maligni spiritus consilium, intrare cor tuum, ut contristeris, quia amicos & socios reliquisti, & quia ipsi jam magni Domini effecti nunciantur, & tu adhuc permanes in innocentia tua,

Dent. 32.

Psal. 83.

Noli audire eos, qui te in aliam viam conantur trahere & dicunt: Usquequò sic transies, & quare ad altioris status gradum non tendis? nec aliud opus inchoas, unde aliis etiam aliquem fructum feras? Soler enim diabolus post aliqua tempora conversionis, tentare servum Dei, de præteritis rebus in sæculo, de amicorum visitationibus, de multorum sociorum suorum conversationibus, quatenus talibus cogitationibus eum retrahere possit ad sæculum aut impedire à profectu, & ab oblivione mundanorum. Sed crede expertis: Nocet Dei servo memoria & retractio vitæ sæcularis, qui mundo plenè, & sibi est mortuus. Nocet etiam persuasio blanda multorum loquentium, de altiori gradu & meliori loco, qui veluti sapientes prudenter consulere volunt; sed sensum Christi in abiectione & humilitate, in fuga mundi, & tenore arctioris vitæ, non habent. Nam nudum Christum sequi, aut recusant, aut pigrescunt incipere, ne videantur proximis solatium subtrahere. Et quia gratiam non sentiunt, quâ Deus sibi servientes & omnia relinquentes, imbuat & confortat; durum sermonem hunc esse dicunt, omnibus amicis & rebus propriis abrenunciare. Et sicut ipsi sapiunt, ita & aliis libenter persuadent. Sed contra tales loquitur sententia Salvatoris; *Cavete (inquit) ab hominibus.* Multi enim sunt, qui pulchris sermonibus, & aptis (ut ipsis videtur) rationibus, & aptis (ut ipsi planam commendare sciunt, & hominem imperitum quandoque justificant & laudant; atque per tales sermones, bene proficientem, & firmiter stantem, quandoque vacillare faciunt. Verum-

Matth. 23.

tamen



tamen Deus conteret dentes eorum in ore ipsorum, quia juxta iter sanctorum non ambulant, neque loquuntur. Non veniat anima mea in consilium eorum, & domus eorum longè sit à me. Ideoque Frater dilecte, nunquam tibi placeat talia audire, & multò minus credere velis. Sive enim diabolus instiget, sive homines fabulentur; quod incepisti, in eo permaneas, obsecro. Recurre ad Evangelium, & optimum audies remedium: *Quid prodest homini, si lucretur universum mundum, seipsum autem perdat?* Hoc apud te semper retine, & cujusvis manus pugnaverit contra te, scuto Evangelico utere. Sed solent quidam homines, sine spiritu & scientia Dei, objicere quandoque sæculo renunciantibus: Ergò qui in sæculo sunt, peribunt, & vos soli salvi eritis? Aut non potest aliquis venire ad cælum, nisi ita vivat, sicut vos vivitis? Quid fabulamini sic injustè, contra Deum & servos Dei. Neque hoc Christus dixit, neque servi ejus ita locuti sunt. Bene facite, justè vivite, & mandata Dei custodite, & nemo vobis salutem negabit. At hæc illi iteratò: Mandata [inquiunt] velle-mus servare, sed non possumus. Si debemus lucrari victum & necessaria vitæ, oportet nos sæpè contraria agere. Qui cum sæculo conversamur, sæcularia negotia quomodo cavebimus? Si ista perfectè consideratis, & pericula atque fallacias mundi non ignoratis; quid ergò obloquimini, quia servi Dei mundum fugiunt, & monasteria aut congregationes devotorum intrant, ut Deo sine tali impedimento serviant? Si imitari non vultis, aut non valetis; saltem congaudere & adjuvare bonos pro vestra salute deberetis. Sed non plus

[frater] de istis, quia nec taliter loquentes, excusationem habent de peccato suo. Constantè igitur age; Christus, qui tibi incipere donavit, ipse perficiet, consolidabitque in finem propositum tuum. Ecce tempus breve, mors incerta, omnia caduca & vana in mundo. Multi jam in sepulchris fœtent, qui diu se vivere existimabant, Recesserunt à memoria hominum, qui in ore versabantur omnium. Colit mundus præsentès, absentes nescit, deserit morientes. Beatiùs ergò contemnere fallacem mundum, & sequi veritatem, quæ nobis pariter concedat vitam æternam. Amen.

## QUINTA EPISTOLA.

*De pia Defunctorum memoria.*

MUltum jam tempus præterit, dilecte frater, ex quo decreveram aliquid, pro pia memoria defunctorum, charitati tuæ insinuare; & maximè parentum nostrorum, & amicorum specialium, omniumque devotorum, quorum nomina Deus in libro vitæ scribere dignetur, & inter Sanctos suos collocare animas eorum, sicut & corpora eorum apud nos sepulta sunt interris. Nos debemus libenter pro eis, & pro omnibus fidelibus defunctis orare; quia hoc opus, est summæ charitatis & misericordiæ. Sicut igitur nobis desideramus subveniri post mortem, ita & eis, quod meliùs possumus, (Domino opitulante) laboremus subvenire. Qui enim pro animarum liberatione, fidelis & sedulus fuerit; nimirum & sibi ipsi plurimum proficit, cum pro talibus orans, nequam se spoliat orationis fructu; & insuper sibi recordationem mortis adducit, & vix sine compunctionis gratia, ad solita redit; sciens quia omnes

Quantum  
profit  
meminif-  
se defun-  
ctorum in  
bonum,

viam

Mat. 16.

Objectiones fieri solitæ renunciantibus (sz. 2. culo.



2. Cor. 13.

Luc. 19.

Gen. 40.

viam universi carnis ingreſſuri ſumus; & quod illi jam expleverunt, certiſſimi ſibi conſtat futurum. Oremus igitur pro charis noſtris, quia poſt modicum eos ſequemur; & cum melius habuerint, omnino in eadem neceſſitate recordabuntur noſtri. Non ſit fides noſtra ore tenus, neque quæ in facie ſunt reſpiciamus; ſed dilectionem faciamus, ſive præſentes, ſive abſentes, corporaliter fuerimus, Charitas enim nunquam excidit; & qui ſe in veritate diligunt, ſeipſos obliſiſei non poterunt. In neceſſitate probatur amicus fidelis. Eſt enim impium & crudele nimis, ſi videas fratrem tuum, aut amicum cordis tui, carceri traditum, vel flammis injectum, nec movearis ad ſectum, & cum manum porrigere poſſis, nihil agas charitatis; ac etiam ſi loqui aliquid pro ejus quiveris liberatione, clauſo pertranſeas ore. O fidelem Samaritanum, qui viſo homine vulnerato à latronibus, & expoliato, miſericordia motus eſt. Væ, væ pincernarum magiſtro, qui obliſus eſt Joſeph ſui interpretis, cum de carcere eſſet eductus. Sic timeo, ne multoties contingat, cum aliquis amicorum obierit, & pro ſe inſtanter orari petierit, ac fidei viventium ſe commendaverit; quod nonnunquam obliſionem accipit, aut parvam aut tardiùs ſentit advenire expiationis hoſtiam, quam ſperaffer. Propter quod, dilectiſſime, meipſum & te pariter admoneo, ut pietatis oſculum, frequenter dirigamus ad memoriam deſunctorum; & quicquid ad eorum abſolutionem noverimus prodeſſe, devotâ exequamur feſtinatione, ponderantes, quàm graviteneantur tormento, & quod

à Kemp. Epistoła

niſi purgati fuerint, ad requiem tranſire non poſſunt. Eorum etenim conſolatio & liberatio, maxime in Chriſti meritis, & Sanctorum ſuffragiis, & fidelium conſtat oblationibus. Simus ergo ferventes ad ſolvenda beneficia ſalutaria, & devotè oremus pro eis generaliter & privatim. Attentè vigilias legamus, libenter & ſapiùs ad miſſam miniſtrems, & cum Sacerdote vota labiorum noſtrorum in conſpectu ſummi & veri Sacerdotis offeramus, qui eſt hoſtia digniſſima ad exhaurienda omnium peccata. In illa hora, dum Chriſtus in altari inter manus Sacerdotis, Deo Patri pro ſalute vivorum & deſunctorum offertur, teipſum cura cum omnibus tibi in orationibus commendatis offerre, in acquisitionem & poſſeſſionem perpetuæ ſalutis; & ut omnes ſint participes huius pretioſiſſimi ſacrificii, quod immolatum ſemel in cruce, ſufficiens eſt pretium pro peccatis totius ſæculi: Habeas tunc ſpecialem memoriam eorum, qui tibi ſunt commendati, & recita nomina eorum in præſentia Chriſti, & reverenter ac devotè ſapiùs flecte genua cordis tui, ubi conſiſtis ante fontem miſerationum Domini. Quotieſcunque etiam te ad perceptionem corporis Chriſti præparas, & perceptum tecum habes, eſto quæſo memor fidelium deſunctorum; & implora tantò ardentius miſericordiam ejus, quanto certius retines in te pignus æternæ redemptionis. Sæpè de mane, ſæpè de vespere; ſed in labore, & tempore ſcripturæ, chariſſimorum tuorum, recogita obitum: quomodò habeant, & quomodo aliquid facias pro eis, quod ipſis poſſit

Liberatio  
deſunctorum  
ex  
igne pur-  
gatorio  
quibus  
modis fit.

Z

pro-



ob. 13.

prodesse, & tibi nihil obesse. Antequam comedam, suspiro, ait sanctus Job. Ex quo verbo pietatis & compassionis, tibi innuitur opus; ut nunquam cibum corporalem sumas, nisi prius fidelibus defunctis, aliquam spiritalem eleemosynam mittas. Ego novi aliquorum talem esse consuetudinem, qui signo resectorii facto, se expediunt; & vacant orationi, ad refrigerium animarum fidelium, quorum eleemosynis sustentantur.

## SEXTA EPISTOLA.

*Devota Epistola, ad quendam Regularem scripta.*

Devotio-  
nem & pa-  
cem quæ  
confer-  
vent.

**I**sta sunt præcipuè necessaria & utilia, pro conservatione devotionis, & pacis cordis; pro profectu virtutum, & edificatione aliorum; scilicet solitudo, silentium, opus manuum, oratio, lectio, meditatio scripturarum; paupertas, sobrietas, oblivio patriæ, fuga sæculi, quies claustrii, visitatio chori, & custodia cellæ. Cum his observationibus, fit homo compunctus, internus, & devotus. Nimia occupatio in externis magnum impedimentum est interiorum, & infigit ad cælestibus. Duo sunt, quæ valde nocent Religiosis, quod tam parum illuminantur; quia sunt nimis multiplices in exercitiis corporalibus, non considerantes ad quid omnia ordinata sunt: & quia non examinant sollicitè interiora sua, quibus affectionibus moventur ad virtutes vel ad vitia, & quantum distant ab unione cum Deo habenda. Nam tantò quis Deo unitur, & plus illuminatur; quantò à mundi

Duo in pri-  
mis Mo-  
nachis  
presunt.

curis magis elongatur. Multa non sunt homini necessaria scire, nec habere; sed curiositas & avaritia, trahunt ad multa animæ nociva. Placeat tibi propter Christum simplex vestitus, & sobria mensa, nec quæras pretiosa ornamenta. Christus amat cor purum, non cappam pulchram, neque casulam sericam mirâ varietate contextam. Non optes, ut monasterium tuum abundet divitiis, & altis ædificiis; sed ut floreat omnes fratres bonis moribus, & virtutibus sanctis. & si alicubi pulchra & sumptuosa videas, excusare potes & tolerare, pro honore Dei & reverentia loci; sed non debes similia affectare. Quando relinquis amicos propter Christum, & non quæris consolationes hominum, sed permanes in cella faciendo opus tuum; tunc aderit tibi gratia cælestis, illuminando cor tuum, & gaudebunt super te Angeli sancti, & custodient te ab impugnationibus inimici, ne dominantur tibi: sed viriliter agas, & precibus eis resistas. Quæ ad sæcularem scientiam & reputationem humanam trahunt, omnia caveas: sed semper humilia sectare, sicut fecerunt JESUS & beata virgo Maria. Attende quoque vitam, doctrinam & patientiam Sanctorum; qui habuerunt veram sapientiam, per quam soli Deo placere studuerunt. Pius Dominus non derelinquit electos suos in mundo afflictos; sed tollit quandoque eos tempestivè de laqueis superventuris, ne deteriora mala incurrant, quæ fortè tolerare nequirent. Debes sollicitè cogitare de defectibus tuis, & sæpè ingemiscere, ne vincaris vel seducaris. Ora primò pro propriis miseriis; deinde pro aliis amicis, vivis & defunctis, sicut fra-  
terna



Adversus  
tria vitia  
quotidiè  
pugnandum.

terna charitas exigit. Plus tamen confidere debes de Dei gratia & misericordia, & Sanctorum meritis; quàm de tuis precibus, & actibus bonis. Habeas firmum propositum te emendandi; & si centum annis posses adhuc vivere, cogita quod propter nihil aliud velis vivere, nisi ut Deo possis perfectius servire. Contra tria vitia oportet quotidie certare, quæ raro plenè vincuntur; scilicet, contra superbiam, contra gulam & acediam. Superbia latet in corde, & multipliciter extollit stultum in propria æstimatione sui: apparet sæpe in vestitu, aperitur in voce, notatur in incessu, & levitate morum. Gula grave est vitium: quæ si refrænata non fuerit, facit hominem dissolutum, pigrum, & ad spiritualia ineptum; inducit somnolentiam, & excitat libidinem. Acedia multum retrahit à spirituali exercitio, ab intenta oratione, & sacræ lectionis studio: quærît carnis mollitiem, fugit laborem, odit cellam, diligit fabulari, delectatur vanis rumoribus, attædiatur interesse Divinis. Qui non certat viriliter adversus ista tria vitia, parum proficiet in bona vita; & citò cadet ad alia pejora mala, ex istis nascentia. Dilectio Dei probatur magis in contemptu sui & omnium terrenorum, quàm in pulchritudine verborum. Plus Deus delectatur in humili prece contriti cordis, quàm in alto clamore curiosæ vocis. Semper humilis invenit gratiam; & qui se dat ad simplicem obedientiam, optimam habebit conscientiam, & quietissimam vitam. Sæpe est occulta superbiæ signum, desiderare habere magnam devotionem vel revelationem: Potius te judica Divina consolatione indignum. Nam de dese-

Devotio  
non semper  
per anxietatem  
desideratur.

ctibus tuis atque excessibus cogitare, magis placet Deo, & utilius est tibi, quàm indagare de cœlestibus secretis. Quamdiu non es verus humilis, & totus ab intra mortificatus, ita quod laudibus non delecteris, nec maledictis movearis, non expedit tibi altiora persequari. Christus sæpe compescuit Apostolos, de multis futuris & subtilibus materiis loqui. Cur ergo tu vis scire, quæ excedunt scientiam tuam? Munda conscientiam tuam, & cave præsumptionem, & stude Divinam discere & facere voluntatem, non propriam. Sic enim orat sanctus David, magnus cognitor cœlestium secretorum: *Domine ad te confugi, doce me facere voluntatem tuam.* Quicquid ergo humiliorem te non facit, & ad majus beneplacitum Dei non tendit, noli cupere nec curare; quia Deo obligaris, mundam servare conscientiam, & sæculi abjicere vanitatem. Verba Domini nostri Jesu Christi, cum magna diligentia attende: & Davidicos psalmos sæpe rumina; quia in illis est vera sapientia, & salus tua. Passionem Christi & vulnera Jesu, in corde tuo quasi in libro scribe; & totam spem tuam in meritis Christi, & Sanctorum precibus pone. Quid enim nos fragiles agere possumus, nisi quod multum humiliemus nos, sub potenti manu Dei, & coram ipso prostrati veniam peramus? *Resistendo vitiis, & insistendo bonis exercitiis, concupiscentia & passiones paulatim minuantur in nobis, & virtutes amplius roborantur, ita ut homo delectetur in eis frequenter, & maxime si honorem Dei, & non suum commodum vel pacem propriam quærat, quia aliter non esset purum, nec verè virtuosum.*

*Psal. 142.*

*1. Pet. 5.*



Nam quia ad Deum omnia opera sua purè non refert, superbus est & vanus. Quicquid boni homo facit, cogitare debet, quia donum Dei est, & non se reputer inde. Nam tenetur Deo regratiari, & magis se humiliare; ne imputer sibi ad peccatum, & gravius de ingratitude judicetur. Omne opus bonum in Deo factum, gratiam majorem meretur, latificat mentem, & delectat operantem, quia Deum habet adjuvantem. Qui desiderat à Deo consolari, taceat de mundanis, oret sapius, & rarò sit foris. Omne enim peccatum generat tristitiam, corrumpit naturam, & meretur pœnam. Attende donum Dei in alio, & dilige illud, sicut verè est donum Dei. Erit autem tuum, si diligis illud tanquàm tuum: semper tamen totum ad Deum humiliter referendo, ne perdas bonum malè utendo. Tunc malè uteris bono, si inde extolleris, & vanè gloriaris. Tunc benè uteris malo, si inde humiliaris & contristaris, & per pœnitentiam emendas, nec te superbè excusas. Status hujus vitæ debilis est, & plenus periculis: ideo ad Deum semper currendum est, & orandum; ut nos custodiat & adjuvet, in omni luctamine & opere bono, usque in finem.

FINIS EPISTOLARUM.



## ALIQUOT ORATIONES

PIÆ AC DEVOTÆ

De Passione Domini nostri Jesu Christi, quæ huic secundæ editioni accesserunt.

P R I M A.

*Oratio ad Patrem legenda infra missam, de oblatione corporis Christi, de merito Passionis ejus, & de nostra resignatione.*

1. **R** Espice clementissime Pater de sanctuario tuo, & de excelsis cœlorum habitaculo, super sacrificium acceptabile tibi. Intuere sacrosanctam hostiam unigeniti Filii tui, quam offert vultui tuo pro nobis. Ipse est enim summus Sacerdos & verus Pontifex, qui non alienam hostiam, sed propriam carnem dedit ad immolandum in ara Crucis pro vita sæculi. Propitiare ergò mihi peccatori hodie per hanc salutarem victimam. Esto exorabilis mihi infirmo homini, multum labili & vitioso, qui non sum dignus respicere cœlum, neque calcare terram, quoniam te Creatorem meum offendi sapius, sapius agendo, loquendo, cogitando contra præcepta tua irreverenter & insensatè: propter quæ omnia meritò incurri gravissimam indignationem tuam, nec non omnium creaturarum accumulavi mihi inimitiam. Te enim offenso & despecto, jam utique iusto judicio omnis adversatur creatura peccatori. Sed omnipotens &



& Deus totius consolationis miserere mihi servo tuo ex intimo corde poenitenti & dolenti. Quoniam ex nihilo factus sum, & in peccatis conceptus, ut fragilis homo cecidi. Parce mihi Domine, parce. Da viam filio prodigo ad te revertenti de siliquis porcorum, & stanti ante thronum gloriæ tuæ, & postulanti manum misericordiæ tuæ à manè usque ad vespem: donec descendat ros gratiæ, & pluvia consolationis super terram cordis mei, quod jam aruit & contabuit præ multitudinem peccatorum. Propter te ipsum inclina Deus meus aurem tuam mihi, & exaudi verba mea. Mirifica misericordias tuas, qui salvos facis sperantes in te. Scio, quia non propter opera mea facies, si qua fortè videntur: sed propter bonitatem tuam Domine, quæ immensurabilis prædicatur. Amplius autem exaudi me per singulare meritum amantissimi & dulcissimi Filii tui Jesu Christi, qui pro peccatoribus crucifixus est & mortuus, ut omnium peccata suâ deleter passione.

2. Recordare alme Pater inestimabilis charitatis ejus, quomodo in mortem tradidit animam suam, ut vivificaret populum suum, qui in nullo sibi pepercit, ut reis & damnatis in æternum parceres. Memento amarissimæ passionis ejus, quam gravia & indigna suscepit: qualiter ab hora matutina usque ad exitum suum in cruce pro humano genere laboravit, clamans sanguinis sui effusione pro reconciliandis tibi peccatoribus, ut amicos de inimicis faceret, & de suis profugis adoptionis filios. O summe & venerande & colende Pater, hodie tibi repræsentato omnia signa passionis unici filii tui, cum nostra supplicatio.

ne atque suffragio omnium bonorum Martyrum, qui eandem passionem specialius imitati sunt. Aspice & cognosce, cujus, sunt signa amabilia adoranda per sæcula. Ecce crux, clavi, lancea, fel, arundo, spongia, sputa, flagella, corona spinea, sudor sanguinis, alapa, virga, restis, columna, alba vestis, purpura, & inconsutilis tunica. Ista sunt pretiosa ornamenta & regalia vexilla, quibus ad debellandas aëreas potestates processit unigenitus tuus in nostræ carnis substantia. Ista sunt arma bellica, quibus mors devicta est, & humana natura redempta. Per hæc igitur benedicta & gloriosa passionis insignia, demitte mihi omnia peccata mea. Sit mihi hæc veneranda armatura, & decora, contra omnia vitia & tentamenta singularis potentia. Sit mihi quotidianum speculum & dulcissimum animæ meæ solatium tam dolorosum & flebile spectaculum.

3. Suscipe sanctissime Pater gratissimam hostiam oblatis corporis Filii tui, quam tu ipse tibi præparasti, ac in sempiternam satisfactoriam, dignam atque sufficientem esse voluisti, ad exhaurienda omnia peccata, tam contracta quam voluntate admissa. Suscipe me pariter hodie in sancta oblatione, quæ nulla sanctior est & præstantior, & quæ tibi venerabiliter offertur per manus Sacerdotum tuorum diebus singulis, pro vivis & mortuis, ac pro cunctis necessitatibus nostris. Proficiat hæc mihi & omnibus orationibus meis commendatis, quorum necessitas & fides tibi nota est, sive jam præsentibus sive absentibus huic solemnī celebrationi existant. Perveniant ad te preces eorum & devotio, co-



operetur illis ad salutem ineffabilis virtus & efficacia sacramenti, quod divinitus est institutum, non humanitus investigandum, sed piè colendum, fideliter adorandum, firmiter credendum, & usque ad consummationem sæculi continuandum. O pretiosissimum & suavissimum sacrificium, quod tibi æterno Patri pro nobis obtulit coæternus Filius tuus, factus & ipse hostia vera, viva, salutaris, unica, & perfecta: qui erat solus Pontifex immaculatus, sanctus & immunis ab omni delicto, non habens necesse prius pro semetipso rogare, & hostiam secundum legem offerre; sed pro debitoribus mortis semel moriens intercessit, non habentibus nec invenientibus in universa creatura, quid pro delicto suo redderent. Jam igitur non despero, neque ultra desperabo de venia & curatione peccatorum, quotiescunque etiam me peccatum apprehenderit. Inveni enim, quo sanandus accedam medicum, ad quem sanandus recurram. Scio ubi sit spes mea, & universa consolatio mea. Quia in passionibus & vulneribus Domini mei Jesu Christi, summa salutis totaque ratio spei mei consistit & abundat. Per omnia benedictus sis Deus meus, qui tam magna & immensa Divinæ largitatis beneficia contulisti mihi. Istis namque vehementer me accendis, ad regrandum tibi & dilecto Filio tuo.

4. Sed ô mi Pater fidelissime, quid agam, quia nil dignum in me reperio, aptum dono gratiæ tuæ. Veruntamen bone Pater, cujus sunt omnia dona bonorum, scio, quia nullius indiges, & tibi videris offerri. Dabo igitur aliquid, & modicum, quod mihi relictum deperire potest, amoris tuo sacrificabo. Nam

tibi oblatum melius manet, & tamen merces futura non deerit tam liberè offerenti. Si auderet quis inhaerenter se donare tibi, tu te utique redderes illi, fieretque quod ore capitis nostri dictum est: Date & dabitur vobis. Nunc ergo si digneris accipere, ecce voluntariè me ipsum offero, & tuæ dispositioni animam & corpus meum fidenter derelinquo. Voluntatem quoque propriam [quâ pinguius nil tibi offertur] ex hac hora & deinceps promptissimo corde resigno, quemadmodum dilectus filius tuus Christus Dominus noster suam tibi commisit voluntatem, ut nostram in sua abnegatione obtineret salutem, formam præbens sequentibus se fidelibus brevi & pleno sermone quem dixit: Pater mi, non sicut ego volo, sed sicut tu: fiat voluntas tua.

5. Hoc itaque exemplo vehementer admonitus te inspirante & juvante, denudò me resigno, omnibus, quæ mundi sunt, renuntio, Carnis desideria despicio, omnes actus & nefaria consilia maligni spiritus abjicio, tuo servitio me despondeo: tibi adhaerere cunctis divitiæ meæ concupisco, jam jamque devotè id agere instituo. Adhuc verò ut plenius perficiam voluntatem tuam, en meam frangere paratus sum per veram obedientiam, quam tibi in prælato meo teneor exhibere. Ejus enim vocis cum obedio, tibi veraciter obedio. Ergo illius manibus tanquam parvulus in Christo renatus, qui se Baptistæ sui manibus humiliter inclinavit, gubernandum me submitto. Fratrum quoque meorum consiliis & sermonibus, totâ humilitate & piâ charitate libens parebo, quos nimirum sanctiores & lon-



gè me sapientiores intelligens, jure meæ imperfectioni præfero. Tibi autem eandem imperfectionem meam cognitam esse sciens, in defectibus me accuso, atque sanioris meditationis remedium multâ contritione à te exposco: quatenus benevolentissima manus tua, quæ omnem infirmitatem curat, & omnem impotentem roborat, meam indigentiam non relinquit. Per eundem Dominum nostrum Jesum Christum

## S E C U N D A.

*Oratio de recordatione & imitatione  
Passionis Dominica.*

1. **D**omine Jesu Christe, qui pro nostra salute pati, crucifigi, ac mori venisti, da mihi passionem tuam doloroso corde sapius percogitare, & eam constanter posse imitari. Da, ut quidquid adversitatis, gravitatis, vel injuriæ mihi obvenierit, de manu tua benevolenter accipiam, & pro nomine sancto tuo aliquid perpeti gaudeam, qui tam multas injurias & pœnalitates innocenter pro me tolerare dignatus es. Nempè ad dignè rependendam tibi vicem non possent adæquari omnis hominis maledictiones mihi illatæ, quantum magis breve vel asperum verbum, seu molestum aliquod factum sine mordaci cogitatione perferre debeo. Procul igitur omne murmur sit, sileat indignatio, conquiescat suspicio, sed magis benigna patientia, humilisque confessio loquantur, quod ampliora mereatur iniquitas mea recipere, quàm aliquis mihi possit irrogare.

2. De hinc quæso, ut largam mihi infundas charitatem, quatenus plenam indulgentiam & compassionem devo-

tam, preces & excusationem debitoribus meis reddam, nec non gratiarum actiones pro magnis lucris patientiæ persolvam: quoniam tuus debitor sum in valde multis lugendis excessibus. Exceptis enim beneficiis, unde tibi debitor sum in quibuscumque sufficio, imò ultra quàm sufficio, adhuc revera pondus peccatorum meorum præteritorum & quotidianorum gravibus me debitis admonet, cujus tamen confido ut pars maxima solutionis erit sustinentia & dimissio injuriarum, & supplex oratio pro adversantibus. Exemplum namque mihi reliquisti memoriale, qui pro crucifixoribus exorasti, ne perirent. Utinam & pro me peccatore Patrem nunc exorare digneris, ut dimittat mihi quicquid conscientia metuit, & adjiciat, quod tenuitas mea petere non præsumit. Tu es enim, advocatus meus iustus & fidelis apud Patrem, qui tuo sanguine me redemisti, tuoque exemplo ad viam perfectæ humilitatis, mansuetudinis, & patientiæ dulciter invitasti. Adjuva me ergò Domine Jesu spes mea & refugium in die tribulationis, ut non declinem à via patientiæ quâcunque adversitate exurgente: sed ad te incunctanter recurram pro juvamine & ereptione necessitatum mearum. Multa namque sunt hujus vitæ adversa, quæ sustinere non est possibile. Ego non sufficio, notum est tibi quando in minimis me probas, nec alium quàm infirmum hominem me invenio.

3. Quapropter oro te Domine, aperi mihi thesaurum miserationum tuarum, & illud mirificum maximumque passionum tuarum revela mysterium, in quo omnium infirmorum & tribulatorum continentur remedia, ex quo etiam sæpè



sapè novellus devotionem, & devotus consolationem multam haurire consuevit. O Jesu fons gratiarum: fac intrare cor meum amaritue inem calicis tui quæ omnem gravitatem mihi convertat in dulcedinem. Perfora quoque manus & pedes meos clavis charitatis tuæ, ut nec in opere, nec in affectu meo quicquam vanitatis vel carnalitatis ultra vivat. Sed vive tu in me, & ego in te: nihilque mali interveniat, quod nos separet. Nullæ ergo delitiæ, nec ullæ me pœnæ solvant à tua dilectione: sed sive ad mortem, sive ad vitam vocaveris, quocunque voveris Domine, illuc pergam in nomine tuo. Sapiat mihi beata crux tua, & taliter sapiat, ut meam libenter feram. Suscepi illam spontaneè æternæ salutis intuitu, tamen portare non valeo; nisi continuo manum tuam apposueris. Te verò adjuvante & ducente, leve est onus tuum, fitque planum ac calcabile omne asperum carni. Nunc O dulcissime Jesu, salus & virtus animæ meæ, confirma me pusillum in hac hora verbis oris tui; & præcipue in recordatione passionis tuæ me totaliter accende, & ad te intimè trahe; ut cum frequentatione excitationis sapor crescat devotionis: ut cum debita laudatione, fructus effulgeat piæ conversationis. Qui cum Patre & Spiritu sancto vivis & regnas Deus per omnia sæculorum. Amen.

## T E R T I A.

*Oratio ad compatiendum Christo, &  
dilectæ Matri ejus.*

1. **F**lecto genua mea ad te Domine Jesu Christe, quem pro me in Cruce cerno suspensum. Saluto te ô ve-

neranda imago crucifixi Domini mei Jesu Christi, cujus sanguine redemptus sum de manu inimici. Salve Salvator mundi, qui hanc amarissimam mortem pro me sustinuisti. Peto te dulcissime Jesu, præsta mihi secundum multitudinem misericordiæ tuæ, tibi in omnibus pœnis compati, nec non sanctissimæ Matris tuæ doloribus intimo cordis affectu condolere, & cum beatissimo Joanne Apostolo largiter sub cruce flere. Etenim solatio sum mihi nunc fore scias, si possem, etiam exteriores lachrymas, præ magnitudine compassionis coram imagine crucis tuæ fundere, qui pro me pretiosum sanguinem abundè sapius effudisti.

2. Sed quia à te omne donum bonum, imple hoc desiderium meum ad honorem tuum, ut & memoria sanctissimæ passionis tuæ, cum singulari recordatione gloriosæ Matris tuæ, adjuncto semper charissimo discipulo tuo Joanne ejusdem fidelissimo custode, ex hac hora & deinceps in me ferventiùs accendatur, copiosius dilatetur, intimius sentiat, perfectius moribus & vita teneatur. Sit insuper crucifixio tua speculatio mea, dolor Matris tuæ consolatio mea, fletus sancti Joannis intercessio mea. Non sit sine intercompassione mentis, aspectus mortis tuæ tam deformis. Quotiescunque igitur tuam passionem recolo, aut figuratum in Cruce video, da hoc interius cordi meo sentire, quod multis devotis dedisti experiri. Qui vivis & regnas Deus, per omnia sæcula sæculorum. Amen.

QUARTA.



DE PASSIONE DOMINI.  
QUARTA.

*Oratio ad Christum.*

1. **L**Aus & gloria tibi semper sit Domine Jesu Christe, qui pro me peccatore descendere dignatus es de caelis, & arborem ascendere Crucis, ad satisfaciendum pro peccatis meis, in qua nudus & toto corpore vulneratus tanquam vilissimus latronum inter latrones pendisti; qui es speciosus forma patris filii hominum, verus Dei Filius, Rex Regum, & Dominus Angelorum. Benedictio & claritas, gratiarum actio, & vox laudis tibi sit Agne Dei mitissime: quoniam dignus es accipere omnem honorem, propter passionem mortis & multimodam quam passus es in Cruce confusionem. Accipe igitur humiles has laudes, devotas gratias; mentales genuflexiones, & pia oris mei obsequia, pro summa & immensa charitate mihi in passione tua ostensa. Revera tibi gratias agere teneor pro omni, quod vivo, quod sapio: sed multò intentius & copiosius, quod tuo pretioso sanguine redemptus sum. Magna bonitas, quia me non existentem condidisti; sed major charitas superlucet, quod perditum reformasti. Et si in te bonitas & charitas æqualis ac una semper fuit, mihi tamen charior & utilior visa est charitas, quæ ita superabundavit.

2. O quanti me existimasti, quem tam charo commercio redemisti. Dedisti cerè pretiosissimum quod habuisti; nam te pretiosius nihil est, & ecce te rotum pro me tradidisti. Quapropter obsecro te benignissime JESU, fons bonitatis & charitatis, ut hæc à memoria mea

*à Kemp. Orationes.*

185

non defluant: sed semper imago crucifixi corporis tui mihi resplendeat, & singula plagarum loca amorem tuum cordi meo profundè imprimant, signa enim sunt validissimæ dilectionis tuæ ad me. Nam omnia hæc pro me suscepisti, pro te autem nihil horum merueras, qui peccatum non fecisti, nec maculam quidem peccati contraxisti; in quo dolus non est inventus, nec causa mortis, sicut pro te loquebatur Pilatus. Sed idè ablatus es, quia tu ipse voluisti, qui ad redemptionem totius mundi te missum cognovisti. Innocenter ergò passus es, & atroci Crucis supplicio interemptus: sed tamen infructuosè non es mortuus, quia per Crucem & per mortem tuam omnes liberati sumus. O beata & nimium amabilis Crux, arbor decora atque salutifera, in qua pependisti vita mea pro me mortua: ut mortem occideres, & vitam mihi donares. O quam felix & pretiosa mors ista fuit, quæ mortis auctorem vicit, infernum ex morsu spoliavit, paradisi januam referavit. Benedicta sit passio tua Domine Jesu Christe, crux tua & mors tua, quæ antiquam parentum nostrorum maledictionem in celestem convertit benedictionem. Benedicta sint omnia membra tua, in quibus passus es: & omnia vulnera tua tibi inflicta, æternaliter sint benedicta. Nam ipsa sunt mea maxima medicamenta, contra quælibet vitia, & optima solatia inter adversa.

3. Jesu bone, dulce est tecum esse in Cruce, quod magis opto habere, quam omnes solationes naturæ. Melius est mihi tecum esse in magnis doloribus, quam sine te in summis mundi honoribus. Ah mihi est, quod patior, cum te in

Aa

cruce



cruce contemplor. Sub hac sedēbo & lugebo, considerabo & pensabo quanta passus sit pro me Deus meus. Multi Sancti multa passi sunt, sed tu Sancte Sanctorum ampliūs, Nam tenerrimum & dignissimum corpus tuum, à summo usque deorsum; multiplicibus plagis & vulneribus erat dispunctum. Quæ etsi Evangelistæ non recitant, quibusdam tamen devotis fuisse revelatum multi affirmant, sicut his duobus versibus cōtinetur.

*Septuaginta quinque, quater centum, millia quinque:*

*Tot fertur Christus pro nobis vulnera passus.*

Benedictum ergo sit semper sanctissimum & pretiosissimum corpus tuum, sanguineis guttis ornatum. Nam variis incisionibus venarum perforatum, suæ effusionis non potuit tenere modum. Verè tu es dilectus meus candidus & rubicundus, electus ex millibus. Candidus in virgine, rubicundus in cruce, electus in paternæ gloriæ † confessione. Onobilissimum corpus omnia corpora Sanctorum sanctificans, omnes electorum animas à peccatis emundans. Ave nunc sanctissimum corpus Dominicum, natum ex Maria Virgine: verè passum immolatum in cruce pro homine: sepultum ab hominibus in corde terræ: resuscitatum à Deo tertiâ die.

4. Pretiosum est mihi hoc venerabile corpus tuum, Spiritus sancti operatione de durissimo sanguine V. Mariæ formatum: sed pretiosius mihi efficitur, quia pro me tam deformiter est in passione martyrizatum. Non mihi sordet facies tua olim tam amabilis, nunc autem

tam contemptibilis & penè incognoscibilis effecta, propter immunda sputa & validos percutientium ictus, ac irreverendos capillorum tractus, cum velatione illudentium, & multa ignominiosa tibi impropèrantium. O gloriosa facies Dei mei, quam Angeli videre desiderant; & quæ prius quandoque refulsi in monte Tabor, ut sol, quomodo nunc sic denigrata es, ut nulla in te appareat species neque decor? Propter me denigrata es inclyta Dei facies in terris, ut dignus efficerer contemplari Divinam faciem tuam in cœlis. Ergo illa fœda contutatio formosi vultus tui, lotura & purgatio facta est fœditatis animæ meæ. Insuper & omnia, quæ passus es, pro mea satisfactione & redemptione gesta sunt. Erit itaque summa sapientia mea ista meditari, & configurari in carne passo. Expoliatus es conditor orbis terræ, ut ego vestimentis induerer perennis gloriæ. Denudatus es, ut me ab omnibus quæ mundi huius sunt nudarem, & te sine retardatione sequerer. Illusus es, ut me ab illusione dæmonum eriperes. Contemptus es, ut me doceres amare contemptum & abjectionem hominum. Accusatus es, ne me leviter excusatem: sed quàm multa falsa pertulisses, cogitarem. Condemnatus es, ut æternam damnationem evaderem. Ligatus es, ut à peccatorum vinculis absolverer. Flagellatus es, ut æterna flagella cum reprobis non sentirem, temporalia flagella cum electis patienter ferrem. Coronatus es spinea corona, ut ego immarcescibili corona dignus essem coronari: si tamen tibi compatiar, tanquam membrum suo conforme capiti. O Rex æternæ gloriæ, quàm

† Confessione.



quàm acutam & despectam coronam pro me vilissimo peccatore portasti. Et quomodo possum sine ingenti cordis dolore cogitare benedictum caput tuum spinis oblitum, arundine percussum, ac omni populo in derisum ostensum?

5. Eductus es extra civitatem Hierusalem ad crucifigendum, ut me reduceres in cœlestem Hierusalem ad perpetuè lætificandum. Crucem propriis humeris bajulasti, ut me ipsum abnegarem, crucem tollerem, & post te venirem. Affixus es cruci, ut mihi mundus crucifixus esset, & ego mundo. Elevatus es toto corpore à terra, ut ego toto corde elevarer ad superna. Aceto & felle potatus es, ut peccatum quod gustu vetiti cibi in mundum venit, amaro poculo expiaret, & ut tuæ fellæ potationis inter epulas recorderer. Derelictus es à Patre in crucifixione, ne ego desperarem in tentatione vel gratiæ subtractione. Derelictus es etiam à notis & discipulis tuis, ut spes mea non figeretur in hominibus. Compasus es tamen cordialiter matri & discipulorum infirmitati, ut proximorum semper condolerem necessitati. Pro crucifigentibus rogasti, ut ego in me peccantibus benignè indulgerem, & tibi omne iudicium committerem. Post hæc testamentum fidele statuisti: nam animam Patri, matrem discipulo, discipulumque matri commendasti: ut & ego instante mortis articulo, animam meam tibi commendarem: & sanctissimæ Matris tuæ præsentiam specialiter invocarem. Cujus clementiam humiliter invoco, ut cum B. Joanne Apostolo tuo & cæteris sanctis N.N. mihi assistere dignetur morienti, sicut tibi assistit in cru-

ce pendenti. Enim verò tuus fuit ejus dolor, & tuus dolor nihilominus ejus erat, cujus cor compassionis gladius penetravit. Cumque vidisses matrem & discipulum stantem quem diligebas, nequaquam descendisti de Cruce propter eos, scil. in obedientia Patris tui usque in finem permansisti: præbens mihi exemplum perseverandi in via & in lege tua, quam hunc relictis parentibus & amicis cœpi ambulare. Ambulabo in ea duce gratia tua, & si perseveravero tecum, erit sine dubio merces mea æterna.

6. Sicut ergo tu Domine Jesu, nec propter matris tuæ fletus, nec propter Judæorum opprobria consensisti de Cruce descendere: sic nec ego moveri debeo cujusquam blando sermone vel consilio, aut etiam vano terrore cotractorum à statu sanctissimæ servitutis tuæ: sed tecum vivam, tecum moriar in cruce: nec mihi contingat parcere animæ meæ propter te, qui animam tuam pro me posuisti, ut non perirem in æternum. Inclina itaque nunc ad me caput tuum, in signum præcipui amoris: & ego cor meum ad te, in signum intimæ compassionis: & simul moriatur anima mea cum anima tua, ut ubi tu es, illic sit & ipsa; tunc per desiderium, post per præsentiam & beatificam fruitionem. Aperti quoque mihi latus tuum ad pausandum in eo. Ided enim apertum est, ut ego intrarem, & ab æstibus vitiorum curarer. Profluit ex eo sanguis & aqua: aqua, ut lavarer à contractis maculis & privatis; sanguis, ut redimerer à jugo diaboli & pœnis inferni. Eja suscipiam te jam de cruce cum singulari reverentia. Ponam te dulciter inter brachia meæ, qui non habuisti, ubi caput tuum reclinare,



res, disunctum corona spinea. Plan-  
gam te quasi unigenitum Patris, & pri-  
mogenitum Virginis Matris, antequam  
ponaris in monumento ab oculis meis:  
& considerabo omnia quæ fecisti, do-  
cuisti, & passus es in mundo, ab hora  
nativitatis tuæ usque ad horam mortis  
& sepulturæ tuæ. Exinde mihi sit tua  
reverenda sepultura, omnium munda-  
norum perfecta clausura. Hic requies-  
cam, hic habitem, hic cunctis tumultu-  
bus exclusis tecum sepeliendus ingre-  
diar; ut tibi soli unitus, toti mundo mor-  
tuus sim ac sepultus. Amen.

### Q U I N T A.

*Oratio ad Christum.*

1. **S**cribe Domine Jesu Christe vul-  
nera tua in corde meo, pretio-  
sissimo sanguine tuo: ut in eis legam tu-  
um dolorem & tuum amorem, ad omnia  
terrena & ad omnia adversa pro te liben-  
ter sustinenda. Fac me [quæso] parti-  
cipem sacræ passionis tuæ & acerbissimi  
doloris, quem sustinuisti in gravi & lon-  
ga appensione crucis. Tunc enim bene-  
dictæ manus ab impiis conclavatæ, &  
speciosissimi pedes tui ligno durissimo  
sunt affixi. Tunc enim totum corpus  
tuum ita extensum est, ut omnia ossa tua  
diaumerari possent. Tunc denique, post-  
quam emisisti spiritum sanctissimum, la-  
tus tuum lancea militis tam validè perfo-  
ratum est, ut continuo exiret sanguis &  
aqua, in redemptionem totius mundi.

2. O inestimabilem charitatem, ut  
damnatum servum redimeres temetip-  
sum tantis suppliciis exposuisti; & in-  
noxiam mortem, ne æternaliter more-  
rer, libentissimè suscepisti. Ego Domi-  
ne peccavi, ego hoc grande peccatum fe-

ci; ego sum reus omnium vulnerum tuo-  
rum. Quid igitur retribuam tibi, pro  
omnibus, quæ retribuisti mihi? Si dede-  
ro me & omnia mea, quæ unquam ha-  
bui & habiturus sum, pro charitate hac  
maxima, quam fecisti mecum, quasi nihil  
esset. Esi tradidero meipsum tibi in per-  
petuum servum, non poterit dignum esse  
pretium. Insuper si totum mundum ha-  
berem, ipsumque dare possem, adhuc  
non esset digna retributio, pro minima  
gutta pretiosissimi sanguinis tui, quem  
pro me in cruce effudisti. Una enim  
gutta pretiosissimi sanguinis tui, univer-  
sum mundum expurgare potuisset. Ve-  
runtamen non sufficit amor tuo dare  
congruentiam satisfactionis, sed ex a-  
bundanti expendisti pretium, quo to-  
tum mundum salvare decrevisti, in quo  
etiam mihi spem unicam reliquisti. Nam  
ex quinque corporis tui vulneribus, vo-  
luisti largissimè emanare dulcedinem  
charitatis tuæ, quam ab æterno habu-  
isti cum Patre absconditam, sed etiam  
specialiter passionis tempore in Cruce  
moriens revelasti.

### S E X T A.

*Gratiarum actio.*

1. **G**ratias itaque nunc refero tibi  
benignissime Jesu, pro omni-  
bus doloribus & opprobriis, pro univer-  
sis quoque rubicundis vulneribus tuis,  
quibus repletus es à planta pedis usque  
ad verticem, pro mea reconciliatione  
& reductione in æternum gloriam tu-  
am. Sed heu Domine, quia dignas ti-  
bi referre gratias non sufficio. Siqui-  
dem tam excellens & pretiosa est sanctis-  
sima passio tua, ut si omnium creatura-  
rum etiam virtutes haberem, adhuc plene  
tibi



tibi regratiari nequaquam sufficerem. Excedit enim omnium hominum merita & vota: superascendit omnium creaturarum dignitatem. Attamen, ne omnino ingratus sim, saltem in modico regratiari tantæ charitati & tam amaræ passioni tuæ desidero per verba devotæ orationis & meditationis, quæ tu inspirabis, & cordi meo lapida feceris: quatenus & ex hinc fructus multiplex proveniat animæ meæ, atque tibi gratiarum actio cum perfecto amore resultet sine fine. Memento mei Domine JESU in regno tuo, qui latroni confitenti in Cruce respondisti. *Hodie mecum eris in paradiso. Amen.*

## ORATIONES ADMODUM PIÆ.

### ORATIO I.

*De amore & laude B. Virginis Mariæ.*

1. **D**Eprecor te, benignissima Dei Genitrix Virgo Maria, ut pietatem tuam & dulcissimam charitatem, qua semper existis plena, mihi servo tuo pauperi & infirmo aperire nunc & in perpetuum digneris, atque instillare intimis cordis mei scriniis dulcedinem tuam, quam geris in pectore tuo, & habes absconditam in uberibus tuis sanctissimis, quatenus te Matrem super omnes benedictam, & unicum filium tuum Dominum nostrum Jesum Christum, puro & integro corde amare, & devotissimè laudare valeam? & ita mihi ex hoc bene fiat super terram, omnibus diebus vitæ meæ, in amore & spiritus fervore, tibi & filio tuo serviendo,

2. O aurea rosa, tota suavis & formosa, Virgo Maria, perveniant quæso ad te preces meæ instantèr effusæ, quibus pulso ante ostium tabernaculi tui, quod est in domo Domini in hac præsentì hora, confidens de tua affluentì misericordia in quacunque fuero tribulatione & angustia. Nam tu Mater es misericordiæ, & per te suscipitur peccator in maximam spem veniæ. Sed & major est bonitas & pietas tua, quàm rumor, quem audivi in terra mea. Quia vincis omnem laudem & gloriam Sanctorum, & præcedis propterea (Virgo Beata & Domina veneranda) in virtute dulcedinis & mansuetudinis, Angelicam etiam creaturam. At nisi sic esset, unde miseris & reis tanta infundi consolationis dulcedo, tantaque alacritas veniæ posset ingeri? Nam tu exhausti non poteris, quia in te requievit novem mensibus, infinitæ bonitatis fons Jesus Christus. Tu es ornamentum cæli cælorum. Tu gaudium & jubilatio omnium Sanctorum. Tu es reclinatorium aureum Sancti Sanctorum. Tu tripudium & expectatio patrum antiquorum. Per te Matrem benedictam Virginem singulariter prælectam, datur omnibus, & promittitur cunctis divinam misericordiam exorantibus, indulgentia peccatorum, & fors inter filios Dei, & beatitudo sine fine mansura in regno cælorum.

3. O clarissima stella renitens in cælo, cæli Regina. O Domina mundi, nulla potest comparari tuæ virginæ pulchritudini, qualiscunque Virgo ornata virtute cælesti. Quia tu es, post unicum filium tuum Jesum Christum, prima inter omnes sanctos & sanctas nobilissima-



que creatura : quam Deus Pater præciavit ante sæcula, & creavit in plenitudine temporis, ut esses unigeniti filii ejus Mater intacta. Quem quidem peperisti cum ineffabili gaudio, & stupendo æternoque miraculo, in salutem omnium credentium. Te igitur, ô beatissima, omniumque Virginum Regina pulcherrima, totius jam orbis mediatrice effecta : Te, ô perpetua Virgo Maria, cum jucundissimo cordis júbilo, affectuque purissimo, laudet & glorificet summeque veneretur, & intimè diligit omne genus humanum. Et omnis creatura cæli & terræ, quam condidit Deus in laudem & gloriam sui altissimi nominis, tibi personet gratiarum dulcisonas melodias. Amen.

## ORATIO II.

*Ad B. V. Mariam, ut subveniat in hora mortis.*

1. **O** Amarissima Dei Genitrix Virgo semper Maria, quæ superabundas dulcedine mirabili, quam capere & enarrare non valet mens humana. Ecce adsum ego servus tuus, cum intima affectione cordis mei, humiliter me inclinans ante gloriosissimam sedem tuam, super omnes choros Angelorum in cœlesti regno exaltatam. Quam idcirco meruisti dignissima Mater Dei, quoniam inventa es humillima inter omnes filias Hierusalem, & placuisti oculis ejus Virgo decora valde, nec fuit tui similis in omni terra. En iterum flecto me ante scabellum vestigiorum tuorum, devotis labiis & mundo corde, officiosissimè & salutare & collaudare desiderans. Sed scio electa Mater, quia dignus non sum levare impuros oculos

meos, quos sapius inquinavi, concupiscentia carnis, concupiscentia oculorum, & superbia vitæ, in serenissimam faciem tuam divino lumine radiantem : omnique, cœlesti militiæ admirandam : quæ labiis candidissimis, & rubentibus rosas, aureisque flosculis, ex omni parte decentissimè adornata es. Ideoque confundor ab impuritate mea, tristem pensans indignitatem meam. Sed rursus, propter multitudinem misericordiæ tuæ, spem gero bonam & firmam impetrandi citius gratiam & plenam reconciliationem, te mihi benignè apparente, & pro me interpellante. Quid aliud possum de misericordissima Matre, & de dulcissima Virgine, nisi misericorditer & dulciter sentire, in eum & omnium peccatorum solatium ! Propter hanc clementiam & mansuetudinem, sub tuam protectionem confugio : ubi infirmi accipiunt virtutem, & captivi liberationem. Esto ergo misericors mihi, & bona Mater cordi meo : ut felici experientia, nunc sentiam te omnium esse consolatricem, omniumque tibi servientium & in te sperantium fidelissimum sublevamen.

2. Iterum precor te gloriosissima Mater Dei Maria, quatenus ab hac præsentis hora, usque ad extremam horam, propitio ac sereno vultu, cordeque dulcissimo, super me respicere non fatigeris : sed in tua custodia me accipias, atque sanctissima brachia, tua super me, quocunque ambulavero, maternaliter expendas. Cum autem venerit dies meus novissimus, quem ignoro ; & hora mortis metuenda valde, quam non possum præterire : ô clementissima Domina mea, singularis fiducia in omni angustia, sed in hora mortis maximè, tunc memento mei,



mei, & assiste fini vitæ meæ, consolando trepidantem animam meam. Protege eam ab illis terris & immundis spiritibus, ne audeant me appropinquare: quam tua gratiosa præsentia dignetur, cum multitudine Angelorum & Sanctorum, visitare. Satage quoque placare mundissimis precibus tuis, priusquam decedam ex hac luce, divinam faciem filii tui, quem toties & tam graviter offendi peccatis meis. Post hæc, suscipe enavigantem ab hoc exilio inopem animam: & introduce eam per portas cæli, ad æternam Paradisi. Statue me juxta te, & loquere ad filium tuum pro me, Regem omnium sæculorum, verbum bonum & suave, quæ ab ore Gabrielis benedictum illud Ave accepisti. Per cujus virtutem, me conservare digneris viventem atque morientem: & dona mihi hanc obsecro cum devotione cordis sæpius replicare, in laudem & gloriam mellisui & benedicti nominis tui. Accipe itaque deprecationem servi tui, quomodo coram te fundo: & respice in me, misericordissima Mater Jesu Virgo Maria, super omnes dilecta, & recordare mei semper. Quod si aliquando obliviscor tui, hoc utique est in magna displicentia mihi. Sed tamen tu noli mei oblivisci, quæ misericordiam omnibus peperisti. Vale jam Virgo Maria: Ecce te saluto flexis genibus, tibi inclino devotis nutibus, tibi gratias ago conjunctis manibus. Et ut orationem meam libenter audias & confirmes, adhuc una reverenda salutatione faciem tuam honorabo: Ave Maria gratia plena, Dominus tecum, benedicta tu in mulieribus, & benedictus fructus ventris tui Jesus Christus.

Amen.

## ORATIO III.

*Ad B. Virginem Mariam, pro speciali consolatione.*

1. **S**uscipe, misericordissima Mater Dei Maria, servum tuum ad te de quacunque tribulatione fugientem. Suscipe me Virgo piissima, sicut unicum non habentem consolatorem. Vide Domina mea afflictionem meam, & sinum clementiæ tuæ aperi mihi. Ecce pulso, clamor, peto, & adoro. Non recedo, nec te dimitto; sed tibi adhærebo, donec miserearis mei. Scio incomparabilem dulcedinem tuam: novi affectum maternalem cordis tui, ex abundantia divini amoris sic liquefactum, ut desperare de tua consolatione nimis sit deformis factum. Ideoque frequentissimè & desideratissimè me confero ad te: ut sive bene sive etiam malè mecum fuerit, semper tuis gratiosis auxiliis merear amicti, & suavissimis consolationibus oris tui refoveri. Te enim loquente consolatoria, quæ jam poterit cordi inesse tristitia? Aut quomodo illi nocebit inimicus, cui ad te patet semper liber recursus? Inclina itaque nunc benignissima Mater humiles aures tuas precibus meis. Inclina illustris Virgo hydriam tuam, & da mihi pauxillum bibere: hoc est, de copiosa gratia tua, quæ in te latet & exuberat, parvulam mihi consolationem effunde. Est enim pro præsentis valde necessaria, & omni tempore acceptabilis, nec unquam pro paucitate fastidibilis. Tantæ siquidem efficacæ est & nobilitatis, etiam guttula stillans ex ore tuo super labia mea: ut ejus comparatione vile sit & nihilum omne delectabile in hac vita. Propterea dile-



dilectissima Maria, dives & larga in donis, in verbis quoque gratiæ mirabiliter suavis: in cuius virginali utero summa habitavit sapientia, ut quam Spiritus sanctus ab initio consecravit, Angelus custodivit, Archangelus docuit, virtus Altissimi obumbravit, refice me salutaribus monitis tuis. Dic verbum tantum, & consolabitur anima mea. Non peto rem difficilem, nec aliquid impossibile, sed hoc tantum precor, Domina mea, loquere mihi verbum solatii intimi, quod auditui meo det gaudium & lætitiā. In necessitate mea ad te venio: Eja suscipe me vultu benigno. In hoc cognoscat servus tuus, quia invenit gratiam coram oculis tuis: si ei aliquid amicabile protuleris: si consolationem, quā à te expectat, non diu tardaveris.

2. Veni charissima Maria, cum mellisua unctione tua, ad visitandum cor meum in tribulatione sua. Quia tu optimè nosti lenire dolores cordis, & ad pacem pristinam reformare. Veni piissima Domina, cum nova Christi gratia: & jacentem servum tuum erige dextera tua sancta. Veni electa Mater Dei, & solitam tuæ miserationis largitatem mihi revela. Quia, ut cernis, ad nihilum redactus sum; sed tui oblitus non sum, nec obliviscar in æternum. Veni ergo, veni spes mea, & gaudium meum; dilecta, & dulcis Virgo Maria. Quia te veniente, & mecum fermocinante, omnia pariter bona venient, mala autem longius foris stabunt. O quam desiderabile, quam ingens & lætabile mihi erit, audire verbum Matris Domini mei Jesu Christi! Sed quale verbum? Verbum utique pium, dulce satis; & ami-

cum: quod audivit Beatissimus Apostolus Joannes, à dilecto sibi Magistro, filio tuo, quando illi dixit: Ecce Mater tua. Hoc ille audivit à Domino, sed ego idem peto audire à te Domina mea, in spiritu & devotione mentis. Dic ergo mihi: Ecce Mater tua: Ecce ego sum. Ad hanc benignissimam vocem tuam, reconvalescat anima mea: læteturque coram te, sicut lætari solet filius inventa Matre sua. Intret, intret amicabile vox ista in aures cordis mei, & ex suavi alloquentia oris tui, simul influat spiritalis quædam consolatio Spiritus sancti. Sumat cor meum fiduciam novam, timor abscedat, ambiguitas non me moveat amplius: nec desperatio per varias tentationes frangat; sed consoletur me verbum istud, quod à te petii audire, & cordi meo attentius commendare: Ecce Mater tua. Amplectere nunc anima mea hanc commendationem: amplectere dulcissimam Mariam: amplectere Dei Matrem, cum parvulo filio suo JESU, præ filiis hominum speciosissimo, gratias illi agendo semper. Quia ipsa est, quæ preces consuevit audire pauperum: nec inconsolatos dimittit, quos perseveranter ad se clamare conspexerit. Hæc est illa Deifera Virgo, & Virgo mystica, quæ ex regali stirpe progenita, divini floris protulit amigdalum, ipsum Christum, Regem ac Salvatorem omnium: Cui sit honor & gloria in sæcula sæculorum,

Amen.





## ORATIO IV.

*Ad Beatam Virginem Mariam, quacunque tribulatione insurgente.*

1. **A**ve Maria, gratia plena, Dominus tecum, Virgo serena. Ave singularis spes egenorum. Ave benigna Mater orphanorum. O Maria quando omnes cæli portæ clausæ sunt, & ad Deum undique mihi accessus denegatur propter peccata mea: Quando omne consilium & robur mentis à me recedit, & in nulla re meipsum juvare possum: Quando tedium præsentis vitæ & anxietas cordis me ita constringit, ut penè nihil in hoc mundo libeat. Quando Sol lætitiæ, in noctem transit pavoris & mœstitiæ. Quando cœlestis subtrahitur consolatio, & gravis imminet desolatio: Quando venti tentationum insurgunt, & motus passionum se erigunt: Quando etiam infirmitas improvisa accidit, & alia quælibet adversitas occurrit: Quando hæc omnia veniunt super me, ubi fugiam, & quo me vertam, nisi ad te benignissimam consolatricem pauperum? Et quorsum respiciam, ut portum attingam salutis, nisi ad præclarissimam maris stellam, semper fulgentem; & nunquam sui luminis gratiam abscondentem! O Maria dilecta, & dulcis Mater; tu es ista præclarissima maris stella, quæ universos in te respicientes, & ad te clamantes consolaris, & ad portum tranquillitatis citius perducis. Ad te ergo hodie confugio, & à te juvari suppliciter exposco: quia quicquid volueris, à filio tuo faciliè impetrabis. Si tu ò gloriosa Domina pro me fueris, quis stabit contra me? Et si mecum gratiam feceris, quis est qui me repellere

*à Kemp. Orationes.*

queat? Expande igitur nunc brachia tua super me, ut fugiam sub eis. Dic animæ meæ: Advocata tua ego sum, noli timere. Sicut Mater consolatur filium suum, ita & ego te consolabor. Vox tua hæc est, ò dulcis Maria. Quis det cordi meo eam semper audire? Quam dulcia faucibus meis eloquia tua. Loquere, Domina mea, ad cor servi tui, quia audit servus tuus. Servus tuus ego sum, & filii tui. Amplius dico, Mater mea tu, & Frater meus Jesus Filius tuus. Fidenter dixerim: Quia non tantum tibi, sed & toti mundo ipsum genuisti. Nolo idcirco Matrem mihi vocare super terram: recusò aliam habere, præter te solam Dei genitricem. Non est similis tui in virtute & decore, in charitate & mansuetudine, in pietate & dulcedine, in fidelitate & materno solamine, in misericordia & miserationibus multis. Hodie te eligo & assumo. Hodie me tibi fiducialiter trado, & istud in æternum per te confirmari desidero. Sufficit enim mihi infirmo, si tecum bene confederatus fuero. Propterea latabor & consolabor copiosè in te, & nomini sancto tuo magnificè laudes personabo.

2. O quàm pulchra es, & amicabile Domina mea, sancta Maria, omni gratia plena. Si quis potest stellas cæli numerare; poterit & virtutes tuas explicare. Sicut enim exaltati sunt cæli à terra, sic vita tua exaltata est super vitas hominum; & splendor gloriæ tuæ, super omnes emicat choros Angelorum. Ascendat igitur nunc paupercula oratio mea, ad ditissimam Dominam meam, & desiderium meum ad te perveniat, ut in conspectu filii tui causam meam pronunties: ante cujus examen nemo ex seipso



innocens invenitur. O clementissima Domina, propter nimiam charitatem & singularem confidentiam, quam ad te gero, tibi revelavi causam meam, & amodo tutius revelabo. Sentio enim de te eximiam, ac virtutem magnam: & memoriale nominis tui, solatium fore animæ meæ. O dulcissimum nomen Mariæ, nomen unctionis & gratiæ semper cogitandum, semper nominandum & venerandum. O nomen cælicum, & verè Angelicum: quod ore Evangelistæ constat fidelibus piè commendatum: Et nomen, inquit, Virginis Maria. O sacratissima & omni laude dignissima Maria; Tu porta cæli: tu janua vitæ: tu templum Dei: tu sacrarium Spiritus sancti. Quicquid igitur pulchritudinis & amœnitatis in creaturis cernò: quicquid magnum & virtuosum in sanctis Dei confidero, totum tuæ generosæ celsitudinis aptare desidero. Quia dignum est, ut me cum omnibus creaturis, ad tuam perpetuam laudationem transferam, quam in specialem Matrem, ac fidelissimam advocatam mihi eligi nunc, & post hanc vitam, ad benedicti filii tui Jesu Christi gloriam promendam. Amen.

## ORATIO V.

*De eximiiis virtutibus beati Joannis Baptistæ.*

1. **O** Sanctissime & præclarissime Joannes Baptista, specialis amice Jesu Christi, & fidelissime præco Dei, & acceptabilis præcurfor Domini. O summe venerande & semper amande patrone, magnus & excelsus in latitudine terræ, sed major in altitudine cæli; ubi nunc inter summos Sanctos luce clariori præfulges, & honore speciali. Tu namque

omnium Prophetarum eximius vates, priores Patriarchas & Prophetas ortu temporis secutus es, sed virtutum jubare & meritorum gloria præcessisti. Siquidem velut cœlestis quidam Lucifer, à Deo missus in mundum; & æterni Regis nostri adventum, solemque justitiæ in tenebris exortum, actibus mirabilibus & verbis fide dignis prænuntiasti. Tu ab Angelo Gabriele, in templo Dei annuntiatus es. Tu in utero sanctificatus: Tu Spiritu sancto repletus, & ad vocemloquentis Genetricis Dei Mariæ, & in utero materno exultasti. Tu puer, Propheta altissimi vocatus es: & muto patri, loquelam diu amissam, sacri nominis tui editione reddidisti. Tu itaque mirabiliter natus, sed multo sanctius es conversatus. Tu paterna domo, & omni parentela relicta, puer adhuc septennis eremum intraisti: ubi humano solatio destitutus, Angelicam vitam usque ad diem ostensionis tuæ in Israël, solitarius exegisti. Tu asperum iter aggressus, vili contentus cibo, & duro accinctus indumento, delicias Regum & divitum molliem strenuè declinasti. Tu Spiritu sancto inspirante, ad ostendendam populo viam perpetuæ salutis, ad agendam pœnitentiam, & Regnum cælorum consequendum, multa exhortatione evangelizans Verbum Dei, fortiter prædicasti. Tu Agnum Dei venturum, turbis prædixisti, & quem ceteri ab initio Prophetæ verbis, signis, vitam, moribus, ac magnis desideriis, diu præfati sunt. Tu fidelissime serve Dei, ac solemnis percursor, Christum in carne jam præsentem, digito demonstrasti, dicens; Ecce Agnus Dei, ecce qui tollit peccata mundi: hic est enim, de quo dixi. Tu venientem ad baptisma tuum, Jesum Dei

Filium



Filium tuis sanctissimis manibus, ô venerabilis Baptista, inclyte Joannes, summa ut decuit cum reverentia & tremore in Jordane baptizasti. Tu patris vocem de sublimi sonantem audisti: Hic est filius meus dilectus, in quo mihi bene complacui. Tu Spiritum sanctum in columbæ specie, super Dominum Salvatorem descendentem ac manentem, beatis oculis conspexisti. Tu summæ Trinitatis ineffabile mysterium, superna revelatione didicisti: atque Christo Jesu Domino nostro, indubitable testimonium perhibuisti; quia hic est Filius Dei. Sed & Jesus rursus, tam magnificum tuæ sanctitati testimonium reddidit: quale Sanctorum aliquis audire, in hac mortalitatis luce, non meruit. Inter natos mulierum, inquit, major Joanne Baptista nemo surrexit.

2. O Signifer Martyrum honorande Joannes: Tu zelo justitiæ & amore castitatis effervens, impiissimi Herodis Regis incestum destabilem, voce imperterrita objurgasti. Et pro constantia veritatis, tetræ carcerem & dura vincula patienter subiisti, ac demum, ad petitionem mulierum turpissimarum, sanguinem tuum furiosè sitientium, benedictum caput tuum ab infantia Deo consecratum, gladio spiculatoris amputandum spontaneus tradidisti. Sicque sanguine proprio purpuratus, & martyrii palma dignus effectus, quasi lampas mundi ardentissima, ad limbum Sanctorum Patrum serenus descendisti. Quibus tunc novum exultationis gaudium intulisti, dum ipsum humani generis Redemptorem, in proximo adventare, protuleris: quem profecto nascendo, prænuntiares: quem profecto nascendo, baptizando, prædicando, ostendendo,

ac moriendo, ut boni nuntii bajulus, in mundo prius præcurasti. O sublimissime virorum Sanctorum, quomodo te magnificem, & prædicem, penitus ignoro. Ita divitem enim & magnum in omni gratia sanctitatis te invenio, ut in omni choro Sanctorum singulariter splendidum ac decoratum gloriâ conspiciam. Imò nec præ splendore excellentis gloriæ tuæ, satis jam queo te conspiciari: sed neque ad plenum tuam dignitatem admirari sufficio. Ubique enim nomen tuum volitat: & in omni Ecclesia, laus sancti Joannis Baptistæ excellenter claret. Si inter Angelos te quæsero, Joannes par Angelis, & socius Angelorum, atque homine major rectè prædicatur. Si inter Prophetas, etiam plus quam Propheta, Christo teste, diceris. Si inter Apostolos, Apostolorum vox & Evangelii primicerius dignissime nominaris. Si inter Martyres, tu fortissimus athleta Martyrum nobiliter decantaris. Si inter Confessores & Doctores, tu almus Christi Confessor ac Doctor præclarus jure appellaris. Si inter Virgines, tu Virgo purissimus, Virginis legatus & cognatus, legitime comprobaris. Si inter Monachos & Eremitas, tu devotus eremi cultor, ac Monachorum sanctus eremi cultor, ac Monachorum sanctus institutor demonstraris. Si inter innocentes & puros, innocentior & purior homo tibi similis non est inventus. Si inter poenitentes & abstinentes, tu cunctos primos austeritate vitæ & sinceritate conscientie præcedis.

3. O virum sanctissimum, super omnes & in omnibus laudabilem, Deo charissimum, Angelis acceptabilem, & hominibus valde amabilem. O ardens & lucens lucerna omnipotentis Dei,



terram illuminans, cælum lætificans, peccatores convertens, justos conservans, lapsos erigens, stantes roborans, omneque pariter ad Deum trahens, atque in cœleste regnum perducere affectans. Esto (quæso) piè memor mei, & tuis sanctis precibus apud districtum judicem, omnium peccatorum mihi indulgentiam impetra: atque virtutum germina in me satage plantare: quatenus liberatus à vitiis omnibus, Spiritus sancti unctione efficiar dignus; atque post hujus mundi varia discrimina, ad perpetuæ beatitudinis portum, te suffragante, merear salvus pervenire. Subveni mihi precor obnixè, columna præsidii cœlestis, in hora mortis imminentis, & pro salute indigentis servuli tui, verbum bonum & placabile, apud Regem Angelorum potissime amicorum ejus, loquere confiderent. Ut quem propriæ actionis pondus maximè gravat & perterret, tuæ sanctissimæ orationis scutum ab hostium insultatione defendat: & per tua gloriosa merita, anima mea de carcere carnis egressura, occurrentibus beatis Angelorum choris, ad æternum cæli palatium feliciter ac securè transire mereatur. Amen.

## ORATIO VI.

*Oratio de privilegiis præcipui amoris beati Joannis Evangeliste.*

1. **A**ve dulcissime Joannes Apostole. Ave sanctorum Evangelistarum altissime. Ave sanctæ Mariæ Matris JESU custos fidelissime. Saluto te devotis animi mei obsequiis. Honorifico te ex totis cordis mei præcordiis. Invoco te affectuosis precibus & suspiriis. En cupio laudes tuas personare; desidero vir-

tutes tuas enarrare: affecto magnalia tua prædicare. Quæso ergo te piissime Apostole, dignare me laudare te Virgo sacratissime. Tu es enim dilectus ille discipulus, & inter cæteros magis dilectus, quem de sæculi nuptiis, ad cælebem vitam attraxit Jesus Dei Filius: & pro carnis illecebris, cœlestibus te replevit charismatibus. Tu pro amore Jesu, parentem in navi cum retibus reliquisti, & cœlestem patrem cum Jesu filio ejus invenisti. Tu Dominum Jesum, Evangelium regni cœlestis prædicantem, sequi non es fatigatus. Tu signis illius mirabiliter es delectatus. Tu doctrinis ejus & salutaribus monitis, crebro es informatus. Tu in persecutionibus ejus, & opprobriis sibi illatis, vehementer compassus fuisti. Tu cum Jesu in montem Thabor, ad videndam claritatem corporis ejus, ascendisti. Tu ex auditu paternæ vocis, in excessu mentis raptus, penè à magnifica gloria defecisti. Sed tamen ex hac stupenda visione in agnitione Filii Dei multum profecisti.

2. O sacer & nimium felix Apostole: quanta tibi de Jesu tuo fuere revelata, quæ mens humana infimis dedita nec capere potest, nec sentire. Quare te rogo Joannes dulcissime, ora pro me ferventissime; quatenus totum sæculum, cum suis vanitatibus & delectationibus universis, valeam ex corde funditus relinquere; atque salutaribus Jesu doctrinis, quibus inebriatus es, me interius accende, ut spiritus & oblitus omnibus terrenis, ad montem virtutis, & purioris vitæ celsitudinem, te adjuvante valeam expedire ascendere. Cuncta enim vana sunt & nulla, quæ in hoc sæculo videntur concupiscibilia. Idcirco quidem Christus æterna Dei



Dei sapientia, tibi revelavit suæ claritatis gloriam, sanctis in futuro donandam: quatenus his visis secretis cœlestibus, ad subeunda pro nomine ejus quælibet adversa igniteris: nec deficeres laceffitus verberibus, aut injuriis. Tu etiam appropinquante termino passionis, quo de hoc mundo ad patrem Christus erat transiturus, ad parandam cœnam agni paschalis, in civitatem cum Petro emisus es. Ubi cœna factâ sanctâ, pius Dominus & humilis Magister, tuos tibi ac reliquorum discipulorum suorum dignatus est lavare pedes. In hoc magnum præbens dilectionis suæ signum, nec non devotæ humilitatis memoriale relinquens exemplum. O venerande Joannes Apostole conviva Regis æterni, ad latus residens dilecti Magistri. Tu es ille dilectus discipulus, qui in hac cœna perpetuo memoranda, supra pectus JESU dulciter recubivisti, & dixisti: Domine, quis est, qui tradet te? Qui mox obindicium præcipui amoris, tibi secretè personam intimavit sui traditoris. Ille [inquit] est, cui ego intinctum panem porrexero. O verè singulariter prædilectum Apostolum, & inter cæteros dilectos discipulos, ampliori castitatis gratia, ac familiaritatis dono insignitum, cui cæteris tacitum, revelatur aure verbum.

3. O dulcissime Joannes, quanta tunc de pectore Jesu traxisti arcana sapientiæ. Testantur sacra Evangelii tui fluepra, toto orbe terrarum diffusa: quod magno quodam prælagio futuræ gratiæ, supra pectus JESU, caput tuum amabilius reclinasti, unde tibi, tanta emanavit affluentia doctrinæ cœlestis. Obsecro te sancte Apostole,

dulcis amice Christi, refice esurientem animam servi tui, suavitatē eloquii divini: meque fac sapius interesse cœnæ Jesu, & pulcherrimo illo sermone delectari: quem Dominus Jesus novissimè edidit coram discipulis, & tu ad legendum nobis clarissimè scripsisti. O preciose & amanda discipule: tu egresso Jesu, trans torrentem Cedron ipsum cum reliquis discipulis secutus es ad hortum. Tu in secretum orationis locum, ab ipso specialiter cum duobus assumptus es. Tu Domino Jesu à Judæis capto & ligato, post ipsum sequi usque in atrium summi Pontificis non trepidasti, & dilectum consortem tuum Petrum introduci fecisti. Amor siquidem JESU, vos pariter illum præ cæteris audacius sequi fecit: sed humana fragilitas nondum valida mortem ferre, fugere compulit ac timere. Sicque JESUS solus permansit in passione sua à notis derelictus: quia sic voluntas Patris fuit, ut innocens occideretur pro nocentibus.

4. O beatissime Joannes Apostole; tu Jesu ad mortem crucis damnato, ac multis vulneribus sauciato, usque ad locum crucifixionis, ipsum tristi mente & flebili vultu, persecutus es. Virgine Maria moestissima matre ejus tecum pariter comitante, cum pia Magdalena, præ dolore jam penè deficiente. Verè in hoc apparuit ingens vis amoris tui, & maternæ compassionis cordialis affectus: quod Jesu in cruce demum suspenso, & matri Virgini gladio doloris vulneratæ, tam proximè & firmiter assististi. Ideoque & in extremo constitutus spiritu, Christum tibi matrem suam specialiter commendavit,



ut Virgo Virginem servares, & dereliquo, in necessitatibus illius curam, ereres, ac studio officiosissima charitatis, tanquam propria matri, ei filialiter deservires. O fidelissime & castissime custos beatissimæ Matris Christi Virginis Mariæ, cubicularius sponsi Ecclesiæ, thesaurarius Regis æterni: qui post Christum, quasi alter subdelegatus es Filius, tibi commissa est arca Dei, continens manna cœleste: tibi servanda creditur porta cœli ludica, per quam introivit Rex gloriæ, cum idem in Cruce moriens ait: Ecce mater tua. O mater tua, Mater Dei, mater alma, mater in æternum benedicta; tibi commissa, tibi credita, tibi associata. O quis mihi det talem habere matrem, & talem cum ea custodem: quibus tutè valeam pauperulam animam meam committere protegendam: ne in hora exitus terribilis me perterrigat severus ille inimicus. O bone & clementissime Jesu, memento mei in novissimis meis: & dum mihi subtrahitur vox carnis, omnis sensus deficit; tunc pia me muniat oratio tuæ dilectissimæ Matris: & B. Joannis Apostoli fida custodia, mihi potenter assistat. Eja mater pia & misericors Virgo Maria; rogo te per filium tuum charissimum, & ejus Apostolum tibi in Cruce commendatum, subveni mihi in omni loco & hora, maxime in extremis agonizanti: quæ dilecto Filio tuo JESU, cum B. Joanne & Maria Magdalena, assististi. O dulcissime Joannes Apostole, clemens custos & fidelis semper amice, protege me armis militiæ cœlestis, & signo sanctæ Crucis, Christiani nominis inimicum à conspectu meo repelle; meque in Jesu nomine libera, cum

horrida mortis ingruit hora. O duæ speciosæ olivæ, summæ pietatis & misericordiæ; ego me vestris intercessionibus & perpetuæ protectioni devotè commendando: ut omnibus hostibus remotis, ad Christi regnum me vobiscum feliciter perducatis. Amen.

## ORATIO VII.

*Oratio de laudibus S. Thomæ Apostoli.*

1. **A**ve gloriose Thoma Apostole, omni laude & honore dignissime. Ave illustrissime Prædicator Evangelicæ veritatis, lux & decus Ecclesiæ universalis. Ave ferventissime amator Christi, cujus sanctissimum latus tangere meruisti. Ave lucidissime contemplator abyssalis veritatis, profundissime penetrator Trinitatis, certissime explorator glorificatæ humanitatis. Ave solidissime Confessor fidei, magnifice reparator fidei, validissime propulsator omnis dubietatis. Ave clarissime illuminator hominum, qui potentissimum Indiæ regnum, signis ac doctrinis convertisti ad Dominum. Ave eximie patratore miraculorum, mortuos suscitans, leprosos mundans, cæcos illuminans, demones fugans, & omnem infirmitatem in Christi nomine curans. Ave sapientissime Architector cœlestis fabricæ: qui pro terreno palatio, parasti Regi Indorum perpetuam mansionem in cœlo. Ave purissime zelator castitatis, altissime laudator virginitatis, honestissime conservator integritatis, devotissime venerator sacerdotalis dignitatis. Ave perfectissime contemptor divitiarum, largissime distributor eleëmofynarum, benignissime Refector pauperum, solemnissime ædificator Ecclesiarum. Ave patienti-



tientissime tolerator persecutionum, infatigabilis laborator pro salute animarum, fidelissime pastor credentium populorum. Ave fortissime athleta martyrum, debellator dæmonum, extirpator errorum, destructor idolorum, victor tyrannorum, flammæ superans, incendia non sentiens: qui pro amore Christi gladio transfixus, vitam gloriosa passione terminasti.

## ORATIO VIII.

*Oratio de meritis & virtutibus sancti Thomæ Apostoli.*

1. **O** Summe, venerande, & semper amande Patrone S. Thomæ Apostole Christi, Jesuque electe discipule, supplices ad te preces cum desiderio effundo: & per quotidiana oris mei obsequia, tua gloriosa imploro suffragia. Fac te mihi exorabilem, & cordi meo exhibe te semper amabilem: ut laus tua ex ore meo nunquam deficiat; sed de die in diem nova devotione exciteretur. Ferveat mens in oratione, & in meditatione mea ignis divini amoris accendatur: atque in veneratione tui sancti nominis, omnia interiora mea dulci jubilatione repleantur. Tu es enim electus discipulus Jesu, & meus dilectus Apostolus, quem mihi specialem in patronum & advocatum elegi: cui etiam animam meam custodiendam, & totam vitam meam protegendam, fideliter & devotè committo. Tu plurimum potes apud Regem gloriæ. Ideoque precor te; memor esto mei peccatoris, tuis sanctis precibus, faciem placando pii conditoris. Tu à Deo patre æternaliter præcognitus es & electus, tu à filio ejus unigenito, incarnato temporaliter, vocatus es, & Apostolico ordini insertus,

prædicationis officium fideliter adimplasti. Te Christus ore proprio instruxit, mellifluo colloquio confortavit, in fide recta fundavit, & corporali sua præsentia frequenter lætificavit: tu à Christo multa signa fieri beatis oculis conspexisti: tibi etiam virtutem faciendi miracula, infirmos curandi, demonesque pellendi, contulit potestatem. Tu omnibus relictis, Jesu vestigia ardentem es secutus, paupertatem ejus humilitatemque libenter amplexando. Tu opprobria Judæorum, odium quoque mundi, ab amatoribus hujus sæculi, cum Jesu patienter tolerasti. Quin etiam cum Christo lapidari & mori paratus fuisti, ita loquens ad condiscipulos: Eamus & nos, & moriamur cum illo.

2. Tu in cœna Dominica ad mensam Christi tanquam unus ex cœlestis Regis convivis, cum Apostolis cœnavisti: atque post agnam typicum, sanctissimum Christi corpus & sanguinem, de sanctis & benedictis manibus ejus, plena fide & magna reverentia accepisti. Tu ibi à Christo summo sacerdote, ad tantum mysterium celebrandum, in sacerdotem novi testamenti consecratus es & à summo Pontifice Jesu, in pastorem & episcopum animarum fidelium ordinatus. Tibi Christus tuos dignatus est lavare pedes, exemplum tradens suæ maximæ humilitatis perpetuæ dilectionis insignis; docens & tali mysterio, affectus animæ à vitiis esse mundandos. Tu de Christi traditione, discessu, passionis, ac mortis, quam palam prædixit, vehementer contristatus es: paratum habens animum, & in carcerem & in mortem cum ipso transire: quemadmodum & ceteri omnes discipuli dixerunt.

Unde,



Unde, quod tunc dispensativè tuo negatum fuit affectui, postea ferventius triumphali passione consummasti. Tu Christo sermocinante, & multam consolationem adversus mundi pressuras proferente, ipsum de transitu suo ad Patrem, fiducia devotæ mentis interrogasti, dicens: Domine nescimus quo vadis, & quomodo possumus viam scire? O quantus fervor amoris cordis tui, ad sequendum iter dilecti magistri? Respondit tibi dulcis Dominus & magister. Ego sum via, veritas, & vita. Nemo venit ad Patrem, nisi per me. O beatissime Thoma, quam sublime meruisti responsum: quam sacrum & profundum audisti mysterium. Tibi Christus seipsum revelavit, tibi viam ad Patrem ostendit, se unum cum Patre esse docuit, ac vitam æternam se daturum diligentibus se promisit. Tu quoque hymno dicto, cum Jesu in monte Olivarum exivisti: & appropinquante traditionis hora, de captivitate illius & alligatione, mœstissimus remansisti. At ille, qui pro mundi redemptione pati venerat, mortis subire supplicium non recusavit. Nec ultra triduum, à mortuis resurgere distulit; sed die tertia discipulis glorificato in corpore apparuit, & die octava tibi specialiter suæ humanitatis præsentiam indulsit.

3. Signa victoriosæ passionis ostendit, ad palpandum se invitavit, manus ac latus vulneribus sacris insignitas, ad tangendum patenter præbuit: & de pectore tuo, omnem dubitationis scrupulum eduxit. O sacer tactor vulnerum Christi. Quantam gratiam & dulcedinem de vulneribus salvatoris traxisti. Ex tactu quippe veri corporis Christi, fi-

dem resurrectionis recuperasti, spem veniæ recepisti, & ampliorem charitatis fervorem denuo conquisisti. In latere Christi, reconciliatus es: in palpatibus vulneribus, totus sanatus es & Christo intimè copulatus. Ex aperto latere Christi, latitudo tibi influxit divinæ charitatis, ex sacro tactu stigmatum, certitudo tibi insulsi clarificatæ humanitatis. Tu ex dubio factus es certior: ex tactu, firmior: ex visu, jucundior: ex auditu sermonem Christi, doctior. Nil ergo tibi dubitasse nocuit, quando tot signa credulitatis inde provenerunt. O fortissima columna cætus Apostolici, quàm validis probationibus fidem nostram roboras: quàm libenter rectè credentes suscipis: quàm misericorditer infirmis compateris: quàm maxime in fide titubantes erigis; ac tuo exemplo, ne desperent, dulciter consolaris. Tu fidei nostræ scutum inexpugnabile. Tu anchora spei nostræ firmissima. Tu charitatis lucerna. Tu castitatis speculum. Tu justitiæ norma. Tu virtutis splendor. Tu miraculorum gloria. O lampas Ecclesiæ ardentissima, cœlestis gratiæ balsamo repleta: quàm fervida sunt, & ubertim fragrantia tuæ fidelissimæ confessionis verba. Deum enim verum confessus es & hominem, quando dilecti magistrilatus terigisti, dicens: Dominus meus, & Deus meus. O amantissimum & dulcissimum verbum, plenum fide, auditu jucundum, delectabile ad ruminandum. Verè totus in admiratione raptus, totus in amore liquescens, totus divina dulcedine inebriatus fuisti: cum Redemptoris nostri arcana intrasti, & de Dominici lateris fonte, dulcissimum fidei verbum



bum reportasti, dicens Dominus meus, & Deus meus. O quam salutaria medicamenta, in aperto Christi latere invenisti! Quàm mellifluum æternæ sapientiæ gustum de fontibus salvatoris hauristi.

4. Beatus es S. Thoma Apostole, & benedictus sermo oris tui: qui summam salutis nostræ & æternæ redemptionis pretium, in passione Christi & resurrectione nobis demonstrasti. In Christi siquidem passione, salus nostra & redemptio, in resurrectione ejus vita nostra, & perennis spes gloriæ. Hujus beatissimæ resurrectionis Dominicæ tu factus es testis veracissimus: sicut Joseph sponsus Mariæ Virginis, custos virginitatis ejus fuit & testis fidelissimus. Joseph ab Angelo doctus est de mysterio incarnationis, tu ab Angelorum Domino de veritate resurrectionis. Ille jubetur Mariam conjugem suam accipere, tu Christi gloriosam carnem juberis tangere. Joseph post revelationem Angelicam, beatam Mariam in suam accepit reverenter custodiam: tu post compertam Domini apparentiam, clariorem accepisti fidei intelligentiam, & insuperabilem evangelizandi constantiam. Maria Magdalena amoris plena, Jesum tangere voluit, & prohibetur: tu Christum sine prohibitione juberis tangere, ut fides tua firmaretur, desiderium cordis tui citius impleretur. Ex certa causa mysterii, illa à tactu pedum ad modicum tempus suspenditur, ut prudentiam disceret, & Christum non jam secundum carnem quæreretur. Tu statim viso Domino, ne diutius dubitans maneres, ob necessarias causas, & pusillorum fidem instruendam, ad sacra loca vul-

*à Kemp. Orationes.*

nerum, dexteram tuam porrexisti, dicens: Dominus meus, & Deus meus. O fœlix Apostole, cui omnia cedunt ad gloriam, & majorem divinitatis Christi cognitionem capeffendam. Tu etiam cum S. Petro & Joanne ac aliis binis discipulis ad piscandum in mari Tiberiadis, ut latus sodalis, navem ascendisti: ibique Dominum mane in litore stantem aspexisti; quod jusserat fecisti: & de magna piscium captura cum discipulis latatus es: & de pane Christi assoque pisce, ibidem divinitus paratis, Domino ad convivium exhortante, jucundè refectus es. Tu Dominum Jesum, postquàm multis apparitionibus, variis signis & documentis, suam declaraverat resurrectionem, ad cœlos sursum ferri ac Patris dexteram potenti virtute petere aspexisti; sanctos Angelos quoque, in vestibus albis vidisti apparenter assistere, & his qui simul aderant ad tam grande spectaculum, de secundo Christi adventu audisti, reverendæ majestatis verba prænuntiare, dicentes: Sic veniet, quemadmodum vidistis eum euntem in cœlum. Tu Christo assumpto in gloria Patris, statim regressus es cum gaudio à monte Oliveti, in locum cœnaculi grandis, ubi Dominus Pascha solemniter celebravit cum Discipulis, & januis clausis post resurrectionem eis apparuit: ac tibi etiam sua sacra vulnera palpanda exhibuit. Ibiq̃e cum Maria Matre Jesu & Apostolis familiariter de virtutibus & actibus Salvatoris contulisti: atque devotis insistendo precibus, Spiritus Sancti adventum magno cum desiderio expectasti. Tu in die sancto Pentecostes, Spiritum Sanctum in linguis igneis accepisti:

Cc



pisti : & omnium linguarum scientia plenissimè imbutus es : omniumque cœlestium virtutum charissimatibus largissimè repletus , ac tanto fidei etiam calore accensus , ut omni metu Judæorum excluso , verbum Dei cum fiducia prædicares , & testimonium resurrectionis Jesu Christi magnâ virtute perhiberes. Tu spiritu fortitudinis indutus & patientiæ clypeo præmunitus , nec Pontificum minas , nec Magistratum potentiam expavisti : sed Dei obedientiam mandatis Principum prætulisti , eligens potius pro nomine Jesu contumeliam pati , carcerem quoque ac mortem subire , quàm verbum Dei coram pleberetice.

6. Tu spiritu sancto inspirante per diversas regiones Evangelium seminasti : ac tandem Christo tibi apparente , ad Indiam longe transmissus es. Ubi maximum fructum populorum Domino acquisisti , multis gloriosis signis & prodigijs Evangelicam veritatem confirmando. Tu Divinâ providentia disponente tres sanctos Reges magos venerandos , qui Christum natum stellâ duce visitaverunt , perfectissimè de actibus Christi , de Passione ejus ac resurrectione , atque de cunctis fidei mysteriis informasti : quos & sacri baptismatis fonte ablutos , & in Christo renatos , proficiente Dei gratiâ in Sacerdotes & Archipræsules devotè consecrasti. Tu plures per Indiam Ecclesias , cum idoneis & probatissimis ad celebrandum ministris instituisti : & prædicationis verbo diligenter insistendo , ope etiam curationis fidelium animos , ut pius pastor , à terrenis ad cœlestia sublevâsti. Tu contra varios animæ languores , salutaria adhibuisti virtutum remedia , atque perpetuis pa-

radisi gaudiis corda merentium , ut spiritualis medicus , studuisti clementissimè consolari. Tu largissimus in pauperes , nihil de terrena substantia concupiscendo. Tu misericors super peccatores , nullum propter enormitatem criminum despiciendo , sed omnes ad emendationem vitæ , piâ admonitione exhortando , gratissimum Deo sacrificium , de animarum lucro suppliciter obtulisti. Tu serenus aspectu , moribus disciplinatus , verbis discretus , actu strenuus , humilis corde , corpore castus , sublimis intellectu , oratione devotus , lachrymis profusus , meditatione purus , prædicatione fervidus , contemplatione crebrâ ad Deum suspensus fuisti. Tu meritis locuples , virtutibus eximius , conversatione sanctus , famâ clarus , signis mirificus , plenus Spiritu Sancto & gratiâ : Deo dilectus , ac hominibus multum venerabilis apparuisti. Tu post multos labores , & varia pro Christo tolerata certamina , ad æternam meruisti conscendere requiem Beatorum. Ibique perfrueris claritate divinâ , & purâ mentis intelligentiâ Christum in sua speculari gloria : certus jam de æterna Patris mansione , ac felici Deitatis visione : de qua ante Passionis horam , ad Patrem orans dicebat : Pater , quos dedisti mihi , volo , ut ubi ego sum , & illi sint mecum : ut videant claritatem meam , quam dedisti mihi.

6. Gaude Beatissime Thoma Apostole ad mensam Christi residens in regno Patris ejus , non bibiturus ultra de calice vitis terrestris , nec mortem gustaturus in æternum : quoniam hora persecutionis transit , nox tentationis abiit , & potestas tenebra-



rum ad nihilum rediit. Jam princeps mundi hujus ejectus est foras, jacet sub pedibus tuis, devictus est cum suo tyranno, & tu exultans sublimiter coronatus in cœlo. Jam fulges in choro Apostolico, ut fides clarissimum: inter agmina Beatorum Martyrum locum obtinens dignissimum. Jam de multiplici laborum tuorum fructu lætaris: & de copiosa fidelium turma, quam tecum ex ore inferni traxisti ad cœlum, ut potens miles peractâ gloriaris victoria. Latetur & congaudeat gloriæ tuæ sancta Mater Ecclesia, & pro tuarum magnificentia virtutum, solemnes Deo referat grates ac laudes. Gratuletur speciali devotione inclyta gens Indorum, sacri corporis tui dotata reliquiis venerandis: & cuncta per orbem concio Christianorum tuis gloriosis muniatur suffragiis. Vale gloriose ac semper honorande Apostole Thoma: impetra gratiam servis tuis, & in adventu districti judicis asta fideliter judicandis, cum interventu piæ Dei Genitricis Mariæ Virginis, cujus fructus ventris æternaliter sit benedictus, Amen.

*Collecta.*

7. **D**eus, qui B. Thomæ Apostolo tuo, post resurrectionem tuam apparuisti, & ei vulnere tuorum cicatrices, ad palpandum præbere dignatus es: concede nobis, gloriosis ejus meritis & precibus, fidem rectam firmiter tenere, atque passioni tuæ sacra stigmata in mente jugiter portare: quatenus tua sancta vestigia sequendo, ad resurrectionis gloriam pervenire mereamur. Qui vivis & regnas Deus.

*Collecta.*

8. **D**omine JESU Christe, illuminator mundi, & dator vitæ æternæ: qui B. Thomæ Apostolo, ac dilecto discipulo tuo in cœna respondisti: Ego sum via, veritas, & vita: da nobis ejusdem Sanctissimi Apostoli tui intervenientibus meritis, per humanitatis tuæ humilitatem, ad divinitatis ascendere majestatem; nec non cœlestis mensæ in regno tuo participes effici. Qui vivis & regnas Deus, per omnia sæcula sæculorum, Amen.

*Collecta.*

9. **D**eus, qui B. Thomam Apostolum tuum, ad prædicandum gentibus fidem, ad Indiam longè transmissisti, & multorum miraculorum gloria ipsum sublimasti; da cunctis fidelibus tuis, suffragia ejus implorantibus, ut in fide inveniantur stabiles, & in opere efficaces. Per Christum Dominum nostrum, Amen.

## ORATIO IX.

*Oratio de magnis privilegiis Beatissimæ Mariæ Magdalene.*

1. **S**alve Beatissima Maria Magdalena, à Christo præelecta & vocata, multis ac magnis Divinæ familiaritatis privilegiis sublimata. Te veneror & collaudo, te humiliter invoco & exoro, te affectu sincerissimæ devotionis amplector & amo. Quoniam Jesu æternus amor te dilexit plurimum, & ad cœlestis vitæ traxit fastigium. Tu es illa nobilis & famosissima Maria Magdalena, de qua sacra nobis pandunt Evangelia, multa pietatis & sanctitatis

Cc 2

opera,



opera. In te peccator spem veniæ, justus unctionem gratiæ, apud fontem concipit misericordiæ. Tu es enim illa quondam nominata peccatrix, sed nunc sancta & millies felix: quia repente de cœlo respexit Dominus, & altissimus dedit vocem suam, immutando tibi cor, ut contrita & humiliata venires ad poenitentiam: justificata verò & consolata, redires cum pace in domum tuam: nec jam ultra esses peccatrix, sed ardentissima amatrix JESU Christi. Tu es igitur illa sancta Maria poenitens & lachrymosa femina, quæ pedes Domini lachrymis inundantibus rigasti, capillis terxisti, crebris osculis strinxisti, pretiosoque unguento unxisti: tot offerens Deo holocausta, quot prius habuisti vitæ delectamenta. Accepit benignissimus Dominus tuam gratanter poenitentiam, dicens: Remittuntur tibi peccata tua: &c. Fides tua te salvam fecit, vade in pace. O dulcissimum & piissimum verbum, fiducia & gratiâ plenum, omnibus pectoribus adoptandum! O cœlestem medicum, misericordem, compatiensem & humilem! qui cum sit omnium altissimus & sanctissimus, non est tamen indignatus tangi peccatricis manibus. Gaudet igitur beatissima Maria, pro tam copiosa Dei elementia. Ora pro peccatis meis, & pro omnibus qui in peccatorum foveam incidimus: ut Divina misericordia, te interveniente, non solum nos in os Leviathan ire prohibeat, sed ab ore ejus etiam redire concedat.

2. O Maria tu es illa religiosa & benedicta femina, quæ Dominum secuta es per civitates & castella, ministrando ei de facultatibus tuis, qui erat

omnium rerum creator & dator. Unde ipsum aliquando hospitio suscepisti, cum venerabili sorore tua Martha. Quæ cum sollicita esset in ministrando, de otio tuo conqueri cœpit. Sed Dominus pro te respondit, sicut sapius faciebat, plus recommendans tuum otium, quam Marthæ negotium. Maria [inquit] optimam partem elegit, quæ non auferetur ab ea. Rogo jam te, ô felix & cœlestis Maria, fac me hujus optimæ partis participem: ut post hanc laboriosam vitam, perveniam ad æternæ contemplationis quietem. O Maria, tu es illa fidelissima & charissima Lazari soror, quem à mortuis resuscitavit Dominus & Salvator noster. Ibi namque pius Dominus, tuis lachrymosis precibus sororisque tuæ anxiiis quærimoniis, in tantum compassus est, ut lachrymas funderet: ostendens, quam verè nobis in sua humanitate conjunctus esset. Quæso te piissima Maria, Christo familiaris & dilecta, esto mihi supplex exortrix pro gratia, quæ est animæ vita: ut in ea vivere & mori merear, ac in futuræ resurrectionis gloria cum Sanctis resuscitari.

3. O Maria, tu es illa odorifera unguentaria, quæ in domo Simonis leprosi unxisti secundâ jam vice pedes Domini Jesu, & solitâ devotione liberior effecta, super caput recubentis pretiosum unguentum largius effudisti. Tunc impleta est domus ex odore unguenti: sed & nunc quotidie impletur ex virtutis tuæ fragrantia tota Ecclesia Dei. Utinam & ego indignus peccator, tam sancti & miri odoris liquore, in interiori thalamo cordis, ad modicum perungi merear: quatenus omnis fœtor vitiorum



vitiorum expellatur, & virtutum suavitatis in me meritis tuis accendatur. O Maria, tu es illa infatigabilis imitatrix passionis Christi; quæ Dominum bajulantem sibi crucem à longè secuta es per portam Hierusalem, dolens & mœrens nimis, propter ipsius ignominiosam mortem, quæ nullius culpæ habuit maculam; nec non propter benedictæ matris ejus doloris vehementiam. O quàm libenter illam crucem portasses post Jesum, si admitta fuisses! Veruntamen jam in Cruce suspenso astrixisti cum matre ejus, & discipulo dilecto. Tandem eo sepulto, nova tristitia orta est in corde tuo. O quantus luctus omnium amicorum Christi; quanta præcipuè lamenta sanctarum mulierum! Illæ tamen plus omnibus fleverunt, quæ præ cæteris cordialius amaverunt, scilicet Maria mater Domini, & Maria Magdalena.

4. Quis mihi peccatori, arido ligno, fontem det lachrymarum: ut plangam saltem unâ horâ diei, Passionem Domini mei Jesu Christi, cum Maria Magdalena, devotis & amorosis lachrymis plena. O Maria audi vota mea etiam hac vice, ut discam tecum lachrymari. O sancta & præfulgata Maria, tu es illa ferventissima visitatrix Sepulchri Domini: quæ valde mane ante solis ortum, cum aromatibus ad monumentum venisti. Ibi sanctos Angelos Dominicæ resurrectionis testes vidisti. Sed parum tibi fuit Angelos videre, nisi & Angelorum Dominum videres. Propterea foris ad monumentum stabas & plorabas, quia ablatum putabas. Iterum te inclinabas, & introspiciebas: quia amanti non sufficiebat: semel quæsisse. Sed ô Maria noli diutius flere, ecce surrexit auctor vitæ, & tu eris nuntia

tantæ gloriæ. Quod & ita factum credimus, & Deum in te glorificamus. Surgens enim Jesus manè prima Sabbathi, primò apparuit tibi, & tu cæteris gloriam resurrectionis ejus nuntiasti. Facta es ergò Apostolorum Apostola, & inter tres feminas illustrior & prima. Nunc humiliter vestigiis tuis prostratus peto, ut intercedas pro me, & pro omnibus te diligentibus & venerantibus, tibi congaudentibus de donis & privilegiis tuis: quibus Dominus & Salvator noster, mirificè te glorificavit, benedixit, & exaltavit. O felix Maria, ô pia patrona memento mei in hac hora & in separatione ultima, quando anima mea Deo erit præsentanda, Amen.

*Collecta.*

5. **D**eus, qui B. Mariæ Magdalene poenitentiam clementer suscepisti: & ei post peccatorum veniam, gratiam tuam copiosius infudisti; tribue nobis, ejus intercessione, mala nostra distinctè plangere, & post planctum spe veniæ respirare; ac æternæ vitæ perceptione lætari. Qui vivis & regnas Deus.

ORATIO X.

*Oratio de virtutibus & moribus nobilissimæ Virginis Agnetis.*

1. **G**aude Agnes virgo Christi, quæ in mundum fuisi. Jesum dilexisti. Gaude Agnes virgo mitis, quæ moribus redimitis Deo placuisti. Gaude Agnes gemma castitatis, quæ candorem tuæ puritatis nunquam amisisti. Gaude Agnes pulchra facie, quæ à nulla mundi specie vinci potuisti. Gaude Agnes rosa



speciosa, quæ accepta morte pretiosa cælos conscendisti. O piissima & dulcissima Agnes, pietati tuæ intimè supplico, charitati tuæ me integrè tradò, orationibus tuis me devotè commendo. Exaudi servum tuum ad te clamantem, tibi servire cupientem, tuis laudibus insistentem, & te sincerissimo corde diligentem. In te invenio, quod amo: in te cerno, quod cupio: in te lego, quod stupeo: in te considero, quod laudo. Tu speculum castitatis: Tu decor virginitalis: Tu splendor fidei: Tu ornamentum domus Dei: Tu Angelorum gloria, nobis Exemplum sanctimoniarum. Tu amatrix devotorum, gubernatrix viatorum, nutrix infirmorum, effugatrix vitiorum, suscitatrix tepidorum. Tu Apostolorum filia: Tu Martyrum focia: Tu Confessorum amica: Tu Virginum soror: Tu viduarum honor: Tu continentium patrona.

2. O virgo mitis, humilis, & devota. O Virgo prudens, innocens, & casta. O virgo præclara, cuncta despiciens terræ, quasi stercorea. Non aurum, non divitias, non possessiones, non familias, non nuptias seu quaslibet delicias attendisti; sed amorem Christi omnibus, quæ in mundo sunt, præposuisti. Igitur facta es Christo nimis chara, & ejus sponsa à cunabulis consecrata. Nobili etiam ex genere Romanorum, sed nobilior fide & pudicitia splendisti. Fecit tandem amor Christi immensus, ut pro ipso subires ignem & ensen. Dulce & optabile tibi fuit pro Christo mori: quia tuam animam præstolabantur Angeli sancti, ut eam perferrent ad gaudia paradisi. Cum palma igitur decorata Martyriam, thalamum es ingressa cælestis sponsi. Quem quæso pro me exorare digneris, ut mihi salutem

mentis & corporis tribuat, tentationes diaboli compescat, carnis desideria extinguat: sæculi vanitates auferat, à societate mala custodiat, bonis & sanctis me jungat: per viam mandatorum suorum me dirigat, spatium veræ poenitentiae & emendationem vitæ concedat; indulgentiam & remissionem omnium peccatorum mihi tribuat: gratiam & consolationem Spiritus sancti cordi meo frequenter infundat: ab omni malo abstinere, omnibus virtutibus adhærere faciat: finem bonum, & felicem mortis horam invenire, propitijs adjuvet: lætam & securam viam evolandi ad cœlestem habitationem paret. A sanctis Angelis suscipi me jubeat, ac in æternæ beatitudinis aulam introducat. Ubi omnium Sanctorum gaudijs sociatus, merear jucundum vultum gloriæ ipsius sine fine speculari, Amen.

## CANTICA SPIRITUALIA CANTICUM I.

*Hymnus de Passione Domini nostri Jesu Christi.*

**T**Ora vita JESU Christi  
Crux fuit & martyrium,  
Hunc sequi suum servulum  
Decet, per iter asperum.

Memor ero, quamdiu sum,  
Laborum atque dolorum:  
Quos Jesus meus Dominus,  
Gessit in carne positus.

Passio tua Domine,  
Facta est amara valde.  
O quantum me dilexisti,  
Cum pro me mortem subisti.

Semper Crux, clavi, lancea,  
Fel, arundo, cum spongia;  
Sputa,



Sputa, corona spinea,  
 Er dira tua vulnera,  
 Cordi meo sint infixæ,  
 Et in memoria scripta:  
 Nam sunt amoris stigmata,  
 Sponsique myrrha electa.

Serve meus me respice,  
 Quot sumpsi vulnera pro te:  
 Stude vicem rependere,  
 Quamvis impari pondere.

Prospera mundi despice,  
 Adversa libens suscipe:

Mecum in Cruce morere,  
 Ut mihi queas vivere.

O Jesu splendor gloriæ,  
 Et spes futuræ patriæ:  
 Quando pro me es vilior,  
 Tanto mihi es charior.

Pudeat nunc sub capite  
 Spinato membrum gaudere:

Cum & amara bibere,

Voluit Conditor vitæ.

Sit honor, laus, devotio,

JESU Mariæ Filio,

Tenso Crucis patibulo,

Pro redimendo populo, Amen.

## CANTICUM II.

*Hymnus de SS. Trinitate.*

**O** Vera summa Trinitas,

Æqualis una Deitas,

Tibi laus, tibi gloria,

Honor, virtus, victoria.

Te invocamus mentibus,

Te collaudamus vocibus,

Te adoramus genibus,

Te flagitamus manibus.

Tu nostra es felicitas,

Lux, via, vita, veritas:

Tu Creator es omnium,

Cælorum, terræ, marium.

Te jure laudant omnia,

Cœlestia, terrestria,  
 Et infernorum condita,  
 Tibi non sunt abscondita.

Deo Patri sit gloria,  
 Ejusque soli Filio,  
 Cum Spiritu paraclyto,  
 Et nunc, & sine termino. Amen.

## CANTICUM III.

*Hymnus de S. Joanne Baptista.*

**G** Aude mater Ecclesia,  
 De præcursoris gloria:  
 Hic est Joannes Baptista,  
 Repletus Dei gratia.

Sanctus natus ex utero,  
 Exultavit in gaudio,  
 Cum Redemptor virgineo  
 Clausus adesset thalamo.

Annis adhuc sub teneris

Cunctis relictis civibus,

Instinctu sancti Spiritus,

Fit Eremita strenuus.

Pelle cameli tegitur,

Locustæ vili pascitur,

Viam angustam graditur,

Per quam cælum ascenditur.

Tantis fulgens virtutibus,

Joannes compar Angelis,

Prædicavit in populis,

Ecce Agnus Dei Christus.

Ab eis sacris manibus

Baptizatur altissimus:

Stuper Baptista humilis,

Quia sic fecit Dominus.

Traditur tandem carceri,

Ardens lucerna fidei:

Feritur amicus sponsi

Gladio Regis impii.

Sed mox assistunt Angeli,

Voce canentes parili,

Hinc debetur martyri

Corona, jure triplici.

Nam



Nam Doctor fuit inclytus,  
 Et Martyr invictissimus:  
 Sed & virgo purissimus,  
 Joannes vir sanctissimus.  
 Deo Patri sit gloria,  
 Ejusque soli Filio,  
 Cum Spiritu paraclyto,  
 Et nunc, & sine termino, Amen.

## CANTICUM IV.

*Hymnus de S. Joanne Evangelista.*

**C**hriste Sanctorum gloria,  
 Et piorum memoria,  
 Nostris intende precibus,  
 Quas piè tibi fundimus.

In honore Apostoli  
 Joannis dilectissimi:  
 Ut ejus sacris meritis,  
 Cœli jungamur sedibus.

Qui amari præ cæteris  
 Promeruit discipulis,  
 Ob castitatis titulum,  
 Munus tibi gratissimum.

Ex tuo sacro pectore,  
 Hausit fluente gratiæ:  
 Hinc filii Ecclesiæ  
 Verbi potantur nectare.

Hic etiam limpidius  
 Præ cunctis & sublimius,  
 Vidit sacra mysteria,  
 Solis beatis pervia.

Flagrant ejus epistolæ,  
 Tui amoris adipe:  
 Quo nos JESU reficere  
 Digneris omni tempore.

O Joannes charissime,  
 Exemplar pudicitie,  
 Divinæ nos clementiæ  
 Gustos commenda Mariæ.  
 Ut post cursum hujus vite,  
 Gustemus de vera vite:

Cujus fructus dulcissimus  
 Sanctis offertur omnibus,  
 Gloria tibi Domine,  
 Qui natus es de Virgine,  
 Cum Patre & sancto Spiritu,  
 In sempiterna sæcula, Amen.

## CANTICUM V.

*Hymnus de S. Agnete Virgine.*

**A**gnetis Christi Virginis,  
 Et pretiosæ Martyris,  
 Memoriam solemniter  
 Agamus unanimiter.

In annis puerilibus,  
 Spreta mundi blanditiis.  
 Filio Matris Virginis  
 Castis adhæsit mentibus.

Quem, dum in terris viveret,  
 Sponsum habere voluit:  
 Quam verè hunc diligeret,  
 Sanguine fuso prodidit.

Quo rubente, Angelicis  
 Suscipitur in manibus:  
 Ac fertur in cubiculum  
 Virginibus pollicitum.

Ibi gaudet, in candida  
 Agnum subsequendo stola:  
 Atque canit in cithara,  
 De hostium victoria.

Cujus prece sanctissimâ,  
 Da veniam cum gratia,  
 Christe Sanctorum gloria,  
 Per infinita sæcula, Amen.

## CANTICUM VI.

*Hymnus ad eandem S. Agnetem.*

**A**ve florens rosa,  
 Agnes generosa,  
 Virgo speciosa,  
 Martyr pretiosa,

Sumens



Sumens mel suave,  
Ore JESU ave,  
Casta sponsa Christi,  
Mundum contempsisti.

Solve pravitates,  
Fuga vanitates,  
Preme adversantes,  
Juva dimicantes,  
Monstra te benignam,  
Omni laude dignam,  
JESUM ut amemus,  
Semper & laudemus.

Virgo singularis,  
Rectè prædicaris,  
Agnum imitatis,  
Agnæ nominaris.

Vitam præsta puram,  
Viam plana duram,  
Ut intremus cælum,  
Carnis aufer velum.

Audi nos Maria,  
Consolatrix pia;  
Veni cum Agnete,  
Visita nos lætè.

Salva nos Salvator,  
Mundi & Creator,  
JESU vitæ dator,  
Virginum amator.

Sit laus Deo Patri,  
Christo ejus Nato,  
Almo paraclito,  
Uni vero Deo, Amen.

## CANTICUM VII.

*Nomen S. Agnetis.*

Matrix devotorum in castitate,  
Gubernatrix viatorum, in tempestate,  
Nutrix infirmorum in charitate,  
Refugatrix vitiorum in pravitate,  
Suscitatrix tepidorum de tarditate.

Angelotum Gloria, Nobis Ex-  
emplum Sanctitatis.

à Kemp, Cantica.

## CANTICUM VIII.

*Hymnus de S. Cæcilia Virgine.*

EN virginis Cæciliæ  
Fulget vitæ clarissimâ,  
Quam Sponsus pudicitia  
Elegit ab infantia.

Quæ Christi Evangelium  
Abscondebat in pectore:  
Ut JESUM nitens lilium,  
Casto servaret corpore.

Hinc amor & devotio  
Fervebant cum colloquio:  
Hinc diebus ac noctibus,  
Sacris intendit fructibus.

Nam duos fratres nobiles,  
Christi effecit milites:  
Quos per ejus vestigium  
Horretur ad martyrium.

Hæc cernens tunc Episcopus,  
Urbanus, vir Angelicus,  
Resolvitur in lachrymis  
De fructu tantæ virginis.

Domine JESU suscipe  
De manibus Cæciliæ,  
Fructus casti consilii,  
Sicut odorem balsami.

O beata Cæcilia,  
Devota Christi famula,  
Per tua sacra merita,  
Nos Deo reconcilia.

Deo Patri sit gloria,  
Ejusque soli Filio;  
Cum Spiritu Paraclito,  
Et nunc & sine termino. Amen.

\*\*\*



## CANTICUM IX.

*De nomine Cæcilia.*

Consolatrix infirmorum, compassione:  
 Intellectrix supernorum, contemplatione:  
 Confortatrix Christianorū, prædicatione:  
 Imitatrix beatorum, sacrâ passionē:  
 Liberatrix perditorum, devotâ oratione:  
 Inventrix liliorum, castâ conversatione:  
 Associatrix Angelorum, cœlesti revelati-  
 one.

*Collecta.*

Præsta quæsumus omnipotens Deus,  
 ut qui Beatæ Cæciliæ Virginis & Marty-  
 ris tuæ merita præclara recolimus, in  
 unigeniti Filii tui amore semper cresca-  
 mus: cujus vitam & mores in suo pecto-  
 re hæc gloriosa virgo portavit. Qui te-  
 cum vivit & regnat in unitate Spiritus  
 sancti Deus, per omnia sæcula sæculo-  
 rum, Amen.

## CANTICUM X.

*De nomine S. Clara, quæ fuit virgo &  
 sanctimonialis prima Ordinis Fra-  
 trum Minorum.*

Congregatrix Virginum,  
 Levatrix debilium,  
 Acceptoratrix humilium,  
 Defocillatorix pauperum,  
 Amatrix Christi vulnerum.

*Aliud.*

Castitatis Liliū Amabat Redempto-  
 ris Amore.

*Aliud.*

Clara nomine,  
 Luxit opere:  
 Predebat charitate,  
 Præcillabat sanctitate,  
 Preccendebat virgines castitate.

## CANTICUM XI.

*Hymnus de JESU & MARIA, & San-  
 ctis Patronis Ecclesiæ.*

O JESU mi dulcissime,  
 Spes & solamen animæ:  
 Da mihi te diligere,  
 Et extra te nil quærere.

MARIA, sis propitia,  
 MARIA dele vitia:  
 Succurre nobis miseris,  
 Defende nos ab inferis.

Agnes virgo mitissima,  
 Et Christo dulcissima;  
 Pro tuis ora servulis,  
 Ut floreat virtutibus.

O Maria Magdalena,  
 Audi vota laude plena,  
 Apud Christum locum istum,  
 Tuis commenda precibus.

O beatâ Cæcilia,  
 Devota Christi famula;  
 Per tua sacra merita,  
 Deo nos reconcilia.

Sancte Pater Augustine,  
 Lux Doctorum scribe vitæ:  
 Pro nobis ora jugiter,  
 Ut vivamus concorditer.

O beate Hieronyme,  
 Doctor orbis magnifice;  
 Ad te clamantes respice,  
 Et ad superna erige.

Ambrosi Doctor nobilis,  
 Vitâ, famâ laudabilis;  
 Sacris Christi sermonibus  
 Nos instrue uberius.

O Gregori dulcissime,  
 Dulci fulgens eloquio;  
 Perduc nos recto tramite,  
 Perenni frui gaudio.

Bernar-



Bernarde Doctor inclyte,  
Amator JESU fervide,  
Devotos tuos refice,  
Panis vitæ dulcedine.

Antoni Christi famule,  
Monachorum sanctissime;  
Asævis nos dæmonibus,  
Custodi horis omnibus.  
Francisce devotissime,  
Pauper & humillime;  
Fac nos mundum contemnere,  
Et crucem Christi tollere.

O beate Dominice,  
Prædicator egregie,  
Alumnos tuos instrue,  
Disciplinatè vivere.

ORabode, Lebuine;  
Pulchræ rosæ, gemmæ binæ,  
Orantibus subvenite,  
Portas cæli aperite.  
O benigne Werenfride,  
Hostes nostros prosternite,  
Mala procul repellite,  
Eterna bona poscite. Amen.

## CANTICUM XII.

*Hymnus in transfiguratione Domini.*

JESU Salvator sæculi,  
Redemptis ope subveni,  
Qui in corpore fragili,  
Voluisti transformari.  
Lex & Prophetæ primitus,  
Prædixerunt divinitus,  
Te in carne adventurum,  
Et pro nobis moriturum.

Beatus venter Virginis,  
Quæ te fovit in gremio,  
Alens sacris uberibus,  
Jacentem in præsepio.

Baptista præco nobilis,  
Prædicavit in populis,  
Ecce Agnus Dei Christus,  
Olim promissus Patribus.

Quo agnito discipuli,  
Petrus, Jacobus, Joannes,  
Relictis rebus sæculi,  
Jesum sequuntur alacres.  
Post hæc in montis vertice,  
Orante Jesu intimè,  
Transfiguratur cælitus,  
Vultus ejus pulcherrimus.  
Laus, honor, virtus, gloria, &c.

## CANTICUM XIII.

*Hymnus de eodem festo.*

CHRISTE Redemptor omnium  
Vera salus credentium,  
Audi preces humilium,  
Laudes tibi canentium.

Vergente mundi vespere  
Processisti de Virgine,  
Ut radius de sidere,  
Verum lumen de lumine.

E sursum pater tonuit,  
Ejus te fore filium;  
Hoc & Joannes docuit,  
Perhibens testimonium.

Infunde nunc piissime,  
Donum cælestis gratiæ;  
Ut charitate fervidi  
Simus, & intus lucidi.

Largire tuis servulis,  
Hunc diem venerantibus,  
Ut tua transformatio,  
Gloriæ sit adeptio.

Gloria tibi Trinitas,  
Æqualis una Deitas  
Quam laudat cæli curia,  
Per infinita sæcula, Amen.



# INDEX PRIMUS.

Loca sacrae Scripturae, quae vel  
explicantur, vel illustrantur.

## GENESIS.

**C**ap. 40. Praepositus pincernarum, obli-  
tus est interpretis sui, Epist. 5.

## 3. REGUM.

Cap. 10. Major est sapientia & opera,  
quam rumor, quem audiui, c. 10. n.  
3. in vita Gerardi Magni.

## JUDITH.

Cap. 9. Humilium & mansuetorum semper  
tibi placuit deprecatio, c. 12. n. 3. in  
vita Gerardi Magni.

## JOB.

Cap. 2. Ecce, in manu tua est: verumta-  
men animam ejus serva, c. 4. n. 3.  
parte prima, in vita Liduvina.

Cap. 3. Antequam comedam, suspiro,  
Epist. 5.

Cap. 12. Deridetur justi simplicitas, c.  
9. n. 2. p. 1. in vita Liduvina.

Cap. 29. Oculi sui caco, & pes sui clau-  
do, &c. c. 16. n. 4. in vita Florentii.

Cap. 10. Nocte os meum perforatur dolo-  
ribus; & qui me comedunt, non dor-  
miunt, c. 6. n. 1. p. 1. in vita Liduvina.

## PSALMI.

Psal. 1. Tanquam lignum secus decursus  
aquarum, quod fructum dabit in tem-  
pore suo, c. 14. n. 1. in vita Gerardi  
Magni.

Psal. 5. Domine, ut scuto bonae volun-  
tatis tuae, coronasti nos, c. 23. n. 3. in  
vita Florentii.

Psal. 31. Dixi confitebor adversum me  
injustitiam meam Domino: & tu re-  
misisti impietatem peccati mei, cap. 14.  
n. 3. p. 2. in vita Liduvina.

Psal. 83. Elegi abjectus esse in domo  
Dei mei magis, quam habitare in ta-  
bernaculis peccatorum, c. 5. n. 2. in  
vita Gerardi Magni.

Psal. 98. Secundum multitudinem do-  
lorum meorum in corde meo, consola-  
tiones tuae latificaverunt animam meam.  
In vita Jacobi de Viana, n. 2. Et c. 1.  
n. 1. p. 2. in vita Liduvina.

Psal. 118. Declaratio sermonum tuo-  
rum illuminat, & intellectum dat par-  
vulis, c. 13. n. 1. in vita Gerardi  
Magni.

Ignitum eloquium tuum vehementer, &  
servus tuus dilexit illud, in vita Lu-  
berti n. 16.

Prævenierunt oculi mei ad te diluculo, ut  
meditarer eloquia tua, c. 12. n. 3. in  
vita Gerardi Magni.

Psal. 127. Labores manuum tuarum  
quia manducabis, beatus, & bene tibi  
erit, c. 11. n. 1. p. 1. in vita Liduvina.

## CANTICA.

Cap. 1. Abi post vestigia gregum tuorum,  
cap. 4. n. 1. p. 1. in vita Liduvina.

Fasciculus myrrhae, dilectus meus mihi,  
inter ubera mea commorabitur, c. 21.  
n. 4. p. 2. in vita Liduvina.

Cap. 2. Flores apparuerunt in terra nostra,  
c. 2. n. 3. in vita Florentii.

Sicut lilium inter spinas, c. 9. n. 2. in vita  
Florentii.

Ordinavit in me charitatem, c. 12. n. 4.  
in vita Gerardi Magni.

## ECCLESIASTICUS.

Cap. 44. Isti sunt viri misericordia, c. 16.  
n. 4. in vita Florentii.

ISA-



# INDEX SACRÆ SCRIPTURÆ. ISAIAS.

Cap. 58. Frange esurienti panem tuum,  
c. 16. n. 3. in vita Florentii.

## DANIEL.

Cap. 14. Apprehendit eum Angelus Domini,  
in vertice ejus: & portavit eum  
capillo capitis sui, &c. c. 15. n. 2. p. 2.  
in vita Liduvina.

## MATTHÆUS.

Cap. 5. Beati pauperes spiritu, quoniam  
ipsorum est regnum celorum, in vita  
Joannis Cacabi, n. 6.

Sit sermo vester, Est est, Non non, c. 25.  
in vita Florentii.

Cap. 7. Ex fructibus eorum cognoscetis eos,  
cap. 14. n. 1. in vita Gerardi Magni.

Cap. 11. Discite à me, quia mitis sum;  
& humilis corde, cap. 1. n. 1. in vita  
Florentii. Et in vita Luberti, n. 21.

Cap. 16. Quid prodest homini, si univer-  
sum mundum lucretur, anima verò sua  
detrimentum patiatur, Epist. 4.

Cap. 17. Domine, bonum est, nos hic  
esse, cap. 6. num. 2. in vita Gerardi  
Magni.

Cap. 20. Filius hominis non venit mini-  
strari, sed ministrare, c. 13. n. 1. in  
vita Florentii.

Cap. 27. Deus meus, Deus meus, ut  
quid dereliquisti me, c. 24. n. 2. p. 2.  
in vita Liduvina.

## MARCUS.

Cap. 8. Video homines velut arbores ambu-  
lantes. In epistola Florentii, n. 1.

## LUCAS.

Cap. 6. Date, & dabitur vobis, cap. 21.  
n. 1. p. 1. Et cap. 22. n. 12. in vita  
Liduvina.

Cap. 10. Samaritanus misericordia motus  
est. Et appropians, alligavit vulnera  
ejus, Epist. 5.

Cap. 16. Fili, recordare, quia receperisti  
bona in vita tua, & Lazarus similiter  
mala; Epist. 3.

Cap. 22. Ego in medio vestrum sum, sicut  
qui ministrat, cap. 13. n. 1. in vita  
Florentii.

## JOANNES.

Cap. 6. Qui manducat me, & ipse vivet  
propter me, cap. 22. n. 1. p. 2. in vita  
Liduvina.

Cap. 9. Ego in hunc mundum veni, ut qui  
non vident, videant; & qui vident,  
caci fiant, Ep. 3.

Cap. 10. Oves vocem ejus audiunt, &c.  
cap. 6. n. 2. in vita Florentii.

Cap. 15. Omnem qui fert fructum, pur-  
gabit eum, ut fructus plus afferat. c. 3.  
n. 2. p. 1. in vita Liduvina.

## ACTA APOSTOLORUM.

Cap. 20. Somno cecidit de tertio cenaculo,  
cap. 20. n. 1. in vita Florentii.

Cap. 26. Insanis Paule, Multa te litera  
ad insaniam convertunt, c. 5. n. 1. in  
vita Gerardi Magni.

## 2. AD THESSALONICENSES.

Cap. 3. Si quis non vult operari, non man-  
ducet, cap. 14. n. 1. in vita Florentii.

## APOCALYPSIS.

Cap. 2. Vincenti dabo manna abscondi-  
ditum, Epist. 1.

## JACOBUS.

Cap. 4. Resistite diabolo, & fugiet à vobis,  
cap. 10. n. 4. p. 1. in vita Liduvina.

\*\*\*





# INDEX SECUNDUS,

Rerum videlicet.

A.

**A** Edificantur homines per formam & speciem externam: proinde maxima habenda est ratio, quomodo quis exterius converteretur, c. 25. n. 1. & seq. in vita Florentii.

Amilius Burenfis, minima quæque officia laboresque obibat, n. 2. in vita ejusdem.

Peste laborantibus idem serviebat, n. 4. in vita ejusdem.

Exhortatio ejusdem ad mutuam charitatem, n. 6. ibidem.

Ob amorem nimium ad suam neprem defunctam, Liduvina solitis visitationibus Angeli caruit, cap. 10. n. 1. p. 2.

Et cap. 11. n. 6. p. 2. in vita ejusdem.

Angelus, v. Amor, Infirma, Cineres sacri.

Angelus noluit Liduvinam visitare, ob unius præsentiam, qui in cubiculo ejusdem [ipsa tamen nesciente] aderat, c. 6. n. 1. p. 2. vitæ ejusdem.

Cum Angelus Liduvinam visitaret, semper in fronte Crucem gestabat, ut bonus Angelus agnosceretur, cap. 14. n. 2. p. 2. in vita ejusdem.

Claritas Angeli superat multis modis solis splendorem, c. 14. n. 2. p. 2. in vita Liduvinae.

Aqua sapiebat Liduvinae supra omnem vini optimi saporem, c. 6. n. 2. p. 1. in vita Liduvinae.

Armum porcinum petiit Liduvina ab amico coctum, ut impenderet pauperibus: Quo facto, vir ille invenit alterum in loco prioris, c. 21. n. 12. p. 1. in vita ejusdem.

Arnoldus Schoonhove, à pueritia pietatem & devotionem amavit, n. 1. & seq. in vita ejusdem.

Virtutum ipsius catalogus, n. 12. & seq. in vita ejusdem.

Ave Maria, v. Salutatio Angelica.

B.

**B**eneficia ecclesiastica habens plura, nunquam latus moritur, cap. 18. n. 3. in vita Gerardi Magni.

Bursa Christi, v. debita.

C.

**C**haritas fraterna, v. Amilius Burenfis. Plurimum fraternam charitatem juvat ac promovet, vera ad suos Superiores obedientia, n. 1. & seq. in vita Amilii Burenfis.

Christianus v. Via.

Carnes, v. Eleemosyna.

Cibi admodum modici fuit Liduvina, c. 6. n. 1. p. 1. in vita ejusdem.

Cibo & somno pluribus annis ipsa caruit, c. 6. n. 2. Et c. 7. n. 3. Et c. 10. n. 1. p. 1. in vita Liduvinae.

Cineres sacros, primo die quadragesimæ, accepit Liduvina ab Angelo, c. 18. n. 1. p. 1. in vita ejusdem.

Conceptio Mariæ, v. Maria.

Concio. v. Florentius.

Colloquium de rebus piis valde animum incendit, in vita Luberti n. 16.

Coquus, v. Joannes Cacabus cognomine.

Contumeliæ, v. Coronæ.

Coronam ac meritum dolorum perper-  
sionumque suarum vidit Liduvina  
quædam, sed tamen in ea aliquid ad-  
huc desiderari, ut compleatur: quod  
per



# INDEX RERUM.

per contumelias perfici debebat, c. 8.  
n. 1. 2. p. 2. vita ejusdem.

Correptiones libenter audire, v. Lubertus.

Fortium est, audire patienter increpationes ab aliis, n. 14. in vita Luberti.

Crux, v. Angelus.

Crucis via, v. via.

Culinæ ministeria, v. Joannes Cacabus.

Hebdomadatim culinæ ministerio deserviunt Fratres, c. 13. n. 1. 2. in vita Florentii.

## D.

**D**amnatum Liduvinae patrem dicebant dæmones, ut eam affligerent, cap. 13. n. 2. p. 1. in vita ejusdem.

Debita fratris sui demortui persolvit Liduvina, ex bursa, quam postea Christi bursam vocabat: quæ dando Eleemosynas, aliorumque debita solvendo, non diminuebatur, c. 20. n. 1. 2. p. 1. in vita ejusdem.

Defuncti, quibus rebus juventur, Epist. 5.

Pium est ac meritorium, pro defunctis suffragia aliaque impendere, Epist. 5.

Matri defunctæ sua merita impertivit Liduvina, cap. 15. n. 2. p. 1. in vita ejusdem.

Virgo Liduvina matris clenodia moniliaque vendidit, ut illa in pauperes erogarentur, cap. 16. num. 1. p. 1. in vita ejusdem.

Interrogata Liduvina de statu cujusdam defuncti, prudenter admodum respondit, cap. 18. n. 1. 2. parte 2. in vita ejusdem.

Dormire, v. Religiosi.

## E.

**E**leemosyna, vide Pauperes, Defuncti, Vinum, Debita.

Pauperum & divitum Eleemosynæ, sunt

paris meriti, si fuerit in eis par animus, n. 3. in vita Gerardi Magni.

Nolebat Pater Liduvinae uti Eleemosynis, filia suæ impensis, præ religione, c. 11. n. 1. p. 1. in vita ejusdem.

Vidit Liduvina in quodam raptu suas Eleemosynas Deo gratas fuisse, quæ in cælo mensæ stratae imponebantur, c. 23. n. 1. & seq. p. 1. in vita ejusdem.

Eleemosynas copiosè dabat egenis Liduvina, tum ex carnibus, tum ex piscis, &c. & tamen illa non imminuebantur, c. 22. n. 1. 2. p. 1. in vita ejusdem.

Ereimum adolescens adiit, ubi solo manna vixit pluribus annis, c. 11. n. 1. & seq. part. 2. in vita Liduvinae.

Eucharistia visa fuit in forma humana, vide Henricus Brune.

Audiens quidam Missam, nunquam nec procul, nec prope, hostiam videre potuit in manibus Sacerdotum, donec odium alicujus deposuisset, n. 5. in vita Henrici Brune.

Mulieri dubiæ de veritate Eucharistiæ, propter celebrantis turpem vitam, Eucharistia apparuit in forma humana, sub elevatione, n. 4. in vita Henrici Brune.

Sola Eucharistia usa est pro alimento Liduvina, cap. 6. n. 2. p. 1. in vita ejusdem.

## F.

**F**esta, v. Solemnitates.  
Florentii nominis interpretatio, cap. 2. n. 1. & seq. Item cap. 3. n. 1. 2. in vita ejusdem.

Dotes animi & corporis Florentii, cap. 5. num. 1. in vita ejusdem.

Pragæ



Pragæ studuit, ibique magisterii laureâ donatus, cap. 4. n. 1. 2. in vita ejusdem.

Cum Pragæ in patriam rediret, ex curru descendente, in grave periculum incidit. Ubi autem orasset, invenit currum se anteveritisse, c. 4. n. 3. Ibidem.

Fuit conversus concionibus Gerardi Magni, cap. 6. n. 2. Ibidem.

Gerardo Magno charus extitit, ab eoque vicissim diligebatur plurimum, cap. 4. n. 1. ibidem.

Discipuli Gerardi Magni & Florentii, plura monasteria & civitates juverunt, c. 27. n. 1. & sequent. Ibidem.

Adhæret Florentius lateri Gerardi Magni, à quo fratris loco habebatur, cap. 7. n. 1. 2. Ibidem.

Fit Sacerdos Florentius, consilio Gerardi Magni, capite 10. n. 1. Ibidem.

Alios ut Christo lucraretur, ac in convictu haberet, dabat operam, cap. 8. n. 1. & seq. ibidem.

Modestia illius in choro summa erat, cap. 11. num. 1. ibidem.

Vir mitis ad omnes fuit, cap. 22. num. 22. num. 1. Ibidem.

Ob terrenorum contemptum, zelumque animatum, & maxime propter insignem illius humilitatem, Deus multis donis eum cumulavit, c. 29. n. 3. ibidem.

Erga pauperes, peregrinos, item & leprosos, admodum benignus fuit, cap. 55. num. 1. & sequent. Et cap. 16. num. 1. & seq.

Quidam de Florentio dicebat, nunquam mihi malè cessit, quoties ejus consilium sum sequutus, cap. 24. n. 3.

Calumnias ab hominibus patitur, cap. 9. n. 1. & seq.

Magnæ humilitatis fuit, c. 1. n. 1. 2.

Habitus ipsius vilis, talis & suppellex, cap. 9. num. 3. Et cap. 12. n. 1. & seq.

Rarò domum egrediebatur, cap. 11. num. 1.

Inserviebat suis, etiam quandoque coci officio fungens, cap. 13. n. 1. 2.

Manibus laborabat, ut reliqui; libros quoque scribebat, cap. 14. n. 4.

Varii sacre Scripturæ sensus ipsi occurrerant, cum eam legeret, cap. 24. n. 3.

Crucifixi imago visa fuit supra domum ipsius, cap. 21. num. 4.

Precibus aliorum sæpe ab ægitudine gravi convaluit, cap. 18. n. 1. & seq. Item cap. 19. n. 1.

Fuit semel per Angelum valetudini pristinæ restitutus, cap. 19. n. 1. & seq.

Aliquando ipse bibit unum pro alio, veluti oleum pro cerevisia, & vinum pro acida cerevisia, cui gustus propemodum perierat, cap. 17. n. 1. & seq.

In exhortationibus suis à quæstionibus abstinebat sublimibus, cap. 23. n. 3.

Sermo ejus, tum apud privatos, tum ad populum, erat valde efficax; cap. 24. n. 1. & seq.

Semper alios ad meliora, ad emendationem, ad perfectionem exhortabatur, c. 23. n. 1. & seq.

Unus in puteum decidit, à quo evasit incolumis, dum ipse ad multos concionem haberet, cap. 20. num. 1. 2.

Notabiles illius instructiones, n. 1. & seq.

Religiosum quendam per epistolam monuit, ac de multis instruxit, n. 1. & seq.

Monere alios solitus erat, ne sua jramento confirmarent, cap. 25. n. 3.

Quâ horâ ipse obiit, cap. 28. n. 4.

Qui-



# INDEX RERUM.

Quidam defunctus, cum appareret suæ uxori, narravit ei, quanta gloria donatus esset Florentius in cælo. Hæc omnia in vita ipsius.

Frigus sic pertulit Liduina, ut lachrymæ ab oculis defluerent, gelu concreverent, quæ igne resolvendæ erant, cap. 9. n. 2. parte 1.

## G.

**G**erardi Magni vita, c. 1. n. 1. & seq. In vita ejusdem reperientur, quæ sequuntur.

Interpretatio nominis ejusdem, c. 1. n. 2. Anno 18. ætatis, suscepit gradum magisterii, capite 1. n. 2.

Conversus fuit à Priore quodam Carthusiano, n. 1. & seq.

Ut autem sese colligeret, Carthusianos adiit, apud quos aliquamdiu egit, c. 6. n. 1. & seq.

Conversio illius fuit revelata cuidam solitario Colonix, cap. 3. n. 12.

Vita ejus non fuit post conversionem diuturna, cap. 10. n. 3.

Stultus fuit habitus ab aliis propter conversionem, cap. 5. n. 5. & seq.

Conversus mox beneficia deseruit, atque vestibus simplicibus induitur, cap. 5. n. 1. Et cap. 18. n. 3.

Joannem Rusebroec, virum sanctitate & doctrina celebrem, adiit, juxta Bruxellam morantem, ut ab eo in vita spirituali erudiretur. Cujus mors fuit paulò revelata huic Gerardo Magno, eumque per horam fuisse in purgatorio, cap. 10. n. 1. & seq.

Vivendi regulas sibi præscripsit, c. 18. n. 2. & seq.

Jejunia & abstinencia ipsius qualis extiterit, cap. 18. n. 16. & seq.

Missam quotidie audiebat, cap. 12. n. 4. Et cap. 18. n. 12.

Catalogus virtutum ejusdem atque gratiarum, cap. 14. n. 4.

Quæ fuerit ejus tum vivendi, tum vestimenti ratio. Mulierum colloquia, aspectumque supra modum vitabat: nullam autem domum suam pariebatur ingredi, cap. 11. n. 1. & seq.

Aliorum salutis & profectui sedulo incumbebat, cap. 14. n. 1. & seq.

Nonnulla monasteria & pias congregationes instituit, cap. 15. n. 1. & seq.

Prophético spiritu donatus fuit, cap. 12. num. 5.

Laudabat plurimum Florentium, quem etiam congregationi moriens præfecit, cap. 16. n. 3.

Diu orabat, jejunabat frequenter, ciliciumque gerebat, cap. 7. n. 1. & seq.

Dissidentes in pacem suâ oratione adduxit, cap. 12. n. 3.

Libros optabat diligenter asservari, sed eos nolebat esse ornatos, cap. 13. n. 2.

Quos libros sibi legendos proposuit, c. 18. n. 11. & seq.

Tenebatur magno desiderio legendi sacram Scripturam, cap. 13. n. 1. & seq.

Quando horas canonicas persolvebat, varii sacre Scripturæ sensus ei occurrebant, adeò quod nullo tædio eas legendo afficeretur, cap. 12. n. 2.

Magno sensu afficiebatur, orando, & sacra legendo, cap. 12. n. 1. & seq.

Valde à quodam Parisiensi Doctore commendatur, cap. 17. n. 1.

Quotidie cum aliquibus mutuos defectus observatos sibi dicebant, cap. 12. n. 2.

Solitus erat dicere studiosis, lectionem tantum eis prodesse, ac si dominicam orationem recitarent, cap. 16. n. 3.

E c

Necro-



Necromantia duplex est, naturalis & diabolica, aliquando fuit à malevolis de ea suspectus, cap. 13. n. 5.

Scriptit plures epistolas ad consolationem absentium, & instructionem, cap. 13. n. 7.

Suam fidem & doctrinam, scripto testatam voluit, cap. 18. n. 1.

Comparatur tribus arboribus, olivæ, cedro, & palmæ, propter ipsius misericordiam, rerum contemptum, & de vitiis partam victoriam, cap. 14. n. 23.

Emulos habuit, quos ratione evicit, cap. 13. n. 4.

Propter obloquia nonnullorum, desuit ad tempus concionari, cap. 9. num. 1. & seq.

Pluribus in locis conciones habuit cum summa auditorum frequentia, & uberi fructu, cap. 15. n. 1.

Supplicat unus summo Pontifici, ut liceat ei concionari liberè, cap. 18. nu. 22. 23.

Præusquàm concionaretur, antè per triennium dedit se orationi & lectioni, c. 8. n. 1. & seq.

Quo anno obierit, cap. 16. n. 4.

De ipsius sepultura, obitu, & epitaphio, c. 16. n. 1. & seq. Item cap. 18. n. 24.

Hactenus ex vita Gerardi Magni.

Gerardus Sutphanienſis fuit vir bono ingenio, & literis deditus, ut etiam doleret, quando lectiones intermittebantur, num. 1. 2. in vita ejusdem.

Quædam opuscula composuit, num. 1. ibidem.

H.

**H**enrici Brune vita: Fuit autem verus Israëlita, simplex, candidus ut columba, orationis & silentii amans, n. 1. & seq. in vita ejusdem.

Nunquam horas canonicas intermisit, usque ad mortem, n. 9. ibidem.

Cum is sacrificavit, Christus ei apparuit in forma humana, in elevatione sacrosanctæ Eucharistiæ, quod ei contigit propter quendam dubitantem, nu. 3. ibidem.

Hydropica fuit Liduina pluribus annis, cap. 7. n. 3. part. 1. in vita ejusdem.

Horæ canonicæ, v. Henricus Brune.

Cum horæ signum datur, quid cogitandum, n. 41. in vita Luberti.

Humilitati serio est incumbendum, epist. 3.

I.

**J**ESU nomen, v. Joannes Brinckerinck. Imago, v. Maria.

Incendium civitatis suæ prædixit Liduina, cap. 16. n. 1. & seq. p. 2. in ejus vita.

Lectioni suæ incendium, extinxit Liduina manu suâ absque aduſione, c. 17. n. 1. 2. p. 1.

Infernus v. Mulier.

Infirmi, v. Hydropiſis, Purgatorium, Peccatores, Nativitas Christi, Virginitas, medicus.

Angeli numerabant passus eorum, qui visitabant Liduinam ægram, c. 8. n. 4. p. 1.

Variis fuit afflicta doloribus & infirmitatibus, usque ad mortem Liduina, veluti dolore capitis & dentium, febribus, hydropiſi, &c. cap. 7. n. 5. 6. part. 1. & cap. 8. num. 1. & seq. in vita ejusdem.

Quando Liduina cœpit infirmari, cap. 4. n. 1. & seq. part. 1.

Subinde Christus cum amplo comitatu, visitavit infirmam Liduinam, c. 2. n. 4. p. 2. in vita ejusdem.

Cum



Cum infirmari cœpisset Liduina, principio non fuit omnino resignata ad Dei beneplacitum: At per Dominicæ passionis meditationem, & Eucharistiæ summptionem planè in voluntate Dei conquevit, cap. 1. n. 2. & seq. p. 2. in vita ejusdem. Et cap. 8. n. 1. 2.

Cum aliqui partes pulmonis, hepatis, ac intestinorum, quæ ipsa ejiciebat, attigissent, manus remanebant suavem spirantes odorem, cap. 7. n. 4. p. 1. in vita Liduinæ.

Scatebat ipsa vermibus, qui tamen rettrum non emittebant odorem, cap. 7. n. 1. 2. p. 1. Ibidem.

Annis triginta tribus ipsa terram non attingit, cap. 6. n. 1. part. 1. Ibidem.

Optabat ipsa alias infirmitates, ad priores adjungi, cap. 8. n. 3. p. 1. Ibidem.

Inimicus latuit in cubiculo Liduinæ, ingreditur adversarius, nec eum vidit, c. 5. n. 2. 3. p. 1.

Joannes Brinckerinck, piis in concionibus placebat, displicebat autem mundanis, quorum vitia arguebat, c. 4. n. 1. & seq. in vita ejusdem.

Idem tanti sacerdotium fecit, ut diceret se optare, quatenus posset tam facile illud exuere, quàm vestem, cap. 4. nu. 5. in vita ejusdem.

Concionatus est & ipse contra abusum nominis JESU, cap. 4. n. 3.

Joannes, cognomine Cacabus, pauperum erat amator, n. 12. in vita ejusdem.

Mendicavit aliquando, non jussus sed spontè, n. 7. Ibidem.

Confecit sibi quasdam spirituales instructiones & regulas vitæ, n. 16. 17. & seq. Ibidem.

Orationi plurimum addictus erat, adeò ut culinam, faceret oratorium, n. 5. ib.

Dæmon, item & Christus, visitârunt hunc Joannem ante mortem, n. 14. Ibid.

Dixit aliquando studiosis, legimus in sacra Scriptura scriptum, Beati pauperes spiritu, sed nusquam, Beati Magistri artium, n. 5. Ibidem.

Cæteris meliora dabat [ cœquus enim erat ] sibi verò deteriora servabat, nu. 5. Ibidem.

Dives mercator antea fuerat, sed omnibus relictis se commisit Florentii disciplinæ. Solebat quoque orare per plateas, n. 1. & seq. Ibidem.

Nunquam se excusabat, cum increpationes sustineret, humiliter autem semper respondebat, n. 8. 9. & seq. Ibid.

Joannes Gronde fuit concionator valde celebris, Gerardi Magni amator, in cujus latere sepultus est, cap. 2. nu. 1. & seq. in vita ejusdem.

Joannes Rusebroec. v. Purgatorium. Gerardus Magnus.

Commendatio ejus. Fuit Prior in Viridi Valle prope Bruxellam, & vir magnæ sanctitatis & doctrinæ, n. 1. & seq. in vita Gerardi Magni.

Irrisiones plures sustinuit Liduina, tanquam stulta à plerisque habita, propter raptus ipsius, cap. 9. n. 2. parte 1. in vita ejusdem.

L.

Aborare manibus, v. Florentius.

Lac in uberibus virginis, v. Nativitas Christi.

Lectus v. Incendium.

Liduina, amoto ex plurimis lecto, deinceps jacuit vel in stramine, vel supra asserem, cap. 9. n. 1. part. 1. in vita ejusdem.

Libido, v. Mulier.

Libros scribere, v. Florentius.



Librorum sacrorum tum laudes, tum necessitas, in vita Gerardi Zutphanien-  
sis, num. 5.  
B. Liduinæ meminit Thomas à Kempis,  
in vita Arnoldi, n. 13.  
Liduvina, v. Amor, Angelus, Aqua, Ar-  
mus porcinus, Cibus, Cineres sacri,  
Corona, Damnatuſ, Debita, De-  
functi, Eleemoſyna, Eremus, Eu-  
chariſtia, Frigus, Hydropiſis, In-  
cendium, Infirmi, Inimici, Irrifio-  
nes, Lectuſ, Lux, Maria, Medi-  
cuſ, Mendacium, Militeſ, Nativi-  
taſ, Odor, Officiuſ Divinuſ, Pa-  
renteſ, Paupereſ, Peccatoreſ, Pra-  
tuſ, Propheticuſ ſpirituſ, Pruden-  
tia, Purgatoriuſ, Raptuſ, Solem-  
nitateſ, Somnolentia Tangi, Trifti-  
tia, Viduſ, Vinuſ, Virga, Virginitaſ,  
Lubertuſ Berneri, parentibuſ invitit ad  
Florentiuſ confugit: Cujuſ pater  
cũ æger uſuſ linguæ amiſiſſet, vo-  
catuſque ad eum filiuſ adveniſſet, mox  
cœpit loqui, nu. 3. 4. in vita ejuſdem.  
Fuit valde humilis, maximè, quando ad-  
monebatur de aliquo, vel reprehen-  
debatuſ, n. 10. & ſeq. Item n. 8. & ſeq.  
In vita ejuſdem.  
Vocatuſ à Florentio, mox eum adibat,  
etiã litera imperfecta, n. 6. Ibidem.  
Aliquaſ piaſ inſtitutioneſ ſibi confecit,  
quaſ obſervaret, n. 36. & ſeq. Ibid.  
Epiſtolam humilem ſcripſit ipſe ad Flo-  
rentiuſ abſentem, cũ eſſet vicinuſ  
morti, n. 26. & ſeq. Ibidem.  
Pia ejuſ moſ, & ad fratreſ exhortatio,  
n. 24. & ſeq. Ibidem.  
Morti proximuſ fuit à dæmone tentatuſ,  
qui hortabatur, ut in propriiſ meritiſ  
conſideret, n. 30. & ſeq. ibidem.  
Vidit in extremiſ mirabilia, ut aſtantiſ

ſibi retulit, n. 34. Ibidem.

Florentiuſ abſenſ per epiſtolam eum jam  
mortuū magnificè laudavit, in qua  
ſui animi doloreſ ex ipſiuſ obitu, de-  
claravit, n. 3. Ibidem.

Luce magnâ Liduinæ cubiculuſ reſplen-  
debat, in adventu vel Dei, vel Angeli,  
viſitanteſ, cap. 3. num. 1. p. 2. in vi-  
ta ejuſdem.

## M.

**M**aria prædixit patri Liduinæ vir-  
ginis, quod eum eſſet ex hac lu-  
ce evocatura, pridie ſuæ Concep-  
tionis, cap. 13. n. 1. p. 1. Item vita  
Liduinæ.

Devotio ad imaginem ejuſ, cap. 2. num.  
1. & ſeq. p. 1. In vita Liduinæ.

Ipliuſ imago non potuit loco moveri,  
cũ eſſet aliò navi abducenda, c. 2. n.  
1. p. 1. in vita Liduinæ.

Incendii cauſa exiitit quædam irreveren-  
tia, ipſiuſ imagini facta, cap. 16. n. 2.  
p. 2. in vita Liduinæ.

Liduvina adhuc parvula, ſolebat adire  
templuſ, ut Mariam ſalutaret, cujuſ  
ſemel imago ei aſſiſit, cap. 2. n. 2. p. 1.  
in vita Liduinæ.

Maria ſertum ex floribuſ confectum, ca-  
piti Lid. impoſuit, c. 7. nu. 3. p. 2. in  
vita Lid.

Marituſ uxori apparet deſunctuſ, cui re-  
velavit amplam Florentii gloriã, ſi-  
mulq; dixit uxori, eam brevi hinc emi-  
graturam, c. 29. n. 2. in vita Florentii.

Matrimoniuſ v. virginitaſ.

Medicuſ dixit parentibuſ Liduinæ duo,  
tum illam laborare morbo incurabili,  
tum optare ſe ut talem ſobolem habe-  
ret, unde plurimuſ gaudiuſ acciperet,  
cap. 5. n. 1. p. 1. In vita Liduinæ.

Mea-



Mendacium noluit dicere Liduvina, cum rogaretur, num cubiculum hostis unius esset ingressus, v. inimicus.

Milites inhumaniter Liduvinam virginem tractarunt, ut sanguis ex ea copiose profunderet: Neque ultionem ejus rei admisit, cap. 8. num. 1. & seq. p. 2.

Miraculum, v. Florentius.

Missæ v. Eucharistia.

Quorum debeamus meminisse in missa, Ep. 5.

Dum Evangelium legitur, & in reliquis partibus missæ, quibus caeremoniis utendum sit, cap. 18. num. 13. & seq.

Mortui & mors, v. Defuncta Maria. Raptus. Amor. Tristitia.

Mulier libidini dedita post mortem fuit visa in inferno, c. 16. n. 3. p. 2. in vita Lid.

Mundo nuntium remittere, magnum Dei beneficium est, Ep. 4.

Renuntiantibus sæculo, qualia soleant vel amici, vel sæculares objicere, Ep. 4.

Munera, quæ Deo, pro modulo & facultate afferuntur, gratissima sunt. In prologo in vitam Florentii, n. 4.

## N.

**I**N Nativitate Christi, virgo Liduvina habuit ubera lacte plena. Virgines sunt aptissimæ, quæ infantem Jesum alant, cap. 4. n. 1. p. 2. In vita ejusdem.

Vidua infirma, ubi fuxit Liduvina ubera, curata fuit, c. 4. num. 1. p. 1. vitæ ejusdem.

Nativitas atque ortus Liduvinae fuit matri facilis, cum in cæteris laborare soleret, cap. 1. num. 2. p. 1. In vita ejusdem.

## O.

**O**bedientia, v. Charitas, Lubertus.

Superiori tanquam Christo obediendum, n. 1. & seq. in vita Amilii.

Odor suavis, v. Virga.

Cubiculum Liduvinae suavi perfundebatur odore, quando visitabatur ab Angelo, vel cum à raptu ad se rediret, cap. 3. num. 1. p. 2. In vita ejusdem.

Officii divini tempore, magis de somnolentia tentantur homines, c. 10. n. 3. p. 1. in vita Lid.

Pater Liduvinae cum esset vespertas pomeridianas, pridie Pentecostes, auditurus, à demone, sub habitu personæ notæ, abducitur, quem promodum ibi submersit, c. 12. n. 1. p. 1. in vita ejusdem.

## P.

**P**arentes, v. Damnatus.

Liduvinae Virginis parentes, quales extiterint, c. 1. n. 1. 2. p. 1. in vita ejusdem.

Honestas parentum illius, licet pauperes esse viderentur, c. 11. n. 12. p. 1. in vita ejusdem.

Passio Christi, v. Infirmi.

Passiones suas qui non student evincere, in vitia multa decident, nu. 7. in vita Gerardi Surphanienfis.

Patientia, v. Infirmi.



Pauperes, v. Debita, Arum porcinum.  
 Pauper Liduvina pauperibus eleemosynas conferebat, c. 16. num. 2. p. 1. in vita ejusdem. Et c. 9. num. 2. p. 1. Ibidem.

Pro peccatorum conversione, erat Liduvina contenta plurima pati. c. 8. n. 3. p. 1. in vita ejusdem.

Pentecoste, v. Officium divinum.

Perfectio, v. Religiosi.

Quibus vacare debeat, qui perfectionem expetit, op. 6.

Pisa, v. Eleemosynæ.

Ad pratum floribus densum, rapta fuit Liduvina per Angelum, c. 15. n. 2. p. 2. in vita ejusdem.

Propheticum spiritum habuit Virgo Liduvina. c. 16. nu. 1. & seq. p. 2. in vita ejusdem.

Prudens erat in responsis Liduvina, cap. 18. n. 1. 2. p. 2. in vita ejusdem.

Psalmos, stercus appellavit dæmon, nu. 30. in vita Luberti.

Puella parvula, v. Maria.

Pulchritudo, v. Virginitas.

Purgatorium, v. Solemnitates.

Anima Joannis Rusebroec fuit in purgatorio per horam, c. 10. n. 2. in vita Gerardi Magni.

Eo fuit rapta Liduvina, quæ cum ibi vidisset, aliquos sibi notos, se afflixit diris modis pro illis, c. 7. n. 1. p. 2. in vita ejusdem.

Optabat Liduvina graves pœnas perpeti, pro existentibus in purgatorio, c. 8. n. 3. p. 1. in vita ejusdem.

Licet per infirmitates varias multis annis affligeretur Liduvina, nihilominus purgatorium timebat, c. 8. num. 3. p. 1. in vita ejusdem.

Q Uadragesima, v. Cineres.

Quæstiones altæ & difficiles, v. Florentius.

R.

R Aptus, v. Odor, Lux, Eleemosyna, Irrideri.

Raptus Liduvina, c. 13. num. 2. p. 1. in vita ejusdem.

Quomodo in ea fiebat, cap. 15. nu. 1. & seq. p. 2. in vita ejusdem.

Raptus illius varii, c. 13. num. 1. p. 2. in vita ejusdem.

Aliquando fuit in Hierusalem, item Romam, ut visitaret loca sancta, cap. 2. num. 1. & seq. p. 1. in vita ejusdem.

In raptu vidit Sanctorum cuneos ad domum suam venire hæc Virgo Liduvina, quo intellexit Petronillam Virginem sibi servientem, ex hac vita migraturam, c. 9. n. 1. & seq. p. 2. in vita ejusdem.

Religiosi, v. Via, Perfectio.

Religio paradus est, quando unusquisque vult esse ultimus, num. 4. in vita Jacobi de Viana.

Duo impedimenta ad perfectionem religiosi, Ep. 6.

Dormientes religiosi ab Angelis visitantur, c. 13. num. 2. p. 2. in vita Liduvina.



S.

**S**acerdotii dignitas, v. Joannes Brinckerinck.  
 Jacobus de viana, valde reformidabat sacris Ordinibus initiari, n. 3. in vita ejusdem.

Salutatio Angelica, v. Maria.

Ante solemnitates, rapiebatur Liduvina Virgo, ad purgatoriorum, ut videret, qui maximè auxilio egerent: quibus suos impertiebat dolores, cap. 17. num. 2. 3. p. 2. in vita ejusdem.

Solis splendor, v. Angeli.

Somnus, v. Cibus.

Somnolentia, v. Officium divinum.

Virgo Liduvina sic somnolentiam tempore divini officii evicit, quòd amplius non redierit, c. 10. n. 3. 4. p. 1. in vita ejusdem.

Studiis aded erat deditus Gerardus Surphaniensis, ut doleret, quando erant feriæ, vel non doceretur, in vita ejusdem num. 1. 2.

Gerardus Magnus solitus erat dicere studiosis, tantum eos mereri audiendo lectiones, ac si orarent, cap. 16. numer. 3. in vita ejusdem.

Studia sunt propter Deum suscipienda, alioqui vanitas est, n. 40. in vita Luberti.

Stultitia, v. Irrideri.

\*\*\*\*\*

T.

**C**um tangeretur ab inhonestis Liduvina Virgo, privabatur aliquot diebus visitatione Angelorum, c. 14. nu. 2. p. 2. in vita ejusdem.

Thomas à Kempis cohabitavit Arnolde Schoonhoye num. 3. in vita ejusdem Arnoldi.

Refert Thomas hic, suæ conversionis initia, cap. 1. in vita Joannis Gronde.

Tristitia nimia de amicorum obitu, sustulit Liduvina Angelorum nonnullas visitationes & consolationes, c. 10. n. 1. Et cap. 11. n. 6. p. 2. in vita ejusdem.

V.

**V**ermes, v. Infirma.

Viduus mansit, Virginis Liduvinae avus, deditus jejuniis & abstinentiis, c. 4. nu. 2. p. 1. in vita ejusdem.

Vindicta, v. Milites.

Vinum dedit Luduvina mendicanti & sitienti, quod deinde in amphora, ad multos dies excrevit, cap. 19. num. 1. 2. p. 1. in vita ejusdem.

Ultio, v. Milites.

Virgam ligneam Angelus dedit Liduvinae, quâ uteretur, cortinas suas vel aperiendo, vel claudendo. Fuit autem suavissimi odoris lignum: qui quidem odor periiit, ex contactu alicujus hominis



## INDEX RERUM.

nis impuri cap. 3. num. 1. par. 2.  
in vita ejusdem.  
Virginitas, v. Tangere Virga.  
Virginis Liduvina castitas servata fuit  
per varias ægritudines, c. 3. nu. 2.  
p. 1. in vita ejusdem.  
Non potuit Liduvina divelli à virgini-

tatis proposito, quamvis ob pulchritudinem à pluribus expeteretur in conjugium, cum esset duodecim annorum, cap. 3. num. 1. 2. p. 1. in vita ejusdem.

Visitatio, v. Infirmi.

## F I N I S.

*OMNIA AD MAJOREM DEI GLORIAM.*

### A P P R O B A T I O.

**U**niversum opus THOMÆ à KEMPIS, à mendis quam plurimis repurgatum, & ad autographa, opera R. P. HENRICI SOMMALII Societatis JESU, restitutum: ob latentem quandam sermonis vim ac energiam, ad imbuendos pietate hominum animos, dignissimum censeo, quod sæpius recudatur. Anno Domini 1600. nono Maji.

*Guilielmus Fabritius Noviomagus,  
Apostolicus atque Archiducalis  
librorum Censor.*

### C E N S U R A O R D I N A R I I.

**V**arii Tractatus, sive Opera omnia THOMÆ à KEMPIS Viri religiosissimi, salutem animæ suæ, & progressum ejusdem in vita spirituali amantibus jugum Christi suaviter imponunt, unde sicut præfati Tractatus multoties diversis locis cum licentia fuerunt editi, sic eisdem Typis committi permittimus. Coloniz 9. Martii 1660.

*Adrianus de Walenburch Metrop. Eccl.  
Colon. Presb. Canon. & Censor Librorum  
Ordinarius.*



SCUTUM KEMPENSE

SIVE

VINDICIÆ

QUATUOR LIBRORUM

DE

IMITATIONE CHRISTI

QUIBUS

THOMAS à KEMPIS

CONTRA

JOANNEM GERSEN

In sua à tribus Sæculis non interrupta possessione stabilitur,

UBI

*Simul utriusque Partis Argumenta pro & contra expenduntur.*

AUTHORE

A. R. D. EUSEBIO AMORT,

Ecclesiæ Collegiæ ad S. Crucem Pollingæ Canonico Regulari  
Bibliothecario ac SS. Theologiæ Professore.

---

COLONIÆ AGRIPPINÆ,

Sumptibus HENRICI ROMMERSKIRCHEN, Bibliopolæ  
ANNO M. DCCXXVIII.

*Permissu Superiorum.*



SCOUTS

VINDICIA

LIBRARIUM

CHRISTIANITY

THOMAS KEMPIS

JOHN CRYSTIAN

1811

ALTHEA

A. R. D. EUSEBIO AMORT

Edelle Coll. 1811


Book 1811

COLONIA AGRICOLA

AMMO M. DECKERT

1811





PROLOGUS  
IN  
VINDICIAS  
THOMÆ à KEMPIS  
DE

*Imitatione Christi.*



Indicias has 5. Partibus absolvo. In 1. tradō Summariam notitiam scriptorum, quæ in hac Controversia prodierunt. In 2. Expendo Argumenta contra Kempensem afferri solita. In 3. Argumenta pro Joanne Gersen. In 4. Argumenta contra Joannem Gersen. In 5. Argumenta pro Kempensi militancia deduco ; ostendo autem argumenta, quæ contra Kempensem, aut pro Gersene faciunt, vix tenuiter esse probabilia, si seorsim spectentur ; ea verò, quæ contra Gersenem, aut pro Kempensi adducuntur, esse moraliter certa. Ut proin tenuis illa adversæ sententiæ seorsim spectata probabilitas, si comparativè consideretur ad argumenta opposita moraliter certa, penitus evanescat.

PARS I.



## P A R S I.

Summaria notitia Scriptorum, quæ in hac Controversia prodierunt.



Crispit Thomas Kempensis quatuor libros de *Imitatione* circa annum 1420. cum verò consueto humilium more nec huic opusculo suum authoris nomen inscripserit, plurima passim exemplaria anonyma per varias Europæ Provincias distracta sunt circumspectantibus de Authore librariis. Nonnulli D. Bernardo, alii Joanni Gerson Cancellario Parisiensi, duo vel tres Codices Joanni Gersen, centum alii Thomæ Kempensi factum genuinum asserunt. Vicit, orbis totius iudiciò, *versata* sententia usque ad annum 1616. quo Constantinus Cajetanus Abbas Benedictinus Italus pro Authore Joannem Gersen, quem asserit fuisse Abbatem Benedictinum Vercellis ad S. Stephanum, venditare aggressus est. Cerratum ex eo tempore diu ac fervide, partes Kempisii, Rosweido, Bolando, Frontone, Naudæo, Werlino, Hefero tuentibus, Quatremario verò & Valgravio suum Gersenem suscipientibus. His verò Naudæum de Codicum M. SS. depravatione palam arguentibus. Non tulit generosum peccus calumniam, sed ad Parlamentum Parisiense actionem injuriarum detulit, ut petulantia suæ promeritas darent pœnas, qui existimationi

sua æternum inuisse dedecus videbantur. Vicit in hoc quoque iudicio cum Naudæo veritas. Parlamentum Parisiense 1652. 12. Februarii solemnem protulit sententiam, qua libri de *Imitatione* sub nomine Joannis Gersen imprimi prohibebantur, iidem verò sub nomine Thomæ Kempensis edi justissimè permittebantur. Benedictini laturo medelam ingenti vulnere, interea conquirunt duodecim M. SS. Codices, quos causæ suæ patrocinari arbitrabantur, quos & eruditorum virorum Parisiis iudicio 1671. 14. Augusti examinandos submittere. Judicati quidem fuere illi Codices integri atque à manu falsariorum puri; an verò causæ Gersenistarum patrocinarentur, quantumve juvarent, nihil definitum est. Anno 1681. 4. Martii Canonici Regulares in Gallia suos quoque pro Kempensi coram Eruditis Parisiensibus Codices M. SS. protulerunt, ne in hac parte inferiores viderentur. 1687. 28. Julii Mabilonius tres M. SS. Codices Criticorum Parisiensium iudicio subiecit, qui & ipsi incorrupti judicantur. 1708. edidit Richardus Simon suam Bibliothecam Criticam, in qua exhibet dissertationem Claudii Molineti viri doctissimi, monstrantis, Codices quosdam à Benedictinis productos certè corruptos



ruptos esse. 1717. & 1724. edit Martennus suum *Iter litterarium* in Germaniam, in quo narrat, se invenisse duos vel tres M. SS. Codices scriptos ante authographum Kempense anni 1441. Eodem anno 1724. prodit in Italia libellus sub titulo: *Giovanni Gersen Abate dell'Ordine di S. Benedetto Sestenuto Autore de l' libri dell' Imitazione. In Firenze 1724.* id est Joannes Gersen vindicatus author librorum de Imitatione. Author hujus opusculi est A. R. D. Virginius Valsechi Monachus Cassinensis. Eodem anno in Germania Augustæ nova editio librorum de Imitatione cum Præfatione Apologetica pro Joanne Gersen parata est; cui tamen vindicias Kempenses opposui, sub titulo: *Plena ac succincta Informatio de Statu Controversiæ, quæ de auctore libelli de Imitatione agitur 1725. Augustæ. 1726.* Hagæ Comitum impressa est idiomate Gallico Bibliotheca Historica & Critica authorum Congregationis S. Mauri. Authore Philippo Cersio Benedictino ejusdem Congregationis, in qua author fol. 93. & 249. & 256. Sententiam nostram non veretur vocare Chimæram. Il est donc sensible, inquit, que la pretention des Chanoines Regulieres est une vision, & une Chimere. Ab hoc Contratris sui iudicio non multum recedit Dissertatio Gallica Vincentii Thullerii inserta Anecdotis Mabillonii, & 1726. latino idiomate edita Augustæ hoc titulo: *Historia concertationis de Authore libelli de Imitatione Christi, gallicè concinnata à R. P. Vincentio Thullerio & Cong. S. Mauri.* Quid itaque, num Gersen-

nianæ causæ Patroni profligato hoste ultimi in arena consistunt? nihil minus: Orbis eruditus, ipsa Roma, & cum Roma Ecclesia Thomæ nostro victori applaudit, applaudunt Protestantes in suis Actis litterariis Lipsiensibus 1725. mense Julio in Germania. Applaudunt Galli in Actis litterariis Trevoltiensibus 1726. mense Majo, ubi sic habent: *Le Pere Amort rapporte fidelement tous les Argumens de ses adversaires; il leur conserve toute leur force, ses réponses, n'en paroîtront, que plus victorieuses; deux réflexions ont fixé il y a long temps mon jugement sur l'auteur du livre de l'Imitation. Le style inimitable de ce livre a un rapport si evident avec le style des autres ouvrages de Thomas à Kempis que le sentiment de cette conformité l'emportera toujours dans un lecteur non préocoupé sur tout ce, qu'un Ordre scavant & habile à défendre ses prétentions a imaginé pour rendre douteux le droit à Kempis. L'autre réflexion, qui m'affermis dans son parti c'est, qu'après cent ans on n'a encore pu rendre probable je ne dis le droit, mais même l'existence de Jean Gersen; & il reste toujours vraisemblable, que toute la dispute a pour origine l'erreur d'un ou de deux capistes, qui ont écrit Gersen pour Gerson. &c.* Applaudit denique ipsum Romanum Lateranense sub Beatissimo Patre Benedicto XIII. 1725. celebratum Concilium, quod Kempensi nostro partum suum nullo profus reclamante reddidit, dum in Appendice ad Tit. 15. c. 9. n. 10. Orationem mentalem his verbis præcipit; *Ultimus quadrans Orationi mentali tribuetur, propo-*



stis punctis meditationis desumendis ex celebri Thoma de Kempis, quā constitutione summus Pontifex haud dubiè ad libellum de Imitatione respicit. Sed num meritò, ais, hos Kempisio Europa Triumphos accinit? meritò, inquam, id argumenta sequentia luculenter demonstrant.

## P A R S II.

Argumenta contra Thomam Kempensem communiter afferri solita expenduntur.

**A**rgumentum I. Dicitur in Canonica Rottenbuecheni extare Manuscriptum L. de I. jam sæculo 14. atque adeo jam ante Thomam Kemp. exaratum. Ita Clar. P. Bern. Pezius. tom. I. Anecd. 22. Ita quidem dici, & dictum esse jam tempore P. Heferi, sed fallere famam, ut solet, mendacissimam, teste oculato demonstro. En rei veritatem idem testis veritatis invictissimus in suo Hecatompulo his verbis edocet: "Rottenbuechense Cœnobium in superiore Bavaria situm Canonici Regulares incolunt, quorum RR. D. Præpositus Michaël Codicem hunc venerandæ antiquitatis plenum summam cum benevolentia Monachium ad me misit inspiciendum; an, quod animus meus dudum mihi præfagebar, Causæ Kempensi haud parum commodaret, vel quod plures insulabant, alii sine recta intelligentia verebantur, eam miserum in modum affligeret. Inspexi, & tantum vidi

"abesse, ut officeret luminibus Thomæ, ut inter achronos quidem, non autem anonymos cum primipilis pro eodem depugnet. Nam in fine libri quarti habentur isthæc verba: *Viri egregii Thoma montis S. Agnetis in Traiecto Regularis Canonici libri de Imitatione numero 800.* seu, numero quatuor. Legerunt quidam pro numero 400. (sic enim legendum esse norunt omnes in Manuscriptis vel parum instructi) legerunt, inquam, ut audio, sed perperam, *Anno 1402.* verum ita legendum esse, sicut nos legimus, Caput 23. l. 3. prorsus evincit, quod eadem ibidem manu, eodemque modo exaratum legitur. *De 800. magnam importantibus pacem.* Quamobrem in fine legendum est, ut hic, *numero quatuor*; aut hinc quoque legendum ut ibi *De mille quadringentis & duabus magnam importantibus pacem.*

Quo dici aut credi nil potest simplicius.

Ita Heferus. Addo, meipsum inspexisse hunc Codicem, & omnino reperisse hunc Codicem scriptum esse circa annum 1440. Quia opusculum, quod in eodem Codice immediate præcedit librum de Imitatione, adscriptum habet annum 1439. & ne quis suspicaretur, in Canonica Rottenbuecheni latere alium Codicem M. S. antiquiorem, ipsemet adii eam Canoniam, excussi omnia illius Bibliothecæ Manuscripta satis multa; nullum alium reperi. Perlustravi etiam in Bibliothecæ Electorali Catalogum omnium Manuscriptorum



scriptorum Canonice Rottenbuechenſis anno 1610. ſcriptum; nullus alius Codex præter memoratum annotatus eſt. Incidi etiam interea in familiares Epistolæ authographas Michaëlis Præpoſiti Rottenbuechenſis, Antonii Præpoſiti Dieſſenſis, & P. Heſeri, quas occaſione hujus Codicis ſibi invicem ſcripſerunt. In harum una RR. D. Michaël Præpoſitus P. Heſero fateretur, præſecto in ſuo Cœnobio nullum aliud Manuſcriptum librorum de Imitatione præter iſtud extare. Itaque certum eſt, famam aut impoſuiſſe P. Pezio. Poſſibiles enim ſunt errores, & cauſæ errorum, ſed peſſimorum aut infelicitium eſt, inhætere jam demonſtratis erroribus.

*Argumentum. 2.* Extat Auguſtæ Codex M. S. L. d. I. exaratus manu Matthiæ Farinatoris. Atqui is vixit Sæculo 14. 31. Jam certum eſſe, Farinatore hunc Codicem ſcripſiſſe circa annum 1475. de ætate Farinatoris conſtat ex annalibus Carmelitarum, ex Trithemio; & ipſe liber, qui continet aliud opusculum, eadem Farinatoris manu ſcriptum, cui appoſitus eſt annus 1475. Ipſemet etiam hunc Codicem Auguſtæ inſpexi, & ſic certum eſſe reperi.

*Argumentum 3.* In Codice M. S. L. d. I. Gerardimontenſi olim ad finem legebantur hæc verba: *Hic liber conſcriptus fuit à Fr. Ludovico de Monte, qui obiit ante annum milleſimum quadringentefimum.* 31. In hoc Codice poſt librum de Imitatione comparere deſcriptum eadem manu eodem charactere, & atramento tractatum *De diſciplina clauſtralium*, indubitatum Opus Thomæ Kempenſis, ultimam verò ſub-

ſcriptionem præſatam non ad calcem libri d. I. ſed in ultimo Codicis folio repertam eſſe. Sicut ergo ea ſubſcriptio non poteſt referri ad Tractatum de diſciplina Clauſtralium, ita nec poteſt referri ad librum de Imitatione. Quò ergò? Fortè illud folium Codicis ultimum pertinuit ad aliud opusculum aliquando in eadem compactura contentum; Fortè librarius voluit anno 14. .. addere alios annos determinatos, quos dein apponere oblitus eſt; fortè Librarius commiſit errorem calami; fortè Petrus Almaert, qui teſtatur ſe aliquando vidiffe hoc folium, malè legit, dum pro anno 1488. legit 1400. veritas cogit, ut inter plura poſſibilia unum eligas.

*Argumentum 4.* Codex Clarimontanus à P. Sirmondo ex forma ſcripturæ judicatus eſt antiquior Thomæ Kemp. 31. Ipſum Sirmondum in Epistola 1648. 29. Auguſti ad P. Heſerum data, cujus authographum penes me habeo, candidè faſſum eſſe, ſe nihil certi ex forma ſcripturæ poſſe concludere, *quoniam* ut ait, *in veterum Codicum ætate falli proclive eſt.* Certè alii Eruditi, qui eundem inſpexerunt Codicem, eundem vix ad ſæculum 15. referri poſſe arbitrabantur, multominus ad ſæculum 13. inter hos contra Sirmondum ſtat Petavius. Et quid opus conjecturis, formam characterum hujus Codicis exhibuit Mabillonius *de re diplomatica*. Conſului viros in verſandis Manuſcriptis peritiſſimos; judicant unanimiter, ex hac forma characterum ſæculum 14. concludi poſſe. Ipſemet perluſtrando plus quam



50. Bibliothecas, & evolvendo plura Manuscriptorum millia eam arbitror mihi comparasse in dijudicanda ætate M. SS. Codicum peritiam, quam quivis alius. Audacter & ex certis indiciis assero, eam formam Claromontani Codicis ad sæculum 14. pertinere non posse.

*Argumentum 5.* In Monasterio Mellicensi asservatur Codex M. S. L. d. I. jam scriptus anno 1418. R. Si hoc verum esset, nihil evinceret contra Thomam Kempensem: posset enim dici; Thomam Kemp. anno 1415. scripsisse hoc suum opusculum, quod convenientibus in Concilio Constantiensi variis nationibus facile anno 1416. vel 1417. in notitiam Austriacorum veletiam Itolorum venire potuit. Thomas Kemp. anno 1415. jam erat annorum 35. Sed nec hoc ipsum verum est, in Codice Mellicensi libro de Imitatione adscriptum esse annum 1418. extat quidem in illo Codice simul compactum aliud opusculum D. Bernardi, quod habet adscriptum annum 1421. sed quis nescit, antiquitus in eodem Codice compacta sæpe opuscula nullo servato ordine temporum, quibus scripta sunt? Possem asserere exempla innumera, nisi cuius in sua propria Bibliotheca essent obvia. Conjiunt quidem Mellicenses, Codicem illum jam allatum esse ex Monasterio Sublacensi anno 1418. sed nullo alio indicio, nisi quia sic placet. Cerrè hanc suam conjecturam in judicio Parisiensi non ausi sunt proferre, quia ex ipsa dissimilitudine papyri, & scripturæ cum forma papyri & scripturæ Italicæ, aut similitudine cum forma germanicæ constabat esse falsam;

*Argumentum 6.* S. Bonaventura mortuus jam anno 1274. in suis Collationibus citat *Devotum libellum de Imitatione Christi*. Ergo is scriptus est ante Thomam Kemp. natum 1379. R. Has Collationes certissimè non esse S. Bonaventuræ. In prima enim Collatione citatur Ubertinus, immo tota ea Collatio ex Ubertino desumpta est, qui tamen longo primùm tempore post S. Bonaventuram suum librum, dictum, *Arbor crucifixi*, conscripsit. Testantur etiam editores ultimæ editionis Operum S. Bonaventuræ Lugduni, se ne quidem unicum Exemplar manuscriptum harum Collationum reperire potuisse. Ipsæ etiam circumstantiæ manifestè probant, has Collationes esse supposititias. Quomodo enim credibile est, S. Bonaventuram scribendo collationes voluisse consarcinare textus ex aliis devotis libellis, quod nunquam aliàs consueverat? Si S. Bonaventura remisisset Fratres Tolosanos ad devotum libellum de Imitatione, jam tunc libellus hic debuisset esse alicujus nominis, debuisset citari etiam ab aliis Ascetis eorum temporum ab anno 1274. usque ad annum 1440. copiosissimis, debuissent describi & superesse in Gallia aliqua antiqua exemplaria, debuisset ipse S. Bonaventura in suis opusculis sæpius ad *tam devotum libellum* respicere, quorum omnium nulla dantur vestigia. Ut hanc difficultatem dissolvat Thullierus, respondet in sua Hist. lat. edit. n. 15. *Ubertinum jam anno 1257. Franciscanis additum fuisse, itaque utrumque Bonaventuram & Ubertinum eodem tempore aliquamdiu vixisse; coetaneum verò aut recentiorum*



centiorem authorem ab alio citari tam frequenter accidere, ut nihil sit vulgari-  
tius. R. Thullierum etiam in hac re, ut in suo Polybio, & in sua editio-  
ne operum Mabillonii, & in sua Præ-  
fatione ad antiquam disciplinam mo-  
nasticam, prorsus infelicitè versatum  
esse. Certum enim est, Ubertinum  
primum anno 1273. uno anno ante  
mortem S. Bonaventuræ, ætatis suæ  
anno 14. habitum religiosum suscepisse.  
Quis hoc dicit? Ipse Ubertinus hoc de  
seipso dicit. Ubi hoc dicit? in Prolo-  
go [suæ arboris], ubi sic habet: *Mense  
Septembri terminavi in Vigilia Michaelis  
Archangeli anni præsentis 1305. à felicis-  
simo ortu veri solis Jesu, à mea verò vili  
conversione anno 32. Et die 9. Martii in-  
choatus es iste liber.* In eodem Prolo-  
go Ubertinus testatur, se Professionem  
emisisse anno ætatis 14. Si Thullierus  
inspexisset Dupinum in sua Nouvelle  
Bibliothèque des Auteurs Ecclesiasti-  
ques tom. 12. dissert. §. 7. & Ordinum  
de script. Eccles. tom. 3. in Bonav. n. 63.  
potuisset parcere tempori in reducendis  
dudum explosis fabulis. Opus Uber-  
tini ipsemet vidi Augustæ in Bibliotheca  
ad S. Georgium, impressum 1485.

*Argumentum 7.* Author libri de Imitatione l. 3. c. 50. citat verba S. Francisci in præsentem; *Quantum unusquisque est in oculis tuis, tantum est, Et non amplius* NB. ait humilis sanctus Franciscus. Atqui iste modus citandi verba, quæ à S. Francisco tantum ore prolata, non autem scripta sunt, arguit, Franciscum adhuc fuisse in vivis. Ita Valsechus in suo Gersene vindicato C. 11. fol. 132. R. Hoc non esse argumentari, sed nugari. Millies citantur verba du-

dum defunctorum in præsentem, etiam si defuncti illi non retulerint sua verba in scripta. Sic Lucas in actis de Christo NB. ait: *Præcepit Jesus, Ierosolymis ne discederent, sed expectarent promissionem Patris, quam audistis, INQUIT, per os meum.* Idem de S. Stephano, in act. c. 7. *Qui ait, viri fratres.* & c. 7. v. 56. *Et ait, video cælos apertos.* Mathæus c. 8. & *ait illis Jesus; vide nemini dixeris.* v. 7. *Et ait illis Jesus, ego veniam.* v. 8. *Et Centurio ait.* v. 19. *Et unus scriba ait illi.* v. 20. *Et dicit illi Jesus.* v. 21. *alius discipulus ei ait.* v. 22. *Jesus autem ait illi.* v. 26. *dicit illis Jesus.* v. 32. *ait illis Jesus.* Hæc in unico Capitulo. S. Joannes in Evangelio c. 14. *Et ait discipulis suis.* v. 6. *dicit ei Jesus.* v. 5. *dicit ei Thomas.* v. 8. *dicit ei Philippus.* v. 9. *dicit ei Jesus.* v. 22. *dicit ei Judas.* C. 18. *dicit eis Jesus.* v. 17. *dicit Petro ancilla.* *Dicit ille, non sum.* v. 38. *dicit ei Pilatus.* Num adhuc vixit in terris Christus, Stephanus, Scriba, Centurio, Petrus, Ancilla, Pilatus, quando hæc de illis in præsentem scripta sunt? Ergo nec vivere debuit S. Franciscus, dum de illo scribitur, *ait.*

*Argumentum 8.* D. Thomas de Aquino, mortuus 1274. mutuatus est ex libello de Imitatione totam Antiphonam Officii in festo Corporis Christi ad Magnificat, quod ipse composuit. Hoc verò exinde ostenditur, quia verba Antiphonæ illius, & verba nonnulla l. 4. cap. 13. de Imitatione similia sunt. R. Præsumendum potius esse, Thomam Kemp. mutuatum esse ex Breviario paucula verba, quam Thomam Aquinatem ex libro de Imitatione. Talentum applicandi ex Breviario & consuetudo



in Thoma Kemp. aliunde nota est; ea verò consuetudo mutuandi ex libello de Imitatione in Thoma Aquinate nec rationi, nec conditioni tanti Doctoris congruit. Thomas Kemp. eadem certè Antiphonæ & Officii verba in aliis suis opusculis applicat. cap. 3. de 3. Tabernac. ait: *O quam suavis est Domine spiritus tuus, qui ut dulcedinem tuam in filios demonstrares, pane suavissimo de celo præstato esurientes animas repleas bonis internis fastidiosos divites dimittens inanes.* & Medit. 8. ait: *Collegit humiles & simplices, ac fastidiosos divites dimisit inanes.* & serm. 11. ad Novit. p. 2. ait: *O salutaris hostia, quæ cæli pandis ostium.* Si itaque in Kempensi datur habitus piè suffurandi ex Breviario, & quidem eandem Antiphonam, quæ contra ipsum poterit esse præsumptio, dum idem, quod sibi primum erat, in l. 3. cap. 13. de Imitatione præstitit?

*Argumentum* 9. Author L. d. I. Proponit sibi in exemplum Carthusienses & alios religiosos ordines, ergo scripsit ante sæculum 15. quo hi ordines jam à primo fervore defecerant. & Carthusienses floruisse adhuc sæculo 15. eisdemque in Constitutionibus Congregationis Windesheimensis, cujus membrum erat Thomas Kemp. omnibus in exemplum proponi: sic enim Constit. 15. dicitur: *Observando prostrationes, quarum usum loca vestra congruè recipere possunt à Carthusiensibus, & Cisterciensibus.* & Constit. 23. *Securinus videtur sequi Carthusienses & Cistercienses.* Quid igitur mirum, si membrum Congregationis in L. d. I. eisdem sibi quoque sequendos proponat? quod attinet alios Ordines, eorum relaxationem Author L. d. I. satis deplorat l. 1. cap. 8.

ubi sic ait: *O quantus fervor omnium religiosorum in principio sue sancte institutionis fuit: testantur adhuc vestigia derelicta. Jam magnus putatur, si quis transgressor non fuerit, &c.* Deplorat etiam altercationum scholasticarum studium in cœnobia invecum his verbis l. 1. cap. 3. *O si tantam adhiberent diligentiam ad extirpanda vitia, & virtutes inferendas, sicuti ad movendas quæstiones; non fierent tanta mala & scandala, nec tanta dissolutio in cœnobiis.* Hæc melius conveniunt sæculo decimo quinto, quàm initio sæculi 13. quo exorti sunt religiosi Ordines S. Dominici, & S. Francisci, quove studia in cœnobia quoad scholasticas quæstiones nondum ita viguerunt. Conveniunt etiam optimè cum genio Thomæ Kemp. in aliis quoque operibus perpetuo insectantis scientias. Itaque ex hoc ipso potius completur summa illa ac omnimoda similitudo, quæ, dum inter Kempensem & Authorem L. d. I. intercedit, argumentum moraliter pro illo certum constituit.

*Argumentum* 10. In L. d. I. nunquam fit mentio Institutionis festi Corporis Christi, cum tamen de eo loquendi fuisset occasio, ergo scriptus est ante medium sæculi 13. & Thomas Kemp. in aliis suis operibus & alii Ascetæ in plurimis opusculis de hac institutione non loquantur etiam hodierno adhuc die, licet occasionem habuissent; idem ergo observaverit Author L. d. I. væ lectori, si Author L. d. I. omnia dixisset, quæ data occasione de morte, inferno, Judicio Christo, &c. Potuisset dicere.

*Argumentum* 11. In Judicio Parisiensi coram Archiepiscopo & aliis viris doctis Anno 1671. à Benedictinis producti



ducti sunt quatuor Codices M. SS. L. d. I. quorum unus Mellicensis scriptus est 1421. alter Mellicensis 1434. tertius Weingartensis 1433. quartus Augustanus 1437. productum etiam est in eodem iudicio ipsum authographum Thomæ Kemp. scriptum 1441. ergo clarum est, ante authographum Kempense jam editum esse librum de Imitatione, adeoque Thomam Kemp. tantum fuisse exscriptorem, non verò authorem. R. Non opus fuisse, ut Benedictini producerent Codices M. SS. authographo Antverpiensi illo antiquiores. Ipsimet causæ Kempisianæ Patroni jam antea plures tales non solum produxerunt, sed & in Patrocinium causæ suæ adhibuerunt. Defendimus constanter, Thomam Kemp. jam circa annum 1415. aut 1420. librum de Imitatione composuisse, quem tamen postea, ut erat ex professione librarius, sæpius descripsit. Aliud authographum Thomæ Kemp. libri de Imitatione extat Lovanii ad S. Martinum; probandum fuisset, omnes illos Codices M. SS. etiam hoc Lavaniensi authographo, & quocunque alio Kempensi librorum de Imitatione authographo fuisse antiquiores. Hic verò defecerunt; stetitque tota ad annum 1421. Benedictinorum industria; ex quo potius inferendum, post tantam in excutiendis Germaniæ, Galliæ, & Italiæ Bibliothecis industriam antiquiorem Anno 1421. Codicem L. d. I. reperiri non posse.

*Argumentum 12.* Controversia ab Arbitris Parisiensibus jam anno 1671. contra Kempensem definita est. R. Maillonium, qui pars magna Causæ fuerat, in suis Animadversionibus testari,

nihil ab iis arbitris definitum esse. Idem manifestè ostendit Instrumentum delu-per erectum, quod nil aliud dicit, quam exhibitos esse Codices duodecim M. SS. eosque incorruptos repertos esse. An verò ex his 12. Codicibus quidquam probari posset, nihil definitum est. Sed de hoc Arbitrorum Parisiensium iudicio pluribus agam part. 4.

*Argumentum 13.* In authographo Thomæ Kemp. Antverpiensi de anno 1441. occurrunt plura errata, & omissiones, & mutationes; ob quod Arbitri Parisienses 1671. iudicarunt; illud magis referre exscriptorem, quàm authorem. R. Nos ipsosmet constanter dixisse, authographum illud tantum referre exscriptorem, quia certum est, illud authographum seu *αὐτογράφον* Idescriptum esse ex Protographo, quod Thomas Kemp. circa annum 1420. composuerat. Caterum festinatio scribendi, studiosa licentia omittendi, & arrepta libertas aliqua omittendi potius ostendit, Thomam Kemp. usum esse jure paterno in partum suum, quod non usurpasset in alienum. Quando descripsit Bibliam, egit majori sollicitudine, non multum erravit, non omisit, non mutavit; si Thomas Kemp. credidisset libellum de Imitatione esse alterius authoris opus, quo post S. scripturam vix aliud reperitur dignius, majori sollicitudine in describendo, & minori libertate in omittendo vel mutando usus esset.

*Argumentum 14.* Thomas Kemp. authographo Antverpiensi subiecit suum librarii nomen; sed hoc more in authographis aliorum suorum opusculorum usus non est. R. Id propterea factum,



factum, quia certum est, quod hunc libellum sapius descripserit. Argumentum rectius invertitur sic. Thomas Kemp. authographo Lovanienſi non ſubjecit ſuum librarii nomen; ſed hoc more in authographis aliorum opusculorum non ſuorum uſus non eſt; ſemper enim, quando deſcripſit alienos libros, ſuum nomen appoſuit more librariorum, ut patet ex Biblia M.S. Colonienſi. Itaque authographum Lovanienſe potius exhibet authorem, quàm deſcriptorem.

*Argumentum 15.* In Biblia, quam deſcripſit Thomas Kemp. & quæ nunc aſſervatur Coloniz, legitur hæc ſubſcriptio: *Finitus & completus anno Domini 1439. per manus F. Thomæ Kempis in monte Agnetis.* In authographo Antwerpienſi legitur hæc ſubſcriptio: *Finitus & completus anno Domini 1441. per manus F. Thomæ Kempis in monte S. Agnetis prope Swollis.* Ergo ſicut prior ſubſcriptio oſtendit, Kempenſem non eſſe authorem Bibliz, poſterior conſimile probat. Nos ipſos jam dudum monuiſſe, hanc ſubſcribendi formulam referre librarium, non tamen negare authorem. Erat Thomas Kemp. ex profeſſione librarius, victus monaſterii querebatur ex deſcriptione librorum; quis reſtrinxit ei libertatem, non deſcribendi ac diſtrahendi ſua propria opuscula? ſi reſtrinxit nemo, qua ergo ſubſcriptione uti debuit? authoris, vel librarii? ſi tibi viſum fuiſſet, ut uteretur ſubſcriptione authoris, Thomæ noſtro certe ſuaſit humilitas, ut abſtrahendo ab authore uteretur ſubſcriptione librariis uſitata. putat Mabillonius, hæc antverpienſi ſubſcriptione omnes ſeductos eſſe, qui ſæculo 15. agnoverunt Thomam

Kemp. pro authore. Sed num ignorabat ſæculum 15. ſuam conſuetudinem, & librariorum omnium formulam? ſi tunc in toto mundo nullus extitit, qui ignorabat, hanc ſubſcriptionem eſſe conſuetam librariorum formulam, quis ita ſeduci potuit, ut ex hac ipſa formula colligeret authorem: profeſſo hoc dicere idem eſt, ac ſi dicerem, moderno tempore totum mundum ita ſeduci poſſe, ut in libro, cui nullum authoris nomen præfixum eſt, ſubſcriptum typographi aut Bibliopolæ nomen accipiat pro nomine authoris. Licet quidem nunc Bibliopolis ſua propria opuscula edere; idem tunc licuit librariis, ſed mundus aliud certè fundamentum habuit, cur Thomam pro authore ſuſciperet, quàm illam antverpienſem ſubſcriptionis formulam.

*Argumentum 16.* Author L. d. 1. videtur fateri, ſe fuiſſe monachum l. 3. cap. 56. ait: Vita boni monachi Crux eſt. & Thomam Kemp. in aliis ſuis indubitatis opusculis prorsus ſimiles terminos habere; ſicut ergo in his non exiit Canonicum Regularem, ita nec in illo. opuscul. 11. ait: *Monache ad quid veniſti; cur Cappam [eſt proprius habitus Canonicoꝝ] induiſti?* Sermon. 4. p. 2. *O frater monache, clande oſtium oris tui.* Alloquitur hic ſuos Novitios. Ib. p. 3. *O Religioſe monache, & ſectator arctioris vite, noti ab aſſumpta cruce recedere.* Ib. p. 2. *O dilecti fratres, onus collo monachi impoſitum eſt.* Sermon. 1. p. 1. *Canobium monachorum eſt ſicut ſalſum mare.* Sermon. 9. Religioſus Deomonachus &c. quinimo inſcripſit integrum opusculum hoc titulo: *Enchiridion monachorum*; & aliud: *Vita boni monachi.* Opuscul. 12. etiam ipſa verba eadem habet: *Vita boni monachi*



*crux est, sed crux paradisi.* iterum pro-  
in ex hoc argumento colligitur summa  
similitudo Thomæ Kemp. & authoris  
L. d. I.

*Argumentum* 17. Author L. d. I.  
dicit: *Suscepi crucem, portabo eam us-  
que ad mortem.* Atqui crucem ferre ma-  
gis convenit monacho quam Canonico.  
2. Thomas Kemp. in aliis suis operibus  
centies agit de ferenda cruce. Serm. 1.  
ad Novit. p. 3. inferibitur. *De Cruce quo-  
tidie tollenda in religione.* Ibidē dicit: *Noli  
ab assumpta cruce in Ordine recedere, sed  
porta crucem usque ad mortem.* Opusc.  
ult. *Vita monachi Crux est.* Epist. 3. *as-  
cende arborem crucis; via crucis, via  
nostra. Debet vita Christiani crux esse,  
multo magis omnium religiosorum.* Cur  
itaque Thomæ Kemp. non conveniat  
portare crucem? immo verò convenit,  
& quidem denuò summa cum authore  
L. d. I. similitudine.

*Argumentum* 18. Author L. d. I.  
habet varios terminos Italicos, v.g. *Re-  
gratiari, pensare, querulosus, passiona-  
tus, indisciplinatus, bassari, grossus,  
contrariare, sentimenta, importare,  
gyrare, fontaliter, conscientiosus.* Ergo  
author est Italus. 2. Thomas Kemp. ha-  
bet hos omnes terminos in aliis suis o-  
pusculis sapissime; itaque non probant  
authorem Italum, sed potius probant  
summam illius authoris similitudinem  
cum Thomæ Kemp. & quidem tantam,  
quanta non intercedit inter authores  
diversos. Habet autem Thomas Kemp.  
terminum *regratiari* in aliis suis operi-  
bus duodecies. *Pensare* plus quam qua-  
dragesies. *querulosus*, quater. *passiona-  
tus*, ter. *indisciplinatus* ter. *bassari* &  
*bassus* quinquies. *Grossus* ter. & sic de 2.

liis vide part. 5. s. 2. ubi ducam paralle-  
lum inter librum d. I. & alia Thomæ  
Kemp. opuscula.

*Argumentum* 19. Author L. d. I.  
nunquam in exemplum adducit Cleri-  
cos Regulares, prout tamen solet Tho-  
mas Kemp. in aliis suis opusculis. 2. Tho-  
mas Kemp. in multis suis aliis opusculis  
nec verbum habet de clericis; cur ergo  
diversus sit à seipso, si idem ageret in  
L. d. I. de Clericis nihil habet in his  
opusculis. 1. de disciplina. 2. de dispen-  
satore. 3. de solitudine. 4. de silentio.  
5. de 3. tabernaculis. 6. in Hortulo. 7. in  
Valle. 8. in Enchiridio. 9. in vita boni  
monachi. 10. in Manuali. 11. in hospita-  
li. 12. in soliloquio. Sed & hoc fal-  
sum est, librum de Imitatione nunquam  
respicere ad statum Ordinis sui clerico-  
rum regularium. Respicit ad hunc sta-  
tum 1. l. 1. cap. 17. *Habitus & tonsura  
modicum conferunt.* Tonsura commu-  
nitus significat tonsuram clericalem.  
2. l. 1. cap. 3. *dic mihi, ubi sunt om-  
nes illi Magistri, & Domini, quos bene  
novisti, dum adhuc viverent, & in studiis  
florerent, jam præbendas eorum alii possi-  
dent.* Tales Magistri enim & præbendæ  
constituebantur in monasteriis Canoni-  
corum Regularium vi constitutionis Be-  
nedicti XII. quæ §. 22. sic habet: *Ma-  
gistri ad docendos Canonicos deputen-  
tur. præbenda illis constituitur 30. au-  
reorum Turonensium.* 3. l. 1. cap. 5.  
*Habebo libros sanctos pro speculo vite.*  
Lectio autem scripturæ specialiter com-  
mendatur clericis in Conciliis, & Win-  
desheimensibus in eorum directionibus.  
4. l. 4. cap. 5. *Eoos sacerdos factus es, &  
ad celebrandum consecratus, vide ut de-  
votè Deo sacrificium offeras.* §. 1. cap. 5.



*Licet omni die non sim aptus ad celebrandum Ego.* 6. Sæpius respicit ad exempla devotorum, per quos tunc antonomastice intelligebantur Windesheimenses Clerici. L. 1. C. 18. *Multa sæpe vidi exempla devotorum.* l. 3. cap. 25. *confiteor, non decet me inter devotos tuos commorari.* Thomas Kemp. per hos devotos ipsemet intelligit Windesheimenses suos. In vita enim Gerardi c. 15. ait: surrexerunt multæ Congregationes devotorum fratrum; siquidem primò ad regiones Hollandiæ, Geldriæ, Brabantia de hinc Flandriæ, Frisiæ, Westphaliæ, Saxonie Ordo Regularis, & devotorum conventus emanavit. Idem in vita Florentii C. 27. in Swollis fuit Gerardus devotorum Clericorum Rector. C. 14. inter omnes devotos devotissimus Florentius. Idem in vita Arnoldi. C. 14. præsentavit se Florentio ad habendum hospitium in domibus devotorum Clericorum. In vita Joannis C. 3. libenter audiebatur à devotis, sed sæculares susurrabant contra eum. Ex hoc Itaque falsum est, in libro d. I. nihil contineri, quo author respuerit ad statum clericalem proprium Canonicis Windesheimensibus, quin immo ex hoc ipso iterum potius fit argumentum pro Thoma Kemp. cujus statui soli convenit tam familiare habere nomen devotorum, quod tunc antonomastice conveniebat Windesheimensibus, ut innumeris exemplis ostendi posset, & latius probavi Inform. p. 3. argum. 19.

*Argumentum 20.* Author L. d. I. l. 1. cap. 17. ait: non est parvum in monasteriis vel in congregatione habitare. l. 1. cap. 20. dicit, non esse securitatem, si ve videaris bonus cœnobita, aut devo-

tus eremita. l. 1. cap. 3. deplorat dissolutionem in cœnobiis. l. 1. cap. 20. commendat custodiam cellæ. Sed hæc magis conveniunt monacho respicienti ad Regulam S. Benedicti, quam Canonico. 2. Hæc omnia apertè convenire etiam Canonicis ut cuivis manifestum; & ipse Thomas Kemp. has easdem sententias, eadem verba, & eundem sensum habet in aliis operibus, ut monstravi Inform. p. 3. arg. 20.

*Argumentum 21.* In Codicis Cavenensis M.S. initiali littera cernitur depictus monachus niger cum Cruce; atqui tales imagines in littera initiali denotant authorem libri; ergo author est monachus niger. Valsechus, qui in suo Gersene Vindicato à folio 16. usque ad folium 38. urget, adducit 15. Codices M. SS. à se visos, qui in littera initiali continebant imaginem authoris. 2. In talibus initialibus litteris frequenter quidem depictum fuisse authorem libri, sed longè frequentius fuisse depictum vel objectum libri de quo agitur v. g. sanctum, cujus vita describitur; vel scriptorem ac librarium, vel Patronum scribentis, vel allusionem ad materiam libri, vel mille alias phantasias pro ornamento libri. Tales imagines idem antiquitus fuerunt, quod nunc sunt iconismi libris præfixi, aut etiam litteris initialibus inserti. Lustravi in variis Bibliothecis plura millia Manuscriptorum; incidi in multas tales imagines insertas initialibus litteris, paucas reperi, in quibus designatur author; longe plures, ubi longe aliud repræsentatur. Reperi in Tomo. 2. *Itineris litterarii* P. Martenne Benedictini 1724. editi, quod ipsemet in Abbatia Wastensi repererit Codicem M. S.



M S. in quo continentur Expositiones S. Augustini in Psalmos, descriptæ à Radulpho monacho; ab initio cernitur depicta imago Radulphi, qui scripsit librum. In nostra Bibliotheca habemus vitam S. Udalrici scriptam sæculo 12. in littera initiali depictus est Canonicus in Rochetto; plura talia exempla adduxi Inform. p. 3. arg. 21. sed quid pluribus opus? qui dubitat, inspiciat litteras initiales Breviarii, reperiet nempe tot authores, quot ibi depinguntur sancti. Itaque, si omnis præsumptio ducitur à communiter contingentibus, & imagines litterarum initialium communius authorem non designant, illa Cavenfis imago nullam pariet præsumptionem pro autore Benedictino.

## P A R S III.

Argumenta pro Joanne Gersen adduci solita expenduntur.

**A**rgumentum 1. Bellarminus de scrip. Eccles. dicit; valde probabile esse, authorem L. d. I. esse Joannem Gersen. R. Bellarminus revocavit suam sententiam in editione 1613. & ante mortem; ob quod etiam in editione 1622. ea revocatio appressa est.

Argumentum 2. Julius Nigræus S. J. agnoscit Gersenem 1617. R. Et hic anno 1621. in Tr. de cura minimorum revocavit suam sententiam.

Argumentum 3. Rosignolius S. J. fatetur, Joannem de Gessen esse authorem. R. Rosignolium id credere ex hac ratione, quia putavit Codicem Aronensem ex vetusta Benedictinorum Bibliotheca protractum esse. Id verò

suppositum falsum esse, jam constat ex testimonio Maioli S. J. qui testatur, se eum Codicem ex domo Paterna anno 1579. Aronam detulisse.

Argumentum 4. Posslevinus sequitur Rosignolium. R. Id falsum esse, expressè enim dicit: *Nos sequimur communio rem sententiam, eosdem libros tribuimus Thoma de Kempis.*

Argumentum 5. Besoldus stat pro Gersen. R. In ultimis suis operibus nempe in *Synopsi Politica* 1637. stat pro Thoma.

Argumentum 6. Anno 1687. Concilium Eruditorum Parisiis judicavit, Codicem Aronensem ab annis saltem 300. exaratum esse, adeoque ante annum 1387. Itaque non potuit scribi à Thoma Kempensi nato 1379. sed à Joanne Gersen Abbate, cujus nomen ille Codex præfert. Concilium illud eruditorum obfignarunt unde viginti, videlicet, Faure, de Saint Beuve, Cousin, Elias Dupin &c. Ita Thullierus Hist. n. 34. R. Concilium illud Eruditorum non judicasse, Codicem Aronensem ante annum 1387. scriptum esse; & si hoc judicasset, certò errasset, utrumque demonstro. Primum sic ostendo, quia Elias du Pin, qui in sua Bibliotheca Ecclesiastica fusissima dissertatione describit hanc Controversiam; ibidemque fatetur, se præsentem fuisse illi Parisiensi Eruditorum Concilio, immo, qui juxta Thullierum Concilio subscripsit, in eadem dissertatione ultimò concludit, librum de Imitatione scriptum esse à Joanne Gerson Cancellario Parisiensi ad initium sæculi 15. Cum ergo Dupinus Gersonem natum 1363. censeat authorem, quomodo judicare potuit, Codicem Aronensem



nonsem scriptum esse, ante annum 1387. aut 1371. ut scribit Thullierus deinde Dupinus in dissertatione illa, postquam retulit acta illius Eruditorum conventus, concludit his verbis: *Qualitas Abbatis S. Stephani Vercellensis Ordinis S. Benedicti, qua tribuitur prætenso Joanni Gersen, non innititur ullo fundamento, aut ullo testimonio fide digno.* Quomodo ergo tævet Gersen illud iudicium, cui subscripsit Dupinus? denique Dupinus in sua Historia Ecclesiastica, quæ est inter ultima ejus opera, Tomo 4. agens de scriptoribus sæculi 15. dicit: *Ultimò consideratis omnibus librum de Imitatione relinquendum & adscribendum esse Thoma Kempensi.* Manifestum itaque est, verba illa, à trecentis annis, quæ desumpta sunt ex ipso Dupino, non habere sensum exclusivum, ita ut sensus sit, ante trecentos annos Codicem Aronensem scriptum esse; sed eadem habere sensum inclusivum, ut sensus sit, jam tertium centenarium seu sæculum agi, ex quo ille Codex scriptus est. Sic dicimus; *Tertio abhinc anno, octavo abhinc die*, includendo illum annum, vel diem, unde numerandi sumimus initium, idem sensus est, dum dicimus aliquid factum esse ante triduum, octiduum, triennium &c. Sic etiam Chrysostomus tom. 6. homil. 26. dicit, ex eo, quod vixit D. Paulus, jam elapsos esse quingentos annos; & alibi dicit; Jerosolymam jam ante quingentos annos subversam esse; cum tamen Chrysostomus mortuus fuerit anno 410. & S. Hieronimus Epist. 29. scribens anno 406. citat Irenæum his verbis: *Hoc ille scripsit ante annos circiter trecentos.* Certum est Irenæum illud

scripsisse anno 176. itaque primum elapsi erant anni 230. Hi tamen Hieronymo sunt anni *circiter trecenti*. Si itaque Dupinus & Concilium eruditorum Parisiense dicunt, Codicem Aronensem à trecentis annis scriptum esse, eodem modo intellige; Subtrahe ab anno 1687. annos 230. & reperiēs, eum ex mente illorum virorum circa annum 1457. scriptum esse. Quod ipsemet sine ullo scrupulo concesserim. Restat jam probandum alterum, quod nempe viri illi in suo genere eruditi, si Codicem Aronensem Sæculo 15. judicassent antiquiorem, certò errassent. Unde id scio? ex novo Generali eruditorum Concilio celebrato Mediolani anno proximè præterito 1726. Examinarunt enim de novo in Italia Codicem hunc Aronensem viri in re antiquaria peritissimi, inter quos etiam Illustrissimi Comites Mediolanenses *Antonius Simonetta, & de Sylva*, de quorum admiranda in dissecutiendis antiquis Manuscriptis industria constat erudito orbi ex editione novissima scriptorum Italiæ: ejusdem Aronensis Codicis formam scripturæ, quæ extat in Mabillonio *de Re diplomatica*, examinerunt de novo viri in Germania in Manuscriptis versatissimi; judicarunt omnes, hanc scripturam sæculo 15. non esse antiquiorem. Rei seriē ex litteris viri cujusdam in primaria dignitate constituti Anno 1726. 17. Julii ad Amicum suum in Germaniam missis, quarum authographum asservo, his verbis accipe. Sic habent: *Curavi, ut Arona deferretur exemplar controversum [Codicis Aronensis] illudque subjeci Eruditorum oculis, quas in hac urbe nostra celebriores novimus. En! autem illorum*



illorum iudicium in annexo folio fideliter expositum. Unanimi scilicet consensu post diligens examen pronuntiant, exemplar prefatum ante annum 1400. minimè fuisse conscriptum. In eadem ferme sententia se proficitur P. Joannes Baptista de Musca in Collegio Braydensi Bibliotheca Prefectus; eique libenter subscripturum intelligo Patrem Harthzheim, qui fertur exemplar idem non semel nec persuntorie inspexisse, dum tertium probationis annum in Aronensi domo perageret. Me commendo. Mediolani. 17. Julii. 1726.

### Annexum folium.

**Q**UOD attinet ad Aronensis Codicis veritatem, si spectes tum ipsissimam characteris formam, tum interpositas passim compendiaras contractiones verborum, non videtur ante annum 1400. fuisse descriptus. Ita mecum Eruditissimi quique Nobiles viri statuendum esse censuerunt; nominatim in tota hac rerum tractatione peritissimi Urbis nostre Equites, Comes Antonius Simonetta, & Comes Sylva, postquam Manuscriptum ipsum diligentissime, quæ fuit illorum humanitas, perspexissent. Hucusque prefata litteræ. En! sic judicant viri in Italia Eruditissimi, judicant post diligens examen, judicant illi, qui, ut apparet ex editione Scriptorum Italiæ, excusserunt innumeros M. SS. Codices, denique judicant de antiquitate Codicis Itali, & characteris Itali. Concilium verò Parisiense & totum examen absolutum est intra tres horas, ut scribit ipsemet Dupinus; constitit ex viris, qui nullum unquam suæ in Manuscriptis peritiæ ediderunt exemplum; judicarunt Galli de characterè Italico; judicarunt de Codi-

ce, in quo creberrima puncta aut certe contractiones virgulæ supra litteram 1. manifestè produunt sæculum 15. Itaque, si judicarunt antiquiorem sæculo 15. liberrimè Judicium Paradisi puta.

*Argumentum 7.* In Codice Padolironensi extat hæc inscriptio: *Incipit liber Joannis Gersen primus de contemptu mundi.* Atqui hic Codex à Parisiensibus 1671. judicatus est incorruptus. R. In hoc Codice, uti & in Aronensi, per Joannem Gersen intelligi Joannem Gerson Cancellarium Parisiensem. Unde id constat? ex eo constat, quia in hoc ipso Padolironensi Codice, & in alio adhuc Joanni Gersen adscribitur atque additur prædicatum Cancellarii Parisiensis. Valsechus in suo Gersene vindicato c. 1. fol. 31. & 31. fatetur, in suo Monasterio della Badia reperiri Manuscriptum in quarto scriptum anno 1466. membranaceum, cum hac inscriptione: *Incipit libellus devotus & utilis compositus à D. Joanne Gersen Cancellario Parisiensi, de Imitatione Christi.* Et Mabillonius in suis *Animadversionibus* fatetur, in hoc ipso Padolironensi Codice contineri Epitaphium Joannis Gersonis Cancellarii Parisiensis, in quo loco *Gersonis* nomen *Gersenis* scriptum est. Taxat quidem Mabillonius librarium, quod huic Gersen addiderit ex supina ignorantia prædicatum *Consolatorius*, dum scribere voluit Cancellarius. Verum Mabillonius non librarii, sed suammet propriam in hac re prodit ignorantiam, dum ignorat, in antiquis editionibus operum Gersonis Cancellarii eam ubique habere titulum *Doforis Consolatorii*, quod ille librarius expri-



mere voluit, dum usus compendio per abbreviationem scripsit, *Consolarius*. Clarum itaque ac demonstratum est, in duobus Codicibus per Joannem Gersensem intellectum esse sæculo 15. in Italia *Joannem Gerson Cancellarium Parisensem Doctorem Consolatorium*. Ac proin nullum prorsus ex Codicibus Italicis habetur fundamentum pro nescio quo Joanne Gersen Benedictino, qui unquam in rerum natura exitit.

*Argumentum 8.* Mabillonius detexit duos alios Codices, videlicet *Parmensem*, ubi sic legitur: *Explicit liber quartus S. Joannis Gerseni de Sacramento altaris*. Et *Bobiensensem*, ubi sic legitur: *Incipit liber Joannis Gerseni*. R. Sicut prius, per Joannem Gersensem Joannem Gerson in Italia intellectum esse, ut demonstratum est; Codices autem hi quatuor, nempe *Aronensis*, *Padolironensis*, *Parmensis*, & *Bobiensis* sunt scripti in Italia. Cum itaque præter hos quatuor Codices nullus alius à Benedictinis repertus sit, qui habeat nomen *Joannis Gersen*, jam cuilibet manifestum erit, in omnibus Codicibus hucusque productis (sunt autem omnes quatuor Itali) per nomen *Gersenis* intelligi *Gersonem* Cancellarium.

*Si dicas*: In Codice *Aronensi* *Joanni Gersen* addi prædicatum *Abbatis*. R. Quis scit, Joannem Gerson ante suum exilium non fuisse Abbatem titularem, ut sunt in Gallia & Italia plerumque: dein constat aliquos, inter quos etiam *Possevinus*, confudisse inter se duos fratres, Joannem Gerson Monasterii *Colectinorum* Priorem seu Abbatem *Lugduni*, & Joannem Gerson Cancellarium. Potuit *Possevinus* vir Eruditissimus

Joanni Gerson Abbati per errorem tribuere prædicatum sui fratris, nempe *Cancellarii*; potuit etiam librarius Joanni Gerson Cancellario per similem errorem tribuere dignitatem sui fratris, nempe *Abbatis*, maxime cum ambo fratres habuerint nomen *Joannis*. Sic & nostris temporibus contigit, à multis confusos, confusos esse inter se duos *Claudios Fleyry*, quorum unus Cardinalis nunc agit ministrum regni Galliarum. Vidi libellum impressum, nempe *Catechismum* adscriptum Cardinali, cum tamen illud opusculum sit partus alterius *Claudii Fleyry*. Verolimile ne esse poterit, errare centum Codices *M. SS.* & testes coævos Thomæ Kempeni, ne dicere cogamur, errasse unum librarium in titulo Gersonis, dum tamen errandi jam demonstrata est occasio, & in *Possevino* exemplum? juxta meas certe Leges Criticas talis probabilitas quæ se habet ad probabilitatem oppositam ut  $\frac{1}{100}$  ad  $\frac{100}{1}$  est nulla.

*Argumentum 9.* In plurimis Codicibus liber d. I. tribuitur Joanni Gerson Cancellario; nec hujus erroris potest alia reddi ratio, nisi quia author est Gerson, cujus nomen per errorem mutari facile potuit in nomen *Gersenis*, &c. Quod nomen *Gersonis* in Italia transfiguratum sit in nomen *Gersenis*, supra demonstratum est; quod vero aliquis per *Gersonem* *Gersenem* intellexerit, fingitur, quia asseritur sine exemplo. Occasio autem, cur *Gersoni* liber d. I. tributus fuerit, erat hæc, quia prima exemplaria libri d. I. scripta intra annum 1420. & 1430. fere omnia erant anonyma; ego certe talia anonyma eo tempore scripta in variis Bibliothecis



thecis ad minimum triginta aut quadraginta reperi. Itaque necessario conjecturæ locus relinquebatur, quis esset libri Author. Plurimi, qui de Thoma Kempensi nihil audierant, adscripserunt hunc librum Bernardo, alii & plures Gersoni, quia omnes Bibliothecæ tunc temporis impletæ erant recenter opusculis Gersonis Asceticis. Enumeravi Inf. p. 1. arg. 9. viginti novem talia Gersonis opuscula, quorum aliqua titulum habent, & materiam tractant libro d. I. satis congruentem. Dabatur igitur erroris occasio propinqua, proum erat errare; videtur tibi sapienter actum, negare testimonia centum testium coævorum pro Thoma Kemp. nulla laborantium suspicione falsi, & habentium adminiculantes præsumptiones moraliter certas, ne in casu, quo necesse est inter duas Partes unam errasse, dicatur errasse illa, in qua dabatur major errandi proclivitas?

## PARS IV.

Argumenta contra Joannem Gersen expenduntur.

**A**rgumentum 1. Liber de Imitatione scatet Idiotismis germanicis; ergo author fuit germanus; quia non potest produci ullus author Italus, aut Galli, in quo reperiantur hi termini. Inter plurimos assero paucos. 1. Si scires totam Bibliam *exterius*. *Aufwendig*. 2. De seipso nihil *tenere*. *Nichts halten*. 3. Legere libros altos. *Hohe Bücher*. 4. Leviter indignatur. *Leicht jörnig*. Leviter murmurat. Cuncta possemus facere cum levitate. 5. Bonum est habere

re aliquas *gravitates*. 6. Oportet te ipsum frangere. *Kopfbrechen*. 7. *Toncas* te tanquam exulem. 8. Ah! reportis & negligentia! *O der Läuigkeit*. In genitivo. 9. *fortiter* proponens. 10. *Tepescimus tam mane gar zu frühe*. 11. Valde cito *tecum erit factum*. 12. Si rectè tibi esset. *Wans dir recht wäre*. 13. In moriendo totum *jacer*. *An sters ben ligt alles*. 14. Non est remedium nisi ut *te patiaris*. *Das du dich gedüldest*. 15. Quare tam parva tibi *ad cor transeunt*. *Zu Herzen gehen*. 16. *Nihil dignus sum*. *Ich bin nichts werth*. Heferus integrum Lexicon talium Idiotismorum germanicorum ex l. d. I. edidit.

Argumentum 2. Joanni Gersen conjunguntur eæ circumstantiæ status, locorum, & temporum, quæ sunt manifestè falsæ; ergo & ipse est figmentum, quod ne quidem unquam in rerum natura existit. 1. dicitur fuisse Magister S. Antonii de Padua, sed hoc evidenter falsum, evincitur ex innumeris testimoniis, quibus ostenditur eum Magistrum fuisse Thomam Vercellensem. 2. dicitur esse natus de Canabaco, cum tamen hic locus in toto mundo nullibi existat. Dicunt quidem Benedictini per Canabacum intelligi oppidum dictum Cavaglia prope Vercellas. Sed hoc certò falsum est. Scripsi propterea Vercellas ad Amicum in dignitate constitutum, responsum est; neminem unquam somniasse, per Cavagliam intelligi Canabacum responsoriæ 1726. 13. Junii data sunt hæc: *De Canabaco falso interpretari, de Cavaglia pro certo habeo*. Ecce, argumenta. Legimus in Archivio hujus urbis [Vercellensis] membranas omnes,



charattere Gotico & latino sermone descriptas illo ipso seculo, quin illis annis, quibus vixisse dicitur Joannes Gersen, agentes de Cavaglia: nulla Canabacum nominat. Exscripta circa initium seculi 13. habent Cavagliaga, Cavangliaga, Cavaglia. Que vero circa medium ejusdem seculi, & infra; omnes habent Caballaga; quod nomen adhuc in usu est in latino sermone. Secundo, parochus ejus loci, qui ceterum magno emeret assertam eam sua patria laudem, quod protulerit authorem praeclarissimi operis fateatur, se nusquam reperisse Canabacum dici pro Cavaglia. me commendo. Vercellis. Die 13. Junii 1726. Ceterum, quod per Joannem de Canabaco, qui scriptus legitur in capite Codicis M. S. Allatiani possit intelligi Joannes de Rorbach possessor libri, monstravi; Inf. p. 4. arg. 3. ipsemer in mea Bibliotheca habeo librum, in cujus titulo superius scriptum est nomen Joannis de Rorbach, cui donatus fuerat ille liber, vidi etiam in Bibliotheca Cathedrali Augustæ Bibliam M. S. in cujus initio scriptum erat nomen possessoris hoc modo: *Emiconis Episcopi*. Nuper etiam iacidi in imaginem Arnoldi de Kirchenbach; scriptum est: *Arnoldus de Kirchenbaco*. talesterminationes derivata à Germano vocabulo *bach* utique produnt originem Germanam. 3. exprimitur nomen Joannis Gersen hoc modo: *Joannes Gersen de Canabaco*. Sicque ei affinguntur duo cognomina, quod erat prorsus inauditum seculo 13. & 14. 4. Dicitur Joannes Gersen vixisse tempore S. Francisci & S. Dominici, sed hoc falsum esse, constat ex eo, quia author libri de Imit. l. 1. cap. 18. dicit: *O quantus servor omnium Religiosorum in principio sua*

sanctæ institutionis fuit; Sed jam Sc. hæc querela de relaxatione primi fervoris non habuisset locum eo tempore, quo primus fervor in Ordine S. Francisci & S. Dominici viguit. citat etiam verba S. Francisci annotata à S. Bonaventura; vixit proin post S. Bonaventuram. 5. dicitur Joannes Gersen vixisse in monasterio S. Stephani Vercellis ad initium seculi 13. ubi etiam dicitur fuisse Abbas. Sed hoc iterum convincitur falsitatis. En! reteximus nomina omnium Religiosorum, qui ad initium seculi 13. fuerunt in eo monasterio; nullus inter omnes gerit nomen Joannis, multo minus Gersenis. Testes iterum habeo litteras Vercellis anno 1726. scriptas, supra citatas, quæ sic habent: *Evolvi diligentissime in Archivio hujus Civitatis [Vercellensis] membranas omnes spectantes ad seculum 13. aliquæ sunt ibi, quæ spectant ad dictam Abbatiam [S. Stephani] Abbatibus nomen nullum legitur, præter Robaldi in quadam membrana, in qua occasione cujusdam contractus initi ab eodem Abbate cum Urbis Prætoris ipsius nomen apponitur, & enumerantur præterea ut præsentis omnes fratres, qui tunc in eo monasterio aiebantur. Exarata est membrana ista anno 1206. die 16. Decembris; & observo, quod inter fratres, qui recensentur, nullus omnino Joannes legitur. Vercellis. 13. Junii. 1726. ut supra.*

6. Dicitur Joannes Gersen fuisse Abbas in monasterio S. Stephani Vercellis circa annum 1220. sed nec hoc verum esse potest; quia eo tempore jam fuerunt Abbates Commendatitii in præfato monasterio. Anno 1206. & 1214. Abbas in eo monasterio fuit Robaldus, ut proximè vidimus. Sed is ipse jam fuit  
Abbas



Abbas commendatitius, ut constat ex Catalogo Abbatum præfati monasterii. Hunc Catalogum D. Franciscus Augustinus ab Euleria Episcopus Salutiensis in sua Chronologia Historica Cardinalium, Episcoporum, & Abbatum Pedemontanæ regionis edita 1645. C. 34. sic ponit: 1. Hugo 1172. 2. Joannes Scotus Doctor egregius. 12 ---. 3. Robaldus, qui etiam fuit Canonicus S. Eusebii 1214. 4. Guilelmus Advocatus ex Dominis Queregne 1340. 5. Simon de Bondonis Nobilis Vercellensis 1351. 6. Guilelmus de Bondonis Simonis nepos 1368. &c. &c. Ex quo plane apparet jam ab anno 1207. usque ad annum 1553. fuisse in monasterio S. Stephani Abbates commendatitios. Cum itaque Joannes Gersen non potuerit vivere ante ea tempora eò quod citet *humilem S. Franciscum*, relinquitur, eum Abbatem Regularem inter Robaldum & Guilelmum intrusum autoritate Cajetani esse fictitium. Sed nec fingi potest Joannem Gersen ad initium sæculi 15. rexisse Abbatiam S. Stephani, quia eo tempore iterum erant Abbates commendatitii in eo monasterio. Nam post Guilelmum de Bondonis ponitur. 7. Benedictus de Bulgaris Nobilis Vercellensis 1406. 8. Percival de Lucingio 1460. 9. Joannes de Compesio Archiepiscopus Tarentasiensis &c.

*Argumentum* 3. Liber de Imitatione scriptus est ad initium sæculi 15. quo nullus extitit Joannes Gersen Abbas Vercellensis ad S. Stephanum Benedictinus, ergo non habet eum authorem. Quod eo tempore nullus talis Abbas extiterit, ostensum est arg. 2. prius sic ostenditur: ante initium sæculi 15. nulla

existit in ullo scriptore hujus divini libri mentio, etiam si de rebus Asceticis & de Ascetis aliis scripserint plurimi. 2. nullum illius defacto extat exemplar M.S. in tota Europa sæculo 15. antiquius, licet aliorum Ascetarum illorum temporum defactos plurima extent exemplaria. 3. nulla in ascetis ad initium sæculi 15. & antecedentium extant tacita vestigia, quod aliquando hunc librum legerint, quod ex illo applicent, quod ad illum alludant, vel quomocunque respiciant. 4. scriptores sæculi 15. omnes, qui agunt de scriptoribus Ecclesiasticis, eum referunt ad initium sæculi 15. Trithemius ad annum 1410. Bergomensis ad annum 1406. ergo nec habuerunt famam, nec Codicem M. S. nec ullum aliud indicium majoris antiquitatis. 5. Librarii sæculi 15. ferè omnes tribuerunt hunc librum aut Gersoni, aut Thomæ Kempensi, qui ambo vixerunt sæculo 15. atqui hoc fieri non potuit, si in tota Europa extitisset Manuscriptum, aut fama, aut ullum aliud indicium majoris antiquitatis; quomodo enim totus orbis ausus esset librum adscribere auctori, qui adhuc erat in vivis, aut recentem mortuus, si liber ille jam scriptus fuisset ante ducentos annos, nempe circa annum 1210? 6. Exemplaria antiquissima, quæ extant, scripta sunt ab anno 1420. usque ad 1450. eaque fere omnia sunt anonyma. Quomodo potuit librarios omnes latere nomen auctoris, si jam ducentis annis integris habuissent tempus inquirendi in nomen auctoris. 7. Exemplaria antiquissima scripta ab anno 1420. usque 1450. pleraque sunt defectuosa, eo quod vel contineant primum librum, vel tres priores,



vel secundum & tertium; vel tantum quartum quæ hujus dismembrationis causa, si opus integrum jam ante ducentos annos editum erat? 8. in exemplaribus sæculi 15. ingens apparet diversitas; variant quoad ordinem librorum; dum alii ponunt quartum librum, quem nos ponimus tertium; aut tertium, quem nos secundum. Variant quoad ordinem Capitulorum, maxime in quarto libro. Variant in numero Capitulorum; sicut enim noster Codex Polinganus l. 4. habet C. 22. variant in Inscriptione ac titulo totius operis, dum alii intitulant de Contemptu mundi; alii de Imitatione Christi, &c. variant etiam in titulis Capitulorum. Unde tanta diversitas, si jam antea liber per ducentos annos consuetudine continua ad uniformem numerum detritus est? 9. Hic liber, quamprimum sæculo 15. cognosci cœpit, fuit in omnibus monasteriis descriptus, fuit omnium ore laudatus, fuit comendatus; cur non idem prioribus duobus sæculis idem contigit, si extitit? quomodo tamdiu potuit latere lux sub modio? quomodo non ipse spiritus, qui dictaverat, etiam ut promulgaretur, effecit? 10. Thomas Kempensis, qui sæpius hunc librum descripsit, cui nunquam hunc librum citat in alis suis opusculis: cur non prodit suis confratribus, unde librum acceperit? cur relinquit liberam se vivo circa se errandilicentiam, si scivit librum esse antiquiorem? habuisset in suis aliis opusculis laudandi hunc librum innumeras, occasiones cum sæpe non tantum in sententiis, sed formæ ad verba conveniat, cui non coronat fontem? 11. liber de Imitatione manifestè compactus est ex sententiis

primorum Patrum Windesheimensium; atqui isti primum mortui sunt ad initium sæculi 15. v. g. sententias D. Florentii & D. Luberti enumerat Thomas Kempensis vitæ scriptor has: 1. Assuesce & cogerte in camerâ manere, & in libro lege, donec sit tibi dulce, & grave exire, & cum gaudio intrare; fuge ad cellam sicut ad amicam, quia securus es in ea. 2. Festina ad cellam, & recuperabis devotionem perditam. 3. Disce intus marmere, & inter fratres & alios homines communiter & socialiter te habere. 4. Quam bene vobis est, & quam securè statis, quod potestis sic vivere sub obedientia? 5. Semper est melius sequi videre aliorum, quam proprium. 6. Hæc est verissima via ad virtutes resistere vitiis, & obedire Prælati, &c. Si liber d. I. jam erat antiquior D. Florentio & D. Luberto, cur non annotavit Kempensis, has sententias desumptas esse ex libro de Imitatione? 12. Liber d. I. respicit in pluribus locis ad Windesheimenses, eorumque cæremonias, leges, statuta, & consuetudines. Atqui Windesheimenses primum exorti sunt circa initium sæculi 15. respicit vero 1. ad exempla & congregationes devotorum, per quos tunc antonomasticè intelligebantur Windesheimenses, ut ostensum est p. 2. arg. 19. 2. ad exempla Cisterciensium & Carthusiensium, ad quos attendere jubent statuta Windesheimensia. 3. Respicit ad consuetudinem Windesheimensium certis tantum diebus celebrandi, aut communicandi. 4. Quando loquitur de communitatibus religiosiis, eas semper vocat *Monasteria vel Congregationes*; communitates autem Windesheimensium etiam à Thoma Kemp.



Kemp. plerumque in aliis ejus opusculis tantum vocantur Congregationes.

*Argumentum 4.* Liber d. I. quando loquitur de superioribus Monasterii semper eos vocat Prælatos, nunquam Abbates: hoc autem longè proclivius fuisset Benedictino, loqui de Abbate. Dicitur verò l. 1. c. 9. *Multò tutius est stare in subjectione, quàm Prælatura.* l. 3. c. 49. *Sive Prælatus, sive Junior à te aliquid exposcerit, totum pro bono accipias.* l. 1. c. 9. *Non invenies quietem nisi in humili subjectione sub Prælati regimine.* l. 3. c. 5. *Est amor subiectus & obediens Prælatis.* l. 3. c. 19. *Verus patiens non attendit, à quo homine, utrum à Prælato, an ab aliquo equali exercentur.* l. 1. c. 9. *Valde magnum est in obedientia stare, sub Prælato vivere.* Difficile fuisset, Benedictino nunquam excidere nomen Abbatis; facile autem hoc erat Canonico Regulari in Germania ubi superiores Canoniorum passim vocantur Prælati.

## PARS V.

Argumenta pro Thoma Kempensi expenduntur.

**A**ffero tantum duo Argumenta, sed moraliter certa. Primum ex testimonio plus quam 70. testium, qui vixerunt cum Thoma Kempensi eodem sæculo, in eadem Provincia, in eadem Congregatione, in eodem Monasterio, immo qui sæpius cum Thoma Kemp. fuerunt collocuti. Ab Orbe condito non potest afferri exemplum, quod tot ac tales testes erraverint, adscribendo librum celeberrimum viro familiari, coævo, coætaneo, confratri adhuc existenti in vivis, qui tamen jam

ante ducentos annos scriptus fuisset? quomodo possibile erat, ut fama totius Germaniæ lateret Thomam Kempensem; & si non latuit, quomodo possibile erat, ut non reclamaret, & de veritate edoceret suos confratres? vir ille non solum non cupidus laudis alienæ, sed nec suæ? quomodo etiam possibile erat, ut per decursum totius sæculi 15. usque ad annum 1600. non detegeretur error totius Europæ, error publicus, error in re digna consideratione omnium, error, qui ex productione antiquioris Codicis, aut alterius Indicis, aut sola etiam interrogatione Thomæ Kemp. potuisset corrigi. Nunquam aliàs ab orbe condito talis error contigit; & quod nunquam in innumeris circumstantiis similibus contigit, juxta Leges Criticas Contingentium fieri moraliter impossibile est. Secundum Argumentum sumo ex similitudine summa ac adæquata Libri de Imitatione cum aliis Thomæ Kemp. opusculis. Afferro plus quam trecentas *notas charactericas*, in quibus conveniunt, & quarum omnium collectio in nullo alio authore ostendi potest. Ostendi etiam posset ex Matheſi, ac legibus Contingentium vix non physice impossibile esse, ut duo Authores inter se diversi numero, conditione, statu, tempore, regione, institutione, ac studiis contingenter ac sine studioſo imitationis proposito conveniant in plus quàm trecentis Notis characteristicis, immo in Notis Scriptorum characteristicis omnibus, & quidem in omnibus opusculis. Iterum non habetur exemplum talis convenientiæ ab orbe condito; adeoque ea convenientia inter moraliter homini







esse Codicem, Prosper Farraudus memorie prodidit Testum, §. 2. Ita Heferus. Ehingeros verò fuisse viros doctissimos, patet ex Biographia alterius Ehingeri Bibliothecarii quondam Augustani ante duos annos à Bruckenio viro insigniter erudito Augustæ edita.

II. *Codex Augustanus ad S. Crucem, scriptus circa annum 1440.* In hoc Codice eadem manu in fine additur: *Compilator hujus opusculi fuit quidam Fr. Thomas nomine, de conventu & Ordine Canoniorum Regularium Ordinis S. Augustini Montis S. Agnetis Trajectensis.* Ipsemet hunc Codicem inspexi, & sic se habere comperi. Productus etiam fuit à Canonicis Regularibus in Judicio Eruditorum Parisiis 1681.

III. *Codex M. S. Rottenbuechenensis, scriptus circa annum 1440.* in fine habet hæc verba: *Viri egregii Thoma montis S. Agnetis in Trajecto Regularis Canonici libri de Imitatione Christi numero quatuor.* Vid. p. 2. arg. 1.

IV. *Codex M. S. Pollinganus circa annum 1442.* In nostra Bibliotheca asseruimus Codicem M. S. in folio continentem quatuor libros d. I. cum hac subscriptione. *Explicit libellus de Imitatione Christi editus, ut dicitur, à quodam Canonico regulari in Monasterio Pödiken Pardeborgensis Diocesis Provincia Colonienfis.* scribit R. D. Martenne in suo *Itinere litterario*, in hoc Monasterium introductos esse Windesheimenses; facile proin contingere potuit, quod Thomas Kemp. aliquamdiu hic commoratus sit. Quod verò hic Codex scriptus sit circa annum 1442. patet ex eo, quia in eodem Codice alius Tractatus similis characteris adscriptum habet annum 1442.

V. *Codex M. S. Colonienfis in Monasterio Carthusiensium scriptus 1447.* In Bibliotheca Monasterii S. Barbaræ Carthusiensium Coloniae extat Manuscriptum continens diversos Tractatus, quorum index ab initio libri sic habet: 1. *Speculum Henrici de Hassia*, 2. *Liber de discretionem spirituum ejusdem*, 3. *Aliqua opuscula cujusdam devoti Regularis* (quidam in margine apposuit, cujus nomen est Thomas Kempis Conventus prope Swollis] *de Sacramento altaris; de septem rebus, quæ placent Deo in suis electis; Brevisloquium exercitiorum spiritualium; Tractatus de virtutibus; Soliloquium anime in forma Dialogi, Libellus, qui appellatur, Qui sequitur me.* Ita habet Index. Ad finem libri de Sacramento altaris adjecta sunt hæc verba: *Hic Tractatus scriptus est anno 1447, in die Simonis & Jude.* Hoc Manuscriptum est productum à Canonicis Regularibus coram Eruditis Parisiensibus anno 1681.; & observatum duos primos Tractatus Henrici de Hassia, & ultimum, qui est primus liber de Imitatione, quoad scripturam differre ab aliorum tractatuum hujus Codicis Scriptura; notam etiam marginalem esse manus recentioris. Dupin Bibl. Eccles. t. 12. diss. §. 3. Verum per devotum Regularem intelligi Canonicum Regularem patet ex eo, quia Thomas Kemp. & alii, dum loquuntur de Canonicis Regularibus, plerumque tantum adhibent nomen Regularis. Sic v. g. Serm. 6. ad Novit. n. 6. dicit: *Fuit quidam frater in Ordine Regularium.* Et Serm. 13. n. 10. *Quidam frater Regularis Ordinis.* & serm. 14. n. 11. *Fuit quidam frater in Ordine Regularium,*



VI. *Codex Augustanus M. S. Germanicus circa annum 1450.* Augustæ in Monasterio S. Catharinæ Virginum Deo dicatarum Ordinis S. Dominici habetur Codex germanicus M. S. in 4. qui exhibet vitas Gerardi M. Florentii, & cætorum primorum Patrum Windesheimensium à Thoma Kempensi editorum. Interpres germanicus ab initio sic habet: *Incipiunt vite Beatorum Religiosorum Fratrum ac Patrum ex Ordine S. Augustini Canonorum Regularium, qui nostris temporibus in Belgio vixerunt, in Diœcesi Trajectensi; inter quos etiam fuit devotus & beatus Pater Thomas de Kempis; qui hunc libellum, atque alios complures nobiles Tractatus composuit. ille etiam est, qui composuit devotum libellum de Imitatione Christi cuius frequenter facta est mentio, quia liber est cuilibet utilis & valde consolatorius.* Hactenus Interpres, qui cum dicat hos Patres suis temporibus vixisse, quorum ibi vitæ descriptæ sunt, non potuit longo tempore vixisse post horum Patrum obitum, quorum plerique jam ad initium sæculi 15. mortui sunt; ultimus eorum Arnoldus mortuus est 1430. Observo etiam, Besoldum in suo Spicil. Polit. Jurid. 3. c. 1. de jure pacis. Testari, se in Monasterio Zvvifalteni vidisse libros de Imitatione in Idioma germanicum translatos & scriptos anno 1448. Vid. Heferum. Diopt.

VII. *Bruxellensis Carthusiensium, scriptus anno 1463.* Chiffletius c. 7. suæ Apologiæ testatur, se in manibus habuisse Manuscriptum Carthusiensium Bruxellensium, quod sic finit: *Explicit devotus Tractatus cujusdam Regularis de Interna locutione Christi ad animam fidelem, scriptus in anno 1463. & pertinet*

*ad Carthusienses domûs Sylvæ S. Martini prope Geraldî monem.* Dupin. Bibl. Eccl. t. 12. diss. §. 3. Quod vero Librarius per Regularem intelligat Canonicum Regularem jam num. 5. fuit ostensum; & iterum confirmatur ex eo, quia Thomas Kemp. ipsemet in suis opusculis ad minimum vigesies per Regularem simpliciter intelligit Canonicum Regularem. Sic in vita Gerardi c. 15. dicit; *Ex Congregationibus Gerardi nonnulla Monasteria Regularium initium accepisse.* Illa autem dicit, fuisse Ordinis S. Augustini & c. 15. dicit: *Habuit in proposito adificandi Monasterium Ordinis Canonorum Regularium --- ad hunc Ordinem Regularium inductus fuit propter reverentiam Joannis Rusebroec Prioris Viridis Vallis in Ordine Regularium.* In vita Joannis ait: *Monasterium Sanctimonialium construxit, in quo fecit illas habitu regularium investiri --- sepultus est in Monasterio Sanctimonialium Ordinis Regularium in Dyepenvene.*

VIII. *Codex M. S. Bibliotheca Cesarea scriptus 1467.* De hoc A. R. D. Raymundus Duellius, vir in orbe Erudito notissimus, in litteris ad nos 1725. datis sic scribit: *Vidi ego Codicem M. S. in Bibliotheca Hohendorfiâna, qua suam nuper Cæsar auxit, sæculo 15. exaratum, in cujus fronte Thomas habitu Canonici Regularis ejusdem avi manu depictus sistitur: sequuntur verba: Incipit Liber I. F. Thoma de Kempis Canonici Regularis Ordinis S. Augustini, de Imitatione Christi, & contemptu omnium vanitatum mundi. In fine legitur: F. Thoma de Kempis, de Imitatione Christi, deque contemptu mundi devotum & utile opusculum finit feliciter. Codex membranaceus est in 4. ubi*



ubi charta vaga ita habet : Ce Manu-  
scrit a appartenu à Messire Baudoin de  
Lannoy Seigneur de Molambais , fait  
Chevalier de la Toison D'or l'an 1467.  
id est, Hoc Manuscriptum pertinuit ad  
D. Baudoinum de Lannoy Dominum  
de Molambais, qui factus est eques au-  
rei velleris anno 1467. Litteras amici  
Clarissimi penes me asservo.

IX. *Codex Dalheimensis scriptus 1471.*  
Pro ductum fuit 1681. coram Eruditis  
Parisiensibus hoc Manuscriptum domus  
S. Petri & S. Antonii Dalheimensis, in  
quo reperitur Extractum ex opusculo  
Hugonis de Claustro animæ, scriptum  
1475. Et liber de Imitatione sub titulo  
*Tractatus de Contemptu mundi.* Ad finem  
hæc verba aliâ manu adscripta sunt:  
*Explicit libellus de contemptu mundi*  
*quem fecit frater Thomas Kempis Pro-*  
*fessus in monte Agnetis Ordinis Canoni-*  
*corum Regularium. Obiit ætatis sue anno*  
*92. In Ordine devotus 65. Requiescat in*  
*perpetua pace, pro quo debitum solvi an-*  
*no 1471. Cosma & Damiani, quo anno*  
*obiit. Cum itaque librarius Notæ illius*  
*annotet diem, quo pro Thoma Kemp.*  
*ex fœdere Missam persolvit, videtur*  
*non longo tempore post mortem Tho-*  
*mæ Kemp. adjecta esse nota illa. Certè*  
*constat, scriptam esse ab aliquo, qui erat*  
*confœderatus cum Monasterio S. Agne-*  
*tis & Thoma Kemp. Vide Dupinum. l. cc.*

X. *Codex Dunensis, scriptus ante an-*  
*num 1472.* Apud Canonicos Regu-  
lares Lovanii asservatur Catalogus Ma-  
nuscriptorum Ecclesiæ Dunensis, de quo  
solenne Instrumentum sic habet : *Item*  
*in eodem armariolo servatur alius Catalo-*  
*gus duplex in octavo, scilicet dum B. M.*  
*apud Endoviam, & Fontis B. M. Arn-*

*heim, scriptus anno 1472. in quo sic legi-*  
*tur : Thoma de Kempis Canonici Regu-*  
*laris devota exercitia. Idem. De Imita-*  
*tione Christi. Qui sequitur. Idem de in-*  
*terna locutione. Ejusdem Alphabetum.*  
*Ejusdem Dialogus ad digne celebrandum.*  
*Notaturque in margine, hos libellos extra-*  
*re in diversis Bibliothecis Belgii. Ita*  
*Instrumentum, cujus reliquas partes vi-*  
*de Inf. p. 7. & Dupin l. cc. Ex hoc autem*  
*patet, in Monasteriis Belgii vicinis*  
*Thomæ Kemp. ipso adhuc vivo fuisse*  
*opinionem quod ipse esset author.*

XI. *Codex impressus Augusta 1472.*  
Cujus ipsemet plura exemplaria vidi,  
ad finem sic habet : Viri egregii Tho-  
mæ montis S. Agnetis in Trajecto Re-  
gularis Canonici, libri de Imitatione  
Christi numero quatuor finiunt feliciter  
per Gintherum Zainer ex Reutlingen  
progenitum, litteris impressi aheneis. In  
exemplari, quod vidi in Conventu FF.  
Minorum Monachii, manu sæculi 15.  
adscriptus est annus impressionis 1472. &  
revera hanc Editionem primam libri de  
Imitatione non posse esse multo junio-  
rem, ex eo constat, quia Gintherus Zainer  
jam mortuus est 1475. ut habent docu-  
menta collegii ad S. Crucem Augustæ, ubi  
habet fundatum pro se anniversarium.

XII. *Codex M. S. in Bibliotheca Rei-*  
*publicæ Augustanæ, scriptus circa annum*  
*1475.* In hoc Codice continentur varia  
opuscula. Primum erat quondam liber  
de Imitatione. Secundum est Philo-  
biblon Richardi, tertium, S. Chrysosto-  
mi tractatus de Reparatione lapsi. Scripti  
autem sunt manu Mathiæ Farinatoris  
1472. Ultimum Codicis opusculum est  
Hugonis scriptum 1475. Primus verò  
liber de Imitatione est totus excisus &



Codice. Sed fur oblitus est excindere primum folium libri, in quo eadem manu, quâ totus Codex scriptus est, scriptus adhuc extat Index omnium tractatum in Codice contentorum; is sic habet. *Prima pars Tractatus de Imitatione Christi, Domini Thomæ montis S. Agnetis Canonici Regularis.* Ita se habere, ipsemet vidi ante triennium; & idem testatur Instrumentum Pro-Episcopi Augustani. Si quæris, quis exciderit? dico, me audivisse, id fecisse virum alias celebrem, per anagramma dictum, Angelum Crisoletum; num verum sit, pro certo non habeo; hoc scio, alium quendam ejusdem cum Crisoletò Ordinis defendisse, pro tuendâ veritate tales artes permissas esse, si veritas aliunde certa sit.

XIII. *Codex Mayseckensis M. S. 1477.* A. R. D. Paulus Schooff Prior Rubecavallis & Generalis Congregationis Windesheimensis penes se habuit ex Monasterio Majore Mayseckensi Canonorum Regularium librum d. I. C. scriptum 1477. manu Cornelii Offermans Rectoris quondam Conventus Mayseckensis, qui affirmat compositum esse à Fr. Thomæ de Kempis. Rosw. testim. §. 1. n. 6.

XIV. *Codex Impressus 1480.* D. Joannes Gelenius Vicarius Generalis Colonie testatus est, se vidisse libros de Imitatione Christi sub nomine Thomæ à Kempis, impressos anno 1480. Farr. testim. §. 3. n. 1.

XV. *Codex M. S. 1482. in Collegio S. Martini Can. Reg. Lovanii.* continet primum *Hortulum Rosarum*, quod est opus Thomæ Kemp. deinde sequitur liber 1. 4. & 3. de Imitatione Christi.

Ad hujus finem eadem manu adscriptum est: *Expliciunt Tractatus quatuor Thomæ de Kempis, devoti, & interni scripti & ligati per manus Fr. Simonis Jacobii de Leydis, professi in Leydendorff, pro tunc socii Rectoris hujus Monasterii Sanctimonialium antiquarum in Amstelredan. anno Domini 1482.* Hic Codex in corruptus repertus est coram Concilio Eruditorum Parisiis 1681. Dupin. t. 12. diss. §. 2. & 3.

XVI. *Codex Vemensis 1487.* De hoc Codice primam mentionem fecit doctissimus D. Schelhoorn in suarum *Amenitarum litterarum* tom. 4. edito 1728. continetur in præclara Bibliotheca Parillustis D. Raymundi de Krafft Consulis Reipublicæ Imperialis Ulmenfis, qui hoc anno sequens testimonium de hoc Codice, proprio Sigillo & manu munitum ad me transmittere dignatus est. Sic habet. In eadem Bibliotheca conspicitur quoque alia libri de Imitatione Christi editio per Joannem Zainer Ulmensem anno 1487. ubi opusculum hoc in titulo tribuitur Gersoni, sed in averfa facie tituli à manu antiqua ac uti videtur, editioni coæva hæc leguntur: Nota sequentes quatuor tractatulos confecit quidam Pater devotus, nomine Thomas Kempis de monte S. Agnetis Canonici Regularis Trajectensis diocesis. Subscriptio. Ita se habere manu sua & Sigillo Gentilitio testatur, confirmatque sub fide nobili eorundem librorum possessor. Ulmæ die 15. Julii anno 1727. Raymundus Krafft de Dellmensingen.

XVII. 18. 19. 20. 21. 22. Lovanii in monasterio S. Martini servatur Catalogus M. S. variarum Bibliothecarum Belgii circa annum 1487. conscriptus. Hic Catalogus



talogus asserit libros de Imitatione sub nomine Thomæ Kemp. asservari in quinque monasteriis; ipse verò catalogus addit suum testimonium sextum. Instrumentum publicum sic habet: Item in eodem armariolo alius liber valde antiquus M. S. in oblonga forma, qui est Catalogus multorum Manuscriptorum in diversis Bibliothecis Belgii extantium, in quo inter alia opera Thomæ à Kempis ponuntur libelli quatuor de Imitatione cum annotatione principii & finis cujusque libri. --- notaturque in margine, eos extare in Campo B. Mariae monasterio Ordinis Cisterciensis prope Bercam. In monasterio Guesdunck Ordinis Can. Reg. apud Gog. In monasterio S. Catharinae apud Noviomagum, & valle S. Martini Lovanii. & Endovia in dumo. Idem Catalogus pag. 302. sic habet: Frater Thomas de Kempis diocesis Colonienfis Canonicus Regularis in monte S. Agnetis prope svollam diocesis Trajectensis versatus in S. Scriptura compilavit plures parvos tractatus testes suæ devotionis, & utiles pro religiosis, videlicet Exhortationes ad vitam spiritualem; alias de Imitatione Christi; Admonitiones ad vitam internam trahentes. De consolatione seu locutione interna. De Communionem sacrâ. Productus est hic Catalogus coram Eruditis Parisiensibus 1681. Dupin l. cc. & Hefer. in Hecatomp.

XX. Argehtoratenfis impressus 1487. De hoc Codice P. Heferus in Hecatomp. pylo sic habet: In Casarea Regiæque Bibliotheca Pragensi asservatur Codex in 4. pretiose vestitus, cujus principium ita habet: Incipit liber primus Fratris Thomæ de Kempis Canonici Regularis Ord. S. August. de Imitatione Christi, & de con-

temptu omnium vanitatum mundi. C. 1. Qui sequitur me. In fine habetur. Fratris Thomæ de Kempis de Imitatione Christi, & contemptu omnium vanitatum devotum & utile opusculum finit feliciter Argentina impressum per Martinum Elach anno Domini 1487. Ex litteris Pragæ ad me datis 29. April. 1648. Quem ipsum librum postea reperi Augustæ in Bibliotheca Can. Reg. ad S. Georgium, & omnia sic se habere comperi. Ita Hef.

XXI. Norimbergensis impressus 1487. Quod nomen Thomæ de Kempis litteris æneis inscriptum habeat, testatur Joannes Saubertus, in Appendice ad Historiam Bibliotheca Reipublicæ Norimbergensis. Quia tamen forte est idem cum priori, sit.

XXI. Augustanus impressus 1486. De hoc in tom. 4. Amœnit. litter. ubi enumerantur antiquæ editiones Thomæ Kemp. Bibliotheca Ulmenfis Kraffenfis, sic habetur: Thomæ à Kempis von der Nachfolg Christi. Augustæ 1486. in 4. per Antonium Sorg.

XXII. Rebdorffenses M. SS. 1488. De his P. Heferus in Hecatomp. his verbis testatur: "Ex nobili cumprimis & „Codicibus perantiquis manu exaratis „instructissima Bibliotheca Monasterii „Rebdorffensis Can. Reg. Ord. S. August. non procul Eystadio nactus sum „Codices M. SS. tres, quorum duo si- „lent ætatem suam; tertius exscriptus „est anno 1488. in singulis his Codicibus legere est Vitam Thomæ Kemp. „ab authore anonymo, synchrono tamen, qui testatur, se ea, quæ scribit, „à fratribus illius Conventus, in quo „Thomas Kemp. vixit, accepisse, elaboratam. Testatur insuper ille anonymus,



„fratres, à quibus notitiam eam habet,  
 „adhuc vivere. Vita hæc typis quidem  
 „in vulgus sparsa est anno 1494. ve-  
 „rùm in omnibus his antiquioribus edi-  
 „tionibus omisus est Catalogus libro-  
 „rum à Thomæ Kemp. conscriptorum  
 „ad calcem annexus, quem tamen an-  
 „nexum esse ac subiectum author in  
 „ipsa descriptione Vitæ affirmabat.  
 „Hunc ego Catalogum perquam accur-  
 „rata confectum industria tribus illis in  
 „Codicibus continuè subnexum vitæ,  
 „ut tandem in publicum proferrem, ex-  
 „scripsi, exscriptum oculis Pro-Can-  
 „cellarii Academiæ Ingolstadiensis sub-  
 „jeci, qui fideliter à verbo ad verbum  
 „transcripta esse omnia testatus est die  
 „15. Augusti anno 1650. Vulgavi typis  
 „intra bimestre bis, Ingolstadii, & Pau-  
 „lò post typis regiis Lutetiæ Parisiorum.  
 „In hoc itaque Catalogo librorum Thomæ  
 „Kemp. à scriptore Synchrono, & ex  
 „notitiis ex ipso monasterio Thomæ  
 „Kemp. hausta conscripto inter opuscu-  
 „la Thomæ Kemp. recensentur etiam  
 „sequentia: *Quintum. Libellus senten-*  
 „*tiarum, & verborum humilis Jesu. A-*  
 „*lias vocatus, de Imitatione Christi.*  
 „*Scilicet: Qui sequitur me. Sextum.*  
 „*Secundus Tractatus. Regnum Dei in-*  
 „*tra vos est. Septimum. Tertius Tracta-*  
 „*tus. De Sacramento. venite ad me.*  
 „*Octavum. Quartus. De interna Christi*  
 „*locutione ad animam fidelem, scilicet,*  
 „*Audiam, quid loquatur in me.* En-  
 „testes ipsos Confratres Thomæ Kemp.  
 „qui cum eo in eodem monasterio vixe-  
 „runt; & hi in tribus Codicibus. Sit ergo.

XXV. *Codices impressi 1489. 1494.*  
*1502. 1514. 1488. Opera Joannis*  
*Gerlonis Cancellarii impressa sunt pri-*

mâ vice Colonia 1483. exemplar vidi  
 Augustæ in Conventu FF. Minorum. in  
 titulo vocatur: *Dominus Consolatorius*  
*Joannes de Gersenne & volumine 2. sic:*  
*per dominum Joannem de Gersenne Docto-*  
*rem consolatorium.* Secunda editio est  
 Argentinensis 1488. tertia Basileensis  
 1489. quarta, quinta, & sexta Argenti-  
 nensis 1494. 1502. 1514. eam de anno  
 1494. habemus in nostra Bibliotheca.  
 in nulla harum editionum comparet Li-  
 ber de Imitatione, extat tamen in edi-  
 tione 1488. 1489. 1494. 1502. & 1514.  
 Præfatio panegyrica Joannis Gerlonis,  
 præfixa à Petro Schouttenio, quæ ad fi-  
 nem sic habet: *Inter hæc opera, licet non-*  
*nulla sint, quæ Joannis de Gerson non esse*  
*verosimilius sit, ut est Tractatus contra*  
*propriarios S. Augustini, Compendium*  
*Theologia, sermo de conceptione, & si qui*  
*plures reperiantur, tamen, quia author al-*  
*ius non patebat, ideo loco suo persiste-*  
*runt. Alii autem Tractatus, qui sibi non-*  
*nunquam tribuuntur, sed tamen autho-*  
*rem certum habent, ut est Libellus de*  
*contemptu mundi, quem constat esse à quo-*  
*dam Thoma Canonico Regulari editum,*  
*& plures alii, non sunt operibus inserti.*  
 Ita habent illæ editiones quinque sit  
 ergo.

XXX. *Argentinensis impressus 1489.*  
 De hoc P. Heferus testis oculatus in suo  
 Hecatomp. sic habet: *Anno 1489. Ar-*  
*gentorati impressi sunt libri quatuor de*  
*Imitatione Christi, præfixo & subjuncto*  
*Thomæ Kemp. nomine. Libri frons sic*  
*habet: Thomas de Kempis de Imitatione*  
*Christi, & de contemptu omnium vanita-*  
*tum mundi. De interna conversatione.*  
*De Interna locutione Christi ad animam*  
*fidelem. Cum quantareverentia Christus*

fit



*fit suscipiendus. Ita habet frons libri, de-  
in sequitur Index Capitum. Post Indicem  
vero sic legitur: Incipit liber primus Fr.  
Thoma de Kempis Canonici Regularis Ord.  
S. August. de Imitatione Christi. In fine.  
Fratri Thoma de Kempis de Imitatione  
devotum & utile opusculum finit feliciter.  
Monstravi hunc & Zaineri Codicem im-  
pressum de quo supra, multis, qui conten-  
debant, non extare vetustiore editionem  
typographicam, quam Norimbergensem.  
Ita Hefer.*

XXXI. *Memmingensis impressus 1489.*  
Memmingæ in Suevia impressus est ab  
Alberto Kunne de Duderstat Tractatus,  
de elevatione mentis in Deum. anno 1489.  
ipso in limine libelli aliquis paucula præ-  
fatus sic ait: Author tractatus divinissi-  
mi de Imitatione Christi vocatur Do-  
minus Thomas Præpositus & Prælatus  
Canonicorum Regularium. En! po-  
tuit hic ex Thoma Kemp. quondam sui  
Monasterii Subpriori facere Præposi-  
tum, cur Codex Aronensis non potue-  
rit ex Joanne Gerson Priore quondam  
Cœlestinorum Lugduni facere Abba-  
tem?

XXXII. *Lugdunensis impressus 1490.*  
Hunc Codicem continentem Libros 4.  
d. I. asservari in Sorbona, testatur Tho-  
mas Carræus repet. 2. n. 4. eundemque  
extare in Bibliotheca ad S. Genovefam  
Parisiis, docet liber, cui titulus: La Con-  
testation touchant L'auteur de L'imi-  
tation. p. 1. prob. 4. cujus, author e-  
rat Canonicus Regularis ad S. Geno-  
vesam.

XXXIII. *Parisiensis impressus 1493.*  
Prodiit Parisiis 1493. versio Gallica li-  
brorum 4. d. I. cujus initium sit habet:  
*Hic incipit liber saluberrimus, inscriptus,*

*de Imitatione D. N. J. C. & perfecto  
contemptu presentis huius miseri mundi.  
Qui hætenus ab aliquibus S. Bernardo at-  
tributus fuit, aut Magistro Joanni Ger-  
soni; esto, res aliter se habeat, nam author  
illius in Domino fuit quidam venerabilis  
& devotissimus Religiosus, Canonicus Re-  
gularis S. Augustini dictus Frater Tho-  
mas de Kempis. Translatus è Latino in  
Gallicum qua translatio diligenter cor-  
recta est secundum Originale. Hucusque  
Interpres. Ad finem. Cy finist le Livre  
de l'Imitation imprimé à Paris par Jehan  
Lanobert le 26. Jour de Novembre 1493.  
vide de hoc Frontonem, Carræum,  
l'Auther de Livre de la Contestation  
Dupin. Bibl. Eccles. t. 12. diss. §. 4.*

XXXIV. *Parisiensis alius, impressus  
1493.* Author libri *La Contestation*  
cum de variis editionibus verba facit,  
pag. 17. sic ait: *Est alia editio Parisiensis  
formis Mittelhusii, eodem anno 1493.  
Ea extat & monstratur apud Canonicos  
Regulares Pontis Moussonii.*

XXXV. *Norimbergensis impressus  
1494.* Opera omnia Thomæ Kemp. u-  
no volumine impressa sunt Norim-  
bergæ 1494. exemplar huius editionis  
habetur in nostra Bibliotheca Pollin-  
gana. Primum locum in ea editione  
obtinent libri 4. d. I. hoc titulo: *Dul-  
cissimi ac divi Thomæ de Kempis, viri pi-  
issimi, religiosissimi, de Imitatione  
Christi opus quod fassè apud vulgares Ger-  
soni Cancellario Parisiensi impingitur.*

XXXVI. *Italica editiones.* Joannes  
Fronto Cancellarius Parisiensis in suo  
Thoma K. vindicato p. 3. §. 5. fidem su-  
am interponit, *se vidisse plures editiones  
in Gallia factas ante annum 1500. quæ  
Thoma Kemp. opus hoc attribuunt. Cum  
plures*



plures tales editiones Fronto viderit, lecebit mihi ponere duas.

XXXVIII. *Colonienses duo 1501. & 1503.* Coloniensis editio 1503. sic habet: *Explicit liber quartus & ultimus libri huius de Imitatione Christi ab Egregio viro Thomæ de Kempis editi.* In altera editione Coloniensi sunt eadem verba. Exemplaria utriusque habentur in Bibliotheca Garfensi in Bavaria. Hefer. in Hecat.

XL. *Colonienses duo 1507. & 1509.* Habent hæ editiones eandem subscriptionem quam priores duo. Exemplaria habentur in Bibliotheca Augiensi in Bavaria. Hefer. l. cc.

XLII. *Antverpiensis editio 1519.* Sub nomine Thomæ Kemp, hujus meminit Carraeus.

### Sequuntur nunc Codices

#### M. S. achroni

XLIII. *Lovanienfis, authographus.* Joannes Ulmmerius Canonicorum Regularium ad S. Martinum Lovanii Prior, de S. Augustino, S. Fulgentio, Paschasio & aliis antiquis authoribus, quos à mendis repurgavit, teste Vario Andrea in Bibliotheca Belgica, benè meritis, testatur, se ante multos annos accepisse Codicem hunc M. S. librorum de Imitatione à Canonicis Regularibus Montis S. Agnetis, affirmantibus, eum manu ipsius authoris Thomæ à Kempis scriptum fuisse, uti per traditionem continuam à majoribus suis ejus monasterii fratribus acceperunt. In hoc Codice continentur varia opuscula Thomæ Kemp. inter quæ etiam tres primi libri de Imitatione. In primo Codicis folio sic legitur: *Hic liber est scriptus manu & cha-*

*racteribus Reverendi & Religiosi Patris Thomæ à Kempis Canonici Regularis in monte S. Agnetis prope Subollam, qui est author horum devotorum libellorum.* Instrumentum desuper erectum habes Inf. p. 7. n. 3. En! habes tandem ipsum authographum & Protographum Thomæ Kempensis, in medio aliorum suorum opusculorum pariter authographorum; habes insuper traditionem monasterii S. Agnetis, ex quo Canonici circa annum 1570. à Confœderatis Belgii pulsi, Lovanium profugi, hunc Codicem secum ad Ulmmerium detulerunt, tanquam thesaurum sui monasterii maximum. An non hic solus Codex fundat præsumptionem moraliter pro Thomæ Kemp. certam?

XLIV. *Rhenani Codices M. S. R. P.* Joannes Harius multis in Societate Jesu perfunctus muneribus, bis Embricæ Clivorum Rector, subinde Provinciæ Rhenanæ Præfectus litteris suis ad P. Heferum testatur, passim Codices M. S. L. d. I. præsertim in monasteriis Can. Reg. reperiri, etiam ipsius Thomæ ætate exaratos, qui nomen ipsius tanquam authoris referant. *Cujusmodi, inquit, ante aliquot annos reperi Confluentia in Collegio nostro, cui obvenerunt plerique Codices de desolato Regularium monasterio.* Hefer. l. cc. Cum P. Harius viderit plures, minimum secutus, accipio duos.

XLVI. *Codices M. S. inferioris Germaniæ.* A. R. D. Albertus Luykenius, cum Prior esset Canonicorum Regularium Colonia ad Corpus Christi, & ejusdem Ordinis sub Capitulo Windesheimensis Generalis, testatus est, se in variis Germaniæ Bibliothecis librum d. I. Thomæ



Thomæ K. nomine præfixo vidisse, tum in variis Indicibus, tum in libris ipsis ita perscribens: *Vidi ego Indices Bibliothecarum quarundam domorum Ordinis nostri, & antiquâ fide scriptos, qui exemplaria M. SS. Imitationis Christi Thomæ adscribebant. Vidi ego eundem per partes in antiqua membrana & charta scriptum, interdum nullo ordine Capitum, vel librorum servato, interdum cum authoris nomine, interdum sine illo, aut hac adscriptione. Pii alicujus fratris. Rosw. test. §. 1. n. 7.*

XLVIII. *Augustanus M. S.* extat in Bibliotheca Reipublicæ Augustanæ Codex M. S. cujus titulum Catalogus hujus Bibliothecæ anno 1633. impressus sic ponit: *M. Thoma de Monte. S. Agnetis & Canonici Regularis in Trajecto, de Imitatione Christi, & contemptu omnium vanitatum mundi.* Hæc verba non esse authoris Catalogi, patet ex eo, quia aliàs semper annotat, quando Codex sit anonymus vel non. Scriptus autem videtur Codex circa annum 1454. quia in eodem Codice adhuc continentur duo alia Manuscripta, nempe *Alphabetum divini amoris, & Tractatus, de Arte moriendi.* Quæ adscriptum habent annum 1454. caterum liber d. I. jam excisus est, à Crisoleto, ut tunc temporis Augustæ fama erat. Testimonium ac Instrumentum de hoc Codice, quem ipsemet vidi, habes Inf. p. 7.

XLIX. *Chiffletianus M. S.* Vir eruditissimus, D. Philippus Chiffletius Abbas Ballernenensis in Epistola Bruxellis 1651. 2. Martii ad Heferum data sic habet: *Fuit Abbas Ordinis S. Benedicti, qui cum mihi commodasset elegans & antiquum Manuscriptum, quod librum de*

*Imitatione clarè Thomæ à Kempis legitimo ejus possessori attribuit; venerabilem antiquitatem additione sue manûs violavit, postquam è meis manibus exivit. Hefer. l. cc.*

L. *Tungrensis, & Latinenfis.* Sanderus in sua Bibliotheca Belgica M. S. testatur in Catalogo librorum M. SS. monasterii Latienfis Ord. S. Ben. Diocesis Cameracensis recenseri etiam hunc: *Thomas à Kempis de Imitatione Christi. Libri. 4.* Idem testatur talem asservari in Bibliotheca Canonorum Regularium Tungris hoc titulo *Thomas à Kempis, de Imitatione, & Sermones ad Novitios.* Sand. p. 2. f. 32. & 196.

LII. *Rebdorffenses.* In monasterio Rebdorffensi prope Eystadium repertiuntur duo Codices M. SS. de quibus Heferus l. cc. sic habet: *Primus insignitur littera L. alter littera M. ambo in Indicibus suorum opusculorum tractatum de Imitatione tribuunt authori de Kempis. Rem certam fecimus autoritate publica Notarii curati.*

LIV. *Rinsbergenfis.* Rinsbergæ Geldriæ in monasterio Can. Reg. membranaceus Codex perantiquus visitur, qui nomine *Thomæ à Kempis præfixo* libros de Imitatione Christi continet. Rosw. test. §. 1. n. 5.

LV. *Bavarici.* Jussit Serenissimus dux Baviaræ Maximilianus anno 1610. ut omnia monasteria Baviaræ conficerent Catalogum omnium suorum Manuscriptorum, eumque ad Bibliothecam Electoralem deponerent, Catalogi itaque à Bibliothecariis omnium monasteriorum Baviaræ confecti, propria eorum manu scripti, & ad Bibliothecam Electoralem missi sunt. Omnes hos



Catalogos perlegi, & reperi, in variis Monasteriis Bavariæ reperiri libros de Imitatione, aliquando sub D. Bernardi vel Gersonis Cancellarii plerumque tamen sub Thomæ Kemp. nomine, nunquam sub nomine Gersenis, multo minus Abbatis. Reperi itaque 1. in Catalogo Monasterii Raittenhaslach annotatum Codicem M. S. hoc modo: *Liber; non errabis. De Imitatione Christi, & Vanitate mundi. Sunt C. 25. Thoma de Kempis lib. 1.* Item alium notatum sic: de Imitatione Christi tr. D. Bernardi. Huic quidem adscriptus, sed continet Capitula 1. 1. Thomæ de Kempis. 2. in Catalogo monasterii Staingadensis reperi Codicem M. S. sic notatum. *Thoma de Kempis de Imitatione Christi. l. 4. acceperunt hunc libellum mutuum Weingartenses anno superiori, scriptus est in Chartam. in 4.* 3. in monasterio S. Magni reperi Codicem M. S. notatum sic: *F. Thoma Ord. Can. Reg. S. Aug. Montis S. Agnetis diœcesis Traiectensis opusculum in quatuor partes divisum, quarum prima. Admonitiones ad spiritualem vitam. Secunda. Admonitiones ad interna trabentes continet. Tertia agit de interna consolatione. Quarta de Eucharistia sumptione. in 8.* 4. in monasterii Ettallensis Catalogo reperi Codicem M. S. sic notatum. *Libellus de Imitatione Christi & contemptu omnium vanitatum in 8. authore Fratre Thoma de conventu & Ordine Canonicorum Regula. S. Augustini Montis S. Agnetis Traiectensis diœcesis.*

Ex his Codicibus sumo in probationem Staingadensem, Ettallensem, & S. Magni, quia in Raittenhaslacenſi posset quis suspicari, Thomam Kemp. tantum adscribi à Bibliothecario.

Hucusque Codices M. SS. qui sine dubio censeri debent scripti esse sæculo 15. adeoque esse Thomæ Kemp. coævi. Nam sæculo 16. jam ubique introducta typographia, & jam multiplicatis editionibus libri de Imitatione, nullus aut certe rarissimus sibi laborem sumpserit, eum describendi. Nunc sequuntur.

### Testes Thomæ Kemp. coævi.

LVIII. *Interpres Augustanus.* De quonum, 6.

LVIII. *Joannes Buschius.* Joannes Buschius fuit Canonicus Regularis in monasterio Windesheim, quod tantum unico milliari distat à monasterio Montis S. Agnetis, in quo Thomas Kemp. professus est. Scripsit Joannes Buschius Chronicon Windesheimense, quod, ut ipsemet in Præfatione asserit, absolvit anno 1464. adeoque septem annis ante mortem Thomæ Kemp. in hoc Chronico Buschius scribit, Thomam Kemp. esse authorem libri de Imitatione. Nam l. 2. C. 21. describens mortem Joannis ab Huesdem Canonici Windesheimensis, factam anno 1424. sic ait: *Contigit ante paucos dies sui obitus, ut duo fratres notabiles de Monte S. Agnetis prope Swollis Ordinis nostri dictum Priorem nostrum super certis rebus consulturi in Windesheim advenirent, quorum unus Frater Thomas de Kempis vir probata vita, qui plures devotos libellos composuit, videlicet, Quisequitur me, de Imitatione Christi, cum aliis, nocte insecuta somnium vidit presagium futurorum.* Hoc est testimonium Buschii, qui sæpissime sine dubio locutus fuit cum Thoma Kemp. utpote jam anno 1424. viro celebri, & sibi vicinissimo. Nil habent



Gerfenistæ, quod excipiant, nisi quod dicant; verba intermedia illa *de libro de Imitatione* non convenire contextui, neque ea extare in ipso authographo Buschii. Utrum verba illa contextui convenient cuilibet per se manifestum est. Voluit Buschius referre visionem Thomæ Kemp. quam habuit de morte instante Joannes ab Huesdem Prioris Windesheimensis. Ne visio foret suspecta aut incredibilis, commendavit virum; melius ipsum comendare non potuit, nisi vocando eum virum probatæ vitæ, qui librum *de Imitatione* composuit. Nonne igitur miserabilis visio est, videre in hac re inconvenientiam, quæ ne quidem obreperet somnianti? quod verò dicatur, illa verba non extare in authographo Buschii, iterum est merum somnium. Authographum Buschii non extat amplius, & falsissimum est, quod refert Thullierius num. 83. authographum Buschii ab ipsismet Canonicis Regularibus 1681. coram Eruditis Parisiensibus productum esse, sine illis verbis intermediis. Cæci videlicet fuerunt Canonici Regulares, ut proferrent testimonium contra se, sed torum falsum esse, patet ex actis genuinis, actis illius Parisiensis Eruditorum conventus, anno 1681. à Canonicis Regularibus coacti, quæ exhibet Dupinus tom. 12. Bibl. Eccles. diss. §. 5. ipsemet conventui illi præfens. Ex his enim actis constat, Canonicos Regulares coram illis Arbitris Parisiensibus produxisse duo exemplaria M. S. Chronici Buschiani, in quorum utroque verba illa continuo contextu inserta sunt. Exemplar hujus Chronici Rebdorffense scriptum anno 1477. adeoque adhuc vivente Buschio eadem ver-

ba continuo contextu continet. Ad aliud ejusdem Chronici Manuscriptum, ætate Thomæ Kemp. scriptum, provocat Rosweidus. Adeo sanè certum est, à Canonicis Regularibus non dubitatum fuisse unquam, quod illa verba ab ipso met Buschio suo Chronico adscripta sint, ut Molinetus in suo scripto anno 1687. amicis communicato, & à Simonio in Bibliotheca Critica t. 1. cap. 2. edito id pro indubitato supponat.

LIX. *Hermannus Canonicus Regularis, qui cum Thoma Kemp. locutus est.* Post testimonium Buschii, quod sine omni controversia, sive sit ipsius Buschii, sive alterius ex Scriptoris, repræsentat testem Thomæ Kemp. coætaneum. Proximum locum meretur præfens testimonium, quod reperi ante biennium in Codice M. S. Collegii Canoniorum Regularium ad S. Nicolaum Passavii in Bavaria. Continet hic Codex varia opuscula ejusdem manûs, quorum unum annotatum ac sub scriptum habet annum 1423. inter alia continetur etiam descriptio Congregationis Windesheimensis, facta ab Hermanno Canonico Regulari, qui in ea descriptione sic habet.

*Item, Frater iste, qui compilavit librum de Imitatione dicitur, sive nominatur Thomas Supprior in dicto Monasterio Montis S. Agneris prope Svvollis diocesis Trajectensis Provincia Colonienfis, & distat dictum monasterium uno milliari à Windesheim, quod est monasterium Superius, in quo singulis annis Canonici Regulares de Provincia Colonienfi, Moguntinensi, Trevirensi celebrant Capitulum Generale. Vixit autem hic compilator adhuc anno 1454. & ego Frater Herman-*



nus de Monasterio Novioperis prope Hal-  
las Magdeburgensis Diœcesis eodem anno  
missus ad dictum Capitulum Generale fui  
eidem locutus. Rem ita se habere in hoc  
Codice M. S. solenni Instrumento No-  
tarii publici desuper erecto certum feci.  
Quid ad hoc testimonium reponent ad-  
versarii? testatur ille, qui anno 1454.  
cum Thoma Kemp. fuit locutus, eum  
authorem esse; testatur, singulis annis  
propemodum ad portas Monasterii S.  
Agnæ Capitulum Generale Canoni-  
corum celebratum esse, quomodo tam  
falsus rumor potuit per triginta annos  
vivo adhuc Thoma Kempensi serpere  
in omnes Canonias Germaniæ, ut non  
corrigeretur? an nullus per 30. aut 40.  
annos ex omnibus Canonicis Germaniæ  
inferioris in Capitulo Generali celebra-  
to in conspectu Thomæ Kempensis quæ-  
sierit de authore tam celebris libri? an  
neminem vir humillimus de errore mo-  
nuerit? qui talia credit, profectò est duri  
ingenii.

LX. *Mathias Farinator*, Ordinis B.  
V. M. de Monte Carmelo scripsit Codi-  
cem d. I. sub titulo Thomæ Kempensis  
intra annum 1452. & 1472. de quo  
num. 12.

LXI. *Petrus Schottus*, Canonicus Ar-  
gentoratenfis ad D. Petrum, vir doctis-  
simus. Præfixit operibus Gersonis illam  
Præfationem anno 1488. De qua n. 25.  
LXII. *Premiator Memingensis*. De quo  
num. 31.

LXIII. *Premiator Gallicus*. De quo  
num. 33.

LXIV. *Joannes Trithemius* Abbas  
Spanheimensis Ord. S. Ben. Magnum  
nomen Trithemius apud omnes eruditos  
sua doctrina obtinuit. Is suo libro de

Scriptoribus Ecclesiasticis ad limam ter-  
tium revocato, septennali exacto labore  
ultimam manum anno 1494. imposuit.  
Specialem in relegendis Scriptoribus  
Germaniæ adhibuit industriam, de qui-  
bus etiam præclarum librum edidit, sub  
titulo: *De viris Illustribus germaniæ*, in  
utroque opere adscribit librum d. I. Tho-  
mæ Kemp. de Viris illustribus germa-  
niæ sic habet: *Thomas de Kempis Ordinis  
Canonicorum Regularium S. Augustini  
Montis S. Agnetis prope Suvollis in Diœ-  
cesi Trajectensi, vir in divinis Scripturis  
eruditus & Studiosus, vita & conversa-  
tione devotus, scripsit quadam devota vo-  
lumina, de quibus feruntur subiecta. De  
Contemptu mundi, & Imitatione Christi  
l. 4. Sermones ad Novitios &c. claruit  
temporibus Ruperti Bavari Imperatoris  
anno 1410. & notandum, quod duo huius  
nominis feruntur fuisse, ambo de Kempis  
ambo Regulares in Monte S. Agnetis am-  
bo ingenio præstantes, & ambo varia cu-  
dentes opuscula, quorum primus tempore  
Gerardi Magni ad Religionem conversus  
divinis revelationibus dignus habitus ea  
quæ supra diximus opuscula scripsisse dici-  
tur. Ita Trithemius, qui in circumstan-  
tiis solum fallitur; nempe quod putet  
existisse duos Kempentes Thomas;  
quod falsum esse ex eo constat, quia ip-  
semet Thomas Kemp. scripsit chronicon  
sui Monasterii usque ad annum 1471.  
in eo quidem mentionem facit quatuor  
confratrum suorum Kempensium, inter  
quos etiam ejus germanus frater *Joan-  
nes de Kempis*, sed nullus alius præter  
nostrum in eo apparet *Thomas de Kem-  
pis*, altera circumstantia Trithemii er-  
rat, quantum verosimile est, quinquen-  
nio vel decennio, dum dicit Thomam  
claruisse*



claruisse 1410. verius enim hoc ad annum 1415. vel 1420. extenditur. Sed cum tò *inclarescere* habeat suam latitudinem, & is terminus etiam ad initia accrescentis famæ trahi possit, non necessariò in hoc erroris Trithemius redargui debet. Quod verò Trithemius dicit, se à Senioribus sui monasterii audivisse, quòd jam à Senioribus prioribus, qui eos antecesserant, liber de Imitatione lectus, benè convenit ad tempora circa annum 1420. quo dico librum de Imitatione scriptum esse; ab anno enim 1420. usque ad annum 1494. quo Trithemius scripsit, intercedunt anni 74. intra quod spatium in monasteriis jam Seniorum successio, cum utique vix in aliquo monasterio detur Religiosus, qui per 74. annos professus sit. Nec etiam incredibile est, aliquòd inter prima exemplaria in Monasterium Spanheimense in Suevia delatum esse, cum Codex Kiriheimianus sub titulo Thomæ Kemp. in Suevia jam 1425. scriptus sit, & ob negotia Concilii Constantiensis proximè finiti, aut Basileensis proximè instantis majus tunc aliarum Provinciarum cum Suevis commercium contractum fuerit.

LXV. *Georgius Pirkamerus*, Carthusianorum Norimbergæ Prior, & per Germaniam Visitator procuravit editionem operum Thomæ Kemp. Norimbergensem 1494. ubi eidem adscribit l. d. I. verba illius posui num. 35.

LXVI. *Petrus Danhauserus* Bibliopola Norimbergensis; in epistola nuncupatoria editionis operum Thomæ Kemp. 1494. fatetur se omnem cogitationem in his libris posuisse. Noverit utique authorem & genium.

LXVII. *Joannes Mauburnus* Canonicus Regularis, Abbas Liuriacensis, fuit professus in ipso Monasterio Thomæ Kemp. videlicet in Monte S. Agnetis prope Syvallis. Fuit còtaneus Thomæ Kemp. per plures annos cum eodem in eodem Monasterio conversatus. Scripsit *Rosetum spiritualium exercitiorum*, in quo sapius Thomæ Kemp. meminit tanquam authoris l. d. I. In dietario Exercitiorum §. 3. ex l. 4. de Imitatione c. 10. hæc verba adducit: *Monet devotus Thomas noster Kempis: Non sis in celebrando nimis prolixus, aut festinus, sed serva communem bonum modum eorum, cum quibus vivis. &c.* In Scala Communionis tit. 6. Alph. 20. de Confid. memb. 1. ait: *Hinc enim juxta nostrum Thomam Kempis tam preparationis incurri sumus, quia non satis, quid acturi, vel quem sumus suscipiari, estimamus.* In ejusdem Scalæ Gradibus accessorii tit. 6. alph. 22. §. 4. ait: *Quam doctrinam Thomas noster Kempis insecutus erat, cum communicaturus dicebat. O Deus meus, amor aternus, cupio te suscipere cum vehementissimo desiderio, & dignissima reverentia, quibus unquam exceptus es ab aliquo sanctorum, & licet indignus sum omnia illa sentimenta devotionis habere &c.* Hoc Mauburnus ex l. 4 c. 17. Aliud opus Mauburnus composuit, quod *Venatorium* inscripsit. Exemplar habetur Tungris apud Canonicos Regulares; ipsum authographum asservatur Parisiis ad S. Victorem. In hoc Venatorio inter viros illustres Congregationis Windesheimensis ponit etiam Thomam Kemp. his verbis: *Qui frater Thomas à Kempis inter cetera opuscula, que fecit, composuit libellum qui sequitur me*



quem falso quidam Domino Gerson attribuit. Ita confrater Thomæ Kemp. de confratre testatur. Fronto. p. 1. Thom. vindic. §. 2. n. 3.

LXVIII. *Socius Mauburni*; Qui cum Joanne Mauburno venerunt in Galliam, ut collapsam disciplinam in Domo S. Severini restituerent, evocati sunt è Monasterio S. Agnetis prope Svollis, quod Thomas Kemp. fama nominis sui celebre reddiderat. Inter hos unus aliquis scripsit Epistolam Fr. Juliano Oret Religioso in Prioratu S. Salvatoris Mello-duni. Exemplum hujus Epistolæ Manuscriptum asservatur Parisiis ad S. Genovefam in Codice hujusmodi Epistolarum. In hac Epistola focius ille Mauburni, & Thomæ Kempensis confrater inter alia sic scribit: *Sine sollicitudine & diligentia nemo acquireret virtutes, major labor est resistere passionibus, quam corporalibus insudare laboribus, dicit Thomas. Vigila igitur super teipsum, ad-mone teipsum, excita teipsum, tantum proficies, quantam tibi ipsi vim intuleris. Converte teipsum ad Deum, & desere hunc miserum mundum, & inveniet anima tua requiem. Certa viriliter, consuetudo consuetudine vincitur. Nemo sine tribulatione ubicunque fuerit. Si vis proficere, conserva te in timore Dei, noli esse nimis liber, sed prohibe sensus tuos sub disciplina, nec inepta te tradas letitie. Ora pro me. Vale.* Hæc omnia documenta reperiuntur in libro de Imitatione, l. 1. c. 25. c. 21. c. 22. l. 2. c. 1. Cum itaque citet Thomam, non est dubitandum, eum intelligere Kempensem.

LXIX. *Joannes Gailer Kaiserpergius* summi nominis Ecclesiastes Argentorati, natus 1445. triginta tribus annis Ec-

clesiasten egit incredibili eum applausu. Anno 1498. & 1499. *Naviculam* factorum pro concione exposuit, ubi Turbâ. 89. ait: *Hæc deduc ad placitum ex Kempis, de natura & gratia differentia in libro de Imitatione.* est l. 3. c. 54. 55. 59. Et Turbâ 100. ait: *Quanto natura amplius premitur & vincitur, tanto major gratia infunditur, & quotidie novis visitationibus interior homo secundum imaginem Dei reformatur. Hæc Thomas de Kempis.* Nimirum l. 3. c. 54.

LXX. *Jacobus Philippus Forestus Bergomensis* Ord. Erem. S. Aug. Nobilis hic Historicus suum supplementum Chronicorum deducit usque ad annum 1503. quo agebat annum ætatis 69. ut ipse testatur. Ad annum 1406. sic scribit: *Thomas natione Teutonicus Ordinis Can. Reg. S. Aug. vir in divinis scripturis admodum studiosus atque eruditus, vita & conversatione valde insignis, hæc tempestate clarus existens scripsit ad instructionem multorum subjecta opuscula. Et primo. De contemptu mundi. lib. 4. incipit. Qui sequitur me.* Ita Bergomensis, Italus, de Thoma coætaneo. Ubi tamen notandum, hunc terminum, *Hæc tempestate*, habere latitudinem; neque sensus est, quod 1406. Thomas Kemp. scripserit, sed quod tunc vixerit, anno ætatis suæ 27.

LXXI. *A. RR. Patres Benedictini.* Jodocus Badius Ascensione in Editione operum Thomæ Kemp. testatur de A. RR. PP. Benedictinis Abbatia S. Germani à Pratis, & Carthusiensibus, & Cœlestinis, his verbis: *Convenerunt quique suo jure enixè postulant, ut pientissimi Fratris Thomæ à Kempis opera praelo nostro committerem.*

Inter



Inter hæc etiam erat l. d. l. sub titulo Thomæ Kemp.

LXXIV. *Jodocus Badius Ascensius* tertium coarvorum agmen claudat, qui trinam editionem operum Thomæ Kemp. & libri de Imitatione nempe 1520. 1521. & 1523. suscepit. Sradiosè hunc ultimum pono, quia Thullierus in sua Hist. Concert. lat. edit. statim folio 1. 1726. ausus est scribere, Jodocum Badium primum fuisse, *Cui primò in mentem venerit, anreum illud opusculum Thoma à Kempis asserere.* Hic error non parvus in principio quantum increvit in fine! concludit enim Historia illa his ultimis verbis suæ mentis sententiam; *Werlinum probasse nihil.* Judicet æquior orbis de æquitare sententiæ. Hoc solum addo, Werlinum hunc, quem sic despiciunt, esse ipsissimum illum Werlinum, & Bernardum Vadingum, quem Delfavius, & Benedictini Gallæ in editione operum S. Augustini, dum Werlinum & Vadingum à se invicem quasi duos diversos auctores distinguunt, centies mille laudibus extollunt, quem ferè totum exscribunt, quem ducem sequuntur.

### §. 2.

Summa similitudo inter librum de Imitatione & alia Thomæ Kempensis opuscula.

**S**ummam hanc similitudinem desumo. 1. Ex materia, quæ tractatur; 2. Ex Inventionem, consilio, & affectu auctoris, quibus tractat materiam. 3. Ex verbis & phrasibus, quibus se exprimit. 4. Ex numero, sententiis, doctrina &

variis aliis notis auctorum Characteristicis: Sit ergo

### C. I.

Similitudo quoad materiam.

I. **C**ivis libro solet præfigere textum *Scripturæ*, tanquam materiam tractandam in libro. l. d. l. 1. 2. 3. 4. *Similit.* 1. Serm. ad Nov. 2. Serm. de Nativ. 3. Hortul. 4. Vall. 5. Tabern. 6. Discipl. 7. Dispens. 8. Hospit. 9. Dial. Novit. 10. Exercit. 11. Doctrin. 12. Recog. 13. Enchir. 14. Manual. 15. Elev.

II. *Solet omnes cogitationes restringere ad materiam Asceticam*, non immiscendo eruditionem ullam ex aliis scientiis. *Similit.* omnia opuscula.

III. *Dirigit sua Ascetica ad Religiosos.* l. 1. C. 17. & passim. *Similit.* 1. Serm. ad Novit. 2. Dial. Nov. 3. Enchir. 4. Dispens. 5. De Silentio & passim.

IV. *In materia Ascetica versatur potissimum circa veritates generalissimas, & in particulari præcipuè circa actiones Religiosas quotidianas.* 1. l. 2. c. 3. de bono pacifico homine. Serm. ad Nov. p. 1. S. 1. De concordia fratrum. 2. l. 1. c. 16. De sufferentia defectuum aliorum. S. ad Nov. 5. De patientia conservanda inter desides & perversos. 3. l. 3. c. 45. De facili lapsu verborum. S. 7. De custodia oris 4. l. 1. c. 10. De cavenda superfluitate verborum. S. 9. De periculo ex multiloquio. 5. l. 3. c. 40. & 41. Quod homo de nullo gloriari potest. S. 8. & p. 2. S. 8. De vana gloria cavenda. 6. l. 3. c. 3. & l. 1. c. 9. & l. 2. c. 2. De obedientia humilis subditi. S. 8.



S. 8. p. 2. & S. 7. p. 1. De humili obedientia sectanda. 7. l. 1. c. 12. De utilitate adversitatis. S. 7. p. 2. De multis tribulationibus iustorum. 8. l. 1. c. 21. & l. 3. c. 25. 27. 33. 37. De compunctione Cordis. S. 4. p. 2. De cauta custodia cordis. 9. l. 1. c. 13. & l. 3. c. 35. De tentationibus resistendis. S. 6. p. 2. De cauta custodia contra tentationes. 10. l. 1. c. 23. & l. 3. c. 14. De iudicio. S. 7. p. 2. De districto Dei iudicio. 11. l. 3. c. 35. & l. 1. c. 22. & l. 3. c. 12. & 20. Quod non est securitas à tentatione in hac vita. S. 10. p. 2. De variis bellis & periculis huius vitæ. 12. l. 2. c. 12. 11. & l. 3. c. 56. De regia via sanctæ Crucis. S. 1. p. 3. De Cruce quotidie tollenda. 13. l. 3. c. 20. & l. 1. c. 22. De huius vitæ miseriis. Solil. c. 5. De brevitate & miseria præsentis vitæ. 14. l. 3. c. 49. & 47. De desiderio æternæ vitæ. Solil. c. 6. De anhelatione æternæ vitæ. 15. l. 1. c. 23. De meditatione mortis. Solil. c. 7. De optatione bonæ mortis. 16. l. 3. c. 31. De neglectu omnis creaturæ. Sol. c. 9. De elongatione à creaturis. 17. l. 3. c. 16. Quod verum solatium in solo Deo querendum. Sol. c. 10. De contemptu omnium consolationum terrenarum. 18. Quod dulce est servire Deo. l. 3. c. 10. Sol. c. 11. De magna dulcedine, & consolatione in eo. Verum omnia prope modum Capitula l. d. I. reperiuntur in aliis Thomæ Kempensis opusculis. compara. 19. [ l. 3. c. 21. Solil. c. 1. ] 20. l. 1. c. 1. Sol. c. 8. [ l. 3. c. 27. & 9. Sol. c. 12. ] l. 2. c. 9. Sol. c. 13. 14. [ l. 3. c. 52. Sol. c. 17. ] l. 3. c. 30. Sol. c. 18. [ l. 3. 48. 49. 34. Sol. c. 9. 19. 20. 21. ] l. 2. c. 10. & l. 3. c. 22. Sol.

c. 25. ] l. 1. c. 4. 8. Hortul. c. 1. [ l. 1. c. 1. l. 3. c. 31. Hort. c. 2. ] l. 1. c. 3. l. 3. c. 2. 27. 43. Hort. c. 3. [ l. 1. c. 6. 12. 13. Hort. c. 4. ] l. 3. c. 3. Hort. c. 5. [ l. 1. c. 5. Hort. c. 6. l. 3. c. 29. Hort. c. 7. ] l. 2. c. 6. Hort. c. 8. [ l. 1. c. 19. Hort. c. 9. ] l. 3. c. 33. Hort. c. 10. [ l. 3. c. 29. 30. 38. 50. 59. Hort. c. 11. ] l. 1. c. 5. l. 3. c. 3. 15. 23. 27. Hort. c. 12. [ l. 1. c. 15. l. 3. c. 5. Hort. c. 13. ] l. 1. c. 13. l. 3. c. 12. 57. Hort. c. 14. [ l. 1. c. 16. Hort. 15. ] l. 2. c. 7. Hort. c. 16. [ l. 1. c. 1. l. 3. c. 18. 56. Hort. c. 17. ] l. 3. c. 3. Vall. c. 3. & l. 1. c. 12. [ l. 3. c. 6. Vall. c. 4. ] l. 1. c. 11. l. 3. c. 23. 25. 42. Vall. c. 8. [ l. 2. c. 1. l. 3. c. 1. Vall. c. 9. ] l. 1. c. 23. Vall. c. 11. [ l. 1. c. 20. Vall. c. 18. ] l. 1. c. 17. 18. Vall. c. 23. Hæc omnia Capitula ferme etiam quoad titulos & verba conveniunt. Videatur etiam in *Valle Liliorum*. C. 6. 7. 10. 12. 14. 15. 16. 17. 18. 19. 20. 24. 25. 8. 29. 30. 31. 33. 34. De *Tribus Tabernaculis*. C. 2. 3. De *disciplina*. C. 4. 5. 6. 7. 16. De *dispensatore*. C. 12. 15. in *Hospitali*. C. 1. 4. 5. 12. In *Spiritualibus Exercitiis*. C. 1. 2. 3. 4. 7. 8. 9. 12. In *Doctrinali*. C. 1. 10. 11. 12. Liber de *vera compunctione Cordis*. De *Solitudine*. C. 5. 7. 16. 17. 18. 19. 20. 23. 24. De *Recognitione*. C. 1. 2. 3. 4. 5. 6. 7. In *Enchiridio*. C. 2. 4. 6. 7. 10. In *Manuali*. C. 2. 5. 7. 13. 15. Hæc omnia Capitula idem prorsus tractant, quod in libro de *Imitatione*

V. *Materia semper est accommodata captui simplicium*. Agit de vanitate mundi, de pace cordis, consolatione, desolatione, oratione, tentationibus adversitatibus, silentio, morte, iudicio, pœnis, præmiis. &c. Hæc omnia sunt objecta, quorum



quorum prævia notio atque idea jam in plebe habetur. Hinc non indiget multis definitionibus, divisionibus, & explicationibus, & prænotationibus ejus materiæ, quam tractandam suscipit; & hoc objectum cuius clarum non reddit obscurum aut captu difficile phrasibus, figuris, tropis, eruditione, numero, methodo scientifica; non confundit objectum textibus obscuris, quorum sensus aut primum probandus aut explicandus. Eligitur in omnibus operibus materia plana, obvia, facilis, & hæc nulla eruditionis nube obducitur, ut simplicium captum transcendat.

VI. *Multa paucis dicit.* Quia nullibi periodis, epithetis, aut synonymis crescit, sed multas ejusdem objecti notabiles attingit circumstantias.

VII. *Nunquam materiam methodica divisione in certa membra dividit.* Constat meris sententiis, raro post primam expectaretur secunda, aut post secundam tertia: quælibet alteri ex improvviso veluti ex machina ex ælitus delapsa supervenit. Recenset cogitationes suas; una succedit secundæ alteri, nullo certo nexu aut consilio, ut non provocatæ, sed casu enatæ videantur. v. g. l. 1. c. 2. dicit. 1. *Omnis homo naturaliter scire desiderat.* 2. *Sed scientia sine timore Dei quid importat.* 3. *Melior est profectò humilis rusticus, qui Deo servit, quam superbus Philosophus, qui se neglecto cursu cæli considerat.* 4. *Qui bene se ipsum cognoscit, sibi ipsi vilescit.* &c. Quælibet harum sententiarum in se perfectum sensum parit.

VIII. *Membra materia confusè proponit,* ut non facile dici possit, quodnam primo potius loco, quam medio, aut extremo poni debuerit. Tales libri habent

hoc speciale, quod quivis lectionem inchoare possit, loco, quo voluerit, etiam in fine, more hebræorum. Adeoque non sunt opus studii, sed tantum pia lumina instar resperstarum cælo stellarum, quæ nostro arbitrio in constellationes ac systemata ut libuerit, reduci possunt: non redolent scholas ac habitum discursivum Logicum, quo unum inferitur ex alio, sed intellectum angelicum, quo unum intelligitur post alterum. Hic idem character in omnibus operibus Thomæ Kemp. exceptis quibusdam sermonibus, relucet.

IX. Sicut in hoc authore nec divisio, nec ordo, nec systema locum habent, ita nec unus quidam totius operis scopus datur, ad quem singula membra manifestè respiciant.

X. *Materiam tractat brevissime.* Quia nec opus habet explicatione postulatorum, axiomatum, ac suppositorum, nec definitione, nec divisione, nec probatione, nec ullo ornatu Rhetorico ad persuadendum. Ad quid enim his omnibus, & prolixitate indigeret, cum versetur circa eas veritates, quæ, ut primò conspiciuntur, statim approbantur? tantum admonet mentem de veritatibus jam antecederet cognitis, instar Socratis, qui dicebat, se arte obstetricia non parere, sed educere veritates ex aliorum animis. In aliis opusculis quidem plures in particulari adjicit observationes, & circumstantias, sed circa objecta illa contractiora est proportionalis brevitatis eadem, quæ circa objecta latiora.

XI. *Varietate rerum constanter deletatur.* Nulla est propositio, nulla propositionis pars, quæ non retegat novum objectum, aut novam objecti cir-



cumstantiam nova ac speciali attentione dignam. Currit mira velocitate ab uno objecto ad aliud; mille cogitationes scribenti irruunt. v. g. l. i. c. 16. 1. *Quæ homo in se vel in aliis emendare non valet, debet patienter sustinere.* 2. *Donc Deus aliter ordinet.* 3. *Cogita, quia sic forte melius est pro tua probatione & patientia,* 4. *Sine qua non sunt multum ponderanda merita nostra.* 5. *Debes tamen pro talibus supplicare, ut Deus tibi dignetur subvenire.* 6. *Et possis benignè portare.* Hic in singulis propositionum particulis excitatur nova attentio ad novum objectum, attentione dignum. Ubique aliquid novi, & insigniter utilis discimus, seu potius moniti advertimus.

XII. *Præ omnibus aliis objectis frequentius ad sequentia respicit.* 1. Ad vanitates, miseras, tentationes; ac pericula mundi hujus. 2. Ad quietem, recollectionem, pacem, consolationem, ac internam conversationem mentis. 3. Ad adiutorium gratiæ. 4. Ad exempla Christi, sanctorum & devotorum. 5. Ad quatuor novissima, maximè ad vitam æternam. Hæc objecta totum replent illius animum, hæc totam illius attentionem detinent.

## §. 2.

Similitudo quoad Inventionem:  
Consilium & affectum.

I. **I**ngenium authoris secundum est in inveniendi. Id apparet ex eo, quia 1. Profert copiam sententiam ingentem. 2. Quia profert sententias inexpectatas. 3. Quia plurima rerum adjuncta ac connexa considerat, quæ ita-

tum rei ad vivum menti objiciunt. 4. Quia tam promptus est in affectus; quantum sequitur admirationem & vivam objecti representationem. 5. Quia varietate rerum perpetua delectatur.

II. *Authoritatibus fere nullis nititur, nisi textibus ex Scriptura, aut Breviario.*

III. *Exemplis fere nullis nititur, nisi Christi, Sanctorum, præsertim Abrahami, Moylis, Davidis, S. Joannis Bapt. S. Pauli, S. Laurentii, S. Agathæ, S. Agnetis, & devotorum Windesheimensium.*

IV. *Corpus totius doctrine videtur in eo tacite consistere, ut homo spretis omnibus vanitatibus & scientiis hujus mundi nil aliud in hac vita quærat, nisi quietem & consolationem in Deo internam, & ipsum Deum.* Ad quietem vero internam necessariam esse recollectionem internam, & gratiam, ad quæ conferunt patientia, solitudo, familiaritas cum Jesu, devotio. Id patet insipienti titulos capitum.

V. *In affectuum teneritudine, mobilitate, ac conversione est, propterea singularis, maxime in exclamationibus.* Sic l. i. c. 1. Vanitas vanitatum & omnia vanitas! l. i. c. 3. Felix! quem veritas per se docet - O veritas Deus, fac me unum tecum - O si tantam adhiberent diligentiam ad extirpanda vitia - O quam cito transit gloria mundi. - Utinam vita eorum scientiæ concordasset! - quam multi pereunt per vanam scientiam! l. i. c. 10. lubet loqui, sed pro dolor! sæpe inaniter. l. i. c. 11. O si adverteres. c. 15. O qui scintillam haberet! c. 18. Heu! quid est vita nostra! - O quam multas tribulationes passi! O quam strictam vitam duxerunt! - O quantus fervor omnium religiosorum



in principio ! O tepor & negligentia  
 statûs nostri ! Utinam in te non dormi-  
 tet profectus. l. 1. c. 20. O qui nun-  
 quam transitoriam lætitiâ quæreret ! -  
 O qui omnem vanam sollicitudinem  
 amputaret ! l. 1. c. 22. Ecce ! quam  
 bonam vitam habet ! Væ nobis, si sic  
 volumus. C. 23. Ah, longa vita non  
 semper emendat culpam. - Ah, stulte,  
 quid cogitas ! C. 25. O si Jesus in cor  
 veniret ! O si nihil aliud incumberet !  
 O si nunquam indigeres comedere ! l. 2.  
 C. 1. Eia anima fidelis ! l. 3. c. 3. Sed,  
 proh dolor ! C. 6. Eja Domine Deus !  
 C. 22. Heu, qualis est hæc vita ! - vincit,  
 proh dolor, delectatio. C. 36. proh do-  
 lor ! statim foras erumpimus. C. 39.  
 Adhuc, proh dolor, vivit vetus homo !  
 C. 52. O si vidisses Sanctorum coronas.  
 l. 4. c. 13. Ah, Domine Deus. C. 15.  
 Proh dolor, quidam tepidi. Tales par-  
 ticulas Exclamationis & admirationis  
 numeravi in libris de Imitatione cen-  
 tum quadraginta & octo. Nempe l. 1.  
 C. 1. 3. 10. 11. 15. 18. 20. 21. 22. 23. 24.  
 25. l. 2. C. 1. 11. 12. l. 3. C. 1. 3. 6. 9. 11.  
 15. 20. 22. 23. 30. 32. 36. 39. 44. 45.  
 48. 49. 50. 51. 52. 53. 58. 60. 62. l. 4.  
 C. 1. 2. 3. 5. 8. 9. 10. 11. 13. 14. 15. In  
 aliis Thomæ Kempensis opusculis iidem  
 affectus sunt frequentissimi. v.g. Serm.  
 ad Nov. 1. Eja, Charissimi. S. 3. quia,  
 proh dolor - Ecce, quàm sancta. - Ecce,  
 fratres. S. 5. Ecce, charissimi. S. 6. Heu !  
 non est timor Dei ! - O frater, Atelle.  
 S. 7. Heu superbia ! S. 15. Heu, heu,  
 fratres ! S. 16. O utinam, mortales ista  
 pensarent ! S. 20. Væ superbis ! væ de-  
 licatis ! væ vagis monachis ! - Outi-  
 nam omnes scaperent ! Serm. 4. Ad Fra-  
 tres. Eja charissimi ! S. 6. Eja, quan-

tum lætal untur ! S. 8. O si daretur ex-  
 periri silentii delicias. Tales particu-  
 las exclamationis & admirationis in so-  
 lis Sermonibus Thomæ Kemp. qui mag-  
 nitudine fermè æquant librum de Imita-  
 tione, reperi centies quinquagies &  
 novies. Ubi & S. 6. Tunc clamabunt;  
 ah, ah damnati sumus. In aliis opuscu-  
 lis non est facile talium affectuum nu-  
 merum invenire, quia recurrunt per-  
 petuo.

## §. 3.

Similitudo quoad phrases, & verba  
 alioquin barbara, aut minus bonis  
 authoribus usitata.

1. L. 1. C. 1. Hæc sunt verba Chri-  
 sti, quibus admonemur, *quatenus* vi-  
 tam ejus & mores imitemur. In aliis  
 opusculis Thomæ Kemp. intra pauca  
 folia recurrit vigesies ter. In sequen-  
 tibus numerum, quoties talis phras-  
 is aut verbum in aliis operibus Thomæ  
 Kemp. reperitur, adscribam simpliciter  
 communibus numeris. S. denotat sæpe.  
 SS. sæpissimè.

2. L. 1. C. 1. Si velimus *veraciter* il-  
 luminari. 23.

3. L. 1. C. 1. Qui vult *sapidè* verba  
 Christi intelligere. 55.

4. Quid prodest tibi *alta* de Trini-  
 tate disputare. In hoc sensu 40.

5. Verè *alta* verba non faciunt san-  
 ctum. 40.

6. Qui vult verba Christi intelligere,  
*oportet*, ut totam vitam illi studeat con-  
 formare. SS.

7. *Opto* magis sentire compunctio-  
 nem, quam scire ejus definitionem in  
 hoc sensu, 14.



8. Si scires totam Bibliam *exterius*, In hoc sensu. *semel*.
9. Vanitas vanitatum *præter* amare Deum. SS.
10. Vanitas est, præsentem solum vitam *attendere*. 33.
11. Vanitas est, diligere, quod cum *omni* celeritate transit. SS.
12. Sequentes suam *sensualitatem*, *maculant* conscientiam. 4. 9.
13. L. 1. C. 2. Scientia sine timore Dei quid *importat*? 1.
14. Qui benè seipsum cognoscit, sibi ipsi *vilescit*. 4.
15. Deus judicaturus me est ex *fæsto*. S.
16. *Quiesce* à nimio sciendi desiderio. S.
17. Scientes *libenter* volunt videri. 180.
18. *Valde* insipiens est, qui aliis intendit. 120.
19. Bona vita *refrigerat* mentem. 1.
20. Si multa *satis* bene intelligis, scito tamen, *quia* sunt multo plura quæ nescis. 52. S.
21. Noli altum *sapere*, sed ignorantiam tuam magis sapere. S.
22. *Ama* nesciri, & pro nihilo *reputari*. Amo cum infinitivo. 2. Reputo, pro æstimo. 19.
23. Hæc est *altissima* lectio, sui cognitio. 40.
24. Si tibi videtur, *quod* multa *scis* cum indicativo. S.
25. De seipso nihil *tenere*, & de aliis *aliè sentire*. 12. 6.
26. Nescis, quamdiu possis in bono *stare*. Pro perseverare. 74.
27. Tu neminem fragiliorem teipso *tenebis*. Pro æstimare. 12.
28. Nostra opinio & noster *sensus* sæpe nos fallit. Pro judicio. 13.
29. Noster *sensus modicum* videt Pro parum. 39.
30. Cui æternum verbum loquitur, à multis opinionibus *expeditur*. S.
31. L. 1. C. 3. Qui omnia ad unum *trahit*. Pro refert. 11.
32. Tædet me sæpe, *multa* legere. Indefinitè. Intra pauca folia. 14.
33. Quanto aliquis interius magis *simplificatus* fuerit, tanto altiora intelligit. 1.
34. Desuper lumen *intelligentiæ* accipit. 1.
35. *Simplex & stabilis* spiritus non dissipatur. 50. S.
36. Simplex spiritus in se *otiosus* ab omni propria *exquisitione* nititur. p. vacuus. S. 1.
37. Quis te magis impedit, quàm tua *immortificata affectio*. 1.
38. Quis te magis *molestat*. 1.
39. *Bonus*, & *devotus* homo, opera sua prius intus disponit, quæ foris agere debet. Bonus, SS. Devotus 440. *intus, & foris* per antithesin. 33.
40. *Aliquid* proficere. Pro aliquantulum. S.
41. Non est culpanda quælibet *notitia*. Pro cognitio. S.
42. *Modicum* fructum ferunt, & sæpe errant. 39. SS.
43. Non fieret tanta *dissolutio* in *cœnobiis*. 12. 2.
44. Ubi sunt omnes illi *Magistri*? 107.
45. Eorum *præbendas* alii possident. 7.
46. Tunc *benè* studuissent. S.
47. *Verè*



47. *Verè magnus est, qui magnam habet charitatem; verè magnus est, qui in se parvus est. Intra pauca folia.* 21.

48. *Pronihilo ducit omne culmen honoris.* 21.

49. *Verè prudens est, qui terrena arbitrat ut stercore; & verè bene doctus est, qui Dei voluntatem facit. p. valde.* 69.

50. *Non est credendum omni verbo, sed longanimitè res est ponderanda.* S.S. 24.

51. *Perfecti viri non credunt omni enarranti. p. cuicunque.* S.

52. *Sciunt humanam naturam satis labilem. p. valde.* 52.

53. *Non in propriis sensibus stare.* 13. 74.

54. *L. I. C. 5. Non debemus quærere subtilitatem in scripturis.* 6.

55. *Ita libenter devotos & simplices libros legere debemus, sicut profundos & altos.* 180. 440. 50. 40.

56. *Magnæ litteraturæ. Litteratus.* 10.

57. *Simpliciter esset transeundum. Lege simpliciter, interroga libenter* 50. 180.

58. *L. I. C. 6. Quando homo inordinatè appetit, inquietus fit.* S.

59. *Infirmus difficulter potest se à terrenis ex toto abstrahere.* 1.

60. *Leviter indignatur. p. faciliter.* 18.

61. *L. I. C. 7. non stes super te ipsum.* 74.

62. *Pulchritudo modica infirmitate defædatur.* 39.

63. *Deus scit, quid est in homine.* S.

64. *L. I. C. 8. cum extraneis rarus esto.* 9.

65. *Cum divitibus noli blandiri.* S.

66. *Cum simplicibus, cum devotis, & morigeratis sociare.* 50. 440. 2.

67. *Omnes bonas mulieres Deo commenda, SS.*

68. *Soli Deo opta familiaris esse, & hominum notitiam devita.* 14. S.

69. *Valde magnum est in obedientia stare, sub Prælato vivere.* 123. 74. Prælatus vel Prælatura 72.

70. *Multo tutius est, stare in subjectione, quàm Prælatura.* 74. 72.

71. *Multi leviter murmurant.* 18. p. faciliter

72. *Non invenies quietem, nisi sub Prælati regimine.* 72.

73. *Unusquisque libenter agit pro sensu suo.* 180. 13.

74. *Relinquamus nostrum sentire. Infinitivus substantivè.* 44.

75. *Quis omnia plene scire potest? p. perfecte.* 11.

76. *Noli in sensu tuo confidere, sed velis libenter aliorum sensum audire.* 13. 180.

77. *Si bonum est tuum sentire, substantivè.* 44.

78. *Potest contingere, ut bonum sit uniuscujusque sentire.* 44.

79. *Caveas tumultum hominum.* 21.

80. *Quare tam libenter loquimur, & fabulamur.* 180. 20.

81. *Ideo tam libenter loquimur, quia consolari quærimus, & cor optamus relevare.* 180. 80. 14.

82. *multum libenter libet loqui. p. superlativo.* 86.

83. *Exterior consolatio interioris*



consolationis non *modicum* detrimentum est. 33. 39.

84. Quae *adificativa* sunt, loquere, *aedificatus*, 10.

85. Negligentia *profectus* multum facit ad *custodiam* oris. 24. 40.

86. Ad *profectum* juvat *devota* collatio. 24. 440.

87. L. 1. C. 11. *Multam* possemus pacem habere. p. magnus. S.

88. Occasiones *forinsecus* quatit, qui raro se *intrinsecus* colligit. 33.

89. Beati *simplices*, quoniam *multam* pacem habebunt. 50. S.

90. Si essemus *interius* minimè *implicati*, possemus divina *sapere* 33. 15.

91. *Totum* impedimentum est p. omne 30.

92. Quando *modicum* adversitatis occurrit, nimis cito deijcitur 39. 36.

93. Si niteremur *stare* in praelio. 74.

94. Nunc *pro magno* videtur, si quis fervoris partem retineat. 6.

95. Si *modicam* violentiam faceremus, omnia *cum levitate* faceremus 39. 1.

96. L. 1. C. 12. Bonum est, quod habeamus *gravitates* & *contrariedades* 19. 1.

97. *Sape* hominem ad cor revocant, quatenus se in exilio cognoscat. S. - S.

98. *Interiorem* testem Deum quatimus, quando *foris* vilipendimur. 33. 6.

99. Deberet se homo in Deo *totaliter* firmare. 15.

100. Tunc *benè* advertit, securitatem in mundo non posse *constare* SS. 1.

101. L. 1. C. 13. De *tentationibus* resistendis *passivè* verbum *activum*. S.

102. Diabolus nunquam dormitat. 4.

103. *Tentationibus* *plenè* carere non possumus. 11.

104. *Tentationes* sunt *valde* utiles. 123.

105. Qui *benè* *tentationes* sustinere requiverunt. 69.

106. Non est locus ubi non sunt *adversitates*. 1.

107. Non est homo securus à *tentationibus* totaliter. 15.

108. Semper aliqui *ad patiendum* habebimus. S. *prapositio* ad verbum.

109. *Tentationes* *redient*. p. *redibunt*. S.

110. Homo suum *Propositum* deferens, p. religiosa professione. 56.

111. Nescimus *sape*, quid possumus. S.

112. *Tentatio* aperit, quid sumus. S.

113. In *tentationibus* probatur, quantum *profectus*. S.

114. Non magnum est, si homo *devotus* sit, cum *gravitatem* non sentit, 440. 19.

115. Si tempore *adversitatis* patienter se *sustinet*, spes magni *profectus* erit 1. 7. 24.

116. Quidam in *modicis* infirmantur. 39.

117. Videntur multi in pace *stare*, quando res pro eorum *velle* & *sentire* sunt. 74. 44.

118. Si aliter sit, cito moventur. p. facile. 33.

119. Propter *diversitatem sensuum* & *opiniorum* *satis* frequenter oriuntur *dissensiones* inter *devotos*. 13. 52. 440.

120. Ultra proprium *videre* nemo *libenter* ducitur, infinitivus. 44.



121. *Raro & tardè eris illuminatus, p. difficulter. SS.*
122. *Magis Deus pensat, ex quanto quis agit. 43.*
123. *Quidquid ex charitate fit, totum efficitur fructuosum. 30.*
124. *Sæpe videtur charitas, & est magis carnalitas. 1.*
125. *Qui charitatem habet, nullum privatum gaudium amat. S.*
126. *Totaliter ad Deum refert, à quo fontaliter omnia procedunt, in quo finaliter omnes sancti fruibilibus quiescunt. 15. 10. . . 1.*
127. *L. 1. C. 16. Totum Deo committe, qui scit bene mala in bonum convertere. 30. 69.*
128. *Libenter habemus alios perfectos; alios restringi per statuta volumus; SS. 6.*
129. *Patet, quod raro proximum, sicut nos ipsos pensamus. S.*
130. *L. 1. C. 17. Discas te in multis frangere, si vis pacem tenere. 33. 12.*
131. *Si vis debite stare, teneas te janquam exulem. 74. 12.*
132. *Habitus & tonsura modicum conferunt. Non potest diu stare pacificus, qui non nititur esse minimus. 39. 74. 13.*
133. *L. 1. C. 18. Intuere sanctorum exempla, & videbis, quàm modicum sit quod agimus. O quam abdicatam vitam duxerunt 39. 1.*
134. *Foris egebant, sed intus consolatione reficiebantur. 33. 80.*
135. *Sibi ipsis videbantur esse nihil; in vera humilitate stabant, in simplici obedientia vivebant; sub regula Magistri mundum suppeditabant. 21. 74. 50. 107.*
136. *Utinam in te non dormitet profectus, qui toties vidisti exempla devotorum: 4. 24. 440.*
137. *L. 1. C. 19. Vita boni religiosi talis sit interius, qualis videtur exterius, & merito plus debet esse intus, quàm quod cernitur foris. 33.*
138. *Omni die renovare debemus propositum nostrum, quasi hodie primum ad conversionem venissemus, pro votis religiosi. 56. 12.*
139. *Fortiter proponens deficit. 10.*
140. *Satis culpabile est. Leviter deficiemus. Exteriora & interiora nobis scrutanda sunt. 52. 18. 33.*
141. *Si non continue te vales colligere. 17.*
142. *Nunquam sis ex toto otiosus. Alia in festis sapiunt. 1. 53.*
143. *Perlege materias, quæ compunctionem præstant. Si te subtraxeris à circuitionibus, invenies tempus pro bonis meditationibus. Facilius est domitare quàm foris se custodire, nemo securè apparet, nisi qui libenter later. 27. 1. 33. 180.*
144. *Nunquam tibi promittas securitatem, quamvis bonus videaris cœnobita aut devotus Eremita. 1. 9.*
145. *Ne ad consolationes exteriores licentius declinent. 1.*
146. *Nemo dignus cœlesti consolatione, nisi se exercuerit in compunctione si vis corde tenus compungi, exclude tumultus mundi. 1. 21.*
147. *In cella invenies, quod foris sæpius amittes. Cella continuata daccessit. 11. 33. 1. 4.*
148. *Si in principio conversionis tuæ bene eam custodieris, erit tibi solatium 11. 69. 80.*



149. Ab omni sæculari tumultu longius degit. 21.

150. Trahunt desideria sensualitatis adspatiandum. 4. 2.

151. Quid nisi gravitatem cordis re portas? 19.

152. Laudabile est religioso, ratio foras exire. Mane in cella; si non exisses, melius in bona pace mansisses. 47. 33. 11. SS.

152. L. 1. C. 21. Date ad cordis compunctionem, & invenies devotionem 11. 27. 440.

153. Mirum, quod homo possit lætari, qui pericula animo pensat. felix, qui abdicat, quidquid conscientiam maculare potest, vel gravare 43. 9. 24.

154. Non attrahas tibi res aliorum. 2. p. sollicitus.

155. Non habes te satis bene & circumspicte, sicut decet devotum religiosum conversari. S. 5. 440. 47. S.

156. Quando homo est compunctus, sive se pensat. 27. 43.

157. Si inferni pœnas cordialiter perpenderes, credo, quod laborem libenter sustineres. 11.

158. Quia ad cor ista non transeunt, valde pigri remanemus. 1. 123.

159. Quis est, qui melius habet? utique qui pro Deo aliquid pati valet. Vere miseria est vivere super mundum. Nam comedere vere magna miseria est homini devoto, qui libenter esset absolutus à peccato. 17. 21. 440. 180.

160. Valde gravatur interior homo: Unde propheta devote rogat, quatenus ab istis liber esse valeat. 123. 33. 440. S. 17.

161. Nil nisi carnalia sapiunt; in fine graviter sentient, quam nihilum erat, quod amaverunt. 53. 7. 21.

162. Libenter haberemus quietem; sed oportet tenere patientiam. 108. 12.

163. Quid fiet in fine, qui tepescimus tam mane. Bene opus esset, ut adhuc institueremur tanquam boni novitii, si forte spes esse de profectu. 4. 69. SS. 24.

164. L. 1. C. 23. Valde cito erit tecum hic factum. Vide igitur, quomodo te habeas. 123. 33. - S.

165. Sic te in omni facto deberes tenere, quasi moriturus. Multi annos computant conversionis. S. 12. S.

166. Quando illa extrema hora venerit, multum aliter sentire incipies, & valde dolebis, quod tam negligens fuisti. 86. 123. S.

167. Dabit magnam confidentiam supportatio adversitatis. 1.

168. Noli confidere super amicos; nunc tempus, in quo promereri vales. 5. 17.

169. L. 1. C. 24. Nunc gemitus exaudibilis, nunc dolor purgativus. Habet purgatorium, qui pro contrariantibus libenter orat. Derivativa talia frequentissima. contrarior. 1. 180.

170. Ibi invidiosi ululabunt; hic amicorum fruitur solatiis. Verbum activum passivè. S.

171. Tunc placebit tribulatio perpeffa. Tunc laudabitur pauperculum domicilium. S. 14.

172. Tunc exaltabitur simplex obedientia, tunc consolaberis super devota oratione potius, quam de longa confabulatione. Disce nunc in modico pati. Si modo modica passio tam impatientem efficit, quid tunc gehenna efficiet? 50. 440. 20. 39.

173. Modicum laborabis, & bene securuseris non omnes habent æque multum ad vincendum. 39. 69. S. 174.



174. Dulce est videre *devotos fratres & bene morigeratos*, & disciplinatos. Quam nocivum, negligere vocationis *propositum*. Memor esto arcepti *propositi*. 44. 2. 56.

175. *Religiosus* fervidus omnia *bene portat*. Religiosus negligens habet *tribulationem super tribulationem*. 47. 69. 5. S.

176. Qui *laxiora & remissiora* quatit, semper in *angustiis* erit. S. S. S.

177. *Satis* arctati sunt sub *disciplina claustrali*; *abstracte* vivunt, *grossè* vestiuntur, & *se* in omni disciplina *custodiunt*. 52. 27. 10. 5. 6. 40.

178. *Attende Carthusienses*, & *monachos* diversæ religionis, *qualiter* nocte surgunt. 40. 3. 54. S.

179. Ideo turpe est, ut tu *deberes pigritare*, ubi tanta multitudo religiosorum incipit Deo *jubilare*. p. volo 1. 1. 5.

180. Tunc Deus *sapere* incipit, tunc *bene* contentus de omni eventu erit, nec pro *modico* contristabitur, sed *ponet se fiducialiter* in Deo. 53. 69. 39. 14. 3.

181. Deo omnia *incunctanter* deferunt. 2.

182. Si incipis *tepscere*, incipies *male habere*. Si autem *dederis te* ad fervorem invenies pacem. *Vigila super te* 4. 6. 11. 2.

183. L. 2. C. 2. Disce *exteriora* contemnere, & ad *interiora te dare*. Veniet Christus, si illi *intus* paraveris mansionem. Antithesis hæc 121. 11. 33.

184. Frequens illi *visitatio* cum *homine interno*; præpara illi cor, *quatenus* ad te venire dignetur. 9. S.

185. Ipse *provisor* tuus, & *procurator*. pone totam fiduciam in Domino, ipse faciet *bene*, sicut optimum fuerit. 2. 3. 14. 69.

186. Ubicumque fueris; *extraneus* es. Si nescis *alta* speculari, in vulneribus Christi *libenter* habita. Christus habuit oblocutores, & tu vis omnes habere *benedictores*. 9. 40. 180. inusitata verba SS.

187. Si *modicum* de amore Jesu *sapuisse*. *Verus internus* potest in spiritu fruitive *quiescere*, qui ab *intra* scit *ambulare*, & *modicum* res ab extra *ponderare* S. qui *intus* bene dispositus est. 39. 53. 15. 9. 33.

188. Tantum homo *distrahitur*, quantum sibi *res attrahit*; si *recte tibi esset*, omnia tibi *cederent* in *profectum*. Si renuis *consolari exterius*, poteris *frequenter interius* *jubilare*. 2. 1. 24. 121.

189. L. 2. C. 2. Non magni *pendas*, quis pro te sit, Deus te *defensabit*. 1. 1.

190. Quando homo se *humiliat, leviter*, satisfacit sibi *irascens* humilis *satis bene* est in pace, quia *stat* in Deo. 18. 52. 69. 74.

191. De *submissione* sub *Pralati* *regimine*. Non *reputes* te aliquid *profecisse* nisi omnibus te *inferiorem sentias*. 73. 19. 6.

192. L. 2. C. 3. *Pone te* in pace, & tunc alios poteris *pacificare*. Homo *pacificus* plus prodest, quam *bene doctus* 14. 1. 69.

193. Homo *passionatus* etiam bonum in malum *trahit*; qui *bene* in pace est, de nullo *suspiciatur*; qui autem *malè contentus* est, *suspicionibus* *agitatur*. 5. 11. S. 50.

194. Tu *facta tua bene* scis excusare, & *colorare*. Unusquisque *libenter* *pacem* habet. Cum *indisciplinatis*, aut *contrariantibus* *pacifice* vivere est *laudabile nimis*. 69. 180. 1. 1. 36. p. *superlativo*.



195. Sunt, qui se ipsos in pace tenent, & sunt, qui nec alios in pace dimittunt. Pax nostra in humili *sufferentia* ponenda. 12.-. 1.

196. Quando homo incipit *deperdere*, *libenter* externam accipit consolationem. Qualis unusquisque *intus* est, talis *judicat* *exterius* 4. 180. 33.

197. L. 2. C. 5. Sæpe nobis *sensus* deest, *modicum* Lumen est in nobis & hoc cito amittimus. Tam cæci *intus* sumus. 13. 39. 33. 33.

198. Satis cito *ponderamus*, quod ab aliis *sustinemus*; qui bene & rectè sua *ponderaret*, non esset, quod de alio *graviter* *judicaret*. 24. 7.

199. *Internus* homo sibi intendit. Nunquam eris *internus* & *devotus*, nisi de alienis *silueris*. Si Deo *totaliter* intendis, *modicum* te movebit. 9. 440. 15. 39.

200. Si *debes* habere pacem, oportet, quod *totum* *postponas*. multum proficies, si te *feriatum* ab omni cura *conserves*. 1. 30.

201. *Valde* deficies, si aliquid *terrenum* *reputaveris*. *Totum* *vanum* existima. 123. 19. 30.

202. Bona conscientia *valde* multa potest portare, & *valde* læta est inter adversa. Bonorum gloria non *in ore hominum*. facile erit *contentus* & *pacatus*, *cujus* conscientia munda est. Non major dici *vales*, quam Deo teste. 123. 1. S.-. 17.

203. Si attendis, quid apud te sit *intus*, non curabis, quid de te loquantur homines *foris*. Deus *pensat* intentiones. Bene agere, & *modicum* de se tenere, humilis animæ indicium est 33. 43. 39. S.

204. Nolle consolari ab aliqua creatura, *internæ* *fiduciæ* indicium est. Qui

nullum *extrinsecus* pro se testimonium quærit, liquet, quod se Deo *totaliter* commisit ambulare cum Deo *intus*, nec aliqua affectione teneri *foris*, status est *interni hominis*. 121. 15. 33. 9.

205. L. 2. C. 7. Dilectio Jesu *perseverabilis*, illum amicum tene tibi. *Teneas* te apud Jesum. Si scires te *bene* ab omni creatura *evacuare* Jesus *deberet* tecum *libenter* habitare. - 14. 69. - 180.

206. *Totum* perditum invenies, quid quid extra Jesum *in hominibus* *posueris*. 30. 14.

207. L. 2. C. 8. Quando Jesus adest, *totum* bonum est; quando Jesus non adest, *totum* durum est. Quando Jesus *intus* non loquitur, consolatio *vilis* est. 30. 33. 17.

208. Qui perdit Jesum, perdit *nimis* multum. Ditiſſimus est, qui *bene* est cum Jesu. Scire Jesum *tenere*, magna prudentia est, si illum *effugaveris*, ad quem fugies? si Jesus non fuerit tibi amicus, eris *nimis* tristis. 36. 69. 14. 1.

209. Esto liber ab *intus*, sine alicujus creaturæ *implicamento*. 33. 15.

210. Omnibus *evacuatis* & *licentiatis* cum Deo uniaris. Non debes *dejici* sed ad voluntatem Dei *aquamiter* *stare*. - 2. 3. 2. 74.

211. L. 2. C. 9. *Valde* magnum est, *libenter* exilium cordis *sustinere*, *satis* suaviter equitat, quem gratia portat. *Libenter* habemus aliquid pro solatio. Discat homo seipsum *plene* *superare*, & *totum* affectum *plene* in Deum trahere. 123. 180. 52. 11.

212. Quando homo *stat* *super seipsum*, facile *labitur* ad consolationes humanas. Verus Christi amator non *cadit* *super*



*super illas consolationes, potens est Deus redonare gratiam. 6. 1.-*

213. Sive adsint homines *boni*, sive *devoti* fratres, *modicum* hæc juvant, & *modicum* sapiunt, quando desertus sum à gratia. SS. 440. 39. 53.

214. L. 2. C. 10. *Pone te ad patientiam. Quis non libenter consolationem* acciperet, divinis consolationibus nemo semper frui *valet*. Homo malè agit, non *totum* Deo retribuendo. Ingrati sumus, nec *totum* refundimus *fontali* origini. 14. 180. SS. 17. 30.

215. Non affecto contemplationem. *Libenter* accepto gratiam, unde *timor* atior evadam. *Pone te* semper ad infimum, quia summum non *stat* sine infimo. Non possunt esse elati, qui Deo *totum* adscribunt. 18. 180. 14. 74. 30.

216. L. 2. C. 11. Jesus habet paucos *bajulatores* crucis, multos *desideratores* consolationis; paucos socios *abstinentie*. Si *modicum* eos reliquerit in *querimoniam*, aut *dejectionem* cadunt. - 2. 39. .9.

217. Homo totaliter à se exeat; non grande ponderet. Quod æstimari posset. Nemo liberior, qui scit ad infimum se ponere. 15. 24. 14.

218. L. 2. C. 12. Qui *libenter* audiunt verbum crucis, tunc non timebunt. mori *affectes* in cruce. In cruce *totum* constat, & in moriendo *totum* jacet. 180. 18. 30. 1.

219. Sæpe tibi gravis eris, nec alleviari poteris, totaliter te subicias. Cordialiter sentit passionem. 3. 2. 15. 11.

220. Si *libenter* crucem portas, portabit te. Tota vita est *circumsignata* crucibus. Sentit fructum ex *sufferentia* crucis. 180. .1.

221. Calicem Domini *affectanter* bi-

be. *Pone te* ad sustinendum; quando tribulatio *sapit*, tunc bene tecum esse existima. 18. 14. 53.

222. Quamdiu pati tibi grave est; tamdiu male habebis. Si *ponis te* ad patiendum, fiet *cito* melius. 3. 14. 33.

223. Merito deberes *libenter modicum* pati pro Christo; nil acceptius Deo, quam *libenter* pati pro Christo. Non *stat* profectus status nostri in multis *consolationibus*, sed in magnis *gravitatibus* 180. 39. 74. SS. 19.

224. L. 3. C. 1. Beatæ aures, quæ de mundi *susurrationibus* nihil advertunt, quæ *interius* auscultant veritatem Beati oculi, qui *exterioribus* clausi *interioribus* sunt aperti, qui *interna* penetrant. 1. 121.

225. L. 2. C. 2. Tu tribuis intellectum *signatorum*. Illi *exterius* rigant, tu *inteligentiam* tribuis. Sine fructu efficior, si fuero *foris* admonitus & *intus* non *aversus*. - 121. - 33.

226. L. 3. C. 3. verba mea non sunt humano *sensu* pensanda. Pro *modica* *præbenda* longà via curritur, pro summo bono ad *modicum* fatigari *pigratur*. Verba mea erunt *valde* necessaria. Ego sum fortis probator omnium *devotorum*. 13. 43. 39. 7. 1. 123. 440.

227. L. 3. C. 4. Quomodo possum *me tolerare* in hac vita. -

228. L. 3. C. 5. Ambula in *simplicitate*; qui ambulat in veritate: *tutabitur*. Habes, unde te debeas *vilificare*, quia infirmior es, quàm comprehendere *vales*. Quidam habent *modicum* in corde: alii de terrenis *graviter* audiunt, naturæ *dolenter* inserviunt. 50. 1. 1. 17. 39. 7. .

229. L. 3. C. 6. Necessè habeo à te *confortari*, ut *intus* sanatus, & *bene* purgatus efficiar; amor leve facit omne



*onerosum*; nam *amarum* *sapidum* efficit, vult esse liber, ne *implicationes* sustineat.

4. 33. 69. 1. S. 15.

230. Labores amor plus affectat, quam valet; non dormitat, est circumspectus, in sensibus custoditus, obediens *Prælati*, devotus, etiam cum non sapit Deus, 18. 17. 4. 5. 25. 73. 440. 53.

231. Qui non est paratus stare ad voluntatem dilecti. Oportet dura libenter amplecti. Discam interiori cordis ore degustare. 74. 180. 121.

232. L. 3. C. 7. Propter modicam contrarietatem deficiis. Non est totum perditum, quando minus bene sentis. *Præfatus* patriæ vadit & venit. Non te conturbent phantasia. Forte serva propositum. Inimicus nititur desiderium evacuare. Stabis confusus. 39. S. 30. . 1. 56. S. 74.

233. L. 3. C. 8. utilius est, devotionis gratiam non multum ponderare. Quidam non pensantes suæ parvitatæ mensuram facti sunt depauperati. Suum sentire sequi volunt. S. 24. 43. 3. . S.

234. Melius est modicum sapere cum parva intelligentia. Non satis virtuosè sapit, qui tempore gravitatis nimis desperare se gerit, sape tempore belli nimis dejectus. 39. S. 52. 53. 19. 36. 9.

235. Si scires modicus in te permanere, non incideres tam cito in offensam. 39. S.

236. L. 3. C. 9. Si me vilificavero & ad nihilum redezero, & ab omni propria reputatione defecero, atque pulverisavero, omnis æstimatio in valle nihilitatis meæ submergetur. 1. 21. 11. . 21.

237. Si mihi relinquo, Ecce tota infirmitas; miram valde quod tam benignè

à te complector; me amando ad nihilum redegi. 30. 123. S. 21.

238. L. 3. C. 10. Ego debeo esse finis tuus ultimus; ex hac intentione purificabitur affectus tuus. Totum dedi, totum rehabere volo. Cor privatus amor non occupabit. Si rectè sapias, in me sperabis. 1. . 30. S. 53.

239. L. 3. C. 11. Nunquam debeo in tuis laudibus fastidire; omnibus abdicatis monasticam vitam assumant. O amplectendum servitium, quo summum promeretur bonum. . 1. 1. .

240. L. 3. C. 12. Desiderium totaliter ponas secundum desiderium meum, & bene contentus eris nec aliis per indisciplinationem scandalum generes, oportet viriliter appetitui contraire, ut paucis contentari discat, & simplicibus delectari. 15. 14. 69. 1. 10. S. 12. 50.

241. L. 3. C. 13. Cum fueris tribulationibus exercitatus, & contrarietatibus probatus, studeas mala æquanimiter tolerare. Homines sæculi parum ponderant suas tribulationes. Propter modicum corruptibilis vitæ mortem animæ incurrunt. Si veraciter vis delectari. Obstat inolitæ consuetudo, remurmurabit Caro. 3. 1. 2. 24. 39. 23. . .

242. L. 3. C. 14. Qui querit privata, amittit communia. Qui non libenter superiori se subdit, signum est, quod caro recalcitrat. Citius vincitur inimicus, si interior homo fuerit devastatus. Quid plene te resignare trepidas? disce te sub omnium pedibus incurvare, disce voluntates tuas frangere S. 180. - 9. . 10. 2. 23.

243. L. 3. C. 15. Expafciscit anima mea valde. O quam submittere me debeo sub abyssalibus iudiciis tuis Domine. O pe-



O pelagus *intransnatabile* ubi nihil de de me reperio, quam *nihil de nihilo*, in toto nihil. 123. - - - 21. 30.

244. L. 3. C. 16. Mihi *totum* committendum est, & dicendum, tu scis, *qualiter melius est*; *gyra & reversa me*. 3. S. S. 1. -

245. L. 3. C. 18. Non poteris *plene* consolari; *expecta modicum*. Verum solatium quod *intus* percipitur. Hoc mihi consolatio, *libentur* velle carere humano solatio. 11. 39. 33. 180.

246. L. 3. C. 19. *Nimis casualiter* stat 36. - 74.

247. L. 3. C. 20. Miseras non *indignanter* feras. Multas *querimonias* audi. Dignum est, ut *me* patienter *sustineam*, etsi onerosa hæc vita. *Quanti* retro *manerent*. - - - 7. 5. 1.

248. L. 3. C. 21. Multi *graviter* tribulati & *exercitati*. Feres *levius*. Non attendas, utrum à *Pralato*, an *æquali* exercearis. 7. 1. 9. 56.

249. *Totum* *gratanter* de manu Dei accipe. Nihil pro eo *passum* sine merito; certa *viriliter*. Tu scis, quod *modicum* possum pati, efficiatur mihi *exercitatio optabilis*; nam pati pro te *valde* salubre. 30. 17. S. 10. 39. - 123.

250. L. 3. C. 22. Propono me fortiter acturum, sed cum *modica* tentatio venerit magna mihi *angustia*. *Valde* vilis quandoque res. Me *reverberat*, quod tam *labilis* sum. Tædet *valde* sic vivere. Robora me, ne caro necdum *plene* subiecta *valeat* dominari. Qui sub *disciplina* vivere student, *dulcedinem* vetis *abrenuntiatoribus* promissam non ignorant. 39. 1. 123. - - - 11. 17. 27. -

251. L. 3. C. 23. Super omnem *scientiam* & *subtilitatem*, super omnem *ju-*

*bilationem* tu *solatiofissimus*. Non potest cor meum *veraciter* requiescere, nec *totaliter contentari*, nisi in te, 6. 4. - 23. 15. 12.

252. L. 3. C. 23. Quis mihi det *penas* ad volandum & *pausandum* in te? O quando ad *plenum* dabitur vacare mihi? quando ad *plenum* recolligam me in te, ut sentiam te super omnem *sensum*? *veniat* Dominus meus ad *pauperculum* suum. 7. 11. 13. 14.

253. Tu mihi *intus* loquaris. Quid habet servus tuus, nisi ut se *humiliter* *valde*, memor *propriæ vilitatis*. Sunt opera tua bona *valde*. 33. 123. 7.

254. L. 3. C. 24. Cum tuam nobilitatem *attendo*. Quæcunque *exterius* & *interius* possidemus. Ille major est, qui in *regratiando* *devotior*. Te *attendere* debet, quod tam *affluenter* largiris. 33. 121. 15. 440. 2.

255. Pro magno *reputo* beneficio, non multa habere, unde *exterius* laus appareat, ita ut quis *considerata vilitate* personæ suæ non modo *gravitatem* aut *dejectionem* inde non percipiat, sed potius *consolationem*. 19. 121. 7. 19. 9. SS.

256. Tantum quis *contentari* debet, ut ita *libenter* velit esse minimus, sicut aliquis *optaret* esse maximus, atque ita *libenter* *despicibilis*. 12. 180. 14. p. volo. 1.

257. L. 3. C. 27. Rape me *indurabili* consolatione, quia nulla res creata *appetuum meum plenariè* valet *quietare*. 1. 11. 17. 5.

258. L. 3. C. 28. Tu non indiges *respondere* pro aliis; quid ergo te *implicas*. Tu *serva* te in *bona pace*, & *dimitte* *agitantem* *agitare*, quantum voluerit.



*Libenter tibi loquerer verbum. 1. 15. SS. 50. 180.*

259. L. 3. C. 29. Rebus tibi non commissis te non *implices*; non existimes *totum* esse bonum, si nullam *senferis gravitatem*. In devotione non consistit *profectus*. Omnia æqua lance *penfes*, tunc *indubitata* spes erit. 15. 30. 19. 24. 43. 1.

260. L. 3. C. 30. Ne nimis *implicer* à necessitatibus corporalibus, quæ animam *poenaliter* gravant. 15. 1. 2.

261. L. 3. C. 31. Mirum, quod non *ex toto fundo cordis* te mihi committis. *Sta* ad beneplacitum meum. Nunquam eris in *quietudine*; nec diu *stabit* pax quæsitæ *forinsecus*, nisi *steteris* in me. 74. S. 121.

262. L. 3. C. 32. Da virtutem *corroborari* in *interiori homine*. 9.

263. L. 3. C. 33. Si *ambulas* ab *intra*, non *ponderabis* volantia verba. Est prudentia *introrsus* converti. Non sit pax tua in *ore hominum*. Ex inordinato amore nascitur *inquietudo*. 33. 24. 121. 1. S.

264. L. 3. C. 34. Non est cordi meo *bene*, cum fuero *valde humiliatus*, & *gravatus*; ego *bene* merui *gravari*. 69. 123. 24.

265. L. 3. C. 35. Venias ad me, cum tibi non fuerit *bene*. Quid *importat* sollicitudo de futuris? nisi ut *tristitiam* super *tristitiam* habeas? 69. 1. 5.

266. Quando existimas *totum* perditum, non debes judicare secundum præsens *sentire*, nec *gravitati* inhaerere. 30. 44. 19.

267. Noli putare te derelictum *ex toto*. Expediit, ut *exercitemini* adversis, & ut interdum sine *sapore* relinquareis. Si tibi misero *gravitatem*, aut *contra-*

*rietatem*, cito sublevare possum. 1. 1. S. 19. S.

268. Justus sum, & *recommendabilis multum*. Si rectè *sapis*, & in *veritate* aspicias, nunquam debes tam *dejectè* contristari. S. 53. - 15.

269. L. 3. C. 36. Bene indigeo majori gratia. Oportet *pertransire* creaturam, & in excessu mentis *stare*. A creaturis *expeditus*. 69. 1. 74. S.

270. Pauci sciunt, se à creaturis *ad plenum sequestrare*. Quidquid scit, non est magni *ponderis*. Diu *parvus* erit, qui aliquid æstimat, nisi summum bonum. 11. S. 3.

271. 234. Est magna differentia *illuminati* & *devoti* viri, & *litterati* clerici. In *sensibilibus* *statur*. De *interioribus* raro *recollectis* sensibus cogitatur. S. 440. 10. 74. 121. S.

272. Post *modicam* *recollectionem* *feras* *erumpimus*, nec opera nostra *trutinamus*. Actio index est *interioris* *vigoris*. Quanta quis virtute fecerit, non *pensatur*. Si fuerit bonus *laborator*, *investigatur*, quam *devotus* & *internus*, *tacetur*. 39. 33. 121. 41. - 440. 9.

273. L. 3. C. 37. *Totaliter* abneges te. *Compediti* sunt omnes *gyrogavi*, ac *componentes*, quod non *stabit*. *Peribit totum* quod non est ex Deo, hoc mente *pertracta*, non enim est *ludus parvulorum*. 15. - 30. 3.

274. Utinam sic tecum *esset*, ut ad nutum meum *pure* *stares*, tunc mihi *valde* *placeres*, *postpone* terrenam sapientiam. Cœlestis sapientia non *alta sapiens* de se; multi eam *oretenus* prædicant. S. S. 123. 1. 40. 53. 2.

275. L. 3. C. 38. *Stat bene* doctus in spiritu oculo *impratermisse* in me *directo*.



cto. Respicit citò in aliquod delectabile, & raro totus liber à nævo propriæ acquisitionis invenitur. 74. 69. - 33. S. 30. 1.

276. L. 3. C. 39. amanti sapit Deus. O *sapidum* verbum. Si debet bene sapere. Cui tu *sapis*, quid ei rectè non *sapiet*, cui tu non *sapis*, quid ei *ad iucunditatem* esse poterit. Deficiunt, qui carnem *sapiunt*. Istis *sapit* Deus. Dissimilis *sapor* creatoris & creaturæ, fulgura coruscationem ad inhærendum tibi *jubilosis* excessibus. 53. - .

277. L. 3. C. 40. Inter hostes versaris à *dextris* & *sinistris*. Non ponis cor in me. Oportet *viriliter* omnia *pertransire*, non ponaste ad multam requiem, sancti habuerunt *gravitates*, *viriliter* age, ego reddam *plenissimè*. 1. 14. 10. 1. 19. 11.

278. L. 3. C. 41. Ora lequentium *mendosa*. Noli contendere *verbis querulis*. 1. 1.

279. L. 3. C. 42. *Sta* sine proprietate; adjicietur gratia statim, ut te *resignaveris*. Quoties me *resignabo*? Sis à propria voluntate *intus* & *foris* spoliatus. Non *plenè* Deo confidunt. Sine *resignatione* non *stat* unio. 74. 10. 3. 11.

280. L. 3. C. 43. *Sis* *interius* liber. Si in omni *eventu* *stas*, *redies* pro improbitatibus hominum *sublevandis*. Confutgere debes in *cordis tui secretarium*. 121. 74. S. 1. 5.

281. L. 3. C. 44. Sæpe homo *rem agit*; homo *abnegatus* *valde* liber est. 50. 123.

282. L. 3. C. 45. Certè, nisi à te *fue-*ro *interius* informatus, *totus* efficior *repidus*. Si *bene* scirem humanam consolationem *abjicere*. Unde appeto *repu-*

*tari*? nunquid de *nibilo*? 121. 30. 69 19. 21.

283. L. 3. C. 46. Noli tibi *attrahere*, si videas alios honorari. Non habeo *conqueri*. Non possum *interius* *pacificari*. 2. 30. 121. 1.

284. L. 3. C. 47. Pax non est *ponenda* in hominibus. Si *ponis* pacem tuam cum aliqua persona propter tuum *consentire*, & *convivere*, *impacatus* eris. In me debet amici dilectio *stare*. 14. Infinitivus 44. - 74.

285. Si *scires* te *annihilare*, tunc deberem in te *cum magna gratia emanare* *modicum* retardat à *lummo* bono. Homo *vilescit*. 1. - 39. 4.

286. L. 3. C. 48. *Attende* verba mea. Doceo sine *pugnatione* argumentorum. Doceo aterna *sapere*, non in *studendo* *subtilia*. *Intus* sum *Doctor*, cogitationum *intellector*. 33. - 53. S. 33. - .

287. L. 3. C. 49. De non *attrahendo* sibi res exteriores. Multa oportet *surda* aure *pertransire*. Utilius est, unicuique suum *sensum* relinquere. 2. 1. 13.

288. Si *bene steteris* cum Deo, *facilius* te *portabis*. Pro *modico* *quæstu* *curritur*; *totus* homo in *exterioribus* *jacet*. 74. 5. 29. S. 131.

289. L. 3. C. 50. Quis se ita *circumspectè* *custodire* valet, ut in *perplexitatem* aliquando non *veniat*? 5. 14. 17. 1.

290. Si fuerit *implicatus*, *eruetur*. *Rarus* amicus *perseverans* in *pressuris*. O quam bene *sapuit* illa anima! 15. 13. 53.

291. L. 3. C. 51. Te *libenter* velis *emendare*; *pensa*, quod velis *libenter* pro Deo *sustinere*. Parum *satis* est, ut verba *sustineas*. Quare tam parva tibi *ad cor transeunt*, nisi quia homines *attendis*. Qui cor *intus* non habet, *facili-*



ter moventur. 180. §3. §2. 1. 33. 33.

292. Qui non appetit proprio iudicio stare. Ego scio, qualiter res acta est. Ego injuriantem novi. Debeo me mansuetè sustinere. Dona gratiam sufferentia: melior est tua misericordia, quam mea opinata justitia. 74. S. - . . 1. - .

293. L. 3. C. 52. Non diu hic gravaberis, cessabit omnis tumultus. Modicum est, quod transiit. Sustine viriliter, erit salus indefectiva. Affectores pro nihilo inter homines computari. O si tibi hæc saperent, & profunde ad cor transirent. 24. 21. 39. 10. 18. 21. 7. §3. 1.

294. L. 3. C. 52. Quam tædiosa ista vita! multis vanitatibus implicatur, tentationibus gravatur. Quando ad plenum læabor? quando ero sine omni gravamine? 2. 15. 4. 11. 13.

295. Quando erit pax intus & foris, pax ex omni parte? opto inhærere cœlestibus, sed deprimunt immortificata passionibus. Confiteor verè, quia valde distractè me habeo. Si cœlum diligo, de cœlestibus libenter penso. 23. 1. 14. 1. 21. 123. 180. §3.

296. Beatus, qui creaturis licentiam abundè tribuit, terrenis foris & intus exclusis, ut serenata mente orationem offerat. 2. 23. -

297. L. 3. C. 54. Non hoc cogitato tuo accipis. desideranter petunt. Quod aliis placet, processum habebit, quod tu dicis pro nihilo computabitur. 1. 13. - . 21. 7.

298. Erunt alii magni in ore hominum, tu ad nihil utilis judicaberis. In his probati solet servus, qualiter se abnegare, & frangere quiverit. moneri indiges. 1. - . S. 33. 1.

299. Durum tibi videtur, proprium

sentire omittere; sed pensa præmiū nimis magnum, & non habebis gravamen, sed solamen. S. §3. 36. 10.

300. Pro modica hac voluntate in cœlis tua voluntas nil cupiet extraneum, vel privatum. Inclina te sub omnium manibus, sive Prælatus, sive minor innuerit. 39. 9. S. - §6.

301. L. 3. C. 55. Venit hora, ut ad modicum tempus succumbat foris servus tuus, vivat verò semper apud te intus; vilipendatur, ut glorificetur. Gratias tibi, quia immisisti angustias foris & intus, ut incurvem tortuositatem meam. 39. 33. 6. -

302. Da hoc reputare, quod tibi pretiosum apparet. Non me sinas secundum auditum hominum sententiare. Quid est homo, quia reputatur ab homine. Veraciter confundit, cum laudat. 19. - 25.

303. L. 3. C. 56. Non vales semper in interventio: desiderio stare; senties gravamen cordis, eo quod non vales spiritualibus indefinenter inhærere. 17. 74. 10. 1.

304. L. 3. C. 57. Nihil dignus sum. In multis valde deliqui, vera pensata ratione. Nec decet me inter devotos tuos commorari. - 123. §3. 440.

305. L. 3. C. 58. Nullius require confabulationem, ut compunctam teneas mentem; si scandere gliscis, oportet viriliter incipere. S. 27. - 10.

306. Ex hoc vitio pendet totum, quidquid radicaliter vincendum est. Pauci plenè extra se tendunt; nulli creaturæ concupiscenter inhæreant. 30. 1. 11. -

307. L. 3. C. 59. Motus naturæ & gratiæ valde contrariè moventur. Gratia simpli-



*simpliciter* ambulat, in Deo *finaliter* requiescit, resistit *sensualitati*, sub disciplina amat teneri, libenter amplectitur laborem, simplicibus delectatur. 123.

50. 10. 4. 27. 2. 180.

308. Nec verbis durioribus *acerbatur*; restringit *evagationes*; in omni sensu se submittit; natura abhorret *vilia* & *grossa*; multum ponderari sua gesta concupiscit, quando natura premitur, interior homo reformatur. - 13. 7. 6. 24. 9.

309. L. 3. C. 60. Non obediendum *sensualitati*. Dum *sensualitati* obedio. Nec *alta* speculatio aestimetur. Gratia solamen *pressurae*, *fugatrix* tristitiae, *ablatrix* timoris, *productrix* lachrimarum. 4. 40. 13. - - - -

310. L. 3. C. 61. Quantum *vales* à te exire. Nil delectat *plenè*. Retro abire non licet, sequamur *viriliter*. 17. 11. 1. 10.

311. L. 3. C. 62. Nunc *dimitte* transire. *Satis* virilis es. *Attende* fragilitatem tuam. Hoc te non *deiciat*, nec diu *implicet*. S. 52. 33. 3. 15.

312. *Pone ex corde*; sustine patienter, si non potes *gaudenter*. Dolor *dulcorabitur*. Non est *totum* frustratum. Ego sum, qui *mœrentes* erigo *sospitate*. - 4. 1. 30. 1.

313. L. 3. C. 63. Cave disputare de *altis* materiis. Ego infudi consolationes *magnificas*. Sancti *toti* in amorem Dei pergunt. De virtutum suarum *parvitate* cogitat melius, quam de Sanctorum *majoritate* aut *parvitate* disputat. Illi *bene* contentantur. Si homines scirent contentari. Gaudio *superfluenti* replentur. 40. 13. 3. 69. 12. 1.

314. L. 3. C. 64. Ubi mihi *bene* fuit sine te? *totum* infirmum invenio extra te. 69. 30.

315. L. 4. C. 1. Verba tua *gratanter* sunt suscipienda; libenter ea recipio, sed me *reverterat* conscientia. Jubes ut *fiducialiter* accedam. Quid sibi vult tam *amicabilis* invitatio & *dignatio*. Moyses arcam ex lignis *imputribilibus* fecit, est valde magna distantia inter arcam, & hostiam *sacrficiorum completivam*. Salvavit *devotissimus* Rex David. 17. 180. - 3. 1. 1. - 1 3. - 440.

316. Sæpe in talibus videndis est novitas *invisorum* & *modicus* fructus. Ad te non trahit *sensualitas*. Dolendum valde super tepiditate nostra. Heu! tam *ineffabile* donum non magis attendere. - 39. 4. 123. 1. 33.

317. L. 4. C. 2. Super bonitate tua confusus. Confiteor *vilitatem* meam. Quid cogitabo, nisi me *totaliter* humiliando. Despicio me in profundum *vilitatis* meæ. Qualis *dignatio* illucescit? sub *modica* specie integer contineris. Debes hoc *mysterium* pensare. 5. 7. 15. 1. 39. 43.

318. L. 4. C. 3. Venio, ut *bene* mihi sit, desidero te *reverenter* suscipere, quatenus merear benedici. Sine te vivere non valeo. Sæpe *tepesco*, & à proposito *desino*. Ad *pauperculam* dignaris venire animam. *Vivificator* omnium. 69. S. 17. 4. - 14. - -

319. L. 4. C. 4. Ut ad *magnificum* Sacramentum merear accedere *devotè*. Suavitas in hoc *plenariè* latet. Quid ego de tam *alto* secreto potero investigare. 13. 440. 11. 40.

320. In *simplicitate* cordis totus amore



amore *perfluam*, & de nulla consolatione aliena me *intromittam*; est hoc *alissimum* Sacramentum; Passiones *frœnantur*; charitas *ignescit*. 50. S. - 40. I. I.

321. *Susceptor* animæ meæ, *reparator* infirmitatis, & *totius* dator consolationis. De imo *dejectionis* erigis. Cum electis tam *dispensanter* agis, ut *patenter* experiantur. - 30. 9. - I.

322. Saltem *modicam* capiam guttulam. Tu fons es *superabundans*. Tentationibus *inquietor*; passionibus *implicor*. 39. 4. 15.

323. Deus *operator*. Plus Deo credendum, quàm proprio *sensui*. Non *allevasti* onus. Alligatus es vinculo *disciplina*. 13. 2. 27.

324. Sacerdotis *conversatio* non cum *popularibus*. Habet ante & retro signum crucis. Post se cruce signatus est. 38.

325. L. 4. C. 6. Cum *vilitatem* meam *penseo*, contremisco *valde*. Utile est scire, *qualiter devotè* debeam accedere. 7. 43. 123. S. 440.

326. L. 4. C. 7. Dole, quod ita *carnalis* sis, & *immortificatus*, tam *inestoditus* tam sæpe *phantasiis* implicatus, tam *multum* inclinatus ad exteriora tam *negligens* ad interiora; tam *levis* ad *dissolutionem*, tam *curiosus* ad nova. 3. I. 40. I. 15. 36. 121. 123.

327. Tam *inconsideratus* in loquendo, *incontinens* ad tacendum; tam *modicum* ad effectum perducens. - I.

328. L. 4. C. 8. Debes cum omnibus viribus, quanto *intimius* vales, offerre. Si in teipso *feteris*, non est

*plena oblatio*. Ideo tam pauci *illuminati* & liberi *intrus* efficiuntur. Cor Deo *totaliter* tribuam. volo *libenter* esse tecum. - 8. 17. 74. 11. 1. 33. 15. 180.

329. L. 4. C. 9. Omnia mihi *plene* indulgeas. Quid possum, nisi *miserericordiam incessanter* deprecari. *Resigno* me. 11. 2. 10.

330. Sancti ad te *medullitus* inhiabunt. Concede *medicum* de *cordiali* affectu. - 39. 11.

331. L. 4. C. 10. Recurrendum est ad fontem *totius pietatis*, quatenus curari *valeas*. & *vigilantior*, peiores *satanae immissiones* patiuntur. 30. S. 17. S. 3.

332. Cuncta *phantasmata* retorquenda. Non est curandum de *phantasiis*. Propter *parvam gravitatem* non dimittas *communione*. 9. 1. 19.

333. *Vade consilium*. *Offensiones* aliis *libenter* indulgebis. Cras magis *ineptus* eris. S. S. 180. 1.

334. *Quanto citius vales*, à *gravitate* & *inertia* te excutias, quia nihil *importat* diu *anxiari*. - 17. 19. 2. 1. 2.

335. Nocet se à *communione* *sequestrare*, & *communione* *protelare*. - 2.

336. *Dissoluti* moras *confitendi* *libenter* accipiunt, ne ad *maiores* sui *custodiam* se dare teneantur. Heu, quam *modicam* *charitatem* & *debilem devotionem* habent, qui *sacram communionem* tam *faciliter postponunt*. 12. 180. 14. 11. 39. 440. 1.

337. Accende *frigiditatem* meam, tu solus mihi *dulcescas*, totum bonum meum. Utinam *me totaliter* accendas. Quid



Quid miram, si totus ex te *ignescerem*.

4. 30. 15. 1.

338. L. 4. C. 11. Sancti gaudent in claritatem *abyssalis* Deitatis transformati. Me nulla creatura potest *quietare*, nisi tu Deus, quem desidero *atervalliter* contemplari. - 5. 9.

338. Ponam me ad patientiam. Cum *fruibili* unione potiri fuerint, & *bene* consolati. 14. 1. 69.

339. L. 4. C. 12. Ibi est locus *requietionis*, exclude *totum* sæculum, & *vitiorum tumultum*, nihil habet ad *retribuendum*, nisi *regratiando* - 30. 21. 15.

340. L. 4. C. 13. *Æterna sapere* disceam, quando ero mei *totaliter* oblitus 53. 15.

341. L. 4. C. 14. Confundor, quod non sum *totaliter* accensus, nec ita vehementer affectus & *attractus*. 15. -

342. L. 4. C. 15. Oportet *devotionis gratiam* *instante* querere, *indefinenter* petere, *fiducialiter* expectare, *gratanter* recipere. Humiliare te debes, cum parum *devotionis gratiam* *interius* sentis, sed non nimium *dejici*. S. 1. 1. 3. 17. 121. 15.

343. Si gratia pro voto adesset, non esset *bene portabile*. Propterea *expectanda* *devotionis gratia*. *Modicum* sæpe est, quod gratiam impedit si *tamen modicum* dici debet. 69. 1. S. 39.

344. Si te in teipso *posueris* *pacatum*, te *invenies*, quia *bene sapiet*. Se *posuit totaliter* in manu ejus. 14. - 69. 53. 15.

345. L. 4. C. 16. Sæpe sum *gratus*. Te pro *sublevamine* *deprecor*.

24. 1.

46. L. 4. C. 17. Cum *toto* cordis affectu, in *ardentissima devotione* *totum* bonum meum, *felicitas* *interminabilis*. 30. 440. 2.

347. Offero *inflammata* desideria cum *intimo* favore. Nihil *opto* mihi *reservare*. 1. 8. 14.

348. Opto omnia *libentissime* *immolare*. Te *affectu* suscipere. 180. 18.

349. Joannes *lætabundus* exultavit, *valde* se humilians, omnium *devotorum* *jubilaciones* offero. 123. 440. 4.

350. L. 4. C. 18. Plus valet *tolerabilis* *inquisitio* veritatis. Non *exigitur* *altitudo intellectus*. Humilia *sensum tuum*, Deus aperit *sensum suum* puris mentibus, 1. 40. 13.

Hæc sunt partim verba minus usitata, partim consuetudines verborum usitatorum inprimis auctori familiarium non communes omnibus auctoribus, partim consuetudines particulares fingendi aut derivandi, nova verba, quæ non sunt communes bonis auctoribus. Itaque cum hæc omnia reperiantur in aliis opusculis Thomæ Kemp. non potest esse possibile secundum leges combinationis, quin sit idem auctor; sicut fieri non potest, ut duo vultus vel duæ imagines conveniant in trecentis Notis characteristicis, quæ conveniant aliàs in singulari paucis, quin hæc duæ imagines representent faciem ejusdem hominis.

\*\*\*\*\*



## §. 4.

Similitudo in sententiis, allusionibus, numero, & variis aliis  
Notis characteristicis.

I. L. 1. C. 17. Habitus & tonsura modicum conferunt, sed mutatio morum & integra mortificatio passionum. Serm. 14. ad Nov. n. 9. Non vestis pulchra perfectum facit religiosum, sed perfecta sæculi abrenuntiatio, & vitiorum quotidiana mortificatio.

II. L. 1. C. 2. Quid prodest tibi alta de Trinitate disputare, si careas humilitate? Sml. n. 9. Quid prodest altum nomen sine humilitate?

III. L. 1. C. 11. Si non vincis parva & levia, quomodo superabis difficiliora. Hortul. C. 15. n. 1. Si non potes parva vincere, non poteris graviora superare.

IV. L. 1. C. 12. Valde vilis quandoque res est, unde gravis tentatio provenit. Hort. c. 15. n. 2. Sæpe valde parva res, unde homo valde graviter tentatur in seipso, vel etiam vexatur ab alio.

V. L. 3. C. 50. Sancta illa anima, quæ dixit, mens mea solidata est, & in Christo fundata. In opusc. Beata Agatha ingenua virgo ait: Mens mea solidata est, & in Christo fundata est.

VI. L. 1. C. 2. Ama nesciri & pro nihilo reputari. In opusc. Ama nesciri & pro nihilo reputari.

VII. L. 1. C. 22. Miser es, ubicunque fueris, nisi ad Deum te convertas. Soliloq. C. 14. quocunque te vertere disponis, dolores semper invenies, & tædia multa, nisi fueris ad creatorem conversus.

VIII. L. 1. C. 3. Ubi sunt modo, quos

bene novisti, dum adhuc viverent & florent? opusc. 5. C. 2. n. 9. Ubi sunt qui in hoc mundo floruerunt.

IX. L. 1. C. 1. Omnia vanitas præter amare Deum. Manual. C. 7. Omnia pereunt præter amare Deum.

X. L. 2. C. 11. Plures invenio Jesus socios mensæ, sed paucos abstinentiæ. Hortul. C. 7. Christus multos habet amatores & sodales mensæ, sed paucos sectatores abstinentiæ.

XI. L. 2. C. 12. Tota vita Christi crux fuit & martyrium. In Cantic. 8. tota vita Jesu Christi crux fuit & martyrium.

XII. L. 1. C. 15. Sæpe videtur esse charitas, & est magis carnalitas. De discipl. C. 11. Sæpe putatur esse charitas, & est magis carnalitas.

XIII. L. 1. C. 17. De abnegatione sui. Tene breve & consummatum verbum. In hoc brevi verbo includitur omnis perfectio religiosorum. De dispens. l. 1. C. 3. Quidquid virtutis, quidquid perfectionis, quidquid spiritualis est conversationis, in hoc uno adimplevi, videlicet in plenaria mei abnegatione.

XIV. L. 1. Habetur perpetuum colloquium cum Deo. C. 2. Loquere Domine, quia audit servus tuus. C. 3. Audi fili mi verba mea. C. 4. Domine Deus meus omnia bona tu. C. 5. Fili ambula coram me. C. 6. Benedico te pater cœlestis. C. 7. Fili non es adhuc fortis &c. In Doctrin. C. 11. Domine durus videtur hic sermo. Audi fili me & docebo te. Domine verum est quod loqueris. In Soliloq. C. 18. Dilecte Domine, responde pro me, tu loquere.



o quere. Et vox dilecti mei: Non attendas ad voces exprobrantium, cui ego: dilecte Domine, non eis imputetur. Dicit ille: bonum, quia humiliasti te. Simile Colloquium habet de 3. Tabernac. C. 1.

XV. L. 1. C. 22. Nemo est in mundo sine aliqua tribulatione, quamvis Rex sit aut Papa. & C. 13. quamdiu in mundo vivimus, sine tribulatione esse non possumus; una tentatione seu tribulatione recedente alia supervenit, & semper aliquid ad patiendum habebimus, nemo tam perfectus qui non habeat tentationes. Non est ordo tam sanctus, nec locus tam secretus, ubi non sunt adversitates. Serm. 10. ad Novit. Neminus parit Deus, sed dat unicuique suum onus ad portandum ut habeat causam ad multum promerendum. Impugnatur omnis Christianus sive religiosus, sive secularis, nec dives nec pauper sine onere est. Quilibet habet satis ad portandum.

XVI. L. 1. C. 22. Dicunt multi, Ecce, quam bonam vitam ille habet, quam dives, quam potens, quam excelsus! sed attende ad coelestia bona. Vix amantibus suam miseriam, in fine graviter sentient, quam vile erat, quod amaverunt. Sancti non attenderunt, quæ carni placuerunt; quando tribularis, tunc tempus est promerendi.

Serm. 10. ad Novit. Non scandalizet vos, si mali florent in mundo, & boni gemunt sub onere; Deus meliora & æterna bona providit electis suis; malis omnia in eorum perniciem retorquet. permittit Deus multas tribulationes cadere super iustos ad meritum augmen-

tum. Sanctorum vitam aspice, ut in adversis fortes sis.

XVII. L. 2. C. 12. Durus multis videtur hic sermo: abnega te ipsum & sequere me. Sed quid times tollere crucem, per quam itur ad regnum? in cruce salus, in cruce gaudium spiritus. Tolle ergo crucem & sequere Jesum, & ibis in vitam æternam. Præcessit ille bajulans sibi crucem, ut tu portes crucem. Qui si socius fueris poenæ, eris & gloriæ. Si hoc durum, multo durius erit, audire illud extremum verbum, discedite maledicti in ignem æternum. Serm. 23. de Pass. Demonstrat Christus exemplo, quod docuit verbo: Qui vult venire post me, abneget semetipsum, & tollat crucem suam, & sequatur me. Ne formides, per crucem itur ad salutem; per poenam pervenitur ad gloriam. Ecce, habes præcessorem asperioris viæ Jesum; bajulat humilis Jesus Crucem suam; sequere Dominum, ut eo duce pervenias ad æternæ felicitatis regnum. Videtur via crucis amara & gravis, sed finis erit bonus. Nonne melius est, nunc lugubrem ducere vitam, quam cum diabolo æternaliter cruciari in inferno? similia habet Serm. 19. ad Novit. Serm. 24. de Pass. Enchir. C. 1.

XVIII. Frequenter agit contra inordinatum sciendi desiderium. Nempe. L. 1. C. 1. 2. 3. L. 3. C. 63. & L. 3. C. 48. ubi sic habet: *Contra vanam & secularem scientiam.* Nunquam legas verbum, ut doctor aut sapientior possis evadere. Vix illis, qui multa curiosè inquirunt, & de via mihi serviendi parùm curant. Ego doceo sine pagnatione argumentorum. Et L. 1. C. 3. Quid curæ nobis de



generibus aut speciebus? quid prodest magna cavillatio de occultis, & obscuris rebus? humilis tui cognitio certior via est ad Deum, quam profunda scientiæ inquisitio. O si tantam adhiberent diligentiam ad extirpanda vitia, sicut ad movendas quæstiones! quia verò plures magis student scire, quam vivere, ideo sæpe errant. Quid prodest alta de Trinitate disputare, si careas humilitate. L. 1. C. 1.

Idem in aliis opusculis passim. In vita Gerardi C. 18. Nullam propone artem studere, nullam librum facere, nullam practicam scientiæ exercere ad dilatandam famam meam, & nomen scientiæ meæ, vel ad habendos honores, vel ad memoriam mei relinquendam. Item nullum verbum proferas, de quo multum religiosus vel scientificus appareas. Item omnem disputationem publicam vitare, quæ est litigiosa, sicut sunt disputationes Theologorum & Artistarum Parisiis. Serm. 12. ad Novit. Multi philosophi & magni in oculis suis ab humilitate recedentes à veritate erraverunt. Multi Magistri de humilitate & contemptu mundi prædicant, qui tamen vix à longe Christum sequuntur.

XIX. Frequenter adhortatur per particulam Eja! L. 1. C. 23. Eja, charissimi. L. 2. C. 1. Eja, anima. L. 1. C. 5. Eja Domine Deus. L. 3. C. 56. Eja, fratres. Serm. 2. Nov. Eja charissime. Serm. 6. ad Frat. Eja, quantum letabuntur! Medit. 10. de Nativ. Eja, Domine Jesu soliloq. C. 12. Eja, anima mea, & C. 24. Eja, obsecro te Domina mea, de Dispens. Eja, Martha.

XX. Frequenter habet modum exclamandi, O quam. L. 1. C. 13. O quam citò transit gloria mundi. C. 18. O quam multas tribulationes passi sunt. O quam strictam vitam duxerunt. L. 3. C. 10. O quam magna multitudo. C. 14. O quam breves. O quam humiliter & abjectè. O quam profundè. C. 7. O quam sapiens, qui ita considerat. C. 45. O quam bene sapit illa anima. O quam bonum & pacificum &c. Soliloq. C. 2. O quam terribilis es. C. 5. O quam miser factus sum. C. 19. O quam salubre, quam jucundæ. O quam vanæ, quam deceptoriæ. C. 11. O quam dulcis & pius es. C. 16. O quam magnâ misericordia ejus. C. 14. O quam dulcis tua præsentia. C. 21. O quam jucundi sunt omnes sancti. C. 25. O quam dulcis est amator tuus. &c.

XXI. Frequenter utitur exclamatione optativa, O si. L. 1. C. 3. O si tantam adhiberent diligentiam. C. 25. O si scirem. O si nihil agendum incumberet. Soliloq. C. 7. O si paratus essem. O si in gratia mortuus essem. Vall. C. 10. O si tali frueretur dulcedine. C. 19. O si studium. O si possem.

XXII. Quando narrat aliquid, fere semper utitur hoc initio. Quidam L. 1. C. 13. quidam dixit, principiis obsta. L. 1. C. 20. dixit quidam quoties inter homines fui, minor homo reddi. L. 1. C. 25. cum quidam fluctuaret. L. 2. C. 9. quidam præsentem gratiam dicebat. L. 3. C. 38. quidam amando me didicit. L. 4. C. 50. quidam ait, cautus esto. Serm. 2. Nov. n. 5. quidam devotus exivit. n. 6. Clericus quidam habitabat. Serm. 6. n. 4. fuit quidam frater. n. 6. frater quidam coepit. Serm. 13. n. 7. dixit quidam devotus



votus n. 9. fuit *quidam* Ordinis Cisterciensis. n. 10. *quidam* frater regularis. n. 9. dixit *quidam* expertus. Serm. 14. n. 11. fuit *quidam* frater. Hospit. C. 1. cum *quidam* princeps. Dial. Nov. C. 5. erat sacerdos *quidam*. C. 6. fuit juvenis *quidam* &c.

XXIII. Habet quendam habitum derivandi aut excogitandi novas voces, aut talibus minus usitatis utendi. v. g. L. 1. C. 4. longanimiter res est ponderanda. L. 1. C. 4. cum conscientioso viro rem habeas. L. 1. C. 5. non quæras magnæ litteraturæ fuerit. L. 1. C. 3. purus spiritus purus à propria exquisitione nititur esse. Talia etiam sunt supra §. 3. enumerata. Simplificatus, immortificatus, supportatio, exandibilis, purgativus, contrariare, pauperculus, fabulatio, grossa, pigritare, defœdari, extraneus, morigeratus, tractatus sæcularium gestorum, ædificativa, perplexitas, indifferenter, apparentia, injuriare, opinata justitia, indefectivus, tediosus, sententiare, desideranter, tortuositas, subjectivus, fruibilitate, edomatio, suppeditare, finaliter, acerbare, fugatrix, ablatrix, productrix, interminabilis, discursus, sospitas, magnificus, parvitas, superfluo, reverberat, fiducialiter amicabile, imputribilis, præfigurativa, completiva, invisibilis, gravitates, contrarietates, deformatus, vivificator, ignesco, dispensanter, patienter, inquietor, frequentare, incustoditus, incompotus, deploratus, medullitus, immisiones sarana, frigiditas, dulcesco, abyssalis, quietare, fruibilis, regratiari, homunio, porabile, sublevamen, affectatus, impor-

tabile, circuitiones, sensualitas, cordialiter, scire exterius, extraneus, requietio, benedictores, defensare, pacificare, passionatus, colorare, feriatum esse, perseverabilis, implicamentum, licentare, redonare, angustiare, intransnabile, gyrate, reversare, casualiter, grante, imprætermisere, querulosus, secretarium cordis, abnegatus, intellector, fontalis, desiderator, affectare, alleviari, circumsignatus, affectanter, vilificare, pulverisare, ultimat, solatiofissimus, pauperculus, regratiari, despicabilis, indurabilis, quietudo, recommendabilis, laborator, gyrovagi. In aliis ostendit eundem habitum utendi similibus derivativis adverbis, adjectivis, substantivis, aut verbis, habet enim in aliis opusculis has sequentes voces. Abdicata vita, abjectus homo, acceptabilis oratio, actitare, ædificatus sum bono exemplo, æternaliter, affabulari, affectare rem, affectualis, allevio, amaresco, amicabile, ambrose, angustiori, anxari, approximare, Artista, attedio, avifare, barbarizo, basse, bassatio, beatificare, bleauveis, *id est caruleis*. Boni burgenfes, *id est cives*, candidare vestem, carnalitas, cauterium, choralis bonus, circumcursio, circumspetus, bonus claustralis, cogitatum, sum communicatus, compassivus, compatienter, condolor, *id est compassio*, confortabilis, conjecturare, consolativus, consuefactus, contentari, contrariare, convulnerari, cordetenus, cordialiter, cruciamina, curialitas, custoditor, defensatrix, deficiens, delectamenta, delectabiliter, desideranter, despectivo, despicabilis, deyo.



devotarius, dignantes, discantantes, domicella, dulcesco, dulcoro, duxer, erectivus, exemplaris, exemplificare, experientior, experimentaliter, exquisitio, extraneus, fantasticus, fervescit, fiducialiter, finaliter, flammigera, flebiliter, frequentare, frontosè, fruibilis, galedas, gaudenter, grandescit, gratanter, gratulanter, gravedo, gravitates, grossa, jactanter, ignesco, ignire, in-millions, immortalificatus, impetratrix, importabilis, incessabiliter, incessanter, inclusorium, incompassivus, inconfuse, indicibilis, indifficiliter, indisciplinatus, indurabilis, infrigidatus, inopinabilis, intumatus, intraneus, jocaliter, irredemptum, latanter, latificatus, larvalis, licentiarè, lucitare, lubricalis, mantello, melodizo, mortificat, mortigeratus, mortificatus, nihilipendo, notanter, sub obtentu, originata, pacificatus, parvissima, passionatus, patienter, pauperculus, paulatio, paulso, paxillum, perplexitas, persulto, pigrito, portabile, posttergo, præcautum, præconiso, præsentialiter, primordialis, probamentum, promptulus, proportionabilis, quietare, recidivare, refrigerare, regyro, regrior, repauso, reperio, secretarium, sensualitas, sentimentar, servitor, solariari, solatiofus, soloreus, sospitas, spatiamenta, sublevamentum, subventor, supportatio, superlumptus, tentamenta, theologicis, tediolus, tubalis, tutatio, vilifico, ultimatus, vividus, unicordes.

XXIV. Continet eandem doctrinam, quas Thomas Kemp. in aliis opusculis

fatur se accepisse à Gerardo M. & ejus discipulis. 1. L. 3. C. 4. & L. 1. C. 1. 2. 3. docet non esse multum disputandum de altis materiis. Quiesce à nimio sciendi desiderio, quia magna ibi invenitur distractio; multa sunt, quæ scire parum aut nihil prodest. Multa verba non satiant animam, sed bona conscientia habet ad Deum confidentiam, & C. 3. quid prodest cavillatio de occultis? & L. 3. 48. mortificatio plus proderit, quam notitia difficilium questionum. Plus proficitur relinquendo omnia quam studendo subtilia. Jam vero in vita Florentii sui Magistri Thomas Kemp. C. 2. 3. scribit: *De altis questionibus & subtilibus rebus omnino tacuit, sciens, quod parvam edificationem præstant, & in vita Arnoldi sui contubernalis n. 6. reliquit scholastica, non magno opere laboravit pro multa scientia habenda sed pro bona conscientia.* De Gerardo M. vide n. XVIII. 2. Inscribit librum 1. de contemptu omnium vanitatum mundi. In Vita Florentii Magistri docet se hoc ipsum ab eo didicisse. Ait enim C. 27. num. 4. *Longum est per singulos nominare devotos Patres, qui a tempore Gerardi Magistri cœperunt, & contemporanei D. Florentii fuerunt, qui nos vanitates sæculi contemnere, & humiliter ac continenter vivere docuerunt.* 3. Totus L. 2. & 3. agit de interna conversatione, v. g. L. 2. C. 1. regnum Dei intra vos est. Disce ad interiora te dare, veniet Christus, ostendens tibi consolationem, si ab intus paraveris dignam mansionem.

In vita verò Florentii Magistri sui C. 14. ait: *Interdum ex scripturis Sanctis aliqua devota notabilia ad consolationem*



*nem fratrum & exercitationem internorum compilavit.*

4. L. 1. C. 19. Docet, faciendum esse examen singulis diebus & renovanda proposita his verbis : semper aliquid certi proponendum est, contra illa præcipue, quæ nos magis impediunt exteriora & interiora nobis pariter scrutanda sunt, & ordinanda. Si non continuè te vales colligere, saltem colligas interdum, & ad minus semel in die, mane videlicet aut vespere, mane propone, vespere discute mores tuos, qualis eo die fuisti in verbo opere & cogitatione.

Idem docuit Florentius magister Thomæ Kemp. in Epistola ad quendam Regularem in Windesheim. Compara, inquit, diem præsentem semel in die dieci præteritæ, ut apprehendere possis quod proficis in virtutibus, aut deficis. Disce semel aut bis in die tibi præesse, & vitam tuam ordinare. Habeas speculum monachorum D. Bernardi, quem librum discas etiam exterius. Item, omnes actus præveni meditatione & hoc erit tibi leve, si scis libellum exterius. Item mane & post prandium statue ante oculos tuos tuas malas consuetudines, & vitia tua principaliora, &c. Hanc Epistolam annectit Thomas Kemp. vitæ Florentii Magistri sui. 5. L. 1. C. 19. Docet, ut laboremus pro communitate. & L. 3. C. 13. ait : nunquam sis otiosus, sed aut legens, aut scribens, aut aliquid utilitatis pro communi laborans; quæ communia non sunt, non sunt foras ostendenda. Cavendum, ne piger sis ad communia. Doctrina Florentii à Thomæ Kemp.

discipulo in vita ejus annotata habet : in labore communi sta in perpetua custodia. Semper debes niti querere communia, quidquid est pro communi bono, sollicitè custodire debemus. In omni opere suo studeat se communitati conformare, in legendo, cantando &c.

6. Commendat obedientiam & resignationem pro animi quiete. L. 3. C. 13. Qui non libenter se subdit superiori, signum est, quod caro sæpe remurmurat. Disce ergo superiori te submittere. Quia adhuc te diligis, ideo plene te resignare aliorum voluntati trepidas. & L. 1. C. 9. Non invenies quietem nisi in humili subjectione. Inter puncta notabilia Florentii Magistri sui Thomas Kemp. num. 5. recenset hoc : Quam bene est vobis stare sub obedientia; sæpe se debet homo resignare Deo & superiori, miror, quod qui est sub obedientia, non stat contentus. 7. L. 1. C. 17. dicit : Non potest diu stare pacificus, qui non nititur esse minimus & omnibus subiectus. Hoc didicit Thomas Kemp. exemplo Luberti sui confratris, de quo in ejus vita num. 10. & 20. ait : Lubertus humilis actione, humilis habitu solebat seipsum omnibus viliorum reputare, ut etiam parvo puero se subderet, & minimo Fratri in Domino ita libenter obediret, sicut D. Florentio. 8. L. 4. C. 10. docet communionem spiritualem, ad desiderium communicandi his verbis : cum præpeditus est habebit semper bonam intentionem communicandi, & sic non carebit fructu sacramenti. Potest enim



quilibet devotus omni die ad spiritualement  
Christi communionem accedere.

In propositis Gerardi Mag. num. 15.  
Idem recenset Thomas Kemp. Quan-  
do Pax datur, sis paratus, ac si capias  
Corpus Christi, & tunc leva deside-  
rium, & te præpara, ut si sacramen-  
tum corporaliter manducare non va-  
les, saltem spiritualiter manduces.  
Plurima alia doctrinæ capita in L. d. I.  
sunt desumpta ex doctrina horum pri-  
morum Patrum Windesheimensium.

XXV. Tandem devenio ad stylum  
& numeros scriptoris. In hoc genere  
novam mihi condidi regulam. Consi-  
deravi intra certum orationis ambi-  
tum, v. g. intra ambitum mille vocu-  
larum, omnes partes & proprietates  
orationis; consideravi, quot intra il-  
lum ambitum essent puncta. Si enim  
sunt multa puncta, erunt multæ pro-  
positiones quoad sensum completæ,  
paucæ vero periodi, & ideo stylus  
erit concisus. Numeravi intra eundem  
ambitum omnia epitheta; si enim pau-  
ca sunt epitheta, stilus non potest esse  
inflatus; numeravi etiam, quod in eo  
ambitu reperirentur adjectiva, quot  
propositiones incidentes, quæ replent  
periodos, quod propositiones causa-  
les, aut illativæ, quæ arguunt stylum  
scholasticum aut discursivum, quot  
substantiva, quot participia, quot  
conglobata verba, aut substantiva  
conglobata, quorum omnium mul-  
tudo ostendit copiam rerum & sen-  
sus, non verborum; redigi etiam nu-  
meros orationis ad certa quædam me-  
tra, cujus syllabas longas aut breves  
non desumo à prosodia, sed à iudicio

aurium; diversitatem metrorum desu-  
mo à syllabis initialibus & finalibus  
propositionum, & video in qua ad syl-  
labam initialem aut finalem distantia  
incidat dactylus; denique video, quale  
metrum prædominetur, ac sæpius re-  
currat in authore; omnibus confide-  
ratis, reperi in omnibus libri de Imita-  
tione cum aliis Thomæ Kemp. o-  
pusculis consensum. Sic in L. 1. sumpsi  
ambitum mille vocularum, incipiendo  
à verbis, *Qui sequitur me*. Usque ad  
verba: *scientia concordasset*, quæ re-  
periuntur C. 3. vidi intra hunc am-  
bitum reperiri substantiva 214. verba  
167. adjectiva sine possessivis sumpta  
75. puncta 74. participia 12. adver-  
bia 47. interrogationes 10. particu-  
las comparativas 23. conglobata ad-  
jectiva & adverbia 16. conglobata  
substantiva 14. conglobata verba 37.  
propositiones causales. 10. proposi-  
tiones modales, nullæ, parentheses  
nullæ. Propositiones incidentes nullæ.  
Particulæ copulativæ propositionum  
43. particulæ illativæ. 5. exclamatio-  
nes. 5. sumpsi similem vocularum  
mille ambitum ex præfatione Lactantii  
ad libros suarum Institutionum. Repe-  
ri intra illum ambitum, substantiva  
221. adjectiva 131. puncta 31. partici-  
pia 41. adverbia 53. propositiones in-  
cidentes 35. conglobata adjectiva vei  
adverbia, eaque triplicata, quadru-  
plicata, aut duplicata 20. congloba-  
ta substantiva 22. conglobata verba  
24. Ex hoc proin statim apparet ad o-  
culum duorum horum stylorum diver-  
sitas, econtra verò libri de Imitatione  
cum aliis Thomæ Kemp. opusculis,  
si



si latius deducatur, prædominans semper conformitas. Sed hæc paucis explicari non possunt. Scripsi dissertationem de authoribus ex stylo dignoscendis, adhuc ineditam, ubi ista latius deduxi.

Sufficienter itaque jam demonstratum est, tam ex conformitate Styli, quam ex documentis plus quam septuaginta Thomæ Kempensi coævorum tertium moraliter certum esse, hunc esse authorem l. d. l. Antiquius Manuscriptum proferri non potest, ut jam ex Concilio Eruditorum Mediolanensium 1726. habito certum est. Duo vel tria Manuscripta, quæ nomen Gersenis referunt, intelligunt Gersonem Cancellarium, ut pariter ostensum est; extitisse aliquando hominem, qui vocatus fuerit Joannes Gersen, & fuerit Abbas ad S. Stephanum Vercellis, & natus de Cana-

baco, circa initium sæculi 13. jam ex novissimis 1726. detectis documentis convincitur esse apertam fabulam, cum in tota Europa nec locus extet qui vocetur Canabacum, nec in Catalogo religionum Abbatæ ad S. Stephanum circa initium sæculi 13. ullus reperiatur Joannes. Maneat ergo Thomæ Kempensi, qui in vivis omnem humanam laudem respuit: hæc totius orbis consensu constabilita gloria, quod ex angulo cellæ orbi universo mundi contemnendi author & Magister evaserit. Precor autem virum illum sanctissimum, ut mihi pro his conatibus meis impetret à JESU suo dilectissimo, vanitates scientiarum inutilium contemnendi, & Deo atque Ecclesiæ purè serviendi gratiam.

### Bibliopola ad Lectorem,



Dverendum quod Liber III. de Imit. juxta P. Sommalii editionem (quæ passim ab omnibus editoribus observatur) novem & quinquaginta Capita non excedat, cum tamen Editio Nôrimbergenfis ejusdem Libri tertii de Imit. ad sexaginta quatuor Capita se extendat. Hanc autem in affigendis Capitulis disparitatem ex eo ortam fuisse comperum est quod Exim. Mag. Danhauserus, qui Anno 1494. illi antiquissimæ omnium Operum Kempensium Editioni Nôrimberg. præfuit, quinque Orationes seu preces à cæteris capitibus separaverit, quas singulas etiam speciali Capitulum numero & titulo insignivit ut ita Danhauseri Editio nostrâ & Sommalii Editione quinariorum Capitulum numero major sit.

Hinc




Hinc ne quis Authorem Vindiciarium, qui in citationibus suis ad Nôrimbergensem Editionem respexit, parum fideliter præfati Libri capita citasse, verum etiam Typographum errasse putet; dum quis in hac Editione, in qua P. Sommalii distributio observata fuit, assignatis ab Amortio locis verba seu Textus citatos non invenerit, hinc inquam præfatis quinque Orationibus Numeros Capitulorum, quos in utrâque Sommalii & Danhauseri Editione à se diversos obtinent, præfigere placuit, ut ita dubitantibus consultor forem.

Igitur prima Oratio Libri III. de Imit. juxta hanc & Sommalii Editionem Capiti 3. est annexa quæ in Editione Nôrimbergensi se solâ separatim Caput 4. constituit. Secunda Oratio, quæ cæteroquin more nostro pertineret ad Caput 15. est in Danhauseri Editione 17. Tertia Oratio, quæ Capiti 23. annumeranda foret, est apud Danhauserum 26. Insuper quarta Oratio quæ item cum tertia Oratione præcedentis præfati Capituli 23. appendix est, à Danhausero signatur Caput 27. Quinta denique Oratio qua Caput 27. finitur est Caput 32. Itaque juxta Nôrimbergensem aut Danhauseri Editionem Capita Libri tertii quinque numeris à prima scilicet Oratione usque ad quintam successivè crescunt, quos numeros si quis conformiter, pro ut Capita jacent & notata sunt de numero, quem Vindicie assignant proportionate subtraxerit quæsitâ inveniet & à scopo nequaquam in isthac Sommalii distributione aberrabit. Subtractio fiat sic: in citationibus ab oratione prima inclusivè [ quæ juxta Editionem Nôrimbergensem, quam Vindicie imitantur, est Caput 4. ] usque ad Orationem secundam exclusivè, quæ est Caput 17. si citetur aliquod Caput, subtrahatur unitas. Ab Oratione secunda quæ est Caput 17. usque ad Orationem tertiam exclusivè quæ est caput 26. subtrahatur numerus binarius. Ab Oratione tertia usque ad quartam quæ est Caput 27. subtrahendus ternarius, ab oratione quarta usque ad quintam quæ est Caput 32. subtrahendus quaternarius, à quinta Oratione usque ad finem subtrahendus quinquarius. Et Vindicie cum nostra distributione concordabunt.

*Emendatum, Canonicum*  
*Manus Regiæ*













Biblioteka Jagiellońska



stdr0029976







VEN. VIRI  
Thomae Malleoli  
&  
Incompis